



C. III. 13





RITUALE ROMANUM BENEDICTI PAPÆ XIV.

IUSSU EDITUM, ET AUCTUM
PERPETUIS COMMENTARIIS EXORNATUM,
ac in duos Tomos divisum,

*Quibus vetus, ac nova sacrorum rituum disciplina, Sanctorum Patrum,
ac insignium Ritualium testimoniis, Romanorum Pontificum, & Conciliorum
Decretis, Sacrarum S. R. E. Cardinalium Congregationum Responsis,
ac variarum Ecclesiarum praxi recensetur, atque explicatur.*

EIDEM SANCTISSIMO PATRI
DICATUM

AUCTORE JOSEPHO CATALANO PRESBYTERO
ORATORII S. HIERONYMI CHARITATIS

TOMUS I.



ROMÆ Typographia Josephi, & Philippî de Rubéis apud Pantheon. MDCCCLVII.
SUPERIORUM PERMISSO,

BENEDICTO XIV. PONTIFICI MAXIMO.

JOSEPH CATALANUS S. P.



Eliguum erat, BEATISSIME PATER, ut postquam editione Commentariorum in Romanum Pontificale, & in utrumque Cærimoniale, Episcoporum, ac Sanctæ Romanæ Ecclesiæ, nonnihil attuli, ni fallor, utilitatis Episcopis, aliisque gradu, & dignitate superioribus, Rituale Romanum novissime tuo jussu editum, auctumque illustrarem, ut nempe essem, qui etiam Parochis, cæterisque Sacerdotibus, qui ad Sacramenta rite administranda, aliasque functiones Ecclesiasticas peragendas, eo Libro utuntur, ut-

cumque prodessem ; ut ipsi scilicet potissimum
Parochi præ manibus haberent , quæ servare
ipsi , & quæ docere populum sibi subiectum te-
nentur , Sacramentorum , ac Sacramentalium ,
ut ajunt , virtutem , & ritus , eorumque ori-
ginem , ac rationem . Dolebam porro , non pau-
cos inveniri animarum Pastores , qui hæc igno-
rant , Fideles autem pene innumeros , quos &
sacri Ecclesiæ ritus , quibus ad rerum Divina-
rum meditationem excitentur , & , quod hor-
rendum est dictu , prima ipsa Christianæ Do-
ctrinæ , atque Religionis capita , sine quibus
placere Deo impossibile est , penitus latent .
Scio equidem , Hieronymum Barrufaldum , Vi-
rum cæteroque doctum Commentaria in Roma-
num Rituale edidisse , sed quum illa praxim
potius spectent , quam documenta , & myste-
ria , quæ in eo continentur , quæque digna
sunt , ut a Fidelibus sciantur , malui ego per
aliam viam incedere , ac illa præsertim expli-
care , quæ saluti animarum utilia essent . Ille
præterea Libris opportunis fortasse destitutus ,
omissa Patrum doctrina , & Sacrorum Cano-
num auctoritate , satis se fecisse putavit , si quæ
brevibus suis Commentariis scriberet , solis ut-
plurimum testimoniis Casuistarum firmaret .
Nequid vero ego in his novis Commentariis te-
mere dicerem , usus sum in iis concinnandis
auctoritate primum Concilii Tridentini , ejus-
que Catechismi , complurium Synodorum , ve-
te-

*terum æque , ac recentiorum Decretis , Summo-
 rum Romanorum Pontificum Oraculis , Sacra-
 rum Apostolicæ Sedis Congregationum Respon-
 sis , variarum Ecclesiarum Ritualium praxi ,
 atque insignium Theologorum assertis , præser-
 tim vero solida , probataque doctrina Theolo-
 gorum omnium Principis , Scholarum Angeli,
 Ecclesiæ Doctoris , S. Thomæ Aquinatis , cui
 Prædecessores tui Romani Pontifices perhono-
 rifica passim dederunt testimonia , & cui Tu
 potissimum , BEATISSIME PATER , in Libris per-
 multis , quos de variis argumentis scripsisti ,
 admirabundus semper , ac lubens adhæsis-
 ti , candide profitens , siquid boni in eisdem Li-
 bris reperitur , id minime Tibi , sed tanto Præ-
 ceptori totum esse adscribendum , quemadmo-
 dum modeste pariter , & ingenue testatus es in
 celebri Allocutione a Te habita in Comitibus Ge-
 neralibus Fratrum Ordinis Prædicatorum in
 Conventu S. Mariæ super Minervam celebra-
 tis v. Nonas Julii MDCCLVI. in quibus in-
 genti Urbis , Orbisque plausu electus fuit una-
 nimi Patrum consensu Vir generis nobilitate
 conspicuus , insignique prudentia , pietate , ac
 omnigena eruditione præditus , Fr. Joannes Tho-
 mas de Boxadors , cujus electionem , & præ-
 sentia Tua decorasti , & quammaxime com-
 mendasti . Sed ut de meo Opere loqui pergam ,
 ut illud novo robore communirem , multa in
 eo descripsi , quæ S. Carolus in Actis Eccle-*

sia Mediolanensis præscripsit , & quæ Tu in celeberrimo Opere , De Synodo Dioecesana , sapientissime docuisti , neglectis penitus Casuistis , qui plerumque suis laxis , inanibus , erroneisque opinionibus , Ecclesiæ doctrinam de Sacramentis , eorumque administratione , ac disciplinam de Christianorum moribus non parum læserunt . Caterum , quum Romanum Rituale , quod novis Commentariis in duos magnos Tomos divisis illustratum typis committitur , illud sit novissime tuo jussu editum , auctumque , Commentaria autem ipsa tuarum doctrinarum pondere , atque auctoritate corroborata , jure ac merito meum hoc Opus SANCTITATI TUE dedico , ut nova hac dedicatione magis magisque notum omnibus faciam filiale meum erga Te obsequium constans semper perpetuumque . Faxit Deus Optimus Maximus , ut Te , quem in diuturni morbi acerbitate , orante sine intermissione Ecclesia , non semel a mortis articulo eripuit , incolumem servet quamdiutissime . Te , inquam , Principem pacis , ac fundatorem quietis , quam captiosi homines perturbare perperam conati sunt . Te Pontificem pientissimum , doctissimumque , cujus vultus universam Urbem longæ Tuæ infirmitatis causa mæstam ex hilarat , & cujus tandem inclytum Nomen nunquam erit futuris sæculis ob Pontificatum fideliter administratum sine insigni elogio memorandum , commendandumque .

AU-

AUCTOR AD LECTOREM.

I. Am non opus est longo Proloquio, Lector benevole. Rituale, quod Euthologium Græci appellant, Liber quidem est, in quo ritus, ac ceremonie præferuntur ad Sacramenta rite administranda, ac cæteras functiones Ecclesiasticas rite a Sacerdotibus peragendas. Antiquus est in Ecclesia hic mos, ac primis Christi Sæculis usitatus, ut uno volumine ritus ipsi, sive ab Episcopis, sive ab aliis Sacerdotibus inferioribus adhibendi, comprehenderentur. Id plane constat ex Libris Apostolicarum Constitutionum, qui licet S. Clementi I. Pape abjudicentur, sunt tamen haud dubium antiquissimi Auctores, ut erudit omnes Scriptores fatentur. Variis nominibus appellatus est, nempe Liber Sacramentorum, sive Sacramentarium, quale est illud, quod quidam S. Leoni Pape Magno attribuant, itemque Gelasium, atque Gregorianum, quod Clarissimus Hugo Menardus Notis illustravit. Dicitur etiam Ordo, cujus mentio habetur Lib. VII. Capitulum Caroli Magni, Cap. CXLIII. & apud veteres Scriptores Ecclesiasticos, qui Librum ipsum etiam Ordinarium appellaverunt, quod in eo sacri ipsi ritus Catholicæ Ecclesiæ collecti ordinatique haberentur.

II. At vero minime illud hoc loco omitendum, singulas functiones Ecclesiasticas in Sacramentis, Sacramentalibusque administrandis fuisse aliquando suis peculiaribus Libris inclasas. Sicque exempli gratia Liber, in quo ritus Baptismi, & Orationes describantur, vel certe Ordo ad baptizandum, dictus fuit *Baptisterium*, ut pluribus sub ipso verbo docet Dufresne in suo medio, & infimæ Latinitatis Glossario. Ita pariter, ut aliam titulum, *Pœnitentiale*, & *Processionale*, dici & olim consueverunt Libri, in quibus ritus, ac preces, orationesque ad rite Pœnitentie Sacramentum administrandum, & Ecclesiasticas Processiones abundas juxta prescriptum cujusque Ecclesiæ, statuuntur, uti videre est apud eundem Dufresne, & apud varios rerum ritualium Scriptores. Porro fuisse antiquum morem, ut singulæ Ecclesiasticæ functiones singulis Libris conscriberentur, exemplum habemus in S. Gelasio Papa; testatur enim Joannes Diaconus in Vita S. Gregorii Magni, Pontificem hanc operam suam impendisse Libris Officiorum a Gelasio compositis, cosque in unicum volumen contraxisse, quod *Librum Sacramentorum* inscripsit.

III. Facta deinde distinctione inter ritus, qui ab Episcopo, & ritus, qui a cæteris inferioribus Sacerdotibus administrantur, primi quidem in Libro, dicto Pontificali, alii vero in Libro, Sacerdotali appellato, seu Rituali prescripti fuere. Atque hic est Liber, quem nos in præsentem in duos Tomos divisum enarramus, postquam scilicet non ita pridem præfatum Librum Pontificalem in tres Tomos distributum omnium primi perpetuis Commentariis illustravimus, ut scilicet, quemadmodum istius editione nonnihil utilitatis Episcopis ad Pontificales functiones peragendas, ni fallimur, attulimus, ita Ritualis editione Commentariis pariter illustrati Parochis, aliisque Sacerdotibus auxilium ali-

quod præstaremus ad suas Sacerdotalis functiones recte exhibendas, ac ut easdem, dum illas agunt, populo exponant, uti mandant passim, non modo Provinciales, Diocesaneque Synodi, sed & ipsa Oecumenica, & Generalis Synodus Tridentina, cui parere omnes tenentur.

IV. Quemadmodum autem Ecclesia Romana cæteras omnes ordine, nobilitate, dignitate, loco, ac plenitudine potestatis antecellit, ut omnes Patres fateantur; ita & ejus Rituale principem locum inter cætera aliarum omnium Ecclesiarum Ritualia obtinet; habet enim Auctorem Romanum Pontificem Maximum, de cujus supra cæteros Episcopos potestate non est hic differendi locus, tum vero potissimum, quod res hæc nota omnibus sit, atque perspecta, si protestantes hæreticos excipias, schismaticosque, quos solide, abundeque confutavit inter alios Venerabilis Dei Servus S. R. E. Cardinalis Belarminus in Libris, de *Romano Pontifice*. Prædictæ doctrinæ inhærens Vigilans Papa Romanæ Ecclesiæ in Officio Missæ celebrando rationem ad Prosuturum Episcopum Bracharensem misit, ut in tota illius Provincia recitaretur, idque in Concilio Bracharensi II. anno DLXIII. habito receptum est, ubi Canone IV. decretum fuit, ut eodem ordine Missæ celebrarentur ab omnibus, quem Prosuturus quondam hujus Metropolitanæ Ecclesiæ Episcopus ab ipsa Apostolica Sedis auctoritate suscepit scriptum.

V. Præterea cum S. Gregorius Magnus in Angliam S. Augustinum misisset, Romanos & ibros eo perferri curavit, Romanique Officii ritus ita illic constitutos fuit, ut cum nonnulli deinde ritus quosdam singulares inducere voluissent, restiterit illorum conatibus Concilium Cloveshovienæ habitum anno DCCXLVII. ubi Can. XIII. definit, ut uno eodemque modo Dominici dispensationis in carne sanctissime Festivitates, in omnibus ad eas rite competitiones rebus, idest, in Baptismi Officio, in Missarum celebratione, in cantilena modo celebrantur, juxta exemplar videlicet, quod scriptum de Romana habemus Ecclesia. Et mox; Itemque, ut per pyrum totius anni Natalitia Sanctorum uno eodemque die, juxta Martyrologium ejusdem Romanæ Ecclesiæ cum sua sibi convenienti Psalmodia, seu cantilena venerentur. Ex hoc autem Canone colligere licet, extitisse tunc Rituale, Missale, Antiphonarium, Martyrologiumque Romanæ Ecclesiæ, quæ ab omnibus Ecclesiis servanda erant. Atque huic disciplinæ adhæsit Carolus Magnus, qui in Capitalis de diversis rebus anno Christi DCCLXXXIX. habitis, Cap. VII. statuit, ut audiant Episcopi Baptisterium Presbyterorum, ut secundum Romanum morem baptizarent. Baptisterium hic, ut supra notavi, Librum significat, vel certe Ordinem ad baptizandum.

VI. Sicuti ritus administrandi Baptismum, ita & Pœnitentie administrandæ ritus, mandant Capitularia Regum Francorum, ut a Rituali Romanæ Ecclesiæ accipiantur; sic enim in his lego Lib. VII. Cap. LXXIII. *Omnes publice Pœnitentes quinta Feria ante Pascha, quæ est Cæna Domini, ad Civitatem in ciuere, & ecclesie in presentiam Episcopi prostrato vultu conveniant, & ibi ab Episcopo Canonice, & ordinabiliter, fiant*

sicut in Sacramentario, & in Romano Ordine continetur, reconciliatur, atque disjunctur &c. Libri Sacramentorum, Sacramentaria appellati, & Ordines Romani, antiqui plane sunt in Ecclesia Romana, quorum plures recensuit, descripsitque Mabillonius Tomo II. Musci Italici, ex ipsaque Romana ecclesia veluti omnium Matre, ac Magistra ceterarum Ecclesiarum Latine ritus accipere studebant, quod scirent illud Sancti Augustini in Epistola cxxxi. in ea scilicet semper viguisse Apostolicam Cathedralis Principatum, illudque S. Irenaei Lib. II. adversus haereses, Cap. I. ad eam Ecclesiam propter principatum necesse esse omnem convenire Ecclesiam, hoc est, eos, qui sunt undique Fideles, in qua semper ab his, qui sunt undique, conservata est ea, quae ab Apostolis est traditio; ac illud demum, quod docet Tertullianus in suis Praescriptionibus, Ecclesiam nempe Romanam totam doctrinam sanctissimos Apostolos cum sanguine suo profudisse.

VII. Mirum itaque videri debet, quod postquam diu Gallicana Ecclesia, uti superius ostensum est, Rituali Romano adhaerens, saeculo elapso, teste Altaferra Lib. II. *De Jurisdictione Ecclesiastica*, Cap. XXI. in Foro agitatum fuerit, an Episcopo liceret, non dicam novos ritus instituire, sed Rituale primum, seu Breviarium Romanum admittere, non expectato consensu Metropolitanis, & Principis; & in Causa Andegavensis Episcopi solenni Parisiensis Senatus Decreto pronuntiatum in absentem, & indiscensum, abusus teneri Episcopum, qui propria auctoritate Rituale, Breviariumque Romanum admisisset. Quod quidem valde placuit Feuretio, qui Lib. III. *De abusu*, Cap. II. t. num. 2. hac in re desiderari auctoritatem Metropolitanis contendit hoc argumento, quo in ritu psallendi Divina Officia Suffraganeae Ecclesiae debent sequi consuetudinem Metropolitanam, ex Canone, *De his, Can. Placuit*, Distinctione XII. Can. *Altaria*, De consecratione, Distinctione I. Can. *Institutio*, ibidem, Distinctione II. Ex quo colligit, in sacris ritibus quicumque institui, vel novari, non licere absque consensu Metropolitanis.

VIII. At vero, ut recte cum laudatus Altaferra consultat loco citato, nihil vetant hi Canonicae a Feuretio obiecti, quo minus Episcopus suo jure possit, & debeat admittere ritus, & consuetudines Ecclesiae Romanae, haud quiescente consensu Metropolitanis. Quod enim dicitur, sequebantur esse consuetudinem Ecclesiae Metropolitanam, ita intelligendum est, ubi Ecclesiam Suffraganeam non habent propriam consuetudinem, nec tollit Episcopo libertatem sequendi consuetudines Ecclesiae Romanae. Romana quippe Ecclesia est Mater omnium Ecclesiarum, a cujus regulis nullatenus licet deviare, Can. *Non dect*, Can. *Praecepta*, Distinctione XI. Nec consuetudines Ecclesiae Metropolitanae sequendae, si forte repugnent moribus Ecclesiae Romanae. Et ita Innocentius Papa III. in Capite, *Tuas dandum*, *De sponsa dorum*, descripsit Mutinensi Episcopo, Ecclesiam Mutinensem humiliter tenere, & servare debere, quod B. Petri Sedem, & suam Metropolitanam sequi viderit, & docere, in contrahendis Matrimoniiis, ne turpius sit pars, quae suo non congruit universo. Aliarum Ecclesiarum consuetudines non designatus est Sanctus Ambrosius Mediolanensem Episcopus, sed

maxime Romanam Ecclesiam consuetudines coluit, ut ipse testatur Lib. III. *De Sacramentis*, Capite I. sic inquit: *In omnibus cupio sequi Ecclesiam Romanam*. Atque hic fuit antiquus Sancti Episcoporum mos, inter quos S. Malachias, ut testatur in ejus Vita S. Bernardus, consuetudines Romanae Ecclesiae in universa Hibernia instituit: *Apostolicas Sanctiones, ac Decretis Sanctorum Patrum, praecipueque consuetudines Sanctae Romanae Ecclesiae in cunctis Ecclesiis statuebat*.

IX. Sed quid, an fas erit Episcopis, Divinis in Officiis Romanae Ecclesiae ritum admittere inconsulto Principe? Dicam primum, quod alias memoratus Altaferra notavit, Ecclesiam minime impugnare potestatem Principis, quam perpetuis votis, & precibus defendit. At salva majestate Principis, dico deinde, non esse facile perperam Episcopis in his, quae sunt sui muneris, & officii, Principis nomen ad invidiam obijciendum, ne Magistratus scilicet detur occasio Sacra Pontificum munia conturbandi. Vetus est, ac iusta de hac re Ecclesiae querimonia adversus Principum assentatores, qui ad concilandam Ecclesiasticam jurisdictionem, nomen Principum dolo malo solent obijcere. Id quod summopere doluit S. Ambrosius, *De Basilicis in Auxentium*, ubi sic inter alia scribit: *Semper de Caesare serventis Dei invidia commovetur, & hoc ad calumniam sibi aeregit impietas, ut Imperiale nomen obtendat*. Hoc fuit semper schismaticorum, seditionumque, haereticorumque artificium, ut vetera, recentiaque exempla nos docent, quae passim in Ecclesiastica historia occurrunt.

X. Sed optandum plane esset, ut qui Ecclesiae praesident, omnem operam suam impenderent pro tuenda Fidei, morumque doctrina, quam pro caeremoniis exterioris obsequii, quod a Toparchis, Magistratibusque locorum praetendant, cum quibus lites solent habere perpetuas, non sine ingenti animarum, & Ecclesiasticae Jurisdictionis detrimento. Scio equidem, ac veneror, quod statuit in Concilio Romano Benedictus Papa XIII. Tit. xvi. Cap. II. ut nempe Episcopi cum Regum Ministris, aliisque consimilibus Dynastis ita se gerant, ut omnino in Episcopis, & earum subscriptione formalis nunquam intantur inferioribus, atque in mutuis visitationibus, omnique alio humanitatis commercio, sive intra, sive extra Ecclesiam, cum omnibus, uti Patres, & Pastores se habeant, & supra omnes veluti superiores locum sibi servant digniorem. Verum probari nunquam potest quorundam insolentia, qui non contenti obsequiis in caeremoniali praescriptis, & longa consuetudine ritae, & cum pace servatis, alios honores affectant, ac illos sere, qui Romano Pontifici Maximo, Episcoporum Episcopo, ac Regum omnium Principi esse perverto Ecclesiae usu exhiberi solent, ac debent.

XI. His obiter dictis, tametsi magna sit Romani Ritualis auctoritas, non ita tamen ei Ecclesiae sunt alligatae, ut non possint suis Ritualibus uti, modo ritus laudabiles sint, ac probati, nihilque contineant, quod Christianae doctrinae, bonique moribus adversetur. Ita plane statuit Concilium ipsum Tridentinum, tum aliis locis, tum vero Sessione xxiv. *De reformatione Matrimonii*, Cap. I. in fine, ex eoque Rituale Ro-

manum Tit. vii. Cap. iii. §. v. ubi post præscriptos ritus in celebratione Matrimonii servandos hæc habet: *Siquæ Provincia aliis ultra prædictis laudabilibus consuetudinibus, & caeremoniis in celebrando Matrimonii Sacramento utantur, eas Sancta Tridentina Synodus optat retineri.* Quod quidem sapientissime constitutum fuit; narrat enim S. Augustinus in Epistola sua cxviii. dubitant tibi de variis Ecclesiarum observationibus dixisse S. Ambrosium Episcopum Mediolanensem: *Ad quam forte Ecclesiam veneris, ejus morem serva, si cuiquam non vis esse scandalo, nec quemquam tibi.* Cui adde, quod idem S. Doctor, Episcopusque Augustinus scribit in Epistola lxxxvi. *In his rebus, inquit, de quibus nihil certi statuit Divina Scriptura, nisi populi Dei, vel instituta Majorum pro Lege tenenda sunt; de quibus si disputare voluerimus, & ex aliorum consuetudine alios improbare, orietur interminata litiatio.* Vide plura in hac rem apud eruditissimum Joannem Cardinalem Bonam Lib. i. *Rerum Liturgicarum*, Cap. vi. num. 1. ubi inter alia assert celebre hoc Tertulliani testimonium, quod legitur initio Libri, *De velandis Virginibus*, ubi sic habet: *Regula Fidei una omnia est, sola immobilitas, & irreformabilis.* Cetera jam disciplina, & conversationis admittunt novitatem.

XII. Quæ caufæ fuerint tante rituum varietatis in tanta Fidei unitate, idem laudatus Auctor notavit loco citato, num. II. vel quia scilicet dispares diversarum Nationum mores, & ingenia sunt, quæ diversos ritus, & caeremonias, ut in rebus politicis, ita etiam in Ecclesiasticis exigunt; vel quia nullo extante de his Christi, vel Apostolorum præcepto, libera facultas Episcopis relicta est id sentiendi, & decernendi, quod unicuique, salva Fide, magis expedire visum fuit; vel quia fervente in Christianos persecutione, cæcus Episcoporum in unum cogi non potuit, in quo communibus suffragiis communis forma Sacrificii celebrandi, ac cæterarum Ecclesiasticarum functionum peragendarum ab omnibus custodienda stabiliretur. Id plane pluribus probat testimonius argumentisque doctissimi rerum Liturgicarum Scriptores, qui apud eundem videri possunt non sine ingenti lectoris factorum rituum studiosi utilitate.

XIII. Neque vero utilis modo, sed necessaria est Sacerdoti, Sacramentorum, Sacramentaliumve administratori scientia. Externus enim Dei cultus magnopere confert ad Divini Numinis interiorem religionem retinendam, atque exaugendam: *Teiræ Magistri nostri*, ait Sanctus Joannes Chrysostomus Homilia i. in Mattheum, hoc est, Apostoli, *Ecclesiarum institutores asque ad humilia, & minuta præcepta deduxerunt diligentiam disciplinam.* Et vero si Veteris Legis umbratiles caeremonias Hebræo populo Deus tam diligenter innoxit, ut de his scriptum sit Deuteronomii Cap. v. *Audi Israel caeremonias atque iudicia, quæ ego loquor in auribus vestris hodie; disceite ea, & opere complere;* quanto majori cum ratione de Novi Testamenti ritibus S. Paulus in Epistola i. ad Corinthios, Cap. xiv. dixisse putandus est: *Omnia honeste, & secundum ordinem fiant in vobis?* Nam hæc verba de caeremoniis, quæ in Ecclesia obeuntur, intelligi debere, observant Chrysostomus, alique Patres. Certe præfatos Fideles, uti

observat doctissimus Caracciolus Clericus Regularis in Notis ad Constitutiones sui Ordinis; Parte i. Cap. II. num. 1. Divio cultus caeremoniis sedulo studuisse, vel ex eo patet, quod consueverint eligere certum quempiam virum Præfectum sacris Ritibus, videlicet monitorem veteris disciplinæ; quod probat testimonio S. Doctroei Abbatis, *Sermone xi.* & exemplo Sacerdotis Nepotiani, quem laudat in ejus Epitaphio S. Hieronymus, *quod cerneretur ejus in omnes caeremonias sollicitudo disposita.*

XIV. Veteri Ecclesie disciplinæ inherentes Synodi Provinciales æque ac Diocesane studium Sacrorum Rituum districte sacris hominibus præceperunt, præsertim vero Provinciales xiii. Beneventana anni MDCLVI. Tit. xviii. num. 2. ubi statuit, ut *Congregationem pro caeremoniis, & ritibus Missæ erigant Episcopi, in qua bis in mense diligenter de cænsibus ad Missam, & cætera Divina Officia spectantibus ediscantur, & ad rationem, & asum receptum a Sancta Romana Ecclesia cænsa examinentur, & receptæ caeremonie probentur.* Similia his mandant permulte aliæ Synodi, inter quas novissima Lateranensis habita anno Jubilæi mcccxxv. sub Benedicto Papa XIII. Tit. xv. Cap. ix. quod non sine gravi cordis sui dolore didicerit, plures esse Ecclesiarum etiam non ignobilium, Sacrorumque Altarium Ministros, qui parum illius attendentes majestatem, & dignitatem, ad ejus intimum sunt famulatum additi, in Choro, in Altari, & in reliquis Officiis Ecclesiasticis ita minus apte se habent, ut in plurimorum scandalum, & exemplum perniciosum id cedere dignoscatur; *Rubricæ namque scripturarum ignorantur, & sacra Cæremonia ipsi videntur hinc statim mandat, ut opera pretium ducant Episcopi, omnemque curam, ac diligentiam adhibere non desistant, quosque Congregationes, tam in Civitatibus, tam in Diocesium, per omnes de Clero sacris initiatos, Canonicos, Parochos, & Confessarios (Regulares etiam, dummodo morales in eorum Conventibus lectiones non habeantur, alias in audiendis Confessionibus suspendendos) semel in unaquaque hebdomada, certoque designando die, & sub certa pena pecuniaria contra contumaces, habeantur, in quibus alternatim, & Rituum, & conscientia casus proponantur, discutiantur, & prætiæ exercentur, metodo servata, Synodali quoque legatur in Appendice.*

XV. Jam non modo praxis caeremoniarum, ac minutissima quæque in Ecclesiasticis ritibus, a Missali, ac Rituali Romano statutis, a sacris hominibus sunt observanda, sed omnino eorum vis, ac mysteria, quæ in eisdem continentur, sunt addiscenda, ad suam ipsorum, cæterorumque Christianorum spiritualem utilitatem. Eam enim præsertim ob causam Sacrorum Rituum studium Sacerdotibus inculcatur, ad quod nos nostrum hoc Opus direximus; neglectis penitus eorum consiliis, qui a nobis ita volebant Rituale explicandum, ut ad lites potius in Foro discutendas, quam ad ritus, quibus ad Divinarum rerum contemplationem excitantur, in Altari, & Ecclesia exponendos, usus esset. Atque hæc sunt, de quibus te, lector benevole, monitum volui. Paxit Deus, ut quod in votis habui, dum Romanum hoc Rituale illustrarem, Catholicæ Ecclesie, ejusque Ministros, ac

ceterorum Christianissimum bono cedat. Alia de ipso Rituali Romano differere supervacuum censui; operæ porro pretium duxi initio hujus nostri Operis Apostolicas Pauli Papæ V. Literas describere, quibus ipse Pontifex Romanum Ritale probavit, & quas eidem jussu suo ito-

rum edito, auctorque BENEDICTUS Papa XIV. feliciter regnans inseruit. Quænam enim fuerit Ritualis hujus Romani origo, & quanta sit ejusdem auctoritas, dignitas, atque præstantia, ex eisdem Apostolicis Pauli Papæ V. Literis addiscere licet, quæ sunt hujusmodi.

PAULUS PAPA V.

Ad futuram rei memoriam.

Apostolicæ Sedi per abundantiam divinæ gratiæ, nullis suffragantibus meritis, præpositi, nostræ sollicitudinis esse intelligimus, super universam Domum Dei ita invigilando intendere, ut opportunis in dies magis rationibus provideatur, quo, sicut admonet Apostolus, omnia in ea honeste, & secundum ordinem fiant; præcipue vero quæ pertinent ad Ecclesiæ Dei Sacramentorum administrationem; in qua religiose observari Apostolicis traditionibus, & Sanctorum Patrum Decretis constitutos Ritus, & Cæremonias, pro nostri officii debito curare omnino tenemur. Quamobrem felicitis recordationis Pius Papa Quirius Prædecessor noster, hujus nostri, tunc sui, officii memor, ad restituendam sacrorum Rituum observationem in sacrosancto Missæ Sacrificio, Divinoque Officio; & simul, ut Catholica Ecclesia in Fidei unitate, ac sub uno visibili Capite Beati Petri Successore Romano Pontifice congregata, unum psallendi, & orandi ordinem, quantum cum Domino poterat, teneret; Breviarium primum, & deinde Missale Romanum, multo studio, & diligentia elaborata, pastorali providentia edenda censuit. Cujus vestigia eodem sapientiæ spiritu secutus similis memoriæ Clemens Papa Octavus, etiam Prædecessor noster, non solum Episcopis, & inferioribus Ecclesiæ Prælatibus accurate restitutum Pontificale dedit, sed etiam complures alias in Cathedralibus, & inferioribus Ecclesiis Cæremonias promulgato Cæremoniali ordinavit. His ita constitutis, restabat, ut uno etiam volumine comprehensi sacri, & sinceri Ecclesiæ Catholice Ritus, qui in Sacramentorum administratione, aliisque Ecclesiasticis functionibus servari debent, ab iis, qui curam animarum gerunt, Apostolicæ Sedis auctoritate prodirent; ad cujus voluminis præscriptum, in tanta Ritualium multitudine, illi illi ministeria, tamquam ad publicam, & obsequatam normam perararent; unoque, ac fidei ductu inoffenso pede ambulare cum consensu. Quod sane jam pridem agitatum negotium, posteaquam generalium Conciliorum Græce, Latineque divina gratia editorum opus morari desivit, sollicite urgere nostri muneris esse existimavimus. Ut autem recte, & ordine, ut par erat, res ageretur, nonnullis ex Venerabilibus Fratribus nostris Sanctæ Romanæ Ecclesiæ Cardinalibus, pietate, doctrina, & prudentia præstantibus eam demandavimus; qui cum consilio eruditorum Virorum, varisque præsertim antiquis, & quæ circumferuntur, Ritualibus consultis, eoque in primis, quod Vir singulari pietatis zelo, & doctrina bonæ memoriæ Julius Antonius Sanctæ Romanæ Ecclesiæ Cardinalis Sanctæ Severinæ nuncupatus, longo studio, multaque industria, & labore plenissimum composuerat, rebusque omnibus mature consideratis, eam Divina adspirante clementia, quanta oportuit brevitate, Ritale consecravit. In quo cum receptos, & approbatos Catholice Ecclesiæ Ritus suo ordine digestos conspexerimus, illud sub nomine Ritualis Romani merito edendum publico Ecclesiæ Dei bono judicavimus. Quapropter hortamur in Domino Venerabiles Fratres Patriarchas, Archiepiscopos, Episcopos, & dilectos filios eorum Vicarios, necnon Abbates, Parochos universos, ubique locorum existentes, & alios, ad quos spectat, ut in posterum, tamquam Ecclesiæ Romanæ filii, ejusdem Ecclesiæ omnium Matris, & Migistræ auctoritate constituto Rituali in sacris functionibus utantur; & in re tanti momenti, quæ Catholica Ecclesia, & ab ea probatus usus antiquitatis statuit, inviolate observent.

Datum Romæ apud Sanctam Mariam Majorem sub Annulo Piscatoris die xvi. Junii M. DC. XIV. Pontificatus nostri anno decimo.

*Fili hominis pone cor tuum, & vide oculis tuis, & auribus tuis audi omnia,
quæ ego loquor ad te de universis Cæremoniis Domus Domini,
& de cunctis Legibus tuis.
Ezechielis Cap. xlv.*

INDEX TITULORUM ET CAPITUM

Qui in hoc Tomo primo Romani Ritualis continentur.

TITULUS I.

CAP. UNIC. **D**E *illis, quæ in Sacramentorum administratione generaliter servanda sunt.* pag. 1.

TITULUS II.

- CAP. I. De Sacramento Baptismi rite administrando. 23.
 II. Ordo Baptismi parvulorum. 85.
 III. De Baptismo adultorum. 126.
 IV. Ordo Baptismi adultorum. 141.
 V. Ordo supplendi omiffa super baptizatum. 173.
 VI. Ritus servandus, cum Episcopus baptizat. 175.
 VII. Benedictio Fontis Baptismi extra Sabbatum Sanctum Paschæ, & Pentecostes, cum aqua consecrata non habetur. 178.

TITULUS III.

- CAP. I. De Sacramento Penitentia. 183.
 II. Absolutionis forma. 224.
 III. De absolutione ab Excommunicatione in foro exteriori. 232.
 IV. Ritus absolvendi excommunicatum jam mortuum. 236.
 V. De modo absolvendi a Suspensione, vel ab Interdicto, extra, vel intra Sacramentalem Confessionem; & dispensandi super Irregularitate. 239.

TITULUS IV.

- CAP. I. De sanctissimo Eucharistiæ Sacramento. 242.
 II. Ordo ministrandi sacram Communionem. 258.
 III. De Communione Paschali. 272.
 IV. De Communione infirmorum. 278.

TITULUS V.

- CAP. I. De Sacramento Extremæ-Unionis. 300.
 II. Ordo ministrandi Sacramentum Extremæ-Unionis. 323.
 III. Septem Psalmi Penitentiales, cum Litanis pro infirmis, dum sacro liniantur Oleo, seu pro alia necessitate, dicuntur fixis genibus. 340.
 IV. De visitatione, & cura infirmorum. 342.
 V. Modus juvandi morientes. 357.
 VI. Modus pro opportunitate temporis ad impetrandam Benedictionem in articulo mortis constituti ab his, qui facultatem habent a Sede Apostolica delegatam. 363.
 VII. Ordo commendationis Animæ. 369.
 VIII. In expiratione. 377.

TITULUS VI.

- CAP. I. De Exequiis. 383.
 II. Quibus non liceat dare Ecclesiasticam sepulturam. 397.
 III. Exequiarum ordo. 402.
 IV. Officium Defunctorum. 416.
 V. De Officio faciendo in Exequiis, absente corpore defuncti, & in III. VII. & anniversario. 421.
 VI. De Exequiis parvulorum. 422.
 VII. Ordo sepeliendi parvulos. 423.

TITULUS VII.

- CAP. I. De Sacramento Matrimonii. 427.
 II. Ritus celebrandi Matrimonii Sacramentum. 444.
 III. De Benedictione mulieris post partum. 453.



DE IIS, QUÆ IN SACRAMENTORUM ADMINISTRATIONE GENERALITER SERVANDA SUNT..

TITULUS I.

CAPUT UNICUM.



*S*acramenti nomine Auctores profani obligationem illam significari voluerunt, cum jurati alicui servitutis vinculo obstringimur, ex quo iuramentum, quo se milites fidelem operam Reipublice præstituros pollicentur, sacramentum militare dictum est, ipsique milites vocabantur sacramentarii, tamen deinde ad omne iuramentum extensa sit ejusdem vocabuli significatio etiam usque sacrorum Canonum; ut patet ex Decreto Gratiani in Canone, *Qui sacramentum*, Causa xxiii. Questione iv. Verum apud Latinos Patres, ut scite docet Catechismus Concilii Tridentini, Parte II. ubi agit de Sacramentis, Sacramenti nomen aliquam rem sacram, quæ in occulto latet, declarat, quemadmodum Græci ad eandem rem significandam, *Mysterii* vocabulo uti sunt. In eandem vero sententiam sacramenti vocem accipiendam esse intelligimus, ubi in Epistola ad Ephesios Cap. i. scribit Apostolus: *Ut notum faceret nobis sacramentum voluntatis suæ*; & in Epistola i. ad Timotheum, Cap. iii. *Magnum est pietatis sacramentum*; & ubi S. Joannes in Apocalypsi Cap. i. inquit: *Sacramentum septem stellarum*. Quibus locis, ut notat Estius in Libri iv. Sententiarum Distinctionem i. §. i. pro sacramento, quod noster Interpres reddidit, Græce perpetuo *μυστήριον* legitur. Sic Patres sanctiora Religionis nostræ capita sacramenta vocaverunt, ut Trinitatis Sacramentum, quod nos

uistatius *mysterium* dicimus; & S. Ambrosius Librum inscripsit, *De Incarnationis Dominica sacramento*, in quo de Christo differens, ejusque natura utraque, Divina & humana, propositas ab hæreticis, præsertim ab Arianis difficultates resolvit. Cæterum extendi eam vocem ad arcana non sacra, quibus tamen veneratio debetur, patet ex Libro Tobie, Cap. xii. ubi ait: *Sacramentum Regis abscondere bonum est*.

II. Altera hujus nominis significatio est, quæ accipitur pro signo rei sacræ, in qua quidem significatione vox Græca *σημεῖον* reperitur apud Dionysium in Libro, *De Ecclesiastica Hierarchia*, Cap. i. ubi *Mysteria*, idest Sacramenta Religionis nostræ vocat signa sensibus objecta, quæ sunt intelligibilia imagines, ut quibus confectis, ad rerum invisibilium adducamus cognitionem. Dionysium ea parte sequuti sunt Græci posteriores. Inter Latinos autem vetustissimus Tertullianus Lib. i. *Contra Marcionem*, & Laetantius Lib. iii. *Divinarum Institutionum*, Cap. xxvi. & Lib. iv. Cap. xxiii. Sacramenti vocabulum hoc pacto usurparunt; sed longe frequentius posteriores Patres, Ambrosius, Hieronymus, Augustinus, qui quæ eos deinde scripsi sequi. Unde Augustinus in Epistola cxxxiii. ad Marcellinum juxta editionem Patrum Benedictinorum, *Signa*, inquit, *cum ad res Divinas pertinent, Sacramenta appellantur*. Et in Epistola xcvi. ad Bonifacium juxta prædictam editionem, *Si Sacramenta*, ait, *quandam similitudinem earum rerum, quarum Sacramenta sunt, non haberent, omnino Sacramenta non essent*. Itemque Lib. x. *De Civitate Dei*, Cap. v. *Sacris*, inquit, *visibile invisibilis Sacrificii Sacramentum*, idest sacrum signum est. Hoc igitur modo acceptum Sacramenti nomen completi.

Estur omnia Veteris, ac Novæ Legis signa, & cæremonias, comprehensis etiam Sacrificiis.

III. Porro in Nova Lege peculiariter, ac proprie Sacramenta vocantur ea signa, quæ sic imaginem gerunt invisibilis gratiæ, ut ejus etiam ex institutione Christi causa existant. Merito autem hæc præ cæteris rerum sacrarum signis Sacramenti nomen possident, quæ rem sacram, abditam, atque occultam non solum significant, sed etiam continent, atque efficiunt. Definitur autem Sacramentum proprie dictum, prout a Patribus, & Theologis communiter accipitur in Canone xxxii. de Consecratione, sub nomine Augustini his verbis: *Invisibilis gratiæ visibilis forma*. Verum uti innuunt Correctores Romani ad citatum Canonem, hæc definitio apud Augustinum iis verbis expressa minime reperitur, sed in Libro, *De catechizandis rudibus*, Cap. xxv. hæc leguntur: *De Sacramento sane, quod accipit, cum ei bene commendatum fuerit, signacula quidem rerum divinarum esse visibilia, sed res*

ipsas invisibiles in eis honorari. In Epistola autem clxvi. hæc: *Si autem malus est, operatur per illum Deus visibilem Sacramenti formam, ipse autem donat invisibilem gratiam*. Hæc Augustinus. Ex quibus locis, inquit laudati Romani Correctores, videtur colligi enigmata ista Sacramenti definitio. Hodie a Theologis, passim Tridentini Generalis Concilii Catechismus sequentis traditur hæc definitio Sacramenti: *Invisibilis gratiæ visibile signum ad nostram justificationem institutum*.

IV. Definitionis istius expositionem late post citatum Catechismum prosequuntur passim Theologi, qui de Sacramentis scripserunt. Videri enim illi possunt, cum non tantum nobis sit otii, ut possimus ad hujus Tituli i. ornatum, Sacramentorum, ut ajunt, in genere tractatum agere, supervacaneique esset laboris, & ad nostrum institutum minime pertinentis, in hac re jam fusoque ab innumeris fere Scriptoris explicata diutius immorari.

§. I.

Ut ea, quæ ex antiquis Catholicæ Ecclesiæ institutis, & Sanctorum Canonum, Summorumque Pontificum Decretis, de Sacramentorum ritibus, ac cæremoniis hoc Libro præscribuntur, quæ par est diligentia, ac religione custodiantur, & ubique fideliter observentur, illud ante omnia scire, & observare convenit, quod Sacrosancta Tridentina Synodus Sessione vii. Can. xiii. de iis ritibus decrevit in hæc verba.

§. II.

Siquis dixerit, receptos, & approbatos Ecclesiæ Catholicæ ritus, in solemnibus Sacramentorum administratione adhiberi consuetos, aut contemni, aut sine peccato a Ministris pro libito omitti, aut in novos alios per quemcumque Ecclesiarum Pastorem mutari posse, anathema sit.

COMMENTARIUS.

I. **U**T major sit erga Sacramenta rudioris populi devotio, ac reverentia, jam pridem a primis Ecclesiæ sæculis, ritus, seu cæremonie quadam in Sacramentorum administratione adhiberi consueverunt, quibus & ipsi Sacramentorum effectus subinde explanantur, & populo sensibilibus proponuntur, mentisque Fidelium ad rerum Divinarum contemplationem excitant. Atque hoc facit, quod ait Tridentina Synodus Sessione xxii. Cap. v. de solemnibus Missæ Sacrificii cæremoniis: *Comque naturæ hominum ea sit, ut non facile queat sine administriis exterioribus ad rerum Divinarum meditationem sustelli, propterea pia Mater Ecclesiæ ritus quædam, ut scilicet quadam submissa voce, alia vero elatius in Missa pronuntiarentur, instituit. Cæremonias item adhibuit, ut mysticos benedictiones, lamina, thymiamata, vestes, aliæque id genus multa, ex Apostolica disciplina, & traditione, quo & majestas tanti Sacrificii commendaretur, & mentes Fidelium per hæc visibilia religionis, & pietatis signa, ad veram altissimam, quæ in hoc Sacrificio latent, contemplationem excitarentur. Quod in citato Capite de una Eucharistia dicitur, facile est de reliquis Sacramentis, cum eadem cause sint, intelligere. Hinc ejusdem Tridentini Concilii Catechismus, Parte II. Tit. De Sacramentis in ge-*

nere, §. xvi. sic habet: Merito quidem a primis usque Ecclesiæ temporibus illud semper servatum est, ut Sacramenta solemnibus quibusdam cæremoniis ministrarentur. Primum enim maxime decuit sacris mysteriis cum religionis cultum tribuere, ut Sancta sancte tractare videremur. Præterea quæ Sacramenta efficiuntur, cæremonia ipsa magis declarant, ac veluti ante oculos ponunt, & earum rerum sanctitatem in animis Fidelium altius imprimunt. Deinde vero mentes illorum, qui eas intuentur, & diligenter observant, ad sublimium rerum cognitionem erigunt. Fidemque in eis, & charitatem excitant; quo major cura, & diligentia adhibenda erit, ut Fideles vim cæremoniarum, quibus singula Sacramenta consistunt, cognant, & perfectam habeant.

II. Quom itaque magna sit, ac multiplex sacrarum cæremoniarum utilitas, jam non mirum videri debet, si nulla unquam exitit in Orbe, seu vera, seu falsa Religio, quæ suos ritus non haberet, quibus quasi incitamentis ad debitum suo Numini cultum populi allicerentur. Hinc & Numa Pompilius octo cæremoniarum ad religionem pertinentium Libros scripsisse refertur; atque hinc demum, ut rem altius repetam, insignis ille veteris Legis promulgator Moyses, cum in describendis Sacrificiorum Deo offerendo-

dorum ritibus integrum Scripturæ Librum infumit, ut inter alios notavit eruditus Martene in Præfatione, quam celeberrimo Operi suo, *De antiquis Ecclesiæ ritibus*, præfixit. Porro autem quum vera Religio, que ante Christi adventum Judaica erat, longe antiquior sit, futilem merito eorum sententiam censio, qui ajunt, Christianus ritus magna ex parte desumptus esse ex ritibus Paganorum, quum potius isti, insigante diabolo, qui cum inveterata malitia perpetuus Dei æmulus sit, honores utique divinos affectat, ad suum cultum superstitionis probatos a Deo in Veteri Testamento ritus traduxerint.

III. Testatur id quidem non uno in loco Tertullianus, præsertim in Libro, *De præscriptionibus*, Cap. xl. his verbis: *Diabolus enim, cujus sunt partes intervirendi veritatem, ipsas quoque res Sacramentorum Divinarum, idolorum mysteriis amulatur. Tinguunt & ipse quosdam atque credentes, & fideles suos, expiationem delictorum de lavacro reponit, & sic adhuc, mitibus, signat illic in frontibus milites suos; celebrat & panis oblationem, & imaginem resurrectionis inducit, & sub gladio reddit coronam. Quid? quod & Summum Pontificem in unis nuptiis statuit? Habet & virginis, habet & continentis. Ceterum si Numa Pompilius superstitiones revolvamus, si Sacerdotalia officia, infamia, & privilegia, si sacerdotalia ministeria, & instrumenta, & vasa ipsorum sacrificiorum, ac piaculorum, & votorum caritates consideremus, nonne manifeste diaboli morositatem illam Judæica Legis imitatus est? Qui ergo ipsas res, de quibus Sacramenta Christi administrantur, tam amulanter affectavit exprimere in negotiis idololatriæ, atque & idem, & eodem ingenio gessit, & potuit instrumenta quoque Divinarum rerum, & Sanctorum Christianorum, sensum de sensibus, verba de verbis, parabolis de parabolis, prophanas, & annule fidei attemptare. Similia habet idem Tertullianus in Libro, *De Baptismo*, & *De Testimonio animæ*; itemque S. Iulianus in Apologia II. Eusebii, *De preparatione Evangelicæ*, & alii, quos citat Pilefacus in Dissertatione, *De idololatria magica*, §. iv. in fine.*

IV. Illud vero hoc loco notandum est, quod licet nostri ritus aliquam cum veteribus Judæorum caeremoniis comparisonem habeant, non tamen inde sequitur, a Synagoga in Ecclesiam Christi esse ritus ipsos traductos; non enim ideo ab Apostolis, Doctore Christo, & ab Ecclesiâ deinceps instituti sunt, quia in populo Hebræico vignerunt, sed quia in hac mortali conditione sine ullo externo ritu Religio vera esse non potest. Potest quidem aliqua in nostris cum Judæorum non modo, sed & Gentilium ritibus affinitas, si cultus spectetur externus, deprehendi, sed habita ratione finium, & objectorum, unde potissimum æstimandi sunt, immenso distant intervallo. Ut enim observat S. Augustinus, erat in Judæis præfiguratio prænuntians, in Gentilibus imitatio errans, & in nobis Christianis est veritas. Hæc ejus verba Lib. xx. contra Faustum, Cap. xxi. *Tantum interest inter sacrificia Paganorum, & Hebræorum, quantum inter imitationem errantem, & præfigurationem prænuntiantem. Sicut autem non ideo contemnenda, vel detestanda est virginitas Santimonialiam, quia & Vestales virginis fuerunt, se non ideo reprehendenda Sacrificia Patrum, quia sunt & sacri-*

Tom. I.

ficia Gentium; quia sicut inter illas virginitas multum distat, quæcumque nihil aliud distet, nisi quæ cui vocetur, atque reddatur; sic inter Sacrificia Paganorum, & Hebræorum multum distat, eo ipso, quod hoc solum distat, quæ cui sit immolata, & oblata; illa scilicet superba impietati damoniorum id ipsi sibi ob hoc arrogantiæ, quo haberentur Dii, qui Divinus honor est Sacrificiam; illa vero uni Deo, at illi offerretur similitudo promittens veritatem Sacrificii, cui erat offerenda ipsi reddita veritas in passione Corporis & Sanguinis Christi.

V. Omnis Christiani ritibus, quos perperam nonnulli censent in Christianam Religionem derivasse, addubitari certe non potest, quia tantum Veteri Novum præstet Testamentum, quantum veritas umbræ, & figuris. Omnes Legis Mosaicæ caeremonias superant quidem longo intervallo nostræ Christianæ Religionis ritus, a quibus instituta a Christo, atque ab Apostolis, Virisque Apostolicis promulgata Mytheria cuncta, non parvum decorem, ac robur accipiunt. Nam, ut sapienter scripsit religiosissimus ac doctissimus Joannes Bona Cardinalis laudatus a memorato Martene, loco citato, licet ipsæ caeremoniæ nullam secundam se perficerent, nullam continerent sanitatem; sunt tamen alius externi Religionis, quibus quasi signis excitatur animus ad rerum sacrarum venerationem, mens ad superiorem elevatur, nutritur pietas, fovetur caritas, crescit Fides, devotio roboratur, instrumentum simpliciores, Dei cultus oruatur, conservatur Religio, & veri Fideles a pseudochristianis, & heterodoxis discernuntur. Quanta porro sit earum vis, & efficacia, docet vel ipsum Valentis Imperatoris Ariani exemplum, qui, ut tradit Baronius ad annum CCCLXX. Num. xlv. visis in Templo Catholicorum fuerit caeremoniis, maximas erga res illorum reverentiam concepit.

VI. Summa itaque, ac multiplex quum sit rituum Catholicorum utilitas, ac virtus, jam recte inquit nosster hic 1. §. ut ea, quæ ex antiquis Catholica Ecclesiâ instituta, & Sacrorum Canonum, Summarumque Pontificum Decretis de Sacramentorum ritibus, ac caeremoniis hoc Libro præscribuntur, quæ par est diligentia, ac religione custodiantur, & ubique fideliter serventur, decere quammaxime, illud ante omnia scire, & observare, quod Sacrosancta Tridentina Synodus Sessione vii. Can. xiii. de his ritibus decrevit in hæc verba nostro II. §. descripta: *Si quis dixerit, receptos, & approbatos Catholica Ecclesiæ ritus, in solemnibus Sacramentorum administratione adhiberi consuetos, aut contemni, aut sine peccato a Ministris pro libito omitti, aut in novos alios per quæcumque Ecclesiarum Pastorem mutari posse, anathema sit.* His concinit Professio Fidei a Pio Papa IV. edita, quæ ita habet: *Receptos quoque, & approbatos Ecclesiæ Catholica ritus in supradictorum omnium Sacramentorum administratione recipio, & admitto.* Si queratur quid Ecclesiæ nomine mox recitatus Canon intelligat, docet Juvenius in Opere, *De Sacramentis*, Dissertatione 1. Quæstione viii. Cap. xii. Conclusionem II. intelligi vel Ecclesiam Catholicam toto Orbe diffusam, aut Ecclesiam particularem, cui specialiter Minister esset adscriptus, itaut Sacramenta, aut consecrations, aut dispensations, saltem solemniter, ritus in tota Ecclesiâ receptos, & præscriptos a particulari, cujus est

A 2

mem.

membrum, adhibere teneatur. Legendus de ea re Sanctus Augustinus in celeberrima Epistola sua exviii. ad Iacotarum, ubi inter alia ait, quod varietate rituum circa jejunium Sabbathi matre sua turbata, de his unum Ambrosium Mediolanensem Antistitem consuluit, ejusque judicium mater lobens amplexa est: *Mater mea Mediolanum me consecuta, invenit Ecclesiam Sabbatho non jejunantem, exspectat turbati, & fluctuare quid ageret. Tunc ego consulaui de hac re beatissime memoria Virum Ambrosium. At ille ait mihi: Cum Romam venio, jejunio Sabbatho; cum hic sum, non jejunio. Sic etiam tu, ad quam forte Ecclesiam veneris, ejus morem serva, si equum non vis esse scandalo, nec quemquam tibi. Hoc cum matri renunciasset, libenter amplexa est.*

Vii. Potissimum vero illi servandi sunt ritus, quos Ecclesia Romana praeferat, in qua, ut ait idem Augustinus in Epistola exxi. *semper viguit Apostolica Cathedra principatus; & ut longe ante Augustinum docuit S. Irenaeus Libro iii. Cap. xii. ad hanc Ecclesiam, nempe Romanam, propter principalitatem, necesse est omnem convenire Ecclesiam.* Periculosum, criminofumque est quippe a ritibus a Romana Ecclesia omnino Matre praescriptis resilire, eosque mutare, meritoque adversus hanc licentiam iusta percussu indignatione S. Innocentius Papa I. sic ad Decentium Eugubium Episcopum scripsit: *Si in ista Ecclesiastica, ad sunt ab Apostolis tradita, integra vellent servare Domini Sacerdotes, nulla diversitas, nulla varietas in ipsis Ordinibus, & Consecrationibus haberetur. Sed nunquidque non quod traditum est, sed quod sibi visum fuerit, hoc assimat esse tenendum, inde diversa in diversis locis, vel Ecclesiis, aut teneri, aut celebrari videntur, ac sit scandalum populis, qui dum nesciunt Traditiones antiquas humana praesumptione corruptas, putant sibi, aut Ecclesias non contrariare, aut ab Apostolis, vel Apostolicis Visis contrarietatem inducunt. Quis enim nesciat, aut non advertat, id quod a Principe Apostolorum Petro Romana Ecclesia tradita est, ac nunc usque custoditur, ab omnibus debere servari, nec superinduci, nec introduci aliquid, quod, aut auctoritatem non habeat, aut aliunde accipere videatur exemplum? Praesertim cum sit manifestum, in omnem Italiam, Galliam, Hispaniam, Africam, atque Siciliam, Insulasque interjacentes, nullum in istis Ecclesias, nisi eos, quos Venerabilis Apostolus Petrus, aut ejus Successores constituerunt Sacerdotes. Aut legant, si in his Provinciis alius Apostolorum inveniant, aut legitur docuisse. Quod si non legant, quia nusquam inveniant, oportet, eos hoc sequi, quod Ecclesia Romana custodit, a qua eos principum accepisse non est dubium, ne dum peregrinis assertoribus starent, cupat institutionum videntur omittere.*

Viii. Haec solius ex S. Innocentio Papa huc transcribenda potui, ut ejus testimonio vincebam, quod scite notavit laudatus superius Cardinalis Bona Lib. i. *Rerum Liturgicarum*, Cap. vi. Num. xii. primarias nempe Ecclesias proprios ritos a Fundatoribus accepisse, quosdam vero ex Successoribus per licentiam, & potestatis abusum saepe illos immutasse, & novitates introduxisse. Hoc primum in hoc genere peccatum fuit, quod dum alii evitare nimio studio conati

sunt, stultorum more io contrarium inciderunt; fenei enim suscepti consuetudinibus pertinacius adherentes, turbas in Ecclesia suscitavit, cum Romani Pontifices, vel abusus Episcoporum incuria introductas evellere, vel errores haereticorum fraude insertos expungere, vel aliquid io iis innovare, iussu de causis voluerunt. Quot, & quam laetitia tragedia inter Graecos, & Latinos hac de causa orta sint, notum est omnibus. A Photio illarum initium Saeculo nono, & omondum fuit. Adhuc enim in plerisque Orientalibus ferox odium adversus Latinos furvet, & forte acius, quam cum primum ab unitate, & obedientia Romanae Ecclesiae defecerunt. Superbia omnium malorum causa rebellionis origo fuit; tum accesserunt ex rituum diversitate vani pretextus; nec enim Orientalibus his unquam de ritibus mota est a Romana Ecclesia, quae sedulo potius io haec coram semper incubuit, ut illi bati fervarent. Debet igitur unaquaeque Ecclesia custodire ritus suos, sed receptos a Majoribus, longoque oso praescriptos, & legitima auctoritate probatos.

Ix. Observat haec memoratus Bona, notatque mox etiam sequenti Cap. vii. Num. ii. fectatorum hac proprium fuisse, ut cum a Fide deficerent, Libros quoque Rituales, vel suis erroribus infecerent, vel privata auctoritate immutarent. Et certe quid ausi sint in hoc genere Gnostici, Adamiti, Pezuziani, & alia hujusmodi monstra, turpe est enarrare. De Nestorio, sive Theodoro Mopsuesteno ejus Magistro ita Leontius Byzantinus scribit Lib. iiii. adversus eundem Nestorium: *Adet & aliud malum non secundum ad superiora, aliam enim Missam effudit, prater illam, qua a Patribus tradita est Ecclesiae; neque reveritus illum mutasse, nec illam Magni Basilii in eodem spiritu conscriptam. In qua Missa blasphemias, non precationibus, Eucharistiae mysterium apparet. Donatistae aut calumniam Catholicis struerent, sperarunt in vulgus, eos solum Sacrificii ritum mutasse, ut patet ex Optato Mileviano in fine Libri iiii. adversus Donatistas. De eisdem sic scribit S. Augustinus in Epistola exix. Cap. xviii. Donatistae nos reprehendunt, quod sobrie psallimus in Ecclesia Divina Cantica Prophetarum, cum ipsi ebrietates suas ad Canticum Psalmorum humana ingenio compositionem quasi ubas exhortationis inflamment. De Paoli Samosatensis hac io re impie legenda Epistola Synodi Antiochenae apud Eusebium Lib. vii. *Historia Ecclesiastica*, Cap. xxx. De fectatoribus Apollinaris refert Sozomonus Lib. vii. *Ecclesiastica Historia*, Cap. xxv. quod ritibus utebatur alienis a Catholicis Ecclesiis institutis.*

X. Haec, aliosque antiquos ejusdem furfuris haereticos imitati recentiores heterodoxi, sacros Catholicis Ecclesiis ritus una voce, unaque mente in universo Orbe conservatos, perperam, & ipsi irrident, quos iccirco merito damnavit Tridentina Synodus Canone in §. ii. descripto. Ceterum quod Ecclesia quorundam sacrarum caeremoniarum praxim possit Sacramentorum Ministeris injungere, ex eo patet, quod vel fatentibus Calvinistis, alisque haereticis nostri temporis, potest Ecclesia ordinem & modum praescribere, quo caeremoniae, quae Scriptura citantur, executioni mandari debent, ne scilicet in Mysterium, aut confessionem, aut dispensationem ali-

qua

qua accidat confusio. Penes autem Ecclesiam, esse instituerit ritus, qui pietatem alere possint, ac Sacramentis conciliare reverentiam, licet Scripturarum auctoritate non fulciantur, evincitur plane ex Apostolorum exemplo, qui multas sacras caeremonias Ecclesiasticas, quae pollebant auctoritate, praescripserunt: *Cetera*, inquit Apostolus in Epistola 1. ad Corinthios, Cap. xi. *cum venero, disponam*. Inter eas autem Leges, quas Apostolus pollicetur, S. Augustinus eam recenset, qua Fideles prohibentur, ne nonnisi jejuni ad Eucharistiam sumendam accedant. Legenda Augustini Epistola cxviii. ad Jaquarium cuius supra meminimus, Cap. vi.

XI. Quamvis autem non omnes ritus, seu caeremoniae in Ritualibus praescripti, ex Apostolica disciplina, & traditione descendant, sed plures postremis Ecclesiae temporibus sint introducti, nihilominus Parochis, aliisque inferioribus Ministris fas non est, citra necessitatem, privata auctoritate, in publica, & solenni Sacramentorum administratione, aut Divinorum Officiorum celebratione, a ritibus in Rituali suae Diocesis praescriptis passim & facile recedere, eo etiam titulo, quod ritus contrarius priori primitivae Ecclesiae disciplinae videatur conformior, ne alias haec licentia paulatim latius serpens confusioem, aliaque incommoda in ipsos sacros ritus, & Sacramentorum administrationem inducat. Ceterum quum caeremoniae Sacramentorum suprema Ecclesiae auctoritate Ministris omnibus & singulis praeribantur, non est dubium, quin peccet laetialiter, passimque gravibus obnoxius sit, qui consulto eas, nulla compellente necessitate, vel omnino praetermitteret, vel praefumeret immutare; huc enim spectat recitatus supra in §. II. recitatus Canon xiiii. ex Sessione vi. Tridentini Concilii.

XII. Siquis autem hic roget, quid si casus occurrerit, in quo videantur ritus aliqui praeponderare praetermittendi, num privatus quilibet possit in suo proprio sensu abundans, quod bene visum fuerit, facere. Sed in promptu responsio est, & quidem eam ea distinctione, quam a Doctoribus sapientibus didici; nam vel de casu necessitatis Quaesitio ista procedit, vel non. Si de casu necessitatis, ut si exempli gratia mortis imminuentis periculum fieri omnia in Baptismo infantis non patiantur, quae facere Ecclesia consuevit, dudum resoluta est difficultas; quod enim in his circumstantiis sit agendum, jam non modo Doctores, sed hoc nostrum Rituale Romanum, suis locis praescribit. Si vero casus necessitatis non sit, nihil quidquam debet privatus Minister proprio iudicio usurpare, sed consulenda Ecclesia, ad eundemque Romanus Pontifex Maximus, vel S. R. E. Cardinalium congregatio sacris ritibus praeposita, ejusque reverenter expectandum iudicium, & quod praescribit, omnino observandum. Atque hoc hodie jure vivimus, ex quo scilicet Sixtus V. Pontifex xi. Kal. Februarias anni MDLXXXVII. Congregationem Sacrorum Rituum occupatam una cum aliis multis insti-

tuit, ut videre est in ejus Constitutione, quae incipit, *Immensa Dei*, & apud Cardinalem de Luca in Relatione Romae Curiae, Vantesen Parte 1. *Juris universi Ecclesiastici*, Tit. xxii. Cap. vii. Porro praefect Sixtus ei Congregationi quinque Cardinales, quibus ait hanc praecipue debere curam incumbere, *ut veteres ritus sacri ubique locorum, in omnibus Orbis, Orbisque Ecclesiae, etiam in Capella Pontificia, in Missis, Divinis Officiis, Sacramentorum administratione, ceterisque ad divinum cultum pertinentibus, a quibusvis personis diligenter observentur, caeremoniae si exoleverint, restituantur; si depravata fuerint, reformentur. Libros de sacris ritibus, & caeremoniis, in primis Pontificale, Rituale, Caeremoniale prout opus fuerit, reforment, & emendent.*

XIII. Admonendum vero hic illud censeo, ac notatu plane dignum, non facile consuevisse Sacrorum Rituum Congregationem, omissiones, aut quasvis alias in sacris caeremoniis immutationes concedere, maxime in illis, quas constat ab Apostolica traditione acceptas. Ceteras enim, quas, labente etate, pro variis locorum, & temporum circumstantiis Ecclesia instituit, quaeque non sunt gentium omnium universalis consensione susceptae, quales Latini & Graeci proprias aliquot habent, non quidem sine causa, majorem tamen solet facilitate rescindere, & ab earum observantia liberare. Ut autem in his sistamus, quas Apostolica nobis disciplina reliquit, recte admodum ait clarissimus Auctor Operis, *De re Sacramentaria*, Lib. 1. Quaestione vii. *De caeremoniis Sacramentorum*, Quaestio xv. in iis tollendis, aut praetermittendis Ecclesiam difficilem esse, & esse debere, tum quia continentur in thesauro Traditionis, quem violare, aut temere dissipare in sua potestate non habet, tum quia saeculorum omnium consecratae usu, maximam obtinuerunt auctoritatem, tum quia mytheria magna significant, quorum veritas, si semel de medio tollerentur, ac repugnantibus haereticis, audacia majori impeteretur, tum denique quia periculum sovet, ne ille tam praclarus sacrorum rituum apparatus penitus evanesceret, & ab hominum memoria deleteretur, si in iis quocumque praetextu praetermittendis, immutandisque, nimium facilem se praebere Ecclesia.

XIV. Quom denique in nostro 1. §. rituum, & caeremoniarum mentio fiat, notandum breviter censeo quodnam sit apud Scriptores Ecclesiasticos utriusque vocis discrimen. Sane inter ritus, & caeremonias, uti post alios notavit Barrucaldus in Commentariis ad Rituale Romanum, Tit. 1. nom. 4. aliquam distinctionem ponunt nonnulli Scriptores, eodem pacto, quo aqua differt ab ablutione; voluntque, ut ritus sit modus praescriptus sacrae actionis, caeremonia autem ipsa ritus executio, & praxis, qua actio sacra perficitur. Sed, ut verum fatear, apud plerisque, ritus, & caeremoniae, pro eodem passim usurpantur, probariusque id posset innumeris penne exemplis, quae non opus est hic recensere.

§. III.

Com igitur in Ecclesia Dei nihil sanctius, aut utilius, nihilque excellentius, aut magis Divinum habetur, quam Sacramenta ad humani generis salutem a Christo Domino instituta, Parochus, vel quisvis alius Sacerdos, ad quem eorum administratio pertinet, me-

meminisse in primis debet, se Sancta tractare, atque omni temporis momento ad tam sanctæ administrationis officium paratum esse oportere.

COMMENTARIUS.

I. **O**mnia Novæ Legis Sacramenta fuisse a Christo Domino instituta, definit jam, & quidem sub anathemate Synodus Tridentina, Sessione vii. Can. i. Ratio autem hujus doctrinæ est, quia ille rem aliquam instituitur dicitur, qui ei robor, & vim tribuit, quemadmodum patet exemplo instituentium Legis. Cum igitur solus Deus virtutem sanctificandi possit tribuere Sacramentis, solus quoque dicendus est Auctor, & institutor eorum Sacramentorum, quæ sanctificandi virtutem habent, ejusmodi sunt omnia Sacramenta Novæ Legis, quæ etiam nec plura, nec pauciora esse, quam septem, nempe Baptismum, Confirmationem, Eucharistiam, Pœnitentiam, extremam Unctionem, Ordinem, & Matrimonium, decrevit citato loco eadem Synodus Tridentina, ubi eos, qui negarent, Christum instituisse omnia & singula Novæ Legis Sacramenta, diro anathema damnat.

II. Quamvis vero Christus Dominus Sacramentorum Auctor sit, ea tamen non per Angelos, ut docet Tridentini Concilii Catechismus, Parte II. *De Sacramentis*, Num. xxii. verum per homines ministrari in Ecclesia voluit; non minus enim Ministrorum officio, quam materia, & forma ad Sacramenta conficienda opus esse, perpetua Sanctorum Patrum traditione confirmatum est. Porro posse Angelos esse extraordinarios Sacramentorum Ministros, tradit S. Thomas Parte III. *Quest. lxxv. Articulo vii.* ad II. ubi sic ait: *Deus virtutem suam non ita assignavit Ecclesiæ Ministris, quin etiam Angelis possit virtutem attribuere ministrandi in Sacramentis.* Neque obstat, Angelos loqui non posse, ideoque nec proferre formam Sacramenti, quæ in verbis consistit; loqui enim possunt per corpus assumptum, uti revera loquenti non semel sunt, tum in Veteri, tum in Novo Testamento. Cæterum ministrasse & Angelos Fidelibus Sacramenta, ac præsertim Eucharistiam in extremo vitæ constitutis, docent nos Sanctorum Vitæ, ac nominatim S. Raymundi Nonnati, de quo legitur in Breviario Romano ad diem xxxi. Augusti: *Cumque morbus ingravesceret, & Sacerdos diutius tardaret, Angelorum Ministerio sub specie Religiosorum sui Ordinis apparentium salutaris Viaticum rescelis fuit.*

III. Sed hac questione missa, certum illud est, non ita instituta esse Divinitus Novæ Legis Sacramenta, ut vel sine Ministro ea celebrari queant, vel quodlibet eorum indifferenter, & promiscue possit a quolibet administrari, sed Ministrum omnino requirant, eumque certum, qui, si desit, vel irrita est, & nulla, vel non legitima sit actio Sacramentalis. Unde Florentinum Generale Concilium sub Eugenio IV. Pontifice personam Ministri conferentis Sacramentum hæc adnumerat, quorum si aliquid desit, Sacramentum non perficitur; & Concilium Tridentinum in citata Sessione vii. Can. x. de Ministro Sacramentorum ita statuit: *Signis dixerit, Christianos omnes in verbis, & omnibus Sacramentis ministrandis habere potestatem, anathema sit.* Quo Canone directè damnatum est, quod

Lutherus assererat, omnes Christianos esse æqualiter Sacerdotes, hoc est, eandem in verbo, & Sacramento quocumque habere potestatem, sed non licere, quemquam hac ipsa uti, nisi consensu Communitatis, aut vocatione Majoris. Hæc enim ejus verba sunt Lib. i. Captivitatis Babylonice, in quibus, ut egregie notavit Estius in Distinctionem i. Lib. iv. §. xxii. duplex continetur error, alter, omnes Christianos potestatem habere verbi, & Sacramentorum; alter, ea potestate utendum non esse, nisi Communitatis consensu. Nam neque potestas omnibus Christianis est communis, sed iis tantum competit, qui eam Ecclesiastica ordinatione acceperunt; & ea utendum est, non ad præscriptum Communitatis, sed ex mandato, & voluntate Præfectorum Ecclesiæ. Porro autem quis sit universusque proprius Minister, & quatenus quorundam Sacramentorum ministerium ad alios extendi possit, abunde explicaverunt Theologi in Tractatu, *De Sacramentis*, ubi de singulis eorum agunt, non enim omnium est eadem ratio; quædam solum habent Ministrum Episcopum, ut Confirmatio, & Ordinatio; quædam vero solum Presbyterum, ut Eucharistia, absolutio Sacramentalis, & extrema unctio; in aliis vero etiam laicus sum ministerium interponere potest, idque vel simpliciter, vel certo casu, ut in Baptismo, & Matrimonio.

IV. Si tria prima Ecclesiæ sæcula spectemus, omnia quidem Sacramenta ab Episcopo administrabantur, docetque Thomassinus in sua veteri & nova Ecclesiæ disciplina, Parte i. Lib. II. Cap. xxi. quarto sæculo multis in Alexandria, alibi quæ etiam fuisse Ecclesiæ, in illique multos Presbyteros, ac penes unum eorum præcipuum auctoritatem fuisse, ut proinde iste esset Parochus, qui scilicet Sacramenta administraret. Sicut enim singulis Diocæbus, seu Districtibus Episcopalibus unus erat præfectus Episcopus, cui totius Diocæsis regimen incumbebat, & quem populus illius Diocæsis, ut proprium Episcopum colere & cognoscere deberet; ita & singulis Parochiis datus unus Presbyter fuit, qui totius Parochiæ curam spiritualem ageret, qui propterea Parochus, seu Presbyter Parochialis dicebatur, quem populus tanquam proprium suum Pastorem venerari, & audire deberet, dictus propterea proprius Sacerdos, ac principalis, & proprius Sacramentorum Minister in sua Parochia. Quod quidem jus satis expressit Synodus Tridentina Sessione xxiii. *De reformatione*, Cap. xxi. ubi Episcopos monet, ut pro tutiori animarum eis commissarum salute, distincto populo in certas, propriasque Parochias, antiquique suam perpetuam, peculiaremque Parochiam assignent, qui eas cognoscere valeat, & a quo solo licite Sacramenta suscipiant.

V. Præter Parochum sunt & alii, qui ex Summarum Pontificum permisso, veluti illius subsidiarii Sacramenta administrant, Pœnitentiæ scilicet, & Eucharistiæ; atque hinc est, quod nosser §. ubi de sancta, & prompta Sacramentorum administratione loquitur, *Parochus, inquit, vel quivis alius Sacerdos, ad quem eorum admini-*
stra-

fratio pertinet, meminisse in primis debet, se Sancta tractare, atque omni fere temporis momento ad tam sanctæ administrationis officium paratum se esse oportere. Huiusmodi totidem fere verbis jampridem edixit S. Carolus Parte IV. Actuum Ecclesiæ Mediolanensis in Rubricis, seu Instructionibus generalibus, *De Sacramentorum administratione*; et quæ consentiant varia insignium Ecclesiæ Ritualia, & Episcoporum Concilia. Si Penitentia Sacramentum excipias, in quo specialis iurisdicção in sua Diocesi ab Episcopo tantum datur, potest quidem simplex Sacerdos de expressa Parochi licentia, Sacramenta administrare. Ad Eucharistiam quod attinet, possunt quidem Regulares tam omnibus Fidelibus in suis Ecclesiis, per se, vel per alios Sacerdotes absque ulla Parochi licentia dispensare, ex privilegiis eisdem concessis a variis Summis Pontificibus, præsertim vero a Nicolao V. Sixto IV. Leone X. & aliis. Ceterum, quod nec Episcopi ipsi possint Regularibus Apostolica privilegia habere prohibere, ut in suis Eucharistiam administrent, solo die Paschatis excepto, pluribus docet BENEDICTUS XIV. in suo celeberrimo, ac numeris omnibus absoluto Opere, *De Synodo Diocesana*, Lib. IX. Cap. XVI. Pag. 335. secundæ editionis.

VI. Sane vetitum aliquando fuisse Religiosis, & quidem vix parum excommunicationis ipso facto incurrendæ Apostolicæ Sedi reservatæ Eucharistiam sine consensu Parochi populo distribuere, constat plane ex Clementina t. *De privilegiis*; qua tamen non obstant, non modo Religiosi vi horum privilegiorum, quæ superius innuimus, sed quicumque Presbyteri etiam sæculares, quibusvis petentibus Eucharistiam, saltem extra Paschatis diem administrare possunt in suis Ecclesiis, in quibus publice, conveniente populo, celebrandi facultas est. Cum enim communis sit quasi pars ipsius Sacrificii, consequens visum fuit, quod ubi Sacrificio interesse liceret, ibi & communionem accipere possent, ut notat Vaneusen Parte II. Tit. IV. Cap. I. Num. XXI. & seqq. Quod vero graviter delinquentes in administratione, cuiuslibet Sacramenti, etiam Regulares ipsi iudicio Episcopi, ejusque correctioni subint, expressè sanctum fuit a Gregorio Papa XV. in Constitutione, quæ incipit, *Inferatibili*, §. IV. ut idem laudatus Pontifex BENEDICTUS XIV. notavit citato loco, & alibi.

V. Huius opportune explicatis, redeo ad nostram §. ubi edicitar, Parochum non modo, verum etiam quemvis alium Sacerdotem, ad quem Sacramentorum administratio pertinet, meminisse in primis debere, se Sancta tractare, atque omni fere temporis momento ad tam sanctæ administrationis officium paratum esse oportere; semper scilicet, & quando rationabiliter rogati sunt ad Sacramenta administranda, & quidem vel pestis tempore, quantum ad Parochos, aliosque curam animarum habentes, ut pluribus docet, probatque BENEDICTUS Paps XIV. *De Synodo Diocesana*, Lib. X. Cap. XIX. Num. VI. & seqq. Decet plane quæmaxime, ut ipsi quoque sæculares, Regularesque Presbyteri in eo opere

Christianæ charitatis se exerceant, animasque suas libenter ponant pro proximis suis. Hinc merito nostri antiqui Patres Oratorii S. Hieronymi Charitatis laudantur, qui, uti legitur in Vita S. Francischi Borgiæ, Societatis Jesu Generalis Præpositi, Lib. I. t. Cap. V. Auctore Petro Ribadeniera ejusdem Societatis Presbytero Madriti his Hispanice edita, nempe anno MDXCII. & XCIV. ac deinde a Julio Zanchino Equite S. Joannis Hierosolymitani Italice reddita, ac Florentiæ impressa anno MDC. ac postea Romæ anno MDCXVI. eum mensis Augusto anno MDLXVI. quoddam luis genus magnam Urbis partem occupasset, usque tunc datum esset memoratæ Societatis Jesu Sacerdotibus, ut animarum egrotantium saluti consulere, multum auxilium cum summa totius Urbis edificatione (1) periculoso, lathalique morbo laborantibus attulerent.

VI. Quoniam vero hic antiquorum nostrorum Patrum Oratorii S. Hieronymi Charitatis facta est mentio, opera pretium duco brevi aliquid dicere de eorum in administrandis Penitentia, & Eucharistia Sacramentis fidelitate. Notum plane est, quantum præ exteris in eam rem solliciti fuerint, Boniforgius Cæciliagerra, Persianus Rosa, Henricus Petrus, atque S. Philippus Nerius, quorum primus, ut ex ejusdem Epitolis, & Opusculis constat, primus fuit, qui in Urbe, & alibi obsoletam fere memoratorum Sacramentorum frequentiam promovit. Alter vero, es frequentia, una cum S. Philippo Nerio, aliisque viris laicis Sodalitum Rummæ Sanctissimæ Trinitatis, Peregrinis excipendis, instituit. Petrus vero, qui, uti scribit Gallonius in Vita S. Philippi Nerii ad annum MDLI. pag. 30. in fine, *Boniforgio Duce magnus in spiritu progressus habuit, quique reformandis postmodum consiliis, aliisque Ecclesiasticis muneribus, ad Cleri morem, Templorumque cultum exornandum, distincto, præstantique labore, toti Urbis utilitati eximia fuit, Congregationem doctrinæ Christianæ fundavit, paratumque, promptumque se exhibuit semper Sacramentis ipsis administrandis. Quod vero tandem, ut alios omittam, ad S. Philippum Nerium spectat, is quidem spiritu filius nostri Persiani Rosæ, ejusque opera in nostram S. Hieronymi Charitatis Domum admissus, ac Sacerdos ex obedientia factus, uti de eo legitur in Breviario Romano ad diem XXVI. Maji, *in animarum salute procuranda totus fuit, & in confessionibus audiendis, ad extremam usque diem perseverans, innumeros pene filios Christo peperit, quos verbi Dei quotidiano pabulo, Sacramentorum frequentia, orationis assidue, aliisque piis exercitationibus nutrire cupiens, Oratorii Congregationem instituit. Atque horum insignium Patrum exempla quidam etiam recentiores sequuti, omni fere temporis momento ad tam sanctæ administrationis Sacramenti potissimum Penitentia prompti, ac parati inveniuntur, & quidem non solum interdiu domi in Oratorio, atque in Ecclesia, verum etiam noctu, ubi ab infirmis morientis, eorumve propinquis, vocantur, nulli propterea propriæ salutis parentes incommodo.**

§. IV.

(1) Ribadeniera verba in Vita S. Francischi Borgiæ Hispanice edita hæc sunt: *T los Cirigos de la Congregacion de Oratorio di San Geronymo ayudaron tambien mucho con grande zelo, y edificacion. Que verba Julius Zanchini in eadem Vita Florentiæ, ac Romæ Italice edita hunc in modum reddidit: Et i Prati della Congregazione dell' Oratorio di S. Girolamo ajutarono ancora assai, & son gran zelo, & edificatione.*

§. IV.

Quamobrem illud perpetuo curabit, ut integre, caste, pieque vitam agat; nam etsi Sacramenta ab impuris coinquinari non possint, neque a pravis Ministris eorum effectus impediatur, impure tamen, & indigne ea ministrantes, æternæ mortis reatum incurrunt. Sacerdos ergo, si fuerit peccati mortalis sibi confcius, quod absit, ad Sacramentorum administrationem non audeat accedere, nisi prius corde poeniteat; sed si habeat copiam Confessarii, & temporis, locique ratio ferat, convenit confiteri.

COMMENTARIUS.

TEnuit jam olim, tenetque hanc doctrinam Ecclesia Catholica, sanctitatem Ministris conferentis Sacramentum nihil addere, aut adimere efficacis Sacramenti. Neque enim efficacius operabitur Sacramentum per Ministrum bonum, neque minus efficaciter per malum, dummodo talis sit, per quem simpliciter Sacramentum administrari possit. Hujus rei ratio est, quia Ecclesie Sacramenta, Christi sunt Sacramenta, id est, vim sanctificandi a Christo habentia, non autem a meritis hominum, tametsi nonnisi per homines Christus ea administrari voluerit; sed ut per causam instrumentalem, cujus qualitas, eo excepto, quod ad instrumenti rationem exigitur, impertinens est effectui, sicut impertinens est curationi ægroti, utrum corpus medici sanum sit, an ægrum; & impertinens cultura ægri, aut vineæ, utrum agricola probus sit, an improbus, dummodo non prætermittantur quæ ad hos effectus producendos ex parte causæ instrumentalis sunt necessaria, ut scite inter alios docet Eftius in Libri iv. Sententiarum Distinctionem l. 4. xxv.

II. Hanc doctrinam, ut dictum est, jam olim tenuit Catholica Ecclesia, & quidem contra hæreticos præcipue Donatistas, qui anno CCCX. ut sub aliqua pictatis specie rejicerent consecrationem Cæciliani Episcopi Carthaginensis a Felice Aputungitano sacrorum Codicum, ut ajebant, traditore datam, damnavant tanquam irrita, & nulla Sacramenta, quæ impij Ministris contulissent; sive, ut valerent, non solum in eorum Ministris fidem, sed & gratiæ sanctificantis statum requiri, contentebant. Quod Donatistæ tanquam præcipuum sui schismatis errorem, in eunte iv. sæculo, de necessaria Ministris sanctitate docuerunt, desinente xii. sæculo Waldenses propugnavant, & Wiclefistæ sub finem sæculi xiv. addidisse feruntur, requiri præterea, ut Ministri essent & prædestinatorum numero, adeo ut confecta a reprobis Sacramenta, irrita, ac nulla esse censerent. Sed hujusmodi errorum variis locis multipliciter confutavit S. Augustinus, partim prolata contra eorum sui hæreticos antiqua ecclesie consuetudine, Baptismi hæreticorum non iterandi, quam nonnisi ex traditione Apostolica defendisse confirmat, partim adhibitis tam rationibus, tum Sacra Scripturæ testimoniis a laudato Eftio, & ab aliis Theologis passim descriptis; extatque ea de re celebre illud Tridentini Concilii Decretum adversus hæreticos recentiores, Sessione vii. Can. xi. expressum his verbis: *Signis dixerit, Ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, servaverit, non censere, aut conferre Sacramentum, anathema sit.* Vide Catechismum ejusdem Concilii Triden-

tini Parte II. De Sacramentis §. xxix.

III. Quamquam vero hæc ita se habcant, ut Sacramenta ab impuris coinquinari non possint, neque a pravis Ministris eorum effectus impediatur, ut etiam hic noster §. docet, impure tamen, ut idem mox subiicit, & indigne ea ministrantes, æternæ mortis reatum incurrunt. Adeo itaque sanctitas in Ministro necessaria est ad licitam Sacramenti, aut consecrationem, aut dispensationem, ut ea destitutus peccet læthaliter. Esse hanc Ecclesie traditionem, ac Patrum doctrinam, Theologi saniores notant. Nec enim immerito Scriptura refert, Spiritum Sanctum Apostolis datum fuisse, cum absolvendi potestate donati fuerunt, eò namque spectat illa monitio, ut intelligant Apostolorum Successores, ad licitam Sacramenti Penitentiae administrationem, inhabitantem Spiritum Sanctum prærequiri. Hinc S. Augustinus in suis Libris contra Donatistas totus est, ut probet, Ministros, qui in peccato jacent, peccati reos fieri, cum Sacramenta conficiunt, administrantque: *Omnia Sacramenta cum absit indigne ministrantibus, profunt tamen per eos digne fumentibus.* Sic enim inquit Lib. II. contra Parmenianum, Cap. xii. Id quod idem S. Doctor relatus in Canone, *Baptizans, De Consecratione, Distinctione iv. magis magisque confirmat, ubi sic ait: Ego dico, & nos dicimus omnes, quia justos oportet esse omnes, per quos baptizatur; justos oportet esse tantum Judicis Ministris, si ministrare juste voluerint; id est, sine peccato.*

IV. Sed audiamus hic Augustini interpretem Theologorum omnium Principem, Doctorem Anglicum S. Thomam Parte III. Questione xiv. Articulo 1. in Corpore, ubi altatum doctrinam egregie explicat his plane verbis: *Dicendum, quod aliquis in agendo peccat ex hoc, quod operatur non secundum quod oportet. Conveniens autem est, ut Sacramentorum Ministris sint justis, quia Ministris debent Dominum conformari secundum illud Levitici xix. Sancti eritis, quoniam ego sanctus sum. Et ideo non est dubium, quin mali exhibentes se Ministris Dei, & Ecclesie in administratione Sacramentorum, peccent. Et quia hoc peccatum pertinet ad irreverentiam Dei, & contaminationem Sacramentorum, quantum est ex parte ipsius peccatoris, licet Sacramenta secundum seipsa incontaminabilia sint, consequens est, quod tale peccatum ex genere suo sit mortale. Rursus idem S. Doctor in iv. Sententiarum Distinctionem xxv. Questione 1. Quæstioncula v. sic habet: *Lex præcipit, ut homo justus ea, quæ sunt justa, exequatur; & ideo quicumque homo quod sibi competit ex Ordine facit indigne, quod justum est, injuste exequitur, & contra præceptum Legis facit, ac per hoc mortaliter peccat. Quicumque autem cum peccato mortali ali-**

quid

quod sacrum officium pertrahat, non est dubium, quin indigne illud faciat, unde patet, quod mortaliter peccat. Atque hic nota, loqui S. Doctorem, quum Minister Ecclesiam solemniter, & ex officio Sacramenta administrat; nam alias in articulo necessitatis, ut ait ille in citata Parte III. Quaestione LXIV. Articulo VI. ad III. non peccaret baptizando in casa, quia etiam posset laicum baptizare; se enim potest, quod non exhiberet se Ministri Ecclesiae, sed subveniret necessitati patienti. Secus est autem in illis Sacramentis, quae non sunt tanta necessitatis, sicut Baptismus. Secundum hanc S. Thomae doctrinam asseri potest, quod laici administrantes Baptismum in casu necessitatis, non peccant, etiam si tunc sint in mortali peccato.

V. Doctrinam paulo superius explicatam, egregie confirmat Catechismus Concilii Tridentini in citato loco §. XXIV. ubi ita Ministros Sacramentorum admonet: *Meminisse autem semper debent, Sacramenta divina quidem virtutem, quae illis inest, nunquam amittere, at vero impare ea ministrantibus eternam perniciem, & mortem asserere; sancta enim, quod semel, atque iterum, ac sapienter admonere oportet, sanctae & religiose tractanda sunt.* Peccatori, ut est apud Prophetam, Psal. XLIX. dixit Deus: Quare tu enerras iustitias meas, & assumis Testamentum meum per os tuum? tu vero odisti disciplinam. Quod si homini peccatis contaminato minus licet de rebus Divinis agere; quantum ab eo seculi concipi existimandum erit, qui sibi multorum scelera conficiat, nec tamen sacra Mystra polluta ore conficere, vel in sedat manus sumere, contrahere, atque aliis porrigere, & ministrare vereatur? cum praesertim apud S. Dionysium scriptum sit, malis symbola, illi enim Sacramenta appellat, ne contingere quidem permixtum esse. Sanctitatem igitur sacrarum rerum Ministri imprimis sentiant, prae ad Sacramenta ministranda accedant, atque ita se ad pietatem exerceant, ut ex eorum frequenti tractatione, & usu uberiorem in dies gratiam, adjuvante Deo, consequantur.

VI. Iure itaque, meritoque ex nostro §. cautum est, ut Sacerdos, si fuerit peccati mortalis sibi conscius, quod ubi, ad Sacramentorum administrationem non audeat accedere, nisi prius corde poeniteat; sed si habeat copiam Confessarii, & temporis, locique ratio ferat, convenit confiteri. Id quod etiam tradit S. Carolus Parte IV. Actorum Ecclesiae Mediolanensis, in Rubricis, seu Instructionibus generalibus, De Sacramentorum administratione. Postquam enim inter alia dixit, ut Parochus, omnisque Sacerdos, cujus est Sacramenta administrare, meminisse debeat sancta se tractare, omni tempore paratum esse oportere, ad tam sanctae administrationis manus, ita deinde subiicit: *Itaque primum sollicite & intus recogitare debet, an alienius peccati mortalis, quod sanctissima cantiane Sacerdos vitare debet, sibi conscius sit.* Quod si reum se esse novit, prius Sacramentali Confessione se expiare debet; contritionem certe habere, quam diligentissime curet. Porro contritionem, quae, ut explicat Concilium Tridentinum Sessione XIV. Cap. IV. est animi dolor, ac detestatio de peccato commissio cum proposito non peccandi de cetero, elicere tenetur omnino Sacramentorum Ministri, si fuerit peccati mortalis sibi conscius, id enim

Tom. I.

significant verba illa nostri Textus, corde poeniteat, ubi scilicet non addit copia Confessarii; si enim addit, & temporis, locique ratio ferat, convenit confiteri; quod postremum verbum, ut notat ad §. nostrum Barusaldus, importare videtur obligationem. Decesse autem intelligitur copia Confessarii, non modo quando non addit, verum etiam quando longius abest, vel quando etiam si addit, timetur vere de eo, quod ob oon servatum sigillum, aut aliam ob causam, grave damnum sequeretur, ut post Silvestrum notat Gavantus in Theodoro sacrorum Rituum, Titulo VII. §. laopia vera.

VII. Ergo si addit confitendi facultas, non sufficit elicere actum contritionis ante Sacramentali administrationem, cum quis se reum laethalis peccati noverit. Id enim non obesse docet ossler §. & S. Carolus loco citato, expresse definitum est, quantum ad Missae Sacrificium, a Concilio Tridentino Sessione XIII. Cap. VII. his verbis: *Ecclesiastica autem consuetudo declarat, cum probationem necessarium esse, ut nullus sibi conscius mortali peccati, quantumvis sibi contritus videatur, absque praemissa Sacramentali Confessione, ad Sacram Eucharistiam accedere debeat.* Id quod etiam confirmat Can. XI. Statuit, atque declarat ipsa Synodus, illis, quos conscientia peccati mortali gravat, quantumvisque etiam se contritos existimant, habita copia Confessarii, necessario praemittendam esse Confessionem Sacramentalem. Porro mandat ipsum Concilium citato Cap. VIII. quod, si necessitate urgente Sacerdos absque praevia Confessione celebraverit, quamprimum confiteatur. Atque hic lubet propositionem recitere ab Alexandro Papa VII. damnatam numero XXXVIII. in Decreto edito die XVII. Martii MDCLXVI. Mandatum Tridentini sacrum Sacerdoti sacrificantis esse necessitate cum peccato mortali confitendi quamprimum, est confitium, non preceptum; itemque hanc aliam num. XXXIX. Illa particula, quamprimum, intelligitur, cum Sacerdos sua tempore confitebitur.

VIII. Ex quibus concludi potest, quod alias recte docet Vahonenus Episcopus Franciscus Genettus Tomo III. Theologiae Moralis, Tractatu I. De Sacramentis, Cap. VI. Quaestione IV. idem dicendum esse de reliquis Sacramentis. Primo quia ex Tridentino quamvis major adhibenda sit praeparatio ad recipiendum Eucharistiam, quam ad alia Sacramenta, necessarius tamen semper est status gratiae pro administrandis omnibus Sacramentis, ac proinde necessariae sunt omnes dispositiones, quas requirit Concilium, ut habebat certitudinem moralem. Secundo, quia nunquam potest esse vera contritio, quando quis se peccati mortalis reum agnoscens, negligit confiteri, habita copia Confessoris; nam, ut vera sit contritio, debet continere firmam propositum confitendi quamprimum, nec Confessionem proinde negligere, quando ejus faciendis habet facultatem. Atqui constat in casu proposito, eum qui solo contritionis actu contentus est, priusquam Sacramentum administret, non habere hoc firmum propositum confitendi quamprimum, cum id non curet, licet id possit commode facere,

B

re,

re, ut supponimus; certum igitur est, ejus contritionem non esse veram.

IX. Hinc adherere nequeo opinioni Possivini in Libro, *De officio Curati*, Cap. v. Quæst. XL. aliorumque Casuistarum asserentium, sufficere Ministrum Eucharistiæ in peccato mortali existenti contritionem, cum, ut dictum est, necessaria sit illi sacramentalis Confessio, ubi Confessarius adest. Longe autem & quidem turpi errore errant Casuistæ non pauci relati a Barbosa, *De officio, & potestate Parochi*, Parte II. Cap. xx. num. 17. qui nec Confessionem, neque contritionem requirunt in Sacerdote in peccato mortali Sacramenta ministrante, agentes, non peccare mortaliter l'arochum, si in mortali peccato existens Eucharistiam ministraret, quia qui ministrat Eucharistiam consecratam, non est Minister Dei ad justificationem proximi, sicut in aliis Sacramentis, sed tantum est veluti applicans alicui passivis; in aliis namque Sacramentis Sacerdos finalis conficit, & ministrat Sacramentum, non autem in hoc; non enim est idem conficere, & aliis ministrare.

X. Sed hæc levissimæ ratiuncule satis superque refelluntur ex superius dictis, præsertim vero ex recitatis verbis nostri §. & Catechismi Concilii Tridentini, quibus adiungimus Cardinalem Toletum Lib. 1. *Institutionis Sacerdotum*, Capite LXXXV. num. 4. & seqq. ubi ait, tria convenire maxime in Ministro Sacrorum, quæ ipsum obligant, ut absque conscientia peccati mortalis Sacramenta ministret. Primum ipsa spiritalis est consecratio, per quam potestas ei data est, nam per Sacramentum gratia constitutus est, & ordinatus Minister Domini, unde tenetur se in officio suo talem exhibere, qualis per ordinationem effectus est. Secundum est ipsa gratia ad hoc peculiariter collata; nam Sacramentum Ordinis imprimat eam gratiam, qua homo valet, quæ Ordinis sunt, exercere. Non enim constituit Dominus aliquem in officio, vel dignitate aliqua, quin ei conferat, quantum est ex se, quæ necessaria sunt ad exercenda ea, quæ talis sunt muneris. Unde peccat, qui absque tali dignitate accedit ad ea exercenda, quæ sunt Ordinis, & ex genere suo peccatum est mortale. Tertium est, quia in talibus actibus se exhibet Ministrum Religionis Christianæ, & cultus spiritalis, & divini; oportet ergo esse in charitate, seu absque conscientia peccati mortalis, qui se Ministrum tanti cultus exhibet.

XI. Siquis autem hic querat, quoties peccabit, qui ministraverit Sacramenta in peccato mortali, vel dubio de mortali existens, teste Possivino citato loco, num. 43. volunt aliqui, cum

peccare toties, quoties ministrabit, ideoque viginti homines communicantem, viginti etiam mortaliter peccare. Idem tenere videtur Azorius Lib. 1v. *Institutionum*, Parte 1. Cap. 1v. Quæst. vi. licet Suarez Tomo 1v. Disputatione xxxi. Sectione v. num. 35. & 36. teneat, esse quidem annuum peccatum, sed tamen objecta illa partialia, seu quot personæ fuerint communicatæ, esse necessario explicanda, & quod declarant gravitatem objecti. Porro autem ubi varia Sacramenta ministraret, licet satis illi sit, si antequam primum exhibeat, contritionem eliciat, quia gratia semel obtenta non censetur amissa sine novo mortali, ut ait landatus Possivinus, Quæstione XLII. cavendum tamen ab ea opinione Suarez, & aliorum apud eundem Possivianum, Quæstione xli. quæ docet sufficere Sacerdoti in peccato existenti, habere contritionem non ante administrationem Sacramenti, sed nequeam perficiat ministrare Sacramentum. Satis enim opinio ipsa vel a §. nostro damnata est, in quo expresse edicitur, ut Sacerdos si fuerit peccati mortalis sibi conscius, quod absit, ad Sacramentorum administrationem non audeat accedere, nisi prius corde peniteat &c. Si itaque vel ipsu accessus damnatur, multo magis ipsa administratio.

XII. Restat, ut de alia quæstione dicamus, an scilicet in mortali existens, non quidem ministrando, sed tangendo tantum Sacramenta, peccet. Jam non desunt, qui affirmant, & qui etiam negent, juxta perpetuum Casuistarum morem apud memoratum Possivinum, Quæstione xlv. Porro in eo convenire omnes ait, quod si tangantur in necessitate, & leviter de terra, non sit mortale peccatum; tangere vero Eucharistiam immediate manu, puta mutando eam in aliud vas, vel mediate, puta ferendo in Processione, ex sententia Suarez, subdit non esse mortale, sed rem reprehendam. Verum constanter assero, esse & hanc opinionem omnino falsam, & a Catechismo Concilii Tridentini acriter improbatam, cujus locum supra descripsi ex Parte II. *De Sacramentis*, §. xxiv. ubi etiam ex Sancto Dionysio affirmat, Sacerdotibus in peccato existentibus Sacramenta ne contingere quidem permittum esse. Atque hæc satis sint ad explanationem hujus nostri §. Cæterum quando liceat a malis Ministris petere, & accipere Sacramenta, explicatim habes apud Toletum, *Institutionis Sacerdotum*, Lib. 1. Cap. LXXXV. Non enim eam Quæstionem discutendam nos hoc loco censuimus, quæ non ad Ministris Sacramentorum, de quibus nos loquimur, sed ad illa suscipientes perturnt.

§. V.

Quacumque diei, ac noctis hora ad Sacramenta ministranda vocabitur, nullam officio suo præstando, præsertim si necessitas urgeat, moram interponat, ac propterea populum sæpe, prout se se offeret occasio, præmonebit, ut cum sacro ministerio opus fuerit, se quamprimum advocet, nullam temporis, aut cujuscumque incommodi habitatione.

COMMENTARIUS.

I. Paratos semper esse debere animarum Pa-
storis ad Sacramenta ministranda, omnes passim Synodi inculcant, ut in-

ter alios notat Vanespen Parte II. *Juris Ecclesiæ* antequam, Tit. 1. Cap. II. Num. vi. Sed audiendum primum hic censeo S. Carolum Parte 1v.

Acto-

Actorum Ecclesiae Mediolanensis in Rubricis, seu lustrationibus generalibus, *De Sacramentorum administratione*, sic inter alia ajeunt: *Quaecumque diei, ac noctis hora ad Sacramenta ministrando vocabitur*, Parochus scilicet, (cum praecipuum ejus munus, ejus causa a reliquo populo separatur, ab Ecclesiae sustentatur, praeter cetera, eorum administratio sit) nullam tam sanctae pietatis officii moram interponet. Tum mox: Immo populum saepe numero, prout occasio tulerit, accuratè promonebit, ut, cum opus est Parochiali ministrations, se quamprimum, & libere accersat, nulla habita, nec temporis, neque loci distantia, neque alterius cuiusvisque incommodi ratione. Habes hic ipsa vultus & verba recitata, atque uberius explicata. Sed & alia idem S. Praef. subiicit, quibus magis magisque nosse & illustratur: Cum autem accersitur, inquit, tantum abest, ut verbis, vel vultu, vel alio signo offendat, se gravate ituram, ut illius, cui ministrare debet, salutis desiderio se accensum Patrem praebens, verborum benignitate, vultusque bilari clementia paternam significante, & libentissime, & ut potest, celerissime accedat.

II. Praeter Synodos a memorato Vanespem allatas, Provincialis Synodus vt. Beneventana sub Hugone II. Guidardo anno MCCCLXXIV. habita, Tit. II. Cap. II. sub pena excommunicationis, & suspensionis officii, & beneficii, & in virtute sanctae obedientiae iungit, ut quocumque tempore, & quacumque hora diei, vel noctis Sacerdos pro Baptismo, Penitentia, vel Eucharistia, vel extrema Unctione, faciat requisitas, omni occasione, & mora postpositas, ad conferenda ea exhibeat liberaliter se paratum. Provincialis quoque itidem Beneventana x. sub Jacobo III. Cardinale Sabello anno MDLXVII. celebrata Sessione III. Tit. I. Cap. II. inter alia Parochis mandat, ut ipsi per se ipsos, non per substitutos, nisi necessitatis causa Sacramenta administrent; maximam vero diligentiam adhibeant, nequis in vita discedat absque Sacramenti; quod si eorum culpa aliquando acciderit, severissime Episcoporum arbitratu puniantur.

III. Similia passim & aliae Synodi, tum Provinciales, tum particulares inculcant, inter quas Farfensis sub Carolo Cardinali Barberino Cap. VI. num. VI. t. nostro huic & S. Caroli dictis concilians, sic habet: *Quaecumque diei, seu noctis hora ad Sacramenta ministranda vocabuntur*, Parochi nempe, bilari vultu, & prompto animo accedentes, nullam tam sanctae pietatis officii moram interponant; ideoque populum saepe monebunt, ut, cum opus fuerit Parochiali officio, & ministrations, se quamprimum, & libere accersat, nulla habita ratione, ac temporis, aut loci distantia, nec alterius cuiusvisque incommodi ratione. Exscripsit plane quod S. Carolus edixerat, & addit: Imo cum aliquos in Parochia sua finibus agestate intellexerat, eos statim etiam non vocati conveniant, currentque, ut Penitentia Sacramento peccatis suis expiatis, sacram Eucharistiam percipiant, & quot gravius affectus corporis morbo cognoverint, eos maxime persuadere coveant, ut ad haec salutaria animae remedia frequentius confugiant. Cum ergo ex praescripto nostri & variorum Conciliorum. Decretis cautum sit, ut quaecumque diei, & noctis hora ad Sacramenta ministranda vocabitur Parochus, nullam officio suo praestando, praeter-

Tom. I.

sertim si necessitas urget, moram interponat, tenetur profecto accurrere, ac tum etiam five praedat, five aenat, five dormiat, five oret, five Horis Canonicis recitandis incumbat, five si quicquid aliud, non tamen si Missam celebret, debet esse ad operam suam praestandam paratus. Sane verbum illud, *quacumque hora*, generale est, & oritur ex obligatione iustitiae, qua, tempore praeteritum gravis necessitas teneat Parochus Sacramenta Parochianis suis ministrare, etiam cum certo propriæ vitae periculo. Ubi enim detrimentum ovium suarum immineret in spiritualibus, non poterit ille propter pestem, aliumve morbum contagiosum, aeris intemperiem, seu ob inimicitias, aut Principis, vel populi furorem, se excusare, nisi adint alii Ministri, qui munus illud sufficienter praestent, uti post citatos varios Theologos, ac potissimum omnium Principum S. Thomam, probat Barbosa Parte II. De officio, & potestate Parochi, Capite XVII. num. 12. & seqq.

IV. Licet autem vocatus Parochus accurrere protinus ad infirmum debeat, praeteritum si necessitas urget ministrandi ei Sacramenta, non tamen tenetur, potissimum ubi de nocte vocetur, seminudus pergere, sed indui debet necessario vestitu, ac veste talari, Superpelliceo, & Stola, si scilicet praeter Penitentiam Sacramentum, Eucharistiam etiam, & extremam Unctionem, ministrari infirmo morienti Sacramenta opus esset. Ait Posselinus, De officio Curati, Cap. v. Num. xxxiv. quod debet festinare, & relinquere omnia, quae non sunt necessaria ad necessariam vestitum, pata non debet se pulire, lavare, petere, & se vestire, ac si deberet in die claro per medium Forum transire &c. Sed hoc Posselini assertum corrigit quidem Baruffaldus Tit. II. §. v. num. 25. & seq. ubi ait, non ferre decus ministerii, ut hirsutus, incultisque comis, palpebris conglutinis, manibus foetidis, ac omnino impolitis, accedat ad Sacramenta ministranda, & licet hoc fieri debeat minori cultura, non omnino tamen esse omitendum. Hinc licet varia a Conciliis, & Ritualibus praescribantur lumina ad deferendam infirmo Eucharistiam, non puto, posse Parochum, tametsi necessitas urget, sine ullo prorsus lumine eam deferre, & nisi sit Superpelliceo, & Stola indutus.

V. Adnotandum superest, quod licet ex nostri §. praescripto, ubi vocabitur Parochus ad Sacramenta infirmo ministranda, praeteritum si necessitas urget, uti dictum est, debeat statim accurrere, certum illud plaus est, teneri & illum etiam non vocatum ad infirmum periculo morbo laborantem Sacramenta deferre, uti Auctores passim docent, ac Synodi mandant, inter quas memorata superius Farfensis Synodus, cuius locum descripsi. An autem quisvis alius Sacerdos secularis, Regularisve, absente Parocho, praeteritum si fuerit vocatus, possit, ac debeat ad infirmum morientem Viaticum, & extremam Unctionem deferre, puto equidem, posse non solum, sed etiam debere; agitur enim de re gravissima, & de consulendo salutis aeternae moribundi Sacramentis indigenti, absque ulla Parochi injuria; qui etiam, uti credere par est, & ratum habebit, quod egit Sacerdos, & magnas gratias agat. Haec plane est communis Theologorum sententia, inter quos eruditus Autoine in sua Theologia Morali, Tractatu, De Eucharistia, Cap. II. Quaes. v.

B 2

Quest. v. Responsione II. Ita ad rem inquit: Si tamen Pastor absq., vel praesens non possit dare Viaticum aegro, tunc quilibet Sacerdos, & eo deficiente, Diaconus POTEST, AC DEBET ministrare; nam tunc praesumitur voluntas Episcopi, vel Papa, cum Eucharistia sit tunc de Jure Divino praecepta, & maxime utilis sit, imo aliquo modo necessaria ad vires spirituales in illo periculoso aegro comparandas. Idemque in Tractatu, De extrema Unctione, Quaestione III. postquam dixit, hoc Sacramentum licite ministrari a solo Pastore proprio, vel alio de ejus licentia, ita tamen deinde subicit: In casu tamen necessitatis, quo aliquis infirmus sine hoc Sacramento moriturus esset, quilibet Sacerdos POTEST, ET DEBET ex caritate illud ministrare; nam tunc Ecclesia hanc facultatem concedere censetur. Additque mox: Neque in

Clementina 1. De privilegiis, ubi excommunicantur Religiosi, qui sine licentia Parochi illud saecularibus conferunt, hic casus necessitatis comprehenditur, aliqui esset in destructionem.

VI. Jam non desunt Concilia Provincialia, &que, ac particularia, in quibus expresse edicatur, absente Parochio, licite deferri, absque ejus licentia, ad aegrotum, imminente mortis periculo, ab alio Sacerdote Viaticum, & extremae Unctionem. Certe de ipsa Unctione extrema testis est S. Carolus in Concilio Provinciali Mediolanensi v. Parte 1. Constitutionum, Capite, *Qua pertinent ad Sacramentum extremae Unctionis*, inscripto, ubi postquam edixit, ne alius Sacerdos, nisi Parochus hoc Sacramentum ministret; ita statim subiungit: Si porro in impeditis, aut alias in mora est, mortisque periculum instat, tunc Sacerdos alius ministret, licet.

§. VI.

Ipse vero, antequam ad hujusmodi administrationem accedat, paulum si opportunitas dabitur, orationi, & sacrae rei, quam acturus est, meditationi vacabit, atque ordinem ministrandi, & caeremonias pro temporis spatio providebit.

COMMENTARIUS.

I. **N**ihil dici ad explicandam hunc §. Inutilis potest, quam quod S. Carolus in laudatis toties Instructionibus, De Sacramentorum administratione, praescribit. Haec ejus verba: *Aurea vero quam accedat, Parochus scilicet, vel etiam alios Sacerdos, ad quem Sacramentorum administratio pertinet, paulum saltem in sacra actione, quam suscipiendus est, meditatione attente versabitur. Alique ut ipse sancte ministret, & cui ministrabit, pie salutarietque percipiat, nisi cum necessitas eum festinare cogit, genibus flexis ad Altare paululum orabit, & hanc orationem addicere poterit ubi propria adscripta non est: Veni Sancte Spiritus, reple tuorum corda fidelium, & tui amoris in eis ignem accende. V. Gloria Patri, & Filio, & Spiritui Sancto. R. Sicut erat &c. Iterum: Veni Sancte Spiritus. V. Dominus vobiscum. R. Et cum Spiritu tuo. Oratio. Domine Deus omnipotens, qui me indignum, propter tuam misericordiam, ministrum fecisti Sacerdotas. His officiis, propitius esto mihi peccatori, ut condigne possim Divinae tuae clementiae Sacramenta fidelibus ad ea confugientibus ministrare. Per Dominum nostrum &c.*

II. Ex nostro §. nulla quidem vocalis oratio praescribitur, *Paulum*, inquit, si opportunitas dabitur, *orationi, & sacrae rei, quam acturus est, meditationi vacabit.* Recte autem *Paulum* ait, quia non debet Sacerdos tunc adeo orationi, & meditationi vacare, ut tadio efficiantur, qui Sacramenta petunt. Debet esse meditatio cum discretionem, & sine expectantium incommodo, ac detrimento. Praeter meditationem, quam mente facere potest Sacerdos Sacramentum collatorum, circa dignitatem, maiestatem, & utilitatem Sacramenti, vult etiam noster §. ut orationem vacet, vocali forte, ac illi, quae in suae Ecclesiae Rituali, vel Synodalibus Constitutionibus Diocesis praescripta est; & ubi assignata non esset, recitare posset aliquot Psalmos,

Orationes, ac Hymnos, ex Divina Scriptura, & Libris Missilibus desumptos, quales exempli gratia sunt Psalmus, *Miserere*, Oratio, *Actiones nostras*; vel Hymnus, *Veni Creator Spiritus*; sive etiam jaculatorius preces ex sacris literis acceptas, propriasque sacrae rei, quam acturus est. Sed vitanda prorsus prolixitas, nam ait noster §. *Paulum, & si opportunitas dabitur.*

III. Mandat praeterea noster §. ut Parochus, Sacerdosve alius, antequam ad Sacramentorum administrationem accedat, *ordinem ministrandi, & caeremonias pro temporis spatio, praestent, & perlegat.* Id plane passim inculcant Episcopi in suis Synodis, praesertim vero S. Carolus in Conciliis suis Mediolanensibus, & in Rubricis, seu Instructionibus generalibus, De Sacramentorum administratione, ubi licet inter alia inquit: *Et praeterea, ne titubanter quidquam in ministratione agat, quamvis ordinem ministrandi, caeremoniasque rite teneat, antea tamen quam ministret, attente ex Libro religiosa animi intentione, qua agenda sunt, recognoscat.* Teste Barrofsaldo in Commentario ad hunc nostrum §. num. 44. *Solebat clara memoria Cardinalis de l'ermo olim Episcopus Ferrariensis, Sacerdotibus noviter consecratis, & ad Parochialem aliquam Ecclesiam designatis injungere, ut quoties perlegerent Caput annum Rubricarum, seu Missalis, sive Breviarii, sive Ritualis, donec memoriter illud tenerent, & hoc, ut facile haberent ad manus resolutiones in casibus administrationis Sacramentorum, seu recitationis Horarum Canoniarum.* Porro quod Rubricae utplurimum ignorentur, & sacrae caeremoniae usu ipso vilescent, Benedictus XIII. Pontifex Maximus cum reverentia nominandus, in Concilio Romano, quod celebravit anno MDCCXXV. Tit. xv. Cap. ix. opportune statuit, ut Congregationes Cleri, tam in Civitatibus, tum in Diocesis semel in unaquaque hebdomada, certo designato die, & sub certa poena pecuniaria contra contumaces, habeantur,

tur, in quibus alternatim, & Rituum, & Conscientiam casus proponantur, discutiantur, & pra-

elice exerceantur, methodo servata Synodali, quae in ejusdem Concilii legitur Appendice.

§. VII.

In omni Sacramentorum administratione Superpelliceo sit indutus, & desuper Stola ejus coloris, quem Sacramenti ritus exposcit, nisi in Sacramento Pœnitentiae ministrando occasio, vel consuetudo, vel locus interdum aliter suadeat.

COMMENTARIUS.

I. Superpellicem cum Stola adhibendum a Parochis, Sacerdotibusque in Sacramentorum administratione, præcipiunt passim sacra Episcoporum Synodi provinciales, ac particulares, præsertim vero Mediolanensis s. Provincialis S. Caroli Parte II. Constitutionum, in eo Capite, quod inscriptum est, *De iis, quæ ad Sacramentorum administrationem generatim pertinent*, ubi inter alia discrete edicitur, ut *Sacerdotes in Sacramentorum administratione semper Superpellicem, & Stolum adhibeant*. Idipsum expressius, luculentiusque edixit idem Sanctus Præsul in Rubricis, seu Instructionibus generalibus, *De Sacramentorum administratione*, a Parocho præsertim servandis, ubi etiam coloris meminit Stole in ipsa administratione adhibende: *In omni Sacramentorum administratione semper Superpellicem decens, & Stolum adhibebit; quæ Stola colore erit, quem Sacramenti ministrandi ratio rite postulat*. Eadem fere legere est in Provincialibus Conciliis Rotomagensi anni MDLXXXI. Aquisani anni MDLXXXV. & in aliis plurimis, quæ longum esset describere.

II. Decet sane quammaxime, ut Sacramenta Ecclesiæ non veste communi, sed sacra, rebusque sacris peragendis destinata, celebrentur; dignique iccirco reprehensione sunt nonnulli Sacerdotes secularis, Regularisque, qui contra Romanum hujus Ritualis præscriptas, & repetitas toties ubique ab Episcopis Ecclesiasticas sanctiones, vel in ipsa Ecclesia in Confessionalibus sedentes, sine Superpelliceo, & Stola sacras Fidelium confessiones audiunt. Loquor potissimum de secularibus Presbyteris, & iis qui ex Ordinibus Clericorum Regularium sunt, qui vel absque Superpelliceo, & Stola Pœnitentiae Sacramentum in Ecclesia ministrant, vel cum Stola dumtaxat. Porro Stola in administratione Sacramentorum, debet esse, ut ait noster §. *ejus coloris, quem Sacramenti ritus exposcit*. Neque enim omnino probo aliquarum Ecclesiarum usum, in quibus sacra velles multiplicis simul solent esse coloris, albi scilicet, rubei, viridis, violaceique, ut in omni sacra actione, quæ proprium colorem requirit, adhiberi queant. Quicquid autem sit de cæteris sacris vestibus, quæ forte ob Ecclesiarum paupertatem multiplicis sunt coloris, curare debent ipsarum Præfati, ut Stole saltem unus illius coloris fiant, quem Sacramenti ritus exposcit: non enim ad faciendas hujusmodi Stolas multa est opus pecunia. Atque huc spectat quod scribit Barrufaldus in Commentario ad hunc nostrum §. num. 54. his verbis: *Absit vero penaria illa (ben quam fœdida!) versipellis Stolas adhibendi duplicis coloris, seu utraque parte varie coloratas, adeo ut repente de uno in aliud ministerium, seu ad aliud Sacramentum*

ministrandum transiens Sacerdos, sit secunda mutatio sue loci, & rei diversitate, nec alio modo, nisi Stolum invertendo, & pannum sublatum pro vera facie demutis, seu suppeditando; difficile credo, dari posse in Ecclesia Parochiali licet exigui patrimonii talem penuriam, quæ tamen in aliquibus locis, me crubescere, data est, unice a Parochorum ignavia, & negligentia provenientem.

III. Notanda nunc sunt illa nostri §. verba; quibus dicitur, adhibendum quidem in Sacramentorum administratione Superpellicem cum Stola ejus coloris, quem Sacramenti ritus exposcit, *nisi in Sacramento Pœnitentiae ministrando occasio, vel consuetudo, vel locus interdum aliter suadeat*. Restrinxit ea clausula unice ad Pœnitentiae Sacramentum, quia scilicet cum ubique locorum, & in quacunque hora, necessitate id exigente, Sacramentum istud administrari opus sit, haberi præ manibus Superpellicem, & Stola non potest: *Potest etiam, ut scite observat Barrufaldus loco citato, num. 56, dari casus repentinus ministrandi Baptismum in necessitate, & tunc etiam Sacerdos dispensatur ab usu Cotte & Stole, non tantum ob substantiæ casus, sed etiam quia hoc Sacramentum administrari potest a quacunque persona, non a solo Sacerdote*. Ad Matrimonium quod attinet, subdit mox idem Auctor, in hoc Sacramento Parochum esse tantum Testem omni exceptione majorem, & quandocumque, illicite tamen, dari posse casum, quod clandestine, & ex tempore, quocumque in loco interpelletur Parochus ad assistendum ejusmodi Matrimonio; tunc enim cum id prævideri non possit, ita facile Cottam, & Stolum, non esse illi præ manibus. Sed Barrufaldi pace, si prævideri hujusmodi Matrimonium posset, jam non opus esset Superpelliceo, & Stola, cum nullo modo possit, ac debeat Parochus ei interesse, quinimo etiam cavere tenetur, ne prorsus intersit.

IV. Quod tandem ait noster §. consuetudinem interdum aliter suadere, ut nempe Superpellicem cum Stola in Sacramento Pœnitentiae ministrando minime adhibeatur, puto intelligi quem illud extra Ecclesiam, & Confessionalem Sedem ibi existentem administratur; nam alias etiam Regulares, qui in habitu suæ Religionis Confessionalibus insident, Stola etiam utuntur, juxta praxim, quæ servatur in Ecclesiis Regularium Urbis, servarique debet in aliis eorundem Ecclesiis Orbis, juxta compilarium Conciliorum Provincialium, particulariumque sanctiones, ut rite, & cum decore Ecclesiastico Sacramentum ipsum administraretur, distinguaturque ab aliis humanis actionibus, quæ in communi veste peraguntur.

§. VIII.

Adhibebit quoque unum saltem, si habeat, vel plures Clericos, prout loci, & Sacramenti ratio postulat, decenti habitu, & Superpelliceo pariter indutos.

COMMENTARIUS.

UT ea, qua par est, religione, & cultu Sacramenta administrantur, recte ait hic noster §. adhibendum esse quoque a Parocho ea ministrante, *unum saltem, si habeat, vel plures Clericos, prout loci, & Sacramenti ratio postulat, decenti habitu, & Superpelliceo pariter indutos*. Eadem fere habet S. Carolus in memoratis toties Instructionibus, De Sacramentorum administratione, his verbis: *Accersat item, Parochus scilicet, Parochia sue Clericos, quos decenti habitu, & Superpelliceo imprimis recte indutos, tot, ut poterit, adhibebit, quos Sacramenti ratio deposcet. Quod forte in Parochiis tenuibus, quæ vix alere Parochum possunt, nullus sit Clericus, qui ei in sacra functione assistat, hinc noster §. inquit, adhibebit quoque unum saltem, si habeat*. Porro digna admiratione res est, multas esse vel in Urbe Parochias, in quibus Parochi nullum habent Clericum prorsus, qui ei ministret, sed pueris utuntur ut plurimum immorigeris, ac literas nescientibus, modicæque mercede conditiis, qui Superpelliceo induti, in Sacramentorum administratione inferviunt. Optandum sane, ut Summi Ecclesiarum Præsules hunc abusum corrigere, Parochosque egerent, ut vel ex certis redditibus, quibus abundarent, vel ex incertis obventionibus a funeribus provenientibus, competens salarium alicui Clericatu initiato præberent, quo ad rite Sacramenta administranda uterentur. Ubi nec ita occurri abusui possit, alii certe modi non desunt ipsi Ecclesiarum Præsules inopie Parochiarum providendi.

II. Fortasse quæret hic quispiam, num possit Clericus cogi, ut Parocho in administratione Sacramentorum inferviat, quia scilicet Tridentina Synodus Sessione xxiii. De reformatione Cap. xvi. vestigis sexti Canonis Concilii Chalcedonensis, quem nos late explicuimus suo loco in nostro I. Tomo Conciliorum, inherendo, statuit, ut nullus imposteram ordinetur, qui illi Ecclesie, aut pio loco, pro cuius necessitate, aut utilitate assumitur, non adscribatur, ubi suis singatur muneribus. Respondeo, cogi quidem posse, sed assignata illi congrua sustentatione, ut respondeat Sacra Congregatio negotiis Episcoporum & Regularium præposita, Archiepiscopo Consentino die v. Aprilis MDXCIII. teste Barrufaldo in Commentario ad hunc nostrum §. num. 61. E ratio est, quia quando Clerici de redditibus

hæc Ecclesie non participant, non tenentur suis stipendiis militare: *Clerici enim, inquit Concilium Agathense, relatum in Canone x. Can. 1. Questione II. qui Ecclesia fideliter, vigilanterque deserviant, stipendia sanctorum laboribus debita, secundum servitii sui meritum, per ordinationem Canonum, a Sacerdotibus consequantur*. Cui concinit Innocentius Papa III. in Decretali Epistola ad Episcopum Zamorensem relata in Cap. xvi. De Præbendis, ubi ita inquit: *Cum secundum Apostolum, qui Altario servit, vivere debeat de Altari, & qui ad curam elegerit, non debet repellere a mercede; patet et simili, ut Clerici vivere debeant de patrimonio Jesu Christi, earum obsequio deputantur*.

III. Sed cum hoc hodie vix obtineri possit, ut Ecclesiastici proveniunt sit dentur, qui infervere Ecclesiis deheant, notandum plane & illud, quod idem Barrufaldus observat num. 59. ubi laicus scilicet ob Clericorum defectum, Parocho, aliive Sacerdoti Sacramenta administrant inferviat, non possit illum Superpelliceo indui, quia Superpellicem proprie vestis est Ecclesiastica ad usum Clericorum, non vero laicorum, nisi isti laici sint Religiosi, quia in hoc casu, quamvis tonsurati non sint, sunt tamen de Religiosa familia, & a laicis omnino distincti ob regularem Ordinem, quem profitentur. Sed invaluit passim, ut vel in ipsi Ecclesiis etiam Regularium Urbis pueri, adolescentuli que sæculares in ministerio Altaris, & administratione Sacramentorum adhibeantur; qui tamen utinam essent morigeri, eaque scirent, quæ ad solas saltem sui muneris partes pertinent. Peccant sane in hoc Ecclesiarum Rectores, quorum esset, quandoque saltem, cohortationibus præmonere, quam modeste, & quanta devotione sacras functiones prosequi debeant. Ceterum, ubi deesset laicus mas, posse quidem & feminam in administratione Sacramentorum infervere, decent nonnulli apud eundem Barrufaldum; qui tamen eam sententiam improbat, solumque admittit, loquendo de Monialibus, intra quarum septa non nisi Confessarius admittitur pro administratione Sacramentorum; in eoque casu recte subdit, non habere locum rubricam nostri §. quod scilicet Superpelliceo pariter hæc femina sit induta, cum juxta istius Auctoris opinionem jam neque laicus possit Superpellicem adhibere, si in Sacramentorum administratione operam suam præstaret.

§. IX.

Curabit etiam, ut sacra supellex, vestes, ornamenta, linteamina, & vasa ministerii integra, nitidaque sint, & munda.

COMMENTARIUS.

Describendum hic primum censeo, quod nostro huic §. concinens ait in suis De Sacramentorum administratione, Instructionibus S. Carolus: *Hoc etiam præcavebit,*

nampe Parochus, ut vestes sacra, supellex, & vasa, qua ad ministrandi usum adhibentur, ab omni sorde pura sint, atque adeo quodam Ecclesiastica munditie nitore colluceant. De mundi-

ditie, ac nitore suppellectilis Ecclesiasticæ, innumera pene extant Episcoporum Sanctiones in eorum Synodis, tum provincialibus, tum particularibus expressæ adversus avaritiam quorundam Rectorum Ecclesiasticorum, quibus addæ Synodum generalem Lateranensem IV. anno MCCXV. celebratam, in qua Innocentius Papa III. Cap. XIX. dolens, quod Clerici quidam, *non solum Ecclesias dimittunt incultas, veram etiam vasa ministerii, & vestimenta Ministrorum, ac Palas Altaris, necnon ipsa Corporalia tam immunda relinquunt, quod interdum aliquibus sunt horrore, districte præcepit, ut Oratoria, Vasa Corporalia, & Vestimenta prædicta, manda, & nitida conserventur.* Notanda est ratio, quam mox subjicit: *Nimis enim videtur absurdum, in Sacris sordet negligere, quæ dedecere etiam in prophanis.* Integrum hoc memorati Concilii Caput relatum est in Capite II. De custodia Eucharistiæ &c.

II. Debet plane multa esse in hac re tanti momenti vigilantia, non enim ferendus est abusus illo, qui alicubi non sine plorum hominum scorsum in quibusdam Ecclesiis cernitur, ubi gravi Præpositorum, Rectorum, Sacristarumve oscitantia, sedæ avaritia quærentium quæ suæ sunt, non quæ Jesh Christi, sacra suppellex administrationis Sacramentorum destinata, quamvis ita vetustate detrita sit, ut amplius usui esse nequeat, adhuc tamen in divino ministerio usurpat. Hunc abusum, ut jam notavimus Lib. III. De Codice Sancti Evangelii, &c. Cap. XIX. & Tomo I. Commentariorum ad Cæremoniale Episcoporum Cap. vi. §. II. num. IV. suo tempore

deplorabat uberrimis lacrymis religiosissimus Cardinalis Bellarminus in aureo Opusculo, *De gemis columba*, Lib. II. Cap. v. ubi sic inter alia scribit: *Omitto, quod alicubi sacra vasa, & vestes, quibus Mysteria celebrantur, vilia, & sordida inveniantur, indigna propositis, quæ ad tremenda Mysteria addibentur.* Tum mox sibi obijciens, con, qui forte hæc adhibere, pauperes esse, egregie respondet: *Id quidem fieri potest, sed si pretiosa non sunt, saltem manda, & nitida procurarent.*

III. Sed dignum notatu est, quod hanc in rem narrat, quodque iccirco lubet hoc loco describere: Ego tamen cum aliquando ex itinere apud Episcopum nobilem, & prædilectum hospitaver, vidi Anas vasi argenteis splendidam, & mensam omni genere præstantium ciborum refertam, mappas quoque, & reliqua omnia nitida, & odorem suavem spirantia; sed cum diu sequenti summo man ad Ecclesiam Palatio continuus descendissem, ut Sacris operaretur, inveni omnia contraria, idest, vilia, & sordida, ut vix aaderem in tali loco, & cum tali apparata Divina Mysteria celebrare. Concludit tandem laudatus Auctor sic inquires: Scio, non deesse in Ecclesia Dei multos optimos, & religiosissimos Sacerdotes, qui corde mundo, & nitidissimo apparatu Divina Mysteria celebrant, pro quibus gratia Deo ab omnibus agenda sunt. Sed simul etiam fontibus lacrymarum plangendi sunt non pauciores, qui exteriori turpitudine, & sordibus, animi sui impuritate, sordesque testantur. Sed hujusmodi exempla vetera, ac nova afferri pene innumera possent,

§. X.

In Sacramentorum administratione, eorum virtutem, usum, ac utilitatem, & cæremoniæ significationes, ut Concilium Tridentinum præcipit, ex Sanctorum Patrum, & Catechismi Romani doctrina, ubi commodè fieri poterit, diligenter explicabit.

COMMENTARIUS.

I. **S**tatuit quidem Concilium Tridentinum Sessione XXIV. De reformatione, Capite VII. cujus in hoc nostro §. fit mentio, ut an Episcopis, & Parochis, Sacramentorum virtus, antequam populo administrantur, explicetur: *Ut fidelis populus, inquit, ad suscipienda Sacramenta, majori eam reverentia, acque animi devotione accedat, præcipit Sancta Synodus Episcopis omnibus, ut non solum cum hac per se ipsos erant populo administranda, prout illorum vim, & usum pro suscipiendum capta explicent; sed etiam idem a singulis Parochis, pie, prudenterque, etiam lingua vernacula, si opus sit, & commodè fieri poterit, servari studeant juxta formam a Sancta Synodo in Catechesi singulis Sacramentis præscriptam, quam Episcopi in vulgarem linguam fideliter verti, atque a Parochis omnibus populo exponi curabunt.* His concinit S. Carolus in Concilio Provinciali i. Mediolanensi, Constitutionum Parte II. Capite inferipto, *De illis, quæ ad Sacramentorum administrationem generatim pertinent, ubi hæc habet: Episcopi in administrandis Sacramentis, illorum vim, & usum, pro eorum, qui suscipiunt, & nesciunt, intelligentia, diligenter ex-*

plicabunt. Tum vero mox ita subjicit: *Item, quoque facient Parochi ea ratione, ac sententia, quæ in Catechismo Romano edendo auctoritate Sanctissimi Domini nostri præseribetur.* Interim vero aliquo Dominici Scriptoris Catechismo ab Episcopo deligendo atantur.

II. Edito tandem Romano Catechismo opera & Audio trium Fratrum inclyti Ordinis Prædicatorum, nempe Leonardi Martii Genuensis Archiepiscopi Lancianensis, Aegidii Fuschararii Bononiensis Episcopi Mutinensis, & Francisci Foreril Ulyssiponensis, probatoque primùm auctoritate S. Pii V. qui ex eodem Prædicatorum Ordine ad Summi Pontificatus apicem anno Christi MDLXVI. assumptus fuit, mandatur Ratim Episcopi Parochia sua, ut eo ad Sacramenta, allaque ad Christianam doctrinam spectantia explicanda uterentur. Audiendus hic iterum Sanctus Carolus, qui in suis, *De Sacramentorum administratione, in qua præfationibus, sic inquit: Sacramenti, quod ministrabit, Parochus nempe, vim, rationem, usum, salutaresque fructus, prout temporis, ac personæ ratio, & presentium multitudo intulerit, diligenter explicabit, præsertim Catechismi Romani doctrinam, quæ partim etiam su-*

sumere poterit ex Libro S. Patris nostri Ambrosii, De Sacramentis, & De iis, qui initiuntur Mysteriis. Cum vero *ceremonia*, quæ ad Sacramenta adhibentur, mentes illorum, qui eas intuentur, accuratèque observant, ad sublimium rerum cogitationem erigant, Fidemque, & charitatem in iis ipsis excitent, earum etiam vim, sanctioresque significationes, ut diligentissime poterit, idem populo exponet, cum aservenerit.

III. Sed difficile hoc a multis obtineri Parochis potest, qui sacros ritus, ceremoniasque ignoreant, nullamque iis addiscendis studium impendunt, ut illas alios suæ curæ subiectos doceant, contenti solum Libros illos veriare, qui casus

conscientiæ, & Parochialia jura in Decimis exigendis, aliisque elemolentiis lucrandis tractant. Digna plane res lacrymis est, pueros, adolescentes, senesque complures juveniri, qui ad Sacramenta accedunt sine ullo prorsus fervore, quod eorum virtutem, utilitatem, & carceroniarum, quibus celebrantur, significationes nesciunt. Non addubito, quin rei culpe lethalis sint Parochi ipsi, si nullam ejus rationem habent, quod de explicandis populo, potissimum ubi commodè fieri poterit, sacris ceremoniis in Sacramentorum administratione, & Rituale Romanum in hoc nostro §. & S. Carolus, & præsertim Tridentinum Concilium mandant.

§. XI.

Dum Sacramentum aliquod ministrat, singula verba, quæ ad illas formas, & ministerium pertinent, attente, distincte, & pie, atque clara voce pronuntiabit. Similiter & alias orationes, & preces devote, ac religiose dicet; nec memoriæ, quæ plerumque labitur, facile confidet, sed omnia recitabit ex Libro. Reliquas præterea ceremonias, ac ritus ita decenter, gravique actione peraget, ut adstantes ad celestium rerum cogitationem erigat, & attentos reddat.

COMMENTARIUS.

I. **E** Adem sunt, quæ S. Carolus in Instructionibus suis, De Sacramentorum administratione præscribit, quæque tamen expressius luculentiusque pro more exponit: De Libro hoc, inquit, preces, & Sacramentorum formulas, ceteraque pro ratione eorum, quæ ministrabit, recte leget; nec vero memoriæ, quæ plerumque labitur, confidat. Tum vero interius: Sacramentum præterea aliquod eum ministrat, ut ad magna cum religione præstet, singula verba, quæ ad illius formam, rationemque pertinent, omni animi attentione, ac pietate distincte pronuntiabit, & clara item voce, ut ab illis audiri possit, quibus ministratur. Addit mox etiam: Sacras item precesiones sanctæ, prætereaque dicet; solemnes præterea alios ritus, ceremoniasque ita decenter observabit, ut veluti ante oculos ponere videatur eximia illa dona, quæ in eo Sacramento continentur. Et iterum statim: Ita vero demum in omni Sacramenti administratione se geret, ut non actione solum tota, sed vultu etiam illos, qui adsunt, incitet ad pietatem, ac devotionem. Undique novit præterea, officii sui esse, & hæc sancta administrandi ratio, & præterea assiduis orationibus, & doctrina, & omni Sacerdotali industria, fideles sibi commissos tales efficere, quibus digne, utilisque Sacramenta ministrari possint. Hæcenus S. Carolus, cui concinunt & alii Episcopi, ut in eorum Synodis provincialibus æque ac particularibus videre est.

II. Sed observanda nunc quædam a nobis sunt, quæ in nostro §. præscribuntur: Nam Sacramentum aliquod ministrat, Parochus nempe, aliusve Sacerdos, singula verba, quæ ad illius formam, & ministerium pertinent, attente, distincte, & pie, atque clara voce pronuntiabit. Ex quibus docetur, ubi agitur de Sacramenti forma, legenda esse ejus verba, attente, distincte, nulla immutanda, nulla omittenda, sed ut dictum est, attente, distincte, & pie, atque

clara voce pronuntianda, ut nempe valide, ac licite conficiatur Sacramentum. Ceterum ad alias orationes, & preces quod attinet, non loquitur quidem noster §. de singulis verbis, sed injungit tantummodo, ut devote, ac religiose Sacerdos eas dicat, idcirco non obscure significat, aliquam in ipsis orationibus, ac precibus immutationem, præmissionemve hæud nocere Sacramenti validitati. Sed cavendum omnino est Sacerdoti ab hujusmodi licentia; peccaret enim, penitusque etiam Ecclesiasticis fieret obnoxius. Itaque, ut ait noster §. similiter & alias orationes, & preces devote, ac religiose dicet, nempe non cursim elidendo verba, vel syllabas, sed nec ita languide, ac morose, ut tædio potius, quam devotione li, quibus Sacramenta administrantur, alique ei administrationi præfentes, afficiantur. Addit mox etiam, ut nec memoria, quæ plerumque labitur, facile confidat, sed omnia recitet ex Libro. Porro omnia fiducia, ut recte observat ad hunc §. Barrufaldus num. 69. quæ ab aliquibus habetur memoriæ, compescenda est, quia fructus pessimos quandoque gignit; verba enim propria sæpe vitiantur, atque immutantur. Certe vel ipsi tenacissimi, & firmissimæ memoriæ Concionatores, quandoque concionem a se compositam, atque compluries recitatam, bis, & ter repetere coacti sunt, sed nunquam eodem verborum ordine servato; itemque aliquando concionem relinquere, & confusi discedere.

III. Servanda itaque Rubrica nostri §. nec facile silendum memoriæ, quæ plerumque labitur, sed omnia legenda ex Libro, probato nempe Libro, qualis est Missalis, vel Ritualis, in quo formula extat administrandi Sacramenta. Quamobrem puto peccare Sacerdotem, etiam si tenaci memoria polleat, si sine Libro Sacramenta administret, Baptismi scilicet, extreme Unctionis, ac Matrimonii, in quibus varii ritus, ac preces præscripti sunt; nam alias forma admini-

strandī Pœnitentiæ, & Eucharistiæ Sacramenta, adeo est a Sacerdotibus usitata, ut non opus sit Libro, ut ex eo illorum formæ legantur. Sed & decere aīo quamaxime, ut Sacramenta, quæ variis ritibus, ac longis orationibus, & precibus constant, administrantur, uti dictum superius fuit in §. vi. ordinem ministrandi, & ceremonias, pro temporis spatio prævideat, ac perlegat; saltem vero prius locum in Libro inveniat, & signacula ordinat ad ea, quæ dicturus est, juxta ritum præscriptum in Rubricis Missalis, Parte II. Cap. 1. quod est de præparatione Sacerdotis celebraturi, ad evitandum scilicet scandalum, tædiumque adstantium, quibus molesti sunt ii Sacerdotes, qui cum acturi sunt Sacrum, vel administraturi aliquod Sacramentum, chartas Libri volvunt, revolvuntque, ut ritum ipsum, ordinemque inveniant.

IV. Mandat insuper noster §. ut reliquis præterea ceremonias, ac ritus ita decenter, gravique actione peragat, ut adstantes ad celestium rerum cognitionem erigat. Hinc corrigendi omnino sunt Sacerdotes aliqui, qui sine spiritu, sine affectu, & tremore, sed festinatione incredibili, ac sacrarum ceremoniarum neglectu, Sa-

cramenta administrant, adstantesque non ad devotionem, sed ad risum potius, atque admirationem, ut saepe evenit, excitant. Reos esse & ipsos culpæ latalis, certum habeo, proboque ex dicto Hieremie Cap. xlviii. *Maledictus qui facit opus Dei negligenter*. Porro quia vel exterioris devotionis, pietatisque specio, Sacramentum Eucharistiæ præsertim administravit Sanctus Philippus Nerius nostræ Domus S. Hieronymi Charitatis triginta & tres annos Presbyter, docet Bacci in ejus Vita Lib. II. Cap. iv. num. 9. ubi ait, quod, dum alumnis Sacra Communionis cibum dispensabat, ea lacrymarum copia opprimebatur, ut saepe a functione desistere cogeretur. Possem & alia Sanctorum exempla afferre, sed satis est, ut ea deferibam, quæ citato superius loco S. Carolus præscribit, scita enim digna sunt, & quamaxime a Sacramenta administrato servanda: Ritibus autem, & ceremoniis utatur hoc Libro præscriptis, quibus nihil, ne alienius quidem privata devotionis nomine addet, nec detrahât; neque vero aliquid mutabit, nisi aliter aliquando faciendum Rubrica suo loco ostendat. Idem plane præscribit passim Synodi multe, & Codices Rituales.

§. XII.

Ad ministrandum procedens, rei, quam tractaturus est, intentus sit, nec de iis, quæ ad ipsum non pertinent, quicquam cum alio colloquatur; in ipsaque administratione, actualem attentionem habere studeat, vel saltem virtualem cum intentione faciendi, quod in eo facit Ecclesiā.

COMMENTARIUS.

I. **Q**uod primum in hoc nostro §. edicitur, fustus jam, elariusque exponit S. Carolus in Rubricis, seu Instructionibus, De Sacramentorum administratione, ubi hæc habet: *Dum vero administrandum proficiscitur, animi meditatione attentus erit ad rem, quam sancte atque pie Psalmos, & orationes statas in hoc Libro præscriptas recitabit. Nihil quidquam cum alio colloquetur, nisi necessitatis causa, & quam brevissime, neque salutationibus in via vacabit. Sed nec omittendum, quod statim subjicit: Graviter præterea, matureque incedet, non properanter, nisi instante necessitate, callopodis autem, seu zoccolis nunquam utatur Sanctissimis Sacramentis ferendis.* Atque his plane concordant Synodales aliorum Episcoporum Constitutiones, quas in re tam clara, & Sacramentorum administrationi debita recensere supervacuum est: fest laboris.

II. Ad alteram nostri §. partem quod attinet, quæ est de intentione requisita in Ministris Sacramentorum, late de ea agunt omnes Theologi. Definuit autem intentio a Philosophis actus voluntatis; quo quis rem aliquam eligit, dividiturque in actualem, virtualem, & habitualem. Prior est præfata volitio finis per medium ad alium ordinatum. Altera est illa, quæ virtute actualis præteritæ actionem humanam dirigit. Postrema tandem est ea, quæ fuit actu elicta, & non fuit revocata, sed est interrupta. De intentione sic explicata, & divisa, uti jam notavit juvenius in Opere, *De Sacramentis*, Dist. I.

sertatione 1. Quæstione v. Cap. II. Theologi de Sacramentis agentes tria hæc præsertim querunt. I. Utrum, & quæ intentio sit necessaria in Ministro, ut Sacramentum a se confectum valeat. II. Quodnam debeat esse necessariæ intentionis objectum. III. Utrum retento intentionis ex parte Ministro, qui ritum externum Sacramenti peragit, illius valorem impediât.

III. His notatis, licet ex communi Theologorum sententia ad conficiendum Sacramentum non sit necessaria actualis intentio, intentio tamen virtualis absolute necessaria est in Ministro, cujus intentionis objectum esse debet, quod facit Ecclesiā, ut in nostro §. edicitur, probaturque ex Martino Papa V. qui conceptis terminis in fine Concilii Constantiensis ita definit, ac præterea ex Eugenio IV. in Concilio Florentino mox soluti Decreto pro Instructione Armenorum, sic agente: *Omnia Sacramenta tribus perficiuntur, videlicet rebus tanquam materia, verbis tanquam forma, & persona Ministri conferentis Sacramentum, cum intentione faciendi, quod facit Ecclesiā. Quorum si aliquod desit, non perficitur Sacramentum.* Idem statuit, & decrevit Concilium Tridentinum Sessio vii. Can. xi. *Siquis dixerit, in Ministris, dum Sacramenta conficiunt, & conferant, non requiri intentionem saltem faciendi, quod facit Ecclesiā, anathema sit.* Atque his adhærens S. Carolus in memoratis, *De Sacramentorum administratione*, Instructionibus sic inter alia edixit: *Sacramenti ministracionem cum aggreditur, id intendat, idque sibi agere proponat, quod Christus Domi-*

nus instituit, & Sancta Mater Ecclesia intendit, atque agit.

IV. Ex haecenus dictis docetur plane, ut Sacramentum valeat, necessarium esse in Ministro intentionem faciendi, quod facit Ecclesia; seu, quod idem est, id quod Ecclesia facit, debere esse objectum intentionis Ministri. Siquis autem hic querat, quid Ecclesia faciat, cum Sacramentum aliquod conficit. Respondet inter alios Iuuenius citato loco, Cap. II. Articulo II. in fine, Ecclesiam nihil aliud operari, quam externam caeremoniam a Christo Sacramentorum institutore praescriptam; eam autem caeremoniam in debita formae supra materiam applicationem positam esse, verbi gratia, cum Ecclesia Catechumenum Baptismate consecrat, illum aut exterius suorum Ministrorum manibus abluisse, ac per eorum os haec verba proferre: *Ego te baptizo in Nomine Patris, & Filii, & Spiritus Sancti*. Siquis autem hic iterum roget, requirere ad validitatem Sacramenti, ut verbi gratia baptizans faciat, quae sit intentio Ecclesiae? Respondet Genettus Theologiae Moralis Tomo III. Tractatu 1. Cap. IV. Quaestione XV. non esse necessarium, modo vere intendat baptizare, probatque auctoritate Innocentii Papae IV. in Cap. *Siquis puerum, De Baptismo*, ubi haec habet: *Non est necesse, quod baptizans faciat, quid sit Ecclesia, nec quod gerat in mente facere, quod facit Ecclesia, imo si contrarium gereret in mente, scilicet non facere, quod facit Ecclesia, sed tamen facit, quia formam servat, nihilominus baptizatus est, dammodo baptizare intendat*. Atque hoc modo intelligendum ait Innocentium IV. quod scilicet vult solum ad validitatem Sacramenti, ut is, qui baptizat, observet formam Sacramenti, & habeat praeterea vere baptizandi intentionem, licet non sit necesse, ut velit per Baptismum conferre gratiam sanctificantem baptizato, quod vult tamen Ecclesia.

V. Sed lubet Quæstionem ipsam de intentione Ministri alius repetere, luculentiusque explicare ex illis scilicet, quae scriptae, docuque Sanctissimus Dominus noster BENEDICTUS XIV. in celebri Opere, *De Synodo Diocesana*, Libro VII. Cap. IV. Num. VI. & seqq. Quamquam apud Catholicos certissimum sit, in Sacramenti Ministro aliquam intentionem requiri saltem faciendi, quod facit Ecclesia, valde tamen inter eosdem disputat de huius intentionis objecto, seu quid illud sit, ad quod ferri debeat eiusmodi intentio, quam omnes necessariam sentitur. Ambrosius Catharinus & Domenicanorum Familia Episcopus Minoricensis, & postea Archiepiscopus Comfanus in Opusculo, *De intentione Ministri*, contendit, ad Sacramentum valide administrandum, satis esse, ut Minister intentionem habeat serio perficiendi ritum externum, qui ab Ecclesia adhibetur; atque ideo etiam si suam intentionem retineat, aut interius dicat, se nolle facere, quod facit Ecclesia, dum exterius serio agit, nulloque signo pravam suam voluntatem prodatur, ratum perfectamque Sacramentum ab eo perfici, Catharinas propugnat. Catharino praeverant Petrus Cantor, Robertus Cardinalis Pallus, Paladanus, Sylvestre, eumque postea sunt sectati Salmeron Lib. I. Commentariorum in Epistolam S. Pauli, III. Parte, Disp. II. Joannes Marius Scribonius in Summa Theologica, *De Sacramentis in genere*, Quæ-

sione VI. & VII. Vincentius Contempsonius, in suo Tractatu, *De Sacramentis in genere*, Hyacinthus Serry in Vindiciis Catharini, Natalis Alexander, Gaspar Iuuenius, alique recentiores.

VI. Haec tamen opinio visa est aliis coincidere cum Lutheri, & Calvini doctrina, a Concilio Tridentino expresse damnata, ac propterea non dubitarunt haereticis notam eidem inuenerunt. Verum huiusmodi censores Concilii Tridentini historiae se prorsus jejunos ostendunt; etenim Sessio septima, ubi primo impium haereticorum dogma anathemate confossum fuit, habita est die III. Maji MDXLVII. & laudatum Catharini Opusculum Romae typis impressum prodit anno MDLII. quin Opusculi Auctor ea occasione in aliquam erroris suspitionem venerit. Quapropter Cardinalis Pallavicinus, cui Tridentini Conciones, & Decreta, eorumque geminus sensus, ignota prorsus non erant, in ejusdem Concilii Historia Lib. IX. Cap. VI. Num. II. loquens de sententia a Catharino in eodem Concilio propugnata, haec habet: *Equidem exilimo, Catharini sententiam falsam esse, sed non ideo per Tridentinus Canones diserte damnatam; quapropter fas illi fuit affirmare, eam Concilio non contradicere*. Et Lib. XII. Cap. X. exponens Decreta Penitentium Sacramentum spectantia, 2. Concilii Patribus formata, num. XXXIV. ait: *Ex hisce postremis verbis coniecere potest quisquis ea legerit, haud esse expunctam sententiam Catharini, aliorumque Theologorum, opinantium, Sacramento, quo ratum sit, sufficere in Ministro voluntatem serio agendi, & obesse tantummodo jocum, quem Sacramentum suscipiens cognoscere possit*.

V. Quomobrem melioris iudicii Theologi, Catharini opinionem ab haereticis censura vindicant, latnque inter illam, ac Lutheri, & Calvini doctrinam, discrimen intercedere demonstrant, praeterim Vasquez in III. Parte, Disputatione CXXXVII. Cap. II. & III. Cardinalis de Lugo, *De Sacramentis*, Disp. VII. Sect. II. Natalis Alexander, *Theologia Dogmatica, & Moralis*, Tomo I. Lib. II. *De Sacramentis in genere*, Cap. VII. Articulo III. Regula I. Iuuenius, *De Sacramentis*, Dissertatione I. Quæstione V. Cap. II. Articulo III. §. I. Quinimo Marcus Antonius de Dominis Lib. V. *De Republica Ecclesiae*, Cap. XII. §. XII. & XIII. ubi perversum haereticorum errorem adstruit, Catharinum a sua sententia prorsus alienum agnoscit, & fatetur. Negari tamen haud potest, grave vulnus praefatae opinioni infictum ab Alexandro VIII. a quo die VII. Decembris MDCCX. haec inter alias propositio damnata fuit: *Valeat Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit: non intendendo facere quod facit Ecclesia*. Sed nihilominus a damnationis telo illam defendere conantur Iuuenius loco citato, Serry in citatis Vindiciis pag. 109. Auctor Operis, *De re Sacramentaria*, pag. 112. alique, confixam opinionem, rati, cum ritus externus, aut non serio, sed joco, & mimic peragitur, aut ab illo exercetur, qui aliunde, hoc est, ab aliqua exteriori circumstantia, puta a Sacramenti postulatione, non determinatur ad agendum nomine Ecclesiae, seu tanquam Minister; ultro enim admittit Iuuenius, non valide baptizare, qui a nemine pollu-

latus, domi infantem abluat, cum expressa Sanctissimæ Trinitatis invocatione, si intra se deliberet id, quod fert propositio damnata: *Non intendendo facere, quod facit Ecclesia.*

VI. Verum ut ut hæc res coram Deo se habeat, nulla usque adhuc de ea emanavit expressa Apostolicæ Sedis definitio. Licet igitur communior sit sententia exigens in Ministro intentionem actualem, vel virtutalem faciendi non solum ritum externum, sed id, quod Christus instituit, seu quod facit Ecclesia, & hæc, veluti tutior, sit omnino servanda in praxi; non est tamen Episcopi priorem opinionem reprobare, atque ad hanc posteriorem, etiam theoricè tendendam, suos Diocesanos adigere; causas quippe majores, difficilioreque questiones, Fidem, aut disciplinam spectantes, ad Sedem Apostolicam deferendas, statuit perpetua Ecclesiæ consuetudo ab Innocentio III. in Capite, *Majores, De Baptismo*,

mo, confirmata. Quare si constet, quempiam aut Baptismum contulisse, aut aliud Sacramentum ex illis, quæ iterari nequeunt, administrasse, omni adhibito externo ritu, sed intentione retenta, aut cum deliberata voluntate non faciendi, quod facit Ecclesia, urgente quidem necessitate, erit Sacramentum iterum sub conditione perficiendum; si tamen res moram patiat, Sedis Apostolicæ Oraculum erit exquirendum; quemadmodum ad Severam Scholasticum Constantinopolitanum sciendum scriptis Ferrandus Ecclesiæ Carthaginensis Diaconus in difficili questione, qua tunc Ecclesia fatigabatur, docet, in-
doctisque, in varias partes scissis, inquis: Interroga vir prudentissimè, siquid veritatis cupit audire, principaliter Apostolicæ Sedis Antistitem, ejus sana doctrina constat judicio veritatis, & fulcitur maxime auctoritatis, Tomo IX. Bibliothecæ Patrum pag. 509.

§. XIII.

Illud diligenter caveat, ne in Sacramentorum administratione aliquid quavis de causa, vel occasione, directe, vel indirecte, exigat, aut petat; sed ea gratis ministret, & ab omni simonia, atque avaritiæ suspicione, nedum crimine, longissime abist. Siquid vero nomine eleemosynæ, aut devotionis studio, peracto Sacramento, sponte a fidelibus offeratur, id licite pro consuetudine locorum, accipere poterit, nisi aliter Episcopo videatur.

COMMENTARIUS.

I. **N**ihil est, quod tam frequentius Canones damnant, quam simonia crimen in consecratione, & administratione Sacramentorum, quæ ex præcepto Christi, si cut gratis accipi debent, ita & gratis dari. Verum ut non uno in loco ostendimus nos in Commentariis ad Concilia Oecumenica, viguit semper hic abusus sub variis prætextibus, quos alias Concilia ipsa improbarunt, aliquid pro Sacramentorum administratione exigendi; eoque abusus jampridem quoque notavit, & summopere deploravit Guillelmus Durandus Episcopus Mianensis in Tractatu, *De modo Generalis Concilii celebrandi*, Parte II. Rubrica IX. *Quod sepultura in multis locis vendatur, & in aliis pro Baptismo, Pœnitentia, & Eucharistia, & aliis Sacramentis, pecunia ex quadam pessifera consuetudine recipiatur, & levetur; neque pro sunt remedia super hoc constituta, pro ea quod multi ex majoribus columini, & Prælati Ecclesiæ in hoc peccant; & ideo, quia ab his male agitur, facile trahitur in subditis in exemplum.* Notat hæc Vancsep Parte II. *Juris Ecclesiastici*, Tit. I. Cap. III. ubi ita deinde exclamat: *O utinam nec bodie pessifera ejusmodi consuetudo exemplo similium Prælatorum firmaretur, qui Parochos ipsos, aliisque Ecclesiæ Ministros ad fordium hanc quæsum ob defectum congruæ, & bonellæ competentis quodammodo cogunt.*

II. Varias ad palliandam in Sacramentorum administratione simoniam, avaritiamque, teneas a quorundam sacrorum hominum cupiditate inventas damnantur semper Concilia ipsa Oecumenica, præsertim vero Lateranense II. anno Christi MCLXXXIX. Can. II. quod pecuniam dari, aut exigi pro quocumque Sacramento vetat, additque: *Et nec pro passu, nec sub obtenta alienjns*
Tem.I.

consuetudinis, ante, vel post, a quoquam aliquid exigatur, vel ipse qui Sacramenta suscipit, dare præsumat, quoniam simoniacum est. Rursus eodem sæculo celebratum Concilium Generale Lateranense III. anno scilicet MCLXXXIX. Can. IX. *horribile nimis reputat, quod in quibusdam Ecclesiis pro Sacramentis aliquid requiratur; subditque mox: Putant autem plures ex hoc licere, quia legem mortis de longi consuetudine invaluisse arbitrantur; non attendentes, quod tanto graviora sunt crimina, quanto diutius infelicem animam tenuerunt alligatam.* Saluberrimis horum, aliorumque Conciliorum Decretis insistentes zelosiores Episcopi, omnem in Synodis suis, ac Ritualibus Libris temporalem exactionem in Sacramentorum administrationem proscripturam, eaque gratis, & sine ulla prorsus quæstus specie dari jussunt. Audiendus præ cæteris S. Carolus, qui in suo I. Concilio Provinciali Mediolanensi, Constitutionem Parte II. Capite inscripto, *De iis, quæ ad Sacramentorum administrationem generatim pertinent*, sic inter alia inquit: *Cum Sacramenta Ecclesiæ non solum sine simonia labe, verum etiam sine avaritiæ suspitione præbenda sint, caveant omnes, ne in eorum administratione quidquam exigant, aut etiam verbis, vel signis, directe, vel indirecte petant. Qui secus fecerit, cum & penitus jure communi statutis, & aliis arbitrio Episcopi plebii volumus.* Sed non omitendum, quod idem Sanctissimus Præsul in eandem rem præscripsit Parte IV. *Actorum Ecclesiæ Mediolanensis in laudatis toties, De Sacramentorum administratione*, Instructionibus, ubi sic habet: *Illud porro cavebit, qui scilicet Sacramenta administrat, ut ne in administratione, ejusve causa, aut occasione, aliquid exigat, petaturve.*
C 2 ali-

aliquo modo; sed quæ gratis accipit, gratis ministrat, sine aliqua, vel minima censuræque avaritiæ suspitione.

III. Jam vero non opus est Synodos alias congerere, in quarum etiam nonnullis ea nostri §. clausula probatur, in qua edicatur, ut *si quid nomine elemosinæ, aut devotionis studio, peracto jam Sacramento, sponte a Fidelibus offeratur, id licite pro consuetudine locorum, accipi possit, nisi aliter Episcopo videatur.* Atque his plane concludit, quod in Farsenâ Synodo edixit Carolus Cardinalis Barberinus Cap. vi. num. 8. *Quod si sponte aliquid, ac libere, elemosinæ nomine, & pietatis studio, hæc occasione, a Fide-*

libus offerri consueverit, id tanquam non debitum, peracto Sacramento, modeste recipi, non interdiciamus. Porro posse Episcopum per constitutionem Synodalem, siue alias ei consuetudini derogare, ut nempe Sacerdos siquid nomine elemosinæ, aut devotionis studio, administrato jam Sacramento, sponte a fidelibus offeratur, licite id valeat accipere, ubi nempe viderit ob abundantiam oblationem, & munerum, foveri alienjussu Miosistri Ecclesiastici avaritiam, & in malum usum munera ipsa converti, ex illis nostri §. verbis intelligere licet, expresseque affirmant Januensis in Praxi, Cap. xxv. & Barusilius in Commentario ad hunc nostrum §. num. 76.

§. XIV.

Fidelibus alienæ Parochiæ Sacramenta non ministrabit, nisi necessitatis causa, vel de licentia Parochi, seu Ordinarii.

COMMENTARIUS.

I. **S**icut singulis Diocesis unus præfectus fuit Episcopus, cui totius Diocesis regimen incumbere, & quem populus illius Diocesis colere, & agnoscere deberet, ita quoque singulis Parochiis assignatus unus Presbyter fuit, qui totius Parochiæ curam spirituales ageret, quique propterea Parochus, seu Presbyter Parochianus dicebatur, & quem populus tanquam proprium suum Pastorem venerari deberet, & audire. Hinc est, quod Concilium Narnicense relatum in Capite II. *De Parochiis*, inter alia statuit, ut *Dominici, & festis diebus, Presbyteri, antequam Missam celebrent, plebem interrogent, si alterius Parochianus in Ecclesia sit, qui, contempto proprio Presbytero, ibi velit Missam audire.* Parochorum jam in administratione Sacramentorum, ad exclusionem omnium aliorum inferiorum Sacerdotum, adeunt siqui in eorum Parochia, aut ejus parochianis Sacramenta administrant, id non nisi ut ejus coadjutores, & subdarii, ac ipsius tacito, vel expresso consensu facere teneantur, notavit inter alios Vanespem Parte II. *Juris Ecclesiastici universi*, Tit. I. Cap. II. num. xv, ubi etiam observat, jus ipsum Parochorum non obscure expressum fuisse a Tridentino Concilio, Sessione xxiv. *De reformatione*, Cap. xi. ubi Episcopis mandat, *potentiori animarum eis commissarum salute, ut distincto populo in certas, propriasque Parochias, unicuique suum perpetuum, peculiareque Parochum assignent, qui eas cognoscere valeat, & a quo solo licite Sacramenta suscipiant.* Hoc placet ex capite, ut scite nonnulli

observant, Parochus proprius Sacerdos respectu populi sibi commissi vocatur in Capite, *Omnia utriusque sexus, De penitentia, & remissionibus*, utpote cui jure proprio competet Sacerdotale officium populo suo impendere; itemque antonomastice *Pastor* dici consuevit, utpote qui incumbat populum sibi commissum Divini verbi prædicatione, & Sacramentorum exhibitione, spiritualiter pascere. Curatus quoque nonnumquam appellatur, eaque est ejus in Urbe denominatio, & quod eura populi ipsi primario inebant. Vide & alias Parochi denominationes apud Filescum in Commentario, *De Parochiarum origine*, Cap. III.

II. Licet autem Parochus in sua Parochia sit ordinarius Sacramentorum Minister, jam non potest, nec debet ea fidelibus alienæ Parochiæ ministrare, nisi necessitatis causa, vel de licentia Parochi, seu Ordinarii. Quod quidem de Baptismo, Viatico, & Extrema unctione intelligendum est. Nam alias si hodie vel simplices Sacerdotes tum secularis, tum Regulares, siue ex consuetudine, siue ex privilegiis, ut alias dictum est, possunt in suis Ecclesiis Pœnitentiam, & Eucharistiam ministrare, multo magis & ea valent Parochi præbere. Quod in necessitate possunt, non modo Parochi fidelibus alienæ Diocesis, sed & ceteri Sacerdotes Baptismum, Viaticum, & unctionem extremam, absente solo Parocho, multoque magis de ejus licentia, & consensu præbere, jam etiam dictum superius fuit. Ceterum quod Matrimonii Sacramentum spectat, dicemus suo loco inferius.

§. XV.

Omnes autem, qui Sacramenta suscipiunt, loco, & tempore opportuno monebit, ut remoto inani colloquio, & habitu, actuque indecenti, pie, ac devote Sacramentis inter sint, & ea, quæ par est, reverentia suscipiant.

COMMENTARIUS.

I. **O**pportune & in hoc Commentario describimus, quod ad majorem hujus §. explicationem præscribit S. Carolus in recentis suis Instructionibus: *Ut autem*

Sacramentis, inquit, debitus religiosus cultus etiam externus ab eis tribuatur, qui ea suscipiunt, non potuerit, Parochus, aliove Sacerdos ministrans, quemquam ad illa suscipienda

accedere, nisi exteriore quoque habitu, vestimque modestia debitam illis venerationem praeferat. Digna notatu sunt quae mox subiicit: *Videbis igitur, ut viri armis depositis, atque mulieres recte velato capite accedant; ut omnes vestitu, & toto corporis habitu modesto humilitatem christianam praeferant.* Et iterum: *Monebit id quoque religiosi omnes, qui adsunt, ut remitto inani colloquio, assidue indecenti, pietate, ac devotae, ut debent, intersint capite aperto, mente etiam ipsi reputantes caelestia illa dona, quae Sacramentorum virtute fidelibus impar-*

siantur. Et rursus: *Iudeos autem, infideles, haereticos, & excommunicatos non patietur in Sacramentorum administratione praesentes adesse, nec vero Catechumenos.* Atque hoc satis esse iam possunt ad nostri hujus §. explicationem, nec enim opus est alia adjungere ex variis Episcoporum Synodis, in quibus similia his, quae sunt haecenus dicta, statuta leguntur, damnata virorum, ac mulierum insolentia, atque temeritate, qui ad Sacramenta accedunt eodem plane habitu corporis, quo ad theatra, aliaque profana spectacula se solent conferre.

§. XVI.

Librum hunc Ritualem, ubi opus fuerit, semper, cum ministrabit, secum habebit, ritusque, & caeremonias in eo praescriptas diligenter servabit.

COMMENTARIUS.

I. **U**T omnia secundum ordinem fiant a supremis Ecclesiae Praesidibus praescriptum, recte in hoc §. jubetur, ut Parochus, Sacerdosve alius Sacramenta administraturus, *Librum hunc Ritualem, ubi opus fuerit, semper, cum ministrabit, secum habeat, Librum scilicet hunc Ritualem Romanum peculiari Diplomate, quod incipit, Apostolica Sedis, a Paulo Papa V. anno MDCCXIV. reformatum, probatumque, novissime vero regnantis Pontificis Maximi BENEDICTI XIV. jussu editum, auctumque; ritusque, & caeremonias in eo praescriptas diligenter servet;* nihil scilicet iis addendo, nihil detrachendo, ne alicujus quidem privatae devotionis nomine, uti jam diximus supra in Commentario ad §. XI. Sane quamvis non omnes ritus, seu caeremoniae in Libris Rituali-

bis singularum Diocesum praescripti ex Apostolica disciplina, & traditione descendunt, sed plures postremis temporibus sint introducti, imo nec omnes, & singuli haberi debeant tanquam ab Ecclesia Catholica probati, nihilominus Parochis, aliisque inferioribus Ministris fas non est extra necessitatem privata auctoritate in Sacramentorum administratione, aut Divinorum Officiorum persolutione, a Ritibus in Rituali, aut Pastoralis hujus Diocesis praescriptis recedere, eo etiam titulo, quod ritus contrarius puriori primitivae Ecclesiae disciplinae videatur conformior, ne alias hac licentia paulatim latius serpens confusioem, aliaque incommoda in ipsos sacros ritus, & Sacramentorum administrationem inducat, uti notat Vaneusen Parte II. *Juris Ecclesiastici universi*, Cap. II.

§. XVII.

Ceterum illorum tantum Sacramentorum, quorum administratio ad Parochos pertinet, ritus hoc Opere praescribuntur, cujusmodi sunt Baptismus, Pœnitentia, Eucharistia, Extrema unctio, & Matrimonium. Reliqua vero duo Sacramenta Confirmationis & Ordinis, cum propria sint Episcoporum, ritus suos habent in Pontificali praescriptos. Et ea, quae de iis, atque aliis Sacramentis scire, servare, & docere Parochi debent, cum ex aliis Libris, tum praecipue ex Catechismo Romano sumi possunt. Siquidem hic de iis fere tantum agere instituti Operis ratio postulat, quae ad ipsorum quinque Sacramentorum ritus pertinent.

COMMENTARIUS.

I. **N**E confundantur jura, & administrationes, ut scite observat Barrualdus in Commentario ad hunc §. num. 90. *Illorum tantum Sacramentorum, ait hic noster §. quorum administratio ad Parochos pertinet, ritus hoc Opere praescribuntur, cujusmodi sunt Baptismus, Pœnitentia, Eucharistia, Extrema unctio, & Matrimonium.* Reliqua vero duo Sacramenta Confirmationis, & Ordinis, cum propria sint Episcoporum, Ritus suos habent in Pontificali praescriptos. Pontificale ipsum Romanum in tres Partes distributum, Clementis VIII. ac Urbani VIII. auctoritate recognitum, jam pridem nos omnium primi Prolegomenis & Commentariis perpetuis illustratum tribus Tomis, quos vocant in folio, comprehensum edi-

dimus Romae apud Antonium de Rubcis annis MDCCXXXVIII. XXXIX. & XL. Porro licet Episcopi sint duorum praedictorum Sacramentorum Confirmationis & Ordinationis Ministri, adhuc tamen eorum notitia necessaria Parochis est, ut scilicet illorum virtutes, & effectus docere suos subditos possint. Hinc enim mox subdit noster §. *Et ea, quae de iis, atque aliis Sacramentis scire, servare, & docere Parochi debent, cum ex aliis Libris, tum praecipue ex Catechismo Romano sumi possunt.*

II. Id plane jam antea jussisset Tridentina Synodus Sessioe XXIV. *De reformatione*, Cap. VII., ubi statuit, ut Sacramentorum virtus, antequam populo administraretur, ab Episcopis, & Parochis explicetur: *Ut fidelis populus, inquit,*

quit, ad suscipienda Sacramenta majori cum reverentia, atque animi devotione accedat, præcipit sancta Synodus Episcopis omnibus, ut non solum, cum hæc per se ipsos erunt populo administranda, prius eorum vim, & usum pro suscipiendum capere explerent, sed etiam idem a singulis Parochis, pie, prudenterque, etiam lingua vernacula, si opus sit, & commode fieri poterit, servari studeant, juxta formam a sancta Synodo singulis Sacramentis præferendam, quam Episcopi in vulgarem linguam fideliter verti, atque a Parochis omnibus populo exponi curabunt. Quamquam itaque Libri non desint Scriptorum sana doctrina, & solida pietate præstantur, ex quibus Episcopi, ac Parochi Sacramentorum virtutem, atque effectus explicare queant, mandat nihilominus, & quidem expresse, ut in ipsa Sacramentorum explicatione Romano Catechismo, qui & Catechismus Concilii Tridentini appellatur, uti Episcopi, & Parochi debeant; qui etiam ex præscripto nostri §. tantæ est auctoritatis, ut ceteris debeat anteponi.

III. Sed ut magis magnificè Romani hujus, sive Tridentini Concilii Catechismi auctoritatem comprobemus, notandum hoc loco censuimus, quod antequam prodiret in lucem, etiam tot fuisset, tantorumque Virorum studio elaboratus, de quibus diximus supra in Commentario ad §. X. num. II, etiam toties id sollicitante S. Carolo, Iustus, relictus, & climatus, attamen oblatu S. Pio V. Pontifici Maximo, ut tandem sua auctoritate firmaretur, noluit tamen Summus Pontifex sic eum a se exire, quin adhuc ab aliis Doctoribus prius recenseretur, ut, qua, par erat, maturitate, & prudentia editus Liber Catholicus, Catholice reciperetur. Res commissa est Guillelmo Sirleto nostræ Nationis Calabræ, S. R. E. Cardinali, utpote cuius doctrinam, & pietatem optime noverat, quique, adnitentibus Cardinalibus cum S. Carolo non paucis, Summus Pontifex vix non fuerat renunciatus, ut ex Vitis eorundem S. Caroli, & S. Pii V. liquido constat. Sirletus ergo noster S. Pii V. jussu quosdam secum adhibuit Theologos doctissimos in ceteris, qui hujus Libri non solum dogmata, sed & ipsa verba trutinarent, rimarenturque, quo diligentia singulari peracto, illum approbavit laudatus Pontifex, ac typis mandari jussit, uti videre est in ejus Motu proprio dato Romæ apud S. Marcum septimo Kaleudas Octobris anno I. sui Pontificatus.

IV. Approbarunt & ipsum Catechismum, sequioris ævi Pontifices Maximi, præsertim vero Pii V. successor Gregorius XIII., qui Brevis suo peculiari anni MDLXXXIII. declarat, suo jussu, & approbatione denuo editum esse Catechismum; utilemque adeo Librum hunc existimavit, ut peculiari mandato in linguam Illiricam traduci illum præceperit, ut patet ex Concilio Aquileensi anni MDLXXXVI., atque ut restatur Possevinus, Liber ipse erat illi veluti regula quædam, qua jussu ipsam Canonicum reformari posse putabat; unde Franciscus Gratiano de Garzatoribus Jurisconsulto, & Canonico Vicentino Iussit, ut Juria Canonici Epitomen, ederet, in qua quicquid, vel a Summis Pontificibus, vel a Concilio Tridentino, vel a Catechismo Romano, fuerat abrogatum, rescicaret. Ceterum longum esset Synodos tum Provinciales, tum particulares describere, præsertim illas a S. Carolo celebratas, in quibus assidua ejus Libri lectio Clericis æque, ac Parochis passim præcipitur, uti videre est in ea Catechismi editione, quæ ita inscribitur: *Catechismus Concilii Tridentini Pii V. Pontif. Max. jussu promulgatus, sincerus, & integer, mendisque purgatus, opera P. D. L. H. P. Colonia apud Balb. ab Egmond. & Socios MDCLXXXIX.*

V. Utitur & hujus Catechismi auctoritate variis locis sui præclarissimi Operis, *De Synodo Diocesana*, feliciter regnans Pontifex Maximus BENEDICTUS XIV. ejusque non morem sequuti, ejusdem Libri auctoritatem sæpe usurpavimus in concinnandis nostris Commentariis ad Rituale Romanum, neglectis penitus Casuistis illis, qui ad suum arbitrium quæstiones morales, & rituales resolvunt, nullam ejus aliquando rationem habentes, quod Catechismus ipse in hujusmodi controversiis, ac potissimum de Sacramentorum administratione præscripserit. Adde merito ab Innocentio XI. in Decreto contra xxv. propositiones edito die II. Martii MDCLXXVII. damnata fuit ea propositio num. 1. *Non est illicitum in Sacramentis conferendis sequi opinionem probabilem, de valore Sacramenti, relicta tutiore, nisi id vetet Lex, conventio, aut periculum gravis damni incurrendi. Hinc sententia tantum probabilis utendum non est in collatione Baptismi, Ordinis Sacramentalis, aut Episcopalis.* Itemque alia num. xxix. *Organs metus gravis, est causa iuxta Sacramentorum administrationem simulandi.*

§. XVIII.

Postremo quisquis Sacramenta administrare tenetur, habeat Libros necesarios ad officium suum pertinentes, eosque præsertim, in quibus Parochialium functionum notæ ad futuram rei memoriam describuntur, ut ad finem hujus Ritualis habetur.

COMMENTARIUS.

I. **M**ulti plane sunt Libri necessarii Parochi ad officium suum pertinentes, quos recenset S. Carolus in Concilio Provinciali I. Mediolanensi Parte II. Constitutionum, Capite inscripto, *Qui Libri potissimum legendi*; ubi postquam edixit, ut Clerici postquam decimum quartum annum attigerint, ut Legem Domini, in cujus forte sunt, dies vo-

lesque meditari possint, habeant sacrorum Librorum si non copiam, certe necessarium delictum, omnino vero Testamentum Vetus, & Novum, Catechismus Romanum, Tridentinum, Concilium, Constitutiones Diocesanas proprii Episcopi, Calendarium Festorum dierum, quod Episcopi in sua Diocesi singulis annis edendum curabunt, ita statim subdit: *Parochi vero, ut*

Et.

Ecclesiasticos ritus cognoscere, relique curam animarum ministrare possint, prater eos Libros, quos supra diximus, sibi etiam comparant Homiliarium ab Episcopo eligendum, Summam Antoinam, vel aliam ab Episcopo delectam, & quos praterea ab eis legi Episcopus iusserit. Hortatur etiam mox, ut in lectione Pastoralis S. Gregorii, & S. Joannis Chrysostomi, De Sacerdotio, assidue versentur. Mandat praterea in Concilio Provinciali IV. Mediolanensi, Constitutionum Parte II. Capite, Quod ad Sacramentalia, vel ad Sacramenta communiter pertinent, inferipto; ut Parochi singuli Librum Ritualem, Sacramentalemque habeant, qui ab Episcopo probatus in Ecclesia Cathedrali adhibetur. Verum quod Ritualem Librum spectat, possunt hodie Parochi, debentque Rituali uti, quod edidit, probavitque Paulus Papa V. & non ita pridem auxit feliciter regnans Summus Pontifex BENEDICTUS XIV. quodque nos presentibus Commentariis illustramus. Quantum autem ad Libros morales, eligendi a Parochis sunt, ac bene addiscendi illi, qui sanam doctrinam continent; vitandi autem omnino, qui propositiones continent damnatas non modo, sed & damnabiles, quibus plane fequent Libri Censurati.

II. Hæc adnotare breviter libuit, quod initio nostri hujus §. generatim edicatur, ut quicquid Sacramenta administrare tenetur, habeat Libros necessarios ad officium suum pertinentes. Sed ut verum fatear, loquitur hic quidem §. & principaliter intelligit de Libris, in quibus notentur functiones Parochiales, quæ particulari testimonio indigent, & ad perpetuam memoriam remanere debent; mandat enim, ut Libros habeat eos præsertim, in quibus variarum Parochialium functionum nota ad futuram rei memoriam describuntur, ut ad finem hujus Ritualis habetur. Quamvis autem tres tantummodo Libros a Parocho conficiendos, & apud se habendos statuerint S. Carolus in Concilio I. Provinciali Mediolanensi, Parte II. Constitutionum, & in sua prima Synodo anni MDLXIV. Cap. xxvi. innotuit Federicus Episcopus Bergomensis, Matrimonii, Baptizatorum, & Status animarum, ut tradit Barrufaldus in Commentario ad hunc nostrum §. num. 92. attamen ex nova Con-

sultatione Pauli V. five ex præscripto nostri hujus Romani Ritualis a laudato Pontifice approbati, quinque esse debent Libri a Parochis habendi, nempe Baptizatorum, Confirmatorum, Matrimoniorum, Status animarum, & Defunctorum, de quibus nos infra suo proprio loco dicemus.

III. Mentionem non modo de iis Libris, sed de aliis quoque a Parochis secum habendis fecit jam Provincialis Synodus XII. Beneventana anno MDXCIX. habita sub Maximiliano de Palumbaria Archiepiscopo, Tit. xvii. Cap. II. ubi inter alia mandat Parochis diversos Libros habere, in quibus & qui baptizantur cum nominibus parentum, & compatrum, ac die natiuitatis, & Baptismi, & an ex legitimis nuptiis procreati fuerint; & qui matrimonio conjugantur; & qui sacro Chrismate uncti sunt, eum nominibus compatrum; & qui moriuntur, describantur, & Status animarum, quem singulis annis recognoscant. Memorat mox & hos duos alios Libros, quorum alter excommunicatorum nomina, alter bonorum Ecclesie inventarium contineat: Item nomina excommunicatorum, & in manifesto peccato mortali existentium, quos nec ad suscipiendum in Baptismo, nec ad tenendum in Sacramento Confirmationis admittant. Habeant item alium Librum, in quo bona, jura, utilitates, & alia quacunque spectantia ad eorum Ecclesias breviter habeantur. Porro custodire hujusmodi Libros religiose debent Parochi pro indemnitate Parochianorum, qui, quandoque occurrat, possint ad eos recursum habere pro authentica attestatioue. Hinc sapientissime statuit S. Carolus in laudato Concilio Provinciali I. Mediolanensi, ut, si Parochi ad aliam Ecclesiam transferant, antequam a priori migrent, Successori Libros tradant, in quibus eorum, qui baptizati, confirmati, matrimonio juncti fuerint, nomina describi infra jubemus; qui secus fecerit, gravissime ab Ordinario puniatur. Porro Libris hujusmodi, aliisque, quos recenset nostrum Rituale Romanum, standum omnino esse, decidit jam Rota Romana, testanturque Doctores allegati a Monacello in Formul. Legal. præf. Tom. I. Tit. x. ut testatur Barrufaldus loco citato num. 93.

DE SACRAMENTO BAPTISMI RITE ADMINISTRANDO

TITULUS II.

Ritibus hucusque explicatis, qui Sacramentorum administrationem generatim spectant, succedunt mox illi, qui singulatim ad ipsam administrationem Sa-

cramentorum attinent, quæ nempe a Parochis, aliisque Sacerdotibus conferri possunt, quale est inter alia Sacramentum Baptismi, cujus Titulum in varia Capita, & Paragraphos divisum nunc explicamus.

CAPUT I.

De Sacramento Baptismi rite administrando.

§. I.

Sacrum Baptisma, Christianæ Religionis, & æternæ vitæ janua, quod inter alia nova Legis Sacramenta a Christo instituta primum tenet locum, cunctis ad salutem necessarium

sarium esse, ipsa Veritas testatur illis verbis: *Nisi quis renatus fuerit ex aqua, et Spiritu Sancto, non potest introire in Regnum Dei*. Joan. 3. Itaque summa ad illud opportune, riteque administrandum, ac suscipiendum, diligentia adhibenda est.

COMMENTARIUS.

Primum inter Sacramenta numeratur Baptismus, cujus doctrinam populo Christiano frequenter inculcandam, recte admonet Concilii Tridentini Catechismus, utpote quod Sacramentorum omnium primum sit, non quidem dignitatis ordine, sed necessitatis, unde & fundamentum, & janna reliquorum Sacramentorum nuncupatur a Theologis passim, in Synodis Episcoporum, atque in variis Juris Pontificii Capitulis, praesertim vero in Cap. II. *De cognitione spiritali*, in v1. quia scilicet sine illo nullum ad cetera Sacramenta hominibus jus est, cum ad Ecclesiam. Christifidei familiam non pertineant. A Baptismo enim, ut loquitur Sanctus Cyprianus in Epistola LXXIII. *incipit cuius Fidei origo, & ad spem vitae aeternae salutaria ingressio, & purificandis, ac vivificandis Dei servit Divina dignatio*. Hinc Apostolus non solum frequenter, sed & gravibus verbis & Spiritu Dei plenis ejus Mysterii memoriam renovat, Divinitatem commendat, atque in eo Redemptoris nostri mortem, sepulturam, & resurrectionem nobis ante oculos, tum ad contemplandum, tum ad imitandum constituit: *An ignoratis*, inquit in Epistola ad Romanos Capite 111. *Quia quicumque baptizati sumus in Christo Dei, in morte ipsius baptizati sumus? Consepulti enim sumus cum illo per Baptismum in mortem, ut quomodo Christus resurrexit a mortuis per gloriam Patris, ita & nos in novitate vitae ambulemus*.

II. Baptismum, Græcæ esse nomen jam nemo ignorat, quod, et si in sacris Litteris non solum eam ablationem, quæ cum Sacramento conjuncta est, sed etiam omne ablationis genus, quod aliquando ad passionem translatum est, significat; tamen apud Ecclesiæ Scriptores non quamvis corporis ablationem declarat, sed eam, quæ cum Sacramento conjungitur, nec sine præscripta verborum forma ministratur, ut docet Catechismus Concilii Tridentini Parte II. *De Baptismi Sacramento*, ubi etiam nrm. v. hanc ejusdem Sacramenti definitionem tradit: *Est Sacramentum regenerationis per aquam in verbo*. Natura enim ex Adam filii iræ nascimur, per Baptismum vero in Christo filii misericordiae renascimur; siquidem dedit hominibus potestatem filios Dei fieri, iis qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt, uti habetur in Evangelio Joannis Capite 1. Porro non modo hoc Sacramentum inter alia Novæ Legis Sacramenta primum tenere locum, verum etiam *cunctis ad salutem necessariis esse*, recte admodum in nostro §. adnotatur, probaturque ex illis Christi Domini verbis apud eundem Joannem Cap. 111. *Nisi quis renatus fuerit ex aqua, & Spiritu Sancto, non potest introire in Regnum Dei*.

III. Unum tantummodo proprie loquendo esse Baptismum, ait Apostolus ad Ephesios, Cap. iv. *Unus Dominus, una fides, unus Baptismus*. Licet enim tria communiter asserantur Baptismata, flu-

minis nempe, sive aquæ, de quo solo hic noster Titulus agit, fluminis, & sanguinis, duo hæc tamen includuntur, ut ait S. Thomas, Part. 111. *Quæstione LXXVI. Articulus XI. ad 1. in Baptismo aquæ: Alia duo Baptismata, inquit, includuntur in Baptismo aquæ*. Est autem Baptismus fluminis propositum suscipiendi Baptismum modo debito, conjunctum cum perfecto Dei amore, quo quis movetur ad credendum, ac penitentem de peccatis, unde Baptismus Penitentiae dicitur. Baptismus vero sanguinis est Martyriam completum pro Christo toleratum. Efficaciam horum Baptismatum, fluminis scilicet, & sanguinis, probat inter alios S. Augustinus relatus in Canone XXXII. *De consecratione, Distinctione IV. ubi sic habet: Baptismi vicem aliquando implere possunt, de Latrone illo, cui non baptizato dictum est, Hodie tecum eris in Paradiso, B. Cyprianus non leve documentum assumpsit. Quod etiam atque etiam considerans, invenio non tantum passionem pro nomine Christi id quod Baptismo deest, posse suppleri, sed etiam Fidem, confessionemque cordis, si forte ad celebrandum Mysterium Baptismi in angustiis temporum succurri non potest. Neque enim Latro ille pro nomine Christi crucifixus est, sed pro meritis facinoræ suæ; neque quia credidit, passus est, sed dum pateretur, credidit. Quantum itaque valeat sine visibili Sacramento Baptismi, quod ait Apostolus, Corde creditur ad iustitiam, ore autem confessio fit ad salutem, in illo Latrone declaratum est. Sed tunc impletur invisibiliter, cum Mysterium Baptismi non contemptus Religionis, sed articulus necessitatis excludit*.

IV. De ipso fluminis Baptismo agit Innocentius Papa III. in Capite, *Apostolicam, De Presbytero non baptizato*, ubi consultus ab Episcopo Cremonensi, an Presbyter in Ecclesiæ Fide mortuus, credens se baptizatum, licet post mortem ejus comperit fuisse, eum non fuisse baptizatum, Ecclesiastica sepultura esset donandus, ita respondit: *Inquisitioni tua taliter respondemus, Presbyterum, quem sine ulla Baptismatis extremum diem clausisse significasti, quia in sancta Matris Ecclesiæ Fide, & Christi nominis confessione perseveraverit, ab originali peccato solutum, & Celestis Patriæ gaudium esse adeptum, adferimus incunctanter*. Et mox: *Legi super hoc v111. Librum Augustini, De Civitate Dei, ubi inter cetera legitur: Baptismus invisibiliter ministratur, quem non contemptus Religionis, sed terminus necessitatis excludit. Librum etiam B. Ambrosii, De obitu Valentini, idem adferentis revolve*. Tum vero demum ita concludit: *Sapienter igitur Quæstionibus Doctorum, Patrum sententiam tenet, & in Ecclesiâ tua juxta precepta, hostiasque Deo offerri jubet pro Presbytero memorato*. Hactenus Innocentius III. in cujus Decretalium dno observanda censui. Primum recte, Antonium Augustinum in Notis ad primam Collectionem Decretalium, ad ea verba, *Celestis Patriæ gaudium esse adeptum*, ita scribere: *Petisse adipisci, maluit*. *Quid*

Quid enim si alienus oculis peccati reus mortuus est? Quid, si non satisfecit pro aliis etiam confessus? Alterum est, monito memorati Pontificis de sequendis Patrum sententiis, egregio solideque confutari insanam illam quorundam Casuistarum opinionem, qui asserere non cessant, in decidendis Moralibus Questionibus, Casuisticis potius Scripturibus standum, quam Patribus, & praeiis Ecclesiae Doctoribus. Dicit nequit, quot & quantos, varios circa mores errores laudati Innocentii Papae moniti praetermissio hoc praesertim saeculo invenerit.

V. Sed hoc obiter notato, ut de Baptismo sanguinis aliquid amplius dicamus, celebris est de eo Augustini locus relatus in Canone xxxvi. De consecratione, Distinctione 19. *Catechumenum, inquit, quamvis in bonis operibus defa-ctum vitam habere non credimus, excepto dumtaxat, nisi Martyrii compleat Sacramentum.* Sed & apertius idem S. Doctor Lib. 111. *De Civitate Dei*, Cap. vii. sic habet: *Quicumque, etiam non percepto regenerationis lavacro, pro Christi confessione moriantur, tantum eis valet ad dimittenda peccata, quam si abluerentur sacro Fonte Baptismatis.* Porro id privilegii Martyrio concessum fuit, quod non in figura, & Sacramento, sicut Baptismus, sed in veritate Christi Salvatoris mortem refert. Eo principio nixus Sanctus Basilus Lib. II. *De Spiritu Sancto*, Capite xvi. sic loquitur: *Si quidem in certamine pro pietate suscepto, per veritatem, & non per imitationem, mortem pro Christo sustinent, nihil indigent symbolis aquae ad salutem, eo quod in proprio sanguine baptizati sint.* Eadem est aliorum Patrum, & Theologorum sententia, multoque Martyres colit Ecclesia, qui sanguinis Baptismo baptizati ex hac vita migraverunt.

VI. Verum licet ex his sufficienter constet, Baptismus fluminis, qui in perfecta peccatorum detestatione ex amore Dei, & desiderio recipiendi Sacramentum Baptismi fluminis consistit, ut Theologi explicant, ac praeterea Baptismus sanguinis, supplet vicea Sacramenti Baptismi, nihilominus certum est, quod & sacri Theologi docent, neutrum esse Sacramentum, neque verum Baptismus, de quo loquitur Christus citato Capite Joannis 111. *Nisi quis renatus fuerit ex aqua, & Spiritu Sancto, non potest introire in Regnum Dei.* Quae verba explicans S. Ambrosius in Libro, *De Abraham*, Cap. ul-

timo, sic ait: *Utique nullum excipit, non infantem, non aliquam praeventum necessitate.* Non solum itaque necessarius est cuique homini Baptismus necessitate praeepti, sed etiam necessitate medii, sine quo finis obtineri non potest; meritoque Tridentinum Concilium adversus aliter sentientes hoc anathema intorsit Sessione vii. Can. v. *Siquis dixerit, Baptismus liberum esse, hoc est, non necessarium ad salutem, anathema sit.*

VII. Fuisse Baptismi Sacramentum a Christo Domino institutum, Dogma plane Fidei est, a Tridentina Synodo confirmatum; quando autem ab eo institutum fuerit, non una est Theologorum sententia. Quidam enim hunc institutum volunt, quando Christus a Joanne baptizatus est in Jordane, sumuntque ex eo argumentum, quod Patres dicunt, Christum tunc contactu mundissimae carnis suae vim regenerativam aquis contulisse, atque ex eo tempore omnium peccata aquis abluisse. Alii tunc institutum censent Baptismus, quando Christus in Caelum adscensus dixit Discipulis suis, Matthaei Cap. xxviii. *Euntes docete omnes gentes, baptizantes eos in nomine Patris, & Filii, & Spiritus Sancti.* Alii demum institutum tradunt, quando Christus dixit Nicodemo, citato Cap. 111. Joannis: *Nisi quis renatus fuerit ex aqua, & Spiritu Sancto, non potest introire in Regnum Dei.* Hanc sententiam probabiliorē ceteris videri, notavit jam inter alios Eslus in Libri 19. Sententiarum, Distinctionem tertiam, §. xi. eamque satis confirmari ait a Textu Evangelico. Dominus enim statim postea velut procedens ad executionem institutionis factae, Discipulos misit ad baptizandum. Ideoque non improbabile est, etiam Discipulos illi colloquio Nicodemi cum Christo interfuisse, ut qui ad baptizandum statim mittendi erant. Intellexit hinc modo Christi ad Nicodemum verba S. Bernardus Episcopo 133vi. ad Hugonem Victorianum, dum ea vocat praeeptum vitae, Catechese Edictum, novi Mysterii Decretum, etiam adhuc secretum, Legem prolatum, etiam nondum promulgatum; & statetur Baptismi tempus ex eo capisse, ex quo dictum est: *Nisi quis renatus fuerit ex.* licet ejus generalis promulgatio tunc nondum coepisset. Sed de his, & aliis hujusmodi questionibus consulendi plane sunt Theologi Scholastici, alique Scriptores non pauci, quibus otium ad eas prolixè discutendas non deest.

§. II.

Cum autem ad hoc Sacramentum conferendum alia sint de Jure Divino absolute necessaria, ut materia, forma, Minister, alia ad illius solemnitatem pertineant, ut ritus, ac caeremonia, quas ex Apostolica, & antiquissima traditione acceptas, & approbatas, nisi necessitatis causa, omittere non licet, de iis aliqua praemonenda sunt, ut sacrum hoc ministerium rite, ac sancte peragatur.

COMMENTARIUS.

I. Certa est illa Ecclesiae doctrina, quam passim Theologi propugnant, in singulis Novae Legis Sacramentis materiam, formam, & Ministerium, absolute, & jure quidem Divino requiri; probantque ex celeberrimo illi Eugenio Papae IV. Decreto pro Instructione Armenorum edito, ubi sic laudatus Pon-

Tam. I.

tifex loquitur: *Omnia Sacramenta tribus perficiantur, videlicet rebus tanquam materia, verbis tanquam forma, & persona Ministri, quarum si aliquod defuit, non perficitur Sacramentum.* Eadem fere loquendi ratione Synodus Tridentina Sessione xiv. Cap. 111. utitur; idemque evincitur ex illo S. Augustini axiomate: *Dece-*

D

dit

dit verbum ad elementum, & fit Sacramentum. Siquidem S. Doctor elementis nomine idipsum intelligit, quod Theologi materiam vocitant, & per verbum id quod formam appellare consueverunt. Sane quemadmodum in compositis naturalibus vocamus materiam id quod determinari debet ad tale esse per aliud; formam vero vocamus, quod ipsam materiam ad aliquid determinat, ac perficit; ita in Sacramentis res sensibiles, quæ ex se indifferentes sunt ad significandum plura, dicuntur materia; & verba illa determinata ad tale significandum, dicuntur forma: *Ex verbis, & rebus*, sapientissime inquit Sanctus Thomas Parte 111. *Questiōne 1x. Articulo vi.* ad 11. *fit quodammodo unum in Sacramentis, sicut ex forma, & materia, in quantum scilicet per verba perficitur significatio rerum.* Et ibidem in Corpore Articuli sic habet: *Aqua enim significare potest & ablationem propter suam humiditatem, & refrigerationem propter suam frigiditatem; sed cum dicitur, Ego te baptizo, manifestatur, quod aqua utitur in Baptismo ad significandum emendationem spirituales.*

11. Teste Iuuenio in Opere, *De Sacramentis*, Dissertatione 1. *Questiōne 111. Cap. 11.* per mille & ducentos annos aliis terminis Majores nostri uti sunt, ut exprimerent eas Sacramentorum partes, quas pluribus ab hinc seculis, materiam, & formam Scholastici appellant. Triplicem illi alium loquendi modum adhibuerunt. Nam primo dicebant, Sacramenta constare ex *signo, & re invisibili*. Signi autem nomine idem intelligebant, quod nos per materiam & formam, & per rem invisibilem, effectum Sacramenti, characterem nempe, & gratiam designabant. Secundo asseriebant, in Sacramentis reperiri *rei, & verba*. Tercio dicebant, esse semper *Sacramentum, & rem Sacramenti*; per priorem vocem, omne quod est sensibile in Sacramento; per posteriorem vero spirituales Sacramenti effectum significabant. Ceterum quod voces istas, *materia, & forma* ad explicandam Sacramentorum substantiam, primum inter Theologos Guillelmus Antiodorensis circa annum, MCCXV. adhibuerit, ex eo idem Iuuenius evincit, quod ante ipsum Guillelmum, nullibi Sacramentorum partes materię & formę nominibus exprimuntur.

111. Quicquid autem de ea re sit, certum illud est, quod ait noster §. necessariam esse ad conferendum Sacramentum, & quidem de *jure Divino* materiam, & formam, partemque esse ipsas essentielles Sacramentorum, uti docet S. Thomas in 1v. Sententiarum. Distinctione 1. *Questiōne 1.* Articulo 111. ad 11. *Verba, & res*, ait ille, hoc est materia, & forma, *sunt de essentia Sacramenti.* Itemque Parte 111. *Questiōne 1x. Articulo vii.* in Corpore idem S. Doctor sic inquit: *In Sacramentis verba se habent per modum formę, res autem sensibiles per modum materię.* Instituisse autem Christum Dominum materiam, & formam Sacramentorum, docet laudatus Doctor Angelicus citata Parte 111. *Questiōne 1xiv. Articulo 11.* ad 1. *Illę quę aguntur in Sacramentis per homines instituta, non sunt de necessitate Sacramenti, sed pertinent ad quandam solemnitatem, quę adhibetur in Sacramentis ad excitandam devotionem, & reverentiam in his, qui Sacramenta suscipiant.* Ea vero, quę sunt de necessitate Sa-

cramenti, ab ipso Christo instituta sunt, quę est Deus & homo. Et licet non sint omnia tradita in Scripturis, habet tamen ex Ecclesię ex familiarī Apostolorum traditione, sicut Apostolus dicit 1. ad Corinthios xi. Cetera cum venter, disponam.

IV. Contentanea plane sunt, quę docet S. Thomas, his, quę habet noster §. quod ad Sacramentum scilicet conferendum, *alia sint de jure Divino absolute necessaria, ut materię, forma, Minister; alia ad illius solemnitatem pertineant, ut ritus, ac cæremonia, quas ex Apostolica, & antiquissima traditione acceptas, & approbatas, nisi necessitatis causa, omittere non licet.* Ritus sacros, ac cæremonias partim ex Apostolica, partim ex antiquissima traditione manasse in Ecclesiā, ostendimus nos quidem in sequentibus Commentariis, ubi se nobis de iis recensendis occasio dederit. Penes autem Ecclesiā esse institui ritus, qui pietatem alere possint, ac Sacramentis reverentiam conciliare, licet Scripturarum auctoritate non fulciantur, evincitur tamen ex Apostolorum exemplo, qui multas cæremonias, ritusque, Ecclesiastica, quę pollebant auctoritate, prescripserunt, uti addiscimus ex laudato superius, & recitato a S. Thoma Aquinate, Pauli Apostoli testimonio: *Cetera cum venter disponam;* quo quidem usus jam fuerat S. Augustinus in Epistola cxviii. Cap. vi. ubi inter eas Leges, quas Apostolus de Eucharistia loquens, pollicetur, eam recenset, quę Fideles prohibentur, ne non nisi jejuni ad Eucharistiam accedant. Sic ergo ait: *Ideo non præcepit, Christus scilicet, quod deinceps ordine sumeretur, ut Apostoli, per quos Ecclesię dispositurus erat, servaret hunc locum; nam si hoc ille monisset, non post cibos alios semper acciperetur, credo, quod cum morem utroque variasset; cum vero ait Apostolus de hoc Sacramento loquens: Propter quod fratres convenitis ad manducandum, invicem expectate. Siquis esurit, domui manducet, ut non in iudicium conveniat, statim subtexnit: Cetera autem, cum venter, ordinabo. Unde intelligi datur, quia nullum erat, ut in Epistola totum illum agendi ordinem insinuat, quem universa per Orbem servat Ecclesiā, ab ipso ordinatum esse, quod nulla morum diversitate variatur.* Animadvertere hic quisque poterit, Augustinum consuisse, S. Paulum tanquam ordinarium Ecclesię Pastorem, ac proinde Ecclesiastica, quę pollebant auctoritate, ritum de quo agit, Fidelibus injunxisse, ut scite observaret Iuuenius in Opere, *De Sacramentis*, Dissertatione 1. *Questiōne viii. Cap. 111.* Conclusionē 1. ubi etiam opportune subijcit, a Christianę Religionis incunabulis ad hæc usque tempora Ecclesiā quę cæremonias prescribendi sibi competere censuisse, cum multas re ipsa ubique, & semper injunxerit, quę tamen nulla expressa Scripturarum auctoritate nituntur.

V. Jam non opus est singulas cæremonias, ritusque hic recensere, quas ex Apostolica, & antiquissima traditione acceptas, & approbatas, haud licere cuiquam omittere, nisi necessitatis causa, recte hic ait noster §. Eset enim hæc summa temeritas a Concilio Tridentino improbat, ac damnata Sessio vii. *De Baptismo*, Can. xi. Superius a nobis descripto, atque explicato in Commentario ad §. 11. Tituli 1.

De

De materia Baptismi.

§. III.

Ac primum intelligat Parochus, cum hujus Sacramenti materia sit aqua vera, ac naturalis, nullum alium liquorem ad id adhiberi posse.

COMMENTARIUS.

I. Notandum hic primo censeo, duplicem a Theologis distingui materiam in Sacramentis, quæ consistunt in usu aliquis rei sensibilis. Altera est res ipsa sensibilis, quam Deus instituit, ut sit signum, & causa gratiæ, quæ producitur per Sacramentum. Altera est usus, & applicatio illius materiæ. Prima dicitur materia remota, secunda vero materia proxima. Sane de prima loquitur hic nosser §. aitque, Sacramenti Baptismi materiam esse aquam veram, ac naturalem. Et quidem solam aquam veram, & naturalem esse remotam Baptismi materiam, Dogma Fidei est a Scriptura Divina, & a traditione acceptum. Nam primo Christus Dominus expresse aquæ usum in Baptismo præscripsit, ubi in Evangelio Joannis, Cap. III. dixit: *Nisi quis renatus fuerit ex aqua.* Secundo Apostoli Baptisimum conferentes, aquam naturalem semper adhibuerunt, ut ex Actis Apostolicis liquet, præsertim vero ex Cap. VII. ubi legitur Eunuchum Candacis Regina baptizari cupientem dixisse Philippo: *Eecce aqua, quid prohibet me baptizari?* Tum vero mox: *Et descenderant uterque in aquam.* *Philippus, & Eunuchus, & baptizavit eum.* Tercio in sola aqua, & quidem vera, ac naturali conferri hoc Sacramentum, constans est Patrum omnium seculorum traditio, ut nihil opus sit singillarum eorum testimonia proferre, præsertim cum tot antiquitati subscribant duo Œcumenica Concilia, Florentinum in Decreto de Sacramentis, & Tridentinum, Sessione VII. De Baptismo, Can. II. ubi anathema his dixit, qui aquam veram, & naturalem ad Baptisimum requirunt, negaverint.

II. Neque porro his obstat, quod refert Nicephorus Libro III. *Historia*, Cap. XXXV. & Joannes Moschus, qui circa annum DCXXX. floruit, & in suo Prato Spirituali narrat, a quibusdam Christianis Judæum quemdam in Eremito ad extremas redactum angustias aræne perfusione baptizatum non sine miraculo Divinitus exhibitum; nam, ut ibidem narratur, Dionysius Alexandrinus Episcopus, recognita, & ad Ecclesiæ judicium relata, iussit, aqua deinde baptizari eum, qui sic baptizatus fuerat; nam quod prius gestum erat, ad Baptisimum flaminis, de quo nps superius diximus, referendum intelligebat, ut scite observat Estius in Libri IV. Sententiarum, Distinctionem III. §. VII.

III. Frivolum vero, & inane est, quod objicitur ex Stephani Papæ II. Responsis ad Monachos Britanniæ, Cap. II. quem ajunt Baptisimum in vino probasse, ubi interrogatus de Presbytero, qui vino, aquæ defectu, infantem de vita periclitantem abluerat, sic respondit: *Si in vino quis, propterea quod aquam non inveniebat, periclitantem infantem baptizavit, nulla exinde ei adscribitur culpa. Infantes sic permanent in ipso Baptismo. Si aqua adfuit præsens, Presbyter* Tom. II.

ter excommunicatur &c. Primo, quia hujus Responsi non satis authentica, nec certa extant monumenta, tametsi relatum sit a Sirmundo Tomo II. Conciliorum Gallie ex ms. Codice S. Mariæ Laudunensis. Secundo ex tribus mss. Codicibus, qui Responsum illud continent, duo ipsi Stephano II. tribuunt, tertius vero Siricio Papæ. Tercio non est verisimile, Romanum Pontificem ignorasse, quod vel minores Clerici sciunt, solam aquam naturalem esse materiam Baptismi. Quarto jam nec ipsi tres memorati Codices rem ipsam eadem ratione in ipso contextu referunt; verisimileque est, ineptam constructionem sic emendari debere: *Nalla ei adscribitur culpa, si infantes sic permanent.* Unde sequitur: *Nam si præsens adfuit aqua, ille Presbyter excommunicatur, & penitentia submittitur, quia contra Canonum sententiam agere præsumpsit.* Non igitur talem Baptisimum ratum habuit Stephanus, si genuinum ejus Responsum est, quia non fuerat interrogatus de valore Baptismi, sed de culpa, vel pena baptizantis. Hunc porro nulla pena plectendum esse respondet, quia cum aliud non posset in extremo periculo, id per simplicitatem fecit, quod postea potuit elapso periculo emendari; nec in causa fuit, cur infantes postea baptizati non sint aqua, quæ, uti dictum est, Jure Divino sola Baptismi materia est.

IV. Siquis autem roget, cur Christianis Baptisimum aqua constare voluerit, pluribus quidem rationibus S. Hieronymus ad Oceanum scribens demonstravit. Sed quod hanc questionem spectat, ut verbis utar Catechismi Romani, Parte II. De Baptismo, num. x. Pastores docere in primis poterunt, quoniam hoc Sacramentum omnibus sine ulla exceptione ad consequendam vitam necessarium erat, lectro aqua materiam, quæ nunquam non præsto est, atque ab omnibus facile parari potest, maxime idoneam fuisse. Deinde aqua effectum Baptismi maxime significat, ut enim aqua sordes abluat, ita etiam Baptismi vim, atque effectum, quæ peccatorum macula eluuntur, optime demonstrat. Accedit illud, quod, quemadmodum aqua refrigerandis corporibus aptissima est, sic Baptismus cupiditatum ardor magna ex parte resingitur. Atque hic nota, electam quoque fuisse aquam pro materia Baptismi, quod in Baptismo scilicet, qui aqua constat, præcipua Dei attributa commendantur, ut pluribus docet Tertullianus in Libro, De Baptismo. Primo itaque elucet in eo Dei sapientia, qui medio scilicet aptissimo usus est, ad explicandum celestem Baptismi effectum, ipsumque ob hominum oculos posuit, qui non nisi per sensus spiritualia percipiant. Secundo elucet etiam quammaxime Dei omnipotentia, dum elemento multum humili utitur, ut magnificum operetur effectum. Tercio singularis quoque in nos Dei charitas elucet, qui in Sacramento omnino

necessario ad consequendam salutem, materiam omnibus perviam, & ubique communem instituit.

V. Merito itaque omni ævo velut hæretici damnati sunt, qui aquam ab hoc Sacramento exclusiunt, cujusmodi fuerunt Caiani, teste Tertulliano in Libro, *De Baptismo*, Cap. I. ubi sic ait: *Nuper converfata istis quodam de Caiana hærefi vipera venenatifima doctrina sua plerisque rapuit, in primis Baptifmum destruent plane fecundum naturam; non fera, vipera, & aspidæ, ipfque regni serpentes arida, & inagnofa feclantur.* Secundo Manichei rati aquam esse ex principio nequam, Baptifmum esse collatum, non fictitium modo, sed & noxium esse, prædicarunt, teste S. Auguftino in Libro, *De hærefibus*, Hærefi XLVI. ubi de his agens, sic inquit: *Baptifmum in aqua nihil enique perhibent falutis offerre; nec quemquam eorum, quos decipiunt, baptizandum putant.* Tertio Seleuciani, & Hermiani, quorum meminerunt idem Auguftinus, & S. Epiphanius in Libris, *De hærefibus*, dicentes, non aquam, sed ignem esse Baptifmi Christiani materiam, propterea quod de Christo dictum fit a Joanne, *Matthæi* Cap. III. *Ipfe vos baptizabit in Spiritu Sancto, & igni.* Qui error inde facili refellitur, quod eum Scripturæ locum nemo Sanctorum Patrum ad hunc modum intellexerit, sed vel de linguis igneis super Apostolos delapsis in die Pentecostes, vel metaphoricæ de proprietate Spiritus Sancti, qui instar ignis peccata consumit, corda inflamat, & mentes illuminant; sed vel de probatione, ac purgatione futura in extremo iudicio interpretati sunt; quo postremo modo exponunt locum illum S. Hilarius in Commentario ad *Matthæi Evangelium*, & S. Basilii in Libro, *De Spiritu Sancto*. Sed de hac re videri potest Viri Clarissimi Casti Innocentis Anfaldi Ordinis Prædicatorum amici nostri Commentarius Sacer philologico-criticus, *De Baptifmate in Spiritu Sancto, & igni*. Quarto Pauliciani, ut testatur Euthimius Parte II. *Panoplie*, Titulo XXI. docuerunt, Baptifmum nulla esse materia constare, sed sola horum verborum prolatione: *Ego sum aqua viva.* Nitebantur siquidem eo levisimo principio, quod nempe Christus se aquam esse vivam asseruisset.

VI. Inter recentiores sectarios Lutherus in symposiacis colloquiis, Cap. XVII. dubitare visus est, num aquæ defectu, si necessitas urgeret, Baptifmus alio liquore, vino exempli gratia, collatum valeat. Ea enim de re interrogatus, respondit, illam Divino committendam esse iudicio. Quod dubium Lutherus reliquerat, Bæza certo definit, docuit quippe Ministrum, quovis liquore inter baptizandum uti posse, cum urget necessitas, nec adest aqua, atque hunc

errorem in altera ad Thomam Tillium Epistola tradidit, ut testatur Jueninus, *De Sacramentis*, Differtatione II. *Questione* III. Capite I. Articulo I. ubi memoratorum hæreticorum circa remotam Baptifmi materiam errores recenset. Sed & vide Eftium in Libri IV. Sententiarum Distinctionem III. §. VII. ubi Calvinum, alioque confutat, qui contra omnem antiquitatem, in ea sententia, *Nisi quis renatus fuerit ex aqua &c.* per aquam metaphoricè intelligit mortificationem, vel tribulationem, quomodo accipitur in illo Psalmi versiculo: *Introverunt aquæ usque ad animam meam.* Sed supervacaneum est in hisce refellendis erroribus immorari, cum certum ex Patribus sit, recitata in Evangelio verba, *Nisi quis renatus fuerit ex aqua &c.* de Baptifmo per aquam intelligenda, ut late docet memoratus Eftius loco citato.

VII. Itaque explosis hæreticorum commentis, recte monet hic nosser §. ut *primum intelligat Parochus, cum hujus Sacramenti materia sit aqua vera, & naturalis, nullum alium liquorem ad id addideri posse.* Quod adeo verum est, ut si aqua ipsa, quæ adhibetur, natura ab aqua vera, & naturali, elementarique, diversa sit, quantamcumque alioqui cum ea similitudinem habeat, neque simpliciter aqua dicenda est, neque materia esse poterit hujus Sacramenti, cujusmodi est, quæ distillatione ex floribus, aut herbis colligitur, vel quæ ex fructibus arborum exprimitur, quæ non simpliciter aqua, sed cum adjuncto, velut aqua rosacea, aut violacea dicitur. Ex quo genere liquorum nihilo magis constare poterit Baptifmus, quam ex succo de botris expresso, idest ex uva; est enim eadem ratio. Cæterum cum hujus Sacramenti ea sit necessitas, ut etiam a laicis, instante mortis periculo illud administrari liceat, recte admonendum S. Carolus Parte IV. Astorum in Instructionibus, *De Baptifmi administratione*, Parocho mandat, ut *populum hujus Sacramenti materiam doceat esse omne naturalis aquæ genus, sive ea maris sit, sive fluvii, sive putei, sive fontis, quæ sine ulla adjunctione aquæ dei solet; aliis autem liquoribus, aut aquis, quæ a floribus, herbis, aliisve id generis exprimentur, Baptifmum rationes non posse; aquam præterea puram, mundamque esse, pro Sacramenti dignitate, convenire; nisi necessitate urgente, in qua uti licet etiam aqua intulenta.* Ubi tamen nota, ac tene, quod docet S. Thomas Parte III. *Questione* LXVI. Articulo IV. in Corpore, ubi hæc habet: *Si forte aqua admisceatur in tam parva quantitate alieni corpori, quod compositum magis sit aliud, quam aqua, sicut latum magis est terra, quam aqua, non potest fieri Baptifmus.*

§. IV.

Aqua vero solemnisi Baptifmi sit eo anno benedicta in Sabbato Sancto Paschatis, vel Sabbato Pentecostes, quæ in Fonte mundo nitida, & pura diligenter conservetur; & hæc, quando nova benedicenda est, in Ecclesiæ, vel potius Baptisterii Sacramentum effundatur.

COMMENTARIUS.

I. **Q**Uamvis aqua simplex, quæ nihil aliud admixtum habet, materia sit apta ad Baptifmum conficiendum, quoties

istius Sacramenti administrandi necessitas occurrat; ab antiquis tamen temporibus in Ecclesiâ observatum est, ut cum solemnibus cæremoniis Ba-

Baptismus conficitur, aqua ipsa consecratur, & sacrum etiam Christina addatur, quo Baptismi effectum, unionem scilicet Spiritus Sancti declarari, perspicuum est. Consecrationis hujus aequa per orationem Sacerdotis differte meminit S. Cyprianus in Epistola lxx. ad Januarium, ubi sic scribit: *Oportet ergo mundari, & sanctificari aquam prius a Sacerdote, ut possit Baptismo suo peccata hominis, qui baptizatur, ablueri.* Idem docet S. Ambrosius, & S. Augustinus, quorum primus in Libro I. De Sacramentis, Cap. v. dicit, *Formam Baptismatis, & usum hoc habere, ut ante Fontem consecratur, & tunc descendat, qui baptizandus est.* Et Lib. II. Cap. v. ait: *Venit Sacerdos, preces dicit ad Fontem, invocatur Patris nomen &c.* Alter vero, nempe Augustinus in pluribus suorum Operum locis ejusdem ritus mentionem facit, praesertim vero Lib. vi. De Baptismo contra Donatistas; & Lib. ix. contra Julianum, Cap. viii. Et Sermo cccxiii. ubi haec habet: *Sed quia Baptismus, id est salutis aqua, non est salutis, nisi Christi nomine consecrata, qui pro nobis Sanguinem fudit, Crucis ipsius aqua signatur.* Longum Patrum agmen tum Graecorum, tum Latinorum eam in rem assert Natalis Alexander, Lib. II. Theologiae Dogmaticae, & Moralis, Tractatu II. De Baptismo, Capite I. Article II. Regula III.

II. Quam antiqua sit Baptismalis Fontis benedictio, constat jam ex variis Ordinibus scriptis ab erudito Martene Lib. I. De antiquis Ecclesiae ritibus, Cap. xiiii. Article xviii. Effe autem antiquum ritum, ut aqua ad usum Baptismi his in singulis annis benediceretur, nempe in Sabbato Sancto, & Sabbato Pentecostes, vel ex eo addidimus, quod juxta veterem Ecclesiae disciplinam duo dumtaxat olim in toto integro anno ad recipiendum Baptismum designata sunt tempora, in Vigiliis scilicet Paschatis, & Pentecostes. Duplex istius temporis meminit quidem pervetus Auctor, qui labente Saeculo Christi II. claruit Tertullianus in Libro, De Baptismo, Cap. xix. ubi haec habet: *Diem Baptismo solemniter Pascha praestat, cum & Pascho Domini, in qua tingimur, adimpleta est; nec incongruenter ad figuram interpretabitur, quod cum ultimam Pascha Dominus esset cinctus, missis Discipulis ad preparandam, Invenietis, inquit, hominem aquam bajulantem, Pascha celebranda locum de signo aqua ostendit.* Tum vero mox subjicit: *Exinde Pentecoste ordinandis lavacris latissimum spatium est, quo & Domini Resurrexisset inter Discipulos frequentata est, & gratia Spiritus Sancti dedicata, & spes adventus Domini subfensa, quod tunc in Caelos recuperato eo, Angeli ad Apostolos dixerunt, sic venturum, quemadmodum & in Caelos ascendit, utique in Pentecoste.* Sic vero demum: *Sed enim Hieremias cum dicit, Et congregabo illos ab extremis terrarum in die festo, Pascha diem significat, & Pentecoste, qui est proprie dies festus.*

III. Afferit igitur I. Tertullianus, Christum Pascha Baptismati conferendo idoneum tempus designasse, dum Pascha celebraturus, Discipulos ad hominem, qui aquam bajularet, remisit. Docet II. conveniens esse, ut expletis per Quadragesimam Passionis Domine sollemniis, celebraretur Baptismus, qui suam ab ea virtutem haurit. Ait III. diem Pentecostes eidem Sacramento sapienter destinatum, quod resurrectione

Domini, Spiritus Sancti delapsu, ut alterius Christi adventu ipse commendetur. IV. quod praeter illa tempora, possit & alio quovis tempore conferri Baptismum, testatur statim citato loco Tertullianus sic inquires: *Ceterum omnis dies Domini est, omnis hora, omne tempus habile Baptismo; si de solemnitate interest, de gratia nihil refert.* Plura scito digna videri possunt apud Pamelium in Notis ad recitatum locum Tertulliani.

IV. Idem tempus solemni Baptismo conferendo consecratum, Paschatis scilicet, ac Pentecostes, recensent plures Summi Pontifices. Siricius, qui anno CCCLXXV. electus Romanus Pontifex fuit in celebri sua ad Himerium Episcopum Tarracensem Epistola, duo hac in causa definit. Primo eorum praxim damnat, qui in Natali Domini, Epiphania, Apostolorum, Martyrumque Festivitatibus Baptismum conferebant: *Sequitur, inquit Cap. II. de diversis baptizandorum temporibus, prout ubiqueque libitum fuerit, improbabili, & emendanda confuso, quae nostris Consecrationibus, quod communis dictum, non ratione auctoritatis alicujus, sed sola temeritate praesumitur, ut passim, ac libere, Natalitibus Christi, seu Apparitionis, necnon Apostolorum, seu Martyrum Festivitatibus innuere, ut asseris, plebes Baptismi mysterium consequantur.* Secundo prohibet, ne aliis, quam Paschatis, & Pentecostes diebus solemne Baptisma conferatur: *Cum hoc sibi privilegium alicuius, & apud nos, & apud omnes Ecclesias Dominicam specialiter cum Pentecoste sua Pascha defendat, quibus solis per annum diebus ad Fidem consentientibus generalia Baptismatis tradi convenit Sacramenta... praefatam regulam omnes teneant Sacerdotes, qui volunt ab Apostolica Petra, super quam Christus universalem construxit Ecclesiam, soliditate divelli.*

V. Discipline veteris praxim, de qua mox Siricius, praescripsit etiam S. Leo Magnus Pontifex Maximus, ubi in Epistola ad Episcopos per Siciliam constitutos asserit, Sacerdotes, qui die Epiphaniae Catechumenos Baptismo solemni consecrant, ab Apostolica institutionis consuetudine discrepare, solisque Paschatis, & Pentecostes dies baptizandis in Ecclesia electis, secundum Apostolicam regulam esse praescriptos. Simili quoque modo loquitur Gelasius Papa in Epistola ix. ad Episcopos Lucaniae, Cap. x. ita scribens: *Baptizandi ibi iniquam passim quocumque tempore, nullam credat fiduciam, praeter Paschale Festum, & Pentecoste venerabile Sacramentum, excepto dumtaxat gravissimi languoris incurso.* Ejusdem consuetudinis, ut alias omitam, meminere, in suo Sacramentorum Libro S. Gregorius I. electus Pontifex anno DXC. itemque Gregorius II. inquit saeculo VIII. in Epistola ad Clerum, & Plebem Thuringiae, quae refertur in Vita S. Bonifacii Episcopi Moguntini, & Martyris, Auctore Othlano, ubi expresse ait, *Sancti Baptismatis Sacramentum vocant in Paschali festivitate, & Pentecoste esse celebrandum.* His accedunt plurima Concilia, quae idem decernunt, allata ab erudito Martene, Lib. I. De antiquis Ecclesiae ritibus, Cap. I. Article I. num. III.

VI. Quamquam vero haec edita essent Decreta, pluribus idem Auctor ostendit, invaluisse in multis etiam Occidentis Ecclesiis morem, conferendi solemne Baptismum aliis temporibus,

bus. Sed quicquid sit de hac consuetudine, certa quidem, ac probata a Sede Apostolica temporis fuere, Pascha, & Pentecoste, hora scilicet nocturna, seu quæ nobis nunc est tertia pomeridiana, ut differe licet ex testimonio Alcuini, qui agens de Officio Sabbathi Sancti, sic habet: *Hodie autem bona nova Baptismus celebratur, sicut in Pentecoste*. Quod si quis obijciat, multos Patres Latinos asseruisse, intemptam noctis silentio Baptismum antiquitus collatum fuisse; scite respondet Iuvenius in citata Dissertatione II. Questione x. Cap. III. ea loquendi ratione illos usus fuisse, eo quod Baptismi solemnitas ritus propter baptizandorum multitudinem, sapius multam in noctem protraheretur. Sed nec quemquam movere debet, quod iidem Patres non raro referunt, ipsos nempe Paschatis, & Pentecostes diebus Catechumenos fuisse baptizatos. Id enim asseruerunt, eo quod Baptismatis ritus inciperet sub Sabbathi vespere, a qua Majores nostri subsequens Festi ducebant initium.

VII. Sicut vero benedici consuevit Fons Baptismalis Paschate, & Pentecoste, quibus apud Latinos olim passim Baptisma ex antiquo ritu solemniter administrabatur, ita & apud Græcos in Epiphania, in qua ex antiquo pariter ritu administrabatur etiam Baptisma, benedici & aqua solebat, ut testis est S. Basilus in Libro, *De Spiritu Sancto*, sic inquit: *Benedicimus Baptismatis aquam, & unctiolem oleum, insuper & baptizatum*. Quibus vero Scripturis edocui, nonne a silentio, & secreta Traditione? Sane Orientalium consuetudinem, qui die Sacra Epiphaniæ aquas baptizandis Catechumenis destinatas consecrarent, recenset in Oratione, *De Baptismo Christi*, S. Joannes Chrysostomus his verbis: *Hæc enim dies est, qua baptizatus est Christus, & aquarum naturam sanctificavit; proptereaque in hac solemnitate sub media nocte omnes, cum aquam baptismi acceperint, domum latius referunt, ac recedunt, & per annum integrum referunt; utpote quod bodiernæ die sanctificata sit aqua; sitque miraculum evidens, dum nihil temporis longiquitate aquarum illarum naturam corrumpitur, sed integro anno, atque adeo biennio, & triennio, sæpe qua bodie fuit baptismi, incorrupta, & recens permanet; ac post tantum temporis eam illi, qua fuerint de fontibus nuper educta, de integritate certat*.

VIII. Apud Græcos itaque Sæculo IV. peragi consuevit solemnitas Baptismi cæremonia profunda noctis silentio, sub media nocte, ut ait laudatus Chrysostomus, sed ea tamen noctis parte, quæ luci vicinior est. Afferit quippe idem S. Doctor, aquam ipsam, de qua ibidem agit, nocte haustam fuisse, ac ea die, qua concionem ad populum habebat, idest, Epiphaniæ, in privatas domos asportatam. Matuta fuit postmodum illa hora, ad vespere nempe pervigilii a Cnaphzo Patriarcha Constantinopolitano, de quo Theodorus Lectior ita scribit: *Aquarum in Theophaniæ orationem vespere fieri constituit*. Idem ex Theodoro narrat Cedrenus, qui quidem ritus deinceps obtinuit, ut ex Pachimere Libro VII. Cap. VII. & ex aliis docetur. Cæterum cum & regenerandorum multitudini, & aliis piorum Christianorum usibus, aquæ benedictæ haud sufficerent, notat eruditus Sebastianus Pauli in Dissertatione, *De ritu Ecclesiæ Nestorianæ*, Parte I. num. VII. pag. 49. duplicem Ec-

clesiam Orientalem in Theophaniæ Festo aquarum benedictionem admisisse, primam, quæ in Festi pervigilio benedicatur, & ex ea populus aspergitur, domus, & campi lustrantur; alteram, quæ inter Missarum Sacra ipso die festo dedicatur, ad hoc ut candidati baptizentur, & Fideles, Sacerdotesque ex ipsa communicent. Utriusque benedictionis ritus habetur in Græcorum Euchologio, hoc Titulo: *Sequitur Ordo magnæ benedictionis aquarum in sanctis Theophaniis*.

IX. Sed omisiss Græcorum ritibus, devenio ad nostrum §. in quo non modo edicitur, ne quum Baptismus est administrandus, aqua Baptismi sit eo anno benedicta in Sabbato Sancto Paschatis, vel Sabbato Pentecostes; verum etiam, ut in Fonte mundo nitida, & pura diligenter conservetur. Id plane inter alios præscripsit S. Carolus in suis, de Baptismi administratione, Instructionibus, sed longe suavius, ac luculentius, his verbis: *Aquam Baptismalem, quoniam puram illam quidem, nitidamque esse, ob tanti Sacramenti dignitatem, convenit, in ipso Fonte per totam annum, quoad ejus fieri potest, tum decore, tum pure conservari*. Loquitur S. Antistes ad Parochum, statimque subiicit: *Quam ob causam cum Fontem pro Sacramenti majestati ex præscripto decenter exstruam, ornatumque habeat; tum etiam totum ipsius Fontis opus undique ita cunctum tenebit, ut nec paleis, neque ullæ aliæ sordes introperent, quibus aqua corrumpi, aut imputra fieri possit*. Quo aqua ipsa baptismalis nitida, & pura conservetur in Fonte mundo, vide qui idem S. Carolus statuit in Concilio Provinciali Mediolanensi IV. Constitutionum Parte II. Capite, *Quæ pertinent ad Sacramentum Baptismi*, ubi rationem edocet, qua construendus sit Fons Baptismalis.

X. Quoniam vero in hoc nostro §. Fons Baptismalis, ac Baptisterii, ejusque Sacrii sacra primum sit mentio, nam ait, ut aqua Baptismi, quando nova benedicenda est, in Ecclesiam, vel potius Baptisterii Sacrarium effundatur; operæ pretium ducimus nonnulla de Baptisterio, ejusque Fonte, ac Sacrario adnotare. Capisse hæc quidem, reddita per Constantinum Imperatorem Christianum Ecclesiæ pace, passim construi, & ad unum Baptismatis ministerium designari, notavit jam memoratus Martene, Lib. I. *De antiquis Ecclesiæ ritibus*, Cap. I. Articulo II. num. VI., ubi etiam scribit, quæ vulgo dicuntur Baptisteria, a Græcis appellata fuisse, *Iluminatoria*; a Sardonio Apollinari Lib. II. Epistola II. ad Domitium, *Piscinam*; a Venantio Fortunato Lib. II. Carmine XI. *Aulam Baptismalem*; a Gregorio Turonensi Lib. II. Historia Francorum, *Templum Baptisterii*; in Capitalibus Pippini Regis Italiae anni 793. num. 7. & 15. *Baptismales Ecclesias*; in ejusdem Capitalibus excerptis ex Lege Longobardorum, num. 16. *Orcula*; in Capitalibus Caroli Calvi anni 876. *Plebes*; a Fiodardo denique Lib. II. Historiæ Remensis, Cap. 19. *Baptismales Titulos*. Porro observat Muratorius in Notis ad Epistolam XI. S. Paulini, labi Vicecomitem Lib. I. *De antiquis Baptismi ritibus*, Capite VI. & consequenter laudatum Martene, dum Sardonii locum in citata Epistola ad Domitium, ubi scribit, *hanc Basilicam appendix piscinæ forissecus, seu, si græci vocant, Baptisterium ab Oriente completitur*, ad

Sacrum Baptisterium trahit, Profana enim hæc sunt villæ ornamenta, impositumque illi nomen Basilicæ, quod hic non Ecclesiæ, sed profanam augustam domum signat.

XI. Quicquid sit, istiusmodi loca, seu Baptisteria, de quibus nos loquimur, ut idem Martene observat, jam ut plurimum erant ab Ecclesiis distincta, & separata, ut patet ex S. Paulini Epistola xxxii, ad Severum, juxta Muratorii editionem, ubi de ejus Baptisterio ita canit.

*Dives opum Christi, pauper sibi, pulchra Severus
Calmina sacrales Fontibus insituit.*

Separata sunt ab Ecclesiis, & quidem ex antiquo ritu Baptisteria in multis nostræ Italiæ Civitatibus, ut inter alios notavit eruditus Mabillonius in suo Itineræ Italico Tomo I. Musei Italici, pag. 10., ubi de Novaria loquens, hæc habet: *Ecclesia Novariensis primaria in honorem Beatissimæ Virginis dedicata separatam habet insignem Baptisterium S. Joannis Baptista, uti Roma, Florentia, Pisis, Parma, Patavii, aliisque in locis nonnullis.* Et infra pag. 38., ubi agit de Ravenna, *Baptisterium antiqui operis extra Ecclesiam, memorat.* Esse hunc antiquum ritum in aliis etiam extra Italiam Civitatibus servatum, constat non modo ex Venantio Fortunato, Lib. xi, Carmine xii, ubi agit de Baptisterio Moguntinæ edificato, verum etiam ex Vita B. Altonis, ejus in Monasterio, cum S. Bonifacius Ecclesiam consecrasset, ita ut præter solitum morem feminis ad eam liber pateret aditus, attamen *Fontem quemdam in eodem loco juxta Ecclesiam positum ea benedixit ratione, ut mulieri nulli liceret ad eum accedere.* Idem etiam observare licet in Turonensi S. Martini Ecclesia, quæ separatam quoque a Basilica Baptisterium habet in Aede S. Joannis, qua pro Capitulo Canonici uti solent.

XII. At vero ut plurimum intra Ecclesiæ ambitum continebatur Baptisterium, ut innumerus posset comprobari exemplis, idque prope jamus ad lavam, atque ita ex supracitato Itineræ Italico Mabillonii, pag. 9. in Ecclesia Verceilensi, *ingressi ad lavam se se offert vetus Baptisterium ex marmore, duo habens altitantes fœdilia.* Venetiis quoque in Ecclesia S. Marci cernitur *Baptisterium ex ære pulchre elaboratum in sacello ad portam, qua aditas est in contiguo Ducis Palatium.* Cernuntur sane passim ipsa Baptisteria in Ecclesiis juxta illarum januas ad lavam, cujusmodi est Baptisterium Paulæ Patriciæ in Ecclesia principis; sed observat tamen Mabillonius in Itineræ Germanico, Tomo iv. Analektorum, in Badenii apud Helveticos Ecclesia Baptisterium non ad portam, sed in superiori navis parte ad aquilonem positum sub effigie columbæ suspense. Moris porro fuisse antiqui, aureas, & argenteas columbas in figura Sancti Spiritus supra Baptisteria, eorumque Fontes collocare, apparet profecto ex Septima Generali Synodo, Nicæna II. Aëlioue V. Præter columbas ipsius consuevit in Baptisteriis poni Imaginem S. Joannis Baptiste, cum eo in manu iudice, *Eccæ Agnus Dei, ecce qui tollis peccata mundi,* docet Durantus Lib. 1. *De ritibus Ecclesiæ Antiquæ* Cap. x. x. c. nam. 6. Statuit quidem & hæc disciplinam S. Carolus tum in Concilio Provinciali Mediolanensi IV. Constitutionum. Parte II. Capite, *Quæ pertinent ad Sacramentum Baptismi;* tum aliis locis, ut nempe in Ca-

pella Baptisterii, aut in pariete proximo S. Joannis Imago Christum Dominum baptizantis extaret. Id quod etiam, ut alia Concilia, & Ritualia omittam, Ritale hoc nostrum præscripuit, ut videre est infra §. xxxii.

XIII. Ad formam, seu figuram Baptisteriorum quod spectat, rotunda ea erant in modum turris, ut colligimus ex citata S. Paulini Epistola ad Severum, ubi hæc habet.

*Iste duas inter diverſi culminiſ aſulas
Turrito Fontem tegmine conſtituit.*

Atque ita Florentinum celebre Baptisterium nobis repræsentat eruditus Du Fresnoie in suo medix, & infimæ Latinitatis Glossario, his verbis: *Florentia in Italia e regione maximi Templi Ecclesia est rotunda S. Joannis Baptista sacra. Hanc Baptisterium appellat. Tota hæc marmorea habens januas, quas antea talia operis egregii reſeclant. In medio illius Ecclesiæ Baptisterium ex marmore lucidissimo positum viſitur, in quo Florentini omnes Baptismi lacuum percipiunt.* Quibus ex verbis constat, quod notat idem Martene, num. ix. non solum Baptisterium rotunda fuisse figura, sed & Fontem ipsum, in quo baptizandi tingebantur, in medio ædis constitutum fuisse. Id quod confirmat Joannes Diaconus in Libro, *De Ecclesia Lateranensi*, Cap. xiv, ubi Fontes Lateranensis ita describit: *Fontes sunt rotundi inter columnas porphireticas positi in medio Ecclesiæ, quæ pulchra est, & rotunda, ubi Constantini Imperatoris fuit camera.*

XIV. Porro propter baptizandorum multitudinem plures aliquando Fontes habebant Baptisteria, ut non modo constat ex recitato Joannis Diaconi loco, verum etiam ex Baptisterio Pisanò, in cujus medio, testante Mabillonio, in suo Italico Itineræ, extat *Font Sacer rotunda opere cum multis Fontibus in petra excisus.* Scite autem observat Martene unum, x. ob ipsam baptizandorum multitudinem tantæ debuisse Baptisteria esse amplitudinis, quæ plura baptizandorum millia cum suis Susceptoribus capere possent. Nam cum olim non nisi bis in anno, Paschate scilicet, ac Pentecoste, ut superius notatum fuit, Baptismus administraretur, nec aliunde essent Baptisteria, nisi in præcipuis Civitatibus, tanta tingendorum multitudo eo confluebat, ut ad plura dubio procul millia aliquando excreſcerent. Certe in Ecclesia Constantinopolitana, cum Sabbato Sancto adversus S. Joannem Chrysostomum irruissent Theophili satellites, jam tria hominum millia regenerationis Sacramentum perceptorat, fugatis reliquis, præsertim mulieribus undis, quæ separatim a viris Sacro Fonti immergebantur, opera scilicet Diaconissarum, de quibus diximus in nostris ad Concilia Œcumenica, & ad Pontificale Romanum Commentariis. Atque hic nota, ad consulendum, pudori, consuevisse olim feminas a viris separatas baptizari.

XV. Quanta fuerit hac in re S. Ottonis Pomeranorum Apostoli sollicitudo, & cautio, ac simul, quo modo, ac ritu Baptismum novellis Christi Fidelibus administraret, docet nos illius Vitæ Scriptor Lib. II. Cap. xv. apud Surium ad diem II. Julii, sic loquens: *Interim vero tribus extruunt Baptisteria, ita ordinavit, ut ipse solos mares pueros in uno baptizaret, alii autem Sacerdotes feminas scorum, & viros scorum. Tanto quoque diligentia, tanto munditia, & boni-*

fla-

stare Pater optimus Sacramenti operationem fieri edocuit, ut nihil indecorum, nihil pudendum, nihil inquam, quod alicui gentilium minus placere posset, ibi ageretur. Namque dolia grandia valde terra altius immergi precepit, ita ut ora dolorum usque ad genu hominis, vel minus de terra prominere; quibus aqua impletis, facilis erat in eam descensus. Cortinas circa dolia fixis columellis, fanique indutis, oppandi fecit, ut in modum coronae vel undique cuppa cingeretur. Ante Sacerdotem vero, & Communiſtros, qui ex una parte adstantes Sacramenti opus explebant, linteam sune trajecto pendit, quatenus verecundiae undique provisum foret, nequid ineptia, aut turpitudinis notaretur in Sacramento, ut honestiores persona, pudoris occasione se a Baptismo subtraherent.

XVI. Constat jam vel ex recitato hactenus loco & alius ritus, descendendi ad Fontem, ubi quis baptizaretur. Conſueviſſe etiam eum descensum fieri ad Fontem certo graduum numero, antiqui Scriptores tradunt, inter quos S. Hieronymus Hispanensis Episcopus septem non sine mysterio recenset tum Lib. xv. Originum, Cap. iv. Fontem in Delabris locus regenerationis est, in quo septem gradus in Spiritus Sancti mysterio formantur, tres in descensu, & tres in ascensu; septimus vero is est, qui & quartus, idest similis Filio hominis &c. Tum Lib. II. De Divinis Officiis, Cap. xxiv. ubi sic loquitur: Fontem autem omnium gloriaram origo est, cuius septem gradus sunt, tres in descensu propter tria, quibus renuntiamus; tres in ascensu propter tria, quae confitemur; septimus vero is est, qui & quartus similis Filio hominis &c. Hieronymus describit creditis Alcuinus in Libro. De Divinis Officiis, Capite, De Sabbato Sancto; adſuplaturque, utrique Theodolphus Aurelianensis Antistes in Libro, De Baptismo, Cap. xiii. quibus addi & potest Hugo Abbas Flaviniacensis in Chronico Virdunensi, ubi agens de Malveo, qui postea fuit Virdunensis Episcopus, Statim, inquit, renatus aqua, & spiritu in septem Baptismi gradibus septem comprehendit dona Paracleti Spiritus.

XVII. Quod vero recens baptizati ſolent olim ſtatim poſt ſuſceptum Baptiſma Corpori & Sanguini Domini communicare, aliquot etiam Altaria in Baptiſteriiſ ſolita erigi erant, in quibus Miſſa celebrari poſſet ad renatorum communionem. Hinc Hilarius Papa tria ſciffe dicitur Oratoria, ſive Altaria in perveſto Baptiſterio Baſilice Conſtantinianae apud Anaſtaſium, ſcilicet S. Joannis Baptiſta, S. Joannis Evangeliſta, & Sanctae Crucis; in Baptiſterio quoque Lateranenſi Oratorium S. Stephani. Item de Symmacho Papa idem Auſtor loquens, Ad Fontem, inquit, in Baſilica S. Petri Apoſtoli Oratorium Sanctae Crucis ex argento, Conſecrationem, & Crucem ex auro &c. Sed & in Pilano Baptiſterio Fonti adhaeret Akare cum globo ſuper illud concavo, in quo Euſtarhiſia olim ad uſum, ut veriſimilimum eſt, recenti baptizatorum obſervabatur, ut reſert Mabillonius in citato ſuo Itinere Italico, Tomo I. Muſei pag. 184. Unde non mirum, ſi Baptiſteria ipſa ſolemni ritu, ac pompa conſecrarentur, ut adſcribere licet ex Sidonio Apollinari Lib. iv. Epistoſta xv. ad Elaphium, ſic ſcribens: *Fpalum multiplex, & capaciffima letiffima parva pluvium vis, pluvibus turbis ad te venitur.*

Ita bonorum contubernio ſedit, quippe poſtquam omnibus tempus futura dedicationis inclinarit. Nam Baptiſterium, quod olim fabricabimini, ſcribitis jam poſſe conſecrari. Ad qua Feſta vos vocati, nos miniſteri, officiis multos, Fidei totos cauſa ſollicitat &c. Recondi conſueviſſe in huiusmodi Baptiſteriis Sanctorum Reliquias, docet non uno in loco Gregorius Turonenſis, praeterſim vero in Libro, De Vitae Faſtum, Capite vii. ubi dicit, quod in Baptiſterio Diviſionis multe Sanctorum Reliquiae tenebantur. Et Lib. x. Hiſtoriae Francorum loquens de conſtructioe a ſe Baptiſterio, ita ſcribit: Baptiſterium ad ipſam Baſilicam adſificari precepi, in quo S. Joannis cum S. Sergii Martyris Reliquias poſui, & in illo priori Baptiſterio S. Benigni Martyris piſina collocavi.

XVIII. Praeterea cum, uti alias dicemus, ſoli priſcis temporibus baptizarent Episcopi, ſola etiam Cathedralis Eccleſiae, in quibus illi reſidebant, Baptiſteria habebant. Diſcipline iſtius veſtigium viſitur hodie Florentiae, ut notavit in ſuo Gloſſario Duſreſne, verbo, Baptiſterium, ubi poſtquam dixit, in ipſa Civitate & regione, maximi Templi extare Eccleſiam rotundam in honorem S. Joannis Baptiſtae, ita mox ſubdit: In medio illius Eccleſiae Baptiſterium & marmor lucidiſſimo viſitur, in quo Florentini omnes Baptiſmi lavacrum percipiunt, neque alibi quicquam, praeterquam in hoc Baptiſterio aquis ſalutaribus tingitur. Quae quidem aduſcare libuit, tanquam veteris moris inſtitutum, cum olim in Civitatibus, in Eccleſiis tantum Cathedralibus, aut ſis adjuvantibus Baptiſteriis Baptiſmus conferretur, in quibus etiamnum ſuperſunt ejuſmodi Baptiſteria tametsi nulli ſere uſui. In aliis quoque noſtrae Italicae Civitatibus, Oppidiſque iuſſignibus, in ſolis paſſim Eccleſiis Cathedralibus, Matricibuſque baptizari ſolent infantes, praeterſim Piſae, Parmae, Patavii, & ut alias Urbes omittam, Paulae, quae eſt Patria mea in ceteriori Calabria, licet quatuor Parochi adſint, qui diſtinctas Parochias regunt in quatuor Urbis regionibus, omnes tamen in uno Baptiſterio, quod eſt in Eccleſia, quam appellamus Matricem, infantes baptizant. Sane Romae primitus in omnibus ſere Baſilicis Baptiſterium erat, ut ad S. Joannem Lateranenſem, ad S. Petrum, ad S. Paulum, ad S. Mariam Majorem, ad S. Mariam tranſtyberim, ad S. Laurentium in Damaco, & in aliis paſſim celebrioribus Urbis Eccleſiis. Id quod ad ſingulare ejuſdem Urbis privilegium reſert Joſephus Vicedomus, utpote in qua Eccleſiaſ principatus, & Religionis domicilium conſtitutum erat, propter multitudinem eorum, qui, ſpreſtis inanibus diis, verum Caeli, terraeque conditorem Deum agnoſcebant.

XIX. Excepta Urbe, uti jam dicebamus, unicuique erat olim in ſingulis Civitatibus, Oppidiſque Baptiſterium. Sed multiplicato poſtmodum Fidelium numero, etiam in una eademque Civitate plura Baptiſteria conſtrui coepere, non tamen, niſi in principalioribus Eccleſiis, aut prope eas, quas propterea Baptiſmales dicebant, ut in Canone i. v. & i. v. apud Gratianum Cauſa xv. Quaestione I. ad diſtinctionem eamdem Eccleſiarum quae Parochialium, quae Baptiſterio carebant; quemadmodum etiam hodie in aliquibus Civitatibus, ac praeterſim in Urbe Romae plures cernuntur Eccleſiae Parochiales, poſſunt.

tissimum vero quæ a secularibus Presbyteris administrantur, Baptisterio destitute. Cæterum, sequentibus sæculis, cum Parochi facti sint ordinarii Ministri Baptismi, illudque ministerium ad illud fuerit devolutum, tunc quoque contigit, ut omnes passim erecti in plerisque Civitatibus, Oppidisque Parochiales Ecclesias Baptisterium crexerint, in quo omnes uniuscujusque Parochie incolæ solemner baptizarentur, & spiritaliter renascerentur, atque hoc titulo Ecclesiam Parochialem tanquam Matrem, quæ in Christo eos genuit, recognoscerent, atque venerarentur.

XX. Hæc omnia fusius exponunt quidem eruditus Vicecomes in Opere, *De antiquis Baptismi ritibus*, Durantius Lib. 1. *De ritibus Ecclesie Catholicae*, Cap. xix. ac memoratus toties Edmundus Martene citatis locis. Sed & notandum hic censeo, quod idem Auctor, Lib. 1. Cap. 1. Article II. num. xvi. scribit, aliquando scilicet Baptisterii privilegium quibusdam etiam Monachorum Ecclesiis, propter Apostolicum vitæ illorum institutum, & reverentiam, quam ex populis exigebat virtus sanctitatis eorum, indultum fuisse. Nam & in Sancti Pachomii Monasteriis, qui fuit Cœnobiticæ Vitæ primus Institutor, Catechumenos Fidei rudimentis imbutos, atque regenerationis gratia donatos fuisse, constat ex ejus Vita ab Auctore corvo, & gravissimè scripta apud Bollandianos ad diem xiv. Maji. Eandem usum fuisse in Monasterio dicto *Penthuena*, docet Joannes Moschus in *Prato spiritali*, Cap. 111. Baptismus quoque Moxuntæ in Ecclesia S. Albani, quam Monachi Sancti Benedicti incolebant, collatum fuisse, patet ex *Annalibus Eginardi* ad annum DCCCXXVI. Denique, ut multa alia hujusmodi exempla prætereamus, infantes nobilium Sabbato Sancto in Monasterio Caxi-Dei tingendi ex more descrebantur, ut refert Bertrandus in Libro tripartito *Miraculorum S. Roberti Abbatis*, Distinctione 1. num. 23.

XXI. Quamquam vero occasione Baptisterii, de quo hæcenus diximus, nonnihil etiam de ejus Fonte dixerimus, lubet nihilominus nonnulla speciatim de ipso addunt. Et quidem, Fons istius vasculum juxta antiquam omnium passim Ecclesiarum consuetudinem debet esse lapideum; constatque ex præcis Constitutionibus Richardi Episcopi Sacrum, Capite xviii. itemque ex illis S. Edmundi Cantuariensis Archiepiscopi, Cap. x. atque ex Concilio Wigornienfi, Cap. v. Verum in Concilio Ildensi, prout citatur a Burchardo, & apud Gratianum, Canone cvi. De Consecratione, Distinctione iv. decernitur, ut *omnis Presbyter, qui Fontem lapideum habere nequiverit, vas convenient ad hoc solummodo baptizandi officium habeat, quod extra Ecclesiam non deportetur*. Idem præscribit Beneventana Provincialis Synodus sub Hugone II. Guidardo, anno MCCCLXXIV. celebrata, Tit. iv. Cap. v. ubi inter alia etiam edicit, ut ipse Fons prius ab Episcopo sit benedictus: *Caveant autem Sacerdotes, inquit, at pro Baptismo in Ecclesiis suis, & infra eas habeant Fontem lapideum ab Episcopo primitus benedictum, si haberi commodè possit; alioquin habeant alia ad vas convenient, solummodo ad baptizandi officium deputatum, & tali modo collocatum, quod extra Ecclesiam portari non possit*.

Tom. I.

Tum vero mox subjicit: *Dictum autem Fontem teneant bene mundum, & honesto modo, aliquando durius panietur, si contrarium fecerint præmissorum*. Et iterum: *Lapidem autem Fontis, vel aliud vas ante omnia ab Episcopo benedicti præcipimus, antequam aliquis ibidem baptizetur*. Sane inflante mortis periculo, cum Baptismus in privatis ædibus conferri necesse est, infantes in vase ligneo baptizari permittunt memoratorum Antistitem Edmundi Cantuariensis, & Richardi Sarum Constitutiones, sed hujusmodi vasa, expleto Baptismo, igne comburi jubent. Verum quod baptizandis Regum Scotorum filiis olim inferviebat, cupreum erat, quod capto Edimburgo, in Ecclesiam S. Albani transfudit Richardus Lens Eques Auratus tempore Henrici VIII. Anglorum Regis, ut notat Martene Lib. 1. Cap. 1. Article II. num. xi.

XXII. Fontis figura fuit ut plurimum rotunda, sicut & Baptisterium, de quo late jam superius diximus. Atque ita S. Julianus primus Cenomanensis Antistes in *quodam vase lapideo in modum solis Defensorem Principem* cum Goda ejus uxore baptizasse refertur in *Gestis Episcoporum Cenomanensium*. Sed in Hispania Provincia Lusitana *Piseira ex marmore ovato in modum Cræcis habebatur*, testis Gregorio Taronensi, Lib. 1. *De gloria Martyrum*, Cap. xxxiii. Porro quæ ratione construendus sit Baptismalis Fons, exposuit S. Carolus in Concilio Provinciali iv. Mediolanensi, Constitutionum Parte II. ubi agit de iis, quæ pertinent ad Sacramentum Baptismi: *Fons Baptismalis, inquit, & marmore, aut & solido lapide consistit, qui, si præ rimis, aliave ratione ejusmodi est, ut inde aqua sensim effluat, lapis alius bene firmus, solidus, ac tutus quamprimum comparetur*. Et paulo post: *Habeat operimentum, vel ciborium ad sacra Olea tuto, decenterque conservanda, in eo ipso Fonte accommodatum, nisi ubi ex Institutionibus nostris aliter extruendum est*. Addit & alia, quæ in laudato ejusdem Concilii Mediolanensi Capite legi possunt. Sane Conciliis, Acisque Ecclesiæ Mediolanensi præferuntur Rituali Romanum censent, præsertim vero in iis, quæ ad Baptisterium spectant, de quo ita statuit infra §. xxxii. *Baptisterium sit decenti loco, & forma, materiæque solida, & quæ aquam bene contineat, decenter ornatum, & cancellis circumseptum, fers, & elave munitum, atque ita obsecratum, ut pulvis, vel alia sordes intro non penetrent, in eoque, ubi commodè fieri potest, dispingatur imago S. Joannis Christum baptizantis*.

XXIII. Restat, ut de Sacrorum Baptisterii dicamus, quod quidem, ut & ipsum & marmore, solidoque lapide prope Fontem construatur ad præscriptum *Institutionum*, citato loco idem S. Carolus statuit. Longum porro est describere, quæ S. Antistes, Actorum Parte iv. Ecclesiæ Mediolanensis Lib. 1. Instructionum Fabricæ, & Suppellectilis Ecclesiasticæ, Cap. xix. quod est de Baptisterio tam more Romano, quam Ambrosiano, accurate, sapienterque præscripsit. Dicam dumtaxat, quod de prima Sacrorum forma docet sequenti Capite xx. *Sacrorum prima forma, inquit, hæc sit, ut vas scilicet & marmore, lapideve solido fiat, insinquare Fontis baptismalis concavetur; longe patens sit exhibitam unam, late ancias sexdecim, forma rotunda, vel ovata, vel quadrata, aliave, quæ minus situm impediatur*. In-

E

me.

medio fundo concavo foramen habeat forma quadrata, quod large ab omni parte pateat unciis circiter quinque. Sufficiatur columella quadrata, aliave pro ratione vasis, supposita parvula basi; itant ab Ecclesia pavimento usque ad summum ejus labrum alte extructum sit cubitis duobus. Habeat sub foramine parvulum tabulum, aquaductumve, in media columella effossum, sculptumve; quod quadrata etiam forma, ample itidem pateat unciis quinque, ut per eum, quæ cineret, aliæque id generis, quæ effunden-

tur, anteproicientur, deorsum effluant. Infra hunc tabulum, aquaductumve cisterna suffodiatur, in quam quæcumque effusa, projectave erant, recipiantur. Id Sacrarium integumentum operiatur, quod ex tabuli aureis sit, atque ejusmodi, at a parte superiori sensum levi acclivitate, quasi pyramidis instar emineat. Clandatur antea firmissimo pessalo, serra, & clavo. Affertur & alia possent in variis Ritualibus, ac Synodis eandem in rem præscripta, quæ non opus est hic recensere.

§. V.

Si aqua benedicta tam imminuta sit, ut minus sufficere videatur, alia non benedicta admisceri potest, in minori tamen quantitate.

COMMENTARIUS.

I. Item esse antiquissimum, ut ubi, nullo mortis periculo urgente, administraretur Baptismus, adhibenda sit aqua baptismalis benedicta Sabbato Paschatis, vel Pentecostes, ejusdem anni, in superiori Commentario abunde fuit ostensum. Quod quidem adeo verum est, ut ex communi Theologorum sententia mortaliter peccet Sacerdos, contra institutionem Ecclesie, si non cum illa aqua baptizet. Cum tamen dari possit casus, aquam benedictam in baptismali Fonte tam imminutam esse, ut minus sufficere videatur, recte hic statuit noster §. aliam non benedictam admisceri posse,

in minori tamen quantitate; ut scilicet major pars trahat ad se minorem, & minor in majorem converti possit. Porro cum istud novæ aquæ augmentum periculosum sit, fieri omnino cum multa diligentia debet; nam si aqua benedicta usque ad extremam guttam imminuta sit, non puto aliam non benedictam posse illi admisceri, tum potissimum, quod aquæ minima gutta non sufficiat ad Baptismum, sed opus est, ut sit in tanta quantitate, ut ejus infusione corpus hominis, vel ejus pars moraliter ablui dicatur, ut docent Theologi allati a Barbosa, Parte II. De officio, & potestate Parochi, Cap. XVIII. num. 45.

§. VI.

Si vero corrupta fuerit, aut effluerit, aut quovis modo defecerit, Parochus in Fontem bene mundatum, ac nitidum, recentem aquam infundat, eamque benedicat ex formula, quæ infra præscribitur.

COMMENTARIUS.

I. Peripicua plane sunt ea, quæ hic noster §. mandat, ut nempe si aqua baptismalis benedicta, corrupta fuerit, aut effluerit, aut quovis modo defecerit, Parochus in Fontem bene mundatum, ac nitidum, recentem aquam infundat, eamque benedicat ex formula, quæ infra præscribitur, Capite nempe VII. hujus Tituli, quod inscriptum est: Benedictio Fontis Baptismi extra Sabbatum Pascha, & Pentecostes, cum aqua consecrata non habetur. Plura nos in hunc ritum suo loco dicemus, sed abs re non erit hoc loco adnotare, quod in casu, quem recenset, deceditque noster §. præscripsit S. Carolus in suis, De Baptismi administratione, Instructionibus, ubi sic inquit: Quod si intra annum, pro temporis distantia, aliave causa, illam corruptam contigerit, in Sacrarium prope Fontem Parochus projiciet, statimque & Fontem purgabit. Ex vero si in Urbe est, ad Metropolitani, si in Diocesi, ad Plebanam Ecclesiam veiet, unde proprio vaseculo nitida aquam baptismalem accipiat, in Parochialemque Ecclesiam secreto ferat; ubi quamprimum in Fontem effundet, baptismalemque aquam allata tantum etiam aqua pura, nitida, & recentis addet,

quantum satis erit. Hoc ipsum quoque præstabit, si etiam aqua baptismalis per annum aliquo modo defecerit. Tum vero mox addit: Si vero in Ecclesia, vel Metropolitana, vel Plebana, ubi Fontis benedictionem fieri solemus est, aquam baptismalem corrumpi, aut defecere contigerit, tunc Archiepiscopus, aut Praepositus, Rocheto, Cappa, & Stola violacea indutus, Fonte primum diligenter purgato, & aqua pura, munda, recentisque pleno, Oleoque sacro, quod aqua immisceri debet, parato, benedictionem, omisso ceteris caeremoniis, peraget, ut infra suo loco inter Benedictiones, adhibitis saltem duobus Clericis.

II. Ex præscripto itaque S. Caroli, ubi in proprio Parochia Fonte corrupta sit, aut quovis modo defecerit aqua baptismalis statim temporibus benedicta, jam non alia t. medienda, sed potius ex Fonte alterius Ecclesie sumenda, ut nempe, quantum fieri potest servetur antiquum, probatumque Ecclesie institutum baptizandi cum aqua Sabbato Paschatis, aut Pentecostes benedicta. Hinc recte statuit in Concilio Provinciali Mediolanensi IV. Constitutio Parte II. ubi agit de iis, quæ ad Sacramentum

tum Baptismi pertinent, ut ille, ubi nullus Fons baptismalis est, introduitur in aliquot locis mos aqua benedicende, consecrande, quo tempore Baptismum ministrari oportet, tum Baptismo celebrato, in Sacramentum projiciende, tollatur in posteram omnino. Ex quibus additimus, quod ubi alibi, quam in Ecclesia Parochiali Baptismus

administratur, nisi necessitas urgeat, adhibenda sit aqua benedicta ex Fonte baptismali, non vero nova benedicenda, excepto casu, de quo loquitur noster §. cui standum, nisi aliter præscribant peculiare laudabiles, probataque Ecclesiarum variarum consuetudines, Constitutionesque.

§. VII.

Sed si aqua congelata sit, curetur, ut liqueat; sin autem ex parte congelata sit, aut nimium frigida, poterit parum aquæ naturalis non benedictæ calefacere, & admiscere aquæ baptismali in vasculo ad id parato, & ea tepescita, ad baptizandum uti, ne noceat infantulo.

COMMENTARIUS.

Quod hic noster §. ait, idipsum jam passim & Theologi docent, & Sacra Synodi præscribunt, inter quas Provincialis vi. Beneventana sub Hugone II. Gnidardio habita anno MCCCLXXIV. Tit. iv. Cap. v. *Advertant, inquit, Sacerdotes, quod aquam calidam apponant, quia parvuli quandoque ita penetrantur frigore aquæ, quod contrahunt mortales infirmitates, & moriuntur.* Loquitur hic Concilium de aqua baptismali nimium frigida, cui aquam calidam apponendam inquit, sed in longe minori quantitate, uti habet noster §. poterit, inquit, parum aquæ naturalis non benedictæ calefacere, & admiscere &c. Ceterum quod glacies, grando, nix ex communi Doctorum sententia, non sit apta materis ad baptismum, quia scilicet non est idonea ad abluendum, recte ait noster §. ut si aqua congelata sit,

curetur, ut liqueat, modo scilicet præscripto, ubi ex parte congelata sit, aut nimium frigida. Atque hic audiendus est S. Carolus, qui in suis memoratis Instructionibus §. nostrum egregie explicat hæc plane verbis: *Quoniam interdum accidit, ut in summa hyeme, aqua baptismalis vi frigoris congeliet, aut gelida nimis sit, tunc ut aliquo calore liquefacta, usui ad baptizandum infantem esse possit, cum animadverti debeat, ut illa gelida nimis ei noceat, aliam aquam vase mundo calefactam immisceri licet; quæ aqua calefacta longe paneior sit, quam illa, quæ benedicta est. Quia in re cavebit etiam Sacerdos, nequid aliud commisceat, quam aquam puram, ac naturalem, quamvis calidam.* Similia legere est in variis Synodis, atque variarum Ecclesiarum Ritualibus, quorum loca describere supervacuæ esset laboris.

De forma Baptismi.

§. VIII.

Quoniam Baptismi forma his verbis expressa, *Ego te baptizo in Nomine Patris, & Filii, & Spiritus Sancti*, omnino necessaria est, ideo eam nullo modo licet mutare; sed eadem verba uno, & eodem tempore, quo fit ablutio, pronuncianda sunt.

COMMENTARIUS.

Sicut circa materiam Baptismi, ita quoque circa ejus formam multiplex fuit error hæreticorum, uti notavit Juvenius, De Sacramentis, Dissertatione II. Questione iv. Capite i. Prioribus sæculis in tribus Principis, & in tribus Filiis, ac in tribus Paracletis nonnulli hæretici Catechumenes baptizabant, uti addicimus ex Can. xlix. vulgo Apostolorum, in quo illorum praxis damnatur. Damnat quoque praxim ipsam utpote nondum Sæculo vi. penitus extinctam Vigilus Papa in Epistola II. Cap. vi. ubi sic loquitur: *Signis Episcopus, aut Presbyter, juxta præceptum Domini non baptizaverit in Nomine Patris, & Filii, & Spiritus Sancti, sed in una Persona Trinitatis, aut in duobus, aut tribus Patribus, aut in tribus Filiis, aut in tribus Paracletis, projiciatur de Ecclesia Dei.*

II. Marcite dicti a Marco Valentini discipulo, teste S. Irenæo, Lib. i. adversus hæreses, Cap. xix. sic Baptismum conferebant: *In*

nomine ignoti Patris omnium, in veritate Matris omnium, & in nomine descenditis Jesu ad unionem, & redemptionem, & communionem virtutum. Eandem Marcitarum formam in conferendo Baptismum refert Theodoretus Lib. i. hæreticarum fabularum, his verbis: *Tringentes autem eos, quos decipiunt, dicere solent: In nomine ignoti Patris universorum, in veritatem matrem omnium, & in Jesum, qui descendit ad unionem, & redemptionem, communionemque potestatum.*

III. Nonnulli Cataphryges ita dicti, Montano adherentes, eo quod in Phrygia præsertim eminceret, Baptismi etiam formam corrumperant, uti colligitur ex Canone viii. Concilii Laodicæni, ubi hæc habet: *Eos, qui convertuntur ab hæresi, quæ dicitur Cataphrygarum, sequæ in Clero constitutos existimant, quamvis magis dicantur, hujusmodi cum omni diligentia catechizari oportet, & baptizari, ab Ecclesia Catholica Episcopis, & Presbyteris.* Itemque ex Canone

E a

nane VII. Concilii I. Constantinopolitani, quem nos explicuimus Tomo I. Conciliorum. Par credere est, aliquos ex iis hereticis Baptismum contulisse in nomine Patris, & Filii, & Montani, quem Paracletum esse prædicabant. Id innuere videtur S. Gregorius Magnus, Libro IX. Epistola XXI. ad Quirinum Episcopum sic scribens: *Hi heretici, qui in Trinitatis nomine minime baptizantur, sicut Bonifacii, & Cathaphryga, quia & illi Christum Dominum non credunt, & isti Spiritum Sanctum peruerso sensu esse prauum quendam hominem Montanum credunt, quorum similes multi sunt, & alii tales, cum ad sanctam Ecclesiam veniant, baptizantur; quia Baptismus non fuit, quod in errore positi, in Sancta Trinitatis Nomine minime percipiunt.*

IV. Paulianistæ a Paulo Samosateno, qui Personas in Sancta Trinitate non distinguebat, sic appellati, irrita, & vana quadam uel sunt & ipsi inter baptizandum formula, ut addicere licet ex Canone XIX. Concilii I. Niceni, a nobis Tomo I. Conciliorum explicato, ubi baptizati ab illis, iterum baptizari iussi sunt. Photinianos quoque in Baptismi formam peccasse, probant hæc uerba Canonis XVI. alterius Concilii Arelatenis: *Photinianos, sive Paulianistas, secundum Patrum statuta baptizari oportet. Nennulos Afros forma a Christo prescripta minime usos fuisse, supponere videtur Patres Concilii I. Arelatenis, ubi Canone VIII. Decretum hoc ediderunt: De Afriis, qui propria sua Lege utuntur, ut rebaptizent, placuit, ut si ad Ecclesiam aliquis de hæresi uenerit, interrogent eum Symbolum, & si perueriderit, interrogent eum Spiritu Sancto eum esse baptizatum, manus ei tantum imponatur, ut accipiat Spiritum Sanctum. Inter antiquos tandem hereticos, peccasse, ut alios omittam, Eunomianos in ipsam formam Baptismi, tradit Theodoretus Lib. IV. hæreticarum fabularum, Capite III., ubi sic de Eunomio, a quo dicti sunt Eunomiani, loquitur: Idem Sancti etiam Baptismi Legem olim a Domino, & Apostolis traditam euerit, & contrariam sanxit, non oportere dicere ter illum immergere, qui baptizatur, nec invocare Trinitatem, sed semel baptizare in Christi mortem.*

V. Porro Baptismi formam in nostro §. expressam docuit Apostolos Christus Dominus, ac per eos uniuersam Ecclesiam, cum mittens illos in Mundum uniuersam, iussit prædicare, & docere omnes, baptizantes eos in Nomine Patris, & Filii, & Spiritus Sancti: uti legitur Matthæi Capite XXV. Hinc Tertullianus in Libro, De Baptismo, Cap. XII. inquit: *Lex tingendi imposita est, & forma prescripta. Itē, inquit, docere nationes, tingentes eas in Nomine Patris, & Filii, & Spiritus Sancti. Hæc Legi collata, definitio illa: Nisi quis renatus fuerit ex aqua, & Spiritu, non intrabit in Regnum Cælorum; obstrinxit fidem ad Baptismi necessitatem. Itaque omnes exinde Fideles tingebantur. Antiqua igitur Ecclesie consuetudo fuit, & Lex a Christo accepta, & ad nos usque derivata, uniuersos cum his uerbis semel prolati baptizandi: Ego te baptizo in Nomine Patris, & Filii, & Spiritus Sancti. Quam quidem formam, quod ter, hoc est, ad singulas tinctiones semel repetere olim Ecclesie Hispanicæ, vehementius in ipsis de ea re exarsit Alcuinus in Epistola CLXXX. ad Paulinum Patriarcham.*

VI. Ex illis Christi uerbis Legem de Baptismo promulgantis Matthæi Cap. XXV. baptizantes eos, Catholica Ecclesia Diuinitus edocta optime intellexit, in huius Sacramenti forma actionem Ministri exprimendam esse; quod quidem fit, cum dicitur, *Ego te baptizo*; quæ tamen uerba, ut testatur Martene Lib. I. De antiquis Ecclesie ritibus, Cap. I. Article xiv. num. XIX. desiderantur in ms. Rituali ad usum Ecclesie Cameracensis ab annis circiter CCLX. exarato; quod etiam se uisidie affirmat in Monasterio S. Nicolai in Silva Vandagii Diocesis Laudunensis. Nam in utroque, & puerorum, & puellarum Ordine Baptismi, hæc tantum præscribuntur: *In nomine Patris, & Filii, & Spiritus Sancti, Amen.* Eodem modo proprium filium, cum congruus Sacerdos reperiri acquivisset, baptizauit olim homo quidam in Diocesi Claramontana, ut testatur Petrus Episcopus in Epistola ad Mauricium Episcopum Parisiensem, & Stephanum S. Euericii Abbatem, qui postea Tornacensi præfuit Ecclesie, ubi & hæc addit: *Eo hæc est pessima consuetudo in Terra nostra, ut in tali necessitatis articulo dicant, In Nomine Patris, & Filii, & Spiritus Sancti, nec totam exprimant uerborum formam, quæ debet exprimi in Baptismo, quod undeque uocant. Interrogatus quid de tali Baptismo sentiret Mauricius, respondit, nullum in ea tinctione extitisse Sacramentum. Contra uero Stephanus, qui suam sententiam rationibus, & auctoritatibus non paucis tuetur; adducit eos, qui literas ignorant, hoc solum dicere, cum undaunt parvulus: In Nomine Patris, & Filii, & Spiritus Sancti.*

VII. Eadem fuit sententia Hagonis Victorini, Petri Cantoris, & Præpositi, quorum auctoritates adducit Morinus Lib. VII. De Penitentia, Cap. XVI. §. XIX. & Iuuenius, De Sacramentis, Dissertatione II. Questione IV. Cap. III. Article II. Sed & inter ea, quæ in Latinis redarguit Michael Ceralarius, ad Petrum Antiocheum scribens, hoc unum est: *Sacrum Baptismus ita peragant, ut eos, qui baptizantur, unica uersione baptizent, in Nomine Patris, & Filii, & Spiritus Sancti, dicentes. Verum quicquid sit de ea aliquorum sententia, ac praxi, non est dubium, quin expressio ablationis necessario requiratur in collatione Baptismi. Expresse id enim docet Alexander Papa III. in Capite, Si quis, de Baptismo, & ejus effectu, ubi sic loquitur: Nisi per uerum ter in aqua merserit, in Nomine Patris, & Filii, & Spiritus Sancti, Amen, & non dixerit, Ego te baptizo, puer non est baptizatus. Hinc merito ab Alexandro Papa VIII. die VII. Decembris anno MDGC. inter alius damnata fuit & hæc propositio, num. XXVII. Valuit aliquando Baptismus sub hac forma collatus: In Nomine Patris &c. prætermisiss illis: Ego te baptizo. Porro Decretalis Alexandri Papæ III. paulo superius a nobis allata meminit S. Thomas in IV. Sententiarum, Distinctione III. Questione III. Article II. ubi cum opinionem rescilicet, quæ dicebat, ualere Baptismum sub sola Trinitatis invocatione, nulla fecta ætus expressione: Si subtrahatur aliquod, quod sit de essentia forma, certum est, quod non est Baptismus, & ille, qui baptizat, grauiter peccat; quia apud omnes invocatio Trinitatis est de essentia forma, ideo hæc nullo modo subtrahi potest. Sed quidam dicunt, quod expressio alius non est de substantia*

zia formæ; unde si subtrahatur, sola sola Trinitatis invocatione, erit Baptismus. Sed contra hoc est Decretalis Alexandri Papa III. Quod si quis puerum in aqua meriserit, dicendo, In Nomine Patris, & Filii, & Spiritus Sancti; si non dicat, Ego te baptizo, non est puer baptizatus. Oportet enim, quod per formam virtus Trinitatis invocata ad materiam propositam determinetur, quod fit in expresse alicui.

VIII. Quoniam vero præter Ministrum, tum illius personam, qui baptizatur, tum principalem causam, cujus virtute peragitur Sacramentum, significare oportebat, licet pro prænomine te, & distincta Divinarum Personarum nomina adduntur, ut absoluta Sacramenti formæ, iis verbis concludatur, Ego te baptizo in Nomine Patris, & Filii, & Spiritus Sancti. Pertinere ad substantiam formæ expressionem personæ baptizate, perspicue docet S. Thomas loco citato: Similiter expressio personæ baptizata est de substantia formæ, quia per eam determinatur actus ad hunc Baptismum; & ideo si subtrahatur, non erit Baptismus. Tum vero de persona Ministri baptizantis sic ait: Sed expressio personæ baptizantis, dicitur, quod non est de forma quantum ad necessitatem Sacramenti, sed ex institutione Ecclesiæ, ut intentio magis feratur ad actum illum; & ideo si omittatur, erit Baptismus, sed peccat omittens. Pertinet autem quammaxime & ad ipsam formæ substantiam distincta trium Divinarum Personarum expressio. Neque enim sola Filii Persona, de quo Joannes ait Cap. 1. Hic est qui baptizat, sed simul omnes Sanctissimæ Trinitatis Personæ ad Baptismi Sacramentum operantur. Quod autem in Nomine, non in nominibus dictum est, hoc plane declarat unam Trinitatis Naturam, & Divinitatem. Etenim hoc loco Nomen ad Personam non refertur, sed ad Divinam substantiam, virtutem, & potentiam, quæ una, & eadem est in tribus Personis significata. Unde Sancti Patres, Athanasius, Hilarius, Gregorius Nazianzenus, & alii ex Evangelicis illis verbis, quibus forma Baptismi constat, trium Personarum Divinitatem, æqualitatem, consubstantialitatem efficacissime probaverunt, et præsertim ratione, quod in nullius unquam creaturæ nomine Baptismus conferri posse docuerit semper Ecclesiæ. Hinc Pelagius Papa in Confessione Fidei suæ missæ ad Childebertum Regem Francorum in Epistola xvi. ita scribit: In Nomine, non Nominibus, ut & nomen Deum per indissolubile Divina essentia ostenderet, & Personarum diversitatem suis demonstratam proprietatibus edoceret. Quia dum tribus unum Deitatis Nomen est, æqualitas ostenditur Personarum.

IX. Cur explicita, & distincta trium Sanctissimæ Trinitatis Personarum invocatione conferendus Baptismus sit ex Christi institutione, varis jam assignantur rationes; tum quia scilicet Baptismus Sacramentum Fidei est, cujus præcipuum objectum est Mysterium adorandæ Trinitatis; tum etiam quia per Baptismum fœdus, & societatem inimus cum iisdem adorandis Personis: Ut societas nostra, ait Apostolus, sit cum Patre, & Filio, & Spiritu Sancto. Vi de plura apud Natalem Alexandrum, Libro II. Theologiæ Dogmaticæ, & Moralis, in Tractatu, De Baptismo, Cap. 1. Articulo 111. Irritum autem esse Baptismum, si quis baptizaret in Nomi-

ne Sanctissimæ Trinitatis, tribus Personis expresse non invocatis; item si quis copulativa conjunctione in disjunctivam mutata, diceret, Ego te baptizo in Nomine Patris, vel Filii &c. itemque si quis baptizaret in Nomine Genitoris, & Geniti, & Spiriti, seu ab utroque procedentis, communiter Theologi docent, viderique inter alios potest Estius in Libri IV. Sententiarum Distinctionem 111. §. vi. qui inscriptus est. Quæ variatio formæ Baptismi vitietur, & quæ non. Ceterum quod forma ipsa corrupte per ignorantiam prolata absque malitia, Baptismo non noceat, docet nos Zacharias Pontifex Maximus, qui Bonifacium Mogontinum Archiepiscopum redarguit, quod baptizatos a Sacerdote quodam latini eloqui penitus ignaro cum his verbis, Ego te baptizo in Nomine Patris, & Filii, & Spiritus Sancti, iterum baptizari præcepisset. Legitur Zachariæ Epistola in Canone, Retulerunt. De consecratione, Distinctione IV. & in Vita memorati Bonifacii, Auctore Othlono Sæculo 111. Benedictino, Parte II. pag. 60.

X. Ad Questionem quod attinet de Baptismo in Nomine Christi, absque explicita Sanctissimæ Trinitatis invocatione collato, ut ajunt nonnulli, tempore Apostolorum; omittis variis Theologorum sententiis, audiendus est Catechismus Romanus Parte II. De Baptismi Sacramento, num. xv. ubi hæc habet: Quod si etiam aliquando tempus fuisse dicendum est, cum Apostoli in Nomine tantum Domini Jesu Christi baptizarent; id quidem Spiritus Sancti assistentia fecisse, exploratum nobis esse debet, ut intentio nascentis Ecclesiæ Jesu Christi Nomine prædicatio illius fieret, Divinaque, & immensa ejus potestas magis celebraretur. Deinde vero rem penitus introspicientes, facile intellegimus, nullam earum partium in ea forma desiderari, quæ ab ipso Salvatore præscripta sunt; qui enim Jesum Christum dicit, simul etiam Patris Personam, a quo unctus, & Spiritum Sanctum, quo unctus est, significat. Sed notanda potissimum sunt, quæ statim subjiciuntur num. xvi. Quamquam dubium fortasse videri potest, an hujusmodi forma Apostoli aliquem baptizaverint, si Ambrosii, & Basilii sanctissimorum, & gravissimorum Patrum auctoritatem sequi volumus, qui ita Baptismum in Nomine Jesu Christi interpretati sunt, ut dixerint, iis verbis significari Baptismum, non qui a Joanne, sed qui a Christo Domino traditus esset, tametsi a communi, & usitata forma, qua distincta trium Personarum nomina continet Apostoli non discederent. Atque hoc loquendi genere Paulus etiam in Epistola ad Galatas usus videtur, cum inquit: Quicumque in Christo baptizati estis, Christum induistis; ut significaret, in Fide Christi, nec alia tamen forma, quam idem Salvator, & Dominus noster servandam præceperat, baptizatos esse.

XI. Formæ a Christo præscriptæ, teste Martene, Lib. 1. De antiquis Ecclesiæ ritibus, Capite 1. Articulo XIV. num. xv. nonnulla verba addebant, seu interferebant Ecclesiæ Gallicanæ. Nam in antiquo Missali Gotico-Gallicano, quod vulgavit doctissimus, & religiosissimus Cardinalis Thomasius, ita exprimitur Baptismi forma: Baptizo te illi, in Nomine Patris, & Filii, & Spiritus Sancti in remissionem peccatorum, ut habeas vitam æternam. Ad quam formam alludere videtur Concilium Milevitanum anno Christi

fi CDXVI. Can. II. ubi sic inquit: *Item placuit, ut quicunque parvulus recentes ab utero matrum baptizandos negat, aut dicit, in remissionem quidem peccatorum eos baptizari, sed nihil ex Adam trahere originalis peccati, quod regenerationis lavacro expietur; unde fit consequent, ut in eis forma Baptismatis, in remissionem peccatorum, non vere, sed fuisse intelligatur, anathema sit.* Videtur itaque esse antiquus ritus, in aliquibus saltem Ecclesiis, ut ea verba, *in remissionem peccatorum*, in ipsa forma Baptismi adhiberetur. In veteri autem Missali Gallicano hæc extat Baptismi forma: *Baptizo te credentem in Nomine Patris, & Filii, & Spiritus Sancti, unam habente substantiam, ut habeas vitam æternam in sæcula sæculorum.* Ab hac parum discrepat illa, quæ habetur in antiquo item Missali Gallicano, quod publici juris fecit Mabillonius Tomo I. Massi Italici, quæ sic assertur: *Baptizo te in Nomine Patris, & Filii, & Spiritus Sancti, unam habente substantiam, ut habeas vitam æternam partem cum Sanctis.*

II. Placuit hæc quidem ad eruditionem referre, nam alias tenenda est Regula a nostro

§. præscripta, Baptismi scilicet formam his verbis expressam, *Ego te baptizo in Nomine Patris, & Filii, & Spiritus Sancti*, omnino necessarium esse, ideoque illam nullo modo licere mutare; sed ea verba uno, & eodem tempore, quo fit ablutio, esse pronuntianda; ab illo ipso scilicet, qui aquam infundit; nam alias non valeret Baptismus, si unus infunderet aquam, & alius verba forme proferret, ut recte docet S. Thomas Parte 111. Quæstione LXXVI. Articulo VI. ad 111. *Integritas Baptismi*, inquit, *consistit in forma verborum, & in usu materia; & ideo neque ille, qui tantum verba profert, baptizat; neque ille, qui immergit; & ideo si unus verba proferat, & alius immergat, nulla forma verborum poterit esse convenient.* Ceterum quod uno eodemque tempore, quo fit ablutio, nulla interposita mora, pronuntiari & forma debeat, intelligendum id plane est de mora notabili, alias enim si quis spuerit gratia non continuatur formam, Baptismus valeret, minimeque opus esset illum repetere, ut inter alios notavit Toletus, *Instructio Sacerdotum*, Lib. II. Cap. XIX. n. 10. & dicemus nos infra latius.

§. IX.

Latinus Presbyter, Latina forma semper utatur.

COMMENTARIUS.

I. **F**ormam Baptismi apud Latinos constare his verbis, *Ego te baptizo in Nomine Patris, & Filii, & Spiritus Sancti*, in Commentario superiori jam diximus. Ut hæc forma utatur Latinus Presbyter, cum alicui Baptismus conferret, mandat quidem hic noster §. per vetustæ Latine Ecclesiæ disciplinæ, & Eugenii Papæ IV. pro Armenorum instructione Decreto inherens, qui formam ipsam omnino a Latinis servandam statuit. Græci siquidem cum baptizant, sub his terminis formam Baptismi enunciant: *Baptizetur servus, vel serva Dei N. in Nomine Patris, & Filii, & Spiritus Sancti, Amen.* Atque hanc Græcorum formam in laudato suo Decreto pro Armenis probavit Eugenius IV. sic inquit: *Non tamen negamus, quin & per illa verba, Baptizetur talis Servus Christi in Nomine Patris, & Filii, & Spiritus Sancti; vel Baptizetur manibus meis talis in Nomine Patris, & Filii, & Spiritus Sancti, verum perficiatur Baptismus, quoniam cum principalis causa, ex qua Baptismus virtutem habet, sit sancta Trinitas, instrumentalis autem sit Minister, qui tradit exterius Sacramentum, si exprimitur actus, qui per ipsum exercetur Ministerium, cum sancta Trinitatis invocatione, perficitur Sacramentum.*

II. Licet autem in recitato Decreto Eugenius Papa IV. utrumque modum, & imperativum, & indicativum adprobet, testatur tamen Petrus Arcudius, Presbyter Corcyreus, quem Cabassutius in Notitia Conciliorum Cap. XLIII. Dominicanum ex errore dicit, in Concordia Ecclesiæ Occidentalis, & Orientalis, Lib. I. Capite VII. Græcos in exprimenda Baptismi forma, numquam vel usos fuisse, vel uti modo imperativo, aut optativo, seu deprecativo, *Baptizetur Servus Dei*; sed dumtaxat modo indi-

cativo, *Baptizetur Servus Dei*, in cujus testimonium, & Græcum Euchologium, & Hieronymi Pseudopatriarcham Constantinopolitanum in censura de præcipuis hæreticorum XVI. sæculi dogmatibus, Cap. VI. tum etiam Opuscula Scriptorum Græcorum, qui de Sacramentis scripserint, & praxim Rothenorum Græcorum carceronias in Sacramentorum administratione servantium, citat. Quicquid sit de duplici Græcorum forma, quam quidem validam esse fateamur, utramque probante Eugenio Papa IV. prætermittendum illud non est, Græcos adeo suæ adhærere formæ, ut Latinos fuggillare non sint veriti, eosque novas res molientes, vel in hæc etiam re appellasse, ut idem Petrus Arcudius ex Simone Thessalonicensi notat; testaturque Cardinalis Bellarminus Lib. I. *De Baptismo*, Capite III. hæc fuisse causam, quod Græci a Latinis baptizatos rebaptizarent; quos tamen merito reprehendit Innocentius Papa III. in Concilio Generali Lateranensi IV. Cap. IV. in quod vide Commentarium nostrum Tomo III. Commentariorum in Concilia Oecumenica.

III. Cum itaque a nobis Latinis forma Græcorum in collatione Baptismi probeatur, oportune rogare quispiam posset, cur nempe illi personam Ministri in ea, qua utuntur Baptismi forma non exprimant. Rationem profecto eam docent eruditiores Theologi, ne scilicet Novatiani, quorum hæresis plures pervaserat Orientis regiones, ex Ministri in forma Baptismi expressione, impium, quod profitebantur, dogma concluderent, Ministri scilicet fidem requiri, ut Sacramentum ab eo collatum valeat. Nec cuiquam mirum videri debet, quod Patres Græci periculum illud timerint, cum ritus vel sanctissimus in sui erroris patrocinium hæretici de- torquere conentur; ut patet in Arianiis, qui tem-

porc

pore S. Gregorii Magni Papæ triplici in baptizando immersione abutebantur, ut triplicem in Divinis substantiam adstruerent.

IV. Sed omisso Græcis, recte statuit noster §. ut *Latinus Presbyter* i. *una forma semper utatur*; non enim defunt, qui negant, valere Baptismum, siquis Latinus Græca forma baptizaret, tamen alii probabilis censent, hujusmodi Baptismum valere, sed peccare tamen Sacerdotem Latinum, qui morem, præceptumque Ecclesiæ suæ minime servaret. Ita plane Toletus Libro II. *Institutionis Sacerdotum*, Cap. XIX. num. 11, ubi etiam observandum monet, in forma La-

tina plura exprimi, quam in Græca. In Latina siquidem exprimitur causa principalis Baptismi, nempe S. Trinitas, & similiter eadem invocatur. Exprimitur fuscipiens Baptismum, & Minister, & actus ipse Baptismi; at Græci Ministrum substituent, ad tollendum forte eorum errorem, qui, ut superius dictum est, putant Ministrum esse causam principalem. Latinus præterea nititur indicativo ad exprimendam præsentialitatem effectus; deprecativo Græcus, ad significandum, quod a Deo esse communicandam gratiam. Sed his obiter notatis, utraque forma valida est, sed unusquisque tamen servare debet suæ Ecclesiæ ritum.

§. X.

Baptismum iterare nulli modo liceat, si quis sub conditione, de quo infra, sit baptizandus, ea conditio explicanda est hoc modo: *Si non es baptizatus, ego te baptizo in Nomine Patris &c.* Hæc tamen conditionalis forma non passim, aut leviter uti licet, sed prudenter, & ubi, re diligenter pervestigata, probabilis subest dubitatio, iofantem non iussisse baptizatum.

COMMENTARIUS.

I. **U**Num esse ex tribus Sacramentis Baptismum, quæ imprimunt characterem, in anima, hoc est, signum quoddam spirituale, & indelebile, adeo ea iterari non possant, definit Concilium Tridentinum, Sessione VII. *De Sacramentis in communi*, Can. IX. Esse hoc antiquum Catholicæ Ecclesiæ Dogma, probari ex S. Augustino potest, qui Libro VI. *De Baptismo*, Cap. V. sic loquitur: *Satis eluxit Pastoribus Ecclesiæ Catholica toto Orbe diffusa, per quos postea plenarii Concilii auctoritate originalis consuetudo firmata est, ovem, quæ foris errabat, & Dominicum characterem a fallacibus depradatoribus suis foris acceperat, venientem ad unitatis christianæ salutem, ab errore corrigi, a captivitate liberari, a vulnere sanari, characterem tamen Dominicum in ea agnosce potius, quam improbari.* Atque hinc patet. I. per vetustum esse characteris nomen, quo nunc Ecclesiæ utitur. II. rem eo nomine significatam admississe antiquitas Ecclesiæ; allatus enim ex Augustino locus satis demonstrat, Patres, qui rebaptizationem impugnabant, ipsum characterem tanquam principium supposuisse.

II. Quod formam conditionalem spectat in Sacramentorum collatione, ac præsertim Baptismi, eam a Scholasticis esse adinventam, & in Ecclesiæ investitam, plerique Viri eruditi existimant, sed eos toto cælo aberrasse, sapientissime notavit Sanctissimus Dominus noster BENE-DICTUS XIV. Lib. VII. *De Diocesana Synodo*, Cap. VI. probatque ex variis locis a Marteno allatis Lib. I. *De antiquis Ecclesiæ ritibus*, Capite I. Articulo XVI. num. X. Siquidem longe ante Scholasticos S. Bonifacius Archiepiscopus Moguntinus in suis Statutis circa annum DCXLV. conditis, & Tomo I. Spiellegii Dacheriani editis, Cap. XXVIII. hæc habet: *Si de aliquibus dubium sit, utrum sint baptizati, absque ulla sermone baptizentur, his tamen verbis præmissis: Non te rebaptizo, sed si nondum es baptizatus, ego te baptizo &c.* Idemque ac totidem fere verbis statutum legitur Lib. VI. Capitulum, Cap. CLXXXIV. apud Baluzium Tomo I.

pag. 954. e quibus idem Decretum excerptit, ac sum Canonum Collectioni sub Tit. XI. Cap. XVII. inseruit Isaac. Episcopus Lingonensis apud Harduinum Tomo V. Collectionis Conciliorum, col. 447.

III. Porro quod hæc monumenta spectant ad Sacramentum VII. observat Jaeninus in Opere, *De Sacramentis*, Dissertatione I. *Questione III.* Cap. I. Articulo I. per septem priora secula formam ipsam conditionalem nunquam fuisse usurpatam; quia scilicet Patres septem priorum sæculorum de iterando alioque Sacramento agentes, rationem attulerunt, quæ forma conditionalis prorsus excluditur. Afferuerunt quippe, non esse periculum iterandi Sacramentum, quamvis in dubio, an valeat, per formam absolutam, consecratur. Inter illos Patres S. Leo magnus in Epistola XXXVII. sic loquitur: *Non potest in iterationis crimen devenire, quod factum esse omnino nescitur.* Et in Epistola XII. *In quibus quod non ostenditur gestum, ratio non fuit, ut videatur iteratum.* Quæ quidem laudati Pontificis loca fusius leguntur apud Gratianum in Canone, *Cam itaque, & Canone, Si nulla*, De consecratione, Distinctione IV. Sic etiam S. Gregorius Magnus Lib. XII. Epistola XXXI. ad Felicem in Sicilia Episcopum de Baptismo, Consecratione, & Ecclesiarum consecratione dubiis: *Non monstratur, inquit, iteratum, quod non certis indicis ostenditur rite peractum.*

IV. Quamquam vero jam longe ante annum Christi millesimum introducta fuerit forma Baptismi conditionalis, non ubique tamen fuit ipsa apud Latinos recepta ante Saculum XIII. quo Latine Ecclesiæ Juxta Canonum auctoritatem Gregorii Papæ IX. promulgatum amplexæ sunt. In eo autem Jure Lib. III. Tit. XLII. Cap. II. ita habetur: *De quibus dubium est, an baptizati fuerint, baptizentur his verbis præmissis: Si baptizatus es, non te baptizo; sed si nondum baptizatus es, ego te baptizo &c.* Est quidem hæc regula præscripta ab Alexandro III. qui inauguratus fuit Pontifex Maximus anno MCCLIX. Sed dicendum tamen, præscriptam regulam mi-

nime pervenisse ad omnium Ecclesiarum notitiam; cum constet, nonnullos Theologos paulo ante Gregorium IX. formam ipsam conditionalem improbasse. Audiendus Petrus Cantor Doctor Parisiensis, qui tunc temporis hæc scripsit: *In Confirmatione, vel in Baptismo, de quo dabitur, an sit collatus, non approbamus conditionem appositam sc: Si non es baptizatus &c. quia Sacramenta non sunt conditionaliter conferenda.* Ceterum quod nec Sæculo XIV. memorat Alexandri III. Constitutio recepta ubique esset, eam renovavit, confirmavitque Joannes Papa XXII. apud Odericum Raynaldum ad annum MCCCXXXIII.

V. Sed omissa tandem hæc questione, recte illud statuit hic noster §. ut nempe *conditionalis forma non possit, aut leviter uti liceat, sed prudenter, & ubi re diligenter investigata, probabilis subest dubitatio, infantem non fuisse baptizatum.* Quanta cum cautela Baptismus sub conditione administrandus sit, docet Catechismus Tridentini Concilii, Parte II. De Baptismi Sacramento, num. LV. his verbis: *Quo in re tamen diligenter a Pastoribus aliqua providenda sunt, in quibus fere quotidie non sine maxima Sacramenti injuria peccatur; neque enim desunt, qui nullum scelus admitti posse arbitrentur, si quomvis fuit delicta, cum adjunctione illa baptizent.* Quare si infans ad eos defertur, nihil propterea querendum putant, an is prius ablutus fuerit, sed statim ei Baptismum tribuunt. Quin etiam quomvis exploratum habeant, demi Sacramentum administratum esse, tamen sacrae abolutione in Ecclesia, adhibita solemnæ caeremoniæ, cum adjunctione repetere non dubitant, quod quidem sine sacrilegio facere non possunt; & eam maculam suscipiunt, quam Divinæ rerum Scriptores Irregularitatem vocant. Nam ea Baptismi forma ex Alexandri Pape auctoritate in illis tantum permittitur, de quibus, re diligenter perquisita, dubium relinquatur, an Baptismum rite susceperint; aliter vero nunquam fas est etiam cum adjunctione Baptismum alicui administrare.

VI. Quæ dotet recitato hætenus loco Tridentini Concilii Catechismus, copiosius, clariusque exponit Sapientissimus Dominus noster BENEDICTUS XIV. citato superius loco, pluribus confirmat Institutione sua LXXXIV. ubi non solum ex ejusdem Sacre Congregationis sententia locutensissime ostendit, non esse Baptismum ne sub conditione quidem iterandum, cum nulla occurrat prudens ratio dubitandi de prioris Baptismi validitate, sed etiam ab Irregularitate iterantis Baptismum inflicta ab Alexandro III. in Capite, *Ex litterarum, De Apostatis, & reiternantibus Baptisma*, ejus idem Catechismus meminit, non eximi probat, qui ob solum apprehensum prioris Baptismi vitium, nullaque præmissa veritatis indagatione, illum denovo sub conditione conferunt, quibus certo sciunt jam semel antea fuisse collatum. Etenim quamquam

plures Doctores istiusmodi, sub conditione re-baptizantes, a gravi culpa, atque ab Irregularitate absolvant, eo quod per adjectam conditionem satis consultum existiment reverentie debite Sacramento, ad quod conficiendum non aliter fertur intentio Ministri, nisi si rite confectum non fuerit illud antea administratum; hæc tamen sententia rejicitur a Catechismo citato loco, ubi reprobaritur asserentes, nullum scelus admitti, si quomvis, fuit delicta, cum adjunctione illa, conditionalis scilicet, baptizent; eisdemque opinioni suffragatur auctoritas S. Caroli in Instructionibus, *De Baptismi administratione*, ubi sic inquit: *Qua forma utitur, videlicet conditionalis, cum infans, aliaque, qui Baptismo offeruntur, re diligenter perquisita, dubium relinquatur, aut certe non appareat, cum baptizatum esse, ut de expositis, inventisque parvulis dubitari, aut ignorari septenarius solet. Quod si re accurate investigata, exploratum habuerit, illam formam servata baptismum esse, caveat omnino, ne hanc sub conditione baptizandi formam adhibeat, cum sacrilegium committat, & illud impedimentum contrahat, quod Sacri Canonis Irregularitatem vocant.*

VII. Supervacaneum denique est de eadem re fusius differere, videri enim potest laudatus Pontifex Maximus BENEDICTUS XIV. in alia Institutione sua VII. præsertim vero in citato Lib. VII. *De Diœcesana Synodo*, Cap. VII. ubi etiam Theologus magni nominis, & variis Synodos, ac Rituales Codices citat insignium Ecclesiarum, qui dictis hætenus concinunt. Certe Elixius in Libri IV. Distinctionem IV. §. XV. post recitatum Alexandri III. Decretum, quod sit usque in hodiernum diem perpetua praxi in Ecclesia observari, ita statim subjicit: *Ubi tamen sciendum est, non quancunque levem in contrarium suspensionem, vel scrupulum debere sufficere ad hoc, ut sub conditione quis hoc patio baptizetur, sed requiri dubitationem probabilem, quemadmodum ex locis supradictis Leonis, & Innocentii patet. Ea autem probabilis dubitatio est, qua, facta etiam diligenti indagine, dissenti non potest, ita ut nec morali certitudo facti haberi queat. Concludit tandem, atque vituperabilem esse consuetudinem ait quorundam, qui passim, ac sine discrimine infantes ab obsecratoribus propter vitæ periculum baptizatos iterum sub conditione baptizant, non aliam dubitandi causam habentes, quam quod muliercula sorte, vel intentione deficere, vel in verbis profereendis hallucinari potuerit, cum tamen obsecratrix interrogata testetur, se rite totum Mysterium peregerit. Contra quem abusum graviter etiam scribit Dominicus Soto in Lib. IV. Distinctionem III. Articulo VI. Petrus de Palude Distinctione VI. Questione IV. Sylvester in Titulo, *Baptismus*, 4. num. 9. alique Theologi insignes Ordinis Prædicatorum recentiores sunt solidaque, atque a Summis Pontificibus semper commendatæ S. Thomæ Theologorum omnium Principia doctrinæ inherentes.*

§. XI.

Baptismus licet fieri possit, aut per infusionem aquæ, aut per immersionem, aut per aspersionem, primus tamen, vel secundus modus, qui magis sunt in usu, pro Ecclesiarum consuetudine retineantur, ut trina ablu-tione caput baptizandi perfundatur, vel

vel immergatur in modum Crucis, uno, & eodem tempore, quo verba proferuntur & idem sit aquam adhibens, & verba pronuncians.

COMMENTARIUS.

I. Ablutionem proximam esse Baptismi materia, nulli jam dubium est, cum enim Christus in Evangelio Matthæi, Cap. XXVIII. expresse imperavit, ubi dixit: *Baptizantes eos &c.* Pore possit ipsam ablutionem tribus modis, notat hic noster §. esseque hæc communis Theologorum sententia, quæ variis rationibus, & pervetustis Apostolorum, & Patrum testimoniis, atque exemplis nititur. Ratio potissima est, quia immersione, effusione, aut asperzione abluto, quam Christus præcepit, substantialiter non immutatur; neutrumque ex illis duobus ablucendi modis Christus in specie determinavit. Utrumque Christi Discipulos adhibuisse, ex Actis Apostolicis addiscere licet. Et quidem per immersionem Philippum Diaconum Candacis Regine Eunuchum baptizasse, ex Actis citatis, Cap. VIII. colligitur: *Descendentes atque in aquam.* Et postea: *Cum autem ascendissent de aqua.* Effusione vero, vel asperzione usum fuisse aliquando Apostolorum Principem S. Petrum in Baptizato conferendo, colligi potest ex Cap. II. & III. eorumdem Actuum, ex quibus constat, una die, aut tria, aut quinque hominum millia baptizasse. Vix enim alias potuisset tantum Judæorum numerum per solam immersionem una & eadem die Baptismo initiare.

II. Traditione constanti Ecclesiæ niti modum baptizandi per effusionem, sive asperzionem, Theologi passim docent. Sed negari tamen nequit, quin de ipsa infusione, & asperzione nonnulli olim dubitare visi sint, an scilicet pro valido, & legitimo Baptismo habenda sit, cum Baptismus ex propria nominis significatione immersionem designet. Hinc ajunt, Cornelium Papam in Epistola ad Fabium Autiochenum Episcopum, apud Eusebium, Lib. VI. *Historia Ecclesiastica*, Cap. XLII. nbi agit de Novatiano in mortis lectulo per effusionem baptizato, sic esse loquutum: *Dum jam jamque moriturus creditur, in ipso, quo jacebat, lectulo, persusus Baptismum suscepit, si tamen hujusmodi Baptismum suscepisse credendus est.* Eadem dubitatio Magni cujusdam apud Africanos Episcopi animum subivisse videtur ex S. Cypriano, qui ab illo interrogatus, utrum illi, qui in infirmitate, & languore baptizati fuerant, qui propterea clinici vocantur, habendi essent legitimi Christiani, eo quod aqua salutari non loti essent, sed persusi, ita in Epistola sua LXXXV. respondit: *Nec quemquam movere debet, quod aspersi, vel persufundi videntur egri, cum gratiam Dominicam consequantur.* Legenda integra Cypriani Epistola, in qua pluribus Sacre Scripturæ locis probat, valere ipsum Baptismum per effusionem, sive asperzionem collatum.

III. At vero adducitari nequit, quin, licet immersio apud veteres prævaluerit, plures per infusionem vel primis seculis baptizarentur. Id probat S. Romani exemplum a S. Laurentio hoc modo baptizati. Cernitur etiamnum Romæ idem Baptismus in Atrio Basilicæ S. Laurentii in Agro Verano depictus, ubi S. Levita Romanum

audum in pelvi existentem dextra benedixit, sinistra arcum aqua plenum super ejusdem caput effundit, qui etiam ureces ex ære, ibidem in Sacralico ostenditur. Sed & Mabillonius in Itinere Italico pag. 73. exhibet delineatas ejusdem Tumuli prope Neapolim reperti figuras duas, quibus representatur Baptismus per immersionem, & superfusionem collatus ab homine laico, quamvis immersionem in ea tabella non omnino deprehendam. Nam et si baptizandi in pelvi, seu semidolio audi appareant, in ea tamen pelvi nullum aque vestigium conspicitur; unde non immerito fortassis conjicere licet, quod jam alias notavit Martene Lib. I. *De antiquis Ecclesiæ ritibus*, Cap. I. Articulo XIV. num. V. pelvim ipsam ad excipiendam, quæ superfundebatur, aquam adhibitam fuisse, ne, si in terram decideret, totum Atrium sacre pavimentum cum altarium iocummodo macularet. Sed hanc conjecturam peritoribus discutendam relinquere malim.

IV. Probat præterea Baptismi usum per effusionem antiqua plura Acta Sanctorum, ac præsertim illa S. Gratiani, in quibus Felicissima ab ipso Christianæ Religionis Mysterio imbuta, urecum cum aqua, ut baptizaretur, ob obtulisse dicitur. Acta etiam S. Bacchi junioris, quæ publici juris fecit Combessinus, Lauræ S. Sabbæ Præpositum deferunt tollentem manibus vivificam unam super caput ejus, atque immortalitatis ejus lavacrum in Nomine Sanctæ & substantialis Trinitatis effundentem. His addæ & Acta S. Lindgeri Episcopi, qui in expulsiōe Servorum Dei ex Frisia jussit Beraleum hominem laicum per dominos discurrere, & *persusus matronis morituros baptizare illorum infantibus, benedixit simpliciter aqua in Nomine Domini intinctus, vel superflus aqua in invocatione Sanctæ Trinitatis.* Sed & Stephanus Papa II. in Responsis, quæ, cum esset in Francia, in Carisiaco Villa, dedit ad varia Consulta, de quibus interrogatus fuerat, anno DCCLIV. ad XI. interrogatorem, si licet in necessitate cum concilio, aut cum multis infanti in infirmitate posito aquam super caput fundere, & sic baptizare? respondit: *Hoc Baptisma, si in Nomine Sanctæ Trinitatis, peragat fuerit, similiter permanebit, præsertim cum & necessitas exposcit, ut ille, qui egreditur, detentus est, hoc modo renatus, participet Dei Regni effectibus.* Cæterum absque hujusmodi necessitate infusionem ipsam summa cum religione cavebant, ut ex variis Conciliis addiscimus, ac præsertim ex Celichyensi anni DCCCXVI. Can. XI. ubi ita inquit: *Sei autem etiam Presbyteri, quando sacram Baptisma ministrant, ut non effundant aquam super capita infantium, sed semper mergant in lavacro, sicut exemplum præbuit per semetipsum Dei Filius omni credenti, quando esset ter merus in undis Jordanis. Ita necesse est secundum ordinem servari, & haberi.*

V. Notat & hæc laudatus Martene, additque mox, manifestum non esse, quandonam usus infusionis invalere coepit. Constat enim per multa prorsus sæcula passim immersionem adhi-

bitam fuisse, & quidem trinam, juxta pervetustam Ecclesiae disciplinam, ejus meminit Tertullianus in Libro adversus Praxeam, Cap. xxvi. in fine his verbis: *Et post resurrectionem spondens missurum se Discipulis provisionem Patris, & eversionem mandanti, ut tingerent in Patrem, & Filium, & Spiritum Sanctum, non in unum; nam nec sciel, sed ter ad singula Nomina in Personis singulas tinguntur.* Rursus in Libro, De corona militis, Cap. iii. ita ad rem scribit: *Deiater mergitur, amplius aliquid respondentes, quam Dominus in Evangelio determinavit.* Eiusdem discipline mentionem facit apud Latinos S. Hieronymus in Dialogo adversus Luciferianos, & apud Graecos S. Basilis Magnus in Libro, De Spiritu Sancto, Cap. xxvii. qui trinam Baptismi merionem inter Traditiones Apostolicas recenset. His consentiant S. Dionysius Areopagita, sive alius ejus nomine, in Libro, De Caestis Hierarchia, Capite II. S. Gregorius Nazianzenus in Oratione Catechetica, Cap. xxxv. & alii complures, itemque multae Synodi, & universa Librorum Ritualium, seu Pontificalium cetera, quibus inhærens Catechismus Tridentini Concilii, Parte II. De Baptismi Sacramento, nqm. xvii. inter alia Pulcherrime, seu Parochis mandat, ab eis breviter explicandum, communis Ecclesiae more, & consuetudine receptum esse, ut Baptismi uno aliquo ex tribus modis confici possit; nam qui hoc Sacramento initiari debent, vel in aqua merguntur, vel aqua in eos infunditur, vel aqua aspersione tinguntur. Ex his autem ritibus quicumque servetur, Baptismus vere perfici erendum est. Atque hic notanda confiteo verba nostri s. qui postquam docuit, Baptismum fieri posse triplici modo jam explicato, nempe aut per infusionem aquae, aut per immersionem, aut per asperersionem; subdit mox, primum, vel secundum modum, qui magis sunt in usu, pro Ecclesiarum consuetudine retinendum; itant trina ablutione caput baptizandi persudatur, vel immergitur in modum Crucis, uno & eodem tempore, quo verba profertur.

VI. Testis antiquae hujus, & communis praxis est Theologorum omnium Princeps S. Thomas, qui Parte III. Quaestione LXVI. Articulo VIII. hæc scribit, quæ vel sui temporis usum nos docent: *Communiter observatur in Baptismo trina immersio, & ideo graviter peccaret aliter baptizans, quasi ritum Ecclesiae non observans.* Porro trinam ipsam immersionem, nec fuisse antiquitus, nec esse modo ad Baptismum, necessitate mediæ, ut ajunt, aut præcepti Divini, necessarium, complures Sancti Patres, ac Summi Romani Pontifices nos docent. Certe S. Gregorius Magnus Lib. I. Epistola xli. ad Leandrum Episcopum Hispanensem quorundam Ministrorum in Hispania per unicam immersionem baptizantium praxim prohibuit. Eum enim baptizandi modum usurparunt Catholici Hispani, ne Arianis triplicem in Trinitate substantiam per trinam immersionem adstrui jactantibus adherere viderentur. Sed audiamus ipsa S. Gregorii verba in citata Epistola sic agentis: *Sed quia nunc beneque ab hæreticis infans in Baptismo tertio mergatur, sciendum apud vos esse non cessare, ne dum meriones noverant, Dissimulatione dividant; doneque quod faciebant, faciunt, se morem vestrum vicisse gloriantur.*

VII. Confirmantur hæc magis magisque ex

Concilio Toletano IV. anno DCXXXIII. habito, ex cujus Canone vi. plura addissemus, ac I. quidem non statim in omnibus Hispania Ecclesia obtinuisse monitum, quod S. Gregorius dederat. II. aliquas ibidem Ecclesias, quæ unica merione utebantur, male audisse apud alias, quæ etiam multis post annis antiquo per triplicem immersionem ritui adhærebant. III. ægre admodum id tulisse Synodum ipsam Toletanam, nec ferre potuisse, ut disciplina, quam Magnus Gregorius probabat, suggillaretur; quinimo Canonem condidisse, quo imperatum est, ut illeritus in omnibus Hispaniarum Provinciis executioni demandaretur: *De Baptismi Sacramento, inquit Canon, propter quod in Hispaniis quidam Sacerdotes trinam, quidam simplicem merionem faciant, a monullis scilicet esse conspiciatur, & unitas Fidei scindi videtur; nam dum partes diversa in baptizando quasi contrariis modo agunt, alii alios non baptizatos esse contendunt. Proinde quid a nobis in Sacramento diversitate faciedum sit, Apostolicæ Sedis informemur præceptis, non nostram, sed paternam instructionem sequentes.* Beata igitur memoria Gregorius Romana Ecclesia Pontifex, qui non solum partes Italia illustravit, sed & longe existentes Ecclesias sua doctrina perdoctis, effragante Sanctissimo Leandro Episcopo de hac Hispania diversitate, quid potius esset sequendum, inter cetera referens ut sic ait: *De trina vero merione Baptismatis nihil responderi verius potest, quam quod ipsi sensistis, quia in una Fide nihil officit consuetudo diversa. Nos autem quod tertio mergimus, triduanæ sepulture Sacramentum signamus, ut dum tertio ab aquis infans educitur, resurrectio triduanæ temporis exprimitur. Quod siquis forte etiam pro veneratione Summæ Trinitatis estimet fieri, atque ad hoc aliquid obfistit baptizandum in aquis semel mergere, quia dum in tribus substantiis una substantia est, reprehensibile esse nullatenus poterit, infansem in Baptismo, vel ter, vel semel mergere, quando & in tribus merionibus Personarum Trinitas, & in una potest Divinitatis singularitas designari. Quod si nunc usque ab hæreticis infans in Baptismo tertio mergebatur, sciendum apud vos esse non censeo, ne dum meriones numerant, Divinitatem dividant, dumque quod faciant, morem vestrum se vicisse gloriantur.*

VIII. Ergo recitata hucusque S. Gregorii Papæ, & Apostolice Sedis auctoritate freti Patres Concilii IV. Toletani, citato Canone vi. decernunt, unicam ab omnibus in Baptismo faciendam esse merionem: *Quapropter quia de utroque Sacramento, quod sit in sancto Baptismo, a tanto Viro reddita est ratio, quod utrumque restum, utrumque irreprehensibile in sancta Dei Ecclesia habeatur, propter vitandum antea scilicet scandalum, vel hæretici dogmatis usum, simplicem teneantur Baptismi merionem, ne videantur apud vos, qui tertio mergunt, hæreticorum approbare assertum, dum sequuntur & morem.* Verum quod tanquam Catholicum, & sanctum approbavit S. Gregorius Magnus, & post eum sancivit Synodus Toletana, hoc idem ducentis, aut circiter, post annis veluti diabolum damnare non trepidavit Alcuinus in Epistola sua lxxxii. scribens ad Paulinum de quibundam hæreticis Hispaniis hoc modo: *Hunc iterum antiquus serpens de damis Hispanici roris,*

vit, & de speluncis venenata perfidia contritum, non berules, sed Evangelica clava caput relevante canatur, & priusbus nequitia poenulis nova maledictionis toxica immiscere, sed & frigidissimus aquilo ventus alio de latere solidum Ecclesiam impellens parietem sacri Baptismatis Catholice consuetudinis regulam immutare nitent, & sub invocatione Sanctæ Trinitatis unam asserentes merionem fieri debere. Similia fere habet in Epistola LXXIX. ad Fratres Lugdunenses; eundemque etiam baptizandi modum, sed paulo modestius improbat Walfridus in Libro, *De rebus Ecclesiasticis*, Cap. XXVI.

IX. At vero hunc Auctorem istorum zelum, uti jam notavit laudatus Martene citato loco, num. VII. coercere tentavit Concilium Wormacienſe anni DCCCXVIII. Can. v. ubi ad tollendum omnem fœculum, qui, dum quasi contrario modo agunt, alii alios non baptizatos esse contendunt, integrum fere deditur præcatum Concilii IV. Toletani Canonem cum S. Gregorii Papæ Responſo ad Leandrum Episcopum, declaratur, utrumque rectum, utrumque irreprehensibile in Sancta Dei Ecclesia habendum esse, unicam scilicet, & trinam merionem, idque variis probat rationibus. Et quidem quod trinam immersionem præcat, S. Leo Magnus in Epistola IV. ad Siciliæ Episcopos, Cap. III. hoc in ea notavit mysterium in Baptismatis regula, & mors intervenit peccati, & sepulchrum triduanam imitatur trina demersio, & ab aquis elevatio, resurpentiis ad vivum est de sepulchro. Idem docet S. Gregorius itidem Magnus in recitata superius ad Leandrum Epistola, ubi sic inter alia, inquit: Nos autem quod tertio perimus, triduanam sepulture sacramenta signamus, ut dum tertio insens ab aquis educitur, resurrectione triduum tempus exprimitur. Contineri quoque in unica merione mysterium, laudatus S. Pontifex docet: In tribus merionibus, ait, Personarum Trinitas, & in una potest Divinitatis singularitas designari. Alia eiusdem mysterii rationes a memorato Concilio IV. Toletano explicantur his verbis: *Trina merio, & cuncta significat unicam ad infernum Christi descensionem, & resurrectionem; item unitatem Divinitatis; dum tamen additur: In Nomine Patris, & Filii, & Spiritus Sancti, Trinitas Personarum exprimitur.* Significatinn huiusmodi robor mox addit ex iis Baptismi figuris, quas in Sacris Codicibus legere est: *Figura quoque Baptismi hanc unitatem patefaciunt. Nam populus Dei per mare rubrum, quod Baptismus significat, semel transit, præcedente Sanctissima Trinitate in igne, columna, & nube. Item populus Dei cum Arca ad Terram Promissionis properans, fluente Jordanis semel traiecit.*

X. Siquis autem quærat, utrum Personæ Sanctissimæ Trinitatis invocarentur, dum baptizandus prima vice mergebatur, negant quidem doctiores Scriptoris, ajuntque, Majores nostros ita trinam merionem peregisse, ut ad unamque merionem, unius tantum Personæ Nomen exprimeretur. Meminit quidem pervetusti istius mæris laudatus supra Tertullianus in Libro adversus Praxeam, citato Capite XXV. iis verbis: *Mandans, Christus scilicet Discipulis, ut tingerent in Patrem, & Filium, & Spiritum Sanctum, non in unum; nam nec semel, sed ter ad singula Nomina in Personas singulas tingimur.*

Tom. I.

Praxis hujus ritus testem habemus inter alios ms. antiquum Codicem Pontificalem Ecclesiæ Salisburgensis, in quo ad Sabbatum Sanctum post hæc verba, *In baptizari? Volo*, ista consequenter subiunguntur: *Et ego baptizo te in Nomine Patris, & intinguat; & Filii, & inferat secundo; Et Spiritus Sancti, & mergat tertio. Sed & hoc in modum Crucis facere debet, primum in Orientalem plagam vertat caput infantis secundo Austrolem, tertio in Aquilonarem partem. Sed de hoc rita alias. Unum est, quod præteriti acquiri hoc loco, quod scilicet inter alias docet Bencventana Provincialis VI. Synodus anno Christi MCCCCLXXIV. celebrata, Tit. IV. Capite V. ubi sic inquit: *Circa autem immersionem trinam, vel unam fiendam, attendi volumus Ecclesiarum consuetudinem. Probabiliores tamen reputamus illam, quæ ter immergit, quia significat Fidem Trinitatis, & triduum sepulture Christi. Hac tamen significatio non est de substantia Sacramenti; præter tamen peccat, qui contra consuetudinem Ecclesiæ facit.**

XI. Triplicem baptizandi modum hucusque explicatum, nempe per infusionem, & immersionem, aut per asperſionem probat quidem hic noster §. sed primum tamen, ac secundum, qui magis sunt in usu, pro Ecclesiarum consuetudine retineri mandat, itant trina aviatione caput baptizandi persudatur, & ed immergorat in modum Crucis, uno, & eodem tempore, quo verba præferuntur, & idem sit aquam asperſent, & verba pronuntiant. Quibus verbis tria adhuc nos docet hic noster §. Primum est, trina ablutione caput baptizandi perfundi, vel immergi debere in modum Crucis. Quod tamen intelligendum est de Baptismo extra necessitatem, ut ait Sylvester in Summa verbo *Baptismus* v. num. 2. Atque huc facit, quod docet S. Thomas Part. III. Questione LXXVII. Articulo XXI. ad IV. *Dicendum quod expectanda est totalis egressio pueri ex utero ad Baptismum, nisi mors imminet. Si tamen primo caput egrediat, in quo fundatur omnis sensus, debet baptizari, periculo imminente, & non est postea baptizandus, si cum perfecit nasci contigerit, & videtur idem faciendum, quandoque alia pars egrediat, periculo imminente. Quia tamen in nulla exteriorum partium integritas vita ita consistit, sicut in capite, videtur quibusdam, quod propter dubium, quocumque alia parte corporis abluta, puer post perfectam nativitatem sit baptizandus sub hac forma: Si non es baptizatus, ego te baptizo &c. Idem asserunt alii Theologi, & Episcopi in suis Synodis, præsertim vero S. Carolus in suis Instructionibus, De Baptismi administratione.*

XII. Ad alterum, quod docet noster §. ut nempe ablutio fiat uno, & eodem tempore, quo verba præferuntur, recte & ait Sylvester citato loco, num. 3. hoc non esse *punctualiter* intelligendum, sed sufficere secundum Richardum in IV. Sententiarum, Distinctione VI. quod verborum prolatio ante incipiat, quam terminetur ablutio, vel e converso. Sed neque obstat Baptismi validitati, si dum sit ablutio, modica verborum interruptio contigerit, silentii, vel tussis, & huiusmodi, quod intentionem non disconti-nuet, ut docet idem Sylvester in verbo *Baptismus* I. num. 5. post medium, ubi etiam valere Baptismum ait, si incæpta forma, dicat, Minister, taceatis, vel huiusmodi, & deinde profe-

F 2 quæ-

quatur. Atque id etiam jam pridem decidit Concilium Beneventanum Provinciale vi. anno Christi MCCCCLXXIV. Tit. iv. Capite 111. ubi sic inquit: *Mors autem naturalis, & compendiosa, punita insensendo, respirando, vel feriendo, non obest.*

XIII. Quod tandem tertium spectat, quod noster §. docet, ut idem sit aquam adhibens, & verba pronuncians, communis est quidem Theologorum sententia, validum haud esse Baptismum, si unus aquam infundat, & alter verba forme proferat. Ita plane docet, ut alios omitam, & S. Thomas Parte 111. Questione LXVI. Articulo vi. ad 111. ubi ita ait: *Integritas Baptismi consistit in forma verborum, & in usu materiae, & ideo neque ille qui tantum verba profert, baptizat; neque ille qui immergit. Et ideo, si*

unus verba proferat, & alius immergat, nulla forma verborum poterit esse conveniens. Et sic, ut idem Angelicus Doctor tradit, quem sequuti sunt Sylvester in Summa, verbo, *Baptismus* 111. num. 9. Toletus *Institutionis Sacerdotum*, lib. 11. Cap. xx. num. 10. & alii passim Theologi, & Canonici Juris Interpretes, si convenirent duo, quorum unus esset mutus, non potens verba, proferre, & alius carnis manibus, non valens exercere actum, non posset ambo simul baptizare, uno dicente verba, & alio exercente actum. Ceterum singulare illud est, quod refert Anonymus Scriptor Tomo 1. *Historiae Francorum*, Odiliam nempe Aldrici filiam a duobus Episcopis baptizant fuisse, ab Herardo scilicet Ratiponeusi, & Hilidolpho Trevirensi.

§. XII.

Ubi vero Baptismus fit per infusionem aquae, cavendum est, ne aqua ex infantis capite in Fontem, sed in Sacrarium Baptisterii prope ipsum Fontem extructum defluat, aut in aliquo vase ad hunc usum parato recepta, in ipsius Baptisterii, vel in Ecclesiae sacrarium effundatur.

COMMENTARIUS.

I. **D**E Baptisterio, ejusque Fonte, ac Sacrario, jam late diximus supra in Commentario ad §. II. Quod hunc vero §. 1. stat, mandat est plane, ubi Baptismus fit per infusionem aquae, cavendum esse, ne aqua ex infantis capite in Fontem, sed in Sacrarium Baptisterii prope ipsum Fontem extructum defluat. Idem statuunt variae Synodi, ac praesertim Provincialis 14. Mediolanensis, Constitutione Parte II. Cap. *Quae pertinent ad Sacramentum Baptismi*, ubi inter alia S. Carolus sic inquit: *In Baptismali Fonte, ubi per infusionem baptizatur, id plane caveatur, ut ne aqua capiti infantis infusa, in eundem Fontem recidat, sed in Sacrarium profuatur; idque propterea Sacrarium e marmore, solidove lapide prope Fontem constituitur ad praescriptum Instructionum.* Ratio

hujus constitutionis ea est, quod non deceat, cum aqua illa, qua unus baptizatus sit, alterum baptizari. Quod vero aqua ipsa benedicta solemniter fuerit juxta antiquum ritum jam a vobis alias explicatum, & ad Sacramentum Baptismi administrandum adhibita, jam nec decebat, ut in terram projiceretur, ideoque recte statutum fuit, ut in Sacrarium effundatur. Ceterum quod in §. nostro subjungitur, *aut in aliquo vase ad hunc usum parato recepta, in ipsius Baptisterii, vel in Ecclesia Sacrarium effundatur*, alludere videtur ad Baptismum, qui domi, vel in Ecclesia alia non Baptismali, ut aliquando fieri assolet, administratur; tunc enim aqua, quae usui Baptismi inservit, in aliquo vase ad eum usum parato recipi debet, & deinde in Baptisterii, vel in Ecclesiae Sacrarium effundi.

De Ministro Baptismi.

§. XIII.

Legitimus quidem Baptismi Minister est Parochus, vel alius Sacerdos a Parocho, vel ab Ordinario loci delegatus; sed quoties infans, aut adultus versatur in vitae periculo, potest sine solemnitate a quocumque baptizari in qualibet lingua, sive Clerico, sive Laico etiam excommunicato, sive fideli, sive infideli, sive Catholico, sive haeretico, sive viro, sive femina, servata tamen forma, & intentione Ecclesiae.

COMMENTARIUS.

I. **S**olos olim Episcopos fuisse ordinarios, & legitimos Sacramenti Baptismi Ministros, docet nos Tertullianus, per vetustus Ecclesiae Scriptor in suo Libro, *De Baptismo*, Cap. xvii. *Supereff, inquit, ad concludendum materiam de observatione quoque dandi, & accipiendi Baptismum commanefacere. Dandi quidem habet jus Summus Sacerdos, qui est Episcopus. Debent Presbyteri, & Diaconi,*

non tamen sine Episcopi auctoritate, propter Ecclesiae honorem, quo salvo, salva pax est; alioquin etiam laici jus est. Et mox: *Proinde & Baptismus aqua Dei census ab omnibus exerceri potest. Sed quando magis laici disciplinam veremundia incumbit, cum ea majoribus competat, ne sibi assumant dicatam Episcopis officium Episcopatus.* Et paulo inferius: *Petulantia autem mulierum, quae usurpavit docere, atque non*
etiam

etiam tingendi jus sibi poriet. Ex recitato hæcena Tertulliani loco jam supra erui possunt. I. Episcopos primis sæculis dictos fuisse Summos Sacerdotes, quinimo etiam Papas, eorumque Cathedras, Apostolicas Sedes appellatas, ut docet Tomassinus, veteris, & novæ Ecclesiæ Disciplinæ, Parte 1. Lib. 1. Cap. 17. II. ad solos olim Episcopos jus baptizandi pertinuisse. III. de Episcoporum licentia idem jus Presbyteria, & Diaconis concessum fuisse. IV. ipsi etiam laicis, si necessitas expostulasset, ideoque multo magis inferioribus Clericis. V. mulieribus nullo unquam casu baptizandi facultatem permitendam esse. De hereticis autem, ac Paganis nullam mentionem facit, de quibus tamen, uti & de aliis in hoc nostro §. memoratis differendum est.

II. Itaque in solis Episcopis jus baptizandi primum reconditæ, constans est, & indubitata sententia, licet negari haud possit, Diaconos Apostolorum ævo baptizare consuevisse, uti constat ex Actis Apostolicis Cap. viii. ubi legitur, Philippum Diaconum Baptismum Eunuchæ Candacæ Reginæ contulisse. Quod autem prioribus sæculis Presbyteri sequenter conferre Baptismum, nisi ex licentia, aut permisso Episcopi, præter recitatum superius Tertulliani testimonium, docet nos longe antiquior Tertulliano Scriptor S. Ignatius Martyr, tertius post S. Petrum Antiochenæ Ecclesiæ Episcopus, in Epistola ad Smyrnenas, ubi inter alia scribit, *non esse licitum sine Episcopo, neque baptizare, neque utique facere*. Cui concinit S. Hieronymus in Dialogo adversus Luciferianos, sic inquit: *Unde venit, ut sine Episcopi jussione, neque Presbyter, neque Diaconus jus habeat baptizandi*; itemque S. Leo in Epistola lxxxviii. ad universos Germaniæ, atque Galliæ Ecclesiarum Episcopos, ubi ita habet: *Sed neque coram Episcopo licet Presbyteris in Baptisterium introire, nec præsentem Antistitem infantem tingere, aut signare, nec præsentem sine præceptione Episcopi sui reconciliare, nec eo præsentem, sine illo inbente, Sacramentum Corporis, & Sanguinis Christi conficere, nec eo coram posito populum docere, vel benedicere, aut salutare, nec plebem atque exhortari*. Atque hæc disciplinam viguisse etiam Sæculo vii. ut soli nempe Episcopi essent ordinarii, & præcipui, Baptisimi, aliorumque Sacramentorum, atque Ecclesiasticorum munerum Ministri, constat plane ex variis Synodis, ac præsertim ex Verneasi, Canone viii. ubi decrevit, *ut omnes Presbyteri, qui in Parochia sunt, sub potestate Episcopi esse debeant, & de eorum ordine nullas Presbyter præsumat in illa Parochia baptizare, vel Missas celebrare sine jussione Episcopi*. Plura alia in hunc rem testimonia videri plane possunt apud Martene Lib. 1. De antiquis Ecclesiæ ritibus, Cap. 1. Articulus iii. n. 1.

III. Hoc autem, quod dictum est, non ita accipiendum esse, quasi solus Episcopus sit proprius Baptismi Minister, inferioribus autem Pastoribus ex sola superioris commissione ministerium illud competat, recte admonet Estius in 17. Sententiarum, Distinctione v. §. 1. Aliud enim est in re quapiam administranda cedere Superiori, cumque præsentem honorare, aliud in ea nihil habere præter commissionem, seu mandatum Superioris. Nam Diaconus quidem nudam habet hujus ministerii commissionem, Episcopus vero, & Presbyter propriam ejusdem mi-

nisterii functionem, in qua tamen Episcopo tanquam primario Ecclesiæ Restori cedere debet Presbyter. Sicut enim Presbyter jus habet Eucharistiam conficiendi, atque etiam plebem exhortandi, & penitentes reconciliandi, si curam habeat animarum, neque tamen ea Sacra Canones patiuntur a Presbytero fieri, præsentem, nisi jubente, Episcopo, ut apud laudatum superius S. Leonem legitur, sic & baptizandi jus idem habet cum Episcopo, sed in eo tamen Episcopum. Superiorem agnoscere, eique deferre debet.

IV. Licet autem Episcoporum olim officium esset Baptismum administrare, sequioribus tamen Sæculis, five ob multitudinem baptizandorum, five ob nimium laborem, Episcopi ipsi alia Episcopalibus munus intenti, curam illam baptizandi in Presbyteros, & Diaconos recedere, duos, treve baptizare contenti, uti videre est in antiquo viii. Romano Ordine, num. xi. apud Mabillonium, Tomo II. Musci Italici, pag. 83. Deinde Pontifex baptizat unum, aut duos, vel quantum ei placuerit de ipsi infantibus; ceterique a Diacono, eui ipse jussit, baptizantur. Concinit huic Ordini x. num. xxii. Tribus baptizatis immatus Manto supra Dalmaticam Pontifex vadit ad Chrysosmarium, junctore Diaconorum Cardinalium, & Sacerdotibus Canonici baptizantibus reliquos parvos. Atque hæc eadem disciplina constat quoque ex Ordine Romano xii. Cap. xiv. num. 30. ubi ita legitur: Pontifex surgit, & vadit ad Ecclesiam S. Joannis Evangelista, & aliquantulum requiescit ibi. Deinde procedit ad Fontes, & benedicit eos. Hoc factum, revertitur ad eandem Ecclesiam, ibique exiit se de Pallio, & Planctu, & induit brachialia cerata, & revertitur ad Fontes, & baptizat tres parvos, & junior Diaconus baptizat ceteros cum Canonici Lateranenses. Porro servatam fuisse hanc Romanæ Ecclesiæ disciplinam in aliis Ecclesiis, præsertim vero Constantina ceterisque nostræ Calabriæ Metropolitana, docet Lucas ejusdem Confessionis Ecclesiæ Antistita in suo ms. Divini Officii Ordine.

V. Viguisse eam tum Romæ, tum alibi, adolescente Sæculo xiiii. disciplinam, ut Romanus Pontifex Maximus, aliqui Episcopi Sabbato ante Resurrectionem Domini, & Sabbato ante Pentecosten solemniter Baptismum administrarent, testatur Concilium Londinense anno mcccxxviii. celebratum, Can. i. ubi Episcopos suggillans, quod memoratis temporibus minime Baptismum conferrent, hac utitur ratione: Cum Summus Pontifex personatim illud mysterium solemniter, & diebus baptizat solemniter memoratis, & in aliis mundi partibus servet Ecclesia illud idem. Ut autem alios omittam Romanos Pontifices, tenax certe fuit ejus disciplina sanctæ memoriæ Benedictus XIII. quem in prædictis Sabbatis Paschatis, ac Pentecostes solemniter baptizantem vidimus Romæ porculos æque, ac adultos, Hebræos præsertim, postquam hi Ecclisæ Christiana doctrina fuerant imbuti. Porro S. Carolus in Concilio iv. Mediolanensi, Constitutionum, Parte II. Capite, Quæ pertinet ad Sacramentum Baptismi, inter alia mandavit, ut siqui infantes intra alicujus Urbanæ Parochialis Ecclesiæ fines a Sabbato Sancto usque ad Sabbatum in Albis, & a Sabbato item Vigiliæ Pentecostes usque ad Sabbatum proximum nati, baptizandi sunt, ad Cathedralicam Ecclesiam, cui pro observantia officio,

cio, proque veteris instituti usu, statis illis hebdomadis hoc tribui debet, deferatur, si modo cuiquam ob mortis periculum, in Parochiali Ecclesia, quæ propius adest, Baptismus statim ministrare necesse non sit. Sane ad hoc antiquitatis vestigium conservandum, retinendumque motus videtur S. Carolus exemplo S. Ambrosii, eximii ejusdem Mediolanensis Ecclesie Antistitis, qui quanta sollicitudine simul, ac pietate Baptismi Sacramentum administraret, testatur in ejus Vita Paulinus, ita de eo scribens: *In rebus etiam Divinis implendis fortissimus in tantum, ut quod solitus erat circa baptizandos solus implere, quinque postea Episcopi, tempore quo discessit, vix implerent.*

VI. Quamquam vero ex dictis superius constat, præter Episcopos potuisse olim Presbyteros baptizare, saltem ex eorum permisso, ubi erant presentes, liquet id etiam ex vetusto Autore Apostolicarum Constitutionum Libro 111. Cap. x. *Neque reliquis Clericis, inquit, potestatem baptizandi facimus, ut Lecleribus, Cantoribus, Janitoribus, aut Ministris, nisi tantum Episcopis, & Presbyteris, ministrantibus Diaconis.* Idipsum addicere licet ex Epistolis Summorum Pontificum Innocentii I. & Gelasii I. quorum primus in celebri Epistola ad Decentium Eugubinum Episcopum, Cap. 111. dicitur ait, licere Presbyteris, *scilicet extra Episcopum, seu præsentem Episcopum, baptizare.* Alter vero in Epistola ad universos Episcopos per Lucanum, Brutios, & Siciliam constitutos expresse mandans, ut *absque Episcopo, & Presbytero, baptizare non presumat Diaconus, nisi prædictis officiis longius constitutis, necessitas extrema compellat, perspicue ostendit, posse Presbyteros Sacramentum Baptismi administrare.* Id quod jam longe ante hunc Pontificem Illyberritana Synodus constituerat Can. LXXV 11. his verbis: *Siquis Diaconus regens plebem, absque Episcopo, vel Presbytero, aliquos baptizaverit, Episcopus eos per benedictionem perferre debeat.* Atque hoc Decretum innovasse videtur laudatus Pontifex Innocentius I. In eo citato.

VII. Teste Martene in memorato Libro 1. *De antiquis Ecclesie ritibus*, Cap. 1. Articulo 111. num. IV. causa concedendi Presbyteris, ut baptizare possent, jam alia nulla fuit, quam multitudo baptizandorum, quibus, præsertim in magnis Civitatibus, tingendis non suffecisset solus Episcopus; neque enim ubique reperire erat Ambrosius, qui cirea baptizandos uni inconstanter expleret, quod vix quatuor, aut quinque præstarent Episcopi. Hinc Romæ multe fuerant vel olim Baptismales Ecclesie, ut ex antiquis Ordinibus Romanis addicimus; & in quibodam Ecclesiis nostræ Italiæ, ac io Pisana præsertim plures in Baptisterio erant Fontes, in quibus una cum Episcopis Presbyteri baptizabant. Perseveravit Romæ vestigium aliquod antiquæ disciplinæ usque ad Sæculum XII. & XIII. quibus Cardinales ipsi, qui Romæ Parochiarum erant, ut alibi dictum est, oon baptizabant, nisi petita prius a Summo Pontifice licentia, ut palam fit ex Ordine Romano XI. Autore Benedicto Canonico S. Petri, qui, uti notat Mabillonius ad ipsum Ordinem, scriptus fuit ante annum MCXLI. Eius verba num. 43. ubi agit de Sabbato Sancto, hæc sunt: *Finito Officio, Dominus Pontifex descendit ad Fontem cum Diaconis,*

& Subdiaconis Regionariis cantando Litaniam. Primicerius cum schola cantando, Sicut cervus, usque in porticum S. Venantii. Ibi præparato Faldistorio Pontifex sedet. Cardinales autem, qui remanserunt in Choro, exeunt per postulam post absidem, & intrant per porticum Sancti Joannis, & vadunt in Ecclesiam S. Venantii. Tunc Archidiaconi præcipi duobus, ut eant ad ostium S. Venantii. Qui obediunt, accipiunt Priorem Cardinalem per manus, addextrantes eum usque ad Pontificem, omnes Cardinales sequentes eum. Prior autem inclinat se, & dicit: Iube Domine benedicere. Pontifex benedicit eum. Progreduens parum facit similiter, & benedicit. Tertia vice similiter, & benedicit eum Pontifex, & dicit: Ite baptizate omnes Gentes in Nomine Patris, & Filii, & Spiritus Sancti. Cardinales vero induti cum equitibus revertuntur ad Titulos suos. Tunc Pontifex intrat in Baptisterium &c. Fiebat itaque Cardinalium missio ad baptizandum infantes in Ecclesiis Baptismales, quæ Romæ non paucæ erant, qualis in primis fuit Ecclesia S. Marie Majoris, de qua idem Ordo XI. loquitur infra num. 45. reitatuque hæc tenus Ordini conuenit Ordo XII. Audire Cencio, Capite XIV. Cæterum quod Cardinales dicatur reverti cum equitibus, idem est ac cum equis, more quorundam veterum, ut ibidem Mabillonius notavit.

VIII. Mirum itaque videri non debet, si in Concilio Vernensi anni DCCCLV. Can. v 111. sancitum fuerit, ut omnes Presbyteri, qui in Parochia sunt, sub potestate Episcopi esse debeant, & de eorum ordine nullus Presbyter presumat in illa Parochia baptizare; & si in Conventu apud Attinacum anno DCCCLXXIV. Episcopus Barcinensis se reclamavit, quod Turis Presbyter Cordabensis ... sine illius licentia, Missas, & Baptisteria in eadem Civitate præsumit celebrare. Ad Episcopum eorum baptizandi ministerium, ut dictum superius fuit, primum spectabat, & non nisi de ejus permisso ad Presbyterum. Multo magis forte mirabitur quisquam, Edwardum Henrici III. Anglorum Regis filium a Legato Pontificio non Presbytero sacris undis regeneratum fuisse, ut testatur Matthæus Parisius in Historia Anglorum ad annum MCCXXXIX. ubi fide habet *XVI. Calendas Julii nocte sequenti apud Westmonasterium natus est Regi filius ex Regina sua Eleonora ... Carleokus vero Episcopus infantem catechizavit, Legatus eundem baptizavit, licet non esset Sacerdos. Archiepiscopus autem Edmundus Cantuariensis ipsum confirmavit.* Dubitat Martene, an Legati factum probaverit S. Edmundus, qui in suis Constitutionibus vetat, ne Diaconi penitentibus dare, & baptizare præsumant, nisi in illis casibus, cum Sacerdos non potest, vel absens est, vel stultus, vel indiderit non vult, & mors imminet puero, vel aegro. Quæ quidem S. Præfatus sancti fundamentum habet in Constitutionibus Apostolorum, in quibus passim, sed præsertim Lib. VIII. cap. XLIV. & LIT. Diacono baptizare fas non esse dicitur. Sed pace Martene, non erat quid de eo facto queri posset Edmundus; erat enim, qui baptizavit filium Regis, Diaconus quidem, sed Cardinalis, & Legatus Summi Pontificis; notumque illi esse potuit, quod scribit de Cardinalibus S. Petrus Damiani Lib. 1. Epistola XX. *Romane Ecclesie Cardinales Romanum Pontificem principaliter eligunt.*

gunt, & quibusdam aliis prerogativis, non modo quorumlibet Episcoporum, sed etiam Patriarcharum, atque Primatum jura transcendunt.

IX. Sed neque adducitur potest, quin vel nascente Christiana Religione Diaconi baptizarent, docereturque ex Actibus Apostolorum. Cap. viii. Philippum Diaconum Candacis Reginae Eunuchum baptizasse; itemque ex antiquissima Ecclesiae Traditione, qua constat, Diaconos inter Baptismi Ministros numeratos fuisse. Certe Tertullianus, cujus testimonium initio hujus Commentarii descripsi, post Episcopum, & Presbyterum, Diaconis jus in Baptismum adscribit. Atque hanc puto fuisse causam, quod juxta veterem disciplinam in Ecclesiis Baptismalibus una cum Presbytero residere debebat unus saltem Diaconus. Favor autem, non potuissit Diaconos, praesente Episcopo, aut Presbytero, qui baptizandi manus commodè obire possent, Baptismum ipsos administrare. Atque huc spectant loca illa ex S. Hieronymo, & Gelasio Papa superius a nobis allata, in quibus expressè dicitur, non posse Diaconum, absque licentia Episcopi, vel Presbyteri, baptizare. Vide plura apud Thomassinum hanc in rem, Parte I, Lib. II, Cap. xxix. ubi etiam num. xi. observat, quod licet apud Latinos fuisse Diaconum prioribus saeculis administrandi Baptismi potestatem, acceptam, scilicet prius Episcopi licentia, restrictionis id tamen addecerit postea Gelasius, si cogeret nimis necessitas, & Presbyter abesset.

X. Sed nec hodie ipsi Presbyteri Baptismum solemniter, & extra casum necessitatis conferre licite possunt, nisi potestate ab Episcopo accepta, & in ipsos ex plenitudine Sacerdotii Episcopalis derivata, hac tamen modernam inter, & pristinam disciplinam, intercedente differentia, quod juxta modernam Parochi accipiant quidem curam animarum ab Episcopo, & per eam jus administrandi Sacramenta, sed illa accepta, illa tunc independentè ab Episcopo, ac quasi jure proprio, & ordinario, id est, jure sui Officii, & Beneficii Parochialis administrant; ubi et contra juxta veterem disciplinam, Presbyteri, quantumvis curam animarum exercentes, a jussione Episcopi in ipsa Sacramentorum administratione dependenter. Quapropter hodie Parochi, sive Presbyteri Parochiales sunt in suis respective Parochiis ordinarii Ministri Baptismatis, illudque jure proprio, & ordinario ministrant. Unde rectè ait noster §. quem in praesenti explicamus: *Legitimè quidem Baptismi Minister est Parochus, vel alius Sacerdos a Parocho, vel ab Ordinario loci delegatus.* Quod tamen intelligendum est de Parocho, qui habet in sua Parochiali Ecclesia Baptisterium, quodque lectro dixi, quod Romæ multae Parochiales Ecclesiae careant Baptisteriis, instantique nati baptizari solent in Basilicis Lateranensi, aut Vaticana ab ipsis eandem Parochis.

XI. Porro ex paulo superius dictis jam nulli Presbytero, Diacono, aut Clerico, sive saeculari, aut Regulari, licet baptizare cum consuetis caeremoniis, & extra casum necessitatis in aliqua Parochia, sine licentia Parochi, aut Episcopi, quam tamen licentiam Episcopus, ut notat Vaneusen, Parte II, *Juris Ecclesiastici*, Titulo II, *De Baptismo*, Cap. II, num. v. in praesentium Parochi nec dare solet, nec facile dare debet. Sed cum nemini liceat falce mittere in

alienam messem, cautum jam illud etiam fuit, ut nemo in aliena Parochia subditos suos, aut in propria alterius subditos baptizaret. Hanc enim in Ecclesia a primis Saeculis viguisse disciplinam, adducere licet ex his S. Gregorii Nazianzeni verbis in Oratione xi. quæ est de Baptismo: *Tibi unusquisque ad purificationem fide dicens confertur, tantummodo sit ex probatis, & non manifeste damnatis, neque Ecclesiae alienae.* Idem in sequentis temporibus obtinuit, uti ex variis Conciliis liquet, veterique statuto innovavit S. Carolus in Provinciali Concilio IV. Mediolanensi, Parte II. Constitutionum, Capite, *Quæ pertinet ad Sacramentum Baptismi*, ubi ita statuit: *Videat Parochus, ubi primum infans Baptismi causa ad se delatus est, an sua Parochia sit, quem si aliena esse norit, eum, nisi injuncte necessitate, ne baptizet, sed ad Parochum proprium, a quo baptizetur, deferri jubeat.*

XII. His sane concinit noster §. qui, postquam dixit, legitimum quidem Baptismi Ministrum esse Parochum, in sua scilicet propria Parochia, sive alium Sacerdotem a Parocho, vel ab Ordinario loci delegatum, addit, quod, *quoties infans, aut adultus, versatur in vite periculo, potest sine solemnitate a quocunque baptizari in qualibet lingua, sive Clerico, sive laico &c.* Et hæc quidem est vetustissima Ecclesiae disciplina, ac semper probata, ut, imminente necessitate, Baptismus ab omnibus administrari queat; expresse id enim tradit Tertullianus laudatus initio hujusmodi Commentarii, sic inquit: *Proinde Baptismus eque Dei census ab omnibus exerreri potest; confirmatque eam traditionem S. Hieronymus, ubi contra Luciferianos agens, ita scribit: Baptizare, si necessitas urgeat, scimus etiam licere laicis; & S. Augustinus apud Gratianum Can. xxi. De consecratione, Distinctione IV. In necessitate, inquit, cum Episcopi, aut Presbyteri, aut quilibet Ministrorum non inveniantur, & urgeat periculum ejus, qui perit, non sine isto Sacramento hanc vitam finiat, etiam laicos solere dare Sacramentum, quo acciperent, solum audire. Occidentis, imo totius Ecclesiae nomine, disciplinam, traditionique, de qua agimus, robor addidit S. Gelasius Papa, ubi in Epistola sua superius laudata, Cap. ix. de Baptismo in casu necessitatis dato sic inquit: *Quod & laicis fidelibus plerumque permittitur, ne quisquam sine remedio salutari de seculo evocetur.**

XIII. At vero, quod minime dissimulandum est, disciplinam, traditionemque mox explicatam, non de omnibus laicis innuere videtur vetus Canon xxxviii. Concilii Illiberritani, qui a ministrando Baptismo etiam in necessitate accere videtur laicum, qui Baptismum integrum non habet, aut bigamus est. Canonis verba hæc sunt: *Peregre navigantes, aut si Ecclesia in proximo non fuerit, posse Fidelem, qui lavacrum suum integrum habet, nec sit bigamus, baptizare in necessitate infirmitatis postquam Catechumenum, itant si supervixerit, ad Episcopum eum perducerat, ut per manus impositionem propere possit.* Ita plane Canon, qui quidem, ut intelligitur, notandum est, quod docet eruditissimus Althauspinus in Notis ad ipsum Canonem; per illa scilicet verba, *qui lavacrum suum integrum habet, id indicari, quod quis post lavacrum non peccavit, neque penitentiam illam subierit, quod peccato post Baptismum commissio, omnium, ut ita*

loquitur, gratiarum, ac beneficiorum, quæ accepit, iudicium faceret; ideoque Baptismum ejus, qui deliquisset, non integrum, aut incorruptum videri amplius, quod ex illa Divina gratia, qua instructus erat, quasi gradu excidisset. Sicuti ergo juxta pristinam Patrum disciplinam nullus bigamus, aut penitens, hoc est, qui enormi peccato Baptismum violasset, ad Sacerdotium promoveri poterat, aut Sacerdotale officium exercere; ita nec laicum bigamus, aut penitentem, ad hujus muneris Sacerdotalis exercitium admittendum consent Patres Illyberitani, ut observat laudatus Albaspinus, & post illum Franciscus le Roye in suis Institutionibus Juris Canonici, Lib. II. Tit. III. *De Baptismo*; una etiam monentes, nec illud ita intelligendum, quasi ab eo laico Baptismus conferri non possit, qui solus etiam in necessitate occurrat bigamus, & penitens, sed ut ex malis laici ibi presentibus ille solus baptizare possit, qui ad hunc integrum latuerim habeat, & non sit bigamus. Atque hic obiter nota, quod observavit memoratus Vaneusen citato loco, num. viii. in fine, quantam scilicet vix innocentiam Patres desideraverint etiam in laico, ut vel necessitate quodammodo cogente aliquod Sacerdotale munus obire possit. Vide plura Tomo II. nostræ novæ editionis Conciliorum Hispaniæ a Cardinale de Aguirre ordinata in Commentariis variorum Auctorum ad recitatum Canonem Illyberitanum.

XIV. Ad feminas quod attinet, eis ut docere, ita & baptizare in Ecclesia semper vestitum fuit, ut non uno in loco docet Tertullianus. Nam præter recitatum ejus testimonium initio hujus Commentarii, ex Libro, *De Baptismo*, Capite xvii. ubi ait: *Petulantia autem mulierum, quæ asurpavit docere, antiquæ non etiam tinguendi sui sibi pariet; sic habet in Libro, De velandis Virginibus*, Cap. ix. *Non permittitur mulieri in Ecclesia loqui, nec docere, nec tingere; & in Libro, De præscriptionibus*, Cap. xli. redarguens temeritatem mulierum hæreticarum, sic inquit: *Ipsæ mulieres hæreticæ, quam procaces, quæ audaciter docere, contendere, exorcismos agere, evagationes reprehendere, forsitan & tingere.* Quod certe in eis non reprehendisset, si licitum eisdem ex Ecclesiæ Legibus fuisset. In pervetustis quoque Apostolorum Constitutionibus, Lib. III. extat integrum Caput ix. *Quod non oporteat mulieres baptizare &c.* cautumque jam fuit ex Concilio iv. Carthaginiensi, Canone xcix. & c. apud Gratianum Can. xix. De Consecratione, Distinctione xv. *ut mulier, quævis doctrix, & sancta, viros in conventu docere, vel aliquos baptizare, non præsumat.* Idem constat ex aliis Conciliis non paucis, ac Patribus, & præsertim ex S. Epiphanio, Hæresi lxxix.

XV. Sed notandum omnino est, in recitatis hæc locis aique quidem de publica, & solemnè administratione Baptismi extra casum necessitatis; nam alias jampridem Gratianus ad memoratum Canonem Carthagenensem adiecit hanc clausulam: *nisi necessitate cogente*; remittens ulterius lectorem ad Canonem, *Super quibus*, Cause xxx. Questione III. ubi refertur hoc fub nomine Urbani II. Responsum Vitali Presbytero datum: *Hoc videtur nobis ex sententia respondendum, ut & Baptismus sit, si instante necessitate femina puerum in Nomine Trinitatis baptizaverit; id est, in Nomine Patris, & Filii, & Spiri-*

ritus Sancti; ut est certa, ac probata Baptismi formula. Jam supervacaneum est vetera monumenta afferre, quibus probatur, valide, liciteque conferri a femina Baptismus in casu necessitatis; nam licet jam olim Joannes Moschus in suo Prato spirituali, Cap. 111. asseruerit, contra Canones esse, Diaconibus baptizare, exceptis tamen strictissimam causam necessitatis. Porro laudatum paulo superius Urbani II. Responsum amplecti æ Catholicæ Ecclesiæ, eique concinunt Eugenius IV. in Decreto pro Armenis, & Rituale Romanum in hoc presenti §. ubi expresse inquit, quod, *quoties infans, aut adultus versatur in vita periculo, potest sue solemnitate a quocunque baptizari in qualibet lingua, sive Clerico, sive laico etiam excommunicato, sive fideli, sive infideli, sive Catholico, sive hæretico, sive circo, sive femina.*

XVI. Restat nunc, ut de excommunicatis, ac de aliis dicamus, quorum meminit noster §. quos recte ait vel baptizare, si necessitas scilicet urgeat; hæc enim est communis Theologorum sententia, quæ Patrum traditione, Conciliorumque auctoritate nititur. Et quidem valere Baptismum ab illis collatum, asserit S. Augustinus, Lib. v. *De Baptismo*, Cap. xx. *Si Deus, inquit, adest Sacramenti, & verbis suis, per qualescunque administrantur, Sacramenta Dei ubique recta sunt.* Hæsitasse aliquando S. Doctorem in definienda ea questione, docet nos ille, Lib. vii. *De Baptismo*, Cap. 1111. Propositionem enim sibi questionem, utrum approbandum sit Baptisma, quod ab eo, qui non accipit, accipitur, ita respondet: *Nobis tantum est in ea non progredi aliqua temeritate sententia, quæ nullo in Catholico regionali Concilio cepta, nullo plenario Concilio terminata sunt.* Pergit S. Doctor, diserteque ait, se in eam propendere sententiam, quæ favet Baptismo: *Verumtamen siquis forte, ne in eo Concilio constitutum, ubi talium rerum questio versaretur, non precedentibus talibus, quorum sententia sequi vallet, urget, ut dicere quid ipse sentiret, si eo modo assensus essem, quo eram, cum ista dicerem, nequaquam dubitarem, habere eos Baptismum, qui ubiqueque, & a quibuscunque (excommunicatis scilicet, Schismaticis, & in aliis in §. nostro recensitis) illum verbis Evangelicis consecratum sive sua simulatione, & cum aliqua fide acceperint.* Atque hanc Augustini sententiam confirmavit Sæculo ix. Nicolaus Papa I. in Responsione ad Consulta Bulgarorum, qui de validitate Baptismi a Judæo, vel Pagano collati dubitabant, ut videre est apud Gratianum, qui Nicolai Responsum recitat in Can. xxiv. De consecratione, Distinctione iv. Atque his addit, quod ait Eugenius Papa IV. in Instructione pro Armenis: *In casu necessitatis etiam Pagani baptizare possunt.*

XVII. De Contibus salforum Deorum cultoribus paulo major est difficultas. Nam Gregorius II. ad S. Bonifacium scribens, ab ipsis baptizatos absolute tingendos iterum esse asserit: *Eodem quoque, quos a Pagani baptizatos esse asseritis, si ita habetur, ut denno baptizet in Nomine Trinitatis, mandamus.* Et Lib. viii. Capitularium ab Ansegiso, & Benedicto Levita collectorum, num. cxi. in statuto legitimus: *Præcipimus, ut qui a Pagani baptizati sunt, de novo a Sacerdotibus in Nomine Sanctæ Trinitatis baptizentur.* Et num. cxi. *Hi qui dubitant,*

utrum qui sint baptizati, an non, qui vel a Presbytero Diis mactanti, vel immolatiis carnibus vescenti fuerint baptizati, ut baptizentur, præceptum est. Verum tam Responsum Gregorii Papæ II. quam ista Capitularia, aut siqua huiusmodi extant alia Decreta, intelligenda sunt prorsus de baptizata sine debita forma, idque satis innuunt, cum a Christi Sacerdotibus in Nomine Sanctæ Trinitatis, baptizari præcipiunt. Nam certissimum est, quod & varis Synodi, & Rituales Codices, & Theologi passim docent, ac præsertim Joannes de Raguso Generalis Ordinis Prædicatorum Magister in Oratione habita in Concilio Basileensi: *In necessitate articulo, marres, & femina, Papani, & Judæi, & hæretici possunt baptizare, dummodo servant formam, & materiam, & intentionem.*

XVIII. Quantum ad Baptismum ab heretica collatum, nota profecto omnibus est celeberrima inter S. Cyprianum Carthaginensem Episcopum, & S. Stephanum Papam controversia, qua nimirum ille, damnato hæreticorum Baptismo, universos ab illis baptizatos rebaptizandos asserbat; Stephano e contrario universæ Ecclesiæ traditam ab Apostolis disciplinam retinendam esse contendente; cuius definitionem quamplurima postmodum confirmaverit Concilia, ac novissime etiam post Eugenii IV. Decretum in Instructione pro Armenia, Concilium Tridentinum Sessione VII. De Baptismo, Can. IV. hæc verba: *Siquis dixerit, Baptismum, qui etiam datur ab hæreticis in Nomine Patris, & Filii, & Spiritus Sancti, cum intentione faciendi, quod facit Ecclesia, non esse verum Baptismum, anathema sit.* Verum utique, ac validum, sed non licitum, nisi instante urgentissima necessitate, uti supe-

rius non uno in loco dictum est, & confirmari iterum potest auctoritate S. Augustini in Libro, *De Baptismo contra Donatistas*, Cap. II. ubi sic inquit: *Siquem forte coegerit extrema necessitas, ubi Catholicum, per quem accipiat, non invenit, & in animo pæce Catholica enclodita, per aliquem extra unitatem Catholicam positum acciperit, quod erat in ipsa Catholica accepturus, si statim etiam de hac vita migraverit, non eum, nisi Catholicum deputamus.* Porro de Baptismo ab hæreticis collato fule eruditèque differit inter alios Iuvenius in Opere, *De Sacramentis*, Dissertatione II. Quæstione III. per varios Paragraphos.

XIX. Unum restat, quod hic præteriri non debet, licet validus sit Baptismus in qualibet lingua, & a quocumque administratus, servata scilicet forma, & Intentione Ecclesiæ, de quibus sua loca diximus, nisi tamen urgeat necessitas, peccare quidem cum graviter, qui ab alio, quam a proprio Parocho baptizaretur, multoque magis, si ab illis, quos §. noster recenset, quique tunc solum baptizare possunt sine solemnitate, quoties infans, aut adultus versatur in vitæ periculo. Atque hæc est communia, ac certa Theologorum sententia, qui etiam scite docent, peccare etiam ipsos Ministros, qui baptizarent. Ita plane docet, ut alios omittam, S. Thomas, Parte III. Quæstione XXVII. Articulo V. in Corpore, ubi postquam dixit, in articulo necessitatis, posse quemcumque hominem etiam non baptizatum, alium baptizare, ita deinde subiicit: *Si vero extra articulum necessitatis hoc fieret, uterque graviter peccaret, scilicet baptizans, & baptizatus; & per hoc impediretur Baptismi effectus, licet non tolleretur ipsum Sacramentum.*

§. XIV.

Sed si adsit Sacerdos, Diacono præferatur, Diaconus Subdiacono, Clericus laico; & vir femine, nisi pudoris gratia deceat, feminam potius, quam virum baptizare infantem non omnino editum, vel nisi melius femina sciret formam, & modum baptizandi. Quapropter curare debet Parochus, ut Fideles, præsertim obstetrices rectum baptizandi ritum probe teneant, & servant.

COMMENTARIUS.

I. Et hæc antiquissimus Ecclesiæ ritus, ut in baptizando ordo servetur, ut nimirum dignores minus dignis præferantur; testisque cujus ritus est quidem Tertullianus in Libro, De Baptismo, Cap. XVII. ubi ita inquit: *Superest ad concludendam materiam de observatione quoque dandi, & accipiendi Baptismum commonefacere. Dandi quidem habet sui Summus Sacerdos, debine Presbyteri, & Diaconi, non tamen sine Episcopi auctoritate, propter Ecclesiæ honorem, quo salvo, salva pax est; alioquin etiam laici sui est. Et mox: Proinde & Baptismus aque Dei census ab omnibus exerceeri potest; sed quando magis laicis disciplina reverentia inenimbit, cum ea majoribus competat, ne sibi assumant dicunt Episcopi officium Episcopatus. Quod aliquis etiam inter laicos, quibus in casu necessitatis sua est ad baptizandum, ordo servari debeat, eoquici potest ex eodem Tertulliano In citato loco, ubi loquens de eo argumento cum laico, sic ait: Sufficiat scilicet in necessitate.*

tibus, ut utaris, scilicet, aut loel, aut temporis, aut persona condicio compellit; tunc enim constantia succurrentis excipitur, cum urget circumstantia periculis.

II. Veterum ritum tenax, & custos S. Carolus, in suo Concilio Provinciali Mediolanensi 1. Constitutionum Parte II. eo Capite, *Quæ pertinent ad Baptismi administrationem*, postquam vetuit, baptizari infantem domi, ita mox subdit: *Permissa est tamen, si inisset periculum, sacras baptizandi in privatis adibus Sacerdoti, vel, si ille absit, alteri Sacris initiato, vel si non adfuisset, laicis, primo mari, aut demum femine, qui recte noverint veram Baptismi formam.* Ego te baptizo in Nomine Patris, & Filii, & Spiritus Sancti; quibus verbis nihil proflux ab ipsis addendum, vel detrahendum esse, eretico populum suum Parochus admonet. Cum sæpe autem contingat, ut a laicis administretur Baptismus, in casu scilicet necessitatis, hinc & sæpe Sacra Synodi, ac Episcopi id ipsum, quod a laudato 1.

Coa-

Concilio Provinciali Mediolanensi statum est, præscribere. Synodus Londinensis anno Christi MCCXXXVII, habita, Cap. III. ita quidem ait: *Statuimus insuper, ut Parochiales Presbyteri formam Baptismi firmiter addiscentes, cum parochianis suis frequenter exponant in diebus Dominicis in vulgari, ut, si articulus necessitatis emerget, cum sciant, & volcant observare; quæ utrum servata fuerit, inquirant postmodum diligenter.* Idem præscribit Provincialis VI. Synodus Beneventana anni MCCCLXXIV. Tit. IV. Capite V. his verbis: *Districte præcipimus, ut Presbyteri frequenter admoncant, & instruant plebem suam, ut, cum ex necessitate, ut prædictum est, aliquem baptizari contigerit, hanc formam in traditione ipsius Baptismi cum diligentia studeant observare, scilicet ut infantem ter mergendo in aquam, baptizans dicat sic: Petre, vel Martine, vel Ugo, Ego baptizo te in Nomine Patris, & Filii, & Spiritus Sancti. Si tamen una tantum immergo facta fuerit, erit nihilominus baptizatus.* Sed de unica, vel trina in Baptizando immersione jam suo loco abunde dixi. Ceterum nihil frequentius in Conciliis antiquioribus, recentioribusque, atque in Episcoporum Statutis occurrit, quam ut Parochi subditos suos mares, ac feminas, sedulo instruant de materia, & forma Sacramenti Baptismi materna lingua pronuntianda, uti videre est in editis annos MCCXLVII. Constitutionibus Richardi Episcopi Sarum, Capite XVI. & in aliis plurimis, quas non opus est hic recensere.

III. Obstetrices præsertim baptizandi rationem docendas esse a Parochis, expressè mandat Concilium Provinciale Mediolanense II. Constitutionum Parte II. Capite, *Quæ pertinent ad Sacramentum Baptismi*, ubi sic inter alia inquit: *Baptizandi formam ipse, Parochus scilicet, non solum, ut primo Provinciali Concilio iussum est, populo generatim, sed etiam privatim, ac præcipue obstetricibus, in Ecclesia tamen, plane ostendat, ac tradat; quam etiam an ille recte teneant, aliquando eodem loco recte videat, ac diligenter querat.* Rursus in Concilio Provinciali V. ubi recenset quæ ad Baptismum pertineant, hæc de obstetrice statuit: *Quæ autem probata est, cum baptizabit, caret, quoad ejus fieri potest, ut dua saltem mulieres, ac mater præsertim, si potest, præsentem adsint, quæ in baptizando verba ab ea prolata audiant.* Tum vero mox: *Parochus vero, cum perquiret ex Decreto Provin-*

ciali, an infans baptizatus sit, diligenter obstetricem, & testes etiam de verbis prolatis interroget; ut sibi constet, an Baptismi forma recte adhibita sit, an vero secus, quomobrem oporteat infantem a se baptizari. Sed de his passim loquantur Acta Ecclesie Mediolanensis à S. Carolo ordinata, ex quibus etiam addiscimus, quod alias monent hic ooster §. & Catechismus Concilii Tridentini, Parte II. De Baptismi Sacramente, cum. xxiv. obstetricibus ipsi, quæ baptizare coosueverunt, formamque Baptismi tenent, necessitate urgente, baptizare permissum esse, etiam præsentem laico, qui hujus Sacramenti conficiendi plane ignarus, rudisque sit. Atque hæc & alia scitu digna de obstetricibus legere est in Actis laudatis, Parte IV. in Rubricis, seu Instructionibus, De Baptismi administratione.

IV. At vero, ut habet hic ooster §. obstetrix, seu alia femina, non modo laico in baptizando, ubi necessitas urgeat, præfertur, & is nesciat Baptismi formam, verum etiam ubi *paucis gratia debeat, feminam potius, quam virum baptizare infantem non omnino editum.* Porro quanta cautio olim in Baptismo adhiberetur, ne sacri Ministri, vel ex conspectu baptizandarum mulierum ignem conciperent, vetus Ecclesie disciplina nos docet. Quodcumque enim officium in illius Sacramenti susceptione obiri poterat, Diaconissis credebatur, præsertim oudatio, qualicumque demum ea esset, de qua re nonnihil diximus nostro I. Tomo Conciliorum in Commentario ad Canonem XIX. Concilii I. Niceni. Nec tantum foris a viris baptizantur feminae, tum quoad tempus, ut diserte antiqui Romani Ordines, primo mares, deinde feminas sacro Baptismo lustratas docens; tum etiam, quoad locum, quandoquidem pars feminarum, ut S. Augustinus tradit Lib. XXI. De Civitate Dei, Cap. VIII. idest, pars, in qua semine baptizabantur, erat alia a parte virorum. Sed nec tantum hoc modo consuebatur honestati io cooffereodo seminis Baptismo, quæ cautio etiam laicos spectare poterat, verum alia quoque ratione proprius pertinet ad sacros homines, quam late, eruditique enarrat Raynaudus in celebri Dissertatione, De sobria alterius sensus frequentatione per Sacros, & Religiosos homines, Cap. VIII. ubi varias Patrum cautiones recenset, quibus Sacramenta feminis administrabantur, ut sacrorum hominum consuleretur indemitati,

§. XV.

Pater, aut mater propriam prolem baptizare non debent, præterquam in mortis articulo, quando alius non reperitur, qui baptizet; neque tunc ullam contrahunt cognitionem, quæ Matrimonii usum impediatur.

COMMENTARIUS.

I. Quid in hoc §. statuitur, jam olim in variis Conciliis, & Ritualibus fuerat præscriptum, confirmatumque variis argumentis a Theologis passim, præsertim vero ab omnium Principe S. Thoma Aquinate, cujus doctrinam probavit inter alios Beneventana VI. Provincialis Synodus Tit. IV. Capite V. ubi hæc habet: *Si autem masculi præsentem non fuerint,*

a circumstantibus feminis baptizetur, etiam a patre, vel matre, si alii non fuerint, a quibus valeat baptizari; sed quamdiu alii fuerint, a patre, vel matre nullatenus baptizetur. Sed notatu digna sunt, quæ mox subjicit, quibus quidem magis §. noster explicator: *Et si ex necessitate a patre proprio, vel a matre infans fuerit baptizatus, Matrimonium inter eos in sua fir-*

mi.

mitate manente, nulla propter hoc injungatur poenitentia baptizanti, qui ex hoc debet potius commendari. Pergit Synodus aliaque docet, quoniam censui hoc loco referre. Si vero malitiose pater, vel mater baptizaverit, vel in Catechismo, seu in Confirmatione tenuerit infantem proprium, vel infantem uxoris suae ex alio viro procreatum, Matrimonio, ut dictum est, in suo robore permanente, ad nos mittatur, vel Episcopum suum, de tanto excessu poenitentiam susceperit. Si autem casu, vel ignorantia id acciderit, non sunt in aliquo puniendi; ne forte propter imperitiam laicorum infans absque forma debita baptizetur.

II. Parentes non possunt filium suum baptizare, nisi necessitas urgeat, & nisi alii praesentes sint, qui apti essent ad Baptismum illi administrandum, movit jam S. Carolus in Instructionibus, De Baptismi administratione, sic inquit: Parentes autem omnino caveant, ne liberos suos baptizent absque manifesta necessitate, cum scilicet alii quocumque modo apti non adfuerint, & periculi urgeat necessitas. Quod vero tandem edicere no-

uer §. nullam tunc contrahi a parentibus obligationem, quoniam usum Matrimonii impedit, deelsum jam pridem fuit a Joanne Papa VIII. qui ita scripsit ad Episcopum Lemovicensem, qui separandum ab uxore judicaret virum, quod necessitatis evasa filium suum baptizasset: Dicimus, dimittendam non esse, & inculpabile judicandam, quod necessitas intulit. Nam hoc baptizandi opus laicis fidelibus juxta Canonem auctoritatem, si necesse fuerit, facere libere conceditur. Unde si supradictus genitor filium suum corpore morientem aspiciens, ne animam perpetua morte percuntem dimitteret, sacri unda Baptismatis lavit, ut enim de potestate auctoritatis mortis, & tenebrarum eriperet, & in Regnum Christi jam regnaturum hinc dubitante transmiseret, bene fecisse laudatur; & incestuosa uxori suae jam legitime sociata imponere, quando vixerit, judicamus manere conjugium. Relata est haec Responsio a Gratiano in suo Decreto in Canone Ad limina, Canon xxx. Questione I. & apud alios Canonum Collectores.

De baptizandis parvulis.

§. XVI.

Opportune Parochus hortetur eos, ad quos ea cura pertinet, ut natos infantes, sive baptizandos, sive baptizatos, quamprimum fieri poterit, & qua decet Christiana modestia, sine pompae vanitate deferant ad Ecclesiam, ne illis Sacramentum tantopere necessarium nimium differatur cum periculo salutis, & ut iis, qui ex necessitate privatum baptizati sunt, consuetae caeremoniae, ritusque suppleantur, omissa forma, & ablutio.

COMMENTARIUS.

I. DE Baptismo infanciam, seu parvulorum, id est, eorum, qui per etatem ratione nondum utuntur, ut recte notavit Eftius in IV. Sententiarum, Distinctione IV. §. xxiii. varii existerent, atque etiam hodie extant errores, aliis prorsus negantibus eos baptizari licere, aliis id permittentibus quidem, sed negantibus, non statim aliquam inde parvulis accedere; aliis denique, licet utilitatem agnoscant, necessitatem tamen ejus abnuentibus. Nam praeter Anabaptistas, qui prorsus tollunt infantium Baptismum, atque eos etiam baptizatos in adulta etate rebaptizant, Calvinistae esse necessarium negant. Pelagiani quidem valere parvulis Baptismum dixerunt, non ad vitam aeternam, quam iis etiam absque Baptismo promittebant, sed ad Regnum consequendum, propter illud, quod scriptum est, Joannis Cap. III. Nisi quis renatus fuerit ex aqua, & Spiritu Sancto, non potest intrare in Regnum Dei. Fuerunt & alii perperam de Baptismo parvulorum sentientes, ut Hierachitae, qui omnem salutis spem parvulis etiam baptizatis adimebant, eo quod certare nequeunt, cum scriptum sit: Non coronabitur, nisi qui legitime certaverit. De quibus vide S. Epiphanium Haeresi LXV. & Fidiian, qui in octavum usque diem Judaico more Baptismum differri volebant; contra quos agit S. Cypranus Epistola LIX. Teste Bellarmino, Lib. I. De Sacramento Baptismi, Cap. viii. Sociniani, qui Transilvaniam incolebant, anno MDLXVIII. duos Libros caederant contra Trinitatem, & incarnationem Domini, & in fine eorum Librorum

Ton. I.

addiderunt xxxvi. argumenta contra Baptismum parvulorum.

II. His aliisque id genus erroribus & diametro opposita est Fides Catholica, quae docet, valere collatum parvulis, infantibusque, Baptismum. Infantes siquidem Regno Coelesti percipiendo idonei sunt, dicente Christo Domino Lucae Cap. xv. Ii. Simite, parvulos venire ad me, & nolite vetare eos, talium est enim Regnum Celorum. Vox haec parvulos mystice sumpta humiles quidem significat, sed ad litteram de iis, qui etate parvuli sunt, intelligenda est. Vox haec altera venire, stricte accepta, de iis tantum vera est, qui per se ipsos accedunt; at hic late sumitur, diciturque de illis, quibus nondum erat ambulandi facultas, juxta illud ejusdem Lucae: Offerebant autem & ad ipsum infantes. Cum autem infantes sine Baptismo Regno Coelesti consequi non possint, juxta illud Christi Domini Oraculum apud Joannem, Cap. III. Nisi quis renatus fuerit ex aqua, & Spiritu Sancto, non potest intrare in Regnum Dei; hinc est, quod ipsi infantes, parvulique, estimati semper fuerint recipiendo Baptismo idonei, ut patet ex constanti Ecclesiae Traditione, ejus inter alios testis est Origenes Scriptor Secundi Saeculi Ecclesiae, Lib. V. in Epistolam ad Romanos, sic inquit: Ecclesia ab Apostolis traditionem suscepit etiam parvulis Baptismum dare. Quibus verbis nihil hanc in rem asseri luculentius potest.

III. Origeni suffragatur S. Cypranus in Epistola LIX. ad Fidam, in qua probare volens, concedendum esse infantibus regenerationis gra-

G 2

tiam,

tiam, post adducta ex Actibus Apostolorum, Cap. x. illa S. Petri verba, *Domine mihi dixit, neminem hominem communi dicendum, & immandum*, ita plane arguuntur pro infantibus baptizandis: *Ceterum si homines impedire aliquid ad consecrationem gratia possent, magis adultos, & proventus, & majores natu possent impedire, peccata graviora. Porro autem, si etiam gravissimi delictibus, & in Deum multum ante peccatis, cum postea crediderint, remissa peccatorum datur, & a Baptismo, atque a gratia nemo prohibetur; quanto magis prohiberi non debet infans, qui recens natus, nihil peccavit, nisi quod secundum Adam carnaliter natus, contagium mortis antiqua prima nativitate contraxit, qui ad remissionem peccatorum accipiendam hoc ipso facilius accedit, quod illi remittitur, non propria, sed aliena peccata?* Totum fore hunc locum descripsit S. Hieronymus in fine Libri III. adversus Pelagianos, ut eorum errorem de Baptismo parvulorum refelleret; sed apud Hieronymum legitur remisso pro remissa. Legenda integra Cypriani Epistola, in qua mentionem facit Concilii, quod habuit Carthagine de infantibus baptizandis, in ejusque sententiam ix. ex Episcopis in Concilio, cui ipse praeerat, coacti, unanimi voce consenserunt, eoque consensu non rem novam, sed praecedenti ulu receptam probantur.

IV. Ex ipso Concilio & illud patet, quam longe a vero aberraverint Pelagiani, qui parvulis ad remissionem peccatorum, Baptismum nequaquam esse necessariam, ore sacrilego contendebant; quos merito propterea anathemate percussit celebrata in eunte v. Saeculo Synodus Milevitana, Can. II. *Placuit, ut quicumque parvulus recens natus ab utero matrum baptizandus negat, anathema sit.* Atque hoc Dogma, quod Milevitani Patres confirmarunt, S. Augustinus Libro x. de Genesi, Cap. xxiii. ad Apostolorum, non institutionem, sed traditionem refert: *Consecranda, inquit, Matris Ecclesia in baptizando parvulis nequaquam spernenda est, nec ullo modo superflua deputanda, nec quovis credenda, nisi Apostolica esset traditio.* Tam alta autem ubique ea consuetudo Saeculo ipso v. radice egerat, ut Pelagiani, quamvis peccatum originale negarent, eam tamen accurate servari voluerint, ipsique servaverint. Ceterum hereticorum veterum neque ac recentiorum de ipso infantum Baptismo errores novissime sub diro anathemate damnavit Tridentina Oecumenica Synodus, Sessione vii. de Baptismo, Can. xii. *Si quis dixerit, neminem esse baptizandum, nisi ea aetate, qua Christus baptizatus est, vel in ipso mortis articulo, anathema sit.* Et Can. xiii. *Si quis dixerit, parvulos, eo quod actum credendi non habent, suscepto Baptismo, inter Fideles computandos non esse, ne propterea, eum ad aetate discretionis pervenerint, esse rebaptizandos, aut praefate omitti eorum Baptisma, quam eos non actum proprio credentes baptizari in sola Fide Ecclesiae, anathema sit.*

V. Circa infantum Baptismum in eo jam olim erravit memoratus superius Fides in Africa olim copiosus, quod contenderet, intra secundum, vel tertium diem, quo nati sint, consuetos baptizari non oportere, & considerandum esse Legem Circumcisionis antiquae, ut intra octavum diem eum, qui natus est, baptizandum, & sanctifi-

candum putaret. Hoc fundamentum egregie subvertit S. Cyprianus scripta ad Fidum nomine Concilii Epistola lxx. in qua tam opinionem erroneam pluribus refellit; ejusque Epistolae modo meminit S. Hieronymus, ut supra dictum est, verum etiam S. Augustinus in Libro, *De gestis Pelagii*, Cap. xi. & Lib. iv. contra duas Epistolas Pelagianorum, Cap. viii. & in Sermone cxcxiv. novae editionis. Ceterum octavum diem ad baptizandos infantes commendare videtur S. Ambrosius, non quidem propter necessitatem, & considerationem Legis Circumcisionis antiquae, ut putavit Fides, a S. Cypriano merito correctus, sed propter mysterium. Scribens enim ad Horontianum Epistolam xl. v. novae editionis, praesenti de argumento sic loquitur: *Qui autem octavo die regenerationis sortitur mysteria, consecratur per gratiam, & ad hereditatem Regni Caeslestis vocatur.* Atque ita S. Gutlucus octavo nativitatis die baptizatus legitur apud Oedericum Vitalem Lib. iv. Historiae. Teste Alatio Lib. III. *De consensu Ecclesiae Occidentalis, & Orientalis*, Cap. viii. num. II. Graeci infantes suos octavo ab ortu die baptizant.

VI. Protrahi quoque infantum Baptismum usque ad quadragesimum diem, nisi scilicet mors imminet, a Christianis Indiarum populis, ex testimonio Josephi Indi docet Martene, Lib. I. de antiquis Ecclesiae ritibus, Cap. I. Articulo viii. num. x. ubi etiam ex aliorum testimonio eum ritum servari ait a Moscovitis, & in tota Chaldaeorum Ecclesia, in qua infantum Baptismus differtur quidem ad quadragesimum diem, si sint masculi, si vero femine, ad octogesimum. In Ecclesia etiam Latina servatum fuisse, alieubi fultem, hanc disciplinam baptizandi infantem quadragesimo die a nativitate, addicimus ex Vita S. Amandi Trajectensis Episcopi, qui, ut scribit ejus Auctor Baudemundus Elonenensis Monachus, Sigebertum Dagoberti Regis filium dies a nativitate non plus habentis, cum circiter quadragesima, baptizavit. Sed hanc, aliaque exempla dilati Baptismi infantum, nisi mors imminet, improbare non audemus, praesertim vero, ubi ex aliqua rationabili causa Ecclesiae Pastores eam dilationem permitterent. Porro notatu dignum censeo, quod de collato a S. Amando Baptismo Dagoberto in citata ejus Vita legitur, scilicet quod cum S. Amandus benedicens eum, Catechumenum faceret, & finita oratione, nemo ex circumstante multitudo respondisset, Amen; aperuit Dominus os pueri, atque, audientibus eun-tilis, clara voce respondit, Amen.

VII. Sed hoc obiter dicto, S. Gregorius Nazianzenus auctor est quidem, ut citra periculum Baptismus infantum ad tertium annum differatur. Sic enim inquit in sua Oratione in Sanctum Lavacrum: *Quid vero de infantibus, qui neque quid gratia, quid sit paena, cognoverunt, num & eos baptizemus? Maxime quidem, si periculum aliquod imminet. De aliis vero consilium do, ut triennium expellent, aut paulo minus, seu plus, ut & quid mysticum audire, & respondere possint, & si non perfecerit, attamen figuratim, intelligant.* Et. Atque ita S. Euthymius, teste Cyrillo Scythopolitano, triennis ab Otreo Melitenensi Episcopo baptizatus est. Plura alia hujus rei monumenta afferre supervacuum censeo, unumque illud hoc loco adnotandum velim, perperam nū hareticos Anabaptistas monumentis ip-

sis, ut Catholicum dogma impugnent de Baptismo infantium; neque enim S. Gregorius Nazianzenus, afficit irritum esse Baptisma infantibus datum, ex eo quod fuerit, ut ad triennium, nisi tamen urgeret necessitas, differretur. Quicquid sit de privata Nazianzeni opinione, varia argumenta, quibus probatur, recte baptizari infantes, recensuit inter alios Catechismus Tridentini Concilii Parte II. De Baptismi Sacramento, Partell. num. xxxi.

VIII. Porro nunc demum propter frequentiam, que ex mora oriri solet, pericula, statim ut orti sunt parvuli, eodem, aut altero post, die ad Ecclesiam baptizandi deferuntur, extantque plures ea de re Leges Ecclesiasticæ, quæ vetant, diutius Baptismum differri. Omnis variis Conciliis allatis a Martene Lib. 1. De antiquis Ecclesiæ ritibus, Cap. I. Article v. num. xi. Concilium Provinciale vi. Beneventanum anni MCCCCLXXIV. Tit. iv. Cap. v. sic inter alia statuit: *Puer igitur, quamvis potest, baptizetur, ad quod Sacerdotes populum inducant; & hoc propter tria. Primo propter imbecillitatem nature, quia de facili mori posset, & damnaretur. Secundo propter infestationes demonum, qui non habent tantas infestationes in pueris baptizatis, neque quantum ad nocumta spiritualia, neque quantum ad nocumta corporalia. Tercio, quia in pueritia facilis mori inducitur, & afficitur in his, quæ sunt Christianæ Religio, & fortius iudicet. Ex nostro §. nullus quidem præscriptus est dies, quo infantes recens nati, baptizari debeant, sed solum mandat, ut, quamprimum fieri poterit, baptizentur; standumque censio locorum consuetudini ab Episcopis probate, vel eorum de re Statutus. Certe Concilium Provinciale I. Mediolanense, Constitutio Parte II. in eo Capite, *Quæ pertinent ad Baptismi administrationem*, discrete jubet, ut *natum infantem ii, quorum est ea cura, ante nonum diem ad suscipiendum Baptismum in Ecclesiam deferendum curent; quod si neglexerint, excommunicationis penam subeant.* Ceterum in Decretis Gallis communiter prohibetur Baptismus ultra tres dies, ut testatur Genettus Tomo III. Theologie Moralis, Tractatu II. De Sacramento Baptismi, Cap. iv. *Questione ix.* Et in Concilio Provinciali Beneventano anni MDCXCVI. Tit. XXXI. Cap. vii. ac in aliis pluribus nostræ Italiae recentioribus statutum est, ut Baptismus ultra tertium diem non protrahatur. Quod tamen intelligendum est, si id quidem sine periculo fieri poterit.*

IX. Sapientissime autem hic idem vult §. statuit, ut opportune Parochus hortetur eos, ad quos ea cura pertinet, ut natos infantes baptizandos, quæ deest, Christiana modestia, & sine pompa vanitate deferant ad Ecclesiam. Deceat enim quammaxime, ut præsertim Baptismatis Sacramento, in quo sæculi pompis ex pervertuta Ecclesiæ ritu abrenunciari solet, debitus cultus Religionis Christianæ a mundanis vanitatibus alienæ tribuatur. Cui disciplinæ inhærens S. Carolus in suis, *De Baptismi administratione*, Instructionibus, inter alia Paracho mandat, ut *sine ullo pompa ornatu, sed simpliciter amittit infantem baptizandum deferri ad Ecclesiam præmoveat.* Sed notandum potissimum est, quod mandat in Provinciali V. Concilio Mediolanensi, Cap. *Quæ ad Baptismum pertineant*, ubi sic inquit:

Quoniam in Baptismo nemoquisque pie, ac religiose pollicetur operibus satana renuuciare, ejusque pompas deferre, id Parochus, cum assueverit, populum doceat, præsertimque Baptismi tempore præmoneat, non solum quo modo, & quam simpliciter amittit ad illam infans deferendus sit, sed quam religiosa in Deum pietate, quam humili spiritu, & quanta etiam vestitus moderatione, compadres, commatresque adesse debent. Tum etiam mox subiicit: Nee vero ultum, vel ornamentum, vel aliud quidquam, quod mundi hujus pompam præferat, adhiberi patiatur. Cujus rei hanc notabilem rationem docet: Cum minime consentaneum sit, in ipso vestitu Christiana ingressu, statim iis rebus plerique, quibus potissimum solemni sponsione renuunciantur. Teste Baruffaldo in Commentario ad hunc §. num. 8. in Civitate Ferraria baptizandus infans rbeda ad Ecclesiam deferatur, obsterice, & nonnulli semini de familia puerperæ concomitantibus, & præcipue virginibus; si vero rbeda de facili haberi non possit, infans inter alias puella virginis, deferatur velo serico, vel lino varicolori coopertus, juxta consuetudinem, vel facultatem parentum infantis; in quo casu obsterices anulatione pugnant, propria enus, & ditorii, seu pretiosiorum suppellectile utuntur in cooperiendis infantibus pauperum, tempore quo ad Ecclesiam deferuntur.

X. Cautum est denique ex nostro §. ut qui ex necessitate privatim baptizati sunt domi, ad Ecclesiam etiam deferantur, ut iis consuevit ceremoniæ, ritusque suppleantur, omissa forma, & ablutione. Atque hæc etiam pervetusta, Ecclesiæ disciplina, ob quam Clinici, qui isti diæti sunt, quod agroti in lecto decubentes baptizarentur, cum ex infirmitate convalescebant, Episcopo se se exhibere tenebantur, ut ea, quæ cogente necessitate, prætermissa fuerant, supplerentur. Hinc Cornelius Papa in Epistola ad Fabium Antiochenum apud Eusebium Lib. vii. *Historia Ecclesiastica*, Cap. xxxv. Novatum redarguit, quod in lecto, in quo decubebat aqua circumfusum Baptismum accepit, verum morbo tandem elapsus, neque cetera, quibus post Baptismum, secundum Ecclesiæ Canonem, imbui oportuerat, acquisivit, neque Domini sigillo ab Episcopo obsecratum fuit. Et antiquus Scriptor in Libro de Baptismo hæreticorum adversus S. Cyprianum, eidem antiquæ disciplinæ adhærens, sic inquit: *Si a minore Clero per necessitatem traditum fuerit, nempe Baptisma, eventum expellamus, ut aut suppleatur a nobis, aut a Domino supplicandum referemus.* Concinit autem præscripto nostri §. S. Carolus in Concilio Provinciali Mediolanensi I. Parte II. Constitutionum, Capite, *Quæ pertinent ad Baptismi administrationem*, sic inter alia inquit: *Quod si domi baptizatus postea vixerit, omnino intra nonum ab ortu diem, vel cum primum per valetudinem benevit, cum in Ecclesia sistant, ubi, si rectam Baptismi formam servatam esse constituerit, ei tantum ritus, ac ceremoniæ Baptismi adhibeantur. Idem habet Parte iv. Actorum in Instructionibus, De Baptismi administratione. Quod vero ceremoniæ ipsæ a solo Paracho, aut de ejus, Episcopice licentia, ab alio Sacerdote, sint adhibende, statuit in Concilio Provinciali V. Capite, *Quæ ad Baptismum pertinent*, his plane verbis: *Nemo, nisi Parochus, aut is, cui ille, Episcoposus, nominatim concesserit, in Baptismo ministrando statat solem.**

nes ceremonias adhibeat, etiam si ob necessitatem ministrat, Similia his placet statuerunt & alia Sy-

nodi permultæ, tum Provinciales, tum particulares post S. Carolum celebratæ.

§. XVII.

Nemo in utero matris clausus baptizari debet. Sed si infans caput emiserit, & periculum mortis imminet, baptizetur in capite, nec postea, si vivus evaserit, erit iterum baptizandus. At si aliud membrum emiserit, quod vitalem indicet motum, in illo, si periculum impendeat, baptizetur; & tunc si natus vixerit, erit sub conditione baptizandus eo modo, quo supra dictum est: *Si non es baptizatus, ego te baptizo in Nomine Patris &c.* Si vero ita baptizatus deinde mortuus prodierit ex utero, debet in loco sacro sepeliri.

COMMENTARIUS.

I. **N**on posse infantem in utero matris baptizari, certa sententia est, nec ei quidquam prodesse, quod nonnulli hæretici olim sunt arbitrati, si ejus loco, matris corpus abluerit, quemadmodum Libro vi. contra Julianum diserte tradit S. Augustinus relatus in Canone ex iv. de Consecratione, Distinctione iv. & prosequitur S. Thomas, Parte III. Questione lxxviii. Article x. & omissimè vero, ut alios Scriptores omittam, Sanctissimus Dominus noster BENEDICTUS XIV. De Synodo Diocesana, Lib. vii. Cap. v. obi late, doctèque disputat de Baptismo collato infanti in matris utero latitanti, necnon infanti, qui aliquam sui partem ex utero matris emisit.

II. Mirum vero & illud est, quantum scilicet in ea Questione variant Doctores, ac referat matrem uteri ostio, quod puerperit initio contingit, valide baptizetur infans, ejus corpusculum, etsi nolla sui parte in lucem prodierit, aqua nihilominus per siphonoculum tingi potest. Valide eum baptizari, jam multi Theologi affirmant, negantibus ex adverso aliis, quorum longum prolixi agmen, tam pro affirmativa, quam pro negativa opinione, adducit laudatus Pontifex BENEDICTUS XIV. citato loco, num. II. Opinioni affirmativæ, ejusque argumentis, nimium consiliis Gabriel Gualdus in peculiari Opusculo de hac re conscripto, ac Patavii impresso anno MDCCX. & deo anno MDCCXII. Cap. xii. num. 216. Episcopos hortatur, ut parvulos intra matris uterum adhuc oclusos, cum in vitæ discrimine versantur, & obstetricis manibus tractari queunt, omnino baptizari precipiant. Verum quoniam ipsemet fatetur, ultimum hujus controversiæ judicium a Sede Apostolica esse proferendum, rectè ait idem BENEDICTUS Pontifex citato loco, num. vi. tutius esse, ut Episcopus istud Apostolicæ Sedis judicium expectet, nec interim quidquam suis Constitutionibus inserat, quo implexæ istius Questionis decisionem sibi arrogasse videatur. Ad Parochos vero pertinere inquit, obstetricis instruere, ut, cum casu evenierit, in quo infans, nullo adhuc sui parte editus, mox decessurum prudenter timeant, illum baptizent sub conditione, sub qua pariter erit iterum baptizandus, si periculum evadat, & foris prodierit, quemadmodum post alios sæculum monet Tarnely in suis Prælectionibus, De Sacramento Baptismi, Questione III. Article III.

III. Hæc de infante intra matris uterum, totaliter abditio. Quid autem de illo dicendum, qui aliquam sui partem ex utero emisit, diserte

explicat hic noster §. statuitque primum, ut huic infanti, instante mortis periculo, si caput emergerit, Baptismum conferendum in capite, nec illum iterum repetendum sub conditione, si postea vivus prodierit: *Sed si infans caput emiserit, inquit, baptizetur in capite, nec postea, si vivus evaserit, erit iterum baptizandus.* Consentiant his plane tam Synodi, tum Rituales Codices, ac omnes Theologi. Certe Concilium Trevirensis anni MCCCX. Cap. cxiv. apud Martenum in Thesaurò Anecdotorum Tomo iv. col. 268. sic habet: *Si, muliere in partu laborante, infans in ventre matris tantum caput emiserit, & natus fuerit, mox aliqua de obstetricibus aquam super caput infantis infundat, dicens: Ego baptizo te &c. & erit baptizatus,* Concilium Beneventanum Provinciale vi. anni MCCCCLXXIV. Tit. iv. Cap. v. idem iisdem fere verbis decrevit: *Muliere in partu laborante, si infans extra ventrem matris caput emiserit tantum, & in tanto periculo infans positus commode haberi nequiverit, tunc infundat aliqui, vel aliqua, de circumstantibus aquam super caput infantis, dicens: Creatura Dei, ego te baptizo in Nomine Patris, & Filii, & Spiritus Sancti, Amen: & erit baptizatus.* Idipsum totidem verbis docent antiqua Statuta Ecclesiæ Ruvenensis Cap. vi. apud laudatum Martene Tomo iv. Anecdotorum, col. 686.

IV. Addi & his possunt Rituale Sacramentorum a Cardinale Julio Sanctorio jussu Gregorii XIII. Romæ evulgatum anno MDLXXXIV. & quod monuit S. Carolus in suis, De baptismi administratione, Instructionibus, sic ad rem dicens: *Si in capite, quod primum ex utero prodierit, baptizatus est, forma rectè servata, quando supervixerit, ad Ecclesiæ deferatur, cui tantum reliqua ceremonie adhibeantur, quæ ad solemnitatem Baptismi attinent.* Eandem doctrinam, ut alios omittam, diserte tradit Theologorum Princeps S. Thomas Parte III. Article lxxviii. Article x. ubi hæc habet: *Ad quartum dicendum, quod expectanda est totalis egressio pueri ex utero ad Baptismum, nisi meri imminet; si tamen primo caput egrediatur, in quo faudentur omnes sensus, debet baptizari, periculum imminente, & non est postea rebaptizandus, si cum perfectè natus contigerit.* Tum vero mox subjicit: *Et videtur idem faciendum, quatenusque alia pars egrediatur. Quia tamen in nulla exteriorum partium integritas vitæ ita consistit, sicut in capite, videtur quibusdam, quod propter dubium, quatenusque alia parte corporis abluta, puer post perfectam natiuitatem sit baptizatus.*

mandus sub hac forma : Si non es baptizatus, ego te baptizo &c.

V. Ex recitata S. Thomæ doctrina jam & illud habemus, quod secundo loco statuit noster §. *At si aliud membrum emiserit, quod vitalem indicet motum, in illo, si periculum impendat, baptizetur, & tunc si notus fuerit, erit sub eundem conditione baptizandus &c.* Hic Statutum in hæc etiam S. Carolus loco citato, sic loquens : *Si factus ex utero matris, quæ in partu periculose laborat, vel manu, vel pede, vel aliqua parte extant, ob necessitatem in ea ipsa parte non obstrictæ baptizatus est, cum superstes erit, sub eadem conditione baptizetur, adhibitis ceteris Baptismi caeremoniis.* Jam longe ante S. Carolum Guillelmus Episcopus Biterrensis in suis Statutis Synodaliibus, num. x. apud Martene Tomo v. Anecdotorum col. 644. valide dixit Baptismum, non modo, cum caput, verum cum quocunque alla corporis pars ex utero emerit, aqua lustratur : *Præcipimus, inquit, muneris populum, quod si in ipsa parte mulieris imminet gronde periculum, ipsam mulierem laborante in editione, portus, & caput, manus, vel alia pars infantis appareat, quod in illa baptizetur, & censetur baptizatus.* At vero citata antiqua Statuta Ecclesiæ Rutinensis in Aqnitania, ratum dumtaxat habent Baptismum in capite, non vero in alio quovis membro collatum : *Si vero non caput, sed aliud membrum, & super illud membrum, aquam effundendo, prædicto modo fuerit baptizatus, & postea vivens natus fuerit, non iudicandum, talem esse baptizatum.* Concilium Trevirense superius laudatum asseri a quibusdam ait, baptizari quidem valide infantem, si maior corporis pars, præter caput, appareat; *seus, si minor, solus pes, vel sola manus appareat; quod si fiat, nihil agitur; assignatque hanc rationem: Cum enim partus tunc non nascatur, nec tunc etiam renasci potest.* Concilium Beneventanum etiam saepius allegatum, fatetur quidem, a quibusdam teneri, huiusmodi infantem esse baptizatum, sed diserte ait, se talem minime esse baptizatum iudicare; præcipit tamen, ad cautelam, ut baptizetur eo modo, quo dictum est de illis, de quibus est dubium, an fuerint baptizati.

VI. Quicquid sit de varietate in hanc rem opinionum, Episcoporum, Theologorumque, curare id solum Episcopi debent, quod sapientissime citato superius loco admonet BENEDICTUS XIV. nempe, ut *Parvuli, ceterique, quorum interest, illud exacte exequantur, quod in Romano Rituali præscribitur.* Id quod optime animadverit Girbertus Consultationum Canoniarum Tomo II. Consultatione XXI. De Baptismo, ubi Synodus asserit Rituali Romano conformes, ejusque vestigiis inhaerentes. Cæterum recte & illud decrevit noster §. ut si infans non in capite, sed in alio membro, quod emiserit, baptizatus sub conditione, ut dictum est, deinde mortuus prodierit ex utero, debeat in loco sacro sepeliri; quia scilicet, ut ad hunc nostrum §. notavit Baruffaldus num. a. t. in dubio favorabilior pars est amplectenda, seu dubia in benignerem partem resolvenda, ut docuit communiter Doctores. Opportune autem mox etiam subdit, quod in nostro casu licet Baptismus fuerit dubius, tanquam collatus in membro, quod non sit caput, attamen ratio fiat pro baptizato, qui non debet defraudari bono spirituali a sepultura

sibi proveniente; ad quam sacram sepulturam jus cepit habere tunc quando dignus factus fuit, ut ablueretur aqua Baptismali; alter ad nihilam valeret illa ablutio, & fuisset frustranea, imo clare declararetur, hominem nullo modo baptizatum fuisse, si post talem Baptismum moriens, non fieret dignus Ecclesiastica sepultura.

VII. Porro illud summopere attendendum, quod docet hic idem noster §. neminem scilicet baptizari debere, nisi vitalem indicet motum, non enim mortui baptizari possunt, licet olim eo Presbyteros quosdam Africæ pepulerit ignorantia, ut mortuos ipsos solatariis aquis abluerent. Quod tamen merito damnarunt Patres Concilii Carthaginensis III. anno CCCXCVII. Can. vi. *Cavendum est, inquit, ne mortui baptizari possent Fratrum infirmitas erodatur.* Sive, ut habet Codex Canonum Ecclesiæ Africæ, Cap. xviii. *Ne jam mortuos homines baptizari facias Presbyterorum ignorantia.* Hic erroris affinis fuit & ille, qui vel primis Christi Saeculis in Ecclesiâ invaluit, cum quidam, male intellecto illo Apostoli loco in Epistolâ 1. ad Corinthios, Cap. v. *Aliquam quid facient, qui baptizantur pro mortuis, si omnino mortui non resurgunt, pro amicis suis si ne Baptismo defunctis denuo tingebantur, id in primis Tertulliano testante in Libro, De resurrectione carnis, Cap. xlviii. signantibus vero Libro v. contra Marcionem, Cap. x. Quem errorem Cœlestianus tribuit S. Epiphanius Hæresi xxviii. Marcionitis Chrysolomus in Homilia xi. in 1. ad Corinthios, ubi quo ritu hunc Baptismum peragerent, his verbis describit: Cum quis apud ipsos non initiatus obit, numquam aliquem sub mortuis lectum recondunt; mortuum circumstant, colloquantur, regunt, velint baptizari. Deinde cum nihil respondeat, is qui subitus latet, pro illo respondet, baptizari velle. Eum deinceps pro mortuo baptizant, se, quemadmodum in scena fieri solet, ludentes. Ceterum recitatum Apostoli locum de iis intelligit Estius, qui in egritudine constituti baptizabantur, quibus scilicet cum brevissima vita superspere videretur, baptizari petebant, ut sibi post mortem prodesset Baptismus, quem pro seipsum mortuis potius, quam vivis, accipiebant. Atque hos in antiquis Pontificalibus Libris baptizari ad succurrendum dictos fuisse, notavit Martene Lib. 1. De antiquis Ecclesiæ ritibus, Cap. 1. Articulo xiv. num. iv.*

VIII. Obsolete vero antiquis erroribus baptizandi vivos pro mortuis, vel mortuos ipsos, postremis huius temporibus jam alius abusus invaluit, baptizandi infantes mortuos sub quibusdam falsis, ac procuratis revivificentis signis, de quibus loquitur Philippus Lingonensis Episcopus in sua Synodo, quam celebravit anno MDCLII. *Mortui, inquit, infantes, qui nascuntur, & quibus non est vita, aut anima, pro aliquot ignavos baptizantur, qui erudunt, vitam, & animam habere, quia videntur moveri ad vitam ignis, & propter calorem, qui solet fieri circa tales pueros in erroris Ecclesiæ, seu locis piis nostrarum Civitatis, & Diocesis, in quibus conservant tales deferri, sub spe, quod per intercessionem, & meritis Sanctorum, vitam, & animam recipiant. Statuimus, & ordinamus, quod de cætero nullus tales infantes presumat baptizare, nisi constet per evidentia signa, quod infans de se ipso moveatur, non autem propter calorem ignis, aut alterius accidentis. Sane si quis eandem*

dem rem narrat Guido idem Lingoneosis Episcopus, ubi in Synodo, quam habuit anno Christi MCDLV. prædecessoris Constitutionem renovans, abusus iterum damnavit, sic inquit: *Constitutiones nostri prædecessoris renovantes damnamus, & penitus reprobamus abusum illum, quo possumus, & indifferenter temporibus retroactis fuerunt infanti ex utero matris suam suffocanti, qui vulgariter dicuntur mortui nati, quorum etiam aliqui fuerunt ad Ecclesiam delati certis diebus, ac notitiis, coram Imaginibus Sanctorum apposti a principio frigidi, & tamquam baculus rigidi. Sed per ignem carbonum, & quandoque cereorum, ac lampadum accensarum, molles effecti, in quibus calor rubens ad tempus, & sanguis fluent a naribus apparuit. Quorum etiam aliqui sudare super orifice stomachi visisunt, & venas temporales, & frontis, ac circa cellam aliquantisper movere, alterum oculo-*

rum aperire, & claudere, statim a naribus calidum emittere, a quo pluma naso imposta assuffantur. Perfusi sacri Baptismatis unda, deinde in Cæmeteriis Ecclesiasticis fuerunt tumulati. Hos igitur, & similes abusus de cætero sub excommunicationis pena, & emenda arbitraria per nostram Civitatem, & Diocesim districtius fieri prohibentes. Inhibentes, ne Sacramentum aliquibus conferatur, nec etiam in Ecclesiastico Cæmeterio tumulentur aliqui, quos verisimiliter conspicerit vita naturali, aut miraculosa curasse. Plura scito digna adversus hunc abusum videri possunt apud BENEDICTUM Papam XIV. Lib. VII. De Synodo Diocesana, Cap. VI. cum. XI. & seqq. Ex quibus omnibus constat, quod & ex nostro §. addicimus, illam dumtaxat valide, liciteque in casu necessitatis absque præscriptis ceremoniis baptizari, qui vitalem indicet motum, ac naturalem,

§. XVIII.

Si mater prægnans mortua fuerit, foetus quamprimum caute extrahatur, ac si vivus fuerit, baptizetur; si fuerit mortuus, & baptizari non potuerit, in loco sacro sepeliri non debet.

COMMENTARIUS.

QUOD in hoc §. statuitur de matre prægnante mortua, ut foetus quamprimum caute extrahatur, ac si vivus fuerit, baptizetur, jam clarius, sususque explicatum habemus in variis Synodis, ac Ritualibus. Cum enim summum discrimen imminet proli sine Baptismo obeundi, si mulier gravida, priusquam pariat, moriatur, monuit jampridem Synodus Colonienfis anni MCLXXX. Can. IV. *ut si certum sit, quod mulier prægnans moriatur, teneatur ut ejus apertum, & cum magna cautela uterius ejus aperitur, & si infans vivens fuerit, edueatur, & baptizetur.* Hoc ipsum longe clarius præscriptum legitur in Concilio Provinciali VI. Beneventano anni MCCCXXIV. Tit. IV. Capite V. his verbis: *Quia frequenter contingit, mulierem in puerperio decedere, & partus in maternis visceribus adhuc creditur esse vivus, tunc ex quo pro certo mulierem in puerperio decedere conspiceris, si partum credant vivere obstetrices, apposto statim & subito post mortem baculo in ore mœlari, ut sic infans cito spiramentum recipiat, aperitur mulier mortua per aliquam partem sine mora, ut partus, si vivus fuerit, baptizetur.* Ut vero quilibet se se ad hanc incisionem peragendam promptiorem exhibeat, edicit mox, *ut quicumque aperiendo mulierem, partum procreavit baptizari, in remissionem sibi proficiat peccatorum; & hoc per Ecclesias annis singulis publicetur.* Tum vero paulo post opportunè, recteque admonet, *ut caveant quicumque, quod aliter, nisi mortua muliere, non fiat inciso, seu aperitio, quantumcumque sit periculum perveniendi infantem, quia potius est infantem perire, quam homicidium in matre committere; non enim sunt facienda mala, ut evitent bona.* His plane concinit Synodus Lingonenfis anni MCDIV. quæ non modo eam incisionem probat, verum etiam illi, qui ad tam pium opus incidendi mox mortuæ matris uterum, in quo infans moveri sentitur, & ipsum extraheodi, &

baptizandi consilium, & juvamen præstiterint, XI. dies de injunctis poenitentis relaxat.

II. Consentit plane & nostro §. S. Carolus Parte IV. Actorum, in Instructionibus, *De Baptismi administratione*, ubi agit de iis, quæ Parochus curet, cum timetur de partu, sic inter alia statuens: *Si quando autem mulier in partu obierit, hoc fieri admonet, ut uterius aperiat, indeque foetus educens, si vivus, quamprimum baptizetur; id vero magna cautione fiat, ut & si vivus ex utero extrahatur, & tunc in primis, cum mater vere mortua est, ne pro salute filii mater occidatur.* Hoc idem præscribit, ut alia omittam, Rituale Cardinalis Sanctiæ Lib. I. pag. 18. & Rituale a Cardinale de Rohan promulgatum, ubi agit de Baptismo, num. 5. docuitque jam pridem S. Thomas Parte I. Quæstione LXVIII. Articulo XI. ad III. ubi ita scribit: *Si tamen mater mortua fuerit, vivente prole in utero, debet aperiri, ut puer baptizetur.* Porro qua cautione extrahendus sit foetus a matre prægnante mortua, ex superius dictis addiscere licet. Facienda est profecto incisio, seu aperitio cum consilio Physici peritissimi, qui, ut recte notat in Commentario ad hunc §. Barrufaldus, num. 22. aliquod temporis spatium præstolabitur, aliæque experimenta tentabit, quibus certior fiat de morte prægnantis; facile enim contingere potest, ut illa adhuc vivens interficiatur, sicut olim contigit Andreæ Vessilio Anatomico peritissimo, narrat M. de Thou, & Antonius Theissler apud eundem laudatum Barrufaldum num. 23.

III. Jam non desuere, qui hujusmodi incisionem, sectionemve, quam cæsaream appellant, respuerent, eamque veluti favam, & inutilem condemnarent, quia scilicet non pauci Auctores, Gaspar Bahuinus, Rodericus de Castro, Merius, alique de rebus anatomicis scribentes, fieri non posse asserant, ut foetus post matris mortem, vel uno temporis momento vitam producat,

cat, cum is nua cum matre interire necessario debeat. At vero quicquid isti tenuerint, scripserintque, solide, egregieque confutati sunt a Sanctissimo Domino nostro BENEDICTO XIV. *De Synodo Diocesana*, Lib. XI. Cap. v. tit. num. XII. & XIII. ubi non modo probat huiusmodi incisionem, verum etiam injungit, inculcatque, ut quoties mulier gravida decederet, quæ fœtum in utero vivum habere crederetur, is cum primum posset, per sectionem cesaream ab illius corpore extraheretur. Porro probat hanc sententiam laudatus Pontifex non modo auctoritate S. Thomæ, ac Ritualium, quæ supra recensuimus, verum etiam Juris Civilis, quum in Lege, *Vetus*, ff. *De mortuo inferendo*, ita scriptum sit: *Vetus*, seu juxta aliam lectionem, *negat Lex Regia, mulierem, quæ prægnans mortua sit, humari, antequam portus ei excidatur. Is qui contrafecerit, spem animantis cum gravida peremisse videtur.*

IV. Et sane, uti etiam doctissimus Pontifex notat, ubi, re vera mortua sit mater, & vivus pateretur fœtus in illius utero inclusus, nullus gravis Auctor inveniri poterit, qui sectionem cesaream utpote crule lelem, aut inutilem damnet; præsertim quum plura exempla suppetant vivorum fœtum ex matrum defunctorum corporibus ea ratione extrahorum, quorum aliqui tandem vitalem spiritum duxerunt, donec Baptismi lavaacro ad meliorem vitam regenerari potuerint, alii vero longius vixisse, & ad virilem ætatem, ac etiam ad senectutem pervenisse dignoscuntur. Notum, ac celebre quidem est hanc in rem exemplum S. Raymundi, cognomento Nonnati, isti dicti, quia præter communem naturam legem, c. *mortua matris dissecit latere in lucem, educit fuit*; uti legitur in Breviario Romano ad diem XXXI. Augusti. Plura autem videri possunt apud Theophilum Raynaudum, Tomo XIV. Operum, in Tractatu, cui Titulus, *De ortu infantiæ per sectionem cesaream*, Cap. II. Heisterum Tomo III. *Institutionum Chirurgicarum*, Parte II. Sectione v. Cap. III. editionis Neapolitanæ

anno MDCCCLXIX. & apud Auctorem Lexici universalis rei medicæ, quod Anglicæ primùm lingua conscriptum in Gallicam translatum habetur, Tomo II. verbo, *Cæsaria sectio*. Ad comprobandum vero magis, magisque, utilitatem, & necessitatem sectionis cesariæ, quum præsertim defunctæ matre, conjicere licet, illius prolem in utero extinctam non esse, peculiarem Librum edidit Franciscus Emmanuel Cangiamila impressum Panormi anno MDCCXLV. in quo solidis argumentis, & multa eruditione susceptam causam agere non prætermittit. Ceterum opportune memoratus Pontifex BENEDICTUS Epistolam citat Gregorii Papæ IX. quæ impressa legitur apud Raynaldum ad annum MDCCXLVIII. num. 29. & seq. & apud Balzium Tomo III. Historiæ Universitatis Parisiensis ad dictum annum, in quo magno zelo, & doctrina iuvehitur in eos, qui Philolophici subtilitatibus, & incertæ semper naturalium rerum scientiæ innixi, positos a Patribus terminos transire, probatæque sacris Pastoribus, atque Theologis agendi regulas immutare præsumunt.

V. Restat nunc, ut de alia nostri §. parte dicamus, quæ edicuntur, ut si fœtus e corpore matris extractus, fuerit mortuus, & baptizari non poterit, in loco sacro sepeliri non debeat. Idem plane statuit S. Carolus, Parte IV. Aëtorum in Instructionibus, *Ad sanera agenda*, Capite, *Quibus non licet concedere Ecclesiasticam sepulturam*, ubi expresse ait, negandam etiam sepulturam Ecclesiasticam injunctam mortuis absque Baptismo, si de ventre matris mortui sunt extracti, secus si non sunt extracti. Quod quidem alterum statutum jurepridem fuit in variis Conciliis, ac præsertim in Provinciali Beneventano v. anni MDCCCLXXIV. Tit. IV. Cap. v. §. *Et ut quilibet*, his verbis: *Sin autem partum cum matre simul mori contigerit sine aperture, corporis scilicet defunctæ matris, mulier in Cimiterio Ecclesiæ transleat. Atque id est, quod etiam in variis Ritualibus recentioribus præscriptum legitur.*

§. XIX.

Infantes expositi, & inventi, si, re diligenter investigata, de eorum Baptismo non constat, sub conditione baptizentur.

COMMENTARIUS.

I. **E**stat in Codice Theodosiani Libro v. Titulus VII. qui inscriptus est, *De expositis*. Expositi autem, ut ex ejusdem Tituli ægibus discimus, sunt pueri, puellæve, siue servi, siue liberi, projecti de domo, quos pater, vel dominus, recens natos domo abiecit, quique adeo quodammodo ad mortem expositi dicuntur. Legi in eas Leges possunt eruditissimi Jacobo Gothofredo Notæ, ac Commentarii, in quibus etiam eam in rem varia Patrum, & Conciliorum loca citantur, atque explicantur. Quod autem noscum hunc §. spectat, in quo edicuntur, ut *infantes expositi, & inventi, si, re diligenter investigata, de eorum Baptismo non constat, sub conditione baptizentur*, concinit quidem variorum Conciliorum, atque Episcoporum Statutus, ac Ritualibus. Concilium Beneventanum Provinciale VI. anni MCCCCLXXIV. Tit. IV. Cap. v. §. *Cum*
Tomo I.

vero, sic habet: *Si dubitatur, an puer sit baptizatus, quia forte baptizatus non recordatur ad plenum de verbis in Baptismo prolatis, vel circumstantes discordant, vel forte infans expositus inventus juxta Ecclesiam, vel alibi, vel ad Hospitale, nec habetur certitudo, vel aliquid signum, utrum sit baptizatus, vel non, in his casibus faciat Sacerdos Catechismum, & baptizet ipsum sub his verbis: Si baptizatus es, non te baptizo; sed si baptizatus non es, ego te baptizo in Nomine Patris, & Filii, & Spiritus Sancti, Amen. Et in tali dubio statat testimonio nuntius.*

II. Eadem plane est sententia S. Caroli in Concilio Mediolanensi Provinciali III. expressa, Capite inscripto, *De Baptismo infantum expositorum*, ubi fit inquit: *Infans expositus, licet appensum collo scriptum habeat, quo ille baptizatus significatur, si tamen, re diligenter perquisita,*

sita, quemadmodum Catechismo Romano expressum est, adhuc dubium sit, eum baptizatum esse, ea conditionis formula baptizetur &c. Idipsum confirmat in Diocesana sua Mediolanensi 111. Decreto x1. Atque his consentiunt aliae multae posteriores Synodi, inter quae Provincialis Tolosana anni MDXC. Parte II. Cap. II. ita decernit: *Cum propositis, expostisque puerulis, licet affixa reperitur febrilula, qua eos baptizatos esse testetur, in id tamen, an verum, scilicetque sit, Pa- rochi diligenter inquirent; si certi nihil comperiant in scriptis chartata nomine, eos sub conditione baptizabunt. Quae quidem omnia magis magisque roborantur auctoritate BENEDICTI Papae XIV. De Synodo Diocesana, Lib. vi1. Cap. vi. num. v. ubi etiam recenset decisionem Sacrae Congregationis Concilii, quae interrogata, an iterum baptizandi essent infantes, vulgo expostis, ad Hospitale Sancti Spiritus in Saxia de Urbe delati, etiamsi indubitum desumatur indicium Baptismatis rite eisdem collati. Quod idem Pontifex BENEDICTUS animadvertit in sua Institutione viii. & videre est in Thesauri Resolutionum Sacrae Congregationis Concilii, Tomo II, pag. 412. & Tomo III. pag. 2.*

III. Quamquam vero ritus in nostro §. expressus, ut scilicet infantes expostis, & inventi, si, re diligenter investigata, de eorum Baptismo non constet, sub conditione baptizentur, antiquus sit, eique omnino hodie standum, fateri tamen cogimur, eosdem infantes antiquioribus Saeculis, ubi de eorum baptismate non constitisset, absolute quidem, & absque conditione baptizatos fuisse. Probari id posset multis testimoniis Patrum, sed satis est duo proferre, unum, ex Gregorio Papa II. alterum ex Concilio Carthaginensi: *Parvulos, qui a parentibus subtrahiti sunt, & an baptizati sint, ignoratur, hos, ut baptizare debeas secundum Patrum traditionem, si non fuerit, qui testificetur, ratio poscit.* Ita Gregorius II. in Epistola x11. ad interrogata Bonifacii respondens, relatus in Canonibus *Parvulos, citx. De consecratione, Distinctione IV. Concilium autem Carthaginense v. anni cccxcviii. Can. vi. qui etiam citato loco legitur, Can. cxi. sic inquit: Placuit de infantibus, quoties non inveniantur certissimi testes, qui eos baptizatos esse, sine dubitatione testentur, neque ipsi sui per aetatem idonei de traditis sibi Sacramentis respondere, absque ulla serupulo eos esse baptizandos. Sed invaluit ritus, cui standum est, ut cum, re diligenter investigata, de alicujus Baptismo non constet, is sub conditione baptizetur. De qua re vide quae diximus supra in nostro ad §. x. Commentario.*

§. XX.

In monstris vero baptizandis, si casus eveniat, magna cautio adhibenda est, de quo si opus fuerit, Ordinarius loci, vel alii periti consulantur, nisi mortis periculum immincat.

§. XXI.

Monstrum, quod humanam speciem non praefereat, baptizari non debet, de quo si dubium fuerit, baptizetur sub hac conditione: *Si tu es homo, ego te baptizo &c.*

COMMENTARIUS.

I. Uos Paragraphos ad Baptisma monstrorum spectantes unico hoc Commentario explicare aggredimur, in quo concinnando ea potissimum pro more exponemus, quae Concilia, ac Episcopi in peculiaribus Constitutionibus praescribere, & quae Theologi insignes docuere. Ergo ex praescripto §. xx. in monstris baptizandis, a mulieribus scilicet puerperis editis, non a bestis, licet aliquid habeant humani, ut notat Barrufaldus ad hunc §. si casus eveniat, magna cautio adhibenda est, de quo si opus fuerit, Ordinarius loci, si adsit, vel alii periti consulendi sunt. Horum enim cura erit, ejusmodi oaturae monstrum sit, dignoscere, & super hoc prouocare, an illi Baptismus conferri possit, cum nimirum id tempus ferat, & nisi mortis periculum imminet, tunc enim Baptismus sub conditione, *si homo es*, laudabiliter illi administrari potest, ut idem Barrufaldus docet, num. 31. Atque hoc locum habet in monstris, quod speciem humanam praefert; nam alias, ut habet noster §. xxi. monstrum, quod humanam speciem non praefereat, baptizari non debet, de quo tamen si dubium fuerit, baptizandum ait sub hac con-

ditione: *Si tu es homo, ego te baptizo &c.* Sed & de hujusmodi monstris expressa statuit S. Carolus in Instructionibus, *De Baptismi administratione*, ut non baptizetur, nisi prius consulto Antistite: *Monstrum*, inquit, *eos esse hominis speciem, non praefert, non baptizetur, nisi prius Archiepiscopo consulatur.*

II. Porro humana species praecipue apparere debet in capite, in aliqua saltem parte, ut baptizari monstrum possit. Atque hinc profecto, quod partem humani capitis praeferebat, baptizatum ait laudatus Barrufaldus, num. 33. fuisse suo aeo puellam nobili matrona Ferrarienti ornam, quae medium os habebat vitulinum, bovinam speciem in oculo, in nare, in pilis, in cornu, in lingua, & voce bovis simili. Puellam subdit in Monasterio fuisse inclusam, ibique tandem diem obisse extremum. Ceterum non desunt, qui afferant, monstrum quantumvis deformem, etiam si ex capite, & reliqua corporis parte appareat brutum, baptizare posse saltem sub forma conditionali, *Si tu es homo, ego te baptizo &c.* quia scilicet monstrum ex semine humano generatur, & originale peccatum, quod Bap-

ptismo delendum est, ex semine humano traditur. Ita plane inter alios ratiocinatur Possivius, in Tractatu, *De officio Curati*, Cap. vi. ubi varias de Baptismo Questiones resolvit. Sed puto equidem, in hoc casu, aliisque id genus con-

suetudinem omnino esse Episcopum, sive potius Apostolicam Sedem, ad quam spectat de huiusmodi gravissimis casibus validitatem potissimum Sacramentorum spectantibus iudicare, atque definire.

§. XXII.

Illud vero, de quo dubium est, una ne, an plures sint personæ, non baptizetur, donec id discernatur; discerni autem potest, si habeat unum, vel plura capita, unum, vel plura pectora; tunc enim totidem erunt corda, & animæ, hominesque distincti, & eo casu singuli scorum sunt baptizandi, unicuique dicendo, *Ego te baptizo &c.* Si vero periculum mortis immincat, tempusque non suppetat, ut singuli separatim baptizentur, poterit Minister, singulorum capitibus aquam infundens, omnes simul baptizare, dicendo: *Ego vos baptizo in Nomine Patris, & Filii, & Spiritus Sancti.* Quam tamen formam in iis solum, & in aliis similibus mortis periculis, ad plures simul baptizandos, & ubi tempus non patitur, ut singuli separatim baptizentur, alias nunquam, licet adhibere.

§. XXIII.

Quando vero non est certum, in monstro esse duas personas, ut quia duo capita, & duo pectora non habet distincta, tunc debet primum unus absolute baptizari, & postea, alter sub conditione, hoc modo: *Si non es baptizatus, ego te baptizo in Nomine Patris, & Filii, & Spiritus Sancti.*

COMMENTARIUS.

QUOD spectat §. nostrum XXII. & XXIII. explicatum utrumque habemus in Concilio Beneventano Provinciali vi. anni MCCCXXXIV. Tit. IV. Capite v. in fine, ubi sic habet: *Et quia quandoque ordinat Divina Majestas, quod nascitur, hoc est, puer cum duobus capitibus, vel alias, dicimus, quod si certum sit, duas esse animas rationabiles, ut puta cum sunt duo capita, & duo colla, & duo pectora, quia per consequens erant duo corda, in tali casu baptizandi sunt utriusque; & quoniam presumitur, quod plures possint simul baptizari, dicendo, Ego baptizo vos &c. intus tamen eos baptizari singulatum. Tum vero statim: Si vero est dubium, verbi gratia, si non sint duo capita bene distincta, vel dua cervicis fundata in eadem nuce, tunc primo baptizandus est unus, & deinde, illo baptizato, potest alter dubie baptizari, dicendo: Si non es baptizatus, Ego te baptizo &c. Similia habent & alie Syoodi non paucæ.*

Sed præstat audire S. Carolum, qui loco superius citato rem, de qua agimus, egregie explicat, sic inquires: *Si quando præterea monstrum humanum Baptismo offeratur, videndum est, antequam baptizetur, an una persona sit, an vero dua, tum masculus ne sit, an femina. Sique, re perspecta, dubium est, an sint duo, atpote quia duo capita non habet, nec pectora bene distincta, unus intentione certa, neque vaga, simpliciter baptizetur; alter vero, seu alii sub conditione: Si non es baptizatus &c. Si vero quia duo capita, pectora duo, aut duo corpora etiam distincta in monstro apparent, homines duos esse perspicuum est, singuli simpliciter baptizentur. Quod si movetur periculum in mora erit, numero plurali baptizentur: Ego vos baptizo in Nomine Patris, & Filii, & Spiritus Sancti. Sin autem una persona est, atpote unum tantum caput habens, tanquam unus baptizetur, etiamsi alia membra plura, geminatave habeat.*

De Patrinis.

§. XXIV.

Parochus, antequam ad baptizandum accedat, ab iis, ad quos spectat, exquirat diligenter, quem, vel quos Sufceptores, seu Patrinos elegerint, qui infantem de Sacro Fonte suscipiant, ne plures, quam liceat, aut indignos, aut ineptos admittat.

COMMENTARIUS.

PRÆTER Ministros, qui Baptismum faciunt, de quibus non uno in loco dictum superius fuit, aliud etiam Ministrorum genus ad sacram, & salutarem ablationem celebrandam, ex vetustissima Ecclesiæ con-

suetudine adhiberi solet, qui vocantur Patrinus dicuntur, olim vero Sufceptores, Sponsores, seu Fidei iussores, communio vocabulo a rerum Divinarum Scriptoribus vocabantur, ut docet Catechismus Concilii Tridentini, Parte II. De Baptis-

mi Sacramenti, num. xxv. itemque, *Offerentes, Patres spirituales, Compares*, aliisque id genus nominibus, uti videre est apud Durantum, Lib. 1. *De ritibus Ecclesie Catholicae*, Cap. xix. num. 16. & apud Martene, Lib. 1. *De antiquis Ecclesie ritibus*, Cap. 1. Articulo xvi. num. x. ubi etiam recte notat, horum institutionem ad ipsa fere Ecclesiam inculpabula referendam esse, utpote cujus memorie Tertullianus in Libro, *De Baptismo*, Cap. xvi. S. Basilus in Epistola, cxxviii. & S. Augustinus multis in locis, ut alios interim plures omittam.

II. Horum instituentorum causa praesertim fuit, ut pro puero Fidem profiteantur, ac ejus nomine promittant, illum fideliter observaturum, quod promittit: *Vos ante omnia*, inquit S. Augustinus relatus in Canone civ. De consecratione, Distinctione iv. *tam mulieres, quam viros, qui filios in Baptismo suscepistis, moneo, ut vos cognoscatis Fidei jutores apud Deum extitisse pro illis, quos visi estis de sacro Fonte suscipere; ideoque semper eos admonete, ut castitatem custodiant, justitiam diligant, charitatem teneant*. Rationem ejus rei affert quidem Sacerdos Thomas Parte 111. Quaestione 1x. Articulo v. in Corpore, quom excipit memoratus Catechismus Tridentini Concilii citato loco, his verbis: *In primis vero explicare oportet, quia causa fuerit, cur ad Baptismum, praeter Sacramenti Ministros, Patrimi etiam, & Sufceptores adjuvantur, quod quidem optimo jure factum esse, omnibus videbitur, si meminerint, Baptismum esse spirituales regenerationem, per quam filii Dei nascimur; de ea enim ita loquitur Dominus Petrus: Sicut modo geniti infantes rationabiles sine dolo lac concupiscite: Ut igitur postquam aliqui in hanc lacem editi esset, Nutrice, & Pedagogo indiget, quorum ope, atque opera eductur, ac doctrina, & bonis artibus erudiat; ita etiam necessarium est, ut qui ex Baptismi Fonte vitam spirituales vivere incipiunt, aliqui fidei, & prudentiae committantur, a quo Christianae Religionis praecepta haurire, ad omnemque pietatis rationem instrui possint, atque ita paulatim in Christo adulescere, donec tandem viri perfecti, juvante Domino, evadant, cum praesertim Pastoribus, qui publicae Parochiarum curationi praeposti sint, tantam temporis non superfit, ut privatam illam curam paucos in Fide erudiendi suscipere possint. Deferibit mox idem Catechismus locum S. Dionysii ex Libro, *De Ecclesiastica Hierarchia*, Cap. vii. Parte 111. &*

S. Thomas citato loco etiam allegatum: *Hujus autem vetustissima consuetudinis praeclarum testimonium a Divo Dionysio habemus, cum inquit: Divinis oostribus Ducibus, sic enim Apostolos vocat, in mentem venit, & visum est, suscipere infantes secundum istum sanctum modum, quod naturales parentes pueri cum eisdem docto in Divinis veluti Pedagogo traderent, sub quo, sicut Divino Patre, & saluationis sanctae Susceptore reliquum vitae puer degeret.*

III. Magnum itaque, arduumque est Susceptorum, Patrinorumque munus, recteque ait Aelianus Metropolitani Cretae in Responso ad Dionysium Monachum de diversis ejus interrogationibus Lib. 111. *Juris Orientalis apud laudatum Durantum, num. 16. quod, Susceptores, si non essent, quae a magno Dionysio definita sunt, & quatenus curam, & sollicitudinem habere debent ejus, qui per spirituale lavacrum regeneratur, & ab illis suscipitur, vix quidem ad Susceptorum munus prodirent, etiam ardentias acceperit, seu invitati*. Ceterum quod minime expediat, cuiuspiam hominum generi tutelam hujus spiritualis administrationem committi, sapientissime hic noster 3. variorum Conciliorum, ac Patrum, Decretis, monitumque iohannes, ad evitandas fraudes, & scandala etiam, quae ex hujusmodi compaternitatibus oriri solent, mandat, ut Parochus, antequam ad baptizandum accedat, ab illis, ad quos spectat, exquirat diligenter, quem, vel quos Sufceptores, etiam Patrimos elegerint, qui infantem de sacro Fonte suscipiant, ne plures, quam liceat, aut indignos, vel ineptos admittat. Quinam vero indigni sint, ac inepti ad obeundum Patrinorum munus, dicitur mox in sequentibus Paragraphis. Unum est quod hoc loco omitti non debet, quod nempe S. Carolus inter alia mandat in laudatis toties suis Instructionibus, *De Baptismi administratione*, ubi sic inter alia inquit: *Praemonere autem accarat parentes paulo ante Baptismi administrationem, ut Compares tales deligant, quales eos esse oportet, qui & vitae exemplis, & Christiana disciplina, castisque moribus alios instruere debent. Itaque in hoc delectum non nobilitatis, aut divitiarum, non potentiae, non austeritatis, non potestatis, non amicitiae, non cuiusvis alterius commodi, emolumentive rationem habebunt, sed eos potius eligent, qui filiorum animae magis consulere, quam quae inopia subvenire possint. Idem placet mox in multis Ritualibus, ac Synodis legere est.*

§. XXV.

Patrimus unus tantum, sive vir, sive mulier, vel ad summum, unus, & una adhibeantur ex Decreto Concilii Tridentini; sed simul non admittantur duo viri, aut duae mulieres, neque baptizandi pater, aut mater,

COMMENTARIUS.

I. Cum frequens olim esset adulterorum Baptismus, ac toti pece nudi immergeretur, ideo viri viros, & feminae feminas de Baptismo suscipiebant, ut patet ex Canone xxii. vulgo Apostolorum sic agente: *Viri non teneant in Baptismo puellas, aut mulieres teneant masculos; sed potius mulieres teneant*

puellas, & viri teneant masculos. Idem colligitur ex antiquo Auctore Apostolicarum Constitutionum, Lib. 111. Cap. xvi. ubi ita ait: *Deinde, aut tu Episcopo, aut Presbyter tui, qui sub potestate tua est, facta super eos nominatum sacra invocatione Patris, & Filii, & Spiritus Sancti, baptizabis; ac virum quidem suscipiat Diaconus,*

canon, mulierem vero Diaconissa, ut honeste, & a quibus deest, fiat signum infractum. Ex quibus verbis & illud licet addicere, animum dumtaxat olim in Baptismo Susceptorum fuisse, & maris quidem marem, femine autem feminam. Atque huius discipline habet Concilium Metense anni DCCCLVIII. ubi Canone vi. decrevit, *ut infantem nequaquam duo, vel plures, sed unus a Fonte Baptismatis suscipiat, quia in huiusmodi secula diabolo datur locus, & tanti ministerii reverentia vilescit. Nam unus Deus, unus Baptisma, unus qui a Fonte suscipit, debet esse pater, vel mater infantis.*

II. Plura jam, sed duo præsertim ex citato Canone addicimus, ac si quidem auctum jam fuisse Sæculo IX. ac etiam in sequenti ævo Patrimorum numerum. Nato quippe Philippo Ludovici VII. Regis Francorum filio, alteroque a natalitate die a Mauritio Parisiensis Episcopo baptizato tres Patris dati sunt, Hugo scilicet Abbas S. Germani Parisiensis, qui puerum super Fontem Baptismatis in ulnis suis tenuit, Herreus Abbas S. Victoris, & Odo quondam Abbas S. Genovefæ, Constantia vero soror Regis Ludovici, uxor Raymundi Comitis S. Aegidii, & dux viduæ Parisiensis Matrinæ existerunt, ut legere est in Historia Ludovici VII. Regis apud Chesnium, Tomo IV. Sed tandem tanto Patrimorum numero aliquos limites a Conciliis præfignit oportuit, illum ad ternarium numerum reducentibus: *Ad elevandum puerum de sacro Fonte tres tantum recipiantur*, inquit Concilium Bajocense an. MCCCLXXX. Can. IV. Id quod ita capiendum, ut ad suscipiendum masculinum duo mares, & una femina; ad puellam due femine cum uno viro designentur; uti explicant Constitutiones Richardi Episcopi Sarum in Anglia, Cap. XIX. Concilium Wigorniese anni MCCXI. Can. V. & Exoniense anni MCCXXXVII. Can. II.

III. Alterum, quod ex recitato superius Canone Metensis Concilii addicimus, illud est, parentes olim proles suas præcipue parvulos solitos fuisse aliquando offerre. Id quod etiam constat ex S. Augustino in Epistola XCVIII. ad Bonifacium Episcopum sic scribente: *Illud autem nolo te fallat, ad existimem, reatus vinculum ex Adam tractum aliter non posse dissolvi, nisi parvuli ad percipiendam Christi gratiam a parentibus offerantur. Sic enim scribens dicit, ut sicut parentes fuerant auctores ad eorum penam, per fidem parentum identidem iustificentur; eum videtur multo non offerri a parentibus, sed etiam a quolibet extraneo, sicut a dominis servuli aliquando offerantur.* Evidenter hic supponitur, ordinarie parentes solitos fuisse offerre ad Baptismum filios suos, alias inepta fuisset Bonifacii hæsitatio, & non satis congrua Augustini responsio. Porro elarioribus verbis eandem hanc disciplinam expressit S. Cassarius Arelatensis Episcopus Sæculo VI. Homilia XII. inter editas a Stephano Baluzio, ubi post expressam Professionem Fidei, & renunciationem diaboli in Baptismo fieri consuevit, ita subiicit: *Quod quia infantes per se minime possunt, parentes ipsorum pro eis Fidei iussorem existunt.* Plurima veterum loca ad ostendendam magis magisque ipsam disciplinam concessit Iosephus Vicecomes, Lib. I. *De antiquis Baptismi ritibus*, Cap. XXXII. ubi etiam opportune observat, consuetudinem ipsam nunc penitus esse abrogatam.

IV. Causam novæ huius discipline ait laudatus Vicecomes se apud Patres minime reperisse, exilimatque ipse novam disciplinam invaluisse, veteremque consuetudinem abrogatam fuisse, vel ad admonerentur Fideles, *eam spirituales educationem a carnali longe distare, vel ut mysterium Fidei Christianæ peritioribus illa provincia demandaretur, eam parentes in maxima rerum Divinarum ignorantia versari sepe contingat.* At vero inquit Vanespem Parte II. Juris Ecclesiastici, Cap. IV. num. XVIII. verosimilius se credere, parentibus officium Patris in Baptismo proprii filii fuisse interdictum, postquam cognatio spiritualis, atque ex ea resultans impedimentum Matrimonii inter Patrum & baptizati matrem inductum fuit, ejus cognationis, & impedimenti apud præfatos Auctores nentio nulla occurrit. Ceterum putat Juenius in Opere, *De Sacramentis*, Dissertatione X. Questione VII. Cap. IV. Articulo III. §. IV. captum fuisse illud impedimentum ante finem sæculi VII. probatque ex Epistola Densedit Papæ ad Gordianum Hispanensem Episcopum data, in qua dicitur, *Julium Papam I. Innocentium I. ac Celestinum pariter I. eam Episcoporum plurimorum, & Sacerdotum consensu, in Ecclesia Apostolorum Principis, prohibentes talia, præscripsisse, & confirmasse, ut nullo modo se in conjugia recipere mulieres, ac viri quicumque aliqua ratione susceperint natos proprios, sed separare, ne faciente diabolo tale vitium inoleat.*

V. Legitur hæc Epistola apud Gratianum. Canone I. Causa XXX. Questione I. que licet ab eruditissimis omnibus supposititia censetur, ut ad ipsam Epistolam advertit Labbeus in Nota marginali, in sua Collectione Conciliorum, non obscure tamen indicat memorati impedimenti cognationis spiritualis aliquod saltem initium fuisse principio sæculi VII. quo memoratus Pontifex Deuiddedit elaruit. Atque hinc forte est, quod post sæculum VII. videmus in Conciliis huius impedimenti mentionem fieri, ac nominatim in Concilio Moguntino anni MCCXII. ubi Can. IV. statuitur, *ut nullus proprium filium, aut filiam de Fonte Baptismatis suscipiat, nec commatrem duceat uxorem filiolam, nec illam ejus filium, vel filiam, ad Confirmationem duxerit; ubi autem factum fuerit, separantur.* Meminit & huius spiritualis cognationis Nicolaus Papa I. in suis ad Bulgaros Responsis, Cap. II. apud Gratianum, Can. I. Causa XXX. Questione III. viderique integer Titulus potest, *De cognatione spirituali*, Lib. IV. Decretalium. Ceterum addubitari nequit, quin Sæculo VI. in usu fuerit istud impedimentum, utpote ejus meminit Justinianus Imperator in Lege XXVI. Cod. *De Nuptiis*, ubi ea persona omnimodo venire ad nuptias prohibetur, quam aliquis, *sive alumna sit, sive non, a sacro suscepit Baptismate &c.*

VI. Quicquid sit de origine huius impedimenti, de quo latius suo loco inferius dicendum erit, sequutus est quidem hic nosse & sacra Conciliorum Decreta, ubi statuit, ut a Patrimorum, Matrimorumque munere, baptizandi pater, & mater excluderetur; ob eam forte rationem, quam tradit Ektius in Libri VII. Sententiarum Distinctionem VI. §. III. in fine, tum ut eorumque homines infanticiam ad alios propagare, tum quia melius providetur pueris, dum præter parentem carnalem, qui jure naturæ tenetur ejus salutem

proq.

procurare, & datur insuper parens spiritualis, cujus id proprium munus fiat ex sponione. Atque hic illud etiam notandum, etiam si decesset patrinus, nullo modo posse patrem, matremve, co fungi munere in propriis prolis Baptismo, licet in casu necessitatis, ut alias dictum est, possint illi Baptismum administrare. Ratio autem disparitatis est, quia persona Patris non est de necessitate Sacramenti.

VII. Sequitur præterea est noster §. veterum Canonum statuta, ubi & statuit, ut Patrinus unus tantum, sive vir, sive mulier, vel ad summum, unus, & una adhibeantur ex Decreto Concilii Tridentini, cujus verba hæc sunt Sessione xxiv. De reformatione Matrimonii, Cap. II. *Volens itaque Sancta Synodus, hanc incommoda providere, & cognationis spiritualis impedimento incipiens, statuit, ut unus tantum, sive vir, sive mulier, juxta Sacrorum Canonum institutionem, vel ad summum, unus, & una baptizatus de Baptismo suscipiant.* Certe extat in Decreto Gratiani, De consecratione, Distinctione IV. Canon c. qui præcipit, ut non plures ad suscipiendum de Baptismo infantes accedant, quam unus, sive vir, sive mulier. Tridentino Concilio plane consentiunt Synodi omnes post ipsam celebratæ, ac Rituales Codices eodem Concilio posteriores, præsertim vero S. Carolus, & Catechismus Romanus, qui etiam Concilium ipsum citat, atque egregie declarat, Parte II. De Baptismi Sacramento, num. xxix. de Patrinorum numero sic inquit: *Plures quoque ne baptizatum de Baptismo suscipiant, sed ut unus tantum, sive vir, sive mulier, vel ad summum, unus, & una, Tridentino Concilio statutum est; tum quia disciplina; atque institutionis ordo a multitudine populi perituri perturbari poterat, tum quia providere oportebat, ne inter plures, ejusmodi affectiones conjungerentur, quæ impedirent, quo minus legitimum Matrimonium vinculo hominum inter homines societatis latius diffunderetur.*

VIII. Porro Concilium Beneventanum Provinciale vi. Tit. IV. Cap. v. inter alia præcepit, ut in Catechismo, & Baptismo, & Confirmatione Episcopali, unus tantum sit Patrinus, hoc est, unus in quolibet Sacramento; ob eam scilicet rationem, quia ex hoc insurgit spiritualis cognatio, quæ impedit Matrimonium contrahendum, & quando pro Baptismo, vel Confirma-

tione provenit, dirimit jam contractum. Sed notatu plane digna sunt, quæ mox idem Concilium subjicit contra quædam sui, & nostri ævi compaternitates: *Hoc etiam in nostris Constitutionibus Provincialibus, & Prædecessorum nostrorum prohibitum est, propter multa enormia, & inconscientia occulta, & publicæ hostienas propter tales compaternitates perpetrare, per quas arbitrarie in contrarium facientes sunt pœnendi.* Pergit Concilium, atque subdit, quæ & hic describenda censuimus: *Per easdem quoque Constitutiones, quia nonnulli, tam Clerici, quam laici exquisitis, & conceptis in corde fraudibus compaternitatem cum nonnullis contrabere satagunt, & cum relata occasione, inhonesta, & illicita exerceant, ut sita eorum machinatione ad fornicarias, & concubinas suas, quas in occulto detineant, seu detinere proponant, facilius, & excusabilius ipsi materia sit, & via frequentius accedendi: ut omnis fornicandi, & delinquendi materia auferatur, sub excommunicationis pena mandatur, statuitur, & ordinatur, quod nullus Clericus, sive laicus nostrarum Civitatis, Diocesis, & Provincie Beneventane hujusmodi fraudulentas, seu dilas compaternitates contrahat, seu contrabere presumat.*

IX. Sed his omisiss, explicandum nunc sit illud est, quod demum statuit noster §. ut scilicet simul non admittantur duo viri, aut dua mulieres. Illic forte rogabit quispiam, eccur duo viri simul, duæve simul mulieres ad suscipiendum infantem admitti non possint? Puto equidem cum Burnifaldo in Commentario ad hunc §. num. 9. rationem hujus Statuti desumi posse ex S. Thoma, Parte III. Questione LX. Articulo v. in Corpore, ubi ita docet: *Spiritualis regeneratio, quæ fit per Baptismum assimilatur quodammodo generationi carnali. In generatione autem carnali partulus nuper natus, indiget Nutrice, & Pedagogo; unde & in spirituali generatione Baptismi requiritur aliquis, qui fungatur vice Nutricis, & Pedagogi, informando, & instruendo eum quasi novitum in Fide de bis, quæ pertinent ad Fidem, & vitam Christianam &c.* Cum ergo in duobus viris, duabusve feminis verificari non possit duplex ista conditio, Pedagogi, ac Nutricis, ob eam forte causam statuit noster §. ut duo simul viri, duæve simul mulieres minime admittantur.

§. XXVI.

Hos autem Patrinus saltem in ætate pubertatis, ac Sacramento Confirmationis confirmatos esse, maxime convenit.

COMMENTARIUS.

I. Antiqua est illa Ecclesie disciplina, ut in Baptismo, vel in Chrismate, non possit alium suscipere in filium ipse, qui non est baptizatus, vel confirmatus, ut loquitur Canon ci. De consecratione, Distinctione IV. Posset & hæc disciplina variis Conciliis comprobari, quibus non modo præcipitur, ut Patris sint confirmati, verum etiam ut pubertatem exceßerint, natuque iocirco majores quatuordecim annis mares, feminæ vero duodecim. Ita plane statuit Concilium Provinciale Mediola-

nense v. a S. Carolo habitum, Capite, *Quæ ad Baptismum pertinent*, ubi sic inter alia inquit: *In Baptismo etiam compater ne sit, qui sacro Chrismate confirmatus non est, eademque de compatre cautio fit.* Ait mox, munus hoc Parochi esse, studiose de hoc ante perquirere, statimque addit: *Ne præterea compater adhibeatur, neque in Sacramento Confirmationis item, qui minar natus sit quatuordecim annis, sed qui major, vel potius ætate sit proveciori.* Rationem subiungit: *Ut non ore solum, sed animo, atque se-*

ferio ad interrogata, quæ in Baptismo sunt, respondet, ac plene intelligit suscepti a se munus partes. Rationem, Eusebii Patrius debet esse confirmatus, hanc docet S. Antoninus Parte III. Tit. IV. Cap. 111. *Nascitur homo in esse spirituali per Baptismum, & vivit atque vita gratia, sed adhuc est quasi debilis in vita spirituali; sed per Confirmationem, vel Chrismationem confirmatur, quasi perveniens ad statum robustum, ut possit bellare, & fortia agere, Unde non debilis accedens baptizandus, ad hoc debet sustentari ab alio, qui tamen debet esse christomatus. Nam debilis non est idoneus ad sustentandum debilem, ne ambo simul cadant.*

II. Errat itaque Barbosa, Auctoresque ab eo allegati Parte II. De officio & potestate Parochi, Cap. XVII. num. 28. ubi ajunt, non oportere,

ut Patrimi sint majores, quia pueri enjuncuntque etatis possunt esse Susceptoris legitimi, modo habeant usum rationis. Adversari namque hæc sententia & nostro §. & illis, quæ S. Carolus, & S. Antoninus sacrorum Canonum, & discipline Ecclesiasticæ peritissimi sapientissimè docuerunt. Porro licet verbum *convenire*, obligationem minime importet, ex præsentis tamen §. puto equidem obligationem induci, præsertim cum ei verbo adverbium *maxime* adjunctum sit; peccaretque iccirco Parochus, si fieret, in Baptismo Patrimini adhiberi, qui saltem in etate pubertatis, ac Sacramento Confirmationis designati non essent. Id enim & in multis Ritualibus, ac Synodis præscriptum legitur, quod omittit nullatenus licet, nisi recte docent Theologi, ac ritualium rerum Scriptores.

§. XXVII.

Sciunt præterea Parochi, ad hoc munus non esse admittendos infideles, aut hæreticos, non publice excommunicatos, aut interdictos, non publice criminosos, aut infames; nec præterea qui sana mente non sunt, nec qui ignorant rudimenta Fidei. Hæc enim Patrimi spirituales filios suos, quos de Baptismi Fonte susceperint, ubi opus fuerit, opportune docere tenentur.

COMMENTARIUS.

I. **Q**UONIAM Patrinorum munus ex repetitis Conciliorum Decretis, & Ritualium Statutis committendum illis non sit, qui illud gerere, aut fideliter noli, aut sedulo, & accurate non queant, hinc ut recte notat Catechismus Tridentini Concilii, Parte II. De Baptismi Sacramento, num. xxviii. *præter naturales parentes, quibus non licet eam curationem suscipere, ut ex eo magis appareat, quantum hæc spiritualis educatio a carnali distet: hæretici imprimis, Judæi, infideles ab hoc munere omnino prohibendi sunt, ut qui in eo cogitatione, & cura semper versentur, ut Fidei veritatem mendacis obsecrent, atque omnem Christianam pietatem evertant. Atque hæc sunt, quæ statuta olim fuisse in variis Synodis, quas in re tam clara, & egregie a Catechismo explicata, supervacaneum est hoc loco describere.*

II. Præstat tamen S. Carolus audire, qui in Instructionibus, De Baptismi administratione, Capite, De cærenoniis, quæ peracto Baptismo, servantur, præter memoratos in hoc præsentis §. & alios in præcedenti recensitis, ac in sequenti nominandos, nonnullos alios etiam a Patrinorum munere excludit. Sic enim ibi Parochum monet: *Ne excommunicatos, interdictos, publice criminosos, infamesque, pueros natu minores quatuordecim annis, nec præterea qui sana mente non sunt, neque eos, qui in Pascha communionem non sumpserint, nec vero Monachos, Regulares, Clericosqueculares Sacris initiatos ad infantem de Baptismo suscipiendum adhiberi fuit.* Tum mox: *Nec præterea illos, quos putet ignorare Symbolum, Orationemque Dominicam, Salutationem Angelicam, rudimenta quoque Fidei Christiana; neque item eos, qui nondum Sacramentum Confirmationis susceperint.* Et rursum: *Eam quoque rationem corroborant habebit, ut ne peregrini, hospites, ignoti, & ii denique Computres adhibeantur, quorum domicilium cum*

longe absit, verisimile non est, consuetudinem inter baptismum, eosque ita futuram, ut suscepti muneri functionem in eo instruenda præstare possint.

III. Sed ut de illis, qui in nostro §. notati non sunt, nonnihil dicamus, ex quibusdam Conciliis non modo hæretici, verum etiam de hæresi suspecti, ab officio Sponsoris arcendi sunt. Quod ut citare queat, inquit Concilium Remense anni MDLXXXIII. *rogabit Sacerdos clara voce omnes, qui puerum baptizandum ad Ecclesiam comitatis sunt, vel saltem Patrinum, & Matrinum, numquid velint vivere, & mori in Ecclesia Catholica, Apostolica, & Romana, obnutesque ab officio suscipiendi repellat.* Cautum quoque & illud a quibusdam Conciliis fuit, ne ad Patrinorum munus admitteretur, de quibus certa posset esse suspicio, eos munus illud suscipere, ut securius, & liberius cum Matrinis versentur. Atque hunc veterem, recentemque abusum evellere conata est Synodus vi. Provincialis Beneventana, Tit. IV. Cap. v. ubi Hugo II. Guidardus Archiepiscopus Beneventanus ejus Concilii Præfex, Prædecessorum etiam Constitutiones confirmans, sub excommunicationis pena statuit, ne Clericus, laicusve fraudulenter, impurisque computeratitates contrahat. Concilii verba attulimus supra in Commentario ad §. xxv.

IV. Ad criminosos quod attinet, in Capitularibus Regum Francorum, Libro vi. Capite cxxxix. remouentur a Patrinorum numero etiam illi, qui & Communionem Canonica privati, & publica penitentia sunt subacti, donec per penitentiam satisfactiois reconciliationem mereantur; vel etiam illi, qui tale peccatum commissum habent, pro quo publica penitentia petendi, & ligandi sunt. Idem de publice penitentibus decernit Concilium Parisiense vt. ex quatuor Gallie Provinciis anno dcccxxxix. congregatum. Lib. I. Cap. LIV. ubi etiam statuit, ut illi, qui alios

de sacro Fonte suscipiunt, quique ad percipiendum Sancti Spiritus donum eorum Pontificibus pro aliis Patroni exstant, intelligere debent & vim tanti Sacramenti. Porco dolet idem Concilium citato Lib. 1. Cap. v. t. quod illi, qui in sua sponsione aliquos de sacrosancto Fonte suscipiunt, nec Fidei, nec Baptismatis Sacramento sunt instructi, & ideo eos, quos suscipiunt, & secundum Sanctorum Patrum documenta docere debuerant, erudire nequeant.

V. Illud vero potissimum dolet Catechismo Tridentini Concilii Parte II. De Baptismi Sacramento, numero xxvii. quod Patrinorum munus adeo negligenter in Ecclesia tractatur, ut nullum tantum hujus sanctioris nomen relictum sit, quid autem sancti in eo continentur, ut suscipiari quidem homines videntur. Tum opportune monet, ut hoc ipso universa Susceptores semper cogitent, se hac potissimum lege obstrictos esse, ut spirituales filios perpetuo commendatos habeant, atque in his, quæ ad Christianam vitam institutionem spectant, curent diligenter, ut illi tales se in omni vita præbeant, quales eos futuros esse solemniter renouia sponderunt. Probat & id quidem Catechismus primum testimonio S. Dionysii, qui in Libro, De Ecclesiastica Hierarchia, Cap. vii. Parte III. hæc Sponsio verba exprimit: *Spondeo puerum inducturum, cum ad sacram intelligentiam venerit, sedulis adhortationibus meis, ut abrenuntiet contrariis omnino, profiteatur, persequatur Divina, quæ pollicetur. Affert deinde idem Catechismus S. Augustini locum sic ad rem nostram agentis: Vos autem omnia tam vires, quam mulieres, qui filios in Baptismo suscipiatis, moneo, ut commiscatis, Fidei iustos apud Deum existisse pro illis, quos vix estis de sacro Fonte suscipere. Quæ autem filios spiritualibus tradenda sunt, paucis idem S. Doctor comprehendit, cum de hoc ipso Susceptoris officio loqueretur in Sermone cxlv. De tempore, cujus verba exscripsit laudatus Tridentini Concilii Catechismus: Debent eos admonere, ut castitatem custodiant, justitiam diligant, caritatem teneant,*

& ante omnia Symbolum, & Orationem Domini eam eos doceant; Decalogum etiam, & quæ sunt prima Christiana Religiois rudimenta. Atque hunc Augustini locum jam olim exscripsit memorata superius Synodus vt. Parisiensis Lib. 1. Cap. vii. ubi ita demum concludit: In hoc quippe facto, de quo agitur, quantum a Religione Christiana digressum sit, ignorari fas non est.

VI. Ceterum licet prædictus Augustini Secundo in nova Opereum illius editione in Appendicem tanquam spuris cejctus sit, ejusdemque tamen sit, non minus certa, & vera est ipsa admonitio, quæ longe prolixior in prædictæ Appendicis Sermone cxlii. habetur. Similia fecit legere est apud S. Cæsarium, Sermone cclxv. & cclxvii. ejusdem Appendicis. Sane recitat & eam S. Augustini sententiam in laudatis toties, De Baptismi administratione, Instructionibus, S. Carolus, in quibus eadem fere legere est, quæ ex Catechismo exscripsimus. Mandat nihilominus ille, ut Parochus speciatim gravibus verbis eos Compadres commonefaciat officii sui, quorum filios animaverit Doctrinæ Christianæ Scholas non frequentare, puerilibus ineptiis, ac vitis deditos esse, aut cebus humanis, puta, in pascendo grege ita occupatos, ut ne festis quidem diebus ad Missam accedant. In ms. autem Pontificali Ecclesiæ Antisiodorensis annorum circiter cii. ut notat Martene, Lib. 1. De antiquis Ecclesiasticis, Cap. 1. Article xvi. num. xiv. post omnes Baptismi ritus ita legitur: *Hic omnibus completis, dicit Sacerdos: Vos Patres, & vos Matres custodite hunc infantem a periculo ignis, & aquæ, usque ad septem annos, & dicatis patri, & matri ejus, ut ipsum similiter custodiant, & docete eum Orationem Domini: eam Pater noster, & Symbolum Apostolorum. Credo in Deum, & tunc signet eum, dicens: In Nomine Patris, & Filii, & Spiritus Sancti, Amen.* Similia habent vetus Missale Ecclesiæ Parisiensis annorum circiter cxi. & Rituale Cenomanense S. Magdalens Bellilocensis annorum circiter cccxi.

§. XXVIII.

Præterea ad hoc etiam non debent Monachi, vel Sanctimoniales, neque alii cuiusvis Ordinis Regulares a sæculo sequestrati.

COMMENTARIUS.

I. **Q**uia Monachi vi status sui ad magnam perfectionem comparandam adstringuntur, & a cœno, quod assecrare illis posset familiaritas cum feminis, ab hocce quammaxime debent, constituta specialiter nonnulla vel olim fuere, quibus nitore, & bonæ famæ eorum hac in parte consuleretur. Ergo inter alia statuit jam Concilium Antisiodorensis anni DLXXVIII. Can. xx. non licere Abbati filios de Baptismo suscipere, nec Monachis commatres habere; non quidem baptizandum, quod minime ingereceret familiaritatem, ut Glossa notavit in Can. Non licet, De Consecratione, Distinctione iv. qui ex recitato Antisiodorensi Canone desumptus est, sed levando a Sacro Fonte pueros eorum. Id enim ad pœnelendas familiaritates Monachorum cum mulieribus consti-

tutum esse, constat ex S. Gregorio Lib. 11. t. Epistola xi. ad Abbatem Valentinum data, ac relatam in Can. Pervenit, Causa xv. t. i. *Questione 1.* ubi ita inquit: *Pervenit ad nos, quod in Monasterio tuo passim mulieres ascendunt, & quod adhuc est gravius, Monachos tuos sibi commatres facere, & ex hoc incautam eum eis commanionem habere. Ne ergo hac occasione humani generis inimicitia sua eos, quod absit, caliditate decipiat; ideo hujus rei præcepti serie commoneamus, ut neque mulieres in Monasterio tuo deinceps qualibet occasione permittas ascendere, neque Monachos tuos commatres sibi facere. Nam si hoc denuo ad aures nostras quocumque modo pervenerit, se te severissimè noveris ultioni subdendum, ut emendationis tua qualitate ceteri sue dubio corrigantur. Eadem prohibitio, ne Mo-*

nachi haberent compadres, aut commatras, ex Libro Capitularium Regum Francorum refert Gratianus in Can. *Monachi*, De Consecratione, Distinctione iv. sed tamen cum aliquo additamento: *Monachi*, inquit, *sibi compadres, commatres non faciant, nec osculentur feminas*.

II. Extendendam esse eam prohibitionem ad quoscunque Religiosos, etiam si preste ann dicantur Monachi, docent inter alios, Sanchez Lib. vi. in Decalogum, Cap. vi. num. 42. & Valentia, Parte iii. Distinctione 111. Puncto 3. male refragante Agidius Cominch, uii recte observat eruditus Raynaudus in Dissertatione, De sobria alterius sexus frequentatione per Sacros, & Religiosos homines, Cap. viii. pag. 292. Sed non est opus interpretatione Doctorum, cum non modo Monachi, sed etiam alii Religiosi, Religiosæ, a Patrinorum, Matrinarumve munere in sequioribus ævi Conciliis passim excludantur. *Præcipuas etiam districte*, inquit jam Synodus vi. Provincialis Beneventana anni mcccxxiv. Tit. iv. Cap. v. *ut in Patrinum Regularis aliquis admittatur, ut omnis familiaritatis suspicio evitetur; inter quos scilicet Regularis Religiosi, Abbatissæ, seu Moniales, quas Monasterio exire non licet, sed possint audire observari*. Celebre est Decretum, quod hanc in rem edidit Concilium Provinciale vii. Beneventanum sub Corrado Capycio Archiepiscopo, anni mcccxx. Capite 111. *Item statuimus, præcipimus, & ordinamus, quod nullus Monachorum, & Fratrum debeat contrahere compaternitatem cum aliquibus, & si de sacro præsumperint, ipsam compaternitatem se contrahi decernimus, & declaramus de jure non subsistere, nisi eidem Monacho, vel Fratri hoc competat ex debito officii; mandantesque nihilominus omnibus, & singulis Ecclesiarum Rectoribus, & eorum locum tenentibus in virtute sanctæ obedientiæ, ac sub excommunicationis pœna, ut non debeant aliquem Monachorum, sive Fratrum admittere ad suscipiendam de Sacro Fonte aliquem puerum*. Regularis pariter excludant ab officio Patrinorum Concilia Pro-

vincialia, Remense anni anni mccccxiii. Aquense mccccxv. Matikonsense ii. anni mccccxviii. & alia multa. Ceterum, ut Parochus nec Monachos, Regulares, Clericosque sæculares Sacris initiatus ad infantem de Baptismo suscipiendum, adhiberi suat, statuit S. Carolus in suis, De Baptismi administratione, Instructionibus. Idem mandat, ut alia omittat, Concilium Provinciale Beneventanum xiiii. anni mcccvi. Tit. xxxix. num. 10. in quo etiam solo omnes recenset, qui ad suscipiendum Baptizatum admitti non debent: *Caveant Parochi, ne excommunicatos, vel eos, qui eo anno in Paschate ex præscripto Ecclesiæ peccata sua confessi non fuerint, & sacrum Eucharistiam non susceperint, aut quoscunque infames, & publice criminosos, aut Fidei rudimenta ignorantes ad suscipiendum baptizatum de sacro Baptismo admittant*. Quod etiam Clericis omnibus, & Regularibus ad vitandam familiaritatis occasionem prohibemus.

III. Ex dictis hæcque jam illud constat, peccare absque dubio Parochos, si ens ad suscipiendum de Baptismo infantes admittant, quos nostrum Ritale Romanum, & propriarum Ecclesiarum Statuta ab eo munere excludunt; itemque ipsos etiam Patros reos esse peccati, si se, nisi aliqui saltem eorum ignorantia excusentur, ad obendum munus illud intruserint. Sed oportune tamen notandum hoc loco, quod monet inter alias Synodus Provincialis vi. Beneventana anni mcccxxiv. Tit. iv. Cap. v. his verbis: *Tamen si aliquis de prædictis Patrinus fuerit, non nocet aliquis de baptizato*, Baptismi scilicet validitatem. Atque id quidem legi non modo in variis Synodis, verum etiam in multis antiquis Ritualibus expressum, præsertim vero in Rituali antiquo Ecclesiæ Lemovicensis, quod descripsit Martene, Libro 1. de antiquis Ecclesiæ ritibus, Cap. 1. Articulo xviii. Ordine xviii. ubi post recensitos qui ad Patrinorum munus admitti non debent, ita statim subdit: *Tamen si aliquis de prædictis fuerit Patrinus, non nocet Baptismo*. Id quod etiam Theologi communiter docent,

De tempore, & loco administrandi Baptismi.

§. XXIX.

Quamvis Baptismus quovis tempore, etiam Interdicti, & Cessationis a Divinis, præsertim si urgeat necessitas, conferri possit, tamen duo potissimum ex antiquissimo Ecclesiæ ritu sacri sunt dies, in quibus solemnè cæremonia hoc Sacramentum administrari maxime convenit; nempe Sabbatum Sanctum Paschæ, & Sabbatum Pentecostes, quibus diebus Baptismalis Fontis aqua rite consecratur. Quem ritum, quatenus fieri commode potest, in adultis baptizandis, nisi vitæ periculum imminet, retineri decet, aut certe non omnino prætermitti, præcipue in Metropolitani, aut Cathedralibus Ecclesiis.

COMMENTARIUS.

I. Duo vel primis Ecclesiæ Sæculis fuisse præcipua tempora conferendi solenni cæremonia Baptismum, Paschæ scilicet, & Pentecostes, jam supra fuisse explicatum in Commentario ad §. iv. Quamquam vero, ut plerique doctissimi Scriptores censent, Sæculo xiii. desierit penitus, abrogataque fuerit ea disciplina, nihilominus ex præscripto nostri hujus §. ipsum antiquum ritum, quatenus fieri

commode potest, in adultis baptizandis, nisi vitæ periculum imminet, retineri decet, aut certe non omnino prætermitti, præcipue in Metropolitani, aut Cathedralibus Ecclesiis. Certe Romæ servatum vidi non semel hunc ritum. Consecverunt eum plerumque adulti ex Hebræis ad Christianam Religionem conversi, & per aliquod tempus in Domo Catechumæorum præcipuis Fidei Catholicæ mysteriis instructi, Sabbatis Pa-

ſcha, & Pentecoſten præcedentibus, vel ab ipſis Summis Pontificibus, ac præſertim a ſanctæ memoriæ Benedicte Papæ XIII. ſolemniter baptizari. Sed jam & olim retinendi priſtini ritus deſiderio Patres Concilii Redingenſis in Anglia anno MCLXXIX. Capite IV. conſueverunt, *declaramus, vel ſtatendum, ut pauci per octo dies ante Paſcha, & per dies totidem ante Pentecoſten de matrum uteris nati, ſi abſque periculo referuari valeant uſque ad illa tempora baptizandi.*

II. Veteris diſciplinæ cultor, ac tenaciſſimus S. Carolus Baptiſmum in Feſtis Paſchatis, & Pentecoſtes conferri, quantum hoc infantum periculo fieri poſſet, ſtatuit quidem in ſuo Provinciali IV. Concilio Mediolanenſi, Conſtitutionum Parte II. ubi agit de iſis, quæ ad Sacramentum Baptiſmi pertinent, his verbis: *Siquis infantes intra alicujus Urbis Parochialis Eccleſiæ ſines, a Sabbato Sancto uſque ad Sabbatum in Albis, & a Sabbato item Vigilia Pentecoſtes uſque ad Sabbatum proximam nati, baptizandi ſunt, ad Cathedralẽ Eccleſiam, cui pro obſervantia officio, proque veteris inſtituti uſu, ſtatim illis*

beddomadis hoc tribui debet, deferantur, ſi modo cuiquam, ob mortis periculum in Parochiali Eccleſia, quæ propius abeſt, Baptiſmum ſtatim miniſtrare neceſſe non ſit. Hæc S. Carolus, qui ibidem præſcribit, quod Fontis Baptiſmalis benediſtio in Vigilia Paſchatis, & Pentecoſtes, frequenti Sacerdotum, & Cleri ad Eccleſiam Cathedralẽ conventu, & ſolemni ritu ſit peragenda. Hæc autem Fontis Baptiſmalis illis diebus benediſtio veteris moris conferendi hiſ diebus Baptiſmum veſtigium eſt; uti & leſſio Prophetarum tunc fieri ſolita indicans Catechiſmum Catechumenorum, qui immediate ante Baptiſmum per leſſionem Scripturarum inſtituebantur. Similiter orationes, quæ tempore Paſchali pro renatis Fonte Baptiſmalis ſpecialiter ſunt, ac præſertim, quod per totam octavam Paſchatis, & Pentecoſtes, in Canone Miſſæ, Sacerdos hodieque dicat, *pro his quoque, quot regenerare dignatus es ex aqua, & Spiritu Sancto, maniſeſta ſunt priſtinæ diſciplinæ reliſta veſtigia, de qua late diximus ſupra in citato noſtro ad §. IV. Commentario.*

§. XXX.

At licet urgente neceſſitate ubique baptizare nihil impediat, tamen proprius Baptiſmi adminiſtrandi locus eſt Eccleſia, in qua ſit Fons Baptiſmalis, vel certe Baptiſterium, prope Eccleſiam.

COMMENTARIUS.

I. **P**rimis Eccleſiæ Sæculis, ut ſciſtiſſime notavit Martene Lib. I. *De antiquis Eccleſiaſticis*, Cap. I. Articulo II. cum nulla Chriſtianæ Religionis proſtenda libertas eſſet, nulla Fidelibus eſſent Tempora, Oratoria nulla, nullus etiam ad tingendos Chriſti Diſcipulos designatus erat locus, ſed ubi primum occuriſſet aqua, ibi baptizabant. Id probat non modo Philippi Diaconi factum in Actibus Apoſtolorum Cap. VIII. relatum, ubi cum ſe obtuliſſet aqua, Eunuchus Regionæ Candacis baptizari dicitur; verum etiam Juſtini Martyris teſtimonium in Apologia II. ad Antoninum Imperatorem, ubi ſic loquitur: *Quicumque perſuaſi fuerint, & crediderint, vera eſſe, quæ a vobis traduntur, & dicuntur, ac vivere ſe ita poſſe reciperint, orare jejunantes, & petere a Deo primum peccatorum remiſſionem docentur, nobis cum illis non orantibus, & jejunantibus. Deinde eo adducuntur a vobis, ubi eſt aqua, atque eo regenerationis modo, quo ipſi regenerati ſumus, regenerantur.*

II. Communitur tamen id in fluminibus, aut in ſtagnis præſtabant, ut ſcribunt Walafridus Strabo in Libro, *De rebus Eccleſiaſticis*, Capite XXVI. & Honorius Auguſtiodunenſis in Lib. III. *Gemma animæ*, Cap. CVI. Et certe de Apoſtoliſ diſſertis verbis affirmat Tertullianus in Libro, *De Baptiſmo*, Cap. IV. *Nulla diſſimilis eſt, maris quæ an ſtagno, ſimilis an fonte, lacus an alveo diluatur; nec quicquam reſert inter eos, quos Joannes in Jordane, & quos Petrus in Tiberi tinxit. Atque hic obiter nota, poſtremis iſis verbis, & quos Petrus in Tiberi tinxit, egregie reſutari eorum calumniam, qui Petrum Romanum ſuiſſe negant. Sed ut noſtram rem proſequamur, Paulinus Episcopus unus ex miſſis a Gre-*

gorio Papa cum Auguſtino in Angliam Diſcipulis, aliquando in fluvio *Trenta* baptizari legitur apud Henricum Huntindoniensem, Lib. III. *Hiſtoria Anglica*, & apud Bedam Lib. II. ejuſdem Hiſtoriæ, Cap. XVI. qui etiam Cap. XIV. addit fluvijs *Gleni*, & *Sualici*; quia, ut inquit, *novum Oratoria, vel Baptiſteria in ipſo exordio naſcentis ibi Eccleſiæ poterant adificari.* Sanctus Victor Martyr Maſilienſis converſos ad Chriſtum ſui carceris milites, pro tempore diligenter inſtruitos, adſciſit Sacerdotes, ipſa nocte ad mare duxit, ibique baptizatos proprijs manibus de Fonte levavit; ut habent ejus Acta apud Ruinartium, & apud Adonem in Martyrologio ad diem XXI. Julii. Paſſus eſt Victor circa annum Chriſti CCC.

III. Verum ex omnibus fluvijs, qui ad ſacræ regenerationis opus undas ſuas præbucrant, nullus aliquando celebrior extitit Jordane, qui cum ſanctificandi virtutem ex Chriſti Baptiſmate accepiſſet, hoc quamplurimis indidit deſiderium, ut in eo baptizari vellent; teſte inter alios Sancto Hieronymo, qui in Libro, *De helijs Hebraicis*, ſic loquitur: *Beſthiaara trans Jordanem, ubi Joannes in penitentiam baptizabat, unde uſque hodie plurimi de Fratribus, hoc eſt, de numero credenſium ibi renatiſſi rapientes, vitali gurgite baptizantur.* Hoc deſiderio captus Conſtantine Imperator ad finem uſque vite baptizari diſtulit, quod baptizari in Jordane deſideraret, ut docet Theodoretus, Lib. I. *Hiſtoria Eccleſiaſtica*, Cap. XXX. his verbis: *Canque incertum eſſe viſa exitum animæ adverteret, Divini Lavaſtri gratiam ſuſcepit; quod quidem ad id uſque temporis diſtulit, cum in Jordane illud ſuſcipere deſideraret.* Id longe ante ſcripſerat Eufebius, Libro IV. *De Vita Conſtantini*, Capite

p̄te I. XI. Quamquam vero hmc hodie sit communis Eruditorum sententia auctoritate Eusebii, aliorumque veterum Scriptorum nixa, quæ doctet Constantinum in fine vitæ Nicomediam baptizatum, non desunt tamen Scriptores etiam recentiores, qui variis argumentis probant Constantinum sacro Baptismate insignitum fuisse Romæ a S. Silvestro Papa. Atque hanc opinionem acerrime tñcent doctissimus Franciscus Blanchius in Notis ad Anastasium in S. Silvestri Vita, & eruditus Matthias Pharnau Ordinis S. Pauli 1. Eremitæ in penultimi Opere, quod inscripsit, *De Romano Constantini Baptismo*.

IV. Quicquid autem sit de hac controversia, idem desiderium, ut in Jordane baptizaretur, infudit etiam S. Basilio Magno, id attestante S. Amphilochio in ejus Vita, Cap. xv. si tamen quæ sub ejus nomine edita est, S. Basilii Vita, verus, & sincerus sit Amphilochii textus. Sed ut ut & ea res sit, longe etiam postea Baptismum in Epiphania eo in flumine celebratum esse, probat laudatus Martene in Itinerario Antonii Martyris, cujus hæc sunt verba: *Juxta Jordanem sacro, ubi baptizatus est Dominus Jesus, est tumulus cancellis circumdatus, & in loco, ubi venduntur aqua de alveo Juxta, posita est Crux lignea intus in aqua, & ex utraque parte rupes strata marmore, & in Vigilia Theophanie magnus ibi fit convectus populorum, & quarta, aut quinta vice gailo cantante, sunt Vigilia. Completis Matutinis, primo diluculo surgentes procedunt ad sacra ministeria celebranda sub die, & Diaconi tenentes Sacerdotem, descendit Sacerdos in flutium, & bora, qua cepit benedictæ aquam, vox Jordanis cum magno rugitu post se revertitur, & stat aqua superior in se infundum Baptismus perficitur; inferior autem super in mare.*

V. Merumque etiam privatis in domibus baptizabantur maxime agroti, qui ipso in lecto undis salutiferis perfundebantur, Clinici propterea dicti. Hi profecto ad Presbyterii gradum promovendi acquibant, vetante id imprimis Canone xii. Concilii Neocesariensis, quod celebratum volunt cccxv. ubi ita inquit: *Si quis in agitudine fuerit baptizatus, ad honorem Presbyterii non potest promoveri, quod non ex proposito fides ejus, sed ex necessitate descendit; nisi forte propter sequens studium ejus, & fidem, atque bonum raritatem, talis possit admitti.* Adhuc multos fuisse Seculo ix. Clinicos, ob devotas a Carolo Magno multas infidelium nationes, notat Thomassinus, Parte II. *Disciplina*, Lib. 1. Cap. lxxxvi. Expostulabat tamen Concilium vi. Parisiense anni dcccxxx. Can. viii. quod per sepe Canonice Leges infringerebantur, collatis Ordinibus ei, qui tinctus esset inter periculosam ægritudinis discrimina: *Sicut in plerisque, ita & in eo auctoritas a nonnullis saepe violatur Canonica, quando scilicet hi, qui in agitudine, Baptismatis suscipiunt Sacramentum, ad gradus Ecclesiasticos contra fas provehuntur. In usus, quia auctoritati Canonice refultat, oportet, ut corrigatur, quoniam hujusmodi baptizatos, quos vulgaris sermo Grabatarios vocat, Canonica auctoritas a gradibus Ecclesiasticis potenter repellit. Sane Grabatarii a Concilio Antisiodorensi Canone xviii. sic dicebantur, quibus mors vicina est.*

VI. His omisiss, sicut quidem serventis persecutionis rabie, Catechumenos, qui in car-

ceribus detinebantur, in ipsos carceribus baptizare. Id contigisse Rogatiano, testantur Acta SS. Fructuosi, Eulogii &c. a Rulnario edita. Idem de Donatiano refertur Acta SS. Montani & Lucii: *Et Donatiani Catechumenus, qui baptizatus in carcere statim spiritum reddidit, ab aqua Baptismi ad Martyrii coronam immaculata itinere festinavit.* Porro, qui defectu aquæ, aut quovis alio præpediente impedimento, tingi non poterant, hi proprio sanguine mundaabantur; atque hoc est, quod communiter Theologi, sanguinis Baptisma appellant. Id privilegium Martyrio concessum fuisse, docent Sancti Patres, quod non in figura, & Sacramento, sed in veritate, Christi Domini Salvatoris mortem referant. Eo principio finitus S. Basilii Lib. II. *De Spiritu Sancto*, Cap. xvi. sic loquitur: *Si quidam in certamine pro pietate suscepto, per veritatem, & non per imitationem, mortem pro Christo sustinent, nihil indigent symbolis aqua ad salutem, eo quod in proprio sanguine baptizati sunt.*

VII. Reddita decum Ecclesie pæc per Constantinum Imperatorem de Christiana Religione optime meritum, experunt passim construi Sacra Edes publicæ ad unum Baptismatis ministerium designatæ, quæ Baptisteria, aliisque nominibus appellabantur, de quibus vide supra. Commentarium ad §. iv. Quod ergo ait voster §. quod nempe, licet argente necessitate, ubique baptizare nihil impediat, tamen proprius Baptismi administrandi locus, est Ecclesia, in qua sit Fons Baptismalis, vel certe Baptisterium præp. Ecclesiam, conincit quidem antiquis Synodis, præscriptum Trullane, anni dcccxi. atque Meldenis anni dcccxliv. quarum prima, Can. xxxi. ita ait: *Clerici, qui in Oratoriis, quæ sunt intra domos Sacra faciunt, vel baptizant, hoc illius loci Episcopi sententia facere debent, decernimus. Quare signis Clericus hoc non servaverit, depunatur.* Meldenis vero, Can. xlviii. ita inquit: *Ut nemus Presbyterorum baptizare præsumat, nisi in vicis, & Ecclesiis Baptismalibus, atque temporibus constitutis; nisi causa ægritudinis, vel certa necessitas, sicut Sacra Canonum docet auctoritas.* Si veterem disciplinam spectemus, multiplicato Fidelium numero, jam etiam in una eademque Civitate plura Baptisteria construi cœpere, non tamen in omnibus Ecclesiis, sed in principalioribus, aut prope eas, quas propterea Baptismales dixerint ex Canone iiv. & Canone xv. apud Gratianum Causa xvi. *Questione 1. ad distinctionem earum Ecclesiarum, etiam Parochialium, quæ Baptisterio carebant, illudque ministerium pene totum ad illos tunc devolutum, tunc quoque contigit, ut omnes passim erectæ Parochiales Ecclesie Baptisterium construxerint, in quo omnes Parochie incolæ solemnitè baptizarentur, & spiritaliter renascerentur, atque hoc titulo Ecclesiam ipsam Parochialem, tanquam Matrem, quæ in Christo eos genuit, recognoscere, & venerarentur.* Recte itaque, notat Joannes Baptista Gatticus in Libro, *De Oratoriis domesticis*, Cap. xxviii. Parochum ipsum propria potestate abuti, si in privato Ora-

torio baptizare auderet, cum etiam Parocho præscriptæ sint Leges baptizandi in publico Baptisterio, nisi gravis necessitas urgeret baptizandum infantem in privata domo. Atque huc spectat Decretum Concilii Oecumenici Viennensis celebrati in Gallia sub Clemente V. Pontifice Maximo, relatum in Clementina unica, *De Baptismo*, quod nos inferius referemus in Commentario ad sequentem §. Juxta hanc Legem S. Carolus in suis, *De Baptismi administratione*, Instructionibus, sic Parochum monet: *Neque autem in privatis aedibus, Oratoriis, aliive loco, præterquam in Ecclesia Parochiali, Baptismaliter, solemniter baptizabit.* Hinc in Concilio Provinciali 1. Mediolanensi jam pridem statuit, ut *singula Parochiales Ecclesie singulos Fontes habeant, in quibus diligenter toto anno servetur aqua Ba-*

pismalis, solemniter ritu benedicta. Ceterum in Concilio Provinciali 111. inter alia edixit, ut *Fons Baptismalis ne usquam in aliis Ecclesiis, quam in Parochialibus sit; vel Episcopi concessu in illis locis, ubi propterea quod Parochialis Ecclesia longius distat, idem populi commodo magis consulendum esse censuerit.*

IX. Quod tandem noster §. inquit, locum administrandi Baptismum esse Ecclesiam, Parochialem scilicet, in qua sit Fons Baptismalis, vel certe Baptisterium prope Ecclesiam, explicatum a nobis jam fuit supra in Commentario ad §. IV. ubi late differuimus de Baptisteriis ab Ecclesiis separatis, quæ erant etiam veluti Tempia, in quibus, & Altaria erant erecta, & Sacre Sanctorum Reliquiæ reconditæ, atque Imagines, præsertim vero illa S. Joannis Christum baptizantis.

§. XXXI.

Itaque, necessitate excepta, in privatis locis nemo baptizari debet, nisi forte sint Regum, aut magnorum Principum filii, id ipsis ita deposcentibus; dummodo id fiat in eorum Capellis, seu Oratoriis, & in aqua Baptismali de more benedicta.

COMMENTARIUS.

I. Quamquam, ut in præcedenti §. dictum est, proprius Baptismi administrandi locus sit Ecclesia, in qua sit Fons Baptismalis, vel certe Baptisterium prope Ecclesiam; nullusque in privatis locis, necessitate excepta, baptizari debeat, ut ait hic noster §. excipiuntur tamen ab hac regula Regum, aut magnorum Principum filii. Atque id quidem est, quod præscriptum jam fuerat in Generali Concilio Viennensi celebrato anno MCCXI. ejus Decretum relatum extat in Clementina unica, *De Baptismo*, ubi Clemens V. Pontifex Maximus memorati Concilii Auditor, ac Præfex, ita statuit: *Presenti prohibemus Decreto, nequis de cætero in Aulis, vel Cameris, aut aliis privatis Domibus, sed dumtaxat in Ecclesiis, in quibus ab hoc Fontis specialiter sunt deputati, aliquos, nisi Regum, vel Principum, quibus valeat in hoc casu deferri, liberi extiterint, aut talis necessitas emergerit, propter quam nequeat ad Ecclesiam, absque periculo propter hoc accessus haberi, audeat baptizare. Qui autem fecerit presumpserit, aut suam in hoc presentiam exhibuerit, taliter per Episcopum suum castigetur, quod alii attentare similis non præsumant.* Porro notat Glossa Juris Canonici in hunc locum, exceptionem, quæ fit ibi de liberis Regum, & Principum, ut in privatis domibus baptizari possint, extendi ad nepotes, & alios descendentes, qui loquuntur sub nomine liberorum; secus autem si dixisset de filiis, quia filiorum appellatione, regulariter nepotes non comprehenduntur.

II. Sed ut explicemus nos hunc nostrum §. constanter asserimus I. quod, cum ibi excipiuntur Regum, aut magnorum Principum filii, intelligi nunquam debeant magnorum Principum nomine, innumeri fere nostræ Italiae, ac præsertim utriusque Siciliæ Barones, qui licet speciosis Comitum, Marchionum, Ducum, ac Principum etiam titulis gaudeant, sunt tamen ipsi, sicut & cæteri, vel de infima plebe, Regum, ac magnorum Principum subditi, eorumque Legi-

bus, & coercionibus obnoxii. Quicquid enim nonnulli assentatores de ipsorum Baronum excellentia, ac potestate jactent, ridiculum, atque inane penitus censi debet, quum magni Principes ii solum dicendi sint, qui nullum superiorem recognoscunt, Leges condunt, aliaque facere possunt, a quibus abstinere Barones omnino tenentur. Afferimus II. ex recitata superius Clementina, licere quidem Regum, ac magnorum Principum liberos extra Ecclesiam, in eorum, scilicet Palatiis baptizare, sed, ut ait hic noster §. id ipsis ita poscentibus, ubi scilicet eam facultatem possiderent, ab Ordinario nempe loci. III. dummodo id fiat in eorum Capellis, seu Oratoriis, privatis nimirum ipsorum Principum; nam alias ambigendum non est, quin in illis Capellis, seu Ecclesiis Palatinis, utpote quæ publicis Ecclesiis equiparantur, & quandoque sunt etiam Ecclesie Parochiales, possit, nulla habita privilegii ratione, de quo & citata Clementina, & §. noster loquuntur, Baptismus administrari, ut scite notat doctissimus Josephus Carafa Clericus Regularis, primum Episcopus Triventi, nunc Mileti, in celebri Opere, *De Capella Regis &c.* Capite VII. quod inscriptum est, *De Baptismo Regum*, ubi etiam differit de solemniter administrandi Baptismum filiis Regum, ac Principum in eorum Palatiis, IV. demum debere hujusmodi Baptismum administrari in aqua Baptismali de more benedicta, statim scilicet temporibus, Paschatis, aut Pentecostes, ut alias dictum fuit; & accepta a Fonte Baptismali, ac delata in vaseculo mundo ad locum, ubi debet celebrari Baptismus; quo peracto, aqua ipsa, quæ ex capite baptizati infantis effluxit, recepta in alio vase, reportanda est ad Ecclesiam, ut in ejus Sacramentum effundatur, uti dictum etiam fuit in Commentario ad §. XI.

III. Ceteram consuevisse aliquando ipsos Principum filios, non in eorum Capellis, verum in Ecclesia præcipua Urbis baptizari, ex variis posset veteribus monumentis probari. Joannes Pa-

Paterale Archiepiscopus Panormitanus in Allegationibus, quas edidit pro sua Ecclesia Panormitana, inter alia privilegia recenset, quod ibi Siculi Reges salutariis aquis abluerentur. Cui adhuc Amatus Lib. 111. Cap. 1. ait, uoc in Capella Palatina, sed in Metropolitana Ecclesia Regios pueros fuisse ablutos; nullumque a Piro in Notitia illius Capellæ indicari Regem, qui illic Baptismum acceperit, quos tamen in Cathedrali baptizatos, colligitur ex veteribus monumentis, & ex Chronico cuiusdam Anonymi Scri-

ptoris, apud Mariene Tomo 111. Anecditorum, ubi sic inter alia legitur: *Anno a Nativitate Domini MCCCIV. Indictione 111. die Mercurii in mane diei xiv. videlicet mensis Julii apud Parem uotum de tenimento Panormi natus fuit ex dicta Domina Alianora uxore dñi Domini Regis Frederici II. eidem Regi Frederico filius nomine Domp. Petrus, qui Domp. Petrus die Sabbati xxiv. ejusdem baptizatus fuit in Fonte majoris Panormitana Ecclesiæ. Vide plura apud laudatum Casafam loco citato.*

§. XXXII.

Baptisterium sit decenti loco, & forma, materiaque solida, & quæ aquam bene contineat, decenter ornatum, & cancellis circumseptum, sera, & clave munitum, atque ita obstratum, ut pulvis, vel aliæ sordes intro non penetrent, in eoque, ubi commode fieri potest, depingatur Imago S. Joannis Christum baptizantis.

COMMENTARIUS.

I. **D**iximus, & quidem late de Baptisterio, aliisque ad ipsum spectantibus, supra Capite 1. in Commentario ad §. iv. sed ne taciti hunc præsentem §. præterire videamur, adnotandum plane censuimus, quod in eo statuitur, non modo in variis Ritualibus, verum etiam in permultis Synodis fuisse ordinatum, atque explicatum, præsertim vero in Provinciali v. Mediolanensi S. Caroli, ubi agit de iis, quæ pertineant ad Sacramentum Baptismi, & ab eodem Sanctissimo Antistite in Instructionibus Fabricæ Ecclesiasticæ, Cap. xix. quod, *De Baptisterio*, inscriptum est, ubi plura scitu digna, & quæ longum esset hoc loco describere, studiosus sacrorum rituum inveniet. His itaque omisiss, quod statuit hic ooster §. ut in Baptisterio depingatur Imago S. Joannis Christum baptizantis, non modo S. Carolus, sed & alii Episcopi in suis Synodis, ac Ritualibus ordinarunt. Sed audiamus Concilium Provinciale xii. Beneventanum Tit. xxi. Cap. unico, quo ea, quæ hoc nostro §. statuuntur, sic explicantur: *Fons Baptismalis pretioso marmore, vel alio solido, ut melius in regione haberi potest, sit. Opertum habeat pyramidalem decenti altitudine rubro panno, vel tela intrinsecus coopertum. Operimentum habeat vel ex marmore, vel tabulis, vel tela depicta; in ejus superiori parte adificetur cellula ad conservanda sacra Olea; coopertam autem corio picta, aut cerata tela. Ex vero Fontis flammae lamina operians; semper clausum maneat, nisi cum usui est. Baptisterium ligneis,*

aut lapideis cancellis sepelatur. Imago S. Joannis Christum baptizantis in pariete prope pingatur &c.

II. Jam non modo Imagine S. Joannis baptizantis Christum, verum etiam variis aliis picturis adornata fuisse Baptisteria, testatur S. Paulinus in Epistola xii. ad Severum, itemque Anastasius in Vita Leonia Papæ III. ubi ait, quod ipsam Baptisterium diversis in eirenitis decoravit picturis. Consequisse autem potissimum ea depingi, quæ ad Baptismum pertinerent, testis est Egidius Moosachus Aurem Vallis in Oberto Episcopo Lediensi, Cap. xvi. his versibus.

*Fontes fecit opere fabrilis,
Arte vix comparabili,
Duodecim qui sustinent
Boves, typum gratie continent;
Materia est de mysterio,
Quod trahitur in Baptisterio.
Hic baptizat Joannes Dominum.
Hic gentilem Petrus Cornelium.
Baptizatur Crates Philosophus,
Ad Joannem confluit populus.
Hoc quod Fontes desuper operis,
Apostolos, & Prophetas exerit.*

Afferri & alia testimonia possent veterum Scriptorum, quibus docemur, non modo Baptisteria ornata fuisse Imagine S. Joannis Christum baptizantis, verum etiam Altaria in eisdem erecta, fuisse cum ipsa Imagine, sed videri ea possunt, quæ nos in citato nostro ad §. iv. Commentario diximus.

De sacris Oleis, & aliis requisitis.

§. XXXIII.

Sacrum Chrisma, & Sanctum Oleum, quod & Catechumenorum dicitur, quorum usus est in Baptismo, eodem anno sint ab Episcopo de more benedicta Feria v. in Coena Domini.

COMMENTARIUS.

I. **I**ungi baptizandum sacris Oleis, antiquissima est Ecclesiæ disciplina, cujus testes sunt pervevisti Patres, ac Sacre Synodi, ex quibus etiam addicimus, duplicem in Ba-

ptismo adhiberi unctionem, alteram ante Baptismum in pectore, & scapulis Oleo Sancto, quod dicitur Catechumenorum, alteram post Baptismum Oleo, quod Chrisma appellatur, in vertice, ut

in-

infra suis locis dicemus. Est autem Chrisma, Oleum balsamo mixtum, ab Episcopo, assistentibus Sacerdotibus duodecim, Diaconis septem, totidemque Subdiaconis, Feria v. majoris hebdomadae solemniter consecratum. Oleum vero Sanctum, seu Catechumenorum, est Oleum ab Episcopo eadem die, ac solemnitate benedictum ad reddendam illi inunctum verum Christi athletam, luctameum hujus saeculi luctaturum, ut Sanctus Ambrosius docet.

II. Olei Sancti, & Chriftmatis institutionem ad usum Baptismi, referendam esse ad ipsum Fidei Christianae initium, & Apostolicam traditionem, constanter asserunt ritualium rerum Scriptores, probantque ex Patribus, atque Conciliis. S. Basilii in Libro, *De Spiritu Sancto*, Capite xxviii. inter alios ritus, quos ex Apostolica traditione Ecclesia accepit, benedictionem ipsam Olei ad Baptismi usum recenset: *Benedicimus, inquit, aquam Baptismalis, & Oleum nostrum*. Mentionem Chriftmatis ad Baptismi usum, facit inter alios vetustiores Patres S. Cyprianus in Epistola lxx. ad Januarium, & Episcopos Numidas, in qua etiam ait peractam fuisse ejus consecrationem ad Altare, non secus ac Eucharistiam: *Ungi quoque necesse est eum qui baptizatus sit, ut accepto Chriftmate, id est unzione, esse unctus Dei, & habere in se gratiam Chrifti possit*. Et mox juxta Manutii emendationem: *Porro antequam Eucharistia est, unde baptizanti auguratur Oleum in Altari sanctificato*. Et quidem invocato Chrifti nomine, ut discimus ex Optato Milevitano, Lib. vii. adversus Parmenianum, his verbis: *Oleum nominant illum lignorem, qui in nomine Chrifti conditur, quod Chriftma, postquam conditum est, nominatur*. Ex quibus colligitur & illud potest, quam nempe immerito Theodorus Lecttor Lib. ii. *Historia Ecclesiastica*, asserat, Petrum Fullonem instituisse, ut Sacrum Chriftma in Ecclesia coram omni populo consecraretur.

III. Refedisse fide hujus benedictionis penes solos Episcopos, tradunt Libri Ritualis, tam Latini, quam Graeci omnes, et quidem varie antiquae Synodi, tametsi illud sibi ausu temerario usurpare non semel tentaverint Presbyteri, de quibus cum conquestus fuisset Fortunatianus Episcopus in Concilio Chorthaginensi II. anni cccc. Can. 111. *ab universis Episcopis dictum est: Chriftmatis consecratio, & puellarum consecratio a Presbyteris non fiat*. Quem Canonem non multo post renovavit Concilium Carthaginense 111. anni cccxcvii. Can. xxxvi. statuens, *ut Presbyter, inconsulto Episcopo, Virgines non consecret, Chriftma vero nunquam consecrat*. Eundem abusum gliscentem in Hispania compescere conatum est Concilium Toletanum I. anni co. edito Canone xx. *Quamvis, inquit, pene ubique custoditur, ut absque Episcopo Chriftma ne-*

mo consecratur, tamen quia in aliquibus locis, vel Provinciis, Presbyteri dicuntur Chriftma consecrare, placuit, ex hac die nullum alium, nisi Episcopum Chriftma facere, & per Diocesim designare. Sed de hac re jam late scripti in Commentariis ad Romanum Pontificale, viderique praeter ceteris potest, quod eandem in rem docet Sanctissimus Dominus noster BENEDICTUS XIV. Lib. vii. *De Synodo Diocesana*, Cap. viiii.

IV. Porro licet olim sacrorum Oleorum, & Chriftmatis benedictioni nulla primum statuta, praefixaque dies fuerit, sed, prout res exigebat, ad Episcopi arbitrium ea benedictio peragebatur, invaluit tamen postea disciplina, ut sacra ipsa Olea, & sacrum Chriftma Feria v. in Cena Domini benedicerentur. Morem Ecclesiae antiquam inquit laudat superius Toletanum I. Concilium citato Can. xx. *Episcopo sane certum est omni tempore licere Chriftma consecrare*. Forto verba illa *omni tempore* restringi possunt ad ipsam Feriam v. in Cena Domini, ut ex contextu ejusdem Canonis licet addiscere; dum inter alia maudat, *ut de singulis Ecclesiis ad Episcopum ante diem Paschae Diaconi desinentur, aut Subdiaconi, ut consilium, sive consilium, ut alias legitur, Chriftma ab Episcopo designatum ad diem Paschae possit occurrere*. Illud sane pro certo haberi debet, multis sacris Ritibus, qui tribus primis saeculis, persecutorum metu, clam, & quibus poterant diebus celebrabantur, data Ecclesiae pace, sua fuisse tempora assignata, praeterim vero ubi illi aliqua mystica ratio postulabat. Certe de consecratione Chriftmatis praefixa Feria v. in Cena Domini sic scribit S. Ildorus Episcopus Hispalensis, Lib. i. *De Officiis Ecclesiasticis*, Cap. xxviii. quod, *de Cena Domini, inscriptum est: Quae die etiam Sanctum Chriftma consecratur, quia ante biduum Pascha Moria eatur, ac pedes Domini unguento perfudisse perhibetur*.

V. Praedicta die quotannis tam apud Latinos, quam Graecos ex pervetusto Ecclesiae ritu peragendam esse ab Episcopo sacrorum Oleorum, nempe lustrorum, & Cathemenorum, ac Chriftmatis benedictionem intra Missarum solemnia, expresse edicunt variae antiquae, a recentiores Synodi, itemque Pontificales, ac Ceremoniales, Ritualesque Libri omnes; ex quibus etiam illud praecipitur, quod & hic noster s. statuit, ut nempe *sacrum Chriftma, & Oleum, quod & Catechumenorum dicitur, quorum usus est in Baptismo, eodem anno fiat ab Episcopo de more benedicta Feria v. in Cena Domini*. Neque enim fas est Episcopo alia, quam praedicta die, Chriftmatis, & memoratorum Oleorum benedictionem peragere, neque Parocho alio uti Chriftmate, ac Oleo Catechumenorum, quam illis, quae eodem anno fiat ab Episcopo de more benedicta Feria v. in Cena Domini, ut ex infra dicendis magis magisque perspicuum fiet.

§. XXXIV.

Curet Parochus, ut ea suo tempore quamprimum habeat, & tunc vetera in Ecclesia comburat.

COMMENTARIUS.

I. **C**hriftma, & sacra Olea benedicenda esse ab Episcopo inter Missarum solemnia Feriae v. in Cena Domini, jam di-

ximus in Commentario ad §. praecedentem. In praesenti autem §. edicuntur, *curet Parochus, ut ea suo tempore quamprimum habeat, a suo sci-*

licet

sicet Episcopo, cui subditus est, non autem ab alieno, & ante solemnitatem Paschatis, ut passim Sacra Synodi mandant, inter quas Carthaginensis iv. anni ccccxviii. Can. xxxvi. ita mandat: *Presbyteri, qui per Diacones Ecclesias regunt, non a quibuslibet Episcopis, sed a suis, nec per juniorem Clericum, sed aut per seipsos, aut per illum, qui Sacramentum tenet, ante Pascha solemnitatem Christum petant.* Valsensis Synodus anni cdxlii. Can. iii. etiam jubet, ut *per singula territoria Presbyteri, vel Ministri, ab Episcopis, non, prout libitum fuerit, a vicariis, sed a suis propriis per annos singulos Christum petant, appropinquante solemnitate Paschali.* Sed aliis omnibus variis temporibus celebratis Conciliis, in Concilio Provinciali Beneventano v. anni mcccxxxi. Cap. xlix. excommunicationis sententiam ipso facto incurere dicuntur, qui recipiunt sacrum Christum, Oleum Sanctum, & Oleum infirmorum ab alienis Episcopis, licentia non obtenta, a suis scilicet propriis Episcopis, uti expresse habetur in Provinciali vi. Concilio iidem Beneventano anni mcccxxiv. Tit. iiii. Cap. iiii. §. *Sed ante, ubi sic inter alia inquit: Ex Constitutionibus quippe nostra Beneventana Ecclesia excommunicati sunt ipso facto omnes, qui recipiunt sanctum Christum, Oleum Sanctum, Oleum Infirmorum ab alienis Episcopis, licentia non obtenta a suis Episcopis.*

II. Quod alteram nostri §. partem attinet, quia edicunt, ut Parochus vetera sacra Olea, & Christum in Ecclesia comburat, postquam scilicet nova ab Episcopo suo benedicta in Feria v. Canon Domini obtinuit, ubi ut Canon. *Literis, De consecratione, Distinctione* 11. desumpto ex Epistola II. Fabiani Papae ad Orientales Episcopos data, quae, licet supposititia sit, sicut et aliae ejusdem Pontificis Epistolae, antiquus est nihilominus ritus in citata Epistola praescriptus, ut scilicet Christum *per singulos annos in jam dicta die sit innovandum, & vetus in sanctis Ecclesiis eremandum*; ejusque ritus mentionem faciunt passim praefata Synodi, atque antiqui Rituales, & Pontificales Libri, uti notavimus Tomo 111. nostri Romani Pontificalis, Tit. iv. in Commentario ad §. xxiiii. ubi etiam Decretum S. Caroli

descripsimus, qui in Concilio Mediolanensi Provinciali iv. Parte II. Constitutionem paulo post initium ita mandat: *Parochus ubi primum Olea sacra nova acceperit, vetera statim comburat in lampade, quae ante Sanctissimum Sacramentum collocet, bombas in Sacrario plane exusto.* Concinit quidem iis, quae statuit Romanum ipsum Pontificale citato loco sic inquit: *Vetus autem Christum, & Oleum Catechumenorum, & Infirmorum, si quod remanserit in ampullis, ponitur in lampadibus ante Sacramentum, ut comburatur; reliquum autem, quod est in pyxidibus, sive capsulis, cum bombis igni comburitur.* Porro, ut vetus Christum, & Oleum in lampadibus Ecclesiae comburantur, constat ex ms. Pontificali Ecclesiae Apamensis in Syria anno mccciv. exarato, & ex ms. Pontificali Arelatensis Ecclesiae annorum circiter D. apud Martene, *De antiqua Ecclesia disciplina in Divinis celebrandis Officiis*, Cap. xxii. pag. 320. & 325.

III. Sed non desunt tamen alii Codices antiqui Pontificales, ex quibus docemur, facta novi Christum consecratione, quod supererat ex veteri, non quidem comburi, sed eum recens benedictio miseri consecuisse. Ita plane statuit ms. Pontificale Bellouacense annorum circiter nccc. apud Martene loco citato pag. 318. *Tunc Christum novum miscetur cum veteri, siquid residuum sit, similiter & Oleum, & ita dividat Presbyteris.* Idem praescribit Pontificale Constantinopolitanum, & Sylvanectense apud laudatum Scriptorem citato Cap. xxiii. §. iv. num. 1. pag. 266. At vero Concilium Beneventanum vi. Provinciale anni mcccxxiv. Tit. iiii. Capite 111. §. *Sed ante, praescripsit quidem, ut effundatur vetus Christum intra Fontes Ecclesiae Baptismales, & ibidem diligenter abluantur ampullae, vel intra Ecclesiam vetus Christum, & Oleum conserventur.* Ceterum illud advertendum est, quod alias non obscure docet hic noster §. ut tunc, & non prius, vetera Olea comburantur, quam recens benedicta habita fuerint, & ad Ecclesiam delata; contingere enim posset, ut urgente necessitate, & novis deficientibus Oleis Sacra, veteribus utendum sit, ut in sequenti Commentario dicemus.

§. XXXV.

Veteribus Oleis, nisi necessitas cogat, ultra annum non utatur; ac si deficere videantur, & Christum, aut Oleum benedictum haberi non possit, aliud Oleum de olivis non benedictum adjiciatur, sed in minori quantitate.

COMMENTARIUS.

I. SACRIS Oleis, & Christum rite ab Episcopo benedictis Feria v. in Cena Domini, & ad Ecclesias delatis, debere vetera comburi, & quidem juxta pervertitum Ecclesiae disciplinam, in Commentario ad superiorem §. dictum jam fuit, non enim his ultra annum uti licet, nisi necessitas cogat, ut in praesenti §. edicunt, quia nempe ob aliquem casum haberi nova Olea benedicta non poterunt. Quo casu, ut idem noster hic §. ait, *si deficere videantur, vetera nempe Olea, & Christum, aut Oleum benedictum haberi non possit, aliud Oleum de olivis non benedictum adjiciatur, sed in minori*

quantitate. Loqui videtur hic noster §. de Oleis intra annum benedictis, si ipsa deficere viderentur, sed puto eandem regulam servandam in veteribus Oleis, ubi recens benedicta, ob aliquam difficultatem, uti dictum est, haberi non possissent, quia scilicet loco ab hostibus obfesso, vel peste laborante, minime Parochus valuerit Ecclesiam suam de Oleis intra annum benedictis providere. Scio equidem, graviter Sacrodotum peccare, graviterque etiam peccare puniti debere, qui veteri benedicto Oleo uteretur; sed intelligendum hoc tamen est, ubi necessitas non cogeret ad id faciendum; urgente quippe necessitate, novo Oleo

Oleo benedicto deficiente, recte adhiberi possunt Oleum benedictum vetus, respondit Sacra Congregatio Episcoporum negotiis præposita die xx. Maji anni mox. apud Gavantum in Manuali Episcoporum, verbo, *Extrema unctio*; & docet, ac statuit S. Carolus in Instructionibus, *De Baptismi administratione*, pag. 502. sic inquit: *Veteri autem, vel Oleo sancto, vel Chrismate non utitur, Parochus scilicet, nisi, antequam novum babeatur, necessitas illius utendi inciderit.* Atque hanc sententiam probant passim Theologi, inter quos Diana coordinatus, Tomo II. Tractatu IV. Resolutione VII. §. 1. ubi etiam varios Doctores citat, quibus adhærent Theologi Salmanticenses Carmelites Dilectissimi apud Barrufaldum in Commentariis ad Rituale Romanum Tit. x. §. 1. num. 9.

II. Porro, quod hic ait noster §. ut, si sacra Olea deficere videantur, & *Chrisma, aut Oleum haberi non possit, aliud Oleum de olivis non benedictis adjuvatur, sed in minori quantitate*, consentit quidem variorum Conciliorum, ac Ritualium Statutis; sed adhibenda est tamen a Parochis ea diligentia, quam inter alias præscribit Provincialis VI. Synodus Beneventana anni MCCCXXXIV. Tit. III. Cap. III. ubi in fine ita statuit: *Si forte contigerit, quod Oleum, & Chrisma deficiant, statim mittant ad Archiepiscopum pro Chrismate, & Oleo, & si ab eis haberi*

non possint, vel sine periculo expellere, si aliquid residui fuerit, admissant illi residuo Chrismatis, & illi residuo Olei Oleum olivarum non consecratum, & eis unctiones faciant supradictas. Deponendos mox etiam mandat Sacerdotes, qui veteri Chrismate inungunt pueros in Baptismo, præterquam in mortis articulo. Sed audiamus S. Carolum, qui rem, de qua agimus, iterum iterumque explicuit juxta receptam probatamque in multis Ritualibus disciplinam, ac praxim. Ergo in Concilio Provinciali Mediolanensi IV. Parte II. Constitutionum, Capite, quod inscriptum est, *Quæ ad Sacramentalia, vel ad Sacramenta communiter pertinent*, ita quidem habet: *Sacra Olea deficiente, si tempus non patitur, ut aliunde haberi possit, illa ratio inest Canonæ præscripta, et cum Oleo consecrato miscetur non consecratum, id vero non consecratum putatum ita infundatur, ut semper quod infunditur, minus sit Oleum consecratum, quod vel exiguum in vase reliquum possit.* Idem repetit Parte IV. Actorum in Rubricis, seu Instructionibus, *De Baptismi administratione*, pag. 502. & seq. ubi sic inquit: *Si vero Oleum sacrum, Chrismate intra annum deficere videtur, neque aliunde haberi potest in tempore aliud non benedictum, ut alio loco dictum est, sensim tantum infundat, Parochus scilicet, ut hoc minus sit, quam illud, quod consecratum, benedictumque est.*

§. XXXVI.

Chrisma, & Oleum sacrum sit in suis vasculis argenteis, aut saltem stanneis bene obturatis; quæ vascula sint inter se distincta, & propriam unumquodque inscriptionem habeat majusculis litteris incisam, nequis error committatur.

COMMENTARIUS.

I. AD explicandum præsentem §. nihil potest afferri locutentius posse, quam quod de vasculis ipsis pro afferendis sacris Oleis in Parochiali Ecclesia, præscripsit S. Carolus Parte IV. Actorum Ecclesiæ Mediolanensis in Instructionibus Suppellectilium Ecclesiasticæ, Lib. II. Parte II. pag. 636. & seq. his verbis: *Vascula Parochialis Ecclesiæ ad usum sacra Olea servandi, ab ipse inopia ex argento fieri non possunt, ex stanno puro, eoque nobiliori fient, tam perpolitæ, mandantur omnes sint. Tria namque parentur forma rotunda, atque ejusmodi, quæ inter se nulla plane dissimilitudine sint, utque sic quidem apte coagmentata, conjungantur, ut trianguli figuram exhibeant. His omnibus vasculis simul contentendis, operculum unum solidum adhibeatur, ita confectum, ut & paululum vasculorum contentenda undique capiat, & cum illa operiantur, hoc non disjungatur; sed in una parte solum bareat, totumque vasculorum opus operiatur. Id operculum etsi rotundum solidum, annuumque est, tripliciter tamen circulo distinctum, triplicique concavitate ab inferiori parte constans, rursus ab exteriori paululum emineas (quæ concavitas assui sit ad reponendum bombaciam, quo sacrum Oleum operum est, cum illud postea ad ministerium adhibetur) & intrinsecas, & extrinsecas in unoquoque circulo litteras aperte expressas habeat, quibus unicuiqueque sacri Olei vasculum distincte internoscatur. In primo co-*

vasculo sacrum Oleum Chrismatis affervetur. In altero Oleum Catechumenorum. Operculum vasculi sacri Chrismatis insculptur his litteris: CHR: Alterum, quo vasculum Olei Catechumenorum insculptur: CATH. Plura de hujusmodi vasculis habet idem S. Antistes in Conciliis Provincialibus, Diocesanicis Mediolanensibus, atque in Aëlis citatis; eademque fere præscribunt & aliarum Ecclesiarum Libri Rituales, ac Synodi, quorum loca supervacuum est hic recensere.

II. Sane ex præscripto Provincialium Constitutionum Beneventanæ Ecclesiæ, ut testatur Provinciale Concilium VI. Beneventanum anni MCCCXXXIV. Tit. III. Cap. III. cautum & illud est, ut *vasa, in quibus sanctum Chrisma, & Oleum sanctum reponuntur, sint de stagno, vel alio metallo, ita quod de facili frangi non possint, nec liquores predicti effundantur.* Concilium Beneventanum Provinciale XIII. anni MDCLVI. Tit. XI. num. 9. absolute edicit, ut *vascula dictorum Oleorum decenti constant materia, & forma cum inscriptione eorum, ac perpolitæ, & munda perpetuo sint, & sacculo serico inclusa.* Optandum autem, ut hujusmodi vascula essent argentea, ut præscribere videtur noster §. licet stanneæ permittat, quod forte præinopia alicubi ex argento fieri non possint. Præter vascula argentea, stanneave, quæ noster §. pro afferendis sacris Oleis memorat, permitti non debent, nec,

aut vitrea, sive fictilia, quia scilicet ne erugimen viridem producat, quæ Olea corrumpit; vitrea autem, fictiliave frangi facile possent, & Sacri Liquores effundi, uti recte admonet laudatam superius Concilium Provinciale vi. Beneventanum. Nequis vero error committatur in adhi-

bendis Sacris Oleis, recte & illud cautum est ex nostro §. & ex Conciliis, ac Ritualibus passim, ut vascula ipsa sint inter se distincta, & proprium unumquodque inscriptionem habeat majusculis litteris incisam. Vide & quæ de vasculis istis dicemus infra in Commentario ad §. XLII. & seqq.

§. XXXVII.

Ad usum vero quotidianum minora habeantur vascula ex argento, si fieri potest, aut stanno, sive separata, sive etiam conjuncta; apte tamen distincta; & bene cooperta, & cum suis inscriptionibus, ut supra, ne Parochus aberret, & unum pro altero sumat, quod cavere debet diligenter.

COMMENTARIUS.

P Ræter vascula majora, de quibus loquitur præcedens §. mandat nunc §. præsens, ut ad usum quotidianum minora habeantur vascula ex argento, si fieri potest, aut stanno &c. Late & de hujusmodi vasculis differit quidem S. Carolus in Conciliis, atque in Actis Ecclesiæ Mediolanensis. In Concilio Provinciali iv. Parte II. Constitutionum sic habet: *Unaquæque Parochia duo vascula sacrorum Oleorum, Chrismatis, & Catechumenorum, vascula item duo Extrema Unctionis habeat, quæ consecrata, & ornata sint ad formam in Libro Instructionum præscriptam.* Tum vero mox: *Idque ut die sacro Cane Domini illa vascula diligenter ante absterfa, ne bene parata, nec vero ampulla, aut alia ejusmodi ad Olea sacra recens consecrata fereunda adbibebantur; aliaque rursus retineantur ad asservandam quod reliquum est Oleum vetus, quod usui esse possit, si in sua Parochiali cura opus esset, dum illa recens apportantur.* Eadem repetit Parte iv. Actorum, Lib. II. Instructionum Suppellectilis Ecclesiasticæ, pag. 606. & 619. ubi divisim agit de Suppellectile Ecclesiæ Cathedralis, & Parochialis, quæ scilicet ad cultum, & administrationem Sacræ Eucharistiæ, aliorumque Sacramentorum usui est: *Vasa duo, inquit, sacrorum Oleorum, Chrismatis, & Catechumenorum, eaque duplicia cum suis sacculis, & costylis, ob causam supra enarratam in Suppellectili Basilicæ Cathedralis; quæ illa qui-*

dem causa est, quam nos superius ex Concilio iv. Provinciali Mediolanensi descripsimus.

II. Notanda vero illa potissimum sunt, quæ hic noster §. de eisdem vasculis mandat, ut nempe, sive separata, sive etiam conjuncta habeantur, sint apte tamen distincta, & bene cooperta, & cum suis inscriptionibus, ut supra, ne Parochus aberret, & unam pro alio sumat, quod cavere debet diligenter. Peccaret enim graviter si in ea re negligeret se gereret, unumque Oleum pro alio acciperet, & adhiberet. Siquis autem hic querat, quid tunc agendum sit, referam plane illud, quod eam in rem præscripsit Concilium Provinciale vi. Beneventanum anno Christi mcccxxiv. Tit. III. Cap. III. in fine, his verbis: *Et si forte negligentia, vel errore, loco Olei, cum Chrismate puer inunctus fuerit, vel infirmas, non fiat alterius inunctio Olei, quia cum Chrismate jam est facta, cum Chrisma ex Oleo & balsamo componatur. Quando vero inunctio est facienda cum Chrismate, & sit cum Oleo per errorem; vel illa, quæ est facienda cum Oleo infirmorum, fiat cum Oleo Catechumenorum, vel e converso, suppleatur adhuc Chrismate, vel Olei inunctio, quæ incante fuerat prætermissa.* Concludit tandem, aitque: *Caveant ergo Presbyteri a tali errore, aliquo graviter puniantur.* Sed de hac questione vide eruditum Sarnellam Tomo vi. Epistola xx. præsertim vero S. Carolum in suis Instructionibus.

§. XXXVIII.

In ea igitur ex majoribus vasculis Chrismatis, & Olei, quod sufficiat, infundatur; atque, ut effusionis periculum caveatur, commodum erit in his vasculis bombacium, seu quid simile habere, Oleo Sacro, & Chrismate separatim persusum, in quæ pollex, cum opus est, ad inungendum immittatur.

COMMENTARIUS.

U Bi ex majoribus vasculis Chrismatis, & Olei, quod sufficiat, in vascula minora infunditur, recte monet hic noster §. ad evitandum effusionis periculum, commodum esse, in his vasculis bombacium, seu quid simile habere. Idipsum plane cautum fuit ex variis Ritualibus Libris, ac multis Synodis præsertim recentioribus, inter quas Diocesana Mediolanensis xi. quam celebravit Sanctus Carolus anno Christi MDLXXXIV. in Monitis executionis *Tit. I.*

Decretorum, quæ ad Sacramentalia, & Sacramenta pertinent, sic inquit: *Vascula sacri Chrismatis, & Oleorum sacrorum ita bombacio intrinsecus manita sint, ut nequid sacri Olei inde effluere ullo modo possit, cum circumferantur.* Sane cum noster §. in prædictis vasculis ad manienda sacra Oles adhiberi posse dicat bombacium, seu quid simile, recte notat ad hunc §. Barrafaldus, num. 22. quid simile bombacio esse linum, sericum dissolutum, vel parvam spongiam, totamque

enim materia hæc est apta ad ebibendum Oleum, & ad illud reddendum, seu exprimendum ad omnem levem compressionem pollicis, qui digitus

in sacris unctionibus semper adhibendus est ex Rubricarum præscripto, uti scite docent Auctores, qui eandem interpretantur.

§. XXXIX.

Hæc vascula ita parata in loco proprio, honesto, ac mundo, sub clave, ac tuta custodia decenter asserventur, ne ab aliquo, nisi a Sacerdote, temere tangantur, aut eis sacrilege quisquam abuti possit.

COMMENTARIUS.

I. Sæpe jam a Sacris Conciliis, & a Pontificibus, atque a Ritualibus cautum fuit, ut vascula cum sacris Oleis, loco proprio, honesto, ac mundo, sub clave, ac tuta custodia decenter asserventur, in Ecclesia scilicet, ac proprie in ejus Baptisterio, ut non uno in loco edixit S. Carolus, præsertim vero in Concilio Provinciali Mediolanensi IIII. Capite inscripto, *Quæ ad Sacramentalia, & Sacramenta generatim pertinent*, ubi inter alia statuit, ut *sacelli Chriftiani, & sacri Catechumenorum Olei vascula ne alibi, sed in Ecclesia religiose asservantur in Ciborio, aliove ejusdem Ecclesie certo constituto loco, quem Episcopus comprobabit*. Quod hic inquit Ciborium, jam non intelligitur Tabernaculum, in quo Sacra Eucharistia asservatur, sed *operimentum, seu Ciborium ad sacra Olea tute, decenterque conservanda, in eo ipso Fonte accommodatum*, ut idem S. Carolus explicat in Concilio Provinciali IV. Constitutionum Parte II. Capite, *Quæ pertinent ad Sacramentum Baptismi*, ubi tractat de Fonte Baptismali, seu Baptisterio. Nam alias in eodem ipso Concilio, citata Parte II. Capite, *Quæ ad Sanctissimum Eucharistia Sacramentum pertinent*, expresse statuit, ut Tabernaculum, in quo Sanctissima Eucharistia asservatur, vacuum sit ab hujusmodi vasculis, ut *omnis Sacra Eucharistia cum suo vase in eo dumtaxat conservetur, aliud præterea nihil*.

II. Quod tandem in nostro IV. edicitur, ut vascula ipsa cum sacris Oleis sub clave, ac tuta custodia decenter asservantur, ne ab aliquo, nisi a Sacerdote, temere tangantur, aut eis sacrilege quisquam abuti possit, concinit non modo varis antiquis Ritualibus, atque Pontificalibus, verum etiam Synodis. Moguntina quidem anni MDCXIII. Can. XXV. & Arelatensis VI. ejusdem anni Can. XVII. differte jubent, ut *Presbyteri sub sigillo custodiant Chriftisma, & nulli sub pretextu medicinae, vel maleficii donare inde præsumant*. Statimque addunt: *Quod si fecerint, honore priventur*. Idipsum præscriptum in aliis Conciliis legitimus, indilucumque est, variis in locis, atque temporibus, execrandum hunc abusum viguisse, ad quem penitus evertendum, ita inquit Concilium IV. Lateranense Oecumenicum anni MCCCXV. Can. XX. *Statuimus, ut in sacellis Ecclesie Chriftisma, & Eucharistia sub fidei custodia elatibus additis conservetur, ne possit ad illa temeraria manus extendi ad aliqua torvibilia, vel nefaria exercenda. Si vero is, ad quem spectat custodia, ea incaute reliquerit, tribus mensibus ab officio suspendatur; & si per ejus incuriam aliquid nefandum inde contigerit, graviori subjaceat pœnitioni*. Vide quæ scripsi To-

mo III. Conciliorum in Commentario ad hunc Canonem XX. memorati Concilii Oecumenici IV. Lateranensis.

III. Futuri autem cogimur, adeo iovaluisse abusum furripienti sacrum Chriftisma, ac sancta Olea, eaque ad nefarios usus adhibendi, ut etiam post memorati Lateranensis IV. Concilii Decretum, coacti fuerint Episcopi in aliis suis particularibus Synodis Decretum ipsum cepotere, & confirmare. Certe Oxiensis Synodus anni MCCCXII. habita, Can. XXIV. sic inquit: *Provident Archidiaconi, quod diligenter juxta formam Concilii Generalis (compe IV. Lateranensis, quod per antonomasiam Geocæle appellari solitum fuit) Eucharistia, Chriftisma, & Oleum Sanctum, sacra sub clavibus recondantur, fidei custodia deputata*. Rursus Concilium Ravennatense anni MCCCII. Rubrica VII. ita habet: *Statuimus, quod Eucharistia, Viaticum, sive Corpus Chrifti, Chriftisma, Oleum Sanctum, & Oleum Infirmorum, sic devote, tute, & secreta custodiantur, & reponantur, in locis, aut Sacristiis ad hoc deputatis, & aptis, quod ad ea non possit manus nefaria accedere, seu sacrilege, & maxime mulierum*. Beneventanum quoque Provinciale VI. anni MCCCXXIV. Tit. III. Cap. III. sic inter alia statuit: *Item præcipimus, ut Eucharistia, Chriftisma, Oleum Sacrum, & Fontes, Baptismales scilicet, sub fidei custodia clavibus additis conserventur, ne manus temeraria ad aliqua possit extendi, & nequis sine expressa licentia, & permissu ejus, ad quem spectat custodia predicta, accipere valeat*. Eadem plane hæc sunt, quæ in citato IV. Lateranensi Concilio sancita jam fuerant, ut ex sequentibus hinc verbis constat: *Si vero, is, ad quem spectat custodia, ea incaute reliquerit, tribus mensibus ab officio suspendatur; & si nefandum aliquid per ejus imperitiam inde contigerit, gravius punietur*. Sed nec omittendum, quod & mox ibidem subjicitur: *Secundum Constitutiones antequam hujus Ecclesie Beneventana, tam receptares, quam præsumentes, & permittentes excommunicationis vinculo sunt innotati*.

IV. Præterea quod illa & olim vigeret superstitio, ut plerique criminum rei sacro innatu Chriftismo, aut potius, putarent, se nullo examine deprehendi posse, cautum scicco ex sacris Conciliis fuit, ut sub sigillo ipsum sacrum Chriftisma custodiretur. Huc spectat antiqua Gerardii Taronenis Episcopi Constitutio, Cap. XXII. ubi ita inquit: *Ut Chriftisma pro subvertendis iudiciis nemini detur, & ut sub sigillo custodiantur*. Ex Libri III. Capitularium Caroli Magni Capite IV. *Si Presbyter Chriftisma dederit, ab Episcopo degradetur, & postmodum a Iudice manum per-*

perdat, si propter iudicium subvertendum hoc fecerit. Quid sit subversio iudicii, explicat Patres Concilii 111. Turonensis anni MCCXCIII. Canone xx. sic aptotes: *Item Presbyteris injungendum est, ne sacrum Chrisma foras conclave dimittant, ubi a qualibet contingi possit. Nam criminosis eodem Chrismate unctiones, aut potatos, nequaquam illo examine deprehendi posse, a multis patetur.* Sacriligia multa fieri cum Oleo Baptismali, eoque abuti consuevisse maleficos, notavit jam inter alios Martinus del Rio in suo Magicarum Disquisitionum Tractatu. Ceterum quod ait nosser §. de vasculis sacrorum Oleorum, ne ab aliquo, nisi a Sacerdote, temere tangantur, sacrilegium quidem tacitum spectat, illumque dumtaxat, qui temere fieret a personis laicis, ut illis sacrilege abuterentur; nam alias in casu necessitatis, incedit scilicet, in censure sive barbarorum, non addubito, quin possint laici ipsi, & teneantur ea tangere, ac etiam alio asportare.

V. Quamquam deoque nullam ejus mentionem §. nosser hic fecerit, qui clavem loci, custodiæ prædictorum vasculorum tenere debeat, certum est, clavem istius custodiam ad Parochum spectare; id enim expressè mandavit &

Ritualia Ecclesiarum, atque Concilia, præsertim vero Provinciale IV. Mediolanense, Parte II. Constitutionum, Capite, *Quæ ad Sacramentalia, vel ad Sacramenta communiter pertinent*, ubi inter alia S. Carolus ita statuit: *Et Tabernaculi, ubi Sacratissimum Corpus Domini asservatur; & armarii item, ubi sacra Olea statis vasculis inclusa custodiuntur; & Fontis præterea Baptismalis claves, Reclor Ecclesie, animarumve Curator diligenter, eaque apud se custodiat, ac ne Clerico quidem ministro illas illo modo committat.* Sed subdit mox tamen, non prohiberi Parochum, quo minus easdem maneris alienis præstandi causa aliquando Sacerdoti committat, quem in officii Parochialis cura coadjutorem habet. Idipsum edicit in Synodo Diocesana Mediolanensi IV. Decreto IX. & in Instructionibus, *De Baptismi administratione*, pag. 497. col. 1. ubi fit inquit: *At vero ne temeraria manus abutatur aqua Baptismali ad superstitionem, & perniciem, Sacerdos Fontem ex præscripto bene communium, sera etiam, clavicque claudet, quam ne Clerico quidem committens, apud se custodiet perpetuo.* Sed de hac re nos etiam alibi diximus.

§. XL.

Parochus, quantum fieri potest, curet, ne per laicos, sed per se, vel per alium Sacerdotem, vel saltem per alium Ecclesie Ministrum hæc Olea deferantur; caveat item, ne de iis quicquam ulli unquam tribuat cuiusvis rei pretextu.

COMMENTARIUS.

FActa novi Chrismati, Oleorumque ab Episcopo benedictione, Perla v. Cæna Domini, ut dixi in Commentario ad §. XXXIII. quo vero rita fieret eorum distributio, explicat Concilium Rotomagensis anni MLXXII. Can. 111. his verbis: *Chrismati, & Olei distributio a Decanis summa diligentia, & honestate fiat, itant interim dam distribuerint, Albis tunc induti, & talibus vasculis distribuatur, ut nihil inde aliqua negligentia pereat.* Juxta, per vetustam Ecclesiam disciplinam abscites Parochi, aut per se ipsos, aut saltem per Diaconos, aut Subdiaconos, namque per simplices Clericos, multoque minus per laicos, accipi, ac deferri Sacra Olea debebant, ut ex veterum Conciliorum testimoniis egregie ostendit Martene in Libro, *De antiqua Ecclesia disciplina in Divinis celebrandis Officiis*, Cap. XXII. §. IV. num. 111. Concilium Carthaginense IV. anno Christi cccxviii. Can. xxxvi. ita quidem statuit: *Presbyteri, qui per Dioceses Ecclesias regunt, non a quibuslibet Episcopis, sed a suis, nec per juniorum Clericum, sed aut per ipsos, aut per illum, qui Sacramentum tenet, ante Pascha solemnitate Chrisma petant.* Concilium Vasanse in Gallia habitum anno cxxii. Can. 111. idipsum confirmat, ac rationem etiam assignat, sic inquit: *Per singula territoria Presbyteri, vel Ministri, ab Episcopis, non, prout libitum fuerit, a vicinioribus, sed a suis propriis per annos singulos Chrisma petant, appropinquante solemnitate Paschali, nec per quemcumque Ecclesiasticum, sed, si qua necessitas, aut Ministrorum occupatio est, per Subdiaconum; quia in bonorum est inferioribus*

*summa committi. Optimum autem est, ut ipse suscipiat, qui in tradendo usus est. Siquid obstat, saltem is, cuius officii est Sacramentum dispo-
nere, & Sacramenta suscipere.*

II. Confirmatur magis magisque hæc disciplina Canone VI. Concilii Antiochenensis, quod celebratum fuit anno DLXXVIII. ex quo etiam addicimus, quo reverentia ipsum Chrisma deseri soleret: *Ut a media Quadragesima Presbyteri Chrisma petant; & si quis infirmitate detentus venire non potuerit, ad Archiepiscopum suum, vel Subarchidiaconum transmittat, sed cum Chrismario, & linteo, sicut Reliquia Sanctorum deportari solent.* Concilium Wormiacense in Germania habitum anno MCCCXXXIII. Can. 11. Canonem Concilii Vasanensis describit, cum illo tamen additamento, seu clausula ex Antiochenensi Concilio recitata: *Et sicut Reliquia Sanctorum deportari solent, ita deportet.* Atque hæc omnia, ut alias Synodos mitam, confirmat Montanus Episcopus Toletanus in Epistola ad Fratres territorii Valentini: *An forsas Sanctorum Patrum regulas, & constitutiones Synodicas ignoratis, quibus præcipiuntur Parochienses Presbyteri, ut non per viliores personas, sed, aut per semetipsos, aut per Rectores Sacrorum annis vicibus Chrisma a presidente sibi Episcopo petant.* Et Capitula demum Regum Francorum. Lib. V. Cap. cxxix. & apud Reginonem Libro 1. Cap. lxxvi. de Presbyteris, qui accipiendi gratia Chrismatum ad Civitatem in Cæna Domini venire soliti erant, sanctum ajunt, *ut de his, qui longe positi sunt de octo, vel decem, unus ab Episcopo eligatur, qui acceptum Chrisma, sibi, & so-*

eius diligenter perferat; hi vero, qui non huiusmodi Civitate, quam quatuor, aut quinque millibus habitant, more solito ad accipiendum Christum per se veniant.

III. Ex dictis hucusque illud jam patet, manus Presbyterorum fuisse, idest, Parochorum, qui olim Presbyterorum nomine appellabantur, ut ipsi per semetipsos sacra Olea peterent, ac deferrent, aut per Rectores Sacrariorum, idest Sacristas, sive per Diaconos, ut habet Concilium Toletanum I. Can. xxi. namquam per Subdiaconos, nisi necessitate urgente; nullatenus vero per Clericos inferiores, quia scilicet ea Sacrorum Oleorum delatio, veluti res summa reputabatur, adeoque inferioribus Clericis minime committenda. Porro sequioribus Saculis permisum & ipsis fuit, ut Sacra Olea ab Episcopis accepta ad Ecclesias suas deferrent. Sic enim inquit Provinciale v. Beneventanum Concilium. anni mcccxliv. Tit. lli. Cap. lli. *Præcipientes, ut singulis annis in die Jovis sancta Crux Domini, Presbyteri Parochiales per se ipsos, aut Clericos, ad alios tamen, Crisma novum, & Oleum novum Gathebamenorum, quod exhibetur pueris baptizandis, & Oleum novum Infirmitatis, quod exhibetur infirmis, a nobis in nostra Diocesi, seu Suffraganeis nostris in eorum Diocesis, vel Archiepiscopis nostris suscipiant, sicut est consuetum.* Sed correctum id tamen fuit in Concilio Beneventano xlii. Provinciale, Tit. xi. num. i. ubi expresse præcipit, ut quotannis mittatur Sacerdos aliquis, aut saltem aliquis in Sacris constitutus, qui nova accipiat. Olea scilicet in Feria v. Canis Domini consecrata. Porro ut non aliis, quam iis, qui sacris Ordinibus initiati sunt, possit cura committi deferendi sacra ipsa Olea ad Parochos, statuit non semel S. Carolus, & quidem in Concilio Provinciali Mediolanensi II. Decreto ix. & in Diocesana II. Synodo, Decreto xiv.

IV. Constat præterea ex dictis, exclusos sem-

per laicos fuisse ab ipsa Sacrorum Oleorum gestatione, idque expresse vetat noster §. ubi mandatur, ut Parochus, quantum fieri potest, curet, ne per laicos, sed per se, vel per alium Sacerdotem, vel saltem per alium Ecclesie Ministrum hac Olea deferantur. Quis Ministri nomine hic intelligi debeat, jam non omnes conveniunt. Puto equidem, Diaconum, Subdiaconumve intelligi, cum ii potissimum, ac passim in Rubricis Ecclesiasticorum Librorum Ministri appellantur. Sed quicquid sit de hac questione, negari non potest, vel ex nostri §. contextu, quia uti Parochus senio confectus, aliasque impeditus possit non modo inferiorum Clericorum, verum etiam laicorum opera ad deferenda sacra Olea, ubi ei Clericorum copia defest, uti accidit in Parochiis ruralibus, pauperioribusque, in quibus ob reddituum inopiam vix queant se Parochi sustentare. Atque hinc est, quod §. noster non absolute laicos ab ea delatione excludit, sed potius in aliquo casu illos admittit, ubi aiti Parochus, quantum fieri potest, curet, ne per laicos, sed per se, vel per alium Sacerdotem, vel saltem per alium Ecclesie Ministrum hac Olea deferantur.

V. Cavendum certe Perocho illud omnino est, quod ait mox noster §. ne de iis, sacris nemine Oleis, quicquam ulli unquam tribuat casualis vel pretextu. Quam districte id a sacris Canonibus vetitum sit, jam late diximus in Commentario ad §. xxxix. ubi varia Concilia. Decreta descripsimus, quibus addi potest, quod eandem in rem sancivit Concilium Provinciale xlii. Beneventanum anni mxcvii. Tit. xlix. qui est, De officio Parochi, num. 35. sic inquit: *Neque Olea sacra laiciis nullo modo concedat, ne illis abutantur; alioquin laici ipso facto sunt excommunicati; Clerici vero beneficiati suspensione, & beneficiarum privatione, ac etiam exilio a Civitate, & Diocesi multentur; non Beneficiati carceris annalis, ac deinde eandem exilii poenam incurrant.*

§. XLI.

Sal, quod in os baptizandi immittendum est, sit benedictum sua peculiari benedictione, quæ infra præscribitur; neque utatur sale exorcizito ad benedicendum aquam; sitque prius bene contractum, & attritum, siccum, ac mundum. Sal item benedictum nemini tradatur, neque etiam iis, qui benedicendum attulerint, reddatur, sed ad alios baptizandos fervetur, aut in Sacrarium abijciatur.

COMMENTARIUS.

I. **S** Alis usos antiquissimus est in administratione Baptismi, ejusque ritus haud obfcurè meminit Origenes Homilia vi. in Ezechielem, ubi exponens illud Prophetæ, *Non es aqua sola in salutem, nec sale salita, nec panis involuta, sic inter alia inquit: Peccatrix Hierusalem non est involuta panis. Observa quod dicant: Anima renascens, & primum in lavacro edita, involvitur panis. Ipse Dominus meus Jesus panis involutus est, ut scriptum refertur in Evangelio secundum Lucam. Oportet ergo, eum qui renascitur, utique in Christo renascentem rationabile, & sinceram lac desiderare; & primum rationabile, & sine dolo lac desideret, debet sale saliri, & pannorum involutis colligari, ne dicatur ad eum: Sale non*

es sulcus, & panis non es involutus. Antiquissimum quoque apud Latinos fuisse hunc ritum immittendi sal in os baptizandi, perspicuum fit testimonio S. Augustini, qui Lib. i. *Confessionum*, Cap. xi. ad ritum ipsum alludens, ita scribit: *Andream enim ego adhuc puer, de vita æterna nobis promissa... & senabar jam puer. Crucis ejus, & condiebar ejus sale.* Plura alia Patrum loca de salis usu in administratione Baptismi, ac de ejus significatione videri possunt apud Durantum Lib. i. *De ritibus Ecclesie Catholice*, Cap. xix. num. 25. & apud Martene, Libro i. *De antiquis Ecclesie ritibus*, Cap. vi. num. xiv.

II. Ritum esse præterea antiquum, ut sal ipsum peculiari prius benedictione sanctificaretur, docent nos etiam antiqui Patres, ac Ritua-

ses Codices, præsertim vero Romani Ordines, & Liber Sacramentorum S. Gregorii Papæ, in quibus, ut observat laudatus Durantus, eadem, qua nunc utimur, legitur salis benedictio ad usum Baptismi. Atque huc spectare videtur, quod tradit Leidradus Episcopus Lugdunensis in suo ad Carolum Magnum Libro, *De Baptismo*, Capite 1. sic inquisiens: *Æstimant quidam, quod etiam apud quosdam gentiliū antiqua erat consuetudo, ut qui fidelitatem Regi promittebant, solem adjurarent, vel consecrarent in præsentia eorumdem Regum, quibus fidem promittebant, esederent.* Unde in Libro Esdræ scriptum est, quod Principes Samaritanorum Regi Persarum, cum de occasione Judæorum scriberent, dixerint: *memores sumus salis, quem in Palatio comedimus.* Ubi nota, sal ipsum, quod comederant gentiles fidelitatem Regi promissuri, fuisse prius adjuratum, consecratumve in præsentia ejusdem Regis, cui fidem spondebant. Atque hic est ritus, ab omni plane superstitione alienus, qui sanctæ, religioque in Ecclesia servatur, ut baptizandi, Christo uomen dantes, ac fidelitatem promittentes, sal prius benedictum gustent, & Fidei nomen gloriantur.

III. Pergit noster §. de sale differere, præcepitque Parcho, ut in administratione Baptismi statim sale exorcizato ad benedicendum aquam, quia scilicet diversa est benedictio, ut ex Ritualibus constat; atque hinc est, quod, ut alios omittam, S. Carolus in suis Instructionibus, *De Baptismi administratione*, Capite inscripto, *De eis, quæ Parochus ipse servet, & paret, antequam Baptismum ministret*, sic inter alia statuerit pag. 503. *Illud vero, sal nempe, speciatim benedicit ad usum ejus, qui tum baptizandus*

est; neque sale utatur diebus Dominicis exorcizato ad aqua benedictionem. Rursus quod ait noster §. ut scilicet sal sit prius bene consecratum, & attritum, sicum, & mundum, præscriptum etiam fuit ab eodem Sanctissimo Antistite loco citato, ubi vult, ut purum sit, candidum, nec vero commixtum, ac præterea non humidum, sed sicum. Atque hic illud potissimum advertendum est, ut sal ipsum sit naturale, non artificatum, qualia sunt a Chymicis confecta, & variis nominibus appellata; candidum quoque, ut habet S. Carolus, non tamen refert, si ex sale nigro per decoctionem sit factum album, ut Romæ fieri solet; vere enim istud sal naturale est, cum illa decoctio nihil aliud operetur, quam depurationem veri purique salis a terreis particulis, adeo ut quod remanet, vere sit sal naturale.

IV. Mandat insuper noster §. ut sal ipsum, benedictum ad usum Baptismi nemini tradatur, neque etiam iis, qui benedicendum attulerint, reddatur, sed ad alios baptizandos servetur, aut in Sacramentum abijciatur. Concinit & his S. Carolus citato loco, ubi cavendum ait Parcho, ut siquid salis supererit, ne alio asportetur, sed in Sacramentum, aut in aqua benedictæ labrum proleatur. Ceterum districte vetat S. Antistes, sal domo infantis, qui baptizandus est, asportari, sed mandat quidem, ut Parochus bene paratum habeat sal in vasculo, quod vasi Chrismatis jungatur. Insuper quod isto sale benedicto, sicut & sacris Oleis, abuti ad suas superstitiones perageudas perditii homines, ac muliercule præsertim, soliti essent, merito noster §. variorum etiam Conciliorum Decretis inhaerens, statuit, ut nemini tradatur, sed ad alios baptizandos servetur, aut in Sacramentum abijciatur.

§. XLII.

Cum igitur Baptismi Sacramentum jam administrandum est, hæc in promptu esse debent.

§. XLIII.

Vascula sacri Olei Catechumenorum, & Chrismatis.

COMMENTARIUS.

I. Explicanda nobis in hoc, & sequentibus Commentariis sunt, quæ preparari debent ad Baptismum solemniter, & continue atque nullo mora ad finem usque administrandum. Ut cum ordine res peragatur, in promptu esse debent, ut edicatur in §. XLIII. *Vascula sacri Olei Catechumenorum, & Chrismatis*; argentea scilicet, vel stannea, non autem ex ære, vel auricalcho, neque ex vitro, aut creta figulari, quia illa argumini viridem producant, quæ Olea corruptis, & amarorem gignant; ista autem frangi facile possent, uti jam dictum superius fuit in Commentario ad §. xxxvi. Porro vasculi Chrismatis mentionem facit Ivo Carnotensis Episcopus, in Epistola 111. Chrismatis item ampullæ meminit Optatus Milevitanus Lib. II. adversus Parmenianum, ubi & insignem miraculum memorizæ mandavit his plane verbis: *Ampullam quoque Chrismatis per fenestram, ut frangerent, jostoverunt, & cum casum adja-*

garet obiecto, non defuit manus Angelica, quæ ampullam, spiritali subjectione deduxerit projecta, casum sentire non potuit, Deo muniente, illasa inter saxa confedit. Consuevit olim sacra Olea in ampullis poni, constat ex Concilio Meldensi, Capite 1. apud Burchardum Wormaciensem Episcopum, Libro IV. Decretorum, Capite LXXV. & apud Ivonem, Parte 1. Capite cclxviii. ubi constitutum legitur, tres ampullas a Presbytero Feri v. in Cœna Domini deferri, unam ad Oleum Catechumenorum, alteram ad Christina, tertiam ad Oleum Infirmorum. Verum statuit inter alios S. Carolus in Concilio Provinciali IV. Mediolanensi, Parte II. Constitutionum, ut vascula, non vero ampullæ ad sacra Olea deferenda, continendave, adhibeantur. Atque id etiam mandant varii Rituales Codices recentiores, ac sacre Synodi, quarum multæ S. Caroli Concilia, Aëtaque ejus Ecclesiæ describere.

§. XLIV.

§. XLIV.

Vasculum cum sale benedicendo, vel jam, ut dictum est, benedicto.

§. XLV.

Vasculum, seu cochleare ex argento, vel alio metallo nitidum, ad aquam Baptismi fundendam supra caput baptizandi; quod nulli præterea alij usui deserviat.

COMMENTARIUS.

Debet præterea esse in promptu, ut ait §. XLIV. *Vasculum cum sale benedicendo, vel jam, ut dictum est, benedicto*, de quo dixi in Commentario ad §. XII. iterumque dicturus infra Cap. II. in Commentario ad §. V. & VI. Ergo paratum esse debet, ut ait hic *mix sequens §. XLV. Vasculum, seu cochleare ex argento, vel alio metallo, nitidum, ad aquam Baptismi fundendam supra caput baptizandi*. Atque hic est antiquus ritus, ut ubi Baptismus per infusionem administrabatur, non quidem manus, sed vas ob eam causam paratum adhiberetur. Cernitur etiamnum Romæ Baptismus S. Romani in Atrio Basilicæ S. Laurentii in agro Verano depictus, ubi S. Levita Romanum nudum in pelvi existentem dextra benedicit, sinistra vero urceum aqua plenum super ejusdem caput effundit, qui quidem urceus ex ære ibidem in Sacratio ostenditur. Confirmant ritum, de quo agimus, mss. Statuta Synodalia Eliæ Episcopi Uticensis apud Martene Lib. I. *De antiqua Ecclesiæ ritibus*, Cap. I. Articulo XIV. num. X. *Si tanta copia aquæ haberi non potest, ut in-*

fiant totaliter in ea mergi possit, cum scutella, vel scypho, vel alio vase, aliqua quantitas aquæ super infantem effundatur. Eadem legere est in Concilio Provinciali Bénéventano VI. anno Christi MCCCXXXIV. Tit. IV. Cap. V. §. *Item dicimus*; & in aliis permultis, quæ hic omittimus. Hinc disciplinæ, quæ variorum Conciliorum, & Ritualium auctoritate confirmari possent, in hærens S. Carolus in suis, *De Baptismi administratione*, Instructionibus, Capite, *De modo ministrandi Baptismi*, pag. 498. expresse edicit, ut *ad aquæ Baptismalis infusionem, non manus, sed vas ob eam causam paratum adhibeatur*. Vas istud est quidem cochleare, de quo ita habet idem Sanctus Antistes Lib. I. Instructionum Fabricæ Ecclesiæ, *De Baptisterio*, Cap. XIX. pag. 578. *Cochleare argentum ad aquam infantis, qui baptizatur, capiti infundendam adhibeatur, idque & superiori vase manubrio a summa parte paululum aduncum appendatur*. *Iusmodi sit, ut ubi illius ore & parte sinistra labrum paulo contrahilius instar parvuli canalis existat, unde in infantis caput aqua tenuiter effundatur*.

§. XLVI.

Pelvis, seu bacile ad excipiendam aquam ex capite defluentem, nisi statim in Sacrarium defluat.

§. XLVII.

Gossopium, alio nomine bombacium, seu quid simile ad abstergenda loca sacris Oleis inuncta.

COMMENTARIUS.

Cum vero, ut alias dictum est, aqua baptismalis, quæ alicujus Baptismo inservit, non debeat pro alio baptizando adhiberi, recte ait noster §. XLVI. *parandam esse pelvem, seu bacile ad excipiendam aquam ex capite defluentem, nisi statim in Sacrarium defluat*; ubi scilicet in Baptisterio extet canaliculus, per quem aqua defluens ex baptizati capite ad Baptisterii Sacrarium perducatur. Ceterum si hujusmodi canaliculus non extet, adhibenda est pelvis in citato §. præscripta, de qua sic habet S. Carolus in Concilio Provinciali Medilanensi V. Capite, *Quæ ad Baptismum pertinent*, inscripto: *Ad aquam baptismalem, quæ capiti illius infunditur, tametsi excipiendam, quæ Sacerdotis manus sacro Oleo illius oblauntur, pelvis ut adhibeatur, quæ Ecclesiæ tantum usui ad dicta non sit*. Parandum quoque gossopium est, alio nomine bombacium, seu quid simile ad ab-

stergenda loca sacris Oleis inuncta, ut ait §. XLVII. Quod quidem bombacium parandum mandat S. Carolus in citatis Instructionibus, *De Baptismi administratione*, pag. 503. *in pelvis decenti, in eadem reponendam post absterionem, infantis scilicet partium Oleo, & Chrismate Sacro linitarum*. Ad abstergendos autem Sacerdotis digitos ipsæ sacris Oleis inunctos, cum manus lavat, ex præscripto nostri §. XLIX. parari debet *medulla panis, & vas pro manus lotionem post Baptismum, quod nulli præterea alij usui deserviat*. Quod quidem etiam merito statuit S. Carolus, ut ex recitato loco paulo superius liquet. Porro in aliquibus Ecclesiis ad abstergendas manus Oleis sacris linitas utuntur Parochi farina ex amygdalis tritis, quæ & ipsa facultatem abstergendi habet, sed puto adhibendam potius esse medullam panis, ut præscribit noster §. Mirum autem videri debet, quod in tot notis Pa-

Paragraphis, in quibus describuntur quæ parari pro administratione Baptismi debeant, nulla facta sit mentio mappulæ, seu mantilis, tobilixæ,

quæ quidem necessaria est ad abstergendas manus post lotionem. Meminit vero & hujus S. Carolus in laudatis Instructionibus pag. 503. col. 1.

§. XLVIII.

Stolæ duæ, ubi commode haberi possunt, una violacea, & altera alba, ut infra notatur, mutanda, sin minus, una saltem adhibeatur.

COMMENTARIUS.

Explicandum nunc nobis est quod in præfati §. edicitur, ut parentur *Stolæ duæ, ubi commode haberi possunt, una violacea, & altera alba, ut infra notatur, mutanda; sin minus, una saltem adhibeatur.* Occurrit plane hic noster §. extreme Ecclesiæ Parochialium paupertati, non habentium duas Stolas distinctas, violaceam unam, atque alteram albam pro administratione Baptismi. Verum cum incredibilis sit tanta paupertas, arguendi profecto sunt Parochi, qui certe non propter Stolarum penuriam varii coloris, una Stola in Baptismi administratione utantur, violacea ex una parte, & alba ex alia, sed potius propter com-

modum proprium, quippe qui, ut notat Barrufaldus ad hunc §. num. 41. *necium tempus insumere credant, dum unam Stolam deponunt, & aliam assument.* Porro, ut alios omittam, duas distinctas Stolas præscribit S. Carolus loco citato sic inquires: *Paroebus, Sacerdosque, infante ad Baptismum oblato, lavat manus, Superpelliceo, Stolaque violacea in exorcismo, catechismisque atitur; cum ad baptizandum accedit, illa deposita, aliam albi coloris sumit.* Sed de hac re etiam infra a nobis dicendum erit. Non enim unam Stolam adhibendam censet, quæ utrumque colorem præferat, violaceum ex una parte, ex altera vero album.

§. XLIX.

Medulla panis, qua inuncti Sacerdotis digiti, cum manus lavat, abstergantur, & vas pro manuum lotionem post Baptismum, quod huic tantum usui deservire decet.

COMMENTARIUS.

Pancis hic me expedit, quod enim hunc §. spectat, in quo edicitur, ut pareatur medulla panis, qua inuncti Sacerdotis digiti, cum manus lavat, abstergantur, explicatum a nobis fuit in Commentario ad §. XLVI. & sequentem. Quod vero in hoc eodem §. jubetur

de vase parando pro manuum lotionem post Baptismum, quod huic tantum usui esset, explicatum quoque a nobis alibi invenies, itemque in Actis Ecclesiæ Mediolanensis a S. Carolo, & a variis Episcopis in eorum Conciliis, ac Ritualibus, quorum loca non opus est hic referre.

§. L.

Alba vestis in modum pallioli, seu linteolum candidum, infantis capiti imponendum.

COMMENTARIUS.

Alba vestis, de qua loquitur hic noster §. paranda in modum pallioli, seu linteolum candidum infantis capiti imponendum, ritus profecto & iste antiquissimus est in Ecclesiâ, ejusque passim meminere Patres, Synodi, ac Rituales Codices omnium Ecclesiarum, qui etiam varias hujus ritus mysticas significationes explicaverunt, quas nos infra opportuniori loco describemus. S. Carolus in citatis Instructionibus, Capite, *De his, quæ Paroebus, antequam infans in Ecclesiâ ad Baptismum deferatur, curet, ac præparentur*, pag. 502. qualitatem hujus vestis describit, eamque e domo parentum infantis baptizandi deferri inquit: *Vestem etiam candidam parvulam instar pallioli, & tela lineæ, aliove genere, non serico tamen, albi coloris confectam, quæ collo annexi possit, e domo parentum infantis portari significabit;*

Parochus scilicet, ut ex recitati Capituli titulo constat. Hinc revocare licet, quod scribit Paulus Papa I. in Epistola ad Pippinum Regem Francorum, qui linteamen, quod sabannum vocat, cum quo suscepta de Baptismo fuerat ipfius Regis filia, ad Summum ipsius Pontificem transmissit: *Præfatur nempe fidelitatis vestre illustris missus pretiosissimam vobis superna gratia munus attulit, sabannum videlicet, in quo vestra spiritalis filia sacratissimo lavacro abluta suscepta est &c.* Ceterum licet vestis hæc candida deferri soleat ut plurimum ab iis, qui infantem baptizandum ad Ecclesiam portant, paratam tamen habere hujusmodi vestem Parochus debet, pro infantibus expositis, ac iis etiam qui inopes sunt, ut scite notat Barrufaldus ad hunc §. num. 45. & seq. ubi etiam differte ait, non posse Parochum de jure hoc linteolum petere.

§. LI.

Cereus, seu candela cerea baptizato ardens tradenda.

COMMENTARIUS.

P Arandus est quoque, ut hic §. monet, *cereus, seu candela cerea baptizato ardens tradenda*; quia scilicet ritus & ipse in Ecclesia est antiquissimus, ut candela, seu cereus ardens, post vestem candidam, baptizatis præberi non sine mystica significatione, de qua opportuniori loco infra dicemus, solitus esset. Tenentur profecto baptizandi infantis propinquus, nisi paupertate excusentur, cereum istum ad Parochum deferre, qui nec immutari ab illo

debet, nec esse extinctus, cum accendendum. Rubrica præcipit. Cum autem non sine mysterio introductus sit in Ecclesia hic ritus, tenetur certe Parochus cereum ipsum præbere in expositum infantum, & miserabilem Baptismo. Nec enim queri, aut dolere Parochus potest, quod sua candela tantisper ardeat, & consumetur in Baptismo pauperum, cum alias, & cereos multos, & emolumenta non pauca ex ceterorum Baptismo consequi soleat.

§. LII.

Hic denique Ritualis Liber sit paratus, & item Liber Baptismalis, in quo baptizati describuntur.

COMMENTARIUS.

C Autum est insuper ex hoc §. ut hic *Ritualis Liber sit paratus, & item Liber Baptismalis, in quo baptizati describuntur*. Ritualem hunc Librum præ manibus habere Parochus debet in functionibus Ecclesiasticis peragendis, ac omnino legere, ne erret, aut periculo errandi se exponat. Sane licet Rituale, quo hodie utimur, sacros ritus comprehendat a Parochis, Sacerdotibusque inferioribus peragendos, antiquitus tamen quæcumque functione Ecclesiastica peculiari Libro continebatur. Hinc Liber, in quo ritus Baptismi, & orationes describuntur, dictus fuit *Ordo ad baptizandum*, & alio nomine *Baptisterium*, ad videndum est apud eruditum Carolum Dufresne in suo medio & infimæ Latinitatis Glossario, verbo *Baptisterium*, ubi varia ad eam rem probantur veterum Scriptorum loca describit, præsertim vero illud ex Capite v. 11. Capitulum Caroli Magni Imperatoris anni DCCLXXXIX. ubi edicitur, *ut audiant*

Episcopi Baptisterium Presbyterorum, ut secundum Romanum morem baptizent. Capitula quoque Guilberti Episcopi, Cap. 111. mandant, *ut unusquisque Baptisterium suum habeat, ut recte baptizet*. Quibus addit quod ait S. Bonifacius Moguntinus in suo Capitulari, Cap. xv. *Ut unusquisque Episcopus in sua Parochia diligenter discentias suos Presbyteros, quid in illo Baptisterio nunquamque verbum, vel sententia significet*. Constat itaque ex recitatæ hæc locis, & ex aliis multis, quæ ex antiquis Ritualibus, atque Conciliis afferri possent, Librum, in quo ritus Baptismi, & orationes notantur, appellatum etiam fuisse *Baptisterium*. Quod vero tandem spectat Baptismalem Librum in hoc nostro §. notatum, de quo suo loco infra in fine Operis dicemus, Tit. x. Cap. 111. una cum ipso paratum esse debet atramentarium cum calamo apto ad scribendum, ut in eo baptizati uomen describat juxta formam citato Cap. 111. expressam.

§. LIII.

Omnibus igitur opportune præparatis, Sacerdos ad tanti Sacramenti administrationem, lotis manibus, Superpelliceo, & Stola violacea indutus accedat; Clericum unum, seu plures, si potest, secum adhibeat Superpelliceo pariter indutos, qui sibi ministrent.

COMMENTARIUS.

E xplicatis hætenus his, quæ ad Baptismi administrationem parari debent, ac in promptu esse, mandat nunc hic nos §. ut *Sacerdos ad tanti Sacramenti administrationem, lotis manibus, Superpelliceo, & Stola violacea indutus accedat*. Idem præscribunt Instructiones S. Caroli, *De Baptismi administratione*, pag. 503. col. 1. his verbis: *Parochus, Sacerdosque, infante ad Baptismum oblato, lavat manus, Superpelliceo, Stolaque violacea in exorcismis, catechismisque utitur*. Loto manuum ex quodam naturæ instinctu Sacris obeun-

dis præmissa vel ab ipsis ethnicis fuit, & adeo quidem, ut illud Hesiodi in axioma transferret: *lotis manibus Sacra tractare est nefas*. Probabile ait Joannes Bona Cardinalis Lib. II. *Regum Liturgiarum*, Cap. 1. num. 14. ab Hebræis morem illum ad Christianos fluxisse, ut canthari, & luteræ aqua pleni, vel etiam fontes ante fores Templorum collocarentur, quatenus Sacra, vel preces oblaturi, parat ad Deum manus levarent, sicut Apostolus scripsit in Epistola 1. ad Timotheum, Cap. 111. & externa lotionem, interius puritatis admonerentur: *Quæ ratio*

zio est, ait Tertullianus in Libro, *De oratione*, Cap. xi. *manibus quidem ablatis, spiritus vero sordente orationem coire.* Debet autem quammaxime, ut eam etiam ob eausam Sacerdos ante administrationem Baptismi lavet manus, quod sacra Olea tacturus sit, iisque infantem non jam semel unctionus.

II. Lotis manibus, Baptismum administratur Sacerdos, ex præscripto nostri §. ac omnium Ritualium, Superpellicium, & Stolum violaceam induit, nunquam enim licitum fuit, extra persecutionis tempus, & unam necessitatem urgentis causam, uti observat Martene, Lib. 1. *De antiquis Ecclesie ritibus*, Cap. 2. Articulo IV. num. v. in vulgari, atque prophano habitu Baptismi Sacramentorum administrare; probatque egregio ea de re argumento, quod suppeditat Theodoretus Lib. II. *Historia Ecclesiastica*, Capite XXV. ubi, referente Aecio, asserit, *Cyrillum vendidisse sacram vestem, quam Constantinus omni laude celebrandam ad exornandam Hierosolymorum Ecclesiam Macario ejus loci Episcopo donaverat, ut ea indutus Divini Baptismi ministerium perageret.* Quam quidem vestis, ut ibidem additur, *aureis filis contexta erat.* Sed invaluit jam plurimis ab hinc sæculis ritus, ut eitra necessitate in Baptismi administratione Sacerdos Albam, ac Stolum adhiberet, uti nos docet Concilium Rotomagensis in Gallia celebratum anno MLXXII. Can. v. ubi mandat, *ut natus Sacerdos baptizet infantem, nisi jejunus, & indutus Alba, & Stola, nisi necessitate.* Nostris vero temporibus Albæ vicem tenet Superpellicium, quo ad minus, & Stola Minister Sacerdos debet esse indutus, ut habet antiquum. Rituale Ecclesiæ Lemovicensis. Porro statuit & idem noster §. ut Sacerdos ipse, qui est administraturus Baptismum, *Clericum unum, sen piores, si potest, secum adhibeat Superpellicem pariter indutos, qui sibi ministrant.* Id quod etiam præscribit S. Carolus in citatis Instructionibus, sic inquit: *Habebit etiam unum, aut plures, ubi fieri potest, Clericos paratos, Superpellicem indutos, sibi opportune ministrantes.*

§. LIV.

Ita paratus accedat ad limen Ecclesiæ, ubi foras expectant, qui infantem detulerunt.

COMMENTARIUS.

I. Statuit quidem hic noster §. ut Sacerdos ita paratus accedat ad limen Ecclesiæ, ubi foras expectant, qui infantem detulerunt. Estque hic ritus in variis Ritualibus præscriptus, quem egregie explicat S. Carolus in memoratis suis Instructionibus, Capite, *De Cærenoniis, quæ, priusquam Baptismus ministratur, adhibentur*, pag. 499. ubi sic inquit: *Ante fores Ecclesiæ, qui Baptismo initiandi sunt, offeruntur, propterea quod indigni sint, qui more Fidelium, Domum Dei, antequam Christo Domino se addixerint, ingrediantur.* Clariora

sunt quæ eandem in ritum docet Tridentini Concilii Catechismus, Parte II. *De Baptismi Sacramento*, num. 12. §. *Post aqua, sic dicent: Affertur autem, vel etiam adducuntur, qui Baptismo initiandi sunt ad Ecclesiæ fores, atque ab ejus introitu omnino prohibentur, quod indigni sint, qui Domum Dei ingrediantur, antequam a se turpissima servitutis jugum repulerint, & toties se Christo Domino, ejusque iustissimo imperio addixerint.* Atque huc spectat quod ajunt Tertullianus in Lib. *De Corona Militis*, Cap. 111. & Sanctus Cyrillus Hierosolymitanus in sua Catechēsi VII.

§. LV.

Interroget, nisi de his bene sibi constet, an sit suæ Parochiæ, masculus, an femina, an sit domi baptizatus, & a quo, & quam rite, & qui sint Compadres, qui infantem teneant, pro eoque respondeant; quos pie, ac decenter assistere, prout opus fuerit, pro baptizando ad interrogationes respondere admoneat.

COMMENTARIUS.

I. Quæ in hoc statuuntur §. præscribunt passim Sæcæ Episcoporum Synodi, ac Ritualis Libri omnes, præsertim vero S. Carolus in laudatis toties Instructionibus, *De Baptismi administratione*, pag. 503. ubi enarrans Ordinem Baptismi parvulorum, ita primum inquit: *Infans sub velliculo Ecclesiæ præforibus a Compadre, aut Comatre brachio dextro illum, vel illum sustentante, ita offertur, ut e conspicit Parochi sit; qui Superpellicem, & Stola violacea indutus in limine ipsius Ecclesiæ stans, primo interroget, an sit Parochia; tum masculus ne sit, an femina; post, an domi baptizatus. Ubi vero baptizatus non sit, ita ut infra ordine, ritęque interrogat, & asserat, ut genus in pronuntiando semper*

malet, si femina fuerit, ut in Rubricis distum est. Porro quod saltem, alienam in messum mittere vetitum sit, vetitum etiam semper fuit, aut in aliena Parochia suos baptizare, aut in propria alterius subditos, uti offendimus Tit. 1. in Commentario ad §. XIV. Parochia quippe dicitur locus certis finibus limitatus suum territorium habens separatim, ac divisum, ut docet Barbosa, *De Parochi officio, & potestate*, Parte 1. Capite 1. num. 19. & 21. Ex quo inferitur, quod quique baptizandus sit in sua, cui subest, Ecclesia, nisi sit peregrinus, vel certum non habeat domicilium, ut zingari, ac vagi, ex illegatis ab eodem Barbosa, Cap. XV. num. 7. ubi etiam num. 11. subiungit, peccare quidem mortaliter Sacerdotem, sed non tamen incurere excom-

municationem, aut irregularitatem, si infantem alterius Parochie solemniter baptizaverit sine licentia proprii Parochi.

II. Recte quoque & illud admonet noster §. ut nempe interroget Parochus, an baptizandus, masculus sit, an femina; ut nempe formula apta utatur, & illi propria verba accomodet. Jam non defuerunt Auctores apud Barufaldum in Commentario ad hunc nostrum §. num. 61. qui dubitarint, an validus esset Baptismus, siquis per errorem baptizaret femineam, credens esse masculinam, vel e contra. Sed hanc questionem decidit jam Concilium Provinciale vi. Beneventanum anni mcccxxiv. Tit. iv. Cap. v. §. *Pueris*, ubi valere hujusmodi Baptismus docet: *Si baptizato oblivione non imponatur nomen, vel forte errore, masculo nomen femina, vel e converso, imponitur, tenet Baptismus, nec propter hoc iteratur, & nomen in Confirmatione frontis denuo imponitur.* Atque hæc est communis Theologorum, & Canonici Juris interpretum sententia, inter quos Sylvester in Summa, verbo, *Baptismus* 111. num. 13. Hostiensis se-

quencius dicit, quod potius se baptizare puerum, imponens ei nomen Petrus, & baptizat puellam, si intendat baptizare personam cujuscunque sexus, est baptizatus, si vero marem tantum, non est baptizata; si autem simpliciter baptizet, non cogitans de mare, aut femina, est baptizata, quia scilicet intendebat ipse baptizare personam, quocumque ea esset. Atque huic opinioni concordare etiam ait S. Thomas agentem in iv. Sententiarum, Distinctione xxx. Questione 1. Articulo 1. ad tertium, quod siquis baptizet Joannem, credens se baptizare Petrum, Joannes sit vere baptizatus. Cetera, quæ in hoc nostro §. continentur, jam non opus est hoc loco explicare, cum satis superque de iis suis locis superius dixerimus, ac præsertim de Comparatibus, sive Patrinis, qui Infantem tenent, pro eoque, quod usu rationis careant, & loqui nesciant, respondent; quique, ut ait hic noster §. admonendi a Parocho sunt, ut pie, ac decenter assistant, ac, prout opus fuerit, pro baptizando ad interrogata respondeant. Atque id est etiam, quod & Ricusles Libri, & sacre Synodi mandant.

§. LVI.

Et quoniam iis, qui baptizantur, tanquam Dei filiis in Christum regenerandis, & in ejus militiam adscribendis nomen imponitur, curet, ne obscena, fabulosa, aut ridicula, vel inanium Deorum, vel impiorum ethnicorum hominum nomina imponantur, sed potius, quatenus fieri potest, Sanctorum, quorum exemplis fideles ad pie vivendum excitantur, & patrocinii protegentur.

COMMENTARIUS.

I. **J**uxta antiquum Ecclesie ritum, peracto Catechumenatus tyrocinio, qui ex Catechumenis Baptismalis gratiæ participes esse cupiebant, hi aliquibus ante Pascha diebus, tabulis Ecclesiasticis inscribendum nomen suum dabant, ut videre est passim apud Sanctos Patres, qui dandi nominis ante Baptismum, non uno in loco meminere: *Date mihi nomina, ut ego ea inseribam Libris sensibilibus*, inquit S. Gregorius Nyssenus in Oratione adversus eos, qui differunt Baptisma. Hanc viguisse olim in Orientali Ecclesia disciplinam, ut ante Baptismum nomen suum baptizandi darent, testis est etiam S. Cyrillus Hierosolymitanus in Prefatione ad suas Catecheses, num. 11. ubi hæc habet: *Hactenus nomina dedistis &c.* Ad quæ verba, multa scitu digora adnotavit Cyrilli Illustrator doctissimus Antoonius-Angustinus Tautæ Monachus Benedictinus Congregationis S. Marci, qui etiam recte observat, nihil notius hac nominum descriptione a baptizandis facta, ejus idem Cyrillus meminit num. 14. his verbis: *Intrasti, admittis es, nomen tuum inscriptum est.* Rursus Catechesi 111. oum. 11. sic ad rem ait: *Ne contingat nunc, quemquam eorum, qui nomina dederant, illud audire* (Matthæi Capite xxii.) *Amice, quomodo hæc intrasti, non habens vestem nuptialem?* Eandem fuisse disciplinam Ecclesie Latine, constat ex Concilio Carthaginensi 14. anni ccccxviii. Can. lxxxv. *Baptizandi nomen suum dent*; & ex S. Augulino, Libro 14. Confessionum, Cap. vi. oum. 1. *Ubi tempus advenit, quo me nomen dare oporteret, relicto rure, Mediolanum remeavi*; itemque ex ejus-

dem Sancti Doctris Sermone cxxx. *Ecce Pascha est, da nomen ad Baptismum.*

II. Jam vero siquis rekire desiderat, quouam præcise tempore baptizandi nomen darent, dicam, non idem in omnibus Ecclesiis dandi nominis tempus præscriptum fuisse. Constat, in Africa datum saltem ante Symboli traditionem, hoc est, duabus, tribusve hebdomadis ante Baptismum, uti patet ex S. Augustini Sermone cccxi. qui est secundus in Symboli traditione, in cujus Capite vii. sic inquit: *Ecclesia, si non parit filios, quomodo dedimus nomina nostra, ut de ejus visceribus nasceremur.* In vulgato etiam Romano Ordine præscribitur, ut Feria 14. hebdomadæ tertiæ Quadragesimæ infantium, & Susceptorum eorum nomina scribantur. Sed in Epistola Jesse Ambianensis Episcopi ad Iuon Parochianos, in Gellonenfi antiquo Libro Sacramentorum, in veteri Ecclesie Pictaviensis ab annis circiter pccc. exarato Codice, & in ms. Ponticali Ecclesie Salisburgensis, id Feria 11. injungitur. Idem legitur in antiquo Codice Ecclesie Noviomensis annorum circiter CM. & in Regio ejusdem ætatis, ut & in Ordine Gelafiano, in quibus tamen legitur Missa in Dominica tertiæ, cujus in Canone infra actionem nomina electorum recitari jubentur; quod quidem signum est, jam antea scriptis in tabulis fuisse relata. Et re vera in Epistola Siricij Papæ ad Himerium Tarraconensem Episcopum, Cap. 111. habetur, quod *solis per annum diebus, Paschæ, & Pentecostes, ad fidem consuetudinis generalia Baptismatis tradi convenit Sacramenta his duntaxat electis, qui ante quadragesima, vel co-*

amplius dies nomen dederint. Quod quidem, tempus a Græcis etiam observatum esse, colligi potest ex citata S. Cyrilli Hierosolymitani Præfatione ad Catecheses, num. iv. ubi sic inter alia loquitur: Intrusti, admissi es, nomen tuum inscriptum est, &c. Tum infra: Non parvum habere temporis intercedendum; penitentia dierum quadraginta tibi datur.

III. Tradit hæc quidem doctissimus Martene, Lib. 1. *De antiquis Ecclesiæ ritibus*, Cap. 1. Articulo x. num. II. ubi etiam mox observat, aliquando profutendis nominibus longius præstitum fuisse spatium temporis, probatque ex Epistola 111. S. Clementis Papæ, quæ decernitur, ut accedat qui *venit ad Sacerdotem suum, & ipsi det nomen suum, ut tribus mensibus jam consumptis, in die festo possit baptizari*. Scio, ab eruditissimis suppositum conferri hanc Epistolam, sed negari non potest, quin ea sit alienius antiqui Auctoris. Quicquid autem de ea sit, quod nos dicimus, probari potest ex iis, quæ scripserit S. Ambrosius in Evangelium Lucæ Lib. iv. n. 76. *Nemo adhuc nomen suum dedit*. Et paulo post: *Misi joculum vocis per Epiphaniam, & ad hunc nihil cepi*. Huc adducere referri potest locus Siricii Papæ superius descriptus, dum ait, *in solis Baptismi dari, qui ante dies quadraginta, vel eo amplius nomen dederint*. Ceterum ex hac nominum inscriptione, ut notat Martene loco citato, num. 111. nonnulli & illud insinuant, nominum olim non in Baptismo, ut nunc fit, sed longe ante imposita fuisse. Ita censet Menardus in Notis ad Librum Sacramentorum S. Gregorii Papæ, pag. 99. ubi probat, moris fuisse apud veteres Francos die nono ab ipso natali die maribus, octavo feminis nomen imponere; putatque antiquos Christianos in nominibus imponendis sua consuetudine usos fuisse, posita omni superstitione pagánica. Et certe cum tardius olim, nec nisi proventuribus ætate soletur Baptismus administrari, tanto tempore sine nomine mansisse, haud quaquam probabile videtur.

IV. Licet autem ita se res haberet, jam nihil obstat, quo minus antiquissima sit in Baptismo nominis imponendi consuetudo. Nam qui ex Paganis ad Christum convertebantur, uomine gentili abjecto, novum assumebant; qui vero ex Christianis parentibus progeniti erant, hi aut nullum nomen ante Baptismum habebant, aut indistinctum mutabant, vel etiam aliquando retinebant, uti addicere licet ex variis Actis, & Historiis Sanctorum. Ita in Actis Sanctorum Hippolyti, Eusebii, & Sociorum, quæ tanquam sincera vulgavit Baronius ad ann. Christi cccix. num. xi. S. Stephanus Papa I. Adriam, & Paulinum baptizans, *vocavit puerum Neonem, puellam Mariam*. In Actis ejusdem S. Stephani ibidem, num. xxii. S. Pontifex Nemefis filiam baptizatam, *Lucillam vocavit, quam ipse elevarat de Fonte*. Ita S. Petrus Balsamus a Severo Præfide de nomine interrogatus, respondit: *Nomine paterno Balsamus dico, spirituali vero nomine, quod in Baptismo accepi, Petrus dico*. Ita apud Socratem Lib. vi. 1. *Historia Ecclesiastica*, Cap. xxi. cum Theodosius junior Imperator Athenaidem ductus esset uxorem, hanc *Atticæ Episcopus Christianam fecit, & in Baptismo pro Athenaidæ Endociam nominavit*. Ita, apud Gregorium Turonensem, Lib. viii. *Historia Francorum*, Cap. xxii. Waldo quidam

Tom. I.

Diaconus in Baptismo *Berthebramius vocitatus est*. Eodem teste Auctore in Libro, *De Vita Patrum*, Cap. viii. S. Nicetius, qui postea Lugdunensis Episcopus fuit, a matre nomen in Baptismo accepit.

V. Longum esset alia id genus exempla asserere, quæ passim in Actis Sanctorum veterum occurrunt, quorumque mentionem inter alios faciunt Josephus Vicecomes, & Edmundus Martene, ubi antiquos Baptismi ritus recensent. Exemplis itaque aliis omisiss, circa nominis impositionem ex laudatis Scripturibus nonnulla sunt hoc loco observanda. Primum est, ipsum nomen aliquando ab Episcopis, aliquando a parentibus, aliquando a Susceptoribus, seu Patris in Impositum fuisse. Sane, ut jam superius notavimus, Stephanus Papa I. in Actis SS. Hippolyti, Eusebii, & Sociorum, Adriam baptizatum a se Neonem, & Paulinam Mariam nominavit. Teste Beda Lib. v. *Historia Anglorum*, Capite vii. *Cum Cedalla Rex Occidentium Saxonum hoc sibi gloria singularis desideraret adipsi, ut ad Limina Beatorum Apostolorum Pontificatus ablueretur. . . . illo perveniente, Pontificatum agente Sergio, baptizatus esset die sancto Sabbati Paschalis anno DCLXXXIX. ei tempore Baptismatis Papa memoratus Petri nomen imposuit*. Simile exemplum proferunt Annales Francorum apud Chesnum, Tomo II. pag. 22. & Tomo III. pag. 138. his verbis: *Anno DCLXXXI. perrexit Carolus Rex Roman, & baptizatus est ibi filius ejus, qui vocabatur ei Carlomanus, quem Adrianus Papa mutato nomine vocavit Pippinum*. Sed & hodie apud Moscovitas, nomen imponit Sacerdos, non tamen in Baptismo, sed ipso nativitatæ die, ut testatur Sigismundus Liber in Libro, *De rebus Moscoviticis*, Capite inscripto, *De Baptismo*, his verbis: *Nato infante, mox accersitur Sacerdos, ante januam habitationis, in qua est puerpera, certus stando recitat orationes, pueri nomen imponit, deinde quadagesimo communiter die, nisi forte puer ægetet, deservit in Templum, & baptizatur*. Porro consuevisse ut plurimum parentes nomen filii imponere, testatum ex praxi habemus, cujus mentio passim fit in Historia sacra, & profana. Quod vero ab ipsis etiam Susceptoribus aliquando nomen daretur, docet Gregorius Turonensis in Historia Francorum, Lib. x. Cap. xxviii. ubi loquens de Baptismo Chlotarii II. dixerit ait, quod illum excipientes *Chloturum vocitari voluit*.

VI. Sanctissime autem illud ex nostro sanctum est, ut curet Parochus, ne abscissa, fabulosa, aut ridicula, vel inanimata Deorum, vel impiorum ethnicorum hominum nomina imponantur, sed potius, quantum fieri potest, Sanctorum &c. Est hæc quidem vetus Ecclesiæ disciplina, uti ex variis Conciliis constat, ac præsertim Nicæno, in Canone scilicet xxx. Arabico ejusdem Concilii, ubi sic inquit: *Fideles nomina gentiliū filiis suis ne imponant, sed potius omnis natio Christianorum suis nominibus utatur, ut gentiles suis utantur*. Idem præscribit sequioris ævi Synodi multe, ac Rituales Codices, quibus inhæreas S. Carolus in Concilio Provinciali iv. Mediolanensi, Constitutionum Parte II. Capite inscripto, *Quæ pertinent ad Sacramentum Baptismi*, sic inter alia statuit: *Curet idem, Pa- rochus scilicet, ut infantibus proprio nomine in*

L 2

Bu

Baptismo appellandis ea nomina non imponantur, quæ turpia, aut ridicula, quæque gentiliū, atque adeo impiorū, & impiorū hominū memoriam referant, sed illorū, qui ob verā pietatē, ac familiā religionē, virtutisque Christianæ laudem, Sanctorū numero adscripti sunt; ut & in ipso ita ingressū, cum ethnicis ne nomen quidem commune Fideles habere velle protestentur, & ipsi infantes etiam cum aetate processerint, nominum similitudine, ad eorū, a quibus illa accepta sunt, imitationem excitentur; & præterea, quos imitari studeant, eosdem quoque frequentius precantur; ac sperent, eos potissimum sibi ad salutem tum animi, tum corporis advocatos fore. Similia sunt, quæ docet Tridentini Concilii Catechismus, Parte II. De Baptismi Sacramento, num. ix. in fine, ubi de nominis impositione agens sic ait: *Ad extremum vero nomen baptizato imponitur, quod quidem ab aliquo sanctum est, qui propter excellentem animi pietatem, & religionem in Sanctorum numerum relatus est; ita enim facile fiet, ut quivis nominis similitudine, ad virtutē, & sanctitatis imitationem excitetur; ac præterea quem imitari studeat, eum quoque precetur, & speret sibi advocatum ad salutem tum animi, tum corporis defendendum venturum esse.* Pergit, additque mox num. xli. *Quare reprehendendi sunt, qui gentiliū nomina, & eorū præcipue, qui omnium sceleratissimi fuerunt, tam diligenter consulantur, & pueris imponant; eum ex eo intelligi possit, quanti Christianæ pietatis studium faciendum existimant, qui impiorum hominū memoria tantopere delectari videntur, ut velint Fidelium aures huiusmodi prophana nomina nūquid circumsonare.* Viget hodieque iste abusus, quem multæ recentiores Synodi evellere conatæ sunt.

VII. Alieni ab hoc abusu jam multi ex antiquis Christianis sunt, quos memorat Nicephorus Lib. vi. *Historia Ecclesiastica*, Cap. xxi, ubi ait, quod multi propter suam in Apostolorum propensionem, & affectionem nomina eorū liberis suis imponebant. Inter Apostolos vero SS. Petri, & Pauli, atque Joannis nomina præ ceteris placuisse primis Christianis; testem omni exceptione maiorem habemus Dionysium Alexandrinum apud Eusebium, Lib. vi. *Historia Ecclesiastica*, Cap. xxv. Antiquam quoque fuisse Ecclesiæ Mediolanensis praxim, ut tribus pueris, quos in Vigilia Paschæ baptizare solebat Archiepiscopus, uni Petri, alteri Pauli, tertio Joannis nomen imponeretur, ex Cæremoniali Beroldi docet eruditus Vicecomes. Post SS. Apostolorum nomina, nulla primis sæculis acceptiora fuisse, quam SS. Martyrum, tradit etiam Theodoretus Sermone viii. *De Græcarum affectionum eurasionibus*, sic iniquis: *Nascentibus filiis Martyrum nomina imponere student, securitatem inde ipsi, ta-*

telamque comparantes. Atque ea extitit causa, cur B. Gregorius Nysseni soror Macrina nomen sortita sit, ut ipse docet in ejus Vita num. 11. sic dicens: *Macrina Virgini nomen erat, sic a parentibus appellata, quod olim ingessit quædam in nostra familia Macrina fuerat, patris nostri videlicet mater, quæ tempore perfectionis pro Christi confessione pugnaverat.*

VIII. Jam non desere olim, qui parentum, aut avorum, aliorumve illustrium virorum prophana nomina ambirent; quam tamen consuetudinem merito S. Joannes Chrysostomus improbat in Homilia xxi. in Genesim, ubi auditores suos hortatur, ut Sanctorum potius hominum, qui Christianis virtutibus fulserunt, liberis suis nomina imponant, ut eorū exemplo & ipsi ad virtutem Christianam incendantur. Quamobrem laudat inprimis Cives Antiochenes, qui, spreto parentum nominibus, Meletii eorū quondam Episcopi appellationem præferrent. Sic enim in coconio, quod de eo scripsit, inquit: *Cum enim in principio in Civitatem ingressum excipisset, unusquisque filium suum appellabat ab illius appellatione, per appellationem existimant, in domum suam Sanctum illum introducere, patrefque, vos, & proavos, ut matres præterant, Beati Meletii nomen imponebant liberis, quos pepererant.* Atque ex his, & aliis Patrum testimoniis, quæ afferri huc possent, satis jam patet, quod notat eruditus Martene, Lib. i. *De antiquis Ecclesiæ ritibus*, Cap. i. Articulo x. an. vii, quam longe scilicet aberraret a puriori Ecclesiæ disciplina nostri sæculi heterodoxi, qui abjectis Sanctorum Novi Testamenti appellationibus, nomina Testamenti Veteris affectant, quos merito carpit Concilium Provinciale Burdigalense anni MDLXXXII. his verbis: *Nomina Sanctorum Patrum Veteris Testamenti affectare, hæreticum est.* Non quidem præcise propter affectatā Sanctorum antiquæ Legis nomina, nam de quolique Aegyptiis Martyribus, qui Helix, Hieremias, Samuelis, Isaac, & Danielis nomina assumerant, id narrat Eusebius in Libro, *De Martyribus Palesine*, sed quod ea in odium debitorum Sanctis venerationis accipere affectent.

IX. Quamquam denique ex variis Conciliis permixtum jam fuerit, acceptum in Baptismo nomen, in Confirmatione mutare, præsertim vero ubi quis in Baptismo turpe, ridiculumve nomen fuerat sortitus, ut ex variis Conciliis docet Martene, citato Lib. i. Cap. II. Articulo 11. num. xii. merito nihilominus Concilium Provinciale vi. Beneventanum anni mcccclxxi. Tit. iv. Capite v. §. *Pueris*, reprehendit superstitionem nominis illam mutationem immediate reversis de Baptismo ad domum pueris factam, quod ea mutatio debebat proficere contra potiones, aut incantationes magicas.

§. LVII.

His igitur expeditis, & accepto nomine baptizandi, positi, si infans fuerit, super brachium dextrum illius, qui cum desert, Parochus ad Baptismum procedat, in hunc modum nominatim interrogans.

COMMENTARIUS.

I. **P**erspicium est, quod in hoc §. edicitur, accepto, inquit, nomine baptizandi, positi, si infans fuerit, super brachium

dextrum illius, qui cum desert, Parochus ad Baptismum procedat; paratus scilicet superpelliceo, & Stola violaceo, in Limine Ecclesiæ flans, ubi so-

foris stant, qui infantem detulerunt, uti jam diximus in Commentariis ad superiores Paragraphos. Accipitur autem tunc a Parocho nomen baptizandi, ut nominatim interroget illum, & sciat quomodo latino idiomate pronuncietur, latino enim sermone interrogari debet in proprio casu vocativo, ut ex sequentibus Paragraphis liquet. Quod tandem in præfati §. dicitur, baptizandum infantem positum esse debere super

brachium dextrum, qui enim desert, statutum est etiam in variis Ritualibus, ac præsertim in Actis Ecclesiæ Mediolanensis non uno in loco. Ceterum notat Baruffaldus in Commentario ad hunc §. num. 70. ad commodiorem usum præcipi, ut suscipiatur infans super brachium dextrum, quia hoc modo Parochus ministrans Baptismum facilius operatur, & quia etiam pars dextra est nobilior sinistra.

C A P U T II.

Ordo Baptismi Parvulorum.

§. I.

N. *Quid petis ab Ecclesia Dei.* Patrinus respondet: *Fidem.* Sacerdos: *Fides quid tibi præstat?* Patrinus respondet: *Vitam æternam.* Sacerdos: *Si igitur vis ad vitam ingredi, serva mandata. Diliges Dominum Deum tuum ex toto corde tuo, & ex tota anima tua, & ex tota mente tua, & proximum tuum, sicut teipsum.*

C O M M E N T A R I U S.

I. Quamquam non eo ordine, quo in hoc nostro Rituali Romano præscripti sunt ritus Baptismi, in omnibus oïm Ecclesiis adhiberentur, omnes tamen, imo & alii complures, ac in ipso Romano Rituali notantur, adamussim observabantur. Haud dubium est, quin juxta antiquum morem peracta diaboli renuntiatione, & corporis unctione, sequeretur statim interrogatio de Fide, ejusdemque professio. Porro ex ms. Codice Bibliothecæ S. Genovesæ Parisiensis annorum circiter ccc. in quo nonnulli ritus Ecclesiæ Laudensis in Italia continentur, apud Martone, Libro 1. *De antiquis Ecclesiæ ritibus*, Cap. 1. Articulus xviii. Ordine xv. statutum est quidem, ut *in primis cum infans dñicus fuerit ad Ecclesiam, Sacerdos stans ante fores Ecclesiæ exisset tribus vicibus in ore infantis in modum Cræcis, posset dicat*: Per istam insufflationem, & Dei benedictionem exeat a te spiritus malignus, & ingrediat in te spiritus Sanctus, & totum permaneat in æternum. Deinde Sacerdos interroget, quod nomen infans habere debet, dicendo: *Quid petis ad Ecclesiam?* R. *Fidem.* Iterum dicit Sacerdos: *Fides quid tibi præstat?* R. *vitam æternam.* Postea dicit Sacerdos: *Hæc est autem vita æterna: Diliges Dominum Deum tuum ex toto corde tuo, & ex tota mente tua, & ex omnibus viribus tuis, & proximum tuum, sicut teipsum.* In his duobus mandatis universa Lex pendet, & Prophætæ.

II. Esse antiquum præterea ritum, ut hujusmodi instructio a Sacerdote baptizante fieret stante in Limine Ecclesiæ, baptizandum extra Limen manente, docent nos tres mss. Libri Pontificales apud eundem Martone, Constantinopolitanus annorum circiter DC. Aqueñsis D. & Romanus CD. in quibus ita legitur: *Stans in Ecclesia Limine Sacerdos catechizandum situm foris Limen interrogat, ita dicens: Joannes, quid petis ad Ecclesiam Dei?* R. *Fidem.* Interrogatio: *Fides quid tibi præstat?* R. *vitam æternam.* At ci Sacerdos: *Si vis habere vitam æternam, serva mandata: Diliges Dominum Deum tuum ex toto*

corde tuo, & ex tota anima tua, & proximum tuum, sicut teipsum. In his duobus mandatis tota Lex pendet, & Prophætæ. Fides autem est, ut unum Deum in Trinitate, & Trinitatem in Unitate veneris; neque confundendo Personas, neque substantiam separando. Alia est enim Persona Patris, alia Filii, alia Spiritus Sancti; sed horum trium una est, & non nisi una Divinitas. Exeat ergo de te spiritus malignus, & ingrediat in te spiritus bonus per eum, qui venturus est.

III. Illud vero in hoc nostro §. non modo, sed & in aliis Ritualibus præscriptum legitur, ut infantes baptizandi proprio appellati nomine a Sacerdote interrogentur, sed respondeant tamen pro ipsi Patrini. Et quæ hæc antiquissima Ecclesiæ disciplina a Sanctis Patribus, & a sacris Conciliis comprobata. Certe S. Augustinus, Lib. iv. *De Baptismo*, Cap. xxiv. relatius in Canone lxxv. *De consecratione*, Distinctione iv. sic docet: *Cum pro parvulis alii respondent, ut impleatur erga eos celebratio Sacramenti, valet utique ad eorum consecrationem; quia ipsi pro se respondere non possunt. At si pro eo, qui respondere potest, alius respondeat, non itidem valet. Ex qua regula illud Evangelii dictum est, quod omnes, cum legitur, naturaliter monet: Etatem habet, ipse pro se loquatur.* S. Augustino consentit Sanctus Ildorus, Libro II. *De officiis*, Capite xxiv. relatius & ipse in Canonem lxxiii. loco citato: *Parvuli, inquit, alio proficente, baptizantur, quia adhuc loqui, vel credere nesciunt; sicut etiam ægri, muti, & surdi, quorum vice alius proficitur, ut pro eis respondeat, dum baptizantur.* Atque ex his additiis, excludi mutum, surdumve a ministerio Patrini, quia Patrinus scilicet audire verba Sacerdotis debet, eique verbis expressis, illisque præcis a nostro Rituali Romano in hoc & sequentibus Paragraphis præscriptis, respondere. Quod quidem ex variis Ritualibus, ac Synodis permultis demonstrari latius posset, sed supervacaneum est eorum loca in re perspicua, ac satis probata referre.

§. II.

Deinde ter exfuffet leniter in faciem infantis, & dicat femel: *Ex ab eo, vel ab ea, immunde ſpiritus, & da locum Spiritui Sancto Paraclito.*

COMMENTARIUS.

I. **R**itum in §. præſent præſcriptum, eſſe antiquiſſimum, docent SS. Patres paſſim, tum Latini, tum Græci, ex quibus etiam addiſciſimus, non modo exorcifmum, ſed & exufflationem in faciem baptizandi fieri jam olim conſueviſſe. Notandus in primis locus ex Epiftoła ex c. iv. S. Auguſtini ad Sixtum, num. 46. ubi peccatum originale probat adverſus Pelagianos ex inufflatione, & exorcifmif, qui ſuper infantes ante Baptiſmum ſunt: *Non inveniant, inquit, quid ad hoc respondeant, quod exorcizantur, & inuffantur infantes. Hoc enim procul dubio fallaciter fit, ſi diabolus eis non dominatur; ſi autem dominatur, & ideo non fallaciter exorcizantur, & inuffantur; per quid dominatur, niſi per peccatum, princeps utique peccatorum?* Huc ſpectat quod idem S. Doctor ſcribit Lib. 1. *De Symbolo ad Catechumenos*, Capite v. ubi hæc habet: *Sicut vidiffis bodie, ſicut noſtis, & parvuli exuffantur, & exorcizantur, ut pellatur ab eis poteſtas iniqua, qua decipit hominem.* Multa in rem iſtam laudati S. Auguſtini teſtimonia congoſcit inter alios Stephanus Durandus Lib. 1. *De ritibus Eccleſie Catholice*, Cap. xxx. num. 22. ubi & alia plurima aliorum SS. Patrum, & perveſtuſſorum Scripturum loca recenſet, præſertim vero Tertulliani, S. Cypriani, ac S. Dionyſii in Libro, *De Eccleſiaſtica Hierarchia*, Cap. II. Parte II. ubi expreſſa tri-næ inufflationis mentio habetur, quæ quidem ab ipſo baptizando, ſi adultus erat, fiebat: *Deinde cum illum, Catechumenum, Occidentem verſus attendentem, manufque porrigentem, ad eandem regionem collocaviſſet, tum cum jubet, Sacerdos ſcilicet, tertio Satana, ut ita dicam, inufflare, & præterea qua deſeſionis, & abrenuntiationis ſunt, præſteri.*

II. Communiter quidem fiebat ipſa exufflatio ab eo, qui conſerebat Baptiſmum, ab Epifcopo ſcilicet, vel Presbytero, ſed negari tamen non poteſt, quin aliquando a Diaconis fieret, ut patet ex Actione I. Concilii II. Conſtantinopolitani; aliquando ab Exorcifmif, ut habet Joannes Belethus in ſua Divinorum Officiorum explicatione, Cap. xc. aut a ſimplicibus Clericis, ſive Acolythis, ut addiſcere licet ex Gennadio in Libro, *De Eccleſiaſticis Dogmatibus*, Cap. xxxi. ubi ſic loquitur: *Illud etiam, quod circa baptizandos in univerſo Mundo Sancta Eccleſia uniformiter agit, non otioſo contemplerur intuitu, cum ſec parvuli, ſive juvenes ad regenerationis veniant Sacramentum, non prius Fontem ultæ adeant, quam exorcifmif, & exufflationibus Clericorum, ſpiritus ab eis immundus abigatur.* Atque hic illud etiam nota, ritum ſcilicet exufflationis, & exorcifmorum in Baptiſmo, jam olim in univerſo Mundo ab Eccleſia ſancta uniformiter peragi conſueviſſe. Et certe eundem in Eccleſia Orientali uſum obſervatum fuiſſe, patet ex Concilio Generali Conſtantinopolitano I. Canon VII. his verbis: *Primo quidem die ipſos*

Chriſtianos facimus, ſecundo Catechumenos, dein de tertio exorcizamus, ſive adjuramus ipſos, ter ſemel in faciem eorum, & aures inufflando. Quæ verba repetuntur in Concilio VI. Generali Conſtantinopolitano III. eique ſuffragatur Nicetas Choniates in Libro II. Orthodoxæ Fidei, ſic dicens: Sacerdos cum illam denno in Templum ducit, & inuffantur ter in faciem ejus, & aures ejus, tandem etiam exorcifmorum orationes adficiens, cum rursus ſigno Crucis munim a ſe dimittit. Sed ut alios omittam, audiamus tandem S. Cyrillum Hieroſolymitanum, qui de eifdem ritibus ita ſcribit in Catecheſi Myſtagogica: *Inufflationes Sanctorum, & Nominis Dei invocatio, tanquam vehementiſſima quadam flamma arit demonas, & in fugam convertit.*

III. Quamquam vero ex dictis hæcenus conſtat, inufflationes apud Græcos factas fuiſſe non modo in faciem, verum etiam in aures, ut tamen uos Euchologium docet, in adultorum Baptiſmo Sacerdos primum inufflat ter in faciem Catechumeni, & iterum poſt tertium exorcifmum idem Sacerdos inufflat in os, frontem, & peſtus ejusdem Catechumeni, & poſt abrenuntiationem, jubet eum inufflare, & conſpuere ſatanam. Sed quicquid fit de ritu Græcorum, inufflationem apud Latinos in ſolam faciem factam fuiſſe, docent nos omnes Libri Rituales, quos ſe cit conſuluiſſe Martene, Libro 1. *De antiquis Eccleſie ritibus*, Cap. I. Articulo vii. num. xii. Atque his inhærens noſtrum Rituale Romanum, in præſenti §. ita præſcribit: *Deinde ter inufflet leniter in faciem infantis, & dicat ſemel: Exi ab eo &c.*

IV. Eſſe autem antiquum ritum, ut in ipſa inufflatione, ea verborum formula in noſtro §. præſcripta diceretur, probari plane poſſet ex plurimis Patrum, ac Ritualium locis. Certe Optatus Milevitanus, Libro IV. contra Parmenianum, loquens de excludendo diabolo ante ſalutarem lavacrum, poſtquam dixit, hoc Baptiſmum operari, *per quem ſpiritus immundus depellitur, & fugatur*, ita mox ſubdit: *Vos baptizando exorcizatis hominem ſidelem, & dicitis: Maledictus exi foras.* Ex duobus miſ. Libris Sacramentorum inſignis Eccleſie Turonenſis annorum circiter CM. & alio Majoris Monaſterii annorum DCCC. atque ex Rituali S. Salvatoris de Villalupe annorum DC. ita præſcriptum eſt: *Primitus diſcooperiat Sacerdos caput infantis, ſi cooperitus fuerit, & inufflet tribus vicibus in faciem ejus, dicens: Iuſuſſo te, diabole, in Nomine Patris, ut ex eas, & recedas ab hoc famulo Dei, quem tua fraude decepiſti. Inuſſo te, diabole, in Nomine Filii, ut ex eas, ut ſupra. Inuſſo te, diabole, in Nomine Spiritus Sancti &c. ut ſupra.* Ex ms. Pontificali S. Luciani Bellocæſis annorum circiter nccc. inufflat ter Sacerdos baptizandum, dicens: *Recede ab hac imagine Dei increpatuſ ab eo, & da locum Spiritui Sancto.* Ex ms. Miſſali Romaniceniſ annorum

rum

rum circiter CCC. Sacerdos baptizans insufflabat in ora singulorum baptizandorum, & postquam dixerat ter: *Accipite signaculum Dei Patris, & Filii, & Spiritus Sancti*, subdebat mox: *Exi ab eo Satan, da honorem Deo vivo, & vero. Da honorem Jesu Christo Filio ejus, & Spiritui Sancto, & recede ab hoc famulo Dei illi.*

V. Longum esset alios Codices Rituales referre, quos legere est apud laudatum Martene. Plura autem de exufflationibus, & exorcismis, eorumque formulis tradit S. Severus Patriarcha Alexandrinus in Libro, *De ritibus Baptismi*, & alii plures tum Græci, tum Latini Patres, ac Sacre Synodi, quibus insignis Calvinistarum impudentia detegitur, qui exorcismorum, & exufflationum in Baptismo ritum ab ipis Apostolis usque ad hæc tempora in universo Mundo una voce, unaque mente conservatum irridere non erubescunt, Julianum illum Imperium Apostatam imitantes, qui, Auctore S. Gregorio Nazianzeno in Oratione adversus eundem Julianum, sufflationes symbolicas in Baptismo in calumniam, & risum trahebat. Porro ex dictis jam constat, cur exufflatio, atque exorcismus super baptizandum fiat, *ad expellendum scilicet diabolum, ejusque vires frangendas & debilitandas, særis, & religiosis verbis, ac preceationibus*; inquit Tridentini Concilii Catechismus, Parte II. *De Baptismi Sacramento*, num. 12. §. *Sequitur*. Sed audiendas hic iterum S. Augustinus relatus in Can. *Sicut nosis*, De consecratione, Distinctione IV. ubi hæc habet; *Pueruli exufflantur, & exor-*

cizantur, ut pellantur ab eis diaboli potestas inimica, qua decepit hominem, ut possideret homines. Notandum vero quod subdit: *Non ergo creatura Dei in infantibus exorcizatur, aut exufflatur, sed ille, sub quo sunt omnes, qui sub peccata nascuntur.*

VI. Juxta antiquum ritum, post exufflationem dabat Sacerdos baptizando pacem cum osculo, hoc est, Sacerdos Baptizandum osculabatur, dicens: *Pax tibi*. Quod quidem ex S. Cypriano colligere licet, qui in Epistola 112. ad fidem de infantibus baptizandis, sic eum ritum exprimit: *Nam etsi adhuc infans a partu novus est, non ita est tamen, ut quisquam illum in gratia danda, atque in pace facienda berrere debet osculari, quando in osculo infantis uniusquisque nostrum pro sua religione, ipsas habet recentes Dei manus debet cogitare, quas in homine modo formato, & recens quodam modo osculamur, quando id, quod Deus fecit, amplectimur*. Recitat hunc locum Stephanus Durantus, Libro 1. *De ritibus Ecclesie Catholice*, Cap. XIX. num. 24. atque ritum ipsum osculandi infantem, in consuetudinem abiisse. Martene autem Libro 1. Cap. 1. Articulo XV. num. 1. locum ipsam Cypriani intelligit de osculo, non ante, sed post Baptismum infanti exhibito; additque, peculiarem fuisse eum ritum Africanæ Ecclesie, quod præter Cyprianum, Auctorem nullum, qui illius meminerit, repererit. Sed puto utrumque lapsum fuisse, Martene, ac Durantus, ut dicemus infra in Commentario ad §. VI.

§. III.

Postea pollice faciat signum Crucis in fronte, & in pectore infantis dicens: *Accipe signum Crucis tam in fronte, quam in corde, Sume fidem celestium præceptorum, & talis esto moribus, ut Templum Dei jam esse possis.*

Oremus.

Preces nostras, quesumus Domine, clementer exaudi, & hunc electum tuum N. Crucis Dominice impressione signatum perpetua virtute custodi, ut magnitudinis glorie tue radimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. R. Amen.

COMMENTARIUS.

I. Signum Crucis baptizandis imprimi, antiquissimi est instituti, ejus non uno in loco meminit inter alios Patres S. Augustinus, præsertim vero Libro II. *De Symbolo ad Catechizandos*, Cap. 1. quos sic alloquitur: *Non dum quidem adhuc per sacrum Baptismum renati estis, sed per Crucis signum in atero Ecclesie joni concepti estis*. Varios Patres tum Latinos, tum Græcos idipsum asserentes citat Durantus Lib. 1. *De ritibus Ecclesie Catholice*, Cap. XIX. num. 28. ubi inter alios recenset S. Basilium, in Libro, *De Spiritu Sancto*, Cap. XXV. ubi inter consuetudines, quæ non scripto, sed traditione proditæ sunt, enumerat eam, qua signo Crucis eos, qui spem collocant in Christum, signamus. Plura de Crucis signo in Baptismo docent memoratus Augustinus variis in locis, S. Joannes Chrysostomus contra Gentiles, & in Oratione, *Quod Christus sit Deus*, S. Hieronymus in Epistola ad Heliodorum, S. Cyrillus Hierosolymitanus Catechesi IV. & alii plures.

II. Jam vero quod spectat ad partes Cruce signandas, non una fuit Ecclesiarum omnium, consuetudo. In Rituali Ambrosiano, & in Laudensi ms. unica duntaxat consignatio designatur in fronte. In antiqua Liturgia Gallicana, quam ex ms. Codice Bobiensi ante annum M. exarato edidit Cl. Mabillonius, Tomo 2. Musæi Italici, duplex, *in fronte, & in corde*. In ms. Pontificali Ecclesie Constantinopolitane, & Ecclesie Aquisgranensis, triplex, *in fronte, in pectore, & in fronte & pectore simul*. In Missali Gothico, quod publica luce donavit doctissimus, religiosissimusque S. R. B. Cardinalis Thomasius, quadruplex, *in oculis, in auribus, in auribus, & in corde*. Septuplex tandem in Enehiridio Christianæ Institutionis in Concilio Colonienfi anni MDCXVI. editæ, *in fronte, in oculis, in auribus, in auribus, in pectore, in semipulis, & in ore*. Quarum omnium mysticas rationes assert, his verbis: *Deinde signum Crucis fit principio in fronte ad significandum, quod baptizandus nomen dat Christo*
Cru-

Crucifixo, in quo confidat, & quem pollicetur confiteri, nunquam erubescat. Super oculos deini, ut intelligamus, baptizandum parari ad videndum claritatem Dei. Super aures quoque, ut intelligamus, eum consecrari, ut audiat verbum veritatis Dei. Super naves etiam, ut percipiat suavitatem odoris Dei. Signatur quoque pectus, ut credat in eo, quod corde creditur ad justitiam. Scapula quoque, ut suscipiat signum servitutis Dei, juxta Christi præceptum. Tollite jugum meum super vos. Os denique, ut consecratur illi, quia ore confessio fit ad salutem. De hujusmodi signis loquitur etiam Tridentini Concilii Catechismus, Parte II. De Baptismi Sacramento, num. 12. ubi explicans varias Baptismi caeremonias, sic inter alia inquit: Obfignatur præterea signo Crucis frontis, oculi, pectus, humeri, aures, quæ omnia declarant, Baptismi mysterio sensus baptizati aperiri, ac roborari, ut Deum excipere, præceptaque ejus intelligere, ac servare possit.

III. Præter prædictas septem consignationes, ex memorato Concilio Colonienſi allatas cum precibus, mysticis supra explicatis rationibus respondentibus, duæ aliæ superadduntur in antiquo Rituali Leodienſis Ecclesiæ, una scilicet in fronte, altera in pectore; nimirum dum istæ corporis partes bis signandæ præferibuntur, semel initio, & semel post septimam consignationem. Fiebant præterea & aliæ consignationes tam insufflando, quam inungendo, ut benedicendo Catechumenos, quæ longo ægmine assert Martene, loco citato. Fiebat autem potissimum olim signum ipsum Crucis in fronte baptizandi, teste Augustino in Psalmum xxx. sic agente: *Non sine causa signum suum Christus in fronte nobis signavit, tanquam in sede pudoris, ne Christi opprobrio Christianiani erubescat. Sed nec omittendum, quod tradit Alcuinus in Epistola ad Carolum Magnum de Baptismo, nempe, quod illud signum faciant in frontibus eorum Presbyteri, Clerici, Patres, & Matrina. Ex ms. Codice Gemmeticensi tempore Theodorici Abbatis, qui obiit anno MXXXII. exarato, duo addidimus, quæ & hic adnotanda censuimus. Primum est, quod postquam Presbyter fecit Crucem in fronte infantis, & dixit Orationem, Deus Abraham &c. cum aliis tribus Orationibus super masculos, & tribus super feminas dicendis, ac una super utroque, faciens Crucem cum pollice infra palmam dextram, dicebat, Trado signaculum Domini nostri Jesu Christi in manum tuam dexteram, ut te signet, & te de adversa parte repellat, & in Fide Catholica permaneat, & vivas cum Domino semper in sæcula sæculorum. Amen. Alterum vero, quod inde cum ipsa manu infantis signabat ipsum infantem, & dicebat, Signo te signaculo Domini nostri Jesu Christi de manu tua dextera, ut te conservet contra adversarios tuos, ut habeas vitam æternam, & vivas in sæcula sæculorum. Amen.*

IV. Sed ut aliquas Orationes describamus hoc loco, quæ antiquitus super baptizandum dicebat a Sacerdote solebant, dum illi signum Crucis faceret, ex Missali Gothico a laudato Cardinale Thomasio edito hæc primum Oratio dicebatur: *Domine dignare benedicere hujus infantis famulo illi, quoniam nec conditione quisquam, nec ætate depellitur, dicente dilectissimo Filio tuo Domino nostro: Noli prohibere, infantes venire*

ad me. Hi enim, Domine, antequam bonum, aut malum sciant, Crucis tua sigillo signentur, & qui indigent deitate (lege pietatem) ad sacri Nominis tui Baptismum percipere mereantur. Tum vero sequitur: Accipe signaculum Christi, suscipe verba Divina, inflammare verbo Domini, quia hodie confessus es a Christo. Per Dominum. Itemque statim: Signo te in Nomine Patris, & Filii, & Spiritus Sancti; oculis, ut videas claritatem Dei; aures, ut audias vocem Domini; naves, ut odores suavitatem Christi; conversus ut consecraris Patrem, & Filium, & Spiritum Sanctum; cor, ut credas Trinitatem inseparabilem. Pax tecum. Per Jesum Christum Dominum nostrum, qui cum Patre, & Spiritu Sancto vivit &c. Itaque juxta hunc antiquum Missalem Codicem Crucis signum fiebat in variis partibus corporis baptizandi, atque ex hæc Oratione mysticas significationes variarum consignationum Concilium Colonienſe superius laudatum accepit.

V. Juxta mss. Sacramentorum Libros Gelonensem, Remensem S. Remigii, Anglicanum Monasterii Gemmeticensis, Noviomensem Beate Mariæ, Pistavienſem, Martine, Colbertensem, & Moisenſem apud Regium Lib. 1. Cap. 1. Articulo 1111. Ordine 111. exsufflabat primum Sacerdos in faciem baptizandi; tum Crucem ei faciebat in fronte, & imponens manum super caput ejus, hanc proferbat Orationem: *Accipe signum Crucis tam in fronte, quam in corde, sume fidem calissimum præceptorum. Talis esto moribus, ut templum Dei esse jam possis, ingressusque Ecclesiam Dei, evasisti te laqueo mortis, latet agnosce. Horresce Idola, respice simulacra, cole Deum Patrem Omnipotentem, & Jesum Christum Filium ejus, qui vivit cum Patre, & Spiritu Sancto, per omnia sæcula sæculorum. Sequitur deinde & hæc alia Oratio: Te deprecamur, Domine Sancte, Pater Omnipotens, æternæ Deus, ut hujus famulo tuo, qui in sacculi hujus nocte vagatur incertus, & dubius, viam veritatis, & amissionis tue iubeas demonstrare; quatenus, reſeratis oculis cordis sui, te unum Deum Patrem in Filio, & Filium in Patre cum Spiritu Sancto reconnoſcat, atque hujus confessionis fructum, & hic, & in futuro sæculo percipere mereatur. Per. Spectant hæc quidem ad gentiles homines cum baptizantur, sed multa, tamen habent memorati Codices, quibus & hic præſens noſter ꝑ. concinit.*

VI. Omnis alius Orationibus, quæ in variis mss. antiquis Ritualibus extant, Oratio, *Preces nostras* &c. quæ in hoc nostro præſenti ꝑ. descripta est, nonnullis mutatis, legitur quidem in duobus mss. Libris Sacramentorum insignis Ecclesiæ Turonenſis annorum circiter CM. Itemque in alio Majoris-Monasterii, & in ms. Pontificali S. Luciani Bellouacensis annorum DCCC. in Missali ms. Romanicensi annorum DCC. in tribus Libris mss. Pontificalibus Constantinopolitano annorum DC. Aquensi D. Romano CD. & aliis pluribus recentioribus. Prædictæ autem Orationis verba in citatis mss. Codicibus hæc sunt: *Preces nostras, quasumus Domine, clementer exaudi, & hanc electionem tuam N. Crucis Dominica, cujus impressione cum signamus, virtute custodi, ut magnitudinis gloriæ tuæ dæmonia servans, per custodiam mandatorum ad regenerationis gloriæ pervenire mereatur. Per.*

§. IV.

Deinde imponat manum super caput infantis, ac dicat:

Oremus.

Omnipotens sempiterne Deus, Pater Domini nostri Jesu Christi, respicere dignare super hunc famulum tuum N. quem ad rudimenta Fidei vocare dignatus es, omnem caecitatem cordis ab eo expelle; disrump omnes laqueos Satane, quibus fuerat calligatus; aperi Domine janua pietatis tuæ, ut signo sapientie tuæ imbutus, omnium cupiditatum fetoribus careat, & ad suavem odorem præceptorum tuorum lætus tibi in Ecclesia tua deserviat, & proficiat de die in diem. Per eundem Christum Dominum nostrum. R. Amen.

COMMENTARIUS.

I. **F**uit & ille pervetustus ritus, ut manuum Sacerdotis impositio baptizandis adhiberetur. Testatur id quidem S. Dionysius Areopagita, vel alius ejus nomine Auctor, in Libro, *De Ecclesiastica Hierarchia*, Cap. II. Parte II. *Seiscitatur*, loquitur de Sacerdote baptizante, an ita velit deinceps vivere, baptizandus, quod ubi ille pollicetur fuerit, imponit capiti ejus manum, consignansque illum, Sacerdotibus mandat, ut virum, Susceptoremque describant. Huc facit, quod ait S. Augustinus, Libro II. *De peccatorum meritis*, Cap. xxvi. *Non uniusmodi est sanctificatio, nam & Catechumenos secundum quemdam modum suum per signum Crucis, & orationem, manus impositione puto sanctificari. Qui locus æqualiter facit, & pro signi Crucis impressione, & pro Oratione, & pro manus impositione, de quibus omnibus hucusque diximus. Repeti velolim consuevisse manuum impositionem Sacerdotis super caput baptizandi in Baptismi administratione, ex his, quæ inferius dicemus, patebit. Videri autem de eorita possunt Stephanus Durantus Lib. 1. *De riti-**

bus Catholica Ecclesia, Cap. xix. u. 26. & Martene Lib. 1. Cap. 1. Articulo vi. num. vii. itemque *Rituales varii antiqui mss. Codices ab eodem Martene allati, in quibus passim occurrit ipsa manuum impositio in administratione Baptismi.*

II. Quod Orationem spectat in §. nostro descriptam, extat illa in vetustis Ritualibus, quorum in Commentario superiori meminimus; in duobus nempe mss. Libris Sacramentorum insignis Ecclesiæ Turonensis annorum circiter CM. & in aliis multis sequioris ætatis; ex quorum præscripto dicebatur ipsa Oratio statim per infusionem ante aliam, quæ juxta præscriptum nostri Romani Ritualis dicitur post factum signum Crucis in fronte, & in pectore baptizandi infantis, uti constat ex præcedenti §. 111. Porro quod & ista Oratio, *Omnipotens sempiterne Deus, Pater Domini nostri &c.* dicenda sit a baptizante manum super caput infantis tenente, præscribunt mss. Pontificale S. Luciani Bellocensis, annorum circiter dccc. Missale Romaniense annorum dcc. Pontificale Constantinopolitanum dc. Aquisense d. & alia complura.

§. V.

Deinde Sacerdos benedicit Sal, quod semel benedictum alias ad eundem usum deservire potest.

Benedictio Salis.

Exorcizo te creatura salis in Nomine Dei Patris Omnipotentis ✠, & in ebaritate Domini nostri Jesu Christi ✠, & in virtute Spiritus Sancti ✠. Exorcizo te per Deum vivum ✠ per Deum verum ✠ per Deum sanctum ✠ per Deum ✠ qui te ad tutelam humani generis præcevolis, & populo venienti ad credulitatem per servos suos consecrari præcepit, ut in Nomine Sanctæ Trinitatis efficiaris salutare Sacramentum ad effugandum inimicum. Proinde rogamus te, Domine Deus noster, ut hanc creaturam salis sanctificando sanctifices ✠, & benedicens benedicas ✠, ut sit omnibus accipientibus perfecta medicina, permanent in visceribus eorum, in Nomine ejusdem Domini nostri Jesu Christi, qui venturus est judicare vivos, & mortuos, & sæculum per ignem. R. Amen.

§. VI.

Deinde immittit modicum Salis benedicti in os infantis, dicens: *N. accipe Sal sapientie; propitius sit tibi in vitam æternam. R. Amen. Sacerdos: Pax tecum. R. Et cum spiritu tuo.*

Oremus.

Deus Patrum nostrorum, Deus universæ conditor veritatis, te supplices exoramus, ut hunc famulum tuum N. respicere digneris propitius, & hoc primum pabulum salis gustantem non diutius esurire permittas, quominus cibo expleatur cælesti, quatenus sit semper spiritu fervens, spe gaudens, tuo semper Nomini serviens. Perduc eum, Domine quesumus, ad novæ regenerationis lavacrum, ut cum fidelibus tuis promissionum tuo-

rum eterna præmia consequi mereatur. Per Christum Dominum nostrum. R. Amen. Exorcizo te immunde spiritus, in Nomine Patris ✠, & Filii ✠, & Spiritus Sancti ✠, ut exeat, & recedat ab hoc famulo Dei N. Ipse enim tibi imperat, maledixisse, damnare, qui pedibus super mare ambulavit, & Petro mergenti dexteram porrexit.

Ergo maledixisse diabole recognosce sententiam tuam, & da honorem Deo viro, & vero, da honorem Jesu Christo Filio ejus, & Spiritui Sancto, & recede ab hoc famulo Dei N. quia Iustum sibi Deus, & Dominus noster Jesus Christus ad suam sanctam gratiam, & benedictionem, Fontemque Baptismatis vocare dignatus est.

COMMENTARIUS.

I. **S**ALIS usus in Baptismi, sicut antiquus est in Ecclesia, ut jam ostendi supra, Capite 1. in Commentario ad §. xli. sic & ejus benedictio, quæ extat in Sacramentario S. Gregorii Papæ, & in Ordine Romano vii. num. 1. ubi ritus in duobus nostris Paragraphis v. & vi. descriptus, sic refertur: *Postea benedictus sal hoc modo: Exorcizo te creatura salis &c. & mittit in ore infantium de ipso sale per singulos, ita dicendo: Accipe ill. sal sapientie propitius in vitam æternam; & dicat post datum sal hunc benedictionem: Deus Patrum nostrorum &c.* Similia leguntur in multis aliis antiquis mss. Ritualibus Libris, ac præsertim in ms. Codice Parthenonis B. Marie Calensis annorum circiter cii. in ms. Codice Bibliothecæ Colbertinæ, qui fuit olim Monasterii S. Germani a Præstis, ejusdem ætatis, in ms. Gemmædensi tempore Theoderici Abbatis, qui obiit anno MXXXII. in aliis multis descriptis a Martene, Lib. 1. *De antiquis Ecclesiæ ritibus*, Cap. 1. Article xviii. in quibus eandem, quæ nunc utitur in administratione Baptismi, salis benedictionem legimus.

II. Porro ad hunc ritum alluisse videtur Origenes Homilia vi. in Ezechielem, ubi Catechumenos alloquitur, hortaturque, ut se præparent ad hoc, ut fiant sal Domini, & non baptizentur, quemadmodum Simon ille magus, neque in aquis terrenæ Jerusalem, quæ non fuerat salve saluta, neque digna salve Dei. Quibus verbis innuit, sal in Baptismo adhibitum habere spiritualem significationem, quæ intelligi potest ex descriptis Orationibus in §. v. & vi. atque ex Catechismo Romano, sive Concilii Tridentini, Parte II. *De Baptismi Sacramento*, num. 1x. ubi sic inquit: *Nam cum sal in illius or, qui ad Baptismum adducendus est, inseritur, hoc significari perspicuum est, cum Fidei doctrina, & gratia donum consequuntur esse, ut peccatorum patredine liberetur, saporemque bonorum operum percipiat, divine sapientia pabulo delelectetur.* Eandem ipsius ritus explicationem totidem verbis dat Sanctus Carolus in suis Instructionibus, *De Baptismi administratione*, Capite inscripto, *De ceremoniis, quæ, priusquam Baptismus ministratur, adhibentur*, pag. 500. col. 1. & 2.

III. Meminit & ejus ritus inter alios Patres S. Hieronymus Hierosolymitanus Episcopus Lib. II. *De officiis Ecclesiasticis*, Cap. xx. ubi etiam ita eum explicat: *Saltem autem in ministerio Catechumenis dandos, a Patribus ideo est institutum, ut eorum gustu condimentum sapientie percipiant, neque dissipentur a sapore Christi, nec sint fatui, & retro respiciant, sicut uxor Loth, ne malum exemplum dantes, ipsi remaneant, & alios condant, quemadmodum illa, quæ eam liberaretur*

*a Sodomis, in via postea retro respexit, ibique remansit sula statua salis. Quo signo conduntur hi, qui per Fidem mundo, & alibi, desiderisque ejus renunciant, ut affectionibus pristinis non recordentur, neque ad seculi illecebras revocentur; quia secundum Salvatoris sententiam, ponens manum ad aratrum, & respiciens retro, Regno Calorum aptus esse non potest. Quod ait de uxore Loth versa in statuum salis, legitur Cap. xix. Genes. Sententia vero Salvatoris, Lucæ Cap. ix. Breviter eandem ritum exponit Magnus Senonensis Archiepiscopus in Libello, *De Mysterio Baptismatis*, jussu Caroli Magni editor Salem, inquit, accipiunt in Baptismatis Sacramento, ut gustu ejus percipiant sapientie condimentum, neque dissipant a sapore Christi, & insulti, & fatui fiant.*


IV. Omisissis aliis ejus ritus significationibus, certum illud est, ritum ipsum antiquissima Ecclesiæ consuetudine confirmari, utpote quæ mentionem etiam fecit S. Augustinus Lib. 1. *Confessionum*, Cap. xi. num. 1. his verbis: *Audiam enim ego adhuc puer de vita æterna nobis promissa per humilitatem Domini Dei nostri descendens ad superbiam nostram, & signabat jam signo Crucis ejus, & condebatur ejus sale jam inde ab utero matris meæ.* Catechumenis etiam adultis in die Paschæ, uti habetur in Concilio II. Carthaginensi anni cccxvii. Can. v. loco Eucharistie sal consecratum dari consuevit, ad significandum, eos nondum capaces esse Eucharistie, sed adhuc debere in sapientia proficere, juxta notata a Stephano Duranti Lib. 1. *De ritibus Ecclesiæ Catholicae*, Cap. xix. num. 25. Sed audiamus citati Canonis verba: *Item placuit, ut etiam per solemnissimos Paschales dies Sacramentum Catechumenis non detur, nisi solum sal, quia si fideles per illos dies Sacramentum non mutant, nec Catechumenis oportet mutari.* Pato equidem, sic esse intelligendum Canonem, quod cum per octidies illos Paschales non offerretur a Fidelibus, nisi panis, & vinum, quibus in Christi Corpus, & Sanguinem mutatis, pro Eucharistico Sacramento reficiebantur, sic Catechumeni contenti essent uti sale solito, quod illud facile ex aliis oblati reservari posset; hæc quippe omnes oblationum species benedictione peculiari præstantes, quantumvis non essent Corpus Christi, ut loquitur S. Augustinus, *De peccatorum meritis*, Lib. 1. Cap. vi. *hoc sanctum est tamen, & sanctius, quam cibi, quibus alimur;* ideoque Sacramentum potuerunt appellari, & præcipue sal, quod Catechumenis Eucharistia loco, & in spiritualis alimentis symbolum præhebatur, cujus benedicendi morem, ac ritum, & antiqui Romani Ordines, & Rituales præci-

Codices referunt, uti jam supra notavimus.

V. Sal benedictum ad usum Baptismi, ad eundem usum deesse posse, edicit quidem noster hic §. v. oecogaquam vero ad alium usum, uti jam diximus supra Cap. 1. in Commentario ad §. xxi. Quod tandem vero post immisum in os baptizandi infantis sal, & recitatam eam verborum formulam, *N. accipe sal sapientia &c. Sacerdos*, ut in §. vi. seq. edicitur, dicat, *Pax tibi*, eique respondeatur, *Et cum spiritu tuo*, ritus est io variis antiquis Ritualibus, & Pontificalibus praescriptus, praesertim vete in Pictaviensi annorum cm. Constantinopolitano ne. Aqueus n. atque Romano co. in quibus tamen non *Pax tecum*, sed *Pax tibi* legitur. Itaque vel juxta aoti-

quos Codices Rituales, quibus hic noster Romanos concinit, ante collationem Baptismi dabatur osculum pacis infantibus baptizandis, lapsusque iccirco videtur Stephanus Duranti citato loco num. 24. ubi post allatum de eo ritu S. Cypriani testimonium, subdit morem istum osculandi infantem in defectudinem abiisse. Lapsus etiam videtur Maetene, ubi Lib. 1. Articulo xv. n. 1. loqui ait Cyprianum de osculo noo ante Baptismum, sed post Baptismum exhibito. Addit mox etiam Martene ritum ipsum peculiarem fuisse Ecclesiae Africae, quod praeter Cyprianum, qui illius meminit, Auctorem nullum reperit. Vide Commentarium nostrum ad §. II. ubi locum ipsum Cypriani descripsimus.

§. VII.

Hic pollice in fronte signat infantem, dicens: *Et hoc signum sanctae Crucis*  *quod nos fronti ejus damus, tu maledicte diabole nunquam audeas violare. Per eundem Christum Dominum nostrum. R. Amen.*

COMMENTARIUS.

I. **C**rocis signum jam non semel fieri solitum fuit baptizandis, uti plane constat ex variis pervetustis Ritualibus Libris, longo agmine ab Edmundo Martene allatis; ex quibus etiam docemus, post immisum sal in os baptizandi infantis, & recitatas post salis immisionem Orationes, signum Crocis in fronte ejusdem infantis fieri consuevisse a Sacerdote dicente hanc Orationem: *Deus Abraham, Deus Jacob, Deus, qui Moysi famulo tuo in monte Sinai apparuisti, & Filios Israel de Terra Aegypti eduxisti, deputasti ei Angelum pietatis tuae, qui custodires eos die ac nocte. Te quaesumus Domine, ut mittere digneris Sanctum Angelum tuum, ut similiter custodiat & hunc famulum tuum, & perducat eum ad gratiam Baptismi tui.* Tom vero mox: Ergo maledicte diabole recognosce sententiam tuam, & da honorem Deo vivo, & vero; da honorem Jesu Christo Filio ejus, & Spiritui Sancto, & recede ab hoc famulo Dei, quia ipsum sibi Deus, & Dominus noster Jesus Christus ad suam sanctam gratiam, & benedictionem, Pontemque Baptismatis vocare dignatus est; & hoc signum Sanctae Crucis, quod nos fronti ejus damus, tu maledicte diabole nunquam audeas violare. Ita plane legitur in duobus Libris mss. Sacramentorum iohannis Ecclesiae Toronenfis annorum circiter CM. & aliis a Martene allatis, Lib. 1. Cap. 1. Articulo vii. Ordine iv. & seq. in quibus aperte dicitur, signum Crucis, quod iterum fit in fronte baptizandi, fieri a Sacerdote descriptam Orationem recitante. Ceterum verba illa nostri hujus §. *Et hoc signum sanctae Crucis &c.* ut vides, excerpta sunt a praedicta proluxa Oratione antiquiorum Codicum Sacramentorum.

II. Juxta Romanum Ordinem vii. lo quo ritus Baptismi infantum refertur, varia a variis, qui Baptismo assistebant, in eorum frontibus Crocis signa peragebantur. Ita enim inquit praedictus Ordo num. 2. *Item dicit Diaconus*: Signate illos, accedite ad benedictionem. *Et signent illos infantes in frontibus eorum Patres, vel Matres de pollicibus suis, dicen-*

tes: In Nomine Patris, & Filii, & Spiritus Sancti. *Tunc venit Acolythus iterum faciens Crucem in frontibus singulorum, dicendo*: In Nomine Patris, & Filii, & Spiritus Sancti. *Et imponit manum super eos, dante Orationem super eos excelsa voce, his verbis*: Deus Abraham. *Haec expleta, vertit se ad feminas, & faciens Crucem in frontibus singulorum, ut superius, imponit manum super capita singulorum, dicendo*: Deus Celi, Deus Terrae. *Et adnuncians Diaconus, dicens*: Orate electae; & reliqua, sicut superius, & signant Patres, ut prius. *Et sequitur Acolythus super masculos faciens Crucem, sicut prius fecit, & imponit manum super eos, dicens*: Audi maledicte Satanas. *Item super feminas, similiter faciens Crucem, & imponens manum super eas, dicendo*: Deus Abraham, Deus Isaac. *Item dicit Diaconus, ut orent electae, & reliqua, ut prius, & signant Patres, sicut prius. Inde tertius Acolythus facit Crucem in frontibus puerorum, sicut anterior facit, & imponit manum super capita puerorum, dicendo*: Exorcismo te immunde spiritus. *Iterum admonet Diaconus*: Orate, & reliqua, sicut antea, & signent Patres, sicut prius.

III. Ex recitato haec loco addidimus, plures olim super infantibus baptizandis, in eorum scilicet frontibus, Cruces factas fuisse, & quidem pollicae, ut ait etiam hic noster §. itemque manuum impositiones, atque exorcismos; nihilque iccirco in hoc recentiori Rituali Romano inveniri, quod olim solemnius noo fuerit praeteritum, & quidem non modo in Ecclesia Romana, verum etiam in aliis passim, ut ex earum Ritualibus liquet, & ex praefatis Patribus, qui in variis Provinciis clarescerent, ut Synodos complures omittam, in quibus hujusmodi ritus receletores. Viguisse etiam hunc ritum in Ecclesia Orientali, addicere licet ex Rituali Graecorum a doctissimo Jacobo Goar Notis illustrato, io Orationem cum obsignator poterit suscipiens nomen octavo post nativitatem die, ubi ad eum probandum ritum multa avert veterum Patrum loca,

§. VIII.

Mox imponit manum super caput infantis, & dicit.
Oremus.

Aeternam, ac iustissimam pietatem tuam deprecor, Domine Sancte, Pater omnipotens, aeternae Deus, Auctor luminis, & veritatis, super hunc famulum tuum N. ut digneris illum illuminare lumine intelligentiae tuae; munda eum, & sanctifica; da ei scientiam veram, ut dignus gratia Baptismi tui efficiatur, teneas firmam spem, consilium rectum, doctrinam sanctam. Per Christum Dominum nostrum. R. Amen.

COMMENTARIUS.

I. **E**cce & hic nova alia manus impositio fieri solita super caput baptizandi infantis cum Oratione, *Aeternam, ac iustissimam* &c. cuius ritus meminit laudatus superius Ordo Romanus VII. num. 2. Præter hanc Orationem, quæ passim occurrit in antiquis Ritualibus, varix aliarum super masculos, & feminas baptizandos Orationes recitabantur, quas longum esset hoc loco describere. Unum illud no-

tabimus nos, frequentem scilicet fieri apud veteres mentionem manuum impositionis super baptizandos, præsertim vero apud S. Augustinum Lib. II. De peccatorum meritis, Cap. XXVI. ubi sic inquit: *Non cuiusmodi est sanctificatio; nam catechizatos secundum annum suum quemdam modum per signum Christi, & orationem, manus impositione puto sanctificari.* Sancto Augustino alii quoque Patres consentiunt.

§. IX.

Postea Sacerdos imponit extremam partem Stolz super infantem, & introducit eum in Ecclesiam, dicens: *N. Ingredere in Templum Dei, ut habeas partem cum Christo in vitam æternam. R. Amen.*

COMMENTARIUS.

I. **P**rescriptum est quidem ex variis mss. Ritualibus, & Pontificalibus Codicibus, ac præsertim ex Constantinopolitano, Aquis, & Romano, quos supra non uno in loco memoravimus, ut exoreisim, aliisque ritibus extra Ecclesiam Limen super baptizandum peccatis, Sacerdos introducat eum in Ecclesiam ita dicendo: *Ingredere in Sanctam Ecclesiam Dei, ut accipias benedictionem caelestem a Domino Jesu Christo.* Diversa est quidem hæc formula ab illa in nostro 4. præscripta, cui tamen fere concinit illa ms. Codicis Bibliothecæ S. Genovesæ Parisiensis annorum circiter ccc. in quo etiam nonnulli ritus Ecclesiæ Laudensis in Italia continentur. Sic autem hic Codex apud Martene in citato Lib. I. Cap. I. Articulo XVIII. Ordine XV. inquit: *Invocat Sacerdos nomen infantis, & ipsam introducit in Ecclesiam cum signo Crucis, hæc dicendo: Joannes, vel Maria, in Nominem Patris, & Filii, & Spiritus Sancti, Amen.* Intra in Ecclesia Dei per manum Sacerdotis, ut partem habeas eum Christo in vitam æternam, Amen.

II. Unum est, quod hic omitti non debet, ritum nempe illum in nostro hoc 4. præscriptum, ut Sacerdos imponat extremam partem Stolz

super infantem, ubi introducturus est eum in Ecclesiam, in nullo antiquo Rituali inveniri. Quoniam in Rituali Ambrosiano iussu Cæsaris Montii Cardinalis, & Archiepiscopi Mediolanensis edito, ubi Ordinem Baptismi parvulorum recenset, post immersionem factis in os baptizandi, & recitatas binas Orationes in Limine scilicet Ostii Ecclesiæ, ubi & aliæ multæ caeremoniæ peractæ sunt, quæ juxta nostrum Ritualis Romanum fieri post ingressum ad Ecclesiam debent, statuitur quidem, ut eo loco *Parochus exuat Stolum violaceum, & induat albi coloris aliam, qua nomen infantem tangens, sed nota significans, ut introeat, præcedendo illum introducat in Ecclesiam, dicens: Ingredere fili in Domum Dei, audi Patrem tuum docentem te viam scientiæ.* Idem legitur Parte IV. Actorum Ecclesiæ Mediolanensis, in Instructionibus, De Baptismi administratione, Capite inscripto, *Ordo Baptismi parvulorum*, pag. 504. col. 2. Atque hic nota, formulam diversam, & quod potissimum est, expressit Parochum admoneri, ut ubi eum baptizandum ingredi in Ecclesiam debet, ne Stola quidem baptizandum tangat, sed nutu significet, Patrio scilicet, qui brachio dextero illum sustentat, ut Ecclesiam introeat.

§. X.

Cum fuerint Ecclesiæ ingressi, Sacerdos procedens ad Fontem cum Susceptoribus conjunctum, clara voce dicit: *Credo in Deum, Patrem omnipotentem, Creatorem Celi, & terre. Et in Jesum Christum, Filium ejus unicum, Dominum nostrum; qui conceptus est de Spiritu Sancto, natus ex Maria Virgine; passus sub Pontio Pilato, crucifixus, mortuus, & sepultus; descendit ad inferos; tertia die resurrexisset a mortuis; ascendit ad*

ad Celos, sedes ad dexteram Dei Patris omnipotentis; inde venturus est iudicare vivos, & mortuos. Credo in Spiritum Sanctum, Sanctam Ecclesiam Catholicam, Sanctorum communionem, carnis resurrectionem, vitam eternam. Amen.

Pater noster, qui es in Cælis; sanctificetur Nomen tuum; adveniat Regnum tuum; fiat voluntas tua, sicut in Cælo, & in terra. Panem nostrum quotidianum da nobis hodie; & dimitte nobis debita nostra, sicut & nos dimittimus debitoribus nostris. Et ne nos inducas in tentationem; sed libera nos a malo. Amen.

C O M M E N T A R I U S.

I. **E**xpleta Oratione, Aeternam, ac iustissimam pietatem &c. supra in §. viii. descriptam, ex variis præfatis Sacramentorum Libris, ac duobus præsertim Ecclesie Turonensis annorum CM. & aliis aliatis a Martene Lib. 1. Cap. 1. Articulo vii. Ordine iv. & seqq. accipiebat Sacerdos manum dextram infantis, tenensque eum, dicebat, Pater noster, Credo in Deum &c. Symbolum scilicet Apostolorum, si ve, Credo in unum Deum &c. quod est Nicæni Concilii Symbolum, & signabat deinde ipsum infantem, dicens: Benedictio Dei Patris, & Filii, & Spiritus Sancti veniat super te, & ad vitam perducat æternam. Per &c. At vero ex ms. Sacramentorum Codice Monasterii Gellonenfis annorum circiter M. apud eundem Martene, Articulo xviii. Ordine vii. prædicta Oratione, Aeternam &c. absoluta, dicebat Sacerdos, Domine nobiscum, eique responso, Et cum spiritu tuo, recitabat Evangelium secundum Mattheum: In illo tempore respondens Iesum, dixit: Confiteor tibi Domine Pater Cæli, & terræ &c. usque, quæ seve. Addebat mox: Postmodum tenet manus super caput infantis, dicit Symbolum, & postea dicit Orationem Dominicam.

II. Ex ms. autem Missali Romariensis annorum dcc. & aliis Ritualibus non paucis Evangelium erat quidem secundum Mattheum, sed illud: In illo tempore oblatus fuit Iesus parvulus, ut manus eis imponeret, & oraret. Discipuli autem increpabant eos. Iesus vero ait illis: Sinite parvulos venire ad me, & nolite prohibere eos: Talium est enim Regnum Cælorum; & cum imposuisset eis manus, abiit inde. Porro ex Rituali Cadomi anno MDCXIV. edito post immixtum in os infantis sal, & recitatam Orationem, Deus Patrum nostrorum, Deus universa couditor veritatis &c. dicit Sacerdos prædictum Evangelium, Oblatus fuit Iesus &c. introducit infantem in Ecclesiam, omnique tunc dicant, Pater noster, & Credo in Deum, & ponant infantem in pavimento. Qui quidem ritus poneendi in pavimento infantem mox baptizandum, ita plane præscriptus legitur in Rituali Ambrosiano iussu Cæsaris Montii Cardinalis, & Archiepiscopi Mediolanensis edito: Infans apud sacrum Fontem humi collocatur pedibus versis ad Baptismalem Fontem, & Sacerdos ad Altare spectans una cum Compatre, Commatrevæ dicit, Credo in Deum &c. & Pater noster. Meminit & huius ritus S. Carolus Parte iv. Actorum Ecclesie Mediolanensis in Instructionibus, De Baptismi administratione, Capite inscripto, De caeremoniis, quæ, priusquam Baptismus ministeretur, adhibentur, pagina 300. col. 2. sic loquens: His peractis, infans in Ecclesiam introducit, ubi primum apud Sacrum Fontem humi collocatur. Qui ritus cum supplicem ejus petitionem, qui se baptizari possulat,

ostendit, cum prostrati humi olim Baptismum peterent; tum significatio est sanctæ humilitatis, quam Christiani profiteri debet. Et mox: Tum Sacerdos una cum eo, qui baptizandus est, aut si infans, cum Compatre, Commatrevæ dicit Symbolum Apostolorum, & Orationem Dominicam. Quæ res indicat Fidei professionem, quam Christianum publice præstare oportet.

III. Sed omissio hoc Mediolanensis Ecclesie ritu, qui, ut recte notavit S. Carolus, veteri discipline consentit, de qua nos infra opportunius dicemus, ubi de adultorum Baptismo tractabimus, in eo quidem Ritualis Libri omnes conveniunt, ut si adultus esset baptizandus, is, & Sacerdos Ecclesiam ingressi, Fidei Symbolum, & Orationem Dominicam recitent, si vero infans, Sacerdos proinde ad Fontem conjunctum cum Suseptoribus ipsum Symbolum Fidei, & Dominicam Orationem clara voce pronuntiarent. Atque hoc postremum, quod hic noster §. statuit, vestigium est antiqui ritus, recitandi publice, ac solemniter ipsum Symbolum ante Baptismi susceptionem per modum ejusdem professionis Fidei, Persipientis ritus huius exemplum habemus quidem apud S. Augustinum Lib. viii. Confessionum, Cap. II. num. 4. ubi loquitur de Victorino nobili Rethore Romano, qui cum primo se Christianum esse occulte Simpliciano Episcopo Mediolanensi intimasset, sed palam profiteri erubesceret, tandem hortatu dicti Episcopi, deposito timore, subitoque, & inopinato ait Simpliciano, ut ipse narrabat: Ennus in Ecclesiam, Christianus volo fieri. At ille non se capiens lætitia, perrexit cum eo. Ubi autem imbutus est primis instructionum sacramentis, non multo post etiam nomen dedit, ut per Baptismum regeneretur, mirante Roma, gaudente Ecclesia. Post hæc subjicit Augustinus num. 5. Denique ut ventam est ad boram proficiscenda Fidei, quæ verbis certis conceptis, recentissimæ memoriter, de loco eminentiori in conspectu populi fidelis Roma reddi solet ab iis, qui accessuri sunt ad gratiam tuam, oblatam esse dicebat Victorino a Presbyteris, ut secretus redderet, sent nonnullis, qui verecundia trepidantibus videbatur, offerri mos erat, illum autem maluisse salutem suam in conspectu sanctæ multitudinis profiteri. Hæc ergo Symboli redditio erat quedam publica Fidei professio, de qua etiam idem Augustinus loquitur Sermone lviii. & lxx. ultima editionis.

IV. Ad infantes quod attinet, de quibus loquitur hic noster §. est ipsi per ætatem, nec credere, nec omnino salutem expetere possint, Baptismi tamen, ac proinde etiam salutis capaces sunt, ut allatis variis Scripturæ, ac Patrum testimoniis, probat inter alios Estius in Libri iv. Distinctionem iv. §. xxiii. & duobus sequentibus. Et certe ut S. Augustinus ait Lib. iv. con-

tra Donatistas, Capite xxiv. *sicut in adultis, quod in Sacramento deest, complet omnipotentis benignitas, quia non superbia, vel contemptu, sed necessitate deest; se in infantibus baptizatis eadem gratia omnipotentis implere credenda est; quod non ex impia voluntate, sed ex atatis indigentia, non corde credere ad iustitiam possunt, nec ore confiteri ad salutem. Ideo cum alii pro eis respondent, ut impleatur erga eos celebratio Sacramenti, valet atque ad eorum consecrationem, quia ipsi respondere non possunt &c.* Eadem docet S. Doctor aliis locis, ejusque doctrinæ consentit inter alios S. Bernardus Sermone lxxv. in Cautica, & Epistola lxxvii. Dicitur autem infans credere in Susceptor, seu in illo, qui Fidem in ejus Baptismo proficitur, quia Fides Ecclesie, cujus personam ille gestat, ad hoc prodest parvulo, ut in Baptismo regeneretur.

V. Quod autem non modo Susceptorum, sed totius Ecclesie caritas Infantum salutem cooperetur in Baptismo, plenius idem Sanctus Augustinus declarat in Epistola xcvi. juxta editionem PP. Benedictionum S. Mauri, ad Bonifacium: *Offeruntur, inquit, parvuli ad percipiendam spiritalem gratiam, non tam ab eis, quam gestantur manibus, quamvis, & ab ipsis, si & ipsi boni fideles sunt, quam ab universa societate Sanctorum, atque Fidelium. Ab omnibus namque offerri recte intelliguntur, quibus placet, quod offeruntur, & quorum sancta, atque indivisa caritate ad communicationem Sancti Spiritus adjuvantur. Toti hoc ergo Mater Ecclesie, que in Sanctis est, facit, quia tota omnes, tota singulos parit. Atque hæc doctrina Scripturis sacris est valde conformis, in quibus legimus sæpe numero, iis, qui etate, vel alia*

infirmate impediti propriam Fidem, vel nullam, vel exiguam habuerunt, succurrisse Fidem aliorum ad impetrandam Dei beneficia. Ita enim Dominus pauperum hominum portantium paralyticum Fidem respiciens, ait illi, *Lucæ v. Remittantur tibi peccata tua.* Sic etiam Centurio, Cananæ, pater Iunateli sua Fide aliis propriam Fidem non habentibus, Christi beneficium impetravit. Sic denique mortui aliorum precibus, & intercessione ad vitam redierunt etiam parvuli, ut habetur Lib. iii. Regum, Capite xvii. & Lib. iv. Cap. iv.

VI. Restat, ut & de Dominica Oratione nonnihil dicamus, quod & ipsa una cum Symbolo in Baptismo infantum a Sacerdote, & Susceptoribus conjunctim recitari solita fuit ex Ritualium præscripto, quorum nonnulla supra allegavimus. Rationem ejus ritus docet nos plane ms. Codex insignis Ecclesie Viennensis in Gallia apud Martene, Lib. 1. Capite 1. Articulus xii. Ordine iv. sive potius per vetustius Romanus Ordo vii. apud Mabillonium Tomo II. Musæi Italici: quia scilicet, *hec res Oratio commendat Christo, reconciliat Deo, Angelorum inferis numero, ut Christi faciat esse Fratres, & Dei constituat heredes.* Plura de utilitate, ac necessitate hujus Orationis, videri possunt apud Patres, ac præsertim apud S. Cyprianum, qui peculiarem Librum, *De Oratione Dominica*, scripsit. Ceterum quod alicubi Symbolum non modo, & Oratio Dominica, verum etiam Angelica Salutatio, nempe, *Ave Maria &c.* diei in Infantum Baptismo a Patrinis, & Matrinis debetur, antequam illi sacro lavacro abluerentur, addiscere licet ex antiquo Rituali Lemovicensi apud Martene, Articulus xviii. Ordine xvii.

§. XI.

Ac deinde, antequam accedat ad Baptisterium, dicat:

Exorcismus.

Exorciza te omnis spiritus immunde in Nomine Dei Patris omnipotentis ✠, & in Nomine Jesu Christi Filii ejus Domini, & Judicii nostri ✠, & in virtute Spiritus Sancti ✠, ut discedas ab hoc plasmate Dei N. quod Dominus noster ad Templum sanctum suum vocare dignatus est, ut fiat Templum Dei vivi, & Spiritus Sanctus habitet in eo. Per eundem Christum Dominum nostrum, qui venturus est judicare vivos, & mortuos, & seculum per ignem. R. Amen.

COMMENTARIUS.

Notatum jam alias fuit, constataque ex prædictis Synodis, ac Patribus, Librisque Ritualibus, repetitis fuisse vel olim baptizandorum exorcismos. Iterum iterumque de eisdem agit S. Augustinus, præsertim vero in Libro, *De Ecclesiasticis dogmatibus*, Cap. xxxi. Illud etiam, inquit, quod circa baptizandos in universo Mundo Sancta Ecclesia uniformiter agit, non otioso contemplamur intuitu, cum fœ parvuli, sive juvenes ad regenerationis veniant Sacramentum, non prius Fontem vitæ adeunt, quam exorcismis, & exsultationibus Clericorum, spiritus ab eis immundus abigatur. Exorcismus autem, ut docet S. Ildorus Hispanensis Episcopus Lib. II. *De Officiis Ecclesiasticis*, Cap. xx. Sermo increpationis est contra impudum spiritum, in Evengelium, sive Ca-

techumenis factus; per quem ab illis diaboli nequissima virtus, & inveterata malitia, vel violenta incurso expulsa sagetur. Quod significabat lunaticus ille, quem increpavit Dominus Jesus, & exiit ab illo demum. Et mox: Potestas autem diaboli exorcizatur, & insufflatur in eis, ut ei renunciet; atque erui a potestate tenebrarum in Regnum filii Domini per Sacramentum Baptismatis transferantur.

II. Consentiunt hæc quidem exorcismo in hoc nostro §. descripto, qui etiam totidem verbis in Ritualibus a Marteno allatis refertur. Ad ipsum autem potissimum alludit Magnus Senonensis Archiepiscopus in Libello, *De mysterio Baptismatis*, jussu Caroli Magni edito, ubi sic inter alia inquit: *Exorcismus Græcæ, Latine vero conjuratio, sive sermo conjurationis est contra*

tra diabolum; ideoque exorcizatur unusquisque veniens ad Sacrum Baptismum, ut Dei vici Templum efficiatur, qui effectus erat templum diaboli per originale peccatum, sive additum per naturam suam; & diabolo recedente per exorci-

zationem Sacerdotis, Christus ingreditur, & habitaculum Dei efficitur. Plura de huiusmodi exorcismis in Baptismi administratione videri possunt apud Stephanum Duranti, Lib. 1. *De ritibus Ecclesie Catholicae*, Cap. XIX. num. 22.

§. XII.

Postea Sacerdos digito accipiat de saliva oris sui, & tangat aures, & nares infantis; tangendo vero aurem dexteram, dicat: *Ephpheta, quod est adaperire*. Deinde tangit nares, dicens: *In odorem suavitatis. Tu autem effugare diabole, appropinquabis enim iudicium Dei*.

COMMENTARIUS.

I. Inter ritus, qui Baptismum præcedunt, est saliva tactus in nares, & aures, cujus mentionem faciunt passim antiqui Sacramentorum Libri, ac per vetusti Ecclesie Patres. Notat Duranti Lib. 1. *De ritibus Ecclesie Catholicae*, Cap. XIX. num. 30. ad hanc ceremoniam allusisse Tertullianum in suo ad Scapulam Libro, Cap. II. ubi de exorcismo loquens ait: *Demonem autem non tantum respicimus, verum & contineamus, & cotidie traducimus, & de hominibus expellimus, sicut plurimis notum est*. Verbi enim illud responso non potest significare, nisi vel reprobare, vel sputo detestari. Non significat autem eo loco reprobare, tum quod de exorcismo agit, tum etiam quia Christiani non negabant esse demones; ideoque detestationem illi significat, quæ sputo fiebat. Sed quid opus est huiusmodi testimonium mendicare, cum de ipsa cerimonia ad Baptismi ritus pertinuente, disertissimi verbis mentionem fecerit S. Augustinus Tractatu XLIV. in Joannem, ubi agens de cæco nato, quem sputo, & luto inunctum, & in Piscinæ Siloe lotum Christus sanavit restituit, sic loquitur: *Si ergo quando eam in seipso quodammodo baptizavit, tunc illuminavit, quando inunxit, sputo scilicet oris sui, fortasse Cathedraleniam fecit*.

II. Idem innuit S. Ambrosius in Epistola, LXXX. editionis PP. Benedictinorum S. Mauri, ad Bellocium, in qua similiter tractat de illuminatione cæci nati: *Simus, inquit, & divinitatem, & sanctificationem ejus adverte. Quasi lux tetigit, & lumen infudit; quasi Sacerdos per figuram Baptismatis mysteria gratia spiritualis implevit. Expuit, ut adverteres, quia interior Christi lumen sunt*. Et S. Petrus Chrysologus Sermone LII. *Hæc est, ait, quod veniens ex gentibus, impositione manus, & exorcismo ante a demone purgatur, & aperitionem aurium percipit, ut Fidei capere possit auditum, ut possit ad salutem, prosequente Domino, pervenire*. Nam aperitionem aurium percipere, & tangi saliva in aures præsentis hoc in negotio idem sonant, ut observat Martene Lib. 1. Articulo VI. num. XVI. Porro ad exemplum Christi, in quibusdam Ecclesiis, una cum sputo adhibebatur etiam lutum, ut patet ex Mannali Joannis Jacobi Archiepiscopi Salisburgensis, & ex Auctore Tractatus, *De Sacramentis*, qui S. Ambrosio tribuitur, Lib. III. Cap. II. his verbis: *Quando dedisti nomen tuum, tulit lutum, & livit super oculos tuos*. Idem docent Haymo Albertstadenfis in Sermone de Dominica XII. post Pentecosten, & Leidradus Episcopus Lugdunensis in Tractatu,

De Baptismo, Cap. II. Hoc autem a Feria quarta hebdomadæ quartæ Quadragesimæ desumptum est, quo die ceremonia aperiendi aures peragebatur, & legebatur Evangelium cæci nati, quando Jesus Christus lutum de sputo fecit, & livit oculos cæci.

III. Sed omissio hæc Ecclesiarum peculiarium ritu, probatur magis magisque ritus in §. nostro præscriptus ex innumeris pene Ritualibus antiquis, recentibusque, præsertim vero ex Libro Sacramentorum Gelasii Papæ a Venerabili Cardinale Thomasio edito ex ms. Codice annorum circiter mille: *Tangit, inquit, ei nares, & aures de sputo, & dicit ei ad aurem Ephpheta, quod est, adaperire, in odorem suavitatis. Tu autem effugare diabole, appropinquabis enim iudicium Dei*. Eadem habet Sacramentarium S. Gregorii Papæ, ms. Codex Bibliothecæ Colbertinæ, alter Bibliothecæ Regis Gallorum, & Noviomensis ejusdem citatæ ætatis; itemque Gellonenfis, & alii multi Rituales, atque Pontificales Codices apud Martene, Articulo XVIII. Quinimo ex ipso Gellonenfi, qui est Ordo VI. apud laudatum Martene, tangit Presbyter per singulos nares, & aures, de sputo oris sui, dicens: *effeta, effeta, quod est, adaperire, in odorem suavitatis*. Antiquum autem Rituale Ecclesie Lemoviensis, quod apud eundem Auctorem est Ordo XVII. ita eum ritum præscribit: *Mox expuit Presbyter in suam palmam sinistram, tangensque aures, & nares infantis de sputo suo cum pollice dextro in modum Crucis ad dextram aurem primo, dicendo: Quid vocaris? R. N. Ephpheta, quod est adaperire. R. Ephpheta; postea ad nares, dicens: In odorem suavitatis. R. Ephpheta. Similiter ad sinistram aurem, dicendo: Tu autem effugare, diabole, appropinquabis enim iudicium Dei. R. Ephpheta. Et benedictio Dei Patris omnipotentis, & Filii, & Spiritus Sancti descendat super, & maneat semper. In Nomine Patris, & Filii, & Spiritus Sancti. Amen. Porro licet in ipso exorcismo, Tu autem effugare diabole, juxta multos Rituales Codices legatur, appropinquabis enim &c. in tempore futuro, ut in nostro §. habetur, communiter tamen in Ritualibus omnibus antiquis legitur in tempore præterito, Appropinquavit enim &c.*

IV. Quicquid autem sit de hac varietate, quæ quidem magni momenti non est, antiquissima certe est ipsa formula, sicut & ceremonia tangendi cum saliva aures, & nares baptizandi infantis. Itaque antiquæ huic, probatque Ecclesie disciplinæ in hæreticus religiosissimus Cardinalis de Tournon, ut in Suedi Imperio cære-

monia ipsa in conferendo Baptismo adhiberetur, districte celebri suo Decreto præcepit, sic inter alia inquit: *Districte prohibemus, ne in baptizandis, tam pueris, quam adultis ejusdemque sexus, & conditionis, omittantur Sacramentalia, sed omnia palam adhibeantur, & signentur saliva, sal, & insufflatio, quæ ex Apostolice traditione Catholica Ecclesia recipit, ac ob recondita in his sacris ceremoniis Divina erga nos bonitatis mysteria, sanctæ, & inviolabiliter custodivit.*

V. Cæterum cum de hoc præcepto propositum Dubium fuisset in Congregatione Sancti Officii die XXI. Januarii anno MDCCLXXXIII. Cardinales dixerunt, *confirmandum esse Decretum Eminentiſſimi Cardinalis de Tournon, sed consulendum Sanctiſſimo, quod Missiſſariis Regnorum, Madurensis, Myſſurænsis, & Caratensis dispensationem concedat ad decennium duraturam, omittendi in collatione Baptismi salivam, & oculæ attendi insufflationibus, in easibus tamen particularibus, & in quibus gravis, & proportionata necessitas urgeat, super qua conscientia Missiſſariorum eruat; dummodo non laborent errore habendi salivam, & anhelitum, tanquam materiam ineptam, vel ineptam ad inferiendam pro Sacramentalibus ceremoniis in Baptismo, utpote omnino ineptas Baptismi; ejusque Missiſſariis injungendum, ut debitam instructionem, aliasque omnes possibiles diligentias adhibeant, ut averse populorum a saliva, & insufflatione amoveatur, & de instructione, aliisque diligentis adhibitis Sanctam Sedem intra tempus decennii certiores sint. Hujusmodi Decreta apud doctissimum Raulin in Historia Ecclesie Malabaricæ, pag. 473. & seq.*

VI. Mirum autem illud videri debet, quod alias observat Martene citato loco, num. XVI. Græcos ea saliva in Baptismo ceremonia erare, cum nulla apud illorum Auctores, sed neque in Euchologio ceremonie istius mentio habeatur. Sed quicquid fit de eorum ritu, illud plane in antiquis quæ æ in nostro Rituali Romano præscriptum est, ut Sacerdos infantem baptizans, digito accipiat de saliva oris sui, & tangat aures, & nares infantis, tangendo vero aurem dextram, & sinistram, dicat: *Ephpheta, quod est adapere.* Atque hoc unum antiquæ instructiones omnes, quæ Catechumenis in Quadragesima fiebant, spectabant, ut eor, & spiritum illorum aperirent, nequis ignoraret quid interroganti respondendum esset; & S. Joannes Chrysostomus Homilia II. in Epistolam II. ad Corinthios, orat pro Catechumens, ut illis cordis aures aperiantur, quæ clausæ sunt, quia nondum de ineffabilibus Myſteriis audierant loqui; atque etiam in antiqua Oratione pro iis in Parasceve dicitur, *ut Deus & Dominus noster adaperiat aures præcordiorum ipsorum, jannamque misericordie, ac per lavacrum regenerationis, accepta remissione omnium peccatorum, & ipsi inveniantur in Christo Jesu Domino nostro.* Itaque, ut observat Græcolas in Commentario historico in Breviarium Romanum, Lib. II. Capite LXIX. hujusmodi verba, *Ephpheta, & adapere, quod tendebant solummodo, ut spiritualis surditas sanaretur, & internæ Catechumenorum aures aperirentur.*

VII. Mysticæ utriusque ritus significationes, eurnempe aures, nareque baptizandi, saliva

Sacerdotis tangantur, variz a Scriptioribus asseruntur, inter quos memoratus Leidradus sic ad rem inquit: *Sanctificatio aurium significat, ut omnes extra disciplinam sermones quasi doctrina Christi obloquentes averſentur fideles, & sugiant, sequæ ad sola Dei verba audienda convertant, quia auditum suum Christi eloquio consueverant.* Nares quoque simili ritu sanctificantur, ut hi, qui ad Baptismum veniant, admonerantur tanti mysterii Sacramentum usque ad mortem ioculatum, atque integrum custodire, ut quandin spiritum vitæ hujus naribus suis attrahant, a Christi Domini nostri cultura, & servitute non recedant. Tum vero mox: *Sed ad hæc subtilior intellectus in hac narium sanctificatione signatur.* Ille enim talis ad odoratum fideles provocat spiritualtem, ut non corporis, sed mentis sensibus Christum ineffabili suavitæ sentire possint, & dicere ei: *Post te in odorem auventurum torum curremus &c.* Similia habet Magnus Senonensis Archiepiscopus in Libello, De Myſterio Baptismatis, jussu Caroli Magni edito, sic dicens: *Tanguntur aures, & nares de spato, & dicitur: Ephpheta, id est, adapere. Tanguntur nares, ut quandin vita comes, & statas vita in naribus, & olfactus permanſerit, in Christi servitio jopiter perdurat. Tanguntur & aures similiter, ut salutarem doctrinam Christianam Religionem, & Fidei semper ascultent, & videant intente, cuiusque videlicet res respirant demonis perſonæ.*

VIII. Longum esset alias mysticas hujus antiquissimi instituti causas, & rationes afferre, quas videre licet apud Aleuinum, Theodulphum Aurelianensem, Jesse Ambianensem, Rabanum, Hugonem Victorinum, Durandum, & alios plures, qui de Sacris Ecclesie ritibus tractarunt. Non omittendum tamen, quod ea de re Catechismus Tridentini Concilii codex, Parte II. De Baptismi Sacramento, num. IX. his verbis: *Postea vero illi, baptizando scilicet, aures, & aures saliva linuntur, statimque ad Baptismi Fontem mittuntur, ut quemadmodum cæci ille Evangelicus, quem Dominus joverat oculos suo illius Siloe aqua ablueri, lumen recuperavit, ita etiam intelligamus, sacra ablationis eam vim esse, ut menti ad celestem veritatem perspicendam lumen afferat.* His tandem lubet adjungere Sancti Caroli explicationem in Instructionibus, De Baptismi administratione, Capite inscripto, De ceremoniis, quæ priusquam Baptismus ministratur, adhibetur, pag. 500. col. I. ubi sic loquitur: *Postea saliva oris sui Parvulus tangit infantis aures, & nares, prolatis Christi Domini verbis, quibus aures, & linguam surdi, & muti tangendo usus est: Ephphata, hoc est adapere. Celebrant enim mysterium aperitionis aurium, ut aperiantur nares ad accipiendum odorem notitiae Dei, & pietatis æternæ; & ad discernendum bonum odorem a malo, sanam doctrinam a corrupta. Aures autem ad audiendum mandata Dei, ut doctrina, quæ de ore Altissimi fluxit, per ejus aures intret, & ei suaviter deat. Statimque subijci: *Tum sequitur exorcismus ad expellendum diabolum, ejusque vires frangendas, & debilitandas sacris illis, & religiosiis verbis.* Sed de hoc ritu, cujus hic meminist S. Carolus, jam late nos supra explicuimus, occurritque passim ille in antiquis Ritualibus ab erudito Martene descriptus.*

§. XIII.

Postea interrogat baptizandum nominatim, dicens: *N. abrenuntias Sathana?* Respondet Patrinus: *Abrenuntio. Et omnibus operibus ejus?* R. *Abrenuntio. Et omnibus pompis ejus?* R. *Abrenuntio.*

COMMENTARIUS.

I. Quam antiquus sit istius abrenunciationis in Baptismo ritus, docent nos per vetusti Auctores Constitutionum Apostolicarum, & De Ecclesiastica Hierarchia, ubi ajunt, abrenunciacionem ipsam ab Apostolica fluxisse traditione. Meminit & ejus ritus Origenes Homilia x. in Librum Numerorum his verbis: *Recordatur nunc quisque Fidei suam, cum primum venit ad aquas Baptismi, cum signacula Fidei prima suscepit, & ad fontem salutis accessit, quibus ibi tunc usus sit verbis, & quid denunciaverit diabolo, hoc est, se non asserum pompis ejus, neque operibus ejus.* Meminit quoque non uno in loco Tertullianus, & quidem in Libro, De corona militis, Cap. III. his verbis: *Aquam adituri, ibidem, sed & aliquanto prius in Ecclesia sub Antistitis manu contestantur, nos renunciare diabolo, & pompa, & angelis ejus.* Item in Libro, De spectaculis, Capite iv. *Cum aquam ingressi Christianam Fidem in Legis sue verba profitemur, renunciasse nos diabolo, & pompa, & angelis ejus, ore nostro contestamur.* Similia habet & aliis locis, quae longum esset hic recensere, sicut & aliorum Patrum testimonia, qui de ritu peculiare etiam Tractatus scripserunt, ac praeferunt S. Ephrem Syrus Edessae Diaconus, cujus extat de hujusmodi abrenunciacione Tractatus. Non omittendus tamen S. Basilias, qui in Libro, De Spiritu Sancto, Cap. xxv. discrete affirmat, ritum ipsum abrenunciacionis, de quo in praesenti Commentario agimus, ex traditione Apostolica ad nos esse derivatum: *Ter immergi hominem, inquit, unde traditum? Reliqua item, quae sunt in Baptismo, veluti rennuntiare Satanae, ex qua Scriptura habemus? nonne ex privata, & arcana traditione? Quin & S. Hieronymus dilucide ait, ejusdem ritus meminisse Apostolum in sua Epistola. ad Timotheum, Cap. vi. his verbis: Apprehende vitam aeternam, in qua vocatus es, confessus bonam confessionem coram multis testibus. Quae verba exponens laudatus S. Doctor, sic habet: *Confessus es bonam confessionem in Baptismo, renuncians diabolo, & pompis ejus, coram multis testibus, coram Sacerdotibus, vel Ministris, Virtutibusque caelestibus.**

II. Ea itaque abrenunciatio, vel a nascente Christiana Religione, coram multis testibus fieri solita erat, triplicique hoc modo exprimebatur. *Abrenuntias Satana?* R. *Abrenuntio. Et omnibus operibus ejus?* R. *Abrenuntio. Et omnibus pompis ejus?* R. *Abrenuntio.* Atque haec abrenunciacionis formula in omnibus passim Ritualibus antiquis aequae, ac recentibus reperitur, ejusque inter alios praefatos Auctores meminit etiam Beda in Cap. viii. Tobie. At S. Ambrosius duplicem tantum abrenunciacionem designare videtur in Libro, De mysteriis, Cap. II. ubi haec habet: *Post haec referata sunt tibi Sanctae Sacramenta, ingressus es regenerationis Sacra-*
Tom. I.

rium, repete quid interrogatus sis, recognosce quod responderis; renunciasse diabolo, & operibus ejus, Mundo, & luxuria ejus. Clarius idem Ambrosius, vel qui est Auctor Librorum, De Sacramentis, qui sub ejus nomine circumferuntur, Lib. I. Cap. II. ita inquit: *Quando te interrogavit, Abrenuncias diabolo, & operibus ejus? Quid respondisti? Abrenuntio. Abrenuntias saeculo, & operibus ejus? Quid respondisti? Abrenuntio. Memor es cautionis tuae. Duplicem tantum etiam nunc adhibet Ecclesia. Ambrosiana, uti constat ex Rituali Ambrosiano iussu Caesaris Montii Cardinalis, & Archiepiscopi Mediolanensis edito. Duplicem quoque abrenunciacionem exhibet ms. Liber antiquus Sacramentorum Monasterii Moissacensis, quippe qui postquam praescripsit, ut Sacerdos baptizandorum pectus, & scapulas oleo exorcizato inungat, ita mox subdit: *Et vocatis nominibus, singulis dicat: Exi immunde spiritus, & da locum Spiritui Sancto. Abrenuncias Satanae? R. Abrenuntio. Fuge immunde spiritus, da bonorem Deo. Et omnibus pompis ejus? R. Abrenuntio. Et ego finio te oleo salutis &c.**

III. At vero Lib. vii. Apostolicarum Constitutionum, quae S. Clementi Papae tribuntur, Cap. xi. baptizandus semel dumtaxat abrenuntiat hoc modo, profuteturque: *Abrenuntio Satanae, & operibus ejus, pompis, cultui, angelis, & machinationibus ejus, & omnibus, quae sub Caelo sunt.* In Libello etiam Pirmini Abbatis, quem Tomo iv. Analectorum vulgavit Mabillonius, unica reperitur abrenunciatio: *Frater, inquit, ad memoriam vestram reducimur, quale passum in ipso Baptisterio cum Deo fecimus, verbi gratia cum interrogati singuli nomen nostrum a Sacerdote fuimus, quomodo diceremur, respondisti autem tu, si jam poteras respondere, aut certe qui pro te fidem fecit, quae te de Fonte suscepit, & dixit: Joannes dicitur, aut aliud nomen. Et interrogavit Sacerdos. Joannes abrenuntias diabolo, & omnibus operibus ejus, & omnibus pompis ejus? Respondisti: Abrenuntio. Rursus in antiquo Missali Gallicano, quod publici juris fecit doctissimus Vir Venerabilis Cardinalis Thomasis, baptizandus tantum semel interrogatur: *Abrenuntias Satanae, pompis saeculi, & voluptatibus ejus? Et respondet semel: Abrenuntio.* His concinit S. Caesarius in Sermone cccxiv. Appendicis Tomi v. Operum S. Augustini, ubi sic loquitur: *Consideret ergo nunc quisque, sicut jam dictum est, quod in Baptismi Sacramento promissit, & quia passum cum Domino fecit, videat, si id nullam ea parte violavit. Quando enim interrogatus est: Abrenuncias diabolo, pompis, & operibus ejus? Tunc ei Sacerdos subscribendum passum ostendit. Quando autem respondit: Abrenuntio, tunc subscripsit.**

IV. E contrario autem S. Cyrillus Hieroso-

N

lym.

lymitatus in Catechesi mystagogica 1. ad eos, qui baptizati sunt, quadrupliem inuult factam fuisse abrenuntiationem. Hæc ejus verba: *Quid igitur unusquisque vestrum stans dicebat? Renuntio tibi Satana.* Et paulo post: *Doceris mon & alteram renuntiationis partem addere: Et omnia tua operibus,* Et inferius: *Postea dicis: Et omni pompa tua.* Et post nonnulla: *Dicis præterea: Et omni cultui tuo.* Quæ omnia pie, & eleganter explicat idem S. Antistes, in quæ etiam videri possunt egregie Notæ Editoris ejusdem Operis P. Antonii Augustini Touttee Monachi Benedictini Congregationis S. Mauri. Atque huc facere videtur, quod scribit S. Ambrosius Lib. 1. Exameron Cap. vi. *Deserit qui abluatur intelligibilem illam Pharaonem Principem istius Mundi, dicens: Abrenuntio tibi diabolo, & angelis tuis, & operibus tuis, & imperiis tuis.* Nisi forte quis dicat, hæc omnia simul uno contextu ab eo, qui regenerandus erat, dicta fuisse, & Ambrosium ad usum aliarum Ecclesiarum potius respexisse, quam suum, in qua duplex dumtaxat, ut dictum est supra, abrenuntiatio fiebat. Eodem plane modo videtur intelligendus locus Salviani Lib. v. *De providentia*, ubi ita inquit: *Que in Baptismo salutaris Christianorum prima confessio? Quæ scilicet, nisi ut renuntiare se diabolo, ac pompis ejus, atque spectaculis, & operibus protestetur.* Nam paulo post subdit: *Abrenuntio, inquit, diabolo, pompis, spectaculis, & operibus ejus.*

V. At vero in Ordine Baptismi Severi Alexandrini Patriarchæ fix præscribuntur renuntiationes, tres nimirum a Sacerdote, & tres a baptizando, aut a Sponsoribus ejus faciendæ. Sic enim habet: *Et tunc absolvit eum Sacerdos ad Occidentem, & proferit ipse Sacerdos pro baptizato hæc renuntiationem tribus vicibus, Sponsoribus tæ, ut ipse, respondentibus: Abrenuntio Satanae ego talis N. qui baptizor, & omnibus operibus ejus, & omnibus angelis ejus, & omnibus ejus viribus, & omni ejus militia, & omni timori ejus, & omni ejus superbiam, & omni ejus errori mundano, & cuilibet ei consentienti, & eum sequenti. Postquam autem abrenuntiaverant, convertit eos ad Orientem, & ait tribus vicibus: Consentio tibi Christe Deus, ego talis N. qui baptizor, & omni doctrinæ, quæ revelata est a te Divinitas per Prophetas, Apostolos, & Sanctos Patres. Confiteor quæque, & credo, & baptizor in te, & in Patre tuo, & in Sancto Spiritu tuo nunc &c.*

VI. Notat hæc eruditus Martene Lib. 1. *De antiquis Ecclesiæ ritibus*, Cap. 1. Articulo xiii. ann. v. vi. & vii. observatque mox sequenti num. viii. ex memorato Severi Alexandrini Patriarchæ testimonio & illud addidit, qualis nempe olim fuerit renuntiantium diabolo corporis litus; eos nimirum stantes ante renuntiationem ad Occidentem, eaque pronuntiata, conversos fuisse ad Orientem. Hunc ritum tam apud Latinos, quam apud Græcos longo tempore obtinuisse, docet idem Martene loco citato. Et quidem de Latinis insignia habemus Sanctorum Ambrosii, & Hieronymi testimonia, quorum primus in Libro, *De mysteriis*, Cap. II. sic loquitur: *Ingressus es igitur, ut adversarium tuum cerneret, cui renuntiandum in os putaris, ad Orientem converteris. Qui enim renuntiat diabolo, ad Christum convertitur.* Alter vero

io Caput vi. Prophetæ Amos, sic habet: *Vade & in mysteriis primam renuntiationem ei, qui in Occidente est, nobisque muritur cum peccatis; & sic versi ad Orientem, positum inimus cum Sole iustitia, & ei nos servituros esse promittimus.*

VII. Ad Græcos quod attinet, non obvollebantur modo ad Occidentem, sed manus insuper extendebant in altum, quasi Satanam, cui renuntiabant, a se longe, proculque repulsuri. Testem ejus ritus habemus quidem laudatum S. Cyrillum loco citato: *Primum ingressi essis in Domum porticus Baptisterii, & stantes versus Occidentem, mandari vobis audistis, ut protensa manu tanquam presenti Satana renuntiaretis.* Et paulo post: *Verumtamen audis, quod manu manus tanquam ad presentem dicitur: Renuntio tibi Satana.* Deinde explicat, quam ob causam conversus ad Occidentem baptizandus diabolo renuntiavit. Sed audiamus S. Gregorium Nazianzenum, qui Oratione xl. in Sanctum Baptisma, ejusdem ritus extendendi scilicet manum in ea Satana renuntiatione, Occidentem versus fieri solita in Baptismo, his plane verbis meminit: *Cognosces porro, & ex ipso habitu, ac rerum specie, & ex verbis, quod Satana renuntias, & Christo conjungeris. Non enim oratione dumtaxat, sed etiam habitu ipso, hoc est, vestibus nudatus, corporeque ad Occasum inversus, ac manibus extremis Satanam adjurabis.* His consonant per vetustissimum Auctorem Operis, *De Ecclesiastica Hierarchia*, quod S. Dionysii Areopagitæ nomine circumfertur, ubi agit de Baptismo, & Nicolaus Cabasilas in expositione Liturgiæ, Cap. 1. *Eos, inquit, qui baptizandi sunt, & ecclesios, & vestes oportet exuere, & ad Occidentem respicientes, manus extendere, & exsufflare;* itemque Isaacus Armenus Catholicus, qui ut ostenditur, quam male ab exemplo Christi potest argumentum trahi, inter alia hæc habet: *Christus cum baptizandus esset, non est conversus ad Occidentem, nec eo situ renuntiavit diabolo, ac eum insufflavit, neque iterum conversus ad Orientem, sedus cum Deo pepigit, quippe qui ipse Deus verus esset. Ergo nec ipsi rem ejusmodi illi, qui ab ipsis baptizandi sunt, faciant.*

VIII. Notatu dignus est hic alius ritus, quem Moscovitæ in prædicta Satana renuntiatione observant; ipsi enim diabolo renuntiantes, in terram expaunt, ut testatur Alexander Gvagninus in descriptione Sarmat. Europ. *Fidejussores, inquit, vel Sufceptores infantis, quoties circa Baptismum Sacerdoti interrogant, an diabolo infans renuntiet, correspondet, toties in terram expaunt.* Et Sigismundus Liber Baro, *De rebus Moscoviticis*, Cap. *De Baptismo*, his verbis eundem ritum recenset: *Sufceptores ex voluntate parentum assumuntur, & quoties, prænunte certis verbis Sacerdote, diabolo renuntiant, toties in terram expaunt.* Quicquid autem de hoc ritu sit, notandum illud est, apud Latinos, ex præscripto complurium veterum Ritualium, abrenuntiationis ceremoniam fieri consuevisse, dum Sacerdos de Oleo sancto innogret baptizandi pedes, & inter scapulas. Hujus plane ritus meminit ms. Liber Sacramentorum Gelafii Papæ, & Venerabilis Cardinale Thomasio editus ex ms. Codicæ annorum circiter mille. Ex eo namque tantum est, ut Sacerdos tangat baptizando pedes, & inter scapulas de Oleo exorcizato,

lato, & vocato nomine, singulis dicit: *Abrenuntias Satanae?* R. *Abrenuntio.* Et omnibus operibus ejus? R. *Abrenuntio.* Et omnibus pompis ejus? *Abrenuntio.* Idem legitur in aliis multis mss. Libris Sacramentorum ejusdem fere ætatis, ac sequioris ævi, quos recenset Martene Libro 1. Cap. 1. Articulus XVIII. Ordine v. & aliis quibusdam sequentibus, ac præsertim Ordine XIII. ex ms. Gemmeticensi Codice, tempore Theodorici Abbatis, qui obiit anno Christi Domini MXXXII. descripto.

IX. Reliquum est, ut explicemus nunc formulam ipsam abrenuntiationis ex pervetusto, & generali Ecclesie ritu in Baptismo fieri solitam, juxta Patrum doctrinam, & præsertim S. Cyrilli Episcopi Hierosolymitani, qui in eitata Catechesi 1. Mystagogia singulas partes memoratæ formulæ in §. nostro descriptæ, ac ritus superius notatos, ita exponit: *Verum tibi præcipi aas, ut extenta tanquam ad præsentem manum, dicas: Abrenuntio tibi Satana. Volo & ejus rei gratia ad Occidentem steteris, edicev; necesse est enim. Quoniam sensibiles tenebras nos loens est Occidens, ille vero in tenebris imperiam habet, cum ipse sit tenebra; incito ad servandum Symboli rationem, ad Occasum respicientes, tenebræ illi, & caliginosæ principi abrenuntias. Quid igitur stans dixit vestrum unanimesque? Abrenuntio tibi Satana; tibi maligno, ac durissimo tyranno. Non amplius, ais, vim tuam formido; hæc enim dissoluit Christus, sanguinis, & carnis mecum particeps factus, ut per hæc mortem meam aboleret, ut ne perpetuo obnoxius essem servituti. Abrenuntio tibi, callido, & versiformi serpenti. Abrenuntio tibi, qui insidiator es, & omnem simulatione amicitie iniquitatem peperisti, primisque nostris parentibus defectionem inspirasti. Abrenuntio tibi Satana, cuiusvis improbitatis, & auctori, & administro.*

X. Pergit S. Antistes, alteramque abrenuntiationem, quæ est omnibus Satanae operibus, sic explicat: *Deinde in secunda formula doceris, ut pronunties, Et omnibus operibus tuis. Opera Satana quodcumque peccatum est, cui abrenuntiare necesse est; quæmadmodum signis tyranniam aufugit, prorsus quoque arma ipsius abiecit. Omne igitur peccati genus diaboli operibus accensetur. Verumtamen illud te scire oportet, quæcumque illa præsertim formidabili bora dicit, in Dei Libris scripto consignata haberi. Quandoemque igitur bis quidpiam contrarii admiseris, tanquam sedisfragus judicaberis. Renuntias itaque Satanae operibus, omnibus, inquam, & alienis, & cogitationibus, quæ u ratione discedunt. Tertiam abrenuntiationem, quæ sit omnibus pompis diabolicis, sic exponit: *Postea dicit: Et omni pompæ illius. Pompa vero diaboli est, theatrum infantie, equestrum cursus in hippodromis, venationes in Circo, & reliqua hujuscemodi vanitas, de qua liberari se postulant Sanctius, Deo dicit: Averte oculos meos, ne videant vanitatem. Ne tibi studio, & cordi sit, theatri infantia, ubi conspicias minorum petulantias omni contumelia, & dedecore abundantes, atque effeminatum virorum furoris, & amentia plevis saltationes, neque illa eorum, qui in Circusibus venationibus se se feris exponunt, ut infelicem alium demulceant; qui ut ventrem alimentis delinquant, ipsi se vera ventris immitia ferarum pabulum sunt;**

Tom. I.

atque ut rectius dicam, pro vitæ, quem unum Deum noverunt, propriam vitam in præcipitum singularibus certaminibus abiciant. Fuge etiam equestrum curricula, quod prorsus infirmum est, supinasque animas dejicit spectaculum. Hæc enim omnia diaboli pompa existant &c.

XI. Quoniam vero juxta ritum Ecclesie sum, quarta abrenuntiatio fiebat cultui diaboli, quoniam ille sit, operæ pretium duxi & hic explicare ex eodem Cyrillo, qui ita subjicit: *Post hæc dicit: Et omni cultui tuo. Cultus diaboli est habitus in Idolorum Delubris supplicatio, quæ ad hominem inanimatorum simulacrorum sunt, ut cendere læternas, aut suffragas ad fontes, vel fluvios adolere, quæmadmodum nonnulli fontibus, aut demonum fraude delusi, ad eas aquas accersere, rati se ibi corporum infirmitatem medellam reperturas; vel alia hujus generis. Et mox: Augurium, divinatione, orinationes, aut amuleta, aut in laminis inscriptiones, magia, aliove male artes, quæque illis similia, cultus sunt diaboli. Addit & alia Cyrillus, quæ, ne prolixior sum in recensendo illius testimonio, ac explicatione prædictæ abrenuntiationis, consulo omitto, tam præsertim, quod ex aliis Patribus alia scitu necessaria explicanda sunt ad ipsam abrenuntiationem spectantia.*

XII. Illud itaque summopere sciendum est; abrenuntiationes ipsas, seu promissæ factæ in Baptismo recte appellari posse vota, eoque nomine appellata fuisse a Patribus, a quibus normam loquendi Ecclesia desumit, ut scite notavit Genettus Tomo III. in Tractatu, *De Sacramentis Baptismi*, Cap. VII. Quæstione XII. Certè Patrum doctrinæ inhærens Catechismus Tridentini Concilii, Parte 1. De duodecim Symboli articulis, in expositione Articuli II. nom. XIX. sic inquit: *Parochus fidelem populum ad eam rationem exhortabitur, ut sciat, æquissimum esse pro ceteris hominibus, nos, qui ab eo, a Christo scilicet, nomen invenimus, Christianique vocamur, & quanta ille in nos beneficia contulerit, ignorare non possumus, ob id maxime, quod eas movere hæc omnia Fide intelligimus; aquam est, inquam, nos ipsos, non sentit ac mancipia, Redemptori nostro, & Domino in perpetuum addicere, & consecrare. Tum vero ita ad rem, de qua agimus, subdit: Et quidem eam Baptisma initiaremur, ante Ecclesie fores id professi sumus; declaravimus enim, nos Satana, & mundo renuntiare; & Jesu Christo totos nos tradere. Quod si, ut Christiana militie adscriberemur, tam sancti, & solemnem professionem nos ipsos Domino nostro devovimus; quo supplere digni erimus, si postquam Ecclesiam ingressi sumus, Dei voluntatem, & Leges cognovimus; postquam Sacramentorum gratiam percipimus, ex mundi, & diaboli præceptis vixerimus, perinde ac si cum Baptismo ablatis sumus, mundo, & diabolo, non Christo Domino, ac Redemptori, nomen dedissemus. Hæntenus Catechismus.*

XIII. Esset hanc Theologorum sententiam, ut promissæ in Baptismo, sint vota, docet Magister Sententiarum Lib. IV. Distinctione XXXVIII. *Votum, inquit, aliud est commune, aliud singulare, commune est illud, quod in Baptismo omnes faciunt, cum sponte renuntiant diabolo, & pompis ejus. Idem docet S. Bonaventura in ipsum Librum IV. Sententiarum, Distinctione VI. Articulo II. Quæstione I. ubi ita scribit:*

N 2

Ad

Ad illud, quod queritur, utrum obligatio parvulorum, quæ fit in Baptismo, sit votum? Dicendum, quod proprie non, quia non est de eo, quod supererogationis est; tamen extenso nomine est votum, quia est voluntaria obligatio. Non autem facit duplex peccatum, quia non obligat magis, quam prius, de necessitate, sed de bono, & equo. Idem quoque assertit S. Thomas in citato Libro IV. Sententiarum, Distinctione XXXVIII. Artículo I. Quæstione I. ad II. ejusque doctrina, sicut & illa ex S. Bonaventura descripta jam satis clare ostendit, nulla vota nos magis obligare posse, quam es, quæ fœdus in Baptismo; quoniam ab aliis votis non differunt, nisi quia vota strictius sumta respiciunt tantum opera supererogationis, quæ per se ad salutem non sunt necessaria; unde in quibuscumque circumstantiis ab iis dispensari potest, quoniam majorem tantum hominis Christiani perfectionem spectant, sine qua salvari quis potest. Vota vero in Baptismo facta, de iis sunt, quæ ad salutem ita sunt necessaria, ut ab iis nemo dispensari possit; qui enim ea violat, non modo majori perfectioni hominis Christiani, sed ipsi plane Christianismo renuntiare dici potest.

XIV. Patet ergo & illud ex dictis, teneri quemlibet Christianum sub pœna peccati imbalis stare promissis in Baptismo factis, idque inter alios docet S. Ephrem Syrus Edessæ Diaconus, in Tractatu, *De abrenuntiatione*, ubi inter alia ait, quod hæc ipsa abrenuntiatio exigitur a quocumque Christiano in illa die; scriptum est enim: Quoniam ex verbis tuis iustificaberis, & ex verbis tuis condemnaberis. Itemque Dominus ait: De ore tuo te iudico, serve nequam. Perspicuum est igitur, Fratres, quia verba nostra vel iudicatura sunt nos, vel iustificatura in hora illa. Omitto alios Patres, sed describendum tamen censui, quod ait Concilium Parisiense VI. anni MCCXXXIX. Lib. I. Cap. IX. Omnibus Fidelibus statuendum est, ut passionis, & sponsionis, quam cum Deo in Baptismo fecerant, sem-

per memores existant, caveantque, ne quibuslibet vitiorum sordibus se maculantes, non solum eundem sibi recedant ignem, verum etiam immundum spiritum a se tempora Baptismatis expulsum cum septenario demonum numero sibi addito, ad se quoquo modo redire faciant, sicutque illis, ut Dominus ait, novissima peiora. prioribus; in quibus ait: Melius enim erat illis non cognoscere viam iustitiæ, quam post signationem, retrosum converti ab eo, quod traditum est illis, sancto mandato; opteturque eis illud, quod idem ait: Canis reversus ad vomitum suum, & sus lota in volutabro luti.

XV. Hinc spicatilissime in Ecclesiis Mediolanensi ex Rituali Ambrosiano iussu Cæsaris Montii Cardinalis, & Archiepiscopi Mediolanensis edito, ubi Patrinus respondit, Abrenuntio, tum Parochus illum admonet, & contestatur, dicens: *Memor esto sermonis tui, & nunquam ibi excidat tua series cætionis.* Cui responder statim Patrinus: *Memor ero.* Idem legitur in Actis Ecclesiæ Mediolanensis Parte IV. in Instructionibus, *De Baptismi administratione*, ubi refertur Ordo Baptismi parvulorum pag. 503. Atque his addit quod in Iisdem Actis, citata Parte IV. ait S. Carolus in Instructionibus predicationis verbi Dei, ubi recenset Concionatoris officium in institutendis Fidelibus ad sanctissimum Sacramentorum altum, pag. 485. *De Baptismo cum loquatur, cætera cum exposuerit, quæ ex Catechismo Romano sapienter præscripta sunt, tum in eo versabitur, ut depravatam vitam morem fideliæ exagitet, qui contra quam in Baptismo spondenter, vivant, & carni, & mundo, pompique ejus, & Satane, atque illius operibus; Deo autem mortui sint; & quam laboriosa patient, quæ Dei sunt; quam rursus faciliæ, quæ carnis, quæ Satane.* Addit mox etiam, hoc in genere omnem condonis fuz vim a Concionatore adhibendam, idemque alii Episcopi in suis Ecclesiis statuerunt.

§. XIV.

Deinde Sacerdos intingit pollicem in Oleo Catechumenorum, & infantem unguit in pectore, & inter scapulas in modum Crucis, dicens: *Ego te linio ✠ Oleo salutis in Christo Jesu Domino nostro, ut habeas vitam æternam. R. Amen.*

COMMENTARIUS.

I. **O**leo sacro inungi baptizandum, ritus est Ecclesiæ antiquissimus, cujus passim & antiqui Patres, & Codices Rituales passim meminere. Sed notandum hic primo, hallucinari quidem Auctores non paucos ceteroqui eruditos, qui non animadvertentes diversitatem unctionum fieri solitarum in Baptismo, veterum Patrum testimonia confundunt, quos putant de una loqui unctione, cum de tribus diversis loquuntur. Prims enim ante Baptismum Oleo, quod Catechumenorum vocant, in pectore, & scapulis fiebat, ut passim ex perve-
tustis Sacramentorum Libris mox citandis, quibus hic noster §. consentit, addiscimus. Altera post Baptismum Chrismate in vertice capitis, fitque ab eodem Sacerdote, qui baptizavit, ut infra suo loco dicemus. Tertia tandem, quæ fit

in Sacramento Confirmationis per Episcopos, uti fufe diximus Tomo nostro I. Commentario in Partem I. Romani Pontificalis, Tit. 1.

II. Sed ut hoc loco de unctione dicamus, quæ ex antiquo ritu fieri ante Baptismum solet, notandum & illud censemus, unctionem ipsam in Ordine Gelsiano, & in quibuscumque Pontificalibus, ac Ritualibus Libris abrenuntiationi, de qua diximus in Commentario superiori, præmitti; in aliis vero post illam, faciendam. Atque hic fuit etiam antiquus Orientalis Ecclesiæ ritus, ut post renunciationem, Olei unctionem adhiberent, uti constat ex his Theodoretis verbis in Cantica: *Reminiscere sacra Mystagogia, in qua qui initiatur, post tyranni abnegationem, & Regis confessionem, velat signum quoddam, Regiam suscipiunt spiritualis augmenti Christma,* rc.

recipientes gratiam invisibilem Sanctissimi Spiritus nungunt tanquam in typo. Ceterum in superiori Commentario notatum a nobis id etiam fuit ex nonnullis antiquis Sacramentorum Libris inungi sacro Oleo confuisse baptizandum in pectore, & inter scapulas, dum fieret abrenuntiatio, ejusque ritus meminit non modo, sed & mysticam rationem exponit Leidradus Lugdunensis Episcopus in Libro, De Baptismo, Cap. II. sic inquit: *Ungatur autem Catechumeni in pectore, & inter scapulas Oleo exorcizato, eum abrenuntiant Satana, & operibus ejus, ac pompis ejus. Statimque addit: Quod ideo fieri arbitramur, ut habitaculum cordis ante & retro signetur, quo figne diabolus auctor perfidie pellatur, & Christus largitor Fidei, & eboritatis ingrediatur. Nam cor hominis sedes est erroris, & quitorum eum a diabolo possidetur; & ipsum efficitur habitaculum Fidei, Spei, & Caritatis, eum a Christo defenditur, & illustratur.*

III. Quamquam vero ex antiquis multis Ritualibus Libris, atque ex nostro presenti §. praescriptum fit, ut ipsa inunctio fiat in pectore, & inter scapulas, a Sacerdote dicente, Ego te linio Oleo salutis &c. ex antiquo tamen Sacramentario Gallicano, quod ex ms. Bobiensis annorum MC. vulgavit Mabillonius in Musei Italici Tomo I. non modo pectus, sed & nares, & aures inungebantur, aliaque formula verborum adhibebatur. Sic enim inquit: *Ungis eum de Oleo sanctificato, dicens: Ungo te de Oleo sanctificato, sicut unxit Samuel David in Regem, & Prophetam. Tangis nares, & aures, & pectus: Operare creatura Olei, operare, ut non lateat hic immundus spiritus, nec in membris, nec in medullis, nec in uno compagine membrorum; sed operetur in te virtus Christi Filii Dei altissimi, & Spiritus Sancti per omnia secula seculorum.*

IV. Omifis aliis Ritualibus Libris, de unctione quidem in vertice, & inter scapulas cum ea verborum formula, Ego te linio &c. in §. nostro praescripta, celebre est testimonium, quod habemus ex ms. Pontificis insignis Ecclesiae Apamienfis in Syria ante annos D. exarato, ubi post praedictam abrenuntiationem sic legitur: *Postea tangit de Oleo Sancto pectus, & inter scapulas, Crucem faciendo eum pollice, & dicit: Et ego te linio Oleo salutis in Christo Jesu Domino nostro in vitam aeternam. Amen. Tunc imponit manum super caput eorum, dicit Orationem Dominicam, & Symbolum.* Et ecce hic ritus dicendi Symbolum, & Orationem Dominicam post ipsam unctionem, quae tamen ex Ritualis nostri Romani, & aliorum etiam praescripto jam ante dici consueverant. Consente quoque Apamienfi Pontificis in hoc ritu Rituali antiquum Ecclesiae Lemovicensis, sic inquit: *Subsecutivae Presbyter interrogando nomen pueri, praeparet medietatem Olei in vertice pollicis, & ungit, seu liniat puerum Oleo sancto, primo pectus, & postea inter scapulas in modum Crucis, ita dicendo: Ego te linio de Oleo exorcizato in pectus & tuum, & inter scapulas & tuas, in Christo Jesu Domino nostro, ut habeas vitam aeternam., Amen. Quo linio, interroget Presbyter Symbolum ab eo, qui tenet puerum.*

V. Quicquid fit de hoc ritu dicendi Orationem Dominicam post factam unctionem, qui quidem etiam legitur in veteri Missali Romano ad usum Fratrum Minorum accommodato, anno-

rum circiter CCC. formulam nostram vestigium, extat quidem in ms. Codice S. Remigii annorum M. his plane verbis: *Et ego te linio Oleo salutis in vitam aeternam.* In ms. vero Sacramentorum Libro Monasterii Moiscensis, postea Bibliothecae Colbertinae, annorum circiter CM. *Et ego te linio Crucifixe salutis in Christo Jesu Domino nostro.* In Gemmeticensi anno MXXXII. descripto: *Et ego linio te Oleo salutis in Christo Jesu Domino nostro in vitam aeternam.* In Rituali Cadomi anno MDCIV. edito: *Et ego te linio pectus, & scapulas salutis in Christo Jesu Domino nostro, ut habeas vitam aeternam.* In Rituali tandem Ambrosiano jussu Caesaris Montii Cardinalis, & Archiepiscopi Mediolanensis edito eadem extat formula, quae in nostro §.

VI. Porro factam ipsam unctionem fuisse aliquando in pectore, & inter scapulas, in Nomine Sanctissimae Trinitatis, docet nos Sacramentarium S. Gregorii Papae: *Post haec tangat ei pectus, & inter scapulas de Oleo sancto, Crucem faciendo eum pollice, dicens: Ungo te Oleo sanctificato in Nomine Patris, & Filii, & Spiritus Sancti. Omnia verba laudat & enarrat Amalaricus Fortunatus Lib. I. De Ecclesiasticis Officiis, Capite XXIII. ad eaque alludit Rabanus Maurus Lib. I. De institutione Clericorum, Capite XXV. sic inquit: Ungatur illius tunc pectus de Oleo sanctificato cum invocatione Sanctae Trinitatis, ut nulla reliquia latentis iniuncti in eo resideant, sed in Fide Sanctae Trinitatis mens ejus confortetur. Ungatur & inter scapulas de eodem Oleo, ut undique maniat, & ad bona opera facienda per Dei gloriam roboretur. Faciam quoque apud Graecos unctionem ipsam in Nomine Sanctissimae Trinitatis, constat ex eorum Euchologio, cujus verba infra opportunius referemus.*

VII. At vero ad nostram formulam alludit certe Magnus Senonensis Archiepiscopus in Libro, De Mysterio Baptismatis, jussu Caroli Magni edito, ubi sic inquit: *Ungatur pectus, ut furo Crucis Christi excludatur Satana introitus, & pareatur ingressus Christo Domino. Scapulae autem signantur, ut undique Templum Deo dicatur, ab omni Satana impedimento muniat. Iterum & hoc signatur in pectoris, & scapulae unctione, ut ejus firmitas sit, & bonorum operum perseverantia. Aliam explicationem hujus ritus assertit Ivo Carnotensis in Sermone, De Smeramento Dedicacionis, his verbis: Accipistis & Oleum Sanctum in pectore, ut vigeret in corde vestro sapientia. Accipistis & in humero vestro, ut in exercitiis bonorum operum indeficiens servetur patientia, neque aliquando noverit sinistra vestra quid faciat dextera vestra. Quia vero in humeris vigor constat portandi oneris, hujus partis unctione Christi Athleta dedicati estis, ut sciatis, eos ad certamen esse vocatos. Plura de ista duplici unctione in pectore, & inter scapulas ante Baptismum docet Innocentius Papa III. in Capite unico, De sacra unctione, §. Quia vero.*

VIII. Audiendus vult S. Carolus, qui in Instructionibus, De Baptismi administratione, Capite, De ceremoniis, quae, primum Baptismus ministratur, adhibentur, pag. 500. col. 2. ritum ipsum sic explicat: *Obsignantur praeterea Oleo sacro, figura Crucis, pectus, & scapula, ut intelligamus, eos, qui Baptismo initiantur,*

quasi Christi Athletas, ait S. Ambrosius, Iustitiam huius laceruli luctaturos; soleat enim luctantes iniungi. Deinde, ut sciamus, Baptismi gratiam, non nostris meritis, sed Christi beneficio, & gratuita misericordia donari, qua Oleo significatur. Addit mox aliam hanc interpretationem: Præterea quia oleum est medicamenti species, quandoquidem Samaritanus infudit in vulnera oleum, & vinum; ideo hac unitione demonstratur, intima anima nostra vulnera, & morbos hac medicina curari; fomitibusque ipsam, quamvis non omnino extinguatur, at certe debilitari, viresque, & robur spirituale nobis addi, quo Satana, carnisque tentationum impetus depellamus. Et rursus: Petrus præterea ungitur, ut intelligamus, mentem, animamque Divina virtute corroborari. Scapula vero, quia dantur homini vires ad jagam Christi Domini ferendam. Tum vero demum: Inungitur ante, & retro, ut undique maniat, & confirmetur, ad opera bona prestanda, corde & corpore, voluntate & opere.

IX. Quod tandem spectat ritum Orientalis Ecclesie, constat plane apud Græcos non pectus tantum, & scapulas consuevisse iniungi, sed totum prorsus corpus a vertice ad pedes, teste S. Cyrillo Episcopo Hierosolymitano in Catechesi II. Mystagogica, num. 111. hisce verbis: Deinde vero, sic exuti, exoreizato peruncti essis Oleo, a summis verticis capillis usque ad infima, & particeps facti essis sanctæ oleæ Jesu Christi. Exeisi enim ex olestra, insti essis in sinceram oleam, & confortes effecti essis pinguitudinis vera oleæ. Pergit S. Antistes, rationemque istius ritus exponit, sic inquit: Scitur exoreizatum Oleum symbolum erat communicationis pinguedinis Christi; quod quidem omne adversaria potestatis vestigium extemplo fugat. Quomodo enim insufflationes Sanctorum, & invocatio Nominis Dei flamma instat vehementissima daemonem arit, & effugat, ita & exoreizatum istud Oleum per invocationem Dei, & orationem, tantam vim adsumit, ut non modo urendo peccatorum vestigia depurget, verum etiam omnes invisibiles mali spiritus potestates in fugam agat, Idem

docet S. Joannes Chrysostomus Homilia vi. ad Colossenses: Ungitur, ait, sicut athleta stadium ingressus; simul enim nascitur, & non sicut primus ille, qui paulatim erescit, sed statim. Non sicut olim Sacerdotes solo capite, imo vero amplius. Nam illi quidem capite, aure, dextra manu, ut ad obedientiam, & bona opera excitaret eum; hic autem totus ungitur. Idem habet Severus Patriarcha Alexandrinus in Ordine Baptismi, ubi duplicem unctionem præferibit, unam quidem post abrenuntiationem, alteram vero immediate ante immersionem: Tum signat, inquit, Oleo olivæ Sacerdos eum, qui baptizatur, tribus Crucibus super frontem ejus factis. Et mox: Et ponit Sacerdos Oleum olivæ in vola manus, totumque corpus ungit ejus, qui baptizatur, tum demum dimittit in Baptisterium. Idem colligitur ex S. Dionysio, De Ecclesiastica Hierarchia, Cap. II. & ex Joanne Mosco in Prælo Spirituali, Cap. 111. ubi refert Sacerdotem baptizandi manus deponere voluisse, quod non sine periculo tentaretur, cum seminam ungeret: Quoties mulierem inungeret, scandalizabatur.

X. Inungendum totum baptizandi corpus, præscribit etiam Rituale Græcorum ab eruditissimo Jacobo Goar editum, ac Notis illustratum, in Officio, quod dicitur, Sancti Baptismatis, ubi inter alia hic legimus: Tunc offertur baptizandus, & Sacerdos, accepto Oleo, Crucis figuram exprimit in ejus fronte, & in pectore, & in dorso, dicens: Ungitur Servus Dei N. Oleo exultationis. In Nomine Patris, & Filii, & Spiritus Sancti, nunc, & semper, & in sæcula seculorum, Amen. Et Crux signat ejus pedes, & dorsi medium; in pectore quidem, dicens: In animam, corporisque medellam. In auribus. Ad Fidei auditum. In pedibus: Ad ambulandum, gressus tuos. In manibus: Manus tuæ fecerunt me. Unctio vero toto corpore &c. Fieri a Diacono ipsam totius baptizandi corporis unctionem, expresse edicunt duo alii Baptismatis Officia, Cryptoscratense Beffariensis, & Barberinam S. Marci apud laudatum Goar pag. 292. & 295. editionis Venetæ: Et tunc inungitur ex eodem Oleo a Diacono per totum corpus.

§. XV.

Hic deponit Stolum violaceam, & sumit aliam albi coloris.

§. XVI.

Subinde pollicem, & inuncta loca abstergit bombacio, vel re simili, & interrogat expresso nomine baptizandum, Patrino respondente. N. credis in Deum Patrem Omnipotentem, Creatorem Celi, & terre. R. Credo. Credis in Jesum Christum Filium ejus unicum, Dominum nostrum, natum, & passum? R. Credo. Credis & in Spiritum Sanctum, Sanctam Ecclesiam Catholicam, Sanctorum communionem, carnis resurrectionem, & vitam æternam? R. Credo.

COMMENTARIUS.

I. Sequor editionem Ritualis Romani jussu Sanctissimi Domini nostri BENEDICTI XIV. Romæ factam anno MDCCCLII. in qua post descriptam formulam in unctione pectoris, & inter scapulas baptizandi, pronuntiandam, Ego te linio Oleo salutis &c. sequun-

tur statim presentes Paragraphi juxta ordinem a nobis descriptum; nam alias juxta editionem Romani Ritualis Patavinam anni MDCCXXXIV. in interiori margine paginæ 15. ubi legitur §. Subinde pollicem &c. legitur etiam §. Hic deponit Stolum violaceam &c. Quicquid autem de

ea re sit, puto equidem, facta inunctione, debere prius Sacerdotem pollicem suum, & inuncta infantis loca bombacio abstergere, & deinde Stolum violaceum deponere, & aliam albi coloris fumere; non enim decet, ut pollice sacro Oleo inuncto, Stolas ambas tangat, & postea illum abstergat. Porro notandum, quod ait noster §. xv. *Deposuit Stolum violaceum, & sumit aliam albi coloris*; sat enim significat, duas Stolas distinctas, primam violacei coloris, albi alteram, esse adhibendas, non vero unicam, versicoloream, seu quæ ex una parte sit coloris violacei, ex altera vero albi; nec enim ait noster §. xxi. *veritit*, sed *deposuit Stolum violaceum, & sumit aliam albi coloris*. Atque hoc spectat quod statuit S. Carolus in Concilio Provinciali v. Mediolanensi, Constitutionum Parte 1. Cap. De *his quæ ad Baptismum pertinent*, ut nempe Parochus, aut is, cui ille, Episcopove nominatim concesserit, in hoc ministerio non alterius ejusquam, sed albi coloris Stola utatur. Quamobrem non puto Stolum auream, vel aliam, quæ non sit omnino albi coloris, adhibendam.

II. His notatis, descendendo ad enarrandum §. nostrum xvi. in quo agitur de interrogatione circa Fidem, ejusdemque professionem, cujus ritus passim non modo antiqui Sacramentorum Codices, sed & Sancti Patres mentionem faciunt. Ut enim omittam Philippi Diaconi exemplum, qui, ut legitur in Actis Apostolorum, Cap. viii. non prius baptizavit Candacis Regiæ Eunuchum, quam is Fidem professus fuit, insignis est eo de ritu locus in Epistola lxx. S. Cypriani ad Januarium, & ceteros Episcopos Numidas, de baptizandis hæreticis, ubi sic inquit: *Sed & ipsa interrogatio, quæ fit in Baptismo, testis est veritatis. Nam cum dicimus: Credis in vitam æternam, & remissionem peccatorum per Sanctam Ecclesiam? intelligimus remissionem peccatorum non nisi in Ecclesia dari.* Ejusdem ritus inter Latinos testes sunt S. Hieronymus, & S. Ambrosius, quorum primus in Dialogo adversus Luciferianos, ita habet: *Præterea cum scimus fit in lavacro post Trinitatis confessionem interrogare.* Credis Sanctam Ecclesiam Catholicam? Credis remissionem peccatorum? Alter vero in Libro, *De mysteriis*, Cap. v. sic inquit: *Descendisti, scilicet in Fontem, recordare quid responderit, quod credas in Patrem, credas in Filium, credas in Spiritum Sanctum.* His adde S. Augustinum in Epistola xxiii. ad Bonifacium relata in Can. lxxv. De consecratione, Distinctione iv. & in Libro, *De anima, & ejus origine*, Cap. io. & Sermone cxcxv. Opusculum Milevitanum Libro v. adversus Parmenianum, S. Hilarium in Commentario super Matthæum, & alios complures Patres Latinos.

III. Inter Græcos testis in primis antiquæ hujus observationis est S. Dionysius Areopagita, vel alius ejus nomine Auctor Operis, *De Ecclesiastica Hierarchia*, Cap. ultimo, ubi tum etiam fuisse ait, qui mysteria nostra irridebant, quod qui infantem offerant, pro eis abrenunciant, & Fidei Sacramenta profitentur; quos tamen merito arguit, cum ita addit: *Non quod, ut illi ridentur dieant, alium pro alio Divinitus Sacris iniect.* Non enim hoc ait: Ego pro puero abrenuncio, aut promitto; sed *puer abrenuntiat, & profitetur* &c. Testis S. Dionysius Alexandrinus in Epistola ad Philemonem Ecclesiæ Romanæ

Presbyterum apud Eusebium Lib. vii. *Historia, Ecclesiastica*, Cap. viiii. ubi ait, Novatum *Fidem, & confessionem, quæ Baptismum præcedunt, evertere.* Et in Epistola ad Xistum Papam ibidem Cap. ix. ubi agit de quodam, qui ab hæreticis baptizatus, & in Ecclesia interrogatus, *responsionesque audisset, voluit baptizari iterum.* Testes sunt tandem duo Cyrilli, Alexandrinus, & Hierosolymitanus, & hic quidem in Catechesi II. Myltagogica, sic inquit: *Interrogatus est naasquisque, si credit in Nomen Patris, & Filii, & Spiritus Sancti, & confessi esset salutarem Confessionem, & termersi esset.* Ille vero Lib. II. in Joannem Cap. lxxv. Hinc, ait, Ecclesiæ regnum tertio interrogandi eos accepit, qui ad Baptismum accesserunt, ut terna Christi confessione fidelibus adnumerentur.

IV. Varias hujusmodi interrogationum, responsionumque de Fide formulas in Baptismi administratione, ex antiquis Sanctorum Martyrum Actis, Librisque Ritualibus, & Pontificalibus recenset Martene Lib. I. *De antiquis Ecclesiæ ritibus*, Cap. 1. Articulo xiii. num. xiv. Ergo Acta S. Calixti Papæ & Martyris apud Surium die xiv. Octobris, ubi Palmatii Baptismum describitur, sic cum ritum exprimitur: *Credidit ex toto corde Deum Patrem Omnipotentem factorem omnium visibilium, & invisibilium?* Respondit Palmatius: *Credo.* Deinde Episcopus: *Et in Jesum Christum Filium ejus?* Et ait: *Credo.* Iterum Episcopus ait: *Qui natus est de Spiritu Sancto ex Maria Virgine?* Palmatius respondit: *Credo.* Ait Episcopus: *Et in Spiritu Sancto, Sanctam Ecclesiam Catholicam, remissionem peccatorum, & carnis resurrectionem?* Et exclamavit cum lacrymis Palmatius, dicens: *Credo Domine.* Similia his sunt, quæ leguntur in Actis S. Stephani Papæ & Martyris apud Baronium ad annum cclix. ubi de Nemefi, ejusque Filii Baptismo sic habet: *Et ad filium Nemefi conversus, Credis; ait, in Deum Patrem Omnipotentem?* Respondit: *Credo.* Et in Jesum Christum Dominum nostrum? Respondit: *Credo.* Remissionem peccatorum omnium? Respondit: *Credo.* Carnis resurrectionem? Respondit: *Credo Domine.* Itemque illa, quæ extant in Actis S. Savini Episcopi & Martyris in Baluzii Miscellaneaorum Tomo II. ubi Venustiani Baptismus ita describitur: *Credidit in Deum Patrem Omnipotentem?* Respondit Venustianus. *Credo.* Et in Christum Jesum Filium ejus? Respondit: *Credo.* Et in Spiritu Sancto? Respondit Venustianus: *Credo.* Et in eum, qui passus est, & resurrexit? Respondit Venustianus: *Credo.* Et in eum, qui ascendit ad Cælos, & iterum venturus est judicare vivos, & mortuos, & seculum per ignem? Dixit: *Credo.* Et in adventu ipsius, & Regnum ejus, in remissionem peccatorum, & carnis resurrectionem? Venustianus respondit: *Credo in Christum Dei Filium, qui me illuminavit.*

V. Quamquam vero in omnibus Sacramentorum Libris præscripta reperitur interrogatio de Fide, ejusque professio ante Baptismum, varient tamen non nihil, uti non modo ex allegatis hætenus liquet, verum etiam ex aliis plurimis relatis a Martene, citato Lib. 1. Cap. 1. Articulo xviii. per totum. Certe ex veteri Missali Gallicano a Cardinale Thomasio edito sic ea formula exprimitur: *Credidit Patrem, & Filium, & Spiritum Sanctum unum esse virtutis? R. Credo.*

Credis Patrem, & Filium, & Spiritum Sanctum ejusdem esse potentis &c. Credo. Credis Patrem, & Filium, & Spiritum Sanctum trine unitatis, manente substantia, Deum esse perfectum? &c. Credo. In antiquo autem Sacramentorum Libro Gelasii Papæ ab eodem Thomasio edito ex ms. Codice annorum circiter mille hunc in modum interrogatio legitur: *Credis in Deum Patrem Omnipotentem? &c. Credo. Credis in Jesum Christum Filium ejus unicum Dominum nostrum, natum, & passum? &c. Credo. Credis & Spiritum Sanctum, Sanctam Ecclesiam, remissionem peccatorum, carnis resurrectionem? &c. Credo.* Rursus in eodem Sacramentorum Libro Gelasii Papæ, atque in ms. Codice Bibliothecæ Colbertinæ, & in alio Bibliothecæ Regis Francorum, atque in Noviomensi ante annos cm. scriptis, post carnis resurrectionem, legitur, & vitam æternam, & *Beati Amen*; ac illud etiam edicatur, ut cum sunt interrogationes, per singulas vices baptizandus tertio in aquam mergatur. Porro esse & ritum antiquum illum, ut, quemadmodum in nostro §. xvi. edicatur, Sacerdos interroget expresso nomine baptizandum, *Patrino respondentem*, N. *Credis &c.* constat plane ex antiquo Sacramentario Gallicano, quod ex ms. Bobienſi annorum xc. vulgavit Mabillonius Tomo 1. Musæ Italici, & ex aliis multis a Martene descriptis citato Articulo xviii. num. xv. Quinimo juxta ms. Codicem Gemeticensem annorum circiter xccc. Sacerdos interrogaturus de Fide, ita primum interrogabat infantem: *Quis vocaris?* Et respondente Patrino nomen infans, Sacerdos ponebat manum super infantis caput, & interrogabat: *Credis in Deum Patrem Omnipotentem &c.*

VI. Sunt & alia quedam circa hanc Fidei interrogationem notanda ex laudato Martene, Articulo xiii. num. xv. Primo ait, quod in Parvulorum Baptismo, non in secunda, sed in tertia persona proferretur, probatque auctoritate S. Augustini in Epistola xviii. ad Bonifacium juxta editionem PP. Benedictorum S. Mauri: *Interrogamus eos, ait, a quibus offeruntur &c. Dicimus, Credis in Deum &c.* Et Sermonem cxciv. ubi ait Sanctus Pater, quod infans ad verba aliena sanatur, quia ad factum alienum vulneratur. *Credit in Jesum Christum? fit interrogatio. Respondetur: Credo &c.* Confirmatur ex antiquo Sacramentario Gallicano a laudato Mabillonio edito; in quo quidem Sacerdos ita interrogat: *Credit in Deum Patrem &c.* Sed pace tanti Scriptoris, non semper, & ubique servata hæc regula fuit, ut interrogatio in infantium Baptismo in tertia persona fieret; in multis enim Ritualibus Libris, quos ipse affert citato Articulo xviii. factam fuisse legitur prædictam interrogationem in persona secunda. Constat id quidem ex memoratis superius Libro Sacramentorum Gelasii, Papæ, ex ms. Codice Colbertino, ex Regio, & Noviomensi annorum circiter mille, ubi Sacerdos ita interrogat: *Credis in Deum Patrem &c.* B. Mariz Calensis in Diocesi Parisiensi annorum circiter cm. alioque multos, qui loquentes pariter de Baptismo infantium, formulam ipsam esse in persona secunda recitandam præscribunt.

VII. Secundo, grassante aliqua hæresi, mos

plane fuit, ut Articuli Fidei pravis illius erroribus oppositi baptizandis specialiter proponerentur, ut addidit licet ex Epistola Nicenæ ad Justinianum Imperatorem apud Chesnium Tomo 1. *Historia Francorum*, ubi ita scribit: *Dactus, & duleis noster Justiniane, rememorare, quæ promissisti, cum baptizatus es, quid per singula te credere dixisti, unum Filium manentem in duabus substantiis cum Patre & Spiritu Sancto, non duos Christos testatus es.* Quæ quidem professio impium Nestorii dogma condemnat, qui duas in Christo personas asserbat, duosque esse Christos docebat, unum Filium Dei, & Filium hominis alterum; ac proinde Beatam Virginem Mariam, non Dei, sed hominis Matrem esse, ac dicendam non Theotochou, sed Crisotochou. Nonnulli quoque hæretici eos, quos baptizabant, sub jurando soliti fuerunt adigere, nunquam se a pravis, quibus adhærebant, dogmatibus receduros, ut de Aetiani narrat Epiphanius Hæresi lxxvi. Sicque Eudonius, teste Theodorito Lib. iv. *Historiæ Ecclesiasticæ*, Cap. 111. cum *Valentem Baptismi Sacramento initiaret, jurejurando miserum abstinxit ad hoc ut in impietate dogmatis perseveraret, contraria sentientes omnibus locis expelleret.*

VIII. Tercio, prædictam interrogationem eo præsertim fieri tempore contuivisse, cum jam baptizandi descendissent in Fontem, ut sacro lavacro abluerentur, constat plane ex Actis S. Genesii apud Rulnarium sic ad Imperatorem loquentis: *At ubi me aqua undam tetigit, interrogatus, credere me respondi;* itemque ex Actis S. Calixti Papæ & Martyris, in quibus Palmatus de Fide interrogatus dicitur, cum jam descendisset in pelvim. Atque hic concinit S. Ambrosius in Libro, *De Mysteriis*, Cap. v. ubi sic ait: *Descendisti, scilicet in Fontem, recordare quid responderis, quod credas in Patrem, credas in Filium, credas in Spiritum Sanctum.* Constat idem ritus ex variis antiquissimis Sacramentorum Libris, ac præsertim ex illo Gelasii Papæ a Cardinale Thomasio edito, in quo memoratis interrogationibus de Fide hæc rubrica præfixa est: *Benedicite Fontes, baptizans unumquemque in ordine suo sub his interrogationibus: Credis in Deum &c.* Tum vero sequitur: *Deinde per singulas vices mergit tam tertio in aqua.* Similia leguntur in multis aliis Ritualibus a Martene descriptis citato Articulo xviii. ubi varios ad conferendum Baptismum Ordines tum veteres, tum recentiores refert, ex quibus etiam & illud addidimus, in parvulorum Baptismo ad interrogationes de Fide consuevisse Patris respondere.

IX. Cæterum puellarum, seminarumque Baptismati præsentibus additis Diaconissas, quæ baptizandis, quomodo respondendum esset interroganti, suggererant, docet nos plane Canon xii. Concilii iv. Carthaginensis anni cccxcviii. qui ita habet: *Viduas, vel Sanctimoniales, quæ ad ministerium baptizandam mulierum eliguntur, tam instructæ sint ad officium, ut possint apto, & sano sermone docere imperitas, & rusticas mulieres tempore, quæ baptizandæ sunt, qualiter baptizatori interrogatæ respondeant.* Atque hic nota, Viduas, vel Sanctimoniales, quæ etiam Diaconissæ dicebantur, de quibus, sicut & de earum variis muniis diximus nos non uno in loco Commentariorum nostrorum ad Concilia Oecumenica, & ad Romanum Pontificale, adhibitas alim

sult.

fuisse tam pro Baptismo feminis subministrando, quam pro erudiendis in Fide, & moribus rusticis mulieribus, atque imperitis. Nudæ nempe mulieres, & puellæ, in Baptisterium cum descenderent, interposito penili ante oculos velo, Ministrorum pudori utcumque consultum est, adhibita tamen quavis cautio, cum fieri vix posset, quin eorandem Ministrorum conspectum aliquid laderet.

X. Notandum præterea & illud circa ipsas Fidei interrogationes, fieri illas, sicut & abrenun-

ciationem Satanae, de qua superius diximus in Commentario ad §. xii. debuisse lingua materna, seu vernacula, uti mandant S. Bonifacii Maguntini Archiepiscopi Statuta, quæ extant Tomo ix. Spicilegii Dacheriani num. xxvi. ubi sic edicitur: *Nullus sit Presbyter, qui in ipsa lingua, quæ nati sunt, baptizandos, abrenuntiatio-nes, vel confessiones, aperte interrogare non studeat, ut intelligant, quibus respondent, vel quæ confitentur, & qui taliter agere dedignantur, sceddant a Parochia.*

§. XVII.

Subinde expresso nomine baptizandi, Sacerdos dicit: *N. vis baptizari?* Patrinus respondet: *Volo.*

§. XVIII.

Tunc Patrino, vel Matrinx, vel utroque, si ambo admittantur, infantem tenente, Sacerdos vasculo, seu urceolo, accipit aquam baptismalem, & de ea ter fundit super caput infantis in modum Crucis, & simul verba proferens semel tantum, distincte, & attente dicit: *N. Ego te baptizo in Nomine Patris* ✠, fundat primo, & *Filii* ✠, fundat secundo, & *Spiritus* ✠ *Sancti*, fundat tertio.

COMMENTARIUS.

I. Præacta Fidei professione, de qua fusc jam differui in Commentario superiori, ex præscripto veterum, recentiorumque Ritualium, quibus merito consentit voster §. interrogat mox baptizandus, num velit baptizari, pro eoque, si infans sit ille, qui Baptismum est suscepturus, respondet Patrinus, *Volo.* Patrino- rum quippe, quos, ut suo loco adnotavimus, Scriptores antiqui, ac Rituales Codices appellant Susceptores, Sponsiores, Fidei iussiores, Compares, Patres Spirituales, Offerentesque, instituendorum causa præsertim fuit, ut baptizandus Episcopopo offerrent, eundem de rebus necessariis instruerent, fidem pro eis profiterentur, abrenunciationem sponderent, idque maxime erga infantes præstarent, ut ex S. Joanne Chrysostomo addicimus, qui in Psalmum xiv. ita inquit: *Statis Sacerdos exigit ab infirma aetate pæctis convecta, & minoris ætatis Fidei iussorem Susceptorum interrogat.*

II. Porro autem quod invito, penitusque contradicenti administrari Baptismus non possit, ideo ex præscripto nostri §. xvi. expresso nemine baptizandi Sacerdos dicit, baptizando scilicet, *N. vis baptizari?* Atque id est, quod recentia non modo, sed & antiqua Ritualia præscribunt, ut nempe etiam in infantum Baptismo fiat hujusmodi interrogatio, *Vis baptizari?* Ita plane docent ms. Codex S. Remigii Remensis annorum x. ms. Liber Sacramentorum Monasterii Moissacensis, postea Bibliothecæ Colbertinæ, annorum circiter xv. Gemneticeus, annorum decem. Pontificalis Codex Ecclesiæ Apamensis, annorum circiter xc. & alii passim recentes Libri Rituales. Ceterum ex antiquo Rituali Ecclesiæ Lemovicensis, *Presbyter, quæstio pueri nomine, dicit: Quid petis? R. Patrinus: Baptismum. Presbyter subiungit: Vis baptizari in Nomine Patris, & Filii, & Spiritus Sancti? R. Volo.* Ex vetustissimo autem Missali Gallicano a Cardinali Thomasio edito baptizandi voluntas a Sacerdote sic exploratur: *Baptizo te?*

Tom. I.

Respondet ille: *Baptizo.* Si quis autem hic roget, cur, cum Baptismum administrare oportet, querit Sacerdos ab eo, qui baptizandus est, num baptizari velit? rationem plane docet Tridentini Concilii Catechismus, Parte II. *De Baptismi Sacramento*, num. ix. §. *Sed cum*, ubi sic inquit: *Quædammodum enim homo sua voluntate serpentis obediens, merito damnatus est; ita Dominus neminem in suorum numerum, nisi voluntarium, militem adscribi voluit, at divinis iussis sponte obtemperans, æternam salutem consequatur.*

III. Responso per Patrinum, *Volo*, tunc, ut ait noster §. xviii. *Patrino, vel Matrinx, vel utroque, si ambo admittantur, infantem tenente, Sacerdos vasculo, seu urceolo, accipit aquam baptismalem, & de ea ter fundit super caput infantis in modum Crucis &c.* Ubi per modum effusionis, de quo late suo loco diximus, Baptismus administratur, ne manus, sed vas, quod ob eam causam paratum in Fente Baptismali, ejusque Chorio offervari debet, adhibetur, statuit jam S. Carolus in Concilio Mediolanensi Provincia- li iv. Constitutionem Parte II. Capite. *Quæ per- tinent ad Sacramentum Baptismi.* Esse autem antiquum ritum, ut in hujusmodi Baptismo, vas, seu urceus, cochlear, aliusve simile instrumentum adhibetur, dictum etiam a vobis non uno in loco superius fuit. Ter autem fundendam aquam eo instrumento super caput infantis in modum Crucis, ab ipsoque Ministro simul verba proferenda semel tantum, distincte, & attente formæ Baptismi, *N. ego te baptizo in Nomine Patris* ✠ *&c.* præscribit plane Libri omnes Rituales veteres æque, atque recentiores, tametsi in quibusdam nonnulla ei formæ adjuncta sint verba, quæ illas substantiæ minime obstant.

IV. Ergo in Missali Gothico Gallicano a Cardinale Thomasio edito hæc extat forma Baptismi: *Baptizo te Ill. in Nomine Patris, & Filii, & Spiritus Sancti in remissionem peccatorum, ut habeam vitam æternam. Amen.* In veteri autem alio Gal-

O

II.

licano Missali ab eodem Cardinali vulgato: *Baptizo te credentem in Nomine Patris, & Filii, & Spiritus Sancti, ut habeas vitam aeternam in saecula saeculorum*. In antiquo Sacramentario Gallicano, quod ex ms. Bobienſi annorum MC. vulgavit Mabillonius Tomo 1. Mulci Italici: *Baptizo te in Nomine Patris, & Filii, & Spiritus Sancti, nam habentem substantiam, ut habeas vitam aeternam, partem cum Sanctis*. Verba illa, in remissionem peccatorum; & alia, ut habeas vitam, sive dictio illa, *Amen* in fine formae leguntur quidem in multis Ritualibus, quae videri possunt apud Martene Lib. 1. Cap. 1. Articulo XVIII. ubi varios Ordines ad conferendum Baptismum recenset, ex quibus etiam addicimus, administrari olim consuevisse passim Baptismum per immersionem, trinam scilicet, ac eo prorsus ritu, quem noster §. praefcribit: *Baptizat eum*, inquit ms. Codex antiquus Gellonenſis, *sub trinam immersionem, tantum Sanctam Trinitatem semel invocans, ita dicendo*. Baptizo te in Nomine Patris, & mergit semel. Et Filii, & mergit iterum. Et Spiritus Sancti, & mergit tertio, aut conca perfundit. Conca ista forte vas erat, quod adhibebatur in Baptismo per effusionem, ubi scilicet deesset aqua ad immersionem necessaria, vel immineret ex immersione periculum baptizando infanti, sive alias ob causas, quas memorat Concilium Provinciale VI. Beneventanum anni MCCCXXIV. Tit. XV. Cap. V. §. Item dicimus.

V. Quicquid de ea re sit, ritui ex Codice Gellonenſi descripto consentiunt quidem multi alii prisci Rituales Codices a praedicto Martene allati, in quibus quidem nulla mentio fit faciendae immersionis in modum Crucis, quem tamen ritum praescriptum reperio in Baptismo per effusionem ex antiquo Rituali Ecclesiae Lemovicenſis, ubi ita lego: *Dicit Presbyter pater, Et ego baptizo te in Nomine Patris, infundendo simul aquam super caput ejus. Et Filii, simul. Et Spiritus Sancti. Amen, simul & tertio*. Porro in Rituali Ambrosiano jussu Caesaris Montii Cardinalis, & Archiepiscopi Mediolanenſis in Ordine Baptismi parvulorum ritus etiam ipse statuitur, ut ter fiat immersio in modum Crucis: *Deinde Parochus infantem supinum a Patris sublatum utraque manu excipit, itant dextera capiti ejus propior sit, tum ter occiput mergit in aqua in Crucis formam; & mergendo, si certum sciat, illam non esse baptizatum, explicite profert* i. N. Ego te baptizo in Nomine Patris, & Filii, & Spiritus Sancti, Amen. Idem habemus ex Rituali Cadomani anno Christi MDCXIV. edito, Titulo, qui inscriptus est, *Modus baptizandi secundum Ecclesiam Romanam*, ubi sic inquit: *Baptizet Sacerdos infantem sub trina immersione Sanctam Trinitatem semel invocans, & dicens*: Et ego te baptizo in Nomine Patris, & mergit semel. Et Filii, & mergit iterum. Et Spiritus Sancti, & mergit tertio.

VI. Plura de Baptismi forma, sicut & de duplici modo baptizandi per immersionem, vel effusionem, supra suis locis tradidi, sed non censui omitendum hoc loco, quod docet S. Thomas circa mutationem in ipsam legitimam Baptismi formam in §. nostro praescriptam, quae invalidum reddit Baptismum. Sic enim ille in Libri IV. Sententiarum, Distinctionem 111. Articulo 11. Quaestione 111. in Corpore: *Si subtrahatur ali-*

quod non est Baptismus, & ille, qui baptizat, gravi-
ter peccat; quia ipse omnes invocato Trinitatis est de essentia formae, ideo hoc nullo modo sub-
trahi potest. Sed quidam dicunt, quod expressio
actus non est de substantia formae; unde si sub-
trahatur, facta sola Trinitatis invocatione, erit
Baptismus. Sed contra hoc est Decretalis Alex-
andri Papa III. quod si quis pater in aqua
merjerit, dicendo: In Nomine Patris, & Filii,
& Spiritus Sancti, si non dicat, Ego te baptizo,
non est puer baptizatus; oportet enim, quod per
formam virtus Trinitatis invocata ad materiam
propositam determinetur, quod fit in expressione
actus. Similiter expressio personae baptizata est
de substantia formae, quia per eam determinatur
actus ad hunc Baptismum; & ideo si subtrahatur,
non erit Baptismus; sed expressio personae
baptizantis dicitur, quod non est de forma quan-
tum ad necessitatem Sacramenti, sed ex institutio-
ne Ecclesiae, ut intentio magis feratur ad actum
illum, & ideo, si omittatur, erit Baptismus, sed
peccat omittens. Porro ex Sacerdotali Romano
Venetius edito anno MDLXVII. Parte I. Tracta-
tu 1. Cap. Quae sit forma Baptismi &c. illud ad-
dicimus, quod dictio Amen, in fine formae, ubi
consuevit dici, nullo modo debet praetermitti; si
tamen praetermittatur, est Baptismus, tamen
omittens peccat.

VII. Sed omisſis variis Quaestionibus, quae circa formam Baptismi a Theologis discuti solent, notandum summpere, quod ait hic noster §. XVIII. ut nimirum quum Baptismi Minister aquam ter super caput infantis in modum Crucis effundit, simul verba proferat, *semel tantum, distincte, & attente*. Adverbium *simul* illud plane significat, ut nulla fiat in ipsa forma interruptio, dum aqua effunditur, nam, ut citans Sanctum Thomam docet Sylvestre, verbo *Baptismus* 1. num. 5. si ita sit, ut intercipiat intentionem baptizantis, non valet Baptismus; sicut si dicatur *in Nomine Patris, & interposita longa fabula dicere, & Filii &c.* Si autem fuerit parva, ut puta verbi non corruptentis formam, veluti dicendo, *in Nomine Patris Omnipotentis*; aut interruptio silentii, vel tussis, aut huiusmodi, quod intentionem non discontinuet, validus erit Baptismus. Et idem est, si incepta forma, dicat, *taceatis*, vel huiusmodi. Atque haec est communis Theologorum, & aliquorum Ritualium sententia, quae confirmari etiam potest ex Concilio Provinciali VI. Beneventano anni MCCCXXIV. Tit. XV. Cap. 111. ubi dicitur ait, quod Baptismi validitatem mora naturalis, & compendiosa, patia suffiendo, respirando, vel serendo non obest; itemque ex Sacerdotali Romano Venetius edito anno MDLXVII. Parte 1. Tractatu 1. Cap. IV. *Si vero pauca distantia sit, ut si diceret adstantibus, tace, vel excrearet, aut spueret, est verus Baptismus*.

VIII. Explicandum uno illud, quod subdit noster §. mandat quippe, & opportune quidem, ut *semel tantum* blinister scilicet Baptismi verba formae proferat. Facile enim imperitis quispian in tanta illa aquae baptismalis effusione super caput infantis, quam §. noster praescribit, ter etiam formam pronunciare potuisset; atque in hunc errorem inciderant olim Ecclesiae Hispanicae, quae, ut notat Martene Lib. 1. De antiquis Ecclesiae ritibus, Cap. 1. Articulo XIV. num. XIV. formam ter, hoc est ad singulas tinctiones semel

repetebant; in quas ea de re vehementius ex-
candescit Alcuinus in Epistola sua cxxx. ad

Paulinum Patriarcham, de qua jam nos etiam
mentionem facimus.

§. XIX.

Ubi autem est consuetudo baptizandi per immersionem, Sacerdos accipit infantem, & advertens, ne ledatur, caute immergit, & trina merfione baptizat, & semel tantum dicit: *N. Ego te baptizo in Nomine Patris* ✠, & *Filii* ✠, & *Spiritus* ✠ *Sancti*.

C O M M E N T A R I U S.

I. Tribus modis conferri posse Baptismum, & quidem juxta probatam Ecclesiae disciplinam, per immersionem scilicet, effusionem, & asperfusionem, jam dictum a nobis superius fuit, docetque inter alios S. Thomas, Parte III. Quaestione LXII. Articulo VII. in Corpore, sic inquit: *Aqua sumitur in Sacramento Baptismi ad usum ablutionis corporalis, per quam significatur interim ablutio peccatorum; ablutio autem fieri potest per aquam, non solum per modum immersionis, sed etiam per modum asperfusionis, vel effusionis; & ideo quomvis tutius fit baptizare per modum immersionis, quia hoc habet communior usus, potest tamen fieri Baptismus per modum asperfusionis, vel etiam per modum effusionis secundum illud Ezechielis III. Effundam super vos aquam mundam. Sicut Beatus Laurentius legitur baptizasse, cum ab eo in articulo superposito se baptizari Sanctus Romanus petisset. Et hoc praecipue propter necessitatem, vel quia est multitudo baptizandorum, ut patet Actuum II. ubi dicitur, quod crediderunt una die tria millia. & alia die quinque millia. Quandoque autem potest imminere necessitas propter paucitatem aquae, vel propter debilitatem Ministri.*

II. Porro si Libros Rituales consulamus, constat plane ex omnibus, quos vidi, vidi autem complures, dari Baptismum per immersionem, si forte unum excipias, quem citat Martene Lib. I. Cap. I. Articulo XIV. num. VI. Genomanensem ad usum Ecclesiae S. Mariae Magdalenae Bellilocensis exaratum, cujus character ecclesiae vix superare videtur. In eo siquidem haec leguntur: *Tunc Sacerdos accipiat aquam in balneo, & integret nomen infantis, & mittat ter super caput ejus, dicendo: N. si tu non fuisti baptizatus, Ego te baptizo in Nomine Patris, & Filii, & Spiritus Sancti, Amen.* In Concilio Ravennatenſi anni MCCCXI. utraque, & immersio, & superfusio ad arbitrium Ministri proponitur. Quicquid sit de tempore, quo invalere coeperit effusionis usus in Baptismi administratione, invaluit quidem propter necessitatem, ut

docet S. Thomas, cui consensit inter alia Concilium Provinciale VI. Beneventanum anno Christi MCCCXXXIV. Tit. IV. Cap. V. ubi Baptismus per immersionem retineatur, ita tamen statuit: *Si autem tanta copia de aqua haberi non possit, ut infans in ea totaliter immergi possit, vel forte similiter mergi timeatur, ob fragilitatem pueri, quod ex totali immersione mortem posset incurere, vel propter imbecillitatem Sacerdotis non possentis sustentare infantem, vel propter consuetudinem Ecclesiae, quae hoc putatur, cum scutella, vel scypho, vel alio vase, quantitas aquae super caput infantis effundatur a baptizante, & effundendo dicat baptizans: Ego te baptizo in Nomine Patris, & Filii, & Spiritus Sancti, Amen; & eris infans baptizatus.*

III. Ex recitato haecenus loco jam illud addiscimus, viguisse Saeculo XIV. eam in aliquibus Ecclesiis consuetudinem, baptizandi per effusionem, etiam ubi per immersionem conferri potuisset Baptismus. Sicut autem Ecclesia eam consuetudinem tunc minime improbavit, ita uae hodie istam, ubi scilicet vigeat, uti patet ex nostro §. ex cujus praescripto Sacerdos accipit infantem, & advertens, ne ledatur, caute immergit, & semel tantum, dicit: *N. Ego te baptizo in Nomine Patris* ✠, &c. Atque hic ritus servatur hodie in Ecclesia Mediolanensi ex Rituali Ambrosiano jussu Caesaris Montii Cardinalis, & Archiepiscopi Mediolanensis edito, atque ex Instructionibus S. Caroli. *De Baptismi administratione*, in Ordine Baptismi parvulorum, ubi etiam edicitur, ut trina fiat immersio in modum Crucis: *Deinde Parochus infantem supinum a Patrio sublatum utraque manu excipit, itant dextera capiti ejus propior sit, tum ter occupat mergit in aqua in Crucis formam, & mergendo, si certe scit, illum non esse baptizatum, explicite profert: N. Ego te baptizo &c.* Atque hanc ritum baptizandi per immersionem servavit Benedictus XIII. tum Beneventi, ubi diu Archiepiscopus fuit, tum Romae etiam factus Pontifex Maximus, ubi innumeros pene baptizavit.

§. XX.

Mox Patris, vel Matris, vel uterque simul infantem de Sacro Fonte levans, suscipientes illum de manu Sacerdotis.

C O M M E N T A R I U S.

I. Perspicua sunt, quae in hoc statuuntur §. nihilque est, quod in ipsum dicamus, nisi quod praescriptum laudatum superius Rituale Ambrosianum, sic inquit: *Comperit*
Tom. I.

autem postremo manum infanti supponit, atque ita tenet, ut Orientem spectet. Atque hoc est vestigium quoddam antiquissimi Ecclesiae instituti; quod enim Oriens fons velut quidam luminis

haberetur, atque Occidens esset hieroglyphicum tenebrarum, inde etiam ea vetus fuit in Ecclesia observatio, ut Baptismate initiandi, diabolo prius renuntiaturi, Occidentem versus statuerentur, sicque positi tertio illa renuntiantium verba proferrent; idemque postea Christum Dominum confessuri, ad Orientem converſi, totidem vicibus facerent; quod testantur S. Dionysius Areopagita, sive ejus nomine Auctor Operis, *De Ecclesiastica Hierarchia*, Lib. II. Parte II. Cap. II. & S. Cyrillus Hierosolymitanus, *Catechesi* 1. Vide Baronium ad annum Christi LVIII.

& Stephanum Duranti, Lib. 1. *De ritibus Ecclesiae Catholicae*, Cap. III. num. 111. & IV. ubi sane enarrat ritum construendi Tempia ad Orientem, rationemque ex Patribus tradit, cur prius Christiiani, cum publice orarent, ad Orientem aspicerent. Ceterum quod ait hic noster §. ut peracto scilicet Baptismo per immersionem, Sacerdos infantem Patrino, vel Matrino, vel utriusque simul suscipiendum tradat, eo plane spectat, quod mox cum Sacerdos debet in vertice capitis sacro Chrismate inungere, ut dicitur infra in §. XXII.

§. XXI.

Si vero dubitatur, an infans fuerit baptizatus, utatur hac forma: *N. si non est baptizatus, ego te baptizo in Nomine Patris & Filii & Spiritus Sancti.*

COMMENTARIUS.

TAmetsi de Baptismo sub conditione, administrando, ubi scilicet dubitatur, an infans fuerit baptizatus, jam supra non uno in loco dixerimus, quia tamen de eo iterum dicendi nobis in praesenti §. se praebet occasio, ideo iterum in hoc Commentario de eodem argumento nonnulla dicemus. Ergo si veterem disciplinam inspiciamus, il profecto, de quibus dubitabatur, an essent baptizati, incunctanter baptizabantur, uti ex Canone VI. Concilii V. Carthaginensis anni CCCXVIII. addiscimus: *Placuit de infirmis, quoties non inveniantur certissimi testes, qui eos baptizatos esse sine dubitatione testentur, neque ipsi sunt per atatem idonei de traditis sibi Sacramentis respondere, absque ulla scrupulo eos esse baptizandos, ne ista trepidatio eos faciat Sacramentorum purgatione privari.* In hoc Canone, quem memorati Concilii Patres consulti a Legatia Mauro-rum, qui multos tales a barbaria redimebant, ediderunt, jam illud in primis notandum est, expresse decerni, illos absolute, & absque ulla conditione salutari lavacro abluendos. Eandem disciplinam doecerunt jam passim Patres, & aliam Synodi sequioris aevi, cui inherens Gregorius Papa II. in Epistola XIII. ad interrogata Bonifacii, ita respondit: *De parvulis vero, qui a parentibus subtrahuntur, & an baptizati sint, an non, ignorant, quia interrogasti: his ut baptizare debeas secundum Patrum traditionem, si non fuerit, qui testificetur, ratio poscit.* Neque enim simpliciter baptizandos asserit Gregorius, sed secundum Patrum traditionem. Eandem etiam fuisse Orientalia Ecclesiae praxim, constat plane ex Can. LXXXIV. Concilii Trullani, in quem videri potest noster Commentarius Tomo II. nostrorum Commentariorum in Concilia Oecumenica.

II. Legitur passim in Conciliis, & apud Sacros Scriptores, quam facilis esset olim Ecclesia, tum Latina, tum Graeca, ad Baptismum de-novo eos excipere, & quidem absolute, de quibus dubium esset, an revera baptizati essent; eamque disciplinam confirmavit Alexander Papa III. in Capite II. *De Baptismo*, ubi tamen, mandat, hanc in hujusmodi dubie baptizatis cautelam esse adhibendam; ut nimirum ea conditio adhibeatur: *Si baptizatus es, non te baptizo; sed si nondum baptizatus es, ego te baptizo &c.*

Errant qui ipsum Pontificem existimant primum hujus cautele Auctorem, longeque hallucinati sunt, qui hujusmodi formas conditionatas a Scholasticis Theologis fuisse adinventas ajunt. Longe enim ante Scholasticos, & certe longe ante annum Christi millesimum, ejus clausulae meminit Isaac Longonienſis Episcopus Titulo XI. Canone XVII. ubi ita habet: *De quibus dubium est, utrum sint baptizati, an non, omnimodis absque ulla scrupulo baptizentur, his tamen verbis praemissis: Non te rebaptizo; sed si nondum baptizatus es, baptizo te in Nomine Patris, & Filii, & Spiritus Sancti.* Qui Canon excerptus est ex Libro VI. Capitulare Regum Francorum, Cap. CLXXXIV.

III. Quamquam vero post editum illud ab Alexandro III. Papa Decretum, generaliter ea forma sub conditione invaluit, & praesertim postquam intravit in Theologiam Scholasticam, atque in Decretalca Gregorii IX. relatum fuit, fatendum nihilominus est, non statim fuisse ab omnibus Ecclesiis acceptum. Quod enim post ipsum Alexandrum III. ea disciplina simpliciter, & absolute baptizandi dubie baptizatos, superflua adhuc fuerit in Anglia, docet nos Concilium Eboracense anno MCXCV. celebratum, Canone IV. *Ubi autem puer, cujus Baptisma ignoratur, reperitur expositus, sive cum sale, sive sine sale reperitur, baptizetur. Cum non intellegatur iteratum, quod nescitur fuisse collatum.* Idem statuit Londinensis Synodus habita anno MCC. Can. 111. *De Baptismo, vel Confirmatione, si dubitetur, Sacrorum Canonum Statuta sequentes, statim, ut conferatur, quia non dicitur iteratum, quod non scitur fuisse collatum.* Nulla in his Conciliis mentio illius cautele ab Alexandro III. praescriptae, tametsi post ipsum Concilium ea Concilia habita fuerint. Viget autem, hodieque passim a Ritualibus, & a Theologia, praecipitur, probaturque modus ille baptizandi dubie baptizatos, licet a Morino, & a quibusdam aliis Auctoribus, veluti supervacaneus improbetur. Sed hoc horum opinio potius improbanda, ac penitus contemnenda, peccaret enim, qui omnia ea cautione, quam & Summi Pontifices, & Ritualia, ac praesertim Romanum, & universalis Ecclesiae consuetudo praescribunt, dubie baptizatos sacro lavacro ablueret.

§. XXII.

§. XXII.

Deinde intingit pollicem in sacro Chrismate, & ungit infantem in summitate capitis in modum Crucis, dicens: *Deus Omnipotens Pater Domini nostri Jesu Christi, qui te regeneravit ex aqua, & Spiritu Sancto, quique dedit tibi remissionem omnium peccatorum (hic inungit) ipse te linias Chrismate salutis I: in eodem Christo Jesu Domino nostro in vitam eternam. R. Amen. Sacerdos: Pax tibi. R. Et cum spiritu tuo.*

COMMENTARIUS.

I. **F**requens occurrit apud veteres Scriptores, & in antiquis Sacramentorum Codicibus mentio unctionis verticalis ex Chrismate a Presbytero factæ in Baptismo, utpote quam ex vetusta traditione inter alios memorat, commendatque Innocentius Papa I. in Epistola sua ad Decentium Eugubinum Episcopum, Cap. 112. his verbis: *Presbyteris, sive extra Episcopum, sive presente Episcopo, baptizant, Chrismate baptizatos ungere licet, sed quod ab Episcopo fuerit consecratum; non tamen frontem ex eodem Oleo signare, quod solis debetur Episcopis, eum tradunt Spiritum Paracletum.* Uñctio, quæ fit cum Chrismate in fronte ab Episcopo, spectat Sacramentum Confirmationis, de quo, sicut & de ejus ritibus, late jam differimus Tomo I. Romani Pontificalis in Commentariis ad Titulum I. quæ autem in summo capitis vertice fit abluto jam sacro lavacro, ad Baptismi distinctum, Parochum scilicet, Sacerdotemve aliam de illius licentia, qui etiam, ut inquit S. Carolus in Concilio Provinciali Mediolanensi IV. Capite, *Quæ pertinent ad Sacramentum Baptismi, cavere debet, ne ad infantem baptizandum alio Chrismate utatur, quam eo, quod illo ipso anno consecratum est, ut veteri Canone cantum est.*

II. Eiusdem verticalis unctionis, quæ scilicet Sacerdos summum baptizati verticem Chrismate perungit, meminerunt etiam S. Ambrosius, scilicet quivis alius, Libro III. De Sacramentis, Cap. I. S. Isidorus Hispalensis Episcopus, Lib. II. De Officiis Ecclesiasticis, Cap. xxv. & XXI. Venantius Fortunatus Lib. v. Carmine IV. Jesse Ambianensis, Leidradus Lugdunensis, Theodulphus Aurelianensis, Episcopi, in suis, De Baptismo, Tractatibus, alique complures. Ejus institutionem S. Sylvestro Papæ adscribere solent; ipse enim, & hoc constituit, ut baptizatum linias Presbyter Chrismate levatum de aqua propter occasionem transitus mortis; ut scribit Auctor Libri Pontificalis in Vita ejusdem Sylvestri; eique consentiunt Amalarius Libro I. De Ecclesiasticis Officiis, Cap. xxv. Walfridus in Libro, De rebus Ecclesiasticis, Cap. xxv. Rabanus Lib. I. De Institutione Clericorum, Capite VII. Hugo Victorinus Lib. II. De Sacramentis, Parte VII. Cap. 111. Rupertus Abbas Tuitiensis Lib. v. De Divinis Officiis, Capite xvi. & alii. Ex quibus merito inferi Menardus in Notis ad Librum Sacramentorum S. Gregorii Papæ, prescos Scriptores Sylvestro superiores, ubi de unctione, seu Chrismatione loquuntur, intelligendos esse de Confirmationis Sacramento; & quia Græci carent verticali unctione in Baptismo, eorum Patres antiquos, quum de unctione Chrismatis agant, de illa, quæ fit in fronte ab Episcopo, esse interpretandos.

III. Circa hanc unctionem duo jam seltu digna adnotavit Martene, Lib. I. Cap. I. Articulo xv. num. 111. & IV. Primum est, non ab ipso Baptismatis Ministro, sed ab alio Presbytero peractam fuisse eam Chrismatis unctionem in baptizato: *Postquam Pontifex baptizaverit, vel quibus jussisset ipse, levant ipsos infantes in manibus, & offerunt uni de Presbyteris, ipse vero facit Crucem de Chrismate eum pollice in vertice eorum, dicens: Deus Omnipotens &c.* Verba sunt antiqui Auctoris, De Divinis Officiis, sub nomine Aleuini, Cap. IX. Ratio autem ejus ritus fuit, quod propter baptizandorum multitudinem unus & idem, & tingendis & liniendis omnibus satisfacere non posset. Alteram vero notatu dignum est illud, ex institutione S. Sylvestri eam Chrismatis unctionem ad solos Presbyteros, non vero ad Diaconos, spectare. Unde in Concilio I. Toletano anni CD. Can. xx. statutum est, *Diaconum non chrismare, sed Presbyterum absente Episcopo, presente vero, si ab ipso fuerit preceptum.* In Gallis autem usum alium obtinuisse, idque Diaconis permixtum fuisse, colligitur ex Concilio Vascensi anni CDXLII. Canone III. quo decernitur, ut singulis annis Presbyteri, vel Ministri, idest, Diaconi, non vero ipsi inferiores gradu, aut ordine, a propriis Episcopis Chrismata petant appropinquante Festivitate Paschali, quia, inquit, *Optimum est, ut ipse suscipiat, qui in tradendo usus est.* Unde & in Concilio Arausicano anni CDXLI. Can. II. decretum fuit, ut nullus Ministrorum, qui baptizandi recipit officium, sine Chrismate usquam debeat progredi. Ex Constitutionibus tandem Apostolorum, quæ S. Clementi Papæ tribui solent, Lib. III. Cap. xv. dicitur, quod, eam primum illuminantur, idest baptizantur, mulieres, Diaconus ungit frontem ipsarum, & deinde Diaconissa ipsas abstergit.

IV. Quicquid autem sit de hoc ritu, ex omnibus certe Sacramentorum Libris antiquis, Sacerdos qui baptizat, baptizati verticem, non frontem, Chrismate in modum Crucis inungit, dicitque interim eam verborum formulam, *Deus Omnipotens &c.* In §. nostro descriptam, licet paucis immutatis. Hæc sane constant ex veteri Missali Gallicano a Cardinale Thomaſo edito, ubi ita legitur: *Deus Pater Domini nostri Jesu Christi, qui te regeneravit ex aqua, & Spiritu Sancto, quique tibi dedit remissionem peccatorum; ipse te linias Chrismate suo sancto, ut habeas vitam eternam in secula seculorum.* Variat nonnihil formula, quæ extat in antiquo Sacramentario Gallicano, quod ex ms. Bobienſi annorum MC. vulgavit Mabillonius Tomo I. Musei Italici: *Deus Pater Domini nostri Jesu Christi, qui te regeneravit per agnam, & Spiritum Sanctum, qui*

que tibi dedit remissionem peccatorum per lavacrum regenerationis, & sanguinem & ipse te linat Christum suo Sancto in vitam eternam. Ex Libro Sacramentorum Gelasii Papæ a laudato Cardinale Thomasio edito, annorum M. infans signatur a Presbytero in cerebro de Chrismate his verbis: Deus Omnipotens Pater Domini nostri &c. ut est in prima formula superius descripta. Similia leguntur in aliis Sacramentorum Libris a Martene editis Lib. 1. Cap. 1. Articulo xviii. inter quos duo Gellonienses illud plane mandant, ut Presbyter faciens Crucem de Chrismo cum pollice in vertice baptizati dicat, Deus Omnipotens Pater Domini nostri &c.

V. Porro ex ms. Pontificali insignis Ecclesiæ Apamiensis in Syria, annorum circiter DC. præscriptum est, ut baptizato a Sacerdote infante, statim suscipiat eum Patrinus, qui primus obtulerat eum, de manu Baptiste, & offerat Sacerdoti, vel Episcopo, qui cum pollice dextro faciat Crucem de Chrismo in vertice infantis, dicens: Pax tecum. R. Et cum spiritu tuo. Tum vero sequitur: Deus Omnipotens &c. Atque ecce hic verba illa, Pax tecum, cum responsum, Et cum spiritu tuo, prædicte Oratio præmissa, cum alias ex nostro §. dicenda sint Oratione absoluta. Sed nec omittendum antiquum Rituale Ecclesiæ Lemovicensis, ex cuius præscripto, dicit Presbyter, Oremus, Deus Omnipotens &c. Et Oratioe dicta, christum puer in vertice in modum Crucis cum pollice, & postea Presbyter imponit patre vestem &c. Ex Rituali tandem Ambrosiano iussu Cesarii Montii Cardinalis, & Archiepiscopi Mediolanensis edito, baptizato infante, Sacerdos intingit pollicem in Chrismo, & proferat Orationem sequentem, & dum dicit: Ipse te linat &c. tangit verticem infantis in forma Crucis. §. Dominus vobiscum. R. Et cum spiritu tuo. Oratio. Deus Omnipotens Pater Domini nostri Jesu Christi &c. Ceterum si excipias Pontificale prædictum Apamiense, jam in nullo alio Rituali antiquo, reperi verba illa, Pax tecum &c. dicenda post memoratam Orationem, ut mandat noster §.

VI. Explicandum superest, cur baptizatus Chrismo in capitis vertice perungatur, & primo quidem ex Canone lxxxvii. De consecratione, Distinctioe 19. de sumpto ex Rabano Lib. 1. De institutione Clericorum, Cap. xxviii. ubi sic inquit: Postquam ascendit baptizatus de Fonte, statim signatur a Presbytero in cerebro cum sacro Chrismo, sequenti similiter Oratione, ut Christi Regni particeps fiat, & a Christo Christianus possit vocari. Secundo ex Magno Senonensis Ecclesiæ Archiepiscopo in Libello, De Mysterio Baptismatis, iussu Caroli Magni edito, ubi hæc habet: Tunc demum sacro Chrismo caput perungitur, ut in Regno, & Sacerdotio Ecclesiæ delibati, & Christi Nominis accipiant gratiam, & ejus membra, qui eos redemit, & eorum caput est, effecti valeant. Similia habet Tridentini Concilii Catechismus Parte II. de Baptismi Sacramento, num. lx. his verbis: Jam postquam Baptismus absolutus est, Sacerdos summum baptizati verticem perungit, ut intelligat, se ab eo die Christo Capiti tanquam membrum conjunctum esse, atque ejus Corpori instans, & eare Christianum a Christo, Christum vero a Chrismo appellari. Idem docet totidem verbis S. Carolus in Instructionibus, De Baptismi administratione, Cap. De ca-

rementis, quæ, peracto Baptismo, servantur.

VII. Cecidit tandem in calce hujus Commentarii adnotare antiquum ritum jam alias observatum, lavandi scilicet baptizatis, post innatum sacro eorum verticem Chrismo, pedes cum certis precibus, quæ leguntur in pervetustis quibusdam Sacramentorum Libris, ac præsertim in Missali Gothico Gallicano a Cardinale Thomasio edito, & in alio quoque veteri Gallicano Missali ab eodem vulgato, in quorum primo sic legitur: Dum pedes eis lavas, dicit: Ego tibi lavo pedes. Sicut Dominus noster Jesus Christus fecit Discipulis suis, tu facias hospitibus, & peregrinis, ut habeas vitam eternam. Variat nonnihil formula, quæ ad lavandum pedes in altero Missali habetur, quæ & est hujusmodi: Dominus, & Salvator noster Jesus Christus Apostolis suis pedes lavit. Ego tibi pedes lavo, ut & tu facias hospitibus, & peregrinis, qui ad te venerint; hoc si feceris, habebis vitam eternam in sacula seculorum, Amen. Extat hic idem ritus in antiquo Sacramentario Gallicano ex ms. Bobienf. Codicis annorum MC. a Mabillonio publici juris facto, Tomo 1. Musei Italici, in quo tamen non jam statim post Christinam unctionem, ut in allegatis mox Codicibus, sed post datam candidam baptizatis vestem, de qua dicemus in Commentario sequenti, hæc legitur ad lavandos pedes formula: Ego tibi lavo pedes, sicut Dominus noster Jesus Christus fecit Discipulis suis, ita tu facias hospitibus, & peregrinis. Dominus noster Jesus Christus de sinu, quo erat præcinctus, terse pedes Discipulorum suorum; & ego facio tibi; ita facies peregrinis, hospitibus, & pauperibus. Atque hæc respicere videtur S. Cæsarius in Sermone cclvii. Appendicis novæ editionis Operum S. Augustini, ubi inter minora peccata recenset, quod secundum promissionem nostram in Baptismo, hospitibus pedes lavare negligimus.

VIII. Pedum lotionem in Baptismo jam non modo in Ecclesia Gallicana, ut ex citatis Sacramentorum Libris ostendimus, veram etiam in Mediolanensi Ecclesia servatam fuisse, testis est S. Ambrsius Mediolanensis Episcopus in Libro, De Mysteriis, Cap. vi. & Lib. iii. De Sacramentis, Cap. 1. ubi citam docet, Romanam Ecclesiam non habere hanc consuetudinem, ut pedes lavet. In Ecclesia Africana lavabatur quidem baptizandorum pedes Feria v. in Cæna Domini, duobus ante Baptismum diebus, ut innuit S. Augustinus in Epistola lxxv. novæ editionis ad Jannarium, nam. 10. Si autem queris, ait, cur etiam lavandi nos ortus sit? Nihil mihi de hoc cogitanti probabilius occurrit, nisi quis baptizandorum corpora per observationem quadragesimæ sordidata cum offensione sensus ad Fontem traicerentur, nisi aliqui die lavarentur. Illum autem diem ad hoc electum, quo Cæna Domini commensaliter celebratur. Eandem caeremoniam jam longe S. Ambrsius, & S. Augustinus observabat Ecclesia Hispanica, sed ipsam tamen antiquavit Synodus Illyberritana, ubi Can. xlviii. ita statuit: Emendari placuit, ut hi, qui baptizantur, ut fieri solebat, novissus in cæenam non mittant. Neque pedes eorum lavandi sunt a Sacerdotibus, vel Clericis. Sane putant Mendoza, & Gonzalez in suis Commentariis ad citatum Canonem, vetuisse Illyberritanam Synodum eam pedum lotionem, ut in totum Ecclesiæ Romanæ di-

disciplinam sequeretur, quæ hujusmodi cæreniam minime fuerat amplexa, teste S. Ambrosio, siue alio Auctore ejus nomine citati Operis, *De Sacramentis*.

IX. Juxta antiquum ritum Ecclesiarum Mediolanensis, & Gallicanæ, uti jam dictum est, non ante, sed post acceptum Baptisma lavabantur pedes; fuitque ritus etiam antiquus, ut postquam semel pedes abluti fuerant adultis, nudis plantis per totas octavas terram contingere re-

ligioni ducerent. Ilinc S. Augustinus in Epistola xv. novæ editionis, num. 35. *Hæc, inquit, nimis dolio, quod multa, quæ in Divinis Libris saluberrime præcepta sunt, minus curantur, & tam multis præsumptionibus sic plena sunt omnia, ut gravius corripitur, qui per Octavas suas terram nudo pede tetigerit, quam qui mentem vindicta sepeliverit.* Atque hæc satis sint pro hujus ritus notitia, qui, sicut & alii multis conjuncti Baptismo ritus, in desuetudinem abiit.

§. XXIII.

Tum bombacio, aut re simili, abstergit pollicem suum, & locum inunctum, & imponit capiti ejus linteolum candidum loco vestis albe, dicens: *Accipe vestem candidam, quam immaculatam perferas ante Tribunal Domini nostri Jesu Christi, ut hab eas vitam æternam.* R. Amen.

COM M E N T A R I U S.

I. R. Ecce admodum statuit primum hic voster §. ut, postquam Sacerdos sacro Chrismate infantem jam baptizatum in summo ejus capitis vertice inunxit, pollicem suum, & locum inunctum bombacio abstergat, quod scilicet in pelvis alba reponat, ut post Baptismum comburatur, & in Sacrum mittatur, ut de hujusmodi rebus fieri assolet juxta repetitas Ritualium, & Pontificalium Rubricas. Sane illud tantum est ex antiquo Rituali Ecclesiæ Lemovicensis, ut post traditum baptizato ardenter cererem, *Presbyter mundet loca, ubi posuit Chrismam, & oleum, & aquam, & abstergat eam panno albo; vel secundum aliquos, si non mundet dilia loca, præcipit mulieribus, ne prima tria pueri balnea proficiantur in loco inuncto, propter reverentiam Sacramenti.* Sed observandum omnino, & quidem propter reverentiam sacris rebus debitam, quod statuit voster §. cui quidem præter alia multa confert Rituale Ambrosianum.

II. His notatis, ut nunc ad alteram nostri §. partem explicandam descendam, ex communi Ecclesiarum fere omnium ritu, & antiquissimo instituto, baptizati sacro Chrismate inuncti, statim albis vestibus induebantur, Sacerdote interim eisdem dicente eam verborum formulam: *Accipe vestem candidam* &c. in §. descriptam. Ita sane mandant antiquissimum Missale Gothicum Gallicanum a Cardinale Thomasio editum, itemque vetus Sacramentarium pariter Gallicanum, quod ex ms. Bohemici Codice vulgavit blabillonius Tomo 1. Musei Italici, in quibus tamen ad eam formulam desiderantur verba illa: *Ut habeas vitam æternam, & R. Amen.* Ex ms. Gemmeticensi Codice initio Seculi xi. exarato baptizatus infans Chrismate inunctus vestitur vestibus suis candidis, & mittitur Chrismale super caput ejus, ita dicens: *Accipe vestem candidam, quam perferas ante Tribunal Christi in vitam æternam, & vivas in sæcula sæculorum, Amen. Respondet tenens, Patrinus scilicet, vel Matrinx, Perferam.* Chrismale linteum erat, quo caput baptizati Chrismate inuncti cingebatur, occurritque ea vox passim in antiquis Ritualibus I ibria.

III. Ritus induendi baptizatos albis vestibus innumeris pene comprobari posset exemplis, & veterum Patrum tum Latinorum, tum Græcorum testimonio. Ad hæc S. Gelasii Martyris apud

Ruinartium ita plane de eo ritu inquit: *Commune Sacramentorum mysteria complessent, & indutus vestibus albis esset, veluti per ludam a militibus raptus* &c. Eusebius quoque l. ib. iv. *De Vita Constantini*, Capite lxxiii. describens ejus Baptismum, sic ait: *Postquam rite omnia impleta sunt, candidis, ac regis vestibus luteis indutus radiantibus, est amictus, & candidissimo in lecto recubuit, nec purpuram contingere amplius voluit.* Longum Patrum agmen, qui ritum ipsum confirmant, afferunt quidem Stephanus Darauci Lib. 1. *De ritibus Ecclesiæ Catholice*, Cap. xix. num. 39. & Edmundus Martene Lib. 1. *De antiquis Ecclesiæ ritibus*, Cap. 1. Articulo xv. num. v. Sed audiendus præ cæteris censeo S. Ambrosium, & S. Augustinum, qui etiam ritum ipsum egregie exponunt. Ille quidem in libro, *De mysteriis*, Cap. vii. sic habet: *Accepisti post hæc, scilicet post Baptismum, vestimenta candida, ut esset indicium, quod exieris involucrem peccatorum, & indueris innocentiam castæ velamina.* Augustinus vero in Sermone cccxlii. qui est quintus in Vigilia Paschæ, ita inquit: *Infantes isti, quos cernitis exterius dealbatos, interiorumque mandatos, qui candore vestium splendorem mentium præfigunt* &c. His adde Tridentini Concilii Catechismus, Parte II. *De Baptismi Sacramento*, num. lx. ubi sic eundem ritum explicat: *Induit postea Sacerdos baptizatum veste alba, dicens: Accipe vestem candidam, quam, immaculatam perferas ante Tribunal Domini nostri Jesu Christi, ut habeas vitam æternam.* Infantibus vero, qui vestiti non untur, istdem verbis album sudarium datur. Quo symbolo significari Sancti Patres docent, tum resurrectionis gloriam, ad quam per Baptismum nascimur; tum nitorem, & puritatem, quam diluit peccatorum maculis, anima in Baptismo ornatur; tum innocentiam, atque integritatem, quam in omni vita baptizatus servare debet.

IV. Præter candidam vestem, impostum etiam fuisse baptizato infanti, & quidem statim post verticalem unctionem, velamen, quod alii Cappam, Galeam, Chrismale appellant, ab ipsa veste candida omnino distinctum, Auctor est Martene citato loco, num. vi. nikturque variis Scriptorum testimonio suam opinionem probare. Sed puto equidem, lapsum Martene; si enim hoc

hoc velameo, seu Chrisnale, Cappa, Galea, seu Cappula, cujus meminit Concilium v. Provinciali Beneventanum anni mcccxxiv. Tit. iv. Capite v. fuisse vestis distincta, alia certe praescripta fuisset formula in illius traditione, seu impositione, ac praeterea duplicis illius generis indumenti in antiquis Ritualibus Libris haberetur mentio, in quibus tamen, sive *Chrisnale*, ut in ms. Sacramentorum Libro Monasterii Moissacensis annorum circiter DCCC. sive *Alba*, ut in Pontificali Apamiensi annorum DC. sive *vestis candida*, ut in ms. Codice Ecclesiae Viennensis in Gallia annorum circiter CCC. sive *Cappa*, ut in antiquo Salisburgensi Ecclesiae Pontificali, sive aliud vestimentum, post inunctionem Chrisnatis in vertice capitis baptizati factam, eidem imponatur, semper hae caeremoniae faciem praescribitur sub ea formula: *Accipe vestem candidam* &c. uti videre est apud ipsum Martene Lib. 1. Cap. 1. Articulo xvii. ubi varios antiquos, recentisque Ordines ad baptizandum describit.

V. Plura de hac veste jam diximus nos Capite 3. in Commentario ad §. I. Qualis esse debeat, explicuit S. Carolus in Instructionibus, *De Baptismi administratione*, ubi inter alia sic inquit: *Vestem etiam candidam insular pallidi et tela linea, aliove genere, non serico tamen, albi coloris confectam, qua collo amicti possit, et doro parentum infantis portari significabit, Parochus scilicet, qua veste illum baptizatum induet, cum dicit, Accipe vestem candidam* &c. At vero licet hae linea vestis deferri ab iis debeat, qui infantem baptizandum ad Ecclesiam portant, paratam tamen habere hujusmodi vestem Parochus debet, non modo pro expositis infantibus, sed et pro iis, qui inopes sunt; atque huc spectat quod statuit Concilium Provinciale v. Beneventanum, citato loco inter alia sic inquit: *Si propria Cappulam, id est candidam vestem, propter paupertatem, vel aliam quancumque causam non habeat, nec habere valeat baptizandas, cam Cappula, cum qua etiam alias fuerat baptizatus, quam Sacerdos pauperibus gratis exhibeat, baptizetur*. Tum vero mox: *Cappula vero ad humanos usus minime transferantur, sed in usus mundos Ecclesia deputentur*. Contrarium vero facientes graviter puniemus. Ne hujusmodi indumentum, quocumque nomine appelletur, laicis detur, statuit quoque inter alia Concilium Beneventanum Provinciale xi. i. sub Joanne Ba-

pista Foppa Beneventi Archiepiscopo, anno MDCLVI. Tit. xxxix. *De Sacramento Baptismi*, num. 24. *Caveant Parochi, ne sal benedictum, Olea, aquam, aut albas laicis dent, ne inde alienas maleficia, vel superstitionis occasio detur*.

VI. Affinis ritui imponendae candidae vestis baptizato, est ille quidem, qui olim, alibi saltem, obtinuit, redimendi scilicet fertis, & coronis caput baptizati. Testes sunt ejus ritus antiquus Ordo Baptismi Severi Patriarchae Alexandrini, itemque vetustus Baptismi Ordo secundum usum Aethiopum, qui extat Tomo vi. Bibliothecae Patrum; quorum primus ita plane inquit *Fit elevant baptizatos ad Altare, eisque dant mysteria, & fertis coronant eos*. Alter vero sic habet: *Tum induunt, qui baptizati sunt, vestem albam, & coronam super capita sua de myrto, & palma*. Atque ad hunc ritum alludere videtur S. Joannes Chrysostomus in Homilia ad baptizandos, ubi sic ait: *Narrant hujus Calicis virtutem, qui sunt Divinis consecrati Mysteriis, sed & vos paulo post poteritis addicere*. Memento igitur mei, quando coronam solis radiis splendidiorem sentietis in capite. Sed & antiqui fepulchri Neapolitani delineatio Baptismum ab homine laico per inunctionem collatum representans, duos exhibet baptizatos coronis redimitos apud Mabillonium in Itinere Italico pag. 72. Quia & Durandus Mimatensis Episcopus in Rationali Divinarum Officiorum, Lib. vi. Cap. lxxxix. num. 17. scribit, hanc fuisse praxim suo tempore Provinciae Narbonensis, ut in candida vestis baptizatorum superiori parte rubra vitta in modum coronae assueretur: *In Provincia Narbonensi haec alba vestis linea in summitate cum filo rubro superfuitur, aut alia varietate insignitur, quodammodo pretendens Coronam*.

VII. Porro indumentum istud, quod memoratus Durandus albam vestem lineam hic appellat, paulo post, numero scilicet sequenti, *Chrismale* nuncupat, ut vel hinc intelligas, quod supra notavimus adversus Martene, contendentem, Chrismale fuisse indumentum baptizato quidem praebere solitum, sed a candida veste omnino distinctum. Ut et autem ea se res habeat, plures mysticas significationes in praedictum ritum affert Durandus, probarique vel ex eo facile potest, quod dignum esset, ut Regis Regum filii modo per Baptismum geniti, & Regni Caesulis coheredes effecti, Regiae dignitatis symbolum praesferrent.

§. XXIV.

Postremo dat ei, vel Patrino, candelam accensam, dicens: *Accipe lampadem ardentem, & Irreprehensibilis custodi Baptismum tuum. Serva Dei mandata, ut cum Dominus venerit ad nuptias, possis occurrere ei una cum omnibus Sanctis in Aula caelesti, habesque vitam aeternam, & vivas in secula seculorum*. R. Amen.

COMMENTARIUS.

I. **R**itum quoque esse antiquissimum in Ecclesia tum Latina, tum Graeca, ut post vestem candidam baptizati accensus cereus praeretur, Latini Patres, ac Graeci perspicue testantur. S. Ambrosius in Libro, *De lapsu virginis*, Cap. v. ejus ritus meminit: *Non est memorata diei sancta Dominica Resurrectionis*

nis, in quo Divino Altari te obtulisti velandam. In tanto namque solenni conventu Ecclesia Dei inter lumina Neophytorum splendida, inter candidatos, quasi Regi nuptura processerat. Idem eruitur ex Oratione S. Gregorii Nazianzeni de Baptismo, ubi ritum ipsum describere videtur his verbis: *Statio, in quam post Baptisma ante*

magnum Altare constitueris, ventura gloria est p. cludium. Psalmida, cum qua excipiaris, laudis ventura est ambalatrix. Lampades, quas accendis, ventura sunt illuminationis mysterium, cum qua obvolabit Sponsa. His adde celeberrimum locum ex Epistola Marci Gazensis ad Arcadium Imperatorem, quem est de Baptismo Theodosii junioris apud Card. Baronium anno Christi CCL. ubi ita inquit: Baptizato juniori Theodosio, & ab Ecclesia egresso in Palatium, licebat rursus intueri decorem eorum, qui praeerat multitudi- ni, & vestem eorum resurgentem; erant enim omnes candidati, ut exillimiores multitudine esse nite repleta. "Præcedebant autem Patrii illi- llores, & omnis dignitas cum ordinibus militari- bus, omnes portantes cereos, ut putarentur altra cerei in terra. Atque ex hoc loco recte colligit Martene, Lib. I. Articulo xv. num. ix. in fine, in solenni Regum, ac Principum Baptismate, non solum ipsos baptizatos vestem albam, & cereum accepisse, sed omnes insuper aulicos eo- rum, ac milites.

II. Quamquam vero de candela, seu cereo post vestem candidam baptizato dari solito, multa extant veterum Ritualium, Patrum, ac Scripto- rum testimonia, quae videri possunt apud lauda- tum Martene, Josephum Vicecomitem in celebri Opere, De ritibus Baptismi, & apud Steph- anum Duranti, Lib. I. De ritibus Ecclesiae Catho- licae, Cap. xix. num. 41. & seq. mirum tamen, videri potest, quod scribit Martene loco citato, nempe tacere antiquos Libros Rituales penes om- nes de ipso ritu, cum alias reperiri, fieri men- tionem in antiquioribus Sacramentorum Codici- bus, vel longe ante annum Christi millesimum exaratis. Fit plane ejus ritus mentio non modo in antiquo Romano Ordine x. num. 23. apud Mabil- lionem Tomo II. Musci Italici, verum etiam in ms. Gemmeticensi Codice tempore Theodorici Abbatis, qui obiit anno MXXXII. descripto, in quo etiam verborum formula extat paulo diver- sior ab illa in nostro §. notata. Sic enim habet: Postea ponit Sacerdos candellam in manu sua, baptizati scilicet, ita dicendo: Accipe candellam irreprehensibilem, custodi Baptismum tuum, ut cum Dominus venerit ad nuptias, possis occurrere in Aula Caestri in vitam eternam in secula saeculorum, Amen. Paulo brevior est formula, quae legitur in ms. Pontificali Ecclesiae Apamien- sis in Syria annorum DC. Accipe lampadam irre- prehensibilem, custodi Baptismum tuum, ut cum Dominus venerit ad nuptias, possis occurrere ei in Aula Caestri. Ceterum ex antiquo Rituali Ecclesiae Lemovicensis, post impositionem candide vestis, puero inducto, in manu ejus dex- tra apponitur candela per Presbyterum, qui sug- gerit Patri, & Matrini, ut manus apponant eidem candela, & dicit, dirigendo verba sua ad puerum, N. nunciando cum, dicit: Accipe lampadam ardentem, & irreprehensibilem custo- do Baptismum tuum.

III. Ex recitatis hactenus formulis constat plane, quæ sit ritus istius ponendi in manu bap- tizati cereum accensum significatio. Sed lubet nihilominus illas explicationes afferre, quas docent Tridentini Concilii Catechismus, & S. Caro- lus, & ille quidem Parte II. De Baptismi Sa- cramento, num. ix. sic habet: Deinde cereus ardens in manu traditur, qui ostendit fidem, eboritate inflammata, quam in Baptismo acce-
Tom. I.

pit, bonorum operum studio alendam, atque aa- gendam esse. S. Carolus autem in Instructioni- bus, De Baptismi administratione, ita eandem ritum declarat: Traditur demum baptizato in manu cereus ardens; quo cereo significantur tres Theologicae virtutes, quæ ipsi hoc Sacramento in- funduntur. Fides in lumine, eboritas in calore, spes in cerei recta altitudine, quæ sursum as- cendit, ut spes nostra ad Cælos usque exaltet, atque erigatur. Id præterea, quod Baptismo nobis sit communicatio lucis, & depresso tenebra- rum; ob eamque causam Baptismus Sacramen- tum illuminationis, & baptizati quidem illumi- nati a Patribus dicuntur. Cum itaque ritus iste sit magni momenti, peccaret certe Parochus, si eum omitteret, eo prætextu, quod candela ipsa a bap- tizandi propinquis debet offerri. Nam tam pro- expositis infantibus, quam pro pauperibus para- ta debet esse candela, & quidem ritus iste sit cera alba in Baptisterio, & ponit in manu baptizati, & accendi omnino juxta Ritualium præscriptum, & receptam ubique Ecclesiam consuetudinem. Ceterum solet ipsa a propinquis baptizandi deferri, & Parocho acquiri, nisi consuetudo, aut Statu- tum Ecclesiae partiæcularis, sit in contrarium, ut in Ecclesia Cathedrali Bergomeni, ubi oblatio cereorum facta pro baptizatis, spectat ad Ca- pitalium illius Ecclesiae, ut constat ex Cæremoni- ali ejusdem Ecclesiae impresso anno MDLXVIII. Cap. De Fonte Baptismali, pag. 13. apud Bar- rufaldum in Commentario ad hunc §. num. 53.

IV. Reliquum est, ut opportune in hoc Commentario de cerei Neophytorum aliquid di- camus ex antiquis Sacramentorum Codicibus, & veteribus Scriptoribus, qui agentes de Divinis Officiis, eorum etiam mentionem fecere. Illud autem observatu est dignum, quod, ut notat Martene loco citato, num. x. c. x. extincti porri- gebantur cerei, sub finem Litaniæ, quæ post Bap- tismum decantabatur, tantum accendi. Cu- jus quidem ritus testes sunt Amalarus, & credi- tus Alcuinus, quorum primus in Libro, De Or- dine Antiphonarii, Cap. xlii. hæc habet: Re- servetur ignis de sexta Feria, & illuminetur Ce- reus, qui ponitur in vice columnæ ignis ad ben- dicendum, qui ab initio benedictionis illumina- tus est, & cum benedictus est, ab eo illuminetur secundus cereus. Cetera luminaria extingua per- maneat usque ad novissimam Litaniam, quæ per- tinet ad offitium Missæ de Resurrectione Domi- ni. Tunc accendantur luminaria Ecclesiae, & Neophytorum. Clarius vulgatas Alcuinus, Ca- pite, De Sabbato Sancto, ubi sic eum ritum re- censet: Tunc egreditur Pontifex de Sacrorum cum ingenti decore, & prædicta cerosata ante illum cum thymiasterii. Et cum dixerit Sebola, Agnus Dei, dicat Cantor exelsa voce, Accendite. Tunc primam illuminantur omnes cerei Neophy- torum, quos manibus tenent, demonstrantes hoc, quod per illum Agnum, qui tollit peccata mun- di, nunquamque lumen accipere debeat. Addit postea idem Auctor: Nostri baptizati ducuntur quotidie ad Ecclesiam, columna cerei illuminata præcedente eos. Ubi quod ait, quotidie, verus Alcuinus in Epistola ad Carolum Magnum expo- nit per septem dies, quibus, in Angelico casti- tatis habita, & luminibus caestri claritatis, Sanctis assidere Sacrificiis solent. Quæ totidem verbis apud Rabanum Mastrum Libro II. De in- stitutione Clericorum, Capite xxxix. reperiu-
P
tur;

tur; idemque docet laudatos Amalarius in Libro II. *De Ecclesiasticis Officiis*, Capite xxix,

ut alios Auctores veteres æquo, ac recentiores, qui eandem rem tradunt, omittam.

§. XXV.

Postremo dicit; *N. Vade in pace, & Dominus sit tecum. R. Amen.*

COMMENTARIUS.

Recens videtur hic ritus, cum minime reperitur in antiquis, recentibusque Ritualibus Libris. Ex uno ms. Codice S. Genovesæ Parisiensis annorum circiter ccc. in quo nonnulli Ritus Ecclesiæ Laudeos in Italia continentur, quem descripsit Martene Lib. I. Capite I. Articulo xvi. Ordine xv. cautum est quidem, ut post datum infanti baptizato cererum accensum, de quo in superiori Commentario diximus, tunc Sacerdos cum *hæc Crux situr infanti*, dicat: *In Nomine Patris & Filii & Spiritus Sancti. R. Amen. Vade in pace.* In Rituali autem Ambrosiano iussu Cæsaris Montii Cardinalis, & Archiepiscopi Medinlensis edito, & in Aëlis Ecclesiæ Mediolanensis, ubi agitur de Ordine Baptismi parvulorum, post da-

tam candelam accensam Compatri, Commatrive infantem in dextera tenenti, his precibus ei facere actioni finem imponit: *Omnipotens sempiternus Deus, qui regenerasti famulum tuum ex aqua, & Spiritu Sancto, qui dedisti ei remissionem omnium peccatorum, tribue ei continuam sanitatem, ad cognoscendam Divinitatis tuæ virtutem. Per Dominum nostrum Iesum Christum, Filium tuum &c. R. Dominus vobiscum. R. Et cum spiritu tuo. Kyrie eleison, Kyrie eleison, Kyrie eleison. R. Benedicite, & exaudiat vos Deus. R. Amen. R. Præcedamus cum pace, R. In Nomine Christi. R. Benedicamus Domino. R. Deo gratias. R. Benedictio Dei Omnipotentis, Patris & Filii & Spiritus Sancti, descendat super te, & maneat semper. Amen.*

APPENDIX

De quibusdam ritibus olim ad Baptismum spectantibus.

Superest, ut hoc loco explicemus & alios ritus, qui olim non modo in adultorum, sed & in parvulorum Baptismo religiose observabantur. Ergo baptizati confirmabantur quidem statim, ac sacrosanctis Corporis, & Sanguinis Christi mysteriis reficiebantur, ut testatur per vetustis Libri Ritualis pene omnes, inter quos Gemmeticensis initio sæculi xi. descriptus sic habet: *Si vero Episcopus est, qui scilicet baptizavit infantem, statim confirmari eum oportet, & postea communicare. Et si Episcopus deest, communicetur a Presbytero dicente ita: Corpus & Sanguis Domini nostri Iesu Christi custodiat te in vitam æternam.*

II. At vero cum de antiquo ritu confirmandi recens baptizatos abunde dixerimus Tomo I. Commentariorum ad Partem I. Romani Pontificalis, in Commentariis ad Titulum I. & alibi, ideo illo omisso ritu, explicare aggredimur alterum impertinenti eisdem recens baptizatis Sacrae Eucharistiæ. Cujus ritus testes sunt per vetustis Patres Latini, ac Græci, inter quos S. Irenæus satis ritum ipsum innuit in Apologia II. ubi scribit, celebrato Baptismo, Divina mysteria Corporis, & Sanguinis Christi confici, & omnes adstantes communicare. Clarius Origenes Homilia IV. in Iosue, ubi sic loquitur: *Si vero ad mysticum Baptismi veneris Fontem, & consistente Sacerdotali, & Levitico Ordine, initiatus fueris venerandis illis, magnificisque Sacramentis, quæ morant illi, quibus velle fas est, tunc etiam Sacerdotum ministeriis, Jordane digressa, Terram Promissionis intrabis. Nam per veneranda, & magnifica Sacramenta, quæ morant illi, quibus velle fas est, intelligit plane Eucharistiam, quam propter Paganos, Infideles, & Catechumenos, qui sacris Concionibus plerumque inte-*

rerant, sub obscuris verbis, quæ tamen Fide libus nota erant, atque perspicua, veteres designabant. Eodem fere modo loquitur S. Ioannes Chrysostomus in Homilia ad illuminandos: *Post triginta dies, cum scilicet tincti fuerint, non vos Pharaos, sed Calorem Domini ad Patriam pristinam revocabit, & Cælesti Hierosolem restituet. Ipse Dominus tuis manibus terribilem Calicem ministrabit. Norant istius Calicis virtutem, qui sunt Divinis consecrati mysteriis, sed & vos paulo post poteritis addiscere. Clarius idem S. Pater in Homilia ad Neophytos ipsos sic eam ritum explicat: *Sicut mulier, affectionis natura agente, gentium atero sui lacris suavitatem festinat, sic & Christus, quos ipse regenerat, suo sanguine nutrit.* Idem videre est apud S. Dionysium in Libro, *De Ecclesiastica Hierarchia*, Capite, *De Baptismo*, Severum Alexandrinum in Ordine Baptismi, & Isaacum Armenum Catholicum adversus Armenos apud Combesium.*

III. Inter Latinos Patres Tertullianus, qui Sæculo II. claruit, in Libro, *De Baptismo*, Capite ultimo, Neophytos alloquens, aperte docet, impertitam eis fuisse Eucharistiam: *scilicet benedicti, quas gratia Dei expectat, cum de illa sanctissimo lavacro voti natalis ascenditis, & primas manus apud matrem cum fratribus aperitis &c.* Quibus verbis alludit ad priscum morem excipiente manu Communionis, de quo nos non uno in loco Operum nostrorum diximus, dicemisque etiam inferius Titulo IV. ubi de Sanctissimo Eucharistiæ Sacramento agendum erit. Clarius vero, apertiusque S. Cyprianus in Epistola XXIII. ad Cæciliam ita ejus ritus meminit: *Per Baptismum Spiritus Sanctus accipitur, & sic a baptizatis Spiritus Sanctum assequenti ad bibendum Calicem pervenitur.* Communicabant itaque sub utra-

que

que specie, uti etiam ex S. Ambrosio addiscimus, qui in Libro, *De mysteriis*, Cap. viii. sic scribit: *His ablata plebs dicitur insignibus ad Christi contendit Altaria, dicens: Introibo ad Altare Dei, ad Deum, qui iustificat iuventutem meam. Depositis enim in veterati erroris exuviis, renovata in Aquila iuventute, celesti illud sponsum adire convivia. Ubi & illud est observatu dignum, quod Neophyti ad Altare, cum reliqui extra illud communicare solerent. Et S. Augustinus in Libro, *De Catechismo*, Cap. 1. *Baptizatus es, inquit, signatus es Regis Characterem, capisti consequi annuum de mensa Regis tui.* Huc etiam referri potest, quod scribit Auditor Libri Pontificali de Innocentio Papa I. scilicet illorum Calices argenteos Baptismi numeris tres pensantes singulos libras duas. Ceterum quod non modo adulti, verum etiam infantes statim post Baptismum Eucharistiam perciperent, docet nos S. Paulinus in Epistola xii. ad Severum hinc verbi.*

Iude parens sacra ducit de Fonte Sacerdos

Infantes niveos corpore, corde, habitu.

Circumdantque rudis sessile Altaribus agnos,
Cruda salutaris imbuta ora cibis.

IV. Notat hæc, & alia plura, post alios eruditos Scriptores, ac præsertim Stephanum Duranti, & Josephum Vicecomitem, qui ritum ipsum impetierunt Eucharistiam recens baptizatis enarrans, eruditissimus Martene in Libro 1. *De antiquis Ecclesiæ ritibus*, Cap. 1. Articulo xv. num. xi. & xii. sciteque admonet uum. xiii. minime existimandum esse primis dumtaxat Sæculis eam in Ecclesiâ viguisse disciplinam, a qua postmodum deflexerit. Nam illius meminere Iesæ Ambianensis, Leidradus Lugdunensis, Theodolphus Arclienensis, Riculfus Successionensis Episcopi, & alii plures Sæculi ix. Scriptores, quorum suffragiis nihil iuculentius asserri potest: *Morem ergo accipienda Eucharistia, inquit, Theodolphus in Libro, De Baptismo, Capite xviii. a Domino traditum Ecclesiâ tenet, ut cum ex aqua, & Spiritu Sancto quis renascitur, Corpore Domini pascatur, & Sanguine ejus possit.* Quæ verba maxime notanda sunt, utpote quæ baptismatorum Communionem, non ex simplici Ecclesiæ præceptione profectam docent, sed fuisse morem a Domino traditum. Unde mirum videri non debet, si Riculfus in sua Constitutione anno dcccxxxix. edita sanxerit, ut baptizati mox post Baptismum Eucharistiam, id est Communionem sanctam percipiant. Eundem usum Sæculo x. adhuc obtinuisse, constat ex Vita S. Adalberti Pragensis Episcopi, & Prætorum Apostoli nam. 37. Sæculo quoque xi. ritum ipsum viguisse, testis est Hingo Victorinus Lib. 1. De Cæremoniis, Sacramentis, & Observationibus Ecclesiasticis, Cap. xx. ubi agens de recens baptizato sic inquit: *Si ejus valetudinis est, Sacramentum unitatis, id est, Corpus, & Sanguinem Christi accipere debet; citatque Augustinum Lib. 1. contra duas Epistolas Pelagianorum, Capite xxii. in sum sententia confirmationem; arguitque in fine quorundam ignorantiam, quæ adhuc formam retinens, sed non rem, dat eis loco Sanguinis vinum: Subdique mox: Quod penitus supervacaneum arbitratur, si sine scandalo simpliciter dimitti possit. Si autem in reservando Sanguinem Christi, vel ministrando pueris, imminuat periculum, potius superscendum videtur.*

Tom. I.

Quod signum est, hunc usum jam eo tempore quibuscumque saltem in locis in consuetudinem abire coepisse.

V. Diu etiam eundem morem perseverasse in variis Ecclesiis, luculentissime ostendit laudatus Martene loco citato num. xiv. quia scilicet præscriptus legitur in variis Ritualibus mss. quorum character, ut ipse autumat, annos quadringentos vix excedit. Certe hujus ritus adhuc initio Sæculi xvi. vestigium aliquod retinebat Ecclesiâ Ambianensis, in ejus Missali anni MDVI. edito hæc leguntur: *Dum datur ei candelæ, dicitur: Accipe lampadem &c. Deinde portatur ad Altare, & communicatur devotus, dicens: Corpus & Sanguis Domini nostri Jesu Christi custodiat te in vitam æternam, Amen.* Et in Manuali anni MDXXIV. ubi de Baptismo masculinorum agitur: *Deinde communicet de vino, dicendo: Corpus, & Sanguis Domini nostri &c.* Id quod etiam ait servari in feminarum Baptismo. Verum hunc usum improbat Rituale Remensis Ecclesiæ anno MDXXXV. editum his verbis: *Summopere cavet Sacerdos, ut, quemadmodum perverbo usu in quibusdam locis fieri dicitur, vinum porrigat infanti post Baptismum, maxime attendit his verbis: Corpus, & Sanguis &c. Nam cum nihil aliud sit, quam purum vinum, quod porrigitur, nec jam de consecrato Calice, & sub specie liquidæ parvulus datur communis, ut fiebat tempore S. Cypriani, & Augustini in Africa, & hic aliquando in Gallia fuisse legitur, unde etiam hujusmodi cæceroniam emanasse verisimile est, verba illa hæc quidem tempora, & in illa infusione puri vini, penitus omitti debent, cum nunquam sunt præferenda, nisi cum verum Corpus, & verus Sanguis administrantur.*

VI. Juxta Rituale Ecclesiæ Petraricæ anno MDXXXVI. impressum Sacerdos benedicit vinum, & dat in ore infantia, dicendo. *Ps. Adjutorium nostrum &c. R. Qui fecit. Ps. Sit Nomen Domini benedictum. R. Ex hoc nunc. Ps. Benedicite. R. Dominus, qui te creavit in flore, te benedicat in ore. In Nomine Patris, & Filii, & Spiritus Sancti.* Ponendo in ora infantis: *De ore Calicis, & de pinguedine terræ det tibi Deus abundantiam, & vivas in seculis seculorum.* Sed Joannes Eckius acerrimus Sæctæ Lutheranae impugnator, qui non multo post florebat, Homilia xvii. *De Baptismo*, scribit, pueris baptizatis, quibusdam in locis, quod ex Calicis ablatioue supererat, suo tempore præstitum fuisse. Teste vero Guillelmo Lindano acerrimo & ipso Calvini infestatore, Libro iv. Panoplie Evangelicæ, Cap. xxv. *Frisia vel pueris baptizatis sacramentum offert Eucharistiam Altari imponendam; quod luctulentum est, inquit, præsens moris vestigium.* Deius antiquum morem circa Sæculum xiii. conatur quidam vel ex eo probare, quod S. Thomas, qui eo Sæculo claruit, sui ævi proximi spectans, sic scribit Parte iii. Questione lxx. Articulo ix. *Ad tertium dicendum, quod eadem ratio est de pueris receniter natis, & de amentibus, qui nunquam habuerunt usum rationis; unde talibus non sunt sacra Mystra danda, quomodo quidam Græci contrarium faciunt.* Porro quod nostris etiam temporibus apud Græcos antiqua praxis communicandi infantes baptizatos fervetur, docent nos hodierna Græcorum Euchologia, quæ infantium Communionem præcipiunt, quæque eadem sunt, quibus

P 2

bus ante annum Christi millesimum utebantur. Atque his concinit Arcadius Græcorum rituum peritissimus, Lib. 111. *De Sacramento Eucharistie*, Cap. xi. sic inquires: *Communicare pueros, & infantes, quod Græci faciunt, antiquum valde est, atque id Veteres in usu habebant. Quod attinet nos Latinos, iustus de causis ab antiquo more recessit Ecclesia, quæ nec tamen ideo damnat antiquitatem, cui aliter placuerat, ut habet Concilium Tridentinum Sessioe xxi. in doctrina de Communione sub utraque specie, & parvulorum, Cap. xv. Neque ideo tamen damnanda est antiquitas, si cum morem in quibusdam locis aliquando servavit. Ut enim Sanctissimi illi Patres sui facti problemem causam pro illius temporis ratione habuerant; ita certe eos nulla saluti necessitate id fecisse, sine controversia credendum est. Hinc merito Can. iv. anathema in eum intorquet, qui dixerit, parvulis, antequam ad aunos discretionalis pervenerint, necessariam esse Eucharistie Communionem.*

VII. Jam vero ut antiquus ritus luculentius explicetur, cum pueri, nec Panem Sacrum, nec Divinum bibere Calicem sine effusionis periculo possent, quæri potest, quo ritu olim ipsi pueri, & infantes Communionem perciperent. Et quidem quod vel primis Ecclesiæ Sæculis mos obtinuerit, ut Sacer Calix ori ipsorum admoventur, constat ex S. Cypriano in Libro, *De lapsis*, ubi narrat historiam cuiusdam infansule, quæ cum parentum incuria, & nutricis delatione panem vino mixtam de Idolothytis comedisset, ipso Cypriano sacrificante, cum ejus ori Diaconus licet reluctans de Sacramento Calicis insudisset, sacram Communionem in corpore, atque ore retinere non potuit. Verum alio ritu, ac modo pueris tradendam esse Eucharistiam, docuit Hugo Victorinus Lib. 1. *De Sacramentis*, Cap. xx. *Pueris, inquit, recens natis idem Sacramentum in specie Sanguinis est ministrandum digito Sacerdotis, quia tales naturaliter frugere possunt.* Idem præscribit antiquum Pontificale Ecclesiæ Apamienensis in Syria annorum DC. his verbis: *Communiceantur autem pueri, qui nondum noverunt comedere, vel bibere, scæ cum digito intincto Sanguine Domini, & posito in ore ipsorum, Sacerdos ita dicente: Corpus eum Sanguine Domini nostri Jesu Christi custodiat te in vitam æternam, Amen.* Eodem ritum in Oriente vigere, tradit Abraham Echellensis in Notis ad Arabicos Canones Concilii Nicæni, ubi de modo communicandi baptizatos infantes sic habet: *Sacerdos infansem communiceaturus, digitum intingit Sanguine, & in os illius legendum immittit.* Simili quoque fere modo loquitur Naironus in Evoplia Fidei Catholice Romane, Parte II. Capite III. agens de Syris, & Maronitis. Sed tamen Gabriel Sionita in Epistola ad Nihulum in Symmetis Allatii, scribit, Maronitas, & reliquos Orientales infantibus Sacro Fonte nuper ablatis coclear solo Sanguine delibutum fugendum exhibere.

VIII. Cum itaque recens baptizatis, vel ipsi infantibus Communio præberi solet, hinc merito cautum fuit a Sacris Canonibus, & a Ritualibus Libris, ut non modo a jejunis Ministris, sed etiam jejunis Baptismus conferri deberet, Quod Ministris spectat, Concilium quidem Parisiense vi. anno dcccxxix. celebratum, Lib. 1. Cap. xxxiii. cum cœcepisset, plerosque Episcopos, post perceptionem cibi, & potus, per im-

positionem manuum tradere Spiritum Sanctum, posito ab oculis Sanctorum Apostolorum exemplo, sanxit, quod, *sunt Baptizati, excepta infirmorum causa, non nisi a jejunis celebratur Sacerdotibus, ita etiam traditio Spiritus Sancti, excepta præmissa causa infirmorum, non nisi a jejunis celebranda est Pontificibus.* Idem habet Concilium Meldense anni mcccxlvi. apud Gratianum, Can. *Ut Episcopi*, De consecratione, Distinctione v. & Concilium Rotomagensis anni mxxxiii. Can. v. his verbis: *Nallus Sacerdos baptizet infansem nisi jejunus.* Quibus adde Concilium Moguntinum anni mxxxix. Can. xvi. ubi ita statuit: *Ut tanto Mysterio debita omnino reverentia exhibeatur, Parochos, & Ecclesiarum Ministros serio monemus, ut mane intra Officia Divina, aut mox post ea peroratio; non autem tempore pomeridiano, post epulas, & prandia, nisi necessitas, aut periculum infantium accelerare Baptismum exposcat, cum multa sobrietate, & accurata devotione, Baptismum adquirent.* Idipsum & multæ aliæ Synodi præscripserunt, voluitque S. Carolus in Instructionibus suis, *De Baptismi administratione*, ut Parochus ipsum jejunus, & mane ministraret, nisi necessitas aliter postulat. Ceterum quod infantes spectat, notatu dignum est, quod inquit antiquissimus Ordo 1. Romanus, num. 46. apud Mabillonium Tomo II. Musei Fidei his verbis: *Illud de parvulis providendum est, ut postquam baptizati fuerint, nullum cibum accipiant, nec lactentur, antequam communice Sacramenta Corporis Christi.* Similia legere est in laudato Ponticali Apamienensi, ubi sic habet: *Illud de parvulis providendum est, ut postquam baptizati fuerint, nullum cibum accipiant, nec ablacentur sine summa necessitate, antequam communice Sacramento Corporis Christi.* Sed cum hodie sublata sit Sacra Communio, jam non est necessarium, ut ipsi infantes jejuni ad baptizandum portentur.

IX. Præter Sacram Corporis, & Sanguinis Christi Communionem vel infantibus olim in Baptismo porrectam, de qua late hæcenus diximus, olim quoque in Occidentali saltem Ecclesiæ lac, & mel baptizatis porrigi consuevit. Testis est ejus ritus non uno in loco Tertullianus, præsertim vero in Libro, *De Corona militis*, Capite 111. ubi de Baptismo agens, sic inquit: *Ter mergitatur, unde suscepti, lactis, & mellis societatem præsumamus.* Et Lib. 1. adversus Marcionem, Cap. xiv. *Sed ille quidem usque nunc, nec aquam reprobat Creatoris, quæ suos ablat, nec oleum, quo suos ungit, nec mellis, & lactis societatem, quæ suos infansat, nec panem, quo ipsum corpus suum repræsentat.* Fuisse hunc ritum omnium Ecclesiarum, diserte docet S. Hieronymus in Dialogo adversus Luciferianos, ubi sic loquitur: *Multa alia, quæ per traditionem in Ecclesiâ observantur, auctoritatem sibi scripta Legis usurpaverunt, velut in lavacro ter caput mergitare; deinde egressi lactis, & mellis gustare concordiam ad infantis significationem.* Alibi tamen idem S. Doctor scribens in istam Caput 1v. non lactis, & mellis, sed vini, & lactis meminit. Nam explicans illa verba, quibus jubemur emere vinum, & lac, ita scribit: *Quod vinum miscent & Sapia in cratere suo, omnes fluiti sæculi, mundi quæ sapientiam non habent prævocant ad bibendum; & ut non solum vinum emamus, sed & lac, quod significat innocentiam*

tiam parvulorum; qui mos, ac typus in Occidentis Ecclesiis hodie usque servatur, ut renatis in Christo vinum, lacque tribuatur. Perseverasse in Occidente hunc ritum, usque ad medium Sæculum novum, docet nos Joannes Diaconus in Epistola ad Senarium, qui ab ipso quaesierat, cur in sacratissimum Calicem lac mittatur, & mel, & Pascha Sabbato cum Sacrificiis offeratur? respondetque Joannes, baptizatis hoc Sacramenti genus offerri, ut intelligant, quia non alii, sed ipsi, qui participes fiant Corporis, & Sanguinis Domini, Terram repromissionis accipient, cæcis iter incubantes, tanquam parvuli lacte nutriti, & melle.

X. Extat hæc Epistola apud Babillonium. Tomo I. Musei Italici, in qua illud minime est prætereundum, quod ait, lac, & mel in sacratissimum Calicem mitti, ritum & ipsum esse antiquissimum, in Codice Canonum Ecclesiæ Africane præscriptum, in cujus Capite xxxvi. statutum fuit, ut in Sacramentis Corporis, & Sanguinis Domini nihil amplius offeratur, quam quod ipse Dominus tradidit, hoc est, panis, & vinum aqua mixtum. Primitia vero, seu mel, & lac, quod die solemnissimo in infantum mysterio solet offerri, quævis in Altari offeratur, suam tamen habeant propriam benedictionem, ut a Sacramento Domini Corporis, & Sanguinis distinguantur. Hæc verba in infantum mysterio, jam non significant, lac, & mel, solis infantibus, & non adultis recenter baptizatis, datum fuisse, sed quod daretur Neophytis ad indicandum mysterium infantie, atque per hoc ut indicaretur recenter baptizatis, quod post Baptismum, omni maiest, & dolo depositis, debeant semper infantium simplicitatem conservare, juxta illud S. Petri ad Neophytos dictum, quod hodieque eant Ecclesia in Introitu Missæ Dominicæ in Albis: Quasi modo geniti infantes lac concupiscite. Porro in antiquo Romano Ordine apud Hitorplum extat specialis benedictio lactis, & mellis, hisce verbis: Benedic Domine hæc creaturas lactis, & mellis, & pota famulos tuos fonte perenni, qui est Spiritus veritatis, & enutri eos de hoc lacte, & melle. Deinde subiungit: Tu enim Domine promissisti Patribus nostris Abraham, Isaac, & Jacob, dicent: Introducam vos in Terram repromissionis, Terram fluentem lac, & mel. Quibus verbis indicatur hæc mystica explicatio, nempe quod baptizati, relicta Egypto, idest, gentilitate, ingrediuntur in Ecclesiam, Terram fluentem lac & melle, idest omnibus deliciis spiritualibus. Subjicitur tandem in ipso Romano Ordine Oratio, quæ indicat, lac, & mel, fuisse in unum commixta: Conjunge Domine famulos tuos spiritus caritatis, & pacis, sicut conjunctum est hoc lac, & mel in Christo Jesu Domino nostro. Vide plura de hujusmodi lacte, ac melle nostro II. Tomo Conciliorum in Commentario ad Canonem LVII. Trullanum.

XI. Venio nunc ad alium Ritum in Ecclesia Romana servatum, in quo olim numerus baptizatorum Summo Pontifici deoñciabatur, ut ex variis Romanis Ordinibus constat, ac præsertim ex Romano Ordine XI. Auctore Benedicto Canonico S. Petri, ubi enarrans ritus celebrari olim Romæ solitos a Pontifice die Paschatis, & nominatim solemnis ejus equitatus ad S. Mariam Majorem, hic loter alia inquit: Cum autem venerit in Merulam, fiat Notarius ibi, & alia

voce, dicit: Jube Domne benedicere. Pontifex benedicit eum. Notarius dicit: In Ecclesia Sanctæ Mariæ in hac nocte baptizati sunt tot masculi, & tot feminae. Pontifex respondet: Deo gratias. Et Notarius accipit a Saccellario unum bizontium. His similia sunt, quæ de eodem ritu leguntur in Romano Ordine XII. Auctore Cencio, Cap. xv. quod inscriptum est: Quid Dominus Papa facere debet in die Paschæ. Sic enim habet: Cum aatem per Merulam transierit, Scrinarius in loco antiquitus constituto ei obviat, & alia voce dicit: Jube Domne benedicere. Pontifex benedicit eum, & Scrinarius dicit: In Ecclesia S. Mariæ in hac nocte baptizati sunt tot pueri masculi, & tot feminae. Pontifex respondet: Deo gratias. Tunc autem Scrinarius suscipiat a Camerario per nunciacionem unum Marabotinum. Addit mox idem Ordo, similiter fieri apud S. Petrum in secunda Feria.

XII. Baptizatis præterea eodem die legi olim solitum fuit initium Evangelii S. Joannis, nempe, In principio erat Verbum &c. ut ex eo caperent altitudinem Divinæ Gratiæ, qua Filius Dei natus hominis filius Christus Dominus ipso homines regeneratos fecit filios Dei, ut observant eruditissimi Benedictini Monachi S. Mauri in Nota ad Sermonem ccxxv. S. Augustini novæ editionis: id quod etiam evidenter colligitur ex sequenti Sermonem ccxxvi. Servari consuevisse eundem ritum posterioribus Sæculis, constat plane ex variis Ritualibus, ac præsertim ex uno antiquo Ecclesiæ Lemovicensi, in quo hic ritus ipse describitur: Postea, absoluto nempe Baptismo, suscipiat Patrius puerum, & præsentet eum Sacerdoti ad Altare, vel in aliquo loco consueto; & Presbyter, posita Lecta super pueri caput, in modum Crucis, dicat Initium Sancti Evangelii secundum Joannem. In principio erat Verbum, & Verbum erat apud Deum &c. Sequantur mox binæ Orationes, quarum prima, hæc est: Prætere Domine famulum tuum subditiis pacis, & Beatæ Mariæ Virginis patrocinii confidentem a cunctis hostibus redde securum. Per Christum &c. Alia Oratio hic habet: Omnipotens sempiternæ Deus, qui regenerasti hunc famulum tuum, vel famulam tuam, ex aqua, & Spiritu Sancto, nique dedisti ei remissionem omnium peccatorum, tribue ei continentiam, & longam sanitatem ad cognoscendum virtutis tuæ veritatem, Per Christum. Concludit tandem, & mandat, ut hoc factu, injungat Presbyter Patri, & Matrini, ut dicant parentibus, quod per septennium ab omnibus periculis puer conservetur, & citius quam fieri poterit, adiscant, & Pater noster, & Ave Maria, & Credo in Deum. Virrumque quod competit Patri, & Matrini, & eundem diligenter insinuandum est per Presbyterum.

XIII. Ex præscripto Carcemonialis Ambrosiani, & Instructionum S. Caroli, ubi agit de Baptismi administratione, absoluto Baptismo, ac lotis jam manibus, qui eum administravit, sermonem pro personarum multitudine, statuat habebit, in quo præter cætera aliquam etiam considerationem Christianam explicabit de solemnibus sponsione, quam unusquisque Fidelis in Baptismo facit, ut Fideles, qui adiant, tam sanctæ promissionis recordatione excitati videant, atque excusantur, quæ solemniter spondenderunt. Pergit, aliaque recenset incolanda a Parocho in ea Concione, quæ nos opportunius inferius de scribere.

berant. Sed non tamen omittendum hoc loco, quod ipsum tandem Cæremionale præscribit, sic inquit: *Monabit denique, eundem Baptismi diem a parentibus notari, ut quo die infans baptizatus est, eum ex instituto Patrum, quotannis ardentiori prece, elemosyna, si per facultates potest, omnique charitatis opere, atque officio, spiritualisque gaudii celebritate recolat; memoret se, cyrographo damnationis deleta, hereditatis celestis participem in Christo Domino factum esse.* Repete, inquit *Santissimi Pater noster Ambrosius, quid interrogatus sis, recognosce quid responderis. Renunciasti diabolo, & operibus ejus; mundo, & luxuriz ejus, ac voluptatibus. Memor esto sermonis tui, & omnem tibi excidat turis series cantionis.*

XIV. Si veterem disciplinam Ecclesie spectemus, jam non imo ipso Baptismatis die, verum etiam per ejusdem Octavas exhortatorius, sive instructorius ad baptizatos quotidie Sermo habebatur; ut probant quæ adhuc insperant ea de re Sanctorum Patrum Paræneses, maxime de Sacramentis, quorum mysteria eos hætenus latuerunt, de Fidei articulis, de Trinitatis, & Incarnationis Mysteriis, quæ mionatius, & familiariter eis exponebantur. Ergo ut Creatori firmitus adhererent, per easdem Octavas manebant baptizati ab omni hominum cœtu separati, quotidieque summo mane in Missa, quæ pro ipsi cantabatur, Corporis, & Sanguinis Domini participes fiebant, uti non modo ex Ordine Romano, aliisque pluribus Ritualibus Libris habetur, sed & ex S. Augustino colligitur, qui Sermonem cccxviii. habito in die Pasche recens baptizatos sic alloquitur: *Promiseram vobis, qui baptizati estis, Sermonem, quod exponerem Mensa Dominica Sacramentum, quod modo etiam videtis, cujus nocte præterita participes facti estis. Debetis scire quid accepistis, quid accepturi estis, quid quotidie accipere debeatis. Atque huc referri potest, quod de Clodoveo I. Francorum Rege Christiano narrat Frigidarius in Historia, Cap. xxi. quod scilicet Baptismi gratia cum sex milibus Francorum in Pascha Domini consecratus est. Cum autem a S. Remigio in Albis Evangelii lætissio Clodoveo annunciaretur, qualiter Dominus Jesus Christus ad Passionem venerat, dixit Clodoveus: Si ego ibidem cum Franci meis suissem, injuriam ejus vindicarem. Idem plane servatum constat in Ecclesiis Orientali, teste Sancto Joanne Chrysostomo, qui in sua de Resurrectione Christi Homilia expresse docet, quod septem hie diebus novi baptizati convocabantur, & Divinis instructionibus exercebantur, ut Baptismi gratia roborarentur; *scilicet septem diem in spatio Collectam nimis, ac spiritalem Mensam vobis apponimus, Divinis eloquiis instruimus, & adversus diabolum armamus &c.* Quapropter Evangelia etiam, & Missæ propriæ, septem diebus assignata sunt, ut singulis diebus Conelo haberi possit. Huc etiam mystagogicæ Catecheses S. Cyrilli Hierosolymitani, quibus per hebdomadam Paschatis exercebantur eos, quæ per tantam instruxerat Quadragesimam, ad Baptismum præpararet.*

madam Paschatis exercebant eos, quæ per tantam instruxerat Quadragesimam, ad Baptismum præpararet.

XV. Baptizati denique in Paschate per septem dies albis utebantur vestibus, quas deponebant Dominica prima post Pascha, dicta Iccirco Dominica in Albis, quod ea die a nuper baptizatis albe tollerentur vestes; cujus ritus inter alios mentionem facit S. Augustinus Sermonem 1. in Octava Pasche, qui est cxviii. de tempore: *Paschalis solemnitas, inquit, hodierna festivitate concluditur, & ideo hodie Neophytorum habitus commutatur, ita tamen, ut condor, qui de habitu depouit, semper in corde teneatur.* Plura & de hoc ritu notavit jam Stephanus Duranti Lib. 1. *De ritibus Ecclesie Catholice* Cap. xix. num. 40. unumque in fine Appendicis hujus adjungam, quod olim de baptizatis infantibus mandatur antiquissimum Ordo 11. Romani num. 46. apud Mabillonium Tomo II. Musei Italici, & Pontificale Ecclesie Apamienis in Syria annorum circiter DC. apud Martene Libro 1. *De antiquis Ecclesie ritibus*, Cap. 1. Articulo xviii. Ordine xiv. ut nempe infantes ipsi omnibus diebus septimanæ Pasche ad Missam procedant, & parentes eorum offerant pro ipsis, & communicent omnes. Ita plane Ordo Romanus, a quo tantisper variat memoratum Apamienis Pontificale, sic inquit: *Per totam hebdomadam Pasche omnibus diebus ad Missam procedant, offerant, & communicent.* Quia scilicet hebdomada ista continuatio est dupliis solemnitatis, nempe Resurrectionis Christi, atque Neophytorum Baptismi, ideoque olim qualibet die hujus hebdomadæ duæ Missæ dicebantur, prima quidem pro novis baptizatis primo mane, secunda vero ad Tertium in honorem Resurrectionis Dominicæ, ut scite observat Grancolas in Commentario historico in Breviarium Romanum, Libro II. Capite lxxiii.

XVI. Et quidem si vel hodiernum Officium consideremus, in eo quidem latetur Ecclesie de recens baptizatorum nova regeneratione, respicit eos tanquam sanctibus diu multamque agitados, feliciter portum tenere, & aquis Baptismi ablutos primum præferre candorem. Vestibus albis per hoc die, uti jam dictum est, Induebantur, cereos deserebant in manibus, proli fiebant Processiones ad Fontes, & Officium brevibatur, ut Officio adessent; atque, ut melius festum hoc Paschatis, quod baptizatorum festum est, celebraretur, iussa est tota hebdomada fieri festiva, ut ex variis Synodis constat, inter quas Matheonensis anni DLXXXV. Can. II. statuit, ut nullis his sanctissimis sex diebus servile opus audeat facere; & Meldenensis anno Christi DCCCXLV. Canone lxxvii. sic habet: *Dies quoque octo sacrosanctæ Paschalis Festivitatis omnibus Christianis feriatis esse decernimus ab omni opere rurali, fabrilis, carpentario &c.* Tum vero in fine: *Quod si quis temere præsumpserit, excommunicatur.*

§. XXVI.

Si vero fuerint plures baptizandi, sive masculi, sive femine, in Catechismo masculi statuuntur ad dexteram, femine vero ad sinistram; omnia pariter dicantur, ut supra in proprio genere, & numero plurali. Verum prima nominis interrogatio, exsufflatio, Crucis impressio, seu signatio, tactus aurium, & narium cum saliva, abrenun-

cia-

tiationis interrogatio, unctio Olei Catechumenorum, interrogatio de Fide, seu Symbolo, & ipse Baptismus, inunctio Chrismatis, candidæ vestis impositio, atque accensæ candelæ traditio singulariter singulis, & primum masculis, deinde feminis fieri debent.

COMMENTARIUS.

I. Pœnant antiquum Ecclesiæ ritum, quæ in hoc præsentî statuuntur §. concinuntque antiquissimo Romano 1. Ordini, Capite v. 11. num. 37, *Procedant, inquit, qui baptizandi sunt ad Ecclesiam, & ordinantur per ordinem, sicut scripti sunt, masculi in dexteram, femina in sinistram. Faciens Crucem Sacerdos in frontibus singularum, postea imposita manu supra capita singularum, dicit: Nec te latet Satanas, ipsa expleta, tangit singulis naves, & anres de spota, & dicit eis, Epheta, quod adaperire in odorem suavitatis, tu autem effugare diabole, appropinquabit enim iudicium Dei. Postea tangit de Oleo Sancto scapulas, & pectus, & dicit: Abrenuncias Satanæ? R. Abrenuncio. Et omnibus operibus ejus? R. Abrenuncio. Et omnibus pompis ejus? R. Abrenuncio. Ego te linea Oleo salutis in Christo Jesu Domino nostro propitius in vitam æternam. Pax tibi.*

II. Pergit idem Ordo, atque numero 43. *Deinde Presbyteri, aut Diaconi, etiamsi necesse fuerit, & Acolyti, discalceati, induentes se albis vestibus mundis, vel candidis, ingreditur in Fonte intro agnati, & baptizantur primo masculi, deinde femina sub hac interrogatione: Credis in Deum Patrem Omnipotentem, Creatorem Cæli, & terræ? Resp. Credo. Credis in Jesum Christum Filium ejus unicum Dominum nostrum natum & passum? Resp. Credo. Credis in Spiritum Sanctum, Sanctam Ecclesiam Catholicam, remissionem peccatorum, carnis resurrectionem, vitam æternam? Resp. Credo. Et acceptos infantes de parentibus baptizent eos sub trina immersione, tantum Sanctam Trinitatem semel invocantes, ita dicendo: Baptizo te in Nomine Patris, & mergit semel; & Filii, & mer-*

git iterum; & Spiritus Sancti, & mergit tertio. Tum vero tandem eum, sequenti sic habet: Levatis autem ipsis infantibus in manibus suis, offerat eos uni Presbytero. Ipse vero Presbyter facient de Chrismate Crucem eum pollice in vertice eorum cum invocatione Sanctæ Trinitatis, dicit: Deus Omnipotens Pater Domini nostri Jesu Christi, qui te generavit ex aqua, & Spiritu Sancto, quique dedit tibi remissionem omnium peccatorum, ipse te linet Chrismate salutis in Christo Jesu Domino nostro in vitam æternam, Amen.

III. His similia, ac longe plura, legere est in Ordine Romano v. 11. & in aliis antiquis Ritualibus, in quibus præscriptum est, ut ubi plures baptizandi sunt, masculi quidem ad dexteram, femine vero ad sinistram statuuntur; itemque ut prima nominis interrogatio, exsufflatio, Crucis impressio, & cætera in §. nostro notata, singulariter singulis, & primum masculis, deinde feminis fieri debeant. Atque his concinit, quæ statuit S. Carolus in Concilio Provinciali v. Mediolanensi, Parte 1. Constitutionum, inferipto Capite, *Quæ ad Baptismum pertinent*, ubi sic ait: *Si duo, pluresve infantes offeruntur, qui eodem tempore baptizentur, eorum unicuique Catechismum, exorcismum, & reliquas statas ceremonias, Baptismumque Parochus singulis ministrat, atque adhibeat. Et mox: Cum duo infantes, mas scilicet, & femina ad Baptismum offeruntur, ita ordo servetur, qui antiquissimè ritus est, ut masculi primum, deinde femina, ministraret, nisi necessitas aliter cogit. Idemque servetur, si plures offeruntur, partim mares, partim feminae. Eadem legere est, & quidem totidem verbis in Concilio Provinciali x. 111. Beneventano anni MDCXVI, Tit. XXXV. num. 11. & 12.*

§. XXVII.

Si infans, vel adultus ægrotus adeo graviter laboret, ut periculum imminet, ne pereat, antequam Baptismus perficiatur, Sacerdos, omnis quæ Baptismum præcedunt, eum baptizet, ter, vel etiam semel infundens aquam super caput ejus in modum Crucis, dicens: *Ego te baptizo in Nomine Patris* &c. ut supra.

§. XXVIII.

Si non habeatur aqua baptismalis, & periculum impendat, Sacerdos utatur aqua simplici.

COMMENTARIUS.

I. Quamquam varii ritus in superioribus Paragraphis præscripti, qui Baptismum præcedunt, subsequunturque, Apostolorum, & Patrum traditione mandati sint, ut slide in nostris Commentariis ostendimus, peccentque Sacerdotes, qui absque necessitate illos omiserint, certa nihilominus, & constans est illa Ecclesiæ doctrina, ac praxis, ut ubi periculum mortis imminet, satis sit ad validitatem Baptismi, si Sacerdos, vel aliquis laicus,

ac etiam femina, uti suo loco diximus, *omissis, quæ Baptismum præcedunt, eum, qui scilicet adeo graviter laboret, ut periculum imminet, ut ait hic nosser §. XXVI. baptizet, ter, vel etiam semel infundens aquam super caput ejus in modum Crucis, dicens: Ego te baptizo in Nomine Patris &c. ut supra.* Neque enim necessarium est ad Baptismi validitatem ter aquam effundere, ut docet S. Thomas Parte 11. Questione LXXV. Article v. in Corpore, ubi pos. S. Gregorium re.

relatum in Canone, *De trina*, *De consecratione*, *Distinctione iv.* ita plane inquit: *Ad Baptismum per se requiritur ablutio aqua, qua est de necessitate Sacramenti, modus autem ablationis per accedens se habet ad Sacramentum; & ideo sicut ex prædicta auctoritate Gregorii patet, quantum est de se, debite fieri potest, scilicet, & semel, & ter immergere; quia per unam immersionem significatur unitas mortis Christi, & unitas Deitatis; per trinam autem immersionem significatur triduum sepulture Christi, & etiam Trinitas Personarum. Sed diversis ex causis secundam ordinationem Ecclesia, quandoque influitus est unus modus, quandoque alius. Quia enim a principio nascentis Ecclesia quidam de Trinitate male sentiebant, Christum puram hominem esse existimantes, nec dici Filium Dei, & Deum, nisi propter meritum ejus, quod præcipue fuit in morte, ideo non baptizabant in Nomine Trinitatis, sed in commemoratione mortis Christi, & una immersione, quod reprobatur suis in primitiva Ecclesia. Additque mox i. Postmodum vero invaluit quorundam Schismaticorum, & haereticorum error homines rebaptizantium, sicut de Donatistis Augustinus narrat super Joannem XI. & ideo in detestationem erroris eorum fuit statutum in Concilio Tridentino iv. quod feret una sola immersio. Concludit tandem, cessante tali causa*

communiter observari in Ecclesia in Baptismo trinam immersionem, ideoque graviter peccare aliter baptizantem, quod ritum ab Ecclesia præscriptum minime obicere, valido nihilominus remanente Baptismo.

II. Porro nunc licet ex eommuni Ecclesie praxi, loco trinae immersionis, trina adhibeatur effusio, jam & validus esset Baptismus, & minime peccaret illum administrans, si urgente necessitate, ut citius rem conficeret, non ter, sed semel aquam effunderet. Id quod etiam de aqua dicendum est, quæ, licet ex Ritualium præscripto, & ex antiqua, & constanti Ecclesie disciplina, debeat esse consecrata, ut suo loco diximus, adhiberi tamen potest in casu necessitatis, etiam si sit communis, ac naturalis tamen, uti etiam alibi dictum est; & recte docet etiam noster §. xxviii. Porro nostro huic §. inherens S. Carolus Parte iv. Actorum Ecclesie Mediolanensis ubi agit de Baptismi administratione, inter alia inquit, *aquam puram, mandamque esse, pro Sacramento dignitate convenire, nisi necessitate urgente, in qua uti licet & aqua intulenta.* Verum ut docet S. Thomas citato loco, Articulo iv. in Corpore, si forte aqua admisceatur in tum parva quantitate alieni corpori, quod compositum magis sit aliud, quam aquæ, sicut lutum magis est terra, non potest fieri Baptismus.

§. XXIX.

Deinde si habeat Christum, linat eum in vertice, dicens: *Deus Omnipotens Pater Domini nostri Jesu Christi &c.* ut supra.

§. XXX.

Postea dat ei lintecolum candidum, dicens: *Accipe vestem &c.* ut supra.

§. XXXI.

Ac demum dat ei ceream candelam accensam, dicens: *Accipe lampadem ardentem, ut supra.*

§. XXXII.

Si supervixerit, suppleantur alii ritus omissi.

COMMENTARIUS.

Ubi necessitas urgeat conferendi cito Baptismum, jam illud recte statutum in Conciliis, & præscriptum in Ritualibus, ut omisissis ritibus, qui Baptismum præcedunt, conferatur statim Baptismus, & deinde si tempus suppetat, & in promptu sit Christum, linat baptismum Sacerdos in vertice dicens, *Deus omnipotens &c.* ut supra, ac tradat etiam linteo-

lum, ac cereum accensum sub præscriptis verborum formulis, demum vero si supervixerit, suppleantur alii ritus omissi, ut ait noster §. xxxii. Sed eum de hac re differendum sit infra Cap. v. quod inferius est, *Ordo supplendi omisissæ super baptizatum*, ad illud lectorem remittimus, & ad ea, quæ nos ibidem dicemus. Opportunus est enim ille, ac proprius differendi de ea re locus.

§. XXXIII.

Admonendi sunt Susceptores de spirituali cognatione, quam contraxerunt cum baptizato, baptizatique patre, & matre; quæ cognatio impedit Matrimonium, ac dirimit.

COMMENTARIUS.

Quam antiqui, & quare instituti sint Susceptores, seu Patrini in Baptismo, late diximus supra. Quod spiritua-

lem cognationem spectat, quam in hoc §. contraxisse dicuntur cum baptizato, baptizatique patre, ac matre, præmittendum illud est primum

Jus antiquum tres agnovisse cognationis spiritualis species, nempe paternitatem, compaternitatem, & fraternitatem. Constat id quidem ex Sacris Canonibus, quos refert in suo Decreto Gratianus Causa xxx. *Questiōne 111.* quosque nos explicantes, varias illas cognationis spiritualis species mox referemus.

II. At vero ut a prima spiritualis cognationis ordiamur specie, quam appellabant paternitatem, reperiebatur hæc in Ministri, qui vel Baptismum, vel Confirmationem contulisset, itemque in Sponsore respectu illius, quem de Sacro Fonte susceperat: *ha diligere debet homo enim, qui se suscipit de Sacro Fonte, sicut patrem; quoniam quanto presentior est spiritus carnis, quod illud spirituale est patrocinium, & secundum Deum adoptio, tanto magis a spirituali filio diligendus. Unde inter eos non arbitramur esse quolibet posse conjugale convivium; quandoquidem nec inter eos, qui natura, & eos, qui adoptione filii sunt, veneranda Romana Leges matrimonia contrahi permittunt. Item si inter eos non contrahitur matrimonium, quos adoptio jungit, quanto potius a carnali oportet iater se contubernio cessare illos, quos per celeste Sacramentum regeneratio Sancti Spiritus jungit? Longe ergo congruentius filius patris mei, vel frater meus appellatur is, quem divina gratia potius, quam humana voluntas, ut filius patris mei, vel frater meus esset, elegit, prudentiusque ab altera corporis commixtione seceantur.* Verba sunt Canonis I. in citata Causa, & *Questiōne*, qui defunctus est ex celebri Nicolai Papæ I. ad Consulta Bulgarorum, Epistola, ex eoque satis addicimus, qui olim in Baptismo, vel Confirmatione primam spiritualis cognationis speciem, paternitatem scilicet, contraheret.

III. Species altera, nimirum compaternitas contrahi solita antiquitus fuit, I. inter Sacramenti Ministri, & patrem, & matrem baptizati, aut confirmati. II. inter Susceptores, & patrem, ac matrem suscepti. III. inter uxorem baptizantis, & parentes baptizati. IV. inter uxorem Susceptoris, & patrem, ac matrem suscepti. Nitebatur antiqua hæc disciplina duplici principio. Primo, quod Ministri, & Susceptores vitam spirituales conferrent recipienti Baptismum, ideo spirituales illius parentes dicebantur. Secundo quod uxor five Ministri, five Susceptoris, una esset per matrimonium, eademque caro, juxta illud Scripturæ, *Erunt duo in carne uno*, non immerito contrahere dicebantur compaternitatem cum parentibus baptizati, aut confirmati. Nixus hoc principio idem Nicolaus Papa ita rescripsit Salomonis Constantinensis Episcopo apud Gratianum. Causa xxx. Can. I. *Questiōne 111.* *Seiscitur a nobis Sanctitas vestra, si aliquis homo duas commatres habere valeat, an non possit alteram. In quo meminisse debet, scriptum esse: Erunt duo in carne una. Itaque cum conficit, quis vir, & mulier, una caro per convivium efficiuntur, restat nimirum, virum Compatrem consensu illi mulieri, cuius matrimonium assumpta axor Commater esse videbatur; & itcirco liquet, viram illi feminam non posse jungi in copula, quæ Commater ejus erat, cum qua fuerat una caro effectus.*

IV. Tertia denique spiritualis cognationis species, idest, confraternitas contrahi & olim solita fuit. I. inter filios Ministri, & eum, qui ab eo receperat Baptismum, II. inter natos ex

Sponsore, & eum, quem de Sacro Fonte levaverat. Audiendus in hac rem Zacarias Papa, apud memoratum Gratianum in recitata Causa xxx. *Questiōne 111.* Can. II. ubi ita scribit Theodoro Episcopo Ecclesiæ Ticiensis: *Bene tua sancta Fraternitas compertum habet, quod Dominus precepit Moysi, dicens: Turpitudinem patris tui, vel matris, vel fororis non revelabis; turpitudine enim tua est. Cum ergo a propria consanguinitate jubemur abstinere, multo magis a spirituali nostri patris filia, omni excusatione, aut argumento seposito, sub nimia districtione nos cavere convenit &c.* Ex quibus omnibus dictis huculque probatum videtur, Jus antiquum tres agnovisse cognationis spiritualis species, ex antiquis Canonibus explicatas, paternitatem scilicet, compaternitatem, & fraternitatem.

V. Venio nunc ad Jus novum, quod in Concilio Tridentino promulgatum est, multa, innovans circa antiquas spiritualis cognationis species. Nam I. absolute confraternitatem abrogavit. II. restrinxit paternitatem ad eum solum, qui Sacramentum contulerit, & ad Susceptores. III. ita reduxit compaternitatem, ut jam non reperitur inter Sacramenti Ministri, & Susceptores, sicut antiquitus reperiebatur. En verba Sessioe xxiv. *De reformatione Matrimonii*, Cap. II. *Docet experientia, propter multitudinem prohibitionum multoties in casibus prohibitis legumantur contrahi Matrimonium, in quibus, vel non sine magno peccato perseveratur, vel ea non sine magno scandalo dissolvuntur. Volens itaque Sancta Synodus huic incommodo providere, & a cognationis spiritualis impedimento incipere, statuit, ut unus tantum, sive vir, sive mulier juxta Sacrorum Canonum iugitatem, vel ad summum unus, & una baptizatum de Baptismo suscipiat, inter quos, ac baptizatum ipsum, & illius patrem, & matrem, necnon inter baptizantem, & baptizatum, baptizatiq; patrem, ac matrem tantum spiritualis cognatio contrahatur. Tum paulo post: Ea quoque cognatio, quæ ex Confirmatione contrahitur, confirmatum, & confirmatum, illiusq; patrem, & matrem, ac tenentem non egrediatur.* Et demum: Omnibus inter alias personas spiritualis cognationis impedimentis omnino sublati.

VI. Hinc contra dispositionem veterum Canonum, & Capituli I. *De cognatione spirituali*, valet hodie Matrimonium contractum inter filiam suscipientis, & baptizatum, uti censuit Sacra Congregatio Concilii Tridentini Interpretum apud Fagnanum ad dictum Caput, neque ultra personas in Tridentini Concilii Decreto expressas extenditur; vultque Synodus Provincialis II. Mechlinensis Tit. x. Cap. v. subinde moneri populum, nullam omnino cognationem spirituales contrahi inter Susceptorem, & Susceptorem; necnon inter baptizatum, vel suscipientem, & suscipientis conjugem. Quod & expresse declaravit S. Pius V. in Constitutione, quæ incipit, *Ad Romanam*, edita anno MDLXVI. 4. Kal. Decembris. Inde consequens est, nihil obflare, quo minus duo conjuges levent eundem de Fonte, sed si alter conjugum propriam utriusque prolem levaret, vel etiam baptizaret, cognationem hanc contraheret cum altero, quæ conjugii usum impediret, saltem donec Ordinarius dispensasset. Excipitur autem casus necessitatis juxta Responsum Joannis VIII. in Canone

vlt. Causa xxx. Quæstione 1. Quod tamen in fornicario, qui propriam prolem in necessitate baptizaret, non procedere, probat idem Paganus ad Caput II. citati Tituli, *De cognatione spirituali*; huncque consequenter cum fornicaria matre prolis baptizata valide Matrimonium contrahere non posse, recte admodum notavit etiam Vanespelen Parte II. *Juris Ecclesiastici universi*, Tit. x. tit. Cap. vi. num. xvi.

VII. Cum nonnunquam contingat, ut quis per procuratorem, seu mandatarium, infautem suscipiat, licet & aliquando disputatum fuerit inter Doctores, a quoniam cognatio spiritualis contraheretur, a mandante ne, an a mandatario, & immediate tangente, universali tamen Ecclesiæ consuetudine receptum est, cognationem contrahi quidem a mittente, non vero a procuratore, cum is quæ agit, non suo proprio nomine agat, sed nomine mittentis, qui designatus fuit Patrinus, uti post alios refert Barbosa, Parte II. *De officio Episcopi*, Allegatione xxx. num. 50. eoque citato laudatus Vanspen.

VIII. Siquis autem hic querat, an contrahatur aliqua spiritualis cognatio, cum baptizato jam puero, suppletur tantum ceremoniæ Baptismi, illique Patrini assistunt? Respondens, nullam prius tunc contrahi cognationem inter eos, qui infantem de Fonte levantur. Et recte quidem, ob rationem, quam docet S. Thomas in Supplemento Partis III. Quæstione lvi. Articulo II. in Corpore, ubi sic inquit: *Sicut cognatio carnalis non contrahitur, nisi per actum generationis completum; unde etiam affinitas non contrahitur, nisi facta commixtione seminum, ex qua potest sequi generatio carnalis; spiritualis autem generatio non perficitur, nisi per aliquod Sacramentum; unde non videtur conveniens, quod spiritualis cognatio contrahatur, nisi per aliquod Sacramentum.* Cum igitur non consecratur Sacramentum, cum suppletur tantum ceremoniæ Baptismi, consequens est, quod nulla tunc contrahatur cognatio. Et valde convenit, ut Parochi id dicant Susceptoribus, eum dixit ceremoniæ tantum suppletur, ne in hoc decipiantur, uti recte admonet Genettus, Tomo I. Theologiæ Moraliæ, Tractatu II. Cap. viii. Quæstione 8. in fine. Recte etiam monet Zypæus, *De Jure voto*, ad Titulum, *De cognatione spirituali*, eum pueri domini baptizati sunt, & postea suppletur preces, & solemnia in Ecclesiâ, Patrinus hic tantum adhibitus, in Libro Baptizatorum non esse simpliciter, ut Patrinus describendus, sed ut Patrinus Catechizans.

IX. Porro illud notandum est, quod Synodi æque, ac Theologi docent, Patrinos scilicet eos minime effici, nisi puerum teneant, tangantve, cum baptizatur. Sed audiamus tamen quid de hac re edixerit Concilium Provinciale v. Beneventanum anni mcccclxxiv. Tit. cv. Cap. v. in fine, ubi improbos quosdam sui ævi Patrinos acriter carpit, his plauze verbis: *Sunt quidam se ad levandum puerum de Baptismo exhibentes, simulantes puerum tangere, & respondentes cum aliis ad interrogationes Sacerdotis, Abrenuntio &c. & ad alias, & puerum nominantes, non tamen eum tangentes, de quibus dicimus, quod non efficiuntur Patrini, nisi puerum teneant, vel teneant, cum baptizatur, vel de Sacro Fonte levant, licet ad omnia respondeant.* Longe horridius est aliud Patrinorum genus, quos mox

reecuset: *Quidam autem sunt mala intentione repleti, qui licet teneant, vel tangent puerum in Baptismo, non tamen respondent cum aliis, per hoc intendentes facere, ut non sint, nec efficiantur Compadres, ut sic possint cum minime peccato cognoscere matrem pueri, vel eam docere, post tempus in uxorem, de quibus sine præjudicio credimus quod nihilominus Compadres facti sunt, ex quo puerum tangant, vel teneant; ex quo enim intendunt tangere, vel tenere, & sic agere, quod veri Patrini agunt, cum responso Patrinorum quoad compaternitatem contrahendam non sit de substantia rei, compaternitatem contrahant eo modo; nec dolus, aut prava intentio eis patrocinando corruptit, seu tollit vim Sacramenti, sicut superius dictum est de parentibus propriis filios sic baptizantibus fraudulose.*

X. Pergit Concilium, atque, puniendos graviter esse Compadres alios quosdam non minus ceteris impios, qui, postquam puerum in Fonte tetigerunt, manus lavabant, annuantes, ea manuum ablutione compaternitatem abolere: *Sunt & alii, qui postquam tetigerint puerum in Fontibus, deinde extra Fontes abluunt manus, tenentes ex dicta ablutione sic facta compaternitatem abolitam, quod falsissimum iudicamus, & schismaticum; & tales graviter puniendi, maxime si ut se ponant cum matre pueri, hoc fecerint, sicut de quibusdam intelleximus; mandantes Presbyteris, ut talia non committenda, tanquam erronea populo ad Divinæ congregatio prædicent, & exponant. Sed longum esset variorum id gentis abusus notare, ac refellere, quos merito Sacre Synodi sub gravibus penis damnavit.* Porro quod compaternitas, cognatioque spiritualis non nisi per Baptismum, & Confirmationem oriatur, opportune Concilium Provinciale viii. Beneventanum anno mcdclxx. habuit sub Archiepiscopo Corrado Capycio, Cap. vii. abusum illum sui ævi damnavit, quo nonnulli compaternitatem efficiebant per largitionem vestis, quam vulgo appellabant *lo Cappiello*; sic enim inquit: *Item volentes malitius, & fementis hominum obviare, præcipimus, statimur, & ordinamus, ut nullus compaternitatem extra Sacramentum Baptismi, & Confirmationis, neque per largitionem vestis, ut vulgariter dicitur, lo Cappiello, neque per solum præstationem Fidei sine Sacramento, vel aliquo alio modo contrahat, sub pena excommunicationis, declarantes, & decernentes, per quidquid actum fuerit ad contrahendum compaternitatem extra dictum Sacramentum, compaternitatem de jure non subsistere.* His adde alium abusum, cuius meminit S. Carolus in Concilio Mediolanensi t. Provinciali, quemque merito exterminari conatus est, Capite, *Quæ pertinent ad Baptismi administrationem*, sic inquit: *Detestabilem consuetudinem baptizatos infantes in Altare collocandi, ut numeribus Compatrum inde redimantur, Episcopi severius vendicabunt. Mandat tum etiam mox, ut Compadres, & Commatres nihil infantibus, quos susceperunt, aut eorum parentibus, Baptismi tempore largiantur.* Idem repetit in Instructionibus, *De Baptismi administratione*, Capite, *De ceremoniis, quæ per rito Baptismo, ferveant.*

XI. Multis jam hucusque explicatis, quæ ad Patrinos, seu Susceptores spectant, admo-
nendi illos potissimum sunt de spirituali cognatione, quam, ut ait hic noster §. recitato Tridentini
Con-

Concilii Decreto inherens, contraxerunt cum baptizato, baptizatique patre, & matre, quæ impedit Matrimonium contrahendum scilicet, & dirimit contractum. Atque idipsum mandant passim, & Sacræ Synodi, ac Rituales Codices, quos non opus est hic recensere. Cæterum, cum illud profecto certum sit, constanterque a Theologis asseratur, cognatione spirituali impediri, ac dirimi quidem Matrimonium jure dumtaxat Ecclesiastico, recte inde inferitur, Ecclesiam impedimentum, de quo loquimur, posse omnino tollere, & a fortiori in eo dispensare.

III. Licet denique omnes in eo convenient, cognatione spirituali impediri, ac dirimi Matrimonium jure Ecclesiastico, indagandum superest, quoniam tempore exuperit ipsa esse Matrimonii impedimentum, & quidem vicissimile est, quod notat Juvenius, de *Sacramentis*, Dissertatione x. Quæstione vii. Articulo 111. §. iv. primos Christianos per tria priora secula nullam habuisse ejus impedimenti rationem; cum enim Apostolus eos interdixisset nuptiis cum infidelibus, & postea Episcopi cum hæreticis, necesse erat, ut Catholici inter se tantum inirent conjugia; cumque non magno ubique essent numero, cogebantur aliquando nubere cum iis, quos nunc cognatos spirituales dicimus. Sed nec habuisse locum impedimentum istud in Ecclesia usque ad Constantinum Magnum, vel ex eo idem Auctor asserit, quod ipsius impedimenti nec antiqui Canonici, quos Apostolicos vulgo appellamus, nec

alii veterum Conciliorum meminerint, qui alioquin de affinitate, & consanguinitate non pauca statuerant, quique disciplinam per tria priora secula complectantur.

XIII. Putat autem Juvenius, cognationem ipsam spirituales ante finem Seculi iv. fuisse Matrimonii impedimentum, probatque ex eo, quod Julius Papa I. & Innocentius itidem I. ac Cælestinus etiam I. de casu ad illud pertinente consulti Sæculo ipso Ecclesiæ iv. responderunt, teste Deusdedit Papa in Epistola ad Gordianum Hispanensem Episcopum; quam tamen supposititiam esse, pluribus ostendit Pagius in Vita ejusdem Pontificis Deusdedit, num. v. ubi etiam constanter asserit, nihil fuisse a laudatis Pontificibus de eo impedimento statutum; colligique, imo ait ex Epistolis xi. xv. & xxii. S. Bonifacii Archiepiscopi Moguntini cognationem ipsam spirituales, nec circa medium octavi Sæculi fuisse Matrimonii impedimentum. Quicquid sit de hac controversia, meminit certe hujus impedimenti Sæculo vi. Justinianus in Lege xxvi. Cod. *De nuptiis*, ubi ea persona omnimodo ad nuptias venire prohibenda declaratur, quam aliquis, siue alumna sit, siue non, a Sacro suscepit Baptismate. In Ecclesiæ Græcæ hanc spirituales cognationem, & ex ea resultans impedimentum Matrimonii, notam fuisse Sæculo vii. manifestum est ex Can. lxxv. Concilii Trullani, in quem vide quæ scripsimus nos Tomo II. Commentariorum in Concilia Oecumenica, pag. 145. & seq.

§. XXXIV.

Curet Parochus, parentes infantis admoneri, ne in lecto secum ipsi, vel nutrices parvulorum habeant, propter oppressionis periculum; sed eum diligenter custodiant, & opportune ad Christianam disciplinam instituant.

COMMENTARIUS.

TAmetsi variz antiquæ Synodi, Summique Pontifices conati sint huic abusu, scelerique parentum, nutricumque, variis editis Decretis, occurrere, ne scilicet ipsi, nutriceve in lecto secum parvulum habeant, propter oppressionis periculum, opus nihilominus cuit, ut hic §. nosster, Synodique recentiores id iterum, iterumque vetarent, Parochi mandantes, ut de ea re parentes, nutriceve admonerentur. Extat sane contra eum abusum Alexandri Papæ III. Constitutio relata in Capite 111. *De his, qui filios occiderunt*, ubi sic inquit: *De infantibus autem, qui mortui repertiuntur cum patre, & matre, & non appareat, utrum a patre, vel a matre oppressus sit ipse, vel propria morte defunctus, non debent inde securi esse parentes, nec sine penitentia, sed tamen consideratio debet esse pietatis, ubi non voluntas, sed eventus mortis causa fuerit. Si autem eos non lateat, ipsos interfectores esse, scire debent, se graviter deliquisse. Quidam autem penitentiam trium annorum judicant esse debere, quorum unum peragant in pace, & aqua. Delumpta videtur hæc Constitutio ex Penitentiali antiquo Romano, Tit. 1. Cap. xxx. ubi sic habet: *Invenisti infantem tuum juxta te oppressum, ubi tu, & vir tuus simul in lecto jacuistis, & non apparuit, utrum a patre, seu a te suffocatus esset,**

Tom. I.

*non debetis securi esse, nec esse sine penitentia; sed tamen in his magna consideratio debet esse pietatis, ubi nulla mala voluntas fuit, sed propria mors; tamen propter negligentiam quadraginta dies debetis panitere. Si autem vos non lateat interfectores esse infantis, non voluntate, sed negligentia, tres annos panitere debetis, unum ex his in pace, & aqua; & tempore penitendiis ab omni luxuria vos cassidire debetis. Varios antiquos Canones idem statuentes concessit eruditus Gonzalez in Commentario ad citatum Caput 111. *De his, qui filios occiderunt.**

II. Sed his omisiss, certe ex recentioribus Synodis passim monere Parochus debet, præsertim post collatum infanti Baptismum, ne mater nutrixve, aut alia quavis mulier, aut alius quicumque vir infantem anno ætatis non expleto, in eodem secum lecto unquam teneant; si infantes in eodem cum ipsis lecto jacentes suffocari contigerit, homicidii reas futuras; & si non suffocentur, mortales tamen ipsas peccare propter periculum, in quod tenellorum puerulorum vitam adducunt. Excommunicationis poenam in eas, siue illos decrevere jam multa Concilia, tum Provincialia, tum Diocesana, eumque sibi casum reservare merito Episcopi consueverunt. Confirmat hæc quidem Concilium Coprinicum in Gallia sub Alexandro Papa IV. celebratum.

Q3

pau-

paulo post medium Sæculum XIII. Capite xxx. *Prohibeant, inquit, Sacerdotes mulieribus, ne collocent pueros parvulos in lætis suis sub pœna excommunicationis. Et si super hæc parenti decesserint, propter negligentiam matris suæ, potius, vel alterius, ad Episcopum, vel ad suum Confessorem debent mitti, quia potestatem absolvendi eas a talibus non habent simplices Cappellani. Idipsum testatur S. Antoninus, qui in Summa Confessariorum, Parte I. in Interrogatione, De quinto præcepto Decalogi, Capite unico, sic inquit: Si mater, vel nutrix suffocet filium, vel filium, quam tenet juxta se, inadvertenter opprimat, mortale est propter negligentiam, & est Episcopalis casus. Quamvis Synodi multæ sinant infantes posse teneri a parentibus, nutricibus, quæ secum in lecto, expleto ætatis anno; non deunt tamen alix Synodi, quæ biennium requirunt. Certe Senonensis Synodus anni MDXXIV. prolis oppressioni, quæ ex indilcrectione parentum frequenter contingit, obviare volens, statuit, quod omnes Ecclesiarum Rectores sepe in suis Parochiis injungant suis Parochianis, ut curam sollicitam habeant de infantibus in cunabulis existentibus, ne inde periculum eveniat; inibendantque suis parochianis, ne pueros secum in lætis suis jacere permittant, antequam ad biennium pervenerint. Quod si negligentes fuerint, Deo primum tanquam de homicidio rationem reddent, & pœna arbitraria punientur. Parisiensis quoque Synodus anni MDLVII. Presbyteris mandat, ut hortentur matres, ac nutrices, ne infantes ante biennium secum dormire sinant, ne forte illorum incuria præsumptio, ut sepius contingit, opprimantur. In quibus si negligentes fuerint, Deo primum tanquam de homicidio rationem reddent, & pœna condigna plectentur.*

III. Citat, describitque recitata hæcenus loca Natalis Alexander in sua Theologia Dogmatica, & Morali, Lib. IV. Cap. VI. Articulo 111. Regula x. ubi etiam subdit, in Diocesi Parisiensi, & plerisque aliis Diocæbus, pœne omnibus, oppressiorem parvulorum per incuriam casum esse Episcopo reservatum; in plerisque istius peccati reos siltere se teneri in Ecclesiâ Cathedrali Fœria Quarta Cinerum publicam penitentiam accepturos, & die Cæna Domini solemnî ritu absolvendos. Sed omitti aliis Synodis, audiamus quid de ea re statuerit Provinciale IV. Mediolanense S. Caroli Concilium, Constitutionum Parte II. ubi de iis agit, quæ pertinent ad Sacramentum Baptismi: *Grave, inquit, atque immo facinus est infantes per impudentiam illorum suffocari, qui eos ne annum quidem natos in cubili nulla cantione collocant; qui quoniam neque alia ratione, neque rei gravitate, qua Deus in primis offenditur, nec vero immanitate nefaria in officio contineri ballentes potuerunt, non tale facinus pœnis coerceri censuimus. Pærgit Sanctus Carolus, atque ita decernit: Itaque quæcumque mulier infantem anno ætatis non expleto secum in lecto jacentem non ea cantione tenuerit, quom ab Episcopo præscriptam Parochus unusquisque ei flagitium demonstraverit, excommunicationis pœnam ipso facto subeat, casus vinculo irretita non aboleatur, nisi gravi, atque insigni imposta penitentia, qua ceteris exempta sit. Concludit tandem, & Parochia mandat, ut tum sæpe populum moneat, ne hujusmodi infantes secum in lecto unquam teneant, tum etiam evulget Decre-*

tum illud, pœnamque in Decreto sancitam. Varia alia edita a S. Carolo eandem in rem Decretis videri possunt in reliquis ejusdem S. Antistitis Synodis, atque in Actis Mediolanensis Ecclesiæ.

IV. Opportunus hic locus est, ut de alio confidendo abusu dicamus, qui non sine ingenti animarum perniciæ multis viget in locis, in quibus parentes conjuges filios suos, filiasque grandiores secum tenere in lecto non erubescunt. Non dubito, quin, sicut illi, qui infantes nondum expleto ætatis anno secum jacere in lecto permittunt, rei culpæ læthalis sint, ac etiam homicidii, si illos oppresseint, ita & isti sint scandalii rei, si secum grandifœculam habentes in lecto prolem, Matrimonii usui operam dent. Quotidiana enim experientia compertum est, vel ipsos pueros annorum quinque a parentibus suis prima luxurie femina didicisse. Scio, multos id genus parentes pauperate se excusare, ac non posse pro filiis alium lectum erigere, sed nec tamen ignarus sum, quod, ubi pii aliqui homines lectum illis donarunt, illi statim lectum vendiderunt, perrexeruntque vel ipsos adolescentes in suo secum lecto tenere, & rem uxoriæ exercere. Optandum esset, ut Episcopi, Parochi, pique homines huic malo occurrerent, de lectis hujusmodi parentibus providentes, ea ventelique præterea, ne illos postea alienarent.

V. Sed ut finem hujus Commentarii imponam, mandat & illud tandem hic noster §. monendos a Parochia esse patresfamilias, ut filios suos diligenter custodiant, & opportune ad Christianam disciplinam instituant. Id est, quod passim Synodi, ac Patres inculcant, quod tamen, non sine ingenti Reipublicæ Christianæ, ac Civitatis detrimento contemni passim videmus; de plerisque enim patribusfamilias dici jam potest, quod suo ævo aiebat Sanctus Joannes Chrysostomus, quod nempe permulti ex illis majorem animarum, ac eorum, quam filiorum curam haberent. Certum profecto est, culpæ læthalis reos esse parentes, qui pueros, puellisque vivere suo arbitrio sinit, pravis eorum moribus coniventes; ipsique parentibus attribui debet, innumerorum fere adolescentium ad tirremes, & non paucorum ad furcam damnatorum, ut de feminis adolescentibus sciam, quæ a parentibus suo & ipsæ arbitrio relicte, vitam turpissimam ducunt, copiamque corporis sui facientes, omnibus ad se aditum præbent, quorum multam ob causam egeutes sæpi, ac morbo incurabili infecti, in ipso juvenæ flore misere moriuntur.

VI. Res illa quoque est lacrymis digna, vel in ipsis Civitatibus, Oppidisque insignibus, in quibus educantur, instruanturque Orphanis, pia erecta sunt domicilia, innumeros pueros seminandos primorum rudimentorum Fidei omnino inficos per vicos, & plateas, ac fora potissimum vagari, ut aliquid furentur; jacent ut plurimum nocte in Templorum vestibulis, scabieque Palatiorum. Frequentiora illis verba obscena, blasphemæ, imprecationesque. Siquis eos velit corrigere, eo temeritatis quoque perveniunt, ut in pium monitorem lapides jactant. Siquis furati, lucrative fuerint, statim ludo alearum exponunt, quem etiam in Templorum scabie instruere solent. Quæ cum ita sint, non dubito, quin læthaliter precent animarum Pastores, Magistratusque locorum, qui tanto malo remedium opportunum adhibere negligunt.

§. XXXV.

Commonendi sunt etiam parentes, & alii, si opus fuerit, ne filios Hebræis, aliisve infidelibus, vel hæreticis mulieribus ullo modo lactandos, aut nutriendos tradant.

COMMENTARIUS.

I. **S**I jus naturæ spectemus, testantur quidem Leges Civiles, teneri parentes suam prolem lactare: Ipse naturalis stimulus parentis ad liberorum suorum educationem hortatur. Verba sunt Justiniani Imperatoris in Lege unica, §. Taceat, Cod. De rei uxoria actione. Et scite Aristoteles Lib. 1. Politicorum, Cap. ultimo, Natura, inquit, munus est alimentum iis, quæ procreavit, præbere. Apud Gellium Libro XII. Capite 1. copiose quidem, doctèque Phavorinus Philosophus differit, mulieres suo lacte debere suos factos educare. Cujus rei causæ multæ afferri possunt. Tum quia naturæ ideo mammas, sive ubera mstribus, illustribus, & nobilibus æque, ac aliis puerperis, lacte difflata dedit, ut ipsæ suos infantes alerent. Tum quia mstris id ipsum lac habent, quo infantes in utero alebantur; idem siquidem sanguis est, quem in utero infantes haurierunt, jam saltem dealbatus; ideoque res salubrior erit infantibus, si eodem utriantur. Tum quia affectio major est, aut certe esse debet erga prolem in matre, quam in ulla nutrice; quippe infans vere os de offe, caro de carne mstris. Tum quia periculosa est mutatio lactis, cum eadem non sit fortasse nutricis, ac fuit matris, complexio; & lactis alieni fucus, nec sanitati, nec incremento conducit; simili nempe unumquodque alitur, contrario oblæditur, mutatioe deiecitur. Tum etiam quia sæpe cum lacte boni, vel mali mores ex uberibus hauriuntur.

tur. Quid enim si nutricem mater nata sit ebriosam, iracundam, libidinofam? Combibet ipso lacte venena mælicæ semina: tener alumnus, audietque:

Non tibi Diva Parent generis, nec Dardanus
Auctor,

Perfide, sed duris genuit te cantibus borrens,
Cæcæfora, Hircæaque admorant ubera tigris.
Itemque illud,

Natus es e fœculis, nutritus lacte ferino.

II. Hæc plane potissima causa est, cur & Rituales Codices, ac Sacræ Synodi, veterint semper parentibus Christianis, Catholicisque, ne filios Hebræis, aliisve infidelibus, vel hæreticis mulieribus ullo modo lactandos, aut nutriendos tradant; quia scilicet, uti dictum est, & plerique Auctores docent, sæpe cum ipso lacte boni, vel mali mores ex uberibus hauriuntur. Porro laudandæ minime sunt vel ipsæ Matræ nobiles, quæ infantes suos nutrire verendum, sine vero catelloso fovere honorificum existimant. Quæcumque illæ sint, integræ si matres esse voluerint, quos pepererint, non rejicient, sed ut animis, atque corporibus filiorum provideant, eos alent, eisque ubera porrigunt. Quod si necessitate aliqua adigantur, ob quam filios suos lactare ipse nequeant, curandum illis summopere est, ut illos nutriendos tradant nutricibus similime non modo suæ complexionis, sed Christianis virtutibus præditis.

§. XXXVI.

Antequam infans ex Ecclesia asportetur, aut Susceptores discedant, eorum nomina, & alia de administrato Baptismo ad præscriptam formam in Baptismali Libro Parochus accurate describat.

COMMENTARIUS.

I. **Q**UOD plures quotidie occurrant difficultates, & dubia circa spiritusalem cognitionem inter baptizatos, & Susceptores, vel baptizatorum parentes contractam, necnoo super natalibus, vel etate baptizatorum, quorum probatio, & certitudo, vix aliunde, quam ex Libris, seu Registris, quæ dicuntur Baptismalia, haberi potest, merito Concilium Tridentinum Sessioe XXIV. De reformatione Matrimonii, Cap. II. inter alia statuit, ut Parochus in Libro eorum nomina describat, doceatque eos, quam cognitionem contraxerint, ne ignorantia ulla excusari valeant. Fuit & hic plane antiquus Ecclesiæ mos, cui inhærens S. Carolus, in suo Provinciali Concilio 1. Mediolanensi, Capite inscripto, Quæ pertinent ad Baptismi administrationem, ita plane edixit: Parochus Librum habeat, diligenterque custodiat, in quo baptizati, parentum, & Comparum nomen, cognomen, diemque natiuitatis, ac Baptismi, & an ex legitimis nuptiis procre-

tus sit, describat; & quotannis singulorum annorum scripta ejus rationis exemplum det Episcopo, qui id fideliter adservandum curabit. Rursus in Concilio Provinciali VI. ubi agit de Baptismo, diserte statuit, ut eorum, qui domi, aut in Ecclesia, tanquam Compares ad Baptismum adhibiti sunt, nomina in Libro baptizatorum, Parochus notet, ne impedimentum Matrimonii contrahendi ignoretur.

II. Similis his statuta sunt in aliis aliarum Ecclesiarum Synodis passim, ut in fine hujus Operis, ubi de ipso Libro agendum erit, latius dicemus. Quod enim hunc §. spectat, mandat hic quidem, ut antequam infans in Ecclesia asportetur, aut Susceptores discedant, eorum nomina, & alia de administrato Baptismo ad præscriptam formam in Baptismali Libro Parochus accurate describat. Atque huc spectat, quod dictum a nobis superius fuit, Cap. 1. ut inter alia, quæ, cum Baptismi Sacramentum administrandam est, in promptu esse debeant, sit item Liber

her Baptismalis, in quo baptizati describuntur, statim scilicet Baptismo peracto, & antequam infans ex Ecclesia asportetur, aut Susceptores discedant, ut expresse mandat noster §. cui etiam consentit Cærimoniale Ambrosianum jussu Cæsaris Montii Cardinalis, & Archiepiscopi Mediolanensis edito, & S. Carolus in memoratis totius Instructionibus suis, De Baptismi administratione, ubi sic inquirunt: Notabit, Parochus

nempe, præscripta ratione in Libro baptizatorum, antequam discedatur, si commodè fieri potest, nomina, & cognomina, ac patriam infantis, parentum, & Patrini, ac Matrini, sive in Ecclesia, sive domi infant baptizatus est; annum item, & diem, ceteraque ad præscriptum formulæ tradita, Atque id etiam statutum invenio in variis Synodis Provincialibus, Diocesanicisque, ac Ritualibus Libris.

C A P U T III.

De Baptismo adultorum.

I. **C**ertum est, solum hominem esse Baptismi subiectum; cum autem, vel infans, vel adultus esse possit, & de prioris Baptismo abundè dictum hæcenus fuerit, merito nunc de Baptismo alterius agendum, & quidem juxta ordinem in hoc, & sequenti Capite præscriptum. In quorum Commentariis ordinem nos Paragraphorum sequentes hæc potissi-

mum explicabimus. I. historiam Catechumenatus, quem baptizandi adulti, si fani essent, decurrebant. II. disciplinam, quam vetus Ecclesia erga infirmos baptizandos observavit. III. dispositiones, quas tum in fanis, tum in infirmis Majores nostri Baptismo recipiendo necessarias judicaverunt. IV. ritus, ac caeremonias in singulis Paragraphis præscriptos.

§. I.

Siquis adultus sit baptizandus, debet prius secundum Apostolicam regulam in Christiana Fide, ac sanctis moribus diligenter instrui, & per aliquos dies in operibus pietatis exerceri, ejusque voluntas, & propositum sæpius explorari, & nonnisi sciens, & volens, probeque instructus baptizari.

COMMENTARIUS.

I. **B**aptismum adultis nonnisi Catechumenis consuevisse olim conferri, vetustissima est Ecclesiæ disciplina, sicut & illa officii Catechiste, quo etiam Apostoli, eorumque successores Episcopi persuaſi antiquitas fuerint, nihilo tamen minus, quia variis, utilioribusque curis soliti illi essent ad alia distrahi, ea semper invaluit in Ecclesiæ consuetudo, ut id munus aliis committeretur. Provisum ergo illud hoc in negotio fuit, ut nonnisi viri pietate, ingenio, ac doctrinæ præstantes deligerentur, quales Alexandrie extiterant, Pantænus, Clemens, Origenes, Heraclius, Dinysius, uti docet Eusebius Lib. v. *Historiæ Ecclesiasticæ*, Cap. x. & Lib. vi. Cap. iii. v. x. xxiii. Et certe cum eis non infrequenter res esset cum Philosophis, aliisque profunde scientiæ eruditus viris, qui non tam ingenio, quam Fide rudes erant, rectè observat Martene, Libro 1. *De antiquis Ecclesiæ ritibus*, Cap. 1. Articulo v. num. II. non leviem Ecclesiæ passim fuisse injuriam, si eorum argumentis, subtilioribusque sophismatibus respondere nequissent. Hinc Laſtantiæ Lib. vi. *Disciplinarum Institutionum*, Cap. xxi. *Homines literati*, inquit, *si non fuerint ab aliquo perito Doctore fundati, minus credunt. Affecti enim mollibus, & positis, sive orationibus, sive carminibus, Divinarum Literarum simplicem, communemque sermonem pro sordido aspernuntur.*

II. Jam non semper ordinis, aut dignitatis hac in re habita ratio fuit, sed etiam aliquando laici publice docere permittuntur, ut scite idem Auctor, probat exemplo Origenis, qui annos octodecim dumtaxat natus, Alexandriæ institutis Catechumencis præfatus est; patetque ex

Constitutionibus vulgo Apostolorum, Lib. viii. Cap. xxxviii. ubi ita legimus: *Qui docet, quamvis sit laicus, peritas tamen sermonis, & moribus gravis, doceat. Erant enim omnes docibiles Dei.* Aliquando simplices Leitores, ut constat ex S. Cypriano in Epistola xxiv. ad Presbyteros, & Diaconos, in qua Optatum inter Leitores Doctorem Audientium se constituisse offerit. Frequentius tamen ad id munus Diaconi deligebantur, ut colligere licet ex S. Augustino, qui aureum illum Librum, *De catechizandis rudibus*, rogatus a Deogratias Diacono Carthaginiensi, ut illi usui esset, conscripſit. Hinc forte etiam in prædicto Libro viii. Constitutionum Apostolicarum, Cap. xxxviii. decernitur, ut qui primo ad mysterium pietatis accedunt, per Diaconos adducantur ad Episcopum, vel Presbyteros, & causa exquirantur, cur ad Dominicam sermonem accesserint &c.

III. Plerumque etiam a Presbyteris instructebantur Gentiles baptizandi, uti docet vulgatus Dionysius in Libro, *De Ecclesiastica Hierarchia*, ubi antiquos ritus describit adducendi rudēs ad Presbyterum his verbis: *Qui autem bonum, quæ vere ecclesiæ sunt, participare fieri cupit, cum aliquem eorum, qui initiati sunt, addit, suadet ille quidem, ut se recta ad Sacerdotem ducat; ipse autem se omnino ea, quæ traduntur, sequentium esse pollicetur, petitque, ut ad eum adducatur, & vitæ omnis, quam deinceps agat, curam suscipiat. Illum autem, qui ejus quidem salutis causa cupiditate ducitur, sed ex rei magnitudine hominis ingenium metitur, horror quidem repente, relique difficultates deterret; ad extremum tamen id, quod petit, benigne se fa-*

timurum esse promittit, acceptumque eum ducit ad Sacerdotem. Hic vero laetus, quasi ovis in humeros virorum impositus, primum quidem principium, quod nunc boni causa est, & a quo vocatur ea, quae vocatur, & quae adipiscuntur salutem, eam consequuntur, mentis gratiarum actione, corporeaque venerationis adioritur. Deinde omni sacro cantu, & adjuvanda, celebrandaque ejus salutis, & divina bonitati gratiarum agendam causa in sacrum chorum convocato, ipse principio Hymnum quendam, qui in Divinis scriptis continetur, cum omni Ecclesiastico ordine recitat; deinde sacram Mensam osculatus, ad virum, qui adest, venit, eumque interpellat, cur veneris &c. Multa in hoc prolixo antiquissimi Auctoris testimonio continentur, quae brevitate studio non omittetur, studiose lectori observanda relinquitur.

IV. Explicato utramque Catechistae officio, de quo fusc agit Joseph Vicedomus in Tractatu, *De ritibus Baptismi*, quod locum spectat faciendis catechibus designatum, observandum illud iuprimis est, Apostolos, virosque Apostolicos, qui prima apud Gentiles Fidei semina disperferant, non in Aedibus, sed in Foro praestitum, & in Plateis publicis solitos fuisse concionari. Ejusmodi occurrunt exempla nonnulla non modo in Actibus Apostolorum, sed etiam in Vitis, & Historiis Sanctorum. Ita vimirum Sancto Otho Bambergensis Episcopus, & Pomeranorum Apostolus apud Pirrensis *de loco editiori*, apud Suetinenses *per vias*, & *capita platearum*, apud Havelbergenses *de edito ante portam Civitatis loco*, omni coadunato populo verbum salutis praedicasse dicitur in ejus Vita apud Surium die II. Julii. Sed non praetereunda antiquiora exempla, ex quibus doceatur, postquam aliquorum in cordibus altas agere radices incepit Christiana Religio, crescente in dies Discipulorum Christi numero, cepisse non quidem in Ecclesiis, ut postea factum est, aut in publicis Oratoriis facris, sed in privatis aedibus, ad eos, qui Christianorum numero accenseri cupiebant, fieri Catecheses. Certe eum fuisse Alexandrini Origenis consuetudinem, satis innuit Vir doctissimus Daniel Huetius Abrincarum Episcopus Lib. I. Origenianorum, Cap. I. ubi agens de incitato in Origenem Gentilium furore, ait, statim domum ejus, quam frequentari Catechumenis, advertebant, armatis hominibus circumfessam fuisse; idque evidenter patet ex Litteris Demetrii Alexandrini Episcopi ad Alexandrum Hierosolymorum, & Theophilum Caesariensem Episcopos, quibus conqueritur, quod contra morem, & consuetudinem Origenem in Ecclesia publice coram Episcopo concionari permisissent. Quo ex loco Vir Clarissimus Henricus Valelius in Notis ad Eusebii Historiam Lib. VI. Cap. XIX. infert, Origenem, qui Catecheses fecerat Alexandria, in privato Auditorio, non autem in Ecclesia Catechumenos instituisse. Addit tum mox; Neque enim Alexandro, & Theophilis Episcopis id obiceret Demetrius, quod Origenem in Ecclesia docere jussisset, si Alexandria idem ab Origeno factum fuisset. Subdit etiam statim; Certe Catecheses olim non fiebant in Ecclesia, sed in Baptisterio, ut in aliquo alio extra Ecclesiam loco; Idque probat ex Epistola Joannis Hierosolymitani ad Theophilum Alexandrinum, cui addere etiam potuisset S. Ambrosii Epistolam XX. novae

editionis ad Marcellinam sororem, in qua Symbolum Competentibus se tradidisse asserit.

V. Enarratis hucusque & Catechistae officio, & loco, in quo fieri Catecheses solebant, venio nunc ad Catechumenos, ad adultos scilicet homines illos, qui nondum baptizati Fidem Christianam ab Ecclesia Pastoribus, Ministrisve docebantur, Neque enim omnibus promiscue adultis, sed tantum probatis in Schola, quam dicebant Catechumenatum, Majores nostri Baptismum conferrebat, infidelium a Catechumenis distinctione, quae quidem ab haereticis minime servabatur, Ecclesiastica disciplinae partem positam esse censentes; uti nos docet Tertullianus in Libro, *De praescriptionibus adversus haereticos*, Cap. XII. ubi sic habet: *Non omittam ipsius etiam conversationis haereticae descriptionem, quam fustilis, quam terrena, quam humana sit, sine gravitate, sine auctoritate, sine disciplina, aut Fidei suae congruens. In primis qui Catechumenus, quis Fidelis, incertum est. Pariter advenit, pariter audiunt, pariter orant.*

VI. Itaque ex pervertuto hoc testimonio tres Catechumenorum classes, seu gradus addiscimus, ut inter alias notavit Juvenius in Opere, *De Sacramentis*, Dissertatione II. Quaestione VII. Cap. II. Articulo I. Primus Audientium erat, qui Religionis Christianae desiderio teneri videbantur; quomohrem Synaxibus frequenter aderant, Scripturas, quae a Lectoribus in pulpito legebantur, Concionesque, quas habebant Episcopi, poterant audire, sed tamen nondum nomen suum Catechumenorum alio inscribendum dederant. Hi ex conventibus, Sacrificii tempore, cum Ethnicis, & Penitentibus, quos & Audientes vocabant, ejiciebantur. Alter Catechumenorum gradus eorum erat, qui in Templis steteant genua, super quibus genuflexis orationes proferebantur. Hi proprie Catechumeni antiquitus dicebantur, sique sunt, quos intelligere oportet, cum in Synaxibus, tum apud Graecos, tum apud Latinos, Diaconus dicebat: *Quicumque Catechumeni discedite.* Tertius gradus erat Competentium, seu Electorum, qui a reliquis Catechumenis post diligens examen segregati, Baptismati in proxima Paschate, aut Pentecostes solemnitate recipiendo idonei judicabantur.

VII. Ritu singulari infideles Catechumeni inaugurabantur. Enm ritum S. Gregorius Magnus in suo Sacramentario sub Titulo, *Ad Catechumenum ex Pagano faciendum*, describens, jubet I. ut illi audienti Fides Catholica exponatur, II. ut ab eo expectetur vitae melioris propositum, III. ut in illius os infunderetur. IV. ut frons muniatu Crucis signo, V. ut manus ei cum oratione imponatur, VI. ut sal ei degustandum praebeatur. Ejus verba haec sunt: *Gentilem hominem cum susceperis, primo catechises eum divinis sermonibus, & dei ei munia, quemadmodum post cognitam veritatem vivere debeat. Post haec facias eum Catechumenum, & exasperis in faciem ejus, & facias ei Crucem in fronte, & ponas manum super caput ejus, his verbis: Accipe signum Crucis &c. Inde vero postquam gustaverit medicinam salis, & ipse se signaverit, benedices eum, his verbis: Domine Sancte Pater &c. Similia leguntur in mass, Sacramentorum Libris, quorum character annos mille, aut circiter, repraesentat, scilicet Gellonensi, Remensi S. Remigii, Anglicano ex Mo.*

Monasterio Gemmeticensi, Novionensi, & aliis apud Martene citato Lib. 1. Cap. 1. Articulo vii.

VIII. Catechumeni proprie dicti, eo tempore, quo suam decurrant stationem, præcipua quidem, tum Veteris, tum Novi Testamenti Capita, non tamen mysteria sub literæ cortice latentia docebantur; idque tum ex S. Cyrillo Hierosolymitano in Præfatione ad Catecheses, tum ex S. Augustino in Libro, *De catechizandis rudibus*, Cap. III. colligitur. Competentibus vero altissima Fidei Christianæ principia, Symbolum nempe, quo Trinitatis, & Incarnationis mysteria continentur, Oratio Dominica, nec non ea, quæ ad Baptismi, Confirmationis, & Eucharistiæ Sacramenta pertinent, tradebantur. Ipsius discipulorum testis sunt Laodicensi Concilii Patres, Can. XLVI. ubi sic inquirunt: *Quod oportet ear, qui ad Baptismum veniunt, Fidem discere, & quinta Feria septimanæ majoris Episcopo, aut Presbyteris reddere.* Testis est etiam Augustinus in Libro, *De Fide, & operibus*, Cap. x. ubi hæc habet: *Cur ergo baptizandis vel Symbolum tradimus, reddendamque repescimus &c.* Testis est denique, ut alios omittam, Martinus Bracarensis Episcopus, Cap. XLIX. sic inquires: *Oportet etiam in ipsis diebus, ut hi qui baptizandi sunt, Symbolum discant, & quinta Feria novissime Septimanæ, Quadragesimæ scilicet, Episcopo, vel Presbyteris reddant.*

IX. Catechumeni tum primi, tum secundi gradus, nulli speciali pœnitentia, nullis laboribus addiebantur. Nullos enim Canones reperire est, quibus particularem victus rationem subire cogerentur. E contra tertii gradus Catechumeni, quos Competentes appellabant, rigida pœnitentia damnabantur. Publico liquidem Fidei-um ecclæ nudis pedibus, tonsa capite, cilicio coopertos fistere se præsentis jubentur. A vino, carnibus, axoribusque, ex Ecclesiæ mandato, temperabant: *Baptizandi nomen suum deunt, & diu abstinentia vini, & carum, ac manus impositione crebra examinati Baptismum percipiunt.* Verba sunt Concilii IV. Carthaginensis anni cccxxviii. Can. lxxxv. cui concinit S. Augustinus in citato Libro, *De Fide, & operibus*, Capite vi. ubi ita scribit: *Sine dubio non admittebantur, si per ipsos dies, quibus eandem gratiam percipiunt, suis nominibus datis, abstinentia, jejuniis, exorcismisque purgantur, cum suis legitimis, & veris axoribus se concubitueros, atque hujus rei alio tempore licita, paucis ipsis solemnibus diebus nullam continentiam servaturos præferentur.* Esse hanc disciplinam, S. Augustini, & Concilii IV. Carthaginensis ætate antiquiorem, patet ex testimonio Tertulliani, qui in Libro, *De Baptismo*, Cap. xx. recensens dispositiones, quas Baptismati recipiendo suo ævo, idest, Sæculo Christi II. a Catechumenis Ecclesiæ prærequirerebat, ita plane inquit: *Ingressuros Baptismum, orationibus crebris, & jejuniis, peniculationibus, & percussibus orare oportet, & cum confessione omnium retræ delictorum.*

X. Inter alia itaque Catechumenorum ad Sacrum Lavacrum se preparantium exercitia, singulare fuit illud confitendi peccata, ut ex citato mox Tertulliani testimonio liquet, cui accedunt Eusebius, & Socrates, quorum primas Lib. IV. *De Vita Constantiniana*, Cap. LXXI. ordinem Baptismi illius describens, sic loquitur: *Hec cum se-*

niam a Deo supplex poposcit, peccata sua confitens in Martyrio, quo in loco manuum impositionem cum solemnibus precatione primum meruit accipere. Alter vero Lib. v. *Historia Ecclesiastica*, Cap. xviii. agens de Serapidis Templi subversione, dicit, quod tunc temporis multo plures ad Christianam Religionem se constulerant, & peccata sua confitentes, Baptismum Christi susceperunt. Hinc Pelagiæ meretricis ad S. Nonni Episcopi pedes prostratæ, & Baptismum enixe postulanti dixit Romana Diaconissa: *Surge filia, ut exorcizeris; dixitque et, confitere omnia peccata tua, ut legere est apud Sarium die viii. Octobris in ejusdem S. Pelagiæ Vita.* Addi & his possent varia in hac disciplina veterum Patrum loca, sed ut alios omittam, disciplinam ipsam confirmat S. Gregorius Nazianzenus in Oratione in Sanctum Lavacrum, in qua ad baptizandos sic inquit: *Ne dedigneris tuum prodere peccatum, cum scias quemadmodum Joannes baptizabat, ut confessione præsentis futuram evadere possis.*

XI. Quamquam vtro servata hæc olim fuerit disciplina, ut Baptismo adultorum Confessio peccatorum præmitteretur, fateri nihilominus cogimur, eam minime necessariam fuisse; cum certum illud omnino sit, solo Baptismo cujuslibet peccati culpam deleri. Id enim constat ex Sacra Scriptura; nam Capite II. Actuum Apostolorum Petrus ait: *Baptizetur unusquisque vestrum in remissione peccatorum.* In Epistola quoque Pauli ad Ephesios, Cap. v. Christus per Baptismum Ecclesiam mundare dicitur: *Mundans eam lavacro aquæ in verbo vite.* Idipsum docent passim & Patres, inter quos S. Augustinus Lib. III. *De Symbolo ad Catechumenos*, Cap. x. sic ait: *Omnia præterea delicta delet Sanctum Baptisma, originalia, & propria, dicta, facta, comitata, incognita, omnia dimittunt.* Atque hæc est quidem Ecclesiæ traditio, cui subscribit S. Hieronymus in Epistola LXXXIII. ad Oceanum, ubi ita loquitur: *Omnia scorta, & publicæ collaborationis sordes, impietas in Deum, parricidia, & incestus in parentes, atque in extraordinarios tolerantes, utriusque sexus mutata natura, Christi Fonte purgantur.* Sed supervacaneum est in re tam certa alios Patres referre, quorum loca videri apud Theologos possunt de Baptismo agentes.

XII. Sed ut de præparatione adultorum ad Baptismum, præter superius dicta, alia quædam nunc adnotemus, illud profecto sciendum, datis Catechumenos nominibus, nihil aliud cogitasse, quam ut variis pietatis operibus, durisque, ac sedulis pœnitentiæ exercitiis, ad recipiendam novæ in Christo natiuitatis gratiam se se præpararent. Audiendus S. Cyrillus, qui sub finem primæ Catacheseos ita Catechumenos alloquitur: *Tot annorum circuitus transieisti, mundo frustra operam navans, & quod agenda diebus non vocabis pro anima tua? Vacate, & videte, quia Ego sum Deus, dicit Scriptura Divina. Otiosa loqui multa recusa, ac neque ipse detrahbas, nec detrahentem alicui audi; sed potius in precationibus assiduus esto. Monstra in exercitio cordis tui quod erat oculorum; munda cor tuum, ut gratiam capias ampliore.* Tum paulo post: *Certamen sustineas pro tua ipsius anima, bis præstentibus diebus. Sarris letitiamque animam tuam recita.* Quæ potissimum essent eorum exercitia, qui se ad Sanctum Baptismum accipiendum accingerent, jam supra ex Tertulliano retulimus, qui

in citato Libro, *De Baptismo*, Cap. xx. inter alia meminit crebrarum orationum, jejuniorum, geniculatonum &c. Tertulliano concinit S. Gregorius Nazianzenus in memorata Oratione in Sanctum Lavacrum, ubi baptizandum his verbis instruit: *Bona tibi erunt auxilia ad ea, quae desideras, consequenda, vigilae, jejunia, humi dormitio, orationes, lacrymae, aramina, indigentiam opitatio.*

XIII. Neque vero una eademque in omnibus Ecclesiis exiit disciplina circa eos, qui ad Catechumenatum admissi, in scelera labebantur. Apud Hispanos habente Saeculo III. Catechumeno delatori non nisi peracto in Catechumenatu quinquennio, Baptismus conferebatur: *Si Catechumenus delator fuerit, post quinquennium admittatur ad Baptismum.* Ita plane statuit Concilium Iliberritanum, Can. lxxxi. Si duplicatum esset flagitium, Catechumenus non nisi in vite exitu Baptismo donabatur juxta ejusdem Concilii Sanelionem Can. lxxviii. *Catechumenus si per adultarium conceperit, & conceptum necaverit, placuit in fine vite baptizari.* In Ecclesiis Orientalibus Competentes, qui graviter deliquerant, in Catechumenorum secundi gradus stationem, Catechumeni vero secundi gradus ad Audientium classem demittebantur. Audientes vero si se fo flagitiis devinxissent, ubi ipso etiam Ecclesiae limite ejiciebantur, seu tanquam ethnici habebantur. Disciplinae hujus testes sunt antiquissimae Synodi in Oriente habitae, inter quas Nicæna I. Oecumenica, Can. xiv. sic ad rem ait: *De Catechumenis, & qui lapsi sunt, visum est sancta, & magna Synodo, ad ii tribus tantum annis Audientes sint, & postea orent cum Catechumenis.* Et Synodus Neocaesariensis Can. v. ex versione Iuliori Mercatoris ita plane habet: *Catechumenus, idest Audient, qui ingreditur Ecclesiam, & stat cum Catechumenis, si peccata visus fuerit, signis genas audiat verbum, at se abstinens ab illo peccato, quod fecit. Ceterum ejectum illum ob scelera Catechumenum, necnon eum, qui fere nunquam Synaxibus se praesentem silebat, in vite exitu donatum misse.* Baptismate, docet nos laudata Synodus Iliberritana, Can. xiv. *Qui aliquando fuerit Catechumenus, & per infinita tempora nunquam ad Ecclesiam accesserit, si eum de Clero quisque cognoverit esse Christianum, aut testes aliqui extiterint fideles, placuit ei Baptismum non negari, eo quod in veterem hominem deliquisse videatur.*

XIV. Sed neque idem temporis spatium singulis Catechumenorum classibus ubique praestitum fuit. Primo enim iis, qui proprie Catechumeni dicuntur, sive qui stant in secundo gradu, Clemens Papa I. sive alius ejus nominis pervertit Auditor, tres menses praefixit: sic enim loquitur Epistola III. *Signis fidelis voluerit existere, & baptizari... det nomen suum... jejuniis frequentibus operam impendat, ac se ipsam in omnibus probet, ut tribus mensibus jam consummatis, in die festo possit baptizari.* Concilium Iliberritanum Can. xlii. ab iis hominibus, qui in gentilitate honestis praediti fuere moribus, expetit biennium: *Eos, qui ad primum credulitatis fidem accesserunt, si bona fuerint conversationis, intra biennii tempus placuit ad Baptismi gratiam admitti debere.* Synodus Agathensis anni DVI. Judaeos per octo menses in Catechumenatu probari praecipit Can. xxxiv. *Judaeis, si ad Legem*

Catholicam venire voluerint, octo menses inter Catechumenos Ecclesiae sinem introeant. At vero Concilium Generale Nicænum I. Episcoporum prudentia commisit temporis spatium, quo in unoquoque gradu Catechumeni stare debent; voluit nimis, ut pro Catechumenorum, tum in edificanda Fide, tum in probanda penitentia, segnitie, aut diligentiae, vel in longius spatium protraheretur, vel contraheretur ad brevius.

XV. Ad Catechumenos Competentes quod attinet, tum Graeci, tum Latini Patres, illorum stationem quadraginta diebus concludere consueverunt. Audiendus primum S. Cyrillus, qui in Praefatione ad Mystagogicas Catecheses sic inquit: *Tempus praescriptum tibi multum, quadraginta dierum penitentiam habes.* Latini moris testis est S. Augustinus in Sermone xliii. ad Neophitos, ubi haec habet: *Per octavam Quadragesimae vacaverunt, Competentes scilicet, Orationibus, & jejuniis, in saeco, & clivae dormierunt, futuram vitam peccatorum suorum confessionis quaerentes.* Testis quoque Siricius Papa in Epistola sua Decretalis ad Himerium Episcopum Tarraconensem ita scribens Capite II. *Generalia Baptismatis tradi convenit Sacramenta his demtaxat electis, qui ante quadragesimam, vel eo amplius dies nomen dederint, & exoreismis, quotidianisque orationibus, atque jejuniis fuerint expiati. Quo spectaret servata quondam, atque explicata hucusque in Catechumenos disciplina, duae sunt praecipuae rationes. Prima est, voluisse Patres sibi consultum, ne gravi se devincerent sacrilegio, si peccata adhuc amantibus, parumque in Christiana Religione instructis Baptismum, conferrent. Patet, id quidem ex Tertulliano in Libro, *De Baptismo*, Cap. xviii. sic ajente: *Ceterum Baptismum non temere credendum esse sciat, quorum officium est.* Omni peccanti te dato; sum habet titulum perinde ad eleemosynam pertinentem. Immo illud potius perspicendum: *Nolite dare Sanctum canibus, & porcis projicere margaritas vestras; & manus ne facile imposeritis, ne participet aliena delicta.* Alludit ad ea, quae leguntur Lucæ vi. Matthæi vii. & I. Timoth. v. Secundo prospectum voluere Majores nostri baptizandorum salutem, quos quis aperto secleri exponit, cum nequaquam probatis sanctissima mysteria elargitur.*

XVI. Reliquum est ut explicemus, quo tandem Saeculo recensita haecenus circa baptizandos disciplina mutari coeperit. Et dico equidem eruditorum Scriptorum sententiam sequens, circa Saeculum vi. disciplinæ illius mutationem incepisse. Tunc enim temporis ad pauciores dies Competentium Statio contraxa fuit; a tertie enim hebdomadae Quadragesimalis Feria quarta dicebat initium; et quæ fuit causa, cur eam Feriam Majores vocari, ut ex antiquis Sacramentorum Codicibus, & Synodis liquet, tempus primi Scrutini vocaverint. Septies autem collecta fuisse suffragia, proindeque septem extitisse Scrutinia, Patrum traditione docemur. Quæ tertia, & septima vice celebrabantur, praecipuum tenebant locum. Illud, seu tertium, hebdomadae quartæ Feria quarta habebatur; illud vero, nempe septimum Sabbato Sancto celebrari consueverat. Illud maximum, & solemne, illud autem minus solemne ideo dicebatur, quod in tertio, non autem in septimo, praeter rursus, qui in aliis Scrutiniis peragebatur, (exorcismos di-

R co,

co, exufflationes, fufas a Ministris preces) magno cum apparatu, Symbolum, & Oratio Dominica baptizandis traderebantur.

XVII. Quoniam vero Scrutinium hic mentio habita est, ut nihil antiquorum rituum prætereamus, qui fieri olim soliti fuere in Baptismi adultorum susceptione, agendum quoque de illis in præfenti censuimus. Scrutinium, ut explicat Magnus Senonensis Archiepiscopus in Libello, *De Myfterio Baptismatis*, iussu Caroli Magni edito, dicitur inquisitio, eo quod per illas exploraret, qualiter Fides Catholica in eorum cordibus retineatur; seu aliter a scrutando dicitur scrutinium, quia tunc scrutandi sunt Catechumeni, si rectam iam noviter Fidem Symboli ei traditam firmiter teneant. Teste Martene Libro I. Cap. I. Articulo XI. Scrutiniolorum nomine vocabatur tota illa ætio, que certis in Quadragesime diebus super Catechumenis, & Competentibus celebrabatur, totaque erat in precibus, exorcismis, traditione, & redditione Symboli, Orationisque Dominice. Dicta etiam fuisse Scrutinia, eo quod ibi scrutarentur corda credentium, & dubitantium, a Sacerdotibus, ut intellexerent, quis ad Baptismum iam rite admitteretur, quis adhuc differretur, docet quidem Leidradus in Libro, *De Baptismo*, Cap. I. Et recte admodum, nam, ut ait Theodulphus Aurelianensis Episcopus in Libro, *De Baptismo*, Capite VIII. qui illius sunt etatis, ut rationem credulitatis sue reddere possint, diligenti examine scrutandi sunt, utrum veraciter credant, an alienius falsitatis in eis macula celetur, nedum aut timore, aut favore terrenarum Potestatum, aut acquisitione quarundam rerum, ad Baptismi Sacramentum, ignorantibus Ministris Ecclesie, perueniant, tradatur Sanctum canibus, & margarite mittantur ante porcos, & lupi ovium pelle vestiantur.

XVIII. Scrutinia in sola Romana Ecclesia, aut in Ecclesiis, que ritus Romanos sequuntur, celebrata esse, contendit Iosephus Vicecomes Lib. III. *De Baptismi ritibus*, Capite XXI. At scite observat memoratus Martene, suæ ipsius Ecclesie Mediolanensis obliuam fuisse Vicecomitem. Nam Mediolanensis, ut & Africana, Hispanica, Gallica, atque etiam Græca, que proprium olim, non Romanum Ordinem, observabant, suæ quæque habuere Scrutinia. De Mediolanensi testem locupletissimum habemus Sanctum Ambrosium in Libro, *De Myfteriis*, Capite I. ubi sic loquitur: *Aperite igitur aures, & bonum odorem vite atene inbalatum vobis munere Sacramentorum capite, ut vobis significaverimus, cum apertione celebrantes mysteriorum, diceremus, Epheta, quod est adaperire, ut venturus unusquisque ad gratiam, quid interrogaretur, cognosceret, quid responderet, memorasse deberet.* Quibus veris sollemnissimum omnium Scrutinium, quod dicitur, in apertione auriæ, designat. De Africana non minus constat, tum ex Concilio IV. Carthaginensi, Canone LXXXV. quod decernitur, ut baptizandi datis nominibus, crebra manus impositione examinati baptizentur; tum ex illis S. Augustini verbis in Libro, *De Fide, & Operibus*, inscripto: *Quales sint ipsi diebus, quibus catechizantur, exorcizantur, scrutantur.* De Hispanica testis est Synodus Bracharensis III. anni DLXXII. Can. IX. quod decernitur, ut mediante Quadragesima ex

diebus viginti baptizandos infantes ad exorcismi purgationem offerant. Ad Gallicanam Ecclesiam quod spectat, quam inter alias egisse Scrutinia negat Vicecomes, nullum dubitandi locum permittit vetus Missale Gallicanum, ejus Caput IX. inscriptum est, *Ad faciendum Scrutinium.* Quod denique etiam in Ecclesia Græca in usu fuerint Scrutinia ante Baptismum, ex Cyrillo Hierosolymitano colligi potest.

XIX. Porro Vicecomitem de cepit Concilii Moguntini Canon IX. in quo hæc legantur: *Sacramenta atque Baptismi volumus, ut concorditer, atque uniformiter secundum Romanum Ordinem inter nos celebrentur igitur, atque conserventur, idest Scrutinium ad ordinem Baptismatis, sicut in Decretis Leonis Papæ, in duobus continentur Capitulis.* Idem quoque præcipit Lib. V. Capitularium Regum Francorum, Capite CCCXXI. eaque verba perperam Vicecomes accepit, quasi tunc primum instituta essent Scrutinia. Verum ut recte observat Martene loco citato, num. II. Concilium ipsum Moguntinum, non dicit simpliciter, ut celebrentur deinceps Scrutinia, sed ut secundum Ordinem Romanum celebrentur, quia antea fiebant secundum Ordinem Gallicanum, qui paulo ante abrogatus fuerat a Gallis. Sed nec præcipit Concilium, ut instituantur, sed ut conserventur Scrutinia, quæ proinde jam instituta erant. Ceterum quod in Gallia celebrarentur Scrutinia, præter laudatum superius locum veteris Missalis Gallicani, constat etiam ex variis Sacramentorum Libris Ecclesie Gallicanæ, de quibus infra opportuniore loco dicemus.

XX. Scrutinia in Ecclesia Romana septem in Quadragesima celebrata fuisse, consentiant quotquot de ritibus Baptismi scripterunt Auctores. De diebus vero, quibus ea iniiri consueverint, ita differit laudatus Vicecomes Lib. III. *De Baptismi ritibus*, Cap. XXI. *Hæc ex probatis Authoribus certi habeo, primum quarta die hebdomadae tertia, secundum Sabbato ejusdem hebdomadae, tertium quarto sequenti, & septimum quoque inter Christum patientem, & reditum inter seculum est, communis Ecclesie consuetudine facta fuisse.* Reliqua, quartum, quintum, & sextum, nullum tempus certum, sed variis Episcopi arbitrata habuerunt. At vero notat Martene citato loco, num. III. in Ordine Romano videri duo prima Scrutinia in tertia hebdomada Quadragesimæ facta, scilicet Feria quarta, & Sabbato, tertium Feria quarta hebdomadae quartæ, quartum, & quintum hebdomadae quintæ, sextum, & septimum sexta. In antiquis autem Libris Sacramentorum Gelloniensis Monasterii, & Noviomensis Ecclesie annorum circiter mille, septimum Feria quarta ultimæ hebdomadae consignatur, in quibus primum, uti & in Ponticali Juvavensi, five Salisburgensi, in quo Ordo Romanus vulgustis continetur, notatur Feria secundæ hebdomadae tertiæ. Sane Guillelmus Durandus Lib. VI. Rationalis Divinorum Officiorum, Cap. LVI. sua singulis diebus assignat Scrutinia hoc modo: *Fiebant enim in primitiva Ecclesia septem Scrutinia, duo scilicet in quarta Feria, & Sabbato tertiæ hebdomadae, & duo in hac quarta Feria, & Sabbato bajus quartæ hebdomadae, & duo in quarta Feria, & Sabbato quintæ hebdomadae, & unum in quarta Feria ultimæ hebdomadae, in quibus adulti, qui venturi erant ad Ba,*

Baptismum, docebantur Orationem Dominicam, & Symbolum, ut in sequenti tunc Sabbato, in quo baptizandi erant, utrumque ante Baptismum facerent. Adhibita etiam fuisse ipsa Scrutinia in Baptismo celebrari solito in Vigilia Pentecostes, sed tria tamen, quorum primum septimo ante Pentecosten die, secundum in sequenti Feria quinta, tertium Sabbato perageretur, ostendit idem Martene citato loco.

XXI. Quamdiu demum in Ecclesia Latina, perseveraverint Scrutinia, non satis constat. Josephus Vicecomes Libro 111. Cap. xxvi. ea defuisse circa annum dcccix. existimat, adductus auctoritate, siue potius loquendi modo Ruperti Abbatis Tuitiensis, & Hugonis Viſtorini, qui de Scrutiniis tanquam de cæremonia, quæ olim fiebat, meminere. Sed hi nimis remoti sunt testes ab anno dcccix. qui eccirco minime persuadere possunt, tam cito defuisse Scrutinia. Quid quod Guillelmus Durandus, qui diu post & Rupertum, & Hugonem vixit, non solum Ecclesiam Italianam Scrutiniis solemnitate observasse asserit, sed quasdam alias etiam Ecclesias? De sinceritate Durandi dubitare quidem videtur Vicecomes; sed recte notat Martene citato loco, num. iv. tantam non esse ejus suspitionis auctoritatem, qui viro doctissimo Durando, & in ritibus Ecclesiasticis veratissimo fidem omnem abroget, maxime cum hanc gloriam sibi hæcenus retinere insignis Ecclesie Viennensis in Gallia, quæ hodie quoque solemnissimum omnium Scrutinium, quod in *apertione animum* dicitur, observat.

XXII. Præfixa itaque, probatque disciplina Ecclesie inhaerit haud dubio Rituale Romanum, ubi in hoc §. 1. de Baptismo adutorum statuit, ut *quis adultus sit baptizandus, debeat prius secundum Apostolicam regulam in Christiana Fide, ac sanctis moribus diligenter instrui, & per aliquot dies in operibus pietatis exerceri, ejusque voluntas, & propositum sapius explorari, & non nisi sciens, & volens, probeque instructus baptizari.* Atque hic oïta duos præcipuas dispositiones, quæ in adultis requiruntur ad valide, ac legitime suscipiendum Baptismum, gratiam, nempe cum characterem, Prima est consensus, qui non debet esse necessario actualis, & expressus, sed sufficit virtualis; aut interpretativus, oïmpe quod qui vult baptizari, habuerit voluntatem æqualem suscipiendi Baptismum, eamque non revocaverit, ut docet Innocentius Papa III. in Capite, *Mayores, de Baptismo.* Atque hoc spectat, quod ait Tridentini Concilii Catechismus Parte II. *De Baptismi Sacramento, num. xxxviii. Docendum præterea, & populo explicandum erit, quomodo affecti esse debent, qui baptizandi sunt. In primis itaque opor est, ut velint, propositumque illis sit Baptismum suscipere. Nam cum nunquam in Baptismo peccato moriantur, & novam vivendi rationem, & disciplinam suscipiat, æquum est non invito cuiquam, aut recusanti, sed illis tantum, qui sponte sua, & libenti animo accipiunt, Baptismum præberi.* Aditque mox: *Quare ex sancta traditione semper servatum animadvertimus, ut nemini Baptismus ministraretur, nisi prius interrogatus fuerit, an velit baptizari.* Sed nec omittendum quod subdit: *Nec vero in pueris quoque infantibus cum voluntate deesse, existimandum est, cum Ecclesie voluntas, quæ pro illis spondet, obscura esse non possit.* Atque hæc sunt, quæ & Theologi docent.

Tom. I.

XXIII. Secunda dispositio necessaria, est Fides, & notitia principalium mysteriorum Christianæ Religionis, juxta ill., quod dicitur Marci Cap. ultimo: *Qui crediderit, & baptizatus fuerit, salvus erit.* Atque hinc est, quod hic noster §. Patrum doctrinam, & antiquam Ecclesie præxim sequutus, recte statuit, ut adultus non oïsi probe instructus, in Christiana scilicet Fide, ac sanctis moribus, debeat baptizari. Quamobrem jure ac merito duo religiosissimi ac doctissimi elapsi proxime sæculi Præsules Franciscus Episcopus Helipollitanus, & Petrus Episcopus Berlyensis, qui in Turchini, & Cochinchinæ Regnis incredibili cum fructu Christum annuntiarunt, in quibusdam suis Instructionibus, quas Joannes Bona Cardinalis jussu Sacræ Congregationis recensens, Apostolico spiritu scripta fuisse testatur, de Missionariis quibusdam conqueruntur, qui ut de numero a se baptizatorum potius, quam de virtute gloriarentur, obvium quemque, & sine ullo fere delecto, modo Baptismum peteret, sacro lavaero abluebant: *Longe absunt, inquit, a pla illa, & tam necessaria antiquorum sollicitudine quidam Indiarum Operarii, qui obvios quosque, ex explorata illorum voluntate, nunquam altera instructione contenti, Sacro Baptismi Fonte abluunt.*

XXIV. Ergo in ipsis Instructionibus, quas legere est apud Juvenium, *De Sacramentis, Dissertatione II. Quæstione vii. Cap. II. Articulo 111. zelo & doctrina celebres illi Episcopi declarant primo, notabilem temporis moram, quadraginta nempe dierum spatium instruendis, formandisque Catechumenis necessariam esse: *Quamobrem, ajunt, etsi hodie Sacerdotibus committatur judicium de Catechumenorum eruditione, aliisque necessariis conditionibus, adeoque & de tempore Catechismi ferendum, ut iis sanctum Baptisma conferatur; tællis tamen, & securus nobis ipsam est cum Patribus, & Conciliis, Catechismi tempus, non breviori, quam quadraginta dierum spatio vulgo definire, nec alius ad Baptismum admittendor esse, nisi qui ante quadraginta dies nomen dederint; cum etiam experientia, quæ sacris Canonibus consonat, satis notum sit, disturniorem moram esse pernitentem, tum ad retinendam in Christiana Fide perseverantiam; atque adeo hæc in re habenda erit ratio venientium ad Fidem; qui enim landatam antea vitam duxerint, ferentque præ se docilitatem, atque pietatem, prædicti temporis insistentia eis sufficit, ac interdum brevior, si tamen antea sat bene insistenti sint, & quod rarissime contingit, urgentissima necessitas postulat. Diatius probari debent rudiores, & obtaforis, tardiorisque ingenii, servi, & qui temporalis pena vitanda gratia, Fidem videntur amplecti velle, aut sperant aliquid lucri, aut commodi, se consequuturos ex eo, quod Christiani fiant; si denique, quilibet, & inconstanti animi fœva aliqua dederint.**

XXV. Declarant II. Missionarios, qui passim, & ordinarie tempus illud præoccupant, nomini Christiano, & animarum saluti occurrere, quammaxime: *Incredibile, inquit, dictum est, quantum in eorum numerandis multis a se baptizatis cura, in excolendis incuria, & segnitie, delecto nimio credulitas, præmaturo Baptismi administratione offecerint Fidei, bene, ut par est, stabilienda, necnon etiam Nomini Christiano. Enim vero comprobatum est experientia,*

R 2

Chri-

Christianos peiores non inveniri, quam qui ante competentem instructionem ad Baptismum admissi sunt; quippe qua facilitate Christi nomen deederunt, eadem ut plurimum nuntium ei remittunt; & videre est aliquos, qui & Christianorum simul, & Idolorum Tempia solent frequentare; quodque miserabilis est, deteriores multo sunt, quam ante Baptismum, & correctionis omnino inopiantes.

XXVI. Declarant III. nullis quantumvis Mysteria Fidei edoctis Baptismum conferendum esse, ut ut ardentius totis Catechumeni Baptismum expectent, & praequisitis institutionibus sint eruditi, his tamen Sacramentum hoc, Baptismi scilicet, Missonarum prius non concedant, quia pertentata illius desiderii efficacia, compaverint, eos Idola foras eiecisse, atque detestari; Gentilium superstitiones procul ablegasse, & quacunque diabolica officina proderat sacrilegia, & cetera id genus protraxisse; non retenta uxore, alias domo expulisse, omnes inimicitias ex animo deposuisse, pro illatis iniuriis, quantum licuit, satisfecisse, acquisita iniuste, vel dominis iniunctis retenta resistisse.

XXVII. Declarant IV. Catechumenis, quantumvis emendationem vitæ spondeant, non habendam esse fidem, nec Baptismi Sacramentum ministrari debere, nisi ante illius susceptionem pietatis operibus, ut noster §. ait, & non verbis tantum suam emendationem probaverint: Sicut a Sacro Baptismatis Fonte rejiciendi sunt, qui vitii, ac peccatis obstatine adhaerent; ita proci ab eo expellendi, qui solius interioris conversionis signa operibus dare, cum inde pateat, lasciviam peccati amore voluntatem adhaerere; neque admittendi etiam illi erunt, qui quod a se exigitur iure, possantque praestare au-

te Baptismi susceptionem, nonnisi eo suscepto, effecturos se spondent, nequa iis infusi amaritudinis radix; nimirum dornis Missonarum experientia, in infidelium Regnis Catechumenos ex Baptismi desiderio multo polliteri, quæ nisi ante Baptismum impleant, nunquam postea mandant executioni.

XXVIII. Declarant V. nullam habendam esse rationem nonnullorum, qui de Baptismatis dilatione conquirentur, quasi propter inopinatos casus, Catechumenos morti, atque proinde damnationi æternæ exponat. Confirmant suam doctrinam ex Catechismo Romano, Parte II. De Baptismi Sacramento, num. xxxv. docente ob vitæ incertitudinem, & quotidie mortis pericula, necessarias Catechumenorum instructioni moras non esse praescindendas: Neque enim ea dilatio periculum, quod quidem præter jam imminere diximus, conjungit habet, cum illis, qui rationis usui præditi sunt, Baptismum suscipiendi propositum, atque consilium, & male autem vitæ penitentia satis intra se ad gratiam, & iustitiam, si repentinus aliquis casus impediatur, quo minus salvari aqua ablu possunt; contra vero hæc dilatio aliquas videtur utilitates afferre; primum enim, quoniam ab Hæresibus diligenter providendum est, nequis ad hoc Sacramentum fidei, & simulato animo accedat, eorum voluntas, qui Baptismum petunt, magis exploratur, atque perspicitur; cuius rei causa in antiquis Conciliis decretum legimus, ut qui ex Judæis ad Fidem Catholicam veniant, antequam Baptismi illis administraretur, aliquot menses inter Catechumenos essent. Deinde in Fidei doctrina, quam profiteri debent, & Christianæ vitæ institutionibus erudiantur, perfectius. Præterea major Religionis cultus Sacramento tribuitur, si constitutis tantum Pascha, & Pentecostes diebus solemniter ceremonia Baptismi suscipiant. Placuit laudatorum Præfatum Instructiones describere, ut hic noster §. magis magisque explicaretur.

§. II.

At vero si quis, dum instruitur, in mortis periculum incidat, baptizarique voluerit, habita ratione periculi, vel necessitatis, baptizetur.

COMMENTARIUS.

I. **C**atechumenis de vita periclitantibus, quamvis præfinitum cuique statim tempus non explevisset, Baptismatis Sacramento prospectum fuisse, docet S. Cyprianus in Epistola xi. ad Clerum de lapsis, & Catechumenis, ne vacui exeant, scripta, ubi sic inquit: *Audientibus etiam, si qui fuerint periculo præventi, & in exitu constituti, vigilantia ecclesie non destit.* Huc facit Canon xi. Concilii Illebritanici, sic dicens: *Intra quinquennium autem tempora Catechumena si quovis fuerit infirmata, dandum ei Baptismum placuit, non denegari.* Eosdem Catechumenos, etiam si præ subita morte obmutescerent, Baptismate esse donandos, tradit S. Augustinus in Libro, De adulterinis coniugiis, Cap. xxv. ubi ita scribit: *Catechumenus ergo in huius vitæ ultimo constitutus, si morbo, seu casu aliquo sit oppressi fuerit, ut quomvis adhuc vivens, si petere sub tamen Baptismum, vel*

ad interrogata respondere non possint, propter eis, quomodo in Fide Christiana jam nota voluntas est, ut eo modo baptizentur, quomodo baptizantur infantes, quorum voluntas nulla adhuc patuit. Is quoque Catechumenus, qui deditam sceleribus vitam duxerat usque ad subitum morbum, cuius causa, & vocis, & rationis usum amiserant, recte dari Baptismum, ex eodem Angustino addiscimus, qui in citato Libro, Capite. xxviii. sic inquit: *Sed nisi sermo noster ad hoc potius elaudatur, ad quod sumptis exordium, ego non solum alios Catechumenos, verum etiam ipsos, qui viventium coniugiis copulati, retinent adulterina consortia, cum sacro corpore in his permanentes non admittimus ad Baptismum, tamen si desperati, & intra se penitentes jecerint, nec pro se respondere petuerint, baptizandos putare, ne etiam hoc peccatum cum ceteris lavando regenerationis ablueretur.*

II. Suam hanc sententiam confirmat mox S. Doctor hac ratione: *Quis enim novit, utrum fortassis adulterina carnis illecebra usque ad Baptismum statuerat detineri... Quæ autem Baptismatis eadem reconciliationis est causa, si forte penitentem finienda vitæ periculum præoccupaverit. Nec ipsos enim ex hac vitæ sine ardua sua pacis exire velle, debet Mater Ecclesia. Præoccupat deinde Augustinus argumentum, quod Ministrorum mentem subire potest, fieri nimirum posse, ut Catechomenus, de quo est questio, Baptismum tunc interius velit: Sed, ait Capite xxvi. non solum incredibile est, nec in fine vitæ hujus baptizari Catechumenum velle, verum, etiam si voluntas ejus incerta est, multo satius est volenti dare, quam volenti negare; ubi velis, non nolit, si non apparet, & tamen credibilis sit, eum, si possit, velle se potius diclarum ea Sacramenta percipere, sine quibus jam credidit non se oportere de corpore exire. Alteri argumento, quod petitur ex Divino mandato, qui Ministri sanctum canibus elargiri prohibentur, sic ibidem occurrit, Si autem Dominus, ubi ait: Nolite dare Sanctum canibus; hoc quod isti eveniendum putant, vellet intelligi, non ipse suo traditori dedisset, quod in suam ille perniciem, sine culpa dantis, eum dignis indignus accepit. Unde cum hoc diceret Dominus, credendum est, significare voluisse, quod lævæ intelligentiæ spiritualis immunda corda non portant; & si portanda Doctor ingesserit, que non recte accipiant, quia non capiunt, vel reprehensionis moribus læcerant, vel contumendo contineant.*

III. Nihil apertius proferri potest, quo præbatur, Augustinum censuisse Catechumenum usque ad extremam vitæ periodum vitæ deditum Baptismate donandum esse, etiam si tunc, nec signo, nec voce Sacramentum expectare valeat. Sed tamen hic observatum velim, quod scite notavit Iuvenius in Opere, De Sacramentis, Dissertatione II, Questione v. 11. Cap. II. Articulo II. nempe Sanctum Doctorem pro innata sibi modestia eos Ministros non dammare, qui praxim contrariam sequuti fuerint: Sic enim scribit citato Capite xxvi. *Non tamen propterea dammare debemus eos, qui timidius agunt, quam nobis videtur agi oportere, ne de penuria consensu credita improbus, quam entius judicare voluisse judicemur. Satis quippe in talibus respiciendum est illud Apostoli, ubi dicit: Unusquisque nostrum pro se rationem reddet Deo. Non ergo amplius invicem judicemur. Sunt enim qui vel in bis, vel etiam in aliis observandam putant, quod dixisse Dominum legimus: Nolite Sanctum dare canibus, neque proficere margaritæ vestras ante porcos. Et ista Salvatoris verba referentes baptizare non audent eos, qui pro se respondere negaverint, ne forte contrarium gerant voluntatis arbitrium.*

IV. Ethicoa etiam, qui nunquam Catechumeni fuerant, sed tantum in mortis lectulo, aliquo se teneri Baptismatis desiderio, vel per se, vel per testes protestabantur, initiari solitos fuisse hoc Sacramento, docent Patres Concilii I. Arelatenensis anni cccxiv. Can. vi. *De his, qui in infirmitate credere voluit, placuit his debere munus imponi, id est dari Confirmationem, & a fortiori Baptismum, qui cæteris omnibus Sacramenta præsupponitur, ut recte observat memoratus Iuvenius loco citato, ubi etiam hanc diffi-*

plnam roborat præclarissimo Siricii Papæ testimonio, qui in Epistola 1. ad Hilmerium Tarraconensem Episcopum Capite II. ita scribit: *Quæcumque etiam in discrimen non fragii, hostilitatis incursam, obsidionis ambiguum, vel ejusmodi corporalis aggritudinis desperationem incidunt, & sibi amico credulitatis auxilio popescerint subocurrere, eodem, quo possunt, momento temporis, expetita regenerationis præmia consequantur. Idem dicendum de energumenis, qui licet, si sani essent, non baptizarentur, nisi cum aliquibus lucidis intervallis sibi permitteretur, infirmi tamen baptizari solebant, etiam si rationis usu non fruerentur. Statuit id quidem Concilium Illiberitanum Can. xxxv. 11. Eos, inquit, qui ab immandis spiritibus vexantur, si in fine mortis fuerint constituti, baptizari placet. Idem pariter in Synodo Arausicano 1. anni cxxii. Can. xv. statuitur: *Exergumenis Catechumenis, quantum vel necessitas exegerit, vel opportunitas permisit, de Baptismo consulendum.**

V. Patet itaque ex hæcenus dictis, nemini unquam negatum fuisse Baptisma, si in ultima vitæ periodo constitutus illud petisset, five aliquando fuisset Catechumenus, five non fuisset, five propria voce, aut signo, five aliorum testimonio illud efflagitasset, five probis moribus se se commendasset in Catechumenatu, five usque ad mortuum, præ ejus iniquitate obmutuerat, sceleribus se se dedidisset; & ut ait S. Augustinus superius laudatus, adulterina retinuisse conjugia. Sed forte rogabit quispiam, quidnam causæ fuerit, ut Patres, qui per aliquot sæcula, ut oportunitiori loco ostendimus, in flagitia post Baptismum lapsi, eorum absolutionem, si de eadem sani essent, non curaverant, minime impertierint, Catechumenis autem lapsi in exitu vitæ positis Baptismum administrare non detrectaverint? Responderi potest cum illa communi, ac certa Patrum, & Theologorum doctrina, eam fuisse causam, quod scelera, que Baptismum subsequuntur, illa, que illum præcesserunt, multo sint graviora. Par igitur fuit, ut acerbioræ pœna antiqui Patres in ea animadverterent. Huic responsioni robur addi potest ex Concilio Illiberitano, quod licet malis post Baptismum lapsi, ut in variis ab eo editis Canonibus legere est, etiam in exitu vitæ negandam esse reconciliationem statuerit, ideo tamen præcepit, omnibus omnino dari Baptisma, quod ut ait Canone xiv. *in veterem dominum deliquisse videantur.*

VI. Cæterum eandem praxim conferendi Baptisma in extremis posito, five esset Gentilis, five Judæus, five apostata, five aliquando fuisset Catechumenus, qui, ut inquit citatus Canon xiv. Illiberitanus, *per infirma tempora ad Ecclesiam nunquam accessisset, five non fuisset Catechumenus, modo Baptismum petisset, jam non Catholicis modo, sed etiam hereticis, qui stridorem in peccatoribus jactabant disciplinam, quales fuerunt Montanisti, & Novatiani, amplexi sunt, Baptismum memoratis hominibus conferentes, quamvis aliquando post Baptismum in quædam immania scelera lapsos ab Ecclesiæ Præsulibus reconciliatione donari non posse contenderant. Ex quibus omnibus addicere licet, recte statutum fuisse in nostro §. ut si quis, dum instruitur, in mortis periculum incidat, baptizarique voluerit, habita ratione periculi, vel necessitatis, baptizetur.*

§. III.

Adulterum Baptismus, ubi commodè fieri potest, ad Episcopum deferatur, ut si illi placuerit, ab eo solemniter conferatur, alioquin Parochus ipse baptizet statà cæremonia.

COMMENTARIUS.

I. **F**UÏT olim solos Episcopos ordinarios Ministros Baptismi, jam supra notavimus ex celebri Tertulliani testimonio, qui in Libro, *De Baptismo*, Capite xvi i. sic habet: *Supereſt ad concludendam materiam de observatione quoque dandi, & accipiendi Baptismi commemorare. Dandi quidem habet jus Summus Sacerdos, qui eſt Episcopus; dehinc Presbyteri, & Diaconi, non tamen sine Episcopi auctoritate, propter Ecclesie honorem, quo salvo, salva pax eſt. Longe ante Tertullianum, ejusdem disciplinae testis eſt S. Ignatius Martyr, tertius post S. Petrum Antiochenæ Ecclesie Episcopus ad Smyrnenſes ſcribens, non eſſe licitum sine Episcopo, neque baptizari, neque opes facere. Cui concinit S. Hieronymus in Dialogo adversus Luciferianos, ubi ita inquit: Unde venis, ut sine Episcopo jussione neque Presbyter, neque Diaconus jus habeant baptizandi. Ad solos itaque olim Episcopos jus baptizandi pertinuit, & non nisi de eorum licentia Presbyteris, atque Diaconis concessum fuit Baptismus conferre; extantque in hanc disciplinam innumera exempla, quorum omnium celeberrimum eſt illud Sancti Ambrosii Mediolanensis Episcopi, de quo ita ſcribit in ejus Vita Paulinus: *In rebus etiam Divinis implendis fortissimus labor, in tantum, ut quod implere solitus erat circa baptizandos, quinque postea Episcopi a tempore, quo decessit, vix impleverint.**

II. At vero licet multis ab hinc Sæculis Parochi in suis respectivè Parochiis effecti sint Ordinarii Ministri Baptismi, ut supra docuimus, rectè nihilominus in hoc nostro §. statuitur, ut adulterum Baptismus, ubi commodè fieri potest, ad Episcopum deferatur, ut, si ei placuerit, solemniter conferatur. Sane quod summa circumſpectione, atque præcautione opus sit in conferendo adultis Baptismo, puto equidem Baptismus ipsum adulterum omnino eſſe ad Episcopum deferendum, ob rationes, quas recensent Tridentini Concilii Catechismus Parte II. *De Baptismi Sacramento*, num. xxxvi. & S. Carolus in Concilio Provinciali Mediolanensi v. Constitutionum Parte i. Capite, *Quæ ad Baptismum pertinent*, ubi de adulterum Baptismo loquens, hæc habet: *In iis omnibus Episcopos cum diligens erit, tum magnam in eo curam ponet, ut illis præter doctrinæ Christianæ rudimenta, quæ necessario ſcire debent, admissorum scelerum, & male ælæ vitæ poenitent, tum ut iidem impoſſerim a peccatis omnibus abſtinere ſtatuant. Vix enim ulla alia causa eſſe poteſt, quamobrem qui adulti Baptismum ſuſcipiant, non modo nullam in Christianis virtutibus progressionem faciant, ſed plerumque flagitiis nefariis inſignati, præcipientes ad perniciem, interitumque ruant, præter eam unam, quod non ita, ut par eſſet, afflicti ipſi, nec vero ab aliis exculti, ad tantum Sacramentum accedunt. Peregri Sanctiſſimus Præſul, & ita ſubdit: Quod vero, licet horribile dñu ſit, aliquando*

tamen eveniſſe compertum eſt, aliquem ſcilicet ad turpem quaſum iterum Baptiſmum ſuſcepſiſſe; id ne nunquam porro accidat, Episcopus antequam baptizet, omne diligens ſtadium adhibeat, quo iſtos homines, vel Judæos, vel Turcas, Manroſve, qui Baptiſmum ſibi conferri petierint, plane dignoſcat, de illorumque conditione, ac ſtatu omni, quantum ſleuerit, a probatis viris accipiat teſtimonium obſignatum, idemque exigat omnia.

III. Quamquam autem ob memoratas rationes Episcopi plerumque adultæ ætatis homines baptizare ipſi ſoliti fuerint, idque etiam præſcriptum ſit in variis Synodis, ac in noſtro etiam præſenti §. notanda ſunt tamen illa ejuſdem noſtri §. verba, ubi commodè fieri poteſt; caſus enim dari poteſt, quod Episcopus longe abſit, vel impeditus ſit, vel Sedes etiam Episcopalis vacet, aut aliæ causa extet, ob quas Episcopus Baptiſmum adultis conferre nequeat; nam tunc, ut ait noſter §. Parochus ipſe adultum baptizet ſtatà cæremonia; ea ſcilicet cura, & diligentia, quæ ex Canonum præſcripto, Patrumque doctrina, adhibenda eſt in iis ad Baptiſmum admittendis, qui adultæ, ſeu perfectæ ſunt ætate. Frago, ut ait S. Carolus Parte iv. Actorem Eccleſiæ Mediolanensis, *De Baptismi adminiſtrativo*, Capite, *De Baptismo adulterum*, cum is Baptiſmum petit, ſive Judæus ille ſit, ſive Paganus, ſive alius, primo quaerenda ſunt teſtimonia certa de ejus conditione, anteaſta vita, ſtatique omni, & hominis voluntas diligenter exploranda, utrum ex animo, veraque pietate Baptiſmum petat. Si ita comperiat, per pium, religioſumque virum inquiri debet, utrum priorem vitæ rationem, deferere vere proponat, utrum peccatorum ſuorum poenitent, atque impoſſerim abſtinere ſtatuat. Ad quæ ſi ille rectè pieque animo ſit paratus, tum idoneo, religioſoque viro committendus eſt, a quo per aliquot menſes, niſi juſta, vel neceſſaria causa brevius ſpatium requirat, Fidei doctrina, & Chriſtianæ vitæ institutionibus accurate erudiat, & congrua quoque abſtinentia exerceatur.

IV. Cæterum ubi in Gentili, Judæoque homine adulto ſignum aliquod converſionis cognitum fuerit, iſ ab aliis ſeparandus eſt, & in Domum aliquam Catechumenorum ad id paratum deducendus, ubi diligentius omnia, quæ ſcire Chriſtianum oportet, doceatur, uti ſtatuit S. Carolus in Concilio t. Provinciali Mediolanensi, Capite, *De Judæis*. Quod ſi Domus iſta Catechumenorum propria non extet, poſſet hujusmodi Catechumenus in aliquam Religioſam Domum admitti, ibidemque inſtrui, ut ait Concilium Toletanum iv. anni dcxxxiii. Can. lx. vel tandem apud Parochum, ubi ſcilicet non addit Episcopus, ad quem ea Baptismi adminiſtratio poſſimum pertinet ex præſcripto noſtri §. cui inhærentes Summi ipſi Romani Pontifices, ac præſertim Benedictus XIII. & BENEDICTUS XIV. Romæ non ſemel hujusmodi homines ſolempiter ſalutari la-

vacro abluerunt, ut egomet vidi in variis Urbis Ecclesiis, ac præsertim in Ecclesia S. Marie ad Minervam, ubi laudatus BENEDICTUS XIV,

duos Judæos adolefcentes, marem, ac feminam baptizavit, confirmavique non modo, sed & Sacra Eucharistia refecit, ac Matrimonio junxit,

§. IV.

Decet autem hujusmodi Baptismum ex Apostolico instituto in Sabbato Sancto Paschatis, vel Pentecostes solemniter celebrari,

§. V.

Quare si circa hæc tempora Catechumeni sint baptizandi, in ipsos dies, si nihil impediat, Baptismum deferri convenit.

COMMENTARIUS.

I. Duo potissimum fuisse tempora conferendi quotannis Baptismi, duo nempe Sabbata, quæ Pascha, & Pentecosten immediate præcedunt, jam supra non uno in loco diximus. Veteri quidem Ecclesiæ disciplinæ inherens Benedictus XIII. Pontifex Maximus in suo Romano Concilio anni MDCCXXV. ita plane statuit Tit. XXVI. *Non est Paræborum tantum, quod juxta sacra Canonum statuta, Rituali Romano præscribitur, ut solenni scilicet per eos bis in anno, utroque Sabbato, ante sacratissimum Pascha, & Pentecosten, Baptismalis fontis benedictio perfolvatur, sacramque Baptisma tunc solemniter ministraretur. Speciali id etiam ratione ab Episcopis exigit Cæremoniale. Episcoporum, nempe Cap. II. Lib. XXVI. & nos ipsæ præcipuas velut inter Pontificalis Ordinis actiones commendamus.* Longe ante hanc Synodum in variis Conciliis statutum jam fuit, ut parvulorum recens natorum Baptismus, nisi vitæ periculum illis imminet, ad Sabbata ipsa ante Pascha, & Pentecosten protrahatur. Ita plane inter alia statuerunt Concilia Provincialia, Mediolanense IV. anni MDLXXVI. Parte II. Constitutionum, Capite, *Quæ pertinent ad Sacramentum Baptismi*, Avinionense MDXCIV. Tit. De Sacramento Baptismi, atque Beneventanum XIV. Fr. Vincentii Muræ Ursini Ordinis Prædicatorum, Beneventani Archiepiscopi, qui fuit postea Benedictus Papa XIII. anno MDXCIII. habitum, Titulo XXXVI. De Baptismo, & Confirmatione, Cap. VIII. ubi eam disciplinam instaurat, ob has præcipuas rationes, *tam quia illis diebus Baptismalis fontis aqua consecratur, tam præterea quia Ecclesiæ Orationes in Missæ Sacrificio pro recens baptizatis per octavas perfolvantur.*

II. Ob hæc, aliasque rationes, quæ ex Patribus, & antiquis Synodis afferri possent pro Baptismo in Sabbatis Paschatis, & Pentecostes conferendo, recte admodum statuit noster §. V. quod, *si circa hæc tempora Catechumeni sint baptizandi, in ipsos dies, si nihil impediat, Baptismum deferri convenit.* Cui concinit S. Carolus in Instructionibus, De Baptismi administratione, Capite, De Baptismo adultorum, & Cæremoniale Ambrosianum jussu Cæsaris Montii Cardinalis, & Archiepiscopi Mediolanensis edito, Cap. eodem, his verbis: *Et quoniam dilatio Baptismo adulti convenit pleniusque ad majorem Sacramenti cultum, unum ex statis temporibus Paschatis, & Pentecostes expectari.* Sed notanda illa nostri §. verba, *si nihil impediat*; multi enim dari casus possunt, ut non possit, nec debeat adultorum Baptismus ipsis Paschatis, & Pentecostes temporibus celebrari; vel quia Catechumeni non sunt adhuc instructi, vel quia de vita periclitantur; tunc enim, vel accelerandus est illis Baptismus, vel differendus, uti cautum passim ex Conciliis, & ex Romanis Pontificibus fuit, præsertim vero ex Siricio, ac S. Leone Magno, quorum primus in Epistola ad Himerium Tarracoensem Episcopum diserte ait, *ut his, quibus in qualibet necessitate opus fuerit sacra, unda Baptismatis, omni celeritate succurratur.* Alter vero in Epistola XVI. sic habet: *Ita ad has duas Festivitates convexas, atque cognatas, loquitur de Paschate & Pentecoste, in eo lumen, & in pacis securitate degentium libera vota deferimus, ut in mortis periculo, in obsidione diservimus, in persecutionis angustiis, in timore naufragii, nullo tempore hoc vera salutis prædium denegemus.*

§. VI.

Verum si circa, seu post tempus Pentecostes aliqui conversi fuerint, qui ægre ferant, suum Baptismum in longum tempus differri, & ad illum festinent, instructique, ac rite parati esse noscantur, citius baptizari possunt.

COMMENTARIUS.

I. Quum a Pentecoste ad Pascha longum intercedat spatium temporis, recte ait hic noster §. ut, si circa, seu post tempus Pentecostes aliqui conversi fue-

rint, qui ægre ferant, suum Baptismum in longum tempus differri, & ad illum festinent, instructique, ac rite parati esse noscantur, citius baptizari possunt. Et quidem omni die per annum, *scilicet*

unicuique, vel necessitas fuit, vel voluntas, licitum esse Baptismum suscipere, expresse asserit S. Augustinus in Sermonem vi. in Quadragesima, ejusque sententia favet Innocentius Papa I. in Epistola ad Victricium Rotomagensis Episcopum, Cap. ix. ubi Sacerdotes; & Levitas iccirco ab uxoriibus abstinere debere asserit, quod nec praterat dies, qua vel a Sacrificiis Divinis, vel a Baptismatis officio vacent. Ceterum licet ex superius dictis duo sint præcipua tempora conferendi solemnissimi Baptismi prædicitis adultis, inter alios casus supra enarratos, quibus extra tempora ipsa conferri adultis Baptismus potest, recenseri & ille debet in hoc presenti §. expressus, ubi adultus scilicet Baptismi cupidus, instructus, ac

rite paratus esse noscatur; huc enim spectat quod & Tridentini Concilii Catechismus docet, Parte II. De Baptismi Sacramento, num. xxxviii. sic inquit: Sed interdum tamen Baptismi tempus iusta aliqua, & necessaria de causa differendum non est, veluti si vite periculum instare videatur; ac presertim si illi abluendi sint, qui jam Fidei mysteria plene percepserint; quod quidem Philippus, & Apostolorum Principem scilicet factis constat, cum alter Candacis Regina Eunuchus, alter Cornelium, nulla interposita mora, sed statim ut fide amplecti profecti sunt, baptizavit. Atque id Romæ hodie servatur, ubi Catechumeni, modo instructi sunt, quovis tempore baptizantur.

§. VII.

Catechumenus instructus baptizetur in Ecclesia, seu Baptisterio, Patrinus ei assistat, & ipse Catechumenus ad Sacerdotis interrogationes respondeat, nisi mutus fuerit, aut omnino furdus, vel ignota lingua; quo casu, vel per Patrinum, si illum intelligat, aut alium interpretem, vel nutu consensum explicet suum.

COMMENTARIUS.

I. **Q**Uum ex præscripto hujus Ritualis Romani supra Cap. i. §. xxx. in quem plura nos citu digna notavimus, proprius Baptismi administrandi locus sit Ecclesia, in qua sit fons Baptisma, vel certe Baptisterium prope Ecclesiam; recte admodum hic præsens §. statuit, ut Catechumenus instructus baptizetur in Ecclesia, seu Baptisterio; necessitate scilicet excepta, & nisi illi mortis periculum imminuat, tunc enim in privata domo, & ubicumque reperiretur, baptizari licite posset. Quamvis vero ex ejusdem Romani Ritualis præscripto, citato loco §. xxxv. ab ea lege filii Regum, & magnorum Principum infantibus excipiantur, qui quidem, id ipsis ita depositis, baptizari possunt in eorum Capellis, seu Oratoriis, non puto tamen, idem dicendum de adultis Principibus infidelibus, qui quidem, si ad Christianam Fidem convertantur, debent omnino sacro Lavacro in Ecclesia abluī, ut recte notat Barrufaldus in Commentario ad hunc nostrum §. num. 45. ubi etiam subdit, hoc quod dicimus, intelligendum, quando Baptismus adultorum habeatur in Terris Fidelium; nam alias si in Paganorum locis fieret conversio alicujus ad Fidem, tunc si privim miniftraret Baptismus, optimum consilium erit.

II. Mandat præterea hic noster §. ut in Baptismo adulti, Patrinus ei assistat, & ipse Catechumenus ad Sacerdotis interrogationes respondeat. Idem tradunt Cæremoniale Ambrosianum, & S. Carolus in Instructionibus, De Baptismo adultorum, ubi sic inquit: Interroganti respondeat ipse, non Patrinus; & paulo inferius: Patrinus tamen semper assistat, tanquam qui pro baptizando spondeat. De Patribus, eorumque munis jam supra late differui non uno in loco; esse autem veterem Ecclesiæ disciplinam, stque omnino necessarium, ut adultus baptizandus respondeat ipse ad Sacerdotis interrogationes, constat plane ex Ritualibus Libris passim, ac Synodis, & Sanctis Patribus, inter quos S. Augustinus Lib. iv. De Baptismo, Capite xxiv. relatus in Can. lxxvi. De consecratione, Distinctione iv. expresse ait, alterius professionem haud valere

ei, qui per se respondere potest: Cum pro parvulis, inquit, alii respondent, ut impletur erga eos celebratio Sacramenti, valet atque ad eorum consecrationem, quia ipsi pro se respondere non possunt; at si pro eo, qui respondere potest, alius respondeat, non itidem valet. Ex qua regula illud Evangelii dictum est, nempe Joannis ix. quod omnes, cum legimus, naturaliter mones: statim habet, ipse pro se loquatur.

III. Sed opportune explicanda nunc sunt ea nostri §. verba: Nisi mutus fuerit, aut omnino furdus, vel ignota lingua; quo casu, vel per Patrinum, si illum intelligat, vel alium interpretem, vel nutu consensum explicet suum. De adnoto mutuo, aut furioso, si baptizandus esset, nihil plane statuunt S. Carolus, & Cæremoniale Ambrosianum, sed tantum dicunt, ut Archiepiscopus consulatur. Verum recte ait noster §. respondere tunc posse Patrinum, hæc enim est vetus, & probata a Sacris Canonibus Ecclesiæ disciplina, ut sicut parvuli, ita ægri, furdi, & muti, qui loqui, & audire nequeunt, aliorum fide, & professione baptizentur, uti inter alios docet S. Isidorus Episcopus Hispalensis, Lib. II. De officiis, Cap. xxiv. relatus in Can. lxxviii. De consecratione, Distinctione iv. ubi sic inquit: Parvuli alio proficiente baptizantur, quia adhuc loqui, vel credere nesciunt. Sicut etiam ægri, muti, & furdi, quorum vice alius proficitur, ut pro eis respondeat, dum baptizantur. Idem plane inter alios docet Synodus Provincialis vi. Beneventana anni mcccxxv. Tit. iv. Capite v. Patri, inquit, & muti, & furdi, & ægri, qui plene in Baptismo respondere non possunt, per Patrinum de Fide respondere tenentur. Ceterum ad ignotam linguam adultum quod attinet, hic ex præscripto ejusdem nostri §. vel per Patrinum, si illum intelligat, vel alium interpretem, vel nutu, consensum suum explicare debet. Verum optimum consilium esset, ut hujusmodi homines ignotæ linguæ, quantum fieri potest, in magnis Urbibus baptizentur, potissimum vero Romæ, ubi quorumcumque nationum, & linguarum, quæ sub cælo sunt, interpretes non desunt.

§. VIII.

§. VIII.

Pro hujus autem veneratione Sacramenti, tam Sacerdotem, qui adultos baptizabit, quam ipsos adultos, qui sani sunt, convenit esse jejunos.

§. IX.

Quare non post epulas, aut prandia, sed ante meridiem, nisi ex rationabili causa aliter faciendum esset, eorum Baptisma celebretur.

COMMENTARIUS.

I. **A**ntiquissimus est in Ecclesia ritus in duobus hinc Paragraphis prescriptus, ut nempe, tam Sacerdos, qui adultos baptizat, quam ipsi adulti, qui sani sunt, jejuni Baptismum suscipiant; ideoque non post epulas, & prandia, sed ante meridiem eorum Baptisma celebretur. Diximus jam nos & de eo ritu in superioribus Commentariis, ac nonnulla Patrum, atque Synodorum testimonia ad eum comprobandum adduximus. Celeberrimos plane ejus ritus testis est S. Justinus in Apologia I. pro Christianis ad Antonium Pium Imperatorem, cum. 61. ubi enarrat quomodo Christiani se se coofecerent in Baptismo: *Quemque persuasum habuerint, inquit, & crediderint, vera esse, quae a nobis doceantur, & dicuntur, seque ita vivere posse promiserint, ii precari, & jejunantes, priorem peccatorum veniam a Deo petere docentur, nobis una precantibus, & jejunantibus; deinde eo ducuntur a nobis, ubi aqua est, & eodem regenerationis modo regenerantur, quo & ipsi sumus regenerati.*

II. Cum olim praeterea, uti iterum iterumque dictum est, nonnisi Paschae, Pentecostesque Vigilis, quibus solemne cunctis indictum erat jejunium, Baptisma celebraretur, necesse omnino erat, Episcopos, Presbyterosque, aliosque Baptismi Ministros, jejunos existere. Id quod clarum fit ex Concilio Parisiensi VI. anno Christi MCCCXXXIX. celebrato; nam quomodo congregati illuc jussi Ludovici Pii Imperatoris ex quatuor Provinciis Patres accepissent, plerosque Episcopos, post cibi, & potus perceptionem, per im-

positionem manuum tradere Spiritum Sanctum, posito ob oculos Sanctorum Apostolorum exemplo, laxerunt, ut, *sicut Baptismus, excepta infirmorum causa, non nisi a jejunis celebratur Sacerdotibus, ita etiam traditio Spiritus Sancti.* Idem habet Concilium Melitense apud Gratianum, De consecratione, Distinctione v. & Rotomagensis anni MXXXII. Can. v.

III. Sed ut ad nostra Saecula deveniamus, eandem disciplinam servandam statuunt plures Synodi, inter quas Moguntina anni MDLIX. Canon xvi. ita sancivit: *Ut tanto mysterio debita omnino reverentia exhibeatur, Parochos, & Ecclesiarum Ministros serio monemus, ut ita intra Officia Divina, aut mox post ea peracta, non autem tempore pomeridiano, post epulas, & prandia, nisi necessitas, aut periculum infantium accelerare Baptismum exposcet, enim multa sobrietate, & accurata devotione Baptismum administrent.* His adde quod ait S. Carolus in Instructionibus Baptismi: *Jejunius, inquit, & mane ministrabit, Parochus scilicet, sive etiam alius Sacerdos, nisi necessitas aliter possulet. Nec vero ante ortum, neque post occasum solis, nisi itidem necessitate urgente. Eadem mandata varii Episcopi in suis Synodis, quae tamen passim negliguntur, cum non modo infantes, sed & adultos ipsos post prandium viderim baptizari. Ceterum non sine clogio nominandi hoc loco sunt duo praestantissimi Pontifices Maximi, Benedictus XIII. & BENEDICTUS XIV. quos non semel Romae vidi mane Baptismum infantibus, adultisque cootulisse.*

§. X.

Admonendus est Cathechumenus, ut peccatorum suorum poeniteat.

COMMENTARIUS.

I. **I**nter alias dispositiões, quae in adultis requiruntur ad legitime suscipiendum Baptismum, gratiam nempe cum character, est dolor peccatorum, & propositum observandi Legem Dei; uti constat ex illis Apostolorum Principis verbis, Cap. II. Actuum Apostolorum: *Poenitentiam agite, & baptizetur unusquisque vestrum in Nomine Jesu Christi in remissionem peccatorum vestrorum;* & ex S. Augustino relato in Cacone, *Tres sunt, De poenitentia, Distinctione v. ubi sic habet: Omnis enim, qui jam arbitrat voluntatis suae constitutus est, cum accedit ad Sacramenta Fidelium, nisi cum*

Tom. I.

poeniteat vita veteris, novam non potest inherere. Ab hac poenitentia, cum baptizantur, soli parvuli sunt immunes, nondum enim uti possunt libero arbitrio. Qualis autem necessarius debet esse dolor ad recipiendam gratiam Baptismi, & ex quo motivo produci debet, addiscere licet ex Concilio Tridentino Sessione VI. De justificatione, Cap. vi. ubi ita docet: A Deo, inquit, justificari implam per gratiam ejus, per redemptionem, quae est in Christo Jesu, & cum peccatores se se esse intelligentes, a Divina justificatione timore, quo humiliter consentiuntur, ad considerandum Dei misericordiam se convertendo, in spem eri-

S

gun-

guntur, fidentes, Deum sibi propter Christum propitium fore, illamque tanquam omnis iustitia fontem diligere incipiunt, ac propterea moventur ad versus peccata per odium aliquid, & detestationem, hoc est, per contritionem, quam ante Baptismum agi oportet; denique dum proponunt suscipere Baptismum, inchoare novam vitam, & servare Divina mandata. Id quod statim Concilium probat pluribus Sacre Scripturæ locis. Videtur autem non paucis Theologis, quod juxta recitatum laudati Concilii locum dolor peccatorum in adulto baptizando produci debet ex motivo amoris Dei, & quod solum motivum timoris poenarum gehennæ minime sufficiat.

II. Sed omiffa hac quæstione, si veterem disciplinam spectemus, Catechumeni nihil aliud cogitabant, quam ut variis pietatis operibus, durisque, ac sedulis poenitentiae exercitiis, ad recipiendam novæ in Christo natiuitatis gratiam se se prepararent, ut late ostendunt Iosephus Vicercomes in celebri Opere, *De ritibus Baptismi*, & Edmundus Martene Lib. 1. *De antiquis Ecclesiæ ritibus*, Cap. 1. Articulo x. num. ix. & seqq. ubi etiam num. xiii. variis Patrum locis demonstrat, consuevisse olim Catechumenos etiam peccatorum confessionem Baptismo præmittere, & satisfactionis opera libenti animo amplexos fuisse. Quod tamen intelligendum est juxta doctrinam traditam, explicatamque a S. Thoma, Parte 111. Quæstione lxxviii. Articulo vi, ita agente: *Si quis tamen baptizandi sunt, ex devotione sua peccata confiteri vellent, esset eorum confessio audienda, non ad hoc, quod eis satisfactio impone-*

retur, sed ad hoc quod contra peccata consueta eis spiritualis informatio traderetur. Sed audiamus Tridentini Concilii Catechismum Parte II. *De Baptismi Sacramento*, num. xiv. ubi sic habet: *Item vero in Baptismo non solum peccata remittuntur, sed peccatorum etiam, & seculorum poena omnes a Deo benigne condonantur; nam, etsi omnibus Sacramentis hoc commune est, ut per illa virtus Passionalis Christi Domini communicetur, de solo tamen Baptismo dictum est ab Apostolo, in Epistola scilicet ad Romanos, Capite vi. nos per ipsum Christum commori, & sepeliri.* Ex quo Sancta Ecclesia semper intellexit, siue maxima Sacramenti iniuria fieri non posse, ut ei, qui Baptismo expiandus sit, ejusmodi pietatis officia, qua iustato nomine Sancti Patres opera satisfactionis vocantur, imponantur. Quod poenæ peccatis debite remittantur in Baptismo, docent S. Ambrosius in Cap. xi. Epistolæ ad Romanos, S. Augustinus, Lib. 1. *De nuptiis, & concupiscentiis*, Cap. xxxiii. & in Enchiridio Cap. iv. S. Thomas Parte 111. Quæstione lxxviii. Articulo vi. & alii Patres, ac Theologi communiter. Cæterum huc spectat, quod idem Catechismus mox subdit num. xvi. *Nec vero quæ hoc loco traduntur, veteris Ecclesiæ consuetudini adversantur; quæ olim Judæis, cum baptizarentur, præcipiebat, ut quadraginta continuos dies jejunaarent; neque enim illud institutum ad satisfactionem pertinebat; sed qui Baptismum percipissent, ea ratione admonerantur, ut Sacramenti divinitatem venerantur, jejuniis, & orationibus aliquandiu siue intermissione operam darent.*

§. XI.

Amentes, & furiosi non baptizantur, nisi tales a natiuitate fuerint, tunc enim de iis idem judicium faciendum est, quod de infantibus, atque in fide Ecclesiæ baptizari possunt.

§. XII.

Sed si dilucida habent intervalla, dum mentis compotes sunt, baptizentur, si velint. Si vero antequam insanirent, suscipiendi Baptismi desiderium ostenderint, ac vitæ periculum immineat, etiam si non sint compotes mentis, baptizentur.

COMMENTARIUS.

I. **A**D explicandos duos istos Paragraphos, nihil puto asserri luculentius posse, quam id, quod docuit S. Thomas Parte 111. Quæstione lxxviii. Articulo xii. in Corpore, ubi hæc habet: *Circa amentes, & furiosos est distinguendum. Quidam enim sunt a natiuitate tales, nulla habentes dilucida intervalla, in quibus etiam nullus usus rationis apparet; & de talibus, quantum ad Baptismi susceptionem, videtur esse idem judicium, ac de pueris, qui baptizantur in fide Ecclesiæ, ut supra dictum est. Atque hæc spectant quidem ad §. nostrum xi. Quod autem ad sequentem §. xii. attinet, ita statim idem S. Doctor subjicit: *Alii vero sunt amentes, qui ex sana mente, quam habuerunt prius, in amentiam inciderunt, & tales sunt iudicandi secundum voluntatem, quam habuerunt, dum sana mentis existerent; & ideo si tunc apparuit in eis voluntas suscipiendi Baptismum, debet eis exhiberi in furia, & in amen-**

tia constitutis, etiam si tunc illis contradicant. Alioquin si nulla voluntas suscipiendi Baptismum in eis apparuit, dum sana mentis essent, non sunt baptizandi. Quidam vero sunt, qui etsi a natiuitate fuerint furiosi, vel amentes, habent tamen aliqua lucida intervalla, in quibus recta ratione uti possunt, unde si tunc baptizari voluerint, baptizari possunt etiam in amentia constituti, & debet eis tunc Sacramentum conferri, si periculum timeatur; alioquin melius est, ut tempus expectetur, in quo fiat sana mentis, ad hoc quod devotius suscipiant Sacramentum. Si autem tempore lucidi intervalli non appareat in eis voluntas suscipiendi Baptismum, baptizari non debent in amentia constituti. Quidam vero sunt, qui etsi non omnino sana mentis existant, in tantum ratione utantur, quod possint de sua salute cogitare, & intelligere Sacramenti virtutem; & de talibus idem est judicium, sicut de his, qui sana mentis existant, qui baptizantur volentes, non autem inco-

II. Re-

II. Recitatur hæc S. Thomæ doctrina multum quidem accedit roboris ex Decretali Epistola Innocentii Papæ III. ad Archiepiscopum Arelatensem data, atque relata in Capite, *Majores, De Baptismo, & ejus effectu*, ubi varias Questiones decidens, sic tandem ad hanc nostram rem inquit: *Dormientes autem, & amentes, si priusquam amentiam incurrerent, aut dormirent, in contradictione peristerent, quia in eis intelligitur contraditionis propositum perdurare, etsi fuerint se immergi, characterem non suscipiunt Sacramenti. Sicut autem si prius Catechumeni extiterint, & habuissent propositum baptizandi. Unde tales in necessitate articuli consuevit Ecclesia baptizare.* Concludit denique, & ait: *Tunc ergo characterem sacramentalis imprimis operatio, cum obicem voluntatis contraria non inuenit obstantem.* Dormientibus itaque, & amentibus, furiosisque in Baptismo imprimitur character Sa-

cramenti, si ante somnum, vel amentiam, furorremque Catechumeni erant, & habebant animum suscipiendi Baptismum, ut ait Pontifex, & ratio est, quia in dormientibus, & amentibus, vel furiosis, manent reliquæ voluntatis, & addiscimus ea Lege, *Patre furioso, ff. De his, qui sui, vel alieni juris sunt.* Alias vero, qui inuitus, idest penitus contradicens baptizatur, non recipit characterem Sacramenti; qui autem coactus baptizatur, is tanquam conditionaliter volens, characterem Baptismi suscipit, ut idem Pontifex statuit; & ratio distinctionis est, quod nemo inuitus compellitur ad Fidem, Can. *De Judæis*, Distinctione xiv. coactum vero baptizari nihil vetat; quia scilicet coacta voluntas, voluntas est, Lege, *Si mulier, §. Si metu, ff. Quod metus causa.* Lege, *Si patre cogente, ff. De ritu nuptiarum*, Cap. *Cum inter R. xvi. De electione, & electi potestate.*

§. XIII.

Idemque dicendum est de eo, qui lethargo, aut phrenesi laborat, ut tantum vigilans, & intelligens baptizetur, nisi periculum mortis impendeat, si in eo prius apparuerit Baptismi desiderium.

COMMENTARIUS.

I. Lethargus est torpor, & inexpugnabilis pene somni necessitas, cum alienatione mentis, ut inquit Celsus Lib. 111. Capite xx. Phrenesis autem, sive phrenitis, est morbus lædens mentem, & ad insaniam, furorremque perducens, nam mentem Græci *opnos* appellant; sic ex inflammatione membranularum, quas meningas vocant, idque vel a pallida bile, eaque levior est; vel a flava, eaque est vehementior; vel ab eadem valde adusta, quæ est omnium deterrima, ut docet Galenus Libro 111. *De heis affectis.* Cum ergo tum lethargus, cum

phrenesis infirmitates sint, quæ patientem alienant a mente, vel ita ejus mentem ligant, ut nihil operari valeat, & qui una, vel altera harum infirmitatum laborat, libere agere non possit, ideo non est capax Baptismi; dari enim hoc Sacramentum vigilanti, ac volenti debet; nisi periculum mortis impendeat, ut ait hic noster §. & si in eo prius apparuerit Baptismi desiderium. Atque huc faciunt, quæ jam nos ex Theologorum doctrina diximus in Commentario ad superiores Paragraphos, ad quos etiam se refert hic præfatus Paragraphus.

§. XIV.

Sacerdos diligenter curet, ut certior fiat de statu, & conditione eorum, qui baptizari petunt, præsertim exterorum. De quibus facta diligenti inquisitione, num alias, ac rite sint baptizati, caveat, nequis jam baptizatus, imperitia, vel errore, aut ad quæsum, vel ob aliam causam, fraude, dolore iterum baptizari velit.

COMMENTARIUS.

I. Nē temere, ac cito conferatur adultis Baptismus, exteris præsertim, ac vagis, inculcant passim Sacra Synodi, ac Patres. Inter alias utilitates dilationis Baptismi in adultis, prima quidem hæc recensetur a Catechismo Tridentini Concilii Parte II. *De Baptismi Sacramento*, num. xxxvi. *Quoniam ab Ecclesia diligenter providendum est, nequis ad hoc Sacramentum fido, & simulato animo accedat, eorum voluntas, qui Baptismum petunt, magis exploratur, atque perspicitur; ejus rei causa in antiquis Conciliis decretum legimus, ut qui ex Judæis ad Fidem Catholicam veniunt, antequam Baptismus illis administraretur, aliquot menses inter Catechumenos essent.* Concilia, quorum meminit Catechismus, sunt quidem Agaten-

se anni DVI. Can. xxxiv. & Toletanum IV. anni DCXXXIII. Can. 11X.

II. Huc plane spectant, quæ statuit S. Carolus in Concilio Provinciali v. Mediolanensi, Parte I. Constitutionum, Capite inscripto, *Quæ ad Baptismum pertinent*, quæque nos jam supra etiam descripsimus: *Quod vero, licet horribile dictu sit, aliquando tamen evenisse compertum est, aliquem scilicet ad turpem quæsum iterum Baptismum suscepisse, id ut nunquam porro accedat, Episcopus, antequam baptizet, omne diligentissimum adhibeat, quo istos homines, vel Judæos, vel Turcos, Manrosque, qui Baptismum sibi conferri petierint, plane dignoscat, de illorumque conditione, ac statu omni, quantum licuerit, a probatis viris accipiat testimonium ob-*

signatum, idemque exigit omnino. His adde quod idem Sanctissimus Præsul præscribit in Actis Ecclesiæ Mediolanensis Parte IV. in eo Capite, quod inscriptum est, De Baptismo adultorum, ubi sic habet: Cam is Baptismum petit, sive Judæus ille sit, sive Paganus, sive alius, primo quantantur testimonio certa de ejus conditione, antequam vita, statuque omni, & hominis voluntas diligenter exploretur, utrum ex animo, veraque pietate Baptismum petat.

III. Porro quod vel olim plures Pagani, ac Judæi præsertim Baptismum irridentes, cum fictione ad illum, turpis lucri causa, accederent, multis probari possent exemplis. Mirabile est illud, quod legitur in Vita S. Hilarii Pictaviensis Episcopi, qui obiit anno cccxvii. apud Bollandum die xiii. Januarii, de quodam infideli, qui scite Baptismum suscepit, completaque vix Sacramenti administratione, irruit ventus validus, & vestem candidam, qua salus Neophytus erat indutus, violenter arripuit, eaque illum spoliavit, indicans, nullum recepisse effectum Baptismi. Celebre est quoque aliud exemplum, quod

refert Socrates Lib. vii. *Historiæ Ecclesiasticæ*; Capite xvi. apud Baronium anno CDxix. ubi scribit, quod cum quidam Judæus, simulata Christiana Fide a variarum sectarum Episcopis baptizatus fuisset, multisque ex ea fallacia pecunias corrasisset, tandemque ad Paulum Novatianum Constantinopoli Episcopum se conferens, ut ab eo pariter Baptismum peteret, cumque illi Paulus dare vellet, semel, atque iterum aqua Baptisterii evanuerit, atque eo miraculo Judæus prævaricator agnitus fuerit. Ceterum licet demus Socratem, & ipsum secta Novatianum haud esse mentium, cum aliqui suspecta sit omnis de suis Dogmatistis hæreticorum narratio, nihil est tamen, ut Episcopo Novatiano adscribatur miraculum, quod potius tribuendum est virtuti Sacramenti; quandoquidem verum fuisse Novatianorum Baptismum, cum veri assertores essent Sanctissimæ Trinitatis, nullum est dubium; adeo ut cesserit miraculum in confirmationem Catholicæ veritatis, non ad Pauli merita illustranda, ut recte ibidem notavit Baronius, & post cum alii etiam crediti Scriptores.

§. XV.

Omnes autem, de quibus, re diligenter investigata, probabilis dubitatio est, an baptizati fuerint, si nihil aliud impediatur, sub conditione baptizentur.

COMMENTARIUS.

I. Am longe ante annum millesimum, usum in Ecclesia invaluisse, ut de quibus dubitatur, an baptizati fuerint, non incunctanter, ut primitus, & absolute, sed sub conditione baptizentur, jam supra iterum iterumque ostendimus. Recte itaque statuit & hic noster §. adultos omnes, de quibus, re diligenter investigata, probabilis dubitatio est, an fuerint ba-

pizati, si nihil aliud impediatur, sub conditione sacro lavacro abluantur. Ea verba, *si nihil aliud impediatur*, in §. nostro notata, intelligi debent, si sit instructus, si petat Baptismum, si voluntate accedat, & si careat aliis quibuscumque impedimentis, quæ Baptismo suscipiendo obstant, de quibus jam supra in variis Commentariis late differui.

§. XVI.

Hæretici vero ad Catholicam Ecclesiam venientes, in quorum Baptismo debita forma, ac materia servata non est, rite baptizandi sunt; sed prius errorum suorum pravitatem agnoscant, & detestentur, & in Fide Catholica diligenter instruantur. Ubi vero debita forma, & materia servata est, omnia tantum suppleantur, nisi rationabili de causa aliter Episcopo videatur.

COMMENTARIUS.

I. Validum esse Baptisma ab hæreticis collatum, ubi debita forma, & materia, de quibus supra suis locis diximus, adhibita fuerit, per vetusta est Ecclesiæ traditio, licet aliquando nonnullis, etiam Sanctis Patribus, ac præsertim Cypriano Baptisma ipsum visum fuerit inane. Testis plane est hujus traditionis S. Stephanus Papa I. ac Martyr, S. Cypriano hæreticos iterum baptizanti his verbis referens: *Siquis ergo a quacumque hæresi venerit ad nos, nihil innovatur, nisi quod traditum est, ut manus illi imponatur in penitentiam; cum ipsi hæretici propter alteratam ad se venientes non baptizent, sed communicent tantum.* De antiqua illa traditione conveniebat quidem ipse Cyprianus, qui tamen contendebat, humanam esse, ac

proinde nihili esse ducendam. At contra Cyprianum valet ea S. Augustini regula, Lib. iv. *De Baptismo contra Donatistas*, Capite xxv. expressa his verbis: *Quod universa tenet Ecclesia, nec Concilii institutum, sed semper retentum est, non nisi auctoritate Apostolorum traditum rectissime creditur.* Idipsum variis in locis idem S. Doctor confirmat, ac præsertim Lib. II. *De Baptismo*, ubi ait Capite vii. eam consuetudinem ex *Apostolica traditione venire*; & Lib. iv. Capite vi. ubi asserit Cyprianum egisse *adversus totius Orbis morem.* Vide plura hanc in rem apud Juvenium, *De Sacramentis*, Dissertatione II. Quæstione vi. Cap. II. Articulo III. §. 1. & seqq. Sed tamen non omitendum illud quod statuit hic noster §. ut nempe, ubi debita forma, & materia

fer.

servata est in Baptismo ab hæreticis collato, *omissum tantum suppleantur, nisi rationabili de causa aliter Episcopo videatur*, ac forte scilicet orientior iustiles disputationes de Baptismi validitate ab hæreticis collati, seu de necessitate suppleandarum caeremolarum omissarum, uti ad hunc nostrum §. notat Barrufaldus num. 78.

II. At vero cum apud varios hæreticos in Baptismi administratione debita forma, aut materia minime fervetur, sapientissime noster §. statuit, ut si hi ad Catholicam Ecclesiam veniant, rite baptizandi sint, tamquam scilicet si nuquam baptizati essent, sed prius tamen errorum suorum pravitatem agnoscere, & detestari, ac in Fide Catholica diligenter instrui debeat. Atque hæc est vetus Ecclesie disciplina, cujus meminit Mar-

tene Lib. 1. De antiquis Ecclesie ritibus, Cap. 1. Articulo xii. num. xvi. ubi ait, grassante aliqua hæresi articulos Fidei pravis illius erroribus oppositos, baptizandis fuisse specialiter propósitos, ut illos detestarentur. Atque hinc capiendus est locus ex Epistola Nicetii ad Justinianum Imperatorem, apud Chesnum Tomo 1. Historiæ Francorum: *Dulcis, inquit, & dulcis noster Justiniane, rememorare quæ promissisti, cum baptizatus es, quid per singula te credere dixisti, unum Filium mantentem in duabus substantiis cum Patre & Spiritu Sancto, non duos Christos testatus es.* Sed de hac disciplina jam etiam supra differuimus, supervacaneumque omnino censuimus rem ipsam latius jam explicatam iterum hoc loco repetere.

§. XVII.

Cæterum legantur, & servantur ea, quæ supra de Baptismo in communi præscripta sunt Capite primo.

COMMENTARIUS.

I. **B** Reviter ab hoc me Commentario expeditio, mandat hic noster §. ut in Baptismo adutorum, de quo agitur, legantur, & servantur ea, quæ supra de Baptismo in communi præscripta sunt, de materia scilicet, forma, Ministro, Patrinis, tempore, loco, sacris

Oleis, & aliis, quæ ad Baptismum valide, ac rite administrandum præscripta sunt in Capite 1. hujus Tituli, quæque omitti non debeat, & communia sunt tum parvulis, tum adultis, & Catechumenis in Baptismo rite administrando, atque suscipiendo.

C A P U T IV.

Ordo Baptismi adutorum.

§. I.

In primis Sacerdos, paratis his, quæ supra de observandis in administratione Sacramenti Baptismi parvulorum dicuntur, indutus Superpelliceo, & Stola, vel etiam Pluviali violacei coloris, cum suis Clericis accedit ad gradus Altaris, & genibus flexis pias mentes ad Deum preces effundit, ut tantum Sacramentum digne valeat ministrare, & ad implorandum Divinum auxilium, surgens se signat, & si temporis ratio ferat, dicit: *Ps. Deus in adiutorium meum intende. R. Domine ad adjuvandum me festina. Gloria Patri. Sicut erat.*

§. II.

Postea incipiat, prosequentibus Clericis, Antiphonam, *Effundam super vos aquam mundam, & mundabimini ab omnibus inquinamentis vestris, dicit Dominus. Psalmus viii. Domine Dominus noster &c. Psalmus xxviii. Afferte Domino Filii Dei &c. Psalmus xli. Quemadmodum desiderat cervus &c.* Et repetitur Antiphona: *Effundam super vos aquam mundam, & mundabimini ab omnibus inquinamentis vestris, dicit Dominus.*

§. III.

Deinde dicitur, *Kyrie eleison, Christe eleison, Kyrie eleison. Pater noster. Ps. Et ne nos inducas in tentationem. R. Sed libera nos a malo. Ps. Domine exaudi orationem meam. R. Et clamor meus ad te veniat. Ps. Dominus vobiscum. R. Et cum spiritu tuo.*

Oremus.

Omnipotens sempiterne Deus, qui dedisti famulis tuis in confessione veræ Fidei, æternæ Trinitatis gloriam agnoscere, & in potentia majestatis adorare unitatem, quesumus, ut ejusdem Fidei firmitate ab omnibus semper muniamur adversis.

Oratio.

Adesto supplicationibus nostris, Omnipotens Deus, & quod humilitatis nostræ gerendum est ministerio, tue virtutis impleatur effectus.

Oratio.

Oratio.

Da, quesumus, Domine, Electo nostro, ut sanctis edoctus mysteriis, & renovetur Fonte Baptismatis, & inter Ecclesie sue membra numeretur. Per Christum Dominum nostrum. R. Amen.

§. IV.

Si plures fuerint baptizandi, hæc tertia Oratio dicatur in numero plurali.

COMMENTARIUS.

I. Quatuor simul Paragraphos descripsi-
mus uno Commentario absolvendos, quod omnes ipsum connexum ritum spectent, qui ad Altare a Sacerdote in administratione Baptismi adultorum peccagi debet, antequam ad fores Ecclesie procedat, ubi ex antiquo ritu in communi infantium Baptismo initium fit sacre Actionis. Ergo, ut in nostro 1. §. edicitur, *in primis Sacerdos, paratis his, qua supra, nempe Cap. 1. §. xxxi. & seqq. de observandis in administratione Baptismi parvulorum dicuntur, indutus Suppellico, & Stola, vel etiam Pluviali violacei coloris, cum suis Clericis accedit ad gradus Altaris.* Quamquam legitimus quidem Baptismi minister sit Parochus, vel alius Sacerdos a Parocho, vel ab Ordinario loci delegatus, ut diximus supra Cap. 1. ubi de Ministro Baptismi egimus; deceret tamen quammagis, ut ipse loci Ordinarius Baptismum adulto Catechumeno solemniter ritu administraret, ut Romæ fieri solet, ubi adulti Catechumeni, sive Judæi sint, sive Gentiles ut plurimum a Vicegerente Episcopali dignitate insignito, vel a Cardinale Vicario, & non raro etiam ab ipso Pontifice Maximo salutari lavacro abluuntur. Porro sive Parocho sit, sive alius Sacerdos, qui adulto Baptismum administret, ex præscripto nostri §. præcedit Suppellicium, & Stolam, induit etiam Pluviale, ad indicandum scilicet majorem solemnitatem hujusmodi Baptismi, ob quam etiam multos adhibet Clericos Suppellicis pariter indutos. Si enim in frequenti infantium Baptismo unus saltem perhibetur Clericus, qui baptizanti inferviat, uti superius dictum fuit, convenit quidem, ut in solemniori Baptismo adulti, multi adfint Clerici, ac illi præsertim, qui Parochoiali Ecclesie adscripti sunt, juxta novissimum Concilii Romani Benedicti Papæ XIII. constitutionem Tit. v. Capite II. notatum.

II. Paratus Sacerdos, uti dictum est, cum suis Clericis ex præscripto ejusdem §. accedit ad gradus Altaris, & penitus flexis plas mente ad Deum preces effundit, aperto scilicet capite, ut tantum Sacramentum digne valeat ministrare, & ad implorandum Divinum auxilium, surgens se signat, signo scilicet Crucis a fronte ad pectus, & a sinistra ad dexteram; &, si temporis ratio ferat, dicit §. Deus in adiutorium &c. Primo itaque genuflexus mente ocare, tum se erigens, voce debet Sacerdos ministraturus adulto Baptismum, & quidem ob eam rationem, quam tradit noster §. nempe, *ut tantum Sacramentum digne valeat ministrare, & ad implorandum Divinum auxilium.* In Baptismo siquidem adultorum, divina gratia potissimum opus est ad excitanda illorum corda, ideoque varias preces, Psalmos, orationesque permisit Sacerdos, que tamen non ita præcipiuntur, ut aliquando omitti ne-

queant; nam ait §. *si temporis ratio ferat.* Curandum tamen summo opere est, ut non omittantur, faciunt enim quammagis ad rem, que peccata effundenda est; & primo quidem Antiphona ipsa, *Effundam super vos aquam mundam &c.* desumpta est ex Capite xxxvi. Ezechielis, & in nostro §. II. recte descripta, locus namque ille est, ad quem alludit Apostolus in Epistola ad Hebræos, Cap. x. his verbis: *Ablati corporis aqua munda;* & quo antiqui Ecclesie Patres passim utuntur ad significandum Baptismum a Christo in aqua institutum, uti videre est apud S. Cyprianum in Epistola lxx. ad Januarium, & cæteros Episcopos Numides, & in Epistola lxxvi. ad Magnum de baptizandis Novatianis, & apud S. Ambrosium, sive alium ejus nomine in Commentario ad Epistolam ad Romanos, Cap. vi.

III. Pertinent quoque ad ipsam sacram Baptismi functionem Psalmi in eodem §. II. notati, atque Orationes in §. III. præscriptæ, in quacum ultima, ubi dicitur, *Da, quesumus, Domine, Electo nostro,* notandum est, verbum ipsum *Electo* alludere ad antiquum illud Catechumenorum genus, *Electorum* dictum, qui, ut specius notavimus, absolutio Catechumenatus tempore, ad recipiendum sacre regenerationis Sacramentum nomen dederant, quod in Romana Ecclesia præstabant hebdomada II. Quadragesimæ. Sunt qui Electos cum Competentibus confundunt, quos tamen alii distinguunt volunt; nam, ut loquitur S. Augustinus Sermone cccxxviii. novæ editionis, *Competentes dicebantur, quoniam matrem viscera, ut nascerentur, petendo passabant.* Quibus concinit quod idem S. Doctor in Libro, *De Fide, & operibus*, Cap. ix. scripsit: *Cum Fontis illius Sacramenta peteremus, atque ob hoc Competentes etiam voceremur.* Electi autem non dicebantur, nisi eo die quo sacro abluerantur lavacro, uti addidimus ex Epistola Siricii Papæ ad Himerium Tastraconensem Episcopum, Cap. II. atque ex Quedine Romano 1. Cap. vii. num. 38. apud Mabillonium Tom. II. Musæ Italici pag. 84. ubi mox baptizandis ab Archidaceno dicitur: *Oratis Electi &c.* Porro, ut Catechumeni Electi fierent, pendebat ex Scrutiniis, in quibus, ut alias dictum fuit, de Fide, & moribus Catechumenorum inquiriebatur; illi igitur, qui approbabantur digni, ut ad Baptismum accederent, *Electi* vocabantur, eoque nomine utitur Ecclesia in Baptismo adultorum in citata tertia Oratione, *Da, quesumus, Domine Electo nostro &c.* que quidem antiquissima est, legimusque in plurali numero in Ordine Romano vii. num. 2. apud laudatum Mabillonium pag. 78. quod nempe plures baptizarentur, *Da quesumus Domine Electis nostris.* Quod quidem recte admonuit noster §. iv. ubi edicit, *ut, si plures fuerint baptizandi, hæc tertia oratio dicatur in numero plurali.*

§. V.

Deinde Sacerdos procedit ad fores Ecclesiæ, & stat in limine, catechizandus vero extra limen. Et si sunt plures mares, & feminae, illi ad dexteram Sacerdotis, hæ vero ad sinistram statuuntur, & Sacerdos interrogat: *Quo nomine vocariis?* Catechumenus respondet N. Sacerdos: N. quid petis ab Ecclesia Dei? Respondet: Fidem. Sacerdos: Fides, quid tibi præstat? Respondet: Vitam æternam. Sacerdos: Si vis habere vitam æternam, serva mandata. Diliges Dominum Deum tuum ex toto corde tuo, & ex tota anima tua, & ex tota mente tua, & proximum tuum, sicut te ipsum. In his duobus mandatis tota Lex pendet, & Prophetæ. Fides autem est, ut unum Deum in Trinitate, & Trinitatem in unitate veneris, neque confundendo Personas, neque substantiam separando. Alia est enim Persona Patris, alia Filii, alia Spiritus Sancti; sed horum trium una est substantia, & non nisi una Divinitas.

COMMENTARIUS.

I. **F**Acta meditatione, atque oratione, ac recitatis Psalmis, & precibus, tribusque Orationibus ante gradus Altaris, ut in Commentario superiori dictum est, ex præscripto præsentis §. deinde Sacerdos procedit, testis scilicet capite, & cum suis Clericis, ad fores Ecclesiæ, & stat in limine, Catechizandus vero extra limen. Antiquus hic ritus est, de quo diximus jam supra in Ordine Baptismi parvulorum, ejusque fit mentio in tribus præsertim libris Pontificalibus, Constantinopolitano annorum circiter DC. Aquisgranensium annorum D. & Romano annorum CC. apud Martene Lib. I. Capite I. Articulo VII. Ordine VII. in quibus Ordo Catechumeni faciendi sic incipit: *Stans in Ecclesia limine Sacerdos Catechizandum situm foris limen interrogat &c.* Ex ms. Rituali insignis Ecclesiæ Suctionensis tempore Nivellonis Episcopi scripto, cautum est, ut Presbyter statuat ante januas Ecclesiæ infantes baptizandos, masculos ad dexteram, feminas ad sinistram. Id quod etiam præscriptum legitur in Græcorum Ritualibus, ut apud Jacobum Goar, qui illa collegit, Notisque illustravit, videre est.

II. Antiquos itaque, probatusque in Græca & Latina Ecclesia est ritus, ut Catechesis fiat baptizando ante fores Ecclesiæ manente, qui tamen quod alicubi ignorantia, socordiae Parochorum negligenter, instauratus merito fuit a sanctæ memorie Benedicto Papa XIII. in Concilio Romano anni MDCXXV. Titulo XXVI. Cap. III. ubi districte jubet, ut baptizandorum Catechesis extra omino, non intra Ecclesiam fiat: *Quia Baptismus, inquit, janua est Sacramentorum, & porta, per quam in Christi Ecclesiam intramus, sicut Parochi, non unde a Rituali præferunt, ut baptizandorum Catechesis ad Ecclesiam jannam, his enim Patris extra existentibus peragatur; ipsi itaque districte præcipimus, ut ritum omnino servent eundem, nec unquam committant, contrarius ultra procedat abusus.* Hinc non addubito, quin peccent Parochi, qui ritum ipsum in nime observant, tum præsertim, quod una cum rito mysterium violant, quod in eo continetur; *Afferuntur enim, vel etiam adducuntur qui Baptismo initiandi sunt, ad Ecclesiam fores, atque ab ejus introitu omnino prohibentur, quod indigni sint, qui Dominum Dei ingrediantur, antequam a se turpissime servitutis jugum repulerint, & totos se Christo Domino, ejusque iustissimo imperio*

addixerint. Verba sunt Catechismi Concilii Tridentini Parte II. De Baptismi Sacramento, cum, x. cujus explicationem confirmat S. Carolus Parte IV. Actorum Ecclesiæ Mediolanensis, in Instructionibus, De Baptismi administratione, Capite inscripto, *De caeremoniis, quæ, priusquam Baptismus ministratur, adhibentur, ubi sic inter alia inquit: Deinde ante fores Ecclesiæ, qui Baptismo initiandi sunt, offeruntur, propterea quod indigni sint, qui more Fidelium, Dominum Dei, antequam Christo Domino se addixerint, ingrediantur.* Longe itaque non pauci Parochi errant, qui memorato ritui, ejusque mysterio satis se putant fecisse, si Catechismum ipsum extra Baptisterii cancellos peragunt, cum alias ex memorati Romani Concilii Decreto, omnino peragendus sit ab ipsis stantibus in limine Ecclesiæ, Baptizandis vero, & Patris extra Ecclesiæ limen existentibus.

III. Venio nunc ad alium ritum in nostro §. præscriptum, ut nempe, si plures sunt baptizandi, mares, & feminae, illi ad dexteram Sacerdotis, hæ vero ad sinistram statuuntur. Atque hic quoque antiquus est Ecclesiæ ritus, cujus meminere Romani Ordines I. & VII. & ille quidem Cap. VII. ubi recensentur ritus Sabbati Sancti: *Procedant, inquit, qui baptizandi sunt ad Ecclesiam, & ordinantur per ordinem, sicut scripti sunt, masculi in dexteram, feminae in sinistram.* Idem plane totidem verbis dicit Romanos Ordo VII. cum. 9. Et ratio ea esse videtur, quod partem nobiliorem occupare debet oboilior sexus, & præminentiam habere etiam in rebus sacris supra ignobiliorem; atque hæc causa est, quod S. Carolus in suo Concilio Mediolanensi v. Provinciali, Capite, quod inscriptum est, *Quæ ad Baptismum pertinent, statuit, quod, cum duo infantes, mas scilicet, & femina ad Baptismum offerantur, li ordo servetur, qui antiquissimi ritus est, ut mas primum, deinde femina ministratur, nisi necessitas aliter egerit.* Addeque, mox, ut idem servetur, si plures offerantur, partim mares, partim feminas.

IV. Sed ut de uno baptizando adulto loquamur, stans, ut dictum est, Sacerdos in limine portæ Ecclesiæ, & quidem majoris, sive etiam illius, quæ vicinior est Baptisterio, baptizandum interrogat: *Quo nomine vocariis?* Atque hic illud primo notandum, quod docent S. Carolus in suis Instructionibus, & Cæremoniae Ambro-

suum iussu Cæsaris Montii Cardinalis, & Archiepiscopi Mediolanensis editum, ubi agunt de Baptismo adultorum, debere nempe baptizandum adultum, qui interrogatur, esse genitum, & quidem ante fores Ecclesie, genitumque Fidem profiteri, Baptismumque petere. Secundo quod interrogationem spectat de nomine, quo baptizandus vocetur, jam de eo ritu late differam in Commentariis ad parvulorum Baptismum. Sed ut aliquid hic etiam dicam, illud notandum, quod nonnulli Auctores docent, nomina olim non in Baptismo, ut nunc fit, sed longe antea imposita fuisse. Ita censet Menardus in Notis ad Librum Sacramentorum S. Gregorii Papæ, pag. 99. ubi probat, moris fuisse apud veteres Romanos, nono ab ipso natali die maribus, octavo feminis nomen imponere; apud veteres Francos die nono, apud Græcos decimo; putatque, antiquos Christianos in imponendis nominibus sua consuetudine usos fuisse, posita omni superstitione paganica.

V. Et certe cum tardius olim, nec nisi proventioribus ætate foret Baptismus administrari, tanto tempore sine nomine permansisse, haudquam probabile videtur. Quæ quidem ut vera sint, nihil tamen obstant, quin minus antiquissima sit in Baptismo nominis imponendi consuetudo. Nam qui ex Paganis ad Christum convertebantur, nomine Gentili abjecto, novam assumebant, Apostolorum præsertim, ac Martyrum, ut observat Martene Lib. 1. *De antiquis Ecclesie ritibus*, Cap. 1. Articulo x. num. 111. & vii. ubi etiam docet, longe aberrare a puriori Ecclesie veteri disciplina nostri Sæculi hæreticos, qui abjectis Sanctorum Novi Testamenti appellationibus, nomina Veteris affectant, quæ merito sagittat Concilium Burdigalense anno Christi MDLXXXII. his verbis: *Nomina Sanctorum Patrum Veteris Testamenti affectare, hereticum est*. Non quidem præfere propter affectatam Sanctorum antiquæ Legis nomina, nam de quinque Aegyptiis Martyribus, qui Eliæ, Hieremias, Samuelis, Isaac, & Danielis nomen assumserant, id narrat Eusebius in Libro, *De Martyribus Palestine*, sed quod ea in odium debitorum Sanctis Novi Testamenti venerationis accipere affectant, ut scite explicat idem Martene.

VI. Prologo ad interrogationem Sacerdotis a baptizando nomine, iterum Sacerdos illum interrogat: *N. quid petis?* Cui ille: *Fidem*; rursusque interrogat Sacerdoti: *Fides quid tibi præstat?* respondet ille: *Vitam æternam*. Quo dicto, statim subdit Sacerdos: *Si vis habere vitam æternam, servo mandata &c.* Ita plane statuit hic nosse §. etique consentiant Rituales Codices recentiores, nam alias juxta vetus Missale Gallicanum a Cardinale Thomasio editum, facta primum interrogatione de nomine, interrogabat mox Sacerdos de abrenuntiationibus, tum vero de Fide. Juxta antiquum vero Sacramen-

tarium Gallicanum, quod ex ms. Bobienfi Codice annorum MC. vulgavit Mabillonius Tomo 1. Mssæ Italiæ, sebat primum exorcismus hominis, tum vero tangebantur nares, & post alios ritus interrogabatur de nomine, ac de abrenuntiationibus, & de Fide, an scilicet crederet in Deum Patrem &c. Summa quoque variatio, rituumque inversio in aliis Sacramentorum Libris a Martene allatis, citato Lib. 1. Cap. 1. Articulo xviii. Porro juxta ms. Codicem Bibliothecæ S. Genovesæ Parisiensis annorum circiter CCC. in quo nonnulli ritus Ecclesie Laudensis in Italia continentur, in primis Sacerdos stans ante fores Ecclesie, tribus vicibus insufflat in ore baptizandi, posteaque dicit: *Per istam insufflationem, & Dei benedictionem exeat a te spiritus malignus, & ingrediat in te Spiritus Sanctus, & totum permaneat in æternum*. Deinde interrogatione facta de nomine, dicit Sacerdos: *Quid petis ad Ecclesiam?* Cui ubi responsum fuit: *Fidem*; iterum dicit ille: *Fides quid tibi præstat?* Et facta responsione: *Vitam æternam*; ita mox subdit Sacerdos: *Hæc est autem vita æterna &c.* usque ad ea verba: *universa Lex pendet, & Propheta*. Cæterum ex Rituali Cadomi anno MDCLXIV. edito, in eo Titulo, qui inscribitur: *Modus baptizandi secundum Ecclesiam Romanam*, Sacerdos, postquam interrogavit, *Fides quid tibi præstat?* & responsum ei fuit, *Vitam æternam*, breviorum hanc verborum formulam pronunciat: *Hæc est vita æterna: Diliges Dominum Deum tuum ex toto corde tuo, & tota mente tua, & proximum tuum sicut te ipsum: hoc est primum, & maximum mandatum*.

VII. Prolixior est plane formula in §. nostro præscripta, ubi post illa verba: *In his duobus mandatis universa Lex pendet, & Propheta*, hæc alia adiunguntur verba ex Symbolo, quod Sancti Athanasii dicitur, excerpta: *Fides autem hæc est, ut unum Deum in Trinitate &c.* Quæ licet in multis Ritualibus desideretur, extant tamen in Libris mss. Pontificalibus Constantinopolitano annorum DC. Aqueus annorum D. & Romano annorum CD. apud Martene Lib. 1. Cap. 1. Articulo vii. Ordine vii. in quibus post illa verba, & nonnulli una Divinitas, ita statim sequitur: *Exeat ergo de te spiritus malignus, & ingrediat in te spiritus bonus per eum, qui venturus est*. Atque hic fieri non debet Sacerdotale Romanum Venetis editum anno MDLXVII. ubi in Partis primæ Tractatu primo, in Ordine Baptizandi vulgato, & jam diu impresso secundum usum Sanctæ Romanæ Ecclesie præscriptum lego, ut dicatur tribus vicibus, hæc formula: *Hæc est vita æterna, ut diligas Dominum Deum tuum ex toto corde tuo, & ex tota anima tua, & ex tota mente tua, & ex omnibus viribus tuis. Hoc est maximum, & primum mandatum. Secundum autem est simile hæc: Diliges proximum tuum, sicut te ipsum; & quod tibi non vis, aliis ne feceris*.

§. VI.

Et rursus interrogat: *N. Abrenuntias Satana?* R. *Abrenuntio*. Interrogat: *Et omnibus operibus ejus?* R. *Abrenuntio*. Interrogat: *Et omnibus pompis ejus?* R. *Abrenuntio*.

§. VII.

Deinde Sacerdos interrogat de Symbolo Fidei, dicens: *Credis in Deum Patrem omni-*

potentem? *R. Credo.* Interrogat: *Credis in Jesum Christum Filium ejus unicum Dominum nostrum, natum, & passum?* *R. Credo.* Interrogat: *Credis in Spiritum Sanctum, Sanctam Ecclesiam Catholicam, Sanctorum communionem, remissionem peccatorum, carnis resurrectionem, & vitam eternam, Amen.* *R. Credo.*

NOTA.

Quum ea, quæ in duobus hæc Paragraphis de abrenunciacionibus, & articulis Symboli Fidei, a baptizando faciendis, ac profutendis statuuntur, late dixerimus jam in superioribus ad parvulorum Baptismum Commentariis, videri ea plane possunt, quæ ibidem notavimus; sed il-

lud tamen hic minime prætereundum, interrogationes ipsas, quæ in memorato Baptismo parvulorum semel fieri solent, & quidem postquam delati sunt ad Ecclesiam, & immediate ante Baptismi susceptionem; in adultorum Baptismo bis fieri, primum autem fores Ecclesiæ, & deinde iterum cum suscepturi sunt sacrum lavacrum, ut suo loco dicemus.

§. VIII.

Tunc Sacerdos exsufflet ter in faciem ejus semel, dicens: *Exi ab eo spiritus immunde, & da locum Spiritui Sancto Paraclito.*

COMMENTARIUS.

I. **O**ccurrunt & in parvulorum Baptismo istæ exsufflationes, cum præscripta formula, *Exi ab eo spiritus immunde &c.* de quibus jam nos differuimus, ubi de eodem Baptismo tractavimus, Cap. II. in Commentario ad §. 111. Quæ itaque ibidem notata sunt, legi a curioso hujus ritus possunt. Sed ne hunc §. taciti præterisse videamur, notandum illud censuimus, jam primis Ecclesiæ sæculis exsufflationem ipsam fuisse in usu apud Græcos æque ac Latinos, & quidem non semper a Sacerdote Baptismi Ministro, sed aliquando a Diacono, ut patet ex Actione I. Concilii II. Constantinopolitani; aliquando ab Exorcistis, ut habet Joannes Beletus, qui claruit Sæculo XII. in explicatione Divinorum Officiorum, Cap. xc. aut a simplicibus Clericis, five Acolythis, ut tradit Gennadius in Libro, *De Ecclesiasticis Dogmatibus*, ubi sic loquitur, Cap. xxxi. *Illud etiam, quod circa baptizandos in universo mundo Sancta Ecclesia uniformiter agit, non otioso contemplari iussum, cum sæc parvuli, sive juvenes, ad regenerationis veniant Sacramentum, non prius Fontem vira adeant, quam exorcismis, & exsufflationibus Clericorum, spiritus ab eis immundus abigatur.*

II. Jam non obiter transcurrendam est, quod in recitato loco ait Gennadius, exsufflationes nempe circa baptizandos in universo mundo a Sancta Ecclesia uniformiter agi, nam licet in Ecclesia tum Latina, tum Græca ex pervetusto instituto exsufflationes in Baptismo fieri consueverint, non tamen eodem ritu, & ab ipso Baptismi Ministro, uti ex dictis constat, & ex vulgato Dionysio in Libro, *De Ecclesiastica Hierarchia*, ubi exsufflationem ipsam non a Ministro, sed a Catechumeno, Baptismum suscepturo, faciendam esse præscribit, & quidem ad Occidentem

plagam converso: *Deinde cum illum, utempe Catechumenum, Occidentem versus attendentem, manusque porrigentem ad eandem regionem collocaverit, tum cum jubet, Sacerdos scilicet, tertio Satanam, ut ita dicam, insufflare, & præterea quæ defensionis, & abrenunciacionis sunt, proficere.* Ceterum ex antiquo ritu servari solito apud Græcos utramque exsufflationem, sive insufflationem, a Ministro scilicet, & a Catechumeno baptizando faciendam, docet nos Græcorum Echiolegium in eo Titulo, qui inscribitur, *Oratio ad faciendum Catechumenum apud Noar pag. 274. & seqq. editionis Venetæ anni mcccxxx.* ubi primum Sacerdos insufflat ter in faciem Catechumeni, & iterum post tertium exorcismum idem Sacerdos insufflat in os, in frontem, & in pectus ejusdem Catechumeni, & post abrenunciacionem Satanæ jubet eum insufflare, & spueri in illum.

III. Huc facit, quod & alias diximus, apud Moscovitas, Susceptores infantis, quoties circa Baptismum Sacerdoti interroganti, an diabolo infans abrenunciet, correspondent, toties in terram expuere, teste Alexandro Guaguino, & Sigismundo Libero Barone, *De rebus Moscoviticis*, Capite, *De Baptismo*, ubi sic ait: *Susceptores ex voluntate parentum assumuntur, & quoties, præcunte certis verbis Sacerdote, diabolo renunciant, toties in terram expuunt.* Eundem usum vigere in Orientali Ecclesia, addicimus ex Orthodoxa confessione ejusdem Ecclesiæ anno Christi mdcxiii. approbata a Nestario Patriarcha Hierosolymitano, & aliis quatuor Apostolicis Sedibus, ubi inter ritus in Baptismo adhibendos, Quæst. ciii. hæc habetur: *Repadium diabolo renunciet, respondendo ad interrogationes Sacerdotis, Satanamque, & omnia illius opera confutando.*

§. IX.

Ilic in modum Crucis halet in faciem ipsius, & dicat: *N. accipe Spiritum bonum per ipsam insufflationem, & Dei benedictionem, & Pax tibi.* *R. Es cum spiritu tuo.*

COMMENTARIUS.

I. **D**E hoc habitu faciundo a Sacerdote in modum Crucis in faciem Catechumeni baptizandi, dicendo: *N. accipe*
Tom. I.

Spiritum bonum &c. nulla quidem sit mentio in hoc nostro Rituali Romano, ubi agitur de parvulorum Baptismo, Ibi enim postquam Sacerdos
T ter

ter exufflavit leniter in faciem infantis, & dixit semel, *Exi ab eo &c.* statim pollice facit signum Crucis in fronte, & in pectore infantis, dicens: *Accipe signum Crucis &c.* Porro ex ms. Codice Bibliothecæ S. Genovefæ Parisiensis annorum circiter CCC. in Ordine ad Catechumenos faciendos, cautum est quidem, ut in primis cum infans datus fuerit ad Ecclesiam, *Sacerdos stans ante fores Ecclesie, infusus tribus vicibus in ore infantis, & postea dicat: Per istam infussationem, & Dei benedictionem exeat a te spiritus malignus, & ingreditur in te Spiritus Sanctus, & totus permaneat in aeternum.* Atque ad hanc formulam alludit plane Magnus Senonenis Archiepiscopus in Libello, *De mysterio Baptismatis*, jussu Caroli Magni edito, Capite, *De infussatione*, ubi sic inquit: *Infussatur qui baptizandus est infans a Dei Sacerdotibus, ut princeps peccatorum effugatur ex eo, & pareatur introitus Christi Jesu, per illiusque infussationem Spiritum Sanctum mereatur accipere.*

II. Porro in Sacrodotali Romano Venetiis edito anno MDLXVII. in Ordine Baptizandi vulgato, & jamdiu impresso secundum usum Sanctæ Romanæ Ecclesiæ, pag. 13. a tergo, & aliis quibusdam Ritualibus Libris præscriptum lego, ut postquam Sacerdos fecit signum Crucis in fronte, & in pectore baptizandi, & dixit, *Accipe signum Sanctæ Cru- &c.* atque Orationem, *Omnipotens sempiternus Deus, Pater Domini nostri Jesu Christi respicere dignare &c.* tunc exhalet calido flatu ter in faciem ejus, & dicat:

Infusio te Catechumene denas in virtute Spiritus Sancti, at quicquid in te vitii, vel malorum est spirituam invocatione, per hujus exorcismi mysterium gratia, sit tibi ipse virtus purgatio. Sequuntur mox nonnullæ Orationes, quæ & in multis antiquis Sacramentorum Libris, sed inverso tamen ordine, leguntur. Quicquid sit de ea variatione, antiquissimi sunt in Baptismi administratione exorcismi, exufflationes, infussationesque, qui quidem omnes in idem recidunt; eo enim tendunt, ut expellatur diabolus, & ingreditur virtus Spiritus Sancti. Hinc S. Augustinus, Lib. 1. *De Symbolo ad Catechumenos*, Capite v. scribit: *Sicut vidistis bodie, sicut nostis, & parvuli exufflantur, & exorcizantur, ut pellatur ab eis potestas iniqua, quæ decepit hominem, ut possideret homines. Non ergo creatura Dei in infantibus exorcizatur, aut exufflatur, sed ille, sub quo sunt omnes, qui sub peccato nascuntur.* Atque hæc est etiam virtus infussationum, ut constat ex recitato superius loco Magni Senonenis Archiepiscopi, ubi ait infussari baptizandum a Sacerdote, ut princeps peccatorum effugatur ex eo, & pareatur introitus Christo Jesu, per illiusque infussationem Spiritum Sanctum mereatur accipere. Sed & ante Magnum S. Cyrillus Episcopus Hierosolymitanus in sua, Catechesi mystagogica discrete docuit, infussationes Sacerdotum, & Nominis Dei invocationem, tamquam vehementissimam quandam flammam, urere demones, atque in fugam eosdem convertere.

§. X.

Deinde facit Crucem cum pollice in ejus fronte, & in pectore, dicens: *N. accipe signum Crucis tam in fronte &c., quam in corde &c., sume Fidem celestium præceptorum.* Talis esto moribus, ut Templum Dei jam esse possis; ingressusque Ecclesiam Dei, evasisse te laqueos mortis letus agnosce, horresce idola, respue simulacra, cole Deum Patrem Omnipotentem, & Jesum Christum Filium ejus unicum Dominum nostrum, qui venturus est judicare vivos, & mortuos, & sæculum per ignem. *Re. Amen.* Hic advertendum est, quod dicta verba horresce idola, respue simulacra, dicantur Catechumeno, qui venit de gentilitatis errore, seu de ethnicis, & idololatriis, Catechumeno vero Judæo, sive ex Hebræis venienti, loco horum verborum, dicatur: *Horresce Judaicam perfidiam, respue Hebræicam superstitionem.* Saraceno autem, vel Turcæ, sive alii ex Mahumetanis ad Fidem venienti Catechumeno, loco eorumdem verborum, dicatur: *Horresce Mahumeticam perfidiam, respue pravam sectam infidelitatis.* At hæretico ad Catholicam Ecclesiam venienti, qui, si in ejus Baptismo debita forma servata non est, baptizari debet, dicatur: *Horresce hæreticam pravitatem, respue nefarias sectas impiorum;* vel exprimaturo proprio nomine secta, de qua Catechumenus venit.

COMMENTARIUS.

I. **C**RUCIS signum in fronte, & in pectore Catechumeni baptizandi infigi a Sacerdote ministrante Baptismum, ritus est & ipse antiquissimus, de quo diximus ubi de parvulorum Baptismo egimus. Sed lubet hic aliqua de eo ritu adnotare. In Rituali Ambrosiano, & in ms. Landensi unica dumtaxat Crucis signatio designatur, & quidem in fronte. In antiqua Liturgia Gallicana ex ms. Codice Bobienſi edita a Mabillonio Tomo 1. Musæ Italici, in fronte, & in corde. In ms. Pontificali Ecclesiæ Constantinopolitanæ, & Ecclesiæ Aquisgranensis triplex, in

fronte, in pectore, & in fronte & pectore simul. In Missali Gothico, quod publici juris fecit Cardinalis Thomafius, quadruplex, in oculis, in auribus, in naribus, & in corde. Quintuplex in Gemmeticensi Codice tempore Theodorici Abbatis, qui obiit anno MXXII. descripto, ubi hæc extat formula, in qua etiam mystice rationes explicantur: *Signaculo Dei Patris, & Filii, & Spiritus Sancti, signo oculus tuus, ut videas claritatem Dei; aures, ut audias veritates ejus; naves, ut percipias odorem suavitatis ejus; cor, ut credas in eam; et, ut consueveris illi.* Se.

Septuplex consignatio jam non modo in hoc nostro Rituali Romano præscribitur paulo inferius, nempe in §. xiiii. verum etiam in Sacerdotali secundum consuetudinem Sacrosanctæ Romanæ Ecclesiæ, Venetiis edito anno MDLXVII. atque in Enchiridio Christianæ Institutionis edito in Concilio Colonienſi anno MDXXXVI. ut dicemus infra in Commentario ad ipsum §. xiiii.

II. Ut ergo de prima ista Crucis signatone dicamus, quæ a Sacerdote cum pollice fit *in fronte, & in pectore*, sciendum est, formulam, quæ dici in ipsa Crucis signatone consuevit, non unam esse in omnibus Sacramentorum Libris, sed aliquantulum diversam. Extat tamen, paucis immutatis, in antiquo Libro Sacramentorum Ecclesiæ Gallicanæ, quem ante annos M. exarato vulgavit Mabillonius Tomo I. Musei Italici; itemque in Missali Gothico, annorum mille, edito a Cardinale Thomaſio, & in aliis antiquissimis Sacramentorum Codicibus a Martene descriptis Lib. I. De antiquis Ecclesiæ ritibus, Capite I. Articulo VII. Ordine I. & seqq. In citato Sacerdotali hæc quidem formula præscripta est pag. 16. a tergo: *Famule Dei N. accipe signum Cru-
cis, tam in fronte, quam in cor-
de; sume Fidem caelestem; talis esto moribus, ut Templum Dei esse possis; ingreſſuſque Ecclesiam Dei, evaſiſſe te laqueum mortis latens agnoſcas; horrefce idola, respuat fœculacra; colas Deum Patrem Omnipotentem, & Jesum Christum Filium ejus, qui vivit, & regnat in sæcula sæculorum. Amen.* Prolixior est illa, quæ legitur in Cæremoniali Ambrosiano, ubi Sacerdos Crucem in sola fronte faciens, sic dicit: *N. accipe signum Sanctæ Crucis, serva præcepta Divina, verbo Dei bodie renasceris, & caelesti luce formaris. Ingredere Templum Dei vivi, & sublato errore tenebrarum, evaſiſſe te laqueos mortis latet agnoſce. Nunc ergo promissa caeleſtia, & adventum Dei Omnipotentis expeſta, ut possis sperare venturum Verbum genitum, Virginali partu editum, credentibus annuntiatum, in cuius invocatione illuminaris, cuiusque signaculo in fronte signaris, per hoc signum, quod non delebitur, in nomine Dei Patris Omnipotentis, & in nomine Jesu Christi Filii ejus, qui venturus est judicare vivos, & mortuos, & sæculum per ignem. Amen.*

III. Brevissima est formula, quam tradit ms. Pontificale Ecclesiæ Apamienſis in Syria annorum circiter DC. ex cuius præscripto, Sacerdos Crucem faciens in sola etiam fronte, dicit: *In nomine Patris, & Filii, & Spiritus Sancti.* Brevissima itidem in ms. Libro Sacramentorum Monasterii Moſacenſis, & in alio Monasterii Sancti Germani a Patris, qui fuerunt postea Bibliothecæ Colbertinæ, annorum circiter CM. mandant enim, ut Sacerdos faciens Crucem in frontibus, & pectoribus singulorum, qui sunt baptizandi, sic dicat: *Signum Crucis Salvatoris nostri Jesu Christi in frontem tuam pono. Signum Crucis Salvatoris nostri Jesu Christi in pectus tuum pono.* Porro notata dignus est ritus, quem hac in re præſcribunt antiquus Ordo Romanus VII. alique non pauci Sacramentorum Libri, statuentes, ut non modo Presbyter, verum etiam Diaconus, & Patrinus, ac Matrinæ, ubi cum pollice Crucis signum in baptizandum frontibus faciunt, ea sola pronuncient verba: *In nomine Patris, & Filii, & Spiritus Sancti.*

III. Sed nec omittendus ritus, quem præſcripſit ms. Codex Gemmeticensis initio Sæculi XI. exaratus, nam præter alias Crucis signationes mandat, ut Presbyter faciat Crucem cum pollice *infra palmam dexteram infantis baptizandi*, dicens: *Trado signaculum Domini nostri Jesu Christi, in manu tua dextera, ut te ſignes, & te de adversa parte repellas, & in Fide Catholica permanas, & habeas vitam æternam, & vivas cum Domino ſemper in ſæcula ſæculorum. Amen.* Rurſus mandat, ut cum ipsa manu infantis ſignet ipsum infantem, his verbis: *Signo te ſignaculo Domini nostri Jesu Christi de manu tua dextera, ut te conſervet contra adverſarios tuos, ut habeas vitam æternam, & vivas in ſæcula ſæculorum. Amen.*

IV. His ad eruditionem diſcis Eccleſiaſticæ antiquitatis tironum, devenio ad §. noſtrum, ex quo poſt præſcriptam formulam, quæ hodie utimur, recte admonemur, advertendum plane eſſe, quod diſta verba, *horrefce idola, respuat fœculacra*, dicantur Catechumeno, qui venit de gentilitatis errore, ſeu ethniſis, & idololatriæ. Legitur in Græcorum Euchologio Oratio ad faciendum ex ethniſis Catechumenum, ex cuius præſcripto Sacerdos, ante fores Templi jabet eum genuſcellere, *Crucem ter ſignat, & dicit: Benediſtus es Domine Deus, Pater Domini nostri Jesu Christi, qui ex omnibus gentibus eligis tibi abundantem populum, honorum operum zelatorem. Tu præſentem ſervum tuum ad ſanctam Eccleſiam tuam accedentem benedic; revela oculos ejus ad mirabilium tuorum contemplationem; aperi aures ejus ad divinatorum verborum tuorum obediendum; Catechumenus populi tui illum junge, ut in uno tempore opportuno regenerationis indumenti incorruptibilis lavaſcro dignus fiat. Deinde rurſus Crucem illum ſignat, & nomen ejus inter Catechumenos ſcribit &c.* Atque hic Ordo videri poteſt apud Martene Lib. I. De antiquis Eccleſiæ ritibus, Cap. I. Articulo VII. Ordine XIII.

V. Sed ut explicationem noſtri §. proſequamur, ſtatuit hic quidem, ut Catechumeno Judæo dicatur, *horrefce Judaicam perſidiam, respuat Hebraicam ſuperſtitionem.* Et recte quidem, non enim ipſi Judæi, idololatræ ſunt, & ethniſis, ac Gentiles, ſed perſidi, ac ſuperſtitioſi, ut eos antiqui SS. Patres Eccleſiæ, & Scriptores paſſim appellant. Extat & in Græcorum Euchologio Ordo ſervandus circa eos, qui ex Hebræis ad Chriſtianam Fidem accedunt, ubi ait, quod *proſiteri oportet illum, & verbis omnem Hebræarum gentem ſubſannare, & exinde declarare, quia ex toto corde, & ſide ſuæra cum Chriſtianiſmi verſari voluit; tam maniſeſte in Eccleſia omni Judaica ſuperſtitionis renunciare, Sacerdote videlicet dicente, & ipſo ad verbum repetente, ant certe ejus Sacerdote, ſi ipſe fuerit. Recineſt mox Renunciationis formulam, quæ ita incipit: Renuncio omni Hebræarum conſuetudini, & ritibus, & Legalibus &c. quæque integra a Martene reſertur citato loco, Ordine XIV.*

VI. Saraceno autem, vel Turcæ, aut Perſæ, ſive alii ex Mahumetanis ad Fidem venienti Catechumeno, vult quidem idem noſter §. ut loco eorumdem verborum, nempe, *horrefce idola, respuat fœculacra*, dicatur: *horrefce Mahumeticam perſidiam, respuat pravam ſectam inſidelitatis.* Porro Mahumetiani vulgo uncupan-

tur quicumque apud Agarenos, & Saracenos in-
formem sequuntur, & diabolicam Mahumeticam
religionem formam, seu religionem a Mahumeto
pseudopropheta, viro natione, & professione
mercatorie pessimam, prænuntio Satanæ, & Anti-
christi præcurfore in perniciem animarum infeli-
citer ortam sub Heraclio Imperatore, & Hono-
rio I. Romano Pontifice circa annum DCXXX.
cujus religionis forma talis erat, ut in ea ad vi-
tandas quascunque de Fidei doctrina dissensio-
nes, & opiniones, & prætermisissimas sublimiori-
bus Fidei sententiis, & articulis, sola morum
doctrina retineretur. Præcipit novus iste legi-
slator in suo Alcorano, nequis de sua secta di-
sputare audeat. Cum vero statuta ab ipso religio
naturæ sit blandiens, non mirum, si eam statim
amplexi fuerint homines genere dispares, lin-
gua dissimiles, Gentiles, Judæi, & Christiani
Religionis Apostatæ varii, & ita coaluerit, ex-
creveritque, ut suæ doctrinæ veneno magnam
Orbis partem infecerit. Plura de Mahumeto
ejusque secta, atque erroribus videri possunt
apud Baronium ad annum MDCXXX.

VII. Ad hæreticum tandem quod attinet,
venienti illi ad Ecclesiam Catholicam, si in ejus
Baptismo debita forma servata non est, ideoque
baptizari debet, ex ejusdem nostri §. præscripto,

loco memoratorum verborum, *borresce idola
&c.* dicenda sunt ista verba: *borresce hæreticam
pravitatem, respice nefarias sectas impiorum;*
vel exprimens proprio nomine secta est, de
qua Catechumenus venit. Sed notanda potissi-
mum sunt illa verba nostri §. *Si in ejus Baptismo
debita forma servata non est;* nam alius valere
Baptismum ab hæreticis collatum, ubi scilicet
debita materia, ac forma servata fuisset, con-
stanti Ecclesie traditione docemur, de qua su-
pra non uno in loco diximus. Puto equidem op-
timum esse, ac necessarium, ut ubi hæreticus es-
set baptizandus, hic prius bene examinaretur,
de secta, ejusque erroribus, ut tempore Baptis-
mi notum foret baptizanti, an Catechumeno ad-
hibita fuerit, vel non, debita materia, & forma
in Baptismo ab eo prius recepto. Caterum licet
superius notavimus jam nonnullas hæreticorum
sectas, quæ in materia, vel forma Baptismi er-
rarunt, necesse est, ut Catechista, vel Minister
Baptismi de hujusmodi sectis, earumque circa
Baptismum erroribus sit bene instructus, ut as-
signare verba propria possit in facienda Catechesi,
atque exorcismi peragenda. Id enim expresse
noster idem §. mandat, ubi unimur ait, ut ex-
primatur proprio nomine secta, de qua Catechu-
menus venit.

§. XI.

Si plures sunt Electi, omnia supradicta dicantur singillatim super singulos.

Oremus.

*Te deprecamur, Domine Sancte, Pater Omnipotens, æterne Deus, ut huic famulo tuo N.
qui in hujus sæculi nocte vagatur incertus, ac dubius, viam veritatis, & agnitionis
tuæ jubas demonstrari; quatenus, reſeratis oculis cordis sui, te unum Deum Patrem
in Filio, & Filium in Patre cum Spiritu Sancto recognoscat, atque hujus confessionis
fructum, & hic, & in futuro sæculo percipere mereatur. Per Christum Dominum no-
strum. R. Amen.*

COMMENTARIUS.

Dari profectio casus potest, ut multi
adint Catechumeni simul baptizandi,
omnesque ejusdem sectæ, & religio-
nis, vel etiam diversæ, ut exempli gratia unus
Ethnicus, alter Hebræus, tertius Mahumeta-
nus, quartus hæreticus, qui perperam fuerat in
sua secta Baptismo initiatus; in quocunque casu
fieri debet iste exorcismus *singillatim super singu-
los*, ut ait hic noster §. quia cum Minister Baptis-
mi debeat signare Crucis signaculo frontem, &
pectus uniuscujusque Catechumeni, debet quo-
que unienique proferre formulam in §. x. præ-
scriptam, *N. accipe signum Crucis &c.* sed mu-
tatis tamen verbis, juxta pravitatem religionis,
& legis, in qua debebant, uti superius notatum

fuit. Porro Oratio, *Te deprecamur &c.* in præ-
sentis §. & in mss. Sacramentorum Libris anno-
rum circiter mille, scilicet, Gellonenſi, Remensi
S. Remigii, Anglicanæ Monasterii Gemmeticen-
sis, Noviomenſi B. Mariæ, Pistaviensibus, Mo-
sacensibus, Colbertino, & aliis multis præscripta,
cum communis sit, eaque pro cunctis imploret
Sacerdos Dei auxilium, ut viam veritatis omni-
bus demonstret, si plures sint Catechumeni ba-
ptizandi, dicenda est *in numero plurali*, ut ait
sequens §. xii. & quidem in genere suo; si enim
Catechumena esset baptizanda, vel etiam plures
femine sexus, tunc masculini generis verba
verti in femininum debent. Sed hæc jam alias
supra admouimus.

§. XII.

Si plures sint Electi, præcedens Oratio dicatur in numero plurali. Sequentes autem si-
gnationes fiant cum suis verbis singillatim, super singulos.

§. XIII.

Deinde signet Electum signo Crucis cum pollice in fronte, dicens: *Signo tibi frontem
✠, ut suscipias Crucem Domini.* In auribus: *Signo tibi aures ✠, ut audias Divina
præ-*

præcepta. In oculis: Signo tibi oculos ✠, ut videas claritatem Dei. In natibus: Signo tibi naves ✠, ut odorem suavitatis Christi sentias. In ore: Signo tibi os ✠, ut loquaris verba vite. In pectore: Signo tibi pectus ✠, ut credas in Deum. In scapulis: Signo tibi scapulas ✠, ut suscipias jugum servitutis ejus. In toto corpore: illud non tangens, manu producit signum Crucis, & dicit: Signo te totum, in nomine Patris ✠, & Filii ✠, & Spiritus ✠ Sancti, ut habeas vitam eternam, & vivas in seculo seculorum. R. Amen. Oremus.

Preces nostras, quasumus Domine, clementer exaudi, & hunc Electum tuum N. Crucis Dominice, cujus impressione eum signamus, virtute custodi, & magnitudinis gloriae tuae rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. R. Amen.

Oremus.

Deus, qui humani generis ita es conditor, ut sis etiam reformator, propitiare populis adoptivis, & novo Testamento sobolem novæ prolis adscribe; ut filii promissionis, quod non potuerunt assequi per naturam, gaudeant suscipere per gratiam. Per Christum Dominum nostrum. R. Amen.

COMMENTARIUS.

PRÆTER Crucis signationem, quæ in Baptismo infantium, & adultorum fit primum in fronte, & in pectore, ut suis locis diximus, amplius quidem hic ritus in solo adultorum Baptismo, in quo præsens hic uester §. xii. pervetustis Ritualibus inherens, plures alias signationes præscribit faciendas cum suis verbis singillatim super singulos, ubi plures adfuerint Catechumeni sacro lavacro ablundi. Dissertimus jam & de hoc ritu, tum alibi, tum supra in Commentario ad §. x. Mylicas toti signationum in variis corporis membris significationes, addicere plane ex earundem formulis licet, atque ex Enchiridio Christianæ Institutionis edito in Concilio Colonienſi anno MDXXXVI. ubi sic inquit: Deinde signum Crucis fit principio in fronte, ad significandum, quod baptizandus nomen dat Christo Crucifixo, in quo confidat, & quem pollicetur confiteri, nunquam erubescit. Super oculos dein, ut intelligamus, baptizandum preparari ad videndum claritatem Dei. Super aures quoque, ut intelligamus, eum consecrari, ut audiat verbum veritatis Dei. Super naves etiam, ut percipiat suavitatem odoris Dei. Signatur quoque pectus, ut credat in eo, quia corde creditur ad iustitiam. Scapula quoque, ut suscipiat jugum servitutis Dei, juxta Christi præceptum, Tollite jugum meum super vos. Os denique, ut confiteatur illi, quia ore confessio fit ad salutem.

II. In antiquo Rituali Ecclesiæ Leodiensis præter prædictas septem significationes cum precibus, mysticis hisce rationibus respondentibus, duæ aliæ superadduntur, una in fronte, altera in pectore; nimirum duæ istæ corporis partes bis signandæ præscribuntur, semel initio, & semel post septimam configurationem. Flebant præterea & aliæ Crucis signationes, tam insusciando, quam inangendo, aut benedicendo Catechumenos, quas videre licet apud Martenæ Lib. I. Cap. I. Articulo VII. & XVIII. Quamobrem errat Barrufaldus in Commentariis ad Rituale Romanum Tit. XIII. §. xi. num. 37. & seqq. ubi ait parvulus videtur in sola fronte signum Crucis imprimi, quia in infantem non alia labe maculatur, nisi originali, quæ in fronte designatur, & in capite, quia ibi sensus hominis initium capiunt; adultos vero, quod per alios sensus

deliquerint, ideo in variis corporis membris Cruce signari. Nam in primis ex nostris Ritualibus Romani præscripto, quod ipse exposuit, ut legitur Tit. II. Cap. II. §. iv. infantes in fronte, & in pectore, Crucis signo a Sacerdote consignantur. Deinde vtro, ex multis Ritualibus constat, varias Crucis configurationes fassas olim in variis eorum membris fuisse; ad quas quidem Tridentini Concilii Catechismus alludit Parte II. De Baptismi Sacramento, num. LX. ubi sic inquit: Obligatur præterea signo Crucis frontis, oculi, pectus, humeri, aures; quæ omnia declarant, Baptismi mysterio sensus baptizati aperiri, ac roborari, ut Deum exicipere, præceptaque ejus intelligere, ac servare possit. His similis, ac longe plura legere est apud Authores complures, tum veteres, tum recentiores, qui Baptismi ritus varios ex processu enarrarunt; optandumque esset, ut Parochi, alique Concionatores, ubi se illis præbet occasio, Fidelibus eodem exponeretur, uti S. Carolus, alique religiosissimi Episcopi mandant.

III. Præter varias corporis partes, mandat etiam hic noster §. ut Sacerdos in toto corpore Catechumeni baptizandus, illud non tangens, manu signum Crucis producat, & dicat: Signo te totum in nomine Patris &c. In toto corpore benedicitur per signum Crucis, ut ita totus homo benedictus, & paratus remaneat ad recipiendam gratiam sanctificandæ Baptismi. Sed manu tamen non tangit Minister Catechumeni corpus, quia scilicet ista Crucis signatio fieri debet ante oculos baptizandi in tota sua extensione, ut eam quodammodo ante oculos habeat, & intueatur. Ultra quamquod magni esset incommodi, si manu tangere deberet Minister Catechumenum baptizandum a capitis vertice usque ad plantam pedis, ut recte notat Barrufaldus Tit. XIII. §. xi. num. 40. Ad orationes vero quod spectat in §. nostro præscriptas, utraque legitur in variis antiquis Ritualibus Libris, apud Martenæ citato loco, Ordine IV. & seqq. ac in aliis etiam ab eodem Auctore relatis Articulo XVIII. Sed notandum tamen ait uester sequens §. xv. ut, si plures sint baptizandi, prima Oratio, quæ incipit, *Preces nostras*, in numero plurali dicatur, quinimo etiam in genere feminino, si solæ feminae fuerint baptizandæ. §. XIV.

§. XIV.

Tunc imponit manum super caput Electi, & dicit:

Oremus.

Omnipotens sempiterne Deus, Pater Domini nostri Jesu Christi respicere digneris super hunc famulum tuum N. quem ad rudimenta Fidei vocare dignatus es; omnem cecitatem cordis ab eo expelle; disrump omnes laqueos Satanae, quibus fuerat colligatus; aperi et, Domine, janua pietatis tue, ut signo sapientie tue imbutus, omnium cupiditatum fetoribus careat, & ad suavem odorem preceptorum tuorum letus tibi in Ecclesia tua deferat, & proficiat de die in diem, ut idoneus efficiatur accedere ad gratiam Baptismi tui, percepta medicina. Per eundem Christum Dominum nostrum. R. Amen.

§. XV.

Si plures sint, hæc, & præcedens Oratio, Preces nostras, dicantur in numero plurali.

COMMENTARIUS.

Ritus instituendi Catechumenos apud veteres, jam non modo per Crucis impressionem in fronte, atque in aliis corporis partibus, ut in præcedenti Commentario dictum est, peragi consuevit, verum etiam per manuum impositionem eua oratione, & per exorcismos, aliosque ritus, de quibus & differimus supra in Commentariis ad Ordinem Baptismi parvulorum, & differimus etiam inferius in Commentariis ad sequentes Paragraphos Baptismi adultorum spectantes. De manuum impositione insignis est Augustini locus, Lib. II. De peccatorum meritis, Cap. xxv. *Non uniusmodi est, inquit, sanctificatio; non & Catechumenos secundum quendam modum sanum per signum Crucis, & orationem manus impositione, potest sanctificari.* Idem non minus constat ex Sermone LII. S. Petri Chrysologi sic agentis: *Hæc est, quod veniens ex gentibus, impositione manus, & exorcismis ante a demone purgatur, & aperitionem aurium percipit, ut Fidei capere possit auditum.* Et Sermone XI. ubi sic habet: *Ut incurvus peccatis gentilis erigatur ad Cælum, prius a gentili per impositionem manuum nequam spiritus effugatur.*

II. Insigne ritus hujus antiqui exemplum suppeditat Eusebius Lib. IV. Vitæ Constantinæ, Cap. LI. ubi agens de Constantini Baptismo Nicomedia in exitu vitæ perecepit, ita inquit: *Quo in loco manuum impositionem cum solemnibus precationibus primum meritis accipere.* Sed elariora sunt illa, quæ refert Severus Sulpitius, unum ex Libro, De vita S. Martini, Cap. x. alterum ex Dialogo II. de virtutibus ejusdem S. Episcopi, Cap. v. Primum sic se habet: *Nemo fere ex immani illa multitudine fuit gentilius, qui non impositione manus desiderata, in Dominum Jesum, relicto impletatis errore, crediderit.* In se-

cundo postquam narravit factam coram innumera fere paganorum casterva a S. Præsule mortui resurrectionem, sic insert: *Tum vero multitudo omnis in Cælum clamore sublato, Christum Dominum sateri, postremo cuncti catervatim ad genua Beati Viri ruerere ceperunt, fideliter postulantes, ut eos faceret Christianos; nec cunctatus, in medio, ut erat, campo, cunctos, imposita universi manum, Catechumenos fecit. Cum quidem ad nos conversus diceret, non irrationabiliter in campo Catechumenos fieri, ubi solent Martyres consecrari.*

III. Oratio tandem cum manuum impositione super Catechumenum a Sacerdote dicenda in nostro §. XIV. præscripta, legitur quidem in duobus mss. Sacramentorum Libris Ecclesiæ Turonensis annorum circiter CM. & in aliis s. Martene relatis Lib. I. De antiquis Ecclesiæ ritibus, Capite I. Articulo VI. Ordine IV. & seqq. ex quorum tamen præscripto dicebatur post insufflationem, sine ulla manuum impositionis rubrica, una cum Oratione, *Preces nostras &c.* & alia, *Deus qui humano generi &c.* quæ leguntur supra in §. XII. Non desunt tamen apud eundem Martene citato Articulo VII. & XVIII. alii veteres Sacramentorum Codices, in quibus una cum manuum impositione, Oratio ipsa, *Omnipotens sempiterne Deus &c.* in præsentis §. notata a Sacerdote pronuntiatur. Ceterum si plures sint, qui salutari hvacro sunt abluendi, mandat quidem noster §. XV. ut hæc, & præcedens Oratio, *Preces nostras*, quæ legitur supra in §. XII. dicantur in numero plurali. & in genere etiam feminino, si baptizanda femina sint. Atque hic notandum est, quod ubi sunt plures baptizandi, tunc quidem, singulis manum imposita, semel Oratio ipsa, *Omnipotens sempiterne Deus &c.* plurali numero recitabitur.

§. XVI.

Deinde Sacerdos benedicit sal.

Benedictio salis dandi Catechumeno.

Exorcizo te creatura salis in nomine Dei Patris Omnipotentis ✠, & in charitate Domini nostri Jesu Christi ✠, & in virtute Spiritus Sancti ✠. Exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad salutem

lam humani generis procreavit, & populo venienti ad credulitatem, per servos suos consecrari precepit, ut in Nomine Sancte Trinitatis efficacius salutare Sacramentum ad effugandum inimicum. Proinde rogamus te, Domine Deus noster, ut hanc creaturam salis sanctificando sanctifices ✠, & benedicens benedicas ✠, ut fiat omnibus accipientibus perfecta medicina, permanens in visceribus eorum, in Nomine ejusdem Domini nostri Jesu Christi, qui venturus est judicare vivos, & mortuos, & seculum per ignem. *R. Amen.*

§. XVII.

Tunc pollice, & indice accipit de ipso sale, & immittit in os Catechumeni, dicens: *N. accipe sal sapientia; propitiatio sit tibi in vitam eternam. R. Amen. Sacerdos: Pax tibi. R. Et cum spiritu tuo. Oremus.*

Deus Patrum nostrorum, Deus universe conditor veritatis, te supplices exoramus, ut hunc famulum tuum N. respicere digneris propitius, & hoc primum pabulum salis gustantem, non diutius esurire permittas, quo minus cibo expleatur caelesti, quatenus sit semper spiritu fervens, spe gaudens, tuo semper nomini serviens. Perduc cum Domine, quaesumus, ad novae regenerationis lavacrum, ut cum fidelibus tuis promissionum tuarum aeterna premia consequi mereatur. Per Christum Dominum nostrum. R. Amen.

§. XVIII.

Si plures sint, dicatur singulis: *N. accipe sal &c.* & praecedens Oratio, Deus Patrum nostrorum, in numero plurali.

COMMENTARIUS.

I. **D**E salis usu, ejusque benedictione in Sacramento Baptismi, late jam diximus supra in Commentariis in Ordinem Baptismi parvulorum. Abs re tamen non crit aliqua in praesenti Commentario, quo uno plures Paragraphos amplectimur, de eo rite adnotare; ac primo quidem pervetustum fuisse Ecclesiae morem, ut Catechumeni Baptismo proximi minime quibuscumque, ut ajunt Sacramentis, sive potius sacramentalibus uterentur; ut nimirum per ea ad vera Ecclesiam Sacramenta suscipienda paulatim disponentur, quemadmodum exponit doctissimus Gabriel Albaspinus Lib. II. Observationum, Cap. ultimo: *Inter ceteros ritus, ait, quibus olim formabantur Catechumeni, minis quibusdam Sacramentalibus utebatur Ecclesia, non solum, ut mysteriorum rudis Eucharistia paulatim assuesceret, sed etiam, ut vite Christiana femina, qua in ipsa auditiore, (erat haec una e Catechumenorum classibus) animis combiberant, horum Sacramentorum usu forent. Nam quomodo Corporis Christi perfectio illi, & omnino formata membra non erant, utrumque tamen ei adhaerebant, Christianitatisque spiritum quodammodo ducere incipiebant.*

II. Sacramenti hujus Catechumenorum meminit quidem S. Augustinus Lib. De catechizandis rudibus, Cap. xxvi. ubi fit inquit: *De Sacramento salis, quod accipit, Catechumenus, cum ei bene commendatum fuit, signa sua quidem rerum Divinarum esse visibilia, sed rei ipsae invisibiles in eis honorari; nec se habendam esse illam speciem benedictionis sanctificationis, quemadmodum habetur in usu quolibet; dicendum etiam, quid significet & sermo ille, quem nadiit, quid in illo condit, cujus illa res similitudinem perit.* Notant hic eruditissimi Opere Augustini Revisores, Lovaniensem editionem legere condatur, sed recte ajunt legendum

condat; nam agitur hic de Sacramento salis; quo Catechumenus initiatur. Atque hoc pertinet illud ejusdem Augustini Lib. Confessionum, Cap. ix. *Et signabar jam signo Crucis ejus, & condidit cibus salsus jam inde ab utero matris meae.* Per sacramentum denique ab Augustino intelligi sal Catechumeno dari solitum, probat quoque Concilium III. Carthaginense, cui ipse Augustinus interfuit, Can. v. decernens: *Item placuit, ut per solemnissimos Paschales dies Sacramentum Catechumenis non daretur, nisi solum sal, quia si Fideles per illas dies Sacramentum non mutant, nec Catechumenis oportet mutari.* Canonem videtur sic esse intelligendum, quod cum per octo dies illos Paschales non offerretur a Fidelibus, nisi panis, & vinum, quibus in Christi Corpus, & Sanguinem mutatis, pro Eucharistico Sacramento conficiebantur; sic Catechumeni contenti essent uti sale solito, quod illud facile ex aliis oblatis reservari posset; haec quippe omnes Oblationum species benedici solebant, quamvis non essent Corpus Christi, ut loquitur Augustinus Lib. II. De peccatorum meritis, Cap. vi. ideoque Sacramentum potuerunt appellari, & praecipue sal, quod Catechumenis Eucharistiae loco, & in spirituali alimoniae symbolum praebatur, ac medicum; cujus benedicendi morem, & antiqui Romani Ordines, & Rituales prius Codices, & Libri Sacramentorum referunt, & quidem cum ea oratione, seu exorcismo, *Exorcizes te creatura salis &c.* in nostro §. xvi. praescripto.

III. Quemadmodum autem antiquus est exorcismus salis, ita & formula, quam ex nostro §. xvi. praescripto dicit Sacerdos, quum sal in os Catechumeni immittit, tametsi in aliquibus Sacramentorum Libris aliquantum variet, ut in duobus Ecclesiae Turonensis annorum circiter CM. & in aliis non paucis relatis a Martene Lib. II.

Lib. 1. Cap. 1. Artículo v11. Ordine 1v. & seqq. ubi post exorcismum salis, & orationem, quæ dicitur, *Benedictio salis Catechumino dandi*; & incipit: *Benedic Omnipotens Deus hanc creaturam salis &c.* quæ quidem repetitio est prædicti exorcismi, hæc extat formula in salis immisione recitanda: *Accipe sal sapientie propitius in vitam æternam*. In ms. Missali Romaricensi annorum circiter dcc. legitur: *Accipe sal sapientia, ut propitius sit tibi Deus in vitam æternam. Amen*. In tribus Libris mss. Pontificalibus, Constantinopolitano annorum circiter DC. Aqnesi annorum D. & Romano annorum CD. quibus concinit noster §. sic habetur: *Accipe salem sapientia, propitius tibi sit in vitam æternam. Amen*. Et cum spiritu tuo. Antiqua itidem est illa oratio, quæ ex præscripto nostri §. xv11. post salis immersionem dicitur, cujus initium est, *Deus Patrum nostrorum*, legiturque post datam salem, in ms. Codice Parthenonis B. Mariæ Calensis in Diocesi Parisiensis annorum circiter CM. & in aliis a Martene descriptis citato Artículo v11. & xv111. ex qui-

bus etiam addicimus, sal in quibusdam Codicibus scribi in genere neutro, in nonnullis vero masculino. Quicquid autem de hac re sit, si plures sunt baptizandi, recte ait noster §. xv111. *ut dicatur singulis*, & in genere etiam feminino, si baptizande sint sole feminæ.

IV. Quare dari Catechumenis sal consueverit, jam alias explicatum a nobis fuit. Teste Magno Archiepiscopo Senonensi in Libello, *De mysterio Baptismatis*, iussu Caroli Magni edito, *Salem accipiant in Baptismatis Sacramento, ut gustu ejus percipiant sapientia condimentum, neque desipiant a sapore Christi, & insalutari sint*. Juxta Anonymum Scriptorem in brevi Tractatu, *De Sacramento Baptismi*, apud Martene Lib. 1. Cap. 1. Artículo xv11. pag. 161. *Accipit Catechumenus salem, ut putrida, & fluxa ejus peccata sapientia sale divino manere mudentur*. Vide alias explanationes in Commentariis superioribus, quibus ritus Baptismi parvulorum exposui.

§. XIX.

Quod si Catechumenus fuerit Gentilis, seu ex idololatriis venerit ad Fidem, benedictio sale, priusquam ejus medicinam gustet, Sacerdos addat sequentem Orationem, dicens.

Oremus.

Domine Sancte, Pater omnipotens, æterne Deus, qui es, qui eras, & qui permanes usque in finem, cujus origo nescitur, nec finis comprehendere potest: te supplices invocamus super hunc famulum tuum N. quem liberaisti de errore gentiliū, & conversione, turpissima: dignare exaudire eum, qui tibi cervicem suam humiliter ad lavacri Fontem, ut renatus ex aqua, & Spiritu Sancto, expoliatus veterem hominem, induas novum, qui secundum te creatus est; accipias vestem incorruptam, & immaculatam, tibiique Deo nostro servire mereatur. Per Christum Dominum nostrum. R. Amen.

§. XX.

Si plures sint, præcedens Oratio dicatur in numero plurali.

COMMENTARIUS.

I. **Q**uod in nostro §. xix. præscribitur de Catechumeno gentili, seu ex idololatriis veniente ad Fidem, ut nempe, benedictio sale, priusquam ejus medicinam gustet, Sacerdos addat prædictæ orationi in §. xv11. præscriptæ hanc aliam in præfenti §. xix. notatam, licet in multis antiquis Ritualibus desideretur, statutum nihilominus fuit in Sacramentario S. Gregorii Papæ, & in mss. Sacramentorum Libris annorum circiter mille, Geljonensi, Remensi S. Remigii, Anglicano, & Monasterii Gemmeticensis, Noviomensis B. Mariæ, Pictaviensis, Regio, Colbertino, & Moisacensi, in Ordine, *Ad catechumenum ex pagano faciendum*, apud Martene Lib. 1. Cap. 1. Artículo vii. Ordine 111. ut postquam gustaverit medicinam salis, Catechumenus scilicet, & ipse se renove-

rit, Sacerdos benedicat eum his verbis: *Domine Sancte, Pater omnipotens, æterne Deus, qui es, & eras, & permanes sine fine &c.* Si pauca excipias, totidem pene verbis constat oratio, ac illa in præfenti nostro §. notata. In eo autem potissimum variat hic noster §. a memoratis Sacramentorum Libris, quod ubi illi dicendam orationem ipsam præscribunt, postquam gustaverit medicinam salis, §. noster statuit, pronunciamdam a Sacerdote, benedictio quidem sale, sed priusquam Catechumenus ejus medicinam gustet. Ceterum si plures sint, illud præcipitur in §. xx. ut ipsa oratio, *Domine Sancte &c.* dicatur in numero plurali; & uti sæpe a nobis notatum fuit, in genere etiam feminino, si ad sacrosancti Baptismi lavacrum Catechumenæ gentiles feminæ accesserint.

§. XXI.

Deinde Sacerdos dicat super masculum tantum: *Ora Electe, flecte genua & dic, Pater noster*. Et Electus genu flexo orat, & dicit: *Pater noster*. Et cum oraverit, & dixerit,

serit, *Pater noster*, usque ad, *sed libera nos a malo*, inclusive, Sacerdos subjungit, *Lena, comple orationem tuam, & dic, Amen.* Et ille respondet, *Amen.* Et Sacerdos dicit Patrino, *Signa eum.* Deinde Elesto, *Accede.* Et Patrinus pollice signat eum in fronte, dicens: *In Nomine Patris, & Filii, & Spiritus Sancti.*

§. XXII.

Tum quoque Sacerdos facit Crucem in fronte ejus, ita dicendo: *In Nomine Patris, & Filii, & Spiritus Sancti; & imponit manum super eum, & dicit.*

Oremus.

Deus Abraham, Deus Isaac, Deus Jacob, Deus, qui Moysi famulo tuo in Monte Sinai apparuisti, & filios Israel de Terra Aegypti eduxisti, deputas eis Angelum pietatis tue, qui custodires eos die, ac nocte: te quaesumus Domine, ut mittere digneris Sanctum Angelum tuum de Celis, qui similiter custodiat & hunc famulum tuum N. & perducatur eum ad gratiam Baptismi tui. Per Christum Dominum nostrum. R. Amen.

Exorcismus.

Ergo, maledicte diabole, recognosce sententiam tuam, & da honorem Deo vivo, & vero, da honorem Jesu Christo Filio ejus, & Spiritui Sancto, & recede ab hoc famulo Dei N. quia ipsum sibi Deus, & Dominus Jesus Christus ad suam sanctam gratiam, Fontemque Baptismi vocare dignatus est; & hoc signum sanctae Crucis ✠, quod nos fronti ejus damus, tu, maledicte diabole nunquam audeas violare. Per eundem Christum Dominum nostrum, qui venturus est judicare vivos, & mortuos, & saeculum per ignem. R. Amen.

§. XXIII.

Sed si plures sint Catechumeni, hic, & in sequentibus Sacerdos dicat in numero plurali: *Orate Elesti, flectite genua, &c.* ut supra usque ad finem praecedentis Exorcismi, qui incipit: *Ergo maledicte diabole.*

§. XXIV.

Item super unum secundo, dicat: *Ora Eleste, flecte genua, & dic, Pater noster, & reliqua, ut supra usque ad Orationem, Deus Abraham, exclusive; deinde imponit manum super eum, & dicit.*

Oremus.

Deus immortalis praesidium omnium postulantium, liberatio supplicum, pax rogarum, vita erodentium, resurrectio mortuorum, te invoco super hunc famulum tuum N. qui Baptismi tui donum petens, aeternam consequi gratiam spirituali regeneratione desiderat. Accipe eum Domine, & quia dignatus es dicere, Petite & accipietis, querite, & invenietis, pulsate, & aperietur vobis; petenti premium porrige, & januam pande pulsanti, ut aeternam caelestis lavacri benedictionem consequutus, promissa tui muneris regna percipiat. Qui cum Patre, & Spiritu Sancto vivis, & regnas in secula saeculorum. R. Amen.

Exorcismus.

Audi, maledicte Satana, adjuratus per Nomen aeterni Dei, & Salvatoris nostri Jesu Christi Filii ejus, cum tua visus invidia tremens gemensque discede; nihil tibi sit commune cum servo Dei N. jam caelestia cogitante, remansituro tibi, & saeculo tuo; & beate immortalitati victuro. Da igitur honorem advenienti Spiritui Sancto, qui ex summa Caeli arce descendens, proturbatis fraudibus tuis, Divino Fonte purgatum peritus, sanctificatum Deo templum, & habitaculum perficiat, ut ab omnibus penitus noxiis praeteritorum eriminum liberatus Servus Dei, gratias perenni Deo referat semper, & benedicat Nomen sanctum ejus in secula saeculorum. R. Amen.

§. XXV.

Item super unum masculum tertio dicat, ut supra, *Ora Eleste, flecte genua, & dic Pater noster, &c.* usque ad Orationem, *Deus Abraham, exclusive; deinde imponit manum super eum, dicens:*

Exorcismus.

Exorcizo te, immunde Spiritus, in Nomine Patris ✠, & Filii ✠, & Spiritus ✠ Sancti, ut exeat, & recedas ab hoc famulo Dei N. Ipse enim tibi imperat, maledicte, damnate, qui pedibus super mare ambulavit, & Petro mergenti dexteram porrexit.

Tom. I.

V

§. XXVI.

§. XXVI.

Exorcismus. Ergo maledixit diabole &c. & repetit totum, ut supra habetur.

COMMENTARIUS.

I. **E**xplere fati nequit, quanta, ac qualis fuerit primis Christi Sæculis ad Baptismum præparatio. Datis Catechumeni nominibus, nihil aliud cogitabant, quam ut variis pietatis operibus, durisque, ac sedulis penitentiae exercitiis ad recipiendam novæ in Christo natiuitatis gratiam se se præparent; uti jam nos superius non uno in loco ostendimus, & late probant Josephus Vicecomes in Libris, *De ritibus Baptismi*, & Martene, Lib. 1. *De antiquis Ecclesiæ ritibus*, Cap. 1. Articulo x. num. ix. & seqq. Sed ut hic etiam nonnihil dicamus, cogunt nos varii Paragraphi, qui in uno Commentario explicandos suscipimus; spectant enim varias genuflexiones, orationes, exorcismos, manuumque impositiones, quæ in adultorum præsertim Baptismo fieri, ac recitari, ex antiquo Ecclesiæ ritu, expresso in priscis Romanis Ordinibus, ac variis Ritualibus, debent. Et ratio est illa, quia non tantum de peccato originali est mundandus adultus, sed & de multis actualibus, quæ in sua ipsorum falsa religione, vel secta patrauerunt.

II. Esse autem antiquum ritum, quod ait noster §. xx. ut nempe, *Sacerdos die et super masculum tantum, ora Electa, flecte genua &c.* constat plane ex Ordinibus Romanis 1. & vii. apud Mabillonium Tomo II. Musæi Italici, ex antiquissimo ms. Missali Gelloniensis Monasterii annorum mille, & ex ms. Pontificali Ecclesiæ Piscavensis annorum circiter CM. apud Martene Lib. 1. Capite 1. Articulo x. Ordine II. & III. & ex aliis Ritualibus multis, in quibus præscriptum legitur, quod nostri Paragraphi statuerunt circa Catechumenam masculum; pro femina enim aliæ præscriptæ sunt orationes, atque exorcismi, de quibus dicemus infra in Commentario ad §. xxvii. & seqq. Crebra Catechumeni genuflexio, quam nostri Paragraphi præscribunt, in memoriam revocant antiquum illum Catechumenorum gradum, seu classen, qui Genuflectentes dicebantur, quod in Templis genua flecterent, & super quibus genuflexis, & manus pluries imponebantur, & orationes, atque exorcismi proferebantur. Atque hujus quidem classis, sicut & Audientium meminit inter alia Concilium Neocesariense anni cccxiv. Canone v. ex interpretatione Dionysii Exigui, ubi ita statuit: *Catechumenus, si ingrediat Ecclesiam, & in ordine eorum, qui instruantur, assistat; hic autem deprehensus fuerit peccans, siquidem genuflectit audiat, ut non delinquat ulterius; si vero & audient peccaverit, expellatur vi.* Ubi nota duos Catechumenorum gradus, seu statio-

nes, Audientium, & Genuflectentium, qui videlicet crebris manuum impositionibus, & Crucis conignationibus, exorcismis, atque orationibus expurgabantur, hosque in altiori gradu constitutos in crimen lapsos mandat Canon ad classem Audientium rejici, illos vero de sua, in qua sunt statione expelli.

III. Manuum impositionis, Crucisque conignationis, orationisque super Catechumenos frequens est apud Veteres mentio, præsertim vero apud S. Augustinum, qui, ut alia ejus loca omitam, Lib. II. *De Baptismo parvulorum*, Capite xxxvii. sic inquit: *Non cuiusmodi est sanctificatio, nam Catechumenos secundum unum quemdam modum, per signum Christi, & orationem, manus impositione puto sanctificari. Præparatos fuisse olim potissimum Catechumenos ad Baptismum per varios exorcismos, docent nos passim prisci Occidentales, & Orientalis Ecclesiæ Patres, atque antiquissimi Sacramentorum Codices, & Ritualis mss. Libri variarum Orbis Ecclesiarum.* Huc enim facit, quod tradit Gennadius in Libro, *De Ecclesiasticis dogmatibus*, Cap. xxxi. ubi sic loquitur: *Illud etiam, quod circa baptizandos in universo Mundo fuit Ecclesiæ uniformiter agit, non otiose contemplamur intinui, cum sive parvuli, sive juvenes ad regenerationis veniant Sacramentum, non prius Fontem vitæ adeant, quam exorcismis, & exsufflationibus Clericorum, spiritus ab eis immundus abigatur.* Alia id genus loca hic recensere, supervacaneum est, cum de hujusmodi exorcismis jam supra variis in locis, in quibus se se nobis dedit occasio, abunde differuerimus.

IV. Ritus denique in nostris Paragraphis, ut nimirum post acceptum sal, ter Catechumeni orent, ter signentur, ter Dominicam reddant Orationem, ter manus impositionem accipiant, ter super ipsos exorcismi, & orationes dicantur, in honorem scilicet Sanctissimæ Trinitatis, cujus Divinæ Personæ sæpe ac nominatim in ipsis orationibus, exorcismisque invocantur, ad expellendum nempe diabolum, qui per originale peccatum adhuc Catechumenis dominatur, veteri quidem disciplina concinit, ac priscis Sacramentorum Libris, in quibus totidem penè verbis leguntur orationes ipse, atque exorcismi, ritulique, super masculos Catechumenos recitandi, ac peragendi, uti videre est apud laudatum Martene Lib. 1. Capite 1. Articulo vii. xii. & xviii. ubi varios Ritualis Codices describit, in quibus etiam distincti extant exorcismi, & orationes super feminas Catechumenas pronuntianda.

§. XXVII.

Super feminam vero Sacerdos dicit, *Ora Electa, flecte genua, & die, Pater noster &c.* ut supra usque ad Orationem, *Deus Abraham* exclusive. Deinde imponit manum super eam, & dicit.

Oremus.

Deus Celi, Deus terre, Deus Angelorum, Deus Archangelorum, Deus Patriarcharum, Deus

Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium bene viventium, Deus, cui omnis lingua conficitur, & omne genu flectitur, celestium, terrestrium, & infernorum, te invoco Domine super hanc famulam tuam N. ut eam custodire, & perducere digneris ad gratiam Baptismi tui. Per Christum Dominum nostrum. R. Amen.

§. XXVIII.

Deinde dicatur Exorcismus: *Ergo, maledicte diabole, recognosce sententiam tuam, & cetera, ut supra §. xxii.*

§. XXIX.

Si plures fuerint feminæ Catechumenæ, hic, & in sequentibus Sacerdos dicat in numero plurali, *Orate Electæ, flectite genua, & dicite, Pater noster, & reliqua, ut supra usque ad Orationem, Deus Abraham, exclusive; deinde imponit manum super capita singularum, & postea in eodem numero plurali dicit Orationem, Deus Celi, Deus terre, &c. & Exorcismum, Ergo maledicte diabole &c. ut supra §. xxii.*

§. XXX.

Interim super unam tantum secundo, & tertio repetit, *Ora Electæ, flecte genua, & dic, Pater noster, & reliqua, ut supra usque ad finem Orationis, Deus Abraham, quæ finita, imponit manum super caput ejus, & post tertiam signationem, dicit.*

Exorcismus.

Exorcizo te, immunde spiritus, per Patrem I, & Fillum I, & Spiritum I Sanctum, ut exeat, & recedas ab hac famula Dei N. Ipse enim tibi imperat, maledicte, dam-nate, qui ceco nato oculos aperuit, & quadriduanum Lazarum de monumento suscitavit. Ergo maledicte diabole &c. totum, ut supra §. xxii.

§. XXXI.

Super utrumque, sive masculum, sive feminam, imponit manum super caput ejus, & dicit:

Oremus.

Æternam, ac iustissimam pietatem tuam deprecor, Domine Sancte, Pater Omnipotens, æterne Deus, Auctor luminis, & veritatis, super hunc famulum tuum N. ut digneris eum illuminare lumine intelligentie tue; munda eum, & sanctifica; da ei scientiam veram, ut dignus efficiatur accedere ad gratiam Baptismi tui; teneat firmam spem, consilium rectum, doctrinam sanctam, ut aptus sit ad percipiendam gratiam tuam. Per Christum Dominum nostrum. R. Amen.

§. XXXII.

Si plures fuerint Electi, sive mares, sive feminæ, præcedentes Orationes, & Exorcismi dicantur in numero plurali, & in genere proprio, ut superius dictum est.

COMMENTARIUS.

I. **F**eminæ Catechumenæ eodem modo exorcizantur, ac masculi, sed non tamen iisdem omnino orationibus, exorcismisque, qui antiquissimi quidem sunt, legunturque in prædictis Sacramentorum Libris in præcedenti Commentario memoratis. Ex quorum tamen præscripto trina ista exorcizatio super masculos, ac super feminas simul peragebatur, nempe post exorcismum primo masculis factum, immediate fiebat & feminæ, eodemque ritu fiebat secundus, & tertius exorcismus. Ceterum quod ter primum exorcizentur masculi, ac deinde ter etiam feminæ juxta ritum in nostro Rituali præscriptum, I.

ptum, legitur etiam in Ritualibus non paucis; & in Sacerdotali Romano Venetiis edito anno MDLXVII. nonnullis tamen mutatis, ut cuilibet Codices ipsos legenti patet.

II. Ex iisdem antiquis Sacramentorum Libris & illud addiscimus, repetitis toties exorcismos eum præscriptis ritibus in nostris Paragraphis memoratis, consuevisse fieri olim etiam in Baptismo infantium, & quidem in Scrutinio, quod tertia hebdomada in Quadragesima fieri solitum fuit, ut constat ex pervetusto Missali Monasterii Gellonensis apud Martene Lib. i. Cap. i. Articulo xii. Ordine II. ex cuius præscripto, statuis-

masculis scorum ad dexteram partem, & feminis iisdem scorum ad partem sinistram, peracta salis caeremonia, de qua dictum superius fuit, cum Processione accedens Sacerdos ante Altare, orat ibi secretius. Inde vero vadens retro Altare, dicit: Dominus vobiscum. Et respondetur: Et cum Spiritu tuo. Deinde dicit: Oremus. Et dicit Orationem hanc super Electis ad Missam. Item, Da quaesumus Domine Electis nostris &c. Et vocentur infantes in Ecclesia ab Acolythis per nomina, vel ordines, sicut scriptum sunt, & statuatur prius modum, admonentur a Diacono ita: Orate Electi, flecite genua Deo. Et postquam oraverint, ita dicit: Levate, complete orationem vestram in unum, & dicite Amen. Et respondeant omnes, Amen. Ita dicit Diaconus: Signate illos, accedite ad benedictionem: Et signant ipsos infantes in frontibus eorum Patrimi, & Matrino de pollice suis, dicentes: In nomine Patris, & Filii, & Spiritus Sancti. Tunc venit Acolythus iterum faciens Crucem in frontibus singulorum, dicens: In nomine Patris, & Filii, & Spiritus Sancti. Et imponit manum super eos dicens orationem excelsa voce his verbis: Deus Abraham, Deus Isaac &c. Verbis se ad feminas, facit Crucem in frontibus singularem, ut superius. Ponit manum super capita singulorum, dicens: Deus Caeli &c. Et annunciat Diaconus, dicens: Orate Electi, flecite genua, & reliqua ut supra. Et signant Patrimi, ut prius. Et sequitur alius Acolythus, facit Crucem super masculos, sicut fecit prior: & imponit manum super eos, dicens: Deus, immortalis &c. Item super feminas similiter faciens, & imponit manum super eas, ita dicendo: Deus Abraham &c. Dicit Diaconus, ut orent electi, & reliqua, ut supra, & signant Patrimi, ut prius. Inde tertius Acolythus facit Crucem in frontibus puerorum, sicut anterior fecit, & imponit manum super capita eorum, sicut prior fecerat, sic dicendo: Exorcizate, immunde &c. Item super feminas, faciens Crucem, ut prius, & imponit manum super capita eorum, dicendo, Exorcizate te, immunde spiritus &c. Annunciat Diaconus: Orate Electi, & reliqua. Signant Patrimi, ut prius. Et tunc

Presbyter accedit, facit Crucem in singulorum frontibus, ut prius, & imponit manum super capita ipsorum, dicens orationem hanc: Aeternam, ac iustissimam &c. Item ipse facit super feminas, similiter dicens ipsam orationem. Ista omnia consummata, iterum amonitur a Diacono ita: Orate Electi, flecite genua, complete orationem vestram in unum, & dicite, Amen. Et respondant omnes, Amen. Iterum dicit: Signate illos, stete cum disciplina, & silentio. Et signant Patrimi, ut prius.

III. Similia leguntur in aliis antiquis Sacramentorum Codicibus, in quibus tamen semper aliqua variatio reperitur, licet ea non magni momenti sit, cum constet, omnes in eo convenire, ut pluries exorcismi fierent super masculos aequae, ac feminas, & tam super adultos Catechumenos, quam super infantes, & quidem cum repetitis manuum impositionibus, Crucisque signationibus, ad geniculationibus, & crebra Dominice Orationis redditione. Porro verbum Electi, quod saepe in nostro hoc Rituali, ubi agitur de administratione Baptismi occurrit, antiquum est, alludique ad illum Catechumenorum gradum, seu classem, qui Electi dicebantur, quod absoluto Catechumenatus tempore, ad recipiendum sacrae regenerationis Sacramentum, essent electi, diligenter jam instructi de Fide, & Christiana doctrina, praesertim vero Fidei Symbolo, atque Dominica Oratione, quae Catechumenis ipsis in Scrutiniis exponerentur, & teneri memoriter, atque ab eisdem reddi, non modo cum baptizabantur, verum etiam cum sacro Chrismate confirmabantur, debebat, teste Theodulpho Aureliacensi Episcopo in Capitulari ad suos Parochos habente Saeculo VIII. scripto, Capite XXI. ubi postquam edixit, ut omnes Fideles Orationem Dominicam, & Symbolum discant, & memoriter teneant, ita subdit: Constitutum namque est, ut nullus christum, neque baptizetur, neque a lavacro Fontis illius suscipiatur, neque coram Episcopo ad confirmandum quemlibet teneat, nisi Symbolum, & Orationem Dominicam memoriter teneat, exceptis his, quos ad loquendum atas minime perduxit.

§. XXXIII.

His peractis, Sacerdos sinistra manu apprehendens dexteram Electi prope brachium, vel ei porrigens extremam partem Stola, introducit eum in Ecclesiam, dicens: N. Ingrederi in Sanctam Ecclesiam Dei, ut accipias benedictionem caelestem a Domino Jesu Christo, & habeas partem cum illo, & Sanctis ejus. R. Amen.

§. XXXIV.

Si plures fuerint, dicat in numero plurali: Ingreddimini in Sanctam Ecclesiam Dei &c. & introducat eos, ut supra.

COMMENTARIUS.

I. Ergo vel ex hisce Paragraphis constat, quod alias iterum, iterumque dictum fuit, & quidem ex veteri, probatoque Ecclesiae instituto, debere primum Catechumenos baptizandos, adultos, infantesque, ante fore Ecclesiam consistere, quousque exorcismi, alique ritus praescripti, explicatique, absolvantur,

ac his nonnisi peractis, Ecclesiam ingredi, juxta ritum in presenti §. XXXIII. expressum: His peractis, inquit, Sacerdos sinistra manu apprehendens dexteram Electi, vel ei porrigens extremam partem Stola, introducit eum in Ecclesiam, dicens &c. In Baptismo quidem parvulorum ex praescripto nostri Romani Ritualis, Sacerdos impone

ponit extremam partem Stola super infantem, & introducit eum in Ecclesiam. At hic vero in adultorum Baptismo, ut observat Barrufaldus ad hunc præsentem §. cum. §. i. latius loquitur, & primo proponit, ut Sacerdos apprehendat dexteram Catechumæ, deinde vero extremam partem Stole. Utrumque relinquit arbitrio Sacerdotis, sed puto equidem, decere quammaxime, ut cum introducenda sit ad Ecclesiam femina adulta, porrigat ei Sacerdos Stola potius, quam manum; nihil autem referre, si masculus, Stola, vel manu sinistra scilicet, ut ait noster §. Sacerdotis introducatur, ut nempe dextera liberior sit illi ad operandum. Atque hic illud etiam nota, quod ait idem ooster §. apprehendi debere dextram Electi *prope brachium*, ideo-

que non manum ejus, aut pulvum; quod quidem in feminis potissimum dedecet.

II. Omissa verborum formula, *N. ingredi in sanctam Ecclesiam &c.* quod de ea late diximus in Commentariis ad infantium Baptismum, notandum quod ait §. xxxi v. ut nempe, *si plures fuerint, dicat in numero plurali*, Ingreddimini in Sanctam Ecclesiam Dei &c. & *introducatur eos, ut supra*. Quod quidem ita puto explicandum, ut nimirum, si plures fuerint marces, ac semine simul baptizandi, sufficit sinistra manu apprehendere dexteram unius maris prope brachium, cæteris cateratim cum sequentibus; si vero solum semine, satis sit uni extremam Stola partem porrigere, uti jam supra explicuimus.

§. XXXV.

Et ingressus Electus procumbit, seu prosternit se in pavimento, & adorat.

COMMENTARIUS.

I. **D** Ecet profecto, ut vix Electus in Templum ingressus, procumbat, seu prosternat se in pavimento, & adoret, gratus scilicet Deo agens, quod dignus tandem effectus sit, ut Domum Dei ingrederetur, qui prius ante fores Ecclesiæ, dam exorcismi, alii-que sacri ritus perageretur, mansit, atque ab ejus introitu omnino prohibitus fuit, quod indignus esset, qui Dei Domum ingrederetur, an-

tequam a se turpissimæ servitutis jugum repulset, & totum se Christo addidisset, ut alibi diximus. Merito itaque illud usurpare tunc potest, quod agebat Regius Propheta in Psalmo v. *Ego autem in multitudine miserationum tuarum, introibo in Domum tuam, adorabo ad Templum sanctum tuum in timore tuo*. Porro brevis esse debet ista adoratio, immediate enim sequens §. subdit: *Deinde surgit, & Sacerdos imponit manum &c.*

§. XXXVI.

Deinde surgit, & Sacerdos imponit manum super caput ejus, & Electus cum eo recitat Symbolum Apostolorum, & Orationem Dominicam.

§. XXXVII.

Ita etiam si plures fuerint, omnes surgunt, & simul recitant.

Credo in Deum, Patrem omnipotentem, Creatorem Celi, & terræ. Et in Jesum Christum Filium ejus unicum, Dominum nostrum; qui conceptus est de Spiritu Sancto, natus ex Maria Virgine; passus sub Pontio Pilato, crucifixus, mortuus, & sepultus; descendit ad inferos; tertia die resurrexit a mortuis; ascendit ad Cælos, sedet ad dexteram Dei Patris Omnipotentis; inde venturus est judicare vivos, & mortuos. Credo in Spiritum Sanctum, Sanctam Ecclesiam Catholicam; Sanctorum communionem; remissionem peccatorum; carnis resurrectionem; vitam æternam. Amen.

Pater noster, qui es in Cælis, sanctificetur nomen tuum; & adveniat Regnum tuum; fiat voluntas tua, sicut in Cælo, & in Terra. Panem nostrum quotidianum da nobis hodie; & dimitte nobis debita nostra, sicut & nos dimittimus debitoribus nostris. Et ne nos inducas in tentationem. Sed libera nos a malo. Amen.

COMMENTARIUS.

I. **F** Asta prostratione in pavimento Ecclesiæ in primo suo ad eam ingressu, brevique ibidem adoratione peracta, ut in præcedenti Commentario diximus, Catechumenus, ut ait hic ooster §. xxxv. *deinde surgit, & Sacerdos imponit manum super caput ejus, & Electus*, Catechumenus scilicet mox baptizandus, cum eo recitat Symbolum Apostolorum, &

Orationem Dominicam; & ut subdit §. xxxvii. ita etiam si plures fuerint, omnes surgunt, & simul recitant; satique iccirco videtur factum, nostræ Rubricæ, si Sacerdos, quum una cum ipso omnes recitant Symbolum, & Orationem Dominicam, uni soli manum imponat.

II. Sed omissa manus impositione, quæ ex pervetusto Ecclesiæ ritu sæpe fieri super Catechu-

chumenus solet, operæ plane pretium poto de Symbolo potius, & Oratione Domioica differere in admolstratione Baptismi adulterum: *Symbolum*, ut ait S. Augustinus Sermone cccxiii. *est brevis complexa regula Fidei, ut mentem instruat, non oneret memoriam. Quæ ideo Symbolum dicitur, ut addit idem Augustinus in Sermone ccxiv. qui ex ms. Codice Sancti Remigii Remensis editioni Patrum Benedictinorum S. Mauri accessit: Quia ibi nostra societatis Fides placita continetur, & ejus confessione tanquam feno dato Christianus Fidelis agnosceatur.* Cum ergo Symbolum sit brevis Fidei nostræ regula, tot possunt esse Symbola, quot formulæ Fidei Christianæ normam continentes formari queant, uti recte notat Martene Lib. 1. *De antiquis Ecclesiæ ritibus*, Cap. 1. Articulo xi. num. x. ubi etiam scite observat, celebriora præ omnibus, duo fuisse, Apostolorum scilicet, & Nicænum, primique Ecclesiæ temporibus traditum quidem fuisse Electis Catechumenis Apostolorum Symbolum; deinde vero tradi ceptum Nicænum; ita dictum, quod scriptum probatumque fuerit a trecentis decem & octo Patribus Nicæni Concilii; itemque Constantinopolitanum, quod passim etiam Nicæni nomine appellatur.

III. Et quidem viguisse huic morem in Ecclesiâ Orientali, ut baptizandis Nicænum Symbolum, Constantinopolitanumve traderetur, docet in primis S. Epiphanius in suo Libro *Ancorato*, Cap. xix. ubi de Constantinopolitano Symbolo loquens, sic ait: *Idem Catechumenis omnibus, qui ad Baptismum se se comparant, inenitate diligenter. Neque filiis vestris id præcipere duntaxat, ut erudiant, oportet, sed & hanc illis formulam expresse, ac diserte proponere.* Affirmat, Constantinopolitanum Symbolum, & tradendum in Baptismo, & a cunctis Fidelibus quotidie recitandum. Idipsum probatur testimonio Charifii Philadelpheus in Lydia Ecclesiæ Presbyteri, qui in Ephesino Concilio Antonium, & Jacobum Presbyteros hæreticæ N-Erorii emissarios accusavit de variis, ac præsertim de hoc articulo: *Com oportuisset Evangelicam, & Apostolicam Fidei traditionem, quam olim Sancti Patres apud Nicæam congregati exposuerunt, proponere his, qui ex errore ad veritatem redire, & e tenebris ad lucem venire querebant, quamdam impiorum dogmatum expositionem redactam in Symboli formulam obtulisse, atque huic subscribere, miseros induxisse.* Lucide affirmat, baptizari ab omnibus oportere in Nicænum Symbolum, illosque emissarios accusat, quod baptizarent in blasphemum compositum a Theodoro Episcopo Mopsuesteno; & suo Accusationis Libello Charifius subnexuit Constantinopolitanum Symbolum, quod nemine in illud esset baptizatus, & baptizaret. Hinc adversus Theodori aulicam laudatam Synodus Ephesina rigidissime vetuit, aliud a Nicæno Symbolo componi per quemlibet, & addit: *Qui vero ausi fuerint aut componere Fidem alteram, aut proferre, vel asserre converti volentibus inognitionem veritatis, sive ex gentilitate, sive ex Judaismo, sive ex qualivunque hæresi, hoc quidem, si sint Episcopi, aut Clerici, alienos esse Episcopos ab Episcopatu, & Clericos a Clericatu, decrevit Sancta Synodus; si vero laici fuerint, anathemati subijci.* Ubi nota quanto rigore vetit Ephesina Synodus, sub alio Symbolo baptizari.

IV. Confirmatur præterea magis magisque eadem disciplina auctoritate Synodi Chalcedonenfis, Actione II. ubi ad solemniter ab Eunoio Nicomedienfis Episcopo recitatum Nicænum Symbolum unanimiter sic exclamavit: *Hæc Catholicorum Fides, in hac baptizati sumus, & in hac baptizamus.* Et ex Synodalibus ad Imperatorem post laudatam Synodum extantibus Literis, quas scripsit Epiphanius Pergenfis Episcopus Metropolitæ Pamphylie, sic inquit: *Nulla alia doctrina a nobis tradita est acceperunt ad salutem, sanctumque Baptisma, nisi quæ a sancto Nicæno Concilio prolata est; itemque ex Literis, quas dedit Patricius Thyaneus Episcopus secundæ Cappadociæ Metropolitæ: Secundum antiquum, sanctum, & universale Concilium Sanctorum trecentorum decem & octo Patrum in Nicæna Urbe celebratum baptizati sumus, & nosmetipsos bene confessioni tradidimus; ac præterea ex illa omnium Episcoporum exclamatione ad laudatum Symbolum facta in Joannis II. Patriarchæ Constantinopolitani Synodo, Actione v. In quo baptizati sumus, & baptizamus. Quæ exclamatio in illa, quam Constantinopolitanam sub Menna Patriarcha Synodum appellant vulgo variorum Synodalium Actorum congectione sæpius fuit repetita. Denique, ut alia omittam loca, etiam in v. Generali Concilio omnes Episcopi ad recitatum Theodori Mopsuesteni blasphemum Symbolum exclamarunt: *Unum tantummodo Fidei Symbolum scimus, quod Nicæni Sancti Patres exposuerunt, & tradiderunt. In hoc omnes baptizati sumus, & nos in hoc baptizamus.* Utique in Nicæno suppleto, & adaucto per Constantinopolitanam Synodum; hoc enim probant, & baptizandis tradi jussunt Generales, & Œcumenicæ Synodi, Ephesina, & Chalcedonenfis.*

V. Hæc, & alia id genus loca congegit eruditus Luptus Tomo 1. Operum in Differtatione, *De Symbolo Apostolico, & Nicæno*, Cap. 111. Questione 1. ubi probare conatus est Orientalis Ecclesiæ baptizandis non semper traditum fuisse Apostolicum Symbolum, sed Nicænum, Constantinopolitanumve; subditque mox Questione II. haudquaquam eam disciplinam fuisse universalem per omnes Orientis Ecclesias. Sed quicquid sit de Orientali Ecclesiæ ritibus, pluribus idem Auctor, Questione 111. contredit, Latinam Ecclesiam semper manifeste constantem in usu solius Apostolici Symboli, in administratione scilicet Sacramenti Baptismi. Diserte id affirmat in Apostolici Symboli expositione Rufinus Presbyter Aquilensis, agens de Romana præsertim, & Aquilensi Ecclesiâ, testaturque, se esse ibidem in illo Symbolo baptizatum. Rationem ejus discipline reddit idem Rufinus in citata sua Explicatione: *In diversis Ecclesiis, inquit, aliqua in Symboli verbis inveniuntur adjecta. In Ecclesiâ tamen Urbis Romæ hoc non deprehenditur factum. Quod ego præterea esse arbitror, quod neque hæresis illa illis fuisse exordium; & nos ibi servatam antiquam, eos, qui gratiam Baptismi suscipiunt sunt, publice, idest, fidei populo nudiente, Symbolum reddere; & atque adjunctionem anis saltem sermonum eorum, qui præcesserant in Fide, non admittit auditus.*

VI. Porro antiquum, quo Romana Ecclesiâ Competentes cogeant ad publicam Symboli recitationem coram omni populo morem laudat

in Sermone IV. de Dominica Nativitate S. Leo Magnus Pontifex Maximus: *Permanete stabiles in ea Fide, quam confessi estis coram multis testibus, & in qua renati estis per aquam, & Spiritum Sanctum, accepistis Christum salutis, & signaculum vite eterne.* Et statim subiungit, istam Fidem esse regulam Catholice, & Apostolice Symboli. Scribit item in Epistola LXXXIII. ad Palestinae Episcopos, Cap. VIIII. *Obliiti estis Symboli salutatis, & confessionis, quam pronuntiastes coram multis testibus, Sacramentum Baptismi suscepistis?* Omnino laudat Romanum morem, & quasi supponit, eum etiam in Palestina viguisse. Alludit plane & ad Apostolicum Symbolum Bracharense Synodus III. Can. I. ubi statuit, ut *Catechumeni Symbolum, quod est, Credo in Deum Patrem Omnipotentem, doceantur.* Perspicue loquitur de Symbolo Apostolico, quod illis verbis incipit. Et adversus Elipandum Tolitanum Archiepiscopum scribit Etherius Uxamensis Episcopus: *Sategamus enim ipsi Apostolus, & Fides nostra Symbolum, quod tradiderunt nobis, brevi compendio recitemus. Et Fidem, in qua baptizati sumus, in hac perversitate, & duplicitate haereticorum non negemus.* Recitat totum Apostolorum Symbolum, ipsiusque affirmat esse Apostolicum, & omnem Hispaniam in ipso baptizari. Quod ipsum dilerte docet S. Ildorus Episcopus Hispalensis Lib. II. *De Ecclesiasticis Officiis*, Cap. XXII.

VII. Addit & his Lupus alia testimonia, ut suam sententiam probet de solius Apostolici Symboli usu in administratione Baptismi apud Latinos, cum tamen constet ex multis praecis Sacramentorum Libris, & Ritualibus, in usu etiam fuisse apud eosdem Symbolum Nicenum, sive Constantinopolitanum. Certe in duobus nra. Libris Sacramentorum insignis Ecclesiae Turonensis annorum circiter CML. et in alio Majoris Monasterii annorum DCCC. ac Rituali Monasterii Sancti Salvatoris de Villaluppe annorum DC. apud Martene Lib. I. Cap. I. Articulo VII. Ordine IV. ita legitur: *Accipiat Sacerdos manum dexteram infantis, & teneat eum, dicat, Pater noster, Credo in Deum, scilicet, Credo in unum Deum. Post hac faciet ipsum &c.* Pontificale quoque ms. Sancti Luciani Bellocensis annorum circiter DCCC. apud eundem Auctorem, Ordine v. sic habet: *Postea teneat manum super capite infantis, dicat: Credo in unum Deum; deinde, Pater noster, totum.* Pontificale Melanienae annorum circiter CML. apud eundem, Articulo XII. Ordine III. ita inquit: *Dicit Symbolum latine decantando: Credo in unum Deum, Patrem Omnipotentem &c.* Longum esset & alia veterum Ritualium testimonia, & loca referre, ex quibus adfidelius etiam aliquando saltem, & alicubi dictum fuisse Symbolum Constantinopolitanum, cuius initium est: *Credo in unum Deum, Patrem Omnipotentem &c.*

VIII. Sed relicta hac controversia, constans quidem semper fuit haec in utraque Ecclesia disciplina, ut Baptismo initiandi memoriter discerent, ac recitarent Symbolum Fidei, & Orationem Dominicam. Symbolum enim est sanctorum, quae dicimus necessaria justificationis media, credendum compendium, ideoque ab omnibus sciri, ac teneri debet ante Baptismum. Hiac olim Feria v. in Cena Domini traditum in Scrutiniis Symbolum, Episcopi, vel Presbyteris electi ad Baptismum reddere debebant, ut praecipit Con-

cilium Laodiceum Can. XLVI. & Martinus Bracharense Cap. XLIX. his verbis: *Oportet autem in ipsis diebus, ut hi, qui baptizandi sunt, Symbolum discant, & quinta Feria vicesima septimana Episcopo, vel Presbytero reddant.* Id quod etiam confirmavit Concilium Trullanum Canone LXXXIII. in quem videri potest, quod nos scripsimus Tomo II. Commentariorum in Concilia Oecumenica. At vero ex Ordine Gelasiano, cui consentiunt varii antiqui Sacramentorum Codices, id praestabat Sabbatum die mane. Porro in Ecclesia Africana Symbolum tribus ante Pascha hebdomadis, scilicet Sabbato ante Dominicam quartam Quadragesimae tradebatur, reddendum octavo post diebus, scilicet Sabbato ante Dominicam quintam, in quo tradebatur Oratione Dominica, & ipsa octavo post die reddenda, nimirum Sabbato ante Dominicam Palmarum, ac demum Sabbato Sancto redditum fuisse secundo Symbolum propter eos, qui prima vice illud memoria minus tenaci retinuerant.

IX. Haec plane omnia, uti observat Martene Lib. I. Cap. I. Articulo XI. num. XIII. nondum hucusque satis cognita, aut exposita, patet ex S. Augustino. Et primo quidem traditum fuisse Symbolum octavo ante Orationem Dominicam diebus, declarat idem S. Doctor in Sermone CXIII. novae editionis, qui sequebatur est in traditione Symboli, his verbis: *Remitte peccatorum non est in sola ablutione Baptismatis, sed etiam in Oratione Dominica, & quotidiana, quam post octo dies accepturi estis.* Redditum vero primo fuisse octavo post die, cum traderetur Oratione Dominica, etiam octavo alio post die redditum, idem S. Pater docet in Sermone LVIII. ubi sic loquitur: *Teneat ergo hanc Orationem, quam reddidit tibi ab octo diebus. Quicumque autem vestrum non bene Symbolum reddiderunt, habent spatium; teneant, quia die Sabbati audientibus omnibus, qui aderant, reddidit tibi; die Sabbati vicesimo, quo die baptizandi estis. Ad octo autem dies ab bodierno die reddidit tibi hanc Orationem, quam bodie accepistis.* Necessaria itaque erat Symboli redditio ante Baptismum, meritoque iccirco Gabinianum Catechumenum, quod illud memoria mandare negligeret, aut se non posse simularet, fuisse Divinitus percussum, atque ita deducit ad saniora consilia, scribit idem Augustinus in Epistola LXVII. ad Alipsum Tagastensem Episcopum data.

X. Baptizandi ordinem praecipit quidem in Evangelio Matthaei Christus Dominus Capite XXVIII. ite, *docte omnes gentes, baptizantes eos in Nomine Patris, & Filii, & Spiritus Sancti.* Quibus verbis egregie confutantur errores quidam antiqui, qui prius baptizandum, ac deinde docendum censebant, quosque merito suggillavit S. Augustinus in Libro, *De Fide, & operibus*, Cap. VI. *Sic hoc, ubi quovis forte dies urget extremus, ut ad verba paucissima, quibus tamen omnia continentur, erodit, Sacramentumque percipiat, ut si ex hac vita migraveris, liberatus exeat de reatu praeteritorum peccatorum.* Ista paucissima verba omnino sunt Apostolicum Symbolum, sine cuius unita etiam Clinicos baptizari nunquam permisit Ecclesia, licet Clinici ipsam memoriter tenere non potuerint; sine plena tamen ejus notitia nullam habere spem salutis. Dictus fuisse Clinicos, qui lecto decemebantur, Baptismo initiabantur, jam alias diximus.

XL. Ea.

XI. Eadem fuit ratio surdorum, ac mutorum, de quorum uno Marcellinus Comes in suo Chronico, ubi Hunarici Vandalorum in Africa Ariani Regis persecutiones exponit, ita scribit: *Hunaricus Rex minus Catholici adolescentis vitam a nativitate sine ulla sermone docentis linguam precepit abscondi, idemque mutus, quod sine humano audita Christo credens Fide didicerat, mox praeclara sibi lingua, loquens est, gloriamque Deo in primo vocis sua exordio dedit.* Post excisionem linguam prima ea vox fuit Catholica, quam Ariani pessime detestantur, glorificato, *Gloria Patri, & Filio, & Spiritui Sancto.* Ejusmodi mutus, surdosque divina gratia eligit, & illuminat. Atque hinc Atto Vercellensis Episcopus in suo Capitulari, Cap. xviii. recte statuit: *Hi qui ab infanzia muti fuerint, si aliquibus nutibus, aut indicibus, Christianos se esse velle, vel Baptismum petere videantur, non est illis vetandum.* Eos praeprimis esse adeo instructos, ideoque non videntur subsistere illa Honorii Augustodanensis verba: *Parvuli, vel muti, vel sardi, vel fati, per petitionem Fidelium catechizantur, baptizantur, & per fidem illorum salvantur.* Surdi a nativitate, & muti plurimum distant a parvulis, & fatis, & licet auditu, & loquela careant, habent tamen mentem, ac rationis usum, ideoque omnino credere debent ad iustitiam, ut recte notat laudatus superius Lupus, Cap. v.

XII. Opus itaque est, ut adult baptizandi Fidei Symbolum, atque Orationem Dominicam memoriter discant, atque ante Baptismum recitent, ut SS. Patres praescribant, Rituales Codices, atque omnis aevi Scriptores, inter quos Theodulphus Arelanensis Episcopus in suo celebri Capitulari, quod scriptum habente Seculo pccc. Capite xxii. sic inquit: *Commendati sunt Fideles, ut generaliter omnes a minimo usque ad maximum Orationem Dominicam, & Symbolum discant.* Et dicendum est, quod in his duabus sententiis omne Fidei Christianae fundamentum incumbit, & nisi quis haec dicit & memoriter tenuerit, & ex toto corde crediderit, & in oratione sepius se equaverit, Catholicus esse non poterit. Notanda potissimum, quae statim subiicit: *Constitutum namque est, ut nullus christiatur, neque baptizetur, neque a lavacro Fontis illius suscipiatur, neque eorum Episcopo ad confirmandum quemlibet teneat, nisi Symbolum, & Orationem Dominicam memoriter tenuerit, exceptis his, quos ad loquendum etas minime perduxit.* Quod & ipsum flavunt multi alii Canones, rationemque docet

S. Augustinus in Enchiridio, Cap. vii. diserte affirmans, Christianam dignitatem consistere in Fide, Spe, & Charitate: *Eccae tibi, inquit, est Symbolum, & Oratio Dominica. Quid brevius, audiat, & legatur? Quid facilius memoria commendatur? In his duobus tria illa intueri. Fides credit, Spes, & Charitas orat. Sed sine Fide esse non possunt.* Apostolorum Symbolum, ac Oratio Dominica sunt uestrae Fidei, Spei, & Charitatis compendia, ideoque sine ipsorum notitia nemo est Christianus, nemo aptus ulli Sacramento, nemo dignus Ecclesiastica sepultura, ut citato loco, ut alios eruditos Scriptores omittam, idem Lupus ostendit.

XIII. Praeter Apostolicum Symbolum, ac Dominicam Orationem, ex variorum Ritualium praescripto, memoriter discere, ac etiam recitare Salutationem Angelicam, idest, *Ave Maria gratia plena* &c. debent Baptismo initiandi, & si infantes faciant, eorum Patrum, ac Matrum. Ita plane statuit antiquum Rituale Ecclesiae Lemovicensis apud Martene, Lib. 1. Capite 1. Articulo xviii. Ordine xvii. Itemque Rituale Monasterii S. Genovefae Parisiensis scriptum ad usum Dioecesis Trecentis annorum circiter co. apud eundem Martene Articulo vii. Ordine x. Porro quod Symbolum spectat, & Orationem Dominicam, de quibus in praesenti Commentario agimus, tria adhuc breviter notanda supersunt. Primum est, ex praescripto plurimum Ritualium, consuevisse ipsa recitari a baptizandis, antequam Ecclesiam ingrederentur, ideoque ante Fores Ecclesiae. Id plane liquet ex memoratis Ritualibus Lemovicensi, S. Genovefae, & Sueffionensi apud memoratum Auctorem, Articulo vii. Ordine ix. Alterum est, consuevisse ipsum Symbolum in Scrutiniis Graece super masculos, Latine super feminas recitari; idque constat ex Ordine Romano vii. num. 4. apud Mabillonium Tomo II. Musaei Italici pag. 81. itemque ex Missali Gelloniensi in primo Ordine ad faciendum Scrutinium, & ad Baptismum conferendum, teste Martene in Nota ad ipsum Missale citato loco Articulo xii. Ordine ii. pag. 100. in fine, & ex ms. Pontificali Pictaviensi annorum circiter cm. & ex ms. Codice Ecclesiae Viennensis in Gallia, apud eundem ibidem, Ordine i. ii. & iv. Tertium est, in quibusdam antiquis Ritualibus primum recitari Orationem Dominicam, & deinde Symbolum, ut habetur in Rituali Ecclesiae Sueffionensis tempore Nivelonis Episcopi scripto, ac relato ab eodem Martene Articulo vii. Ordine ix.

§. XXXVIII.

Tunc rursus Sacerdos imponat manum super Caput Electi, & dicat.

Exorcismus.

Nee te latet, Satana, imminere tibi pœnas, imminere tibi tormenta, imminere tibi diem iudicii, diem supplicii sempiterni; diem, qui venturus est velut cilicibus ardens, in quo tibi, atque universi angelis tuis preparatus sempiternus erit interitus. Proinde dammate, atque dammande, da honorem Deo vivo, & vero, da honorem Jesu Christo Filio ejus, da honorem Spiritui Sancto Paraclito, in ejus Nomine, atque virtute praecipio tibi, quicumque es, spiritus immunde, ut exas, & recedas ab hoc famulo Dei N. quem bodie idem Deus, & Dominus noster Jesus Christus ad suam sanctam gratiam, & benedictionem, Fontemque Baptismatis dono vocare dignatus est, ut fiat ejus templum per aquam regenerationis in remissionem omnium peccatorum. In Nomine ejusdem Domini nostri Jesu Christi, qui venturus est judicare vivos, & mortuos, & seculum per ignem. R. Amen.

§. XXXIX.

§. XXXIX.

Similiter si plures fuerint, imponit manum super capita singulorum, & dicit eundem. Exorcismum in numero multitudinis, & genere suo.

COMMENTARIUS.

I. **E**cce hic alia manus impositio a Sacerdote facienda super caput electi cum Exorcismo, qui omnium postremus est, terribilis, ac validissimus ad effugandum demonem, legiturque passim in antiquis Sacramentorum Libris, ac Ritualibus. Ex ms. Codice S. Remigii Remensis annorum circiter mille apud Martene Lib. 1. Cap. 1. Articulo xviii. Ordine viii. *Sabbatorum die mane reddebant Catechumeni Symbolum, impositaque manu super capita singulorum, pronuntiabat predictum Exorcismum, Nec te latet Satanas &c.* Rursus ex ms. Codice Parthenonis B. Marini Caleusii in Diocesi Parisiensis annorum circiter ex. in Rubrica, quæ inscribitur, *In Sabbato Sancto, Oratio ad Catechizandum infantem*, cautum est quidem, ut *primum faciat Sacerdos Crucem in frontibus singulorum, & imposita manu super capita eorum dicat* Nec te latet Satana, imminere tibi poenis &c.

II. Cæterum, si plures fuerint, ex præscripto nostri §. xxxix. similiter imponit manum su-

per capita singulorum, & dicit eundem Exorcismum in numero multitudinis, & genere suo. Quæ postrema verba, in numero multitudinis, & genere suo, omisit quidem Barrufaldus in suis ad Rituale Romanum Commentariis Tit. xiii. §. xxv. suoque arbitrio sit mox num. 59. vetare Rubricam, ut fiat Exorcismus in generali super omnes Catechizandos, sed singillatim; & rationem assignat, quia in singulis Catechumenis peccatum aliquod particulare inesse potest, & facile est, quod unus majorem, alter minorem dispositionem habeat ad Fidem suscipiendam; propterea ad hoc ut omnes, & singuli gaudeant beneficio hoc expulsi, dicitur Exorcismus in particulari. Sed eorruit prorsus hujusmodi ratio, cum memoratus noster §. expresse edicat, ut similiter si plures fuerint, imponat quidem manum super capita singulorum, & dicit eundem Exorcismum in numero multitudinis, idest plurali, & genere suo, idest masculino, si baptizandi sunt masculi, feminino autem, si feminae.

§. XL.

Postea Sacerdos pollice accipit de saliva oris sui, & tangit aures, & nares Electi; tangendo vero dexteram, & sinistram, dicat: *Epipheta, quod est adaperire*; deinde tangendo nares, dicat: *Inodorem suavitatis*; & dicit: *Tu autem effugare diabole, appropinquabis enim judicium Dei.*

NOTA.

Quum hæc Rubricæ de contactu salivæ Sacerdotis in aures, & nares Catechumeni bapti-

sandi sub præscriptis verbis, eadem sit, quæ habetur in Baptismo infantium, jam a nobis suo loco explicata, ibidem curiosos lector inveniet, quæ & ad hunc §. spectant.

§. XLI.

Deinde interrogat Electum: *Quis vocaris?* Et ipse respondet: *N.* Interrogat: *Abrenuntias Satana?* R. *Abrenuntio.* Interrogat: *Et omnibus operibus ejus?* R. *Abrenuntio.* Interrogat: *Et omnibus pompis ejus?* R. *Abrenuntio.*

COMMENTARIUS.

I. **D**uo potissimum notanda in hunc §. sunt, quæ in Baptismo infantium considerantur. Primum est nova ad Catechumenum adultum de ejus nomine interrogatio. Alterum, nova itidem interrogatio de abrenuntiationibus ab eo faciendis Satanae, omnibusque jux operibus, ac pompis. In ipsorum siquidem infantium Baptismo juxta ordinem a Rituali Romano præscriptum, nulla de nomine interrogatio legitur, de abrenuntiationibus autem semel interrogantur. Verum ex pervertutis Sacramentorum Libris, ac variarum Ecclesiarum Ritualibus constat, fieri consuevisse ad Catechumenum interrogationem de ejus nomine, ac deinde de ipsis abrenuntiationibus, uti videre est in antiquo Sacramentario Gallicano, quod ex

Tim. I.

ms. Codice Bobiensis vulgavit Mabillonius Tomo 1. Musei Italici. Sic enim legitur in Ordine Baptismi: *Interrogas nomen ejus, dicens: Quis dicitur? ill. Abrenuntias Satanae, pompis ejus, luxuriis suis, saeculo huius? R. Abrenuntiat. Hoc ter dices.* Idipsum liquet ex antiquissimo Sacramentorum Libro Gelasii Papæ edito a Cardinale Thomaſio, ex ms. Codice annorum mille, atque ex aliis Ritualibus passim a Martene descriptis Lib. 1. Cap. 1. Articulo xvi. Ordine xv. & pluribus sequentibus. Puto equidem, novam interrogationem, quæ ex nostri §. præscripto ad Catechumenum adultum fit de ejus nomine, & abrenuntiationibus, eo tendere, ut magis magisque certus fiat Sacerdos de ejus proposito, constantiaque Christianæ Religionis ample ten-

X

da

du per sacrum regenerationis lavacrum. Quod autem abrenuntiationum formulam spectat, jam nos in ipsam plura tradidimus, ubi egimus de in-

fantium Baptismo, supervacaneumque existimo hoc loco illa repetere, quæ jam alias late explicata fuerunt.

§. XLII.

Tunc Sacerdos intingit pollicem dextræ manus in Oleo Sancto Catechumenorum, & inungit Electum, primum in pectore, deinde inter scapulas in modum Crucis, dicens: *Ego te linio Oleo salutis. In Christo Jesu Domino nostro in vitam æternam.* R. Amen. V. Pax tibi. R. Et cum spiritu tuo.

§. XLIII.

Mox bombacio, vel re simili, tergit pollicem, & loca inuncta, & subjungit, dicens: *Exi immunde spiritus, & da locum Deo vivo, & vero. Fuge immunde spiritus, & da locum Jesu Christo Filio ejus. Recede immunde spiritus, & da locum Spiritui Sancto Paraclito.*

COMMENTARIUS.

I. De ritu inungendi Catechumenum Oleo Sancto, quod Catechumenorum vocatur, in ejus primum pectore, ac deinde inter scapulas in modum Crucis sub præscripta formula, *Ego te linio &c.* jam satis diximus, ubi parvulorum Baptismi ritus explicuimus. Unum est, quod in hoc nostro §. XLII. additum video, nempe V. Pax tibi, quod quidem puto recentioris esse instituti, quum ipsum versiculum in nullo ms. antiquo Rituali invenerim.

Quicquid autem de ejus versiculi additamento sit, quod edicatur in nostro §. XLIII. ut nempe post inuncta prædicta loca, dicat Sacerdos, *Exi immunde spiritus &c.* desideratur etiam in parvulorum Baptismo. Sed non mirum videri debet, si in adulti Baptismo variis erroribus implicati, ac diu a damone possessi, Exorcismi, Orationes, ritusque complures, quam in Baptismo infantis solo originali peccato obstricti, adhibeantur.

§. XLIV.

Quando plures sunt Electi, idem fit circa singulos eorum; & ducitur Electus ad Baptisterium, ubi, si ob aliquam causam non habeatur, sive preparata non fuerit aqua baptismalis, fit benedictio Fontis, ut infra ponitur; & cum fuerit prope Fontem, Sacerdos interrogat: *Quis vocaris?* Respondet: N.

§. XLV.

Interrogat: N. *Credis in Deum Patrem Omnipotentem Creatorem Celi, & terre?* R. Credo. Interrogat: *Credis in Jesum Christum, Filium ejus unicum, Dominum nostrum, natum, & passum?* R. Credo. Interrogat: *Credis in Spiritum Sanctum, Sanctam Ecclesiam Catholicam, Sanctorum communionem, remissionem peccatorum, & vitam æternam?* R. Credo.

COMMENTARIUS.

I. Ecce admonet noster §. XLIV. ut ubi plures sunt baptizandi, Sacerdos non modo singulos in pectore, & inter scapulas inungat, verum etiam ut & singulis dicat ea verba, *Exi immunde spiritus &c.* in §. XLIII. notata. Quo ritu peracto, ex præscripto prædicti §. XLIV. ducitur Electus ad Baptisterium, ubi, si ob aliquam causam non habeatur, sive preparata non fuerit aqua baptismalis, fieri debet benedictio Fontis, ut infra ponitur, nempe Capite VII. hujus Tituli. Porro cum fuerit prope Fontem adultus, iterum Sacerdos eum interrogat: *Quis vocaris?* trinamque illam interrogationem subjungit: N. *credis in Deum Patrem Omnipotentem &c.* ut supra in §. XI. Atque hæc quoque trina de Fide interrogatio, est repetitio ejusdem interrogationis jam factæ ini-

tio Catechismi, uti superius videre est in §. VII. Quod quidem ideo iterum factum puto, ut constantia Electi iterum exploretur, an in sua vocatione persistat. Ceterum de hujusmodi interrogatione videri possunt quæ scripsimus in nostris ad parvulorum Baptismum Commentariis, Capite II. Unum illud hoc loco addiderim, quod præscribit Cæremoniale Ambrosianum, & Sanctus Carolus de Baptismo adultorum, debere nempe genuflexionem, qui baptizandus est, Fidem profiteri. Atque hic est ritus, qui hodieque, etiam cum extra Baptismum Fidem profiteamur, pie, & religioso servatur; genuflexi enim Episcopi, Parochi, Confessarii, alique complures, quorum meminit Romanum Concilium Benedicti XIII. anno MDCCXXV. habitum, Fidei formulam a Pio Papa IV. editam profiteri solent.

§. XLVI.

§. XLVI.

Iterum interrogat, dicens: *N. Quid petis?* Respondet: *Baptismum*. Interrogat: *Vis baptizari?* R. *Volo*.

COMMENTARIUS.

I. **F**Acta est quoque de industria & hinc interrogatio a Sacerdote ad Catechumenum adultum, quid nempe petat, & an velit baptizari? Nam licet confitetur Sacerdoti petito Electi, ut baptizetur, quippe qui initio Catechismi interrogatus, quid peteret ab Ecclesia Dei, protinus responderit, *Fidem*; recte admodum nihilominus hic iterum interrogatur, ut vere per reiteratos actus constet libera, ac prompta ejus voluntas suscipiendi Baptismum; atque ut Catechumenus per repetitionem sui consensus, meritum, & gratiam majorem adipiscatur ex ingeminatis desideriis sui actibus. Exploratur autem illius voluntas, quia, ut ait Tridentini Concilii Catechismus, *De Baptismi Sacramento*, Parte II. num. ix. *quemadmodum homo sua voluntate serpenti obediens merito damnatus est; ita Dominus neminem in suorum numerum, nisi voluntarium militem adscribi voluit, ut divinitus jussit sponte obtemperans, eternam salutem consequeretur*. Nititur plane exemplo Christi hic ritus, qui paralyticum ad Probaticam Piscinam sanaturus, Joannis Cap. v. illum prius interrogavit: *Vis sanus fieri?* Et sane quod de eleemosyna dixit Apostolus in Epistola I. ad Corinthios Cap. ix. faciendam esse *non ex tristitia, aut ex necessitate; gloriam enim datorem diligit Deus*; id multo potiori ratione, affirmandum est de susceptione ipsius Sacramenti, quia homo se Christo Domino reddit, ac in perpetuum donat, devovet, & totum se mancipat.

II. Siquis autem hic roget, quid dicendum de eo, qui minis, terroribus, plagis compulsus Baptismum postulet, quamvis secundum quid nolens dicatur. Respondendi potest, cum non ideo absolute esse invitum, sed absolutam habere voluntatem, tamen minis, & terroribus excitatum. Atque huc facit quod in Capite, *Majores, De Baptismo, & ejus effectu*, docet, deciditque Innocentius Papa III. ubi sic inquit: *Id est Reli-*

gioni contrarium, at semper invitum, & penitus contradicens ad recipiendam, & servandam Christianitatem aliquis compellatur. Propter quod *inter invitum & invitum, coactum & coactum alii non absurde distinguunt. Quod is, qui terroribus, atque suppliciis violenter attrahitur, & ne detrimentum incurrat, Baptismi suscipit Sacramentum, talis, sentit & is, qui fide ad Baptismum accedit, Characterem suscipit Christianitatis impressum, & ipse tanquam conditionaliter volens, licet absolute non velit, cogendus est ad observantiam Fidei Christiane*. Explicat mox Canonem XVI. Concilii Toletani XI. & deinde adjungit: *Ille vero, qui nunquam consentit, sed penitus contradicit, nec rem, nec Characterem suscipit Sacramenti; quia plus est expresse contradicere, quam minime consentire*. Qui invitum itaque, id est, penitus contradicens baptizatur, non recipit Sacramenti Characterem; qui coactus vero baptizatur, tanquam conditionaliter volens, Characterem Baptismi suscipit. Et ratio distinctionis est, quod nemo invitus compellitur ad Fidem, Can. *De Judæis*, Distinctione XIV. coactum vero baptizari nihil vetat; quia coacta voluntas, voluntas est, *Legi, Si mulier, q. Si metu, ff. Quod metu Causa &c. Legi, Si patre cogente, ff. De ritu nuptiarum, Capite, Cum inter R. De electione*. Alaserra in dictum Caput, *Majores, De Baptismo*, in fine. Sed plane prorsus cavendum est ab hujusmodi coactione, quoniam & Patres, & Canones, ac Rituales Codices illud potissimum mandant, ut non usi volentes, & servide Baptismum postulantes sacro lavacro abluantur. Quamquam deinceps plura, quæ ad præsentem hunc nostrum §. spectant, jam alibi notarim, prætermitti illud non debet, quod S. Carolus, & Cæremoniale Ambrosianum de adultero Baptismo statuerant, debere scilicet genuflexum, qui baptizandus est, non modo Fidem profiteri, verum etiam Baptismum petere.

§. XLVII.

Tunc Patrino, vel Matrino, vel utroque, si ambo admittantur, admota manu, tenente, seu tangente Electum, vel Electam, aperto capite, & laxatis a collo vestibus, inclinatum, Sacerdos vaseculo, seu urceolo hauriat aquam baptismalem de Fonte, & cum ea sub trina supra caput in modum Crucis infusione baptizet Electum, seu Electam in Nomine SS. Trinitatis, sic dicens: *Ego te baptizo in Nomine Patris* ✠, fundat primo; *Et Filii* ✠, fundat secundo; *Et Spiritus* ✠ *Sancti*, fundat tertio.

COMMENTARIUS.

I. **B**reviter me in hoc Commentario expediam, quod ea, quæ ad hunc §. attinent, jam late alibi explicaverim, ubi nempe & de Baptismo per effusionem, & de forma Baptismi, ac de Patris egimus. Unum est, quod quammaxime notandum, atque admonendum censui, ubi nempe adactus baptizandus est, debere esse *aperto capite*, id est omnino nudo, ab-

Tom. I.

que ullo prorsus capillamento externo, seu cæsarie sistitia, quam vulgo appellant *peruicæ*. Idem ajo de femiuis, quas iccirco puto prius admonendas, ut si & ipse, ut alicubi mos est, comas sistitias gestent, omnino deponant, ut aqua nempe baptismalis non supra alienos, sed supra proprios capillos, & caput defluat, ut ex hoc nostro §. addiscimus.

X 3

§. XLVIII.

§. XLVIII.

Si aqua, quæ ex capite baptizati defluit, non dilabitur in Sacrarium Baptisterii, recipiatur in subiecta aliqua pelvi, & in illud postmodum projiciatur.

§. XLIX.

Cum plures sunt Electi, singillatim singuli interrogantur, & baptizantur, ut supra.

§. L.

Si sunt mares, & feminae, primum mares, deinde feminae.

§. LI.

Verum si probabiliter dubitetur, an Electus fuerit alias baptizatus, dicat Sacerdos; *Si non es baptizatus, Ego te baptizo in Nomine Patris* ✠, *& Filii* ✠, *& Spiritus Sancti.*

N O T A,

Nihil in quatuor istis Paragraphis occurrit,

quod superius suis propriis locis non fuerit a nobis late explicatum; ideoque minime oportet luculenter alias dictum hic iterum repetere,

§. LII.

Deinde Sacerdos intingat pollicem dextrum in sacrum Chrisma, & perungat verticem Electi in modum Crucis, dicens; *Deus Omnipotens, Pater Domini nostri Jesu Christi, qui te regeneravit ex aqua, & Spiritu Sancto, quique dedit tibi remissionem omnium peccatorum, ipse te linias Chrysimate salutis* ✠ *in eodem Christo Jesu Domino nostro in vitam eternam. R. Amen. V. Pax tecum.* Respondet; *Ei cum spiritu tuo.*

C O M M E N T A R I U S.

T Ametſi de verticali cum Chrysimate inunctione in Baptismo, ejusque formula in hoc §. præscripta, ubi tractavi de Baptismo infantium, jam disseruerim, lubet nihilominus de ipſo ritu hic deſuſo, latiusque diſſerere. Ergo abſoluto Baptiſmate, Sacerdos ſummum baptizati verticem Chrysimate inungit, & quidem ex perveſtiſto Eccleſiæ Latine inſtituto, cujus originem S. Silveſtro Papæ I. adſcribit Auctor Libri Pontificalis his verbis: *Et hoc conſtituit, ut baptizatum liniat Presbyter Chrysimate levatum de aqua propter occaſionem tranſitus mortis.* Auctori Libri Pontificalis concinunt Amalarius Lib. I. *De Eccleſiaſticis Officiis*, Cap. xxvii. Walſtridus, Libro, *De rebus Eccleſiaſticis*, Cap. xxvi. Rabanus, Lib. I. *De inſtitutione Clericorum*, Cap. viii. Rupertus Abbas Tuitienſis Lib. v. *De Divinis Officiis*, Capite xvi. & Hugo Viſtorius, Lib. II. *De Sacramentis*, Parte vii. Cap. lxi. Ex quibus, ut inquit Edmundus Martene Libro I. *De antiquis Eccleſiaſticis ritibus*, Cap. I. Articulo xiv. num. II. merito inſert Menardus in Notis ad Librum Sacramentorum S. Gregorii Papæ pag. 144. antiquiſ Scriptores Silveſtro ſuperiores, ubi de unctiōe, ſeu chryſmatione, loquuti ſunt, intelligendos eſſe de Confirmationis Sacramento, & quia Greci verticali in Baptiſmo unctiōe careant, eorum Patres antiquos, cum de unctiōe Chryſmatis agunt, de illa, quæ ſit in fronte ab Epſcopo, eſſe iuterpretandos. Ex ejuſdem por-

ro Silveſtri inſtitutione hæc unctiō ad ſolos Preſbyteros, non vero ad Diaconos ſpeſtat, unde in Concilio Toletano I. anni cō. Can. xx. ſtatutum eſt, *Diaconum non chryſmare, ſed Presbyterum abſente Epſcopo, præſente vero, ſi ab ipſo fuerit præceptum.* Cæterum quod aliquando etiam apud Græcos in uſu fuerit unctiō in Baptiſmo præter illam, quæ ſit ab Epſcopo in Confirmatione, addiſcere licet ab antiquiſſimo Apoſtolicarum Conſtitutionum Auctore Lib. iii. Cap. xv. ubi habetur, quod, *cum primum illaminantur, ideſt baptizantur, mulieres, Diaconus ungat frontem ipſarum, & deinde Diaconiſſa ipſas abſtergit.*

II. Circa hanc unctiōnem apud nos Latinos illud quoque obſervandum eſt, aliquando non ab ipſo Baptiſmi Miniſtro, ſed ab alio Preſbytero peractam fuiſſe, in parvulorum ſaltem Baptiſma; id enim nos docet creditus Alcuinus in Libro, *De Divinis Officiis*, Cap. xix. ubi ſic inquit; *Postquam Pontifex baptizaverit, vel quibus jufferit ipſe, levant ipſos inſantes in manibus, & offerant uni de Presbyteris; ipſe vero facit Crucem de Chrysimate cum pollice in vertice eorum, dicens; Deus Omnipotens &c.* ut in præſenti noſtro §. & ratio eſt, quia propter baptizandorum multitudinem, unus & idem, & abluendis & liniendis omnibus ſancto Catechumenorum Oleo ſatiſficere non poſſet, ut cenſet Martene citato loco num. 111. Sed puto equidem, conceſſam quidem fuiſſe Preſbytero eam in

in Baptismo verticalem unctionem, eum Episcopus Baptismum administrabat, ne si ab Episcopo ea inunctio fieret, Confirmationi adscriberetur. Sive etiam dici potest, id aliquando factum, ut memorato Silvestri Papæ Decreto pareretur, qui constituit, ut baptizatum linat Presbyter *Christumate levatum de aqua*. Ceterum licet huic Concilio inherens Toletanum 1. Concilium, recitato Canone xx. Diaconis eam verticalem unctionem in Baptismo veterit, in Gallis tamen usum illum obtinuisse, idque Diaconis permisso fuisse, non obscure innuit Concilium Vascose anno cdxlii. celebratum, Can. 111. ubi statuit, ut per singula Territoria Presbyteri, vel Ministri, idest Diaconi, ab Episcopis, non, oront libitum fuerit, a vicinioribus, sed a suis propriis per annos singulos *Christumate petant, appropinquante solemnitate Paschali*, qui inquit: *Optimum est, ut ipse suscipiat, qui in tradendo usus est*. Ministri ergo, ien Diaconi *Christina baptizatis* tradebant, quod ab Episcopis petere, & suscipere soliti erant. Unde & in Concilio 1. Arausicano in Gallia celebrato anno cdxli. Can. II. statutum fuit, *nullum Ministrorum, qui baptizandi recepit unctionem, sine Christumate usquam debere progressi*.

III. Multis ritus rationes, iungendi scilicet *Christumate* verticem baptizati, iam variæ a Patribus offeruntur. S. Ambrosius Lib. 111. *De Sacramentis*, Cap. 1. ex quo desumptus est Canon, *Accepti*, De consecratione, Distinctione 1v. *Christumate caput liniri ait, quia oculi sapientis in capite ejus; eoque significari, quod frigit sapientia sine gratia, sed ubi sapientia accepit gratiam, tunc ipse ejus incipit esse perfectum*. Eandem rationem assert Innocentius Papa III. in Capite, *Cum venisset, De sacra unctione*; additque unctionem fieri in capite baptizati, ut sit paratus omni potenti de Fide reddere rationem. Alia hujus ritus significatio est, ut intelligat baptizatus, se ab eo die Christo Capiti tanquam membrum conjunctum esse, atque ejus Corpori insitum, ut ea re Regni Christi particeps fiat, & a Christo Christianus possit vocari, ut ait Rabanus citato Lib. 1. Cap. xxviii. ex quo Canon, *Postquam*, De consecratione, Distinctione 1v. sumptus est. Christus enim a. *Christumate* appellatur, quem scilicet, ut dicitur in Psalmo xlii. *Venit Deus oleo latissæ præconfortibus ejus; sive ipso Spiritu Sancto, & omni plenitudine Divinitatis, qua in illo inhabitat corporaliter*, ut ait Apostolus in Epistola ad Colossenses, Cap. II. idest, substantialiter, ut explicat Sacri Interpretes, S. Hieronymus Hispanicus Lib. II. *De Ecclesiasticis Officiis*, Cap. xxvi. & Ivo Carnotensis in Sermone 1. *De Sacramentis Neophytorum*, ajunt, baptizatum, cum de sacro Fonte ascenderit, *Christumate ungi in vertice*, ut cognoscat se promotum in Regium genus, & Sacerdotale, juxta illud S. Petri in Epistola 1. Cap. II. *Vos autem genus electum, Regale Sacerdotium, Genus sanctum*, Atque his fere omnibus concludit, quod de eodem ritu scribit Magnus Senonensis Archiepiscopus in Libello, *De Mysterio Baptismatis*, jussu Caroli Magni edito, ubi sic inquit: *Demum sacro Christumate caput perungitur, quod nuncius Latine dicitur, ut Regno, & Sacerdotio Ecclesie delibati, & Christi nominis accipiant gratiam, & ejus membra, qui eos redemit, & eorum caput est, effici va-*

leant, Idem legere est in Catechismo Tridentini Concilii, Parte II. *De Baptismi Sacramento*, num. 1x.

IV. Omnia alia ejus ritus significationibus ab antiquis Patribus traditis, formula quoque in 4. nostro præscripta, *Deus Omnipotens &c.* dicenda, dum ipse ritus peragitur, per vetusta est quidem, occurritque in omnibus Sacramentorum Libris, ac Ritualibus a Martene allatis Lib. 1. Cap. 1. Articulo xviii. in quibus tamen verba illa in fine recitanda, *Pax tecum*, desiderantur, quod indicium est, recentioris esse instituti. Ut ut autem se ea res habeat, adnotanda, atque explicanda plane censuo illa prædictæ formulæ verba, quibus dicitur dari a Deo per regenerationem ex aqua & Spiritu Sancto, idest per Baptismum, baptizato remissionem omnium peccatorum. Atque hic quidem primus est effectus Baptismi, ad quem probandum ubi solidius dici, ac luculentius potest, quam quod docet idem Concilii Tridentini Catechismus Parte II. *De Baptismi Sacramento*, num. xlii. his verbis; *Ut Fideles magis perspiciant, se in obsequio dignitatis gradu positos esse, nec se ab eo de juri illis adversarii insidiosi, vel impetu ullo unquam tempore patiantur, hoc primum tradere oportet, peccatum, sive a primis parentibus origine contrahitum, sive a nobis ipsis commissum, quomodo etiam adeo necessarium sit, ut ne cogitari quidem posse videatur, admirabili hujus Sacramenti virtute remitti, & condonari. Id vero multo ante ab Eszechie (Capite xxxvi.) prænuuntiatum est, per quem Deus ita loquitur, Effundam super vos aquam mundam, & mundabimini ab omnibus iniquitatibus vestris. Et Apostolus ad Corinthios (Epistola 1. Cap. 1v.) post longam peccatorum enumerationem subiecit: Et hæc quidem fuistis, sed abluti estis, sed sanctificati estis. Atque hanc doctrinam perpetuo a Sancta Ecclesia traditam esse, perspicuum est. Sanctus enim Augustinus in Libro, quem de Baptismo parvulorum conscripsit, ita testatur: Generante carne, tantum contrahitur peccatum originale; regenerante autem spiritu, non solum originalium, sed etiam voluntarium peccatorum fit remissio; & Sanctus Hieronymus ad Oceanum, Omnia, inquit, in Baptismo condonata, sunt crimina.*

V. Docet hæc quidem Tridentini Concilii Catechismus, quibus duo alia memoratorum Patrum Augustini, ac Hieronymi testimonia addi possunt, quorum primus Lib. 111. *De Symbolo ad Catechumenos*, Cap. x. sic loquitur: *Omnia prorsus delicta delet sanctum Baptisma, originalia, & propria, dicta, facta, cogitata, cognita, incognita, omnia dimittuntur*. Alter vero in citata ad Oceanum Epistola ita inter alia scribit: *Omnia secreta, & publicæ colluvionis sordes, impietas in Deum, parricidium, & incestus in parentes, atque in extraneas voluptates, utriusque sexus mutata natura, Christi Fonte purgantur*. Atque hic lubet etiam adjungere celebrem S. Gregorii Papæ Magni locum, qui Libro 1x. Epistola xxxix. eandem Baptismatis vim, & efficaciam ex professo docet, atque confirmat, sic inter alia inquit: *Qui dicit peccata in Baptismo non funditis dimittit, dicit in mari rubro Ægyptios non veraciter mortuos. Quid quod ita apud primos Christianos trita erat, & publica veritas hujus doctrine, ut ad gentiliū etiam*

notitiam pervenisset? Ex illa nimirum adversus Christianam Religionem argumentum ducebant, ubi contendebant, uti videre est apud Baronium, & alios Scriptores, Fidei nostræ principiis immania scelera foveri, quod, ut agebant, balneum sibi proprium jactaret, quo omnia omnino flagitia abtergerentur.

VI. Ex hæcenus dictis confutatus penitus jacet error Lutheri, jam alias a Leone Papa X. peculiari Constitutione una cum multis aliis damnatus, quod diceret: *Aliud est, omnia peccata remitti, aliud omnia tolli, Baptismus omnia remitti, sed nullum penitus tolli.* Luthero subscriptus Calvinus, ubi in Auditore Concilii Tridentini ita inquit: *Manet vero peccatum in nobis, neque per Baptismum statim uno die extinguitur; sed quia deletur reatus, imputatione, nullum est.* Sed ecce hic opportune, quod adversus hosce hæreticos docet citato loco Cate-

chismus Tridentini Concilii: *Ac ne dubitare amplius ea de re cuicumque liceret, post aliorum Conciliorum definitionem Sacra etiam Tridentina Synodus idem declaravit* (Sessio v. Cap. v.) *enim anathema in eos decrevit, qui aliter sentire auderent, quive asseverare non dubitarent, quamvis peccata in Baptismo remittantur, ea, tamen prorsus non tolli, aut radicibus evelli, sed quodammodo abradi, itant peccatorum radices animo infixæ adhuc remaneant.* Nomque, ut ejusdem Sanctæ Synodi verbis utamur, in citata Sessione v. in Decreto, *De peccato Originali, Can. v. citato: In renatis nihil edit Deus, quia nihil damnationis est his, qui vere conscripti sunt cum Christo per Baptisma in mortem; qui non secundum carnem ambulant, sed veterem hominem exuentes, & novum, qui secundum Deum creatus est, induentes, innocentes, immaculati, puri, innoxii, ac Deo dilecti effecti sunt.*

§. LIII.

Tunc bombacio, vel re simili, pollicem tergit, & imponit capiti Electi Chismale, seu candidum linteolum, & dat illi vestem candidam, dicens: *Accipe vestem candidam, & immaculatam, quam perferas ante Tribunal Domini nostri Jesu Christi, ut habeas vitam æternam.* R. Amen.

§. LIV.

Et Electus deponit priores vestes, & induitur novis albi coloris, vel saltem exterioro candida, quam a Sacerdote accipit.

COMMENTARIUS.

Peracta verticali unctione, ex pervetustis ritu, quem fusc explicuimus supra Cap. II. in Commentariis ad Ordinem Baptismi parvulorum, postquam Sacerdos bombacio, vel re simili, pollicem Chismate inunctum tergit, ut ait hic noster §. LIII. *imponit capiti electi Chismale, seu candidum linteolum, & dat illi vestem candidam, dicens &c.* Variat hic nonnihil ritus ab eo, qui in ipso parvulorum Baptismi Ordine præscriptus legitur §. XXIV. his verbis: *Imponit capiti ejus linteolum candidum loco vestis alba.* At vero in citato nostro §. duplicis vestis mentio fit imponendæ, ac tradendæ baptizato adulto, Chismale scilicet, ac vestis candidæ. Dicitur Chismale linteum, quod capiti baptizatorum statim post ejus inunctionem imponebatur, distinctum a veste alba, quod ita describit Anonymus Turonensis in ms. Speculo apud Martene Lib. I. Cap. I. Articulo xv. num. vi. his verbis: *Induitur deinde Chismali Neophyti, scilicet alba veste, qua instar Cappæ lineæ capiti habet, quo caput quasi quadam Mitra operitur, & filo rubeo superjunctur.* Occurrit ea vox in variis antiquis Ritualibus, ac præsertim in Ordine Romano v. 11. apud Mabillonius Tomo II. Musei Italici, ex cujus præscripto baptizatus Pontifex dabat singulis Stolum, Capsum, & Chismale, & decem flos.

II. Præter Chismale, dat etiam ex nostro §. præscripto Sacerdos baptizato adulto vestem candidam dicens, *Accipe vestem candidam &c.* quæ quidem verborum formula in antiquis passim, recentibusque Sacramentorum Libris, ac Ritualibus reperitur, ejusque ritus mentionem

quoque faciunt Patres, ac rerum ritualium Scriptores, inter quos S. Ambrosius in Libro, *De institutione*, Cap. vii. sic ait: *Accipisti candida vestimenta, ut esset indicium, quod exueris involucrem peccatorum, & indueris innocentiam castæ velaminis.* Varias alias mysticas ejusdem antiqui ritus significationes legere est apud Sanctum Augustinum in Sermone cccxi. i. alias de diversis lxxx. i. Rabanum Maurum Libro I. *De institutione Clericorum*, Cap. xxix. ex quo desumptus est Canon, *Post Baptismum*, De consecratione, Distinctione IV. Ivo nem Carnotensem Sermone IV. *De Sacramentis dedicationis*, & Sermone I. *De Sacramentis Neophytorum*, Rupertum Abbatem Tuitiensem, Durandum, alioque complures.

III. Candida accepta veste, adultus baptizatus, ut ait noster §. LIII. *deponit priores vestes, & induitur novis albi coloris, vel saltem exterioro candida, quam a Sacerdote accipit* &c. etque hic antiquus ritus, cuius & S. Carolus in Instructionibus, *De Baptismi administratione*, & Cæremoniale Cæsaris Montii Cardinalis, & Archiepiscopi Mediolanensis, de adultorum Baptismo agentes meminere. Antiquæ siquidem discipline inherentes, inter alia statuerunt, ut baptizandus adultus ad Ecclesiam ducatur communi vestitu, albam vestem mox post Baptismum rite accepturum. Cæterum quod tum alibi, tum Romæ ritus iste negligere, Catechumenique baptizandi alba induti veste ad Ecclesiam accederent, abusi huic occurrit veterum Christianæ Religionis rituum peritissimus, ac tenacissimus sanctæ memoriæ Benedictus Papa XII. ita

Con-

Concilii Romani, quod celebratum vidimus in Basilica Lateranensi anno Jubilei mcccxxv. hoc edito Decreto Tit. xxvi. Cap. II. *Non est in solemnium adultorum Baptismate sine redargutione prætermissa illis fieri ritus inverso, dum Catechumeni ad Divinum permittuntur accedere lavacrum candida induti Neophytorum veste, quam tantummodo post Baptismum tradimus baptizatis in gloriosa signum resurrectionis, ad quam homines & Sacro Fonte regenerantur, utque vita innocentiam significandam, quam post veteres ablutas maculas servare debent, immaculatam ante Christi Tribunal perferendam. Tum vero sic statim subjicit: Hæc itaque, & similia a Sacramentorum Magistris animadvertantur; caveantque Parochi, ne sacrum instructionum desit, quod Fidelibus ab Ecclesia mystice traditum est ad salutem, prompta serviet, & vinitati. Sed mortuo Benedicto, non modo hoc Decretum, sed alia non pauca ab eo sapientissime constituta una cum ipso Sanctissimo Pontifice interire.*

IV. Præteriri hic tandem non debet alius

ritus, quo olim qui Sabbato Sancto baptizati erant, per totum hebdomadam albis vestibus utebantur, & in Octavis Paschæ sanctis Sacrificiis Angelico illo habitu induti aderant, ut docet ALCUINUS in Epistola ad Carolum Magnam, ubi ait Neophytos sui ævi per septem dies in Angelico capitatis habitu, & luminibus celestis claritatis Sanctis assistere Sacrificiis consuevisse. Quæ totidem verbis apud RABANUM Lib. II. De institutione Clericorum, Cap. xxxix. reperitur; idemque etiam docet AMALARIVS Lib. I. De Ecclesiasticis Officiis, Cap. xxix. Cæterum quod alibi Neophytorum vestes in Octava Paschæ deponerentur, hinc Dominica ipsa in Albis dicta antiquitus fuerit, ut testis est S. AUGUSTINUS Sermone I. in Octavis Paschæ, qui est clvii. de tempore, ubi ita inquit: *Paschalis solemnitas hodierna festivitatis concluditur, & ideo hodie Neophytorum habitus commutatur; ita tamen ut candor, qui de habitu deponitur, semper in corde teneatur.* Vide omnino sequentem Commentarium, in quo plura scitu digna invenies, quæ ad vestem baptizatorum candidam spectant.

§. LV.

Postea dat ei Sacerdos cereum, seu candelam accensam in manu dextra, dicens: *Accipe lampadem ardentem, & irreprehensibilis custodi Baptismum tuum. Serva Dei mandata, ut cum Dominus venerit ad nuptias, possis occurrere ei in Aula celesti, in vitam æternam. R. Amen.* Ipse vero Neophytus eundem cereum accensum manibus tenet usque in finem, præterquam dum confirmatur.

COMMENTARIUS.

I. CEREI, seu candelæ accensæ traditio baptizato antiquissimus est Ecclesiæ ritus in parvulorum Baptismo jam a nobis late enarratus, probatque veterum Patrum testimoniis, ac præsertim S. AMBROSII, qui in Libro, *De lapsu Virginis*, Cap. v. sic eam odoriatur: *Non est memorata diei Sanctæ Dominicæ Resurrectionis, in quo Divino Altari te obtulisti velundam. In tanto tanque solemnium Convectu Ecclesiæ Dei, inter lamine Neophytorum splendida, inter candidatos quasi Regi nuptura processeras.* Extat & hic ritus in variis Sacramentorum Libris, præsertim vero in Gemneticensi tempore Theodorici Abbatis, qui obiit anno MXXXII. descripto, in quo etiam habes verborum formulam, qua cereus ipse accensus baptizato porrigebatur: *Postea, inquit, parit Sacerdos candelam in manu sua, ita dicendo: Accipe candelam irreprehensibilem, custodi Baptismum tuum, ut cum Dominus venerit ad nuptias, possis occurrere ei in Aula celesti in vitam æternam in secula seculorum. Amen.* Variat nonnihil a formula in nostro §. præscripta, a qua etiam nonnihil variat illa, qua legitur in ms. Pontificali insignis Ecclesiæ Apamiensis in Syria annorum circiter DC. estque hujusmodi: *Accipe lampadem irreprehensibilem, custodi Baptismum tuum, ut cum Dominus venerit ad nuptias, possis occurrere ei in Aula celesti.* Atque hæc eadem formula legitur etiam in Ordine antiquo Romano x. apud Mabillonium Tomo II. Musæi Italici pag. 106. cum responsione tamen, *Amen, in fine.* Porro variat & formula ipsa in hoc nostro §. descripta pro Baptismo adultorum ab illa

superius posita pro parvulorum Baptismo, quam ita habet: *Accipe lampadem ardentem, & irreprehensibilis custodi Baptismum tuum. Serva Dei mandata, ut cum Dominus venerit ad nuptias, possis occurrere ei una cum omnibus Sanctis in Aula celesti, habesque vitam æternam, & vivas in secula seculorum. R. Amen.* Itaque verba illa, *una cum omnibus Sanctis*, sicut & illa, *vivas in secula seculorum*, desunt in formula in præfenti §. præscripta pro Baptismo adultorum. Quicquid sit de ea varietate, alludit formula ad illud quod dicitur in Evangelio Matthæi Cap. xxv. de decem Virginibus, *quæ accipientes lampades suas exierunt obviam sponso, & sponse.* Atque huc facit, quod ait inter alia S. GREGORIUS Nazianzenus in sua celebri de Baptismo Oratione his verbis: *Lampades, quas accendis, ventura est illuminationis mysterium, eam quæ obviabis sponso.*

II. Ex recitato Nazianzeni loco jam illud addicimus, etiam apud Græcos in usum olim fuisse hunc ritum tradendi scilicet baptizato cereum accensum; in cujus confirmationem lubet insignem locum describere ex Epistola Marci GAZENI ad Arcadium Imperatorem de Baptismo Theodosii junioris apud Baronium ad annum cni. Baptizato, inquit, juniori Theodosio, & ab Ecclesia egresso in Palatium, licebat rursus instauri decorem eorum, qui præerant multitudini, & vestem eorum resurgente, trans enim omnes candidati, ut existimaretur multitudine esse nive repleta. Præcedebant autem Patriarchæ illustres, & omnis dignitas eorum Ordinibus militibus, omnes portantes cereas, ut potarentur astra cerei

in terra. Ex quo loco illud quare et colligi potest, quod alias notavit Martene Lib. 1. Cap. 1. Articulo xv. num. ix. in Regum, & Principum Baptismate, non solum ipsos vestem albam, & cereum accensum accepisse, sed omnes insuper aulicos, & eorum milites, qui cereum etiam accensum manu tenentes solemini veluti eam processione baptismatum Principem ab Ecclesia ad Palatium deducebant. Viguisse autem potissimum hunc ritum apud Latinos, ut nempe baptizatis accensum cereum traderetur, probat plane insignis locus Gregorii Turonensis Lib. v. Historiarum Francorum, Cap. xi. ubi agit de multitudine ludæorum, quos Avitus Episcopus salutari lavacro abluerat: *Gavissus, inquit, est autem Pontifex nuntio, nocte sancta Pentecostes, Vigiliis celebratis, ad Baptisterium foraminarum episcopatus est, ibique omnis multitudo eorum eo prostrata Baptismum flagitavit. At ille pra paucis lacrymans, castis aqua abluit, Crismate linimentis, in sinus Matris Ecclesiae congregavit. Flagrant cerei, lampades resquebant, albicabat tota Civitas, grege candido. Alludit postremis verbis ad ritum superius descriptum vestis nempe candidæ, quæ baptizati donabantur. Atque ad utrumque etiam ritum alludit Fortunatus Libro iv. in Carmine de eissem Judeis sic inquit: Undique raptæ manæ lux cerea proveat astra, Credas ut Stellæ ire trabendo comas.*

Lactes hinc vestis color est, hinc lippæ fulgor, Ducitur, & vario lumine picta dies.

III. De cereis Neophytorum illud præterea est observatum dignum, quod jam inter alios notavit laudatus Martene citato loco, num. x. quod nempe eis extincti porrigebantur, sub sinem Litanie, quæ post Baptismum decantabatur, tantum accendendi. Cujus quidem ritus testes inter alios sunt Amalaricus, & creditus Aleuinus, quorum primus in Libro, *De Ordine Antiphonarii*, Cap. xliv. hæc habet: *Reservetur ignis de sexta Feria, ut illuminetur Cereus, qui ponitur in vice columna ignis ad benedicendum, qui ab initio benedictionis illuminatus est: & cum benedictio est, ab eo illuminetur secundus Cereus, cetera luminaria extincta permanent usque ad novissimam Litaniam, quæ pertinet ad officium Missæ de Resurrectione Domini. Tunc accendantur luminaria Ecclesie, & Neophytorum.* Clarius vulgatus Aleuinus, Capite, *De Sabbato Sancto*, ubi sic inquit: *Tunc ingreditur Pontifex de Sacrorum cum ingenti decore, & prædicta cerosata ante illum cum thymiamateriis, & cum dixerit Subola, Agnus Dei, dicat Cantor excessa voce, Accenditur: Tunc primum illuminantur omnes cerei Neophytorum, quos manibus tenent, demonstrant hoc, quod per illum Agnum, qui tollit peccata mundi, unusquisque lumen accipere debeat. Addit postea hic idem Auctor: *Nostris baptizati durante quotidie ad Ecclesiam, columna Cerei illuminata, præcedente eos. Ubi quod ait, quotidie, verus Aleuinus in Epistola ad Carolum Magnum exponit per septem dies, quibus in Angelico ecclesiasticis habitis, & luminibus ecclesiis claritatis, Sanctis assistere Sacrificiis solent. Quæ totidem verbis legere est apud Rabanum Maurum Lib. II. De Institutione Clericorum, Cap. xxxix. uti jam supra in Commentario præcedenti notavimus.**

IV. Cerei ardentis traditione sacra baptismato jam plura nobis significantur. Nam præter

mysticam explicationem a S. Gregorio Nazianzeno superius traditam, quam etiam ex ipsis traditis formulæ verbis addiscere licet, illud quoque nobis insinuat, quod ait Christus Dominus in Evangelio Matthæi, Cap. v. *Sic luceat lux vestra coram hominibus, ut videant opera vestra bona, & glorificent Patrem vestrum, qui in Cælis est;* itemque Lucæ Capite xxi. *Sit lumbi vestri præcincti, ut lucerna ardentes in manibus vestris.* Significatur etiam id quod scribit Apostolus in Epistola ad Ephesios, Cap. v. *Erat, inquit, aliquando tenebre, nunc autem lux in Domino. Ut filii lucis ambulate. Frustræ enim lacus est in omni bonitate, & justitia, & veritate; probantes quid sit beneplacitum, & nolite commiscere operibus infructuosis tenebrarum, sed magis redargite. Porro illuminationem, & bonorum operum facienditatem, esse unum ex Baptismi effectibus, ex eodem Apostolo probari potest, qui in Epistola ad Hebræos, Cap. vi. & x. baptizatos, illuminatos appellat; itemque ex præfatis Patribus, qui Baptismum passim vocant illuminationis Sacramentum. Ita sane S. Dionysius in Libro, *De Ecclesiastica Hierarchia*, Cap. II. Clemens Alexandrinus Lib. i. Pædagogici, Cap. vi. Cyrillus Hierosolymitanus in Catechesibus Illuminatorum, Gregorius Nazianzenus in Oratione de Baptismo, & inter Latinos S. Ambrosius, S. Augustinus, & alii.*

V. Cum denique in hoc nostro s. primum, vox Neophyti occurrat, mandat enim, *at ipse Neophytus eandem cereum accensum manibus teneat usque in finem, præterquam dum confirmatur.* Quia scilicet cum adulti baptizantur, ex antiquo ritu, de quo diximus in Commentariis ad Titulum 1. Partis I. Romani Pontificis, statim ipsis post Baptismum Confirmatio confertur; quo casu cereum accensum, quem in Baptismo adultus accepit, tenere non debet, dum confirmatur. Quod si statim post Baptismum minime confirmetur, tunc quidem usque in finem tenebit accensum ipsam cereum, quousque Baptismi functio fuerit absoluta. Ceterum licet apud Scriptores Ecclesiasticos multum late pateat Neophyti nomen, in præfati autem nostro s. de eo dicitur, qui a reprobata Religione conversus, Christianæ militie nomen dedit, & salutari lavacro recens ablatus est; uti etiam constat ex Can. *Sicut Neophytus*, Distinctione xlviii. qui defunctus est ex S. Gregorio Papa in Epistola ad Syagrium Episcopum. Nam alias, qui a multo tempore ad Christianismum sunt conversi, & Baptismo donati fuisse, proprie Neophyti nomen pandi non sunt; quamvis per injuriam ita appellentur ab aliquibus, quos recte gravibus verbis arguat Turrecremata ad citatum Canonem, *Sicut Neophytus*, sub num. 2. & Navarrus in Manuali Cap. xxvii. apud Ricciellum, *De Neophytis*, Cap. 1. num. 1. & 2. Atque hic itidem illud adnotandum censui, summa quoque reprehensione dignam esse illam quorundam Christianorum insolentiam, qui miseros Hebræos per Urbem ambulantes, sibi attendentes, nullique molestiam facientes, atrocibus injuriis lacebant; nec enim addubito, quin lachryaliter precerent, obnoxioque sint gravi Magistratum coercionem; quorum interest, ut hujusmodi injuriæ in bonam Christianæ Religionis, quæ nulli male, bene autem omnibus facere debet, & ad aliorum exemplum, quammaxime vindicentur.

§. LVI.

In Ecclesiis autem, ubi Baptismus fit per merfionem, five totius corporis, five capitis tantum, Sacerdos accipiat Electum per brachia prope humeros, & superiore parte corporis nudatum, reliqua honeste contectum, ter illum, vel caput ejus mergendo, & toties elevando, baptizet sub trina merfione, Sanctam Trinitatem semel tantum, sic invocando: *Ego te baptizo in Nomine Patris* ✠, mergat semel; & *Filii* ✠, mergat iterum; & *Spiritus* ✠ *Sancti*, mergat tertio, Patrino, vel Matrino, vel utroque cum tenente, vel tangente.

COMMENTARIUS.

Explicantur hoc loco ritus, qui servari debent, ubi Baptismus fit per merfionem, five totius corporis, five capitis tantum. Et quidem consuevisse aliquando ablini sacro lavacro totum corpus per immersionem, superius demonstratum jam fuit, probarique hic iterum potest ex Canone, *Prima*, De consecratione, Distinctione iv. desumpto ex Sermone 111. S. Augustini ad Neophytos, ubi sic inter alia inquit: *In hoc ergo fonte antequam vis toto corpore tingere, interrogavimus &c.* Hoc plane spectat, quod ait S. Cyrillus Hierosolymitanus Catechesi xviii. eos nempe, qui baptizantur, undique aquis circumdari, ideoque nudos toto corpore; & quod S. Chrysostomus in Epistola ad Innocentium Papam I. & Palladius in ejusdem Chrysostomi Vita, excitatum in Baptisterio a Theophili Satellitibus tumultum referentes asserunt, scilicet, mulieres, quae in saceris Aedibus id temporis ad Baptisma se exueant, metu acerba illius irruptionis nudas nudasse. Porro ad consulendum pudori, feminae a viris separatim baptizabantur, eisque auxilio erant Diaconissae, a quibus vestibus exutae, Episcopo, aut Presbytero baptizanti offerebantur, qui eas non tam videbat, quam audiebat. Aliquando etiam viris ex corporis partes, quae sine veretudina a nobis nominari nequeant, velo obtigebantur, uti docet Martene Lib. 1. Cap. 1. Articulo xiv. num. xi. Ceterum Ennomiani haeretici, ut scribit S. Epiphanius Haeresi lxxvi. quotquot baptizabant, in aqua caput demergebant, pedibus in sublime porrectis, & quidem medio corpore abluto, ut addit Theodoretus Libro iv. *De haereticorum fabulis*, sic inquit: *Baptizantes, usque ad pedes aqua madefaciunt; reliquis autem corporis partibus, tanquam abominandis aquam addibere prohibent.* Sed hac falsa erat haereticorum opinio; nam sancte, recteque consuevit Ecclesia aliquando toto nudos corpore, five per immersionem, five per effusionem baptizare. Quod tandem ut plurimum solum caput aquis salutaribus immergeretur, satis indicat S. Hieronymus in Dialogo adversus Luciferianum his verbis: *Nam & multa alia, quae per traditionem in Ecclesiis observantur, auctoritate sibi scripta Legis observant, velut in lavacro ter caput mergere.*

II. Sive autem toto corpore, five solo capite, fieret immersio, illud plene constat ex antiquis Sacramentorum Codicibus, ac variarum Ecclesiarum Ritualibus passim, pene semper collatum fuisse per immersionem Baptismum, solumque in casu necessitatis, ubi scilicet tanta non esset copia aquae, quae mergendo corpori, vel

capiti satis esset, vel ubi ageretur de aegrotante lecto decumbente, aut etiam si Sacerdos adeo debilis esset, ut immergere non valeret, five ob aliam necessitatem causam, permixtum quidem fuisse, ut per effusionem baptizari posset. At vero licet ubique fere locorum invaluerit jam Baptismus per effusionem, probat ubiolumus nostrum Rituale Romanum non uno in loco, praefertim vero in hoc §. ritum illum baptizandi per immersionem, five totius corpora, five capitis tantum, statuitque ideoque, ut, ubi viget hic ritus, Sacerdos accipiat Electum per brachia prope humeros, & superiore parte corporis nudatum, reliqua honeste contectum, ter illum, vel caput ejus mergendo, & toties elevando, baptizet sub trina merfione &c. Sed hoc opus, hic labor est, ut nempe possit Sacerdos, gracilis, praefertim, ac senior, aditum Catechumenum per brachia acceptum, ter immergere, terque elevare. Ceterum quicquid sit de adultis masculis, non puto praescriptum ritum habere posse locum in feminis Catechumenis adultis; non enim honestas patitur, superiorem partem corporis illius nudari, accipique a Sacerdote per brachia prope humeros, & ter immergi in sacrum Fontem, ac ter inde elevari. Ut consulum fuerit olim feminarum pudori in illarum per immersionem Baptismo, jam alibi fuisse explicuimus. Illud vero hic minime omittendum, quoniam summo opere adnotandum, quod nempe S. Carolus in Instructionibus, *De Baptismi administratione*, & Ceremoniale Ambrosianum Caesaris Montii Cardinalis & Archiepiscopi Mediolanensis jussu editum, praevidentes difficultates baptizandi adultos per immersionem, ubi de ipsorum Baptismo tractant, providentissime statuerunt: *Baptizetur, inquit, per immersionem, ut ritus Ambrosiana Ecclesia postulat, siquidem commodum fieri possit, aliqui per infusionem.* Recedendum putarunt sapientissimi Antistes a ritu Ambrosiano, cujus semper tenax, & custos fuit Ecclesia Mediolanensis, ut & sine summo incommodo, & cum honestate Baptismus homini adulto ministraretur.

III. Insuper quod nosse §. praefertim, ut Sacerdos, ubi nempe Baptismus fit per merfionem, baptizet sub trina merfione sanctam Trinitatem semel tantum se invocando, *Ego te baptizo in nomine Patris* ✠, mergat semel; Et *Filii* ✠, mergat iterum; Et *Spiritus* ✠ mergat tertio, cohaeret plane antiquis multis Sacramentorum Libris, ac Ritualibus longo agmine a Martene relatis Lib. 1. *De antiquis Ecclesiae ritibus*, Cap. 1. Articulo xviii. itemque Romanis praefatis Ordinibus 1. & x. apud Mabillonium Tomo II. Musei Italici pag. 27. & 106. ubi interrogato baptizau-

do, an baptizari velit, & responso ab eo, *Volo, mox ita legitur: Tunc baptizet eum sub trina immersione, Sanctam Trinitatem semel tantum invocando sic: Et ego te baptizo in Nomine Patris, & immergat semel; Et Fili, & immergat secundo; Et Spiritus Sancti, & immergat tertio, fieri debere, ac consuevisse etiam antiquitus triam ipsam immersionem in modum Crucis, docent passim antiqui Sacramentorum Codices, qui etiam expresse mandant, quod & in hoc nostro §. edicitur, & a nobis jam alius notatum fuit, atque explicatum, ut scilicet in ea tria immersione, semel tantum Sacerdos Sanctam*

Trinitatem invocet; non enim licet ad singulas immersiones, semel formam ipsam Baptismi, *Ego te baptizo &c.* repetere. Fuit enim ibi abusus quorundam Ecclesiarum Hispanie, in quas vehementius excandescit Alcuinus in Epistola cxxx. ad Paulinum Patriarcham data, uti superius non uno in loco adnotavi.

IV. Quod tandem in nostro §. edicitur, ut quam baptizatum adukus, eum Patrinus, vel Matrina, vel uterque teneat, vel tangat, jam alias id fuit a nobis explicatum, ideoque non mirum videri debet, si nihil de hac re in hoc Commentario dixerim.

§. LVII.

Et cum Electus surrexerit de Fonte, Patrinus, vel Matrina cum linteo in manibus suscipit eum de manu Sacerdotis, & Sacerdos, inincto pollice dextro in Sacro Chrismate, illum in vertice in modum Crucis perungit, dicens: *Deus Omnipotens, Pater Domini nostri Jesu Christi &c.* ut supra §. l.ii.

COMMENTARIUS.

I. **C** Rescit magis magisque difficultas ritus baptizandi per immersionem, de qua alius loquuti fuimus in Commentario præcedenti, ob multa nempe incommoda, quæ inde oriri possunt. Ex præscripto siquidem præsentis §. cum *Electus surrexerit de Fonte*, postquam scilicet tertio in eum fuit immersus, *Patrinus, vel Matrina cum linteo in manibus suscipit eum de manu Sacerdotis*, Patrinus nempe baptizatum masculum, seminam vero Matrina; necque enim deceret, ut mas feminam vel a super-

riori parte nudam, vel marem femina, sive uterque simul, Patrinus, & Matrina, marem, feminamve, qui de Fonte nudi surrexerant, cum linteo in manibus suscipiant. Puto equidem, adhibendum tunc linteum a Patrino, Matrinave, ad cooperiendam maris, semineve jam baptizate nuditatem, quoniam a Sacerdote cum Chrismate inuncti fuerint in vertice, & ab eodem candidam vestem acceperint, ut in sequentibus Paragraphis præscribitur, & uti jam alias supra non uno in loco explicuimus.

§. LVIII.

Deinde Sacerdos imponit capiti ejus linteolum, seu Chrismale, & dat ei vestem candidam, dicens: *Accipe vestem candidam &c.* ut supra §. l.iii.

§. LIX.

Et statim prædicto linteo abstergitur, & in loco semoto vestitur novis, & albis vestibus, & exteriore candida, quam accipit.

COMMENTARIUS.

I. **O** Missio §. lvi. quod in eo præscriptum de linteolo, sive Chrismali, vestique candida baptizato imponenda, explicatum superius fuerit, devenio ad §. l. ix. ex cuius præscripto baptizatus per immersionem statim prædicto linteo abstergitur, & in loco semoto vestitur novis, & albis vestibus, & exteriore candida, quam accipit. Ex quo magis magisque probatur, quod etiam superius notavimus, Catechumenos scilicet, non ante, sed post Baptismum vestibus albis esse induendos; & quidem in loco semoto, ut ait hic noster §. ob honestatem. Si enim Neophytus, ut recte observat Barrufaldus in Commentariis ad Ritale Romanum, Titulo xlii. §. xlii. tum. Sy. totus expoliari debet, decet quammaxime, ut remote ab oculis adstantium hoc fiat. Ubi vero addit, & exteriore candida, quam accipit, demon-

strat, quascumque vestes tum exteriores, tum interiores debere ibi esse paratas, ut Neophytus illis indui possit. Ergo supponit, quod illa nondum indutus fuerit; ideoque male se gerere, qui ducunt Catechumenum baptizandum ad Ecclesiam vestibus albis indutum; nam exterior vestis, quam Neophytus accipit a Sacerdote, non est tota vestis, sed tantum exterior pars, quam ei Sacerdos imponit sub præscripta illa formula, *Accipe vestem candidam &c.* Porro perspicue loquitur hic noster §. eique parere debent, qui Catechumenis præsent, præsertim vero Cæremoniarum Magistri, & Sacerdotea, qui illos baptizant. Nihil enim præcipit, quod in aliis Sacramentorum Codicibus, atque Conciliis constitutum non fuerit. Sed de hac re jam aliis locis abunde diximus, Decretumque Romani Concilii Benedicti xlii. attulimus.

§. LIX.

§. LX.

Postea dat ei Sacerdos candelam accensam in manu dextra, dicens: *Accipe lampadem &c.* ut supra §. LV. Eodem modo, si plures fuerint, sit pro singulis.

NOTA.

Quæ de traditione cerei accensi dari soliti ex antiquo ritu baptizato post acceptum salutarem lavacrum diximus supra Cap. II. in Commenta-

riis ad Ordinem Baptismi parvulorum, faciunt quidem & ad hujus §. explicationem; illa ergo querenda, iidemque quæ diximus paulo superius in Commentario ad §. LV.

§. LXI.

Postea dicat: *N. vade in pace, & Dominus sit tecum. R. Amen.*

COMMENTARIUS.

Preferibitur in hoc §. ultima actio, qua ritus Baptismi absolvitur, ut nempe Sacerdos, tradito cereo accenso in manu dextra baptizati, & recitata formula: *Accipe lampadem &c.* de qua jam alibi diximus, postea dicat: *N. Vade in pace, & Dominus sit tecum.* Cui ille respondet: *Amen.* Est idem hic plane ritus, quem præscriptum vidimus in Baptismo parvulorum, in quem etiam nonnulla adnotavimus. Porro variant nonnihil Rituales Ecclesiarum Codices, præsertim vero ille Bibliothecæ S. Genovesæ Parisiensis annorum circiter ccc. in quo nonnulli ritus Ecclesiæ Laudensæ in Italia continentur; ex eo namque præscriptum est, ut Sacerdos cum signo Crucis signet baptizatum, dicens: *In Nomine Patris &, & Filii &, & Spiritus &, Sancti. R. Amen. Vade in pace.* Ex Rituali autem Ambrosiano jussu Cæsaris Montii Cardinalis & Archiepiscopi Mediolanensis edito. Sacerdos post traditum accensam cereum, & dictam eam verborum formulam, *Accipe lampadem ardentem &c.* dicit: *Dominus vobiscum.* *R. Et cum spiritu tuo. Tum sequitur Oratio Omnipotens sempiternæ Deus, qui regenerasti famulam tuam ex aqua, & Spiritu Sancto, quique dedisti ei remissionem omnium peccatorum, tribue ei continuam sanitatem ad cognoscendam Divinitatis tuæ virtutem. Per Dominum nostram &c.*

R. Dominus vobiscum. R. Et cum spiritu tuo. Kyrie eleison, Kyrie eleison, Kyrie eleison. R. Benedicat, & exaudiat nos Deus. R. Amen. R. Procedamus cum pace. R. In nomine Christi. R. Benedicamus Domino. R. Deo gratias. R. Benedictio Dei Omnipotentis Patris &, & Filii &, & Spiritus & Sancti, descendat super te, & maneat semper. R. Amen.

II. Fuit vero pervetustus Ecclesiæ ritus, ut quemadmodum alios notavimus, baptizatis legeretur initium Evangelii S. Joannis, ut ex eo caperent altitudinem Divine gratiæ, qua Filius Dei natus hominis filius, ipsos homines regeneratos fecerat Filios Dei, uti observant Patres Benedictini S. Mauri in Gallia in Nota ad Sermone cccxv. S. Augustini novæ editionis, quam ipsi feliciter peregerunt; ilque evidenter colligitur ex sequenti Sermonem cccxvi. Ceterum consuevisse idem Evangelium, completis omnibus Baptismi caeremoniis, legi super baptismatum delatum ad Altare, & quidem a Sacerdote, posita Stola super baptizati caput in modum Crucis, ex antiquo Rituali Lemovicensi Ecclesiæ adulescimus apud Martene Lib. 1. *De antiquis Ecclesiæ ritibus*, Cap. 1. Articulo xviii. Ordine xvii, quem quidem ritum servatum in Ecclesia Parisiensi ab annis circiter D. tradit idem Autor, Articulo xv. num. xviii.

§. LXII.

Si adsit Episcopus, qui id legitime præstare possit, ab eo Neophyti Sacramento Confirmationis initiantur. Deinde, si hora congruens fuerit, celebratur Missa, cui Neophyti interfunt, & Sanctissimam Eucharistiam devote suscipiunt.

COMMENTARIUS.

Tanta est Sacramenti Baptismatis cum Sacramento Confirmationis connectio, ut ab invicem olim vix separarentur. Confirmatio quippe, quam Veteres manuum impositionem, consignationem, spirituale signaculum, & Græci præsertim Chrisma, Christum, seu Unguenti mysterium appellabant, tanquam ultimum Baptismi complementum, perfectio, & consummatio semper suspecta est, non quasi illius integritati aliquid desit, quo minus veri, & sinceri censeamur Christiani; sed quod per Baptismum quasi modo geniti infantes, per

Confirmationem virtute Spiritus Sancti imbuti, in viros perfectos crescimus. Hinc vetus illa Ecclesiæ consuetudo ad nostra fere tempora præxi saltem quibusdam in locis deducta, baptizatos etiam parvulos statim percepto Baptismatis Sacramento, confirmandi. Cujus fidem certam, & indubitatam faciunt non modo Rituales, & Pontificales Codices, Librique antiqui Sacramentorum, sed & præci Patres, quos longo agmine recenset Martene Lib. 1. *De antiquis Ecclesiæ ritibus*, Cap. 1. Articulo xviii. ac deinde etiam Cap. II. viderique de hac re possunt, quæ

scripsimus nos Tomo 1. & 111. Commentario-
rum ad Pontificale Romanum.

II. Recte itaque ex hoc nostro §. ubi de
adultis baptizatis præsertim agitur, cautum est,
ut, si adit Episcopus, qui id legitime præstare
possit, ab eo Neophyti Sacramento Confirmatio-
nis instituitur. Similia his sunt, quæ edicit ms.
Pontificale insignis Ecclesiæ Apamensis in Syria
annorum circiter DC. ubi post relatum ritum tra-
dendi accensam candelam baptizato sub recitata
superius formula, *Accipe lampadem &c.* ita &
mox subiicit: *Tunc, si Episcopus adest, statim
oportet eum confirmari Chrismate, & communi-
cari secundum consuetudinem quamdam Ecce-
lesiæ.* Quibus ex verbis quævis colligi possit,
hunc ritum in aliquibus dumtaxat locis viguisse,
docet nihilominus laudatus Martene, certique
testimoniis probat ex Ritualibus sequioris sævi
defunctis, ritum ipsum confirmandi statim bapti-
zatos, in multis Ecclesiis perseverasse, vigere-
que etiam apud Græcos, apud quos, teste
Allatio Lib. 12. *De perpetua consensu Ecclesiæ
Occidentalis, & Orientalis*, Cap. XVI. 11. nul-
lus est, qui, Sacramento Baptismi accepto, do-
nam absque Sacramento Confirmationis debeat.
Idem de Maronitis, & Syris asserit Naironus in
Euoplia Catholice Fidei, Parte II. Capite 111.
idemque de Jacobitis Vanslebibus in Gallica Histo-
ria Ecclesiæ Alexandrinæ, Parte II. Cap. XXI.
quibus adscriptur orthodoxa Confessio Orientalis
Ecclesiæ anno MDCLXII. a Nestario Pa-
triarcha probata, Quæstione cv. primæ Partis.

III. Sed hæc quidem intelligenda sunt,
quando Baptismus ab Episcopo ipso, aut eo præ-
sente, a Parocho, vel alio simplici Sacerdote
celebratur: nam alias baptizati, absente Episco-
po, confirmari solebant ab Episcopo Diocesim
visitante, teste S. Hieronymo in Dialogo adver-
sus Luciferianos: *Non quidem ab uno, inquit,
hanc esse Ecclesiarum consuetudinem, ut ad eos,
qui longe in minoribus Orbibus per Presbteros,
& Diaconos baptizati sunt, Episcopus ad invo-
cationem Spiritus Sancti manum imponens ex-*

curret. Plura de tempore conferendæ Confir-
mationis baptizatis diximus jam in citatis Tomis
nostri Romani Pontificalis. In præfenti autem
hic illud notandum, in adultorum Baptismate
jam nec fas esse, ut addit Episcopus, qui eos
confirmet, sed requiri præterea ex hoc nostro
§. sacris Canonibus concordante, ut addit Epi-
scopus, qui id legitime præstare possit, Episco-
pus scilicet proprius, & in sua Diocesi; alie-
nus enim in alterius Diocesi prohibitus est Sa-
cramentum istud conferre, aliave Pontificalia
exercere, invito, insciove proprio Episcopo,
ut inter alia statuit Tridentinum Concilium Ses-
sione vi. *De reformatione*, Cap. v. & alibi.

IV. Est tandem & ille antiquus ritus, qui
in eodem hoc nostro §. præscriptus est, ut ni-
mirum recens baptizatis, & sacra Confirmatione
donatis, si hora congruens fuerit, celebratur
Missæ, cui Neophyti intersunt, & Sanctissimam
Eucharistiam suscipiunt. Missæ hujus mentionem
passim faciunt antiqui Codices Sacramentorum,
ac Rituales a Martene allati Lib. 1. Cap. 1. Ar-
ticulo XVIII. præsertim vero Sacramentorum
Liber Gelasii Papæ ex ms. Codice Bibliothecæ
Colbertinæ ab annis circiter mille exarato, Regius,
Noviomensis ejusdem ætatis, Gelloca-
lis, S. Remigii Remensis, atque alii passim, quos
non opus est hic recitare. Ex quibus etiam ad-
discimus, quod, ubi Baptismus conferebatur in
Paschate, *omnibus diebus septem Pasche semper
ad Missas debuerint baptizati etiam parvuli pro-
cedere, offerri pro ipsis, & communicare om-
nes.* Idque præscriptum etiam Romanus Ordo 1.
apud Mabillonium Tomo II. Musæ Italici, Cap.
VII. n. 46. pag. 28. *Hud autem de parvulis provi-
dendum est, ut postquam baptizati fuerint, nullum
cibum accipiant, nec laicent, atqueam commu-
nicent Sacramento Corporis Christi; & omnibus
diebus septimana Pasche ad Missas procedunt, &
parentes eorum offerant pro ipsis, & communicent
omnes.* Adde mox etiam, *hanc prædictum Or-
dinem Baptismi in hoc Sabbato Pasche, sicut &
in Sabbato Pentecostes, omnimodis celebrandum.*

§. LXIII.

Si vero ob baptizandorum multitudinem, ut in India, & in novo Orbe quandoque con-
tingit, in singulorum Baptismo præscripti ritus adhiberi non possunt, tunc vel plu-
ribus simul adhibeantur, vel, si urget necessitas, omittantur.

COMMENTARIUS.

I. **Q**Uamvis omnes explicatæ hæcenus sa-
cræ Baptismi ceremoniæ, sive illæ
Baptismum præcedant, sive comiten-
tur, sive subsequantur, non sint ad
substantiam hujus Sacramenti necessariae, adeo-
que sine illis valide conferatur Baptismus, non
tamen prætermitti possunt sine lethali peccato,
nisi certis casibus, quos recenset hic noster §. qui
plane edicit, ut, si ob baptizandorum multitu-
dinem, at in India, & in novo Orbe quandoque con-
tingit, in singulorum Baptismo prædicti ritus ad-
hiberi non possant, tunc vel pluribus simul adhi-
beantur, vel, si urget necessitas, omittantur.

II. Cavendum vero illud potissimum, ne
ubi non addit urgens, gravique necessitas, ritus
ipsi omittantur, arbitrio Ministrorum. Quod i-
circò dixi, quia, ut alias supra adnotavi, Mis-

sionarii in India non defuerunt, qui ut de nume-
ro a se baptizatorum potius, quam de virtute,
gloriantur, ritus non modo in administratio-
ne Baptismi omitebant, verum etiam obvium
quemque adultum, & sine ullo fere defectu, mo-
do Baptismum peteret, salutari lavacro ablave-
bant. Testantur id quidem duo sanctissimi, do-
ctissimique Præfates Franciscus Episcopus Helio-
politanus, & Petrus Episcopus Berytensis, qui
in Tunchini, & Cochinnæ Regnis, incredibili
cum fructu Christum annuntiabant, quique pro
feliciore Evangelii progressu quasdam ediderunt
Instructiones, quas Joannes S. R. E. Cardinalis
Bona jussu Sacræ Congregationis de Propaganda
Fide recensens, Apostolico spiritui scriptas
fuisse testatur, unde etiam eas Typographus ejus-
dem Congregationis Romæ typis vulgavit. Ce-
te-

terum quod Missionarii suo arbitrio sacros ritus, caeremoniasque in Ritualibus, ac Synodis praescriptos omittunt, vetuit merito hunc abusus in celebri suo Decreto Cardinalis Tournonius, longeque ante ipsum Alexius de Menexis in Synodo Diamperitana anni MDXCIX. Actio-

ne tv. Decreto xiv. quam quidem Synodus e Lusitano idiomate in Latinum vertit, Notificae egregiae, ac Dissertationibus illustravit amicus noster Vir Clarissimus Joannes Facundus Raulin Casaraugustanus Ordinis Eremitarum S. Augustini Exgeneralis, ac Romae editid anno mdcxv.

CAPUT V.

Ordo supplendi omissa super Baptismum.

§. I.

Cur urgente mortis periculo, vel alia cogente necessitate, sive parvulus, sive adultus, sacris precibus, ac caeremoniis praetermissis, fuerit baptizatus, ubi convalescerit, vel cessaverit periculum, & ad Ecclesiam delatus fuerit, omnia omnia suppleantur; idemque ordo, ac ritus servetur, qui in Baptismo parvulorum, si fuerit parvulus; seu adultorum, si fuerit adultus, praescriptus est. Excepto quod interrogatio, an velit baptizari, formaeque Baptismi, & ablutio praetermittuntur; & quaedam Orationes, & Exorcismi suo quique loco immutati, ut infra, dicuntur.

COMMENTARIUS.

I. Quum, uti superius notatum fuit, in Commentario scilicet ad §. ultimum Capituli praecedentis, sacrae Baptismi caeremoniae, licet non sint ad substantiam Sacramenti necessariae, nullatenus tamen omitti debeant, & quidem sub poena peccati lethalis; hinc supplenda illae in iis sunt, qui, urgente necessitate, vel apud haereticos, aut quocumque errore, sine ipsi sacro lavacro regenerati fuerunt. Atque haec est vetus, ac recens Ecclesiae praxis, cujus multae sunt rationes, quas post S. Thomam Parte 111. Quaestione lxx. Articulo 111. insigniores Theologi adnotaverunt, praesertim vero Guillelmus Estius in Libri quarti Sententiarum Distinctione m sextam §. v.

II. Prima itaque ratio est, ne Sacramentum careat sua solemnitate. Referuntur enim tunc caeremoniae ad Baptismum praecedentem, ideoque non est absurdum, etiam illas adhiberi, quae solent Baptismo praemitti, veluti Catechismum, Exorcismum &c. Ratio altera est, quia Exorcismus etiam postea aliquid agit. Nam ut ait Sanctus Thomas loco citato, sicut impediri potest effectus Baptismi, antequam percipiatur, ita & frustrari potest, postquam fuerit perceptus; & quemadmodum S. Cyprianus ait in fine Epistolae lxxvi. ad Magnum de baptizandis Novatianis, & de iis, qui in lectione gratiam consequuntur, sicut diabolus in Baptismo Fide credentis excluditur, ita si Fides postmodum defecerit, regreditur. Tertia ratio est, ut, quemadmodum Sanctus Thomas ibidem ait, servetur uniformitas; sicut enim unum est Baptisma, ita convenit omni Baptismo easdem caeremonias adhiberi. Quarta est, ut publico hoc ritu Ecclesia declaret, ratum se habere Baptismum a quocumque collatum, ut a laico, semina, haeredit &c. Quinta, ut baptizatus habeat publice depositum sibi Sacerdotem, cujus cura Christianae, Catholicaeque instituitur.

Sexta, ut expressa per Sacerdotes sponsione facta, baptizatus, cum adoleverit, magis agnoscat, intelligatque obligationem suam.

III. Ne autem novitum, recensque institutum hoc esse quisquam suspicetur, quod de caeremoniis in Baptismo omissis, postea supplendis Rituale Romanum praesentibus hoc Capite statuit, sciendum plane est, quod vel a primis saeculis, qui lectione decumberent, baptizabantur, dicti iecirco a verbo Graeco *κλινειν*, cum ea infirmitate convalescebant, Episcopo se se exhibere tenebantur, ut ea, quae cogente necessitate praetermissa fuerant, supplerentur. Testem vetustatis hujus disciplinae habemus S. Cornelium Papam, qui claruit medio saeculo tertio in Epistola ad Fabium Antiochenam Episcopum apud Eusebium Lib. vi. *Historia Ecclesiastica*, Cap. x111. ubi agens de Novato, qui jamjam moriturus baptizatus fuerat, eum redarguit, quod, *postquam liberatus est morbo, reliqua non percepit, quae juxta Ecclesiasticam regulam percipi debent, neque ab Episcopo consignata est*. Huc quoque potissimum spectat, quod refert Nicephorus Lib. v111. *Historia Ecclesiastica*, Capite x1iv. ex Sozomeno Lib. II. Cap. xxv11. & Rufino Lib. x. Cap. xiv. quod & habetur in Decreto Gratiani, Can. *Spiritus Sanctus*, Causa 1. Quaestione 1. quod Athanasii nempe pueri baptizantes actum ratum habuerit quidem Alexander Alexandriae Episcopus, sed per Ecclesiae Ministros suppleri postea jussit solennes illas Sacramenti caeremonias: *Ubi ex responsis errorum vidit, secundum Religionis nostrae ritum cuncta consistere, statuit, illis, quibus integris interrogationibus, & responsionibus aqua fuerat infusa, iterari Baptismum non debere, sed adimpleri ea, quae Sacerdotibus mos est*. Ita plane apud Gratianum, loco citato, & apud alios Scriptores, a quibus etiam integra ejus rei historia refertur.

§. II.

Sacerdos igitur, antequam immittat sal in os baptizati, manum super caput ejus imponit, dicens.

Ore.

Oremus.

Omnipotens sempiterne Deus, Pater Domini nostri Jesu Christi respicere digneris super hunc famulum tuum N. quem dudum ad rudimenta Fidei vocare dignatus es; omnem cecitatem cordis ab eo expelle; disrump omnes laqueos satanae, quibus fuerat colligatus; aperi ei Domine januam pietatis tue, ut signo sapientiae tuae imbutus, omnium expulsiatum feceribus careat, & ad suavem odorem praeceptorum tuorum letus tibi in Ecclesia tua deserviat, & proficiat de die in diem, ut idoneus sit frui gratia Baptismi tui, quem suscepit, salis percepta medietate. Per eundem Christum Dominum nostrum. R. Amen.

COMMENTARIUS.

Tria sunt in hac Oratione observanda, quae in supplicandi omisiss super baptizatum nonnihil variat ab ea, quae ex antiquo ritu solet super baptizandum a Sacerdote proferri. Primum est adverbium *dudum*, quod quidem in praesenti Oratione additum est, nam ubi in illa dicitur, *respicere digneris super hunc famulum tuum N. quem ad rudimenta Fidei vocare dignatus es*; in hac post relativum *quem*, additum legitur adverbium *dudum*; quod quidem licet de exiguo tempore dicatur, teste Valla, dimidiæ scilicet horæ, vel horæ unius, duarum, vel trium, ita tamen ut tempus unius diei apud elegantia Latinos raro excedat, apud Scriptores nihilominus Ecclesiasticos pro longo etiam temporis spatio accipitur, uti constat ex Capite, *Dudum, l. 11. De electione &c.* & ex aliis pluribus Juris Pontificii locis. Sive itaque eodem die, sive post mensem, longiusve tempus

omissa super baptizatum suppleantur, debet profecto semper Oratio ipsa cum additamento *dudum* pronunciari. Altera additio, seu immutatio legitur in fine ejusdem Orationis, *ut idoneus sit frui gratia Baptismi tui*, cum alias super baptizandum dicatur, *ut idoneus efficiatur accedere ad gratiam Baptismi tui*. Additio tandem tertia est illa, quod ubi in Oratione super ipsum baptizandum, post recitata verba *Baptismi tui*, statim sequitur, *percepta medicina*; in Oratione super baptizatum ita plane legitur: *Ut idoneus sit frui gratia Baptismi tui, quem suscepit, salis percepta medicina*. Quod quidem optime additum est, nam re vera Baptismus ille suscepit, nec indiget accedere ad Baptismum, ad quem jam antea accesserat, ubi in causa necessitatis, omisiss caeremoniis, Orationibusque, Exorcismisque, privatim, sub praescripta forma salutari lavacro fuit ablatus.

§. III.

Deinde, postquam modicum salis immisit in os baptizati, dicens: *Accipe sal sapientiae, propitiatio sit tibi in vitam aeternam. R. Amen.* Dicit:

Oremus.

Deus Patrum nostrorum, Deus universæ conditor veritatis, te suppliciter exoramus, ut hunc famulum tuum N. respicere digneris propitius, & hoc pabulum salis gustantem, non diutius ejusque permittas, quo minus cibo expleatur caelesti; quatenus sit semper spiritu fervens, spe gaudens, tuo semper Nomini serviens; & quem ad novæ regenerationis lavacrum perduxisti, quaesumus, Domine, ut cum Fidelibus tuis promissionum tuarum aeterna præmia consequi mereatur. Per Christum Dominum nostrum. R. Amen.

COMMENTARIUS.

Oratio ordinaria, & sollemnis super baptizandum dici solita ita quidem habet in fine: *Perduc eum, Domine, quaesumus, ad novæ regenerationis lavacrum &c.* At vero recte admodum in altera supplementi nonnihil mutata est; post illa enim verba, *tuo semper Nomini serviens*, sic subdit: *& quem ad*

novæ regenerationis lavacrum perduxisti, quaesumus, Domine, ut cum Fidelibus tuis &c. Ista diversitas, sive mutatio consonans plane est caeremoniæ post Baptismum supplemæ, demonstratque, adimpletum jam esse id, pro quo Sacerdos in hac praesenti Oratione rogat, ut observat Barrufaldus ad hunc §. num. 14. in fine.

§. IV.

Post hæc, facto signo Crucis in fronte baptizati, dictisque illis verbis, *Et hoc signum Crucis, quod nos fronti ejus damus, tu maledixisse diabolo, numquam audeas violare. Per eundem Christum Dominum nostrum. R. Amen.* Manu super caput ejus imposita, dicit.

Oremus.

Aeternam, ac iustissimam pietatem tuam deprecor, Domine Sancte, Pater Omnipotens, æterne Deus, Auctor luminis, & veritatis, super hunc famulum tuum N. ut digneris illum illuminare lumine intelligentiæ tuæ; munda eum, & sanctifica; da ei scientiam veram, ut dignus sit frui gratia Baptismi tui, quem suscepit; teneat firmam
speciem

spem, consilium rectum, doctrinam sanctam, ut aptus sit ad retinendam gratiam Baptismi sui. Per Christum Dominum nostrum. R. Amen.

COMMENTARIUS.

Similiter & in hac Oratione facta est mutatio, de qua diximus in Commentario ad §. II. ubi enim in ipsa Oratione, quæ dicitur super baptizandum legitur, *ut dignus es-*

ficiatur accedere ad gratiam Baptismi sui; super baptizatum ex præscripto huius nostri §. dicendum est: Ut dignus sit frui gratia Baptismi sui, quem suscepit.

§. V.

In Baptismo autem adulatorum, præter illa, quæ supra notata sunt, quando suppletur omnia, hæc mutari debent. Primum in Exorcismo, *Audi maledictæ Satana*, ubi dicitur, *habituaculum perfectus*, dicatur, *habituaculum perfecti*. Deinde in Exorcismo, *Nec te lates*, ubi dicitur, *ut fiat*, dicatur, *ut fieres*.

COMMENTARIUS.

Satis me facturum puto, si in hoc Commentario illud adnotem, quod alias observavi, admonuitque Barrufaldus, ubi ad hunc §. scripsit, mutationes, de quibus loquitur hic noster §. quodcumque occurrant faciendæ, debere prævideri a sacro Ministro, ut possint libere pronuntiari, nec interrumpi ex temporanea lectione. Idco nonnisi laudandi sunt, qui sejunctas pro quocumque Baptismum habent formulas, vel in scriptis, vel impressas in Libellis a Ritualis distinctas, ut possint esse ad manus tunc, quando opus est. Parochi, ac Cæremoniarum Magistri præcipue hoc curare deberent, eo quia in arena quandoque consilium capere periculosum est, & deformitatem gignit, ex qua

debita Sacramenti, & functionis sacra veneratio imminuitur. Cæterum mirum videri possit, cur novæ hujus editionis Ritualis Romani Curatores integrum Ordinem non descripserint supplendi in Ecclesia solemnes Baptismi Cæremonias, pro his, qui sine illis, necessitate urgente, privatim baptizati sunt, exemplo S. Caroli, qui Ordinem ipsum concionavit, quem legere est Parte IV. Actorum Ecclesiæ Mediolanensis, pag. 506. Extat quoque in Rituali Ambrosiano iussu Cæsaris Montii Cardinalis & Episcopi Mediolanensis edito, apud Martene Lib. I. Cap. 1. Artic. XVIII. Ordine XX. Titulus inscriptus: *Ordo supplendi in Ecclesia solemnes Baptismi cæremonias, cum infans domi ob necessitatem baptizatus est.*

CAPUT VI.

Ritus servandus cum Episcopus baptizat.

Episcoporum olim proprium munus fuisse Baptismi Sacramentum administrare, jam late ostendimus supra in Commentariis ad Caput II. ubi de Ministro Baptismi egimus. Hinc veteri disciplinæ inhærens Benedictus Papa XIII. non modo cum Episcopus fuit, verum etiam ad Summi Romani Pontificatus apicem erectus innumeros pene infantes, adultosque ad Fidem Christianam conversus solemniter salutari lavacro ablueri non est designatus; cuius exemplum sequutus feliciter regnans BENEDICTUS XIV. non paucos adultos baptizavit. Porro quod in Ecclesia Ambrosiana Mediolanensi veteris instituti, & consuetudinis est, novo etiam Decreto firmavit S. Carolus in Concilio Provinciali Mediolanensi IV. Tit. *Quæ pertinent ad Sacra-*

mentum Baptismi, ut infantes in hebdomada authentica nati, Sabbato Sancto ad Basilicam Metropolitanam, & qui item hebdomada Pentecosten proxime antecedente in lucem editi sunt, ad eandem Basilicam Baptismo offerantur, id unusquisque Parochus servet, ut iis solemniter ritu memoratæ Ecclesiæ Archiepiscopus Baptismum ministraret. A qua solemnitate, quæ Archiepiscopalis muneris est, vult idem S. Antistes, ut alius omnis, vel Archiepresbyter, vel Præpositus, vel Parochus, tam Urbis, quam Diocesis abstineat; uti videre est in Actis laudatæ Ecclesiæ Mediolanensis, Parte IV. in Instructionibus, quæ ita inscribuntur, *De Baptismi administratione*, Capite, *De modo ministrandi Baptismi*, §. Et vero, pag. 498.

§. I.

Si Episcopus, vel S. R. E. Cardinalis, parvulos, vel adultos baptizare voluerit, parentur, & servantur omnia, ut superius de Ordine Baptismi dictum est, atque hæc præterea, quæ infra notantur.

COMMENTARIUS.

Quamquam mandat hic præsens §. nos, ut, si Episcopus, vel S. R. E. Cardinalis parvulus, vel adultus ba-

pizare voluerit, parentur, ac servantur omnia, ut superius de Ordine Baptismi dictum est, parvulorum unum, si baptizandi sint parvuli, & adul.

& auctororum, si adlii, atque ea præterea, quæ infra notantur. Verum cum ritus ipse servandus, cum Episcopus, aut Cardinalis baptizat, omnis compendiosè a nostro Rituali præscriptus sit, optatodum placeat esset, ut Ordo amplior, & quidem peculiaris pro Episcopo, Sanctæque Romanæ Ecclesiæ Cardinale Baptismum sollemniter administrante, suprema auctoritate cœcinnaretur, & in lucem prodiret, ut inde Cæremoniarum Magistri addiscerent, uti hujusmodi functiones ritæ, & cum majestate gradui Episcopali, atque Cardinalitio conveniente, sint dirigendæ. Legi oihilominus posset, atque servari Ritus ille, qui

hæc io rē per exteotum conscriptus fuit, in peculiare volumine redactus, necnoo typis commissus Censuræ anno MDCXXXIII. apud Paulum Receptum jussu Eminentissimi S. R. E. Cardinalis Fratris Viceceeli Mariæ Urhoi tunc illius Ecclesiæ Episcopi, qui demum fuit Romanus Pontifex Maximus, Benedictus XIII. Qui Liber valde utilis est, ut ait ad hunc nostrum s. Barrufaldus, & manualis est cunctis Episcopis, qui talem ritum ocooili compendiosè scriptum io hoc nostro Rituali Romano habebant. Nobis autem illud sat erit ea explicare, quæ Romanum ipsum Rituale præscribit.

§. II.

Adfint Cappellani, vel alii Presbyteri, & Clerici Superpellicis induti, qui ei assistant, ac ministrant.

COMMENTARIUS.

UT Episcopales functiones dignius, commodiusque, io Ecclesiis præstentur, & Divinis Officiis peragi queant, multis profecto opus est Presbyteris, quos Cappellanos vocant, Clericisque infervientibus, quos recenset Cæremoniale Episcoporum Lib. 1. Cap. II. quod inferi scriptum est, *De numero, qualitate, & officio Ministrorum servientium Episcopo*. Qui quidem Ministri Ecclesiastici Superpellicis debent esse induti, ad distinctionem familiarium laicorum Episcopo etiam Pontificalia exereenti infervicotum, quorum habitus decens

esse debet, ac nigri coloris. Multo autem magis augendus est numerus Ministrorum, si celebrans, seu Sacramenta administrans, vel Pontificalium aliam functionem agens, sit S. R. E. Cardinalis, ob emioctissimam dignitatem, qua fulget in Ecclesia, quaque cæteris antecellit Episcopis, ut non uno in loco Commentariorum nostrorum ad Cæremoniale S. R. E. diximus. Ceterum de numero, & qualitate Ministrorum Cardinali celebranti infervicotum videri potest Paris de Grassis, Lib. 1. *De cæremoniis Cardinalium, & Episcoporum in eorum Diaconibus*, Cap. IV.

§. III.

Ipse vero super Rochetum, sive Superpellicem, si est Regularis, accipiat Albam, & Cingulum & Stolum, & Pluviale violacei coloris, ac Mitram, atque ita paratus cum Ministris procedat ad Baptismi ministerium. Et dum interrogat: *N. Quid petis ab Ecclesia Dei?* ac dum facit reliquas interrogationes, sedet cum Mitra. Cum vero exfufflat, dicendo, *Exi ab eo immunde spiritus*, surgit cum Mitra. Rursus sedet, cum signat Catechumenum signo Crucis in fronte, & in pectore, vel dicit, *Accipe signum Crucis &c.* Et cum dicit Orationes, quæ præcedunt, vel sequuntur benedictionem, salis, surgit, deposita Mitra; similiter cum ipsum sal benedicit. Cum autem sal benedictum immittit io os baptizandi, Mitram accipit, & sedet. Cum vero legit Exorcismos, & dum saliva aures, & nares Catechumeni tangens dicit, *Ephpheta*, ac dum introducit eum in Ecclesiam, stat cum Mitra. Cum autem dicit, *Credo in Deum Patrem &c. & Pater noster*, super Catechumenum, stat sine Mitra. Sed cum nomen querit, & interrogat, *Abrenuntias Satane?* &c. & baptizandum Oleo sacro in pectore, & inter scapulas inungit, sedet cum Mitra. Quo facto, accipit Stolum, & Pluviale album. Et cum rursus interrogat de Fide, *Credis in Deum &c. Vis baptizari &c.* Et cum baptizari per infusionem, sedet cum Mitra. Si vero baptizat per immersionem, Mitram retinens, stare debet. Cum demum Chrismate verticem baptizati linit, & dat ei vestem candidam, & candelam accensam, ac dicit, *Vade in pace &c.* sedet cum Mitra.

COMMENTARIUS.

ECce hic primum discrimen inter simplicem Sacerdotem, & Episcopum baptizantem, ille Superpellicio, & Stola violacea indutus, ut suo loco diximus, Episcopus vero Rocheto, sive Superpellicio, si est Regularis, Alba, Cingulo, Stola, & Pluviali violacei coloris, ac Mitra paratus esse debet io sollemni administratione Baptismi. Rochetum, de quo

late diximus in Commentariis ad Pontificale Romanum, & ad Cæremoniale Episcoporum, vestis linea est similis Superpellicio, manicas tamen non latas, ut illud, sed stridas habeo & usque ad manum productas, ac denotantur, quod Episcopus (cui olim peculiaris fuit hæc vestis, & postea per privilegium aliis Ecclesiasticis Episcopo inferioribus concessa) habere ma-

nus promptas, & expeditas ad elargiendum eleemosynam debet, uti inter alios notat Macrius in suo Hierolixico, verbo, *Rochetum*. Porro Episcopi Regulares ex antiqua institutione pro Rocheto, Superpelliceo utuntur, quia Monachus factus Episcopus, non penitus a Regula Monachali, habituque absolvitur, ut citatis locis diximus, & Tomo III. Commentariorum ad Concilia Oecumenica in Commentario ad Canonem XVI. Concilii Generalis IV. Lateranensis. Sunt autem nonnulli ejus opinionis, ideo Regulares Monachos, Fratresque Episcopos ab usu Rocheti prohiberi, quod cum plerumque manicæ latæ gestent in habitu suæ Religionis, difficilis esset eis usus Rocheti. Vide Sarnellum Tomo VIII. Epistolarum Ecclesiasticarum, Epistola XXIII.

II. Sed quicquid sit de hac opinione, quo majori cum majestate, ac decore, Sacramentum Baptismi administret Episcopus, super Rocheto, seu Superpelliceum, si est Regularis, accipit Albam, Cingulum, Stolum, & Pluviale violacei coloris, & Mitram, ut ait hic noster §. Clarius plane, atque explicatior est locus Cæremonialis Ambrosiani jussu Federici Borromæi Cardinalis, & Archiepiscopi Mediolanensis editi, ubi agit de Baptismo a Mediolanensi Archiepiscopo, solemniter ritu conferendo: *Cum ad baptizandum procedendum erit, paratis omnibus, & præsertim Parochio adjacente, Archiepiscopus, adhibitis assistentibus de more, in Sede sua induit paramenta violacei coloris, videlicet Albam, Cingulum, Amictum, Crucem, Stolum, Pluviale, & Mitram simplicem, cum duobus Accolytis, qui candelabra cum duobus cereis accensis deferant, cum Baculo Pastoralis ad fores Ecclesiæ accedens, ascendet super gradum a terra*

elevatum, atque stratum, super quem ascendet etiam Patrinus, si sit magnus Princeps, vel hujusmodi. Atque hic nota, debere etiam Episcopum Pontificaliter indutum Baptismum administrantem ad fores Ecclesiæ accedere, ibique nonnulla peragere juxta hujus Ritualis Romani, ac aliorum plurium antiquorum Ritualium præscriptum, & Conciliorum Decreta, de quibus alias jam diximus. At hunc ad Fores Ecclesiæ accessum noster hic etiam ritus in præsentis §. præscriptus supponit, nam infra ait: *Ac dum introducit eum, baptizandum scilicet, in Ecclesiæ, stat eum Mitra*.

III. Porro tota differentia ritus servandi ab Episcopo baptizante, ut recte observat Barrufaldus in Commentariis ad Rituale Romanum, Tit. XV. §. IV. num. 14. consistit in indumentis Episcopalis, in numero Ministrorum ei infervientium, in modo, & tempore sedendi, vel standi, cum Mitra, vel sine Mitra, circa quæ totus hic ritus versatur, qui quidem nulla explanatione indiget Parochis saltem, simplicibusque Sacerdotibus Baptismum administrantibus necessaria. Si vero quis de hoc Pontificali Baptismo ordinem, ac methodum per suas partes distributam desideret, legere potest memoratum superius Librum Cæsenæ impressum, itemque alium ab Horatio Christiano compositum sub Titulo, *Præxpositio Pontificalis pro majori hebdomada*, in quo per extensum tota hæc Pontificalis functio exposita est, quæ cum magis pertinet ad Pontificalem, seu Cæremonialem Episcoporum, quam ad Ritualement Romanum, consulto a me prætermittitur, cujus institutum in præsentis eî ea, quæ ad Parochos pertinent, alioque simplices Sacerdotes, explicare.

§. IV.

Si autem Pontifex quempiam a Presbytero jam catechizatum tantum baptizare voluerit, sic paratus vestibus albis incipiat, postquam ad Baptisterium devotum fuerit, dicens: *Quo nomine vocaris?* R. N. Episcopus interroget: N. *Credis in Deum Patrem Omnipotentem &c.* & prosequitur usque ad finem juxta ordinem Baptismi, ut supra.

COMMENTARIUS.

I. **U**Num illud tantummodo hoc loco describam, quod ad hunc §. spectare, quammaxime puto, incongruum nempe esse, & inconveniens, quinimo a præscripto prædicti §. longe alienum, Baptismum extra Fontem Baptismalem conferre. Narrat Barrufaldus in sua ad hunc nostrum §. adnotatione, num. 15. & seq. vidisse se olim in quadam Cathedrali Ecclesiæ omnia & singula pro administrando Baptismo ab Eminentiſſimo Cardinale parata, sed quod contra ritum ei visum fuit, fuisse mensam quandam paratam ante Altare majus, supra quam pelvis erat cum aqua baptismali a Fonte extracta, qua ab ipso Cardinale baptizandus erat Catechumenus quidam, a Presbytero jam catechizatus. Ergo, factis debitis, & præscriptis in hoc nostro §. interrogationibus, ipsum Catechumenum Episcopus sedens cum Mitra sub Baldachino ad mensam, ut supra, utramque ante Altare salutari lavacro abluit. Sed subdit mox Barrufaldus, istam sacri ritus inversionem nonnullis displicuisse, quod, licet Minister esset Cardina-

Tim. I.

lis, nulla tamen dignitati, atque Eminentiæ suæ irreverentia, nullumque incommodum inferebatur, accedendo ad Fontem Baptismalem, ut ab hoc eodem nostro §. discrete præscribitur, his verbis: *Postquam ad Baptisterium devotum fuerit, dicens &c.* Sed in hujusmodi sacrarum rituum inversionibus culpandam cenſeo Cæremoniariorum incusiam, siue potius sædam asſentationem, quasi Cardinalibus licitum sit a sacris Ritibus suprema auctoritate præscriptis, ac longo Ecclesiæ usu comprobatis, pro libito suo discedere. Consultavi jam ego non uno in loco Operum nostrorum, communem fere abusum. Cæremoniariorum, qui in functionibus Ecclesiasticis dirigendis, ut suum proprium, atque Episcoporum, & præsertim S. R. E. Cardinalium, quibus inferviunt, sæpe commodum querant, sacros Catholicæ ritus non modo invertere, sed & mutare, ac penitus prætermittere minime verentur contra Concilii Tridentini Decretum Sessione VII. Cap. XIII. quod nos supra Tit. I. in Commentario ad §. II. late explicavimus.

Z

CA.

CAPUT VII.

Benedictio Fontis Baptismi extra Sabbatum Paschæ, & Pentecostes, cum aqua consecrata non habetur.

A Quam rite consecratam duobus Sabbatis immediate Pascha, & Pentecosten præcedentibus in Baptismo esse adhibendam, jam nos late offendimus supra non uno in loco, probavimusque veterum Patrum, Conciliorum, ac Ritualium auctoritate, ex quibus etiam docemur, quo ritu peragi olim consueverit ipsa prædictis Sabbatis Fontis Baptismalis benedictio, cum solemniter scilicet processione, ac caeremoniis, quas describit eruditus Jacobus Eveillon in Libro, *De Processionibus Ecclesiasticis*, Cap. xiii. & Edmundus Martene Lib. 1. *De antiquis Ecclesiæ ritibus*, Cap. 1. Articulo xviii. & in Opere, *De antiqua Ecclesiæ disciplina in Divinis celebrandis Officiis*, Capite xxiv. num. xx. & seqq. Quoniam vero dari

causa possit, ob quam aqua ipsa consecrata usui amplius esse nequeat, vel quia corrupta, vel quia defecit, hinc Ecclesiæ ritum insituit benedicendi Fontis Baptismi extra Sabbatum Paschæ, & Pentecostes, cum aqua consecrata non habetur. Licet enim benedictio ipsa, quæ adhibetur aquæ ad usum Baptismi, non sit de necessitate Baptismi, sed pertinet ad quandam solemnitatem, per quam excitatur devotio Fidelium, & impeditur altitudo demonis, ne impediatur Baptismi effectus, ut docet S. Thomas Parte iii. *Quest. lxxvi. Articulo 111. ad v. dicendum tamen cum eodem S. Doctore in 1v. Sententiarum, Distinctione v. Questione 11. Articulo 1. Questiuicula v. in Corpore, quod non licet benedictionem prætermittere propter Ecclesiæ institutionem.*

§. I.

Primum lavatur, & mundatur Vas Baptisterii, deinde limpida aqua repletur. Tunc Sacerdos cum suis Clericis, vel etiam aliis Presbyteris, Cruce, & duobus cereis præcedentibus, ac thuribulo, & incenso, & cum vasculis Chriftimatis, & Olei Catechumenorum descendit ad Fontem, & ibi, vel ante Altare Baptisterii dicit Litaniam ordinariam, prout habetur post septem Psalmos Pœnitentiales. Et ante *Y. Ut nos exaudire digneris*, dicat, & secundo repetat sequentem versum: *Ut Fontem ipsum ad regenerandam tibi novam prolem benedicere, & consecrare, digneris. Te rogamus, audi nos.*

COMMENTARIUS.

I. Am supra edixerat nostrum hoc Rituale Romanum, Capite 1. de materia Baptismi loquens, §. vi. ut si aqua, benedicta scilicet memoratis Sabbatis Pascha, & Pentecosten præcedentibus, corrupta fuerit, aut effluerit, aut quovis modo defecerit, Parochus in Fontem benedictum, ac nitidum, recentem aquam infundat, eamque benedicat ex formula, quæ infra præferibitur. Hæc itaque est formula ibi indicata, quæ ponitur ultima inter res ad Baptismum spectantes, peculiarique præfenti hoc Capite explicatur, ad quod enarrandum lubet primum ea adnotare, quæ statuit Sanctus Carolus in suo Provinciali iv. Concilio Mediolanensi, Constitutionum Parte II. Capite, *Quæ pertinent ad Sacramentum Baptismi*, ubi postquam edixit, ut in his Ecclesiis, quibus Fontis baptismalis solemniter benedicendi potestas data est statim illis duobus Sabbatis, in benedictionis ritus celebretur Sacerdotibus tribus saltem presentibus ad illam adhibitis, ita statim ad rem nostram subjungit: *Id prætere, de tribus scilicet Sacerdotibus adhibendis locum in omni Ecclesia habeat, si quando per annum in aliqua Ecclesia extra illa statuta duo Sabbata, illius Fontis aquam baptismalem ex extraordinariam causam renovari necesse erit.*

II. His & illud addendum censio, quod idem Sanctissimus Præfatus præfcribit Parte iv. Aetorum Ecclesiæ Mediolanensis in Instructionibus, *De Baptismi administratione*, pag. 497. col. 1. *Quod si intra annum, inquit, præ temporis diuturnitate, aliove causa, illam corrumpi conti-*

gerit, in Sacrarium prope Fontem Parochus projiciet, statimque & Fontem purgabit; & vero si in Urbe est, ad Metropolitanam; si in Diocesi, ad Plebanam Ecclesiam veniet, unde proprio Vasculo nitido aquam baptismalem accipiat, in Parochialemque Ecclesiam secreto ferat, ubi quamprimum in Fontem effundat, baptismalique aquæ allata tantum etiam aquæ puræ, nitidæ, & recentis addet, quantum satis erit. Hoc ipsum etiam præstabit, si etiam aqua baptismalis per annum aliquo modo defecerit. Sed hoc statutum editum fuit a S. Carolo pro Ecclesia Mediolanensi; neque enim Rituale nostrum præscribit, ut ubi aqua baptismalis deficiat, aut corrupta sit, Parochus aquam ab Ecclesiæ Cathedrali accipiat, & ad suam deferat. Sed pergit S. Carolus allatam edicere, quæ ad rem, de qua agimus, spectant, sic enim mox ait: *Si vero in Ecclesia Metropolitana, vel Plebana, ubi Fontis benedictionem fieri solemne est, aquam baptismalem corrumpi, aut deficere contigerit, tunc Archiepiscopus, aut Præpositus, Rector, Cappa, & Stola violacea indutus, Fonte primum diligenter purgato, & aqua puræ, mundæ, recentisque pleno, Oleoque Sacro, quod aquæ immisceri debet, parato, benedictionem, omisso ceteris caeremoniis, peraget, ut infra suo loco inter Benedictiones, adhibitis saltem duobus Clericis. Atque hic addisimus, duplici ex causa posse, ac debere peragi, extra duo illa statuta Sabbata Paschæ & Pentecostes, Fontis baptismalis benedictionem, ubi scilicet, aquam baptismalem corrumpi, aut deficere contigerit. Atque tunc quidem, quum hic casus accide-*

ciderit, lavandum primum, ac mundandum vas Baptisterii, ut ait unster §. & deinde limpida. aqua repletur, naturali scilicet, ejuscunque Fontis, vel fluvii, seu putei, similive originia, ut diximus supra, cum de remota Baptismi materia in Commentariis ad Caput 1. hujus Tituli diximus.

III. Quamquam vero hæc Fontis baptismalis benedictio, de qua unac agimus, non sit illa solemnissima, quæ ex pervetusto Ecclesiarum ritu fieri quotannis solet cum magno apparatu statim illius duobus Sabbatis Paschatis, ac Pentecostes, fieri nihilominus debet cum multo decore, & proprietate, ac Processione juxta præscriptum hujus nostri §. ubi mandat, ut tunc Sacerdos cum suis Clericis, vel etiam aliis Presbyteris, Cruce, & duobus cereis præcedantibus, ne turribus, & incenso, & cum vasculis Christumatis, & Olei Catechumenorum descendat ad Fontem, & ibi, vel ante Altare Baptisterii, dicat Litaniam ordinariam &c. Jam non addubito, quin Clerici, Presbyteri, de quibus in hoc nostro §. fit mentio, debeant in ista Processione cedere Superpelliceis induti, præsertim vero principalis Sacerdos benedictionem peracturus, quem ideo puto debere non solum Stola violacea, verum etiam Pluviali ejusdem coloris esse indutum, tamen nihil de hac re §. noster statuerit. Quod autem de Pluviali dixi, hoc dictum volo, ubi commodè id fieri possit, nam alias factis etiam Sacerdos ipse indutus sit Superpelliceo, & Stola violacea. Ceterum quod ait idem noster §. ut Sacerdos cum ea Processione descendat ad Fontem, & ibi, vel ante Altare Baptisterii

dicat Litaniam, alludit plane ad ea Baptisteria, quæ ab Ecclesiis sunt separata, & in quibus non unum modo, sed plura Altaria erecta, de quibus etiam supra san diximus loco.

IV. His ergo omis, esse antiquum ritum, ut in Processione ad benedicendum Fontem Litaniam caneretur, ex antiquis Romanis Ordinibus, & Ritualibus constat, præsertim vero ex Libro Sacramentorum Gelloniensis Monasterii sanctorum circiter mille apud Martens Lib. 1. Capite 1. Articulo xviii. Ordine vi. ex quo etiam ritus illustrari possunt in §. nostro descripti: *Procedit Pontifex de Ecclesia cum omni Ordine Sacerdotum Litaniam cantantes, hoc est, Kyrie eleison, usque dum perveniant ad Fontem, præcedentes ante cum duobus cereis ardentis, statuerit hominis in altum habentes, cum turribus, & timamantibus ambulantes ad Fontem benedicendum, & tunc circa Fontem incipiunt Litanias, qui sequitur, Christe audi nos, aut ter dicatur &c.* Sequitur mox Litaniam, quæ brevis est, & legi potest apud memoratum Auctorem, loco citato, itemque in alio ejusdem Operis, *De antiqua Ecclesie disciplina in Divinis celebrandis Officiis*, Cap. xxiv. ubi antiquos Sabbati Sancti ritus recenset ex variis Ritualibus, in quibus breves leguntur Litanie, quæ ad benedicendum Fontes recitari solebant. In quibus etiam cum nihil repererim de eo ritu in §. nostro præscripto, ut nempe Sacerdos in Litania aut vericulum, *De nos exaudire digneris*, dicat, & secundo repetat, sequentem versum, *Ut Fontem istum ad regenerandum tibi vocem prolem &c.* puto equidem recentiora esse instituta.

§. II.

Potest etiam dici Litaniam brevior, ut in Missali in Sabbato Sancto, & dicto ultimo, *Kyrie eleison*, Sacerdos dicat, *Pater noster*, & *Credo in Deum &c.* omnia clara voce; quibus finitis, dicat *Ps. Apud te Domine est fons vite. Ps. Et in lumine tuo videbimus lumen. Ps. Domine exaudi orationem meam. Ps. Et clamor meus ad te veniat. Ps. Dominus vobiscum. Ps. Et cum spiritu tuo.*

Oremus.

Omnipotens sempiterna Deus adesto magnæ pietatis tuæ mysteriorum, adesto Sacramentis; & ad recreandos novos populos, quos tibi Fons Baptismatis parvulus, spiritum adoptionis emittit, ut quod nostræ humilitatis gerendum est ministerio, virtutis tuæ impleatur effectum. Per Dominum nostrum Jesum Christum Filium tuum, qui tecum vivit, & regnat in unitate Spiritus Sancti Deus, per omnia secula seculorum. Ps. Amen.

COMMENTARIUS.

I. **S**I Litaniam brevior in solemnissima Fontis benedictione, quæ fit in Sabbato Sancto juxta formam in Missali Romano præscriptam dicitur, multo magis brevior ipsa Litaniam dici potest in hac minus solemnem benedictione, quæ extra Sabbatum ipsum, & Pentecostes peragitur, ubi aqua baptismalis non habetur. Quæcumque sit Litaniam, quæ dicitur, sive prælixior, sive brevior, significat consortium Sanctorum cum baptizandis, seu super baptizatis, ut post Gavantum notat Christianus in Praxi Pontificis majoris hebdomadæ, Sectione v. Capite vii. in mysticis expositionibus, lit. A. Ratio autem, cur post Litaniam clara voce Dominica Oratio, & postolorum Symbolum ex præscripto nostri §. recitentur, ea traditur a Barrufal-
Tom. I.

do ad ipsum §. quia cum recitentur ob consecrandum Fontem, necesse est, ut palam, & publice innotescat articuli Fidei, & petitiones, seu supplicationes Fidelium contentæ in Oratione ipsa Domini.

II. Porro completa Litaniam, ex præscripto quidem pervetusti Sacramentorum Libri Monasterii Gelloniensis, adstant omne Clero, vel eun-
do populo cum multis luminaribus, in circuitu scilicet Fontis, facto silentio, dicit Pontifex, Dominus vobiscum. Ps. Et cum spiritu tuo. Sequitur Oratio, eadem nempe, quæ in hoc nostro §. descripta est, *Omnipotens sempiterna Deus adesto &c.* quæque in veteri Missali Gallicano extat, quod Cardinalia Thomafius publici juris fecit, & in aliis multis Sacramentorum Codicibus. Sed
Z 2 ad.

admonendum hie illud tamen, formulam ipsam benedictionis Fontis tamen antiquam, jam non eandem fuisse ubique, sed plane diversum. Alia est enim, quæ in Gelasiano, & Gregoriano Sacramentario reperitur; alia, quæ in Liturgiis Gallicanis; alia, quæ in Missali Mozarabum; alia quæ in Ambrosiano; imo nec in variis ejusdem

Nationis Liturgiis una eademque reperitur formula; nam in tribus verbis gratia Gallicanis vetustissimis Missalibus a memorato Thomaso, & a Mabillonio editis benedictionis formulæ omnino sunt inter se dissimiles, ut observavit Martene in Libro, *De antiqua Ecclesiæ disciplina in Divinis celebrandis Officiis*, Cap. XXIV. n. XXIII.

§. III.

Exorcismus aquæ.

Exorcizo te creatura aquæ per Deum vivum &c., per Deum verum &c., per Deum sanctum &c., per Deum, qui te in principio, verbo separavit ab arida, ejus super te Spiritus ferebatur, qui te de Paradiso manare jussit. Hic manu aquam dividat, & deinde de ea effundat extra marginem Fontis, versus quatuor Orbis partes, prosequens, *Et in quatuor fluminibus totam Terram rigare præcepit. Qui te in Deserto anaram per lignum dulcem fecit, atque potabilem. Qui te de petra produxit, ut populum, quem ex Ægypto liberaverat, sui fatigatum recrearet.* Exorcizo te per Jesum Christum Filium ejus unicum, Dominum nostrum, qui te in Cana Galilee signo admirabili sua potentia convertit in vinum. *Qui super te pedibus ambulavit, & a Joanne in Jordane in te baptizatus est. Qui te una cum Sanguine de latere suo produxit, & Discipulis suis jussit, ut credentes baptizarent in te, dicens: Ite, docete omnes gentes, baptizantes eos in Nomine Patris, & Filii, & Spiritus Sancti. Ut efficiatis aqua sancta, aqua benedicta, aqua quæ lavat sordes, & mundat peccata.* Tibi igitur præcipio, omnis spiritus immunde, omne phantasma, quæ mendacium, eradicare, & effugare ab hac creatura aquæ, ut qui in ipsa baptizandi erunt, sint eis fons aquæ salientis in vitam æternam, regenerans eos Deo Patri, & Filio, & Spiritui Sancto, in Nomine ejusdem Domini nostri Jesu Christi, qui venturus est judicare vivos, & mortuos, & sæculum per ignem. *Et Amen. Oremus.*

Domine Sancte, Pater Omnipotens, æterne Deus, aquarum spiritualium sanctificator, te suppliciter deprecamur, ut ad hoc ministerium humilitatis nostræ respicere digneris, & super has aquas ablucendis, & purificandis hominibus preparatas Angelum sanctitatis emittas, quo peccatis vix prioris ablatis, reatuque decerso, purum Sancto Spiritui habitaculum regenerati effici mereantur. Per Dominum nostrum Jesum Christum Filium tuum, qui tecum vivit, & regnat in unitate ejusdem Spiritus Sancti Deus, per omnia sæcula sæculorum. Et Amen.

COMMENTARIUS.

I. **E**xorcismus aquæ baptismalis in ejus benedictione est plane antiquissimus, sicut & ejus formula similiter est antiquissima, varia tamen in variis antiquis Sacramentorum Libris allatis a Martene Lib. 1. *De antiquis Ecclesiæ ritibus*, Cap. 1. Articuli xviii. præsertim vero in veteri Missali Gallicano a Cardinale Thomaso edito, ubi hic extat Exorcismus aquæ Fontis baptismalis: *Exorcizo te Fons aquæ perennis per Deum sanctum, per Deum verum, qui te in principio ab arida separavit, & in quatuor fluminibus Terram rigare præcepit. Sis aqua sancta, aqua benedicta, abluens sordes, & dimittens peccata. In illius te Nomine exorcizo, qui dedit Discipulis suis novum Sacramentum, dicens: Ite in Gentibus, baptizantes eos in Nomine Patris, & Filii, & Spiritus Sancti. Fiat vobis, Domine, aqua sancta exorcizata ad expiandum Filios Dei. Per Patrem, & Filium ejus Jesum Christum Dominum nostrum, qui venturus est cum Spiritu Sancto judicare mundum per ignem.* Videtur plane in hoc Exorcismo in compendium reductus ipse Exorcismus in hoc §. nostro descriptus, qui quidem ex variis Veteris Novique Testamenti locis compactus est, quibus prærogativæ aquæ narratur.

II. Quod ritus spectat in ipso Exorcismo servanda, præcipuus plane est ille exorcizandi aquam variis Crucis signaculis: *Quod signum*, inquit S. Augustinus, *nisi addibatur, sive frontibus credentium, sive ipsi aqua, ex qua regeneramur, sive Oleo, quod Christianæ unguntur, sive Sacrificio, quo aluntur, nihil eorum recte perficeretur.* Hinc idem S. Doctor Sermone cccxi. ait: *Sed quia Baptismus, id est salutis aqua non est salutis, nisi Christi nomine consecrata, qui pro nobis Sanguinem fudit, Crucis ipsius aqua signatur.* Et Auctor Sermonis, *De Symbolo*, inter Opera ejusdem Augustini Tomo vi. oovæ editionis: *Hoc enim signum Crucis, inquit, consecratur Corpori Domini, sanctificatur Fons Baptismatis, Signari aquam ipsam Fontis baptismalis variis Crucis signis per Sacerdotem, dum Exorcismos, Orationesque in eandem pronunciat, constat passim ex per vetustis Sacramentorum Libris, ac Ritualibus.* Quod ait ooster §. in ipso aquæ Exorcismo, ut post ea verba: *Qui te de Paradiso manare jussit, Sacerdos manu aquam dividat, & deinde de ea effundat extra marginem.* Fontis versus quatuor Orbis partes, legitur quidem in variis Missalibus, præsertim vero in Ecclesiæ Mediolanensis Missali edito anno MDLX. &

MOCLXIX. ubi tamen post ea verba : & ex quatuor fluminibus totam Terram rigare præcepit, hæc Rubrica subiicitur : *Hic dividat aquam unam dextra in formam Crucis*. Divisio itaque secunda est per modum Crucis, uti habetur in Ordine r. antiquo Romano, in ejus scilicet Appendice, num. 9. apud Mabillonium Tomo II. Musæi Italici pag. 36. & simili modo effusio, modica tamen, extra marginem versat quatuor Orbis partes, ut

ait noster §. nempe Orientem, Occidentem, Meridiem, & Septentrionem, ad significandam universalitatem Baptismi per totius Orbis partes diffusum. Oratio tandem, *Domine Sancte, Pater Omnipotens &c.* in eodem nostro §. descripta, antiquissima profecto est, legiturque in vetustis Sacramentorum Libris, præsertim vero in illo Gelasii Papæ, ac in aliis multis ante annos mille scriptis, in quibus etiam extant Orationes,

§. IV.

Tunc sufflet ter in aquam versus tres partes secundum hanc figuram ☩, Deinde imponit incensum in Thuribulo, & Fontem incensat. Postea infundens de Oleo Catechumenorum in aquam in modum Crucis, clara voce dicit : *Sanctificetur, & secundetur Fons iste Oleo salutis renascentibus ex eo in vitam æternam. In Nomine Patris ☩, & Filii ☩, & Spiritus ☩ Sancti. R. Amen.*

§. V.

Deinde infundit de Chrismate modo, quo supra, dicens : *Infuso Chrismatis Domini Jesu Christi, & Spiritus Sancti Paraclisi, fiat in Nomine Sanctæ Trinitatis. R. Amen.*

§. VI.

Postea accipit ambas ampullas dicti Olei Sancti & Chrismatis, & de utroque simul in modum Crucis infundendo, dicit : *Commixto Chrismatis sanctificationis, & Olei unitionis, & aquæ Baptismatis pariter fiat in Nomine Patris ☩, & Filii ☩, & Spiritus ☩ Sancti. R. Amen.*

COMMENTARIUS.

I. **V**arii sunt plane ritus in tribus hisce Paragraphis contenti, quos simul unico hoc Commentario ob eorum connexionem explicandos agredimur. Ergo post Orationem, *Domine Sancte, Pater Omnipotens &c.* de qua supra in §. III. diximus, mandat Rubrica §. IV. ut Sacerdos tunc sufflet ter in aquam versus tres partes secundum hanc figuram ☩. Meminit hujus in aquam baptismalem insufflationis, & quidem per tres vias, antiquissimum. Missale Gothicum-Gallicanum a Cardinale Thomasio editum, aliique non pauci Sacramentorum Libri, & Codices Rituales, in quorum nonnullis illud etiam præscriptum est, ut fiat ipsa sufflatio in formam Crucis, quam noster quoque §. V. expressit in Rituali Romano BENEDICTI Papæ XIV. jussu edito, auctore, Romæ MOCLII. Quod ideo dixi, quia in præcedentibus Romani Ritualis editionibus hæc alia figura inspicitur ☩, secundum quam ter fieri debet sufflatio in aquam versus tres partes. Quicquid sit de variis figuris, quibus per aliquos non solet ista sufflatio, quasque recenset Bærosaldus in Commentariis ad Rituale Romanum, Tit. XVI. §. VI. num. 19. & seqq. sufflationem ipsam præscribunt etiam Liber Sacramentorum S. Gregorii Papæ, Missale Ambrosianum, & Mozarabum, ejusque ritus meminit Severus Alexandrinus Patriarcha in Tractatu, *De ritibus Baptismi*, designatque Spiritus Sancti adventum in aquam, quemadmodum Christum Dominus Discipulis suis dant Spiritum Sanctum insufflavisse.

II. Varias mysticas rationes ejusdem ritus

recenset Durandus in Rationali Divinorum Officiorum Lib. VI. Cap. LXXXI. num. II. ubi ait, ob triplicem rationem fieri a Sacerdote insufflationem in ipsam Aquam Fontis baptismalis : Primo, ut sicut in Exorcismo Catechumini spiritus immundus insufflatur, ut ab eodem recedat, ita & in Exorcismo aquæ, ut ab ea expellatur, & adimpleatur, quod Dominus inquit : Nunc princeps mundi hujus ejicietur foras. Secundo, ut intelligat Satanæ, quantus habeatur, quantum leviter videlicet per suavem exsufflationem potest expelli. Tercio, ut Sacerdos ostendat, quali ignominia diaboli dignus sit ab aquis expelli. Explicat mox rationem, cur ter fiat ista insufflatio : *Insufflat autem Sacerdos ter, quia Spiritus Sanctus tria in Baptismo operatur, a vitulis purgat, virtutibus ornat, & tandem premio æternæ coronat eos, in quibus fit hæc insufflatio.* Ut alios demum omittam, Gavanti in Rubricis Missalis, Parte IV. Tit. X. *De Sabbato Sancto*, num. 26. docet, Sacerdotem sufflare, *ter in modum ☩, ut cum Cruce Trinitatem conjungat, a quibus habet vim Baptismi, majorem autem a Trinitate.* Atque ex hoc testimonio Gavanti recte factum puto in citata nova nostri Romani Ritualis editione, ut ubi primum exprimebatur in ipsa sufflatione in aquam figura ☩, figura & exprimeretur.

III. Facta sufflatione, ex præscripto nostri §. IV. Sacerdos deinde imponit incensum in thuribulo, & Fontem incensat. Quamvis nulla in antiquis Sacramentorum Codicibus, ac Ritualibus Libris mentio fiat incensandi Fontis, forte antiquis

quos quoque hic ritus est, quia scilicet ex antiquo instituto, cujus inter alios meminit antiquus Ordo Romanus v. 11. uum. 10. apud Mabillonium Tomo II. Musei Italici, in solemnibus Processione, quae Sabbato Sancto ad baptismales Fontes benedictionis, recenseantur etiam thuribula, ac thymiamateria. Certe addubitari illud nequit, quin antiquus sit ritus in ipso nostro iv. §. & sequentibus praescriptus, ut sub ipsis formulis ibidem notatis, Sacerdos in ipsam aquam de Oleo Catechumenorum, & de Chrismate in modum Crucis infunderet. Sed notandum hic tamen est, quod observavit accuratus Martene in Libro, *De antiqua Ecclesiae disciplina in Divinis celebrandis Officiis*, Cap. xxiv. uum. xxiv. solam nempe Chrismatis infusionem in Benedictione Fontis Baptismatis decrevit in vetustissimo Codice Gelloniensi, Dionysiano Sacramentario annorum circiter CM. in Constantinopolitano Pontificali, in antiquis Missalibus, Lugdunensi, Narbonensi, Arelatensi, Augustodunensi, Tholonensi, praeter ceteris vero in antiquo i. Romano Ordine, in eius nempe Appendice, num. 9. Chrismati autem Oleum adjungi in Missali Ambrosiano, Mozarabico, Parisiensi, Pictaviensi, Lemovicensi, Catalaunensi, duplici Codice Turonensi annorum circiter dcc. Ordinario Silvanensi, Laudunensi, Lingonensi, Carnotensi S. Joannis, Gasticensi, & aliis multis, quae recensere hoc loco supervacaneum est.

IV. Ad formulas quod attinet, in Missali Gothico-Gallicano a Cardinale Thomasio edito haec extat formula dicenda, dum Chrisma immittitur in Fontem in modum Crucis: *Infuso Chrismo salutaris Domini nostri Jesu Christi, ut fiat fons aquae salientis cunctis descendentibus in eo in vitam aeternam. Amen.* In antiquo Sacramentario Gallicano, quod ex ms. Codice Bobiensi annorum circiter MC. vulgavit Mabillonius Tomo I. Musei Italici, sic legitur: *Infuso Chrismo salutaris Domini nostri Jesu Christi, ut fiat fons aquae viva salientis cunctis venientibus in vitam aeternam.* In ms. Pontificali Ecclesiae Apamienensis in Syria annorum circiter DC. ubi solus hic Chrismatis mentio in aquam baptismalem, sic ritus describitur: *Infundat Chrisma in Fontem in modum Crucis super ipsam aquam, dicens: Sanctificetur, & secundet fons iste in Nomine Patris, & Filii, & Spiritus Sancti. Tunc misceat ipsam Chrisma cum eadem aqua, & spargat eam manu per omnem Fontem.* Idem legitur in antiquo Romano Ordine x. uum. 22.

apud Mabillonium Tomo II. Musei Italici, pag. 105. & seq. signata tamen formula varia Crucibus hunc in modum: *Sancti & ficitur, & secundet fons iste in nomine Pa & tris, & Fi & li, & Spiritus & Sancti, Amen.* Atque ad hanc formulam, ac ritum respexit Durandus, ubi citato superius loco, in fine sic scripsit: *Per hujusmodi admixtionem unio Christi, & Ecclesia significatur; nam Chrisma est Christus, aqua populus; & dicitur: Sanctificetur fons iste; ex quibus verbis, ad quid fiat admixtio, satis datur intelligi.*

V. His plane concinit Sacerdotale Romanum Venetis impressum anno MDLXVII. Parte 111. *De Processione ad benedictionem Fontis in Sabbato Sancto, & in Vigilia Pentecostes*, in qua solus Chrismatis fit mentio cum hac formula in aquam infundendi: *Sanctificetur, & secundet fons iste hoc salutifero Chrismate in Nomine Pa & tris, & Fi & li, & Spiritus & Sancti.* At vero consonat quidem nostris Paragraphis, sed cum aliqua etiam variatione, quod legitur in Romanis antiquis Missalibus, & illo praesertim Lugduni impresso anno MDLXXVIII. in Benedictione Fontis Sabbato Sancto, his verbis: *Sacerdos, qui benedixit Fontem, infundit de Oleo Catechumenorum in aquam in modum Crucis, intelligibili voce dicens: Sanctificetur, & secundet fons iste Oleo salutis renascentibus ex eo in vitam aeternam. R. Amen. Deinde infundit de Chrismate modo, quo supra dicemus: Infuso Chrismate Domini nostri Jesu Christi, & Spiritus Sancti Paracliti fiat in Nomine Sanctae Trinitatis. R. Amen.* Porro in Missali Ambrosiano anni MDCLXIX. diversa prorsus est formula illa, quae dicitur in Olei Catechumenorum infusione in Fontem; sic enim ait: *Sit fons iste Sacer, sanctificatus, perunxit, benedictus, in Nomine Patris & Filii & Spiritus Sancti. R. Amen.* At vero illa, quae dicitur in Chrismatis immixtione eadem prorsus est, ac ea in nostro §. v. descripta.

VI. Reliquum est, ut de eo ritu dicamus, quem noster §. vi. praescribit, ut nempe Sacerdos post immixta Oleum Catechumenorum, & Chrisma in Fontem, sub praedicta formula, accipiat ambas ampullas dicti Olei Sancti, & Chrismatis, & de utroque simul in modum Crucis infundendo, dicat, *Commixtio Chrismatis &c.* Qui quidem ritus licet in multis antiquis Ritualibus, Missalibusque desideretur, extat tamen in citatis Missalibus Romano, & Ambrosiano.

§. VII.

Tum deposita ampulla, dextera manu Oleum Sanctum, & Chrisma infusum misceat cum aqua, & spargat per totum Fontem. Deinde medulla panis manum tergit, & siquis baptizandus est, eum baptizat, ut supra. Quod si neminem baptizat, statim manus abluat, & ablutio effundatur in Sacrarium.

COMMENTARIUS.

I. **D**eposita ampulla, utraque scilicet, Catechumenorum Olei, & Chrismatis, ex praescripto nostri hujus §. ac nonnullorum antiquiorum Missalium, & Ritualium, Oleum ipsum Catechumenorum, & Chrisma infusum misceat demum cum aqua Sacerdos, &

spargat per totum Fontem, ut scilicet, quantum fieri potest, per totum vas dilatur; manumque dextera iccirco tergit, quod ipsa per pyrum ducta, & circumducta, majorem habet vim ad id faciendum. Quod quidem non fieri absque Paucis, notavit jam post Durandum inter alios Pau-

lus

Ius Maria Quarti Clericus Regularis in Tractatu, *De benedictionibus*, Tit. II. Sectione VII. Præfatio II. in fine his verbis: *Tandem fit administratio Olei, & Chrysostomus, cum aqua, quia in Baptismo fideles populi significati per aquam, ununtur, & incorporantur Christo per Chrysostomum, & Oleum figurati*. Peracta hac functione, medulla panis nunam tergit Sacerdos, & signis baptizandus est, eum baptizat. Quod si nemi-

nem tunc baptizat, mandat noster §. ut statim manus abluit, & ablutin effundatur in Sacramentum. Atque hic est ritus benedictionis Fontis Baptismi extra Sabbatum Pasche, & Pentecostes servandus, cum aqua consecrata in ipso Fonte deficeret, vel esset alias corrupta; qui quidem ritus in compendium ex eo redactus est, qui majori cum solemnitate in Sabbato ipso Paschatis, & Pentecostes peragitur.

DE SACRAMENTO POENITENTIÆ TITULUS III.

I. **P**oenitentia nomen triplici in sensu sumi in Scripturis, docet quidem Catechismus Tridentini Concilii, itemque Theologi passim, ac post alios Doctissimi Scriptores, Oratorii Gallicani Presbyteri, Joannes Morinus, *De disciplina in administratione Sacramenti Poenitentia*, & Gaspar Juninus, *De Sacramentis*, in Dissertatione VI. Sumitur nempe primo pro pena, qua quis admissum scelus castigat, sicque intelligi debet illa Christi sententia, Matthæi, Capite XI. *Si in Tyro, & Sidone facta esset virtutes, quæ facta sunt in vobis, alim in cilicio, & cinere poenitentiam egissent*. Sumitur secundo pro odio, ac detestatione vitæ veteris, juxta illud Apostolorum Principis estatum, Capite II. Actuum Apostolorum: *Poenitentiam agite, & baptizetur unusquisque vestrum*, idest detestationem Decidium, quod admissis in Christi morte: *Hanc desinito consilio, & præscentia Dei traditam per manus iniquorum assilientes intermisistis*. Sumitur tertio pro respicientia, seu pro mutatione iniquæ vitæ veteris in novam, quam pia fit, atque sancta, secundum illud Apostoli dictum in Epistola II. ad Corinthios, Capite VII. *Quæ secundum Deum tristitia est, poenitentia in salutem stabilem operatur*. Cujus quidem poenitentia, seu novæ vitæ hæc sunt argumenta: *Quantum in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam*.

II. Triplicem illum Poenitentia sensum, Novum Testamentum Græce conscriptum expressit *Metanoia* nomine. Illum quoque complexus est Eustathius Lib. VI. Institutionum, Capite XXIV. ubi sic loquitur: *Is, quem solus sui poenitet, errorem suum pristinum intelligit; ideoque Græci melius, & significantius Metanoia dicunt, quam nos possumus respicientiam dicere*. Respicit enim, ac mentem suam quasi ab insania recipit, quem erratipiget, castigateque se ipsum dementia, & confirmat animum ad rectas vivendum; tum illam ipsam maxime cavet, ne rursus in eodem laqueis induatur. Quamvis autem vera, & proprie dicta poenitentia, vitæ veteris odium, vindictam, & novæ propositum includat, uti mox dictum fuit, nomen tamen habet suum præsertim a pena, qua quis quod deliquerit, animadversit in seipsum, uti docet S. Ilidorus Hispalensis Episcopus Lib. VI. Originum, Capite XIX. ubi sic inquit: *A punitione poenitentia nomen accepit, quasi poenitentia, dum ipse homo poenit poenitendo, quod male admisit*. Sed li-

cet Poenitentia a punitione sic appelletur, nihilominus punio non est id primum, quod in ea reperitur, sequitur nimirum ex facti odio, quod importat, uti additice licet ex S. Augustino, qui in Epistola LXX. sic habet: *Nihil aliud agunt quæ veraciter poenitet, nisi ut id, quod male fecerint, impunitum esse non sinant*. Eo quippe modo sibi non parentibus, ille parit, cuius altum iustumque iudicium nullus contemptor evadet.

III. Præter multiplicem poenitentia acceptionem, de qua late loquuntur laudatos Catechismus Concilii Tridentini Parte II. *De Poenitentia Sacramento*, atque Theologi passim in eodem Tractatu, accipitur quoque pro vero, ac propriæ dictæ Novæ Legis Sacramento, a Christo Domino instituto, quo peccata post Baptismum commissa delentur, atque de hoc quidem in præsentis agimus secundum ea, quæ in hoc Titulo præscripta sunt. Sed pro majori intelligentia eorum, quæ de Sacramento Poenitentia dicenda sunt, considerandum quoque cenfeo hoc loco, quid inter sit poenitentiam, quam nobis frequentissime commendat Sacra utriusque Testamenti Pagina, & eam, quæ inter septem Ecclesiæ Sacramenta medio loco numeratur. Illa enim poenitentia virtus est, vel actus virtutis, hæc autem Sacramentum novæ Legis pro reparatione lapsorum post Baptismum, ut infra, latius in Commentario ad §. I. dicemus, plus aliquid requirens, quam qualemcumque illius virtutis actum. Illa etiam a baptizandis exigitur, hæc a solis baptizatis.

IV. Notat hæc Theologus magni nominis Gulielmus Estius in Libri XV. Sententiarum Distinctionem XIV. ubi allatis variis Divinæ Scripturæ locis, & Concilii Tridentini Decretis, varia recenset discrimina poenitentia, ut est virtus, & ut est Sacramentum, ex illis quoque etiam illud patere inquit, poenitentiam in genere a poenitentia relapsorum non aliter differre, quam ut genus a specie; ab utraque vero distingui ipsum Poenitentia Sacramentum tanquam signum sensibile ad reconciliationem eorum, qui post Baptismum lapsi sunt, institutum, ac proinde poenitentiam relapsorum tanquam necessariam dispositionem requirens. Convenire tamen ait Magister Sententiarum poenitentiam, ut est virtus, cum Poenitentia Sacramento, quod utrumque est causa salutis, & justificationis, etsi differenter. Nam virtus Poenitentia, seu actus ejus præparat, & disponit ad justificationem. Sacramentum autem ipsam justificationis gratiam conferre ex opere operato more aliorum Sacramentorum. Ita plane Estius loco citato.

CAPUT I.

§. I.

Sacrum Pœnitentiæ Sacramentum ad eos, qui post Baptismum lapsi sunt, in gratiam Dei restituendos, a Christo Domino institutum, eo diligentius administrandum est, quo frequentior est ejus usus, & quo plura requiruntur ad illud recte, digneque tractandum, ac suscipiendum. Cum autem ad illud institutum tria concurrat, materia, forma, & Minister; illius quidem remota materia sunt peccata, proxima vero sunt actus pœnitentis, nempe contritio, confessio, & satisfactio; forma autem, illa absolutionis verba: *Ego te absolvo &c.* Minister denique est Sacerdos habens potestatem, vel ordinariam, vel delegatam. Sed si periculum mortis imminet, approbatusque desit Confessarius, quilibet Sacerdos potest a quibuscunque Censuris, & peccatis absolvere. In ejus Ministro requiritur etiam bonitas, scientia, atque prudentia cum sigillo secretæ Confessionis sub exacto, perpetuoque silentio. Quibus & aliis ad id opportunis ut optime sint instructi, omni studio curare debent Confessarii.

COMMENTARIUS.

I. **Q**Uum ea sit humana fragilitas ex peccato primi parentis contracta, ut pauci percipiant Baptismi gratiam, de quo in superiori Titulo diximus, usque in diem mortis illibatam custodiant, ac nullo peccato mortali a se repellant, Divina bonitas hac quoque in parte salutis nostræ misericorditer consulat, instituens nimirum pro reconciliatione eorum, qui post Baptismum relapsi essent, Pœnitentiæ Sacramentum, ut Patres passim, & Concilia observant, innuitque hic nosse §. ubi initio inquit, *Sacrum Pœnitentiæ Sacramentum ad eos, qui post Baptismum lapsi sunt, in gratiam Dei restituendos, a Christo Domino institutum.* Institutum fuisse a Christo Domino Sacramentum Pœnitentiæ, & quidem post ejus resurrectionem, Patres æque, ac Theologi docent. Quamvis enim Christus initio fux prædicationis pœnitentiam indixerit hominibus, ut determinatos modos actum significaret, qui ad hoc Sacramentum necessarii sunt, cum Matthæi, Capite iv. ait: *Pœnitentiam agite, appropinquavit enim Regnum Cælorum;* quod vero pertinet ad Officium Ministrorum, id determinaverit, cum dixit Petro Matthæi, Capite xxv. *Tibi dabo claves Regni Cælorum &c.* declarat tamen Tridentina Synodus Patrum traditioni inherens, Sessione xiv. *De Pœnitentiis*, Cap. i. quod *Domini Sacramentum Pœnitentiæ tunc præcipue instituit, cum a mortuis excitatus infusus in Discipulos, dicens, Joannis scilicet Cap. xx. Accipite Spiritum Sanctum, quorum remisistis peccata, remittantur eis, & quorum retinueritis, retenta sunt.* Porro cum hoc Sacramentum efficaciam habeat ex virtute Nominis Jesu Christi patientis, & resurgentis, conveniens admodum fuit, ut post resurrectionem Salvatoris nostri plene, ac perfecte institueretur, & vis ejus prædicaretur juxta illud Lucæ Cap. ultimo: *Sic oportebat Christum pati, & resurgere a mortuis die, & prædicari in Nomine ejus Pœnitentiam, & remissionem peccatorum in omnes Gentes.* Ita docet S. Carolus Parte III. Quæstione LXXXIV. Articulo VII.

II. Patram, ac Synodorum doctrinæ adherens hic nosse §. recte ait, *Sacrum Pœnitentiæ Sacramentum ad eos, qui post Baptismum lapsi*

sunt, in gratiam Dei restituendos, a Christo Domino institutum. Atque hæc est Concilii Tridentini doctrina citato Cap. i. Sessionis xiv. ubi hæc habet: *Si ea in regeneratis omnibus gratitudo erga Deum esset, ut iustitiam in Baptismo, ipsius beneficia & gratia susceptam constanter tuerentur, non fuisset opus, aliud ab ipso Baptismo Sacramentum ad peccatorum remissionem esse institutum.* Quoniam autem Deus dicit in misericordia cognovit signum nostrum, illis etiam vitæ remedium contulit, qui se se postea in peccati servitutem, & demonis potestatem tradidissent, Sacramentum videlicet Pœnitentiæ, quo lapsi post Baptismum beneficium mortis Christi applicent. Hinc Pœnitentiæ, ut idem Concilium ait Sessione vi. *De justificatione*, Cap. xiv. & constat ex Canone, *Secunda*, de Pœnitentiâ, Distinctione 1. & ex S. Hieronymo in Epistolis ad Sabinianum Diaconum increpatoria, & ad Demetriadem, de servanda virginitate, *secundam post naufragium perditam gratia tabulam Sancti Patres optinuerunt.* Ut enim contracta navi, unum vitæ servande periculum reliquum est, si forte tabulam aliquam de naufragio liceat accipere; ita post amissam Baptismi innocentiam, nisi quis ad Pœnitentiæ tabulam confugiat, sine dubio de ejus salute desperandum est, ut inquit Catechismus Tridentini Concilii, Parte II. *De Pœnitentiæ Sacramento*, num. 1.

III. Quoniam vero postremis hisce temporibus seculari Sacramenta confundentes, ipsum Baptismum docent esse Pœnitentiæ Sacramentum, quasi Baptismus semel susceptus, ad sequentium omnium peccatorum remissionem valeat, sola sui recordatione, absque alio Sacramento, hinc visum fuit memorati Tridentini Concilii Patribus, accuratius distinguere inter hæc duo Sacramenta, in citata Sessione xiv. Cap. II. ubi varias rationes afferunt, quibus hoc Sacramentum a Baptismo differre dignoscitur, eamque distinctionem interpositis anathemate sancire, Can. II. his verbis: *Signis Sacramenta confundens, ipsum Baptismum, Pœnitentiæ Sacramentum esse dixerit, quasi hæc duo Sacramenta distincta non sint, utque ideo Pœnitentiam non recte secundam post naufragium tabulam appellari, anathema sit.* Varia inter utrumque Sacramentum Baptismi, & Pœ-

Penitentia discrimina recensere hic supervacuum est, cum legi de his possit citatum Caput II. Sessionis XIV. Concilii Tridentini, itemque Theologi passim de Sacramento Penitentia agentes, inter quos videri Iñsius potest in Libri *Quartii Sententiarum* Dissinctionem XIV. §. IV.

IV. Cum vero tanta sit Sacramenti Penitentia necessitas, nulla ut peccatoribus sine illo salus speranda videatur; tantaque Ecclesiae sollicitudo semper extiterit, ut certis, statisque temporibus ad deponenda apud Sacerdotem peccata, salutareque Penitentiae remedium assumendum, eos cogere, mirum plane videbitur, indulgentiam hanc peccatoribus quibusdam fuisse aliquando denegatam. Et certe, ut recte notat Martene, Lib. I. *De antiquis Ecclesiae ritibus*, Capite VI. Articulo II. num. 1. & seqq. qui antiqua Ecclesiae instituta ex hodierno usu metiri solent, hi haud dubie non sine aliquo inhumanitatis sensu fieri id potuisse existimabunt. Verum in antiqua Ecclesiae disciplina versatis alia profecto mens erit, cum probe noverint, sub ipso Christianae Religionis exordio, flagrante studio pietatis, & improbitatis odio, longe graviores in delicta penas constitutas fuisse. Neque egre audient, quosdam aliquando Pontifices peccatis veniam proflus omnem denegasse. Non quod solvendi, dimittendi peccata auctoritatem in Ecclesia desiderarent (quod fuit perversum Montanistarum, & Novatianorum dogma, quos, ut recte notavit laudatum Concilium Tridentinum Sessione XIV. Cap. I. *magna ratione Ecclesia Catholica tanquam hereticos expulsi, atque condemnati.*) Sed quod firmiter crederent, eum, qui solvendi, & remittendi delicta, potestatem Presbyteris fecit, ligandi simul, & retinendi facultatem tribuisse. Unde cum tanta peccati sit deformitas, tanta mentem eorum reverentia Sacramentorum incessisset, ut illius majus odium incuterent; neve indulgentiae facilitate, ista, quandoque vilescent, nonnumquam peccatoribus veniam omnem funditus denegandam censuerunt; adeo ut nullam postmodum ab Ecclesia reconciliationem sperare possent.

V. Primo enim de atrocioribus sceleribus, idololatria, homicidio, & adulterio, id probant veterum Patrum testimonia non pauca. De adulterio habemus luculentum de quibusdam suis decessoribus S. Cypriani testimonium in Epistola XI. ad Antonianum: *Et quidem apud antecessores nostros, quidam de Episcopis istic in Provincia nostra dandam pacem mœchis non potuerunt, & in totum penitentia locum contra adulteria clausurunt.* Et nequis de Episcopis illis perverſi dogmatis loquuntur Cyprianum suspicetur, ait mox, ipsos non propterea ab Episcoporum suorum Collegio recessisse. Porro quem adulteris Episcopi illi Africani clausurant penitentiam locum, aperuit Zepherinus Papa, quem laudat Tertullianus in Libro, *De pudicitia*, Capite V. redarguit, quod exclusus, & in perpetuum rejectus idololatriis, & homicidiis, solum adulterii crimen ad veniam exceperit, Decreto etiam de hac re edito: *Pontifex Maximus, Episcopos Episcoporum dixit: Ego, & mœchia, & fornicationis delicta penitentia sanis dimitto. Tum mox adversus idem Decretum ita dicit: Quid agis molliſſima, & humaniſſima disciplina? Aut omnibus eis id esse debetis, beati enim pacifici. Aut si non omnibus, nostra esse. Idololatria.*

Idem quidem, & homicidam semel damnas, mœchum vero de medio excipis; idololatra successorem, homicida antecessorem, atriasque collegam. Persona acceptatio est, miserabiliores penitentias reliquisti. Plane si ostendas, de quibus patraciniis exemplorum, praeceptorum caelestium, soli mœchia, & in ea fornicationis quoque januam penitentia expandas. Eisdem Libri Capite IX. haec idem Tertullianus Auctor secundi Saeculi scribit, quae maxime perspicua sunt: *Hinc est, quod neque idololatrias, neque sanguini pax ab Ecclesiis redditur.* Ex quibus locis illud jam patet, Tertullianum persuasum fuisse, Zepherinum Papam mœchis absolutionem fuisse imperitum, quamvis eam idololatriis, & homicidiis penitentia sanctis negaret.

VI. Est quidem ejus opinionis Morinus Lib. IX. *De Penitentia*, Cap. XX. Zepherinum Papam idololatriis, homicidiisque perinde, ac mœchis indulgentiam concessisse; Tertullianumque haereticum factum, Ecclesiaeque Romanae hostem infensissimum Summo Romano Pontifici imposuisse. Probare hanc suam opinionem nititur variis ipsius Tertulliani, aliorumque Sanctorum Patrum testimoniis. Verum quaecumque hujus rei demonstranda gratia adducit auctoritates, non detegunt in Tertulliano calumniam, sed id unum duntaxat probant, communem Ecclesiae Catholicae doctrinam fuisse, penes ipsam residere auctoritatem, & potestatem omnia omnino peccatorum genera vere penitentibus dimittendi, generaleque Ecclesiarum omnium praxim ita passim obtinuisse, quae tamen non fustulit exceptiones quasdam, nec impedivit, quominus Episcopi quidam Africani, Romanaque Ecclesia, atque adeo Zepherinus ipse gravioribus sceleribus, discipulis severioris causa, ad peccatores intra Christianae Legis limites continendos, veniam denegarent, quam tamen omnibus concedere posse, nusquam dubitarunt. Plura de hac re notavit, explicitque Iuvenius in Opere, *De Sacramentis*, Dissertatione VI. Quaestione VII. Capite I. Articulo II. §. 1. ubi etiam varios Illiberitani Concilii Canones recenset, ex quibus docemur, Africanis Episcopis haud minus severiores extitisse Hispaniae Antistes, quippe qui atrocioribus criminibus, qualia sunt idololatria, homicidium, & adulterium, denegandam esse penitentiam decernunt. Vide novam Collectionem Conciliorum Hispaniae a me adornatam Tomo II. in quo extat Concilium ipsum Illiberitanum variorum Commentariis illustratum.

VII. Secundo praeter gravissima ista peccata, viguit & haec in primitiva Ecclesia consuetudo, ut inveteratis peccatoribus cujuscumque laethalis culpa reis, qui, sprete, dum sani essent, & inclumes, Dei patientia, in extremis constituti penitentiam postulerent, omnis proflus reconciliationis denegaretur. Testem hujus disciplinae habemus Innocentium Papam I. qui de illis interrogatus ab Exuperio Tolosano Episcopo, ita in Epistola III. Cap. II. respondit: *Et hoc quæsum est, quid de his observari oporteat, qui post Baptismum omni tempore incontinentia, & voluptatibus dediti, in extremo sine vita sua penitentiam simul, & reconciliationem communionis expescant.* De his observatio prior durior, posterior, interveniente misericordia, inclinatio est. Nam consuetudo prior tenuit, ut concederetur eis penitentia, sed communio negaretur. Nam

cam illis temporibus eret. & perfectionem essent, ne communionis concessa facilitas homines de reconciliationis securis non revocaret a lapsu, negata merito communio est, concessa penitentia, ne totum penitus negaretur, & duriorum remissionem fecit temporis ratio. Moribundis ergo penitentia quidem, seu penitentiae exercitia permittuntur, ut cordis contritione, corporis afflictione, lacrymis, & gemitu peccata abstergerent, sed reconciliationis, communionisque spes omnis auferatur. Quam tenacem hujus disciplinae se exhibuerit S. Cyprianus, declarat ipse in Epistola sua l. i. ad Antonianum, sic scribens: *Es iccirco, Frater carissime, penitentiam non negantes, nec dolorem delictorum suorum toto corde, & manifesta lamentationis suae professione testantes, prohibendo omnino consuetudinem a spe communionis, & paci, si in infirmitate, atque in periculo caperint deprecari, quia rogare illos non delicti penitentia, sed mortis urgentis admonitio compellit, nec dignus est accipere solatium, qui se non cogitavit esse moriturum.*

VIII. Ab hac tamen severitate nonnihil postea deflexit Cyprianus in gratiam Martyrum, permittens in Epistola xiii. ut lapsi, qui libellos a Martyribus acciperent, infirmitatis periculo occupati manus in penitentiam imponeretur, & sic cum pace Ecclesiae migrarent ad Dominum. Ceterum aliis, qui libellos a Martyribus non impetrassent, quicumque mortis discrimine essent constituti, reconciliationem omnino denegari voluit; perseveravitque haec disciplina etiam post S. Cyprianum saltem in quibusdam Ecclesiis; nam in Concilio Arelatensi l. anni cccxiv. Canon xxiii. sic habet: *De his, qui apostatant, & nunquam se ad Ecclesiam repraesentant, nec quidem penitentiam agere curant, & postea infirmitate correpti petunt communionem, placuit eis non dandam communionem, nisi revelaverint, & egerint dignos penitentia fructus.* Peccatori enim negare communionem, & negare reconciliationem, ut narrant Eruditi, illis temporibus idem sonabat. Sed tandem Concilium Nicaenum l. hanc praxim omnino sustulit, Canone xiiii. decernens, ut unicuique in exitu posito, & poscenti, communionis gratia ab Episcopo impertiretur. Id quod tamen jam passim invaluerat, ut ex hujus Canonis verbis facile colligitur, qui juxta antiquam, & Canonicam Legem conditus dicitur; qui nihilominus nequaquam obstitit, quo minus pristina severitate retinuerint nonnulli Episcopi, ut patet ex Concilio Sardicensi anni cccxviii. in cuius Canone II. Patres Praefulsi, qui per ambitionem Sedem mutaverant, nec in exitu communionem laicam permittunt.

IX. Perseverasse adhuc Saeculo v. in Galliis hanc disciplinam, docet nos Caelestinus Papa l. in Epistola l. Cap. II. ubi Gallicanos Episcopos sic redarguit: *Agnovimus enim, penitentiam moriantibus denegari, nec illorum desideria annui, qui obitus sui tempore, hoc anima sua cupiunt remedium subveniri. Horreant, Frater, tanta impietatis aliquem reperiri, ut de Dei pietate desperet, quasi non possit ad se quovis tempore recurrere succurrere, & periclitantem sub voce peccatorum hominem, pondere, quo se expediri desiderat, liberare. Quid hoc ergo aliud est, quam morienti mortem addere, ejusque animam sua crudelitate, ne absoluta esse possit, occide-*

re? Affert mox Sacrae Scripturae loca, quae ubi solius proleptus est in sui asserti confirmationem, sic demum concludit: *Cam ergo sit Dominus cordis inspector, quovis tempore non est deneganda penitentia postulanti.* Hinc S. Augustinus in Sermone cccxciii. novae editionis sic loquitur: *Si aliquis ante positus in ultima necessitate aegritudinis sua voluerit accipere penitentiam, & accipit, & mox reconciliatur, & bino vadit, sator vobis, non illi negamus, quod petit, sed non presumimus, quia bene bino exit. Eadem est & aliorum Patrum doctrina, quorum testimonia non est opus describere.*

X. Tertio peccata, quae penitentia semel expiata fuerant, si denovo committerentur, nullam ab Ecclesia obtinebant veniam, & reconciliationem. Testis est hujus antiquae disciplinae Tertullianus in Libro, *De Penitentia*, quem adhuc Catholicis scriptis. Postquam enim egi de penitentia Cathememorum, variasque versutus diaboli, quibus nos post Baptismum in peccatum deturbare nictur, exposuit, de apponendo illis remedio ita scribit Capite vii. *Haec igitur venena ejus praevidens Deus, clausa licet ignorantia janua, & intulit illis sera obstruxit, aliquid adhuc permittit petere. Collocatis in vestibulo penitentiam secundam, qua pulsantibus patebat, sed jam semel, quia jam secundo, sed amplius nunquam, quia proxime frustra. Ergo ex Tertulliano, post penitentiam, quae Baptismum praecedebat, secunda adhuc baptizatis peccatoribus patebat penitentia, sed quae jam semel, & non secundo, quia postmodum, amplius nunquam, concedebatur. Tertulliano, ut alios Patres omittam, quos longo agmine recentent Juvenius loco citato, & Morinus in celebri Opere, *De Penitentia*, adiungimus S. Ambrosium, qui Lib. II. *De Penitentia*, Cap. x. sic inquit: *Mérito reprehenduntur, qui saepius agendum penitentiam putant, quia luxuriantur in Chrislo. Nam si vere agerent penitentiam, iterandam non putarent; quia sicut unus est Baptismus, ita una penitentia, quae tamen publice agitur; non quotidiani nos debet puertere peccati; sed haec delictorum leviorum, illa graviorum. Porro nullis Saeculis, quibus semel tantum pro peccatis publicis, aut occultis gravioribus agebatur penitentia publica, peccata, propter quae quis subsisset illam penitentiam, per aliam, sed secretam penitentiam, & privatis datam absolutionem curarentur, memoratus Juvenius citato superius loco discutit.**

XI. Quarto saevioris capite damnis denegata, alicubi saltem, penitentiam fuisse, plurima veterum, recentiorumque Scriptorum testimonia nos docent. Certe huius finem Saeculi vi. Dico quidam, teste Gregorio Thronensi Lib. v. Historiae Francorum, Cap. xxvi. a Chilperico Rege, cum vinculis teneretur, & eerneret, se penitus non evasurum, a Presbytero, Rege nesciente, penitentiam petiit; quam haud dubie, si Rex rescivisset, non impetrasset. Etiam longe post annum millesimum denegatum fuisse reis penitentiam in Anglia, addiscere licet ex Concilio Lambetensi anni mcccxi. ubi Bonifacius Cantuariensis Archiepiscopus in Constitutionibus Provincialibus ibidem editis conquestus est, quod reis hujusmodi Saeramentum saepius inhumane denegaretur. Cui concinit Concilium Londinense anni mcccxviii. Can. II. Sed tandem huius

ma-

malo, quod etiam in Gallia, ac alibi in praxi erat, remedium asserere conatus est Clemens Papa V. in Viennensi Generali Concilio, edita Constitutione ad hujusmodi abusum damnablem abolendum, quæ habetur Lib. v. Clementinarum, Tit. ix. Cap. i. Quæ tamen diu inolitam praxim non ita statim aboluit in Gallia, cum necesse fuerit, ut anno mcccxcvi. Carolus VI. Francorum Rex Edictum daret pro admittendis ad Pœnitentiæ Sacramentum fontibus capitis damnatis. Quo beneficio sub Ludovico XI. potitus est Comes a S. Paulo Comes Stabuli, qui, ut scribit Guaguinus Lib. x. Cap. xx. *Confessione more Christiano expleta, capite plexus est.* Caroli tamen Edictum non usquequaque obtinuisse, docet nos Stephanus Poncher, qui in Synodo anni MDXV. hoc statutum edere necessarium duxit. *Iuxta Concilium Viennense sub pena excommunicationis monentur Iudices locorum vestrorum, ordinarios, quatenus damnatis ad mortem, faciant, antequam patiantur, Pœnitentiæ Sacramentum per personam idoneam administrari, contrariam consuetudinem abolentes.*

XII. Non desunt autem Scriptorum, ac Synodorum veterum loca, quibus docetur, concessam fuisse reis capite damnatis Pœnitentiæ. Certe Sæculo viii. Carbonianus Frisingensis Episcopus cum Adalberti cuiusdam suspensio plebendi vitam a Iudice obtinere non potuisset, eum admonere studuit, adfuitque longius amovet, ut omnem ei paternitatem, & vultus animæ suæ Confessione purissima aperiret, tam in facili, quam in leventibus, atque cogitationibus prævis; ut scribit Aribio in ejus Vita, Cap. vii. Rursus Sæculo ix. Patres Concilii Moguntini t. interrogati de furibus, & latrociniis, Cap. xxvii. responderunt: *Si omnibus de peccatis suis parvam Confessionem agentibus, & digne pœnitentibus Communitio in fine secundum Canonem iustum danda est; cur non eis, qui pro peccatis suis parvam persolvunt?* Idem decernit Concilium Wormaciense anni mcccxxviii. Can. lxxx. suffragaturque his Concilium Triburiense anni mcccxc. Canone xxxi. Atque, ut alia omittam Concilia, facinorosis ipsis, ut nimirum si velint, confiteri possent, concesserit quidem Aluredus, Eduardusque Angliæ Reges, editis in illorum gratiam salutaribus Legibus, quas confirmavit Sæculo xi. Canutus Rex, additis pœnis in Iudices illis Statutis minime obtemperantes: *Si quis reus capitalis damnatus sua ingenua peccata confiteri contempnerit, id ei conceditur. Si quis autem deiegerit, numerato Regi centum viginti solidos, aut saltem adjuvanti viris quatuor, se exilia liberato.*

XIII. Quamquam vero ea fuerit vetus Ecclesiæ disciplina deuegande aliquando peccatoribus Pœnitentiæ, eo ioculgentius facilitate, uti superius dictum est, illa vilescebat; est tamen Fidei dogma Canone t. Sessionis xiv. Concilii Tridentini confirmatum, iterari eam posse. Christi quidem verba Matthæi Cap. xvi. & xviii. & Joannis xx. quibus potestas solvendi peccatores, & peccata remittendi, tribuitur Apostolis, & eorum successoribus, nullam faciunt restrictionem gravitatis, numeri, aut iterationis peccatorum. Nullum enim modum, aut terminum misericordie Dei statuit Scriptura Sacra, sed cuiuscumque peccati quantumvis gravis, aut sepe iterati reos ad pœnitentiam iuvitat, & veniam

pœnitentibus promittit; quæ cum in Nova Lege obtineri a relapsis post Baptismum non possit, nisi Pœnitentiæ Sacramento, recte hinc Theologi colligunt, non modo interiorem pœnitentiam, quæ virtus est, sed exteriorem pœnitentiam, quæ est Sacramentum, sepius iterari posse. Sed de his sese, ac passim Theologi differunt, ubi de hoc Sacramento tractant.

XIV. Sed ut ea potissimum, quæ in hoc nostro t. §. continentur, explicemus, recte profecto ait, quod cum ad illud constituendum tria concurrant, materia, forma, & Minister, illius quidem remota materia sunt peccata, proxima vero sunt actus pœnitentis, nempe contritio, confessio, & satisfactio; forma autem, illa absolutionis verba, Ego te absolvo &c. Minister denique est Sacerdos habens potestatem absolvendi, vel ordinariam, vel delegatam. Ut ergo singula enucleemus, ad materiam, quod attinet Sacramenti Pœnitentiæ, duplicem eam esse, docent communiter Theologi cum S. Thoma, Parte III. Quæstione lxxxiv. Articulo II. in Corpore. Proxima sunt memorati actus pœnitentis, uti post Florentinum Concilium declaravit etiam Concilium Tridentinum Sessione xiv. Cap. i. his verbis: *Sunt autem quasi materia hujus Sacramenti ipsius pœnitentis actus, nempe contritio, confessio, & satisfactio, qui quotiens in pœnitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hæc ratione partes dicuntur.* Ratio cur Concilium dixit, hos actus esse quasi materiam Sacramenti Pœnitentiæ, jam non ita intelligenda est, quasi velit eos non esse veram materiam, sed voluit dumtaxat indicare discrimen, quod inter hujus, & aliorum Sacramentorum materiam intercedit, in hoc consistens, quod aliorum Sacramentorum materia est res aliqua materialis, & sensibilis, ut aqua in Baptismo. Sacramenti vero Pœnitentiæ materia sunt actus pœnitentis, quorum precipuus, ipsa scilicet contritio, est insensibilis, cum actus sit internus, & sic non ita proprie appellantur hujus Sacramenti materia. Brevius rem explicat Tridentini Concilii Catechismus, Parte II. *De Pœnitentiæ Sacramento*, num. xvii. in Nota, ubi sic inquit: *Neque vero hi actus quasi materia a Sancta Synodo appellantur, quia vera materia rationem non habeant, sed quia ejus generis materia non sunt, quæ extrinsecas adhibeatur, ut aqua in Baptismo, & Crisma in Confirmatione. Quare cum aliqui Theologi negassent, hos actus esse proprie materiam hujus Sacramenti, Concilium ne eos damnares, maluit dicere, quasi materiam, ut notat Cardinalis Pallavicinus in Historia Concilii Tridentini ad locum citatum: Ceterum materia remota sunt ipsi peccata: Ut enim ipsi materiam ligna esse dicimus, quæ vi ignis consumuntur, ita peccata, quæ Pœnitentia delentur, recte hujus Sacramenti materia vocari possunt; ut ait laudatus Catechismus citato loco n. xviii. Licet autem omnia peccatorum genera, sive mortalium, sive venialium, quæ commisit homo post Baptismum, quamvis alias debite confessus fuerit, materia sint remota Sacramenti Pœnitentiæ, sciendum tamen omnino illud, sola mortalia peccata esse necessaria materiam; nam alias peccata venialia, quæ non excludunt a gratia Dei, aut mortalia, quæ quis rite confessus est, non quidem necessaria, sed sufficiens sunt ejusdem*

dem Sacramenti materia, uti declaravit Concilium Tridentinum Sessioe XIV. Cap. v. docentque Theologi passim.

XV. Formam Sacramenti Penitentiae esse illa Absolutionis verba, *Ego te absolvo* &c. recte ait hic ossler §. confentitque Decreto Eugenii IV. & Concilio Tridentino, Capite 111. citatæ Sessionis XIV. his verbis: *Docet præterea Sancta Synodus, Sacramenti Penitentiae formam, in qua præcipua ipsius vis sita est, in illis Ministri verbis positam esse, Ego te absolvo* &c. quibus quidem de Ecclesiæ sacra more preces quadam laudabiliter adiungantur, ad ipsius tamen formæ essentiam nequaquam spectant, neque ad ipsius Sacramenti administrationem sunt necessaria. Colligere licet ipsam formam, ut sapienter observat Catechismus laudati Concilii n. XX. non solum ex illis Christi verbis Matthæi Capite XVI. *Quæcumque solveritis super terram, erunt soluta &c. in Cælis*; sed ex eadem Christi Domini doctrina ab Apostolis tradita. At quoniam Sacramenta id significant, quod efficiunt, & illa verba, *Ego te absolvo*, ostendunt peccatorum remissionem huius Sacramenti administratione effici, planum est, hanc esse penitentiam perfectam formam; sunt enim peccata tantum vincula, quibus constrictæ animæ, & ex quibus Penitentia Sacramento laxantur. Sensus itaque eorum verborum non est, quod Absolutio sit simplex declaratio remissionis peccatorum, sed quod ea effective remittit. Quod quidem constat ex citatæ Sessionis XIV. Tridentini Concilii Canone IX. *Siquis dixerit, absolutionem Sacramentalem Sacerdotis, esse nudam ministerium pronuntiandi, & declarandi remissa esse peccata confitenti, anathema sit.* Rationem affert S. Thomas citata Parte III. *Quæstione LXXXIV. Article 111. ad v.* cuius supra meminimus. Sic autem S. Doctor inquit: *Sacramenta Nova Legis non solum significant, sed etiam faciunt, quod significant; unde sicut Sacerdos baptizando aliquem, ostendit hominem interius absolutum per verba, & facta, & non solum significantia, sed effective; ita etiam cum dicit: Ego te absolvo, ostendit hominem absolutum non solum significantia, sed etiam effective.*

XVI. Minister denique, ut ait ossler §. *est Sacerdos habens potestatem absolvendi, vel ordinariam, vel delegatam.* Idque de Fide definitum est ex Decreto Eugenii Papæ IV. in Concilio Florentino, ubi sic dicitur: *Minister huius Sacramenti est Sacerdos, habens auctoritatem absolvendi, vel ordinariam, vel ex commissione Superioris.* Et ex Concilio Tridentino Sessione XIV. Cap. VI. ubi sic inquit: *Circa Ministrum autem huius Sacramenti declarat Sancta Synodus, falsas esse, & a veritate Evangelii penitus alienas doctrinas omnes, quæ ad alios quosvis homines, præter Episcopos, & Sacerdotes, Clericum ministerium perniciose extendunt.* Sed nec sufficit, ut quis sit Sacerdos, ad audiendum valide Confessiones, sed ut possit valide absolvere, præter potestatem Ordinis, quam universi Sacerdotes habent, requiritur potestas jurisdictionis, sive ordinariæ, sive delegatæ, uti dictum est, & habetur etiam definitum in Concilio Tridentino, Capite VII. recitatæ Sessionis, his verbis: *Quoniam igitur natura, & ratio iudicii illud exposcit, ut sententia in subditos damtaxat feratur, persuasum semper in Ecclesia Dei fuit, & verissimum esse, Synodus hac confirmat, nullius mo-*

visi absolutionem cam esse debere, quam Sacerdos in eum profert, in quem ordinariam, aut subdelegatam non habet jurisdictionem. Porro Episcopi in tota Diocesi, & Parochi in propria Parochia ordinariam habent in penitentes jurisdictionem; in aliis autem Sacerdotibus omnino requiritur expressa Episcopi approbatio ad audiendas Confessiones, & hæc est jurisdictio illa, quæ dicitur delegata. Atque huc spectat, quod ait laudatum toties Concilium Tridentinum, Sessione XXIII. *De reformatione, Cap. XV. Quamvis Presbyteri in sua ordinatione a peccatis absolvendi potestatem accipiant, decernit tamen Sancta Synodus, nullum etiam Regularem posse Confessiones secularium, etiam Sacerdotum, audire, nec ad id idoneum reputari, nisi aut Parochialis Beneficium, aut ab Episcopis per examen, si illis videbitur esse necessarium, aut alias idoneus iudicetur, & approbationem, quæ gratis datur, obtineat, privilegium, & consuetudinem, quæcumque etiam immemorabili, non obstantibus.*

XVII. Recte autem, atque opportune illud in nostro §. additum est, quod, *si periculum mortis imminet, approbatusque desit Confessarius, quilibet Sacerdos potest in quibuscumque Censuris, & peccatis absolvere.* Atque hæc est vetus Ecclesiæ disciplina, quam memorat, confirmatque Concilium Tridentinum Sessione XIV. Capite VII. his verbis: *Pie admodum, ne hæc ipsa occasione aliquis pereat, in eadem Ecclesia Dei custoditam semper fuit, ut nulla sit reservatio in articulo mortis, atque ideo omnes Sacerdotes quoslibet penitentes a quibusvis peccatis, & Censuris absolvere possunt.* Omnes Sacerdotes in articulo mortis penitentes quoslibet a quibusvis peccatis, & Censuris absolvere posse cum declarat Sacra Synodus, suspensos, excommunicatos, degradatos, schismaticos, hæreticos, facta hypothesi, quod nullus adit Sacerdos Catholicus, vel a Censuris liber comprehendit, ut communiter Theologi docent. Censet tamen S. Raymundus Lib. III. §. XVI. neminem teneri in ea hypothesi confiteri peccata Sacerdoti hæretico, schismatico, vel excommunicato; imo Confessionem huiusmodi hominibus etiam in mortis articulo dissuadet, ob subversionis periculum. Cæterum cum etiam in mortis articulo nullam esse reservationem memoratur Concilium Tridentinum ait, de mortis periculo idem intelligendum est, ut habet hic ossler §. illis verbis: *Sed si mortis periculum imminet &c. proximum scilicet, non autem remotum.* Probari autem ea nostri §. explicatio potest ex variis Sacris Canonibus, qui absolvendi potestatem concedentes cuilibet Sacerdoti, non distinguunt inter articulum, & periculum mortis, uti constat ex Capite, *Eos qui, De sententia excommunicationis, in Sexto; itemque ex Canone, Siquis, Causa XVII. Quæstione IV.* Non omittendum hic tamen est, eos, qui ob mortis periculum absoluti fuerint a Censuris Superiori reservatis, sistere se teneri ei, cui reservati sunt, quamprimum convalescerint, non quidem ut rursus absolvantur, sed ut mandatis eius pareant; idque nisi præstiterint, in eisdem Censuris incurrere. Hæc enim regula nititur citato Capite, *Eos qui, cuius hæc sunt verba: Eos, qui sententia Canonis, vel hominis, cuius ad illum, a quo alias de Jure fuerant absolvendi, nequeat propter imminentiis mortis articulum, aut aliud impedimentum legitimum,*

pro absolutionis beneficio habere recursum, si cessante postea periculo, vel impedimento huiusmodi, se illi, a quo, his cessantibus, absolvi debeant, quam cito commodè poterant, contempserint præstare, mandatum ipsius super illis, pro quibus excommunicati fuerant, humiliter recepturi, & satisfacturi, prout iustitia fundebit, decernimus, ne sic Censura illudant Ecclesiasticæ, in eandem sententiam recidere ipso Jure.

XVIII. Reliquum est, ut illas Sacramenti Pœnitentiæ Ministri dotes nunc explicemus, quas idem noster §. memorat, ubi ita inquit: *In ejus Ministro requiruntur etiam bonitas, scientia, atque prudentia, cum sigillo secreta Confessionis sub exacto, perpetuoque silentio.* His plane concinunt, quæ statuit S. Carolus in Concilio Provinciali i. Mediolanensi, Cap. Quæ pertinent ad Sacramenti Pœnitentiæ administrationem, ubi sic ait: *In probandis Confessoribus hæc rationem habeant Episcopi, ut pii, bene morati, docti, prudentes, de animarum salute solliciti, & fideles custodes fidei eorum, quæ in Confessione dicuntur.* Necessaria est itaque inprimis Conscientiarum. Moderatoribus, seu Confessoribus bonitas. Quamvis enim Sacramentorum virtus, & efficacia, ex Ministrorum Fide, & probitate non pendeat, ut jam diximus supra Titulo i. Io Commentario ad §. iv. lateque ostendit, Patres, atque Canones citans Natalis Alexander, *Theologie Dogmaticæ & Moralit.* Lib. II. Cap. viii. Article II. Propositione i. necessaria nihilominus est probitas morum, sive sanctitas vite ipsius præsertim Sacramenti Pœnitentiæ Ministris, ut irreprehensibiles sint, & sint exemplo Fidelibus in fuga vitiorum, in bonorum operum exercitatione, in omni conversatione. Id plane passim docet Sacre Synodi, ac Sacri Patres, inter quos S. Gregorius Parte II. Coræ Pastoralis, Cap. iiii. hæc habet: *Sic Reclor operatione præcipuus, ut vita viam subditis vivendo denuntiet; & gregi, qui Pastoris vocem, moreque sequitur, per exempla melius, quam per verba gradiatur. Qui enim loci sui necessitate exigitur summa dicere, hæc eadem necessitate compellitur summa monstrare. Illa namque vox libentius auditorum cor penetrat, quam dicentis vita commendat; quia quod loquendo imperat, ostendendo adivat, ut fiat.*

XIX. Secundo necessaria est in Sacramenti Pœnitentiæ Ministro scientia, & ratio est, quæ docet Christus Dominus in Evangelio Matthæi, Cap. xv. *Si enes enco ductum præstet, ambo in foveam cadunt.* Hioc relictæ ait Canon, *Qui vult, De Pœnitentia, Distinctione vi. Caveat spiritualis Index, ne sicut non commisit crimen nequitiæ, ita non careat munere scientiæ. Oportet enim, ut scius cognoscere quicquid debet judicare. Judiciali enim potestati hoc postulat, ut quod debet judicare, discernat.* Huc facit, quod tradit Tridentali Concilio Catechismus Parte II. De Pœnitentiæ Sacramento, num. lxxxiii. nimirum satis constare, non valere scientiam necessariam esse, quæ peccata investigare, & ex variis peccatorum generibus, quæ gravia, quæ levia sint, pro cuiusque hominis ordine, & genere judicare possit. Sane interest ad pœnitentiam salutem, ut doctos eligant Confessarios, idque idem Catechismus monet citato loco: *Ex quo potest Fideles intelligere, cuiusvis maximo studio erandum esse, ut cum his Sacerdotem deliquit, quem vite integritas, doctrina, prudens judi-*

cium commendat; qui, & quantum in eo officio, cui præstet, ponderis, ac momenti sit, & quæ cuiusque secleri parva conveniant, & qui solvendi, vel ligandi sit, optime noverit. Hanc veritatem, perfecte cognovit S. Terebâ, cum in Libro, *De via perfectionis*, Cap. v. ait, magni prorsus interesse, ut Confessorius vere doctus sit, esse vero omnino periculosum, ab ignaro regi, licet multum sit spiritualis, aut esse possit. Præteriri hic tandem non debet monitum S. Gregorii Papæ VII. io Concilio Romano vii. Cap. v. ad pœnitentes datam, atque his verbis expressum: *Inter omnia vobis hortamur, utque moveamus, ut in necepiendis pœnitentis, non ad illos carratis, in quibus nec religiofa vita, nec est consulendi scientia; qui animas hominum magis ad interitum, quam ad salutem ducunt, teste Veritate, quæ ait: Si cæcus cæcum ducat, ambo in foveam cadunt; sed ad eos, qui religione, & Scripturarum doctrina instruiti, viam veritatis, & salutis vobis ostendere valeant.*

XX. Requiritur tertio prudentia, ut congrua pœnitentibus dare consilia possit, pœnitentiasque imponere salutare pro gravitate, numero, & duratione peccatorum; quod quidem explicatur in Canone xxi. Concilii Generali iv. Lateranensis, quod ab Innocentio Papa III. habitum fuit anno MCCXV. ipso modum omnibus Confessoribus præscribit, quem servare io admi-nistrando Sacramento Pœnitentiæ debeant: *Sacerdos autem sit discretus, & castus, ut more periti Medici superinfundat vinum, & oleum vulneribus sanatis, diligenter inquirens, & peccatoris circumstantias, & peccati, quibus prudenter intelligat, quæle debeat ei consilium, & ejusmodi remedium addibere, diversis experimentis nitendo ad sanandam egrotum.* Longum plane esset velle hic ea omnia explicare, in quibus consistere Confessorii prodecto debet. Legi plane de hac re, sicut de aliis ad Sacramentum Pœnitentiæ recte administrandum spectantibus, S. Caroli Instructiones ad Confessarios possunt.

XXI. Ut de Sigillo demum secretæ Confessionis sub exacto, perpetuoque silentio a Confessario tenendo dicamus, Confessionem quidem ex parte Ministri, a quo excipitur, debere esse secretam, Jure Naturali, Divino, & Ecclesiastico, Theologi omnes docent, declaravique ioter alia Cœcilium Senonense MDXXV. celebratum. Naturali jure nititur, i. quia ex revelatione factæ Confessionis plerumque sequeretur infamia in pœnitentem, cui Jus Naturale vetat, ne detor locus. II. quia quæ ea, quæ extræ Confessionem sub secreti Sigillo excipiunt, Jure ipso Naturali teoemore secreta servare, a fortiori, & quæ audita sunt in Confessione. III. quia Jus idem Naturale vult, ut quis faciat alia, quæcumque secundum rectam rationem vult sibi fieri. Quilibet vero secundum rectam rationem debet propriam diligere famam, & ex consequenti relationem sui secleri; ideoque debet potissimum Confessorius famam consentitis diligere, & sic celare peccatum sibi Confessione detectum, per quod confitens diffamaretur, ut dictum superius fuit. Per hanc etiam naturæ Legem quilibet tenetur servare fidelitatem proximo, quam vellet, aut velle deberet sibi servari, & per consequens consentienti peccata; atque ad hanc fidelitatem spectat illud Proverbiorum, Cap. x. *Qui fidelis est, servat amici commissum.*

XXII. Divino Jure positivo nititur Sigillum ipsum secreta Confessionis, sicut & ipsa Confessio Sacramentalis, quæ sine ipso consistere non posset, eoquæ sublatò, veniret in odium hominum, eoquæ revocaret ab observantia præcepti de Confessione faciendâ, quod est Juris Divini. Unde istius Sigilli violatiò, seu Confessionis revelatiò, sacrilegium est, utpote in gravem Sacramenti Pœnitentiæ redundans injuriâ. Nam ut ratiocinatur S. Thomas in IV. Sententiarum, Distinctione XIX. sive Supplementi Questione XI. Article 1. *In Sacramentis ea, quæ exterius geruntur, sunt sœpe verum, quæ interioris contingunt, & ideo Confessio, quæ quis Sacerdoti se subicit, signum est interioris subjectionis, quæ quis Deo subijcitur. Deus autem peccatam illius, qui se subicit per pœnitentiam, tegit; unde & hoc oportet in Sacramento Pœnitentiæ significari; & ideo de necessitate Sacramenti est, quod quis Confessionem eilet; & tanquam violator Sacramenti peccat, qui Confessionem revelat. Et præter hoc sunt aliæ utilitates hujus celationis, quia per hoc homines magis ad Confessionem attrahuntur, & simpliciter peccata confitentur. Et in Responsione ad secundum Præceptum, inquit, celandi consequitur ipsam Sacramentum; & ideo fuit præceptum de Confessione Sacramentali faciendâ est de Jure Divino, & non potest aliqua dispensatiò, vel justitiæ humana homo absolvi ab eo, ita nullus ad revelationem Confessionis potest ab homine cogi, vel licitari.*

XXIII. Nititur tertio ipsum Sigillum Jure Ecclesiastico. Nam S. Leo in Epistola LXXX. ad universos Episcopos per Campaniam, Samnium, & Picenum constitutos, illam, contra Apostolicam regulam, præsumptionem modis omnibus subverti, constituit, ne de singularum peccatorum genere libelli scripta professio publicè recitetur, cum reatus confiteatur sufficiat solis Sacerdotibus indicari Confessione secreta. Extat de eo secreto apud Gratiani Decretum Canon, Sacerdos, De Pœnitentiâ, Distinctione VI. in quo etiam gravis insignitur Sacerdoti Confessionem revelanti: Sacerdos, inquit, ante omnia caveat, ne de his, qui ei confitentur peccata, alicui recitet, non propinquis, non extraneis, nec, quod absit, pro aliquo scandalo. Nam si hoc fecerit, deponatur, & omnibus diebus vite suæ ignominiose peregrinando peregrat. Contendant nonnulli, Gregorium, cujus nomine apud Gratianum citatur hic Canon, esse Gregorium Magnum Pontificem; sed æquius tamen censere videntur, qui illud Decretum Gregorio Papæ VII. adscribunt. Gravi etiam pœna Concilium Generale IV. Lateranense citato Canone XXI. Sacramentalis Sigilli violatiònem prohibet, sic inquit: *Caveat autem omnino, Sacerdos scilicet, qui pœnitentis Confessionem excipit, ne verbo, aut signo, aut alio quovis modo aliquatenus prodatur peccatorem; sed si prudentiori consilio indigerit, absque ulla expressiõe personæ, cante requiratur. Quoniam qui peccatum in Pœnitentiâ Indicio sibi detectum præsumpsit revelare, non solum a Sacerdotali Officio deponendum decernimus, verum etiam ad æquendam perpetuam pœnitentiam in artium Manasterium de-ducendum.*

XXIV. Omittis aliis Synodis, in quibus variè pœnæ contra Sacramentalis Sigilli infracti-

res constitutæ sunt, antiquissima est secreti hujus disciplina, ejusque testem habemus Tertullianum in Libro, De Pœnitentiâ, Capite X. eam secreti legem iis opponit, qui prave verècundia confiteri detestabantur: *Quid tuos alius, quam te opinaris? Quid confiteris casuum tuorum, ut plausores fugis? Quasi dixisset, te ipsum non prodes, occultum crimen tuum coram promissa plebe temerario non deteges; ergo nec Ministri, nec Fratres tui, cum sint maxime pili, illud non evulgabant in publicum; eandem enim fere tecum personam constituunt. Ita sane explicat recitatum Tertulliani locum inter alios Iuvenius, De Sacramentis, Dissertatione VI. Questione V. Cap. VI. Article IV. §. III.*

XXV. Sed audiamus S. Pacianum, qui recitatum Tertulliani locum apud Pameliu in Nota 60. sic expressit: *Confiteri casuum vestrorum timere nolite. Nullam corporis membrorum suorum vexatione latatur, immo pariter dolet, & ad remediũ collaborat. In uno & altero Ecclesiæ est, Ecclesiæ vero Christi. At qui adeo qui fratribus peccata sua non tacet, Ecclesiæ lacrymis adjutus, Christi precibus absolvitur. Ceterum religionis, quæ hujus Sacramenti Sigillum custodire Confessarius debet, præclarum exemplum dedit S. Ambrosius, teste Paulino Presbytero in ejus Vita, ubi ita de eo scribit: *Quiescentem quæ illi aliquis, ob percipiendam pœnitentiam, lapsus suos confessus esset, ita sebat, ut & illud scire compelleret; videbatur etiam sibi cum jaccante jacere. Causas autem criminum, quas illi confitebantur, nulli, nisi Domino soli, apud quem intercedebat, loquebatur; bonum reliquens exemplum posteris Sacerdotibus, ut intercessores apud Deum magis sint, quam accusatores apud homines.**

XXVI. Siquis autem nobis objiciat Historiam Socratis Lib. V. Cap. XIX. & Sozomeni Lib. VII. Cap. XVI. ubi legitur, quod Pœnitentarii in singulis Urbibus constituti peccata sibi privatim confessa, populo publicare soliti fuerint, & sic pœnitentes cogere ad publicam pœnitentiam. Respondemus eum doctissimo Estio in IV. Sententiarum, Distinctione XVII. §. XIV. eam peccatorum publicationem, vel ab ipsis pœnitentibus, hortatu tantum, vel etiam jussu Pœnitentarii solitam fieri fuisse; vel a Pœnitentario quidem, sed ex pœnitentium consensu. Atque hoc sensu illud etiam accipiendum, quod in Concilio Toletano X. habetur, Episcopos scilicet ejus Synodi, per Fidelem, ut ibi vocatur, Confessorem Potamii Episcopi cognovisse de eo, quod tactu semine fordidisset. Siquidem iam ante hoc suum peccatum in conventu Episcoporum fuerat confessus. Sed non omittendum, quod ad rem nostram objectus supra narrat Sozomenus loco citato, Patres nempe antiquos ab initio dedisse operam, ut hi, qui Confessionibus excipiendis præficerentur, secreti maxime tenaces essent: *Presbyterum itaque aliquem, ait, vita integritate quammaxime spectabilem, secretorum etiam maxime tenacem, ac sapientem huic officio præfecerunt. Ad eum accedentes, qui peccabant, confitebantur. Atque hæc satis sint pro explicatiõe §. I. Tituli III. De Sacramento Pœnitentiæ, quem in præfati Commentariis perpetuis illustrandum suscepimus. Plura alia de hoc Sacramento videri possunt in peculiari Opere doctissimi Joannis Morinus.*

§. II.

In primis monuerit Confessarius, se Judicis pariter, & Medici personam sustinere, ac Divinæ justitiæ simul, & misericordiæ Ministrum a Deo constitutum esse, ut tanquam arbiter inter Deum, & homines, honori Divino, & animarum salutis consulat.

COMMENTARIUS.

INter qualitates Ministri Confessionis, & istas quoque initio hujus nostri §. expressas recensui, explicavitque Tridentini Concilii Catechismus, Parte II. *De Penitentia Sacramento*, num. LXXIII. ubi postquam dixit, quod hujus Sacramenti Minister, *Judex, & Medius simul personam gerit*, ita statim subjicit: *At quod ad primum attinet, satis constat, non vulgarem scientiam necessariam esse, quæ & peccata investigare, & ex variis peccatorum generibus, quæ gravia, quæ levia sunt, pro cuiusque hominis ordine, & genere judicare possit. Ut autem Medius est, summa quoque prudentia indiget; etenim diligenter providendum est, ut ea remedia aegro adhibeantur, quæ ad illius animam sanandam, & impostum contra morbi vim minuendam aptiora esse videantur. Atque huc spectant quæ in præcedenti Commentario diximus de scientia in Confessario requisita, quia scilicet personam Judicis, & Medici spiritualis sustinet. Qualitas enim Judicis, ut ait reclus superius Canon, *Qui vult, De Penitentia, Distinctione vi, in Confessario scientiam exigit: Caveat, ait, spiritualis Index, ut sicut non commisit crimen nequitia, ita nec careat munere scientia. Oportet enim, ut seiat cognoscere quicquid debet judicare.* Judicaria enim potestas hoc postulat, ut quod debet judicare, discernat. Quod vtro spectat spiritualis Medici officium, jam supra & illud nos docuit Lateranense IV. Generale Concilium Can. XXI. iis verbis: *Sacerdos more periti Medici superinfundat vinum, & oleum vulneribus faciei, diligenter inquirens, & peccatoris circumstantias, & peccati, qui prudenter intelligat, quale debeat ei præbere consilium, & ejusmodi remedia adhibere, diversis experientis utendo ad sanandam aegritudinem.**

II. Cum ergo Confessarius personam Judicis gerat, jam non debet in Tribunali Confessio-

nis se conformare sententiæ sui penitentis, contra propriam, quando ille asserit, opinionem suam esse probabilem, pluresque assert Casuistas ad illius sententiæ confirmationem. Vere enim, recteque contra hanc doctrinam a Casuistis non paucis traditam exclamat S. Bonaventura: *O in auditum philosophandi genus! Index sententiæ ferre debet ad arbitrium rei, & reus Judicis judicio obtemperare non tenetur?* Idem dici & de Medico potest; sed cavendum penitentibus, ne ad eos Medicos spirituales confluant, qui vel nolunt, vel nesciunt peccatorum vulneribus remedia opportuna adhibere. Audiant quæso quid de hujusmodi penitentibus, Medicisque spiritualibus sui ævi scripserit Jonas Episcopus Aurelianensis, Libro I. *De institutione laicorum*, Capite X. *Quidam peccatorum suorum consilii imperitos animarum suarum Medicos expetunt, ut sibi ad votum suum penitentia tempora imponant; & peritos iteire delectant, ne austerius penitentia eos adducant.* Si enim peritos Medicos ad morbos corporis pellendos queritur, quanto magis Medici animæ peritissimi curandas est? *Ut artis medicina nesciens dum curare nescit vulgus corporis, non illud minuit, sed magis plerumque incrementum ei addit; ita & imperitos Medici animarum, dum eorum languoribus mederi videri vult, quia his congrua medicamenta nescit adhibere, eosdem languores creditur incrementare.* De talibus inquit Dominus per Prophetam: *Virificabant animas, quæ non vivebant; & mortificabant animas, quæ non moriebantur.*

III. Notat autem digna sunt illa potissimum verba nostri §. quibus edicitur, meminisse debere Confessarium, se divinæ justitiæ simul, & misericordiæ Ministrum a Deo constitutum esse, ut tanquam arbiter inter Deum, & homines, honori divino, & animarum salutis consulat. Sed hæc jam alias nos late explicuimus.

§. III.

Ut ergo recte judicare queat, discernens inter lepram, & lepram, & tanquam peritus Medicus animarum morbos prudenter curare, & apta cuique remedia applicare seiat, quantum potest maximam ad id scientiam, atque prudentiam, tum assiduus ad Deum precibus, tum ex probatis Auctoribus, præsertim e Catechismo Romano, & prudenti consilio peritorum studeat sibi comparare.

COMMENTARIUS.

IUm in præcedenti §. dictum jam fuerit, Confessarium personam Judicis, & Medici sustinere, quia scilicet ut Index debet iudicium facere, & ut Medicus medicinam præstare, oportune hic præfens §. demonstrat, ac docet subiectum, ad quod iudicium ipsum, & medicatio dirigitur, discernens nempe inter lepram, & lepram, ad quam curandam

opus est, tum iudicio, tum medicina. Cum enim lepra, quæ variz est speciei, peccatum significet, quod multipliciter committitur, debet prudens Confessarius discernere prius, quamnam lepra sit, seu quodnam, & quodplex peccatum sit, quo penitens gravatur, & hoc est officium Judicis; deinde quodnam remedium aptum sit ad ipsam peccati lepram curandam, & hoc est Medici

dici munus. Poero verbis illis noster §. *discrepens inter lepram, & lepram*, alludit plane ad id quod dicitur Capite xvii. Deuteronomii: *Si diffille, & ambigam apud te iudicium esse perspexeris inter sanguinem & sanguinem, causam & causam, lepram & lepram, & iudicium intra portas tuas videris verba variari, surge, & ascende ad locum, quem elegerit Dominus Deus tuus, veniesque ad Sacerdotes Levitici generis, & ad iudicem, qui fuerit illo tempore, quæresque ab eis, qui indicabant tibi iudicii veritatem; & facies quodcumque dixerint, qui præstant loco, quem elegerit Dominus, & docuerint te. Placuit integrum locum describere, quod inde multa, erui possunt, quæ hunc nostrum §. spectant; ad eumque locum, sive ad Caput xii. Levitici, ubi & de lepræ morbo fit sermo, respexit inter alios S. Joannes Chrysostomus Lib. 111. De Sacerdotibus, Capite v. juxta nostram editionem, ubi sic inquit: *Corporis lepram purgare, scilicet verius dicam, haud purgare quidem, sed purgatos probare, Judeorum Sacerdotibus solis licebat. Tum vero paulo post: At vero nostris Sacerdotibus non corporis lepram, verum animæ sordes, non dico purgatas probare, sed purgare profus evocissimum est.**

II. Spectant hæc quidem excelsam Sacerdotum Novi Testamenti potestatem, quod vero ad eorum attinet munus, iterum & illud repetendum est, quo magis magisque hic noster §. explicetur, omnium consensu, Sacerdotes in Sacramento Pœnitentiæ duplices ferre personas, Medicorum, & Judicum. Quemadmodum igitur Medico vulneca reteggit ægrotus, doloresque omnes internos exponit, ut applicet morbo pharmaca, & epithemata convenientia; huiusque expositionis morbi, non est ipsa expositio, sed convenientis medicamentis applicatio, & animæ per illa medicamenta sanatio, si finis Confessionis peccatorum omnium Sacerdoti scilicet, non est sola Confessio, sed eorumque morbis spiritualibus convenientium applicatio, quibus animæ curationi disponatur, & disposita per reconciliationem perfecte sanetur. Hac ratione, uti observat Morinus Lib. 1. De administratione Sacramenti Pœnitentiæ, Cap. v. num. 12. antiqui Patres de peccatorum modis semper philosophati sunt, ut Origenes Homilia 1. in Psalmum xxxvii. Clemens Lib. II. Constitutionum Apostolicarum, Cap. xx. Cyprianus in Tractatu, De lapsis, Gregorius Nazianzenus in Epistola Canonica ad Letolium, & inter alios Burchardus Lib. xix. Decretorum, qui *Corractor* vocatur, & *Medicus*, quia correctiones corporum, & animarum medicinas plene continet, & docet unumquemque Sacerdotem, quomodo unicuique succurrere valeat, ordinato, vel sine Ordine, pauperi, diviti, puero, juveni, seni, decrepito, sano, infirmo, in omni ætate, & in utroque sexu.

III. Idem iudicium est de persona Judicum, quam sustinent Sacerdotes, ut idem Morinus observat, num. xi. Extorqueretur enim a Iudicibus criminum confessio, non ut in confessione subsistant, aut veniam statim, nullo, aut levissimo criminum examine facto, contentibus indulgeant, sed ut criminibus pœna iuxta Leges a Principe constitutas insignitur; vel si pœnam condonet Princeps, ita muletur eus, damnumque alteri illatum refarciat, ut in posterum cri-

men ejusmodi perpetrare non audeat. Iudices igitur sunt Sacerdotes, ut peccata in Confessione audita puniant pœna Evangelica, hoc est, salu- tati, quæ non mortem inferat, ut pœna sæculares, sed vitam ecclidat contentibus; & pœnitentes aliquando teadant in interitum carnis, ut spiritus eorum salvus sit in die Domini Jesu Christi. Inde est quod Doctores Catholici Confessio- nis necessitatem ex auctoritate remittendi, & e- tinendi peccata potissimum colligunt. Hoc præ- cæteis faciunt Concilii Tridentini Patres Ses- sione xiv. Cap. v. Cum enim docuerunt, Chri- stum Sacerdotes instituisse Pœnitentes, & Iudices Christianorum, statim ex illa auctoritate pecca- torum confessionem colligunt: *Ex institutione Sacramenti Pœnitentiæ jam explicata, universa Ecclesia semper intellexit, injunctam etiam esse a Domino integram peccatorum confessionem, & omnibus post Baptismum lapsi jure Divino neces- sariam existere; quia Dominus noster Jesu Chris- tus & Terris ascensurus ad Celum, Sacerdotes sui ipsius Vicarios reliquit tanquam Præsides, & Iudices, ad quos omnia mortalia crimina desce- rantur, in qua Christiani ceciderint; quo pro potestate Clavium, remissionis, aut retentio- nis peccatorum sententiam pronuntiant. Constat enim, Sacerdotes iudicium hoc, innotitia cau- sa, exercere non potuisse, neque auctoritatem quæ- dam illos in pœnis injungendis servare potuisse, si in genere amtaxat, & non potius in specie, ac syllabam sua ipsi peccata declarassent. Idem paulo post iidem Patres colligunt ex Medico- rum officio, quo & ipsi Sacerdotes Sacramenti Pœnitentiæ Ministri funguntur: Si enim erube- scat ægrotus vultus Medico detegere, quod igno- rat, medicina non curat.*

IV. Longum est hic varias Synodos, & Auctores referre, ex quibus docemus, quod superius toties repetitum fuit, duplicem perso- nam Confessarium sustinere, Iudicis, ac Medici, ut recte judicare queat, dicensque inter lepram & lepram, & apta cuique remedia applicare sciat. Sed lubet tamen eam in eum locum referre Petri Blefensis, qui agens de satisfactione, quæ est pars Sacramenti Pœnitentiæ, sic inter alia habet: *Sicut confessio necessaria est humi- litati, & sinceræ devotio, sic Pœnitentiæ, id est Sacerdoti, necessaria est diligens, & circum- spectiva discretio, ut discernat inter lepram & lepram, & habeat in se tria, bonitatem, scientiam, & disciplinam; bonitatem in suavitate, scientiam in eruditione, disciplinam in cor- rectione. Sit Samaritanus infundens oleum misericordiam, vinumque justitiam. Habeat conscientia ejus quasi Arca fœderis manna, & virgam, ut sciat compati & ignoscere, arguere & mone- re. Gaudeat de primitivis fructibus pœnitentis, sicut bonus agricola, compatiatur infirmo, dabinque confortet, recedens illud Apostoli: Quis infirmatur, & ego non infirmor? Et au- diens tentationes ejus, suam infirmitatem copians, apud se deat: Si in tanta tentatione fuissem, gravius cecidissem. Nihil dicatur, aut fiat enim indignatione, & ira: Ira enim viri justitiam Dei non operatur. Medium autem teneat, ne nimia remissio, vel nimia austeritas sit in eo, certamque pœnitentia modam juxta Sanctorum Patrum instituta præferbat.*

V. Tenenda est ergo potissimum regula illa, quam hic noster §. præscribit, ut nempe, quo

Con-

Confessarius tanquam peritus Medicus animarum morbos prudenter curare, & apta cuique remedia applicare sciat, *quantum potest maximum ad id scientiam, atque prudentiam tum assidue ad Deum precibatur, tum ex probatis Auditoribus, praesertim e Catechismo Romano, & prudenti consilio peritorum studeat sibi comparare.* Studium itaque precandi necessarium est Confessariis, cum enim moderator animarum consilio, & iudicio excellere debeat, *ut sciat reprobare malum, & eligere bonum, teste Isaia Cap. vii. & distinguere, ut Deus ad Moysen loquebatur, Deuteronomii Cap. xvii. Inter sanguinem & sanguinem, causam & causam, lepram & lepram, id plane a Deo effragitare debet, ut det ei sapientiam, & intelligentiam, exemplo Apostoli, qui suorum etiam Thessalonicensium invocavit preces, quo suae praedicationis Evangelicam cursum esset felicius, & fructuosior, sic ad eosdem scribens Cap. i. De cetero Fratres orate pro nobis, ut sermo Dei currat, & clarifietur. Atque huc spectat, quod ait Apostolus Iacobus in sua Canonica Epistola Cap. i. Siquis vestrum indiget sapientia postulet a Deo, qui dat omnibus assidue, & non improperat, & dabitur ei. Id quod expertus Sapiens fuit, ut idem testatur, Sapientiae Cap. vii. Optavi, & datus est mihi sensus; invocavi, & venit in me Spiritus sapientiae. Optimum autem erit, si se Deo in quotidianis Sacrificiis commendat, juxta illud Pauli in Epistola ad Hebraeos, Cap. v. Omnis namque Pontifex ex hominibus assumptus, pro hominibus constituitur in iis, qua sunt ad Deum, ut offerat dona, & sacrificia pro peccatis; & propterea debet, quemadmodum pro populo, ita & pro semetipso offerre pro peccatis.*

VI. Jam non fufficit Confessario, Sacerdotique, ac iis, qui conscientias aliorum moderantur, precandi studium, sed opus est etiam, ut doctrinam attendant, scientiamque sibi comparent ex probatis Auditoribus, praesertim vero ex Sancta Scriptura, & Sacris Canonibus, ut edicit Canon Concilii Toletani iv. relatus in Canone, Ignorantia, Distinctione xxxviii. Ignorantia, inquit, mater errorum errorum, maxime in Sacerdotibus Dei vitanda est. Sciant igitur Sacerdotes Scripturas Sanctas, & Canones, ut omne opus eorum in praedicatione, & doctrina consistat, atque adficient cunctos tam Fidei scientia, quam operam disciplina. Sed nec praetermittendum est studium SS. Patrum, multoque minus iis praefrendi Casuistas recentiores, uti adisce-

re licet a Caelestino Papa l. relato in Canone v. Distinctione citata: Nulli Sacerdotum liceat Canonem ignorare, nec quicquam facere, quod Patrum possit regulis obviare. Quae enim a nobis res digne servabitur, si Decretalium norma consiliorum pro aliorum libita licentia papaliter permissa frangatur? Porro nostro huic §. concinit S. Carolus in suis de Sacramento Penitentiae Instructionibus, ubi sic inter alia inquit: *Quoniam Confessionis Minister, Judicis, & Medici simul personam gerit, ut & quod ad Judicem attinet, ex variis peccatorum generibus, quae gravia, quae levia sint, quove modo corrigenda, pro cuiusque hominis ordine, & genere judicare possit; & tanquam Medici ea remedia aegro adhibeat, quae ad illius animam sanandam, & ipsius contra vim morbi muliendae optiora videantur; opus est, ut in tum scientiam, atque eruditionem, tum prudentiam studeat sibi, quantum potest, comparare; tum ex Divina gratia, quam assidue preceat supplicare a Deo petat, tum ex Auditoribus probatis, qui eam materiam pie pleneque tractaverunt. Probati Auditores jam dici nullatenus possunt, in quorum Libris innumerae penae laxae, horrendaeque propositiones occurrunt, quarum multae a variis Summis Pontificibus, Alexandro VII. Innocentio XI. Alexandro VIII. & novissime a regnante Pontifice BENEDICTO XIV. praescriptae fuerunt.*

VII. Adhibendum a Confessario in dirigendis penitentium conscientis praeter ceteris probatorum Auditorum Libris Catechismum Romanum iussu Tridentini Concilii concinnatum, ac S. Pii Papae V. auctoritate promulgatum, merito mandata hic nosse §. quod in eo scilicet sana, & solidaque Patrum, & Canonum doctrina continetur, probatque sit a Conciliis passim Provincialibus, particularibusque post ejus editionem celebratis, ut alias ostendimus. Ceterum quod ait tandem nosse §. ut praeter probatos Auditores, Confessarius in regendis conscientis, remediisque applicandis prudenti consilio peritorum utatur, intelligendum est juxta regulam in variis Synodis expressam, praesertim Lateranensi iv. Oecumenica, Can. xxi. atque a S. Carolo traditam in Instructionibus, De Sacramento Penitentiae, Capite inscripto, Quae in administratione Sacramenti Penitentiae Parochus & Confessarius observet, ubi sic inter alia inquit: Si prudentiori consilio indigerit, illud absque ulla expressione personae caute requirat. Id quod etiam variae Synodi statuerunt.

§. IV.

Sciat casus, & Censuras Sedi Apostolicae, & Ordinario suo reservatas, & suae cuiusque Ecclesiae Constitutiones, easque diligenter observet.

COMMENTARIUS.

I. **C**Asuum reservatum juxta modernam phrasin dicitur ea, qua nonnulla graviora peccata majoribus Ecclesiae Prae-latis reservantur, itant inferiores ea remittendi potestatem non habeant, nisi haec potestas ipsius specialiter fuerit concessa. Est autem duplex haec reservatio, alia Episcopalis, alia Papalis; prior est, qua ipsi Episcopi quaedam peccata sibi, vel

generaliter per totam Dioecesim, & respectu omnium generaliter Confessariorum reservant, itaut nulli inferioris Confessarii quantumvis indefinitae, & illimitate approbati, ab iis sacramentaliter absolvere queant sine speciali facultate; vel specialiter respectu hujus, illiusve Confessarii, aut pro quadam suae Dioecesis parte reservant. Sicut enim Episcopus potest Presbyterorum tam

B b

sa-

secularium, quam Regularium, præsertim Parochiale Beneficium non habentium, approbationem ad tempus limitare, ita eandem, quoad materiam, sive peccata, restringere potest. Reservatio Papalis est illa, qua nonnulla atrociora crimina Papæ reservantur, ut nullus ab iis, præter Papam, aut ab eo potestatem habentem, absolvere ordinarie queat.

II. Docent hæc passim Theologi de casuum reservatione agentes in Tractatu, De Sacramento Pœnitentie, præsertim vero Vaneſpen, Parte II. *Juris universi Ecclesiastici*, Tit. vi. Capite vii, ubi etiam opportuno describit locum, insignem Concilii Tridentini Sessione xiv. Capite vii. *Magnopere vero ad Christiani populi disciplinam pertineat, fœcilissimis Patribus nostris visum est, ut atrociora quædam, & graviora crimina, non a quibuscumque, sed a Summis duntaxat Sacerdotibus absolverentur, unde merito Pontifices Maximi pro Suprema potestate sibi in Ecclesia universa tradita, causas aliquas criminum graviores suo potuerunt peculiari iudicio reservare. Neque dubitandum est, quando omnia, quæ a Deo sunt, ordinata sunt, quin hoc idem Episcopi omnibus in sua eaque Diœcesi, in adplicationem tamen, non in destructionem, liceat, pro illis in subditis tradita supra reliquos inferiores Sacerdotes auctoritate, præsertim, quoad illa, quibus excommunicationis censura annexa est. Hæc autem delictorum reservationem, consensum est Divina auctoritati, non tantum in externa politica, sed etiam eorum Deo vim habere. Atque his adde, quod eadem Synodus Tridentina in citatis Sessionibus Canone xi. statuit his verbis: *Siquis dixerit, Episcopos non habere jus reservandi sibi casus, nisi quoad externam politiam, atque ideo casuum reservationem non prohibere, quo minus Sacerdos a reservatis vere absolvat, anathema sit.**

III. Plura scitu digna de ipsa casuum reservatione videri possunt apud memoratum Vaneſpen, præsertim vero apud Sanctissimum Dominum nostrum Papam BENEDICTUM XIV. Lib. v. De Synodo diœcesana, Cap. iv. & v. nam quod nostrum §. speciat, in quo monetur Confessarius ut fiat casus, & censuras Sedi Apostolicæ, & Ordinario suo reservatas, & suæ cuiusque Ecclesiæ Constitutiones, easque diligenter observet, omnino necessaria est illi scientia ista: quilibet enim Judex, cujus personam Confessarius gerit, scire debet quousque extendatur suæ jurisdictioni, nam alias si ejus terminos transiit, invalida, & nulla erit sententia, In omni autem Republica

bene ordinata constitut sunt tales termini, ut nempe inferiores Judices minora solum delicta judicent, graviora vero Judex Superior, & gravissimi tandem Princeps ipse, vel hi qui ab ipso ex speciali commissione deputati sint. Atque hic est ordo, quem sapientissime, servatum esse, ac servari debere in Ecclesia, recitatio Capite vi. 1. Tridentina Synodus definivit. Porro quod statuit hic noster §. præscripsit etiam S. Carolus, & quidem luculentius, fusiſque, in suis de Sacramento Pœnitentie Instructionibus, sic inter alia iniquis: *Censurarum rationem, & vim recte intelliget, Confessarius scilicet, & quibus criminibus annexa illa sint. Casus reservatos in prompta habebit, ita ut recte fiat, qui Jure Canonum Summo Pontifici, qui variis Episcopis, qui præterea in Bulla Censæ Domini, quique pro varietate temporum Episcopo reservati sunt. Et paulo post: Cognitum etiam habere Confessarius debet, ac præterea animadvertere, antequam ad audiendas confessiones accedat, quanta sit auctoritas, potestasque jurisdictionis suæ; ita ut cam norit, & quot, & a quibus peccatis, Censurisque absolvere possit, tum etiam caveat, ne facultatis suæ finis prætergrediatur.*

IV. Jam non modo Sacerdotes Sæculares, verum etiam Regulares ad confessiones audiendas approbatos, stare debere casuum, ac censurarum reservationi, quam sibi Ordinarii locorum, in quibus degant, fecerunt, pluribus probat laudatus Pontifex BENEDICTUS XIV. Cap. v. numer. vi. & seq. ubi etiam varia Summorum Pontificum, ac Sacræ Congregationis Concilii Tridentini interpretis Decreta recenset, quibus edicitur, non posse Regulares a casibus absolvere, quos sibi locorum Ordinarii reservaverunt. Ne autem ipsa Decreta ullo unquam tempore e Regularium memoria exciderent, utque continue præ oculis iidem haberent culpas, quas nequeunt relaxare, eadem Sacra Congregatio Concilii in Sublacenſi Jurisdictionis die 10. Octobris 1676. dixit, eos teneri affigere notulas casuum Episcopo reservatorum, & renuentes opportunis Juris remediis ad id cogi, uti habetur Lib. 29. Decretorum, pag. 284. a tergo, & pag. 285. Ceterum cum ipsa casuum reservatio ab Ordinariis non modo in Synodo fieri possit, verum etiam extra Synodum peculiari Constitutione, ut docet idem memoratus Pontifex BENEDICTUS XIV. loco citato, hinc recte mandat noster §. ut Confessarius sciat quoque suæ cuiusque Ecclesiæ Constitutiones, easque diligenter observet, nec enim debet ab iis recedere.

§. V.

Denique hujus Sacramenti doctrinam omnem recte nosse studebit, & alia ad ejus rectam administrationem necessaria. Atque in hoc ministerio ita procedat, ut infra præscribitur.

COMMENTARIUS.

I. **C**Occurrunt & hæc iis, quæ fusiſus explicat S. Carolus in suis, De Sacramento Pœnitentie, Instructionibus, ubi sic inter alia inquit: *In primis bene cognita habeat, Confessarius nempe, quæ Monitis, seu Instructionibus in hac Ecclesia editis ad Confessoriorum usum continentur. Sacramenti igitur hujus do-*

ctrinam omnem recte nosse studebit, itant quæ illius ratio, qui effectus, quæque illius partes, quæ illarum partium vis, & natura, perite intelligat. Quæ peccata mortalia, & quæ venialia, cognoscat. Peccati circumstantias sciat, quæ præsertim mutant speciem peccati, & quæ in Confessione explicanda sunt, quæ restituendi onus inducant.

§. VI.

Ordo ministrandi Sacramentum Pœnitentiæ.

§. VI.

Sacerdos ad audiendam Confessionem vocatus, promptum, facilemque se præbeat, ac priusquam ad audiendum accedat, si tempus suppetat, ad hoc ministerium recte, sancteque obeundum, Divinum auxilium piis precibus implorabit.

C O M M E N T A R I U S.

I. Nter alias dotes, quibus præditus esse Mi-
nister Sacramenti Pœnitentiæ debet, illam
potissimum in variis Synodis, atque Epi-
scoporum Constitutionibus explicatam habemus,
præsertim vero a S. Carolo in Instructionibus
Confessorum variis locis, & in illis, quas de Sa-
cramento Pœnitentiæ conscripsit, ut ne quem-
quam pœnitentem, subterfugendi laboris causa,
rejiciat, ne nutu quidem, nudum verbis; imo se
paratum semper, promptum, fœcilem, humilem-
que præbeat. Nam alias non addubito, quin
graviter Parochus peccet contra iusticiam, si re-
spuat pœnitentem audire, Sacerdos autem sim-
plex, qui Confessarii munere fungitur, contra
charitatem, si potius audire pœnitentem, inau-
ditum illum dimittat.

II. Tanti autem est peccatorum animas a dia-
boli laqueis extricare, ut hoc potissimum Con-
fessarii curare debeat, quia id ratione consequi
possit; eamque res ipsa difficilis sit, recte admo-
dum cautum est ex nostro §. ut, *priusquam ad
audiendum accedat, si tempus suppetat, ad hoc
ministerium recte, sancteque obeundum, Divi-
num auxilium piis precibus imploret.* Ergo, ut
inter alios notat doctissimus, religiosissimæque
Antonius Caracciolus Clericus Regularis in No-
tis ad Constitutiones sui Ordinis, Parte 1. Ca-
pite iv. §. vi. a Confessariis, antequam tantum
opus aggrediantur, magnopere obsecrandus est
Deus, animarum omnium Creator, & Amator,
ut Spiritum Sanctum suum suis Operariis infun-
dat, atque adeo id propemodum facere debent,
quod vetus Codex Pœnitentialis apud Baronium
in Notis ad Martyrologium, 111. Idus Junii præ-
scribit hisce verbis: *Cum venerit aliquis ad Sa-
cerdotem confiteri peccata sua, mandet ei Sacer-
dos, ut expellet modicum, donec intret in eu-
biculum ad Orationem.* Idipsum constitutum le-
gitur in ms. Pontificali Anglicano Monasterii
Gemmeticensis annorum circiter mille, & in ms.
Codice Ecclesiæ Noviomensis annorum CM. Ca-
pite inscripto, *Qualiter suscipere debeant pœni-
tentem Episcopi, vel Presbyteri, cuius tametsi
prolixum lubet tamen hic locum describere. Sic
eum loquit.*

III. Quotiescumque Christiani ad Pœnitentiam
accedunt, jejunia damus, & non commu-
nicare cum eis debemus. Jejuniis unam, aut duas
hebdomadas, aut quantum possumus, ut non di-
catur nobis, quod Sacerdotibus Iudeorum di-
ctum est a Domino Salvatore: *Vae vobis Legisti
periti, qui aggravatis homines, & imponitis su-
per humeros eorum gravia, ipsi autem nro digito
vestro non tangitis farcinas ipsas.* Nemo enim po-
test sublevare cadentem, nisi inclinauerit se, &
porrigat manum. Neque ullus Medicorum vul-
nera potest curare, nisi sessoribus participes fue-
rit. Ita quoque nullus Sacerdotum, vel Pontifex
Tom. I.

poterit curare, aut animabus peccata auferre,
nisi præstante sollicitudine, & oratione lacryma-
rum. Necessè est ergo vobis, Fratres charissimi,
sollicitos esse pro peccatoribus, quia fumus al-
terutrum membra; & si quis patitur unum mem-
brum, compatiuntur omnia membra. Ideoque
& nos si viderimus aliquem in peccatis jacentem,
festinemus eum ad pœnitentiam per nostram do-
ctrinam vocare; & quotiescumque dederis pec-
canti, simulque da illi pœnitentiam statim, quan-
tum debeat jejunare, & redimere peccata sua,
ut forte obliviscaris, quantum eum oportet
pro suis peccatis jejunare, tibi que necesse sit,
ut iterum exquiras ab eo peccata confiteri, &
erubescet iterum peccata sua confiteri, & inveni-
etur amplius jam iudicari. Non enim omnes
Clerici hæc Scripturam usurpare, aut legere
debent, qui inveniunt eam, nisi illi soli, quibus
necesse est, hoc est, Presbyteris. Sicut enim
Sacrificium offerre non debent, nisi Episcopi,
& Presbyteri, quibus Claves Regni ecclesiæ tradi-
tæ sunt, sic nec iudicia ista illi usurpare debent.
Si autem necessitas e venerit, & Presbyter non
fuerit præsens, Diaconus suscipiat pœnitentem
ad sanctam Communionem. Sicut ergo superius
diximus, humiliare se debent Episcopi, sive Pre-
sbyteri, & eum tristitie gemitu, lacrymisque
orare non pro suis delictis solum, sed etiam pro
Christianorum omnium, ut possint cum Beato
Paulo dicere: *Quis informat, & ego non in-
firmor? quis scandalizatur, & ego non uror?*
Cum ergo venerit aliquis ad Sacerdotem confi-
teri peccata sua, mandet ei Sacerdos, ut expe-
cetet modicum, donec intret in cubiculum suum
ad orationem; si autem non habuerit eubiculum,
tamen tunc Sacerdos deat hæc Orationem.

IV. Sequitur mox Oratio, quam operem præ-
tium duco & hic referre, estque huiusmodi: *Do-
mine Deus propitius esto mihi peccatori, ut con-
digne possim tibi gratias agere, qui me indignum
propter tuam misericordiam Ministrum fecisti of-
ficii Sacerdotalis, & me exiguum, humilemque,
mediatorem constituisti, ad orandum, & interced-
endum ad Dominum nostrum Jesum Christum
pro peccantibus, & ad pœnitentium revertenti-
bus. Idcirco, Dominator Domine, qui omnes ho-
mines vis salvos fieri, & ad agnitionem veritatis
venire; qui non vis mortem peccatorum, sed
ut convertantur, & vivant: suscipe orationem
meam, quam suado ante conspectum clementiæ
tuae pro famulis, & famularibus tuis, qui ad pœ-
nitentiam venerunt. Per. Alia est Oratio, que
legitur in ms. S. Remigii Codice annorum circi-
ter DC. his verbis: *Adesto Domine, supplica-
tionibus nostris, & me, qui etiam misericordiam
primam indigeo, elementem exaudi; mihi que,
quem non electione meriti, sed dono gratiæ tuæ
constituisti operis tui Ministrum, da fiduciam*
B b 2*

tui muneri gratiam exequendi, & ipse in nostro ministerio, quod tua pietatis est, operari. Per. Sequuntur mox alie Orationes, quæ videri possunt apud Martene Lib. 1. De antiquis Ecclesiæ ritibus, Cap. vi. Articulo vii. Ordine xiv. Porro ex ms. etiam Pontificali insignis Ecclesiæ Aqnenfis ejusdem ætatis, apud eundem Martene Ordine xv cautum est, ut, quando peccata sua vult aliquis confiteri, Sacerdos dicat apud hæc Orationem: Domine Deus Omnipotens, qui non vis mortem peccatoris, sed ut convertatur, & vivat; propitius esto mihi peccatori, & suscipe orationem meam, quam fundo ante conspectum clementiæ tue, quo & me pariter, & hunc a peccatis omnibus exuas, & ut peccata de cetero caveamus, efficias. Per Dominum.

V. Veteris disciplinæ instaurator S. Carolus iussit & ipse in Conciliis suis, atque Instructionibus Confessorum, & de Sacramento Pœnitentiæ, ut in Confessionalis Sede Orationes præparatoriæ ad Confessiones audiendas affixæ sint; quas Confessarius scilicet præmitteret Confessionibus pœnitentium audiendis. Hæc autem est formula: *Per mundam crea in me Deus. & Et spiritum re-*

ctum innova in visceribus meis. & Ne projicias me a facie tua. & Et Spiritum Sanctum tuum ne auferas a me. & Redde mihi lætitiarum salutaris tui. & Et spiritu principali confirma me. & Dabo iniquas vias tuas. & Et impiis ad te convertentur. & Libera me de sanguinibus Deus, Deus salutis mea. & Et exaltabit lingua mea iustitiam tuam. Oratio Deus omnipotens &c. ut supra ex ms. Codice Ecclesiæ Noviomensis, additis tamen post illam clausulam, qui ad pœnitentiam venerat, his verbis: *ut des illis spiritum compunctionis; respiceant a diaboli laqueis, quibus adstricti tenebantur, ut ad te per dignam satisfactionem revertantur. Per eundem Dominum nostrum &c.* Cæterum recitata, aliæ id genus orationes, præsecque ad divinum auxilium implorandum, dicendæ sunt quidem a Confessario, priusquam ad audiendum accedat, sed tamen, si tempus suppetat, ut ait hic nosser §. Nam alias si inopinato vocatus ille debeat confitemi ad audiendam Confessionem accedere, fat erit, si aliqua ferventi jacularia oratione ex sacris Literis, Sanctis Patribus, seu piis Auctoribus sumpta se præparet, vel sabita mentis in Deum elevatione.

§. VII.

In Ecclesiâ, non autem in privatis ædibus Confessiones audiat, nisi ex causâ rationali, quæ cum inciderit, studeat tamen id decenti, ac patienti loco præstare.

COMMENTARIUS.

I. Locum præcipuum excipiendis Confessionibus esse Ecclesiâ, immoque juxta veterem disciplinam servatum fuisse locum Altari vicinum, docent nos præfæ Synodi, inter quas Parisiensis vi. anni mcccxxxix. Parte 1. Cap. xvi. sic habet: *Porro si Sacerdotes Sanctimonialis confiteri voluerint, id non nisi in Ecclesiâ coram Sancto Altari, adstantibus band procul testibus, fiat.* Hinc formula Confessionis, quæ in Pœnitentiali Egberti Eboracensis Episcopi continetur, ita plane incipit: *Confiteor coram Deo Omnipotente, Creatore Celi, & Terra, & coram hoc Altario Sancto &c.* Idem constat ex alia Confessionis formula, quæ extat in ms. Codice insignis Ecclesiæ S. Gatiiani Turonensis, annorum circiter CM. apud Martene Lib. 1. De antiquis Ecclesiæ ritibus, Cap. vi. Articulo vii. Ordine xii. *Confiteor tibi Domine Pater Celi, & Terra, coram hoc sancto Altare tuo, & istius loci Reliquiis, & coram hoc Sacerdote tuo &c.* Confirmat hanc praxim S. Petrus Damiani in Opusculo lvi. ubi testatur, Agnetis Imperatricis Confessionem expressisse se sub æreana Beati Petri Confessione ante Sacrum Altare; legimusque in Vita S. Bertoldi Abbatis Garstenis apud Surium ad diem xxvii. Julii, consuevisse & ipsum ante Altare S. Petri Confessionem audire. Id vero ita expresse statuit Concilium Radingense, ut alibi factas Confessiones, nullas, & irritas decernat: *Circa confessiones, inquit, taliter duximus ordinandum, ut in loco tantum fiat publico coram Altari exposito transeuntibus universis, nec valeat absolutio fecus facta.*

II. Quamquam autem hæc communis sit Episcoporum Lex, ut Sacerdotes non nisi in Ecclesiâ sacras pœnitentiam Confessiones excipiant,

& quidem in Confessionalibus sedentes, ut in Commentario sequenti dicemus, intelligendum id tamen est, nisi altera causâ rationalibus poscat, ut habet hic nosser §. Neque enim infirmi, si confiteri vellent, ad Ecclesiâ deferendi sunt, sed in suis privatis ædibus confiteri possunt, decenti tamen, ac patienti loco, ut inquit idem hic §. nosser, & Sacra Synodi mandant, ac præsertim memorata Parisiensis, Capite citato: *Si autem infirmitas præpedierit, ut in Ecclesiâ eadem Confessio fieri nequeat, in quacunque Domo facienda est, non nisi testibus similiter band procul adstantibus fiat.* Atque his concinnat varim Synodi, inter quas Mediolanensis S. Caroli Provincialis v. ubi de Pœnitentiæ Sacramento agit, expresse Confessarius præcipit, *ne extra Ecclesiâ, Oratoriumve, Confessionem audiant, præterquam egrotantium, etiam virorum, nisi ob urgentem causam.* Cæterum illud quoque passim Sacra Synodi mandant, ut Confessarii, si in privatis domibus audiendæ sint egrotantium, præsertim mulierum, Confessiones, id non faciant, nisi cubicali janua sit patefacta, ut conspici, tam confitens, quam Confessarius, possint. Ita plane statuit Synodus Ferraricensis Joannis Baptistæ Cardinalis Lenii anni mcccxi. De Pœnitentiâ, num. v. & alie complures allatæ a pio doctore Franciscio Genetto Episcopo Vafocensii Tomo iv. Theologiæ Moralæ Tractatu vi. Capite xi. Quæstione 10. & ab aliis clarissimis Scriptoribus, qui Theologiam Moralem, non quidem Casuistam didicis, ineptique ratiunculis, sed solidis Conciliorum, Patrum, & Summorum Romanorum Pontificum, insigniumque Theologorum doctrinis concinnarunt, quas nos semper sequi in his Commentariis jure censuimus.

§. VIII.

§. VIII.

Habet in Ecclesia Sedem Confessionalem, in qua sacras Confessiones excipiat, quæ sedes penitenti, conspicuo, & apto Ecclesiæ loco posita, erate perforata inter penitentem, & Sacerdotem sit instructa.

COMMENTARIUS.

I. **E**Xcipiendas esse in Ecclesia sacras penitentium Confessiones, jam diximus in Commentario superiori; explicandum nunc tilud est, quod in præfenti edieit noster §. ut nempe Confessarius habeat in Ecclesia Sedem Confessionalem, in qua sacras Confessiones excipiat. Porro si veterem Ecclesiæ disciplinam spectemus, Confessarii Sedes jam non erat, quali nunc utimur, bimebris, atque ideo non ad aurem, latiusque Sacerdotis, fugebant genua penitentes, sed in simplici Sella assidenti Presbytero supplex se se peccator ad genua provolvebat, vultu demisso, oculis ad genua illius, pedesque dejectis. Ex hujusmodi habitu, situque corporis ad humilitatem composito ortum habuit obscena illa, atque impia Ethnicorum calumnia in Christianos conflata, quos, ut tradit Minutius Felix in Octavio, & ex eo Baronius ad annum LVI. aiebant, adorare solitos virilia Sacerdotum, quia scilicet illi ad eorum genua procumbentes, suaque peccata confitentes, summisse veniam predeprecabantur, uti post alios ibidem notat landatus Baronius. Hæc jam, quod de situ penitentium dixi, significat Tertullianus Minutio Felice antiquior, in Libro, *De Penitentia*, Cap. viii. his verbis: *Exomologesi prosteruendi, & humiliandi hominis disciplina est, conversationem ingenuis misericordia illicem; de ipso quoque habitu, atque vicin mandat, facce, & cineri incubare, corpus sordibus obscurare, animum meroribus desiccare, ingemiscere, lacrymarum, & magis dies noctesque ad Dominum Deum, Presbyteris advocei, Servis Dei adgeniculari.* Sed de hoc ritu adgeniculationis, prostrationisque penitentium ad terram opportunius infra dicemus in Commentario ad §. x.

II. Licet autem ex hæcenus dictis constet, penitentes olim peccata sua confessuros consuevisse ad genua, non ad latum Sacerdotis sedentis, accedere, restior tamen est mos recens, magisque pudori consult Confessionalis sedes bimebris erate perforata inter penitentem, & Sacerdotem instructa, ut in hoc nostro §. præscriptum est, atque in variis etiam Synodis constitutum. Formam Confessionalis egregie describit S. Carolus Lib. i. *Institutionum fabricæ Ecclesiasticæ*, Cap. xxiii. ubi singulas eorum etiam partes recenset: *Forma, ad cuius præscriptum Confessionale extruendum erit, hæc est, qua servata, licebit aliqua præterea ornamenta addibere, atque in anteriori parte cornices elaboratas, aliudve ornati genus decet. Primo ex tabulis, vel nucis, vel certe alterius cuiusvis generis totum sit, septum scilicet iis, & a latere utroque, & a tergo, & a parte superiori latere interium, a parte anteriori apertum omnino, neque ullo modo ocludatur. Habet tamen præsertim in frequentioribus Ecclesiis, ostiam ex crato, cancellisque ligneis inter se nectarum circiter quatuor spatio distantibus cum serra, clavique, ut cum*

Confessarius in eo non est, ne ibi cum irreverentia ministerii, quod ibi agitur, laici, vagique, & sordidi homines sedent, otiose dormitent.

III. Pergit Sanctus Antistes, singulaque Confessionalis partes describens, sic de basi inquit: *Basi hujus Confessionalis, ubi Sacerdotis Confessarii, & penitentis pedes innixiherent, ab Ecclesia pavimento alta extat unciis ad summum octo, late cubitis duobus, longe cubitis circiter quatuor patent.* Tum vero de sede: *Sedes Confessarii in eo sit, quæ a basi alta sit cubito, & unciis circiter tribus; lata a dextera ad sinistram partem cubito item & dimidio; a fronte ad tergum uno tantum cubito.* De Confessionalis altitudine: *Totius hujus Confessionalis structurae altitudo a basi usque ad summam tabulam, cubitis quatuor constat.* Et de assula, in qua Confessarius nitatur: *In parte, inquit, interiori tabula intermedia inter Confessarium & penitentem assula item collocatur, in qua ipse Confessarius brachio nixus habere possit; eoque inslar repaguli sit, itant & deprimi, & rursus pro libito extolli queat.* De scabellum penitentis ita statuit: *A parte exteriori penitentis scabellum ab ima parte latum unciis quatuordecim, basi innixum, & tabula intermedia harent, accliviterque ab imo ad summam ascendens, altum a basi extet cubito & unciis viginti.* Cuius summitatis tabella leniter acclivis sit, in qua penitens manibus supplicibus niti possit, dum in Confessione genibus flexis est; eademque lata unciis duodecim, longa cubito uno & dimidio. Loquitur mox & de gradu scabelli: *In ima parte habeat hoc scabellum gradum annexum, super quo penitens genua flectat, quod supra basim emineat unciis octo, late pateat unciis sexdecim, ea longitudine, qua scabellum.*

IV. Restat ut & de fenestella intermedia, crateque perforata dicamus, quod unum est illud, de quo hic noster §. loquitur, mandans ut sedes ipsa Confessionalis, quod huenique descriphimus, conspicuo, & apto Ecclesiæ loco posita, erate perforata inter penitentem, & Sacerdotem sit instructa. Atque hic potissimum præstat audire S. Carolum citato loco sic ajentem: *Fenestella in medio tabule, qua inter Confessarium, & penitentem interjecta est, fiat; cuius pars ima emineat supra sedem Confessarii cubito & unciis octo, qua unciis sexdecim alta, duodecim vero lata sit.* Hæc vero fenestella divisa sit in spatia paria tria, reliquis in ipsa duabus columellis, seu parvis fulementis ejusdem tabule. Cui fenestellæ a parte penitentis affigatur lamina ferrea plena foraminum, qua singula inslar clerici minuta parvaque sint. Fenestellæ præterea a parte Confessarii configuratur tela tenuis saja, aut malitilla, quem buratrum dicunt. Similia legere est in variis Synodis, præsertim post S. Carolum celebratis. Ceterum licet olim alia esset Sedis Confessionalis forma, ad consu-

Iendum nihilominus puritati, & famæ Sacrorum Ministrorum, sapientissime in variis Conciliis provisum fuit, ut confessionea præsertim mulierum, iis adhibitis cautionibus exciperentur, ut nihil esset a tam necessarij Sacramenti administratione timendum. Atque hac spectat. Exemplum S. Hugonis Episcopi Gratianopolitani, de quo in ejus Vita Guido Carthusiensis ita scribit: *Mulierum confessiones non minus cante, quam devigne faciebat; non enim in angulis, aut obscuris, secretisque locis eas audire solitus erat, sed potius ubi a pluribus conspici posset. Et anrem quidem satis familiariter applicabat, oculorum autem in alteram partem vertebat aspectum; auditum solum propter infidias diaboli hujusmodi negotiis afferens applicandum.*

V. Sed omisiss hujusmodi exemplis, quæ longo afferri agnoscere possent, illud profecto passim ab Episcopis, & a Conciliis statutum fuit, ut confessiones, maxime mulierum, in loco Ecclesiæ patentius, omnibusque conspicuo, exciperentur, ne forte sinistra famæ aliqua suboriretur suspicio: *Confessiones mulierum*, ait S. Edmundus Cantuariensis Antistes in Constitutionibus suis, Cap. xvii. *audiantur extra velum, & in propatulo, quantum ad visum, non quantum ad auditum.* Concilium vero Colonienſe anno Christi mcccxxx. Cap. viii. sub pœna excommunicationis vetat, ne Sacerdotes in locis obscuris, & tenebrosis confessiones audiant. *Sub simili pœna prohibet, ne Sacerdos mulierem, qua sola sit in Ecclesia, confitentem audiat;* jubetque, ut *Sacerdotes ante solis ortum, & post solis occasum nullatenus ad confessionem audiendam sedent, nisi in magna necessitate, & in loco illuminato, & aliquibus presentibus.* Ut confessiones in loco patenti Ecclesiæ, & non in occulto, audiantur, statuit etiam, ut alia pene innumera omittam, Concilium Provinciale vi. Beneventanum anni mcccxxiv. Tit. vi. Cap. vi. in fine, illud præterea mandans, ut *habeat Sacerdos sollicitudinem diligentem, ne, dum audit confessionem, respiciat in facie confitentem, & præcipue mulierem, quia dicitur facies mulieris ventus arens.* Tum allegato in ejus rei confirmationem testimonio Oseæ, illud quoque præcipit, ut *Sacerdos ipse caput in capite vestitum teneat, & caput inclinatum.* &c. Similia legere est in antiqua Statuta Synodaliſus Eliæ Uticensis Episcopi, quorum locum descripsit creditissima Edmundus Martene Lib. i. *De antiquis Ecclesiæ ritibus*, Cap. vi. Article 111. num. ix.

VI. Quoniam insuper ex præscripto nostri §. Sedes ipsa Confessionalis non modo patenti, conspicuo, verum etiam & apertæ Ecclesiæ loco posita esse debet, operæ pretium duxi & illud notare, quod de situ Confessionalis in Ecclesiâ constituendum præscripsit S. Carolus citato Lib. i. Instructionis Fabricæ Ecclesiæ, Capite xxiii. in fine: *A latere Ecclesiæ, inquit, extra Cappella majoris ambitum loco aperto, patentique Confessionalia constituantur, partim a Meridionali regione, partim a Septentrionali. In aliis etiam Ecclesiis locis pro ratione amplitudinis, & situs Ecclesiæ Episcopi concessu aliquando collocare licebit, ut in Cappellis quibusdam ample patentibus, aut in earum aditu, vel limine.* Tum vero locum Confessarii, & Penitentis locum in ipso Confessionali describens, ita subjicit: *Confessionale in Ecclesiâ sicut ab Evangelio, quod in Altari majori recitatur, latere collocabitur, tunc penitentis scabellum, & fenestella a dextra Confessarii sit; rursusque ab illius sinistrali, cum a latere Epistolæ illud erit, ut & Confessarius a parte superiori Ecclesiæ semper sit; penitentis aspectu sit ad majus Altare, caputve Ecclesiæ versus.* Sed loquitur hic S. Carolus de Confessionali forma suo ævo usitata, in quibus scilicet ab una tantum parte, in qua erat fenestella cum crato perforata, confessiones penitentium audiebantur. Sed hodie alia est Confessionalis constructio, in quibus ab utroque latere extat fenestella cum crato prædicta, & parva etiam tabula unciniis ferreis innixa, ut ea claudi, aut aperiri possit, ad hoc ut dum Confessarius ab una parte confessionem penitentis excipit, penitens alter in alia parte existens audire nequeat verba ab eo prolata. Ceterum nequid de Confessionali Sede in hoc Commentario desideretur, mandat quidem S. Carolus in suo Provinciali iv. Concilio Mediolanensi, Constitutionum Parte II. ubi agit de iis, quæ ad Sacramentum Penitentiae pertinent; ut nempe in Confessionali hæc affixa fiat, *Sacra scilicet Imago, Litera processus die Causæ Domini quotannis edita, tabella casuum, quos sibi Episcopus reservavit, forma absolutionis, & orationes præterea preparatoria ad Sacram Confessionem audiendam impressa.* Atque hæc quidem in interiori parte Confessionalis, ubi sedet Sacerdos, nam puto, etiam in exteriori parte, ubi genuflexit penitens, debere esse affixam super fenestellam Confessionalis, aliquam Christi Crucifixi imaginem, ad excitandam penitentia compunctionem, ut moris est.

§. IX.

Superpelliceo, & Stola violacei coloris utatur, prout tempus, vel locorum feret consuetudo.

COMMENTARIUS.

I. Præscripta est in variis Conciliis hic ritus, ut Sacerdos sacras confessiones exceptura, indutus sit Superpelliceo, & Stola. Id jam inter alia statuit Concilium Colonienſe anni mcccxxiii. Cap. viii. *Ut Sacerdotes, inquit, induti Superpelliceis, vel Cappa, Stola superposita, ad confessionem sedent.* Idem legitur in multis aliis Synodiis, ac præsertim in Beneventana vi. Provinciali anni mcccxxiv.

Tit. vi. Cap. vi. in fine, ubi expresse præcipitur, *quod illi, qui confessiones audierint, in loco patenti Ecclesiâ, & non in occulto, & cum Stola in collo audiant confitentem.* Sed audiendum præterea puto S. Carolum, qui discipline Ecclesiasticæ peritissimus, & reverentia administrationi Sacramentorum debite observatissima, tam alibi, tum præsertim in Concilio Provinciali v. Mediolanensi, Capite inscripto, *Quæ ad Fe-*

nitentia Sacramentum pertinent, sic inter alia statuit: *Episcopus, quo decentius, atque adeo religiosius Sacramenti hujus administratio fiat, Presbyteris Confessoribus etiam qui alienis Congregationibus Clericorum Regularium, alteriusque Societatis Regularis sint, ad audienda Confessionis officium ne admittat, nec illam audire etiam in suis Ecclesiis sine Superpelliceo, & Stola patiatur. Efficat vero, ut reliqui Regulares, tam Monachi, quam Mendicantes in hoc ministerio habitum, vestitumque adhibeant, quem ex Regule prescripto in Choro ad Divina Officia celebranda adhibent. In his Canonici Regularis Congregationis Lateranensis censeantur, cum ad Rochetum Cappam etiam infuscat adhibent. Rarius ut alia ejus Concilia omittat, in Instructionibus de Sacramento Penitentiae, quas Episcopi prae omnes in Diocesi suis servandas Sacramentibus Confessoribus praescribunt, sic habet: Superpelliceo, & Stola violacei coloris utatur, nec*

vero unquam stant, sed sedens audiet, & absolvet &c.

II. Extant & in hanc rem variis Sacrae Rituum Congregationis Decreta, etque Edicta. Summorum Romanorum Pontificum, quibus distincte praecipitur Confessoribus, si scilicet Presbyteri saeculares, vel Regulares sunt, ut in Confessionibus sudiendis, in Ecclesia scilicet, & in Confessionali Sede, Superpelliceum, & Stolum violaceum adhibeant; si vero Monachi, aut Fratres Mendicantes, Stolum. Ceterum licet ex uoluntate s. praescripto videatur posse omitti Superpelliceum ipsum, & Stolum, si aliter ferat consuetudo locorum, puto nihilominus, ubi in Ecclesia, & in Sede Confessionali Penitentiae Sacramentum administratur, adhibendum esse Superpelliceum, ac Stolum a saecularibus Presbyteris, a Regularibus vero, quicumque illi sint, Stolum juxta memoratis Sacrae Congregationis Decreta, ac omnium fere Diocesium statuta,

§. X.

Penitens, si opus fuerit, admoneatur, ut qua decet humilitate mentis, & habitus accedat, & flexis genibus signo Crucis se muniat.

COMMENTARIUS.

I. Probatissimus antiquus ille mos fuit, ut peccator Confessionem acturus, humilitatem vultu, & habitu praeficiens, ad Sacerdotem accederet: *Exomologesi*, inquit Tertullianus in Lib. De Penitentia, Cap. viii. *proferendi, & humiliandi hominis disciplina est. . . . Presbyteris ad oculi, Saceris Dei ad geniculari*. Ea de causa antiquissimi Romani Ordines, vulgates Alcinus, Codicesque Rituales multi jubent, ut ante omnia baculos, si quos habent poenitentes, deponant; idemque dicendum de gladiis, ensibus, & armis. Hanc humilitatem ut magis magisque exhiberet Pippinus Francorum Rex, non designatur *est gratia confessionis discretus Sanctum Vironem adire, ejusque imperio parere*, ut habent Acta Vitae S. Vironis apud Bollandum die vii. Maji. Prostratum non nisi ad terram conlocuisse poenitentem poenitentiam postulare, docent memorati Romani Ordines, ac Rituales Libri non pauci, quibus accedit Concilium Romanum sub S. Zacharia Papa, Actioe I. in qua agitur de presumptione Adalberti haeretici, qui venienti populo, & prostrato ante pedes ejus, & cupienti confiteri peccata sua dicebat: Scio omnia peccata vestra, ideoque non opus est confiteri ea.

II. Quamquam vero poenitentiam petiturus prostratus ad terram ante pedes Sacerdotis jaceret, suls tamen a Sacerdote super poenitentem precibus nonnullis, cum coram se sedere Sacerdos jubebat, tum de Fidei Symbolo, Oratione Dominica, deque variis peccatis, eorumque circumstantiis interrogabat, ut fidem facient Rituales Libri a Morino editi in celeberrimo Opere, De administratione Sacramenti Penitentiae, & a Martene Lib. I. De antiquis Ecclesiae ritibus, Cap. vi. Article VII. ubi varios antiquos Rituales Ordines describit, quales inter alios sunt duo insignis Ecclesiae S. Gaudii annorum circiter CM. ex quibus illud cantum, est, ut, cum

cesserit ad Sacerdotem poenitens, si laicus est; dimisso baculo; quisquis vero ille est, sive laicus, sive Clericus, sive Monachus, supplexiter se inclinet ante Sacerdotem. Deinde jubet eum Sacerdos sedere contra se, & interroget, ita dicens: Credis in Patrem, & Filium, & Spiritum Sanctum? Respondet poenitens: Credo. Interrogatio. Credis, quia istae tres Personae, quas modo dixi, Pater, & Filius, & Spiritus Sanctus, unus sit Deus? Respondet: Credo. Sequuntur & aliae interrogationes, quas longum esset hoc loco referre. Patet hujusmodi interrogationum ritus ex Actis S. Bertholdi Abbatis Garsenensis apud Surium die xxvii. Julii, in quibus Cap. xiiii. sic legimus: Habebat Vir Beatissimus in confessionis auditione consuetudinem diligentissima indagatione eundem servari, qua contra Deum homo fecisset, si Catholicum teneret Fidem, si sciret Dominicam Orationem &c. Hinc etiam secundum antiqua Statuta Eliæ Episcopi Uticensis, debet eum, poenitentem scilicet, interrogare Presbyter, utrum sciat, Pater noster, Credo in Deum, Ave Maria.

III. Quod antea, non genuflectendo, sed sedendo etiam a Monachis confessio fieret, demonstrat Martene in Commentario ad Regulam S. Benedicti, Cap. XLVI. Invenit vero Saeculo XIII. capisse saeculares viros genibus flexis Sacerdoti confiteri, asserit idem Martene citato Libro I. De antiquis Ecclesiae ritibus, Capite vi. Article III. uum. v. quod tamen nullo idoneo monumento probat. Ait, ea in re mirum fuisse nostris Ioschimi Abbatis Monasterii Florentis constantiam in Imperatricem Constantiam, de quo Lucas Consentinus in nostra ceteriori Calabria Episcopus haec habet apud Bollandum die II. Maji: *Sexta Feria Parasceve sedebam cum eo in Claustro Sancti Spiritus de Panormo. Et ecce vocatur ad Palatium fuit ad Imperatricem Constantiam, qua illi confiteri volebat. Igitur, & invenit*

venit eam intra Ecclesiam in Sella consueta sedentem. Jussus autem sedere in sella pro ipso posita sedet. Sed cum Imperatrix aperuit ei propositum confitendi eam, qua debuit, auctoritate fronsavit, & respondit dicens: Quia ego nunc locum Christi, tu vero poenitens Magdalenes tenes, descende, sede in terra, & ita fideliter consistere, aliter non debeo te audire. Descendit, & sedit Imperatrix in terra, & humiliter confessa est peccata sua. Labente Saeculo XIV. habitum fuisse rationem status, & conditionis confitentis, num scilicet sedere deberet, vel genuflectere, addicere licet ex Concilio Provinciali VI. Benevento anni MCCCXXIV. Tit. VI. Cap. VI. in fine, ubi inter alia jubetur Sacerdos, ut confitentem maxime mulierem & transverso ad pedes humiliter ponere inducat, sedendo, vel genuflectendo, prout etas, & qualitas ipsius confitentis requirit.

IV. Quicquid autem de hac praxi sit sessio- nis poenitentium in Confessione, quae hodie adhuc in Oriente servatur, quamque alias excusant Morinus in dicto Opere, Lib. IV. Cap. XX. num. 111. & Martene loco citato, quis scilicet cum olim non ita frequentes essent Fidelium Confessiones, nec tam brevi temporis intervallo conficerentur, grave, ac molestum fuisset poenitentibus, ex quibus nonnulli infirmi esse poterant, & senes, per plures horas genibus flexis manere, pervetustam disciplinam instaurator S. Carolus in Provinciali V. Mediolanensi Concilio, Capite, *Qua ad Poenitentia Sacramentum pertinet*, recte statuit, ut, quod in Sacramento Poenitentiae magna humilitas necessaria est, poenitentes cum ad Confessarium, qui Christi Domini locum in eo ministerio tenet, accedant, in timore uniui dolore, omniq. humilitate, non subfessis privimaribus, si necessitas aliud non possulat, se se ad illius pedes projiciant, ac prosternant. Id quod ab Apostolici usque temporibus in more, usque positum est, ut se reos agnoscant, atque prostentur mortis aeternae. Mandat praeterea, ut, dum confitentur, sint manibus junctis, digitis paululum ercitis, oculis dimissis. Sed audiamus Tridentini Concilii Catechismum, Parte II. De Poenitentia Sacramento, num. LVII. ubi caeremonias ad Confessionem adhibendas recenset: Si quemadmodum, inquit, Confessionem a Domino Salvatore institutam esse Fideles docendi sunt, ita etiam monere eos oportet quosdam ritus, & solennes caeremonias Ecclesiae auctoritate additas esse; quae etsi ad Sacramenti rationem non spectant, ejus tamen dignitatem magis ante oculos ponunt, & confitentium animos pietate accensos ad Dei gratiam facilius consequendam praeparant. Cum enim aperto capite ad pedes Sacerdotis subjecti, demisso in terram cultu, supplex manus tendentes, atque hujusmodi

Christiana humilitatis signa dantes, quae ad Sacramenti rationem necessaria non sunt, peccata confitemur, ex his perspicue intelligimus, eum in Sacramento calessem vim agnoscendam, tam a nobis Divinam misericordiam summo studio requirendam, atque effugendam esse.

V. Hinc merito monet S. Carolus in suis Confessorum Instructionibus, & alibi, ne hi ad Confessionem imparatos admittant: *Moneant*, inquit, ne ad Confessionem admittant, quos sine debita interiori, aut exteriori preparatione accedentes vident; eo ideo verbis quidem lenioribus pro cuiusque capacitate praeparandos dimittant. Sed notanda praefertim, quae statim subiicit: *Nullas Confessor mulieres excipiat, quae ad eum accedunt pigmentis, fuso, inauribus, variis ornamentis, & ex auriporgio vestibus, alioque vano suavi apparata; sed quae non nisi habitu modesto, & simpliciter induuntur, & velato capite, itant velum non sit subtilius, sed pannum sit ex lino, aut lana, aut sericum colore obscuro tinctum; tam ea denique, quae ad tantum Sacramentum, & ad compunctionem, seu contritionem, cum quae ad Dei tremendi Tribunal, & iudicium sibi debet, reverentia requireretur.* Idem ait servandum cum viris, ut uirum nec ad Confessionem li admittantur, qui variis ornamentis, auro, aut argento, aut pileorum ornatis exaltati, aut eam armis, & huiusmodi rebus ad Sacramentum audent accedere.

VI. Quid ait tandem hic noster s. ut poenitens antequam peccata confiteri incipiat, signo Crucis se muniat, recte & id quidem praescriptum est, ob mirabiles ipsius signi virtutes ad fugandas daemonis insidias, & ad pellenda peccata, uti inter alios Patres docet Prudentius in Hymno ante somnum sic inquisiens.

*Crux pellit omne crimen
Fugiant Crucem tenebrae.
Tali dicata signo,
Mens sustinere nefas.*

Porro in Sacerdotali Romano admonetur etiam Sacerdos, ut doceat poenitentem, si nefas facere sibi signum Crucis, quod fieri debet hoc modo. *Primo manum dextram ponat super frontem, & dicat: In nomine Patris; quia Pater est principium totius Deitatis, ut dicit Augustinus. Deinde super umbilicum, & dicat: Et Filii; quia Filius aeternaliter procedens a Patre descendit temporaliter in ventrem Virginis. Deinde ponit manum ad scapulam sinistram, trahens illam ad dexteram, dicendo: Et Spiritus Sancti; quia Spiritus Sanctus procedit ut amor, & est tanquam nexus Patris, & Filii, ab utroque procedens. Et nos a sinistram, id est a tribulationibus huius Mundi transire speramus ad dexteram aeternae felicitatis. Deinde elevata manu dicat, Amen, id est, Fiat.*

§. XI.

Mox Confessarius inquirat de illius statu, nisi aliter notus fuerit, & quam pridem sit confessus, & an impositam poenitentiam adimpleverit; num rite, atque integre alias confessus fuerit; num conscientiam suam, ut debet, prius diligenter discusserit.

COMMENTARIUS.

I. **F**uit alicubi mos, ut Sacerdos antequam poenitentem de iis interrogaret, qua in hoc nostro s. notantur, ita primum po-

nitenti diceret: *Frater pro qua causa venisti ad istam Ecclesiam? Qui poenitens postquam respon-*
disset, Ego veni ugere poenitentiam meam de pec-
ccatis

catis meis, mittebat manus suas inter manus Sacerdotis, dicebatque tribus vicibus: *In manus tuas Domine commendo spiritum meum*. Tum Sacerdos preces recitabat, nempe: *Suscipimus Deus misericordiam tuam in medio Templi tui*; cum Psalmo: *Magnus Dominus, & laudabilis nimis, Gloria. V. Sicut adieceris, Kyrie eleison. Pater noster. Et ne nos. V. Saluum fac servum tuum. R. Deus meus. V. Mitte ei auxilium de Sancto. R. Et de Sancto. V. Domine exaudi. R. Et clamor. Et sequebatur Oratio: Deas, qui iustificas impium, & non vis mortem peccatoris, Majestatem tuam suppliciter deprecamur, ut sanulum tuum de tua misericordia confidentem caelesti protegas benignus auxilio, & assidua protectione censes, ut tibi iugiter famuletur, & nullis tentationibus a te separetur. Per. Ita plane in multis Ritualibus, ac praesertim in ms. Pontificali insignis Ecclesiae Aqueensis annorum circiter DC. ex cuius etiam praescripto prosternebat se peccator in terram ante Altare, & Sacerdos dicebat Litaniarum una cum versiculis, & aliis Orationibus, quas legere est apud Martene citato toties Lib. I. *De antiquis Ecclesiae ritibus*, Cap. vi. Articulo vii. Ordine xiv.*

II. Ad interrogationes quod attinet faciendis ex praescripto nostri §. a Confessario ad penitentem, nisi alter notus fuerit, ut ait hic idem §. inquirere debet de illius statu, & quampridem *se confessus*. Interrogandum de ejus statu, ac ministerio penitentem, Synodi passim, ac Rituales antiqui Libri praescribunt, ac praesertim S. Carolus in Instructionibus de Sacramento Penitentiae, ubi etiam illam clausulam subdit: *Si enim minimus moritur*. Ratio ejus interrogationis est, quia in quovis statu hominis, ministeriove adsunt precepta obligatoria, contra quae delinquere quisque potest, ac solet. Vulgaris, ac notissimus est casus Confessarii illius, qui Sacramentum Penitentiae administrans Carolo V. Imperatori, post audita peccata ab ipso accusata, cum nihil aliud habere, quod confiteretur, subjunxisset, cum suaverit, sed argue redarguens, ea verba protulit: *Dixisti peccata Caroli, dic nunc peccata Caesaris*. Porro Libellum edidit anno MDLXXXIV. Laurentius de Pizzis Confessarius Monialium Murani prope Venetias, Italice scriptum, cui Titulus, *Confessionario*, in quo compendiose traditur methodus servanda a quacunque persona, cujusvis gradus sit, exercitiae, in confitendis peccatis. In eo Magnates, Equites, Cives, Milites, Judices, Advocati, Doctores, Magistri, Scribae, Medici, Barbitonfores, Aromatarii, Librarii, ipsique bubulci, aliaque personarum genera nominatim instruuntur circa peccata status sui, seu artis, quam proficuntur, & remedia opportuna injunguntur. Meminit hujus Libelli Barrufeldus in suo ad hunc §. Commentario, optimumque esse ait, ut quis hoc exiguum Opusculum ampliaret, expurgaret, atque illustraret.

III. Mandat praeterea noster §. ut Confessarius Penitentem interroget, *quampridem confessus sit, & an inopem penitentiam impleverit*. Idem citato loco S. Carolus praescribit. Sed fateor equidem, innumeris fere me reperisse penitentes, qui interrogati de die ultimae confessionis ab ipsis peractae, necesse se respondebant; & quod mirum erat, ut ut plurimum erant, qui sepe confiteri soliti erant. Ceterum ea temporis in-

Tom. I.

terrogatio, ex quo penitens non est confessus, eo etiam tendit, quia, ut ait Sacerdotale Romanum citato loco, *quandisque tenetur saltem semel in anno, cum ad annos discretionis pervenerit, confiteri, & communionem accipere, Deo penitentis, & remissionibus, Capite, Omnis. Quod si non fecerit, mortaliter peccavit, & toties, quoties proposuit non facere, deliberato animo, etiam mortaliter peccavit*. Explicat mox qui sint anni discretionis, de quibus nos infra opportunius; ac deinde consentanea ad hunc nostrum §. interrogandum etiam ait penitentem, *si fecit penitentiam pro peccatis mortalibus confessis*; quia si non fecit eam ex dolo, peccavit, & tenetur eam facere, si habet eam in memoria; quod si non habet eam in memoria, tenetur iterare. Confessionem secundum opinionem magis communem; quia Sacramentum Penitentiae sine satisfactione non habet ultimum suum perfectionem, eo quod non pars deficit ei. Addit quoque, posse eam penitentiam, si penitens illius recordetur, a Confessario commutari, dummodo non fuisset data sibi a Superiore, puta ab Episcopo propter peccata, & casus, a quibus ipse, vel alius inferior non posset abstinere.

IV. Roriss ex praescripto nostri §. interrogandus est penitens, *nam rite, atque integre alias confessus fuerit*. Id quod etiam Romanum Sacerdotale sic explicat: *Interrogandus est etiam peccator, si in ultima confessione malitiose tacuit aliquod peccatum mortale, vel quod credidit esse mortale, quin peccavit mortaliter violando Sacramentum Penitentiae, cum absolutio facta sit propter ejus malitiam super indebita materia, & indisposita, & ideo tenetur iterare Confessionem illam, & omnes praecedentes Confessiones imperfectas, quia in illis, quas hoc modo fecit, non fuit vere Sacramentum Penitentiae*. Atque haec certa est, & communis Patrum, atque Theologorum sententia, quibus inhærens Tridentini Concilii Catechismus, Parte II. *De Penitentia Sacramento*, num. lxiv. sic inquit: *Sed ad Confessionem adeo necessariam est, ut, quod antea diximus, integra, & absoluta sit; ut si quis de diti opera, alia quidem ex iis, quae explicari debent, praeferat, alia vero tantummodo confiteatur, non solum ex ea Confessione in eammodum nullam consequatur, sed etiam novo fecere se obstringat; neque ejusmodi peccatorum enumeratio, Confessionis nomine, in qua Sacramenti ratio inest, appellanda est; qui potius penitentem Confessionem repetere est necesse; sequae ipsam illius peccati rem facere, quod Sacramenti sanctitatem simulatione Confessionis violaverit*. Atque hic non omitendum, quod mox idem Catechismus subjicit sequenti num. lv. *At vero si alia de causa Confessanti aliquid desinisse videatur, vel quia penitens nonnulla crimina oblitus fuerit, vel quia conscientia sua latebras non ita accurate perquisierit, cum tamen illud in animo haberet, ut integre peccata omnia confiteretur, nihil ei opus erit Confessionem iterare; satis autem habebit, si quando peccata, quae oblitus erat, in memoriam reduxerit, ea Sacerdoti alio tempore confiteri*.

V. Ex praescripto insuper ejusdem nostri §. interrogandus est penitens, *nam conscientiam suam, ut debet, prius diligenter discussisset*. Huc plane facit, quod subdit idem Catechismus Tridentini Concilii sequenti numero lxvi. sic in-

C c

quicus : *In quo tamen animadvertendum est, ne forte nimis dissolute, & remisse conscientiam nostram scrutati finis, adeoque negligenter peccata admissa memoria repetere studuerimus, ut ea ne recordari quidem voluisse merito videri possimus; id enim si factum fuerit, Confessionem iterare oportebit.* Accuratum, ac diligeus conscientiam examen confendum plane est illud, in quo ea diligentia adhibetur, quam in gravioris momenti negotiis adhiberi assolet ex communi Theologorum sententia. Fateor tamen, triginta fere annis, quibus sacras aulas Romæ in Templo S. Hieronymi Caritatis confessiones, illud me expertum super, quod ajunt non sine animi sensu Patres Concilii Provincialis vi. Beneventani, anni MCCCLXIV. Tit. vi. Capite vii. §. Item doceat, multos nempe ejus ævi dicere confuervisse, cum essent coram Confessore : *Domine dicatis pro me confessionem, quia ego ignoro.* Subdant

mox memorati Patres, tales multos utriusque generis in sacra Visitatione invenisse; & utinam, inquit, non proveniat ex negligentia, & ignorantia Curatorum, de quorum vanis animis taliam exigantur.

VI. Unum adhuc restat, quod hactenus dictis addamus, quod nempe in citatis suis Instructionibus de Sacramento Penitentiae docet S. Carolus; postquam enim dixit, interrogandum esse penitentem, an examinanda sua conscientia, antequam ad Confessionem accesserit, diligentiam, prout opus est, adhibuerit, ita statim subjicit: *Alioquin differenda esset confessio.* Quod quidem de eo intelligendum nonnulli putant, qui negligentia ab incertis derivante examen ipsum minime adhibuerit; nam alias si hoc negligentia ab ignorantia, & ruditate proveniat, tunc si tempus suppetat, posset eum Confessarius instruere, & dare manus, ut examen conficiat.

§. XII.

Quod si penitens aliqua censura, vel casu reservato sit ligatus, a quo ipse non possit absolvere, non absolvat, nisi prius obtenta facultate a Superiore.

COMMENTARIUS.

I. Spectant ad hujus §. explicationem, quæ S. Carolus in suis Instructionibus, De Sacramento, Capite inscripto, *Quæ in ministracione Sacramenti Penitentiae Parochus, & Confessarius observet*, inter alia præscripsit his verbis: *Si censura, aut peccato penitent sit irretitus, a quo ipse non possit absolvere, ne tamen eum rejiciat, sed potius juvare studeat; quæ in re enim liceat eum a quibus potest absolvere, & pro reservatorum absolutione mittere ad eum, qui habet absolvendi facultatem; videbit tamen, antram animæ illius magis consulatur, si ipse absolvendi facultatem impetret coram, si fieri possit, aliqui per literas saltem, idque caute, quan-*

tum fieri possit, ut ita penitentem suo tempore ab omnibus peccatis absolvat. Tum vero mox subdit: *Caveat, ne excommunicatum prius absolvat a peccatis, quam ab excommunicatione sit solutus.* Et ratio est illa, quam tradit Sacerdotale Romanum loco in superiori Commentario citato, quia scilicet excommunicatus non est participes Sacramentorum; excommunicatio enim est exclusio a Sacramentis, communioneque Fidelium. Atque hæc est communis omnium Theologorum doctrina, in variis etiam Synodis expressa, ut penitens aliqua censura irretitus, prius ab illa, quam a peccatis debeat absolvi. Sed de hac re latius infra opportuniori loco dicemus.

§. XIII.

Si vero Confessarius pro personarum qualitate, cognoverit, penitentem ignorare Christianæ Fidei rudimenta, si tempus suppetat, eum breviter instruat de articulis Fidei, & aliis ad salutem cognitu necessariis, & ignorantiam ejus corripiat, illumque admoneat, ut ea postmodum diligentius addiscat.

COMMENTARIUS.

I. A Ntequam penitens confessionem peccatorum inciperet, interrogari consuervisse illum a Confessario de præcipuis Fidei capitibus, jam supra ostendimus in Commentario ad §. x. præscriptumque cum ritum legitimus in variis præfatis Sacramentorum Codicibus, qui quidem discrete mandant, præmittendam Fidei professionem Confessioni. Quod autem in hoc præfatis §. edicitur, ut si Confessarius pro personarum qualitate cognoverit, penitentem ignorare Christianæ Fidei rudimenta, si tempus suppetat, eum breviter instruat de articulis Fidei, & aliis ad salutem cognitu necessariis, & ignorantiam ejus corripiat, illumque admoneat, ut ea postmodum diligentius addiscat,

constitutum etiam legitur in variis Synodis, ac præsertim in Provinciali vi. Beneventana anni MCCCLXIV. Tit. vi. Cap. vii. ubi inter alia mandat, ut Confessarius penitentem interroget de statu, & consuetudine sua, & regionis, ac loci; & si videat eum simplicem, vel idiotam, doceat Pater noster, & Ave Maria, & Credo in Deum; si nesciat, moneat, ac addiscat. Et paulo post: *Docet ergo Sacerdos articulos Fidei in Confessione, & præcepta Legis, & postea descendat ad peccata mortalia &c.*

II. Plura & in hac rem statuit S. Carolus in Concilio Provinciali v. Mediolanensi, Capito inscripto, *Quæ ad Prædicationem verbi Dei, & Doctrinam Christianam pertinent*, §. Primo om-

ribas &c. Et in Concilio Provinciali v. Capite, *Qua pertinent ad Pœnitentia Sacramentum*, §. *Quo faciliorem &c.* itemque in Instructionibus Confessorum, & de Sacramento Pœnitentia, ubi expresse mandat, ut *Confessaribus quisque, antequam confessionem audiat, efficiat, ut pœnitens, ipso audiente, recitet Orationem Dominicam, Salutationem Angelicam, Symbolum Fidei, & Decalogum*. Tum vero paulo post subiicit, ut omnino perquiras, si rudes quidam homines ad confessionem accedentes Fidei articulos ignorent, & si opus esse videris, eos doceat, itant explicite eos, & intelligenter fiant, non autem quasi recitantes tantum. Cæterum posse Confessarios illam Fidei rudimentorum recitationem Concilio v. Provinciali Mediolanensi decretam, ac præscriptam pœnitentibus aliquando remittere, quos certo sciunt illa capita recte nosse, & si maxime, quibus Pœnitentia Sacramentum frequentius ministrabant, diserte idem S. Carolus citato Concilio v. Provinciali declaravit, sed illud tamen statim subiungens, Confessario cavendum, ne ejus recitationis munus illis concedat, quos certo non fecerit Fidei rudimenta memoriter tenere, ac recte nosse.

III. Porro ex variis Synodis, quas longum esset hic recensere, illud addicimus, quod ubi rudes persone, quæ præcipua Fidei mysteria ignorant, ad Confessionem accedunt, debeat ipso Confessarius instruere cum Christiana charitate, & patientia de principis Religionis, quæ scire tenentur, & si tunc non vacat, differre ad tempus opportunum, ut melius erudiat, simul-

que ipsis ostendat, eos sibi ipsis graviter nocuisse, negligentes ea addiscere, quæ necessaria sunt ad salutem, ac præterea, ut ait hic noster §. ignorantiam eorum corripiat, illosque admoneat, ut ea postmodum diligentius addiscant. Quibus plane concinunt, quæ tradit S. Carolus in laudato Concilio Provinciali v. Mediolanensi, ubi inter alia Confessariis præcipit, ut *eorum rerum si quos ignoras, rudesque offenderint, bone eorum spirituales socordiam acriter reprehendant, ostenduntque, quam gravis esse debeat illorum conscientia, ignorantia rerum, quæ ad salutem tantopere necessariae sunt*. Omitto hic illud notandum quammaxime censui, nequaquam debere Confessarium absolutionem illis impertiri, qui careat sufficienti notitia præcipuorum Fidei mysteriorum, tum quia, ut ait S. Thomas II. II. Quæstione II. Article v. 1. in Corpore, *tam majores, quam minores tenentur habere Fidem explicitam de Mysteriis Christi*; tum etiam quia contraria opinio, ac praxis damnata jam est ab Innocentio Papa XI. in Decreto contra LXV. Propositiones Casuistarum dato die II. Martii MDCLXXVII. quod dum sequentes Propositiones sunt confixæ, sexagesimaquarta, *Absolutionis capax est homo, quantumvis labores ignorantia Mysteriorum Fidei, & etiam per negligentiam etiam culpabilem nesciat Mysterium Sanctissimæ Trinitatis, & Incarnationis Domini nostri Jesu Christi*. Et sexagesimaquinta: *Sufficit illa Mysteria semel credidisse*. Quas propositiones saniores Theologi sequioris ævi egregie confutabant.

§. XIV.

Tum pœnitens confessionem generalem Latinæ, vel vulgari lingua dicat, scilicet, *Confiteor &c.* vel saltem utatur his verbis, *Confiteor Deo omnipotenti, & tibi Pater*. Peccata sua exinde confiteatur, adjuvante, quotiescumque opus fuerit, Sacerdote, qui consistentem non reprehendat, nisi finita, ut dicetur, confessione; neque interpellabit, nisi opus fuerit aliquid melius intelligere; proinde fiduciam ei præbeat, & humaniter suggerat, ut omnia peccata sua rite, & integre confiteatur; remota stulta illa quorundam verecundia, qua præpediti, suadente diabolo, peccata confiteri non audent.

COMMENTARIUS.

I. **A** Ntiquæ sunt, prolixæque generalis Confessionis formulæ, quæ passim occurrunt in antiquis Sacramentorum Libris, in quibus variè ad dandam pœnitentiam, pœnitentemque reconciliandos, ritus referuntur, uti videre est apud Morinum in Opere, *De administratione Sacramenti Pœnitentia*, & apud Martene Libro 1. *De antiquis Ecclesiæ ritibus*, Cap. vi. Article v. 1. Ordine 111. & aliis seqq. Sed his omissis, factò prius sibi pœnitens Crucis signaculo, de quo diximus in Commentario ad §. x. ex præscripto præsentis §. confessionem generalem Latinæ, vel vulgari lingua dicat, scilicet, *Confiteor &c.* vel saltem breviorẽ illam Confessionis formulam in eodem nostro §. relatam, *Confiteor Deo omnipotenti, & tibi, Pater*. Quod quidem patris verbum, quod Confessarius a pœnitente appellatur, satis ostendit, quanta, ac qualis debeat esse patientia, & charitas Confessarii erga pœnitentes in suffrendo eorum rusticos, & agrestes modos, ignorantiam, atque

imbecillitatem: *Memento te*, inquit S. Franciscus Salesius in suis Instructionibus ad Confessores, Cap. 1. *miseros pœnitentes initio confessionis sue vos statim Patres vocare; proindeque vos habere debere paternam erga illos affectum; eos summo cum amore amplectendo, rudes illorum indelem, ignorantiam, imbecillitatem, tarditatem, aliasque imperfectiones patienti animo ita tolerando, ut nunquam fatigari videamini in iis adjuvandis, quando aliqua in iis sperare spes emendationis*. Et paulo inferius: *Quœritur sicut filius prodigus licet redierit omnino nudus, fordidus, & putridus a parente, bonum tamen Pater eum amplectitur suaviter, osculatur, & præ gaudio lacrymatur, quia Pater ejus erat, & Patres erga suos liberos teneri esse solent*. Porro, quod, factò signo Crucis, debeat pœnitens dicere, *Confiteor*, prout dicitur in Missa, & si ignarus sit, debeat Confessarius una cum pœnitente Confessionem ipsam generalem facere *vulgari sermone*, præscripsit etiam Sacerdotale Romanum, Parte 1.

Tractatu 111. De Sacramento Pœnitentiæ, Capite XVI. alique Rituales Codices permulti.

II. At vero in Ordine ministrandi Sacramentum Pœnitentiæ, qui legitur Parte 17. Actum Ecclesiæ Mediolanensis in Instructionibus a S. Carolo concinnatis de ipso Pœnitentiæ Sacramento, ritus hic ita præscriptus est: *Com ad confessionem veniendum est, pœnitens primum manet se signo Crucis, dicens: In Nomine Patris, & Filii, & Spiritus Sancti, Amen. Deinde benedictionem ab eo petit his verbis: Benedicite Pater. Tum Confessorius inquit: Dominus sit in corde tuo, & in labiis tuis, ut digne, & competenter confitearis omnia peccata tua. Deinde pœnitens dicit Orationem Dominicam, Salutationem Angelicam, Symbolum Apostolorum, & Decalogum, eam ex supra explicatis debet; cum scilicet certo non scierit Confessorius, pœnitentem ea memoriter tenere, & recte nosse: Tum recitat Confessionem generalem usque ad ea verba, ideo precor; percutitque pectus ad ea verba, mea culpa &c. quam si memoriter nescit, adiuvante, suggerenteque Confessore, id præstet; & si opus est, etiam vulgari sermone. Hinc corrigendus abusus ille quorundam pœnitentium, qui nullo sibi facto Crucis signaculo, nec recitata generali Confessione latina, vel vulgari lingua, ut ait noster §. ex abrupto, ut dici solet, peccata recitare incipiunt. Sed nec solum pœnitentes, verum Confessarii ipsi longe magis reprehendendi sunt, qui scilicet pœnitentes permittunt eo modo confiteri.*

III. Pergit autem noster §. mandatuque, ut recitata longiori Confessione, vel saltem illa brevi, *Confiteor Deo omnipotenti, & tibi, Pater, de qua supra diximus, pœnitens peccata sua. exinde confiteatur, adiuvante, qualescumque opus fuerit, Sacerdote, qui confitentem non reprehendat, nisi fuerit, ut dicitur, confessione; neque interpellabit, nisi opus fuerit aliquid melius intelligere. Quibus concitit, quod ait Sanctus Carolus in memorato Ordine ministrandi Sacramentum Pœnitentiæ, his paucis verbis: Peccata sua exinde confiteatur, adiuvante, quotiescumque opus est, Sacerdote. Summa itaque patientia, & benignitate præditos esse oportet Sacramenti Pœnitentiæ Ministros, ut pœnitentium rusticitatem, ignorantiam, imbecillitatem, tarditatem, alioque defectus patienter ferant, eos pro virili juvent, paternæ charitate suscipiant, filii prodigii pium, ac misericordem Patrem imitentur, qui porcorum fœdibus squalidum, fatentem, dissipati patrimoniæ reum, meretricis amoribus inquinatum peramantem amplexus est, & super eum flevit, cavendam quammaximè Confessario, ne pœnitentem, dum confitetur peccata, reprehendat, nisi fuerit confessus, ut ait noster §. & ratio est, ne occasionem det ei peccata reticendi, ut frequenter contingit præsertim in rudium, rusticorum, puerorum, mulierumque confessione.*

IV. Hinc tum Patres, tum Synodi, Librique Rituales non pauci Confessarios monent, ut siqui pudore Impediti, vel timore deterriti peccata confiteri non audent, ipsis animos addant, ac dicant, nihil esse, quod vitia sua aperire vereantur, neminem hominem esse, qui infirmus, fragillisque non sit, & in gravia peccata cadere non possit: Sacerdotem hominem esse pœnitentibus similibus, peccatorem, qui compati sciat

peccatoribus: Christum non Angelis, sed hominibus ministrandæ pœnitentiæ auctoritatem commisisse, ne homines peccata sua detegere vereantur illis, qui nullam ad peccandum proclivitatem haberent: pudorem, & eruciatum æternum, temporali pudore, & dolore redimi eos, qui stulta quadam verecundia peccatum aliquod mortale, vel circumstantias speciem peccati mutant, vel aggravantes in confessione studiose omittunt, pudore suffundendos coram Christo, & Angelis ejus, omnibusque Sanctis, quibus eorum peccata in supremi Iudicii die manifesta, erunt: timendum non esse, cum se non habeat confessio pœnitentium, ut confessio reorum coram seculari Iudice, istos torqueri, ut erimen fateantur, confessos ad patibulum duci; illos Dei benigne, & patientia ad peccatorum confessionem invitari, confessos absolvi, & in Regnum Celorum recipi.

V. Plura insignium Patrum dicta in hanc rem videri possunt apud Natalem Alexandrum, *Theologia Dogmatica, & Moralis*, Lib. II. Capite VI. §. circa finem. Quibus addo quod eandem in rem edixit Concilium Provinciale VI. Beneventanum anni MCCCXXIV. Tit. VI. Capite VII. ubi Confessorius jubetur, *ut moneat eum, pœnitentem scilicet, familiariter, & benigne, ut omnia peccata sua confiteatur humiliter, nec ob verecundiam eiet aliquod, vel timorem, quia non est homini loentur, sed Deo, cuius persona ipse Presbyter repræsentat, qui non vult mortem peccatoris, sed ut magis convertatur, & vivat, dicendo sibi, quod & ipse Sacerdos peccator est, & quod ipse confessus non potest tot, & tanta peccata eorum misisse, quin alii majora, & plura commiserint, & quod illi, qui bene pœnitent, magis postea diliguntur ab eo, & a Deo, sicut patet in Beato Petro, & Paulo, & Luce, & Maria Magdalena, & multis aliis; & tota Celsitudo Caria gaudet in pœnitentia peccatoris, quia gaudium Angelis Domini super uno peccatore pœnitentiam agente. Dicit etiam: Præter confiteri, quia homines sumus, & sine peccato in hoc mundo esse non possumus; ostendendo sibi vilitatem peccati, nam si vere confessus fueris, & contritus, & propius amplius non peccare, Deus sine dubio remittet tibi culpam, & ego auctoritate Dei absolvam a pena æterna. Introducendo etiam ad compunctionem, & confessionem proponat sibi beneficia, quia contulit ei Deus, creando, & recreando, animæ aternitatem, vitæ brevitetem, mundi instabilitatem, fallaciam, & deceptionem, Christi pietatem, qui non venit propter iustos, sed propter peccatores, & quod Christus paratus est peccatorem ad gratiam recipere pœnitentem. Addit mox & alia motiva, quæ ne longior fiam, omitto.*

VI. Operæ autem illud pretium deo triplicem rationem explicare, qua pœnitentes soliti fuere sua confiteri peccata, verbo scilicet, nutu, aut scripto. Consuevisse aliquando confiteri per ipsum non modo mutos, obmutescen-
tisque infirmos, verum etiam loquentes, constat ex eodem Beneventano VI. Provinciali Concilio, loco citato, ubi ejusmodi confessio per nutum, sicut & illa per scriptum prohibetur: *Item non debet confiteri per nutum, nec per scripturam, sed viva voce, ore proprio, & principaliter, ut qui per se peccaverit, per se ipsum confiteatur, & erubescat. Exemplum confessionis*
nutu

nuta facta extat in Vita S. Francisci, Auctore S. Bonaventura, ubi Fratrís ejusmodi fit mentio, qui *cum tempore orationi vacant, tanta distractione flentium observabat, quod consueverit, non verbis, sed motibus econfiteri*. Singulare prorsus exemplum, quod cum alii admirarentur, solus, nec immerito, damnavit S. Franciscus. De Confessione per scriptum extat Roberti Episcopi Cenomanensis Epistola confessionis, quam in ægitudine positus direxit Episcopus circa muros Andegavis cum Carolo Principe in obsidionem Normannorum obsidentibus, petens ab eis absolvi, quæ habetur in Conciliorum Galliarum Tomo III. pag. 405. cum Epistola absolutionis, quam ei remisit idem Venerabiles Confessores de loco obsidionis, quæ inter absolutionis formulas legitur, quas ex ms. Codice S. Remigii Remensis profert Martene, Lib. 1. De antiquis Ecclesiæ ritibus, Capite vi. Articulo vii. Ordine xiv. pag. 85. incipitque: *Sicut principali constat sententia &c.*

VII. Abusus profecto antiquus est, ut aliquando confessio scripto, vel nutu fieret, idque patet ex Capite x. Libri, De vera, & falsa penitentia, S. Augustino adscripti, ex quo desumptus est Canon, *Quem pariter, De Penitentia, Distinctione 1. ubi de leprosis a Christo mundatus, & ad Sacerdotes missus dicitur: Precepit Dominus mundandis, ut ostenderent ora Sacerdotibus, docent, corporali presentia confitenda peccata, non per nuntium, aut per scriptum manifestanda. Dixit enim, ora monstrate, & omnes, non nunt pro omnibus, non aliam statutus nuntium, qui pro vobis offerat munus a Moysæ statutum; sed qui per vos peccasset, per vos erubescat. Erubescencia enim ipsa partem habet remissionis; ex misericordia enim hoc precepit Dominus, ut nemiñem peniteret in occulto. In hoc enim, quod per seipsum dicit Sacerdoti, & erubescencia vincit timore offensæ, venia fit criminis. Atque his concinit S. Thomas in Quodlibeto 1. Questione vi. Articulo 1. sic inquires: Ex institutione Ecclesiæ tenetur homo, qui potest, ut verbo confiteatur; non solum propter hoc, ut ore confiteatur magis erubescat, & qui ore peccavit, ore pargetur; sed etiam, quia semper in omnibus Sacramentis accipitur id, cuius est communior usus; unde & in manifestatione peccatorum convenit uti verbis, quibus homines communis, & expressus suus conceptus significare consueverant. Et certe, cum Sacerdos in Penitentia Tribunali sedeat ut Iudex vice Dei, jus habet interrogandi penitentiam, ut causam ipsius, ac statum omnino exploratam habeat, adeoque ore proprio respondere penitens debet.*

VIII. Confirmantur hæc magis magisque ex Concilio Tridentino, & ex ejus Catechismo, quorum primum Sessione xiv. Cap. II. ait, quod eos qui se postea crimine aliquo post Baptismum contaminaverint, ante hoc Tribunal, Penitentia scilicet, tanquam reos filii tuitur, Christus nempe, ut per Sacerdotum sententiam, non semel, sed quoties ab admisso peccato ad ipsum penitentes confecerint, possent liberari. Catechismus vero, Parte II. De Penitentia Sacramento, num. cxix. disertè docet, nemini omnino, neque per nuntium, neque per literas, quoniam, ea ratione nihil jam occulte agi potest, peccata econfiteri heere. His addit Decretum Clementis Papæ VIII. anno MDCII. editum, quo hæc Propositionem, *heere per literas, seu per internuntium Confessario absenti peccata sacramentaliter econfiteri, & ab eodem absente absolutionem petere, ad minus, uti falsam, temerariam, & scandalosam, se damnare, ac prohibere, declaravit; immo præcepit, ne deinceps ista Propositione in publicis, privatique lectionibus, & congressibus doceatur, neve unquam tanquam aliquo casu probabilis defendatur, aut imprimatur, aut quovis modo ad praxim deducatur, sub pena excommunicationis lata sententia Summo ipsi Pontifici reservata.*

IX. Cæterum non desere qui Propositionem ipsam a laudato Clemente VIII. in sensu dumtaxat complexo, & copulativo, non autem in sensu disjunctivo damnatam esse propagarent, adeoque penitentem posse in aliquo casu per literas, seu per internuntium confiteri absenti, etiam non possit ab absente absolvi. Verum partem utramque Propositionis a Summo Pontifice fuisse damnatam, inde constat, quod Sessionem, in qua celeberrimus Theologus Decretum Clementis Papæ VIII. in eum sensum detorquebat, ex ejus Commentariis eradi jussit ipse Pontifex; & doctissimus Cardinalis Bellarminus, necnon, Armacanus Archiepiscopus Petrus Lombardus, qui prædictum Clementem Papam privatim rogarent, quoniam ipsius mens fuisset, testati sunt, Sanctitatem suam declarasse, partem utramque Propositionis a se fuisse damnatam laudato Decreto, & prohibuisse, ne Confessio fiat absenti, quamvis absolutio in presentia danda esset. Rcm narrat Natalis Alexander Lib. II. Theologia Dogmaticæ, & Moralit, Capite v. Articulo v. Regula xxi. ubi etiam notat, absolutiones nonnullas, quæ circumferuntur, olim absentibus concessas, fuisse absolutiones a Censuris dumtaxat Ecclesiasticis, non a peccatis; vel ceremoniales tantum, & deprecatorias, non sacramentales, & judicarias.

§. XV.

Si penitens numerum, & species, & circumstantias peccatorum explicatu necessarias non expresserit, cum Sacerdos prudenter interroget.

COMMENTARIUS.

I. Confessario inter alia incumbere, ut si penitens numerum, & species, & circumstantias peccatorum explicatu necessarias non expresserit, eum prudenter interroget, recte ait hic noster §. Cum enim, ut di-

ctum superius fuit, Confessarius in Sacramento Penitentia, & Judicis, & Medici officio fungatur, debet profecto omnia rei crimina, omnes infirmi lethales morbos agnoscere, ut reum illum absolvat, ut infirmum ipsum curet. Hinc om-

omnes Catholici docent, formalem, ut ajunt, integritatem esse semper necessariam, ut confessio valeat. Posita autem est illa formalis integritas in accusatione eorum omnium peccatorum, quæ penitens hic & tunc confiteri tenetur, ita ut nullum, siue quoad numerum, siue quoad circumstantias explicatæ necessarias, absque ratione prætermittat.

II. Ad probandam Catholicam hanc veritatem jam nihil potest afferri luculentius posse, quam quod docet Concilium Tridentinum Sessione XIV. Cap. v. ubi semper Patrum, ac veterum Conciliorum doctrinæ, ac traditioni inherens, hoc primum dogma præmittit: *Ex institutione Sacramenti Penitentia jam explicata, universa Ecclesia semper intellexit, institutam etiam esse a Domino integram peccatorum Confessionem, & omnibus post Baptismum lapsis Jure Divino necessariam existere, quia Dominus noster Jesus Christus e Terris ascensurus ad Cælos, Sacerdotes simpliciter Vicarios velut tanquam Præsides, & Judices, ad quos omnia mortalia crimina deferantur, in quæ Christi fideles ceciderint, quo pro potestate Clavium, remissionis, aut retentionis peccatorum sententiam pronuntiant. Tum vero statim subiungit: Constat enim, Sacerdotes iudicium hoc, incognita causa, exercere non potuisse, neque equitatem quidem illos in penis inajungendis servare potuisse, si in genere damtaxat, & non potius in specie, ac singillatim sua ipsi peccata declarassent.*

III. His ita statutis, desinit primo laudatum Tridentinum Concilium, omnia omnium peccata mortalia, quæ post diligens examen occurrunt memoriæ, necessario subijci Confessione debere, non autem venialia, quæ citra culpam taceri posse, aliisque remediis expiari affirmat: *Ex his colligitur, oportere a penitentibus omnia peccata mortalia, quorum post diligentem sui confessionem, conscientiam habent, in confessione recenseri, etiam si occultissima illa sint, & tantum tum adversus duo ultimos Decalogi præcepta commissa, quæ nonnquam animum gravius sauciant, & periculosorum sunt illis, quæ in manifesto admittuntur. At mox, venialia peccata, quibus a gratia Dei non excludimur, & in quæ frequentius labimur, quamquam recte, & utiliter, citraque omnem præsumptionem in Confessione dicantur, quod piorum hominum usus demonstrat, taceri tamen citra culpam posse, aliisque remediis expiari. Tum vero ad ipsa mortalia peccata rediens, sic inquit: Verum cum universa mortalia peccata, etiam cogitationis, homines ira filios, & Dei inimicos reddant, necessum est, omnium etiam venialium tam aperta, & veracunda confessione, a Deo querere. Concludit tandem, & ait: Itaque dum omnia, quæ memoria occurrunt, peccata Christi fideles confiteri student, proculdubio omnia Divina misericordia agnoscentia exponant; qui vero secus faciunt, & scienter aliqua retinent, nihil Divina bonitati per Sacerdotem remittendum proponunt. Si enim erubescat agrotus vulnus medicum detegere quod ignorat, medicina non curat.*

IV. Desinit secundo ipsum Concilium citato Capite v. etiam eas circumstantias in confessione explicandas esse, quæ speciem peccati mutant, quod sine illis peccata ipsa, neque a penitentibus integre exponantur, nec iudicibus innotescant, & fieri nequeat, ut de gravitate criminum re-

ile censere possint, & penam, quam oportet, pro illis penitentibus imponere; unde alienum a ratione est, docere, circumstantias has ab hominibus otiosis excogitatas fuisse, aut unam tantum circumstantiam confitendam esse, nempe, peccasse in fratrem. Quibus verbis Lutheranoa damat, quod perperam contendere, penitentes non teneri accusare circumstantias, quæ peccatorum speciem mutant. Sed quod de circumstantiis dixit Tridentinum Concilium, jam longe auto constitutum fuerat in Generali Synodo Lateranensi IV. sub Innocentio Papa III. anno MCCXV. celebrato, Cap. XXI. quod relatum est in Capite, *Omnis utriusque sexus, De Penitentibus, & remissionibus, ubi expresse edicatur, ut Sacerdos more periti Medici superinsudat vinum, & oleum vulneribus sauciatis, diligenter inquirent, & peccatoris circumstantias, & peccati, quibus prudenter intelligat, quale debeat illi præbere consilium, & casusmodi remedium adhibere, diversis experimentis utendo ad sanandam agrotum. Atque huc spectat, quod idem Innocentius relatus in Capite, *Deus qui, Titulo citato, De Penitentibus &c. scriptis Episcopo Liburniculi: Consideratis circumstantiis omnibus, competentem penitentium delinquentibus imponentis, prout saluti eorum videritis expedire.**

V. Præteriri vero hic nullatenus debet, quod de peccati circumstantiis in Confessione exprimentis docet S. Thomas in Prima Secundæ, Questione LXXIII. Articulo VII. in Corpore, ubi scite explicat quænam sint circumstantiæ exprimentæ: *Peccatum, inquit, notum est aggravari per circumstantias tripliciter; uno quidem modo in quantum circumstantia transfert in aliud genus peccati; sicut peccatum fornicationis consistit in hoc, quod homo accedat ad non suam; si autem additur hac circumstantia, ut illa, ad quam accedit, sit alterius uxor, transfertur jam in aliud genus peccati, scilicet in adulterium, quod est gravius peccatum, quam fornicatio. Aliquando vero circumstantia non aggravat peccatum, quasi trahens in aliud genus peccati, sed solum, quia multiplicat rationem peccati, sicut si prodigus det, quando non debet, & cui non debet, multipliciter peccat in eodem genere peccati, quam si solum det, cui non debet, & ex hoc ipso peccatum fit gravius. Tertio modo circumstantia aggravat peccatum ex eo, quia auget deformitatem proveniente ex alia circumstantia; sicut accipere alienum constituit peccatum furti; si autem addatur hac circumstantia, ut multum accipiat de alieno, erit peccatum gravius.*

VI. Hætenus Anglicus Doctor, cui doctrinæ adherentes, Theologi non modo, sed & ipsi Episcopi, ac præsertim S. Carolus in suis ad Confessores Instructionibus, passim ajunt, Confessarium scire debere circumstantias, aut speciem mutantis peccati, aut illas notabiliter aggravantes, quia illæ circumstantiæ necessario in Confessione declarari debent. Atque hæc est doctrina, quam variæ Synodi servandam mandarunt relatæ a Geuetto Tomo IV. Theologum Moralis, Tractata VI. De Sacramento Penitentia, Cap. VI. Questione III. & quod notat dignum est, ipse Romanus Pontifex Maximus Innocentius Papa XI. cum in Decreto, quo LXV. Propositiones Cassuistarum damnavit, huic quoque numero LVIII. censuram iniecit: *Non tenemur Confessario interroganti sateri peccati alienius*

com.

consuetudinem. Cum enim conveniant Theologi, circumstantiam consuetudinis, seu habitus, esse circumstantiam solum notabiliter aggravantem intra tandem speciem; si tenemur eam in confessione exprimere, manifeste sequitur, debere nos explicare circumstantias notabiliter aggravantes, quamvis speciem non mutant. Vide Iuvenium in Opere, *De Sacramentis*, Dissertatione vi. *De Pœnitentia*, Quæstione v. Cap. vi. Articulo 111. §. 1. Cæterum, quod circumstantias, quæ peccatum non aggravant notabiliter, consilio potius, quam præcepto consisteri debemus, communis est Theologorum opinio, & ratio est, quia tanti non sunt momenti, ut impediant iustitiam iudicii, quod de pœnitentis conscientia facere Confessarius debet, neque vim remedium, quæ tanquam Medicus debet adhibere. Atque huc facit, quod ait Tridentini Concilii Catechismus, Parte II. *De Pœnitentia Sacramento*, num. LXIII. in Nota: *Quæ gravitatem rei magis non augent, sine crimine omitti possunt*.

VII. Neque insuper omittendum hic illud, quod Theologi docent, materiale scilicet Confessionis integritatem non esse semper necessariam; quia scilicet multe sunt casus, quæ ab huiusmodi integritate materiali pœnitentem libe-

rant. Prior est oblitio, quando scilicet quis, adhibita morali diligentia, non meminit alicujus peccati mortalis, cuius tamen reus sita parte rei. Ejusmodi causam recenlet quidem Tridentinum Concilium citato Capite v. Sessionis xiv. ubi sic ait: *Sed & impium est, Confessionem, quæ hac ratione fieri præcipitur, impossibilem dicere, aut carnisicam illam conscientiarum appellare; constat enim, nihil aliud in Ecclesia a pœnitentibus exigi, quam ut, postquam quisque diligentius se exensserit, & conscientia sua sinus omnes, & latebras exploraverit, ea peccata confiteatur, quibus se Dominum, & Deum suum mortaliter offendisse meminerit; reliqua autem peccata, quæ diligenter cogitanti non occurrant, in universam, eadem Confessione inclusa esse intelligantur, pro quibus fideliter cum Propheta dicimus, Davide scilicet in Psalmo xviii. Ab occultis meis munda me Domine. Altera causa est impotentia physica, ut si pœnitens, amisso vocis usu, nequeat peccata exprimere. Tertia esse potest, si pœnitenti grave damnum ex confessione alicujus peccati immineret, nam ut docent Theologi, liceret tunc haud dubie peccatum illud silentio premere, & indirectè absolutioni in peccata omnia, de quibus debitus dolor conceptus fuerit, rite cadenti, illud eradendum permittere.*

§. XVI.

Sed caveat, ne curiosis, aut inutilibus interrogationibus quemquam detineat, præsertim juniores utriusque sexus, vel alios de eo, quod ignorant, imprudenter interrogans, ne scandalum pariantur, indeque peccare discant.

COMMENTARIUS.

I. **Q**uamquam Confessarius, ut inter alios docet S. Thomas in iv. Sententiarum, Distinctione xix. *debet perferuntari conscientiam peccatoris in confessione, quasi Medicus vultus, & Judex causam, quia frequenter, quæ pro confessione consenti taceret, interrogatus revelat*; servanda tamen ab ipso est regula illa, quam hic nosse §. præscribit, quamque egregie explicat S. Carolus in Instructionibus, *De Sacramento Pœnitentia*, ubi sic inter alia inquit: *Prudent, cautusque erit, Confessarius nempe, in interrogationibus, ne rudibus præsertim, atque utriusque sexus junioribus, ad novum, & nunquam antea attentatum seculi occasionem aperiat, atque det*. Sed non omittenda, quæ statim

subjungit: *Hi tamen de peccatis, quorum nullum in Confessione mentionem fecerunt, & in quibus probabiliter existimari possunt deliquisse, prudenti cautione interrogandi erunt, ne aut pudore, aut ignorantia celent peccata*. Similia his tradit in Instructionibus Confessorum, sed illud tamen præsertim inculcat, ut summa prudentia mulieres, aut adolescentes interroget, ne eos, quod ignorant, doceat. Quod spectat ad carnis peccata, vult, ut summam adhibeat cautelam in eorum interrogatione, ut eum peccati speciem, & circumstantias graves audierit, a cæteris absterneat. Id ipsum passim & Synodi, ac Rituales Libri præscribunt, & Theologi communiter docent, præsertim vero Angelicus Doctor loco citato.

§. XVII.

Demum, audita Confessione, perpendens peccatorum, quæ ille admisit, magnitudinem, ac multitudinem, pro eorum gravitate, ac pœnitentis conditione, opportunas correptiones, ac monitiones, prout opus esse viderit, paterna charitate adhibebit; & ad dolorem, & contritionem efficacibus verbis adducere conabitur; atque ad vitam emendandam, ac melius instituendam inducet, remediaque peccatorum tradet.

COMMENTARIUS.

I. **D**e exhortatione, & monitione Confessoris ad pœnitentem, finita Confessione, egregie differit S. Carolus in suis, *De Sacramento Pœnitentia*, Instructioni-

bus, peculiari Capite, ubi sic habet: *Confessione audita, perpendens peccatorum, quæ ille admisit, magnitudinem, nempe qualia sunt, quam gravia, & quoties peccaverit, pro eorum gravitate,*

te, proque illius, qui commiserit, conditione, cohortationes, monitiones, pateram ebaritate adhibebit, atque correptiones etiam, reprehensionesque graves, prout opus esse viderit. Eadem hæc plane sunt, quæ initio nostri huius §. præscripta sunt. Sed multa tamen addit S. Carolus, quibus Confessarius ad eam cohortationem, monitionemque rite, recteque peragendam, instruitur. Porro Sacerdotale Romanum, Parte 1. Tractatu 111. Capite xix. quod inscriptum est, *Qualiter se habere debet Sacerdos cum penitente, audita ejus confessione*, ita inquit: *Audita Confessione, eum de his, quæ commisit, redarguat, & increpet secundum conditionem persequentis, & qualitatem delicti, pluri, & minus, & ostendat ei, quanta mala fecerit, & quid meritis propter illa peccata, scilicet debeant inferni in perpetuum, nisi misericordia Dei ipsum eripiaisset, & ei incus misisset accedendi ad Confessionem.* Optimum plane esset, ut Confessarius inter alia & illud monitum det penitenti, quod dedit Christus Dominus languido Probatica Piscinæ, Joannis Capite v. Ecce sanus factus es, jam noli peccare, ne deterius tibi aliquid contingat.

II. Necessaria sane est Confessario sollicitudo salutis animarum, quæ placere non querat hominibus, sed prodesse ad æternam eorum salutem procurandam. Quamobrem mollis, & remissus esse non debet, quinimo, ut ait hic nos-ter §. opportunas correptiones, ac monitiones, prout opus esse viderit, pateram ebaritate adhibebit. Hinc cavendum illi potissimum est, ne puerillum sub cuius cubito manus ponat, ut verbis utar Prophete Ezechielis, Cap. xiii. nec faciat cervicalia sub capite universæ ætatis, ad capiendas animas; ut penitentium præsertim nobilium, & divitum frequentior fiat ad ipsius Confessionalem Sedem concursus: *Puerillum quippe sub omni cubito manus ponere, est cadentes a sua rectitudine animas, atque in hujusmodi se delectatione reclinantes, blanda adulacione reserere. Quasi enim puerillum cubitam, vel cervicalibus caput jacentis excipitur, curæ correptionis duritia peccanti subtrahitur, eique mollioribus fovoris adhibetur, ut in errore mollior jaceat, quem nulli asperitas contradictionis pulsant.* Explicatio est S. Gregorii Papæ Parte II. Pastoralis Cure, Cap. viii. Arguendi profecto sunt non pauci id genus Confessarii, ac præsertim Religiosorum Sodalitiorum moderatores nonnulli, qui, ne Sodalitium penitentium numero decrescat, laxari omnia sinunt, nec ad Regularum præscriptum exigunt mores Sodalium, sed cuique suas esse volunt suæ quadra vivere; nec secus incipientes, quam illi Sacri Oratores, qui ut numerosa fruantur concione, verbum Dei adulterant, & ad ineptias verbi Dei tractationem rem omnium gravissimam indigam traducunt. At memuisse oportebat, Ecclesiam juxta Origenem Homilia xiv. in Hieremiam, ubi numero crevit, sanctitate decrevisse; idque est, quod scriptum est in Evangelio Matthæi Cap. xx. Oraculum illud Christi ore prolatum: *Muli sunt vocati, pauci vero electi.*

III. Scitissime hæc notat eruditissimus Theophilus Raynaudus unus ex plurimis, atque insignibus Societatis Jesu Scriptoribus, in celebri Differtatione, *De sobria alterius luxu frequentatione per Sacros, & Religiosos homines*, Capite xiii. §. viii. ubi etiam & alia hæc habet,

quæ digna censuimus hoc loco describere: *Sicut ergo Præfatus castrorum Domini eo nomine dignis factis est paucos habere, & probatos, quoniam multitudine florum infidelium stulte effertur; & sicut bono tractatori verbi Dei sat esse debet, si vel annus habeat proficientem, neglecto numero inapte applaudendum, nec proficientiam, ut Sanctus Chrysostomus præclare admonet Homilia in illud, Adhuc Regina &c. ita & quidem multo potiori jure necesse est, Confessariorum aibil de feracitate debita remittere, ne minuat prædictam mulieram corona frequens, scilicet, ut bene agebat in simili causa Tertullianus Libro, De velandis Virginibus, Cap. xix. Felices non facient, si plures erant, & non Dei gratia, vel merita cuiusque? Virgines Ecclesiam, an Ecclesia Virgines ornat Deo, five commendat? Siquid Tertullianus perperitatem commendat, qui denudationem capitis Virginum Dei satagebat inducere, ut ea quasi prærogativa pellecta plures ad Virginitatis professionem concurrerent. Hæc illic incongrui exhibitionem repudat Tertullianus, maleas, Ecclesiam de numero Virginum periclitari, quam de ruina, captatam eo philtro multitudinem facile consequente. Idem ad præsent negotium bæd difficile transferre liceat. Itaque Confessarii, quibus hæc cogitare perperita, & pensata erant, non carabunt de mulierum penitentium numero, in solam virtutem intenti; nec conciliatriculam, ac veluti lenam adhibebunt ignarum oblationem, nibil ad normam recti iudicii exigentem, quæ est turpis nundinatio prorsus indigna persona, quam Confessarius sustinet, cum potius sit penitentium agnoscere beneficio affici se a Confessariis.*

IV. Hæc & longe plura laudatus Auctor ad refellendam nimiam quorundam sui ævi Confessariorum molliem, qui multitudinis penitentium conciliandæ sibi causa, eorum vitis parcunt, tamen recidivi sunt, & in proxima peccandi occasione verserunt. Sed andiamus S. Augustinum, qui in Sermone xiv. alias de tempore clix. live in Libro, *De Pastoribus*, Cap. ii. sic ad rem inquit: *Astet, ut dicamus vobis. Vivite, ut vultis, securi estote, Deus neminem perdet, tantummodo Fidem Christianam reate. Non perdet ille quos redemit, non perdet pro quibus Sanguinem fudit. Etsi speculaculi volueritis oblectare animos vestros, ite. Quid mali est? Et festi ista, quæ celebrantur per universas Civitates in latitia corviantium, & publicis mensis se ipsos, ut patant, jucundantium, revera magis perditionem, ite, celebrate. Magna est Dei misericordia, quæ totam ignoscit. Tum vero paulo post: Hæc si dixerimus, congregabimus turbas ampliores; & si sunt quidam, qui nos sentiant, hæc dicentes non recte sapere, paucos offendimus, sed multitudinem conciliamus. Quod si fecerimus, non verba Dei, non verba Christi dicentes, eriam Pastores nosmetipsos perditionem, non oves. Operæ pretium duxi aurum hunc Augustini locum describere, quod non pauci, prophanas! Sacri homines inveniantur, qui, ut divitum, Magnatumque animos sibi conciliant, multa eidem sinunt, in quæ & prædicti Ecclesie Patres, & sequioribus sæculis zelantes Antistites in suis passim Synodis Provincialibus, Diocesanicisque vehementissime invecti sunt. Atque hæc facit acris illa reprehensio religiosissimi Cardinalis Bellarmini Concione v. 111. §. II. adversus Con-*

cellaribus adalstores fui temporis: Illi se Ministros, & dispensatores non agnoscent, qui quasi non essent Domino rationem reddituri, summa facilitate omnibus manus imponunt, & tam contrites, quam non contritos, quasi propria potestate, & auctoritate absolvunt. Ipsi sua imperitia, & superbia corrumpunt populos, & ei vera poenitentia viam praeculant: nec enim esset hodie tanta facilitas peccandi, si non esset tanta facilitas absolvendi. Sed ne nobis, cum Dominus rationem ponet eam servus suis. Illi ambitione, vel pecuniarum cupiditate, vel utraque stimulante, vixit divitiis, & nobilibus, nec solum viris, sed etiam feminis, quod nefas est, & horrendum, adulantur. Sed nec omittendum, quod paulo post subdit: *Pudet profecto hoc referre, sed quid agamus, cum multos non pudeat ista facere, & se ipsos, quibus serviunt, in gehennam perducere.*

V. At vera minime dissimulandum est, quod ait hic noster §. nempe, debere Confessarium, opportunitate correptiones, ac monitiones, prout opus esse viderit, paterna ebaritate adhibere. Neque enim adco rigidi, severique esse Confessarii debent, ut poenitentes dictarum asperitate a Confessione absterreant. Medicorum imitentur industriam necesse est, qui s maris potionibus nonnulli mellis, aut succi suavioris insillant, ut facilius ab aegris sorbeantur, ut docet S. Gregorius Parte III. *Pastoralis Cura*, Admonitione XVIII. Sed praestat hoc loco referre, quod Lib. I. De Poenitentia, Cap. I. scribit S. Ambrosius, Christi Domini exemplum adducens: *Ideo Dominus Jesus compassus nobis est, ut ad se vocaret, non deterreret. Mithi venit, venit humilis, denique ait: Venite ad me omnes, qui laboratis, & onerati estis, & ego vos reficiam. Reficit ergo Dominus Jesus, non excludit, neque obijcit, meritoque tales Discipulos elegit, qui Domine voluntatis interpretis plebem Dei colligerent, non repudiarent. Unde liquet, eos inter Christi Discipulos non esse habendos, qui dura pro miltibus, superba pro humilibus sequenda opinatur: & cum ipsi quaerant Domini misericordiam, nulli denegant. Hanc regalem inter alios sequutus est S. Odilo Abbas Cluniensis, de quo S. Petrus Damiani in ejus Vitis ita scribit: *In promulgandis porro iudiciis, ac modis poenitentiae praefigendis, tam pius erat, & tanta merentibus humanitate compatiens, ut nequaquam distictum Patris imperium, sed maternum potius exhiberet affectum.* Unde se reprehendentibus hujusmodi verbis solebat elegantius alludere. Etiam si dammandus sim, malo tamen de misericordia, quam ex duritia, vel crudelitate damnavi.*

VI. Restat nunc, ut ea explicemus, quae tandem idem noster §. statuit, non tria adhuc Confessario servanda edicit, & primo quidem, ut poenitentem ad dolorem, & contritionem efficacibus verbis adducere constet. Atque huc spectat, quod docet S. Carolus in suis Instructionibus, De Sacramento Poenitentiae, eo Capite, quod inscriptum est, *Quae in ministrante Sacramento Poenitentiae Parochus, & Confessarius observet*, sic inter alia inquit: *Antequam Poenitentiam imponat, & absolutionem tribuat poenitenti, videbit, non propter Deum veram peccatorum suorum contritionem habeat; atque certum, deliberatumque ei sit, in posteram, quantum in se est, Divina gratia adjuvante, a peccatis absti-*

Tom. I.

neret; & quae antea commiserit, pro his satisfactionem persolvere. Quod si ita animo affectum viderit, movebit, valdeque hortabitur, ut pro tanto beneficio maximas gratias Deo agat, ab eoque celestis gratiae praesidium petere nunquam desinat, quo adjunctis praevis cupiditatibus facile resistere possit. Pergit Sanctissimus Antistes, aliaque docet, quibus videret §. quammaxime illustratur: *Si vero talem contritionem illum non habere intellexerit, illius desiderio accendere conabitur, hoc admovent, propter Deum ipsum usque adeo, quantum potest, cum peccata dolere oportere, ut saltem, adjuvante Divina gratia, quam a Deo intus praestat, ex Sacramentoque virtute, ex attrito contritus fiat.* Concludit demum, & ait, quod si poenitens nullam contritionem, nec vera saltem attritionem, aut neque propositum abstinendi in posterum ab aliqua mortali peccato ostendat, cum minime Confessor absolvat; sed tamen cum salutaribus consiliis, & bonis operibus praefcribendis juret; quod idem praestat, si ante Confessionem id animadvertit, cavendo, ne quomquam asperius tractans, culpa sua indicat, ut vel desperet, vel a Confessione abhorrat.

VII. Alterum a Confessario observandum ex praescripto nostri §. illud est, ut poenitentem ad vitam emendandam, ac melius insititendam inducat. Ad veram enim contritionem spectat, ut ait Tridentini Concilii Catechismus, Parte II. De Poenitentiae Sacramento, num. XI. in fine, *ut poenitentem vitam emendandae certam, & stabilem cogitationem suscipiat.* Quod quidem variis Divinae Scripturae Oraculis probat, & primo ex Capite XVIII. Ezechielis Prophetae, ubi ita Deus ipse loquitur: *Si impius egerit poenitentiam ab omni peccato suis, qui operatus est, & studierit omnia praecepta mea, & fecerit iudicium, & iustitiam, vita vivet, & non morietur, omnium iniquitatum ejus, quae operatus est, non recordabor.* Et paulo post: *Cum aberit impius ab impietate sua, quam operatus est, & fecerit iudicium, & iustitiam, ipse animam suam vivificabit.* Ac paucis interjectis: *Convertimini, inquit, & agite poenitentiam ab omnibus iniquitatibus vestris, & non erit vobis in reatu iniquitas. Projicite a vobis omnes pravitationes vestras, in quibus praevaricati estis, & facite vobis cor novum, & spiritum novum.* Idem etiam Christus Dominus mulieri, quae in adulterio deprehensa est, praescripsit, Joannis Capite VIII. *Vade, inquit, & jam amplius non peccare.* Item paralytico illi, quem ad Probaticam Piscinam curaverat, Ecce, sit, *sanus factus est, jam non peccare; uti legitur apud eundem Joannem in Evangelio, Capite V.*

VIII. His, aliisque hujus generis Scripturae locis nititur Synodus Tridentina Sessione XIV. Cap. IV. ubi declarat, *Contritionem, cessantem a peccato, & vitam novae propositum, & inebriationem continere; hac est, propositum non amplius peccandi.* Quod quidem clarissime explicationem videmus hoc Spiritus Sancti Oraculo, ab Apostoli Pauli ore prolato, qui in Epistola II. ad Corinthios, Cap. VII. dicitur ait, *quod quae secundum Deum est tristitia, poenitentiam in salutem stabilem operatur.* Quae quidem tristitia, ut Theologi exponunt, est ipsa vera cordis contritio. Hinc itaque nihil magis Legi Evangelicæ, & vitae Christianae opponitur, quam ea crimin-

D d

num,

num, & conversionum vicissitudo, quæ nunc ita communis est, & circulus ille perpetuus Confessionum, recurrentibus præsertim Festis solemni-
bus, & relapsus paulo post in eadem gravia peccata. Atque hunc abulum damnaunt jam olim Sancti Patres, inter quos S. Augustinus in Psalmum xxxvii. peccatorem admonet, *ne securus sit, cum confessus fuerit peccatum, tanquam semper preparatus ad confitendum, & committendum*. Idemque in Libro, quem scripsit Quinquaginta Homiliarum, sic ait Homilia xlii. Capite vi. *Quid prodest, penitentes, qui humiliamini, si non mutamini? Quomobrem recte inquit S. Isidorus relatus in Canonis, Ille, De Penitentia, Distinctione 111. Ille penitentiam dignetur, agit, qui se præterita mala deplorat, ut futura iterum non committat; nam qui plangit peccatum, & iterum admittit, quasi squis lavet laterem crudum, quia quanto magis laverit, tanto magis lutum facit. Innumera pœne id genus Sanctorum Patrum, & Sacrorum Canonum in hanc rem loca afferri possunt, quorum non paucâ videri possunt apud Gratianum Parte II. Decretorum, in Tractatu, De Penitentia.*

IX. Tercium tandem, quod ex præscripto nostri §. observare Confessarius debet, illud est, quod penitenti remedia peccatorum tradat. Id enim jam statuit Concilium Lateranense Oecumenicum iv. Can. xxi. *ut more periti Medici superinfundat vinum, & oleum vulneribus sanciat, diligenter inquirens, & peccatoris circumstantias, & peccati, ex quibus prudenter intelligat, quale debeat præbere consilium, & ejusmodi remedium adhibere, diversis experientis utendo ad sanandum ægotum*. Imitari porro debet Sacerdos Christum Dominum, cuius vicem in Sacramento Penitentia administrando gerit. Ille enim, ut ait S. Gregorius Homilia xxxiii. in Evangelia, *Celestis Medicus singulis quibusque vitiiis obolantia adhibuit medicamenta. Nam sicut arte medicina, calida frigidis, frigida calidis curantur, ita Dominus noster contraria opposuit medicamenta peccatis, ut lubricis continentiam, tenebrosis largitatem, iracundis mansuetudinem, elatis præcipiet humilitatem*. Sed de his videri ea etiam possunt, quæ nos late inferius dicemus in nostro Commentario ad §. xix.

§. XVIII.

Postremo salutarem, & convenientem satisfactionem, quantum spiritus, & prudentia, suggererit, injungat, habita ratione status, conditionis, sexus, & ætatis, & item dispositionis penitentium. Videaturque, ne pro peccatis gravibus levissimas penitentias imponat, ne fit forte peccatis conniveat, alienorum peccatorum particeps efficiatur. Id vero ante oculos habeat, ut satisfactio non sit tantum ad novæ vitæ remedium, & infirmitatis medicamentum, sed etiam ad præteritorum peccatorum satisfactionem.

COMMENTARIUS.

I. **A**mplissimam dicendi segetem nobis hic quidem §. exhibet, de satisfactione, scilicet, quæ est tertia Sacramenti Penitentia pars. Est autem satisfactio, ut docet Tridentini Concilii Catechismus Parte II. *De Penitentia Sacramento*, num. lxxxv. rei debitum integra solutio; nam quod satis est, ei nihil videtur deesse. Quare cum de gratiæ reconciliatione loquimur, idem satisfacere significat, quod alteri tantum prestare, quantum irato animo ad ulciscendam injuriam satis esse possit; atque ita satisfactio nihil aliud est, quam injuriæ alteri illatæ compensatio. Quod autem ad hunc locum pertinet, satisfactionis nomen Divinarum rerum Doctores ad declarandam eam compensationem usurpant, cum homo pro peccatis commissis Deo aliquid persolvit.

II. Plura scitu digna de satisfactione, quæ penitentia nomine vulgo intelligitur, explicat quidem laudatus Tridentini Concilii Catechismus, citato num. lxxxv. aliisque sequentibus, veteremque de ea Ecclesiæ disciplinam late exponit eruditissimus Morinus in celebri Opere, *De administratione Sacramenti Penitentia*; ex eoque nonnulla notavit Martene Lib. i. *De antiquis Ecclesiæ ritibus*, Cap. vi. Articulo iv. per totum, in cujus initio tria distinguit peccatorum genera, levium, graviorum, & gravissimorum, qui in postremo genere tria primis Ecclesiæ sæculis duntaxat, idololatriam, homicidium, & adulterium referebant, quibus temporis succe-

su longe plura adjecta sacre. De gravissimorum satisfactione, quæ per publicam penitentiam exigebatur, jam late nos egimus Tomo i. Commentariorum in Concilia Oecumenica, in Appendice ad Canonem xi. Concilii i. Niceni per varios Paragraphos, in quibus & de publicæ Penitentia gradibus, ac de aliis scita dignis ad veterem Penitentium disciplinam spectantibus abunde diximus.

III. Itaque is omnis, quæ satisfactionem spectant, quæ antiquitus publice pro gravioribus, acrioribusque sceleribus exercebatur, ad eam satisfactionem explicandam devenio, quæ ad notum voluntatemque Confessarii pro peccatis apud ipsum confessus peragi debet, & quidem ex præscripto nostri hujus §. in quo jubetur Confessarius, ut *postremo salutarem, & convenientem satisfactionem, quantum spiritus, & prudentia suggererit, injungat, habita ratione status, conditionis, sexus, & ætatis, & item dispositionis penitentium &c.* Quæ verba, magna ex parte desumpta sunt ex Concilio Tridentino Sessione xiv. *De Penitentia*, Cap. viii. quod inscriptum est, *De satisfactionis necessitate, & fructu*. Et quidem satisfactionis necessitatem Dei præcepto peccatoribus impositam esse, Patres Ecclesiæ omnes affirmant, ac Synodi, probaturque celebri illa S. Joannis Præcursoris Christi sententia in Evangelio Lucæ, Cap. 111. *Facite fructus dignos penitentia*. Quid enim aliud sibi volunt digni fructus penitentia, quam satisfactio.

tionem per opera iustitiæ? *Pœnitentiam dico*, inquit S. Ioannes Chrysostomus Homilia x. in. Mattheum, *non solum, ut a malis prioribus desistamus, verum etiam ad bonorum operum fructu impleamur*. Quod autem satisfactio ipsa, idest, compensatio, qua homo pro peccatis commissis Deo aliquid impendit, in Sacramento Pœnitentiæ a Sacerdotibus imponenda, Divina sit auctoritate instituta, evidentissime testatur inter alios S. Leo Magnus Papa in Epistola LXXXI. alias xci. ad Theodorum Forojulensem Episcopum. hisce plane verbis: *Mediator Dei, & hominum Christus Jesus hanc Præpositis Ecclesiæ tradidit potestatem, ut & confitentibus actionem pœnitentiæ darent, & eisdem salubri satisfactiōe purgatos ad Communionem Sacramentorum per Joannem reconciliationismitterent*. Conati sunt quidem Sæculari omnes nostri temporis satisfactiōnem negare, quæ sit Sacramenti Pœnitentiæ pars. Inter quos Lutherus eorum dux in assertionem Articuli v. sic inquit: *Vehementer odi, & fabulatam vellem hoc vocabulum Satisfactio, quod non modo in Scripturis non invenitur, sed & periculosum habet sensum, quasi Deo quisquam possit pro ullo peccato satisfacere, cum gratis ille ignoscatur omnia*. Sed hic, aliqui insani hujas hominis errores jam primum peculiari Leonis Papæ X. Constitutione, tum vero ab universali Tridentina Synodo in memorata Sessione xiv. damnati sunt, ac solide plenèque a præstantissimis Theologis confutati, præsertim vtro a Cardinali Bellarmino.

IV. Explicandum ergo hic illud censeo, quod mandat noster §. satisfactiōnem semper debere esse proportionatam gravitati criminum, & Pœnitentiæ facultati. Hæc quippe veterum est Patrum doctrina in variis Conciliis confirmata, & novissime etiam in Tridentino, citato Cap. v. 111. Sessionis xiv. *Debent ergo, inquit, Sacerdotes Domini, quantum spiritus, & prudentia suggererit, pro qualitate criminum, & pœnitentiæ facultate, salutaris, & convenientis satisfactiōnem injungere*. Errant autem Casuistæ nonnulli recentiores, dum asserunt, in allatis Concilii verbis merum consilium, non vero præceptum stricte sumptum contineri. Nam primo vox illa *debent*, qua Synodus utitur, nusquam adhibita legitur, ut significetur res, quæ non sit præcepti, sed consilii tantum. Secundo Sanctæ Synodus vocem istam isti sententiæ subijcit: *Divina iustitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint, aliter vero, qui semel a peccatis, & demum servitutis liberati, & accepto Spiritus Sancti dono, scienter templum Dei violare, & Spiritum Sanctum contristare non formidaverint*. Cum ergo Synodus Tridentina ex ea sententiâ concludat, Sacerdotibus omnes incumbere convenientes pro qualitate criminum satisfactiōnes injungendi; de præcepto stricte sumpto, non autem de mero consilio intelligi debet. Alioquin enim dicendum foret, lapsos, ut pristinam gratiam reciperent, ex consilio tantum, non autem ex præcepto teneri viam illam inire difficiliorē, de qua eadem Sacra Synodus loquitur.

V. Notat hæc Juveninus in Opere, *De Sacramentis*, Dissertatione vi. Quæstione vi. Capite vii. Articulo II. ubi etiam mox alios Casuistas refellit, qui in verbis ex citata Synodo depromptis præceptum agnoscentes, ajunt, de-

bitum, quod Sacerdotibus imponitur injungendi satisfactiōnem gravitati criminum proportionatam, non esse sub pœnæ peccati mortalis. Sed hæc alia Casuistarum opinio contemnenda etiam est, & improbanda. Siquidem primo declarat Synodus, Ministros, qui hoc in capite molliorem, quam par sit, praxim amplectuntur, seu qui convenientes pro criminum qualitate satisfactiōnes non injungant, scelera, quæ pœnitens accusavit, participem fieri: *Ne si forte peccatis connivent, & indulgentius cum pœnitentibus agant, levissima quædam opera pro gravissimis delictis injungendo, alienorum peccatorum participes efficiantur*. Secundo idem evincitur ex Judicis officio, quo Sacerdos ex eadem Tridentina Synodo, in Pœnitentie Tribunali fungitur: *Dominus noster Jesus Christus, inquit Capite v. Terris ascenditur ad Cælos, Sacerdotes singulis Vicarios reliquit tanquam Præsides, & Judices, ad quos omnia mortalia crimina deferantur*. At Judex sit reus gravis peccati, cum injungit pœnam, quæ plurimum ab ea distet, quam Leges præscribunt, quæque cum gravitate criminis nequaquam conveniat. Tercio ex eo idem ostenditur, quod eadem teste Synodo, eo tendat singulorum, tum quoad speciem, tum quoad numerum, peccatorum confessio, ut Ministri convenientem pro qualitate criminum satisfactiōnem injungere valeant. Hæc autem Synodi verba citato Cap. v. *Constat enim, Sacerdotes judicium hoc, incognita causa, exercere non potuisse, neque æquitatem quidem illis in pœnis injungendis servare potuisse, si in genere dumtaxat, & non potius in specie, ac singillatim sua ipsi peccata declarassent*.

VI. Argumenti quoque vim minime eludunt Casuistæ illi, qui respondent, Tridentinam Synodum exponi debere de satisfactiōne, quæ sit medicinalis, non autem, quæ in præteritorum peccatorum vindiictam injungatur. Nam primo Textus Synodi, quem protulimus, Lutheranos impetit, qui censebant, totam peccati pœnam simul cum culpa dimitti. Unde concludebant, præscribi quidem debere remedia, quibus cavetur peccatum, quod pœnitens confessus fuerit; sed negabant, injungi posse satisfactiōnes, quibus diuissim quoad culpam peccatum condonetur. Secundo, quæ a Casuistis profertur responsio, expressis Sacræ Synodi verbis opponitur; sic enim Cap. v. 111. loquitur: *Habeant autem præ oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentam, sed etiam ad præteritorum peccatorum vindictam; nam Cleros Sacerdotes, non ad solvendum damnatos, sed & ad ligandum concessas, etiam antiqui Patres, & credunt, & docent*. Atque hæc paulo superius explicare libuit ad saniores nostri §. intelligentiam, qui, ut superius notatum jam fuit, desumptus est ex memorato Concilio Tridentino, in cuius Cap. v. 111. nostri §. verba reperiuntur.

VII. Superest nunc, ut cum eodem Juvenino varias rationes recensamus, quibus nixa laudata Synodus Tridentina Satisfactiōnis necessitatem, proportionem, & fructum confirmat, ac probat. Prima itaque ratio, quam adhibet Synodus, ut adversus Lutheranos necessitatem satisfactiōnis adstruat, ex eo ducitur, quod, ut ait citato Cap. v. 111. *Divina iustitiæ ratio exigere videtur, ut aliter ab eo in gratiam qui ante*

Baptismum per ignorantiam deliquerint; aliter vero qui semel a peccati, & demonis servitute liberati, & accepto Spiritus Sancti dono, scienter templum Dei violare, & Spiritum Sanctum contristare non formidaverint. Hæc Synodi ratio jam satis ostendit, penitentem Deo satisfacere oportere, ut injuriam ipsi per peccatum illatam pro modulo suo compenset, ipsum placare satagat, pœnamque temporariam, imo & æternam, quam in temporarias Dei misericordia commutata est, redimat. Hæc vero doctrina semper a Patribus in Ecclesia Catholica tradita est, præsertim vero a S. Cypriano in Libro, *De lapsis*, ubi sic inter alia inquit: *Quam magnum deliquimus, tam graviter desiteamus. Alio valeri diligens, & longa medicina non desit. Penitentia crimine minor non sit. Putasne in cito Dominum posse placari, quem verbis perfidis abundavit cui patrimonium præponere voluisti? ejus templum sacrilega contagione violasti? &c.* Porro cum dicat Synodus, aliter recipiendos, qui ante Baptismum deliquerint, aliter illos, qui post Baptismum, jam satis demonstrat, debere hos non sine laboriosa satisfactione reconciliari, cum etiam illi, uti, cum egimus de adulteram Baptismo, ostendimus, non nisi variis præmissis corporis afflictationibus ad Baptismum admitterentur; per quem quidem, ut ait eadem Synodus citata Sessioe xiv. Cap. II. *Christum induentes, nova prorsus in illo efficiuntur creatura, plenum, & integrum peccatorum omnium remissionem consequentes.* Additque mox, *ad eam novitatem & integritatem per Sacramentum Penitentiae sine magnis nostris scilicet & laboribus, Divina id exigente justitia, pervenire nequaquam posse, ut merito penitentia laboriosus quidam Baptismus a SS. Patribus dictus fuerit.*

VIII. Altera ratio, qua Synodus nititur, ut satisfactio proportionata injungatur, ex eo petitur, quod laborum, qui a Penitentiae judicio subeundi decernuntur, metus peccantes a peccatis revocet, & quasi freno quodam coercet, ne in peccata dentio prolaboratur: *Et Divinam clementiam decet, ne ita nobis absque ulla satisfactionis peccata dimittantur, ut occasione accepta, peccata leviori potantes, velut injuri, & contumeliosi Spiritui Sancto, in graviora labamur, thesaurizantes nobis iram in die ire.* Proculdubio enim magnopere a peccatis revocant, & quasi freno quodam coercet hæc satisfactio pena, cantioresque, & vigilantiores in futuram penitentiam efficiunt. Sed istius argumenti vis prorsus evanescit in eorum Confessoriorum praxi, qui solent leves admodum, & cum gravitate criminum nequaquam convenientes satisfactiones injungere. Nemo nempe dixerit, Rosarii exolvendi onere, aut exigui stipis erogandæ metri, fidelem deterri ab obsecris voluptatibus, quæ tot blanditiis, & illecebris corruptum semel animum pellicent. Imo in eos, qui sic se gerunt, Sacerdotes, interrogari potest illud Patiani Barchinonensis dictum in Parænesi ad Penitentiam: *Facitoris viam monstrat innoxius, qui nocentibus post scelera blanditur.* Sacerdotes, qui molliorem illam viam incant, vereri debent, ne illud S. Ambrosii axioma in hæc verba Psalmi cxviii. *Et de Lege tua miserere mei*, ad ipsos præbet: *Facilitas venia incitentium tribuit delinquendi.* Medicus ipse, si serpentis interius inveniat cicatricem, cum debeat refecare ulceris vitium, ne latius serpat, tamen a secundi, æren-

dique proposito, lacrymis inflexus agrosti, medicamentis teget, quod ferro aperendum fuit; nonne ista inutilis misericordia est, si propter brevem incisionem, vel exulsiōis dolorem, corpus omne tabescat, vite usus intereat.

IX. Tertia Synodi ratio petitur ex eo, quod inter præcipuos satisfactionis fructus reconferi debeat vitiosorum habituum emendatio, itant ejusmodi esse debeat ea, quam Sacerdotes injungunt, ut ad tollendos vitiosos penitentis habitus conferat: *Mederetur quoque peccatorum reliquiis, & vitiosos habitus male vivendo comparatos contrariis virtutum actionibus tollunt.* Atqui hic effectus per levissimas satisfactiones non præstatur, sed tantum per contrarios vitii virtutum actus, ut ipsa mox Synodus loquitur post S. Chrysostomum, qui hæc habet Homilia x. in Matthæum: *Penitentiam dico, non solum a prioribus malis recedere, verum, & quod majus est, bona præstare.* Facite, inquit Joannes, fructus dignos penitentia. *Et quomodo id facimus? Si peccatis adversa faciamus. Verbi gratia. Aliena rapisti? Iscipe jam donare propriam. Longo tempore fornicatus es? præscripto tempore ab uxore abstine, meditare continentiam. Proximum vel verbo, vel facto violasti? refer benedictionis verba conviciis, & percutientes te benedicti placare contende. Delicias ante, & temulentia diffulsebas? jejunio, & aque potu inde ortus maculas elue. Impudicus alienum decorem oculis vidisti? feminam jam omnino non videas, ut majori securitate fruaris.* Contrarius peccatis penitentias esse injungendas, docet etiam nostrum hoc Rituale Romanum in sequenti §. xix. in cujus Commentario aliorum Patrum, ac Ritualium in eam disciplinam testimonia afferemus.

X. Quarta ratio, qua nititur proportionata peccatis satisfactionis necessitas, in eo posita est, quod apta sit ad avertendum imminentem a Domino penam: *Neque vero, prosequitur Synodus, securior via in Ecclesia Dei nunquam existimata fuit ad auerendam imminentem a Domino penam, quam ut hac penitentia opera homines cum vero animi dolore frequentent.* Sed levis quædam opera, ut est scita semel, aut bis recitatio Rosarii, aut septem Psalmorum penitentialium, seu Officii parvi Beate Virginis, vel aliquid hujusmodi, ea non sunt, quibus impiorum cervici impendens calamitas avertatur. Aliquo saltem modo accedant oportet opera, de quibus est hic questio, sed ea, quibus Scriptura docemur, penitentes intentas a Deo minas averuisse. Scidit Rex Achab vestimenta sua, cilicio carnem operuit, jejuniis exercitavit se se, dormivit in sacco, & cinere, ambulavit demisso capite, itant ne ad Cælum quidem oculos auderet attollere. Nabuchodonosor veniam consequutus non est, nisi cum bestis terræ septem annorum vexationem, & cruciatum perulisset. Asphyriorum Rex latam in Ninivem sententiam dispunxit, abjecto Solio, deposito Regali ornatu, saccum indutus, cineri incubans, jejuniis maccratus, clamans ad Dominum in fortitudine, ait Scriptura Jonæ 11.1. *& a via sua mala conversus.* Cæterum eos, qui cum deliciis affluant, levibus quibusdam operibus in peccatorum vindictam, quam ad avertendam Dei iram perfungetur, præclaris hinc verbis, quæ multis hujusce nostræ ætatis delicatulis conveniunt, irrisit olim Tertulianus in Libro, *De Penitentia*, Cap. xi. sic inquit:

quiens: Num ergo in cocco, & tyrio, pro delictis supplicare nos concedet? Cedo acum crinibus dissolvendis, & palverem dentibus elimandis, & hiscalum aliquod serpi, vel eris anenibus repositandis. Additque mox: Siquid scili nitoris, siquid oculi ruboris in labia, aut genas argeat; præterea exquirito balneat, lætiores hortulani, maritimæ secessus; adjecto ad sompnum, conquirit altissimæ enormem saginam, defæcato fenestram vini; eamque quis interrogavit, cur anima largiari? Deliqui, dicito, in Deum, & periclitor in æternum perire. Itaque nunc pendeo, ac mæceror, & exaceror, ut Deum reconcillem mihi, quem delinquendo læsi.

XI. Quinta, & postrema ratio, quam Synodus Tridentina adhibet, ut satisfactionis peccatis congruæ necessitatem demonstret, desumitur ex conformitate, quam quisque penitens debet habere cum Christo, quem Deus Pater singulis penitentibus ad exemplum proposuit: *Accedit ad hæc, quod satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficiens est, conformes efficiamur, certissimam quoque inde arbam habentes, quod si comparimur, & conglorificabimur.* At vana, & inutilis redditur hæc Synodi ratio ab iis Sacerdotibus, qui mollem, ac degenem cum peccatoribus agendi rationem amplectuntur. Quis enim, quæso, dicere audebit, peccatorem, qui deliciis affuit, opipare convivatur, molli recubat in lecto, pretiosis vestibus induitur, vitam Christo penitenti conformem ducere, si vel aliquoties in hebdomada Rosarium revolvat, aut quid simile interdum operetur? Velim autem & illud quoque, tum a Confessariis, tum a penitentibus, summopere notandum, quod eadem Tridentina Synodus docet Capite IX. citatæ Sessionis XIV. tantum esse Divinæ munificentie largientem, ut non solum penalis sponte a nobis, pro vindicando peccato susceptis, aut Sacerdotis

arbitrio pro mensura delicti imponitur, sed etiam, quod maximum amoris argumentum est, temporibus flagellis a Deo inflicis, & a nobis patienter toleratis, apud Deum Patrem per Christum Jesum satisfacere valeamus.

XII. Licet autem, & Synodi, & Patres, atque Rituales Codices generatim præscribant, ratioque ipsa suadeat, satisfactionem debere esse proportionatam cum gravitate, & qualitate criminum, attendi nihilominus etiam debet penitentium facultas, ut expresse docet Synodus ipsa Tridentina, Cap. VIII. & ut ait hic nosser. ratio status, conditionis, sexus, & ætatis, & item dispositionis penitentium. Id quod egregie explicat S. Carolus in Instructionibus, *De Sacramento Penitentiae*, in eo Capite, quod inscriptum est, *De modo imponendæ penitentiae*, ubi hæc habet: *Penitentia imponenda, adhibebit & prudentiam, & pietatem, & iustitiam. Habebit rationem status, conditionis, & ætatis. Videbit, ne ei, qui in aliena potestate est, eam penitentiam injungat, quæ vel præjudicium afferatur illius juri, qui penitentem in potestate habet; neve eam, quæ vel occasio detur spiritalis ruina, vel penitentis, alteriusque peccatum detegi, vel aliud quod scandalum suboriri, vel ipse penitens nimium detereri, remissusque, & tepidus reddi possit. Quamobrem talem imponet, qualem ab eo præstari posse judicet; proinde aliquando, si ita expedire viderit, illum interroget, an possit, anve dubitet penitentiam sibi injunctam peragere; alioquin eam mitabit, aut minuet. Subditque mox: Considerabit item animum, mentemque penitentis, ac sctum, gemitum, & lacrymas intus doloris indices. Sed monet tamen, ut Parochus, Sacerdosve alius Confessarius, cum hæc pro penitentia, eboritateque sua spectabit, tum vero maxime videbit, ut ne pro peccatis gravibus levissimas penitentias imponat. Atque id est quod potissimum advertere Confessarii debent.*

§. XIX.

Quare curet, quantum fieri potest, ut contrarias peccatis penitentias injungat, veluti avaris elemosynas, libidinosis jejunia, vel alias carnis afflictiones, superbis humilitatis officia, desidiosis devotionis studia. Rarius autem, vel serius contentibus, vel in peccata facile recidentibus utilissimum fuerit consulere, ut sæpe, puta semel in mense, vel certis diebus solemnibus confiteantur, & si expediat, communicent.

COMMENTARIUS.

I. **C**ontrariis penitentis expianda esse peccata, docent nos passim Patres, ac Synodi, Librique Rituales, nitunturque illo Apostoli testimonio in Epistola ad Romanos, Cap. VI. *Sicut exhibuistis membra vestra servire immunditie, & iniquitati, ita & nunc exhibete membra vestra servire iustitie in sanctificationem.* Hunc verborum istorum sensum esse, ut peccata contrariis penitentis expiantur, tradit quidem inter alios S. Basilus, qui explicans versum illum Psalmi XXXII. *In Psalterio decacordo psallite illi, sic ait: Quoniam in corpore peccavimus, quando membra nostra serva peccati ad iniquitatem præbimus, corpore item consecramur, eodem in peccati dissolutionem instrumentum. Maledixisti? Benedicis. Circumvenisti proximum in negotio? Redde.*

In ebrietatem incidisti? Jejuna. Arroganter, & superbe egisti? Humiliare &c. Rursus in Homilia contra ebriosam eandem disciplinam confirmat his plane verbis: *Medicina magna delicti sanat. Jejunium ebrietatem curet, Psalms turpes cantus, lacryma risum; pro satisfactione genus Deo scilicet, pro munus pluviam petus pulsatur, pro vestium sumpta, atque ornata succedat humilitas &c.* Traditam fuisse hanc regulam a Christo Domino, notavit jam S. Gregorius Homilia XXXIII. in Evangelia: *Celestis Medicus singulis quibusque vitiiis ebrietatis adhibet medicamenta. Nam sicut arte medicina, calida frigidis, frigida calidis enervatur, ita Dominus noster contrariis opposuit medicamenta peccatis, ut labri ci continentiam, tequeibus largitatem, iracundiam mansuetudinem, elatis præcipere humilitatem.*

II. Hanc

II. Hanc regulam sequuntur sunt passim Synodi, ubi loquuntur de satisfactione imponenda in Confessario penitenti, inter quae Beuencutana Provincialis vi. anni MCCCLXXIV. Tit. vi. Cap. x. sic ait: *Ut autem Sacerdos possit contraria contrariis curare, consolimus, ut semper per contrarium penitentibus imponat ipsi peccatori, & per contrarium respondentes; ut si peccaverit per superbiam, iungat ei orationem, ut sudeat ei humilitatem; si per uarritiam, iungat ei elemosynarum largitatem; si per glustitatem, vel nimiam comestionem, abstinentiam ciborum; si per luxuriam, iungat ei ieiunium, & orationem, disciplinam, & alias carnis macerationes; acedioso peregrinationem.* Tum vero ita statim subiicit: *In omni enim peccato Deum offendimus aut corde, aut ore, aut opere.* Imponatur igitur penitentia contra peccatum cordis, scilicet ieiunium, & alia carnis maceratio; contra peccatum oris, oratio, & alia humilitas; contra peccatum operis, satisfactio, & elemosynarum largitio. Porro opera, quibus satisfacere Deo possumus, quæque Confessarius in Penitentiam peccatorum imponere debet, reduci ad hæc tria, orationem scilicet, ieiunium, & elemosynam, tradunt Synodi passim, itemque Eugenius Papa IV. in Florentino Generali Concilio, in celebri Unionis Decreto, his verbis: *Tertia pars penitentia est satisfactio pro peccatis secundum arbitrium Sacerdotis, quæ quidem præcipue sit per orationem, ieiunium, & elemosynam.* Revocatur autem ad orationem quæcumque Deo proxime exhibetur, ut Sacrificium, laus, gratiarum actio, meditatio, contemplatio, piorum librorum lectio ad meditationem ipsam, & orationem ordinata. Ad ieiunium omnia, quibus caro macerari, & castigari solet, nempe asperitas viæ, & vestitus, vigiliæ, humi cubationes, gressus flexiones, terræ desolaciones, solitudo, silentium, abstinentia a vino, ab equitatione, a ludis, itemque piaz peregrinationes, flagellationes, & alia id genus. Ad elemosynam tandem omnia misericordiz opera.

III. Ratio, cur opera omnia satisfactoria ad tria illa, orationem, ieiunium, & elemosynam revocata sint, refertur a S. Thoma in iv. Sententiarum, Distinctione xv. Quæstione 1. Article iv. Quæstione 111. in Corpore, ubi ita ait: *Dicendum, quod satisfactio debet esse talis, per quam aliquid nobis subtrahamus ad bonorem Dei.* Nos autem non habemus, nisi tria bona, scilicet bona anime, bona corporis, & fortana, scilicet exteriora. Ex bonis quidem fortuna subtrahimus aliquid nobis per elemosynam, sed ex bonis corporalibus per ieiunium; ex bonis autem animæ non oportet, quod aliquid subtrahamus a nobis, quantum ad diminutionem ipsorum, quia per ea efficiuntur Deo accepti; sed per hoc, quod ea submittimus Deo totaliter, & hoc fit per orationem. Tum vero subiicit: *Competit autem iste numerus ex parte illa, quia satisfactio peccatorum causas excidit, quia radices peccatorum tres ponuntur, 1. Joannis 2. Concupiscentia carnis, concupiscentia oculorum, & superbia vitæ. Et contra concupiscentiam carnis ordinatur ieiunium, contra concupiscentiam oculorum, elemosyna, contra superbiam vitæ, oratio, ut Augustinus dicit super Mattheum. Competit etiam quantum ad hoc quod satisfactio est, peccatorum suggestionibus aditum non indulgere, quia*

omne peccatum, vel in Deum committitur, & contra hoc ordinatur oratio; vel in proximum, & contra hoc elemosyna; vel in nos ipsos, & contra hoc ordinatur ieiunium. Hæc S. Thomas, cuius doctrinam sequuntur Tridentini Concilii Catechismus, Parte II. De Penitentia Sacramento, num. cv. ita ad rem inquit: *Vernum omne satisfactionis genus Pastores doceant ad hæc tria præcipue conferendum esse, orationem, ieiunium, elemosynam; quæ quidem tribus bonis, anime, corporis, & his, quæ externa commoda dicuntur, quæ omnia a Deo acceptimus, respondent. Nihil vero aptius, & convenientius ad extirpandas omnes peccatorum radices esse potest.* Statimque hæc addit sequenti num. cv. 11. *Nam cum omne, quod est in mundo, concupiscentia carnis sit, aut concupiscentia oculorum, aut superbia vitæ, nemo non videt, hisce tribus morbi causis, recidens medicinas, prius scilicet ieiunium, alteri elemosynam, tertia orationem rectissime opponi.*

IV. Ad hæc itaque tria opera spectare Confessarius debet, cum contrarias peccatis penitentias iungit, ex præscripto non modo huius nostri §. verum etiam ex Patrum, & Conciliorum Statutis, quibus inherens S. Carolus in Instructionibus, *De Sacramento Penitentia*, ubi agit de modo imponende penitentia, sic inter alia ait: *Iungat præter penitentiam pro culpa, & persona ratione; ita ut superbia banilitas operis; carnis voluptates scilicet ieiunium, ieiunia, abstinentiam, cilicii gulationem, aliamque corporis macerationem, pro peccati gravitate indicat; in oratione negligentibus, ut singulis diebus mane saltem, & vespere orationi vacent; stertia secunda, & aliis certis feriis pro defunctis orant; certis item, definitisque diebus devote visitent stationales, & præcipue devotionis Ecclesias, & Altitia, præsertim in Quadragesima, & in Adventu.* Sed notata præsertim sunt, quæ mox subdit *Mundi pompas, choreas, aliisque opera satanae constantibus cum penitentiam imponet, ut in hebdomada mane certis diebus (id quod in singulis dies etiam faciendum esse gravissime Chrysostomus monet) sancta meditatione sibi proposito, sollemnem illum sponsonem, quam per Compadres in Baptismo sancte fecerunt, redintegrant, intime Deum precando; in qua præcatione firmo stabilique animi proposito stant, se Christo Domino adhaerere, renuciareque iterum; atque iterum sæculi pompis, operibus tenetram, & diabolo inprimis, cui se adversarios esse, & professi sunt, & proficiant perpetuo.*

V. Quod tandem edicit hic voster §. quod nempe rariis, vel seriis constitutibus, vel in peccata facile recidentibus assiduum fuerit consulere, ut sepe, pata semel in mense, vel certis diebus solemnitibus constituantur, & si expedit, communicent; egregie explicat idem S. Carolus in Instructionibus Confessorum, sed audient Catechismus Tridentini Concilii, Parte II. De Penitentia Sacramento, num. lxx. ita inquit: *Nulla res fidelibus adeo curæ esse debet, quam ut frequentis peccatorum Confessione animam studeant expiare. Et enim cum aliquis mortifero scelere urgetur, nihil ei magis salutare esse potest, ob multa, quæ impendunt, vitæ pericula, quam statim peccata sua confiteri. Nam ut sibi quisque distinarum vitæ spatium polliceri queat, turpe profecto est, cum in eleandis corporis, aut vestium forditibus, tam diligenter stans,*

non eadem saltem diligentia curare, ne anima splendor turpissimæ peccati maculis obsolescat. Optimum plane consilium, sed quam diligentissime enitendum est, ut rite hoc Sacramentum. Pœnitentiæ suscipiatur; si enim contrarium accidat, nulla spes consequendæ salutis superest, meritoque pii, sanctique Dei Spiritu affati homines deplorare solebant, majorem Christianorum partem damnari ex pravo Confessionis usu,

magisque timere frequentes populi Confessiones, quam peccata. Ceterum notanda sunt ea nostri §. verba, quibus dicitur, consulendum pœnitentibus, qui rarius, scripsisse confiteri solent, ut certis diebus confiteantur; & si expedias communiunt; neque enim semper expedit, ut Communio pœnitentibus permittatur, ut suo loco dicemus infra in Commentariis ad Titulum IV. De Sanctissimo Eucharistia Sacramento.

§. XX.

Pœnitentiæ pecuniarias sibi ipsis Confessarii non applicant, neque a pœnitentibus quicquam ministerii sui præmium petant, aut accipiant.

COMMENTARIUS.

I. Eleemosynas esse ad Deo pro peccatis satisfaciendum longe efficacissimas, Divinæ Scripturæ, Sacræ Synodi, ac Sancti Patres passim affirmant. Hinc postquam quatuor summi antiquæ pœnitentiæ gradus descripsi a nobis Tomo I. Conciliorum in Appendice ad Canonem XI. Nicæni I. Concilii abire ceperunt in consuetudinem, ipsorum in locum successit eleemosyna, jejuniis tamen, ac variis mortificationibus vestita, quousque tandem successit & alia pœnitentialis rigoris relaxatio, de qua ad Alexandrum II. Papam S. Petrus Damiani Libro I. Epistola XIX. ita scribit: *Sanctus Rudolfus, erat is Eugubii Episcopus, ne a lapsis quidem commodum aliquid præter solam pœnitentiam requireret. Lapsus, inquit, potius erigam, quam ex eorum calaveribus more corvino pinguescam.* Pluribus hanc disciplinam prosequitur doctissimus Lupus Tomo IV. Operum editionis Venetæ, in Secunda Proemiali Dissertatione, *De Simonia criminis, & variis ad ipsum spectantibus*, Capite VIII. ubi post allata varia S. Petri Damiani loca, duo notata digna nos docet. Primum, redimendæ satisfactionis morem tunc, nempe Saeculo XI. quos Damianus claruit, fuisse adeo solemnem, ut quomodo singula peccata suam pœnitentiam, ejusque qualitatem, & tempus, ita & singule pœnitentiæ suam redemptionem, ejusque modum, & pro singulis annis, mensibus, diebus, taxam haberent a Canonibus, & Pœnitentialibus Libris præfixam. Hinc Pœnitentialis Romanæ Ecclesiæ Liber, quem suo tempore extantem laudat in suo Decreto S. Ivo Carnotenſis Episcopus, habebat hanc regulam: *Centum solidi dari in eleemosynam annum exsunt.* Alterum est, Episcopos non paucos, Presbyterosque redemptiones istas versille in suum lucrum, adeo ut fundos etiam, & alias res immobiles pœnitentiam acciperent.

II. Pœnitentia jejuniis, eleemosyna quomodo redimeretur, addicere licet ex ms. Ponticali Anglicano Monasterii Gemmeticensis annorum, circiter mille, in quo multa, que ad nostram hanc rem spectant, notantur: *Siquis forte, inquit, non poterit jejunare, & habet unde dare ad redimendum, si dixerit fuerit, pro septem hebdomadibus, det solidos viginti; si autem non habuerit tantum, unde dare, det solidos decem. Si autem multum pauper fuerit, det solidos tres. Neminem vera conturbet, quia iussimus viginti solidos dare, aut minus, quia si dives fuerit, sa-*

culius est illi dare solidos xx. quam pauperi solidos tres. Sed nunquissique attendat eui dare debet, sive pro redemptione captivorum, sive super sancto Altari, sive hoc pauperibus erogandum. Tum vero mox subiicit: Et hoc festo, Fratres, ut dum veneritis ad vos servi, vel ancilla, non eos gravetis, neque cogatis tantum jejunare, quantum divites, quia non sunt in sua potestate, ideoque medietatem pœnitentiæ imponite. Eadem legere est in ms. Codice Ecclesiæ Noviomensis annorum circiter CM. Cap. XXXI. quod est, de Feria IV. in Capite jejuniis, apud Martene Lib. I. De antiquis Ecclesiæ ritibus, Cap. VI. Articulo VII. Ordine X. viderique apud eundem Auctorem potest recitari locus ex ms. Ponticali Anglicano, Ordine II.

III. Fuit præterea olim & alia exactio fieri consuevit in ipsa Confessione, aut Reconciliatione, ut idem Lupus observat loco citato. Erat stipendium, honorarium, aut xenium Ministri injungentis pœnitentiam, vel reconciliationem, aut certe ad reconciliationem adductis. Omnem enim olim graviorum peccatorum rei impositam sibi a Presbyteris satisfactionem adimplere cogebantur ante reconciliationem, que omnibus simul per Parochos adductis impendebatur ab Episcopo Feria V. Cænæ Domini. Adversus autem exactiorem ipsam ita statuit in suo ad Parochos Capitulari Leo Papa IV. *Nullas vestrum pro infirmis reconciliandis præmium, aut munus exigat. Nullas minus digne pœnitentem, cuiuscumque rei gratia ad reconciliationem adducat, & ei reconciliationis testimonium faciat. Quod ipsum habet antiquus Ordo Romanus.* Quisq; olim Parochus suo, quem Episcopo reconciliandum adducebat, Parochiano dabat impartitæ per Episcopum reconciliationis literas testimoniales. Atque huc spectat, quod in suo Capitulari mandat Hincmarus Archiepiscopus Remensis, Lib. I. Cap. XIIII. *Nemo Presbyterorum a quocunque pœnitente, aut gratiam, aut favorem, aut munus suscipere præsumat, aut minus digne pœnitentem ad reconciliationem adducat, atque ei testimonium reconciliationis faciat.* Affirmat, esse Deo, & hominibus abominabilem simoniam. Et in Capitulari ad Archidiaconos Lib. IX. Cap. IX. *Solite providete, inquit, ne vos, vel Presbyteri negligenter pœnitentes pro aliquo munere ad pœnitentiam adducatis, vel post reconciliationem eos negligatis, quod simoniacum est.* Reconciliati per Episcopum

pum penitentes manebant per aliquod tempus sub singulari ferula suorum Parochorum, a quibus quotidie instruebantur acceptam reconciliationis gratiam cum multa sollicitudinis cautela custodire.

IV. Eodem teste Auctore Lupo, damnabatur tunc quidem exaſio pro reconciliatione, non autem spontanea pecunie oblatio a penitentibus facta, oblatumque sponte Confessionis nummum, ejusque avitam consuetudinem primus damnare cepit Joannes Wicleffus, garricus, Penitentiae Sacramentum esse Sacerdotum commentum antichristianum ad populum tenendum sub sua leonina subjectione, ad noscenda ejus secreta omnia, & ad venandas ejus possessiones. At recte illum, confutat in Libro, *De Sacramentis*, Cap. cxlvii. Thomas Waldensis Carmelitarum Ordinis in Anglia Prior Provincialis, sic inquit: *Non se, miser, istum cibum, quo eamum pascit, & impinguit, non quatit ex Confessionibus Ecclesia Sacerdotum, qui esuriant, & sitiant iustitiam. Ambrosius tibi dixit: Cibus & refectio Orthodoxorum Sacerdotum est remissio peccatorum. Tibi cibus iste hoc nunquam sapuit, ut videtur. Si tibi fuit in Sacerdotio talis esuriet, non miror, si eibus putridus egerit ad veniam. Omnes Sacerdotes ex semetipso iudicavit Wicleffus, omnesque ad sui normam credidit Penitentiae, & alia Ecclesiae Sacramenta ex carnali cupidine ministrare. Similes in ipsum Confessionis denarium, multis in locis usitatum, tametsi sponte oblatum, calumnia vomuerunt etiam Lutherani, & Calvinistae; atque hinc est, quod ad tollendam omnem haereticis calumniandi occasionem, noster hic plurimis Synodis consentiens, generatim statuit, ut penitentiarum pecuniarum sibi ipsis Confessarii non accipiant, neque a penitentibus quicquam tanquam ministerii sui praemium, petant, vel accipiant.*

V. At vero luficari non possumus, quin multi Sacerdotes pecuniarum penitentiarum, ac elemosynas praeteritum Missae, quas penitentibus imponebant, sibi ipsi applicarent; id enim plures Synodi vetuere, inter quas Eboracensis anni MCKCV. Can. 11. sic inquit: *Prohibemus, ne Sacerdos laico ad penitentiam venienti obtentum cupiditatis injungat, ut Missa faciat celebrari.* Synodus Beneventana anno MCCCXXXIV. Tit. v. Capite xvi. abusum ipsum improbat his verbis: *Item consulimus, & monemus, ne Missas injungat Sacerdos confessionibus in favorem ipsius Sacerdotis, vel alterius, ut suspicionem cupiditatis supiat in hac parte &c.* Longum esset omnia hoc loco Concilia recensere, quae variis Decretis conata sunt eum abusum eliminare. Describam tamen, quod in Concilio Provinciali ut. Mediolanensi statuit de elemosynis, Missisque, quae in satisfactionem penitentibus a Confessariis imponuntur: *Si penitentibus penitentia praefrendenda est aliqua pecunia ratione, ne sibi Sacerdotes Confessarii eam pecuniam, sed loci piae attribui curent, ut in officio, operaque pietatis erogetur; neque vero hujus pecunia distribuenda eam ipsi alio plane modo suscipiant; neque praeerea sibi dare curent, siquid elemosyna causa penitentis erogandum est in Missa Sacris faciendis.* Ita plane ille in citato suo III. Concilio, Capite interscripto, *De iis, quae ad Penitentiae Sacramentum pertinent.* Porro non dubitatur, quin possit Confessarius penitentibus injungere, ut

Missarum Sacrificia celebrari faciant in satisfactionem suorum peccatorum, id enim inter opera satisfactionis merito recensetur, tum quia penitentes propterea aliquam pecuniam summam a se abdicant, tum quia sic Sacrificii oblationi cooperantur, peculiari quadam ratione participes efficiuntur illius fructus satisfactionis, ut recte docet Sanctissimus Dominus Noster BENEDICTUS Papa XIV. Lib. v. *De Synodo Diocesana*, Cap. ix. num. vi. Sed ne hac occasione, aliqua suboriatur avaritiae suspicio, non debet Confessarius a penitente, cui hujusmodi Missarum celebrationem procurandum injungit, elemosynam accipere, ut vel ipse eas Missas celebret, vel in propria Ecclesia celebrari faciat, ut idem laudatus Pontifex subdit citans etiam locum S. Caroli, qui in suis instructionibus ad Confessarios, sic inquit: *Cum pro penitentia Missas injunxerit, sibi, aut Ecclesiae suae, aut Monasterio dicendas non addicat.*

VI. Alium abusum extirpare conatus est idem Sanctus Antistes in Concilio Mediolanensi Provinciali iv. sub recitato Capite, *De iis, quae ad Penitentiae Sacramentum pertinent*, ubi vetat, ne capsula, loculive, colligenda elemosyna causa, sive Confessarii usui, sive Ecclesiae utilitati ea sit, ac ne ob piam quidem aliam aliud opus loco Confessionalibus proximo, ne dum ipsi Confessionalibus assignantur, apponantur. Idem prohibet & aliae Synodi post S. Carolum celebratae in variis Provinciis, Diocessibusque, quas supervacuum est recensere. Quantum vero abhorreat Ecclesia a qualibet hujusmodi avaritiae specie, & Sacerdotes Sacramentorum Ministris ab omni illius suspicionem, nedum a crimine, velt immunes, satis declarat nostrum hoc Rituale Romanum tum Titulo 1. *De iis, quae in Sacramentorum administratione generaliter servanda sunt*, §. xiii. tum etiam particulariter in eo praesenti §. quem explicamus. Hinc cum anno MDCCIX. Sacrae Romanae Universalis Inquisitioni relatum fuisset, Presbyteros quosdam in Ecclesia S. Jacobi de Compofella Confessionibus additis, sub praesidio antiquae consuetudinis elemosynas accipere solere a penitentibus, qui eas post Confessionem peractam sponte illis dabant, sanctae memoriae Clemens Papa XI. in Congregatione Sancti Officii coram ipso habita die xiv. Februarii praedicti anni mandavit, ad Archiepiscopum litteras scribi, ut omni studio, & vigilantia caveret, ne vel minima avaritiae suspicio in Sacramenti administratione misceretur. Legendae laudatae S. Caroli instructiones ad Confessarios, in quibus omnem avaritiae speciem a Confessariis vitandam iterum iterumque inculcat: *Ut Sacerdos, inquit, liberius evocet penitentem debito iungatur officio, & auctoritate in ejus utilitatem semper gaudeat, ab omni avaritia specie alienus videri debet.* Statimque subdit: *Hinc non modo non petat, sed nec velle se habere penitentem pecuniam, aliamque rem pro suscepti in Confessione laboris munere; immo verbi, vel potius facili ab his omnibus abhorrrere se, demonstret.* Tum postquam dixit, quod cum pro penitentia Missas injunxerit, sibi, aut Ecclesiae suae, aut Monasterio dicendas non addicat, ita subiungit: *Quod idem servabitur in restitutionibus incertis, aut votorum commutatione, aliisque hujusmodi. Nec ipse pecunia, aliisque rei restituenda provinciam assumat, nisi necessitas ad id eum adegerit, ne scilicet*

licet penitens dignoscatur; tumque apotham recipiat ab eo, cui restitutionem consulerit, quam

postea penitenti tradet. Ita denique se gerat, ut nec minimum avaritiæ labis suspicionem contrahat.

§. XXI.

Pro peccatis occultis, quantumvis gravibus, manifestam poenitentiam non imponat.

COMMENTARIUS.

Veteri Ecclesiæ disciplina inspecta, non est dubium, quin etiam pro peccatis occultis poenitentia publica imponeretur, ut late, eruditèque offendit Iuvenius in Opere, *De Sacramentis*, Dissertatione vi. Questione vi. Cap. vii. Articulo 1. & seq. & ante illum Morinus in Opere suo celeberrimo, *De administratione Sacramenti Poenitentiae*, Libro v. Cap. ix. Non differtur tamen hic Auctor, multiplicem fuisse inter poenitentiam publicam impositam pro peccatis publicis, & eandem impositam pro peccatis occultis differentiam. Pro publicis, ac notoriis, quæ totam Ecclesiam commovebant, manus imponebantur ab Episcopo, vel Presbytero publice in medio Ecclesiæ ante absidem, hoc est, in gremio navis Ecclesiæ. Absis enim, vel absida est Sanctuarium Ecclesiæ, ut non uno in loco Operum nostrorum diximus. Eaque manus impositio eo ritu fiebat tam in poenitentia impositione, quam poenitentia absolute. Dum vero poenitentia occulta erant criminum, necesse non erat publice in medio Ecclesiæ per manus impositionem poenitentiam imponere, aut poenitentem, acta poenitentia, publice reconciliare; sed sicuti peccata illa secreto Sacerdoti aperiebantur, ita quoque secreto poenitentia imponebatur, & reconciliatio fiebat.

II. Hinc altera consequbatur differentia, quod publice poenitens ob crimen occultum, acta poenitentia, secreto posset, in consilio Episcopo, a Presbytero reconciliari, secus vero poenitens ob peccatum publicum. Hic enim, cum nonnisi publice reconciliari posset, etiam sine speciali Episcopi licentia, nisi extrema necessitas licentia petende tempus intercluderet, a Presbytero reconciliationem obtinere noquibat. Interdictum erat Presbyteris poenitentem publice reconciliare. Utrumque non obsecrare indicat Canon xxxii. Concilii iiii. Carthaginensis anno Christi CCCCVII. qui in duas partes divisus refertur a Gratiano in suo Decreto, Can. xiv. Causa xxv. Questione vi. & Can. v. Questione vii. Verba Canonis sunt: *Ut poenitentes secundum poenitentiam peccatorum, Episcopi arbitrio, poenitentia tempora decernantur; Et ut Presbyter, in consilio Episcopo, non reconciliet poenitentem, nisi absentia Episcopi necessitate cogente. Cuiuscunque autem poenitentis publicum, & vulgarissimum crimen est, quod universam Ecclesiam commoverit, ante absidem manus ei imponantur.* His accedit altera differentia, etque notabilis erat. Cum publicum erat peccatum, ad agendam publice poenitentiam peccatores excommunicatione, & omnimoda ab Ecclesia expulsiōe cogi poterant. At cum peccatum erat occultum, poenitentia publicæ actio erat spontanea, hoc est, ad eam cogi non poterant ulla excommunicatione, aut Sacramentorum publica denegatione. Peccatori equidem ejusmodi secreto confitenti, nisi poenitentiam Canonicam agere vellet, recon-

ciliationem secreto denegabat Sacerdos, sed quod ultra in eum ageret, nihil habebat.

III. Neque vero soli occultis gravium criminum rei publicam poenitentiam sibi a Sacerdotibus secreto impositam & indictam spontanea quadam voluntate, & publice cum aliis poenitentibus etiam graviorum criminum reia peragebant, sed & leviorum duntaxat, aut nullorum criminum sibi consilii eam ultro amplectebantur, quemadmodum notat Morinus Lib. v. Capite vii. & nos etiam late diximus Tomo iiii. Commentariorum ad Romanum Pontificale, in Commentariis ad Titulum III. Porro ex ea praxi jam & illud deducitur, poenitentiam publicam pro peccatis occultis potuisse sine ullo sigilli confessionalis periculo imponi, ac peragi. Ipsa enim poenitentia imposita secreto a Sacerdote fiebat; & publica poenitentia actio erat etiam innocentibus, nullorumque criminum reia communis; ac per consequens crimen occultum ex actione poenitentia publicæ haud facile concludi poterat. Si tamen præviderent Patres, ex impositione poenitentia publicæ, crimen occultum potuisse revelari, tunc poenitentias publicas in privatis, ob revelationis periculum commutare soliti erant, ut monet laudatus Morinus, Lib. v. Cap. vii. num. xx. Ita enim poenitentias publicas usurpabant, ut privatis, & secretis virtutem minime adimerent.

IV. Si tandem Morino credimus, docet hic quidem Lib. vii. Cap. i. disciplinam imponendi poenitentiam publicam pro peccatis occultis per severasse in Ecclesia Latina usque ad finem sæculi vii. aut initium viii. ab eoque tempore cessasse commune, atque hodie ab omnibus receptum axioma: *De peccatis publicis publice, de occultis occulte esse poenitendum.* Ceterum duo adhuc sunt, quæ idem Auctor scite observavit. Primum est, mutationem illam poenitentia publicæ pro peccatis occultis, factam haudquaquam fuisse physico more, in momento temporis, aut Concilii Generalis aliquis Decreto, sed paulatim, & tacito quodam Ecclesiarum consensu; atque hinc factum, ut alibi serius, alibi citius ea mutatio recepta fuerit. Alterum est, quævis jam recepta hac distinctione inter peccata publica, & occulta, desierit poenitentia publica pro peccatis occultis, adhuc tamen magnum sæculis aliquot sequentibus numerum poenitentium publicorum velle, videri, iusto, visum fuisse in ipsa Ecclesia Latina. Quicquid autem de antiquo ritu sit, certum illud profecto est, quod in nostro s. edicatur, ut nempe Confessarius *pro peccatis occultis quantumvis gravibus manifestam poenitentiam non imponat*, jam longe ante in multis Conciliis id statutum fuisse, ac præsertim in Provinciali Beneventano vi. anni MCCCCLXXIV. Titulo vi. Capite x. his verbis: *Item pro peccato occulto Sacerdos publicam poenitentiam non injungat.*

V. Quamquam vero pluribus ab hinc Sæculis ea obsoleverit disciplina imponendi pro peccatis in oculis publicam penitentiam, adhuc hodie tamen publicis peccatoribus publica imponenda est penitentia, quam Confessarius cum privata commutare, inconsulto Episcopo, non debet ex præscripto Concilii Tridentini, Sessione xxiv. De reformatione, Cap. v. 111. his verbis: *Apollolus monet, publice peccantes, palam esse corrigendos. Quod igitur ab aliquo publice, & in multorum conspectu crimen commissum fuerit, unde alios scandalum offensus, commotusque fuisset, non sit dubitandum; huic condignam pro modo culpa penitentiam injungi oportet; ut quos exemplo suo ad melius morem provocet, sua emendationis testimonio ad rectam revocet viam, Episcopus tamen publice hoc penitentia genus in aliud secretum poterit commutare, quando ita magis iudicaverit expedire.* Et Concilii Tridentini Catechismus Parte II. De Penitentia Sacramento, num. cxviii. ita quoque ad rem inquit: *Si interdum etiam ad publicam offensionem publica penitentia præscribenda fuerit, quamvis eam penitens refugit, aut deprecetur, non erit facile audiendus; verum persuadere ei oportebit, ut quæ tam sibi, tum aliis salutaria futura sunt, libenti, & alacri animo excipiat.*

VI. Tridentini Concilii Decretum de imponenda publice peccantibus publicam penitentiam confirmavit inter alios S. Carolus in Concilio Provinciali Mediolanensi I. Capite, De iis, quæ pertinent ad Sacramenti Penitentia administrationem, ubi etiam vetat Confessariis, ne illud publice penitentia genus, nisi data ab Episcopo facultate, secreta alia pena commutare audeant. Rursus in Concilio Provinciali 111. Studeat, inquit, Episcopus ad sacrorum Canonum, & Concilii Tridentini præscriptum, pro publicorum delictorum gravitatis ratione, & publicum, & solemnem penitentiam in usum revocare. Tum

vero mox ritum præscribit, sic inquires: *Quos vero ita solemniter punire oportet, mense ante Quadragesimam initium ad se per Parochos deferri curet, ut primum invenit Quadragesima illi penitentia affici, tum die Cæna Domini Ecclesia reconciliari possint sicut solemni ritu.* Atque hic est ritus antiquus passim in prædictis Conciliis, & Sacramentorum Libris præscriptus, quem nos late explicuimus Tomo 111. Commentariorum in Pontificale Romanum, in Commentariis ad Titulum III. Sed ut videas, quanti momenti sit reuocatio, ac usus prædictæ disciplinæ, idem S. Carolus in Provinciali v. Concilio, Capite citato, hæc habet: *Quod in Concilio Provinciali tertia de penitentia publica, & solenni Sacrorum Canonum jure, & Oecumenicæ Synodi Tridentinæ auctoritate sancitum est, id ad usum Inducatur, vel revocetur, atque adeo rite, recteque præstetur, prout Instructionibus, quæ ad communem totius Provincia usum jussu nostro edentur, ex Canonum fontibus, Sacrorum dominarum disciplina, Ecclesiasticæque institutionis præscriptum erit.*

VII. Sed nec tandem præteriri debent, quæ de ipsa publica penitentia pro peccatis publicis imponenda, monet memoratum Concilium v. Provinciale Beneventanum citato superius loco; ac primo quidem peccatum publicum intelligi solum, quod tale sit, quod totam Civitatem, Castellum, vel Villam commoverit, ut per homicidium, sacrilegium, incestum, & similibus. Secundo, publicam penitentiam posse ab Episcopo dumtaxat, vel ab alio de mandato suo imponi. Tertio, Curiam Romanam non indicare talem penitentiam publicam, nisi in loco, ubi residet Curia; & idea non credendum multis ribaldis, qui discurrant per mandum cum cætenis, & aliis publice penitentibus eum literis falsis Penitentiarius Domini Papa, quibus de facili non credendum, quia non consuetum. Similia habent permultæ alie Synodi, quas hic omittimus.

§. XXII.

Videat autem diligenter Sacerdos, quando, & quibus conferenda, vel neganda, vel differenda sit Absolutio; ne absolvat eos, qui talis beneficii sunt incapaces, quales sunt, qui nulla dant signa doloris; qui odia, & inimicitias deponere, aut aliena, si possunt, restituere, aut proximam peccandi occasionem deserere, aut alio modo peccata derelinquere, & vitam in melius emendare nolunt; aut qui publicum scandalum dederunt, nisi publice satisficiant, & scandalum tollant; neque etiam eos absolvat, quorum peccata sunt Superioribus reservata.

COMMENTARIUS.

I. **O**mnibus quibuscunque concedendam non esse Absolutionem, sed iis omnibus negandam, quorum nulla, vel ficta conversio; iis vero differendam, quorum dubia, & incerta penitentia est, docent passim sanioris Moralitæ Theologi, probantque variis Divinæ Scripturæ Oraculis, unanimi Patrum consensu, ac repetitis Conciliorum Decretis. His itaque adherens noster §. Confessarius monet, & primo quidem, ne eos absolvat, qui nulla dant signa doloris. Idem quoque docet Catechismus Parte II. De Penitentia Sacramento, num. lxxxix. ubi postquam dixit, posse Sacerdotem absolvere penitentem, si audita confessione judica-

verit, neque in enumerandis peccatis diligentiam, neque in detestandis dolorum penitenti omnino desuisse, ita subdit: *Sin autem utrumque in eo desiderari animadvertitur, auctor illi, & suavior erit, ut majorem curam, quod antea dilatum est, in excutienda conscientia adhibeat, humenemque, ut blandissime poterit, tractatum dimittit.* Neque vero dubium est, quin sacrilegium committeret Confessarius, si eum absolveret, quem cognoscit carere contritione, aut dispositione debita; nam faceret Sacramentum nullum, dando absolutionem invalidam, & inutilem defectu materia debita, quæ insitit in actibus penitentis, quales sunt contritio, confessio, & satisfactio.

II. Sed nec illud revocari in dubium potest, quin teneatur Confessarius ipse diligenter advertere, utrum poenitentem verum habeat dolorem de suis peccatis, priusquam illum absolvat. Atque hic lubet varia argumenta referre a Cardinale Denoff tradita in Pastoralis Instructione ad Confessarios suae Diocesis, ex quibus iudicare Confessarios potest, eos poenitentes verum dolorem minime habere, quicquid illi affirmant. I. Dum ad Tribunal Poenitentiae accedunt cum quadam superbia specie, velut aspernantes Jesu Christi Ministrum, dum impatientiam, & indignationem ostendunt in qualibet interrogatione facta, ut illorum animae saluti dignosci possit. II. Dum peccata narrant velut res plane indifferentes, & magis ad memoriam, quam conscientiae exonerationem. III. Dum confitentes peccata, culpam, & reatum in alios transferre satagunt, & saepius magis se excusare, quam accusare, intendunt. IV. Cum videbit prudens Confessarius, poenitentem data opera voluisse aliquod celare peccatum mortale, & sola ipsius industria fuit detectum. V. Si recusaverunt poenitentes satisfactionem congruam, & convenientem implere. VI. Dum non sunt uti remediis propriis ad evitanda peccata, quia qui media non vult ad finem necessaria, neque ipsum finem velle censendus est. VII. Quando sunt de illorum poenitentium numero, qui studiosius Confessarios ignaros, aut nimis indolentes quaerunt, qui plures Libros volvunt, & revolvunt, donec aliquem Auctorem propriae cupiditati faventem invenerint; similes omnino aegrotis, qui indolentes, & inexpertos medicos quaerunt, qui omnes morbos cum solis unctionibus curare praesumerent.

III. Siquis autem hic quaerit, quomodo Confessarios dignoscere possit, poenitentem vere esse contritum, recte respondet doctus aequae ac religiosus Vafionensis Episcopus Franciscus Genettus Tomo IV. *Theologiae Moralis*, Tractatu VI. Cap. V. *Questione* 19. iudicare id posse Confessarium, si poenitentis contritio quatuor illas circumstantias includat, quas Tridentina Synodus Sessione XIV. Cap. IV. censuit necessarias esse ad veram contritionem. Prima est odium, ac detestatio peccatorum vitae praeteritae. Secunda, per quam prima dignoscitur, est cessatio a peccato, id est ordinarie loquendo, Confessarius non debet absolvere poenitentem in mortale peccatum saepe delapsum, nisi per aliquod tempus ipsum probaverit, & noverit in eo initium emendationis; quod longiori, vel minori tempore probari debet, quo poenitens saepius, aut rarius in peccata mortalia fuit incidere, nisi in casu necessitatis, verbi gratia, si poenitens esset in periculo mortis. Tertia est firmum, constansque, seu non vacillans novae vitae propositum, hoc est, non amplius peccandi, & sincerum eliciendi actus iustitiae desiderium. Quarta est ipsa novae vitae inchoatio, ubi revera incipit eas habere dispositiones, quae cum ad virtutes Christianas exercendas excitent. Sent autem haec citat Concilii verba: *Declarat igitur Sancta Synodus, hanc contritionem non solum cessationem a peccato, & vitae novae propositum, & inchoationem, sed veteris etiam odium continere.*

IV. Quaerit iterum fortasse quispiam, an poenitentis lacrymae sint signa doloris? Ad quod idem Auctor egregie respondet, quod licet lacrymae ipsae frequentiora sint contritionis signa,

non tamen sunt certa illius indicia, quia alio ex fonte procedere possunt, quam ex vera, & sincera peccatoris conversione; nam saepe proveniunt ab humano prorsus affectu, vel ex imaginatione obiecto aliquo commota. Videmus etiam nonnullos, qui, ostensis his speciebus poenitentiae signis, prima data occasione relapsi sunt in peccatum; ex quo facile dignoscitur, eos non habuisse veram peccatorum suorum contritionem. Atque huc facit, quod in Tractatu, *De Confessione*, ait Petrus Blesensis: *Nemo de momentanea contritione, vel assuetudine lacrymarum praesumat. Nonne ista compunctio eorum excusat oculos, & aures cordis obturat, qui credentes se esse aliquid, cum nihil sunt, abominabiles criminum maculas sine fructibus poenitentiae, paucis lacrymis assument abluisse? Vera siquidem poenitentia, non in lacrymis momentaneis, aut horarum compunctibus consistit. Ubi lacrymae conjunctae sunt cum aliis poenitentis actibus, non addubito, quin ipse veri doloris signa sint, uti addicimus ex S. Basilio Seleuciensi, qui in Oratione XII. quae est prima in Ionam, sic inquit: *Haec vera poenitentiae indicia, laegens animo, phorantes oculi, improbitatis correctio, impietatis fuga, carnis contritio, animi contritio, iniustitia desertio.**

V. Secundo neganda est Absolutio illis, qui odia, & inimicitias deponere volunt. Idque fundatum est in celebri illa Salvatoris nostri sententia Matthaei Cap. VI. *Si autem non dimiseritis hominibus, nec Pater vester dimittet vobis peccata vestra.* Hinc merito in variis Conciliis, ac praesertim in Generali III. Lateranensi anni MCCCXIII. Can. XXII. falsa illius poenitentia reputata est, *Si odium in corde persistat, aut si offensus cuiuslibet non satisfiat, aut si offendenti offensus non indulget.* Hinc vero eos, qui discordantibus sunt, qui inter se litem implacabilem habeant, statim reconciliari; quod si venerint pacem suscipere, ab Ecclesia ejici, usquequo ad civitatem redeant, statuit quidem Narnanense antiquum Concilium, Can. I. Atque haec est vetus Ecclesiae disciplina in variis Conciliis asserta, ac praesertim in Carthaginensi IV. anni CCCXCIV. Can. XCIII. expressa, ut oblationes dissidentium Fratrum neque in Sacrario, neque in Gaseophilacio recipiantur; placuitque Concilio Agathensi anni DVI. Can. XXXI. *ut sicut plerumque fit, quicumque odio, aut longinqua inter se lite dissenserint, & ad pacem revocari diutina intentione nequeverint, a Civitatis primitus Sacerdotibus arguantur; qui si inimicitias deponere perniciosa intentione noluerint, de Ecclesia causa iustissima excommunicatione pellantur.* Idem Decretum in aliis Conciliis legitur, quae recenset, confirmatque Concilium Troslecanum anni CMIX. Can. XII.

VI. Tertio neganda est illis Absolutio, qui alienae, si possunt, resistere volunt. Notum quippe illud est S. Augustini in Epistola CLIII. ad Macedonium, alias LIV. *Pessimum hominum genus commemoras, cui poenitendi medicina omnino non prodest. Si enim res aliena, propter quam peccatum est, cum reddi possit, non redditur, non agitur poenitentia, sed fingitur; si autem veraciter agitur, non remittitur peccatum, nisi restituatur ablatum, sed, ut dixi, cum restitui potest. Quod a Gratiano in Can. Si res aliena. Causa XIV. Questione VI. & ab Alexandro III. laudatur in Cap. Cum tu, De usuris, & relatum est inter Regulas Juris in Sexto his verbis: *Pe-**

atum non dimittitur, nisi restituatur abbatum. Sola autem promissione restitutionis facta, penitentem absolvi non debere, maxime si alias restitutionem, aut satisfactionem promissit, & fidem fecerit, sed Absolutionem illius esse differendam, donec revera satisfecerit, aut restituat, statuit inter alia Concilium I. Provinciale Mediolanense a S. Carolo celebratum, ubi agit de iis, quæ pertinent ad Sacramenti Penitentiam administrationem, sic inquit: *Caveant Confessores, ne ante debitam satisfactionem illos absolvant, quibus autem facultas ad aliam restitutionem, vel legata, quæ ad pias causas facta sunt, persolvendi, illisque, ut id facerent, superiori Confessione præceptum sit, prestare tamen neglexerunt, exceptis iis, qui periculose agrotant, quos tamen moveant, ut quæ debent, quamprimum solvant.* Eadem statuunt & alie Synodi, quæ etiam expresse jubent, quod alias docent laioris Moralis Theologi, eos nec absolvendos, qui honorem, aut famam læsam, aut quodlibet aliud damnum proximo illatum, refarcire, cum possunt, aut dare operam, ut facilitatem illa præstandi, si non habeant, compareant, nolunt.

VII. Quarto neganda Absolutio est illis, qui proximam peccandi occasionem deferere volunt. Occasio proxima peccati est illa, quæ ex natura sua, aut semper, aut fere semper ad peccatum inducit. Quod autem absolvi non debeant, qui in huiusmodi occasione versantur, ratio est, quia non habent propositum non peccandi de cetero, imo consensur velle iterum peccare; qui enim vult causam, vult & effectum, qui cum ea moraliter conjunctus est. Nititur hæc quidem ratio complurium Patrum, & Conciliorum auctoritate; celeberraque est illud, quod docet S. Gregorius Homilia xxiv. in Evangelia: *Sunt enim, inquit, pleraque negotia, quæ sine peccatis exhiberi, aut vix, aut nullatenus possunt.* Quæ ergo ad peccatum implicant, ad hæc necesse est, ut post conversionem animas non revertant. Concilium Lateranense Generale II. cuius supra meminimus, Can. xxi., falsum inquit penitentiam fieri, *com penitentem ab officio, vel curiali, vel negotiali non recedit, quod sine peccato agi nulla ratione prævalet.* Atque huc spectat, quod docet S. Bernardus Sermone I. De resurrectione, sic inquit: *Non satis cecidisse piget hominem, qui adhuc manere disponit in labris.* Et paulo post: *Vera compunctionis iudicium, opportunitatis fuga, subtrahit occasionis.* Hinc merito Innocentius Papa XI. inter alias plerisque laxas, horrendasque Casuistarum propositiones damnavit hanc num. 61. *Potest aliquando absolvi, qui in proxima peccandi occasione versatur, quam potest, & non vult evitare, quia modo dicitur, & ex proposito querit, ans ei se ingerit.* Itemque istam num. 62. *Proxima occasio peccandi non est fugienda, quando causa aliqua utilis, aut honesta non fugiendi occurrat.* Præterea hæc aliam num. 63. *Licetum est querere directè occasionem proximam peccandi pro bono spiritali, vel temporali nostro, vel proximi.*

VIII. Porro de proxima occasione peccati illud est omnino adnotandum, quod alia est voluntaria, alia vero necessaria. Prima dicitur illa, quam quis potest, & non vult deferere; altera vero, quam quis vellet, sed non potest. Itaque, ut docet inter alios S. Carolus in suis ad Confessarios Instructionibus, si penitens sit in aliqua

proxima mortaliter peccandi occasione, & possit eam deferere, absolvi non debet, donec eam deferuerit; si vero non possit eam deferere, differenda est absolutio, donec aliqua dederit emendationis iudicia, & legitimum sit aliquid credendi fundamentum fore, ut deinceps a peccato caveat. Atque hæc est communis saniorum Theologorum sententia, cui Summi Romani Pontifices patrocinati sunt, ubi contrarias Casuistarum opiniones damnarunt.

IX. Quinto neganda est Absolutio iis, qui peccata derelinquere, & vitam in melius emendare nolunt. Qui enim penitentiam ita agunt, ut in eadem peccata dilabuntur, sædissime penitentiam agunt, ut loquitur Concilium Toletanum III. anni DLXXXIX. Can. xi. cuius hæc verba sunt: *Quoniam emperimus, per quosdam Hispaniarum Ecclesias, non secundum Canonem, sed sædissime pro suis peccatis homines agere penitentiam, ut quoties peccare libenter, toties a Presbyteris se reconciliari expolulent: ideo pro coercenda tam execrabili presumptione, id n. Sancto Concilio iubetur, ut secundum formam Canonum antiquorum detur penitentia.* Adversus hæc alterarum prolapsionum, & absolutionum sæditatem styrum suum exacerunt passim Ecclesie Patres, quos recensent Natalis Alexander Lib. II. Theologia Dogmaticæ & Moralis, Cap. vii. Articulo III. Regula xi. & Jucenius in Opere, De Sacramentis, Dissertatione vi. Questione vii. Capite iv. Articulo v. ubi late probat, eos qui mortaliter peccarent ex consuetudine, non debere absolvi, nisi multo ad viri prudentis iudicium tempore conversionem piis operibus comprobassent. Cui quidem sententia favet Innocentius XI. qui inter alios portentosos Casuistarum propositiones, & hanc num. 60. damnavit: *Penitenti habenti consuetudinem peccandi contra Legem Dei, naturæ, & Ecclesiæ, est emendationis spes nulla appareat, nec est neganda, nec differenda Absolutio, dummodo ore proferat, se dolere, & proponere emendationem.* Per ea verba, est emendationis spes nulla apparet, intelligit Pontifex, eum penitentem, qui corde emendationem non probat præviis pietatis operibus, ac lis possitimum, quæ illi Confessarius imposuit; nam ex hac altera damnata propositionis parte, dummodo ore proferat se dolere, & proponere emendationem, invicte colligitur, spem emendationis in iis non apparere, qui verbis tantum, non autem operibus Confessarium de sua conversione certiores faciunt.

X. Sexto neganda est Absolutio iis, qui publicum scandalum derant, nisi publice satisficiant, & scandalum tollant; quantum scilicet ipsi possunt, ut docet S. Carolus in suis ad Confessarios Instructionibus. Hoc spectare etiam possunt quæ supra diximus in Commentario ad h. xxi. de penitentia publica publice peccantium impositione, auctoritate Concilii Tridentini Sessione xxiv. De reformatione, Cap. viii. ejusdemque ratione ibidem explicata. Longum plane esset commemorare hoc loco reos omnes publici scandalii, quibus deneganda est absolutio; sunt plures ipsi multiplicis generis, veluti histriones, mimi, comædi, itemque illi, qui nimio vestium luxu, atque ornatu pudicitiam lædunt; de quibus loquitur in suis ad Confessarios Instructionibus S. Carolus, alique zelantes Episcopi in Synodis, ac Pastoralibus Literis. Ceterum, tamen

in hoc nostro §. nulla fiat mentio de iis, qui Christianæ Fidei, Deique, & Ecclesiæ Præcepta ignorant, tamen negandam ipsi, vel differendam esse Abolutionem, sicut & patribusfamilias, qui liberos suos, & domesticos scientia credendorum, & agendorum ad salutem necessariam imbuiere negligunt, tum loco citato, tum alibi S. Carolus monuit. Atque hanc regulam confirmavit Innocentius Papa XI. hac inter alias Casualiarum propositione damnata num. 64. *Abolutionis capax est homo quantumvis laboret ignorantia Mysteriorum Fidei, & etiam per negligentiam etiam culpabilem nesciat Mysterium Sanctissimæ Trinitatis, & Incarnationem Domini nostri Jesu Christi;* Itemque hac alia numero sequenti: *Sufficit illa Mytheria semel eruditiss.* Sed de his videri possunt que jam late diximus supra in Commentario ad §. xiii.

XI. Septimo tandem neganda est iis Abolutio, quorum peccata sunt Superioribus reservata; quia scilicet, ut docet Concilium Tridentinum, Sessione xiv. De *Pœnitentia*, Capite vii. natura, & ratio iudicii illud expofcit, ut sententia in subditos dumtaxat feratur; personarumque loci circumferat in Ecclesiâ Dei fuit, & verissimum esse Concilium ipsum confirmat, nullius momenti Abolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem. Sed non opus est hic integrum laudati Concilii Caput describere, quod de ipso, Casuumque reservatione in eo recensita, atque probata jam satis dixerimus in Commentariis ad §. iv. & xii. Ceterum quænam sint atrociora, & graviora crimina reservanda una cum aliis materiâ ipsam reservationis Casum spectantibus, præsertim, quoad Regulares, doctè, solideque de more exponit Sanctissimus Dominus noster Lib. v. De *Synodo Diœcesana*, Cap. v. per totum. Denique non puto omitteudum, quod docet S. Antoninus Parte iii. Tit. xvii. Capite xviii. de eo, qui per inadvertentiam, aut ignorantiam, absolvit penitentem a casu reservato, non obtenta Superioribus facultate, quod nempe, *quantumvis graviter peccet, præcipue quando absolvit scelerem, vel etiam ex ignorantia Juris crassa, non tamen censuram aliquam, seu excommunicationem ex hoc incurrit, sive sit Clericus secularis, sive Religiosus, dicitur absolvens; sed tenetur illum, quem sic absolvit, adjuvare de errore suo, si cognoscit, vel potest invenire; ille tamen quoad Deum excusatur, qui hoc ignorat.* Nullam quidem S. Antonini tempore sic absolventes, sed nunc excommunicationem ipso facto incurrunt, qui absolvere audent, vel præsumunt a casibus Sedis Apostolicæ, aut Ordinarii locorum reservatis absolvere, ut constat ex Decretis Sacre Congregationis Cardinalium negotiis Episcoporum, & Regularium præpositis a Clemente VIII. Paulo V. & Urbano VIII. confirmatis. Audent autem, & præsumunt, qui scienter absolvent, vel ex ignorantia juris crassa, aut affectata.

XII. Præter hæcenus nominatos homines, quibus ex nostri §. præscripto deneganda est absolutio, sunt & alii multi, qui ex insignium Theologorum sententia, & variorum Conciliorum, Decretis, nec licite, nec valide absolvi possunt. Ut autem ceteros omittam, audire certe Confessarii non debent, aut absolvere eos, quorum peccatorum participes, & complices fuerunt.

Extat plane hanc in rem celebre S. Caroli Decretum in Synodo Diœcesana Mediolanensi xi. quo Confessarii generatim, atque univerſum facultatem interdixit sui cuiuscumque criminis socium, sive quoquo modo participem absolvendi: *Confessarii, inquit, qui cuiuscumque criminis societatem, participemve ullo modo fuit, manere interdictionem sit Confessionis eorum audiende, quos illius socios habuerit.* Tum vero statim: *Idem de illis item absolvendis sanctum est.* Et mox: *Siquam vero auctoritatem, jurisdictionemque habet, ea ne abutatur, illum privamus quoad hanc causam, culpamque attinet; nec vero absolutio, siquam impartierit, alius reboris fit, sed irrita plane, ac rescissa, nullaque omnino, tamquam ab eo impartita, qui jurisdictionis, & facultatis expert est.* Ait demum, mandataque, ut *quis Confessarius culpa sociis, participemve aliquid contra ausus erit, excommunicationis sententiam statim habeat, cuius vinculo irretitur ab alio Sacerdote, nisi a nobis, absolvi non possit.*

XIII. Varias Episcoporum Synodos Provinciales, Diœcesanasque idem statuentes congesti pius eruditusque Valoniensis Episcopus Francisus Genetius, Tomo iii. *Theologia Moralis*, Tractatu vi. Cap. xii. itemque Sanctissimus Dominus noster BENEDICTUS XIV. Lib. vii. De *Synodo Diœcesana*, Cap. iv. num. II. in quibus decretum fuit, nedum illicitam, sed inanem pariter, nullam, atque irritam fore abolutionem a Sacerdote datam socio sui criminis, præsertim adversus sextum Decalogi præceptum. Cui quidem Decreto mirifice suffragatur Natalis Alexander Lib. II. *Theologie Dogmaticæ, & Moralis, De Sacramento Pœnitentiæ*, Cap. v. Articulo x. Regula LXVI. ubi hæc habet: *Vix contingit, ut peccatores, qui apud ipsos hujusmodi crimina deponunt, sinceram illius penitentiam agant. Vix contingit, ut criminosis illi Sacerdotes salutaria dent consilia, & convenientem satisfactionis modum præferant; & si peccata sint impudicitia, periculum est, ne nova, cum penitenti, tum Sacerdoti in ipsa Confessione peccati nascatur occasio.* Porro S. Petrus Damiani in Opusculo vii. Cap. vii. adeo vehementer suo ævo, Sæculo nempe xi. quo claruit, in eandem Confusionem inductus est, ut certe videatur illam non solum illicitam reputare, sed tanquam irritam rejicere, ubi sic loquitur: *Legis præceptum est, ut cum quis lepra perfunditur, Sacerdotibus ostendatur. Tunc autem, non Sacerdotibus, sed leproso potius ostenditur, cum immundus immundo peractum communem nequitiam confitetur. Sed cum Confessio atque manifestatio sit, quid obsecro manifestat, qui audienti cognitum narrat? Aut quo pacto Confessio illa dicenda est, ubi nihil a confitente manifestatur, nisi quod jam pridem ab audiente cognoscitur? Et qui sociali vinculo peracti iniquitatis adstringitur, que lege, quo jure ulterum poterit ligare, vel solvere? Frustra enim quis aliam solvere nititur, qui & ipse vinculis irretitur.*

XIV. Cum itaque summa sit, ac gravissima inhonestas, Penitentique Sacramento valde injuriosa, ut Sacerdos illius personæ Confessionem excipiat, cum que impudicitie scelus admisit, jure meritoque idem Sanctissimus Dominus noster BENEDICTUS XIV. statim ac ad Petri Cathedram evectus fuit, totiusque Dominici Gregis curam suscepit, peculiari Constitutione

tione data Kalendis Junii anni MDCCXXII. quæ extat Tomo 1. sui Bullarii, et quæ ordine vicesima, inter alia edixit §. IV. ne ullus Confessarius, *extra casum extreme necessitatis, nimirum in ipsius mortis articulo, & deficiente tunc quocunque alio Sacerdote, qui Confessarii munus obire possit, Confessionem Sacramentalem personæ complicit, in peccato turpi, atque inhonesto, contra sextum Decalogi Preceptum commissio, excipere audeat, sublata propterea illi, ipso jure, quacunque auctoritate, & jurisdictione ad qualemcunque personam ab hujusmodi culpa absolvendam.* Ceterum, ut ipsemet Pontifex conscientiarum utilitati consulere, alia Constitutione, quæ citato Tomo 1. est cxx. data die

viii. Octobris MDCCXLV. declaravit, ad rem, de qua agimus, perinde esse, nullum adesse Sacerdotem præter illum, cum quo penitens in honeste peccavit, aut eum tantum adesse, quem idem penitens constitutus in mortis articulo, eligere nequit sine periculo seipsam infamandi, aliisque malam sui suspensionem ingerendi; atque ideo, in eo rerum statu, non prohiberi, dixit, Sacerdotem sine impedimento complicitem absolvere; eumque tamen simul monuit, ne prædictæ infamæ, aut scandali pericula sibi coningat, quæ vera absint; quinimmo voluit, ut ea, cum potest, antevertat, & removeat, secus enim minime evasurus poenæ in prima Constitutione inobedientibus insidias.

§. XXIII.

Si vero quis constitatur in periculo mortis constitutus, absolvendus est ab omnibus peccatis, & Censuris quantumvis reservatis (cessat enim tunc omnis reservatio); sed prius, si potest, cui debet, satisfaciatur; ac si periculum evaserit, & aliqua ratione Superiori, a quo alias esset absolvendus, se sistere teneatur, cum primum poterit, coram eo se sistat, quicquid debet, præstaturus.

COMMENTARIUS.

I. **C**erta est illa sententia, quam omnes Theologi communiter tradunt, consistentem in periculo mortis constitutum, absolvendum esse ab omnibus peccatis, & Censuris quantumvis reservatis, quia scilicet, ut ait hic noster §. antiquæ Ecclesiæ disciplinæ a Tridentino Concilio commendatam inhærens, *cessat tunc omnis reservatio.* Sed audiamus ipsa, laudati Concilii verba Sessione XIV. Cap. VII. ubi sic ait: *Pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis, atque ideo omnes Sacerdotes quolibet penitentes in quibusvis peccatis, & Censuris absolvere possint; extra quem articulum Sacerdotes cum nihil possint in censibus reservatis, id unum penitentibus persuadere nitantur, ut ad Superiores, & legitimos Judices pro beneficio absolutionis needant.* Porro licet in periculo mortis constitutus absolvi ab omnibus peccatis, & Censuris quantumvis reservatis possit per Sacerdotem, qui ea absolvendi facultate careat, sed tamen, ut ait hic noster §. & debet docent Theologi, prius, si potest, cui debet, satisfacere eum oportet, ac si periculum evaserit, & aliqua ratione Superiori, a quo alias esset absolvendus, se sistere teneatur, eum primum poterit,

coram eo se sistere, non quidem ut rursus absolvatur, sed ut mandatis ejus pareat, & quicquid debet, præstaturus; idque nisi præstulerit, in eadem Censuras incursumus.

II. Hæc regula nititur plane celebri Capite, *Eos qui, De sententia excommunicationis in Sexto, cujus hæc sunt verba: Eos, qui a sententia Canonis, vel hominis, eum ad illum, a quo alias de jure fuerant absolvendi, nequeant propter imminenti mortis articulum, aut aliud impedimentum legitimum, pro absolutionis beneficio habere recursum, ab alio absolvantur; si cessante postea periculo, vel impedimento hujusmodi, se illi, a quo, his cessantibus, absolvi debebant, quam cito commode poterint, contempserint presentare, Mandatum ipsius super illis, pro quibus excommunicati fuerant, humiliter accepturi, & satisfacturi, prout iustitia fundebit; decerniant, ne sic Censura illudant Ecclesiastica, in eadem sententiam recidere ipso jure.* Hanc regulam Theologorum omnium Princeps S. Thomas docet in IV. Sententiarum, seu *Questionum* VII. Supplementi, Articulo VI. in responsione ad secundum: *Non oportet, inquit, eum recurrere ad proprium Sacerdotem, ut iterum a peccatis absolvatur, a quibus in articulo mortis absolutus est, sed ut innotescat ei, quod sit absolutus &c.*

§. XXIV.

Quod si inter confitendum, vel etiam, antequam incipiat confiteri, vox, & loquela ægrum deficiat, nutibus, & lignis conetur, quoad ejus fieri poterit, peccata penitentis cognoscere, quibus utcumque, vel in genere, vel in specie cognitis, vel etiam si confitendi desiderium, sive per se, sive per alios ostenderit, absolvendus est.

COMMENTARIUS.

I. **V**eteri quidem Ecclesiæ disciplina, Patrumque auctoritate probatur, quod in hoc morbo §. edicatur, ut nempe,

non modo iis, qui inter confitendum vocem, usumque loquelæ amiserunt, verum etiam illis, qui morbo lethali correpti desiderium confitendi, sive

sive per se, sive per alios ostenderint, Absolutio præbentur. Testem hujus disciplina habemus Augustinum Leonem Magnum Papam in Epistola xci. ubi sic loquitur: *Verum etiam talium necessitati auxiliandum est, ut nec alio illis penitentia, nec communis gratia denegetur, si eam etiam amisso eis vocis officio, per iudicium integri sensus querere comprehendant. Quod si aliqua vi aegritudinis ita fuerint aggravati, ut quod paulo ante possidebant, sub presentia Sacerdotis significare non valeant; testimonia eis Fidelium circumstantium prodesse debebant, ut simul & penitentia, & reconciliationis beneficium consequantur.* Eorum vero verborum, aliorumque similibus interpretatio, quam tradit Dominicus Soto Dominicanus Theologus cæteroqui apprime doctus, nequaquam est admittenda, ubi ait, reconciliationem, de qua loquitur S. Leo, esse Cæremonialem, non Sacramentalem. Sed recte admodum observat Juvenius, *De Sacramentis*, Dissertatione vi. Quæstione vii. Cap. iv. Articulo iii. Sacramentalem esse, non vero Cæremonialem; vox enim illa *reconciliatio* ad penitentem comparata, semper pro eo sumitur, quod lapsus dat jus ad Communionem Eucharisticam, ut ex Concilio Carthaginensi iv. deducitur.

II. Ergo ipsam Concilium iv. Carthaginense anno CCCXCVIII. habitum, Can. lxxvi. sic ad rem nostram inquit: *Is, qui penitentiam in infirmitate petit, si eum, dum ad eum Sacerdos invitatus venit, oppressus infirmitate obmutescat, vel in phrenesim versus fuerit, dent testimonium, qui eum audierunt, & accipiat penitentiam. Et si continuo creditur moriturus, reconcilietur per manus impositionem, & infundatur ori ejus Eucharistia.* Constat plane ex hoc recitato Canone, quod idem Juvenius notavit, per reconciliationem dari jus ad Eucharisticam Communionem, ac proinde Cæremonialis non est, ut e contra tom Theologos omnes, tum Canonistas Dominico Soto visum est. Præterea si penitens reconciliatur per manus impositionem, non significat Absolutionem Sacramentalem, nullo veterum testimonio probari poterit ejus necessitas contra hæreticos recentiores. Siquidem veteres solo, aut pacis, aut communionis, aut reconciliationis nominibus uti solent, cum loquuti sunt de virtute Clavium lapsus ad justificationem consequendam necessaria; pacem autem, communionem, reconciliationem pro eodem sumunt. Scio equidem, hujus argumenti vim a quibusdam Scripturibus

ad occultos peccatores restringi, agentibus datam quidem fuisse semper absolutionem occultis peccatoribus, qui ante morbum, aut voce, aut nutibus Sacerdotem advocassent. Sed primo laudati in argumentum Patres nequaquam quoad istud caput, distinguunt inter occultos, & publicos peccatores; secundo Concilium Carthaginense a nobis allegatum peccatores in extremis absolutos, si supervixerint, ad publicam penitentiam dimittit: *Si supervixerit, inquit, admoveatur a supradictis testibus, petitioni suæ satisfactum, & subdatur statim penitentia legibus, quamdiu Sacerdos, qui penitentiam dedit, præbuerit.*

III. Idem quod S. Leo, & Concilium iv. Carthaginense, docuit etiam S. Augustinus Lib. i. *De adulterinis coniugiis*, Cap. xxviii. ubi dicitur ait, moribundis penitentibus reconciliationem, seu absolutionem concedendam, etiam ipsos vox, & sensus defecerint. Idem habet Concilium Araucanum i. anni CDXL. Canone xii. *Subito obmutescens, prout status ejus est, baptizari, aut penitentiam accipere potest, si voluntatis præterita testimonium aliorum verbis habet, aut presentis in suo antro.* Idem habet Concilium Toletanum xii. anni DCLXXXI. Canone II. Toletanum xiiii. anni DCLXXXIII. Canone ix. aliique complura sequiora xvi, præsertim verno Beneventanum Provinciale vi. anni MCOCLXXIV. Tit. vi. Capite xi. ubi sic inquit: *Si vero infirmus petit Sacerdotem pro penitentia recipiendam, vel aliqua alia signa penitentia fecit, & interim, dum Sacerdos veniret, obmutuerit, vel saltem amens, vel phreneticus, Sacerdos veniens, sive ad nutum infirmi, sive testimonium eorum, qui audierunt ipsam petentem penitentiam, vel alia signa penitentia facientem, debet ei quidquid humanitatis, & consolationis poterit impendere, absolvendo eum de peccatis suis, & reconciliando, orationes dicendo, & Crucis osculum, si presens Crux fuerit, sibi dando. Et si forte mortuus sit, nihilominus absolvat eundem, dum tamen habeat de signis penitentia testimonium, quia forte tendebat manus ad Calam, percutiebat petas, dicebat, Miserere mei Deus, Ego mihi propitijs, Beata Maria ora pro me, vel simile. Unum est, quod hic dissimulari non debet, quod ait, mortuum etiam, si signa penitentiae prius dederit, a Sacerdote esse absolvendum. Quod non de Sacramentali Absolutione intelligendum, sed de illa, quæ fieri mortuis solet.*

§. XXV.

Meminerit porro Sacerdos, ægris non esse injungendam gravem, aut laboriosam penitentiam, sed indicendam tantum illam, quam, si convalescerint, opportuno tempore peragant. Interim juxta gravitatem morbi, aliqua oratione, aut levi satisfactione imposita, & accepta, absolvantur, prout opus fuerit.

COMMENTARIUS.

I. Quamquam ægris injungi non possit gravis, aut laboriosa penitentia, quam ipsi tunc implant, significanda tamen est illa ipsa penitentia, quam, si convalescerint, implere teneantur, ea interim imposita, quam in eo statu facile possint implere; absolvi tamen haud dubie possunt, ac debent, jux-

ta regulam traditam in Canone, *Ab infirmis, Causa xxv. i. Quæstione vi. i. qui ex Penitentia Theodori Cantuariensis Episcopi sumptus est: Ab infirmis, inquit, in periculo mortis positus per Presbyteros parva inquirenda est confessio peccatorum; non tamen illis imponenda quantitas penitentia, sed iuvandenda, & enim amissionem*

orationibus, & elemosinarum studiis pondus penitentiae subleuandum; & si forte migraverint, ne obligati in communione, & consorcio venia fiant alieni. Ad quod periculo si Divinitus ereptus convalescerit, penitentia modum a Sacerdote sibi impositum diligenter observet. Idem confirmat, praeclarique explicat inter alia Concilium Provinciale vi. Beneventanum anni mcccxxxiv. Tit. vi. Cap. ix. Sed lubet locum describere ex instructionibus S. Caroli, De visitatione, & cura infirmorum, ubi ita ad rem inquit: Penitentiam ne ideo nimis leviem impones, quod iusta ab homine jacente non possit prestari; si probabile sit, quod convalescet, & tunc prestare poterit, quod

non poterat jacens. Quod si credibile sit, enim non amplius surreilurum, rationes penitentia iusta eliget, quae possint prestari a jacente, veluti magnam elemosinam pro facultatum modo. Suae debet vero semper, ut morbi afflictiones, penitentiae loco libenter accipiat, Dominoque pro peccatis suis offerat. Fuisse autem hanc veterem Ecclesiae disciplinam, ut qui in infirmitate sine congrua penitentia abolvebatur, si convalesceret, subderetur statutis penitentiae Legibus, addiscere licet ex Concilio Carthaginiensi iv. Canone lxxvi. quem jam in Commentario praecedenti descripsimus, aliisque permultis, quae opus non est recensere.

C A P U T I.

Abolutionis Formula.

I. **A**bsolutionis nomen, uti recte omnes Theologi docent, desumptum est ex iis Christi verbis ad suos Apostolos, & Episcopos eorum primarios successores, necnon & ad inferioris Ordinis Sacerdotes: *Quaecumque solaveritis super terram &c.* Et rursum: *Quorum remisistis peccata &c.* Esse autem Abolutionem formam Sacramenti Penitentiae, Dogma Fidei est definitum, tum in Decreto Florentini Concilii, tum in Tridentina Synodo, Sessione xiv. De Penitentia, Cap. 111. Nec quidem immerito, efficit enim, quod significat, nempe peccatorum remissionem. Nonnumquam illa eadem forma, ut

iuter alios observat Jueninus, De Sacramentis, Dissertatione vi. Quaestione vii. vocata fuit a Patribus *impositio manuum*, vel quod extensis manibus supra poenitentes eam proferret Minister, vel quod antiquitus deprecative proferretur, idest, per modum Orationis, idque iuxta illud Augustini Lib. 111. contra Donatistas, Capite xvi. *Quid est aliud manus impositio, nisi Oratio super hominem?* vel denique, quod Oratio quaedam per illam impositionem manuum designata praemitteretur a Sacerdote Abolutioni, sicut & nunc praemittitur, ad impetrandum pro poenitente effectum Sacramenti.

§. I.

Cum igitur poenitentem absolvere voluerit, iuncta ei prius, & ab eo acceptata salutari poenitentia, primo dicit: *Misereatur tui Omnipotens Deus, & dimissis peccatis tuis, perducat te ad vitam aeternam. Amen.*

§. II.

Deinde dextera versus poenitentem elevata, dicit: *Indulgentiam, absolutionem, & remissionem peccatorum tuorum, tribuat tibi Omnipotens, & misericors Dominus, Amen. Dominus noster Iesus Christus te absolvat, & ego auctoritate ipsius te absolvo ab omni vinculo excommunicationis, suspensionis, & interdicti, in quantum possum, & tu indiges.* Deinde ego te absolvo a peccatis tuis, in Nomine Patris I , & Filii, & Spiritus Sancti. Amen.

§. III.

Si poenitens sit laicus, omittitur verbum suspensionis.

Passio Domini nostri Iesu Christi, veritas Beatae Mariae Virginis, & omnium Sanctorum, quidquid boni feceris, & mali sustinueris, sint tibi in remissionem peccatorum, augmentum gratiae, & premium vitae aeternae. Amen.

COMMENTARIUS.

I. **T**Res simul Paragraphos uno Commentario enarrandis censui, quod in iis integra Abolutionis formula continetur. Ergo esse in potestate Confessarii poenitentem absolvere, vel non absolvere, ex §. t. addiscimus, nam ait, *cum poenitentem absolvere, soluerit*; quod tamen intelligendum est, ubi ad sit rationalis causa, ad absolvendum illum, vel

non absolvendum, juxta ea, quae diximus supra in Commentario praetertim ad §. xxii. Capitula praecedentis. Volens autem illum absolvere, ex praescripto ejusdem nostri §. *in iuncta ei prius, & ab eo acceptata salutari poenitentia, primo dicit &c.* Quae hic dicitur salutari poenitentia, tum a Concilio Tridentino Sessione xiv. Cap. 111. tum ab ejusdem Catechismo Parte II. De Penitentia Sa-

Sacramenta, num. lxxxiv. & seqq. atque a. Theologis passim *satisfactio* appellatur, itemque tertia Sacramenti Pœnitentiæ pars, ut definit ipsum Concilium Tridentinum loco citato, ideoque jure a Sacerdote pœnitenti imponitur, quam licet ita pœnitens acceptare teneatur, et alioquin non sit absolvendus. Primo quidem, quia frustra laudatum Tridentinum Concilium citatè superius Sessionis Capite viii. præcepisset omnibus Sacerdotibus, ut imponent satisfactiones gravitatem criminum convenientes, nisi velint alienorum peccatorum participes fieri, si pœnitentes absque iusta causa tolerabilem pœnitentiam recusare possent. Secundo, quum ex eodem Concilio, Cap. iv. constet, Sacerdotes iudicium hoc, iuocognita causa, exercere non potuisse, neque equitatem quidem illos in pœnis injungendis servare non valuisse, si in genere dumtaxat, & non potius in specie, ac sigillatim sua ipsi peccata declarasset; evidens est, juxta Concilium, eam absolvendum non esse, qui renuit acceptare pœnitentiam peccatis suis convenientem; quia tunc non servaretur æquitas, cui tamen servanda studere debent Confessarii, cum Judices sint, ut habet Concilium. Tertio, quum ergo Sacerdotes in Sacro Pœnitentiæ Tribunali, ut dictum iterum iterumque superius fuit, Judices sint, & Medici, teneatur reus pœnam, qua damnatus est a Judice, subire, & ægrotos sumere potionem, quam ei Medici præscripsit. Quarto denique, ut alia argumenta omittam, quia ita passim Sancti Patres, ac Summi Pontifices, & Generalia Concilia tradunt, ac mandant, inter quos S. Cyprianus in Sermone, *De lapsis*, sic ait: *Ita veram pœnitentiam agit, qui Dei, & Sacerdotis præceptis obediens, operibus iustis Dominum promeretur.* Innocentius tandem Papa III. in Generali Lateranensi III. Concilio, Capite xxi. de confessis ait, *ut iniquitatem sibi pœnitentiam studeant adimplere.* Vide plura apud Eslum in iv. Sententiarum, Distinctione xv. §. xx.

II. Porro si veterem Ecclesiam disciplinam spectemus, addubitari nequit, quin illa multis sæculis eum morem tenuerit, ut lapsi, & peccata confessi, ac reconciliationem petentibus, pœnitentiam, seu satisfactionem injungeret prius explendam, quam per Absolutionem Sacerdotis, ad pacem, seu reconciliationem pertingerent. Patet id imprimis ex vetustissimo Tertulliano, qui in Libro, *De Pœnitentia*, lapsos nondum reconciliatos, sed tamen ad reconciliationem aspirantes longo sermone hortatur ad condignam satisfactionem prius subeundam. Idem facit S. Cyprianus in Libro, *De lapsis*, & in Epistola suis, variis locis; satque id quoque significavit Origenes Homilia xii. in Leviticum, ubi requirit pœnitentiam plenissimæ satisfactionis ad hoc ut Christus intret ad animam, id est Christo tanquam sponsa suo anima reconcilietur. Sed clarissime idipsum ostendunt verba S. Leonis Papæ Magni in Epistola xci. ubi fit inquit: *Christus hanc Præpositam Ecclesie tradidit potestatem, ut & pœnitentibus aliorum pœnitentia darent, & eosdem salubri satisfactione purgatos ad Communionem Sacramentum per ipsorum reconciliationis admitterent.* Hinc Toletani III. Concilii Patres, quod habitum fuit anno DCLXXXIX. Can. xi. veterem morem nonnihil collapsum, renovandum, ac retinendum statuerunt, sic agentes: *Quoniam comperimus per quasdam Hispaniarum Ecclesias,*
Tom. I.

non secundum Canonem, sed sordissime pro suis peccatis homines agere pœnitentiam, ut quotiescumque peccare libuerit, toties a Presbytero se reconciliari exposculent, & ideo pro torcenda tam execrabili præsumptione, id a Sancto Concilio jubetur, ut secundum formam Canonum antiquorum dentur pœnitentia; hoc est, ut prius eam, quem sui pœnitentes scilicet, a communione suspensam, faciat inter reliquos pœnitentes ad manus impositionem crebro recurrere; expleto autem satisfactionis tempore, sicut Sacerdotalis contemplatio probaverit, eam communioni restituat. Hi vero, qui ad priora vitia, vel infra pœnitentia tempus, vel post reconciliationem relabuntur, secundum priorem Canonum severitatem damnetur.

III. Hæc, & longe plura notavit Eslus in iv. Sententiarum, Distinctione xv. §. xv. ut probaret, juxta veterem Ecclesiæ consuetudinem, Absolutioni præcedere debuisset satisfactionem. Sed ad advertendum hic tamen est, quod scite observat Jueninus, *De Sacramentis*, Dissertatione vi. Questione vi. Cap. v. Articulo II. ubi inter alia ait, antiquum ejus Ecclesiæ consuetudinis multiplicem vel olim fuisse exceptionem. Dabatur enim Absolutio ante expletam satisfactionem multis incasibus. Primo, cum urgebat mortis periculum, ut ex Epistola I. Innocentii Papæ I. Cap. vii. addicimus: *Signis, inquit, in agritudinem inciderit, atque æque ad desperationem devenierit, ei est ante tempus Posseba relaxandum, ne de sæculo absque communione discedat.* Secundo cum in discrimine versabatur pœnitentis salus, veluti cum timebant Ministri, ne criminum capitulum rei ad hæreticos, aut Gentiles deficeret, secumque abduceret multitudinem; uti ex variis tum Cornelii Papæ, tum Cypriani Epistolis colligitur. Tertio concedebatur pax, seu Absolutio lapsi aut pœnitentiam, ut subeundo martyrio idonei redderentur, ut eruitur ex eodem Cypriano in Epistola iiv. ad Cornelium: *At vero nunc non infirmis, sed fortibus pax necessaria est; nec morientibus, sed viventibus communicatio a nobis danda est, ut quos excitamus, & hortamur ad prælum, non inermes, & nudos relinquamus, sed protectione Sanguinis, & Corporis Christi muniamus &c.* Quarto, quum absque periculo ingentis schismatis diu differri non poterat Absolutio, tunc disciplinæ severitatem unitatis amor relaxabat, juxta regulam a S. Angustino traditam Lib. III. contra Epistolam Parmeniani, Capite II. Quinto, cum ex reditu lapsorum ingens aliquod bonum redundabat in Ecclesiam, ut est schismata extinctio, uti colligitur ex modo, quo Cornelius Papa se gessit erga Confessores, qui fuerant a Novatiano seducti, atque erga Trophimum, qui ab Ecclesia ad hæreticos defecit, multam secum abduxerat multitudinem: *In Ecclesiam Domini non tam Trophimus, quam maximus Fratrum numerus, qui cum Trophimo fuerat, admissi est; qui omnes ad Ecclesiam regressari non essent, nisi cum Trophimo comitante venissent.* Verba sunt memorati Cypriani in Epistola lxi. ad Antonianum.

IV. Sed omisissis aliis id genus exceptionibus, explicanda censeo hic loco duo præcipua, ac magni ponderis rationum momenta, quibus nitetur veteris praxis in Absolutione non impendenda, nisi satisfactione peracta. Primum est, quod vereretur, ne Sacramenta conferrentur indignis hominibus, sed in affectu peccati mor-

tales herentibus, aut quibus nondum, ut par erat, peccata displicerent: *Quemadmodum porci margaritas proficere est verum*, inquit S. Gregorius Nyssenus in Epistola Canonica, *ita & pretiosa margarita priore eam, qui jam per alienationem a vitio, & purgationem homo factus est, absurdum*. Cavebant sedulo, ne eum tantum absolvent, quem, aut jam coram Deo absolutum, aut Absolutioni maturum per varia pietatis exercitia probassent: *Videndum est*, ait S. Gregorius Papa Magnus Homilia xxvi. in Evangelia, *quod culpa precessit, aut qua sit penitentia sequens, post culpam; ut quot Omnipotens Deus per compunctionis gratiam visitat, illor Pastoris sententia absolvas*. Tunc enim vera est Absolutio Presbiterialis, cum aeterni arbitrium sequitur iudicis. Alterum est, quod veteribus videretur propheta viam eis aperire, qui cito reum absolveret, ut licet addiscere ex S. Cypriano in Libro, *De lapsis*, ubi hæc habet: *In fidelis ecclesie, quam cito festinans Medietur induxit, & ad quemlibet eorum medela rescinditur, si non fideliter de ipsa tarditate remedia preestantur*.

V. Cæterum posteriori temporis Ecclesia iustus haud dubie rationibus mota eum satisfactionis, & Absolutionis ordinem paulatim immutavit, & Absolutionem eis, qui vere penitentes viderentur, etiam ante peractam satisfactionem impendit, idque absque præiudicio prioris consuetudinis, quam hac sua posteriori damnare nequaquam intendit, ut docet Eftius loco citato, ubi etiam has rationes istius mutationis recenset. Prima est, ut pro proteferetur Ecclesia, Absolutionem Sacerdotis coram Deo valere, nimirum ad solvendum obligationem pœnæ æternæ, & non ad hoc tantum, ut externæ fidelium societati penitentes restitueretur. Secunda, quia non minorem fructum ex hac anticipata Absolutione Fideles consequerentur, quam ex dilata, ac forte etiam majorem; quandoquidem jam absoluti a reatu æternæ damnationis pro pœnis temporariis resistentibus tanto deinde satisfacerent efficacius, quanto opera a filiis, & amicis Dei ex caritate facta Deo sunt gratiora, maiorisque apud Deum pretii, quam que sunt ab iis, qui nondum in amicitiam Dei fuerint recepti, ut non immerito dicatur, alteram quidem Absolutionem valere tantum de congruo, alteram autem valere etiam de condigno. Tertia, ut penitentes per Absolutionem citius Deo reconciliati, atque in statum gratiæ restituti, interim in caritate, gratia, & meritis possent proficere.

VI. His ergo, aliisque rationibus nixa Ecclesia sapientissime morem induxit præmittendi in Penitentis Sacramento satisfactioni Absolutionem, meritoque iecirco Alexander Papa VIII. Decreto edito die vii. Decembris anni MDXC. inter alias propositiones hac ordine xvi. damnavit: *Ordinem præmittendi satisfactionem Absolutioni induxit, non politia, aut institutio Ecclesie, sed ipsa Christi Lex, & præscriptio, natura rei idipsam quodammodo dicant; itemque alias sequentes num. xvii. Per illam praxim non absolventi, ordo penitentis est inverfus; & num. xviii. Consuetudo moderna quoad administrationem Sacramenti Penitentis, etiam si eam plurimorum hominum sustentis auctoritat, & multi temporis distantia confirmet, nihilominus ab Ecclesia non habetur pro usu, sed abusa*. Teste Eftio, jam longe ante Alexandrum Papam VIII.

hunc inter alios Petri Oxomenis articulum Complutensis Synodus Sixto IV. Pontifice habita damnavit, non esse nempe absolventis penitentes, nisi peracta prius penitentia eis in iuncta. Quibus tamen Decretis minime adversatur Conciliaris, si hodieque veterem disciplinam de non conferenda Absolutione, antequam adimpleta sit satisfactio, nonnulla in casibus observet; nonnumquam enim vetus hac in parte disciplina penitentis saluti prodesse plurimum potest. Preterea contingit etiam aliquando, Sacerdotem iudicare, quod penitens, si statim Absolutio donetur, iunctum sibi onus exequatur non sit, ac proinde tunc cogi debet, ut illud exequatur, antequam Absolutionem recipiat. Quæ cum ita sint, colligimus plane, quod inter alios laudatus Eftius notavit, nec antiquæ Ecclesiæ consuetudinem nobis esse improbandam, nec eam, quæ posteriori introducta fuit, a praxi veterum, in quibusdam saltem casibus superior memoratis, prorsus alienam, & proinde utramque, velut ab uno Dei Ipiritu, qui totum Corpus Ecclesiæ ab initio usque ad finem sæculi regit, profectam, pro temporum, atque hominum diversitate convenienter esse observatam, eamque hodie retinendam esse, quam sapientissime hodie retinet, ac probat Ecclesia.

VII. His ita explicatis, venio nunc ad ipsam sacramentalis Absolutionis formam in nostro §. II. expressam, de qua fit loquitur Concilium Tridentinum Sessioe XIV. Cap. 111. *Docet præterea Sancta Synodus, Sacramenti Penitentis formam, in qua præcipue ipse verba sita est, in illis Ministri verbis positam esse*: Ego te absolvo &c. quibus quidem de Ecclesiæ sancta more præterit quædam laudabiliter adiunguntur, ad ipsarum formam essentiam nequaquam spectant, neque ad ipsius Sacramenti administrationem sunt necessaria. Idem docet ejusdem Tridentini Concilii Catechismus Parte II. De Penitentia Sacramento, num. xix. ubi fit inquit: *Est autem forma, Ego te absolvo, quam non solum ex illis verbis licet colligere: Quicumque solveritis super terram, erunt soluta & in Cælis; sed ex eadem Christi Domini doctrina ab Apostolis traditam accepimus. At quoniam Sacramenta id significat, quod efficiant, illa, Ego te absolvo, ostendunt, peccatorum remissionem hujus Sacramenti administratione effici, planum est, hanc esse Penitentia perfectam formam; sunt enim peccata tanquam vincula, quibus conficta anima tenentur, & ex quibus Penitentia Sacramento laxantur. Quod quidem non minus vere de illo etiam homine Sacerdos pronuntiat, qui prius ardentissima contritione vi, accedente tamen Confessione voto, peccatorum veniam a Deo confectus sit. Tum vero num. xx. sic subdit: Adduntur præterea complures præces, non quidem ad formam necessaria, sed ut ea removeantur, quæ Sacramenti vim, & efficientiam, illius culpæ, cui administratur, impedire possent.*

VIII. Porro quod nec prænomine ego, quod in verbo includitur, neque hæc verba, a peccatis tuis, ad essentiam formæ spectant, illisque prætermisiss, rata nihilominus esset Absolutio, quamvis Sacerdos illa prætermisissimè gravis peccata reus esset, Theologi passim docent, qui & moment, ea etiam verba, In Nomine Patris, & Filii, & Spiritus Sancti, quamvis usurpari debeant ex Ecclesiæ usu, & convenientia sicut ad fini-

guit

gnificandum, Sacerdotes, non principall, sed ministeriali duntaxat auctoritate, ut Christi Ministros a peccatis absolvere, minime tamen essentialia esse, quia non sunt determinata ex institutione Christi, sicut in forma Baptismi. Quod autem ajunt Theologi, Sacerdotes auctoritate duntaxat ministerii peccata remittere, Deum vero & Christum Dominum principali auctoritate, probant egregio illo S. Augustini testimonio, qui Sermone xcix. alias Homilia xxi. inter Homilia. Cap. ix. ita rem luculentissime explicat: *Ut evidenter ostenderet Dominus, ab Spiritu Sancto, quem donavit Fidelibus suis, dimitti peccata, non meritis hominum, quodam loco sic ait resurgens a mortuis: Accipite Spiritum Sanctum; & cum dixisset, Accipite Spiritum Sanctum, consilium subiecit: Si cui dimiseritis peccata, dimittantur ei; hoc est, Spiritus dimittit, non vos. Spiritus autem Deus est; Deus ergo dimittit, non vos. Sed ad Spiritum quid esset vos? Nescitis, quis Templum Dei estis, & Spiritus Dei habitat in vobis? Et iterum: Nescitis, quia Corpora vestra Templum a vobis est Spiritus Sancti, quem habetis a Deo? Deus ergo habitat in Templo sancto suo, hoc est, in sanctis suis Fidelibus in Ecclesia sua, per eos dimittit peccata, quia viva Tempus sunt; sed qui dimittit per hominem, potest dimittere & prater hominem. Probat quoque hoc celebri S. Ambrosii loco Lib. iii. De Spiritu Sancto, Cap. xv. ubi sic ait: *Homines in remissionem peccatorum ministerium suum exhibent, non ius alienius potestatis exercent. Neque enim in suo, sed in Patri, & Filii, & Spiritus Sancti Nomine peccata dimittunt. Illi rogant, Divinitas donat. Humanum enim obsequium, sed manifestantia sapientia est potestatis.**

IX. Opportune hic explicari quæsitio illa, nunc debet, utrum olim apud Latinos Absolutio Sacramentalis verbis deprecatoriis expressa fuerit. Iosunes Morinus insignis Theologus, & antiquarum rerum Ecclesiasticarum investigator diligentissimus in celebri Opere, *De disciplina in administratione Sacramenti Penitentiae*, Libro viii. a Capite viii. probare nititur, in Ecclesia Latina usque ad Sæculum xiiii. non aliam usurpatam fuisse Absolutionis formam, nisi deprecativam, ac proinde ex natura sua Absolutionis formam tametsi deprecatoriis verbis prolatam, validam esse propugnare. Quin & Capite xviii. num. viii. asserere non dubitat, Concilium Tridentinum sub illa abbreviatione, *Absolve te &c.* intelligere potissimum Sanctissimæ Trinitatis invocationem, scilicet, *In Nomine Patris, & Filii, & Spiritus Sancti*, quam propterea necessariam esse iudicat in huius Sacramenti administratione; immo eam formam deprecativam potius, quam indicativam, dicendum esse ait. Nimirum quia illam invocationem adjunctionem necessariam habet. Suam assertionem probat Morinus per plura Capita, tum ex Patribus, tum ex Ritualibus Libris, seu Penitentialibus, quorum excerpta quamplurima affert Cap. x. & xi. & ad calcem ejusdem Operis nonnullos Libros Penitenciales, seu Rituales imprimi curavit, quos ex mss. Codicibus magno labore excerptaverat. Eundem usum pronunciandi formam Absolutionis verbis deprecatoriis olim obtinuisse, & modo etiam obtinere apud Grecos, ex eorundem Euchologiis, seu Ritualibus eruit idem Morinus Cap. xii. in quo Petri Arcudii, De

Tom. I.

concordia Occidentalis, & Orientalis Ecclesie, Lib. iv. Cap. i. i. agentis formam indicativam in usu esse per hæc scilicet verba, *Habeo te veniat donatum; vel, Mea mediocritas* (quam formam Antistes Græcos humilitatis causis adhibere ait idem Arcudius) *habet te veniat donatum*, sententiam plurimis argumentis confutat, ac expuldit.

X. Morinum sequitur ejus sodalis Juvenius, fuerunt enim ambo Oratores Gallicani Domini Jesu Prebyteri. Sed tamen multi adhuc sunt Theologi insignes, qui constanter asserunt, Absolutionem deprecatoriam, vel nullam, vel certe dubiam esse Sacramenti Penitentiae formam. Pluribus inter alios id probat Natalis Alexander Libro II. *Theologia Dogmatica, & Moralis*, Capite vii. Articulo 1. Propositione II. ac imprimis celebri Decreto Eugenii Pape IV. in Concilio Florentino edito pro Armenorum Instructione, itemque auctoritate Concilii Tridentini, in quibus discrete asseritur, formam Sacramenti Penitentiae positam esse in his verbis: *Ego te absolvo*, quæ quidem absoluta sunt, & non deprecatoria, ut censet Morinus. Atque hinc sententiam, quam hodie præsertim Theologi omnes tenent, famopere patrocinatur Christi Domini Oraculum, qui quidem, ubi Sacramentum ipsum Penitentiae instituit, non dixit: *Quorumcumque solutionem petieritis*; sed, *Quæcumque solveritis &c.* Præterea cum memoratum Sacramentum institutum a Christo sit ad modum iudicii, uti non nro in loco supra ostendimus, jam non debet Sacerdos Judex sententiam ornando ferre, sed ex Tribunali, ibidem sedens, pronuntiando, & solvendo, vel ligando.

XI. Sed audiamus nunc S. Thomam Theologorum omnium Principem, qui quidem ipsam Absolutionis formam indicativis verbis experimentibus Ministerii actionem, necessariam profendam esse, diserte, acriterque docuit in Opusculo xxi. ubi etiam Capite i. temerariam, & presumptuosam appellat adserctionem cuiusdam, quem eo in Opusculo impugnat, dicentis, non debere a Sacerdote Sacramentum Penitentiae ministrante proferri illa verba, *Ego te absolvo*; additque convenire huius Sacramenti formæ, ut per ea verba exprimentur, imo & ex verbis Domini Salvatoris nostri, Matthæi Cap. xvi. colligi, eam esse formam debitam absolventi, ac proinde necessariam esse videri ait, ut ea forma utatur Sacerdos Sacramentum Penitentiae administrans. Deinde Cap. II. Sanctus Doctor quas pro sua adserctione attulerat ille, quem impugnat, rationes clarissime, & more suo invictè dissolvit. Et Cap. iiii. explicat sensum eorum verborum, *Ego te absolvo*, esse hunc, scilicet, *Sacramentum, vel ministerium absolutionis tibi impendo*. Quæ omnia summam repetit, & confirmat in Summa Theologia, Parte iiii. Quæst. lxxxiv. Articulo 1. Atque hanc S. Thomæ sententiam, quæ jam olim communissima omnium Theologorum erat, suis Decretis confirmarunt Concilia, Florentinum, & Tridentinum, locis superius citatis, ut post Eftium nuperus eruditus Auctor in Notis ad Eftium ipsum observat in iv. Sententiarum, Distinctione xv. ad calcem §. iv.

XII. Sancti Thomæ argumenta recenset citato loco Natalis Alexander, ubi etiam Patrum testimonia, quæ pro forma deprecatoriæ obijci solent, egregie explicat juxta interpretationem ejusdem S. Doctoris. Quod enim Patres peccata

E f 2

pre-

precibus Sacerdotum remitti aſſerunt, intelligendos illos ait de oratione, quæ præmittitur Abſolutioni, non vero quod Abſolutionis formula ſit ſimplex oratio. Quod præterea obijciatur, antiquos Libros Rituales, & Penitenciales, alioſque id genus Codices ante annum milleſimum exaratos nullam aliam Abſolutionis formam exhibere, falſum proſecto eſt. Varii enim extant Sacramentorum Libri antiquiſſimi etiam ante annos mille ſcripti, in quibus abſoluta legitur ſermonibus Abſolutionis. Certe in perveſto Pontificali Egberti Eboracenſis Archiepiſcopi, & in Pontificali Anglicano Mnaſterii Gemmeticeſis apud Martene Lib. I. de antiquis Eccleſie ritibus, Capite vi. Articulo vii. Ordine I. & II. ita legitur ipſa Abſolutionis forma: *Abſolvimus vos vice Beati Petri Apoſtolorum Principis, cui Dominus ligandi, atque ſolvendi poteſtatem dedit, & quantum ad vos pertinet auctoritate, & ad nos remiſſio. Sit vobis Deus Omnipotens vita, & ſalus, & omnium peccatorum veſtrorum indulgentia.* In citato Pontificali Anglicano ſequuntur ſtatim & hæc alia verba: *Et qui vobis compunctionem cordis dedit, det veniam peccatorum, longevamque vobis, atque ſelestem vitam in hoc ſeculo largiatur, & in futuro cum Chriſto, & omnibus Sanctis ejus in fine manentem. Per eundem Dominum noſtrum.* Cæterum Theologi, qui abſolutam Abſolutionis ſermonem propugnant, recte notant, formulas illas deprecatorias, quæ ex veteribus Ritualibus proſeruntur, jam non ſpectare Sacramentalem Abſolutionem, ſed Canonicam; unde maxima pars orationum, ſive ſermonum earundem, hunc titulum inſcriptum habet: *Orationes ad reconciliandos penitentes Feria v. in Cena Domini*, uti videre eſt apud Iſaudent Martene. Spectant igitur publice penitentium reconciliationem, quæ mere extrinſecalis eſt, non vero ſacramentalis.

XIII. His ita enarratis, explicandus nunc paulo ſuſius eſt illorum verborum ſenſus, *Ego te abſolve*, quibus Sacerdos jam non declarat, conſentiſſe remiſſa eſſe peccata, ſed ſe illi peccata remittere. Chriſtus enim ſe eam poteſtatem Diſciplis tradere ſignificavit, quam ipſe a Patre acceperat, uti legitur in Evangelio Joannis Cap. xx. *Sicut miſit me Pater, & ego mitto vos. Accipite Spiritum Sanctum; quorum remiſeritis peccata, remittantur eis &c.* Chriſtus autem Dominus non ſolum declarat, remiſſa eſſe peccata, ſed ea remittit. Sacerdotes igitur, accepta a Deo poteſtate, jam non ſolum peccata eſſe remiſſa declarant, ſed ipſi etiam illa remittunt. Unde S. Leo Magnus Papa in Sermone, de Tranſfiguratione, ſic inquit: *Nec in ſolvendis, aut ligandis quorumcumque cauſis aliud ratum eſſet in Cælis, quam quod Petri ſediſſet arbitrio.* Sed quid opus eſt alios Patres reſerre, cum perſpicua ſit hæc in rem S. Thomæ doctrina, qui in lectione veterum Patrum ſuit apprime verſatus. Sic enim ille Parte III. Quæſtione lxxx. Articulo III. ad v. Iſta expoſitio, *Ego te abſolve, id eſt, abſolutum offendo, quantum ad aliquod quidem vera eſt, non tamen perſecla. Sacramenta enim Novæ Legis non ſolum ſignificant, ſed etiam faciunt, quod ſignificant.* Unde ſicut Sacerdos baptizando aliquem, offendiſſet hominem abſolutum per verba, & facta, & non ſolum ſignificative, ſed etiam effeſtive; ita etiam cum dicit, *Ego te abſolve*, offendiſſet hominem abſolutum non ſolum ſi-

gnificative, ſed etiam effeſtive. Nec tamen loquitur quaſi de re incerta; quia ſicut alia Sacramenta Novæ Legis habent de ſe certum effeſtum ex virtute Paſſionis Chriſti, licet poſſit impediri ex parte recipientis; ita & in hoc Sacramento. Unde S. Auguſtinus dicit, Lib. II. de adulterioſis conjugiis, Cap. ix. Non eſt turpis, nec difficiliſſima poſt patrata, & purgata adulteria reconciliatio conjugii, ubi per Claves Regni Cælorum non dubitatur fieri remiſſio peccatorum. Unde nec Sacerdos indiget ſpeciali revelatione ſibi facta, ſed ſufficit generalis revelatio Fidei, per quam remittuntur peccata. Eſſet autem perſeclior expoſitio, *Ego te abſolve*; id eſt Sacramentum abſolutionis tibi impendo.

XIV. Veterum Patrum, atque inſignium Theologorum doctrinam ſequuta Synodus Tridentina definiit tandem Seſſione xiv. De Penitentia, Can. ix. ut, *ſiquis dixerit, Abſolutionem Sacramentalem Sacerdotis, non eſſe aliam iudicalem, ſed nudam miniſterium pronuntiandi, & declarandi, remiſſa eſſe peccata conſenti, modo tantum eredit, ſe eſſe abſolutum...* anathema ſit. Idem confirmat ejuſdem Concilii Catechiſmus, Parte II. De Penitentia Sacramento, num. xxx. ex Sacerdotum Novæ Legis excellentia ſupra Sacerdotes Veteris Legis; Nique enim, inquit, ut in Veteri Lege Sacerdotes teſtimonio ſuo aliquem a lepra liberatum eſſe dumtaxat renuntiabant; ita nunc in Eccleſia ea tantum poſſas Sacerdotibus facta eſſe, ut aliquem a peccatis abſolutum eſſe declarant, ſed vere tanquam Dei Miniſtri abſolvunt; id quod Deus ipſe gratia, & juſtitia Auctor, ne Parent eſſent. Atque hoc facit, quod ait S. Joannes Chryſoſtomus Lib. iii. De Sacerdotio, Cap. v. juxta noſtrum hujus Operis eum Notis editionem: *Corporis lepram purgare, ſeu verius dicam, band purgare quidem, ſed purgatos probare, Indagorum Sacerdotibus ſis licebat.* Et paulo poſt: *At vero noſtri Sacerdotibus, non corporis lepram, verum animæ ſordes, non dico purgatos probare, ſed purgare prius conceſſum eſt.* Cæterum, quod verba ipſa, *Ego te abſolve*, Catholico, quem expoſuiſumus, ſenſu intellecta, non minus vere de illo etiam homine Sacerdos pronunciat, qui prius ardentiffimo contritionis voto, necdum tamen Confefſionis voto, peccatorum veniam conſequutus ſit, ex laudato Concilio Tridentino Catechiſmo ſuperius diximus. Contritio enim perſecla non delet peccata, aut remittit, niſi in ordine ad Eccleſiam Claves, & ad Sacramentum, quod his verbis, *Ego te abſolve*, perſicitur, & exhibetur. Quæ quidem verba tam ex Chriſti inſtitutione, quam ex Eccleſiæ, & Miniſtri intentione ſignificant effeſtum, quem Sacramentum per ſe operatur, ſi aliunde nihil obſtet, ut recte poſt alios obſervat Natalis Alexander citato Libro II. Cap. vii. Articulo II. Propositione unica. Quamobrem a S. Pio Papa V. merito damnati ſunt duo illi Michaelis Bajæ Articuli xiv. & xv. quorum primus ſic habet: *Abſolutione Sacerdotis proprie reſtat peccati dumtaxat tollitur, & miniſterium Sacerdotis ſolum liberat a reatu.* Alter vero ita inquit: *Peccator penitens non vivificatur miniſterio Sacerdotis abſolventis, ſed a ſolo Deo, qui penitentiam ſuggere, & inſpirare, vivificare, & reſuſcitare; miniſterio autem Sacerdotis ſolum reatu tollitur.*

XV. Reliquum eſt, ut alia quedam notemus, quæ

quam formulam ipsam Absolutionis, ejusque varietatem, ac ritus spectant. Et primo quidem, jam non eadem omnes Ecclesie ante Rituale Romanum, quod nos explicamus, formula utebantur. Ut enim alias omittam, in Ecclesia, & Provincia Beneventana ex præscripto Concilii Provincialis vii. Beneventani anni MCCCLXXIV. Titulo vii. Cap. x. jubetur Sacerdos, ut *ponens manus super caput ipsius*, id est, penitentis, dicat: Indulgentiam, absolutionem, & remissionem omnium peccatorum tuorum tribuat tibi omnipotens, pius, & misericors Dominus. Et ego te absolvo auctoritate Domini nostri Jesu Christi, & Beatorum Apostolorum Petri & Pauli, & officii mihi commissi ab illis peccatis, quæ mihi confessus es, & aliis obliis &c. Item dicat illi, quod si rediret ad memoriam aliqua alia peccata, quæ non fuerat confessus, postea rediret ad eum, & confiteretur. In Ecclesia Romana, aliisque plurimis, ut docet nos Sacerdotale Romanum Venetiis editum anno MDLXVII. Parte 1. Tractatu 11. Cap. xxi. prolixior hæc formula adhibebatur: *Miserere tui Omnipotens Deus, & donec tibi veniam, & indulgentiam, & remissionem omnium peccatorum tuorum, libera te ab omni malo, salves, & confirmes in omni opere bono, & perducas te Christus Filius Dei vivi in vitam æternam. Amen. Per istam veram, & puram Confessionem, quam mihi modo quavis peccatori Sacerdoti scilicet, absolvas te Omnipotens Deus ab omnibus judiciis, quæ tibi pro peccatis tuis debeant, secundum magnum misericordiam suam, & porcat, ne remittat, & deleat omnia peccata tua, & perducas te in vitam æternam. Amen. Filius Dei per suam piissimam misericordiam te absolvas, & auctoritate ejus, quæ sanctorum, ego absolvo te ab omnibus peccatis tuis mihi modo confessis, & ab omnibus aliis, quorum memoriam non habes, ut sis absolutus hic, & ante Tribunal ejusdem Dei, & Domini nostri Jesu Christi, habens vitam æternam, & vivas in secula seculorum. Amen. In Nomine Pa tris, & Fi lii, & Spiritus Sancti. Amen. Passio ejusdem Dei & Domini nostri Jesu Christi, & merita Beata Maria semper Virginis, & Beatorum Apostolorum Petri & Pauli, & omnium Sanctorum, & Sanctorum Dei, & quidquid boni feceris, & intendis facere, & malo, quæ pateris, & patienter sustinebis, sunt tibi in remissionem peccatorum tuorum, in augmentum gratiæ, & in præmium vitæ æternæ. In Nomine Pa tris, & Fi lii, & Spiritus Sancti. Amen. Vnde in pace, & amplius noli peccare. Atque hæc, alique id genus prolixiores Absolutionis formulæ, in usu quidem fuerunt, ut ego autumo, quum Fidei Confessiones rariores essent. Nam nostrum hoc ævo tanta est Confessionum frequentia in quibusdam præsertim solemnitatibus, ut opus sit breviori formula uti juxta nostri hujus Ritualis Romani præscriptum in sequenti §. iv.*

XVI. Recte autem & illud cautum est ex eodem Sacerdotali Romano, citato loco, Cap. xxi. quod alias supra notatum est, & constat ex formula Absolutionis in §. ii. expressa, ut Sacerdos scilicet penitentem absolvens a peccatis, prius debeat ipsum absolvere a Censuris saltem ad cautelam. Atque hæc est vetus probataque Ecclesie disciplina, ut Absolutionis peccatorum præmittatur Absolutio a Censuris, a jure scilicet latis, non reservatis; diciturque hæc Absolutio ad cau-

telam, quæ etiam non petenti, neque de aliqua a se contracta Censura hesitanti, aut suspicanti impenditur; & semper solet præmitti Absolutioni a peccatis, ne alias ista Absolutio, propter Censuram a penitente contractam, invaliditatis periculum expanderet. Hinc similis pariter modo omnibus Rescriptis, Bullis, Privilegiisque Apostolicis concessis eadem Absolutio inferi sub hæc formula: *Te ab omni vinculo excommunicationis, quod incurristi, absolventes, vel absolvas fore censentes*. Ut nimirum hæc mediante Absolutione, effectum ipsius Privilegii, vel alterius Gratiæ concessæ possit consequi, non obstante excommunicatione, si quam incurrisse potuisset. Unde & additur: *Ad effectum presentium litterarum, duntaxat consequendum, & non alias*. Porro in Absolutione Sacramentali, ait quidem Sacerdos, cum Clericum absolvit, *te absolvo ab omni vinculo excommunicationis, suspensionis, & interdicti*; sed tamen, ut recte in nostro §. 111. statuitur, *si penitens sit laicus, omittitur verbum suspensionis*. Quia scilicet suspensio est Censura Ecclesiastica, quæ personæ Ecclesiasticæ interdicitur exercitium sui officii, vel beneficii, vel utriusque simul, ut docent passim Theologi.

XVII. Longum esset varias, quæ olim in usu erant, Absolutionum, & a Censuris, & a peccatis formulas hic recensere. Illud plane diligenter hodie ab omnibus Sacramenti Penitentiae Ministris observandum est, ut in ejus administratione minime a præscripto Romani hujus Ritualis a Paulo Papa V. & novissime a BENEDICTO XIV. probato recedant, atque imprimis abstant ab additionibus superfluis, ineptis, vitiosis, aut errori occasione præbentibus, ut scite docet Estius in iv. Sententiarum, Distinctione xv. §. 111. ubi etiam alla scitu digna tradit ab ipsius Ministris in recitanda formula Absolutionis cavenda. Quibus adde & ea, quæ docet Natalis Alexander citato superius loco, Capite vii. Article 111. Regula II. ubi etiam varias Absolutionis formulas refert, ac præsertim illam a Sancto Carolo in Instructionibus, De Sacramento Penitentiae, præscriptam. Sane in id omnes Theologi conveniunt, quod alias Synodus Tridentina docuit, præcipuam Absolutionis vim sitam esse in illis Ministris verbis, *te absolvo*; verbaque illa, *a peccatis tuis*, invocationem distinctam trium Personarum Sanctissimæ Trinitatis, sicut & alias preces, quæ ante, & post Absolutionem proferri solent, necessaria esse necessitate præcepti, non autem Sacramenti. Neque enim obstat, quod laudata Synodus Tridentina in recensenda Absolutionis forma, post ea verba, *Ego te absolvo*, addiderit, & cetera. Nam id plane fecit, ad indicandum, *se de hujusmodi qualincentis designare nolle, sed eas de illis dispensandas relinquere*; ut idem Estius opportune observat loco prædicto.

XVIII. Enarrandi nunc alii sunt ritus in nostro II. §. præscripti, qui neque ad hujus Sacramenti necessitatem pertinent, quales sunt elevatio manus dexterae Sacerdotis, dum dicit, *Indulgentiam, absolutionem &c.* & efformatio signi Crucis super eandem, dum post ipsam Absolutionem a peccatis, dicitur *In Nomine Patris &c.* Ad primum quod attinet, occurrat ille passim in antiquis Sacramentorum Codicibus, re-latis a Martene Lib. 1. De antiquis Ecclesie ritibus, Cap. vi. Article 111. Ordine 111. & aliis qui-

quibusdam sequentibus; eumque confirmat Sanctus Carolus in Concilio Provinciali Mediolanensi v. Capite inscripto, *Qua ad Penitentiam Sacramentum pertinet*, ubi sic inter alia inquit: *Quod in Ecclesia antiqui instituti, veterisque consuetudinis est, recte omnino servet, Confessarius scilicet, ut dum Absolutionis formulam, preceque adjunctas profert, super caput penitentis manum dexteram elevet, idque etiam cum mysterii significatione fit.* Postquam nova Confessionalis Sedis forma introducta est duobus nempe circiter ab hinc seculis, ut scilicet a latere utroque interfecta sit, interfecta fenestella in medio tabulae utriusque lateris, eidemque lamina ferrea plena foraminum affixa, per quam a Sacerdote penitentes audiantur, introducta est ipsa elevatio manus in locum impositionis manus, quae quidem ex pervetusta Ecclesiae disciplina, ab ipsis, ut probabile est, Apostolis tradita, super penitentes, quum reconciliabantur, fiebat; adeo ut ob eam causam Sacramentum, quod nos Penitentiam appellamus, a veteribus aliquando vocetur *manus impositio*, vel *Sacramentum manus impositionis*. Quicquid sit, ritum ipsum, siue elevandae manus super penitentem, ut est disciplina recentior, siue manus imponendae, ut erat antiquior disciplina, tametsi ad Sacramenti necessitatem minime pertineat, servandum tamen & Rituales antiqui Codices, & Synodi etiam multae praeribunt, inter quas citata superius Beneventana Synodus v. Provincialis Cap. x. in fine sic inquit: *Licet quisdam dicant, in Sacramento Penitentiae non esse necessariam manus impositionem, quia non est ordinatum ad consequendam aliquam excellentiam gratiae, sed remissionem peccatorum, & ut afferant, magis competet Crucis signatio, quia per Sanguinem Christi remittuntur peccata, utrumque tamen fieri iudicamus: & sic nos observamus etiam quandoque, cum virga penitentem percutiendo, maxime absolviendo excommunicatos.*

XIX. Si quis autem hic querat, quae sit caeremoniae impositionis manus ratio? Respondeo cum Etilio citato loco §. v. rationem ejus indicari ab Augustino Lib. i. contra Donatistas, Capite xvi. dicente: *Quid est aliud manus impositio, quam oratio supra hominem?* Quibus verbis vult Augustinus, manus impositionem esse caeremoniam externam, quia is, qui utitur, significat, se orare, benedicere, bene precari, vel apud Deum diximus acceptionem manus impositionis imponit. Est igitur oratio, non vocalis, sed, ut ita dicam, caeremonialis, cum vocali tamen, vel saltem mentali oratione, seu benedictione conjuncta. Id autem significari hoc nomine, vel ex Sacris Literis ostenditur, ut Matthaei Cap. ix. & ix. Marci vi. vii. & ultimo, Actorum Apostolorum ix. & ultimo. *Quae* loca, & similia eam, quam diximus acceptionem manus impositionis requirunt. Quae & dum in Sacramenti administratione adhibetur, ut in Confirmatione, Reconciliatione, & Ordinatione, ideo adhibetur, ut per eam significet Episcopus, vel Sacerdos, se ad impetrandum effectum Sacramenti, etiam propriam orationem, desiderium, ac plium affectum adjungere. Quod quidem in Reconciliationis Sacramento fit etiam expressis verbis, cum ex praescripto nostri §. II. dicit Sacerdos: *Indulgentiam, absolutionem &c.* Nihil enim vetat, ad consequenda ea, quae ex Divina promissione per Sa-

cramenta, vel aliter certo expectamus, nostras etiam Orationes praemitti, siue adjungi; sicut & Christum fecisse constat, & in Canone Missae ante Consecrationem Eucharistiae, ac multis aliis facit Ecclesia. Et haec quidem de manus impositione super caput absolvendi penitentis olim fieri solita, in cujus locum, ut superius adnotavimus, elevato manus Sacerdotis super ejusdem penitentis caput faciendi successit, satis fuit.

XX. Quod vero spectat alium ritum, sicut in aliis Sacramentis, ita & in isto Penitentiae, signum Crucis manu efformat Sacerdos, ad designandum cujus merito fiat peccatorum remissio, videlicet Christi Crucifixi. Nam & ea vetustissima est Ecclesiae consuetudo omnibus Sacramentis, aliisque mysticis actionibus signum Crucis adhibere, quemadmodum testatur S. Augustinus Tractatu cxviii. in Joannem. Porro quamvis hominem impenitentem absolvere non liceat, debet tamen Sacerdos, siquem impenitentem, cogitur a se dimittere, praesertim aliis praesentibus, distas externas caeremonias, manus scilicet impositionis, seu elevationis, & signi Crucis etiam tunc adhibere, ne harum caeremoniarum omisso sit impenitentis animi proditio, & negata Absolutionis indicium. Idque dicendum de eo, cujus absolvendi potestatem, ob causam aliquam reservatam, non habet, vel cujus Absolutionem quacunque ex causa differt in aliud tempus. Neque vero hic ulla simulatio est, quia, ut ex Augustino diximus, manus impositio non est aliud, quam Oratio super hominem. Quare sicut pro impenitente, vel alio quocunque peccatore, voce, & mente orare potest Sacerdos, ita & signo externo, dum tamen abstineat a proferenda forma Absolutionis, vel aliis verbis Absolutionem, seu remissionem praesentem, vel reconciliationem aliquo modo significantibus, sed tantum precetur Deum pro peccatore, ut cor ejus illuminet, & ad veram penitentiam eum perducatur.

XXI. Unum adhuc restat, quod hic praeterriri nequaquam debet, adverbium nempe illud, *deinde*, quod eodem caractere exaratum Absolutionis peccatorum immediate praemittitur, ut in nostro §. II. videre est, recitandum esse cum ipsa Absolutione, velut ejusdem contextum. Non enim ad Rubricam spectat, ut inter alios putavit, acriterque probare conatus est Vir aliquot eruditus Pompejus Sarnellus Vigiliarum Episcopos Tomo iv. Literarum Ecclesiasticarum, Epistola xlviii. Praemittitur sane illud *deinde* peccatorum Absolutioni, quia scilicet, ut sepe admonuimus, primo confitens absolvendus est a Censuris, & deinde a peccatis. Recitandum autem ipsum *deinde* cum ipsa peccatorum Absolutione, docet etiam S. Carolus in rebus Ecclesiasticis apprime versatus, ubi scilicet in Instructionibus, *De Sacramento Penitentiae*, formulam Absolutionis describit, quae censui integrum hoc loco referre, quod in ea nonnulli alii recentior ritus in nostris Paragraphis praetermissi, qualis est ille praesertim aperiendi, ac tegendi capitis, dum Absolutionis formula pronuntiatur. Haec ejus verba: *Penitentiam Confessarius imponit, remedia peccatorum tradit; non, si tunc absolvendus est, dicit primo distinctis verbis, ut a penitente audiat, capite aperto, & manibus junctis: Misereatur tui Omnipotens Deus, & dimittis omoibus peccatis tuis, perducatur te ad vitam*

tam æternam. *Pœnitens respondet* : Amen . *Deinde signum Crucis dextra formans versus pœnitentem, dicit* : Indulgentiam, absolutionem ✠, & remissionem omnium peccatorum tuorum tribuat tibi omnipotens, & misericors Dominus . *Pœnitens respondet* : Amen . *Deinde caput aperit, manum dextra supra caput pœnitentis elevata, & extensa, absoluit hac formula ; & dum dicit* : In Nomine Patris &c. *Crucis signum dextra formans versus pœnitentem* : Dominus noster Iesus Christus te absolvat, & ego auctoritate ipsius, qua fungor, absolvo te ab omni vinculo excommunicationis, suspensionis, & interdicti, si quod incurrisi, quantum ego possum, & tu indiges . Deinde ego te absolvo a peccatis tuis in Nomine Patris ✠, & Filii, & Spiritus Sancti . *Tum Sacerdos capite aperto, & manibus iunctis, dicit* : Passio Domini nostri Iesu Christi, merita Beate

Marie Virginis, & omnium Sanctorum, & quicquid boni feceris, & mali sustuleris, sint tibi in remissionem peccatorum, augmentum gratiæ, & præmium vite æternæ . *Pœnitens respondet* : Amen . *Et Confessarius, dicit* : Vade in pace, & noli amplius peccare .

XXII. Hæc sunt formula, & ritus Absolutionis a S. Carolo præscripti . Verum jam dixi, iterumque ajo, servandam esse ad litteram usque formulam in nostro Romano Rituali præscriptam . Cæterum non addubito, quin aperiendum, tegendumve sit caput a Confessario, dum formulam profert juxta S. Caroli monitum, licet nihil de ea cæceremonia in nostris Paragraphis habeatur expressum . Decet enim quammaxime, ut cum verba in modum orationis profert Sacerdos, sit capite aperto, oratio autem cum iudicis instar sententiam Absolutionis pronunciat .

§. IV.

In Confessionibus autem frequentioribus, & brevioribus omitti potest, *Miseretur &c.* Satis erit dicere : *Dominus noster Iesus Christus &c.* ut supra usque ad illud, *Passio Domini nostri &c.*

COMMENTARIUS.

I. **Q**uamquam brevis sit Absolutionis formula supra in §. I. II. & III. præscripta, & late a nobis in Commentario præcedenti explicata, fieri adhuc brevior potest in Confessionibus frequentioribus, & brevioribus, in quibus, ut ait præfatus §. omitti potest, *Miseretur &c.* satisque erit dicere, *Dominus noster Iesus Christus &c.* ut supra usque ad illud, *Passio Domini nostri &c.* quia scilicet preces ipsæ licet de more Ecclesiæ Absolutioni adjuvantur, ad ipsas tamen formæ essentiam nequaquam spectant, neque ad ipsius Sacramenti administrationem sunt necessariae, ut docet Synodus Tridentina Sessioe XIV. Capite III. Porro tantus est hodie in quibusdam solemnitatibus Fidei penitentium ad Confessarios concursus, ut vel summo mane ad meridiem usque in Confessionali sedentes, vix omnium valeant Confessiones excipere, oportuitque iccirco, ut noster §. illis permitteret, ut breviori uti formula possint, ea scilicet, quam hic idem §. præscribit .

Cæterum frequentiores, brevioresque Confessiones, de quibus loqui mihi videtur, sunt illarum piorum hominum, qui fere quotidie levissimas quædam peccata confiteri solent, & in huiusmodi quidem Confessionibus, sicut in illis magni concursus adhiberi brevior formula potest in §. nostro præscripta .

II. Opportune hic tandem Confessarium admonendum censeo, ut omnino caveat ab ea quorundam Casuistarum opinione, qui non sunt veriti asserere, ob ipsam magni concursus rationem, posse Confessarium dimidiatè tantum confessos absolvere . Prescripta hæc enim propositio fuit a sanctæ memoriæ Innocentio Papa XI. ubi in Decreto edito die II. Martii MDCLXXVII. inter alias portentosas Casuistarum Propositiones hanc damnavit num. 59. *Licet sacramentaliter absolvere dimidiatè tantum confessos ratione magni concursus penitentium, qualis verbi gratia potest contingere in die magna alienigenarum Festivitatibus, aut Indulgentiæ.*

§. V.

Urgente vero aliqua gravi necessitate in periculo mortis breviter dicere poterit : *Ego te absolvo ab omnibus censuris, & peccatis, in Nomine Patris ✠, & Filii, & Spiritus Sancti. Amen.*

COMMENTARIUS.

I. **O**b eandem rationem, quam memorata toties Tridentina Synodus docet, quod nempe preces, quæ Absolutioni adjuvantur, ad ipsas essentiam nequaquam spectant, recte statuit hic noster §. urgente aliqua gravi necessitate in periculo mortis, posse Sacerdotem hac uti brevissima Absolutionis formula, *Ego te absolvo ab omnibus censuris, & peccatis, in Nomine Patris ✠, & Filii, & Spiritus Sancti. Amen.* Atque hæc est ea formula,

quæ, ubi urget mortis periculum, adhiberi a Sacerdote potest, non autem in Confessionibus magni concursus, quotidianive, extra mortis periculum fieri solitis ; corrigendique iccirco sunt Confessarii nonnulli, qui in omnibus Confessionibus, quas excipiunt, hac brevissima formula utuntur . Quod quidem est contra id, quod præscribit hic noster §. qui urgente tantum gravi necessitate in periculo mortis brevissimam Absolutionis formulam permittit .

CA.

De Absolutione ab excommunicatione in Foro exteriori.

I. Quamquam quisque Confessarius possit a Confessis absolvere in Foro interno, si ipse nimirum, aut a Jure, aut ab homine late, non sint Superioribus reservatæ, non potest tamen in Foro exteriori, sine speciali Superioris mandato. Atque hæc est praxis, quæ a Sæculo xii. invaluit, neque enim toto Sæculorum xi. curriculo Forum externum ab interno, seu Sacramentali disjungebatur, sed hoc illi ætæ vinculo connectebatur, sive potius quicquid in Foro externo agebatur, ad Forum internum Sacramenti Penitentis referebatur, uti ostendit doctissimus Morinus, *De disciplina in administratione Sacramenti Penitentia*, Lib. 1. Capite x. *Nec erat alius, inquit, qui excommunicationem, alius qui peccata solveret, ad quem soluta excommunicatione peccator esset remittendus; nec erat aliud Tribunal, in quo excommunicandus, vel excommunicatus judicabatur, aliud in quo penitent, excommunicatione soluta; sed*

unus & idem homo, Episcopus scilicet, vel Presbyter, cuius ejusdemque Tribunalis Præses id præstabat. Hæc Morinus citato Cap. x. num. 1. qui etiam addit num. II. nihil hæcenus a se inventum, quod probet, ante Sæculum xii. Forum externum ab interno fuisse separatam, aut Judicem peculiarem excommunicationis solvendæ, alium culpæ eluendæ destinatum fuisse. Sed his omisiss, de quibus alias late differit laudatus Morinus, ex quo nonnulla etiam recevit Vancspen Parte 111. *Juris Ecclesiastici universi*, Titulo 1v. Cap. 1. explicanda ex nobis sunt quæ in præsentî Capite de Absolutione excommunicationis in Foro exteriori statuuntur, præsertim, vero ritus in ipsa Absolutione servandi, qui fere iidem sunt, ac illi Parte 111. Romani Pontificalia Titulo xvii. præscripti, quos nos alias sus-enarravimus in nostris ad eundem Titulum Commentariis; unde non mirum videri debet, si aliqua ex monumentis ibidem allatis hic repetamus.

§. I.

Si potestas absolvendi ab excommunicationis sententia Sacerdoti commissæ fuerit a Superiore, & in Mandato certa forma sit præscripta, illa omnino servanda est; si vero in mandato, seu Commissione dicitur: *In forma Ecclesiæ consueta absolvas*, hæc servanda sunt.

§. II.

Primo, ut excommunicatus ei, ob cujus offensam in excommunicationem incurrit, prius, si potest, satisfaciatur. Quod si tunc non possit, sufficientem cautionem præbeat, aut saltem, si eam præstare non potest, juret, se, cum primum poterit, satisfacturum.

COMMENTARIUS.

I. Neminem posse Mandati fines excedere, utrumque Jus, Civile, & Canonicum statuit. Hinc merito cautum est ex nostro §. 1. ut, si potestas absolvendi ab excommunicationis sententia Sacerdoti commissæ fuerit a Superiore, & in Mandato certa forma sit præscripta, illa omnino servari debeat; si vero in Mandato, seu Commissione dicitur: *In forma Ecclesiæ consueta*, servari oportet, primo quidem, quod in §. nostro II. statuitur, ut excommunicatus scilicet ei, ob cujus offensam in excommunicationem incurrit, prius, si potest, satisfaciatur. Atque hæc est regula, quam præscripsit Romanum Pontificale Parte 111. in eo Titulo, qui inscriptus est, *Ordo excommunicandi, & absolvendi*, ubi sic inter alia inquit: *Si propter manifestam offensam excommunicatus sit, ante omnia satisfaciatur competenter, parti scilicet læsæ, uti edicitur in Capite, Porro v11. & Capite, Paroecianus 1x. De sententia excommunicationis.* Ubi nota præstandam quidem ab excommunicato,

qui Absolutionem petit, pro notoria, & manifestâ offensa, competentem, seu congruam satisfactionem juxta proprias facultates. Neque enim excommunicatus absolvi debet, nisi prius satisfaciatur, si potest; nam alias, ut ex sacris Canonibus mandat idem noster §. II. *si tunc non possit, sufficientem cautionem præbeat, pignoratitiam scilicet, vel fidejussoriam de satisfaciendo, si venerit ad pinguiorum fortunam, ut habetur in Capite, Odoardus III. De solutionibus.* Ceterum recte subjicit noster §. ut si cautionem sufficientem præstare nequeat, *saltem juret, se, cum primum poterit, satisfacturum.* Sufficere enim juratoriam cautionem, ubi alia magis idonea, qualis est pignoratitia, seu fidejussoria præberi non possit, ex utroque Jure addiscere licet. Quod autem quidam docent, talem excommunicationem ad petitionem adversarii, cedere bonâ teneri, id verum intelligi possit in Foro solum contentioso; in Foro enim Penitentis sufficit, si restituat, satisfaciatur eo modo, quo potest.

§. III.

Secundo, si crimen, ob quod in excommunicationem incidit, sit grave, juramentum ab eo exigatur de parendo mandatis Ecclesiæ, quæ illi fient pro tali causa; ac præcipue

cipue ne deinceps delinquat contra illum Canonem, vel Decretum, contra quod faciundo, Censuram incurrit.

COMMENTARIUS.

I. **C** Autum id quoque & ex Saeris Canonibus est, ut qui ab excommunicatione, sive a Canone, sive ab homine lata Absolutionem petit, expresse juret parere Ecclesiae mandatis. Sic enim in Capite, *Ex tenore x. De sententia excommunicationis*, Alexander Papa III. Archiepiscopo Genensi referibit, qui ipsum rogabat per Absolutionem ejusdem Canonici, qui in Subdiaconum manus violentas iniecerat: *Mandamus itaque, quatenus recepto ab eo juramento, quod tuo debent mandato parere, ipsum vice nostra a sententia, qua tenetur, absolvas, sibi in virtute juramenti praecipias, ne de eastero in Clericum, vel Monachum, vel aliquam Religionis Conversam manus injiciat violentas.* Ubi nota I. praemittendum juramentum de parendo mandatis Ecclesiae, vel ipsius Saecr-dotis absolventis, quando crimen, propter quod lata fuit in aliquem excommunicatio, horrendum, & grave esset, ut passim docent citati Capituli Interpretes. II. confirmari, quod ait hic noster §. praecipuum mandatum, quod illi fiet pro tali causa esse, ne deinceps delinquat contra

illum Canonem, vel Decretum, contra quod faciundo, Censuram incurrit. An de substantia Absolutionis sit hujusmodi juramentum, tamen affirmet Hostiensis, contrarium tamen alii tenent, ut nimirum teneat Absolutio, si illud omittatur. Testatur id quidem Silvester in Summa, verbo, *Absolutio*, III. num. 3. ubi etiam non modo varios Doctores recenset, verum etiam Textum in Capite, *Cum deberet, xv. De sententia excommunicationis*, ubi Clemens Papa III. expresse inquit, *cautionem juratoriam, quam hodie, qui excommunicati sunt, praestant, potius ad cautelam ex consuetudine Ecclesiae, quam rigore Canonum esse introductam.* Idem addiscimus ex aliis Decretalibus Romanorum Pontificum, ex quibus etiam docemur, quod, licet ipsum juramentum ad substantiam Absolutionis minime requiratur, temere autem non debet omitti, etiam si mulieres excommunicatae Absolutionem peterent, nam, ille quoque indubitanter jurare deberent, uti docet laudatus Silvester, qui etiam, quantum ad pueros attinet, relinquendum esse juramentum arbitrio Episcopi ait.

§. IV.

Denique hunc absolvendi ritum observabit. Poenitentem totam se utroque genu flexo, in humero, si vir fuerit, usque ad camisiam exclusive denudato, virga, aut funiculo, sedens leviter percutit, dicendo totum Psalmum, *Miserere mei Deus &c.* cum *Gloria Patri &c.*

§. V.

Deinde surgit, & aperto capite dicit, *Kyrie eleison, Christe eleison, Kyrie eleison. Pater noster. V. Et ne nos inducas in tentationem. R. Sed libera nos a malo. V. Saluum fac servum tuum (vel ancillam tuam) R. Deus meus sperantem in te. V. Nichil proficiat inimicus in eo, (vel in ea) R. Et filius iniquitatis non apponat nocere ei. V. Esto ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

Oremus.
Deus, cui proprium est, misereri semper, & parere, suscipe deprecationem nostram, ut hunc famulum tuum, quem excommunicationis sententia constringit, miseratione tua pietatis clementer absolvas. Per Christum Dominum nostrum. R. Amen.

§. VI.

Mox sedet, & cooperto capite, dicit: *Dominus noster Jesus Christus te absolvas, & ego auctoritate ipsius, & Sanctissimi nostri Papae (vel Reverendissimi Episcopi N. (vel talis Superioris) tibi commissi absolvo te a vinculo excommunicationis, in quam incurristi, (vel incurrisse declaratus es) propter tale factum, vel causam &c. Et restituo te communioni, & unitati Fidelium, & Sanctis Sacramentis Ecclesiae, in Nomine Patris, & Filii, & Spiritus Sancti.*

COMMENTARIUS.

I. **R**itus antiquus est, ut li, qui ab excommunicatione absolvendi sunt, jam non modo genuflexi, verum etiam pro-

strati, ac nudis pedibus Absolutionem peterent: Inter alia ejus rei exempla celeberrimum est, quod de Henrico IV. Imperatore a Gregorio Pa-

pa VII. excommunicato, & deinde absoluto narrat idem Pontifex in quadam Epistola in Chronico Hugonis Flaviniacensis relata, hisce verbis: *Tandem per semetipsum nihil hostile, aut temerarium ostentans, ad Oppidum Canusi, in quo morati sumus, adventit; ibique per triduum ante portam Castri, deposito omni regia cultu, miserabiliter, utpote discalceatus, & laneis vestibus indutus persilevit, non prius eum multo fletu, Apostolica miserationis auxilium, & consolationem implorare desistit, quam annes, qui aderant, & ad quos rumor ille pervenit, ad tantam pietatem, & misericordiam movit &c.* Hoc rito ab excommunicatione absolutum Joannem Anglorum Regem narrat Matthæus Parisius ad annum MDCCXIII. *Videntes ergo Archiepiscopus, & Episcopi tantam Regis humilitatem eum loquens illum de terra levaverunt, ducentes a dextris, & a sinistris, ad Ostriam Ecclesie Cathedralis, ubi cum Psalmo quinquagesimo, videntibus Magnatibus cunctis, & ubertim præ gaudio flentibus, sicut mos est Ecclesie, illum absolverunt.*

II. Fit & in variis Sacramentorum Libris ritus motio, qui in variis hisce Paragraphis descriptus est. Ex ms. Ponticali Sagienfi, ubi agitur de forma Absolutionis ab excommunicatione secundum Raimundum, & Hostiensem, cui consonat ms. Pontificale Vaticanum Guilelmi Durandi, cautum est, *ut excommunicatus spoliatus ponat se ante januam Ecclesie prostratus, vel flexis genibus coram illo, qui ipsam absolvere debet, qui tenebit virgas in manibus, & dicendo, Miserere mei Deus &c. verberabit illum, percutiendo scilicet in quolibet versu, vel magis, vel levius, vel acrius, secundum quod causa contumacia major, vel minor, requirit; & post Psalmum dicit, Gloria Patri &c.* Similia legere est in aliis Ritualibus, atque Pontificalibus, ac præsertim in Romano Ponticali a oobis illustrato, Parte III. Tit. XVII. §. IV. ex cuius præscripto dicitur: *Psalms, Miserere, cum Gloria Patri, & Sicut erat, deinde subsequenter Psalmus, Deus miferator nostri, & benedictio nobis, cum Gloria Patri, & Sicut erat, & in quolibet versu Pontifex cum virga leviter inter spatulas verberat absolvendum.* Porro ex eisdem Vaticano Durandi Ponticali unus ex prædictis Psalmis dicendus præscribitur; sic enim de absolvente Episcopo loquitur: *Tenens in manibus corrigiam, vel virgam, dicit Psalmum, Miserere, vel, Deus miferator nostri, cum Gloria &c.* Forte legendum est, & non vel. Dicendum enim Psalmum *Miserere* in ea excommunicati Absolutione, Libri omnes tum Pontificales, tum Ritualis præscribunt.

III. Si Gratiano fides in Canone cv. Causa XI. Questione III. & Burchardo Wormaciensi Episcopo Lib. XI. Decreti, Cap. VIIII. ex Concilio Araucano hæc olim suis solemnibus reconciliationis excommunicatorum ceremonia: *Cum aliqui excommunicatus, vel anathematizatus penitentia ductus, veniam postulat, & emendationem promittit, Episcopus, qui eum excommunicavit, ante Januam Ecclesie venire debet, & duodecim Presbyteri eum eo, qui eum hinc inde circumflare debent. Ubi etiam adesse debent illi, quibus injuria, vel damnum illatum est, & ibi secundum Leges Divinas oportet damnum communi emendari; aut si jam emendatum est, eorum testimonio comprobari.* Deinde interroget

Episcopus, si penitentiam juxta quod Canones præcipiunt, pro perpetratis sceleribus suscipere velit. Et si ille terre prostratus veniam postulat, culpam confiteatur, penitentiam implorat, de futuris cautelam spondeat, tunc Episcopus septem Psalmos decantet cum istis prædictis &c. Hæc Burchardus, quem etiam refert Gratianus in citato Canone cv. quibusdam tamen omisiss. Quamvis autem in recitato hæctenus loco nulla de ea ceremonia mentio fiat, ad quemlibet verum Psalmi, *Miserere*, percutiendi excommunicatum absolvendum cum virgis, est tamen antiquus hic ritus, ejus & antiqui Ritualis Libri, & Auctoritates veteres æque, ac recentiores meminerunt, inter quos Silvester in Summa, verbo, *Absolutio*, nom. 4. absolutionem ipsam, de qua io præsentem loquimur, sic peragi ait, *ut post satisfactionem, & juramentum incipiat Absolvens Psalmum, Miserere, & simul virgis, & flagello percutiens spatulas nudas absolvendi, nisi aliter suadeat pudor beneficiis.* Neque enim, si mulier excommunicata sit absolvenda, denudandus est ejus humerus, sed, ut ait nosser §. IV. si vir fuerit, nulla prorsus facta de muliere mentione.

IV. Fuisse autem in ius hanc disciplinam Absolutionis in nostro hoc Rituali, & Ponticali Romano præscriptam jam ante annos quingentos, testator quidem Scriptor antiquus qui claruit Saeculo XIII. Henricus Cardinalis Hostiensis Archiepiscopus Ebrodunensis. In enim Libro v. sum. Summe, ad Titulum, *De sententia excommunicationis*, §. III. num. 14. ita formam, & ritum absolventi excommunicatum suo ævo ostendit recenset: *Postquam is, qui juravit, & satisfecit, sicut debuit, absolvitur per illum, qui tulit sententiam, vel Superiorem suum, vel alium auctoritatem suam, & per Sacerdotem reconciliatur secundum ea, quæ notata sunt §. proximo, sub §. Sed si quis absolvit Regulares, Versu, Sed numquid si Clericus. Et honestum, & quasi consuetum, & tutum est, quod fiat hoc modo. Spoliabitur excommunicatus, & ponat se ante Januam Ecclesie prostratus, vel flexis genibus coram illo, qui ipsum absolvere debet, qui tenebit virgas, vel corrigias in manibus, & dicendo, Miserere mei Deus verberabit eum, percutiendo semel in quolibet versu, vel majus, vel minus, levius, vel acrius, secundum quod causa contumacia major, vel minor requirit; & post Psalmum dicit, Kyrie eleison, Christe eleison &c.*

V. Saecula itaque XIII. confectum erat, ut absolventi ab excommunicatione, flexis genibus, vel prostrati ante Januam Ecclesie ab Episcopo, vel ab alio, qui eos absolvet, ad quemlibet verum Psalmi, *Miserere*, virgis, vel corrigiis percuterentur, ejusque ritus meminit etiam Azo, qui floruit Saeculo XI. qui etiam, teste Hostiensis Lib. I. Summe, ad Titulum, *De servis suo ordinandis*, §. *Qualiter servus fiat liber*, ritum ipsum diverberandi absolvendus, suam trahere originem tradit ex quadam manumissione servorum, qui, ut habetur Lib. I. Institutionum Juris Civilis, Tit. v. *De libertinis*, fiebat viodicti, quem quidem virgola erat Prætoria, qua tangebatur caput servi, qui manumittebatur, sic dicta, vel a viodictando, quod vindicaretur mancipium in ostentalem libertatem, vel a viodictio quodam, qui cum servus Vitelliorum esset, javeum quorundam Romanorum conjunctionem de opprimendis Consulibus indicio suo patefecit, & in ejus

ejus honorem tantum fuit, ut quicumque manu-
mitteretur apud Magistratum, vindicta manu-
missi dicerentur. Vide Livium Libro II. Plutar-
chum in Vita Publicula, & eruditos omnes Inter-
pretes ad laudatum Institutionum Juris Civilis lo-
cum. Porro memoratus Hostiensis loco citato post-
quam ait ex Boetio vindictam esse virgam Præto-
ris, quia manumittendus ter percutiebatur a Præ-
tore dicente, *Ajo te liberam*, tum statim subjicit,
*Secundum Azoem ex hac sorte processit forma ab-
solutionis Canonica, quæ cum virgæ sit, & ver-
bis aliis consuetis.*

VI. Quamquam vero multis ab hinc Sæculis
Sacerdos absolvens ab excommunicatione, non
caput, sed scapulas nudas virgæ, vel corrigæis
percutiat, mos tamen antiquissimus fuit, ut non
scapulae, sed pœnitentium capita in sua ipsorum
reconciliatione verberarentur. Tradit id quidem
Optatus Milevitanus Sæculi IV. Scriptor, Lib. I.
adversus Parmenianum, sic dicens: *Purpurinus*
Donatista cum a Cæciliano Carthaginensi Episcopo
invitaretur, ut una cum suis Donatistis iterum
Cæcilianum ipsam Episcopum ordinarent, si male
ante ordinatum videretur, dixit Purpurinus:
Excute bine Cæcilianus, quasi imponatur illi ma-
nus in Episcopatu, & quæstio illi caput de pœ-
nitentia. Allusio est ex multiplici manuum im-
positione; alia enim in Episcopi ordinatione usi-
tata, alia in reconciliandis pœnitentibus, & am-
bæ caput respiciebant. Erant & aliæ alterius ge-
neris manuum impositiones, quæ non sunt hujus
loci. Volebat igitur Donatista Cæcilianus ma-
nuum impositionem accipere, velut ac si Episcopus
ordinaretur, quod tamen non probabat, sed
potius more ejus, qui pœnitentiam publice age-
ret, cujus caput in reconciliatione verberabatur.
Vide Concilium Gerundense anni octvii. Can. IX.
ubi mentio fit ejus loquendi modi, quem scite ex-
plicat Joannes Filicenus in suo Libro, *De sacra*
Episcoporum auctoritate, Cap. XV. §. VII. pag.
364. & seq. Sed his obiter dictis, percutiendus
est quidem *leviter* ex nostris hujus Romani, allo-
rumque antiquorum Ritualium præscripto, is
qui ab excommunicatione absolvitur, in *brac-*

*ro, si vir fuerit, nunc autem causam excofue de-
nudato, virgo, aut juvenilem a Sacerdote sedente,*
testo capite, ac dicente interim Psalmum, *Mi-*
serere mei Deus, cum *Gloria Patri &c.* ut ait §. IV.

VII. Recitato Psalmo, *Miserere*, & facta ad
quemlibet versum levi percussione cum virgâ,
seu funiculis in humero absolvendi, ex præscri-
pto nostri §. V. Sacerdos deinde surgit, & aperto
capite dicit, Kyrie eleison &c. Atque hæc sunt
Preces, quæ leguntur etiam in præfiks Ritualibus,
ex quibus edoctus memoratus Henricus Cardi-
nalis Hostiensis Lib. V. Summæ, ad Titulum, *De*
Sententia excommunicationis, §. 111. postquam
explicuit ritum diverberandi absolvendos pro-
curatos, vel geniculox ante januam Ecclesiæ cum
virgæ, quamdiu Psalmus ipse, *Miserere*, dicitur,
ita statim subjungit: *Post Psalmum dicit: Gloria*
Patri &c. Kyrie eleison, Christe eleison, Kyrie
eleison, Pater noster. Et ne nos inducas &c. Sal-
vum fac servum tuum, vel ancillam tuam, vel
servos, vel ancillas, *si plures sunt.* Esto ei, vel
eis Domine turris fortitudinis. Domine exaudi
orationem meam. Oremus. Deus cui proprium est
&c. Porro dicta hæc Oratione, ut ait noster §. V. I.
non sedet, & cooperito capite dicit, formulam.
Absolutionis ab excommunicatione hæc verbis
expressam, *Dominus noster Jesus Christus &c.*
quæ quidem recentioris videtur esse instituti, &
diversa ab illis, quæ vel in recentibus Ritualibus
paulo ante nostri hujus Romani editionem iussu
Pauli Papæ V. factam leguntur. Certe in Instru-
ctionibus S. Caroli, *De Sacramento Pœnitentie*,
ubi agitur de Absolutione ab excommunicatione,
constitit tota absolvens ratio in recitatione Psa-
lmi, *Miserere*, cum Precibus, & Oratione, *Deus*
cui proprium est &c. ut in nostro §. V. sed cum hac
tamen breviori Absolutionis formula: *Ego absol-*
vo te a vinculo excommunicationis, & restituo
communioni Fidelium. In nomine Patris & Fi-
lii, & Spiritus Sancti. Varios antiquos ritus ab-
solvendi in Foro exteriori excommunicatos jam
late nos explicuimus nostro Tomo 111. Com-
mentariorum in Partem 111. Romani Pontifica-
lis, Tit. XV 11. in Commentario ad §. IV.

§. VII.

Quod si Sacerdoti nulla sit Superiore præscripta forma, nec sibi Mandatum, ut in for-
ma Ecclesiæ communi, vel consuetâ absolvat, tunc nihilominus pro rei gravitate præ-
dictam cæremonium, & Preces adhibet; at vero si res non fuerit adeo gravis, ab-
solvere poterit, dicens: *Dominus noster Jesus Christus te absolvo, & ego auctoritate*
ipsius, & Sanctissimi Domini nostri Papæ, si a Papa fuerit delegatus, vel *Reveren-*
dissimi Episcopi N. vel talis Superioris, mihi concessa, absolvo te &c. ut supra.

COMMENTARIUS.

I. Sæpe solet contingere, ut in Commissioni-
bus nulla præscribatur forma Absolutio-
nis, imo nec etiam dicatur, ut in forma
Ecclesiæ communi, vel consuetâ, absolvat. Quo
casu statuit hic noster §. ut tunc nihilominus pro
rei gravitate prædictam cæremonium, & Preces
adhibeat. Quæ sit levis, mediocris, gravis, enor-
misque injuria, non est ita facile definire, consi-
derandæ sunt varæ circumstantiæ, quarum me-
minit Imperator Justinianus Lib. IV. Institutionum
Tit. IV. §. *Atrox injuria*, in quem multa scitu di-
gna, & quæ ad hunc nostrum §. spectare possunt,
Tit. I.

notarunt Interpretes, qui Institutiones ipsas Ju-
ris Civilis perpetuis, copiosisque Commenta-
riis illustrant. Cæteram videri etiam potest
eruditus Gavantus in Enchiridio, seu Manuali
Episcoporum, verbo, *Violenta &c.* ubi explicat
quæ sit modica, gravissime percussio, seu manus
violente injectio in Clericum, quæ ipso jure
in excommunicationem, quam majorem ap-
pellant, incurritur, de qua late jam differimus
non modo in Commentariis ad Romanum Ponti-
ficale, verum etiam ad Concilia Oecumenica.
Tomo 111.

§. VIII.

In Foro autem interiori Confessarius habens facultatem absolvendi excommunicatum, absolvat juxta formam communem præscriptam in Absolutione Sacramentali.

COMMENTARIUS.

QUUM perspicua sint, quæ in hoc statuuntur §. ut nempe in Foro interiori Confessarius habens facultatem absolvendi excommunicatum, absolvat juxta formam præscriptam in Absolutione Sacramentali, quam legere est supra Capite II. de eo potissimum Confessarium monitum velim, ut summa prudentia utatur. in impetrandis, adimplendisq; Literis,

quas ad Superiorem scribit, accipitque ab eo pro excommunicati Absolutione. Harum porro Literarum usus, ut scite ad hunc §. ait Barrufaldus, num. 35. in fine, requirit Confessarium valde prudentem, & in Sacramentali Confessione magno-
pere versatum, expertumque, ut adamussim adimpleantur juxta præscriptionem, nec citra, nec ultra procedat ejus delegata potestas.

CAPUT IV.

Risus absolvendi excommunicatum jam mortuum.

§. I.

Siquis excommunicatus ex hac vita decedens dederit signum contritionis, ne Ecclesiastica careat sepultura, sed Ecclesiæ suffragiis, quatenus fieri potest, adjuvetur, absolvi potest hoc modo.

COMMENTARIUS.

POFFE Fideles vita sanctos excommunicatione innodatos, si prius dederint signum contritionis, ab eadem absolvi, certum est generatim, & indistincte loquendo, sicque passim docent Canonici Juris Interpretes, quinimo ipse Romanus Pontifex Maximus Innocentius III. in Capite, *A nobis xxviii.* & Capite, *Sacris xxxviii.* De sententia excommunicationis, itemque multi antiqui Canones, quos proferat Alaphinæus, Lib. I. Observationum Sacrarum, Cap. x. mandantes, ut Fideles vita sancti, extorres communionis, receptis eorum oblationibus, per cognatos adductis, restituantur communioni. Quod quidem fieri non potuisset, nisi extra communionem fuissent jam vita defuncti. Sunt & in hanc rem narrationes variz, quas ex probatis Auctoribus retulit in suo Opere, De Monitoriis Ecclesiasticis, Theophylus Raynaudus Parte II. Cap. III. Certe S. Gregorius Lib. II. *Dialogorum*, Cap. III. testatur, puerulum, qui excommunicatione innodatus obierat, contineri sepulchro non potuisse, humo cadaver semel & iterum rejicere, donec puer Absolutionem excommunicationis consequutus est, transmissa in signam exolutionis a S. Benedicto particula Eucharistiz, & super cadaveris denuo tumulati pectus collocata, non tamen infossa. Tunc enim puer asylum sepulture est assequutus. Simile beneficium ab eodem S. Benedicto consequente sunt solutoris lingue Sanctimoniales, quas ille viventes excommunicatione perculerat.

II. His addi & hæc alia exempla possunt. Narrat Raderus Parte I. Viridarii Sanctorum ad diem xv. Octobris, quosdam contumaces posuisse feros animos, & Templo accessisse, donec absolverentur, quod prius obfirmate refugerant, cum vidissent quosdam mortuos dudum sepultos

cum anathemate, ad mandatum Sancti Antistitis Gothardi de tumbis suis surgere, ac Templo excedere. Mortuos S. Gothardus Censura solvit, moxque inclinati S. Pontifici cervicibus, suum quisque tumulum repetere. Dignum præ ceteris notata est illud, quod in Menais dicta die, proditur, Monachum nempe Sectanz solitudinis pro Christi Fide casum Alexandrie, ibique in Sacra Æde honorifice sepultum, Diacono in Sacrificio, ut erat antiquus mos, Catechumenis egressum denunciante, spectantibus, ac stupentibus omnibus, ex sepulchro suo exiisse, & in Atrio, donec res Divina exolveretur, perman-
sisse, finito demum Sacro ad priorem locum rediisse. Causam exitus illius Angelus Domini vidit, quod Monachus ille perseveraret ligatus excommunicatione a Presbytero suo irrogata, ideoque non esset sinendus tempore Sacrificii intra Sacrarium quiescere, donec ille exolvisset, qui ligarat. Quod ubi Presbyter ille festinanter monitus præstitit, immotus deinceps sub Altari perficit Martyr. Eadem fere recitat Glycas Parte IV. Annalium ex Philone historico Ecclesiastico in Leone Isaurico, adhibita tamen nonnulla magni momenti varietate, de qua postea idem Raynaudus quædam notavit.

III. Narrat præterea Gualterius Brito Libro XII. Philippideis, Regem Philippum Augustum vita sanctum, absolutum esse per Honorium Papam III. ab excommunicatione ob repudiata Gelpergam contracta, id ei beneficium a Papa per visum poscente S. Dionysio. Exemplum sui temporis refert Abulensis in Caput XVI. Matthæi, Quæstione LXXXIX. in fine; & ut alia omit-
tam, a pud Petrum Massæum Lib. v. Historie Indiarum narratur de milite vita sancto cum excommunicatione, cui ne Oceanus quidem sepulchri

chri quietem prestare potuit. Nocte namque intempesta projectus in mare, exauditis infra sentinam navis pulsibus frequentibus, deprehensus est herere carinæ implexus sub ipso gubernaculo. Cum autem corpus in litus fuisset delatum, & ibi terra contactum, posthinc rursus apparuit inhumatum, donec expiatione defuncti adhibita et Pontificia formula per Sacerdotem, pax tandem est mortuo data, & vaga ossa suo tumulo quiescere. Ex his, & similibus exemplis, quibus historia Ecclesiastica scaturit, perspicuum est, Fidelem vitam functum anathemate confectum, solvi ab excommunicatione posse, sed tunc demum, si hac vita decedens dederit signum contritionis, ne Ecclesiastica careat sepultura, sed Ecclesiæ suffragiis, quotiens fieri potest, adjuvatur, ut ait hic noster 6.

IV. Duplicem itaque ob causam introducta est ab Ecclesiâ Absolutio defuncti excommunicati, si nempe decedens signum contritionis, vel penitentiae dederit. Prima est, ne Ecclesiastica careat sepultura. Secunda, ut suffragiis Ecclesiæ adjuvetur. Atque huius plane discipline adhæsit Innocentius Papa III. ubi Lib. II. Epistola LVIII. ad Abbatem S. Andrew scripta, ac relata in citato Capite, *A nobis*, consultus, utrum si aliquis excommunicatus, in quo indicia fuerint penitentiae manifesta, nec per eum steterit, quo minus reconciliaretur Ecclesiasticæ unitati, non suscepto beneficio Absolutionis decesserit, pro absoluto ab Ecclesiâ sit habendus, & pro tali reicienda sit elemosyna, & Fidelibus orandum; postquam dixit, excommunicato decedenti cum excommunicatione, quantumcumque contritus decesserit, non esse communicandum ante Absolutionem, nec pro eo orandum, licet sit quoad Deum absolutus, si constat tamen Ecclesiæ de contritione præcedenti, absolvi eum posse etiam post mortem ab illo, & quo vivus fuerat absolvendus, & hæres ejus compelli per Ecclesiâ ad satisfaciendum pro eo, diserte mox idem Pontifex asserit his verbis: *Potest tamen, & debet ei Ecclesiæ beneficio subveniri, ut si de ipso vivente penitentia per evidentia signa conspicerit, defuncto etiam Absolutiois beneficium impendatur.*

V. Pergit Pontifex, suamque assertionem non modo probat, sed & ab objectione etiam vindicat, quam sibi proponit, sic inquit: *Nec obstat, quod Ecclesiæ legitur attributa potestas ligandi, atque solvendi homines super terram, tamquam non possit solvere, & ligare sub terra sepultos; & quod legitur, non communicetur mortuo, cui non est communicatum & vivo; cum est communicatum non fuerit, communicandum tamen illi fuisset, quem non contemptus Religiois, sed necessitatis articulus impedivit; & in certis casibus a Canonibus denotatis ligasse legatur Ecclesiæ mortuos, & solvisse.* Mentionem jam nos fecimus supra Canonice hujus discipline, quam etiam variis exemplis comprobavimus. Sed audienda laudati Pontificis Innocentii III. resolutio, qui ita in eodem Capite mox subdit: *Ut aatem in uno pariter, & eodem negotio, & servemus rigorem, & consuetudinem ostendamus, statuimus, ut illi mortui absolutio a Sede Apostolica requiratur, qui, cum viveret, ab ea fuerat absolvendus. Aliorum autem Absolutionem, ex præmissa causa ceteris indulgemus, a quibus, dum viverent, fuerant absolvendi. Tum vero inferius: Hæres quoque ipsas ad satisfaciendum*

pro ipso, si monitione præmissa voluerint, per districtiorem Ecclesiasticam compellantur.

VI. Ergo ut defunctus excommunicatus absolvi possit, omnino requiritur, quod hic noster §. statuit, ut nimirum *ex hac vita decedens dederit signum contritionis*, sive, ut habet in citato Capite Innocentius Papa, *si de ipso vivente penitentia per evidentia signa conspicerit*. Sunt autem penitentiam signa, verbalis detectio delicti, petitio dissolutionis, oblatio juramenti de parendo mandatis Ecclesiæ, elevatio oculorum, & manuum ad Cælum, percussio oris, & pectoris, quia forte loqui non potest, & his similia, ut ex Canone, *Qui recedant*, & aliis sequentibus, Causa XXVI. Questione VI. tradunt Hostiensis, Joannes Andreas, & alii communiter apud Fagnanum in citato Capite, *A nobis*, De sententia excommunicationis, num. 13. qui etiam sequenti num. 14. Literarum formulam refert, quæ a Sacra Penitentiaria dari solent pro Absolutione illius, qui in excommunicatione decessit, et hæc hujusmodi: *Quare, si sic vobis visum fuerit, vobisque de prædicti N. vivente penitentia per evidentia signa conspicerit, ut eundem se defunctum, dummodo illius hæres injuriarum passus, quibus ille si viveret, occasione præmissorum satisfacere teneretur, prius competenter satisfaciatur, vel per eos non sit, quo minus arbitrio vestro satisfaciatur competenter in eo, in quo tenetur, ab excommunicationis sententia, quam propter præmissa incurrit, absolvere in forma Ecclesiæ consuevit, & in foro conscientie tantum licite valeatis, ad effectum dumtaxat, ut pro illius anima publice, & privata orationes, ac preces fieri, ejusque corpus Ecclesiasticæ tradi sepulture possit, facultatem vobis concedimus.* Datum &c.

VII. Conciunt hæc quidem iis, quæ statuit supra in recitato Capite, *A nobis*, Innocentius Pontifex, ex quibus docemur, non modo teneri hæres defuncti excommunicati absolvi ad satisfaciendum pro ipso, verum, etiam, si monitione præmissa noluerint, per districtiorem Ecclesiasticam ad id faciendum posse compelli. Atque hic est casus notabilis observatu dignus, in quo Ecclesiæ exercet jurisdictionem in laicos, compellendo scilicet hæres illius, qui post mortem debet absolvi, ut pro eo satisfaciatur injuriarum passio, licet ipse dum viveret, expresse hoc non mandaverit. Nam ex quo dedit sigea exteriora contritionis, satis videtur debitam satisfactionem tacite innoxisse, uti in eodem Capite Glossa notavit. Uode cum iste actus respiciat favorem animæ defuncti, & hæresis, & plam causam, merito Ecclesiæ vindicat sibi jurisdictionem seu odum Abbatem ibidem num. 5. & Marianum Socinum num. 24. quos citat sequiturque Fagnanus num. 31. ubi etiam scite notat, memoratæ Innocentii Decretali consentire Textum in Capite, *In literis, De raptoribus &c.* ubi Alexander Papa III. ita Claremontensi Episcopo rescripsit: *Quapropter si ita res se habet, mandamus, ut corpus ejusdem, appellatione cessante, facias in Cimiterio sepeliri, & hæres ejus maneat, & compellat, ut bis, quibus ille per incendium, vel alio modo damnus contra justitiam irrogaverat, juncto facultates suas condigne satisfaciatur, ut sic a peccato valeat liberari.* Alias legitur, *valeant*, idest hæres, ut notat idem Fagnanus in citato Capite, *A nobis*.

§. II.

Si corpus nondum sepultum fuerit, verberetur, & absolvatur, ut infra; deinde absolutum in loco sacro sepeliatur.

COMMENTARIUS.

I. **Q**Uæ ceremonia in homine excommunicato absolvendo, eam quoque in defuncto adhibendam, docet nos antiqua Ecclesiæ disciplina, cui inhaerens Innocentius Papa III. in Capite, *A nobis, De sententia excommunicationis*, de mortui excommunicati Absolutione agens, ita inter alia inquit: *Absolutionis autem forma servetur, ut fiat cum Pœnitentiali Psalmo, & tam oratione Dominica, quam alia consuecta.* Recte itaque statuit & hic noster §. ut si corpus nondum sepultum fuerit, verberetur, & absolvatur, ut infra, nempe juxta ceremoniam, & formalam in §. IV. præscriptam,

ejusdem hujus Capituli IV. Ceremonia autem in eo potissimum consistit, ut fiat publice, & coram testibus, itemque virga, aut funiculis, non quidem super humerum denudatum, ut in vivis, sed supra totum corpus, quomocumque absoluti liberit, ut post Pyrrhum Corradum Libro VIII. Praxis Dispensationum Apostolicarum, Cap. X. notavit ad hunc nostrum §. Barrufaldus. Porro absolutum defuncti corpus in loco sacro sepeliendum est, hæc enim nra ex causis fuit, ob quas Ecclesia defunctorum excommunicatorum Absolutionem introduxit, uti jam supra notavimus.

§. III.

Si vero fuerit sepultum in loco profano, si commode fieri poterit, exhumabitur, & eodem modo verberabitur, & post Absolutionem in loco sacro sepeliatur; sed si commode exhumari non potest, locus sepulturæ verberetur, postea absolvatur.

COMMENTARIUS.

I. **C**ERTI juris est, excommunicatam denunciatum morientem ante obtentam Absolutionem ab eo, qui cum poterat vivum absolvere, vel saltem a Sacerdote in articulo mortis, quo tempore cessat omnis reservatio, ut jam supra diximus, etiam signa pœnitentiæ, & contritionis dederit, in loco sacro sepeliri non posse; nam a quibus per vitam sancti fuerint Fideles, ab illis post mortem quoque sunt sciendū; hæc enim est antiqua Ecclesiæ regula, cujus inter alios meminit in Capite, *A nobis, De sententia excommunicationis*, Innocentius Papa III. ut nempe, *non communicetur mortuo, cui non est communicatum & vivo.* Jam non defunt, qui volunt, excommunicatos denunciatos decedentes cum signis contritionis, & pœnitentiæ, posse in loco sacro humari. Sed hanc opinionem merito refellit Barrufaldus in Commentario ad hunc §. num. 17. ubi recte observat, signa ipsa unice valere ad impetrandam facultatem absolvendi, p̄ eo scilicet, qui potest

eam concedere, juxta ea, quæ supra notavimus nos in Commentario ad §. I.

II. Ergo impetrata hac facultate, ex præscripto hujus præsentis §. si defuncti excommunicati corpus fuerit sepultum in loco profano, si commode fieri poterit, exhumabitur, & eodem modo verberabitur, & post Absolutionem in loco sacro sepeliatur. Ubi nota, si commode fieri poterit; nam alias recte subdit idem noster §. si commode exhumari non potest, si nempe quadrumanum sit, si cum aliis cadaveribus commixtum, si in summa profunditate sit, locus sepulture verberetur, postea absolvatur. Ceterum si in flumen, vel in mare fuerit immersum, cum non possit ea ceremonia adhiberi, non enim verberandum est flumen, aut mare, privabiturque cadaver quidem Ecclesiastica sepultura, sed erit hæc privatio materialis, quæ pluribus etiam Fidelibus occurrere solet in naufragio, vel in bello, aliove modo. Sed non privabitur Ecclesiæ suffragiis anima illius.

§. IV.

Quod si in loco sacro sit sepultum, non exhumabitur, sed verberabitur sepulchrum. Dum autem corpus, sive sepulturam verberat Sacerdos dicat Antiphonam, *Exultabunt Domino ossa humiliata.* Psalm. *Miserere mei Deus &c.* Quo facto absolvatur, dicendo: *Auctoritate mihi concessa, ego te absolvo a vinculo excommunicationis, quam incurristi, (vel incurrisse declaratus es) propter tale factum, & restituo te communioni Fidelium, in Nomine Patris & Filii, & Spiritus Sancti. Amen.*

COMMENTARIUS.

I. **Q**UAMQUAM ex Sacris Canonibus, si casu, aut vi, cadaver excommunicati illatum sit in sacrum Cœmetrium,

vel in sepulturam Ecclesiæ, extumulari inde jubetur, si discerni possit, (uti factum fuit cum cadavere Henrici Imperatoris in excommunicatione

ne defuncti, quod a Leodienſibus in loco ſacro tumulatum, juſſu Eccleſiæ reſoſſum eſt, & in locum proſtatum tandem proſectum, ut ſcribit Nauclerus Generatinue xxxvii. anno MCVL.) tamen ubi impetrata a Superiore facultate, illud eſſet abſolvendum, mandat hic quidem noſter ſ. non eſſe tunc exhumandum, ſed verberandum ſepulchrum a Sacerdote ſcilicet dicente Antiphona, *Exultabunt Domino oſſa humiliata, & Pal-*

lum, Miſerere &c. Atque ad hunc ritum Sæculo xii. fieri ſolitum in Abſolutione defuncti excommunicati reſpexit quidem Innocentius Papa III. qui ad Petri Cathedralam eſceſus fuit anno anno MCXCVIII. ubi in Capite, *A nobis, De ſententia excommunicationis, ſic inter alia ſcripſit: Abſolutionis autem forma ſervetur, ut fiat cum Penitentiali Pſalmo, & tam oratione Dominica, quam alia conſueſta.*

§. V.

Deinde dicatur Pſalmus, *De profundis*; in fine, *Requiem æternam dona ei Domine.* R. *Et lux perpetua luceat ei.* Kyrie eleiſon, Chriſte eleiſon, Kyrie eleiſon. Pater noſter. V. *Et ne nos inducas in tentationem.* R. *Sed libera nos a malo.* V. *A porta inferi.* R. *Erue Domine animam ejus.* V. *Regneſcat in pace.* R. *Amen.* V. *Domine exaudi orationem meam.* R. *Et clamor meus ad te veniat.* V. *Dominus vobiscum.* R. *Et cum ſpiritu tuo.* Oremus.

Da quaſumus Domine anima famuli tui, quem excommunicationis ſententia conſtrinxerat, refrigerii ſedem, quietis beatitudinem, & luminis claritatem. Per Chriſtum Dominum noſtrum. R. *Amen.*

COMMENTARIUS.

QUAM effectus Abſolutionis defuncti excommunicati, ſit quidem, ut & humari in loco ſacro poſſit, & Eccleſiæ ſuffragiis adjuvetur, hinc recte cautum eſt, ex hoc noſtro ſ. ut ſacta Abſolutione ſub recitata in ſuperiori ſ. formula, deinde dicatur Pſalmus, *De profundis*, una cum aliis precibus, & oratione, *Da quaſumus Domine anima famuli tui &c.* quæ nonnullis immutata eadem eſt ac illa, quæ dici ſolet in anniversario unius defuncti. Cu-

terum licet nulla in hoc Capite, in quo ritus reſertur abſolvendi excommunicatum jam mortuum, ſacta ſit veſtigium mentio, quibus in ea Abſolutioe indutus eſſe debet Sacerdos, non eſt dubium, quia adhibendum ſit Superpellicum. cum Stola nigri coloris, juxta ritum in Officio defunctorum, & in eorum Abſolutione præſcriptum in Rubricis Romani Miſſalis, ac Ritualibus paſſim, ut recte poſt Corſetum notavit ad hunc ſ. Barrufaldus.

CAPUT V.

De modo abſolvendi a Sufpenſione, vel Interdicto extra, vel intra Sacramentalem Confeſſionem, & diſpenſandi ſuper Irregularitate.

PURA quæ ad explicationem hujus Capituli faciunt, jam nos reſecuiſimus Tomo III. Commentariorum in Partem III. Romani Pontificalis, Tit. vi. Sed iis nmiſſis, antequam enarremus ritus in variis Paragraphis hujus Capituli præſcriptos, nonnihil dicendum cenſimus de Sufpenſione, Interdicto, & Irregularitate. Ergo Sufpenſio ſecundum hodiernam Eccleſiæ praxim eſt Cenfura, quæ Clericis, aut Ordinatis, aut Officiis Clericalis, aut Beneficiis uſu prohibetur. Dicitur I. Cenfura, quæ infligitur Clerico, & in hoc diſſert ab excommunicatione, quæ quilibet Fidelis etiam laicus multari poteſt. II. Clericum non deſtitit a ſuo Beneficio, aut Ordine, & in hoc a Depoſitione, & Degradatione diſſerpat. III. Interdictum uſu, hinc eſt exercitio Ordinis, aut muneris Eccleſiaſtiſci, vel privatæ fructibus, quos Clericus aliquis ex Beneficio perciperet. Porro, ſicut excommunicatio, ita & Sufpenſio, interdum a Jure fit, interdum a Judice Eccleſiaſtico, unde Sufpenſio alia Canonis eſt, alia Judicis. A Jure variis ex cauſis infligitur, uti videre eſt apud Auſtines, qui eam congeſſerunt. A Judice, quando in culpa exigente Sufpenſionem in aliquem præfert; quæ tamen ſcripto ſacere debet, expreſſa cauſa, & præcedente mo-

nitione. Is autem, qui aliquem actum officii ſui, a quo ſuſpenſus eſt, exercet, Irregularitatem incurrit, quæ nonnisi per Summum Pontificem liberatur ex Cap. 1. *De ſententia, & re judicata*, in Sexto. Niſi quod hodie ex conceſſione Concilii Tridentini, Sefſione xxiv. *De reformatione*, Cap. vi. etiam Episcopis permiſſum ſit in Irregularitatibus omnibus, & Sufpenſionibus ex delicto oculo provenientibus, excepta ea, quæ oriatur ex homicidio voluntario, & exceptis aliis deſectis ad Forum Contentioſum, diſpenſare. Eſt autem Irregularitas impedimentum Canonium, quo quis prohibetur Ordinem Eccleſiaſticum ſuſcipere, aut in ſuſcepto miniſtrare.

II. Ad Interdictum quod attinet, eſt & ipſum Cenfura Eccleſiaſtica, quæ certis perſonis, aut loco, Divinis Officiis, ſepultura in loco ſacro, Sacramentorumque adminiſtratio interdicitur a Jure, vel a Judice Eccleſiaſtico, unde & Interdictum quoque aliud Juris, aliud Judicis; itemque aliud perſonale, aliud locale. Sed longum eſſet diſcutere hoc loco varias quæſtiones Interdictum ipſum ſpectantes, quæ videri plane poſſunt apud Scriptores, qui de Cenfuris, vel de eo ſpectum ſcripſerunt, ac apud nos etiam in Commentariis ad Romanum Pontificalis.

§. I.

to; ex quibus etiam addicimus, Irregularitatem, five ex defectu, five ex crimine oriatum, semper parere impedimentum ad Ordines suscipiendos, aut in suscipiendis ministrandum; nec nisi per dispensationem ordinariæ, & proprie tolli a Superiore obtentam. Atque huic doctrinæ inherens S. Carolus in Concilio Provinciali III. Mediolanensi, Capite, *De his, quæ ad Pœnitentiæ Sacramentum pertinent*, inter alia statuit, Irregularitatem sine facultate speciali in Jubileo minime esse a Confessariis dispensandam: *Ne Confessarii Sacerdotes, inquit, cum sibi facultate, vel ex Jubilæo, vel ex alitis Apostolicis Litteris concessa, pœnitentium confessiones audire, eosdemque a pœnitentiis etiam gravioribus, quæ admiserant, & a penis item, ac Censuris, quibus irretiti sunt, absolvere licet, cum eo, qui in Irregularitatem incurrit, dispensent, nisi ejus rei facultate illis Litteris nominatim expressa.*

III. Ergo, ut Confessarius, five in Foro conscientie, five extra illud, super Irregularitate valeat dispensare, necessaria est illi specialis facultas a Superiore data, aut commissæ, eaque obtenta, tunc quidem, postquam Irregularem a peccatis absolverit, cum eo super Irregularitate dispensabit juxta formulam in nostro §. II. expressam; neque enim Irregularitas absolvitur, sed dispensatur, uti Viri docti loquuntur, non enim

defunt, qui ignoranter, Irregularitatem absolvi ajant. Porro notandæ sunt dispensationis formulæ in Paragraphis nostris relatæ. Nam ubi Ordinatus Irregularitatem contraxit, Confessarius dicet: *Habilem reddo, & restituo te executioni Ordinum, & Officiorum tuorum*, ut in §. II. edicitur; ubi vero nullum ille Ordinem habuit: *Habilem, dicit, reddo te ad omnes Ordines suscipiendos* &c. ut in §. III. Dici & hic alia possent, quæ apud varios Auctores reperiantur; unumque addiderim, quod & alias statuit S. Carolus in Concilio Provinciali Mediolanensi v. Capite, *De Cancellario, & Notariis*, ut nempe Irregularitatis dispensationes, & processus a Cancellario Episcopali gratis conficiantur. Id quod aliæ etiam Synodi præferunt particulares, Provincialesque. Neque enim Statuta, vel exempla quorundam Episcoporum attendi debent, qui variis exactionibus subditos suos premunt, & avaritiam Ministrorum Curie Episcopalis fovent; de quibus videri potest eruditissimus Lupus, in suo Tomo IV. Operum editionis Venetæ in secunda provinciali Dissertatione, *De Simonia criminis, & variis ad ipsam spectantibus*, Capitibus præsertim XIV. & XV. in quibus varias, atque importunas Episcoporum, eorumque Ministrorum exactiones exponit, allatis variis Summorum Romanorum Pontificum, & Conciliorum Decretis.

§. IV.

Quod si necesse sit titulum Beneficii restituere, & fructus male perceptos condonare, subjungat: *Et restituo tibi titulum (seu titulos) Beneficii (seu Beneficiorum) & condono tibi fructus male perceptos. In nomine Patris &c. & Filii, & Spiritus Sancti. Amen.*

COMMENTARIUS.

I. Quum, uti superius dictum est, Suspendio Censura sit Ecclesiastica, qua personæ Ecclesiasticæ interdicitur exercitium sui Officii, seu Beneficii, vel utriusque simul, recte eautem est ex hoc nostro §. ut, si necesse sit titulum Beneficii restituere, & fructus male perceptos suspensio a Beneficio condonare, subjungat Sacerdos hanc formulam: *Et restituo tibi titulum, seu titulos, Beneficii, seu Beneficiorum*, si scilicet plura ea sint, a quibus fuerat suspensus, & *condono tibi fructus male perceptos* &c. Hinc addicere licet, Suspendionem a Beneficio dici, quia Clericus a perceptione fructuum Beneficii, aut aliis a Beneficio dependentibus suspenditur. Cæterum non dubium, quia multis sæculis ignota fuerit distinctio Suspendio a Beneficio, quod Suspendio ab Ordine secum traheret Suspendionem

a perceptione fructuum, quæ ab Ordine, five illius exercitio dependebat, nullis adhuc specialibus Beneficiorum titulis erectis, uti docet Vanespem, Parte II. Juris Ecclesiastici universi, Tit. XVIII. Cap. I. Quod autem hodie contrahitur inter Doctores, num Suspendio ab Officio secum trahat Suspendionem a Beneficio, ut videre est apud Suarez, *De Censuris*, Disputatione XXVI. Sectione III. & apud Fagnanum in Capite, *Acrapula, De vita, & honestate Clericorum*, num. 22. hinc Judices volentes aliquem ab utroque suspendere, dicere solent, *ab Officio, & Beneficio*, ut scite observat laudatus Vanespem Parte III. Tit. XI. Cap. X. num. XVI. ut alios Auctores præteream, qui de hujusmodi Questionibus tractant, de quibus prolixius differere non est nostri instituti in his Commentariis.

§. V.

Advertat autem Sacerdos, ne ullo modo in iis, facultatis suæ terminos excedat.

COMMENTARIUS.

Fines Mandati diligenter esse custodiendos, Leges Canonice æque, ac Civiles præcipiunt. Lege, *Diligenter, ff. Mandati, §. Is qui*, Lib. III. Institutionum Juris Civilis, Tit. XXVII. Cap. *Per tuas, De arbitris*. Hinc potissimum facultates, commissionesque a supremo Tri-

bunali provenientes adamusum sunt adimplendum, nec interpretandum, nec ampliandum, nec restringendum, sed exequendum, prout sonant. Sed de hujusmodi questionibus consulendi Doctores sunt; cum nostri sit instituti potius sacros Ritus exponere, quam Questiones ipsas latius pertractare.

H h DE

DE SANCTISSIMO EUCHARISTIAE SACRAMENTO TITULUS IV.

I. **O** Ritur Eucharistiae nomen a verbo Graeco *ευαγριον*, quod Latine idem est, ac gratias agere, quod in huiusmodi Sacramenti usu Deo, propter illius in nos beneficia, gratias rependamus: *Nos*, inquit S. Augustinus ad Dardanum scribens, *in quo Sacrificio dicitur: Gratias agamus Domino Deo nostro*. Appellari solet variis nominibus, quae late explicant eruditi Scriptores Theologi, atque Liturgici, qui de hoc Sacramento tractarunt. Sed audiendus praeter ceteris Tridentini Concilii Catechismus, Parte II. De Eucharistia Sacramento, ubi ex Divina Scriptura, ac veterum Patrum testimoniis ipsum Eucharistiae nomen ita explicat nom. tv. Huius ergo admirabilis Sacramenti dignitatem, atque excellentiam cum Sacri Scriptores fieri nullo modo posse intelligere, ut uno vocabulo demonstrarent, pluribus eam nominibus exprimere conati sunt. Interdum enim Eucharistiam appellant, quod verbum, vel bonam gratiam, vel gratiarum actionem Latine reddere possumus. *Ac recte quidem bona gratia dicenda est; tum quia vitam aeternam, de qua scriptum est, Gratias Dei vitae aeternae, praesignificat; tum quia Christum Dominum, qui vera gratia, atque omnium eucharistatum fons est, in se continet. Nec vero minus apte gratiarum actionem interpretamur; siquidem cum bene purissimum Hostiam immolamus, immensas quotidie gratias pro universis in nos beneficiis Deo agimus; atque in primis pro eius gratia tam excellenti bono, quam nobis hoc Sacramento tribuit. Sed id ipsum etiam nomen cum bis, quae a Christo Domino gesta esse in hoc Mysterio instituendo legimus, optime convenit. Etenim panem accipiens fregit, & gratias egit. David quoque, cum huius mysterii magnitudinem contempleretur, antequam carmen illud pronuntiaret, Memoriam fecit mirabilem suorum misericors, & miserator Dominus, etiam dedit iumentibus se; gratiarum actionem propo-*

nendam existimavit, cum inquit: Confessio, & magnificentia opus eius.

II. Pergit Catechismus, aliaeque huius Sacramenti nomina refert, explicatque num. v. his verbis: *Frequenter etiam nomine Sacrificii declaratur, de quo mysterio paulo post latius dicendum erit. Vocatur praeterea Communio, quod verbum ex Apostoli loco sumptum esse liquet, ubi ait: Calix benedictionis, nonne communicatio Sanguinis Christi est? Et panis, quem frangimus, nonne participatio Corporis Domini est? Nam ut Damascenus explanavit, hoc Sacramentum Christo nos copulat, atque ejus Carnis, & Deitatis participes efficit: nosque inter nos in eodem Christo conciliat, ac conjungit, & velut unum Corpus coagmentat. Ex quo factum est, ut Sacramentum etiam pacis, & eucharistiae diceretur, ut intelligeremus, quam indigni sint Christiano nomine qui inimicitias exerceant, odiumque, dissidium, & discordias, ut teterrimas Christiani pestes, omnino exterminandas esse, cum praesentis quotidianae Religionis nostrae Sacrificio, nihil nos studiosius servare, quam pacem, & eucharistiam profiteamur. Sed Viatum etiam frequenter a Sacris Scripturis appellatur, tum quia spiritualis cibum est, quo in huius vitae peregrinatione sustentamur, tum quia vim nobis ad aeternam gloriam, & felicitatem parat. Quare ex veteri Ecclesia instituto servari videmus, ut nemo Fidelium praeter hoc Sacramentum viam excedat. Ac vetustissimi quidem Patres Apostoli auctoritatem sequuntur, Cane etiam nomine Sacram Eucharistiam interdum vocarunt, quod in illo novissima Cane salutaris mysterio a Christo Domino sit instituta. Hactenus Catechismus. Porro Divina Eucharistia Sacramentum, in Rubrica huius Tituli, & a Patribus, & Conciliis Sanctissimum dicitur per excellentiam super reliqua Sacramenta, de qua loquitur Concilium Tridentinum Sessione xii. Cap. III. & nonnihil dicemus nos etiam in Commentario ad sequentem §.*

C A P U T I.

§. I.

Omnibus quidem Ecclesiae Catholicae Sacramentis religiose, sancteque tractandis, magna, ac diligens cura adhibenda est; sed praecipue in administrando, ac suscipiendo Sanctissimo Eucharistiae Sacramento, quo nihil sanctius, & admirabilius habet Ecclesia Dei, cum in eo contineatur praecipuum, & maximum Dei donum, & ipsamet omnis gratiae, & sanctitatis fons, Auctorque Christus Dominus.

C O M M E N T A R I U S.

I. **S**apientissime docet Tridentini Concilii Catechismus citat superius loco, num. i. quod quemadmodum ex omnibus Sacris Mysteriis, quae nobis tanquam Divinae gratiae certissima instrumenta Dominus Salvator noster commendavit, nullum est, quod eum Sanctis-

simo Eucharistiae Sacramento comparari queat; ita etiam nulla gravius alienius sceleris animadvertio a Deo metienda est, quam si res omnis sanctitatis plena, vel potius quae ipsam sanctitatis Auctorem, & fontem continet, neque sancte, neque religiose a Fidelibus tractetur. Id vero Apo-

Apostolus, & sapienter vidit, & de eo nos aperte admonuit in Epistola i. ad Corinthios, Capite xi. Nam cum declarasset, quanto illi scelere obstricti essent, qui Corpus Domini non dijudicarent, statim subiecit: *Ideo inter vos multi infirmi, & imbecilles, & dormiant multi.* Hinc merito concludit laudatus Catechismus citato loco: *Ut igitur fidelis populus, cum calesti huic Sacramento divinos honores tribuendos esse intellexerit, & gratia nobiscum fructus capiat, & iustissimam Dei iram effugiat, illa omnia a Pastoribus diligentissime exponenda erunt, quæ ejus majestatem magis illustrare videantur.*

II. Longum plane esset innumera pene, & insignia Patrum elogis erga hoc Sacramentum referre, scitque erit unum illud describere, quod S. Thomas scriptum reliquit in Opusculo xvi. sic inter alia inquires: *Nullum Sacramentum est isto salubrius, quo purgantur peccata, virtutes augentur, & mens omnium spiritualium charismatum abundantia impingatur.* Offertur in Ecclesia pro vivis, & mortuis, ut om-

nibus prodest, quod est pro salute omnium institutum. Tum vero mox: *Sacramentum denique hujus Sacramenti nullus exprimere sufficit, per quod spiritualis dulcedo in suo fonte gustatur, & recolitur memoria illius, quam in sua passione Christus monstravit excellentissima charitatis.* Unde ut artibus hujus charitatis immensas Fidelium cordibus infunderetur, in ultima Cena, quando Pascha eum Discipulis celebrato, transiit erat de hoc mundo ad Patrem, hoc Sacramentum instituit, tanquam passionis sue memoriale perenne, figurarum veterum impletionem, miraculorum ab ipso factorum maximum, & de sua contristatis absentia solatium singulare reliquit. Atque ex hoc celebri testimonio argumentum sumere licet, quo magis probetur, quod in hoc nostro 4. edicitur, quod nempe precipue, in administrando, ac suscipiendo Sententiam Eucharistiae Sacramento, quo nihil dignius, nihil sanctius, & admirabilius habet Ecclesia Dei, magis, ac diligens cura adhibenda est, tum ab eo qui illud ministrat, quam ab eo qui sumit.

§. II.

Parochus igitur summum studium in eo ponat, ut cum ipse Venerabile hoc Sacramentum, qua decet, reverentia, debitoque cultu tractet, custodiat, & administret; tum etiam populus sibi commissus religioso colat, sancto, frequenterque suscipiat, præsertim in majoribus anni solemnitatibus.

COMMENTARIUS.

QUa ratione tractare, custodire, atque administrare Venerabile Eucharistiam Sacramentum Parochus potissimum, debeat, docent nos passim Concilia, & Rituales Codices, quorum loca nonnulla in sequentibus Commentariis opportunius describemus. Monet quoque & illud non uno in loco S. Carolus, ut Parochi crebris cohortationibus in id maxime incumbant, ut populus sibi commissus ad Confessionem, & Communionem precipue in Nativitatis Domini, & Pentecostes, & aliis solemnitatibus accedat. Mandat id quidem S. Carolus in suo Concilio Provinciali Mediolanensi i. Parte II. Constitutionum, Capite, De iis, quæ ad Sacramentorum administrationem generationi pertinent. Confirmatque id ipsum in Concilio Provinciali tertio, Capite, De iis, quæ ad Sacram Eucharistiam pertinent, his plane verbis: *Ad saluberrimum illum Eucharistia frequentem sumendam usus Parochi, ut primo Provinciali Concilio insusum est, & Concionatores item, quam sepius populum cohortentur, nascentis Ecclesiæ institutis, atque exemplis, & gravissimorum Patrum vocibus, & uberrima hoc ipse de genere Catechismi Romani doctrina, & sententia denique, Tridentina Synodi, quæ optaret quidem, Fideles in singulis Missis, non solum spirituali affectu, sed sacramentali etiam Eucharistia perceptione communicare.*

II. Extat quidem hæc Concilii Tridentini sententia Sessione xxii. Cap. vi. eamque fuisse veterem Ecclesiæ disciplinam, docet in primis Auctor Anonymus Thronensis in ms. Speculo apud Martene Libro i. De antiquis Ecclesiæ ritibus, Cap. iv. Articulo x. num. II. ubi etiam Insequentis ævi varium morem recenset, sic in-

Tom. I.

quiens: *Illud certe ignorari non debet, olim in primitiva Ecclesiæ, singulis diebus, qui Canonici Missa intererant, solitos fuisse communicare, sed postea, crescente multitudine Fidelium, fuit institutum, ut tantum Dominicis diebus communicaretur. Quod etiam paulo post cum observari non potuit, abiit in desuetudinem, ac tertia subsequens est institutio, ut saltem ter quoque anno, in Natali, Paschate, & Pentecoste omnes Christiani Eucharistiam sumerent.* Simili fere modo loquitur Joannes Beletius in Explicatione Divinorum Officiorum, Cap. cxx. in primitiva Ecclesiæ, ait, præceptum erat, ut singulis diebus Corpus Domini sumeretur; postea vero, crescente numero Fidelium, ut singulis diebus Dominicis; unde etiam nunc in Græcia sub anathemate puniuntur, qui a tribus Dominicis non communicaverint. Modo autem nos tenemus in tribus Solemnitatibus, nimirum Paschate, Pentecoste, & Natali.

III. Frequentem, quotidie namque fuisse primis Sæculis apud Fideles Eucharistiam Communionem, constat ex Apostolorum Actis, Cap. II. ubi S. Lucas eorum Auctor de prioris Sæculi Christianis hæc scribit, quæ Patres intellexerant de Eucharistia Communionem: *Erant autem perseverantes in doctrina, & Communionem fratellensis panis, & orationibus.* S. Cyprianus, qui Ecclesiæ Carthaginensi medio Sæculo tertio præerat, Eucharistiam suo ævo singulis diebus a Fidelibus sumptam fuisse in expositione Oratorum Dominice his verbis esset: *Hunc panem dari nobis quotidie postulamus, ut qui in Christo sumus, & Eucharistiam quotidie ad cibum salutis accipimus, intercedente aliquo graviore desilio, dum absenti, & non communicantes, a calesti pane pro-*

Hh 2

prohibetur, a Christi Corpore separantur. Sanctus Hieronymus epistola sua 1. asserit, hunc labente Saeculo IV. quo ipse claruit, morem Romae observatum fuisse, ut quique Fideles quotidie se se Eucharistia reficerent: Sed, Romae hanc esse consuetudinem, ut Fideles semper Christi Corpus accipiant; quod non reprehendo, nec probor. Eidem mori saltem in Occidente suffragatur aequalis Hieronymo S. Ambrosius in Libro, De Sacramento, si tamen hujus Libri Ambrosius Auctor sit: Si quotidianus est panis, cur post annum illius sumit quomodo modum Graeci in Oriente facere consueverunt. Accipe quotidie, quod quotidie tibi prodest. Sic vive, ut quotidie mercaris accipere. Qui non meretur quotidie accipere, non meretur post annum accipere; si mores scilicet non mutet. Ceterum loquitur hic Auctor de seignibus quibusdam Graecis, non autem de piis, quippe qui, ut testis est Sanctus Basilius in Epistola ad Caesariam Patriciam, solebant pluries in hebdomada communicare: Communicare, inquit, singulis diebus, & Sanctum Christi Corpus accipere, praclarum est, & utile, cum ipse dicat: Qui manducat meam Carnem, & bibit meum Sanguinem habet vitam aeternam. Quis igitur ambigit, vitam assidue participare, nihil aliud esse, quam multifariam vivere? Nos autem quater in singulas hebdomadas Divina Sacramenta participamus, Dominica die, quarta Feria, in Parasceve, & Sabbato.

IV. Quotidianam, frequentemque in hebdomada Communionem commutatam deinde fuisse in Communionem Dominicalem, testis est Auctor Sermois xxv. inter adscriptos S. Ambrosio in nova editione Operum ejusdem S. Patris, ubi ita inquit: *Omnes Christiani omni Dominica debent offerre, & communicare.* Diu perseverasse apud Monachos Dominicalem hanc Communionem, ostendit Martene in Commentario ad Regulam S. Benedicti, Cap. xxxv. Vigebat apud Graecos non modo Clericos, sed etiam laicos tempore Theodori Cantuariensis Archiepiscopi, qui de his sic scribit in Capitalis selectis, Capi-

te xii. Spicilegii Tomo IX. *Græci omni die Dominica communicant, sive Clerici, sive laici; & qui tribus Dominicis non communicaverit, excommunicatur.* De Latinis vero sic habet: *Romani similiter communicant qui volunt; qui autem noluerint, non excommunicantur.* Obsoleverat ergo jam Saeculo vii. exente, pia apud Christianos laicos consuetudo in singulis diebus Dominicis communicandi, quam tamen postea excitare, ac renovare studuerunt Capitularia Regum Francorum, uti adducimus ex Libro vi. Cap. cxxx. ubi statuunt, ut, si fieri potest, omni die Dominica communicent.

V. Constat autem potissimum sunt Sacrae Synodi, atque Episcopi religiosiores, ut saltem ter per annum Fideles communicarent, Natali scilicet Domini, Paschate, & Pentecoste. Ita plane statuit Concilium Agathense anni DVI. Causa xviii. decrevitque etiam, ut qui in hisce solemnitatibus non communicaverint, Catholici non credantur, nec inter Catholicos habeantur. Istud Agathensis Concilii Decretum refert Egbertus Eboracensis Archiepiscopus in Excerptis, Capite xxxviii. similisque Canoo extat apud Gratianum, Can. Omnis homo, De consecratione, Distinctione II. sub nomine Concilii Eliberitani, quamvis in editis istius Concilii Canonibus desideretur; itemque in Concilio Augustodunensi Can. xiv. apud Petrum de Lande, in Concilio Turonensi 111. Can. 1. & in aliis multis. Ceterum quamvis ob refrigescemtem in dies Fidelium charitatem erga Sanctissimum Eucharistiae Sacramentum Innocentius Papa III. in Concilio generali iv. Lateranensi, Can. xxx. de quo dicemus infra Cap. 111. §. 1. obligationem sumendam Eucharistiae Communionis ad annum, & Paschalem reduxit, non desuere tamen Concilia, quae trinam per annum in memoratis tribus solemnitatibus, Natalis Domini, Paschatis, & Pentecostes Communionem omnibus utriusque sexus Fidelibus præciperent, ut videre est in Concilio Tolosano anni MCCXXVIII. Can. xiii. & Albienfi anni MCCLIV. Can. xxix.

§. III.

Ideo populum sapius admonet, quæ præparatione, & quanta animi religione, ac pietate, & humili etiam corporis habitu ad tam Divinum Sacramentum debeat accedere, ut præmissa Sacramentali Confessione, omnes saltem a media nocte jejuni, & utroque genu flexo Sacramentum humiliter adorent, ac reverenter fuscipiant, viri quantum fieri potest, a mulieribus separati.

COMMENTARIUS.

I. **L**ate, egregieque S. Carolus in suis de Sacramento Eucharistiae Instructionibus explicat, quæ in hoc nostro §. continentur; mandat enim inter alia, ut Parochus populum doceat, quæ præparatione, & quanta animi religione, ac pietate, quam supplicii mente, ac humili etiam corporis habitu, ad illud sumendum accedere debeat, quantaque rursus illis supplicia parata sint, qui indigne illud suscipiunt. Porro dispositiones ad recipiendam Eucharistiam necessarias, perpendi possunt, vel per respectum ad animum, vel per respectum ad corpus; sic, ut Theologi docent, nonnullæ ex parte animi, aliquæ vero ex parte corporis requi-

runtur; quæ omnes a S. Carolo explicantur citato loco, atque ab eruditissimis Theologis, qui de Sanctissimo Eucharistiae Sacramento tractarunt.

II. Sed ut nonnihil de utriusque non etiam dicamus secundum ea, quæ sunt in hoc §. præscripta, notandum primo in eo censuimus, debere Fidelem, qui læthalis præsertim peccati reus esset, præmissa Sacramentali Confessione, ad Sacram Communionem accedere. Ea namque semper in Ecclesia consuetudo viguit, ut quicumque Corpori, ac Sanguini Domini communicare perciperent, conscientiam prius Confessione, & penitentia purgarent; nititurque consuetudo ipsa celebri illo Apostoli Pauli testi-

mo.

monio in Epistola 1. ad Corinthios, Capite xi. *Probet autem se ipsum homo, & se de pane illo edat, & de Calice bibat. Qui enim manducat, & bibit indigne, iudicium sibi manducat, & bibit, non dijudicans Corpus Domini.* Testis antiquæ consuetudinis est quidem inter alios Sanctus Fulgentius in Confessione, quam ex ms. Codice Corbejensis Monasterii edidit Hugo Menardus in Notis ad Sacramentarium S. Gregorii Papæ, pag. 226. ubi sic loquitur: *Ego Corpus Domini, & Sanguinem ejus, polluto corde, & corpore, sine confessione, & penitentia, sciens indignus accepi.* Similis accusatio reperitur in Confessionis formula, quam exhibet Aleminus in Libro, *De Psalmorum usu*, atque in alia, quam ex ms. Codice S. Remigii Remensis publici juris fecit idem Menardus ibidem, pag. 228. Veterum Patrum traditionem sequuta Synodus Tridentina Sessioe xiiii. Can. xi. jam merito definit, nemini licere, quem mortalis peccati conscientia stimulet, si Sacerdotis facultas data sit, aut equam se Sacramentali Confessione purgaverit, quantumvis sibi contritus esse videatur, Sacram Eucharistiam accipere.

III. Porro quod nemo ad Eucharistiam sumendam accedere debeat, nisi moraliter certus sit de propria sanctitate, docent non modo Patres, sed antiqua illa Orientalis Ecclesiæ consuetudo, qua tempore Sacræ Communionis Pontifex, seu Diaconus alta voce clamabat: *Sancta Sanctis*; uti videre est Lib. viiii. Apostolicarum Constitutionum, Cap. xiii. & apud utrumque Cyrillum, Hierosolymitanum, Catechesi v. Mystagoga, & Alexandrinum, Lib. xii. in Joannem, Cap. xiiii. itemque apud Chrysostomum Homilia xviii. in Epistolam ad Hebræos, & apud alios antiquos Scriptores. Quoniam vero ritu id fieret, discimus ex Cyrillo Scytopolitano in Vita S. Euthymii, Tomo i. Analektorum Græcorum, ubi sic ait: *Sacerdos, qui incruentum Sacrificium Deo offert, antequam incipiat, omnibus testificatur, & denunciat, dicens: Sursum mentem, & corda habeamus; populi quoque pollicitatione accepta, Deo oblationem offerre audit; qua perfecta, manibus in altam extendis, ferens, & cunctis ostendens dispensatum ad nostram salutem Sacramentum, alta voce, itant omnis populus audire queat, ait: SANCTA SANCTIS.* Quam ad vocem populus reponebat: *Unus Sanctus, unus Dominus Jesus Christus.* ut docet S. Cyrillus Hierosolymitanus loco citato, ubi eum ita ritum exponit: *Sacerdos autem postea dicit: Sancta Sanctis. Sancta sunt, quæ in Altari propitia jacent, recepto Spiritus Sancti supervento. Sancti vos quoque Spiritus Sancti dono dignati. Sancta igitur Sanctis conveniunt. Deinde vos subiecit: Unus Sanctus, unus Dominus Jesus Christus. Revera namque unus est Sanctus, natura Sanctus. Nos autem etiam sancti, verum non natura, sed participatione, & operum exercitio, ac voto.*

IV. Explicat & ipsum ritum S. Chrysostomus Homilia lxi. ad Populum Antiochenum, ubi etiam ait, pertinuisse ad Diaconum eas voces proferre: *Diaconus, inquit, clamat, Sanctos vocans, & per hanc vocem omnium notans maculas. Sicut enim in grege, ubi sunt multa oves, sunt alia, alia vero morbida, per hanc excitat vocem, & his ab illis dividit, passim circumiens, sacrorum Minister per illum clamorem nimis hor-*

rendum, omnes vocans Sanctos, & trabens. Et postea: Cum enim dixerit, Sancta Sanctis, hoc dicit: Siquis non est Sanctus, non accedat. Non simpliciter dicit, a peccatis purus, sed sanctus, non peccatorum tantum liberatione, sed spiritus presentia. Huic ritui affine est id, quod scribit idem Chrysostomus Homilia xxxiv. ad Populum Antiochenum, Diaconum tempore in Sacra Synaxi subiinde clamare solitum fuisse: *Agnosceite vos invicem.* Cæterum in Ecclesiâ Occidentali, maxime in Gallis, diebus præcipuis, quibus universus populus ad ipsam Synaxim accedere tenebatur, solemni ritu ad Communionem invitabatur, his verbis: *Venite Populi, sacrum immortale Mysterium, & libamen agendum, cum timore, & fide accedamus. Manibus mundis penitentia manus communicamus, quoniam Agnus Dei propter nos Patri Sacrificium propitius est; ipsam solum adoremus, ipsam glorificemus, cum Angelis clamantes, Alleluia.* Cujus ritus meminere antiquum ms. Ordinarium Ecclesiæ Lugdunensis, Ordinarium Cabilonense, Ordinarium Carnotense S. Joannis, Missale Achacenſis Monasterii, & Rituale S. Marini Turonensis, ut testatur Martene Lib. 1. *De antiquis Ecclesiæ ritibus*, Cap. iv. Articulo x. num. vi.

V. Omisſis aliis dispositionibus recipiendæ Eucharistiæ ex parte animi prærequisitis, quas recensent Tridentini Concilii Catechismus, Sanctus Carolus in suis Conciliis, & Instructionibus, præstantesque passim Theologi, & Auctores Liturgici de Sacramento Eucharistiæ agentes, quod ad dispositiones corporis attinet, recte admonet nosſe ſe, ut communicaturi, omnes ſaltem a media nocte jejuni ſint. Idem docet Catechismus Concilii Tridentini, Parte II. *De Eucharistiæ Sacramento*, num. lx. ſic inſiciens: *Jejuni ad ſacram Menſam accedere debemus, itant ſaltem a dimidia antecedentis diei nocte aſſue ad illud temporis paſſum, quo Eucharistiæ accipimus, nihil omnino comederimus, ac biberimus.* Addit autem S. Carolus in ſuis Inſtructionibus de Sacramento Sanctiſſimæ Eucharistiæ, præſantiſſimam hujus Sacramenti dignitatem id poſtulare, ut pridie illius diei, quo illud ſumunt, jejunium celebrent, ant ſaltem parvas cœnent; & quod Fideles aliquando ſacere conſueverunt, in orationibus, piſque meditationibus partem noctis vigilent, ant ſaltem prolixius orent, quam alias ſoliti ſunt. Apostolicam eſſe traditionem, ut Eucharistiâ nonniſi a jejunio ſumî debeat, probant paſſim Theologi auctoritate veterum Patrum, atque Conciliorum, de eaque diſciplina diximus ſuſe etiam nos Tomo II. Conciliorum in Commentario ad Cauquem xxxix. Trullani Concilii, ac aliis etiam noſſrorum Operum locis.

VI. Unum vero hic addiderim, quod licet per quodcumque ſumptum in modum cibi, & potus, tollatur jejunium naturale, quod ad Communionem rite recipiendam requiritur, ut ratiocinatur Sanctus Thomas Parte III. Quæſtione lxxx. Articulo viiii. recte tamen idem S. Doctor tradit, ea, quæ per modum ſalvæ caſualiter tranſglutiantur, non tollere naturale jejunium: *Reliquia tamen cibi, inquit, remanentes in ore, ſi caſualiter tranſglutiantur, non impediunt ſumptionem hujus Sacramenti, quia non tranſiciuntur per modum cibi, ſed per modum ſalvæ; & eadem ratio eſt de reliquiis aquæ, vel vini, quibus os abluunt, dummodo non tranſi-*

*eiantur in magna quantitate, sed permixta salivâ. Idem enim debet ferri iudicium de vino, vel condimento, quod quia in os ingerit, & statim expuit; tunc enim non exercetur manducationis, vel potus actio, quod nempe exiguum, quod tractatum est, per modum salivæ censatur acceptum. Sed idem de saccharo dici non potest, quippe quod distillantis pituitæ vim non temperet, nisi deglutiat, ac proinde per modum cibi sumitur; uti observat Iuvenius, *De Sacramentis*, Dissertatione IV. *De Eucharistia*, ut est *Sacramentum*, Quæstione VII. Cap. 1. Articulo II. §. 1. Conclusione III. Quæstio 1. ubi etiam ait, idem nonnullis cum Merbecio sentire de tabaco ori ingesto, si illius humor ex ore in stomachum traiciatur, quod nempe, ut ajunt, tunc per modum medicinæ sumatur, quod quidem tollit naturæ jejuniū.*

VII. Quamquam autem prædicti jejunii disciplina tanti sit momenti, ut in eam uqueat Episcopus communicare, non desunt tamen exempla, quibus docemur, consecrasset Romanos Summos Pontifices viris Principibus eam facultatem concedere, ut non jejuni possent communicare. Ostendit id quidem, probatque BENEDICTUS Papa XIV. in Epistola sua Italice scripta ad Romanæ Aulæ Præsulem Ludovicum Valentem Assessorum Sancti Officii sape devoto pioque desiderio Jacobi III. Regis Angliæ, ut nempe eum consilio sui Patris spiritualis communicare possit, tametsi post mediam noctem præcedentem, ob stomachi sui indigentiam, aliquid jentaculi sumpsisset. Data est Epistola Romæ anno MDCCCLVI. in Typographia Generosi Salomonii; in qua inter alia, exempla illud Caroli V. Imperatoris recensetur, cum quo Julius Papa III. dispensavit, his ad eum datis Literis Apostolicis: *Exponi nobis tua Majestas fecit, se nonnunquam ratione sua valetudinis, ita suadente, & cogente, diebus, quibus Sacratissimam Eucharistiam sumere instituit, de Medicorum consilio, modicum jentaculum ad necessarium sustentationem ventriculi sumere ante consuevisse, & Nobis, ut tam de præterito veniam illi dare, quam in futurum secum super eo dispensare auctoritate Apostolica vellemus, supplicavit. Quare nos hujusmodi necessitatem tuam attendentes, & tua Majestatis pium, sincerumque in Catholica Religione, & Sanctorum Patrum Constitutionibus tuendis, ac venerandis animam omnibus in rebus agnoscentes, & omni conscientia serupulo, quod propter istiusmodi usum hostiens forsan contrabere potuisti, prorsus in Domino liberamus, & absolvimus; atque ut in posterum eodem modo post sumptam necessarium*

*jentaculum, præfatum Sacratissimum Eucharistia Sacramentum sumere possis, tecum, ab eodem Domino tradita nobis auctoritate indulgenter dispensamus. Legenda integra laudat BENEDICTI Papæ Epistola, in qua multa scitu digna inveniet Lector. Multum autem me debere ipsi Pontifici profiteor, quod & in ipsa Epistola, & in aliis, ac præsertim in suo, *De Diocesana Synodo*, *Opere*, me, meaque parvi pretii Opera citare non semel cum laude dignatus sit.*

VIII. Sed his omisiss, sumendum esse præterea Eucharistiam a Fidelibus utroque genu flexo, nosse hic idem §. monet, atque hæc est disciplina, quæ a pluribus sæculis invaluit, quæque a S. Carolo confirmatur, mandante non uno in loco, ut communicari genibus flexis Eucharistiam sumant. Ad demonstrandam autem tam corporis, quam animi majorem reverentiam, antiqui Fideles, ut scribit S. Odo Abbas Cluniacensis Lib. II. Collationum, Cap. xxviii. *Ad Divinum Mysterium, qui participare debent, discalceatis pedibus accedebant.* Stantes vero, non, ut sit hodie, genuflexos, communalitè, probant Habertus in Notis ad Pontificale Græcorum pag. 270. Henricus Valefius in *Notis ad Eusebium Lib. vii. Historia Ecclesiastica*, Cap. ix. & Joannes Thierfius in Gallica Dissertatione, *De Altaribus*; idemque a Monachia olim auditum esse, demonstravit Martene in Commentario ad Regulam S. Benedicti, Cap. xxxv.

IX. Mandat demum hic nosse §. ut in sacra Communione, *vir, quantum fieri potest, a mulieribus separati sint.* Concinit Sanctus Carolus in Concilio Provinciali Mediolanensi 1. Capite. *Quæ pertinent ad Sacramentum Eucharistia, ubi sic inter alia inquit: Eucharistia Sacramentum, ubi pro Ecclesiarum amplitudine commode fieri potest, maribus solum a feminis ministratur.* Id quod luculentius declaravit in Instructionibus, *De Sacramento Sanctissimæ Eucharistia*, Capite inscripto, *De preparatione, quam adhibebit Parochus in Communionem frequenti populi*, sic inquit: *Altare anum maribus, alterum feminis constituit, ubi communicant, maxime, si ingens populi sacra Communionem sacramenti multitudo est.* Additque mox: *Deliget vero in sacra Communione feminis ministrando, si opus sit, Sacerdotem adjutorem speculata integritate, & Clericos probatos, qui illum ministrantem etiam adjuvant.* Idem, quod S. Carolus, statuerunt, & alii Episcopi complures in suis Synodis Provincialibus, Diocesanicis, ac præsertim Maximilianus de Palumbaria in Concilio Provinciali Beneventano xii. anni MDXCIX. Tit. xxiiii.

§. IV.

Moneantur præterea communicantes, ut sumpto Sacramento, non statim ab Ecclesia discedant, aut colloquantur, nec statim vagis oculis circumspiciant, aut expuant; neque in Libro statim Orationes recitent, ne Sacramenti species de ore decendant; sed, qua par est devotione, aliquantisper in oratione permancant, gratias agentes Deo de tam singulari beneficio, atque etiam de Sanctissima Passione Dominica, in cujus memoriam hoc mysterium celebratur, & sumitur.

COMMENTARIUS.

1. Similia & his sunt, quæ in suis, *De Sacramento Sanctissimæ Eucharistia*, Instructionibus S. Carolus statuit, sic in-

quens: *Hæc vero Parochus præterea Fideles admonet, ut ne postquam Sacram Communionem sumperint, ab Ecclesia statim discedant, sed per-*

permanant in oratione, quantum fieri possit, quieto, & remoto loco; praeindeque certam aliquam precandi rationem illis indicet; radiis, ut ter, aut quinquies, Pater noster, & Ave Maria, dicant; alit per eorum capiti Rosarium Beatae Mariae Virginis, alii orationes in Officiis ejusdem Beatae Mariae Virginis dispositas, quae inscribuntur, Orationes post Communionem; & quae S. Ambrosii sunt, praefertim iudicet, & ante, & post Communionem. Quod tamen intelligendum est, ut non statim post sumptam Sacramentum Orationes ipsae recitentur, ne Sacramenti species de ore decendant; ut recte admonet nos S. sed, quae par est devotione, aliquantisper in oratione permanent, mentali scilicet, gratias agentes Deo de tam singulari beneficio &c. ut in eodem nostro §. edicuntur. Ad quem plane spectant, quae mox idem S. Carolus subdit, his verbis: *Monebit etiam, Parochus scilicet, ut reverenter glantur, ne statim sponant, sed per quantum saltem hanc partem a spatione abstinere. Si vero necessitas cogit prius sponere, id in loco saltem fiat, a pedibus praeteritum remoto. Ne praeterea statim cibum capiant, sed dimidia post sumptam sacram Communionem, aut saltem quartam hanc partem.*

II. Illud autem opportune adnotandum hic censet, morem fuisse antiquum, qui alias hodieque in multis Ecclesiis observatur, ut nempe, post Communionem statim fidelibus communicatis purificatio praebetur; observatque eruditus Henricus Valesius in Notis ad Eusebium. Lib. IV. Historiae Ecclesiasticae, Cap. XLIII. quod postquam Diaconi laicis Encharistiam praebere desierunt, concessum illis est, ut vinum laicis post Communionem porrigerent. Testem porro antiqui moris habemus S. Joannem Chrysostomum,

quibus inter alia accusationum capita, quibus ab emulis perperam impetitus est, unum, teste Palladio in ejus Vita, fuit, quod admovent omnes, ut post Communionem aquam, aut passillum degustarent, ne cum saliva, aut pituita, aliquid a Symbolo Sacramenti praeferat voluntatem experient, quod primus ipse faciebat. At hujus accusationis injustitiam merito damnavit Ecclesiae praxis, quae post Communionem parum panis, aut vini, live alterius liquoris degularet jam olim permittit. Nam, ut observat Martene, Lib. I. De antiquis Ecclesiae ritibus, Cap. IV. Articulo X. num. XV. S. Benedictus in Regula, Cap. XXXVIII. Lectori die Dominica mixtum fumere concedit propter Communionem faciliorem, scilicet, ne aliquid inde sumptum excreta projiciat in sputo, ut exponit Smaragdus. Similiter & Regula Magistri, quae ab annis circiter mille & centum scripta est, Cap. XXIV. ita statuit: *Meram propter sumptum Sacramenti accipiat, & incipiat legere.* Hinc non habet locum, quod ait nos S. ut communicati, nec de Libro statim orationes recitent, ne Sacramenti species de ore decendant; ubi scilicet, ut in multis Ecclesiis fieri assolet, communicatis statim post Communionem data est purificatio, ea enim sumpta, possunt statim de Libro orationes recitare, quod periculum non sit, ut Sacramenti species de ore decendant.

III. Faciant demum & ad hunc nostrum §. quae in memoratis Instructionibus idem S. Carolus movit, a Fidelibus ea die, quae communicati sunt, observanda, praesentem vero, ut assistant Christo hospitii sanctissimi excretionibus, atque actionibus; a profanis autem negotiis, & secularibus abstineant; quod si non omnino possunt, curent tamen a sancta Communionis sumpta meditatione, & a sui intima custodia non alienari.

§. V.

Curare porro debet, ut perpetuo aliquot particulae consecratae eo numero, qui usui infirmorum, & aliorum Fidelium communioni satis esse possit, conferrentur in Pyxide ex solida, decentique materia, eaque munda, & suo operculo bene clausa, albo velo cooperta, & quantum res feret, ornato in Tabernaculo clave obsecrato.

COMMENTARIUS.

I. Vetusissima Ecclesiae Catholicae consuetudine receptum fuisse, ut propter infirmorum Communionem, necnon ob alias magnas, atque necessarias causas, Encharistia in Ecclesiis observaretur, antiquissimi Ecclesiae Scriptores testantur, est plerique protestantes haeretici, persaepe Sacrificio, Encharistiam, aut ut ad egrotos deferatur, sut ad Fidelium Communionem fervetur, reservari non posse, perperam obstatuque contendunt, temereque afferat Hospitantes de origine Caeremoniarum, & Rituum, pag. 91. post Concilium Lateranense IV. quod habitum fuit anno MCCXV. Innocentio III. Pontifice Maximo, capisse primum in Templis parvi Tabernacula, & Ediculas, in quibus insererent Sacramentum.

II. Verum enim vero, quod a Christianorum Religiosis primordiis observari in Christianorum Templis Encharistia coepit, jam non abunde ostendimus Tomo II. Romani Pontificalis in Commentario ad Titulum XV. I. qui inscriptus est,

De benedictione Tabernaculi, seu Vasculi pro sacrosanctae Encharistiae conservanda. Testem ejus discipulum habemus quidem S. Clementem, seu alium ejus nomine antiquissimum Scriptorem in Epistola II. ad Jacobum Fratrem Domini, ubi se inter alia inquit: *Reliquias fragmentorum Corporis Domini custodire debent, ne quae patre in Sacrario inveniantur, ne cum negligenter agitur, Corporis Domini gravis inferatur injuria.* Idem Auctor Lib. VIII. Apostolicarum Constitutionum, Cap. XX. ubi agit de Encharistiae Communionem, eandem disciplinam confirmat his verbis: *Postquam omnes sumserunt, accipiant Diaconi Reliquias, & portent in Psalterioria.* Pseudoepistolae variae ab eruditissimis Scriptores afferuntur significationes. Sanctus Hieronymus in Caput XL. Ezechielis, *Sacramentum, inquit, in quo foet Corpus Christi, qui vultus est Ecclesia, & animarum nostrarum Sponsus, propter obolum, seu vasa, vocatur appellari.*

III. Fuit praeterea & vetus mos, ut in Colu-

lumbis aureis, argenteive super Altare appensus Sacra Eucharistia asservaretur, uti videre est in Concilio Constantinopolitano sub Menna anno DXXXVI. habito, & in Œcumenica Synodo vii. que est Nicæna II. itemque in Vita S. Basilii Magni citatis Synodis antiquioribus scripta ab Amphiloquio Iconii Episcopo. Cum enim precibus a Deo gratiam obtinisset, ut suis verbis Sacramentum offerre posset, accepto Divinitus pane, & vino, ipsique consecratis, tempore consecrationis, panem divisit in tres partes: *nam quidem sumxit cum timore multo; alteram vero reservavit, ut cum ipso sepeliretur; tertiam reposuit in Columba aurea, eamque pendere voluit supra Altare.* Narrat hæc quidem Amphiloquius, additque de ipso Basilio, *quod gratias agens Deo hæc intermisisset, quod fecisset mirabilia, necessesse fore Aurifabrem, iussisse confici Columbam ex auro puro, in qua eam, quam diximus, reposuit portionem, suspendens eam supra Mensam sanctam, in specie sanctæ Columbæ illius, quæ apparuit in Jordane, Domino baptizato.* De huiusmodi Columbæ, & earum in Ecclesiis Orientis usum celebre extat in V. Synodi Actione I. testimonium, in qua Clerici eque, ac Monschi Antiocheni contra Severum Constantinopolitanæ Urbis non jam Pastorem, sed lupum ita conqueruntur: *Nec sanctis ille pepercit Altaribus, nec sacris Vasis, ea confans, & sui similibus erogans. Presumptum est & hoc ab eodem, & Beatissimi, nam Columbæ aureas, & argenteas in foramen Spiritus Sancti supra Divina Lavatera, & Altaria appensas una cum aliis sibi appropriavit.* Relegit hanc querimoniam in Generali II. Nicænâ Synodo Actione v. Antonius Monachus.

IV. In Ecclesiâ quoque Occidentali fuisse in usu huiusmodi Columbæ, multis veterum Scriptorum Latinorum testimoniis comprobari posset. Legitur in Testamento Perpetui Episcopi Turonensis, legasse ipsum *Anatolario Presbytero Capfam unam communem de serico, item Peristeriam, & Columbam argenteam ad repositorium.* Peristorium Ciborium erat, seu Tabernaculum, in cuius cavo appensa erat Columba, ex qua pendebat Pyxis sacram Eucharistiam continens. Floruit Perpetuus labente Seculo v. Meminit Anastasius in Hilario & Innocentio Romanis Pontificibus ejusmodi Colombarum Altaribus impendendum, itemque S. Paulinus in Epistola xii. ad Severum, ubi totum Altaris apparatus describit. Atque hunc quoque morem adstruit Udalricus Lib. II. Consuetudinum Cluniacensis, Capite xxx. sic inquires: *Prædictam autem Pyxidem Diaconus cum Columba juxter pendente super Altare... aservabit.* Et Lib. i. Cap. ix. ubi hæc habet: *Ipsæ autem Hostiæ cum fuerint consecrate, mutantur quatuor cum illis, quæ in Pyxide, & aurea Columba super Altare pendente juxter servantur, maxime propter infirmos, ut quidquid de eis eveniat, Viaticum sit in promptu.* Plura de hisce Columbæ adducunt Novarius in Agno Eucharistico Lib. v. Cap. xv. ac Muratorius in Notis ad laudatam Epistolam xii. & xxxii. S. Paulini, quorum alter in Notis ad ipsam Epistolam xxxii. etiam testatur, morem ipsum includendi Eucharistiam Columbæ aureæ, & super Altare suspendendi, in pluribus Ecclesiis etiamnum durare. Tsch Mabillonio in Itinere Italico pag. 217. in Monasterio Bobiensi habetur vetus Columba ex auriscalco ad reponendum olim

Viaticum. In Fossatenfis denique S. Mauri Basilicæ, ut scribit Martene, Lib. i. *De antiquis Ecclesiæ ritibus*, Cap. v. Articulo 111. omni vi. *baltenis Eucharistia Columba inclusa super Altare appensa cernitur.*

V. Porro Tabernaculum, cuius hic ooster & memini, seu ut alii appellant, Ciborium, sive Sacramentum, ut habet Concilium Tridentinum, Sessione xxi. *De Eucharistia*, Cap. vi. & Canone vii. Ciborium, illud hodie dicitur, in quo Vasculum, sive Pyxis cum sacra Eucharistia asservatur. At vero Pyxis ipsa, seu Vasculum, vocabatur olim Conditorium, ut in primo pervetusto Romano Ordine a Mabillonio edito legitur. Describens enim hic Ordo quibus cæremoniis Pontifex ad Altare procedit, ait, quod ostensa ipsi a Subdiacono Eucharistia, *tunc inclinatio capite Pontifex, vel Diaconus, salutat Sanctum, & contemplatur, ut, si fuerit superabundans, præcipiat, ut ponatur in Conditorio.* Quam vocem ita laudatus Mabillonius explicat Tomo II. Musæi Italici pag. 8. *Conditorium hic locus, seu vasculum erat, in quo Eucharistia recondi solebat.* Hoc Vasculum in Codice Remensi alio nomine vocatur *Chrismale*, seu *Chrismalis*, ut patet ex præfatione ad ipsum benedicendum, quæ in ipso Codice hunc in modum legitur: *Præfatio Chrismalis. Oremus, Fratres charissimi, ut Deus omnipotens hoc ministerium Corporis Filii sui Domini nostri Jesu Christi gerulum benedictionis, sanctificationis tutamine, defensionis donatione, implere dignetur, erantibus nobis.* In Anglicano Monasterio Gemmeticensi Pontificali annorum circiter mille, & aliis quoque Pontificalibus, ubi de illius benedictione agitur, *Eucharistiale Vasculum* oucupatur.

VI. Neque solum iis uominibus, sed etiam Turris huiusmodi Vasculum jam olim dici solitum fuit, ejusque antiquæ nomenclaturæ testis est luculentissimus S. Gregorius Turonensis in Libro, *De gloria Martyrum*, Cap. lxxxvi. ubi Turrim ipsam & manibus Impuri Diaconi elapsam ait: *Tempus ad offerendum Sacrificium advenit, acceptaque Turri Diaconus, in quo ministerium Domini Corporis habebatur, ferre cepit ad ostium, ingressoque Templum, ut eam ad Altare superponeret &c.* S. Remigius in suo Testamento apud Floardorum Lib. v. Historiæ Remensis, ex vase aureo decem librarum, quod ipsi Clodovæus Rex donaverat, iussit quidem. *Turriculum, & imaginatum Calicem fabricari*, hæredique suæ Ecclesiæ Remensi donari. Ubi licet aliqui legant *thuribulum*, legendum tamen esse *turriculum*, probat Saussay in Panoplia Sacerdotali Lib. ix. Cap. tv. Scribit etiam idem Floardus Lib. II. Cap. vt. de quodam Laudone Remensi Archiepiscopo, quod *Turrim quæque auream, quam ad votum suum fabricari fecerat, super Altare posuit S. Maria Remensis Ecclesiæ, & Patres tres.* Turrim auream ad asservandum Corpus Domini fecit quidem Felix Bituricensis Episcopus, qui vivebat anno nxxxv. eumque de ea re laudat Venantius Fortunatus Lib. i. Carmine xxv.

VII. Constat & apud Græcos sacras fuisse Pyxides pro conservanda sacratissima Eucharistia, quæ peregrinis a longinquo ad loca sancta visitanda consentibus distribuebatur. Testis est hujus rei Humbertus S. R. E. Cardinalis, qui Constantiopolitana Legatione functus est anno

MLIV.

MLIV. cujus historiam legere est apud Canisum in Thesuro Monumentorum, & apud Baronium in Annalibus Ecclesiasticis. Sic autem Humbertus inquit: *Ad hoc siquid ex facili, & venerabili Eucharistia in Hierosolymitanis Ecclesiis superfluit, ut incendunt, nec in foveam mittunt, sed in Pyxidem mandam recondunt, & in sequenti die communicant ex ea populum, qui cotidie communicant ibi, eo quod conveniunt illuc ex diversis Provinciis Christiani.* Hanc non improbabiliter credi originem Communis laicorum sub una specie panis in Ecclesia Hierosolymitana propter frequentiam incredibilem peregrinorum ad Sacra Mysteria confluentium, docet Thomassinus, Tomo III. *Veteris, & Novae Ecclesiae disciplinae*, Lib. I. Cap. XV. num. IV. additque, exempli hujus auctoritatem mansisse in reliquis Occidentem.

VIII. Hinc itaque liquet, hallucinari Marinum, Lib. VIII. *De administratione Sacramenti Paenitentiae*, & Joannem Bona Cardinalem Lib. II. *Cerum Liturgiarum*, Capite XV. Scripturas ceteroqui doctissimas, quum ajunt, servatam antiquitus Eucharistiam in Ecclesia propter infirmorum Communionem, hodiernamque consuetudinem plures Particulas reservandi ad Fideles in ipsa Ecclesia etiam extra Sacrificium communicandos, & Mendicantibus Fratribus primum fuisse introductam, & ab aliis deinde usurpata, ipso Ramano refragante Rituali, in quo & nunc etiam decernitur, propter infirmos Eucharistiam asservari. Sed hoc leve est argumentum; constat enim, IV. Christi Saeculo non fuisse celebratum Romae quotidie Sacrificium, uti dilucide ostendit eruditus Franciscus Berliendi Clericus Regularis in celebri Opere, *De Oblationibus ad Altare*, pag. 97. secundae editionis. Et tamen, testatur Sanctus Hieronymus, tum in Epistola XXVIII. ad Lucium Boteticum, tum in Epistola I. ad Pammachium, hanc fuisse Romae suo tempore consuetudinem, Saeculo nempe Christi IV. quo ipse claruit, ut quotidie Eucharistiam Fideles perciperent.

IX. At vero minime addubitandum est, quio Mendicantes suam sedulam operam praestiterint, ut Fideles morem penitus fere extinctum, frequenter scilicet communicandi resuscitandum incenderent. Plerique namque Christiani tamdiu a sacra suscipienda Eucharistia Communionem abstinebant, ut Innocentius Papa III. in Concilio Generali IV. Lateranensi eos coegerit, constituta excommunicationis poena, saltem semel in anno lo Paschate, Eucharistiae Sacramentum suscipere. Extat hoc Decretum in Capite, *Omnis utriusque sexus XI. De paenitentia, & remissionibus*, de quo dicemus nos infra in Commentario ad Caput III. quod est de Communione Paschali. Sane initio Saeculi XVI. Sanctissime Eucharistiae frequentiore usum promovisse dicitur S. Cajetanus Ordinis Clericorum Regularium Institutor, tum verò S. Ignatius Societatis Jesu Fundator, ac S. Philippus Neri, uti legitur in Brevario Romano lo Officiis istorum Sanctorum. Teste P. Salvatore Salamandra nostri Oratorii S. Hieronymi Charitatis Presbytero in Additione ad Exercitia devotissima Nicolai Eshii edita Romae anno 1644. pag. 260. Bonignarius Cacciaguerra ejusdem nostri Oratorii Presbyter, primus fuit, qui Romae cepit lo oostri Ecclesia S. Hieronymi Charitatis frequentiori usui Sa-

Tomo I.

cramentorum aditum aperire; id quod etiam ex variis ejusdem Cacciaguerra Epistolis, atque Opusculis constat, ac praesertim ex illo, quod Italice scriptum, *De Communione*.

X. His obiter dictis, confuevisse etiam olim Eucharistiam, non modo in Columbibus aureis, argenteisque includi, verum etiam in Calicibus ex eadem materia elaboratis, non obscure innuit Anastasius in Vita Gregorii Papae III. quem ait, fecisse *Calicem unum argenteum, qui pendet in Apide Oratorii*. Illud vero in plerisque Ecclesiis in more antiquitus fuit, ut Calix iste, seu Pyxis, vel Vasculum, in quo erant Sacra Particulae, in armario poneretur, & quidem erectum in medio Altari ad basim Crucis, id perspicue evincitur ex Canone ut. Concilii Turonensis II. quod anno DLXXX. celebratum est: *Ut Corpus Domini, inquit, in Altari, non in Imaginario Ordine, sed sub Crucis titulo componatur*. Hujus loci, qui Armarium, seu Armariolum vocabatur, ubi Pyxis cum Eucharistia asservari solet, meminit quidem Renerus in Libro, de Viris illustribus Monasterii sui, illudque insigni miraculo illustrat his verbis: *Paracitum vero Ecclesiam deposita sunt incendia, sed ibi nibilominus Christi gloria magnificata est dextera, cum fuerit namque tanta conflagratio, ut etiam campanae liquefecerint ejusdem Ecclesia; Armariolum tamen ligneum, quo in Pyxide clausam Corpus Dominicum habebatur, corruptum adfusione non potuit, Sacrosanctum scilicet servante Sancti Sanctorum, cujus Caro requiebat in spe, cujus non derelicta fuit Anima in inferno, cui datum est non videre corruptionem*.

XI. Quamquam vero olim multa Ecclesiarum Tabernacula in medio Altari haberent, mirabili arte constructa, ac lapideibus pretiosis ornata, cujusmodi multa hodieque Nepali videntur, praesertim vero in Ecclesia Monialium Sanctissimae Trinitatis, & in Templo S. Dominici, quod Suriani dicitur, Nationis nostrae Calabriae; fuit nihilominus alicubi consuetudo, ut in pariete Altaris, sive in marmoreo Armario parieti Altaris affixo Eucharistia asserviretur, uti videre est hodieque Romae lo Basilica Sanctae Crucis dicta in Hierusalem. Quod tamen lo Decretis generalibus a Hieronymo Episcopo Pamaugustae Apostolici Visitationis Sanctae Mediolanensis Ecclesiae concessis, & jussu Sancti Caroli de suggestu lexis, & promulgatis penitus improbatum, Capite inscripto, *Tabernaculum ligneum pro Sanctissimo Sacramento conservando*. Hinc non videtur mos ille laudabilis recens introductus in medio gradus Mensae Altaris sine ulla fere Tabernaculi signo Eucharistiam asservandi; tum maxime, quod ipsa Aedicula in eum modum constructa nulla fuit conopio contegi coartata ritum in nostro Romano hoc Rituali, atque in aliis plerisque, & praesertim in Concilio Provinciali IV. Mediolanensi S. Caroli praescriptum, mandantibus, ut Tabernaculum ipsum conopio decenter coopertum sit, ut dicemus in Commentario ad §. sequentem.

XII. Veteri disciplinae asservandae Eucharistiae extra usum Sacrificii multum ruboris tribuit quod in laudem Gorgonice sororis suae scribit S. Gregorius Nazianzenus, ubi narrat eam morbo liberatam, cum ad Altare procombens Eucharistiam, quae super ipso Altari asservabatur, adoravit, ingentique clamore invocavit: *De spectatiss.*

II

ratiss.

ratit, ait, *niloram omnium auxilii, ad mortali-
am omnium Medicum confugit, nullisque intem-
peſta colligine obſervata, cum levius aliquanto
morbus urgeret, ad Altare cum fide procumbit,
eumque, qui ſuper illud colitur, cum magno cla-
more obſtant, omnibuſque nominibus appellant,
atque omnia verum, quas anquam geſſerat, com-
moneſcunt, nam atriſque Teſtamenti hiſtorias
callesbat, tandem pia, & preclara quadam im-
pudentia efferitur. Quidquid fecerit, audite.
Caput cum pari clamore, aberrantiſque lacrymis,
muliercula illius inſtat, qua olim Chriſti peder
irrigarat, Altari admoveat, nec ſe ante ab eo
diſceſſuram minuit, quam ſanitate conſecuta
ſit, ac deinde hoc ſuo pharmaco totum corpus per-
tingens, ac ſenſu quidpiam ſignorum pretioſi Cor-
poris, aut Sanguinis manus conſiderat, id la-
crymis admixtum (o rem mirandam!) protinus
liberatam ſe morbo ſentit, atque, & corpore, &
animo, & mente levis abſcedit, hanc ſpei mer-
cedem conſecuta, ut quod ſperaverat, obtineret,
animæque firmitate Corpori firmitatem compara-
ret. Haſtenus ille.*

XIII. Reſerri præterea ad aſſervatum in
Eccleſia Eucharistiæ debet & illud execrandum
ſcelus hæreticorum Donatiſtarum, quod ab Op-
tato Millevitano, qui circa medium iv. ſæculum
floruit, breviter hiſce verbis deſcribitur: *Jeſſe-
runt Eucharistiæ canibus ſandi, non ſue ſigno
Divini judicii; nam iidem canes accenſi rabie
ipſos dominos ſuos, quaſi latrones, Sancti Cor-
poris reos dente vindicte tanquam innotos, & ini-
micos laniaverunt.* Nec ſolum ſub ſpecie panis,
verum etiam ſub vini ſpecie ſervatam fuiſſe ali-
quando in Eccleſia Eucharistiæ, patet ex Epi-
ſtola S. Joannis Chryſoſtomi ad Innocentium I. Papam,
ubi ait, ingreſſus militibus in Sacramentum,
ubi Sacra erant reſpoſita, Sanctiſſimum Chriſti
Sanguinem in militum veſtes effuſum fuiſſe; quia
ſcilicet tunc alicubi laici ſub utraque ſpecie com-
municabant. Quem morem juſſa de cauſis, plu-
ribus ab hinc ſæculis ab Eccleſia ſublatoſam tanta
animi pertinacia Hæſitæ hæretici retinuerunt,
ut ſuis etiam in Templis, domibus, vexillis, &
aliis rebus calices pingerent, unde & *calicarii*
vocati ſunt, ortaſque eſt occaſio uni poetarum
dicendi.

*Tot pingit calices Bohemorum Terra per Urbes,
Ut credas Bacchi numina ſola coli.*

XIV. Ergo antiquiſſima eſt conſuetudo aſ-
ſervandi in Altari Eucharistiæ, deſcriptique Pa-
trum loci, ac ſtupenda Gorgoniæ ſanatio hæreti-
cos de igniſtantia ſua convincunt, cum ipſam
conſuetudinem temere pernequnt. Ne autem ſibi
gratulentur, & quaſi parta jam victoria trium-
phum canant, quia ſcilicet eloquentiſſimus Ec-
cleſiæ Doctör laudatus Gregorius Nazianzenus
de Eucharistiæ verba faciens, ſignorum nomen
uſurpavit, notandum hic obiter eſt, quod noſtri
paſſim ajunt Theologi, Patres non ſemel Eucha-
riſtiæ vocaſſe imaginem, ſignum, figuram, Sa-
cramentum Corporis Chriſti antitypum, nempe
ſecundum partem exteriorem ſumptam, non autem
ſi conſideretur ſecundum partem interiorem,
quam includit. Conſtat ſiquidem Eucharistiæ eſ-
ſentialiter ex duobus partibus, quarum una,
quæ exterior eſt, ſenſibus ſubjacet, altera vero,
quæ penitus eſt interior, a nullo ſenſu percipi-
tur. Cum ſecundum hanc alteram partem Vete-
res Eucharistiæ perpendunt, eam proſe-
-

propiam, verum, ipſummet Chriſti Corpus ap-
pellant. Cum autem attenderent ad exte-
riorem partem, ad ſpecies nempe panis, & vini,
dixerunt eam eſſe ſignum, figuram, Sacramen-
tum Corporis Chriſti. Unde ſatis liquet, ea no-
mina corporalem Chriſti præſentiam in Eucha-
riſtia minime excludere. Cæterum cum noſtri non
ſit inſtituti de hac controverſia ſuſius diſputare,
conſulendi ſunt Bellarminus, Jænenius, aliiſque
eruditiores Theologi.

XV. Hiſ itaque miſſis, explicanda nunc ſunt
paulo ſuſius illa noſtri ſ. verba, quibus edicitur,
*ut perpetuo aliquot Particulæ... conſerventur in Pyxide ex ſulida, decentique materia,
eaque munda, & ſuo operculo bene clauſa albo
velo cooperta, & quantum res feret, ornatu in
Tabernaculo clave obſerato.* Pyxis qualiſ eſſe
debeat, & quomodo conſicienda, explicatur, ut
alios Auctores omittam, a S. Carolo Lib. II. In-
ſtructionum ſupellectilium Eccleſiaſticæ, hiſ plane
verbis: *Pyxis, quæ ad Sanctiſſimum Eucharistiæ
recte pieque conſiderandam adhibetur, ex auro,
aut argento parò ſaltem, eoque inaurato fieri
debet. Quæ Pyxis cum ex argenteo ſit, ſi minus
ab interiori, & exteriori parte auro non illini-
tur, ſaltem ab interiori parte illiniatur.* Cujus
pes ut manu facile, firmiterque capi queat, alti-
tudinis ſex unciam. Nodus in medio decore,
recteque ornatus, nihil vel minimè eminent
habeat, quo dum Pyxis capitur, incommode ca-
piatur, aut digiti quidquam lædantur, præſer-
tim quo tempore inter Miſſæ Sacram populo San-
ctiſſima Eucharistiæ miniſtratur, & illa indice,
& pollice conjunctis manu tenetur. Vas, ſeu
Cappa forma rotunda, aut ovata profunda ſit,
& decenter pro profuſiditate ratione ampla, in
fundoque medio panulolum aliquid habeat, quod
in orbem tenuiter emineat. In ſumma Pyxide
circulus tenuis a labro minimè diſtans inſit, cui
in orbem prominenti operculum innitatur. Pyxi-
dis operculum forma indẽm rotunda ſit, vel ova-
ta, quæ reſpondeat formæ Pyxididis, quod in me-
dio inſtat ſere pyramidis extet; ab uno & altero
item latere parvulus tenneſque uncinos, quibus
in circulo apte includantur. In ejus ſummo
Crux parvula, aut Imago Chriſti crucifixi, vel
reſurgentis infixæ hæreat. Ubi præ inopia aliud
non poteſt, Episcopii judicio operculum, & Pyxis
ex aurichalco, aut ſtanno inaurato eſſe poterit.

XVI. Similia diſtis huſcule ex S. Carolo,
legere eſt in variis aliorum Episcoporum Syno-
dis, tum Provincialibus, tum Dioceſanis, in
quibus paſſim edicitur, ut *Pyxis, in qua ſacra
myſteria reconduntur, argentea ſit, & intus auro
delinita.* Ita plane habet Provincialis Bene-
ventana Synodus anno MDCXCIII. a Vincentio
Maria Cardinale Urſino, qui ſuit poſtea Bene-
dictus Papa XIII. habita, Tit. xxxvi. Cap. II.
Non conopſo, ſed velo tegendam eſſe Pyxidem,
ſtatuit etiam S. Carolus in Dioceſana xi. Syno-
do Mediolanenſi in Monitis executionis Decre-
torum, quæ ad Sacramentalia, & Sacramenta
pertinent. Dnas ſaltem ab unaquaque Parochiali
Eccleſia habendas eſſe Pyxides, alteram forma
majori ad uſum ſacræ Communionis populo in
Eccleſia miniſtrande; alteram minori, qua San-
ctiſſimum Sacramentum ad infirmos deferatur.
 præſcript idem Sanctiſſimus Antistes in Con-
cilio Provinciali iv. Mediolanenſi, Parte II. Con-
ſtitutionem, Capite inſcripto, *Quæ ad Sanctiſ-
ſimum*

sum Eucharistia sacramentum pertinent, ubi & illud quoque mo fujicit, ut nempe quinque saltem Particulae inferatæ ferventer assidue, ubi Sanctissimum Sacramentum conservatur, quæ otioso quoque die evocentur; idque fiat ex Hostiis non ante viginti dies ad summum confectis. Sed de hac Particularum renovatione dicemus infra in Commercio ad §. viii.

XVII. Quo autem in hoc præfenti §. edicitur, servandam pyxidem ornato in Tabernaculo clavis obferatæ, latutum jam & id antiquitas fuit in variis Conciliis, ac præsertim in Generali iv. Lateranensi Canone xx. relato in Capite 1. De custodia Eucharistia &c. ubi sic habet: Statuimus, ut in ecclesiis Christi, & Eucharistia sub fidei custodia clavis obferatæ conserventur, ne possit ad illa temeraria manus extendi, ad alia horribilia, vel nefaria exercenda. Si vero, ad quem spectat custodia, ea in-

caute reliquerit, tribus mensibus ab officio suspendatur; & si per ejus incuriam aliquid nefandum contigerit, graviori subiacet ultioni. Videtur quæ scriptimus nos in hunc Canonem nostro Tomo 111. Commentariorum in Concilio Oecumenico. Cæteram, quod inter alia ex præscripto nostri hujus §. curare illud Parochus debeat, ut perpetuo aliquæ Particulae consecratæ eo numero, qui usui infirmorum, & aliorum Fidelium Communioni satis esse possit, conserventur in Pyxide; examinari hic posset Quæstio illa, an convenientius sit communicare extra Missam ex Particulis in Pyxide asservatis, quam intra Missam post Celebrantis Communionem, sed ne longius hic Commentarius protrahatur, ac præterea opportunior sit locus in Capite sequenti de ea re differendi, merito eam Quæstionem hoc in Commentario omittendum censui, & loco potius citato discutendum.

§. VI.

Hoc autem Tabernaculum conopæo decenter opertum, atque ab omni alia re vacuum in Altari majori, vel in alio, quod venerationi, & cultui tanti Sacramenti commodius, ut decentius videatur, sit collocatum, ita ut nullum aliis sacris functionibus, aut Ecclesiasticis officiis impedimentum afferatur. Lampades coram eo plures, vel saltem una die noctuque perpetuo colluceat; curabitque Parochus, ut omnia ad ipsius Sacramenti cultum ordinata, integra, mundaque sint, & conserventur.

COMMENTARIUS.

I. **Q**uale debet esse Tabernaculum, de cuius alias antiquitate, & usu jam diximus nos in Commentario precedenti, egregie præ cæteris explicat veterum rituum indagator, instauratorque S. Carolus in Concilio Provinciale iv. Mediolanensi, Parte II. Constitutionum, ubi agit de iis, quæ ad Sanctissimum Eucharistia Sacramentum pertinent; *Tabernaculum ligneum, inquit, aliæque materiæ constans, in quo Sanctissima Eucharistia conservatur, paucis serio intrinsecus circumvestitum undique sit; conopæo etiam decenti pro Ecclesiarum facultate, locique dignitate contestum, ac bene præterea tutoque elatum, atque ita quoque opertum, ut inde Sanctissimum Sacramentum commodè depromi possit, neque super Altare propterea ascendi necesse sit. Vacuum etiam sit a Reliquiis, Vasculo Olei infirmorum, atque inani alio vase, ut omnia Sacra Eucharistia cum suo Vase in eo dumtaxat conservetur; aliud præterea nihil. Plura scilicet digna de ipso Tabernaculo, ejusque forma, ac veste interiori, atque exteriori, tradidit idem S. Carolus Lib. 1. Instructionum suppellectilibus Ecclesiasticis, Cap. xiii. Quod nostrum hunc §. spectat, conopæo decenter opertum Tabernaculum ipsum esse debet, serico scilicet, vel simili materiæ, ejusque item coloris, cujus est Altaris pallium, pro temporis, festique ratione, ut inter alia docet Gavantus in Rubricis Missalis, Parte I. Tit. xx. ubi tamén recte admonet, pro colore nigro, ubi is color esset adhibendus in Altari, ut in exequiis defunctorum, congruentius esse, ut color violaceus in Tabernaculi conopæo adhiberetur, in honorem, ut ait, Christi viventis; atque hic est usus Ecclesiarum rite ordinarum. Quod etiam intus ab omni parte vestitum sit serico panno, rubri quidem coloris, si Ambrosiani Tum. I.*

ritus Ecclesia sit; aut albi, si Romani, admonuit S. Carolus citato Capite xiii. Veste quoque serica interiore alba in posterum, saltem non alterius coloris ornatum esse debere Tabernaculum statuit inter alia Concilium Provinciale xiv. Beneventanum anni MDCXCIII. sub Vincentio Maria Cardinale Urfino, qui fuit postea Benedictus Papa XIII. Tit. xxxvii. Cap. III. ubi etiam mox jubet, quod & alie Synodi, ac præsertim S. Caroli Mediolanenses statuere, ut in eo scilicet nihil ulterius eludatur, etiam si essent sacrorum Oleorum Vasa, vel Sanctorum Reliquie.

II. Locandum esse Tabernaculum in Altari majori, vel in alio, quod venerationi, & cultui tanti Sacramenti commodius, ac decentius videatur, edicit hic quidem noster §. loquens nempe de Ecclesiis Parochialibus, aliisve, quæ Cathedrales non sunt; in Cathedralibus enim non debet in Ara maxima collocari, Pontificalium functionum gratia, quæ rebus ad Altare versus perfolvantur, ut memoratum Beneventanum Provinciale xiv. Concilium præscripsit citato Tit. Cap. vi. Atque hæc fuit etiam dispositio Cærimonialis Episcoporum Lib. 1. Cap. xii. §. viii. ubi postquam dixit, Altare, in quo est Sanctissimum Sacramentum solere esse diversum ab Altari majori, & ab eo, in quo Episcopus, vel alius, est Missam solemnem celebraturus, hæc statim rationem subdit: *Nam licet sacrosancto Domini nostri Jesu Christi Corpori omnium Sacramentorum fonti præcellentissimus, ac nobilissimus omnium locus in Ecclesia conveniat, neque humanis viribus tantum illud venerari, & colere unquam valeamus, quantum decet, tenemurque; tamen valde opportunum est, ut illud non collocetur in majori, vel in alio Altari, in quo Episcopus, vel alius solemniter est Missam, seu Vesperas cele-*

braturus, sed in alio Sacello, vel loco ornatissimo, cum omni decencia, & reverentia ponatur. Tum mox: Quod si in Altari majori, vel alio, in quo celebrandum erit, collocatum reperitur, ab eo Altari in aliud omnino transferendum est, ne propterea ritus, & ordo caeremoniarum, qui in hujusmodi Missis, & Officiis servandas est, turbetur. Sed hunc locum jam nos explicuimus in Commentariis ad Caeremoniales Episcoporum, ad quem lectorem remittimus. Quod autem in presenti nostro §. edicitur, ut sacra Eucharistia Tabernaculo collocandum sit in Sacello, quod venerationi, & cultui tanti Sacramenti commodius, aut decentius videatur, in variis etiam Synodis constitutum est; neque merito seruit cordati, plique viri, in aliquibus Ecclesiis longe ornatiora haberi Sacella, in quibus Sacrorum Reliquiæ condite sunt, vel aliqua sacra Imago est exposita, quam Sacellum, ubi adest, & quidem reali præsentia sua Sanctus Sanctorum, ac Dei Filius Christus Dominus, in Eucharistia scilicet, quæ ad Fidelium omnium utilitatem in Tabernaculo aservatur, ut esset nobiscum usque ad consummationem sæculi.

III. Merito quoque & illud ex hoc nostro §. cautum est, ut lampades coram eo, Tabernaculo scilicet Sacræ Eucharistiæ, plures, vel saltem una die nonne perpetuo colluceant. Is enim antiquus est ritus, ad quem allusisse videtur Sanctus Joannes Chrysostomus Homilia xxxiii. in Caput ix. Matthæi, ubi sic inquit: *Quid enim hoc loco non magnum est, & admirandum? Nam hæc Mensa longe pretiosior est, atque jucundior; & lucet hæc, quam illa, ut norunt, qui cum fide oleo perunt, a morbis liberati sunt. Arca etiam hæc multo melior, magisque necessaria; non enim vestes, sed misericordiam inclusam continet, quamvis pauci sint, qui eam possident.* Ritum, de quo fit mentio in presenti §. jam late explicuimus in Commentariis ad laudatum Caeremoniale Episcoporum Lib. I. Cap. xii. in Commentario

ad §. xvii. ubi etiam moret quarundam Ecclesiarum notavimus, in quibus major lampadum argentearum numerus in Altaribus ardet, in quibus extant Sacrorum Reliquiæ, Imaginesque, quam in Altari, ubi Tabernaculum cum Sanctissimo Sacramento ibi incluso stat, in quo una dumtaxat ardere lampas ex æthæleo cernitur. Quidquid autem de eo more sit, sive abusus, quem displicere piis viris scimus, quod lucerna, lychni, ac cerei, nedum vesper, sed & lucente sole, die ac nocte, in Ecclesiis ferent ardere ab ipso Religiosis Christianis primidiis, jam fusc ostendimus in citato §. xvi. I. Caeremonialis Episcoporum, allatis veterum Patrum, & Conciliorum testimoniis, atque Decreti, quibus etiam hæreticorum errores, fatilesque olectiones constatavimus. Cæterum non puto hoc loco omittendum, quod ad rem nostram præfiscit S. Carolus in suis de Sacramento Eucharistiæ Instructionibus, in quibus sic inter alia inquit: *Lampadarii sit, in quo lampades accensa juper colluceant, sique non plures, una saltem in conspectu Sanctissimæ Eucharistiæ. Lumen vero lampadum oleo olive nutrietur; nec vero alteius generis adhibeatur, nisi quibus locis Archiepiscopi ob eam causam concesserit, quia nullum eis generis haberi potest.*

IV. Quod ait tandem noster §. ut omnia ad ipsas Sacramentum ordinata, integra, mundaque sint, & conserventur, constitutum passim legitur in Sacris Synodis, ac Rituum, explicatumque a nobis jam fuit non uno in loco nostrorum Operum. Hoc enim spectat, quod statuit Concilium Generale IV. Lateranense, Can. xix. *Præcipimus quoque, ait, ut Oratores, Vasa, Corporalia, & vestimenta prædicta, munda, & nitida conserventur.* Sed notanda præsertim hujus statuti ratio, quam mox Concilium subiit: *Nimis enim videtur absurdum, in Sacris fidei negligere, quæ dedecret etiam in profanis. Quem Canonem jam nos suo loco explicuimus.*

§. VII.

Sanctissimæ Eucharistiæ Particulas frequenter renovabit. Hostiæ vero, seu Particulæ consecrandæ sint recentes, & ubi eas consecraverit, veteres primo distribuat, vel sumat.

COMMENTARIUS.

DE renovanda Sacra Eucharistia habemus Concilii Turonensis Decretum, apud Reginem Lib. I. *De Ecclesiasticis disciplinis*, Cap. lxx. ut de tertio in tertium diem semper mutetur, id est, illa a Presbytero sumatur, & alia, quæ eodem die consecrata est, in locum subrogetur, ut forte dinstius reservata, munda, quod abest, fiat. Communis tamen Latine Ecclesiæ usus obtinuit, ut semel tantum singulis hebdomadis, aut ad summum singulis quibusque quindenis diebus Eucharistia ad Viaticum infirmorum reservata innovaretur, id quod infinitis prope testimoniis probare se posse ait Martene Lib. I. *De antiquis Ecclesiæ ritibus*, Cap. v. Articulo III. num. ix. ex quibus nonnulla idem Autor protulit Lib. II. *De antiquis Monachorum ritibus*, Cap. iv. Octavo quoque die renovandam esse Eucharistiam, & quidem ex Hostiis novæ viginti dies ad summum confectis, statuit in

suo Provinciali IV. Mediolanensi Concilio S. Carolus, Capite inscripto, *Quæ ad Sanctissimam Eucharistiæ Sacramentum pertinent.* Idem tum alibi, tum præsertim in Instructionibus de ipso Eucharistiæ Sacramento repetit, in quibus & ea notavit, clariusque explicuit, quæ & in hoc nostro §. præscripta sunt. Sic autem inquit: *Est, Eucharistiæ nempe Particulas, octavo quoque die ad summum renovabit, præsertim quibus quaque Feria, si commodum erit, in qua Christus Dominus hoc tantum Sacramentum instituit. Hostiæ autem adhibeantur recentes, & a viginti diebus ad summum confectis. Id vero etiam præstabit, ubi ubi recentes consecraverit, veteri primo ministret.* Ceterum ex utra octavam diem Particulæ ipsæ serventur, expresse mandant, non modo recentiores passim Synodi, verum antiquiores, præsertim Rotomagensis anni MLXXII. Can. v. & Loudinensis anni MCCXXXVII. Can. II.

§. VIII.

§. VIII.

Fideles omnes ad sacram Communionem admittendi sunt, exceptis iis, qui iusta ratione prohibentur. Arcendi autem sunt publice indigni, quales sunt excommunicati, interdicti, manifestique infames, ut meretrices, concubinarij, feneratores, magi, sortilegi, blasphemij, & alij ejus generis publici peccatores, nisi de eorum poenitentia, & emendatione constet, & publico scandalo prius satisfecerint.

COMMENTARIUS.

I. Fideles omnes non modo ad sacram Communionem esse admittendos, verum, etiam teneri ipsos, ubi ad annos discretionis pervenerint, semel saltem in anno illam percipere in Paschate, expresse statuit Concilium Generale IV. Lateranense, Cap. XXI. Verum, quamvis hæc Lex Dei, atque Ecclesiæ auctoritate sancita ad omnes Fideles pertineat, non pauci tamen ab ipsa Sacra Eucharistia perceptinne, iusta ratione prohibentur, ut ait hic uoster §. antiqui Patrum Decretis inherens. Ergo arcendi sunt publice indigni. Sicut enim Ecclesia sollicita semper fuit, ut renati in Christo Sacra Eucharistia alimonia vitam suam spiritualem nutrent, ac foverent, ita non minus fuit sollicita, ne contra Domini præceptum, Sanctum daretur canibus, & nequis indignus ad hoc Sacramentum accedens, iudicium sibi manducaret, & biberet, non dissidians Corpus Domini. Hæc de causa jampridem usitatum fuit, ut ante Communionem Diaconus, magna voce, terribili clamore, ut loquitur S. Chrysostomus Homilia XVII. in Caput IX. Epistolæ ad Hebræos, tanquam Præco, manum solvas in altum, stans excelsus, & omnibus manifestus clamaret, Sancta sanctis, quasi diceret: Si quis non est sanctus, non accedat. Non solum, inquit, a peccatis purus, sed etiam, Sanctus. Sanctum enim non facit solum liberatio a peccatis, sed etiam præsentia Spiritus, & honorum operum copia. Non solum, inquit, volo vos a cæno esse liberatos, sed albos esse, & speciosos.

II. Quamvis autem ritus iste a multis jam sæculis in Ecclesia Latina in desertudinem abierit, nihilominus ex variarum Synodorum Decretis, atque ex præscripto Catechismi Tridentini Concilii, ac nostri hujus Ritualis Romani, Parochus tanquam alter Præco admonere populum strepius debet, qua preparatione, & quanta animi religione, ac pietate, & humili etiam corporis habitu, ad tam Divinum Sacramentum debeat accedere, uti videre est supra in §. III. Porro huc facit quod inter alia ait S. Chrysostomus in Homilia IX. ad populum Antiochenum: Hæc ad communicantes dico, & ad vos ministrantes. Non & ad vos sermonem convertere necessarium est, ut multo cum studio hæc dona distribuatis. Non parva vobis imminet ultio, si quemquam illius culpa coscisi, hujus Mensæ participem esse comeditis. Sanguis ejus de manibus vestris requiratur: sive quis Dux militia sit, sive Præfatus, sive Princeps Diademate coronatus, indigne autem accedat, prohibe; majorem illo potestatem habes. Propterea vos Deus hoc ingenuit honor, ut talia discernatis. Hoc vestra dignitas est, hoc securitas, hoc omnis corona; non ut albam, & splendentem tunicam circumcatis induti.

III. Inter publice indignos ex præsentī numero §. primum sunt excommunicati, interdicti

&c. Excommunicatum, interdictumque, privari Sacramentorum communione, Theologi passim docent. Quod exclusionem ab Eucharistia Sacramento spectat, iactura ea quidem est, quam nullum exequare possit dispensium. Ex hoc enim nominatim capite, excommunicationem, summo horrore esse oportere Christianis, egregie exponit S. Cyprianus in Libro, de Oratione Dominica, num. 47. ubi tractat priorem sensum panis quotidiani, quem Christus Dominus in ea oratione polcere docuit: Panis vitæ, ait, Christus est, & panis hic omnium non est, sed noster est; & quomodo dicimus, Pater noster, quia intelligentium, & credentium Pater est; sic & panem nostrum vocamus, quia Christus eorum, qui Corpus ejus contingunt, panis est. Hanc autem panem dari nobis, quotidie posulamur, ut qui in Christo sumus, & Eucharistiam quotidie ad cibum salutis accipimus, intercedente aliquo graviore delicto, damus absenti, & non communicantes, a celesti pane prohibemur, a Christi Corpore separamur, ipsi prædicante, & monente: Ego sum panis vitæ, qui de Cælo descendi. Si quis ederit de meo pane, vivet in æternum. Panis autem, quem ego dederō, Caro mea est pro sæculi vita. Quando ergo dicit, in æternum vivere, si quis ederit de ejus pane, ut manifestum est, eos vivere, qui Corpus ejus attingunt, & Eucharistiam jure communicationis accipiunt, ita contra timendum est, & orandum, ne, dum qui absentes separatur a Christi Corpore, procul remaneat a salute, communicante ipse, & dicente: Nisi ederitis Carnem Filii hominis, & biberitis Sanguinem ejus, non habebitis vitam in vobis. Et ideo panem nostrum, id est, Christum dari nobis quotidie petimus, ut qui in Christo manemus, & vivimus, a sanctificatione ejus, & Corpore non recedamus.

IV. Itaque ex pervetusto Ecclesiæ ritu, cujus testis est S. Cyprianus, excommunicati, quoad idem S. Pater variis locis, ac præsi Canonibus absentes nuncupant, ab Eucharistia Communionem exclusi sunt. Quod autem nomine panis quotidiani, quem polcere edocuit a Christo sumus, alij etiam Patres intellexerint Eucharistiam, indeque increparint Christianos, quod cibum ipsum quotidianum infrequenter, ac tarde fumerent, constat ex S. Ambrosio Libro IV. De Sacramentis, Cap. V. S. Augustino in Sermone XXVIII. De verbis Domini, Venantio Fortunato, & alijs plebrique in Expositione Orationis Dominicæ. Ceterum quod per excommunicationem, quæ animi mortalis, & vulgo anathema dicebatur, excommunicatus non modo a vero Christi Corpore, sed etiam a mystico ejus Corpore, quod est Ecclesia, separatur, & abjiciatur, ac tanquam ethnicus, & publicanus, & Fidelium cœtu expungatur, manifeste significant illa Christi verba, Matthæi, Cap. XVIII. quibus hanc potestatem Ec-

clerici expressit, & Apostolis, eorumque Successoribus credidit: *Si Ecclesiam non audierit, sit tibi sicut ethnicus, & publicanus*. Quasi diceret, ita abscindatur, tanquam si esset ethnicus, & publicanus. Atque ad hanc a Corpore Christi resurrectionem reflexere non semel Patres, ut excommunicationis gravitatem Fidelibus persuaderent. Audiendus S. Augustinus, qui in Tractatu xxvii, in Joannem sic ait: *Nihil si debet formidare Christianus, quam separari a Corpore Christi*. *Si enim separatur a Corpore Christi, non est membrum ejus. Si non est membrum, non vegetatur Spiritu ejus*. Quisquis autem, inquit Apostolus, non habet Spiritum Christi, non est ejus. Extat hæc Augustini sententia apud Gratianum Can. xxxi. i. Causa x. Questione 111.

V. Arcendi præterea a Sacra Eucharistia Communione sunt ex eodem nostro §. manifeste infames, ut meretrices, concubinarij, fenerator, magi, sortilegi, & alij ejus generis publici peccatores. His concinit S. Carolus in Instructionibus de Sacramento Eucharistia: *Non admittuntur, inquit, ad Communionem, heretici, scismatici, excommunicati, interdicti, publice criminosi, manifesteque infames, ut meretrices, publici concubinarij, fenerator, magi, sortilegi, blasphemij, & alij id generis publice facinorosi homines*. Porro publici peccatores Sancto Thomæ illi vñ sunt, quorum flagitia ita eruperunt in notitiam publicam, ut nulla possint tergiversatione celari, ejusmodi sunt illi, qui palam omnibus concubinarij domi alunt, ac cum totius populi scandalo apud se retinent: *Respondet dicendum*, ait S. Doctor Parte 111. Questione lxxx. Articulo vi. *Quod circa peccatores distinguendum est: quidam enim sunt occulti, quidam vero manifesti scilicet per evidentiam facti sunt, sicut publici usurarii, aut publici raptores*. Immo idem S. Doctor censuit etiam publicam, & violentam flagitij suspicionem satis esse, ut quis a Sacra Mensa palam repellatur. Sic enim inquit in iv. Sententiarum, Distinctione ix. Questione 1. Articulo v. in solutione Questionum lxxii. *Dicendum, quod triplex est suspicio, quædam violenta, ad cujus contrarium non admittitur probatio, sicut si inveniat solus cum sola, nudus in lecto, loco secreto, & apto ad commixtionem. Alia est probabilis, sicut si inveniat solus cum solu colloquens in locis suspectis, & frequenter. Tertia est presuntiva, quæ ex levi conjectura ortum habet: hæc autem ultima deponenda est. In secunda non debet denegari Communio, quia pena non insistit, nisi culpa ignoratur. Sed de prima idem est iudicium, quod de peccato. Unde si sit suspicio procedens ex fama publica, non debet ei dari neque in oculo, neque in manifesto*.

VI. Sed, ut magis, magisque explicemus, qui nomine publicorum peccatorum veniant, sciendum illud plane est, ex communi hominum affirmatione publicum censeri, quod quovis modo publicè constat. Publici enim, uti post Bartolum, aliosque Doctores notavit etiam Fagnanus in Capite, *Vesfra*, De cohabitazione Clericorum, & mulierum, num. 52. est illud, quod omnibus patet, itemque illud, quod ponitur in porta Ecclesiarum: *Ad hoc tamen*, ait Fagnanus, *ut aliquid dicatur publicum, non requiritur, ut ipsius notitia singularum aurius inculcet, sed satis est, quod publice sit actum*. Cum ergo hic noster §. Conciliorum plurium Decretis, ac San-

ctorum Patrum doctrinæ inherens jubeat, publicos peccatores a Communionem repelli, manifestum est, a verbis, & mente Ecclesiæ omnino deviare, qui hujusmodi peccatores non prius volunt esse repellendos, quam per sententiam Judicis, sint, ut notorii peccatores, declarati: quasi non possint per notorietatem facti esse vere notorii, & publici peccatores, antequam per sententiam tales essent declarati. Num forsitan scandalum non esset, aut Sanctum non daretur canibus, si notorii peccatoribus notorietate facti administratur Eucharistia, quamvis nedum per sententiam Judicis, ut tales, condemnati essent?

VII. Observat & hæc Vasespen, Parte II. Juris Ecclesiastici universi, Tit. iv. Cap. II. ubi etiam mox subdit, ex ea restrictione a laxioribus quibusdam Auctoribus excogitata, inutilia reddi Ecclesiæ Decreta, quibus publici peccatores ab Eucharistia Communionem arcantur: *Deinde si sententia Judicis super notorietate requiratur, priusquam notorii, & publici peccatores a Communionem sint repellendi, facile quisque intelliget, inutilia, ac sine executione futura omnia illa de arcendis publicis peccatoribus Decreta, qui expendit, quam difficile sit, quamque suntuosum, ac tediosum, vel nam hujusmodi sententiam obtinere; quamque facile sit futurum, ut hujusmodi perditissimi homines litum ad longum tempus, imo ad finem vite prostrabant, ipsosque Pastores vexent, & tedio afficiant*. Facti plane copimur, Theologorum quorundam distinctiunculis labelatam non parum fuisse, sanctissimam Ecclesiæ disciplinam in administratione præsertim Sacramentorum, quam faram testamque merito Sancti Patres, ac sacre Synodi, absolute ferendam voluerunt, præsertim in eo Capite, quod spectat exclusionem publicorum peccatorum a Communionem Sacramenti Eucharistici. Atque hoc etiam facit insignis S. Joannis Chrysostomi testimonium, quod initio hujus Commentarii attulimus, num. I. & II.

VIII. Inter alios, qui ab Eucharistica Mensa excludendi sunt, non addubito, quin recenseri debeant histeriones, atque comedij, ob suam ipsorum infamiam, qua ab Imperatoribus etiam ethnicis notati quondam fuerunt, quos tamen Imperatores merito objurgat Tertullianus in Libro, De spectaculis, Cap. xxii. quod factis deinde probarent, quam Edictis damnaverant: *Manifeste damnant ignominia, & capitis minutione arcetes Curia, Rostris, Senatu, Equite, catervisque honoribus omnibus suis, & ornamentis quibusdam*. Quanta perverfus. Amant quos multant. Depretrant quos probant. Artem magnificam, artificem notant. Quale iudicium est, ut ob ea quis offusceat, per que promeretur? Imo quanta confessio est mala rei, quarum Auctores cum acceptissimi sint, sine nota non sunt? Quam igitur humana recordatio, etiam obrepente gratia volaptatis, dampnatos eos censet, ademptis bonis dignitatem in quendam scopulum famositatis, quanto magis Divina iustitia in ejusmodi artifices animadvertit? Cæterum quod ab Eucharistia Communionem excludendi sint histeriones, expresse asserit S. Cyprianus relatus in Canone, Pro dilectione, De consecratione, Distinctione 111. ubi etiam hanc rationem subdit: *Nec majestati Divina, nec Evangelica disciplina congruit, ut pador, & honor Ecclesiæ, tam turpi, & infami contagione fudatur*. Asserri & huc possent innu-

mera

mera pene Patrum loca, atque Conciliorum Decreta, quibus nixi Sacerdotes, histriones publicos, comædoſque a ſancta Communione arcere debent. Sed nec deſunt recenſiora inſiguium Eccleſiarum Ritualia, quæ & idipſum præcipiunt: *Arceſendi ſunt in Communionem manifeſte infames, ut meretrices, concubinarij, comædi &c.* Verba ſunt Ritualis Pariſienſis, quod anno MDCIV. editum eſt. Quod quidem intelligendum eſt juxta illud, quod in ſine noſtri ſ. habetur: *Niſi de eorum penitentia, & emendatione conſtet, & publico ſcandalo prius ſatiſfecerint.* Poſſe enim illis Euchariftia concedi, ut ait Concilium Carthagineſe 111. anni CCCXCVIII. Can. xxxv. ſi converſionis ſue ſigna dederint: *Securis, inquit, atque hiſtrionibus, ceteriſque buſuſmodi perſonis, vel apoſtaticis, converſis, vel reverſis ad Dominum eratis, vel reconciliatis non negetur.*

IX. Præter memoratos in noſtro ſ. quibus neganda eſt Communio Euchariftica, arcendæ proſecto & ab ea ſunt, mulieres humeris, peccatore, mammillisque, brachiſque ſeminudatis accedere ad tantum Sacramentum non formidantes. Ita enim ſtatuit peculiari Ediſto Innocen-

tius Papa XI. quod die xxx. Novembris anni MDCLXXXIII. ejus nomine S. R. E. Cardinalis Carpinus ejusdem Vicarius publici juris fecit, quodque varii deinde Epifcopi Dioceſanis Synodis confirmarunt, uti videre eſt apud Genetum Tomo 111. Theologiæ Moralis Traſact. 17. Capite 21. Quæſtione 17. Sed ut alias omittam, Bononiensis Synodus a Jacobo Cardinale Boncompagno edita anno MDCXCVIII. Lib. 1. Cap. x. expreſſe jubet, ut ſeminæ *ad Sacramenta Penitentia, & Euchariftia non admittantur, ſi notabiliter peccata nudatum oſtenderint.* Subditque, mox, Parochorum & Confeſſariorum eſſe onus, *caſtigandi licentiam ſi noverint in ſeminis a Chriſtiana compoſitione recedentem.* Hujusmodi Decretis jam ante præſervat S. Carolus in luſtrationibus de Euchariftiæ Sacramento, ubi inter alia monuit, ut mulieres *non ſumptuoſi, non eundatis veſtibus, non criſtibus inaniter intortis, non ſæco, aut pigmentis vultu illito, non peſtore nudo, aut tenui velo obſtello, ſed ſua veſtite, ut ne præter faciem quidquam eruantur, ad hoc Sanctiſſimæ Euchariftiæ Sacramentum accedant, ſecus eſſent repellendæ.*

§. IX.

Occultos vero peccatores ſi occulte petant, & non eos emendatos agnoverit, repellat, non autem ſi publice petant, & ſine ſcandalo ipſos præterire nequeat.

COMMENTARIUS.

I. Duo ſunt, quæ de occulto peccatore Euchariftiam petente in hoc ſ. ſtatuntur. Primum eſt, ut Sacerdos Communionem adminiſtrans, *occultos peccatores, ſi occulte petant, & non eos emendatos agnoverit, repellat.* Ratio eſt, quia peccator occultus, qui privatim, & clanculum Sacramentum expoſcit, nullum omnino jus habet ad Communionem, non quidem ratione ſtatus, in quo verſatur, cum per peccatum ex Dei Patris per Chriſtum adoptione excluditur; non etiam ratione ſamæ, quæ denegatio ſit occulta. Unde in caſu, de quo agitur, Euchariftiæ ſanctitati Miniſter conſulere tenetur; ac præcepta illa Chriſti Domini ſervare, Matthæi vii. *Noliſte Sanctum dare canibus; & xv. Non eſt bonum ſumere panem filiorum, & mittere canibus.* Atque hæc eſt complurium Theologorum ſententia, ac præſertim Eſſii in 1v. Sententiarum, Diſtinctione ix. §. 1v. ubi etiam ait, negandam eſſe a Miniſtro Communionem peccatori occulto, *etiãſi per ſolum Confeſſionem crimen ejus, ſeu impenitentia ſit Sacerdoti nota, niſi petat eo tempore, quo Fideles omnes tenentur Communionem percipere.*

II. At vero quod hic dicit Auſtor, denegandam ſcilicet a Sacerdote Euchariftiam peccatori occulto, cujus crimen per ſolam Confeſſionem nempe Sacramentalem noverit, improbabile eſt, ac ſtare non poſſe. Tam ſtriſta enim eſt obligatio ſigilli Sacramentalis Confeſſionis, ut nullo in caſu Miniſtro liceat crimen retgere ipſi etiam ſuo penitenti ſine expreſſa illius licentia; id vero perneceſſarium videtur, ne in ipſammet Confeſſionem odium excitetur. Quamohrem licet Sanctus Thomas in caſu iſterit aliquando ſententiam, quam Eſſius docet, uti videre eſt citato

Libro 1v. Sententiarum, Diſtinctione ix. Quæſtione 1. Article v. in ſolutione primæ Quæſtionculæ, ab ea tamen merito diſceſſiſſe videtur in Summa, Parte 111. Quæſtione 1xxx. Article vi. ubi de hoc caſu prorsus ſiluit, licet ibi mentem ſuam aperiendi occaſio ſe ſe ei obtulerit, ut inter alios notavit Juenius in Opere, *De Sacramentis*, Diſſertatione 1v. Quæſtione vi. Capite vii. Article II. in fine.

III. Alterum, quod in noſtro ſ. edicitur, illud eſt, *ocultos peccatores, ſi publice petant, Communionem, & ſine ſcandalo præteriri nequeant, non poſſe ipſos ab eadem excludi.* Cujus rei ratio multiplex eſt. Prima, ne prodar erimen occultum, atque ita proximum infamet. Secunda, ne alios ſcandalizet. Tertia, ne petentem jure, quod adhuc habet in facie Eccleſiæ, defraudet. Confirmantur vero hæ rationes exemplo Chriſti, Patrumque teſtimoniis, atque Eccleſiæ praxi. Nam primo Chriſtus in ſua ultima Cœna, in qua Euchariftiæ Sacramentum inſtituit, ſatius duxit Euchariftiam Judæ proditori præbere, quam occultum adhuc illius crimen propalare. Scio equidem, S. Hilarium, alioſque nonnullos in ea fuiſſe ſententia, ut putarent, Judam inſtitutioni, & distributioni Euchariftiæ miniſtre interfuſiſſe, utpote jam inde egreſſum ad perpetrandum ſcelus proditoris. Sed minime ſtandum eſt ei opinioni, cum evidentur conſtet ex Evangelio Marci, omnes Apoſtolos ebibiſſe conſecratum Calicem: *Et biberunt, inquit Cap. xiv. ex illo omnes.* Adſuſe tunc vero Judam proditorem, inauit Lucas, cum enarrata Sanctiſſimi Sacramenti inſtitutione, & distributione, mox Capite xxii. ſic ait loquentum Chriſtum: *Verumtamen ecce manus tradentis me mecum eſt in menſa.*

Tum

Tum vero subdit Lucas: *Et ipsi ceperunt querere inter se, quis esset ex eis, qui hoc faceretur esset?* Unde concluditur, ista Joannis verba Capite xlii. Versu xxx. *Cam ergo accepisset ille buccellam exivit continuo, sic intelligi debere, ut quamvis Judas acceperit intinctum panem ex Cœna Legalis, quæ intinctionem pedum, & Evangelicam Cœnam præceffit, exierit quidem ante proximam Orationem, quam Christus, instituto jam Sanctissimo Sacramento, ad Apostolos habuit, sed nonnisi peracta tota Cœna, quæ non modo Agni Paschalis, sed etiam Eucharistiæ participationem complexa est.*

IV. Explicationi hujusmodi Augustinus aperte favet; docet nimirum, intinctam buccellam de qua Joannes loquitur, subsecutam fuisse Eucharistiæ distributionem, cui Judas adfuit, licet non fuerit Sacramentum. Sic autem Sanctus Doctor in Tractatu lx. in Joannem ait: *Non, ut putant quidam negligenter legentes, tunc Judas Christi Corpus accepit; intelligendum est enim, quod jam his omnibus distribuerat Dominus Sacramentum Corporis, & Sanguinis sui, ubi & Judas erat, sicut S. Lucas evidenter narrat. Et deinde ad hoc eventum est, ut secundum narrationem Joannis, apertissime Dominus per buccellam intinctam, atque porcellam, suum exprimat traditorem, sortasse per panis intinctionem, illius significans scilicet. Rem eandem idem S. Augustinus asserit in Epistola elxi. his luculentioribus verbis: *Tradiderem enim suum, qui jam precibus ejus acceperat, asque ad ultimum pacis osculum inter innocentem secum perpassus est, quibus non tacuit esse inter illos tanti sceleris hominem; & tamen primum Sacramentum Corporis, & Sanguinis sui, nondum illo excinso, communiter omnibus dedit.* Idem repetit aliis locis indicatis ab Elio citato loco, 4. li. Versu, *Hæc porro.* Idemque visum est S. Chrysostomo in Homilia, *De Juda proditore*, S. Cyrillo Hierosolymitano Catechesi 1. & passim cæteris SS. Patribus; pleniusque id probant Canonæ, *Si tantum, & Si placuit, vi.* Quæstione 1. Textusque in Capite, *Sacerdos, De Officio Ordinarii.**

V. Neque vero audiendi sunt, qui contendunt, fatius esse, ut pœnitens excidat a sua fama, quam ut sacrilegii per indignam Communionem quis reus fiat. Nam I. ipsum sacrilegium peccator admittit, cum Sacre Mensæ accumbit, & poscit Sacramentum; per eum enim non fiat, quin actu Carni Christi vim ille inferat. II. prohibet S. Augustinus, nequis eligat malum, quæle est alieni criminis propalatio, ut impediatur, ne proximus in aliud licet gravius incidat: *Periculosissime, inquit in Libro Quæstionum super Genesim, Quæstione xlii. admittitur hæc compen-*

satio, at nos faciamus aliquid mali, ne alius gravius malum faciat. Constat hæc solutio ex Sancto Thoma, qui in iv. Sententiarum, Distinctione ix. Quæstione 1. Articulo v. sic loquitur: *Discendum, quod licet pejus sit peccatori occulto peccare mortaliter, sumendo Corpus Christi, quam infamari; tamen Sacerdoti ministranti Corpus Christi, pejus est peccare mortaliter, infamando injuste peccatorem occultum, quam quod ille mortaliter peccet; quia nullus debet peccatum mortale committere, ut alium liberet a peccato.* Cæterum nulli esse obnoxium peccato Sacerdotem Eucharistiæ peccatori occulto petenti præbere, expresse docet S. Joannes Chrysostomus in eitata superius Homilia: *Quod si quis, inquit, venerit cum sordibus ignoranter, hoc est, occultus peccator, non est ministranti culpa illi administrare.*

VL. Hinc illud cavendum Sacerdoti potissimum est, ne Hostiam non consecratam loco consecratæ peccatori det; tum quia in Sacramento veritatis nulla fictio esse debet; tum etiam quia eum nemo Carnem Christi manducet, nisi prius eam adoraverit (ut ait S. Augustinus exponens illam Psalmi xxi. versum, *Manducaverunt, & adoraverunt;* necnon illam Psalmi xcvi. 11. *Adorate scabellum pedum ejus, quoniam sanctum est*) Sacerdos occasione certe idololatricæ daret tum fumentum, tum aliis præsentibus. Unde Innocentius III. in Capite, *De homine vii. De celebratione Missarum,* a Romæ Fraternitatis Rectoribus consultus, quid sibi videretur de incauto Presbytero, qui in mortali crimine constitutus, propter sui facinoris conscientiam dubitans celebrare, finxit se consecrare, quod propter necessitatem muneris sui intermittere Sacramentum nequiret. Respondit, gravius peccare eum, qui fingit, se consecrare, & non consecrare, quam si in peccato mortali positus consecraret: *Licet is, qui pro sui criminis conscientia reputet se indignum, peccet graviter, si se ingerat irreverenter ad illud; gravius tamen videtur offendere, qui se fraudulenter illud præsumperit summare; cum ille in solius misericordie Dei manus incidat, iste vero non solum Deo, cui non veretur illudere, sed populo, quem decipit, se adstringat.* Atque his concinit S. Thomas Parte iii. Quæstione lxxx. Articulo vi. ad secundum; & Quodlibeto v. Quæstione vi. Articulo II. ubi & ad III. ait: *Status esset Medicus, qui cum majori suo periculo minus periculum infirmi vellet impedire; puta si vellet ipse venenum bibere, ne infirmus biberet vinum. Multo autem magis peccat Sacerdos scilicet infirmum faciens in Sacramento Christi, quam peccator indigne sumens. Unde solutus esset Sacerdos, si ut vitaret peccatum subditi, ipse gravius peccaret, scilicet infirmum faciens in Sacramento veritatis.*

§. X.

Amentibus præterea, seu phreneticis communicare non licet; licebit tamen, si quando habeant lucida intervalla, & devotionem offendant, dum in eo statu manent, si nulum indignitatis periculum adit.

COMMENTARIUS.

I. **V**eteri Ecclesiæ disciplina spectata, amentibus quidem, phreneticisque, in ultimo vitæ periculo constitutis, scilicet irriverentiæ periculo, præberi olim solita

fuit Communio; idque patet ex Canonæ xviii. Concilii i. Arausiaci, ubi ita inquit: *Amentibus quæcumque sunt pietatis, conferenda sunt, itemque apertius ex Canonæ lxxvi. Concilii iv. Car-*

Carthaginensis, qui sic habet: *Is, qui in infirmitate penitentiam petit, si casu, dum ad eum Sacerdos imitatus venit, oppressus infirmitate obmutuit, vel in pœnētia conversus fuerit, dent testimonium, qui eam audierunt, & accipiat penitentiam; & si continuo credatur moriturus, reconcilietur per manus impositionem, & infundatur ori ejus Eucharistia.* Idem quod statuit hic Canon, docuit etiam Sæculo XIII. S. Thomas Parte III. Quæstione LXXX. Articulo IX. In Corpore, sic inquit: *Respondens dicendum, quod aliqui dicuntur non habere usum rationis dupliciter. Uno modo, quia habent debilem usum rationis, sicut dicitur non vident, qui male videt; & quia tales possunt aliquam devotionem hujus Sacramenti concipere, non est eis hoc Sacramentum denegandum. Alio modo dicuntur aliqui non habere totaliter usum rationis. Antiquitus nunquam habuerant usum rationis, sed sic a nativitate permanserunt, & sic talibus non est hoc Sacramentum exhibendum, quia in eis nullo modo præcessit hujus Sacramenti devotio. Ant. non semper caruerunt usu rationis, & tunc si prius quando erant competes sui mentis, apparuit in eis devotio hujus Sacramenti, debet eis in articulo mortis hoc Sacramentum exhiberi, nisi forte timeatur periculum vomitus, vel expulsiōnis.* Unde in Concilio Cathaginensi legitur: *Is qui in infirmitate penitentiam petit &c.*

II. Carthaginensis Concilii Decreto, ac doctrinæ S. Thomæ adhaeret etiam S. Carolus in suis de Sacramento Eucharistiae Instructionibus, in quibus sic ad nostram rem inquit: *Amentibus præterea hoc Sacramentum non ministrabit quavis si antequam in infaniam inciderint, piam, & religiosam animi voluntatem præstulerint; licebit in fine vite ex Decreto Concilii Carthaginensis, modo vomitionis, vel alterius indignitatis, & incommodi periculum non sit.* Eadem lege est in Tridentini Concilii Catechismo, Parte II. De Eucharistia Sacramento, num. LXIX. Cæterum puto, conditionem, quam S. Thomas, ac S. Carolus, & Catechismus supponunt, licet

speculative possibilis sit, in praxi tamen nunquam accidere; semper enim est periculum vomitus, aut expulsiōnis in amentibus, phreneticisve; quo tamen imminente, recte negant laudati Auctores, dispensari illis posse Eucharistiæ Sacramentum: *Ni forte timeatur periculum vomitus, vel expulsiōnis, ut loquitur S. Thomas; vel, ut ajunt Catechismus, & S. Carolus, Modo vomitionis, vel alterius indignitatis, & incommodi periculum nullum timescendum sit.* Atque hæc spectant Communionem præbendam amentibus in fine vite. Nam alias, ut idem S. Carolus docet, cui noster §. consentit, *Licebit etiam, Eucharistiā scilicet præbere amentibus, phreneticisque, si quando ad sanitatem redeant, & devotionem ostendant, si idem periculum absit.* Vel ut ait noster §. *Licebit tamen; si quando habeant lucida intervalla, & devotionem ostendant, dum in eo stata manent, si nullum indignitatis periculum adsit.*

III. Ut aliquid tandem & de Energumenis dicam, licet olim iis minime Eucharistia concederetur nisi in ultima vite periodo, ut patet ex Canone XXXVI. Concilii Illyberritani, jam multis nihilominus ab hinc Sæcula sacratissima iis Eucharistia dispensatur, qui lucida intervalla fruuntur. Sane Sæculo V. quo Synodus Arausicana celebrata est, anno scilicet CDXLI. usus, qui his postrema temporibus viget, prima fundamenta jacta fuerunt, & ab antiqua Illyberritanorum Patrum austeriore disciplina temperatum est; sanctum nempe fuit, ut Energumenis, qui in Synaxibus sufficiens se purgativæ manuum impositioni, Eucharistia etiam extra mortis periculum administraretur; Energumeni jam baptizati, si de purgatione sua curant, & se sollicitudini Clericorum tradunt, monitisque obtemperant, omnimodis commanent, Sacramenti ipsius virtute, vel moriendi ab incurso demōni, quo infestantur; vel purgandi quorum jam ostenditur vita purgator. Vide Juvenium in Opere, De Sacramētis, Dissertatione IV. Quæstione VI. Capite II.

§. XI.

Iis etiam, qui propter ætatis imbecillitatem nondum hujus Sacramenti cognitionem, & gustum habent, administrari non debet.

COMMENTARIUS.

I. DE Communione infantium nonnihil jam diximus, supra in Commentariis ad Titulum II. ubi ritus Baptismi exposuimus. At vero, quicquid sit de antiquo Ecclesiæ ritu, non licere infantibus, puerisque Eucharistiā administrare, recte admodum docet Tridentini Concilii Catechismus Parte II. De Eucharistia Sacramento, num. LXVI. ubi hanc etiam rationem subdit: *Hi enim sequē Sacram Eucharistiā a profano, & communi pane sciunt discernere, neque ad eam accipiendam, pietatem animi, & religionem afferre possunt.* Additque mox, id etiam a Christi Domini institutione alienissimum videri, quippe qui in Evangelio Matthæi Cap. XXVI. sic inquit: *Accipite, & comedite.* Infantes autem idoneos non esse, qui accipiant, & comedant, satis constat. Cæterum,

Tom. I.

quod olim infantibus tum apud Latinos, tum apud Græcos dispensata Eucharistia fuerit, & quidem usque ad duodecimum Sæculum, pluribus probat laudatus Juvenius citato in superiori Commentario loco, Cap. I. ubi etiam ait, desisse eam disciplinam Sæculo XIII. apud Latinos, apud Græcos autem etiam his temporibus observari; id quod etiam notavit Martene Lib. I. De antiquis Ecclesiæ ritibus, Cap. IV. Articulo X. num. XIV. stateturque idem Concilii Tridentini Catechismus num. LXVI. veterem quidem illam fuisse in quibusdam locis consuetudinem, ad infantes etiam sacram Eucharistiā præbere; sed tamen ob varias causas Christianæ pietati maxime consentaneas jamdiu ejusdem Ecclesiæ auctoritate id fieri desisse. Id quod etiam de aliis ritibus pro temporum ratione factum est.

K k

II. Por-

II. Porro nostro §. concitit S. Carolus in laudatis Instructiōibus de Sacramento Eucharistiæ, ubi eadem verba leguntur: *Pueris item, ait, qui propter ætatis imbecillitatem, nondum hujus Sacramenti cognitionem, & gustum habent, Sacram Eucharistiæ non ministrabit.* Et ratio est illa, quam supra ex Catechismo recessimus, quamque jam olim docuerat S. Thomas in 1v. Sententiarum, Distinctione 1x. Questione 1. Articulo v. *Quæstioncula 1v.* ubi ita inquit: *Dicendum, quod pueris carentibus usu rationis, qui non possunt distinguere inter cibum spirituales, & corporales, non debet Eucharistia dari, quia ad Eucharistiæ sumpcionem exigitur actualis devotio, quam tales pueri habere non possunt.* Op-

portune autem ita statim subjicit: *Pueris autem jam incipientibus habere discretionem, etiam ante perfectam ætatem, puta cum sunt decem, vel undecim annorum, aut circa, hoc potest dari, Communio nempe Eucharistica, si in eis signa discretionis appareant, & devotionis.* Quod persertim intelligendum est, si mortis imminet periculum, ne sine hoc Viatico discedant. *Quæ* tandem vero ætate pueris lauda sacra Communio sit, nemo melius poterit constituere, inquit laudatus Catechismus, quam Pater, & Sacerdos, cui illi constiterint peccatu. Ad illos enim pertinet explorare, & a pueris percunctari, an hujus admirabilis Sacramenti cognitionem aliquam uceperint, & gustum habeant.

CAPUT II.

Ordo ministrandi Sacram Communionem.

§. I.

Sacerdos igitur Sanctissimam Eucharistiā ministraturus, Hostiis, seu Particulis pro populi multitudine consecratis, vasculoque uno, vel pluribus decenti, & commodo loco expositis, cum vino, & aqua ad purificationem eorum, qui Communionem sumpserint, & ante eos linteo mundo extenso, lotis prius manibus, & Superpelliceo indutus, ac desuper Stola coloris Officio illius diei convenientis, præcedente Clerico, seu alio Ministro, procedit ad Altare, manibus junctis, & accensis cereis, facta prius, & postea genuflexione, extrahit Pyxidem, & illam super Corporale depositam discooperit.

COMMENTARIUS.

I. **D**escribenda hic primum censeo, quæ S. Carolus statuit de præparatione eorum rerum, quæ in Communionem frequentis præsertim populi adhibendæ sunt. Ergo, ut ille inquit in suis de Sanctissimæ Eucharistiæ Sacramento Instructiōibus, *Cum dies iustet Communionis Sacra frequenti populo ministranda, pridie illius diei Parochus scamna oblonga, & alta, & lata ad formam præscriptam, apparabit; mappas itidem a sorde puras, & candidas, quibus illa rellæ, ordineque sternantur pro frequentis populi ratione. Parabit mappam lineam subtili texturâ, nullo artificio elaboratam, quæ cubitis tribus longa feratur, si opus sit sub Pyxide, & manibus ministrantis. Scabellum duo decentia, in quibus collocentur vasa, & cætera ad purificationis usum. Mantilia ad scabellum illa sternenda. Intortitia duo, plarave, pro ratione diei solemnæ, quibus laudentibus, Clerici itidem duo præsent Sacerdotem ministrantem. Clerici Parochie suæ omnes flata Communionis die præsentem adesse præmonēbit, qui Superpelliceo induti ministrantem pro munere sui functione adjuvent. Altare unum maribus, alterum feminis constituet, ubi communicent, maxime si ingens populi Sacram Communionem sumentis multitudo est. Deliget vero in Sacra Communionem feminis ministranda, si opus sit, Sacerdotem adiutorem spectata integritate, & Clericos probatos, qui illam ministrantem etiam adjuvent. Mandat & alia citato loco Antistes Sanctissimus, quæ etiam in suis Provincialibus Conciliis constituit, quibus profecto luculentissime explicatur, quæ in hoc præfesto Ritualis Romani Capite præscribuntur.*

II. Mandat autem primum hic noster §. ut

vasculum unum, vel plura, decenti, & commodo loco exponantur cum vino, & aqua ad purificationem eorum, qui communionem sumpserint. Esse vero hunc antiquum ritum, ut purificationem post Communionem, non modo a Sacerdote ecclesiæ, sed & a Fidelibus communicatis fametur, constat plane exemplo S. Joannis Chrysostomi a nobis superius allato. Inter alia enim accusationum capita, quibus perperam ab æmulis impetitus est, unum, teste Palladio in ejus Vita, fuit, quod admovebat omnes, ut post Communionem aquam, aut passillam deglaserent, ne cum saliva, aut pituita aliquid & symbolo Sacramenti præter voluntatem expuerent, quod primus ipse faciebat. At hujus accusationis injustitiam damnavit quidem Ecclesiæ etiam Occidentalis praxis, quæ post Communionem nonnihil panis, aut vini, sive alterius liquoris degustare, vel olim permisit, ut late ostendimus supra Cap. 1. in Commentario ad §. 1v. Plura porro scitu digna de ipsa populi purificatione post Communionem, ejusque ritu statuit S. Carolus in Conciliis suis Mediolanensibus, & in Instructiōibus de Sacra Communionem vulgari sermone conscriptis, sicut & de vasis ei usui designatis. Vult quippe inter alia, nullo modo Calice, vel alio vase, quod ad sacri Calicis formam factum sit, purificatio ipsa præbeatur. Ita sane expresse in Concilio Provinciali t. ubi de iis agitur, quæ ad Eucharistiæ Sacramentum pertinent: *Populo, inquit, postquam Eucharistiā sumpserit, vinum Calice consecrato, vel alio vase, quod ad Sacri Calicis formam factum sit, ne præbeatur.* Ut ad ipsam purificationem præbeendam adhibendam vasa vitrea, quæ etiam, ne alterius rei usui sint, ea-

que

que propterea in *Sacristia* servantur, statuit in Concilio Provinciali 111. Capite eodem. Agit & de ipsis purificantiis vasis idem S. Carolus variis locis Actorum Ecclesie Mediolanensis, præsertim vero Libro II. Instruccionum suppellectilis Ecclesiasticæ, ubi mandat, ne vasa ad purificationis usum parata, si aurea, aut argentea sint, Calicis formam exhibeant, neque vero similia item cyathis variis. Cæterum recte ait hic nos-ter §. paranda esse vasa distincta, quorum alterum scilicet vinum contineat, alterum aquam, plerique enim sunt, qui nec vel a longinquo vini odorem ferre valent.

III. Præter prædicta vasa, parandum est ex præscripto nostri §. linteum mundum, ut esset ante eos extensum, qui communicaturi sunt. Plura & de huiusmodi linteis, mappisve ad usum Sacrae Communionis, quibus scilicet scabellum ad eandem usum parata sternaltur, præscripsit idem S. Carolus locis citatis. Quod quidem sapientissime constitutum est, ut nimirum si detur casus, quod aliqua Particula e manu Sacerdotis, seu e Pyxide labatur, non in terram decidat, sed in suppositum linteum. Hinc ubi non adsint scabellum, quibus linteis, mappisve superponantur, tenenda est alia regula, quam & S. Carolus docet in Instruccionibus, De Sacramento sanctissimæ Eucharistia, quæ est huiusmodi, ut nempe Clerici ad hoc duo cum Superpelliceo, qui Pyxidi supposita mantilla sustentent. Porro ubi non est populi communicantis multitudo, solent nonnulli sudarium Altaris inspicere, seu extremitatem Casulae, vel Manipuli Sacerdotis ministrantis mento supponere, cum nempe non ad scabellum, sed ad Altare communicant; quem usum non puto laudabilem, præsertim vero si femine sint, quæ ita communicent.

IV. Mandat præterea noster §. ut Sacerdos, lotis prius manibus, Sacram Communionem ministraret; decet enim quammaxime, etque antiquissimum Ecclesie ritus, a nobis jam alius fusus explicatus, ut manus, quæ tantum contingere debent Sacramentum, prius laveantur. Religionem fuisse Hebræis, ut vel quando Sacerdotes ingressuri erant Tabernaculum Testimoniis, & accessuri ad Altare, manus ante lavarent in Labro aeneo cum aqua posito in Templo, Cap. xxx. Exodi legimus. Hinc probabile est, hunc ipsum morem ad Christianos fluxisse, ut cantari, & lutea aqua pleni, vel etiam Fontes ante Fores Templorum collocarentur, ut pluribus docet Joannes Cardinalis Bona, Lib. 1. *Rerum Liturgicarum*, Cap. xx. quatenus Sacra, vel preces acturi puras ad Deum manus levarent, sicut scripsit Apostolus in Epistola 1. ad Timotheum, Cap. III. & externa lotionis internæ puritatis admonerentur: *Quæ ratio est, manibus quidem ablutis, spirita vero sordente, orationem obire?* Verba sunt Tertulliani in Libro, de Oratione, Cap. xi. Cæterum si ex per vetusto ritu Patrum testimoniis comprobato, vel laici communicaturi debebant manus lavare, uti late probant Stephanus Duranti Lib. II. *De ritibus Ecclesie Catholice*, Cap. xxv 111. num. 5. & laudatus Bona Lib. II. Cap. 1. num. v. potiori ratione debent Sacerdotes Eucharistiam contræctaturi, atque dispensaturi manus suas prius lavare.

V. Illud autem hoc loco admonendum est, quod & alias ad hunc nostrum §. notavit Barrufaldus, lotionem huiusmodi jam non, debere esse

Tom. I.

superficalem, sed accuratam, adeo ut sordes in manibus minime appareant, neque in ungibus. Quod quidem intelligendum est, quum Eucharistia extra Missam administratur, nam alias si in Missa ministraretur, non opus est nova lotionem, cum jam Sacerdos suo tempore lotus sit, nisi tamen per accidens adhuc de novo sordem contraxerit, ut recte notat Barrufaldus in suo ad hunc §. Commentario, num. 20. Porro, ut, cum Sacra Eucharistia, & sacrum item Oleum, & alia Sacra tangenda sunt, abluendæ sint Sacerdotum manus ante, & post huiusmodi Sacramentorum transactionem, expresse edixit S. Carolus in Synodo Mediolanensi xi. Discretana in Monitis executionis Decretorum, quæ ad Sacramentalia, & Sacramenta pertinent. Sed utraque hæc manuum lotio ante & post Eucharistia administrationem fit quidem a Sacerdote in Sacristia, nam alina, ut infra dicemus in Commentario ad §. viii. facta Communione, antequam ab Altari discedat, abluere digitos debet, quibus tetigit Sacramentum, & purificatorio abstergere, quod una cum vase aquæ extare solet super Altari, ubi adsit Tabernaculum cum Sacramento, in quo solet fieri Communion.

VI. Venio nunc ad Ministrum Sacrae Communionis, ejusque indumentum, quum scilicet extra Missam Communionem ipsam Fidelibus est administratur: *Sacerdos*, inquit hic noster §. *Sanctissimum Eucharistia ministraturus ... Superpelliceo indatus, ac desuper Stola coloris Officii illius diei conveniunt, præcedente Clerico, seu alio Ministro, procedit ad Altare &c.* Solos Episcopos, & Sacerdotes esse ordinarios dispensande Eucharistia Ministros, probari primum ex eo potest, quod postquam Apostolus in sua 1. ad Corinthios Epistola, Cap. xv. Episcopos, & Presbyteros appellavit Christi Ministros, eisdem statim appellat dispensatores Mysteriorum Dei: *Sic nos*, inquit, *existimet bono, ut Ministris Christi, & dispensatores Mysteriorum Dei.* Licet autem Dei Mysteriorum nomine, quæque Sacramenta intelligantur, præcipue tamen Eucharistia intelligitur, cum inter illa præcipuum tenet locum. Præterea cum Eucharistia confessio ex se ad dispensationem referatur, & illa Jure Divino ad solos Sacerdotes spectet, hinc est quod & eisdem spectat administratio. Atque hæc est ratio, quam exprimit S. Thomas Parte III. Questionum lxxxiii. Articulo III. ubi ita inquit: *Ipsæ, Sacerdos, consecrat in persona Christi; ipse autem Christus sicut consecravit Corpus suum in Cæna, ita & alia sumendum dedit. Unde sicut ad Sacerdotem pertinet consecratio Corporis Christi, ita & ad eum pertinet dispensatio.* His adde antiquum morem, cuius meminit Tertullianus in Libro, *De Corona Militis*, Cap. 111. sic dicens: *Eucharistia Sacramentum, & in tempore vitæ, & omnibus mandatum a Domino, etiam authecanis euntibus, nec de aliorum manu, quam Præsidium sumimus, Episcoporum scilicet, aut Sacerdotum.*

VII. Negari vero hic illud non potest, quin olim etiam Diaconi Eucharistiam dispensarent; id enim expresse tradunt per vetusti Ecclesie Patres, tum Græci, tum Latini. Audientium inprimis S. Justinus, qui in Apologia II. sic ait: *Postquam Antistes gratiarum actionem perfecit, & populus omnis precaturus est, Diaconi ex pane, & vino, & aqua consecratis partes dividunt unicuique presentium, & ad absentes portant.*

Kk 2

Dia-

Diaconorum munus itaque fuit dispensandi Eucharistiam sub utraque specie, praesertim vero Calicem, uti multa suppetunt veterum testimonia, quibus, illum ab eis porrectum communicantibus fuisse, demonstratur. Nota est omnibus pia S. Laurentii Martyris Archidiaconi ad S. Sixtum Papam apud S. Ambrosium Lib. I. *De Officiis*, Capite xli. querimonia, quem, quum ad martyrium propterea videret, ipse martyrii cupis sic alloquens dicebat: *Cui commissi Domini Sanguinis dispensationem, cui consummandorum consortium Sacramentorum, huic confortium Sanguinis negas?* Celebre est quoque ea in re S. Cypriani testimonium in Libro, *De lapsis*, ubi refert historiam puellae, quae, quod de idolatriis prae gustasset, sacram Eucharistiam, quam Diaconus administrabat, accipere renuit: *Ubi vero, inquit, Solemnibus adimpletis, Calicem Diaconus offerre praesentibus capit, & accipientibus ceteris, locus ejus advenit, faciem suam parvula insinuat Divina Majestatis avertere, & labiis obturantibus premere, Calicem recusare. Persistit tamen Diaconus, & relucantem licet de Sacramento Calicis insinuat.*

VIII. Affert et alia possent loca, quibus magis magisque vetus haec utriusque Ecclesiae, Latinae & Graecae disciplina probatur. Sed ut paulo fusius dicam de eo Diaconi munere, quod erat dispensandi Eucharistiam sub specie panis, decretum est quidem in Concilio Arelatensi II. anni CDLII. Can. xv. *Ut Diaconus Corpus Christi, praesente Presbytero, tradere non praesumat; quod si fecerit, ab officio Diaconatus abscedat.* Idem cautum jam fuerat ex Canone xxxvi. Concilii IV. Carthagenensis anni CCCXCVIII. cui interfuit S. Augustinus; statuit enim, *ut Diaconus, praesente Presbytero, Eucharistiam Corporis Christi populo, si necessitas cogat, jussu crepet.* Quamvis ergo Eucharistiae dispensatio ad Sacerdotem jure pertineat, Diaconis nihilominus, urgente necessitate, a Sacerdotibus committi consuevit veluti Ministris extraordinariis. Porro veterem hanc Ecclesiae disciplinam egregie explicat Sanctus Thomas Pacte III. Quaestione LXXXII. Articulo III. ad 1. ubi haec habet: *Diaconus quasi propinquus Ordini Sacerdotali aliquid participat de ejus officio, ut scilicet dispense Sanguinem, non autem Corpus, nisi in necessitate, jubente Episcopo, vel Presbytero. Primo quidem, quia Sanguis Christi continetur in vase, unde non oportet, quod tangatur a dispensante, sicut tangere Corpus Christi. Secundo quia Sanguis designat redemptionem a Christo in populum derivantem, ut & Sanguis adificetur aquae, quae significat populum; & quia Diaconi sunt inter Sacerdotes & populum, magis convenit Diaconis dispensatio Sanguinis, quam dispensatio Corporis.* Verum etiam congrua sint descripta hucque Sancti Thomae rationes, jam ex S. Justino ostensum fuit, Corporis non minus, quam Sanguinis Christi dispensationem commissam fuisse Diaconis; id quod etiam probatur, ut alios omittam, ex ecclesiasticis superiorum Conciliorum Carthagenensis, & Arelatensis Canonibus.

IX. Viguisse Romae & hanc olim disciplinam, ut Christi Corpus ministraret celebrans Sacerdos, Calicem Diaconus porrigeret, atque ad absentes Sacra Dona Acolythi deferret, vetera ejusdem Romanae Ecclesiae monumenta nos docent, allata a Mabillonio in Commentario pra-

vio ad Ordinem Romanum, Cap. vi. ubi Libellus etiam citat Romani Ordinis, atque exemplum affert S. Tharicii Acolyti, & Martyris, qui, testante Ufuado ad xvIII. Kalendas Septembris, *Cum quodam die deferret Christi Corporis Sacramenta, nec vellet ea dispensantibus proferre Paganis, tamdiu est subsistens, ac lapidibus mactatus ab eis, quousque exhalaret Spiritum.* Ceterum quod nunc Saeculo in quibusdam Gallicis locis invaluisse abusus, ut mulieres ad Altaria impudenter irrumpere, & Eucharistiam populis ministrarent, merito dolet, ac damnat eam mulierum temeritatem Parisiensis vi. Synodus anno DCCCXXIX. celebrata, Lib. I. Capite xiv. Similis abusus huic est ille, quem etiam damnavit Remensis Synodus Can. II. apud Gratianum in Canone, *Pervenit* De consecratione, Distinctione II. ubi habetur, quosdam Presbyteros in tantum parvipendisse Divina Mysteria, ut laico, *sed semina sacra Corpus Domini traderent ad defendendam infirmis.* Vel eo autem capite abusum hanc damnat, quod quibus prohibetur, *ne Sacramentum ingrediantur, illis Sancta Sacramenta committerentur.*

X. Sed his omisiss, explicandum nunc est, quo indumento ornatus debet Sacerdos Eucharistiam extra Missam administrare: *Superpelliceo indutus, ac desuper Stola coloris Officii illius diei convenientis*, ait hic voster §. cui Rubricae Romani Missalis consentiunt, eaque est praxis, quam omnes fere tenent Ecclesiae, si Mediolanensem excipias, in qua ex antiquo ejusdem ritus, ac S. Caroli praescripto in Concilio Provinciali v. Mediolanensi, Capite, *De his, quae ad Eucharistiae Sacramentum pertinent*, Sacerdos uti tunc debet *Superpelliceo, Stolaque alba, & ubi ritus Ambrosianus est, rubra*; eorumque ibidem illud praeterea est, *ut Pluviali Episcopus indutus sit, quando illum non in Missa Sacrificio ministrabit.* Debere Superpellicem omnino adhiberi a Sacerdote administrante extra Missam Eucharistiam, sicut & Stola, atque adeo quidem, ut graviter peccaret, si vestes illas omitteret, recte docet, probatque Paulus Maria, Quartum in Rubricis Missalis, Parte II. Tit. x. Sectione III. Dubio III. in II. Difficultate, ubi varios etiam Auctores citat, colligique ait ex Capite, *Sane, De celebratione Missarum.* Quod autem mox subiicit, non videri scilicet damnandum peccati mortalis Sacerdotem deferentem Eucharistiam ex uno Altari ad aliud sine Cotta, & Stola, quia non ministrat Sacramentum; non puto recte dictum; semper enim cum summa reverentia tractandum est Eucharistiae Sacramentum etiam in ejus delatione ab uno ad aliud Altare; ideoque non modo tunc Sacerdos illud deferens indutus esse debet Superpelliceo, & Stola, verum etiam adesse tunc debent duo saltem, qui intorticia accensa deferant, ac alius item, qui umbellam super Sacerdotis Eucharistiam gestantis caput, ut est communis Ecclesiarum praxis, quae non debet a Sacerdote contemni, aut omitti, ubi nulla adsit necessitas.

XI. De cereis in Divinis Officiis peragendis jam olim in Ecclesia accendi solitis, quos & in Communione extra Missam veteri disciplinam inherens hic noster §. praescribit, insignia extant Patrum testimonia a nobis allata variis nostro Operum locis. Huc plane facit, quod scribit S. Hieronymus in Libello adversus Vigilantium;

tium: *Per totas Orientis Ecclesias, quando legitur Evangelium, accenduntur luminaria jam sole rutilante, non atque ad fugandas tenebras, sed ad signum lætitiæ demonstrandum; unde & virgines illa Evangelica semper habent accensas lampades suas. Et ad Apostolos dicitur: Sicut lumini vestri præcincti, & lucernæ ardentes in manibus vestris. Et de Joanne Baptista: Ille erat lucerna ardens, & lucens; ut sub typo luminis corporalis illa lux ostendatur, de qua in Psalterio legitur, Psalmo scilicet cxviii. Lucerna pedibus meis verbum tuum, & lumen semitis meis. Ob has aliasque mysticas significationes adhiberi consuevisse, non modo ad Evangelium, sed ad totum Sacrificium lumina, testem habemus Sanctum Isidorum Hispalensem Episcopum Lib. vii. Originum, Cap. xii. *Acchyti Græce, Latine Cerroferarii dicuntur a deportandis cereis, quando Evangelium legendum est, aut Sacrificium offerendum. Tunc enim accenduntur luminaria ab eis, & deportantur, non ad effugandas tenebras, sed sol eodem tempore rutilat, sed ad signum lætitiæ demonstrandum, ut sub typo luminis corporalis, illa lux ostendatur, de qua in Evangelio legitur, Joannis scilicet Cap. i. Erat lux vera, quæ illuminat omnem hominem venientem in hunc mundum. Sicut itaque in Sacrificio lumina adhibentur, ita & dum extra illud Communio Eucharistica administratur, non modo ob tanti Sacramenti obsequium, sed ut & illud innuunt, quod inquit Apostolus in Epistola ad Ephesios, Cap. v. *Eratis aliquando tenebræ, nunc autem lux in Domino, ut filii lucis ambuletis. Laudabilis autem est & illa communis fere Ecclesiæ praxis, ut dum ad Altare fit Communio, sive in Missa, sive extra Missam, præter duos accensos in Altari cereos, tertius extra illud ardeat. Ceterum, quamvis duorum illorum cereorum omisso non videatur esse grave peccatum ex Diana Parte x. Tractatu xvi. Resolutione lxxx. contrarium tamen merito censent alii Scriptores citati a memorato Quarti in notato superius loco, in tertia tamen difficultate.***

XII. Rursus debere Sacerdotem Communionem administraturum, præcedente Clerico, seu alio Ministro, procedere ad Altare, idem noster §. mandat. Ad hunc eum finem initiatur Clerici, ut Altari, Divinisque Officiis interserviant; ritusque antiquus est in Concilio Chalcedonensi præscriptus, Can. vi. quem nos late explicuimus Tomo i. Commentariorum in Concilia Oecumenica, & confirmatus in Concilio Tridentino Sessione xxiii. Cap. vi. & xvi. novissime vero in Romano Concilio a Benedicto Papa XIII. anno MDCCXV, celebrato, Tit. vi. Cap. ii. ut *nihil Clericali Transfusa initiatur, nisi eodem tempore alicui Ecclesiæ adscribatur, pro cuius servitio debet ordinari. Debere Clericum, qui Sa-*

cerdoti Communionem ministranti interservit, esse & ipsum Superpelliceo indutum, statuit non uno in loco S. Carolus. Non puto autem, ut, ubi ob Clericorum penuriam laicos adhibetur, iste Superpelliceum induat, est enim Superpellicum vestis Clericalis, quæ speciali formula ex antiquo Ecclesiæ ritu initiando prima Transfusa ab Episcopo imponitur, ut jam diximus Tomo i. Commentariorum in Partem i. Romani Pontificalis Tit. iii. §. viii.

XIII. Procedens ad Altare Sacerdos Superpelliceo, & Stola, ut dictum superius fuit, indutus, ex præscripto nostri §. incedat manibus junctis; itemque testis capite, & incessu gravi, ut recte ait Bauldry in Manuali Sacrarum Cæremoniarum, Parte i. Tit. xiii. Cap. viii. quod est, *De Communione extra Missam, tam in Festis diebus, quam propebris. Ad Altare autem cum pervenerit, ex eodem nostro §. stola prius, & postea genuflexione, extrahit Pyxidem, & illam super Corporale depositam discoperit. Sed audiendus iterum Bauldry, qui ritum ipsum fufius luculentiusque exponit hæc plane verbis: Ad Altare cum pervenerit, dato bireto Ministro, genuflectit in plano usque ad terram, & Minister cum eo, & surgit, & rursus flexis genibus super infimum gradum Altaris, parumper orat, si velit, dicens Orationem, Aures tunc pietatis, aut aliam convenientem. Tunc ascendit ad Altare, extrahit Corporale de Bursa, quæ deposita in cornu Evangelii, illud de more extendit, purificatorium sibi propius parat, & accepta cloce, aperit Tabernaculum, genuflectit, surgit statim, & trahit Pyxidem velo convenienti teclam, vel potius semper albo, ponit eam in medio Corporalis, amovet velum, & operculum, rursus genuflectit, & ibidem stat versus Altare, donec facta fuerit Confessio a Ministro. Quod ait amovendum velum, quod Pyxidem tegit, profectio locum non habet, cum velum ipsum, ex communis Ecclesiarum praxi junctum, ac ligatum sit super operculum Pyxididis.*

XIV. Cæterum ex dictis hætenus illud addiscimus, in Communione particulari extra Missam, parari prius debere in Altari, ubi faciendæ est Communio, Bursam coloris convenientis diei cum Corporali intus, & Purificatorium prope medium Altaris, juxta Corporale ad latus Epistolæ, una cum clave Tabernaculi, itemque mappas lineas extendendas super cancellos, seu scamnæ, si necesse sit, ante communicandos, aut alio modo tenendas a Clericis, aliasque, si opus sit, pro Communione Ministri, aut Clericorum, quæ diversa sit a manutergio, quo Celebrans utitur ad extendendas manus; vas unum præterea, aut duo cum vino, & aqua pro purificatione communicantium, cum mappula una, aut altera, & aliud vas pro purificatione digitorum Sacerdotis cum mappula, quæ digitos ipsos abstergat.

§. II.

Minister genibus flexis nomine populi ad cornu Epistolæ facit Confessionem generalem, dicens, *Confiteor Deo &c.*

COMMENTARIUS.

I. **R**itum dicendi Confiteor ante Communionem, non ita esse in Ecclesia recentem, ut in antiquis Ritualibus Libris,

& apud Patres aliquod ejus vestigium minime reperitur, notat doctissimus Lebrun in sua Explicatione Cæremoniarum Missæ Tomo i. Parte v. Ar.

Articulo x. §. II. Desumptum esse eum ritum ex Confessione, quæ fit initio Missæ, docet Gavantus in Rubricis Romani Missalis Parte II. Tit. x. n. 6. Quod in hoc nostro §. edicimus, acceptum videtur ex ipso citato loco Rubricæ missalis, in quo ita legitur: *Si qui sunt communicandi in Missa, Sacerdos post sumpcionem Sanguinis, antequam se purificet, facta genuflexione, ponat Particulam consecratam in Pyxide, seu alio Calice. Interim Ministri ante eos extendit linteam, seu velum album, & pro eis facit Confessionem, dicent, Confiteor Deo &c.* Premittenda Sacramentum Communioni generalis Confessionis ritum, a Monachis, Fratresque Mendicantibus ad ceteros Fideles manasse, pluries probat Lebrun.

II. Poteo, quo ritu, & a quibus pronuntianda sit generalis in Communione Confessio, plane explicat S. Carolus in suis Instructionibus, *De Sacramento Sanctissima Eucharistie*, Capite inscripto, *Ordo ministrorum Sacramentum Communionem*, ubi sic habet: *Tum Diaconus, aut Cleri-*

cus Superpellico indutus a parte Epistola genuflexus monet, signum Crucis sibi quemque adhibere, ipseque alia, & clara voce signans se, dicit: In Nomine Patris, & Filii, & Spiritus Sancti, Amen; & manibus iunctis Confessionem generalem dicit eadem voce, & tarda pronuntiatione; illis simul eum eo distincte pronuntiantibus, aut saltem attentissime audientibus, qui scilicet communicaturi sunt, Confiteor Deo Omnipotenti &c. Confessione pronuntiata, ex ejusdem Ordinis præscripto Parochus, seu Sacerdos Communionem administrans, dicit: *Deo gratias.* Ex communi Ecclesiæ praxi Confessionem facit quidem Minister Superpellico, ut dictum est, indutus, versus Celebrantem, dicens: *Confiteor, & iunctis manibus, & prius sibi facto Crucis signaculo; caput vero inclinatum, profundius inclinatum ad ea verba, & tibi Pater, & te Pater, percussus sibi tunc pectus aut verba illa, mea culpa, suisque infra pectus posita, & ibidem respondet, Amen, quando opus est.*

§. III.

Tunc Sacerdos iterum genuflectit, & manibus iunctis ante pectus, vertit se ad populum, advertens ne terga vertat Sacramento, & in cornu Evangelii, dicit: *Miserere vestri Omnipotens Deus, & dimissi peccatis vestris, perducat vos ad vitam æternam. R. Amen.* Et addit: *Indulgentiam, absolutionem* ✠, & *remissionem peccatorum vestrorum tribuat vobis Omnipotens, & misericors Dominus. R. Amen.* Dicens: *Indulgentiam &c.* manu dextera in formam Crucis signat communicandos.

COMMENTARIUS.

I. **F**Acta Confessione a Ministro, de qua in præcedenti Commentatio diximus, iuxta S. Caroli præscriptum Sacerdos dicit: *Deo gratias*, tum statim pergit dicere: *Miserere vestri &c.* Post manu dextera Crucis signum Fidelibus communicantibus adhibet, & dicit: *Indulgentiam absolutionem &c.* Ritum hujus indicium videre est in S. Joannis Chrysostomi Liturgia, in qua, ut observat Jacobus Goar in *Rituale Græcorum* a se illustrato, in suis ad eandem Notis, num 169. editionis Venetæ pag. 128. col. 1. *Veniā petit Diaconus Communionem a Sacerdote percipitur, eamque similiter quilibet*

e populo ad sacram Synaxim accessurus, omnibus audientibus in bodierum usque diem vulgari lingua solet exposcere dicens: εὐχριστίαν ἁγίου, condonате Χριστιάνι. Cui omnes reciproco charitatis affectu respondent, οὐαί ευχαριστία, Πατερ τibi Deus. Sed his omisiss, notandum illud, quod inter alios monet Gavantus in Rubricis Missalis, ut nimirum sicut in Missa, uno presente, dicitur, *Miserere vestri &c.*, & *Indulgentiam, absolutionem, & remissionem peccatorum vestrorum &c.* ita etiam dici debeat a Sacerdote in administranda Communione, *vestri, & vestrorum*, licet unus communiçet.

§. IV.

Deinde ad Altare se convertit, genuflectit, manu sinistra Pyxidem prehendit, & duobus digitis pollice, & indice Sacramentum accipit, & elevat; conversusque ad populum in medio Altaris, dicit clara voce: *Eccc Agnus Dei, ecce qui tollis peccata mundi.* Mox subdit: *Dominus non sum dignus, ut intres sub tectum meum, sed tantum die verbo, & sanabitur anima mea;* quod iterum, & tertio repetit; qua formula etiam utendum est, cum feminæ Communio administratur.

COMMENTARIUS.

I. **S**imilia his, quæ & in hic nostro §. habentur, statuta sunt in Rubricis Missalis, Parte II. Tit. x. num. 6. ex cujus præscripto Sacerdos, postquam manu dextera in formam Crucis signavit communicandos, ut supra dictum est, *genuflectens accipit manu sinistra Pyxidem cum Sacramento, dextra vero sumit unam Particulam, quam inter pollicem, & indicem te-*

net, elevata super Pyxidem, & conversas ad communicandos, in medio Altaris, dicit: Ecce Agnus Dei &c. Quæ postrema verba sumpta sunt ex Evangelio Joannis, Cap. 1. recteque a Sacerdote profertur, dum Sanctissimum Sacramentum populo ostendit, tametsi ritus iste minime antiquus sit, ut in recitata Missalis Rubricam observat Gavantus. Meminit nihilomi-

nus

nus ejus ritus Sanctus Carolus in Instructionibus de Eucharistiae Sacramento, ubi recenset & ordinem ministrandi Sacram Communionem, itemque Concilium Aquilgranense anni MDLXXXV. Tenet unam ex Sacris Hostiis aliquantulum super labium Pyxidide elevatam . . . & deat voce aliquantulum elevata, gravi tamen: Ecce Agnus Dei, ecce qui tollis peccata mundi.

II. Juxta praescriptum nostri §. Sacerdos subdit mox: Domine non sum dignus &c. quod iterum, ac tertio repetit. Concinnant Rubrica Missalis loco citato, a quibus in eo recedit S. Carolus, quod juxta Ordinem ab eo praescriptum non quidem Sacerdos, sed tum Diaconus, vel Clericus genuflectens, ut supra, clara voce dicit: Domine non sum dignus &c. quod iterum, ac tertio repetit, per singulas voces petus percutiens; qua formula etiam utendum est, cum femina communio ministratur; & qui communicaturi sunt, una cum Clerico tam pronuntiabant, saltem submissa voce. Porro ex Concilio Aquilgranensi, superius citato, cautum est quidem, ut vel ipse Sacerdos, vel Clericus in eodem loco, capite profunde inclinato, percutiens petus, diceret, Domine non sum dignus &c. Est sane hanc fuisse veterem morem, ut communicaturi ipsi Fideles dicerent, Domine non sum dignus, ut intres sub teclum meum &c. ab Origene addiscimus Homilia vi. in diversos, ubi haec habet: Quando sanctum illum cibum, illudque incorruptum accipis epulum, quando vixis panis, & poculo frueris, manducas, & bibis Corpus, & Sanguinem Domini, tunc Dominus sub teclum tuum ingreditur; & tum ergo humiliter temetipsum, imitare hanc Centurionem, & dicito: Domine

non sum dignus, ut intres sub teclum meum &c.

III. Resiste autem illud S. Carolus monet, quod & alias in hoc nostro §. edicitur, ea formula etiam utendum esse, cum femina Communio ministratur; scilicetque observat Gavantus in Notis ad recitatam Missalis Rubricam, ritum illum apud quasdam Moniales, quae dicunt, tacente Sacerdote, dum communicant, Domine non sum dignus, duo continere errata; alterum, quod a Sacerdote non dicitur contra hanc Rubricam; alterum, quod mutantur verba a Centurione accepta, & a Rubrica non mutata, contra Bullas Pii V. & Pauli V. qui prohibent mutationem in Missali, & Rituali Romano, in quo expressè dicitur, Domine non sum dignus. Hinc corruit, quod & in Romano Missali Venetilis edito anno 1563. cui Titulus, Opus aureum de ordine celebrandi Missam, legitur: Advertat Sacerdos dum suam Communionem solis monialibus porrigit, ut dicat: Domine non sum dignus; quia nonnulli ignari dicere solent: Domine non sum dignus; quod non convenit mulieribus. Sed nec puto, adhaerendum Narbonensi Concilio anni MDXC. Capite xviii. & Rituali a S. Francisco Salecio publici juris facto anno MDCXII. quae, ut antea Lebrun in Explicatione Missae, Parte v. Article x. §. 111. verba ipsa, Domine non sum dignus, dici permittant lingua vernacula. Ceterum standum est & huic Rituali, & Missali Rubricae, ubi mandant, verba ipsa, Domine non sum dignus, a Sacerdote Communionem ministrante, non vero a Clerico ejus ministro, vel a Fidelibus, qui Communionem sunt accepturi, esse pronuntianda, nisi quarundam Ecclesiarum Ritualia, quae a Sede Apostolica approbata sunt, aliter praescriperint.

§. V.

Postea ad communicandum accedit, incipiens ab iis, qui sunt ad partem Epistolae, sed primo, si Sacerdotibus, vel aliis ex Clero data sit Communio, iis ad gradus Altaris genuflexis praebatur; vel si commodè fieri potest, intra septenarium Altaris sint a laicis distincti. Sacerdotes vero cum Stola communicent.

COMMENTARIUS.

I. Convenit hic noster §. & cum Rubrica Missalis Parte II. Tit. x. num. 6. & cum Instructionibus S. Caroli, quae edidit de Sacramento Eucharistiae, ut nempe Sacerdos, ubi ad communicandum accedit, initium faciat ab iis, qui a parte Epistolae sunt. Quod vero ait hic noster §. ut si communicandi sint Sacerdotes, alique de Clero, iis primum ad gradus Altaris genuflexis, vel intra septenarium Altaris a laicis omnino distinctis, praebenda sit Sacra Communio, antiquo concinit communis Ordini in Ecclesia servato, qui quidem is fuit, ut primum Episcopi, deinde Presbyteri, postea Diaconi communicarent. Hanc enim disciplinam spectat Canon xviii. Concilii I. Generalis Niceni, quem nos explicuimus Tomo I. Commentariorum in Concilia Oecumenica: Illud, inquit Canon, innotuit, quod quidam Diaconi ante Episcopos Oblata contingant. Haec igitur omnia resercentur, & in sua Diaconi mensura permaneant, scientes, quod Episcoporum quidem Ministri sunt, inferiores autem Presbyteris habentur. Per ordinem ergo post Presbyteros gratiam Sacra Communio-

nis accipiant, aut Episcopo, aut Presbytero porripente. Diaconi succedebant Subdiaconi, & alii inferiores Clerici, Monachi, Virgines, ac tandem laici, primam viri, deinde feminae. Scribit tamen Joannes Maschus in Prato Spirituali, Capite ultimo, consuetudinem olim in Ecclesia fuisse, ut pueri Missis ante Sacrarium assisterent, primique post Clericos communicarent sanctis Christi Dei nostri, venerandisque mysteriis.

II. Certum vero & illud est de Communionis ordine, ac loco, jam non unam fuisse omnium Ecclesiarum consuetudinem. Nam Romae, ut ex pervetustis Romanis Ordinibus constat, Summus Pontifex celebrans, in sua Sede consensus seipsum communicabat. Accedebant postea Episcopi, & Presbyteri, ut a Pontifice Communionem acciperent, Episcopi quidem stantes ad Sedem Pontificis, Presbyteri vero ad Altare genibus flexis, alique sequentes Ordines. Quibus communicatis, Pontifex descendebat in Secretorium, ubi Magnates Eucharistia donabat; & in adversam partem, ubi Matronae confitebant, eisdem Communionem praebat; ac tandem re-

ver-

verfus ad Sedem, Regionarios communicabat, ut & Nomenclatorem, Sacellarium, & Acolythum, qui Patenam, & qui manutergium tenebant, & qui aquam dabat. Porro communicabant Episcopi, & Presbyteri Romæ in Missa Pontificali, quod ipsi simul cum Pontifice celebrarent; cujus ritus licet nulla expresse fiat mentio in citatis Romanis Ordinibus, illius tamen diserte meminit Amalaricus Lib. 1. Cap. xii. his verbis: *Mos est Romana Ecclesia, ut in consensu immolationis Christi, adsint Presbyteri, & simul cum Pontifice verbis, & manu conficiant.* Ex quo intelligitur, hunc morem esse antiquum, cujus etiam mentionem facit Jacobus a Vitriaco in sua Occidentali Historia, Cap. xxxviii. *Conseverunt, inquit, Presbyteri Cardinales Summo Pontifici in Sacramento Altaris assistere, & cum eo pariter celebrare.* Communicasse tum etiam ipsos in Missa, quam cum Pontifice celebrabant, docet Innocentius Papa III. Lib. iv. *De Mysteriis Missæ*, Cap. xxv. ubi ait consuevisse Presbyteros Cardinales Romanum circumferre Pontificem, & cum eo pariter celebrare; cumque consummatum esset Sacrificium, de manu ejus communionem accipere.

III. Sed ut de aliarum Ecclesiarum disciplina dicamus, in Mediolanensi laicos extra Altare communicasse, discimus ex sacro S. Ambrosii, qui ipsum Imperatorem in Choro remanere non permittit, cui unico id licitum fuit apud Græcos, uti constat ex Canone lxi. Concilii Trulani, quem nos explicimus Tomo II. Commentariorum in Concilia Oecumenica. Consuetudinem eandem in Hispania viguisse, addiscere licet ex Canone xiiii. Concilii II. Bracarensis, quod celebratum fuit anno DLXIII. *Placuit, inquit, ut intra Sanctuarium Altaris ingredi ad communicandum non liceat laicis viris, vel mulieribus, nisi tantum Clericis, sicut & antiquis Canonibus statutum est.* In Concilio vero Toletano iv. anni DCXXXIII. Can. xviii. præceptum est, ut *Sacerdos, & Levita ante Altare communicent, in Choro Clerici, extra Chorum populus.* Hæc plane Canones innovavit S. Carolus in Concilio Provinciali iv. Mediolanensi, Parte II. Constitutionum, ubi agit de iis, quæ ad Eucharistiæ Sacramentum pertinent: *Quod & Toletano quarto, inquit, & Bracarensi primo Concilio sancitum est, id de sacra Communione ministrando religiose servetur, ut Diaconis scilicet, & Clericis ad Altare, ut in Choro illa præbeatur, populo autem loco a Choro, Altarique aliquanto remotiori.* In Africa etiam laici ad cancellos, qui Chorum a populo separabant, Communionem percipiebant, ut clare innuit S. Augustinus Sermone cccxci. novæ editionis, sic inquit: *A Communione se cōhibent, qui sciunt, quia novi peccata ipsorum, ne de cancellis proficiantur.* Neophyti tamen in gratiam sui regenerationis ad Altare accedere permittiebantur, ut discimus ex eodem Augustino in Sermone cccxiv. ubi sic eosdem Neophytos alloquitur: *Obsecro vos per nomen, quod super vos invocatum est, per illud Altare, ad quod accessistis, per Sacramenta, quæ accepistis &c.*

IV. Notat hæc Edmundus Martene Libro 1. *De antiquis Ecclesiæ ritibus.* Cap. iv. Article 3. num. iv. ubi etiam observat, solos hæc in causa Gallos aliis minus religiosis fuisse, dum omnibus tam viris, quam mulieribus Communionem ad Altare impertiebant, ut patet ex Gre-

gorio Turonensi Lib. x. *Historia Francorum*, Capite viiii. & Lib. II. *De miraculis S. Martini*, Cap. xiv. Itemque ex Cæsario Arelateni Episcopo Sermone cclxix. in Appendice S. Augustini, ex Fortunato in Vita S. Marcelli Parisiensis Episcopi, Cap. vi. & ex Concilio Turonensi II. anni DLXVII. Can. iv. ubi postquam dixit: *Ut laici secus Altare, quo Sancta Mysteria celebrantur, inter Clericos, tam ad Vigilias, quam ad Missas, stare penitus non præsumant, sed pars illa, quæ a cancellis versus Altare dividitur, Choris tantum psallentium pateat Clericorum;* ita mox subdit: *Ad orandum vero, & communicandum, laicis, & feminis, sicut mos est, pateant Sancta Sanctorum.* Ceterum, si Gallorum morem excipias, ex communi antiquo Ecclesiæ ritu soli Sacerdotes, & Clerici, intra septimum Altaris, sive ad Altaris gradus a laicis distincti communicabant. Atque hunc ritum confirmat hic noster §. ubi ait, ut primo, §. Sacerdotibus, vel aliis ex Clero danda sit Communionis, iis ad gradus Altaris genuflexis præbeatur, vel, si commode fieri potest, intra septimum Altaris sint a laicis distincti.

V. Ergo laicos non modo, sed & Clericos, ac Sacerdotes ipsos, dum ab alio communicantur, genuflexos esse debere, mandat etiam hic noster §. Vtrum hi veterem Ecclesiæ disciplinam spectemus, non utique genuflexos, ut hodie sit, sed stantes communicasse Fideles, probant Henricus Valestinus in Notis ad Eusebium Libro vii. *Historia Ecclesiastica*, Cap. ix. Isaacus Habertus ad Pontificale Grecorum pag. 270. Joannes Thierius in Gallica Dissertatione, *De Altaribus*. Teste Mabillonio in Commentario prævio ad Romanum Ordinem, Cap. viiii. quod inscriptum est, *Singularia Sacra Communionis in Missa Pontificali*, num. xiv. Episcopi quidem stantes ad Sedem Pontificis, Communionem ab ipso Pontifice accipiebant, Presbyteri vero ad Altare genu flexis. Idque probat testimonio Ordinis Romani xiv. Auctore Gajetano, Cap. lviii. ubi agitur de Communione Episcoporum, qui confecerantur, & Abbatum, qui benedicuntur. Sed notat tamen Joannes Bona Cardinalis Lib. II. *Reverum Liturgiarum*, Cap. xvii. num. xviii. quod etiam hodie in Missa solemniori Romani Pontificis Diaconus communicetur stans omnino ex veteri ritu. Sed invaluit ritus communis Ecclesiarum, ac Ritualium, præsertim hujus Romani praxi, ac statuto probatus, ut communicaturi omnes sint genibus flexis.

VI. Quod tandem in nostro §. edicatur, ut *Sacerdotes cum Stola communicent*, præscriptum jam antiquitus fuit in Concilio Bracarensi III. anni DCLXXV. Can. iv. *Sacerdos, inquit, Sacramentum Corporis, & Sanguinis Domini nostri Jesu Christi sumpturus, non aliter accedat, quam Oratio atqueque humero circumseptus, sicut & tempore ordinationis sue dignoscitur consecratus, ita ut de uno eodemque Oratio cervicem pariter & utranque humerum premens, signum in suo petiore præferat Crucis. Siquis autem aliter egerit, excommunicationi debita subiacebit.* Hunc plane Canonem innovavit S. Carolus in Concilio Provinciali v. Mediolanensi, ubi de iis agit, quæ ad Sanctissimæ Eucharistiæ Sacramentum pertinent. Statuit enim, hunc in Communionem ordinem adhibendum, ut primo Ecclesiasticis dominibus Superpellicio indutis, si vero Sacerdos quis

est,

est, Stola etiam, qua signum Crucis ad antiqui Canonis præscriptum in peiore exhibeat. Itaque præter Stolam adhibendum est non modo a cæteris Ecclesiasticis, Clericis scilicet, verum & a Sacerdotibus Superpellicem, qui tamen Stolam, dum Communionem sumpturi sunt, non quidem ante pectus in modum Crucis ducunt, ut post

Concilium Bracarense statuit S. Carolus in citato Mediolanensi v. Provinciali Concilio, sed hinc inde pendenter gestant, ut est communis Ecclesiarum omnium praxis; in quibus etiam solent Diaconi etiam cum Stola communicare, a sinistro tamen humero ad latus dextrum protensa, ac ligata.

§. VI.

Sacerdos unicuique porrigit Sacramentum, & faciens cum eo signum Crucis super Pyxidem, simul dicit: *Corpus Domini nostri Jesu Christi custodiat animam tuam in vitam æternam. Amen.*

COMMENTARIUS.

I. Eucharistiam a Communicantibus manu olim exceptam fuisse, non modo in Ecclesia Orientali, verum etiam Occidentali, eruditis omnibus notum est, idque nos perspicue ostendimus in variis nostrorum Operum locis, atque præsertim Tomo II. Conciliorum in Commentario ad Canonem c. I. Trullanum. Ad eam plane disciplinam alludit S. Ambrosius apud Theodoretum Lib. v. Historiæ Ecclesiasticæ, Capite xvii. ubi increpans Theodosium ob eandem Thessalonicam, sic inquit: *Quomodo manus extendis in ipsa cadis sanguine adhuc stillantes? quomodo huiusmodi manibus Domini Corpus accipies?* Hoc autem viros inter, & mulieres, discrimen intercedebat, quod viri nudis manibus, mulieres linteo Eucharistiam excipiebant, ut patet ex Sermone cxxxix. S. Cæsarii in Appendice novæ editionis S. Augustini: *Omnes viri, quando ad Altare accessuri sunt, lavant manus suas, & omnes mulieres nitida exhibent linteamina, ubi Corpus Christi accipiant.* Hinc Concilium Antiochenum anni DLXXXVIII. Can. xxxvi. inquit: *Non licet mulieri nuda manu Eucharistiam accipere.* Et Can. xl. *Unaqueque mulier, quando communicat, Dominicalem suam accipiat; quod si quæ non habuerit, usque in diem alium Dominicam non communicet.* Hinc recte observat Martene Lib. 1. *De antiquis Ecclesiæ ritibus*, Capite iv. Article x. num. viii. hunc ritum in Gallijs ad finem sæculi vi. minimum perseverasse, imo & longe postea usque ad sæculum viii. ex Actis S. Odilii Abbatis, quæ morti proxima, cum Colicem, in quo Dominicum Corpus, & Sanguis babeatur, sibi adferri præcepisset, propriis manibus eum accipiendo, sanctæ Communionis participata, omnibus cernentibus animam reddidit.

II. Recte quoque & illud idem Auctor notat, Sæculo tandem ix. in Concilio Rotomagensi tempore Ludovici Regis celebrato, Capite II. decretum fuisse, ut Sacerdos nulli laico, sed feminae Eucharistiam in manibus ponat, sed tantum in os ejus cum his verbis ponat: *Corpus Domini, & Sanguis propter tibi ad remissionem peccatorum, & ad vitam æternam.* Quæ verba refert Regino Lib. 1. *De Ecclesiasticis disciplinis*, Cap. cxcix. tanquam ex Concilio Turonensi. Ad vero in Ecclesia Romana, ut idem Martene observat, ante medium Sæculum vi. jam abierat in desuetudinem ritus ipse excipiendo manu Eucharistia, probatque ex Libro III. Dialogorum S. Gregorii Papæ, Cap. 111. ubi Agapitus Papa, qui anno Christi DXXXV. Summum Pontificatum ade-

ptus est, enidam muto, & claudo *Corpus Domini* in os misisse perhibetur. Atque hic est ritus, qui plurimis ab hinc Sæculis in Ecclesia Latina observatur, ut nempe Sacerdos in os Fidelium communicantium Eucharistiam immittat, ritu, ac formula in hoc nostro §. & in Rubrica Missalis præscriptis: *Sacerdos, ait noster §. unicuique porrigit Sacramentum, & faciens cum eo signum Crucis super Pyxidem, simul dicit: Corpus Domini nostri Jesu Christi custodiat animam tuam in vitam æternam. Amen.*

III. Porro quod verbum *Amen* spectat in recitata Sacerdotis communicantis formula expressum, illud notandum censui, Fideles olim cum Eucharistiam de manu Sacerdotis acciperent, folitos ipsos fuisse respondere, *Amen.* Hunc enim ritum discretis verbis tradunt S. Augustinus, & Auctor Librorum, *De Sacramentis*, Libro iv. Cap. v. quorum primus in Sermone cclxxii. novæ editionis, sic inquit: *Audis, Corpus Christi, & respondes. Amen.* Alter vero ita plane loquitur: *Ergo non otiose, cum accipis, tu dicit, Amen, jam in spiritus conficis, quod accipias Corpus Christi. Dicit tibi Sacerdos, Corpus Christi, & tu dicit, Amen, id est verum.* Hinc S. Hieronymus ad Pammachium scribens adversus errores Joannis Hierosolymitani, *Quæ conscientia, inquit, ad Eucharistiam Christi accedam, & respondebo, Amen, cum de caritate dubitem porrigitis.* Atque hinc antiquæ Ecclesiæ disciplinæ inhaerens S. Carolus, in Concilio Provinciali v. ubi agit de iis, quæ ad Sanctissimæ Eucharistiæ Sacramentum pertinent, sic inter alia statuit: *Sacerdos illum ministratorem, antequam præbeat, unicusque, cui ministrabit sigillatim illa verba pronunciet: Corpus Domini nostri Jesu Christi custodiat animam tuam in vitam æternam; & qui suscepturus est, prius respondeat, Amen. Id quod antiquissimi instituti est, nec sine mysterii significatione fieri, Sanctissimus Pater, & Ecclesia Catholica Doctor Ambrosius scribit.* Citato scilicet superius loco Librorum, *De Sacramentis*, qui S. Ambrosii nomine circumferuntur, allusit antiqui Auctoris sætus ab eruditissimis Scriptoribus censentur. Quicquid autem de ea re sit, idem confirmat S. Carolus in Instructionibus de eodem Eucharistiæ Sacramento, ubi etiam ejus ritus meminit faciendæ Crucis cum Particula a Sacerdote super Pyxidem, dum recitatum formulam dicit: *Singulis Sacramentum præbens, signum Crucis super Pyxidem ante faciem communicaturi faciens dicit: Corpus Domini nostri*

Iesu Christi custodiat animam tuam. *Qui acceptus est, respondet, Amen. Videat vero Paucibus, ut, antequam Sacramentum præbeat, suis spatii relinquat ad dicendum, Amen. Cæterum licet ad exemplum S. Caroli introductus in aliis Ecclesiis fuerit hic ritus, ut notat Lebrun in Explicatione Missæ, Tomo xv. editionis Veronensis pag. 331. standum est nostro huic §. & Rubricæ Missalis, ex quorum præscripto verbum Amen in fine recitatur formulæ a Sacerdote, qui Eucharistiam præbet, non vero ab eo, qui illam accipit, dicitur.*

IV. Sed ut alios præcipuos antiquos Sacre Communionis ritus recensueamus, notandum hic plane & illud, quod inter alios observat Joannes Cardinalis Bona, Lib. II. *Rerum Liturgicarum*, Cap. xvi. num. 1. semper, & ubique ab Ecclesiæ primordiis usque ad Sæculum xii. sub specie panis, & vini communicasse Fideles; cœpisse paulatim ejus Sæculi initio usum Calicis obsolescere, plerisque Episcopis cum populo interdicentibus, ubi periculum irreverentiæ, & effusionis, quod inevitabile erat, aucta Fidelium multitudine, in qua deesse non poterant minus cauti, & attenti, ac parum religiosi. In Ordine Cisterciensi statutum olim fuit, ne ulla persona Ordinis, exceptis Ministris Altaris sacris vestibus indutus, ad sacrum Calicem pro percipiendæ Sanguine accedere præsumeret, propter periculum, & scandalum evitandum. Ob eandem causam, Rodulfus Abbas S. Trudonis, qui vivebat anno Christi MCX. removeri a laicis Calicem suadet his verbis.

Hic, & ibi cautela fiat, ne Presbyter agris, Ant fuit tributis laicis de Sanguine Christi, Nam fandi posset leviter, simplexque putaret, Quod non sub specie sit totus Jhesus atque.

Sic paulatim introducta est Communio sub sola specie panis, posteaquam intolerandi abusus religiosos Antistites ad abrogandum communem Calicis usum induxerunt. Moribus enim immutatis, Leges quoque mutandæ sunt, quæ aliquando utiles, atque optimæ fuerunt. Hæc autem mutatio facta primum a diversis Episcopis in suis Ecclesiis, deinde a Synodo Constantiensis Canonica Sæctione pro omnibus stabilita, & novissime confirmata a Tridentino generali Concilio variis locis, ac præsertim Sessione xx. Cap. 1. & Can. I. II. & III.

V. Ne autem antiqui ritus notitia prætereatur, teste Martene Libro 1. *De antiquis Ecclesiæ ritibus*, Cap. iv. Article x. num. xii. participandi olim sacro Calici triplex extitit ratio. Vel enim pretiosum Sanguinem cum calamo fugebant, vel Calicem ipsum ori admovebant, vel denique Corpus Dominicum Sanguine intinctum porrigebant. Vigiisse tertiam hunc communicandi modum in Ecclesia Latina, & quidem Sæculo xv. docent Ivo Carnotensis Parte II. Capite xi. & lxxxv. & Gratianus in Canone, *Cum omne crimen*. De consecratione, Distinctione II. asserentes Decretum Julii I. Papæ vetastis Communionem intinctam, quod iisdem verbis extat in Concilio Bracerensi 111. anni DCXXV. Can. 1. ubi cum inter abusus, qui irrepererunt, & hunc enumerasset, quod quidam intinctam Eucharistiam populis pro complemento Communionis porrigerent, id vetat deinceps fieri, quia hoc non recipit prolatum ex Evangelio testimonium, ubi seorsum Panis, seorsum Calicis commenda-

tio commemoratur. Micrologus item Capite xix. *Non est, inquit, authenticum, quod quidem Corpus Domini intingunt, & intinctum pro complemento Communionis populo distribuunt; nam Ordo Romanus contradiçit. Exceptus est casus necessitatis, & cautela, in Canone Concilii Claramontani sub Urbano Papa II. quem refert Baronius Tomo xi. ex schedis Antonii Augustini. Ubi quod ait, nisi per necessitatem, & cautela, respexisse videtur ad infirmos, & infantes, qui intincto Pane communicare permittebantur. At vero Paschalis II. etiam casum necessitatis excludit in Epistola xxxii. ad Pontium Abbatem Cluniacensem, præcipiens, ut parvuli, & infirmi, qui Pantem absorbere non possunt, in solo Sanguine communicent, hoc decentius exillam, quam intinctam Communionem permittere.*

VI. Alicubi tamen invaluit usus infirmos eo modo superius memorato communicandi ex Decreto eujusdam Concilii Turonensis, apud Ivonem Lib. II. Cap. xix. & apud Burcardum Lib. v. Cap. ix. ubi ita legitur: *Ut omnis Presbyter habeat Pyxidem, aut vas tanto Sacramento dignum, ubi Corpus Dominicum diligenter recondatur ad Viaticum recedentibus a sæculo. Quia tantum Sacra Oblatio intincta debet esse in Sanguine Christi, ut veraciter Presbyter possit dicere infirmo: Corpus & Sanguis Domini nostri Jhesu Christi proficiat tibi in remissionem peccatorum, & vitam æternam.* Ita plane Concilium, cujus tamen ratio, quanti ponderis sit, norant Theologi; neque enim Corpus Christi est sine Sanguine. Communem fuisse Sæculo xii. hunc usum omnium fere Ecclesiarum, constat ex Epistola Erouli Rossensis Episcopi ad Lambertum, Tomo II. Spicilegii Dacheriani extante, in qua respondet ad hanc Lamberti Questionem 1. *Cor hodierna Ecclesiæ consuetudo alio, & pene contrario ritu censet porrigi Corpus Dominicum, quam a Domino in Cæna Discipulis suis fuerit distributum. Id enim quotidianæ Ecclesiæ præsentis usus, ut tribuatur Hostia Sanguine intincta, cum a Domino prius Corpus, deinde Sanguis porreclis fuisse memoretur &c. Quem ritum nova consuetudine introductum Ernulfus multis tuetur, & propagnat, argumento ex effusionis periculo deducto, quod tandem sic concludit: Ne ergo polluas Sanguinem nostræ redemptionis, ne tanquam impietatis manibus effundamus poculum humane salutis, a religiosis Viris provide actum est, ut Dominici portinacula Corporis, non siccæ, sicut Dominum egisse novimus, porrigatur, sed Domini infusa Sanguine Fidelibus tribuatur. Quo pacto evenit, ut secundum Salvatoris præceptum, ejus Carnem edat, Sanguinem bibat, periculum evadat, quem in tanta re offendere oppido formidat. Ejusdem videtur extitisse sententiæ Guillelmus de Campellis Episcopus Catalaunensis, cujus fragmentum refert Mabillonius in Præfatione ad Sæculum 111. Benedictionis, ubi hæc habet, quod Panis intinctus prohibitus est accipi, ex frivola causa fuit, scilicet pro buccella intincta, quam Dominus Jhesu ad distinctionem porrexit. Qui rationi etiam facit satis Ernulfus.*

VII. His, aliisque omisiss antiquum Sacre Communionis ritus spectantibus, quos variis nostrorum Operum locis retulimus, explicuimusque, præteriri non debet hic ritus purificationis post Communionem, de quo alias Inpra in Commen-

tario

tario ad §. 1. diximus, quemque inter alios Sanctus Carolus in Instructionibus de Eucharistiae Sacramento ita peragendum praescripfit: *Domine Sacramentum praebeat, adstet Minister Sacerpellece indutus, qui vasculum purificationis manu dextera tenens, sinistra mappulam ad abstergendum os, Parochum, seu Sacerdotem Communionem administrantem, interjecto spatio sequitur, & ministrat vasculum ad purificandum, & mappam ad abstergendum; quod vasculum ita pote-*

rit etiam feminis ministrare, ut cum prima porrexerit, ipsa reliquis det, & omnes inter se tradant. Sed nec omittendum, quod etiam mox subiicit: Si praebeo Sacramentum, digitos ex ore communicantium madesceat, purificatorium sibi in pelvisula decenter offerri jubeat, quo eos abstergat, vel ipse ad Altare reveratur, & id faciat. Atque haec sunt, quae notanda censuimus ad nostri §. explicationem, omisissis aliis, de quibus opportuniori loco dicemus.

§. VII.

Ubi vero omnes communicaverint, Sacerdos reversus ad Altare, dicere poterit: *O Sacrum Convivium, in quo Christus sumitur, recolitur memoria passionis ejus, mens impletur gratia, & futura gloriae nobis pignus datur. V. Panem de Celo prestitisti eis. Minister respondet: Omne delectamentum in se habentem. Tempore Paschali additur, Alleluja. Mox Sacerdos dicit: V. Domine exaudi orationem meam. R. Et clamor ad te veniat. V. Dominus vobiscum. R. Et cum spiritu tuo.*

Oremus.

Deus, qui nobis sub Sacramento mirabili, passionis tuae memoriam reliquisti: tribus quesumus, ita nos Corporis, & Sanguinis tui sacra mysteria venerari, ut redemptionis tuae fructum in nobis jugiter sentiamus. Qui visis, & regnas cum Deo Patre &c.

Tempore Paschali dicitur Oratio.

Spiritum nobis Domine tuae charitatis infunde; ut quos Sacramentis Paschalibus satias, tua facias pietate concordet. Per Christum Dominum nostrum. R. Amen.

COMMENTARIUS.

I. **D** Ecet quammaxime, neque enim id nos §. praecipit, ut absoluta Communionem, Sacerdos reversus ad Altare, antequam in Tabernaculo sacram Pyxidem ponat, dicat Antiphonam, *O Sacrum Convivium &c.* una cum Versiculo, *Panem de Celo &c.* & Oratione, *Deus qui nobis sub Sacramento mirabili &c.* desumptam ex Officio, quod Doctor Angelicus S. Thomas Aquinas concinnavit pro Festo Sacratissimi Corporis Christi, quod Urbanus Papa IV. instituit. Recte autem illud noster idem §. subdit, ut tempore Paschali ad ipsam Antiphonam, & Versiculum addatur, *Alleluja*, & loco Orationis, *Deus, qui nobis sub Sacramento mirabili &c.* dicatur Oratio, *Spiritum nobis Domine &c.* quae est Postcommunio Missae Domini-cae Resurrectionis, quod magis Communioni, quae Paschali tempore peragitur, conveniat. Porro juxta S. Caroli praescriptum in Instructionibus de Sacramento Eucharistiae, Parochus, seu Sacerdos, postquam omnibus Sacramentum praebeverit, digitis pollice, & indice, quibus ministravit, super Pyxidem simul junctis, ad Altare reveritur. Ibi deposita Pyxide supra Corporale, eaque contecta, tam solita genuflectione, statim digitis, quibus Sacramentum tetigit, a parte Epistolae, vino, & aqua abluit in vase non consecrato, quod praebeverit illi, qui communicavit, tum purificatorio abstergit, & rursus solita genuflectione, Pyxidem reverenter reponit, & dicit, *V. Dominus vobiscum. R. Et cum spiritu tuo. Oratio. Domine Sancte, Pater Omnipotens, aeternae Deus, te humiliter deprecamur, ut scilicet fratribus, & sororibus nostris Sacrosanctam Eucharistiam Corporis, & Sanguinis Domini nostri Jesu Christi Filii tui, & animae, & corporis sit salus. Per eundem Dominum nostrum &c.*

Tom. I.

II. Haec est Oratio, quam praescribit S. Carolus dicendam a Sacerdote, postquam abloito digitos, tetigitque, sc Pyxidem in Tabernaculo repositum. Cum alias ex praescripto nostri §. ea ablutio, ac tertio, & Pyxidem in Tabernaculo repositio peragenda sit post recitationem Antiphonam, *O Sacrum Convivium &c.* cum Versiculo, *Panem de Celo &c.* & Oratione, *Deus qui nobis sub Sacramento mirabili &c.* Ceterum opportune & idem S. Carolus monet, Orationem ipsam, *Domine Sancte, Pater &c.* superius recitatam, ita dicendam, ut illud nomen *fratribus* omittatur, quando feminis solum Communioni ministratur, at vero contra, cum ministratur maribus tantum, omittatur verbum illud *sororibus*; itidemque singulari numero dicatur, *fratri nostro*, si mari tantum, & praeterea, *forori nostro*, si feminis solum ministrabitur. Ipsa Oratione finita, ex ejusdem S. Caroli praescripto sequitur, *V. Dominus vobiscum. R. Et cum spiritu tuo. Kyrie eleison, Christe eleison, Kyrie eleison. V. Benedicat, & exaudiat nos Deus. Et dum dicit, signum sibi Crucis adhibet. R. Amen. V. Procedamus cum pace. R. In nomine Christi. V. Benedicamus Domino. R. Deo gratias. V. Pax, & benedictio Dei omnipotentis, Patris &c., & Filii, & Spiritus Sancti descendat super vos, & maneat semper. R. Amen. Et ita dicendo signo Crucis populo benedicit.*

III. Haec plane sunt, quae in citatis Instructionibus de Eucharistiae Sacramento, in ordine ministrandi sacram Communionem servanda Sanctus Carolus statuit pro sua Ecclesia Mediolanensi, quae ex antiquo instituto in multis functionibus Ecclesiasticis peculiari ritu Summorum Catholicae Ecclesiae Praefatum probato utitur. Communitur autem servandi sunt Ritus in hoc nostro Rituali Romano praescripti, & probati.

Li 2

§. VIII.

§. VIII.

Antequam reponat Sacramentum, diligenter advertat, ut si aliquod fragmentum digitis adhæserit, illud in Pyxidem deponat, & eisdem digitos, quibus tetigit Sacramentum abluat, & abstergat purificatorio, abluionem vero sumat, si celebraverit, aut iis, qui tunc communicarunt, fumendam tradat, aut saltem in Sacrarium injiciat. Postea genuflectens reponit Sacramentum in Tabernaculo, & clave obferat.

COMMENTARIUS.

I. **Q**Uum dari casus facile possit, ut aliquod sacre Eucharistie fragmentum in longa Particularum tractatione, digitis Sacerdotis adhæreat, & in quolibet, vel minimo fragmento consecrato sit Corpus, & Sanguis Christi Domini, ut communiter docent, & habetur in Sequentia Missæ Festi Corporis Christi illis verbis, *Fracto demum Sacramento, ne vasillis, sed memento, tantum esse sub fragmento, quantum toto tegitur*, jam merito & hic noster §. & Rubricæ Missalis mandant, ut fragmentum ipsum in Pyxidem deponat, & eisdem digitos, quibus tetigit Sacramentum, abluat, & abstergat purificatorio. Ad abluionem quod attinet, mandat quidem hic noster §. ut eam Sacerdos sumat, si celebraverit, aut iis, qui tunc communicarunt, fumendam tradat, aut saltem in Sacrarium injiciat. Præbendam ipsam abluionem iis, qui communicarunt, statuit quidem S. Carolus, cujus locum in superiori Commentario attulimus, sed non puto, facile inveniri, qui naturali nausea abrepti, velint eam digitorum Sacerdotis abluionem bibere; hinc enim forte est, quod noster §. abluionem ipsam, ubi nec a Sacerdote, neque a communicatis fumitur, in Sacrarium injiciendam dicit. Atque hic est hodie communis Ecclesiarum usus, in quibus ad Altare, ubi extat Tabernaculum cum Sanctissimo Sacramento, poni solet vasculum cum aqua & purificatorio ad abluendos abstergendosque Sacerdotis digitos post Communionem, quæ sit extra Missam. Ceterum projectam quoque in Sacrarium fuisse olim eam digitorum abluionem, quam Sacerdos faciebat in Missa, censet doctissimus Bona Cardinalis Lib. II. Rerum Liturgicarum, Cap. xx. num. 1. *Nam in antiquis Ecclesiis*

*præsertim Monachorum singula Altaria a porte Epistola habent piscinam in hunc usum paratam. Idem asserit eruditissimus Lebrun in Explicatione Missæ Tomo 1. Parte v. Articulo ix. §. 111. Quod hodie Sacrarium dicimus, dicebatur olim Piscina, locus nempe, in quo manus Sacerdotes lavabant, & ubi abluiones Sacerdotis, Corporalium, aliarumque id genus linteamentum injiciebantur, uti videre est in Libro Usuum Ordinis Cisterciensis, Cap. xxi. & lvi. In statuta Synodaliibus Odonis Episcopi Parisiensis, Capite ultimo, num. 24. & 28. In Concilio Salmurienensi anni MCCLIII. in Synodo Bajocensi anni MCCC. Cap. xxi. & xxii. apud Durandum Libro 1. Rationalis Divinorum Officiorum, Capite 1. num. 39. & in Summa S. Raymundi Ordinis Prædicatorum, ubi de lotione Calicis sic ait: *Hæc in piscinam volo projiciat, vel in ignem.**

II. Quod tandem in nostro §. edicitur, ut Sacerdos reposito Sacramento in Tabernaculo, illud clave obferet, jam id a multis olim Conciliis statutum fuit, præsertim vero a Generali iv. Concilio Lateranensi, Cap. xx. quod nos late explicuimus Tomo nostro 111. Commentario in Concilia Oecumenica, & aliis etiam nostrorum Operum locis, ubi nobis de ipsa Eucharistie custodia differendi se se dedit occasio. Sane, quam ex Conciliorum, ac præsertim laudati Lateranensis præscripto, obferendum sit Tabernaculum clave, ac possit temeraria manus ad Eucharistiam extendi, ad aliquam horribiliam, vel nefariam exercendam, jam non debet clavis ad porticulam Tabernaculi, vel ad Altare relinqui, sed asportari debet in Sacristiam, ibique loco tuto assevari, ut in variis Ritualibus, ac Synodis recte statutum fuit.

§. IX.

Deinde extensa manu dextera benedicit iis, qui communicarunt, dicens: *Benedictio Dei Omnipotentis, Patris, & Filii, & Spiritus Sancti descendat super vos, & maneat semper. R. Amen.*

COMMENTARIUS.

I. **D**ANDam populo benedictionem a Sacerdote, post administratam eidem Communionem, & repositam in Tabernaculo Pyxidem, statuit etiam S. Carolus, & quidam sub ea verborum formula, quam præscribit hic noster §. uti videre est in Commentario ad §. vii. ubi integrum S. Caroli locum descripsimus. Porro data benedictione, uti inter alios docet Bauldryus in Manuali Sacrarum Cæremoniarum, Parte 111. Tit. xiiii. Cap. vii.

mox Minister surgens extinguit cereos. Sacerdos autem plicat Corporale, & reponit in bursa, quam collocat in cornu Evangelii, nisi forte ob frequentiam communicandorum relinquendam sit Corporale in medio Altaris extendum; descendit in planum, ubi genuflectit, sicut Minister, qui surgens biretum Sacerdoti porrigit cum quasi osculo illius, & ambo revertuntur in Sacristiam; atque hæc est praxis, quæ communiter in omnibus Ecclesiis servatur.

§. X.

Communio autem populi intra Missam statim post Communionem Celebrantis fieri debet (nisi quandoque ex rationabili causa post Missam sit facienda) cum Orationes, quæ in Missa post Communionem dicuntur, non solum ad Sacerdotem, sed etiam ad alios communicantes spectent.

C O M M E N T A R I U S.

I. **A**ldubitari nequit, quin olim Communio populi intra Missam post Communionem Sacerdotis celebrantis fieri dehuerit, nullusque Sacris Mysteriis interesse permitteretur, nisi qui offerre poterat, atque de Oblatia participare, ut veterum sacrorum rituum peritissimus Joannes Bona Cardinalis notavit Libro II. *Rerum Liturgicarum*, Cap. xvii. num. II. Immo alicubi adeo invaluerat mos communicandi, quousque quia aderat Missæ, ut aliqui existimarent, eam, qui pluribus eadem die Missis interesset, debere in singulis communicare. Hinc Walfridus Strabon Auctor Seculi ix. in Libro, *De rebus Ecclesiasticis*, prope finem Capitis xxi. eam sibi questionem præponit, & resolvit hisce verbis: *Quia de communione varietate quædam præmissum, hoc addendum videtur, quousque quousque, qui semel in die communicant, etiam si pluribus interfuerint Missis, pro dignitate Sacramentorum, sufficere credat; esse vero alios, qui sicut in una, sic in omnibus, quibus assint, Missis, in die communicare velint. Quorum neutros excludendos existimus, quia sicut Augustinus ait de his, qui quotidie communicant, & illis, qui rarias, istos reverentia sanctorum retrahit rerum, istos vero amor saluberrime invitatur Sacramentorum. Nam & ipse Sacerdos, quoties in die Missas facit, communicare non omittit. Quod si non facit, Communio est feriendus judicio.*

II. Testis est autem idem Walfridus citato Libro, Cap. xxi. idque fidelium relatione virorum se accepisse ait, *Leonem Papam*, nempe III. ejus nomina, *sicut ipse satebatur, una die vii. vel ix. Missarum solennia celebrasse; Bonifacium vero Archiepiscopum, & Martyrem semel tantum per diem Missas fecisse*. Plura de eo ritu videri possunt apud Martene Lib. I. *De antiquis Ecclesiæ ritibus*, Cap. 111. Articulo 111. num. 16. ubi etiam notat, Alexandrum Papam II. qui Pontificatum adeptus est anno Mlxi. decrevisse postea, ne plures, quam una in die Missæ ab uno Sacerdote celebraretur. Extat ejus Decretum, apud Gratianum in Canone, *Sufficit*, De consecratione, Distinctione 1. *Sufficit*, inquit, *Sacerdoti unam Missam in die una celebrare, quia Christus semel passus est, & totum Mundum redemit. Non modica res est unam Missam facere, & valde felix est, qui unam digne celebrare potest*. Addit nihilominus idem Alexander: *Quidam tamen per defunctis unam faciunt, & alteram de die, si necesse fuerit*. Quibus verbis morem celebrandi unam Missam de die, alteram per defunctis, refert quidem, sed non abrogat, si tamen necesse fuerit. Sed hic etiam mos jam pridem abrogatus est. Innocentius enim Papa III. in Capitu, *Consuevisti* 111. *De celebratione Missarum*, discrete respondet, *quod excepto die Nativitatis Dominice, nisi tanta necessitas invidetur, sufficit Sacerdoti semel in die unam Missam so-*

lennam celebrare. Consensit Honorius III. ibidem, Cap. *Te referente* xii. viderique plura & in hanc rem possunt apud Thomassinum Parte 111. veteris, & novæ Ecclesiæ Disciplinæ, Libro 1. Capite lvi.

III. Omisso itaque hoc ritu, ut illum paulo fufius enarremus communicandi in Missa, teste Anonymo Turonensi in ms. Speculo apud Martene in citato superius Opere, Lib. 1. Capite 14. Articulu x. num. II. illud certum est, *olim in primitiva Ecclesiâ singulis diebus, qui Canoni Missæ intererant, soliti fuisse communicare*. Id plane eruitur ex Canone x. vulgo Apostolorum, & ex variis antiquis Synodiis, inter quas Antiochena sub Julio Papa anno CCCXII. habita, Canone II. statuit, *omnes, qui in Ecclesiâ ingrediantur, & Sacris Scripturis audiunt, orationi autem cum populo non communicant, vel sanctam Eucharistiæ participationem, propter aliquam insolentiam, auferantur, eos ab Ecclesiâ expelli*. Quicquid autem de hac severiori disciplina sit, ritum certe communicandi in Missa probavit quidem Synodus Tridentina Sessioe xxii. *De Sacrificio Missæ*, Capite vi. ubi ita inquit: *Optaret quidem Sacrosancta Synodus, ut in singulis Missis Fideles adstantes non solum spirituali affectu, sed sacramentali etiam Eucharistiæ perceptione communicarent, quo ad eos sanctissimi hujus Sacrificii fructus uberius procederet*. Probarunt & ipsum ritum variis Episcopis in suis Synodis, ac Ritualibus, præsertim vero S. Carolus in Provinciali v. Mediolanensi Concilio, ubi de iis, quæ ad Sanctissimæ Eucharistiæ Sacramentum pertinent, sic plane habet: *Hoc institutum, quod antiquissimi ritus est, Sacerdos religiose servet, ut intra Missarum solennia, postquam scilicet Sanguinem ipse sumpserit, Fidelibus Sacram Communionem sumpturis ministret*. Idem repetit in Instructionibus, *De Sacramento Sanctissimæ Eucharistiæ*, ubi de ejus ministratioe agit, & in Admonitionibus vulgari lingua. edita ad Parochos de administratione Sanctissimæ Eucharistiæ, quæ leguntur Parte 14. Actorum Ecclesiæ Mediolanensis, pag. 723. col. 2.

IV. Porro conveniens esse communicare in Missa, quam extra Missam, recte docet hic noster §. ob eam rationem, *eum Orationes, quæ in Missa post Communionem dicuntur, non solum ad Sacerdotem, sed etiam ad alios communicantes spectant*. Atque hæc est ratio, quæ olim notavit per Communionem in Missa Walfridus Strabo in Libro, *De rebus Ecclesiasticis*, Cap. xxv. *Est autem, inquit, legitimum tempus communicandi ante ultimam Orationem, quæ dicitur ad complendum, quia ejus petitio maxime pro eis est, qui communicant*. Id quod etiam confirmat Micrologus Auctor Seculi xi. Capite xix. ubi ait, quod qui vult benedictionibus frui, quæ Sacerdos in postremis Orationibus Missæ poscit, debet

bet ante illas communicare: Ergo ante ipsas communicare non negligant quicumque carnudum. Orationem benedictionis fervori desiderant. Ceterum in istis Orationibus comprehenduntur, tam secreta, quam alta voce pronuntiate. Inter secretas Orationes habetur, *Quod ore sumptimus Domine &c.* quæ cunctis communicantibus favent, ac profunt, & aliæ nonnullæ. Alta vero voce plurimæ, & fere omnes, quæ post Communionem legantur, ad Sacerdotis neque, ac Fidei Communionem alludent.

V. At vero minime dissimulandum, quod noster §. Communionem in Missa probans, atque præscribens, in parenthesi inquit: *Nisi quandoque ex rationabili causa post Missam sit facienda.* Id quod etiam ex S. Carolo confirmari potest, qui variis locis Actorum Ecclesiæ Mediolanensis, præsertim vero in citato superius Provinciali v. Concilio Mediolanensi, postquam edixit, hoc institutum, quod antiquissimus ritus est, a Sacerdote religiose esse observandum, ut intra Missarum solemnia, postquam scilicet Sanguinem ipse sumperit, fidelibus sacram Communionem sumpturus ministrat; ita statim subjicit: *Nec vero tamen illam ministrare octitum sit, si quando occasio tulerit, ut quis alio tempore, quam in Missa sumpturus sit. Quamvis sit ista occasio, seu, ut inquit noster §. rationabilis causa faciendæ Communionis post Missam, sive extra illam, docet nos antiquum ms. Missale Dominicæ anni MCCLIV. apud Lebrun in Explicatione Missæ, Parte v. Article x. §. 1. Si adeest magna multitudo expectans finem Missæ, poterit differri Communionis usque post Missam, nisi in die Cænæ, si evisum fuerit Priori.* Idem docet Gavantus in Rabricis Missalis Parte II. Tit. x. num. 6. Regulariter hoc loco faciendæ est Communionis, post Communionem scilicet Sacerdotis; sed hodie, quia plurimi expectant finem Missæ, & eos tædet expectare alios, ut communicet, præsertim si multi sint communicandi, differri solet Communionis usque ad peractam Missam. Sed addit mox: *Tolerandum videtur, si multi communicent, non tamen, si pauci, & ii fortasse privantur fructu Orationum earum, quæ post Communionem dicuntur, ut notat Micrologus Cap. xix.* ejusque locum jam nos supra descripsimus. Atque hæc quidem spectant Communionem, quæ ex rationabili causa post Missam fit, in Altari scilicet, ubi extat Tabernaculum cum sacris Particulis in eo asservatis, nam alias in cæteris Altaribus, in quibus hujusmodi Tabernaculum non extat, nullo modo fieri debet, ut potest, Communionis post Missam. Sane, ubi peracto Missæ Sacrificio in Altari nempe, in quo extat prædictum Tabernaculum, statim Sacerdos Communionem ministraturus est, licet in memorato Provinciali Concilio Mediolanensi Sanctus Carolus statuerit, ut vestibus Sacerdotalibus, quibus in Missa usus est, indutus ministrat, *Casula tantum deposita, & Manipulo item;* servandum nihilominus poto communem Ecclesiarum præsertim Urbis praxim, in quibus Communionis, quæ fit a Sacerdote statim post Missam, fit quidem cum omnibus illis vestibus, quibus Missam celebravit, & eum benedictione,

de qua supra diximus in Commentario ad §. 11.

VI. Præter explicatam superius causam, ut possit quandoque a Sacerdote omitti Fidelium Communionis in Missa, & differri post Missam, si nempe pluribus, qui non sunt communicaturi, Missamque audientibus mora proluxa Communionis non leve incommodum afferat, sunt & aliæ legitimæ causæ, ob quas neque in Missa, neque post Missam fieri possit, debeat a Sacerdote Communionis, velati si aliquo morbo labore, ut stare diutius ad Altare nequeat, vel scrupulis angatur, aut vultus mulierum ferre non valeat, sive necessitate adigatur, ad discedendum citius ab Altari. His adde & alia incommoda, quæ vel egomet expertus sum. Sæpe enim ac sæpius multas Particulas consecravi pro fidelium Communione, quas ego postea sumere debui, quod illi, qui ex ipsis communicaturi erant, videntes in alio Altari fieri Communionem, me relictum, ut citius se expedirent, ad illud accesserint, ibique communicarint. Contigit quoque & mihi compluries, ut Particulas, quas pro certo fidelium numero consecraveram, aliis deinde accedentibus, istis ministrare deberim, quod primo loco in ordine communionis genus flexus inveniri, primis omnino a Communione exclusis; neque enim ritum illum probo frangendi particulas, & cum earum fragmentis communicare, ut satis Communioni omnium fiat. Quod quidem eodem ferme tempore Sacerdotibus in variis oppositisque Altaribus celebrantibus, & Eucharistiam ministrantibus, quo se vertat papales necessest ad exhibendam reverentiam Sacramento, cogiturque uni Altari, ubi Eucharistia ministratur, terga vertere, ut alteri opposito, ubi itidem ea distribuitur, reverentiam præstet?

VII. Ob hæc, aliæque evitanda incommoda, jam in multis Ecclesiis ritus invaluit, ut Communionis ut plurimum extra Missam fiat in Altari, ubi extat Tabernaculum cum sacra Pyxide, a Sacerdote Suppellectico, ac Stola induto, juxta ritum in superioribus Commentariis explicatum. Sed corrigendam hac velim quorundam fidelium importunitatem, qui statim ac confessi sunt, Communionem volunt, nullum Sacerdoti dantes tempus, ut ab una Communione, quam paulo ante prægerat, tantisper quiescat, alioquin expectet Communioni proximos, ne centies ire ac redire ad Altare cogatur, ut ual alterique Communionem ministrat. Atque hanc importunitatem, insolentiamque notavi ut plurimum in mulierculis, quæ devotionem affectant, totoque fere mane, domus, ac filiarum cura omnino relicta, in Ecclesiis manent, Rosariis recitandis, ac vicinorum sacris referendis. Sed, ut huic Commentario finem imponam, unum illud hætenus distis addiderim, Sacerdotes nempe Missam celebrantes, non teneri Sacram Eucharistiam omnibus petentibus infra actionem ministrare, declaratum fuisse a BENEDICTO Papa XIV. peculiari sua Constitutione, quæ incipit, *Certiores effecti*, data die 14. Octobris, anno MDCCXLII. Pontificatus 111. legiturque in ejusdem Pontificis Bullario Tomo 1. pag. 212. & seq. in qua curiosus lector multæ etiam scita digna inveniet.

§. XI.

Itaque Sacerdos, sumpto sacratissimo Sanguine, antequam se purificet, ponat Particulas consecratas in Pyxide, vel, si pauci sint communicandi, super Patenam, nisi in prin-

principio posite fuerint in Pyxide, & genuflectit, Ministro interim faciente Confessionem, ut supra. Postea vertens se ad populum, in cornu Evangelii dicit: *Miserere vestri &c.* & eo, quo supra dictum est, modo, porrigit communicandis Eucharistiam, incipiens a Ministris Altaris, si velint communicare. Finita Communionem, revertitur ad Altare, nihil dicens, & non dat eis benedictionem, quia illam dabit in fine Missæ. Deinde dicit secreto: *Quod ore sumpsimus &c.* ut in Missali, se purificet, & Missam absolvit. Quod si contingat, absoluta Missa, statim aliquos interdum communicare, tunc Sacerdos, adhuc Planeta indutus, sacram Communionem eo modo, quo supra dictum est, ministrabit.

COMMENTARIUS.

I. **P**ergit hic noster §. ritum Communionis exponere, quæ sit in Missa, five post Missam; sed notandum hic primum censet, quod inquit Possivinus, *De officio Curati*, Cap. viii. num. 4. & 5. quod nempe si prudenter prævideat Sacerdos, plures esse communicandos, Pyxidem in Altari positam habere debet cum Particulis consecrandis, si paucos, potest Particulas super Patenam ponere, & cum Patena communicare. Id etiam asserit Corsettus a Barusaldo allegatus in Commentario ad hunc §. ubi etiam admonet, non tutissimum consilium esse Pyxidem multum replere Particulis, propter periculum, ne in eis trahendis labatur, reprobatque sacram præbere Communionem cum Particulis positis super Patenam, quia potest dari, ut eas adeo vicinas exhibeat communicando, ut is sola respiratione eas a Patena decipere possit; quinimo dantur nonnulli communicandi adeo devoti, sed imprudentes, qui dum eis præbetur Communio, fortiter aspirando, e manibus Sacerdotis, vel e Pyxide, seu Patena illam ejiciant.

II. His notatis, quod nostrum §. spectat, concinit hic quidem Rubricæ Missalis, Parte II. Tit. x. num. 6. quæ sic habet: *Signi sunt communicandi in Missa, Sacerdos post sumpcionem Sanguinis, antequam se pariet, facit genuflectionem, ponat Particulas consecratas in Pyxide, vel si pauci sint communicandi, super Patenam, nisi a principio posita fuerint in Pyxide, seu alio Calice. Interim Minister ante eos extendit linteam, seu velum album, & pro eis facit Confessionem, dicens: Confiteor Deo &c. Tum Sacerdos iterum genuflectit, & in quibus junctis vertens se ad populum in cornu Evangelii, dicit: Misereatur vestri, & Indulgentiam, absolutionem, & remissionem peccatorum vestrorum &c. & manu dextera facit signum Crucis super eos. Postea genuflectens, accipit manū sinistra Pyxidem, seu Patenam cum Sacramento, dextera vero sumit unam Particulam, quam inter pollicem & indicem tenet aliquantulum elevatam super Pyxidem, seu Patenam, & conversus ad communicandos, in medio Altaris dicit: Ecce Agnus Dei &c. Deinde dicit: Domine non sum dignus &c. Quibus verbis tercio repetitis, accedit ad eorum dexteram, hoc est ad latus Epistolæ, & veniens porripit Sacramentum, faciens eam eo signum Crucis super Pyxidem, vel Patenam, simul dicens: Corpus Domini nostri Jesu Christi custodiat animam tuam in vitam æternam, Amen. Omnibus communicatis revertitur ad Altare, nihil dicens, & non dat eis benedictionem, quia illam daturus est in fine Missæ. Si Particula erant super Corporale, extergit illud cum Patena; & si qua in eo fuerint fragmenta, in Calicem immittit. Deinde dicit secreto:*

Quod ore sumpsimus Domine &c. & se pariet. Hactenus Rubrica Romani Missalis, quæ quidem in variis Paragraphis a nobis jam explicatis continetur, & consequenter etiam late enarrata.

III. Porro notatu dignum est, quod in recitata Missali Rubrica, & in hoc præsentis §. edicitur, ut finita scilicet Fidelium Communionem in Missa, Sacerdos non det eis benedictionem, quia illam dabit in fine Missæ. Quæri enim hoc loco potest, an in Missa defunctorum, in qua non datur populo benedictio, ea sit danda communicatis? Et sane dandum non esse, neque post Communionem, neque in fine Missæ, recte docet in citata Rubricæ Missalis Gavantus, qui etiam Alhispinæm citans ait, non esse Eucharistiam distribuendam in hujusmodi Missis, eodem ferme modo, quo antiquitas jejuniorum tempore Eucharistia minime dispensabatur. Cæterum licet hodie in defunctorum Missis fieri Communio Fidelium soleat, sciendum est tamen illud, peragendam ipsam Communionem cum Particulis, quas Sacerdos in Missis ipsius defunctorum consecrat, non vero ex illis, quæ in Tabernaculo aservantur, ut novissime decidit Sacra Rituum Congregatio, & iccirco rejicienda omnino est illorum Auctorum opinio, qui aliter aliquando docuerunt.

IV. Quod tandem dicit hic noster §. ut si contingat, absoluta Missa, statim aliquos interdum communicare, tunc Sacerdos adhuc Planeta indutus, Sacram Communionem eo modo, quo supra dictum est, ministrat; supponit quidem Sacerdotem Missam celebrasse ad Altare, in quo extet Tabernaculum, & in eo reposita sit Pyxis cum Particulis jam consecratis; recteque admonet, debere tunc Sacerdotem adhuc Planeta indutum eo modo Eucharistiam administrare, quo dictum superius fuit. Sane mandat S. Carolus in Concilio Provinciali v. Mediolanensi, ubi agit de illis, quæ ad Sanctissimæ Eucharistiæ Sacramentum pertinent, ut quem peracto Missæ Sacrificio Sacerdos statim Eucharistiam ministrat, vestibus Sacerdotalibus, quibus in Missa usus est, indutus ministret, *Casula tantum deposita, & Manipulo item.* Sed observandum est, quod recte statuit hic noster §. ut nempe cum cæteris vestibus Casulam, & Manipulum item retineat, & ratio est, quia Communio ipsa statim post Missam, reputatur actus Missæ contiguus, ideoque durat adhuc eadem ratio retinendi Planetam, & alias vestes in Missa adhibitas, ut inter alios docet Sarnellius in Commentario, *De ritu Missæ*, nostro non modo §. inherens, sed & communi Ecclesiarum praxi, in quibus Sacerdos statim post Missam communicans, easdem omnino vestes retinet, quibus usus fuit in Missa.

CAPUT III.

De Communione Paschali.

I. **C**ertum, atque exploratum est, superius-
que a nobis abunde probatum, in pri-
mordiis Ecclesie jam omnes Fideles,
quorum erat cor unum, & anima una, quotidie
perseverasse in communicatione fractionis Panis,
ut Acta ipsa Apostolorum testantur Cap. I. Quod
etiam sequiori ævo nullus sacris mysteriis inter-
esse permitteretur, nisi qui offerre poterat, & de
Oblatis participare, notavit Joannes Cardinalis
Bona Lib. II. *Rerum Liturgicarum*, Cap. xvii.
num. II. ubi etiam ait, diu eam consuetudinem
perseverasse in Ecclesia. Sed audiamus Anony-
mum antiquum Auctorem Turonensem in suo
ms. Speculo apud Martene, Lib. I. *De antiquis
Ecclesie ritibus*, Cap. iv. Article x. num. II. ubi
sic inquit: *Illud certe ignorari non debet, olim
in primitiva Ecclesia singulis diebus, qui Canon
Missæ intererant, solitos fuisse communicare;
sed postea crescente multitudine Fidelium, fuit
institutum, ut tantum Dominicis diebus commu-
nicaretur. Quod etiam paulo post cum observari
non potuit, abitis in desuetudinem, ac tertia sub-
secuta est institutio, ut saltem ter quoque anno
in Natali, Paschate, & Pentecoste, omnes Chri-
stiani Eucharistiam sumerent. Simili modo lo-
quitur Joannes Belethus Seculi xii. Auctor in
Explicatione Divinorum Officiorum Cap. cxx.
his verbis: In primitiva Ecclesia præceptum erat,
ut singulis diebus, Corpus Domini sumeretur; pos-
tea vero crescente numero Fidelium, ut singulis
diebus Dominicis; unde etiam nunc in Gratia
sub anathemate puniuntur, qui a tribus diebus Do-
minicis non communicaverint. Modo autem nos
teneatur in tribus Solemnitatibus, nimirum Pa-
schate, Pentecoste, & Natali.*

II. Idem confirmat Petrus Blefenfis, qui eod-
dem Sæculo xii. quo & Belethus elaruit; sed
tamen ille illud etiam docet, suo ævo sensum jam
fuisse introductum, ut Communionis præceptum
ad solum Pascha fuerit restrictum. Sic enim lu-
quit in Sermone xvi. *In prima Ecclesia quotquot
intererant Consecrationi Eucharistia, communi-
cabant eadem... Postquam autem crevit numerus
Fidelium, nec omnes accedere ad Eucharistiam
visum est, statutum est, ut saltem diebus Domini-
cis Fideles communicarent. Cum vero palea su-
pereriscentes caperent cooperire grana, & mal-
torum refringit caritas, & crevit iniquitas, &
per pauci inventi sunt idonei, qui Calicem Salva-
toris acciperent, decretum est, ut saltem per tres
Solemnitates in anno Fideles communicarent, in
Paschate, Pentecoste, & Natali. Nunc autem
quoniam dies mali sunt, & omnes fere declina-
verunt, & inutiles facti sunt, non audeo dicere ex
præcepto Ecclesia, sed ex tacita permissione intro-
ductum est, ut semel in anno congregentur in Ec-
clesia ad communicandum, quod præterire fas non
est, ut sicut Filii Israël typicum Agnum comede-
bant perpetuo, & eadem die Dominus Discipulis
fuit Carnem suam, & Sanguinem dedit, & in
memoriam suam ipsam faciendum commendavi,
ita & nos eadem die Carnem Agni, qui tol-
lit peccata mundi, comedamus. Sæculo itaque xii.
quo elaruit Blefenfis, & quidem longe ante Con-
cilium iv. Lateranense anni MCCXV. cujus Ca-
nonem mox in §. i. referemus, explicabimus-
que, jam invaluerat in Ecclesia consuetudo, ut
Fideles semel in anno, in Paschate scilicet, com-
municare tenerentur, fasque non esset eam con-
suetudinem præterire.*

§. I.

Curet autem Parochus, ut in Quadragesima per se, vel per alios Concionatores po-
pulo opportune denuntietur Constitutio Concilii Lateranensis sub Innocentio III. quæ
sic habet: *Omni utriusque sexus Fidelis, postquam ad annos discretionis pervenerit, om-
nia sua peccata confiteatur fideliter, saltem semel in anno, proprio Sacerdoti, & in-
iunctam sibi penitentiam studeat pro viribus adimplere, suscipiens reverenter ad minus
in Pascha Eucharistia Sacramentum, nisi forte de consilio proprii Sacerdotis, ob ali-
quam rationabilem causam ad tempus ab ejus perceptione duxerit abstinendum, alio-
quin & vivens ab ingressu Ecclesie arceatur, & moriens Christiana careat sepultura.*

COMMENTARIUS.

I. **Q**uum labente per universum Orbem
pietatis studio, nec ea Ecclesie con-
suetudo, cujus supra meminuit Petrus
Blefenfis, ut Fideles semel saltem in anno com-
municarent, observaretur, hinc est, quod Ec-
cumenica Synodus iv. Lateranensis, cui præfuit
Innocentius Papa III. anno MCCXV. Canone xxi.
quem nos suo loco fuscè explicimus nostro To-
mo III. Commentariorum in Concilia Ecumeni-
ca, Decretum ediderit, quo Fideles omnes, post-
quam ad annos discretionis pervenerint, omni-
no teneantur, non modo saltem semel in anno
proprio Sacerdoti confiteri; verum etiam revoc-

renter suscipere ad minus in Pascha Eucharistia
Sacramentum. Hunc Canonem præ oculis ha-
bens Ecumenica Synodus Tridentina Sessione
xii. Can. ix. declarat, ut, *si quis negaverit om-
nes, & singulos Christianos utriusque sexus, cum
ad annos discretionis pervenerint, teneri singulis
annis saltem in Paschate ad communicandum,
juxta Præceptum Sanctæ Matris Ecclesie, an-
athematis. Porro probans ipsa Synodus Triden-
tina, ac innovans prædictum Concilii iv. Late-
ranensis Decretum, declarat quidem, adstringi
omnes Christifideles Præcepto positivo Ecclesie,
quoad tempus scilicet, ut ad minus semel in an-*

no in Paschate communicarent; sed tamen alio in loco, nempe Sessione xxii. *De Sacrificio Misse*, Cap. vi. declarat, votum suum esse, ut Christiani fideles frequentius ad sacram Communionem accedant, immo ut in singulis Missis Fideles adstantes non solum spirituali affectu, sed sacramentali etiam Eucharistia perceptione communicarent.

II. Sed antequam de Canone ipso Lateranensi dicamus, notandum illud est, quod initio nostri hujus §. edicitur: *Caret autem Parochus*, inquit, *ut in Quadragesima per se, vel per alios Concionatores populo opportune denuncietur Constitutio Concilii Lateranensis sub Innocentio III. illa scilicet, quam mox subiicit: Omnis utriusque sexus Fidelis &c.* Huc spectat quod & S. Carolus statuit in suis, *De Sacramento Sanctissimæ Eucharistia*, Instructionibus, in quibus inter alia, quæ Parochi servanda sunt in Paschali Communione, & id recenset: *Sæpe numero Parochus in Quadragesima populo promovebit, atque adeo explanabit Constitutionem illam in Concilio Lateranensi ab Innocentio III. Pontifice editam, cujus initium est: Omnis utriusque sexus. Censuramque in eo sanctam diligentissime proponet. Quæ Constitutio, ut perspicere ferretur, in Quadragesima item per familias, at Concilio Provinciali eantem est, unum eorum describet, qui per attente rationis usum adepti, in Pascha sacram Communionem coeque sumere debent.* Sed videmus nunc quod idem Amicus Sanctissimus de ea rescribit in Concilio Provinciali v. Mediolanensi, Capite inscripto, *Quæ ad Pœnitentia Sacramentum pertinent*, ubi sic inquit: *Ut ad Sanctum Pœnitentie Sacramentum Fideles saltem, dispen- tatione excepta, accedere, id Parochus præstet, ut in hebdomada, quæ Quadragesimam proximè præcedit, ad patransfamilias etei, quæ intra Parochia sua fœderant, singulatim eam, ac videat accurate, qui obligatione hujus Sacramenti suspensam, & Sacra Eucharistia Pascha tempore famenda devotissimi sint, eorumque nomina recte describat; ac singulos præterea, eosque præsertim, qui peccato constant, moneat, ut se Confessione differant in postremis illis Quadragesimæ diebus, quibus Sacerdotes, vel ob missarum celebritatem assidua divinum occupatione ab audientis Confessionibus impediuntur, vel frequentè tunc concursu Fidelium defatigati ita in eo ipso munere præstare fere approxinant, ut tantum, tanquam salutem ministerium in confertissimâ multitudinis vix recte illis præstare queant.*

III. His præmissis, venio nunc ad ipsam Lateranensem iv. Concilii Constitutionem in §. nostro descriptam, quam inter alios hæreticos, multis nominibus perperam irridet Calvinus Libro iii. Institutionum, Cap. iv. §. vii. ubi more suo scurræ agens, post recitatam prædictæ Constitutionis verba, quibus edicitur debere omnem utriusque sexus Fidelem, quotannis semel saltem peccata sua confiteri, & communicare in Pascha, scurriliter suum similem commendat, qui asserere ausi sum, hoc Præceptum teneri solum hermaphroditos, ad unum vero spectare, qui sit vel mas, vel femina. Verum summa est Calvinii, aliorumque hæreticorum impudentia, atque arrogantia, imo & imperitia, cum verba illa, omnis utriusque sexus, derident, & ad hermaphroditos coercent. Ut enim observat religiosissimus, ac doctissimus Cardinalis Bellarminus Lib. iii. *De Sacramentis*, Cap. xiiii. Suo Tom. I.

Stus Hieronymus, quem barbarum dicere non possumus, imo qui longe melius Latinæ voces noverat, quam Calvinus, istum vocibus non semel in Scripturarum interpretatione uti voluit. Quod enim Deuteronomii Cap. vi. Versu xiv. scriptum fuit: *Nun erit apud te vir sterilis, neque mulier sterilis*, ita Hieronymus Latine reddidit: *Nun erit apud te sterilis utriusque sexus*. Neque tunc S. Doctor, eo scilicet aliquis, vel scura diceret, ad solos hermaphroditos eam benedictionem pertinere. Sed de hac res jam plura notavimus nos Tomo iii. Conciliorum in Commentario ad Canonem xxi. memorati Concilii iv. Lateranensis, num. iiii.

IV. Omnis Calvinii nugis, recte statuit laudatus Canon, ut omnis utriusque sexus Fidelis, postquam ad annos discretionis pervenerit, omnia sua peccata confiteatur fideliter saltem semel in anno &c. Icit istud Ecclésiæ Præceptum de Confessione quolibet anni tempore, possit recte observari, nec tempus in illo præscriptum sit, ut in Communionis annuo Præcepto faciendæ in Paschate; attamen quia Confessio Communionem præcedit, ideo utriusque eodem tempore duo illa Præcepta adimplentur; sed quia hic plus contingit, quod hi, qui semel tantum in anno confitentur, non sunt recte dispositi ad Absolutionem sacramentalem statim recipiendam, & ita ad Confessarium redire debent post aliquod tempus, aut quia nimia penitentium multitudo circa Pascha una cum aliis in Ecclesiæ functionibus, vix modum relinquit Confessarii diligenter peccatorum conscientias, variis adhibitis interrogationibus, perferendis, remediis salutaria suo tempore prudenter applicandis, ideo S. Carolus, cujus loca superius retulimus, sique religiosi Episcopi in suis Synodis, quarum nonnullas recenset Genetius Tomo iv. Theologiæ Moralibus, Tractatu vi. Capite vi. Questione xv. sapientissime statuerunt, ut moceantur Fideles de Confessione initio Quadragesimæ peragenda. Quod quidem consentaneum est veteri Ecclésiæ discipline, cujus testem habemus Sanctum Joannem Chrysostomum, qui Homilia xxx. in Genesim, Quadragesimalis temporis meminit, ubi sic loquitur: *Quia in magnam hæc hebdomada pervenimus Dei gratia, nunc maxime, & jejuniis cursum intendendum, & magis continuanda sunt præcepta, faciendaque diligens, & pura peccatorum confessio.* Ritualia sequæ, ac Penitentialia, quæ post septimum sæculum conscripta sunt, istud quoque præscribunt, ut lapsi inente Quadragesimali tempore confiteantur, & Quadragesimam ipsam Pœnitentiæ impendant.

V. Porro quæ ætate Fideles, sive marces, sive femine sint, ad annum saltem Confessionem, & Paschalem Communionem teneantur, his verbis exprimitur laudatæ Synodi Lateranensis iv. & Tridentina, *Cum ad annos discretionis pervenerint*; id est ad eam ætatem, qua rationis usum habere possunt, & inter bonum, & malum discernere, uti explicat Tridentini Concilii Catechismus, Parte II. *De Pœnitentia Sacramento*, num. xviii. sic inquit: *Illud universe statuentium videtur, ab eo tempore Confessionem pueri institui esse, cum inter bonum, & malum discernendi vim habet, in ejusque mentem dolus cadere potest. Nam cum ad id vitæ tempus quisque pervenerit, in quo de salute æterna deliberandum est, tum primum Sacerdoti peccata confiteri de-*

M m bet,

bet, cum aliter salutem sperare nemini liceat, qui seclerum conscientia premittitur. Quamvis autem plures Theologi censcant, Præcepto de annua Confessione jam non omnes omnino adultos Fideles ligari, sed eos tantum Lateranensis Canonem obligari, qui in statu peccati mortalis versantur, probabilior est tamen contraria opinio, quam docet probatque S. Thomas in Supplemento, Questione vii. Article 111. ubi fit inquit: *Respondere dicendum, quod ad Confessionem dupliciter obligamur. Uno modo ex Jure Divino, ex hoc ipso quod est medicina, & secundum hoc non omnes teneantur ad Confessionem, sed illi tantum, qui peccata mortalia incurrant. Alio modo ex Præcepto Juris positivi, & sic teneantur omnes ex institutione Ecclesie dñta in Concilio generali sub Innocentio III. tum ut quilibet peccatorem se recognosceret, quia omnes peccaverunt, & egent gloria Dei; tum ut cum majori reverentia ad Eucharistiam accederet; tum etiam ut Ecclesiarum Rectoribus sui subditi innotescant, ne lapsi intra gregem lateat. Atque hic illud notandum, Præceptum ipsum annuæ Confessionis adimpleri tantum per Confessionem recte factam; illam enim Confessionem semel saltem in anno faciendam Ecclesia in recitato Lateranensi Canone præscripsit, quam Christus ipse injunxit. Unde merito Alexander Papa VII. in Decreto edito die xxiv. Septembris MDCLXV. hac quorundam Casuistarum propositionem num. xiv. proscripsit: *Qui facit Confessionem voluntarie nullam, satisfaciens Præcepto Ecclesie.* Hinc qui Confessionem invalidam fecit, ut Ecclesie Præceptum implere videretur, non solum accusare se debet de sacrilegio, sed etiam de violatione Præcepti Ecclesiastici, idque etiam facere debet respectu Communionis sacrilege acceptæ tempore Paschali.*

VI. Præterea Confessionem annuam faciendam esse a Fidelibus proprio Sacerdoti, expressè edicit recitatus Canon Lateranensis. Quamvis autem multi Auctores hodieque contendant, nominæ proprii Sacerdotis intelligi ab ipso Canone solum Parochum, addubitari tamen nequit, quin memorato Canonis satisfaciens quicumque peccata sua tempore Paschali alteri Sacerdoti Sæculari, Regulari vel Episcopo generatim approbato confitentur. Ut enim alias de hac re Summorum Pontificum Constitutiones omittam, perspicue nostram communem sententiam confirmat celebris Constitutio à Clemente Papa X. edita, quæ incipit, *Superna magni Patris familiaris*, ubi declarat, semel simpliciter approbatus posse in Diocesi Episcopi approbantis quovis anni tempore, etiam Paschali Confessiones audire. Et eos, qui dictis Religiosis simpliciter approbatis tempore Paschali confessi fuerint, Constitutioni, quæ incipit, *Omnia utriusque sexus, quoad Confessionem duntaxat, satisfaciendo censendos.* Perspicua sunt Pontificis verba, contemnendæque iccirco penitus sunt quorundam Scriptorum cavillationes, qui Regularibus potissimum inensu, prædictam Clementis Papæ X. Constitutionem enervare perperam conati sunt.

VII. Ad Communionem quod attinet, recte ait laudatus Catechismus num. lxxvi. quod, *quamvis Lex Dei, & Ecclesie auctoritate sancta ad omnes Fideles pertineat, docendum est tamen, eos excepti, qui nondum rationis usum propter ætatis imbecillitatem habent; bi enim neque Sacram Eucharistiam a profano, & communi pa-*

ne sciunt discernere, neque ad eam accipiendam, pietatem animi, & religionem afferre possunt; Quæ vero ætate pueris sacra Mysteria danda sint, recte subijcit idem Catechismus in Nota ad sequentem numerum lxxvii. quod nemo melius constitutere poterit, quam pater, & Sacerdos, cui illi constitutur peccata; ad illos enim pertinet explorare, & a pueris percunctari, an hujus admirabilis Sacramenti cognitionem aliquam acceperint, & gustum habeant. Cæterum cum inter alia in citato toties Lateranensi Canone statuitur, ut unusquisque Fidelis, qui ad annos discretionis pervenit, suscipiat reverenter ad missæ in Pascha Eucharistiam Sacramentum, hinc merito damnata est ab Innocentio Papa XI. Decreto edito die II. Martii anni MDCLXXVII. inter alias Casuistarum propositiones ista num. lv. *Præcepto Communionis annua sicut per sacrilegium Domini manducationem.* Cum enim Præceptum Ecclesiasticum de annua Paschali Communione sit Divini Præcepti quædam explicatio, ac determinatio, jam non est dubium, quin Ecclesia eam, quam Christus injunxit, Communionem piam, atque religiosam Fidelibus præscribat.

VIII. Positivo itaque Jure inspecto, debet quisque Fidelis semel saltem in anno confiteri, & communicare in Pascha, sive tempore Paschali, quod comprehendere hebdomadam Sanctam, & Octavam Paschatis, ex mente laudati iv. Concilii Lateranensis, declaravit jam diu inter alios Eugenius Papa IV. in Bulla, quæ incipit, *Fide digna*; eamque declarationem communiter nunc servat Ecclesia, itaut quis Ecclesie Præcepto de Paschali Communione satisfecisse censetur, modo intra quindenam Paschalem incipientem à Dominica Palmaram, & finientem in Dominica in Albis communicaverit. Sed notanda illa exceptio Lateranensis Canonis: *Nisi forte de consilio proprii Sacerdotis, ob aliquam rationabilem causam, ad tempus ab ejus perceptione duxerit abstinendum.* Idem docent & aliæ Synodi, post Lateranensem habitæ, inter quas Carnotensis anni MDXXVI. has causas reconset diffrendæ Paschalis Communionis: *Ut puta propter debilitatem stomachi sumptum cibum retinere non valentis, vel etiam propter nondum factam sufficientem peccatorum confessionem, seu aliam debitam preparationem, quam peragere non poterat, aut etiam negligenter omiserat, faciendam.* Afferri & aliæ id genus causæ possent, sed satis nos docent memorata nuper Lateranensis Canonis verba, Præceptum de famenda Eucharistia in ipsa Paschali solemnitate, nequaquam debere Confessarios movere ad impediendum petentibus Absolutionem, vel Communionem, quam ipsi aliæ prudenter denegarent.

IX. Huc plane spectat, quod post alios observat Natalis Alexander, *Theologia Dogmaticæ & Moralis*, Libro II. De Sacramento Eucharistie, Cap. 1. Article v. Propositione 111. Regula iv. nempe sicut in veteri Lege immundi a faciendo Phasæ cum reliquo cætu filiorum Israel exclusi sunt, & in secundum mensum dilati ex Capite ix. Libri Numerorum, ita & in nova Lege eos a perceptione Eucharistie excludi, qui parati non sunt ad eam percipiendam; utpote qui in proximi peccandi occasionibus, vel in affectu peccati adhuc versantur; vel quorum duxa conversio est, propter inveteratam peccati lathalis, publici maxime, & cum aliorum scandalo commissi habi-

bitum, ac frequentes in eadem crimina relapsus; vel anno solido a Sacramentali Confectione abstinerunt, & postremis Paschalis quindenae diebus se sistant Sacerdoti, nulla, aut exigua preparatione, eorum Communio ad tempus differenda est secundum prudens iudicium proprii Sacerdotis, penes quem, & non penes alium, salvo proprii Episcopi iure, potestas est, Communionis Paschalis tempus prorogandi. Unde si quis alteri a Parocho, de illius, aut Episcopi licentia, peccata confessus fuerit, ipsique absolutionis beneficium distulerit Confessarius, aut illius Communionem ultra quindenam Paschalem differendam iudicaverit; debet nihilominus penitens proprium Parochum adire, eique exponere conscientiae suae statum; aut certe Sacerdotis, a quod quem peccata deposuit, iudicium, ut illius consilio, & licentia Paschalem Communionem ad tempus differat. Alioqui Parochus iure suo utitur, & penas memorati Lateranensis Canonis insensum incurrisse declarabit. Quamobrem consiliarius erit, si Confessarii huiusmodi homines ad proprium Sacerdotem, id est, ad Parochum reitituant, ut ego facere ut plurimum consuevi.

X. Quamodum autem de proprii Sacerdotis consilio ob rationabilem causam differri potest Paschalis Communio, ita anticipari & potest, & debet, si quis praevideat, se propter legitimum impedimentum non communicaturum tempore ipso Paschali. Ecclesia enim sic jubet Communionem in Paschate, ut velit *ad minus*, tunc fieri, & non ultra differri. Ceteram quod is, qui nec eo tempore, nec antea communicare potuit, teneatur ad satisfaciendum Ecclesiae Praecepto, pro illo anno communicare, recte docent gravissimi Auctores, Joannes Major, Petrus a Solude, Navarrus, Sylvestri, & alii, a quibus obligationis huius ratio duplex affertur. Prima est, quia non conceditur terminus annuus, ut tunc esset obligatio, sed ut adimpleto Praecepto ulterius differri non possit; sicut in contractibus, quando statuitur tempus, ultra quod non possit differri solutio, si tunc non fiat, debitum minime extinguitur, sed perseverat. Ratio altera est, quia Communio est illi, quod Ecclesia praecipit praecipere intendit, temporis autem determinatio, est quid secundarium. Cum ergo possit adhuc impleri Praeceptum secundum substantiam, & quantum ad id, quod in eo praecceptum est, dicendum videtur, eam obligationem adhuc perseverare. Id quod etiam confirmatur ex sequenti, ubi Parocho praecipitur, ut *qui dicto tempore non communicaverint, & post Octavam Paschae eos, qui propriae salutis immemores, saepius admoniti, non obtemperaverint, Ordinario suo denunciet*.

XI. Jam non desunt magni etiam nominis Theologi, quales sunt S. Antoninus, Sylvestri

Prieras, Dominicus Soto, Toletus, & alii, qui ajunt, cum, qui non communica vit Paschali tempore, non teneri eo anno ad satisfaciendum Paschalis Communionis Praecepto, quia scilicet da n aliquid praecipitur cum determinatione temporis, eo elapso, cessat obligatio, ut patet in Missa Fests, in jejuniis Vigiliis, & Horarum Canoniarum recitatione, quae, si constituta die non serventur, non obligant postea. At vero hae opinio, rationesque, quibus ipsa innititur, egregie refelluntur a doctissimis Scripturibus, qui docent, ea exempla locum habere posse, cum opus, quod praecipitur, annexum est tempori, & quasi penultimum, & onus dici praecipitur, ita ut ratio obligationis sit talis dies, qualia sunt auditio Missae in die festo, jejunium in Quadragesima, Quatuor Temporibus, statisque Vigiliis, ac Horarum Canoniarum recitatio. At Confessio, & Communio annua, non praecipuntur, ut annexae temporibus, utque certae diei pensae, & onera; nec ratio obligationis earum est Paschale tempus, sed Jus Divinum, cui ut satisfiat, Ecclesia Paschale tempus ita determinavit, ut obligationem faciendi satis Divino illi iuri, aut Praecepto de caelestis cibis animabus nostris procurando, quo spiritualis vita sustentetur, propterea non remiserit. Atque hae longe probabilior, & tutior videtur sententia, quamvis, ut dixi, insignes Theologi contrariam defendant.

XII. Pena tandem non communicantis in Paschate in hoc nostro §. seu potius ex Canone Lateranensi statuta est, ut *vivens ab ingressu Ecclesiae arceatur, & moriens Christianus careat sepultura*. Idem aliae passim Synodi, ac Rituales Codices post praedictum Lateranensem Canonem statuerunt. Licet enim jam pridem Sancti Patres, ac Synodi ad Sacram Communionem Fideles hortarentur, imo ut ad eam saepius, ac frequenter per annum accederent, non tantum monuisse, sed & praecipisse videantur, nequaquam tamen legimus, quod ante ipsum Lateranensem Decretum ad eam sub comminatione Consursum fuerint adacti. Ceterum, ut recte observat Vaneusen Parte II. *Juris universi Ecclesiastici*, Tit. IV. Capite 111. Conciliorum de ea re Decreta non obscure supponunt, nequaquam penes Parochos esse auctoritatem aliquam ob omissionem Communionem Paschalem, vivam ab ingressu Ecclesiae arcendi, sed dumtaxat deferendi ad Episcopum, qui, re maturius examinata, delatum vel absolvat, vel ad penam Canonis decretam condemnat. Atque id est, quod nostrum hoc Rituale Romanum praecipit, ubi in sequenti §. Illud solum. Parocho praecipitur, ut *qui dicto tempore non communicaverint, & post Octavam Paschae eos, qui propriae salutis immemores, saepius admoniti, non obtemperaverint, Ordinario suo denunciet*.

§. II.

Ut igitur hoc salutare Concilii Decretum inviolabiliter servetur, descripta Parochus habeat nomina suorum Parochianorum; & qui dicto tempore non communicaverint, & post Octavam Paschae eos, qui propriae salutis immemores, saepius admoniti, non obtemperaverint, Ordinario suo denunciet.

COMMENTARIUS.

I. Nter Libros, quos sibi consecrare, & habere unusquisque Parochus debet ex nostri hujus Ritualis Romani praescripto, est & Tom. I.

Liber, qui dicitur *Status animarum*, de quo in fine ejusdem Ritualis extat Caput VI. quod inscribitur, *Forma describendi statum animarum in* M m 2 *quar-*

quarto Libro. In quo quidem describere et eos Parochus debet, qui ad Sacram Communionem admitti sunt. Concinant autem nostro huic §. quod tum alii Episcopi in suis Synodis, tum vero potissimum S. Carolus statuit in suo Provinciali v. Concilio Mediolanensi, ubi agit de iis, quæ ad Pœnitentiæ Sacramentum pertinent: *Ut ad Sacramentum, inquit, Pœnitentiæ Sacramentum Fideles sollicite, diligenterque accedant, id Parochus præstet, ut in hebdomada, quæ Quadragesimam proxime præcedit, ad patrumfamilias adet, quæ intra Parochiam suam fines sunt, scilicet eas, ac videat accurate, qui obligatione hujus Sacramenti suscipiendi, & sacra Eucharistia Pascha tempore susceperat devoti sunt, eorumque nomina recte deferbat. Rursus in Instructionibus de Eucharistia Sacramento, ubi agit de iis, quæ Parochus servanda sunt in Paschali Communione, postquam dixit, ut Parochus superannatæ in Quadragesima populo promulget, explanetque memorant toties Lateranensis Concilii Constitutionem, quæ incipit, *Omnis ætatisque sexus*, ita statim ad nostram rem subdit: *Quæ Constitutio ut perfecte servetur, in Quadragesima item per familias, ut Concilio Provinciali cautum est, nomina eorum describet, qui per ætatem rationis usum adepti, in Pascha Sacram Communionem confecti sumere debent.**

II. Illud quoque constitutum passim & in aliis Conciliis lego, quod in hoc nostro §. edicitur, ut nempe, *qui dicto tempore non communicaverint, & post Oclavam Pasche eos, qui propria salutis immemores, sæpius admoniti non obtinuerint, Ordinarius suo denunciaret.* Sane in laudatis Instructionibus & id inter alia statuit Sanctus Carolus, ut qui præstito Paschæ tempore non communicaverint, eos ex præscripta formula ad altare altero ex diebus festis Paschæ pro-

xime sequentibus, Parochus moneat, & in contumacia perseverantes ad Archiepiscopale Forum deferat. Porro admonitionis formula, quam-mox S. Carolus subjicit, hæc est: *Omnis, & singulos Parochia nostra Fideles legitima ætatis, qui in Pascha ex Præcepto Sanctæ Matris Ecclesiæ Sacram Communionem sumere debent, qui nondum sumperunt, hoc monemus; ut intra hæc hebdomadam, aut Dominicam proxime sequenti confecti sumant; aliqui illos, qui ad constitutam eam diem, vel ad sex dies post Oclavam Paschæ ad summam non præstiterint, ad Reverendissimum Archiepiscopum deferemus; ut mox ingressi Ecclesiæ, Ecclesiasticæque sepultura interditi, intra Missarum solennia denunciarentur, valeisque Ecclesiæ Parochialis nomina eorum affigantur. Atque hæc quidem unicam mentionem pro tribus satis esse, vobis edicimus.* Mandat deinde S. Antistes, mentionem ipsam etiam vulgari sermone explicandam. Munus itaque Parochi erit cum, qui non communicavit in Paschate, primum monere, contumacemque Ordinario denunciare, qui, uti notavimus in Commentario superiori, re maturius examinata, vel delatum absolvet, vel ad penam Canonæ decretam condemnabit. Atque hæc est communis Ecclesiarum praxis.

III. Unum restat, quod hoc loco adnotandum censui, quod licet nempe tempus Paschali Communioni statutum ex declaratione Eugenii Papæ IV. & communis fere Ecclesiæ praxi, a Dominica Palmarum incipiat, finiatque in Dominica in Albis, invaluit tamen allicubi consuetudo, ut in Lusitania, atque in Hispania, ut quis ad Præceptum Ecclesiæ adimplendum communicare possit in quolibet die Quadragesimæ; vel juxta morem Dalmatiæ post Quadragesimæ meditationem, ut ex variis Auctoribus refert Barrualdus ad hunc nostrum §. num. 13.

§. III.

Dabit quoque operam Parochus, quoad fieri potest, ut in ipso die sanctissimo Paschæ communicent; quo die ipse per se, nisi legitime impediatur, Parochiæ suæ Fidelibus hoc Sacramentum ministrabit.

COMMENTARIUS.

I. **E**st & hæc quidem, quam noster §. innuat, pertractata Ecclesiæ disciplina, cui inhærens S. Carolus in suis, *De Sacramento sanctissime Eucharistiæ*, Instructionibus, ita de Paschali Communione Parochum monet: *Hortabitur autem eos, ut qui in Pascha sacram Communionem sumere debent, ipso die Paschæ Resurrectionis id præstent.* Antiquissimæ ipsius disciplinæ, ut Fideles in die Paschatis communicarent, meminit quidem Gregorius Turonensis Lib. II. *De miraculis S. Martini*, Cap. XIII. solitque erant populi ad Paschalem ipsam Communionem invitari hac Antiphona, quæ cum gravati, ac suavi melodia decantabatur: *Venite populi ad sacrum, & immortale mysterium, & libamen agendum. Cum timore, & fide accedamus manibus mundis, pœnitentiæ manus communicemus, quoniam propter nos Agnus Dei Patri Sacrificium propitium est. Ipsum solum adoramus, ipsum glorificamus, cum Angelis clamantes, Alleluia.* Hanc antiphonam hæcæns can-

tat Ecclesiæ Tarconensis, eamque ex veteri Missali Ecclesiæ ejusdem annorum circiter CM. descripsit Martene in Libro, *De antiqua Ecclesiæ disciplina in Divinis celebrandis Officiis*, Cap. XXV. num. XXVI. ubi etiam notat, eandem Antiphonam ante Communionem dicendam præscripti quidem in Ordinario Cabilonensi, Carnotensi Sancti Joannis, Missali Pistaviensi, Lugdunensi, Athanacensis Monasterii, & Ambrosiano.

II. Observare illud præterea licet cum eodem Auctore, sequenti num. XXVII. quod scribit Petrus Amelinus in suo Romano Ordine XV. Cap. LXXXV. apud Mabillonium Tomo II. Musei Italici; agens quippe de Paschali Communione in Missa Romani Pontificis, quæ die Paschæ celebrabatur, ait, omnes, & singulos, qui quicumque vere confecti, & pœnitentes essent, atque corde contriti, potuisse a Papa sacram Communionem accipere, absque licentia Episcopi, vel Plebanus, vel alterius majoris; deinde istud omnibus, qui communicassent de manu Papæ, porrectam a Dia-

cono fistulam, ad bibendum de Sanguine Christi atque adeo Communionem saltem Paschalem in Missa Papali celebratam fuisse sub utraque specie ad usque Sæculum xv. quo ille suum conscripfit Ordinem circa Martini Papæ V. Pontificatum; denique post perceptionem Sanguinis, quemlibet bibisse modicum de vino cum Calice de manu Sacrificæ, vel Acolythi Calicem tenentis, ex eodem Auctore addicimus.

III. Cum autem ex præscripto Ecclesiæ omnes utriusque sexus Christifideles in Paschate ad suam Synaxim accedere teneantur, ut ea rite perageretur, unica olim in singulis Parochialibus Ecclesiis Urbis Romanæ Missa celebrabatur, ad quam omnes communicabant. Ubi tamen major existeret communicantium multitudo, altera Missa addebatur. Ita plane videre est in per vetusto Rituali Diocesis Romanæ apud laudatum Martenæ citato loco num. xxviii. *Die Sancti Pasche*, verba sunt prædicti Ritualis, in aliquibus Ecclesiis, propter multitudinem communicantium, solet celebrari una Missa de mane post Matutinas, in qua administrantur hi, qui iusta ratione non possunt communicari in majori Missa, & Presbyter pro libito potest facere absolutionem generalem, & similiter in majori Missa. In aliis vero Ecclesiis sola Missa eodem die celebratur, ad quam accedunt communicantarii secundum morem uniuscuiusque Ecclesiæ. Teste eodem Martenæ loco citato, unicam adhuc hac die Missam celebrant Monachi Carthusienses præcorum rituum tenacissimi, in qua omnes Presbyteri de manu Prioris Communionem percipiunt, ex Statutis Guigonis, Cap. iv.

IV. Quicquid de hæc antiquis ritibus sit, illud plane mandat hic noster §. ut ipso Paschatis die Parochus ipse per se, nisi legitime impediatur, Parochie sue Fidelibus hoc Sacramentum ministret. Jam non modo ipso Paschatis die, verum toto Paschali, ad Communionis adimplendum Præceptum, statuto tempore, debere Parochum, nisi legitime impediatur, Paschalem Communionem Fidelibus Parochie sue administrare, statuit quidem S. Carolus in laudatis toties superius Instructionibus, ubi sic inter alia inquit: *Quo Pasche tempore ipse, non alius Sacerdos, ministrabit; si vero frequentem populum habeat, aliam quoque Sacerdotem adhibeat tunc licet.* Porro sumi debere Paschalem Communionem a proprio Parocho, Synodorum post Lateranen-

sem Canonem Decreta, ac Ritualium Statuta, uno consensu declarant, eamque esse mentem memorati Canonis Lateranensis, evidenter supponunt, ipsaque communis Catholicæ Ecclesiæ praxis ostendit.

V. Hinc qui in aliis Ecclesiis Eucharistiam sumperit sæpius, ac etiam in hebdomada sancta, debet nihilominus intra quindena Paschalem semel in Ecclesiâ propria Parochiali sumere, ut satisfaciât Præcepto Paschalis Communionis. Præterea licet quispiam Præcepto Paschalis Communionis satisfaciât, Sanctissimam Eucharistiam in propria Parochia sumendo, die tamen ipso Paschatis Eucharistiam sumere non potest in Ecclesiâ Regularium, aut quorumvis privilegiorum, sive exemptorum. Id enim expresse prohibet Leo Papa X. qui concedens privilegiatis, ut Eucharistiam quovis anni die ministrare possint, ipsum diem Paschatis excipit. Quod etiam ipsa Paschatis die nec ipsi quidem, qui Feria v. in Cena Domini de manu Parochi Eucharistiam sumerunt, devotionis causa possint illam sumere de manu Regularium, censuit jam Sacra Cardinalium Congregatio Tridentini Concilii Interpretum, xxiii. Januarii anni MDLXXXVI. apud Fagnanum in Capite, *Omnis utriusque sexus, De Pœnitentiis, & remissionibus*, num. 43.

VI. Quæri hic insuper possit, an qui communicat tempore Paschali in Cathedrali Ecclesiâ, & non in propria Parochia, satisfaciât Præcepto? Jam non desunt, qui eum satisfacere affirmant, quos tamen merito refellit Clericatus laudatus a Baruffaldo in Commentario ad §. iv. Tituli xxv. num. 41. qui late foliisque demonstrat, illum minime Præcepto Communionis satisfacere, qui non in Parochia, sed in Cathedrali communicat, nisi de manu Episcopi Communionem sumeret, vel de licentia proprii Parochi. Ceterum, ad magis, magisque sententiam suam corroborandam assert etiam Clericatus Decretum Sacræ Congregationis Concilii Tridentini Interpretum editum anno MDCCLIX. & declarationem sanctæ memorie Innocentii Papæ XI. qui anno MDCLXXXII. dixit, non satisfieri Præcepto Communionis Paschalis a communicantibus in Basilica Lateranensi, Vaticana, vel Nationali, sed esse communicandum in propria Parochia, sub qua quis degit, ut testatur Pignatellus Tomo vii. Consultationum Canoniarum, Consultatione LXXXIX. num. 18.

§. IV.

Alienæ vero Parochiæ Fideles ad proprium Parochum remittit, præter peregrinos, & advenas, & qui certum domicilium non habent, quibus ipse sacram præbebit Communionem, si accesserint rite parati, vel ubi est ea consuetudo, eos ad Cathedralis Ecclesiæ Parochum remittit. In cæteris vero servabit ea, quæ in Libro de statu animarum infra præscribuntur.

COMMENTARIUS.

I. Quum ex sacris Canonibus, ac celebri illo præsertim Lateranensi, cujus in superioribus Commentariis pluries mentionem fecimus, debeat quique Fidelis a proprio Parocho Communionem Paschalem sumere, merito noster hic §. Parochum monet, ut alienæ Parochiæ Fideles ad proprium Parochum

remittat. Ita plane inter alios statuit S. Carolus in Instructionibus de Sacramento Eucharistiæ, Capite, quod de Parocho loquens inscriptum est, *Quibus Pasche tempore Sacramentum hoc ministret.* Ubi, postquam edixit, ut Parochus Parochiæ sue Fidelibus Eucharistiam Sacramentum in Paschate administret, ita deinde subjicit:

Ali-

Aliena autem Parochia nullo modo, nisi, ut infra. Tum vero statim: Proinde quod antiquis Canonibus cautum est, ad populum conversus, antequam ministret, de Aliari enunciat, alienae Parochiae Fideles ad proprium Parochum remitti, a quo sacram Communionem in Paschali celeberrime sumant. Et mox; hic etiam ministrabit, qui maiorem anni partem in Parochia habuerint. Illis quoque, qui saltem sex menses. Pergit S. Antistes, nos quoque etiam huic §. consentit, ubi ita inquit: Peregrinis item, & advenis in Diocesi; at Mediolani eos ad Metropolitanam Ecclesiam, ubi Communionem sumant, abire Parochus praevinebit. Atque id est, quod & hic noster §. statuit, ubi ait, quod, ubi est ea consuetudo, eos ad Cathedralis Ecclesiae Parochum remittat. Sed nec omittendum, quod ibidem S. Carolus mandat, quodque multum facit ad nostri §. explicationem: Illis praeterea, qui paucis ante diebus advenierint animo constituendi domicilii. Et vero illis quoque, qui facultatem ab Archiepiscopo literis concessam habuerint. Lo-

quitur de Ecclesia Mediolanensi, nam alias quisque Episcopus hac potestate pollet unius Parochiae Fideles ad alium Parochum ad Communionem Paschalem fundendam remittere.

II. Quae haecenus diximus supervacaneum est variis Synodorum Decretis, Theologorumque testimonio confirmare. Legi praeter cetera potest, quod consentaneum ad superius dicta idem S. Carolus statuit in Concilio Provinciali II, Tit. 1. Decreto xii, ubi etiam mandat, ut peregrinorum, & advenarum Eucharistia Sacramentum percipientium, nomina, cognomina, originis, seu domicilii locus uno in Libro fideliter asserendo a Parochis ante omnia adnotentur. Atque id plane est, quod & hic noster §. mandat, ubi de Parochia loquens quoad Paschalem Communionem sic habet: In ceteris vero servabit ea, quae in Libro de statu animarum infra praefribuntur. In fine scilicet Ritualis Tit. xi. Cap. vi. quod inferiptum est, Forma describendi statum animarum in quarto Libro. Ubi nos plura selecta digna juxta Ritualium, ac Synodorum Statuta dicemus.

§. V.

Aegrotis quoque Parochialibus, etiam si Communionem extra praescriptos Paschales dies sumperint, in Paschalis diebus illa deferet, ac ministrabit.

COMMENTARIUS.

I. **A**Egroti nomine is plane hoc loco intelligitur, qui ea infirmitate corporis detinetur, ut non valeat ad Ecclesiam Parochialem accedere, ubi Paschalem Communionem percipiat. Huiusmodi porro infirmis, etiam si Communionem extra praescriptos Paschales dies sumperint, in Paschalis diebus, illam deferet, proprius scilicet Parochus, ac ministrabit; ut ait hic noster §. cui concinit S. Carolus in suis de Sacramento Eucharistiae Instructionibus, ubi sic habet: Aegrotis etiam parochialibus, etiam si Communionem sumperint, in Pascha quoque asseret, & ministrabit. Sed neque omittendum, quod ea de re idem S. Antistes statuit in Provinciali Concilio vi, Mediolanensi, Capite inscripto, Quae ad Sanctissimam Eucharistiam Sacramentum pertinent, ubi postquam praemittit, Paschae tempore a suo cuique Parochia proprio Sanctam Eucharistiam ministrari, Ecclesiae Institutum esse, atque Praeceptum, ita statim subdit: Quamobrem is, Parochus nempe,

si quem parochialem habet, qui ex morbo laborans, aliave necessitate vere impeditur, non potest sacro Pascha tempore ad Ecclesiam convenire, ubi Sanctissimam Communionem cum ceteris Fidelibus percipiat, ad illum, etiam si paucis ante diebus perceperit, ipse illo Paschali tempore de more deferat. Atque hic nota, non modo ad aegrotum morbo laborantem, verum etiam ad eum, qui alia necessitate impeditus sit, quod minus valeat ire ad Ecclesiam, deferendam Paschalem Communionem, nisi in aliquo immuni loco versetur, domive, in quo Oratorium, Sacellumve esset, in quo celebrare Parochus possit, ibique illi Paschalem Communionem praebere.

II. Ad infirmum quod attinet, de quo loquitur hic noster §. si appareat, illum paulo post expletis dies Paschales in eo futurum statu, ut ipse communicaturus ad Ecclesiam accedat, poterit tunc quidem Parochus eidem Paschale tempus prorogare, ut docet Vanespen, Parte II. Juris universi Ecclesiastici, Tit. iv. Cap. 111. num. xiv.

C A P U T IV.

De Communione Infirmorum.

I. **A**ntiquissima esse Ecclesiae disciplinam administrandae Eucharistiae Communionis infirmis, docet nos in primis Synodici Epistola Ecclesiae Africanae ad S. Cornelium Papam, inter Epistolas S. Cypriani ordine lrv. quae est de pace lapsa danda maturius ob persecutionem ingruentem, quibus eam ob causam, Communionis Sacrae munimentum concedunt Patres, ut tuti contra adversarium essent, licet revera infirmi corpore non essent, ita scribentes: Nunc non infirmis, sed fortibus pax ne-

cessaria est, nec morientibus, sed viventibus Communicatio a nobis danda, ut quos excitamus, & hortamur ad praelium, non inermes, & nudos relinquamus, sed protectione sanguinis, & Corporis Jesu Christi muniamus. Et cum ad hoc fiat Eucharistia, ut possit accipientibus esse tutela, quos tunc esse contra adversarium volumus, munimento Dominicae sacralitatis armemus. Manifeste hoc loco supponitur, morientibus datam fuisse Eucharistiam. Quod & Canon xiii. Concilii I. Niceni supponit, ubi juxta Gentiani Her-

veti

veti interpretationem ait: *In summa autem de quolibet excedente, & Eucharistia participationem petente (Episcopus) cum excommunicatus oblationem imperat.*

II. Fuit præterea antiquus mos, ut quamvis Episcopi, & Presbyteri, proprii hoc Communione Ministri, hanc tamen curam ipsi non solum in Diaconos, alioque inferioris Ordinis Clericos rejicerent, verum etiam in meros laicos: cujus rei insignis nobis exemplum suppeditat Dionysius Alexandrinus in Epistola ad Fabium Antiochenum Episcopum Lib. v. Historie Ecclesiasticæ, Capite xliv. de Serapione senex, qui infirmus ad mortem a puero nepote suo acceptam a Sacerdote Eucharistiam recepit. *Qui quidem ritus, ut scilicet observat Martene, Lib. 1. De antiquis Ecclesiæ ritibus, Cap. v. Articulo II. num. II. subsequens sæculis adeo prævaluit, ut non sine difficultate illum Concilia abrogare potuerint.* Extat ea de re Concilii Remensis Decretum apud Regionem Libro 1. *De Ecclesiasticis Disciplinis, Cap. cxx. in hæc verba: Peruenit ad nostram, quod quidam Presbyteri in tantum participandis Divinis mysteriis, ut laico, aut femina Sacrum Corpus Domini tradant ad deferendum infirmis; & quibus prohibetur, ne Sacramentum ingrediantur, nec ad Altare appropinquent, illis Sacra Sanctorum committuntur, quod quam sit terribile, quam desolabile, omnium religionum animadvertit prudentia. Igitur interdixit per omnia Synodus, ne talis temeraria presumptio ulterius fiat, sed omnimode Presbyter per se tantum infirmum communicet. Quod si aliter fecerit, gradus sui periculo subiacet.* Meminit ejusdem abusus tradendæ laico, aut feminae Eucharistiæ ad deferendum illam infirmis idem Regiono citato Libro 1. ubi inter alia, quæ ab Epi-

scopo Parochias visitante, de vita, & conversatione Presbyteri vult inquiri, recenset, *si infirmos propria manu communit, & non per quemlibet laicum; si tradat Communionem laico, aut femina ad deferendum infirmo, quod nefas est.*

II. Claruit ante Regionem Hincmarus Archiepiscopus Remensis, eodem tamen, quo ille Sæculo ix. interque Capitula, de quibus in visitandis Parochiis de Presbytero inquiri voluit, decimum est: *Si ipse Presbyter visitet infirmum, & communicet per se, & non per quemlibet, & ille ipse communicet populum, ne tradat Communionem cuilibet laico ad deferendum ad domum suam causa cuiuslibet infirmi.* Sed & Sæculo x. viguisse eundem abusum, constat ex Synodica. Epistola Ratharii Veroneosis Episcopi ad Presbyteros, Tomo II. Spicilegii Dacheriani, ubi statueri coactus fuit, *ut nullus presumat tradere Communionem laico, aut femina, ad deferendum infirmo.* Saec. putat Martene citato loco, post Sæculum x. exclusis laicis a delatione Eucharistiæ ad infirmos, eam curam plerumque rejecisse Presbyteros in Diaconos, probatque ex Nemausensi Synodo anni MCCLXXXIV. quæ quidem vetuit, *ne aliquis, qui non sit in Presbyterum ordinatus, Eucharistiam communicantibus præbeat; sed addit nihilominus: Diaconus tamen hoc Sacra potest a licentia Sacerdotis, ubi idem Sacerdos hoc per se non potest facere, vel quia absens est Presbyter, & necessitatis articulus noscitur imminere; & in hoc ultimo casu non est necessaria licentia Sacerdotis.* Quicquid sit de antiquo more, hoc Jure hodie vivimus, ut extra casum extremæ necessitatis nullus Sacerdos, sed solus Parochus communicare infirmum suæ Parochiæ possit, ut dicemus mox in Commentario ad §. 1.

§. I.

Vaticum Sacratissimi Corporis Domini nostri Jesu Christi summo studio, ac diligentia ægrotantibus opportuno tempore procurandum est, ne forte contingat, illos tanto bono, Parochi incuria privatos decedere.

COMMENTARIUS.

TAmetsi Eucharistia, quæ morituris administratur, hodie *Vaticam* appellatur, imo, nomine *Viatrici* hodie, nunc ipsa Communio Eucharistica morituris administrata intelligatur, ut vel ex hoc præfenti §. aliisque sequentibus liquet, secus tamen apud Veteres fuit. Si enim nomine *Viatrici* comprehendunt quæcumque morientibus præstesse possent, ut securius tutiusque in alteram vitam proficiscantur. Hinc quicquid Pœnitentes, aut Catechumenos morti proximis Communioni Ecclesiæ restituere, atque Deo reconciliare poterat, *Viatrici* nomine comprehendebatur. Sicque Baptismus, Confirmatio, Absolutio, Extrema Unctio, imo & bona opera morituris impertita, nomine *Viatrici* veniebant, uti notat, & late probat eruditissimus Gabriel Albaspinus Lib. I. Observationum, Cap. 1. ubi etiam docet, Eucharistiam quoque antiquitus, cum daretur pœnitenti ad mortem præcipitanti, vocasse nomine *Viatrici*, imo *tantissimum, absolutissimum, & potentissimum Vaticum* reputatum esse, nequa-

quam tamen *maxime necessarium*; sed hujuscæ omniæ venisse Absolutionem respectu Pœnitentium, & Baptismum respectu Catechumenorum.

II. Idem præterea Auctor docet, per ultimum, & necessarium Vaticum, de quo loquitur Canon xlii. Nicæni 1. Concilii, non intelligi Eucharistiam, sed reconciliationem; contenditque, a sensu antiquorum Canonum non minus aberraturos, qui, ubicunque *Viatrici* nomen occurrit, crederent, ibidem de Eucharistia sermonem esse; quam qui in pristinis Canonibus Eucharistiam significari putarent, ubicunque vocem *Communio* reperiant, eo quod hæc juxta modernam phrasim pro sola Communione Eucharistica sumatur, cum olim effect vox generalis complexus omnes species Communionis, quibus aliquis quocumque modo Communioni Fidelium, aut Sacramentorum restituebatur; quod cum fieret perfectissime per Eucharistiam, per illam dicebatur quæ *perfectissima* Communioni restitui, eaque Communio perfectissima appellabatur, ut multis ostendit laudatus Albaspinus

loco citato. Atque hæc si rite expendantur, constabit quod alias notavit Vanespem in Tractatu Historico-Canonico, Parte X. Cap. 1. §. VII. non modo conveniens, sed pene necessarium esse pro assequendo genuino Canonum sensu, ut quis aliqualem saltem habeat notitiam vocum, & verborum, pro temporum, & locorum varietate, significationis notitia; cuius ignorantia effecit quidem, ut Theologi recentiores non pauci, & rerum Liturgicarum, ac Divinorum Officiorum Scriptores in varios errores inciderint, quos frequenter nos, uti scilicet se se nobis occasio præbuit, merito notavimus, & consultavimus.

III. Quamquam vero Viatici nomine a Sacris Scripturis appellata fuerit Eucharistia, tum quia spiritualis cibis est, quo in huius vita peregrinatione sustentamur, tum quia vim nobis ad æternam gloriam, & felicitatem movet, uti notavit Catechismus Tridentini Concilii, Parte II. De Eucharistia Sacramento, num. v. §. Sed Viaticum; communiter tamen Viatici nomine venit Eucharistia non solum Fideli licet infirmo administrata, sed ea sola, quæ datur, cum probabile est, quod cum infirmus ipse sumere amplius non poterit, ut expresse edicit nostrum hoc Rituale Romanum infra §. IV. Cui & inherentes Sacri Scriptores duplicis Communionis infirmorum mentionem faciunt, Communionis nempe causâ devotionis, & Communionis per modum Viatici; notantque hanc præsertim inter utramque diversitatem, quod, ut docet idem nostrum Rituale infra §. V. potest quidem Viaticum brevi morituris dari non solum, sed ceteris autem infirmis, qui ob devotionem in ageritate communiant, danda est Eucharistia ante omnem cibum, & potum, & non aliter, ac ceteris Fidelibus, quibus nec etiam per modum medicine ante aliquod sumere licet. Differo præterea ajunt utramque Communionem respectu formæ, dum enim infirmo datur per modum Viatici, dicit Sacerdos: Accipe frater, (vel soror) Viaticum Corporis Domini nostri Jesu Christi, qui te custodiat ab hoste maligno, & perducat in vitam æternam, Amen. Si vero non per modum Viatici datur, dicit more ordinario: Corpus Domini nostri Jesu Christi custodiat animam tuam in vitam æternam, Amen. Ita plane in nostro Rituali, & in aliis passim legitur. Cæterum, num hæc duplex infirmorum Communio etiam antiquis nota fuerit, non est ita facile definire, cum nullum saltem hujus distinctionis in antiquis Canonibus, Patribusque Ecclesiæ, vel Ritualibus vestigium aliquod reperiatur, uti notant eruditi, accuratique rerum Ritualium Scriptores, & observat Vanespem Parte II. Juris Ecclesiastici, Cap. IV. num. VII.

IV. Illud certe utrique Communioni infirmorum commune est, quod a solo Parocho deferenda sit ad infirmos Eucharistia, nullusque Sacerdos, sive secularis, sive Regularis, possit eam ad infirmorum domos extra casum necessitatis deferre. Privilegium enim data a Sede Apostolica Regularibus distribuendi Sacram Communionem etiam quibuscumque Fidelibus, intelligi solum de ejus administratione in propriis suis Ecclesiis, post alios Canonistas notavit Barbosa, De officio, & potestate Parochi, Parte II. Cap. II. num. 8. Sed nec opus est prolixius de ea Parochi potestate disputare, quam tum Concilia, tum Ritualia evidentissime supponunt, quum

ubi de utraque Communionem infirmorum loquantur, sive causa devotionis, sive per modum Viatici administranda, semper Parochum nominant. Excepto scilicet casu necessitatis, in quo, absente Parocho, alii Sacerdoti licet, non quidem Communionem causâ devotionis, sed Viaticum, & Extremam etiam Unctionem infirmo morituro administrare; uti communiter docent Theologi, & expresse in variis Episcoporum Synodis statutum fuit, præsertim vero in Mediolanensibus a Sancto Carolo Ecclesiasticæ disciplinæ, ac Sacrorum Rituum peritissimo celebratis, de quibus alias mentionem fecimus.

V. Sed his omisiss, illud inprimis recte admodum hic nosse §. movet, quod nempe Viaticum sacratissimi Domini nostri Jesu Christi summo studio, ac diligentia egrotantibus opportuno tempore procurandum est, ne forte contingat, illos tanto bono, Parochi incuria, privatos decedere. Longe fortius de ipso Viatico administrando morienti loquitur Concilium I. Nicænum Canone XIII. qui juxta interpretationem Herveti, sic habet: *De iis, qui excedunt, antiqua, & Canonica Lex nunc quoque servabitur, ut signis vita excedat, ultimo, & maxime necessario Viatico ne privetur.* Et ratio est illa, quam docet Tridentinum Concilium Sessioe XIII. De Eucharistia, Cap. VIII. in fine, ut morientes scilicet Viatici istius corpore confortati ex hujus misera peregrinationis itinere, ad Cælestem Patriam pervenire valeant. Cui concinit Catechismus Parte II. De Eucharistia Sacramento, num. v. §. Sed Viaticum, cujus verba nos supra attulimus; sed tamen non omittenda illa, quæ idem Catechismus subdit: *Quare ex veteri Ecclesiæ Catholice instituto servari videmus, ut nemo Fidelium sine hoc Sacramento & vita excedat.* Sed fateri cogimur, non raro contingere, ut Fideles partim Medicorum, partim etiam Parochorum incuria, privati tanto Viatici bono decedant; reique iccirco peccati lustralis sunt Parochi æque ac Medici, si ob eorum incuriam, & negligentiam, infirmi hujus Eucharistiæ Sacramento & vita migrent. Porro notandum, quod & hic nosse §. ait, procurandum esse egrotanti Viaticum, opportuno tempore, dum scilicet ille est mentis compos, recteque animadvertere possit, quid agit, ac suscipit, ut ea quæ par est animi contritione, ac reverentia, Sanctissimi Corporis Christi Viaticum sumere valeat. Sæpe enim contingit, ut qui sensibus viribusque destituit, Viaticum, susceperunt, recuperata postea sanitate affirmant, se ejus Sacramenti suscepti minime recordari, sicut nec sæpe exomologesis in ea vitæ finalis angustia.

VI. Opportuno tempore Sacram Viaticum egrotanti procurandum est, cum scilicet probabile est, quod illud amplius sumere non possit, & cum compos est sui, valetque intelligere, se Sacri Viatici vigore confortatum ex hujus misera peregrinationis itinere ad Cælestem Patriam tendere. Atque id est, quod passim Ritualia docent, atque varie Episcoporum Synodi mandant, etiam recentiores, quia scilicet non semel Parochi in ipso administrando Sacro Viatico opportuno tempore negligentes reperti fuerunt, meritoque a zelantissimis Episcopis eam ob causam acriter reprehensi, ac puniti. Sed de hac quorundam Parochorum negligentia in administrandis Sacramentis jam sæpe alibi diximus.

§. II.

Cavendum autem in primis est, ne ad indignos cum aliorum scandalo deferatur, quales sunt publici usurarii, concubinarij, notorie criminosi, nominatim excommunicati, aut denunciati, nisi se se prius sacra Confessione purgaverint, & publicæ offensionis, prout de Jure, satisfecerint.

COMMENTARIUS.

DE indignis, quales sunt in hoc præfenti §. notati, ab Eucharistica Communionis arcendia, satis jam diximus supra Capite 1. hujus Tituli in Commentario ad §. viii. & nonnihil etiam ad alios sequentes. Sicut enim indigni cum fani sunt ad Communionem non sunt admittendi, nisi, ut ait hic noster §. se se prius sacra Confessione purgaverint, & publicæ offensionis, prout de Jure, satisfecerint. Ita etiam se

gerere debent Parochi, ac cæteri Sacerdotes, ut quocumque tempore se se Fideles celestium Mysteriorum dispensatores exhibeant, nec unquam ea, quatenus in ipsis est, sacrilega susceptione violari patiantur, præsertim verò ab ægrotantibus mortuaria, quibus, si male dispositi, indigneque sacra ipsa Mytheria susceperint, & in eo statu ex hac vita migraverint, æternum animarum suarum detrimentum patiantur.

§. III.

Hortetur Parochus infirmum, ut sacram Communionem sumat, etiamsi graviter non ægrotet, aut mortis periculum non immincat, maxime si Festi alicujus celebritas id suadeat, neque illam ministrare recusabit.

COMMENTARIUS.

ID ipsum non uno in loco Actorum Ecclesie Mediolanensis statuit, luculentiusque explicuit S. Carolus, præsertim vero in Instructionibus, De visitatione, & cura infirmorum, Capite inscripto, De Communione, ubi sic inter alia inquit: *Cohortabitur ægrotum Parochus, ut sacram Communionem sumat, etiamsi graviter non ægrotet, maxime si Festi alicujus celebritas id suadeat; neque ipse ministrare recusabit sæpius in eadem infirmitate pro devotione, & desiderio ægroti, præsertim si ille, cum valet, solet frequentare, de quo in Concilio Provinciali iv. decretum est.* Porro verba citati hujus Concilii in eo Capite, quod inscriptum est, *Quæ ad Santissimum Eu-*

charisticæ Sacramentum pertinent, hæc sunt: *Ægrotantibus etiam suæ mortis periculo sacra Eucharistia frequentius sumenda desiderio flagrantibus, his præsertim, qui, dum integra valetudine sunt, frequenti Sacramentorum usa se religioso, salutariterque pascunt, ne Parochus, quantum per alias necessarias in Parochiali munere occupationes sibi licet, spirituales illam consolationem, salutareque adjumentum, religiosæ præparatione ab eisdem adhibita, deneget.* Similia legere est in aliis multis tum Provincialibus, tum Diocesanis variorum Episcoporum Conciliis, qui Sancti Caroli Decreta panc. ad verbum Conciliis suis inferuerunt.

§. IV.

Pro Viatico autem ministrabit, cum probabile est, quod eam amplius sumere non poterit. Quod si æger, sumpto Viatico, dies aliquot vixerit, vel periculum mortis evaserit, & communicare voluerit, ejus pio desiderio Parochus non deerit.

COMMENTARIUS.

Nihil hic noster §. statuit, quod non prius a S. Carolo fuerit præscriptum, clariusque explicatum in aurea Actis Ecclesie Mediolanensis, ac præsertim in Instructionibus, De visitatione, & cura infirmorum, Capite, De Communione, ubi eisdem nostri §. verba leguntur: *Pro Viatico, inquit, ministrabit, cum probabile est, quod eam, Communionem scilicet, amplius sumere non poterit.* Additque mox: *Cavebit autem, ne ita cavillectur, ut periculum adeat ægrotis moriendi priusquam sumat.* Quando autem danda est Communi ægrotanti jejuno, vel non jejuno, in modum Viatici, standum est

peritorum Medicorum judicio; vel si Medicus non adsit, considerandum est imminens mortis periculum a prudenti Parochio, cui si in conscientia videatur, ægrotum esse in periculo non sumendi amplius in modum Viatici Communionem, debet eam ministrare, & absque scrupulo juxta suum prudens judicium, deficiente scilicet alio peritior. Neque enim credere infirmo debet, qui constanter diceret, se potius melius habere, nec esse in eo periculoso statu accipiendi Viaticum. Frequenter namque infirmi falluntur, sanitatemque sibi redditam persuadent, tum potissimum, cum in eo statu versantur. Atque hac

facit commune illud Medicorum in malignis febribus dictum: *Pulsus bonus, urina bona, aeger moritur*; uti ad hunc osstrum §. notavit Barrufaldus, num. 19. & seq.

II. Venio nunc ad illa nostri §. verba, quibus dicitur, *quod si ager, sumpto Viatico, dies aliquot vixerit, vel periculum mortis evaserit, & communicare voluerit, ejus pio desiderio Parochus non deerit*. Quae verba non modo recenset S. Carolus, sed suo more luculenter etiam exponit in Instructionibus superius memoratis, Cap. De *Communione*, ubi postquam dixit, ministrandum pro Viatico Communionem aegrotanti, cum probabile est, quod eam amplius sumere non poterit; cavendumque, ne ita evincitur, ut periculum adest aegroti moriendi, priusquam sumat; ita statim subjicit: *Cum praeterea posteaquam Viaticum, Extremamque etiam Unctionem aeger suscepit, aliquot dies superstes, sibi sacram Communionem ministrari petat, ejus pio desiderio Parochus non deerit, sed pro Viatico illam iterum in eodem morbo non ministrabit; ideoque in ministrando utetur illis verbis: Corpus &c.* Id quod etiam idem S. Antistes ante statuerat in Concilio Provinciali Mediolanensi v. ubi de Sanctissimae Eucharistiae Sacramento agens, ita ad rem ait: *Cum quis periculose aegrotans, ac etiam pene in extremo spiritu Sanctissimam Eucharistiam, & Sacramentum Extremae Unctionis suscepit, si postea aliquot dies superstes, sacram Communionem sibi ministrari petat, ejus pio, religiosoque desiderio Parochus ne desit, molo ne pro Viatico iterum in eodem morbo praebeat, cum id a Sanctis Patribus olim fieri consuevisse traditum sit*. Similia mandant multi alii Episcopi in Synodis suis, ac Ritualibus, ex quibus addiscimus, non debere in eodem morbo Communionem saepius dari per modum Viatici, nisi aliquid novum periculum urgeat, ut a Sacra Congregatione S. R. E. Cardinalium Tridentini Concilii Interpretum declaratum fuit, teste pio, doctoque Episcopo Vasonensi Genetto, Tomo III. *Theologiae Moralis*, ubi casus praeticos recenset ex Tractatu, De *Eucharistia*, Casu xxii.

III. Sed forte quaeret hic quispiam, an etiam illi exhibendum sit, qui cum mane sanus esset, Eucharistiam sumpsit, nec ne? Et quidem scilicet sunt in hac Quaestione Scriptores, uti ostavit BENEDICTUS Papa XIV. Lib. vii. De *Synodo Diocesana*, Cap. xi. num. II. dum plerique docent, etiam hunc inopinato incidentem in mortis periculum, teoeri denuo se reficere Eucharistico cibo, quo fiat validior ad ultimum luctum. Alii ex adverso sentiunt, in praedicto ream eventum, non solum non urgere Praeceptum sumendi Viaticum, sed recipi non posse sine piaculo. Argumenta utriusque opinionis recolet laudatus Pontifex loco citato, ubi post allatam & aliorum opinioem, qui mediam viam tenentes, dicunt, praedictum hominem, qui maore bene valens ad Eucharistiam accessit, & deinde in periculosum incidit morbum, posse, si velit, denuo Eucharistiam sumere per modum Viatici, nullo tamen Praecepto ad id faciendum adstringi, subdit mox, in tanta opinioem varietate, Doctorumque discrepantia, integrum esse Parochum eam sententiam amplecti, quae sibi magis arriserit, quia fiat reus violati Statuti Synodalis, quod certe non potuit casum istum extraordinarium respicere; neque fas esse Episcopo, aut ia Parochum animadvertere, qui praefato aegrotanti Viaticum deogavit, aut quidquam de humilissimi controversia in sua Synodo decernere, ne videatur sibi arrogare partes Judicis inter gravissimos hac super re contententes Theologos. Ita plane docet memoratus Pontifex in nova editione celeberrimi Operis, De *Synodo Diocesana*, facta Romae MD. cc. lxx. quam forte ignorans doctus aequo, ac pius Episcopus Casalensis & Comes Ignatius ab-Ecclesia in sua Casalensi Synodo habita die v. vi. vii. Septembris MDCLVI. Cap. vii. pag. 24. obi de administratione loquens Sacri Viatici, sic inter alia inquit: *Quare si Sacerdos, aut quilibet alius, qui mane bonus utens valetudine, aut celebraverit, aut sacram suscepit Eucharistiam, urgente vita periculo, poterit etiam eodem die sacra refici Communione*.

§. V.

Potest quidem Viaticum brevi morituris dari non jejunis; id tamen diligenter curandum est, ne his tribuatur, a quibus per phrenesim, sive ob assiduum tussim, aliumve similem morbum, aliqua indecentia cum injuria tanti Sacramenti timeri potest. Ceteris autem infirmis, qui ob devotionem in aegritudine communicant, danda est Eucharistia ante omnem cibum, & potum, non aliter, ac ceteris Fidelibus, quibus nec etiam per modum medicinae ante aliquod sumere licet.

COMMENTARIUS.

I. Quamquam vetus sit, & recepta omni aeo Ecclesiae disciplina, ut Eucharistia non nisi jejunis praebetur, uti jam diximus supra, Capite I. hujus Tituli, in Commentario ad §. III. ex praescripto nihilominus Sacrorum Conciliorum, praxique, quibus hic noster §. inheret, potest quidem Viaticum brevi morituris dari non jejunis. Quod plane definitum jam fuit in Concilio Constantensi Sessione xiiii. his verbis: *Decrevit, ac definit, quod licet Christus post Cenam instituerit, & Discipulis administraverit hoc Venerabile Sacramentum;*

tamen hoc non obstante, sacrorum Canonum auctoritas, & Ecclesiae approbata consuetudo servavit, & servat, quod hujusmodi Sacramentum nec post Cenam conficiatur, nec sumatur a non jejunis, nisi in casu infirmitatis, aut alterius necessitatis, a Jure, vel Ecclesiae concessio, vel admissio. Atque hanc antiquam, communemque Ecclesiae praxim pluribus Conciliorum Decretis probat inter alios doctissimus, religiosissimisque Cardinalis Brancatius in Opusculo, De *sacro Viatico*, pag. 146. & seqq. Sed curandum nihilominus esset, ut quantum fieri potest, sacrum Viaticum a jejunis re-

recipiat, uti admonet Ordinarium Carthusien-
fium Parisiis anno MDLXXXII. impressum, Ca-
pite 33. ubi loquens de Sacramentis Eucharistiae,
& Extreme Unctionis aegrotis conferendis, pos-
quam dixit, providendum esse a Prioribus, ut in-
firmi opportuno tempore Communionem recipiant,
non expectata necessitate extrema, ita statim sub-
dit: *Et nihilominus eo die, qua Extremam Unctio-
nem suscipiunt, si parati sunt, Christi Corpus
pro Viatico sumant jejuni, si commode fieri potest;*
neque enim post cibum Corpus Christi alicui mi-
nistriari debet, nisi ad succurrendum; id est ubi
necessitas urgeat. Atque hæc fuit perpetua Ca-
tholica Ecclesiae praxis ex Apostolorum tradi-
tione accepta, & a sacris Conciliis confirmata,
de qua non uno in loco diximus.

II. Licet autem rite recteque brevi morituris non jejunis Sacrum Viaticum detur, oportet
admonet nosse §. id tamen diligenter curandam, ne ita tribuatur, a quibus ob phrenesim, sive ob assiduum tussim, aliamve similem mor-
bum, aliqua indecentia, cum injuria tanti Sacramenti timeri potest. Sane si veterem discipli-
nam spectemus, donabantur quidem olim phre-
netici, amentesque in ultimo vitæ periculo consi-
tuti Sacra Eucharistia, si non fuisset irreverentis
periculum. Coostat enim hæc disciplina ex
Canone LXXVI. Concilii IV. Carthaginensis anno
CCCXCIII. celebrati: *Is qui in infirmitate peni-
tentiam petit, si casu, dum ad eum Sacerdos
invitatus venit, oppressus infirmitate obmutuit,
vel in phrenesi conversus fuerit, dent testimonium,
qui cum aderant, & necipit penitentiam;
& si continuo credatur moriturus, reconcilietur
per manus impositionem, & infundatur
eius Eucharistia.* Perstraversit hæc discipli-
nam usque ad XI. Christi Saeculum, sub ejusque
finem amentibus, phreneticisque, etiam quum
imminet eis vitæ periculum, coepisse Eucharis-
tiam negari, notavit Jueolous, *De Sacramentis*,
Dissertatione IV. Questione VI. Cap. III. in fine,
ubi etiam hæc rationem assignat, quia pro
phreneticis, & amentibus, valet argumentum,
quod Patres posteriorum saeculorum adduxit, ne
Sanctissimum Eucharistiae Sacramentum inso-
litis elargirentur, defectu nimirum pietatis, ac
reverentiae, quæ taoto mysterio debentur.

III. Sed relicti amentibus, phreneticisque,
ne ita tribuatur Viaticum, a quibus ob assiduum
tussim, ut ait osser §. aliamve similem morbum,
aliqua indecentia, cum injuria tanti Sacramenti
timeri potest, statuit etiam S. Carolus in Instru-
ctionibus, *De visitatione, & cura infirmorum*,
Capite, *De Communione*, sic inter alia inquires:
*Cum Parochus accessit ad aegrotum, diligenter ob-
sedeat, si quidem graviter laborat, an integro sen-
su sit, an item periculo tussis, anque item vomitus.*
*Si tunc non potest sumere, necessitate, vi-
que repentina morbi impeditur, aliquantulum mo-
rabitur Parochus; dumque in mora est, ipse, &
reliqui Fideles genibus flexis coram Sanctissimo
Sacramento orabunt. At vero si perseveret impe-
dimentum, illud propæiet ei adorandum, si mo-
do aegrotus ita desideret, & impetrata ei figura
Crucis benedictione cum ipso Sacramento disce-
dat. Eodem modo oret, proponat, & benedicat,
si cum venit, ab initio viderit, fieri non posse,
ut aegrotus sumat. Sed ne deferat tamen unquam
ad eum, quum sumere non posse, ante, noverit.*
Placuit prolixum hunc S. Caroli locum descri-
tam, I.

bere, quod multa in eo continentur, explican-
turque, ac Ministri Sacrae Eucharistiae erudiun-
tur, ad ipsam Infernis quibusdam administran-
dam, denegandamve.

IV. Cæterum audiendus iterum hoc loco
Sanctus Carolus, qui in Concilio suo Provinciali
Mediolanensi v. agens de illis, quæ ad Eucharis-
tiae Sacramentum pertinent, ita de eadem re lo-
quitur: *Sacra Communionis ad aegrotum non defer-
ratur, nisi ad eum, qui vere illam sumpturus
est. Si vero aliquando, ut, dum ad eum Pa-
rochus venit, morbi vi ita affectum illum inve-
niat, ut eum tunc ministrare rite non possit, col-
locata Pyxide super Corporale in mensa eo no-
mine appurato, paululum moveatur, dum genibus
flexis, uno cum cæteris, qui adsunt, ac potis-
simam cum aegrotis ipso sancte oret; ac postea re-
cessurus, Eucharistia Pyxide inclusa eidem be-
nedicat. Quod si aegrotus ipse id vehementer
exoptat, Sacramentum aperto etiam Pyxide li-
ceat ostendere adorandum. Atque hi sunt ritus,
qui licet a Sancto Carolo pro Ecclesia Mediola-
nensi fuerint præscripti, servari tamen religio-
se ab aliarum Ecclesiarum Parochis possunt, tum
vero potissimum, ubi proprii ipsorum Episcopi
eisdem ritus a Sancto Carolo Ecclesiasticæ disci-
plinæ peritissimo constitutos, in Synodis suis
præscripserint, sicuti a pluribus sacrum fuit Epi-
scopis Italici, Gallici, Germanici, Hispanici, at-
que Indiarum, qui passim Decreta ex Actis Ec-
clesiæ Mediolanensis ab eodem S. Carolo sapien-
tissime ordinatis, Conciliis suis Provincialibus,
Diocesanisque interverunt.*

V. Exceptis brevi morituris, quibus non
jejunis recte Viaticum datur, uti non uno lo-
co ostendimus, ex præscripto ossis hujus §.
primum Ecclesiæ disciplinæ, ac Patrum aucto-
ritati inherentes, cæteris infirmis, qui ob de-
votionem communicant, danda est Eucharistia,
ante omnem cibum, & potum, non aliter ac cæ-
teris Fidelibus, quibus nec etiam per modum me-
dicinæ ante aliquod sumere licet. Ratio est,
quia per quodcumque sumptum per modum ci-
bi, & potus, tollitur jejunio naturale, quod,
ut oos alias diximus, Sacrae Communioni prære-
quiruntur. Ex quo principio ita S. Thomas ratio-
cinatur in Parte III. Questione LXXX. Article
v. 111. *Et ideo neque post assumptionem aqua,
vel alterius cibi, aut potus, vel etiam medicina,
in quantumcumque parva quantitate, licet hoc
Sacramentum accipere. Nec refert, utrum ali-
quid hujusmodi natrias, vel non natrias, aut
per se, aut cum alio, dammodo sumatur per
modum cibi, vel potus. Porro omnollas con-
gruas rationes pro naturali jejunio ad Eucharis-
tiam Communionem rite accipiendam requi-
sitæ assert idem Sanctus Doctor loco citato, ubi sic
inquit: *Impeditur aliquis a sumptione hujus Sa-
cramenti post cibum, & potum assumptum tri-
pliciter. Primo quidem, ut Augustinus dicit,
in honorem hujus Sacramenti, ut scilicet in os
hominis intret nondum aliquo cibo, vel potu in-
fectum. Secundo propter significationem, ut sci-
licet detur intelligi, quod Christus, qui est res
hujus Sacramenti, & claritas ejus, debet primo
fundari in cordibus nostris. Tercio propter pe-
riculum comitum, & ebrietatis, quæ quandoque
contingunt ex hoc, quod homines inordinate el-
bis utantur, sicut Apostolus dicit *Prima ad Co-
rinthios II.* Alius quidem esurit, alius ebrius est.**

§. VI.

Sed alicui ad adorandum solum, seu devotionis, seu cuiusvis rei prættextu, ad ostendendum non deferatur.

COMMENTARIUS.

I. **N**E Parochus unquam ad eum Eucharistiam deferat, quem sumere non posse ante noverit, admonet non uno in loco S. Carolus, præsertim vero in Concilio Provinciali Mediolanensi v. ubi de iis agens, quæ ad Sanctissimæ Eucharistiæ Sacramentum pertinent, sic habet: *Sacra Communio ad ægrotum non deferatur, nisi ad eum, qui vere illam sumpturus est.* Concinit autem huc nostrum §. Inter alia Manuale Cameracense, expresse prohibens, deferri ad infirmum Eucharistiæ Sacramentum, ad adorandum, seu devotionis, seu enjussus rei prættextu, ad ostendendum. Ratio præcipua huius prohibitionis ea esse videtur, quia Eucharistiæ Sacramentum, neque ad hoc institutum est, neque Ecclesia Dei hanc habet consuetudinem. Sane si aliquando sit, ut dum ad infirmum Parochus venit communicandum, morbi vi ita affectum illum inveniat, ut sacram ipsi Communionem tunc rite præstare non possit, permittit quidem S. Carolus in laudato Provinciali v. Mediolanensi Concilio, ut collata Pyxide super Corporale in Mensa eo nomine appolata, paululam moretur, dum genibus flexis una eumceteris, qui adsunt, ac potissimum eum ægroto ipso sancte orat, ac postea recessurus, Eucharistiæ Pyxide inclusa eidem benedicit. Additque etiam ibidem mox: quod si ægrotus ipse id vehementer exoptat,

Sacramentum aperta etiam Pyxide liceat ostendere adorandum.

II. Cæterum licet Pastorale Mechlinense, uti & Manuale Cameracense apud Vancipen Parte II. *Juris Ecclesiastici universi*, Tit. IV. Capite IV. num. XIV. dicant, in simili casu exhibendum esse Sacramentum ad adorandum, sed non, inquit, *detur ad ostendendum*; vetuit id tamen Concilium XIV. Provinciale Beneventanum anni MDCXCIII. sub Fratre Vincentio Maria Cardinale Urfino, qui fuit postea Papa Benedictus XIII. celebratum, Tit. XXXV. Cap. XI. ubi ita statuit: *Praxis illa ostendendi Eucharistiæ Sacramentum infirmis communicare non valentibus aboleatur; ideoque si Parochus ad infirmum accedens, impedimentum compererit, ob quod sacram Viatum præbere non valeat, absque alia cerimonia ad Ecclesiam revertatur.* Excepta Provincia Beneventana, aliisque Diocæsi-bus, quarum Episcopi similia Decreta ediderunt, puto equidem, servari posse rite religioseque aliis in locis, quod S. Carolus statuit; ut nempe, ubi ad infirmum Parochus venit, quem novit sumere posse Communionem, si impedimentum postea compererit, ob quod ille communicare nequeat, possit Parochus ipse Sacramentum aperta Pyxide infirmo ostendere adorandum, eidemque postea benedicere cum Sacramento Pyxide incluso.

§. VII.

Deferri autem debet hoc Sanctum Sacramentum ab Ecclesia ad privatas ægotantium domos decenti habitu, superposito mundo velamine, manifeste, atque honorifice ante positus, cum omni reverentia, & timore, semper lumine præcedente.

COMMENTARIUS.

I. **E**Xpeditum haud satis est, quo ritu olim Eucharistia fuerit ad ægotantes delata. Illud plane constat ex Capite, Sane x. *De celebratione Missarum*, Honorium Papam III. qui claruit initio Sæculi XIII. mandasse Presbytero, ut eam ad infirmum in decenti habitu, superposito mundo velamine, ferat, & reverterat manifeste, ac honorifice ante positus, cum omni reverentia, & timore, semper lumine præcedente, cum sit eandem lucis æternæ, ut ex hoc apud omnes fides, & devotio augeatur. Atque hic nota, §. nostrum desumptum plane fuisse ex recitata Honori Papæ III. Decretali. Eodem, quo Honorius, Sæculo claruit S. Edmundus Cantuariensis Archiepiscopus, qui in suis Constitutionibus circa annum MCGXXXVI. editis, Capite XXV. hunc ritum in deferenda ad infirmos Eucharistia præscripsit: *Cum Eucharistia ad ægrotum fuerit deferenda, habeat Sacerdos aliquam Pyxidem mundam, in qua sit pannus lineus mundissimus, & in ea deferat Corpus Dominicum ad ægotam, liateo mundo superposito, & Interna præcedente, nisi æger valde remotus fuerit; & Crucem similiter,*

si fieri potest, nisi Crux fuerit ad alium ægrotum deportata; præcedente quoque tintinabulo, ad cuius sonitum excitetur devotio Fidelium. Habeat quoque secum Sacerdos Orarium, sive Stulam, quando cum Eucharistia, sicut diximus, vadit ad ægotam. Similia legere est in Constitutionibus Richardi Episcopi Sarum, Cap. XXXIX. ac in illis cuiusdam Episcopi Anonymi anno Christi MCCCXXVII. in Concilio Wigornienſi anni MCCC. & in aliis multis eodem Sæculo, ac sequentibus celebratis.

II. Sed, ut per singulas partes nostrum §. explicemus, *deferri debet hoc Sanctum Sacramentum ab Ecclesia ad privatas ægotantium domos*; quibus verbis abusus ille rescissus, qui hodieque alicubi viget, cum scilicet communicare debent Magnates infirmi, non quidem ab Ecclesia ad eorum domos Eucharistia deferretur, sed ex Particula consecrata in Missa, quæ in domestico Oratorio celebratur, communicant. Quod quidem absurdum est, cum ex nostro §. & recitato Capite, Sane, Sacramentum ipsum Eucharistiæ deferri debeat ad ægotantium domos, non

non modo ab Ecclesia, verum etiam manifeste, ac manifeste. Id quod passim in saeculis Codices aequae, ac Synodi uno consensu urgent, utque incutant; additque Pastorale Mechlinense apud Vandespen, Parte II. Juris Ecclesiastici, Tit. IV. Cap. IV. num. XVI. *Non enim toleranda est eorum licentia, & abusus, qui sine gravi necessitate sub calumide, occulte, sine lumine, & bonore illud deferant.* Synodus quoque Provincialia II. Cameracensis, Tit. IX. Cap. II. improbat abusum eorum, qui sanctam Eucharistiam ageris, qui morbum dissimulare volunt, seu alio quocunque prae-textu, occulte, sine lumine, & sine bonore deserunt. Atque his addi potest aliorum quorundam abusus, qui, cum egri domi communicare debent, ne id scilicet populus sciat, summo mane, ac fere noctu, sibi Communionem dari, Parochum rogant. Quod quidem inferius §. XI. vestitus est, ubi expressit, ac districtè mandat, *notis hoc Sacramentum deferri non debere, nisi necessitas urgeat.*

III. Manifeste non modo, verum etiam honorifice, cum omni reverentia, & timore, semper lumine precedente, deferri debere ad infirmum Communionem, ait quidem hic noster §. & ante ipsum Honorius Papa III. in citato Capite, *Sane, ubi etiam cum affert rationem, Cuius sit condor luchi aeterna, ut ex hoc apud omnes Fides, & devotio augeatur.* Ut uno non precedente lumine, sed multis etiam cum accensis cereis deferatur Communionem ad infirmum, dicemus mox in Commentario ad sequentem §. VIIII. Deferendam quoque Eucharistiam ipsam, praecedente tintinnabulo, ad cuius sonitum excitetur devotio Fidelium, statuit quidem Ricardus Sarum Episcopus in Constitutionibus suis anno Christi MCCXVII. editis, Capite xxxix. & non multo post eisdem verbis S. Edmundus Archiepiscopus Cantuariensis, cuius locum nos descripsimus supra num. I. huius Commentarii. Quod idem inter alia statuit Concilium Herbipolense celebratum anno MCCLXXXVII. Cap. VIII. ut nempe ad ipsum campanulae sonitum, obviantes donec Sacerdos transeat, genuflectant, & dicant devote ter ad minus Orationem Dominicam cum Salutatione Beatae Mariae pluries. Adit mox etiam Concilium, se, tam Sacerdoti Eucharistiam gestanti, quam Clerico lumen, & campanulam portanti, tintinnantique, & singulis vere poenitentibus, & confessis genuflectentibus, dummodo, ut dictum est, Orationem Dominicam cum Salutatione Beatae Virginis dicant, decem dies pro vite qualitate, de iniuncta sibi poenitentia, auctoritate, qua languit, relaxare.

IV. Quo tandem habitu indutus esse Parochus debeat, cum ad egrotum Eucharistiam deferat, non exprimit hic noster §. sed inquit: *Decenti habitu, superposito munda velamine.* Usus est verbis Honorii Papae III. in recitato superius Capite, *Sane.* Porro decens habitus in ea susceptione intelligitur Superpellicum, & Stola, sive Orarium, uti expresse mandant memorati Antistes Ricardus Sarum, & S. Edmundus Cantuariensis, itemque Herbipolense Concilium loci

citatis: *Presbyter Superpelliceo cum Stola circa collum portet, Eucharistiam scilicet ad infirmum, ut ait memoratum Concilium, quod etiam mox subiungit: Nisi loci distantia, & temporis qualitas fecerit excoisat.* Porro, ut habeat Sacerdos secum Orarium, seu Stola, qui cum Eucharistia vadit ad egrotum, sine ulla temporis, locique remoti exceptione, mandant quidem laudati Sarum, & Cantuariensis Episcopi; solennique adiciant, ut, si eger remissus non fuerit, in Superpelliceo ad ipsam decenter accedat. Semper itaque adhibenda est Stola, & Superpellicum, quod tamen solum omitti potest, si eger, qui est Eucharisticam Communionem sumpturus, longe ab Ecclesia distet.

V. At vero ad confidendum magis magisque haereticorum recentiorum perfidiam, impie, perperamque contentendum, nullam esse Sanctissimum Eucharistiae Sacramentum reverentiam exhibendam, recte admodum ex variis Conciliis cautum fuit, ut vel ad egros summo cum honore portaretur. Certe S. Carolus in Concilio Provinciali II. Mediolanensi, Capite *De iis, quae ad Sacram Eucharistiam pertinent*, discrete mandat, ut Sacerdos cum Corpora Christi Domini ad egros interdum in Urbe, aliisque frequentibus locis deferat, non Superpelliceo solum, sed Pluviali praeterea indutus incedat. Idem repetit in Concilio Provinciali V. Capite eodem, & in Instructionibus, *De visitatione, & cura infirmorum*, Capite, *De Communione*, ubi sic inter alia inquit: *In deferendo, Eucharistiae scilicet Sacramento ad infirmum, utatur Pluviali, ubi per loci, temporisque conditionem fieri poterit; alias vero Superpelliceo, & Stola.* Pluviale una cum Superpelliceo, ac Stola, in deferenda ad egrotos Eucharistia adhibendum, in variis Synodis constitutum lego, potissimum vero in Salernitana anni MDLXXIX. Tit. xix. Cap. x. Debe autem Pluviale ipsam, ac Stola, esse albi coloris, ex generalibus Missalis Rubricis addicere licet.

VI. Sive autem solum Superpellicum cum Stola gestetur, ut antiquae Constitutiones mandant, sive una cum ipsis Superpelliceo & Stola etiam Pluviale, ut recentiores Synodi insinuant, semper adhibendum mundum velamen ex praescripto nostri huius §. sive potius ex antiquo ritu, ut constat ex citato toties Capite, *Sane*, ex quo ipse noster §. desumptus fuit. Solet velamen istud sericum esse albi coloris, ac auro intertextum, superponiturque Superpelliceo, vel Pluviali si una cum illo id adhibetur, ut Sacerdos Sacram Pyxidem gestans, illius veli extremitatibus illam cooperiat, ut Rubricae Missalis praescribunt, ac Sacra Synodi mandant, inter quas praedicta Salernitana loco citato, postquam edixit, ut Parochus ad egrotum communicandum accessurus, sit tam indutus Superpelliceo, Stola, & Pluviali, ne Sacramentum deferat sub decenti umbella, seu baldachino, quod digniores, semper gestent, ita statim subdit: *Habeatque velum sericum, quod humeros, ac Pyxidem, seu Vas, in quo est Sanctissimum Sacramentum, contegat.*

§. VIII.

Parochus igitur processurus ad communicandum infirmum, aliquot Campanae ictibus jubet convocari Parochianos, seu Confraternitatem Sanctissimum Sacramenti, ubi fuerit iusti-

instituta, seu alios pios Christianos, qui Sacram Eucharistiam cum cereis, seu intorticiis comitentur, & umbellam, seu baldachinum, ubi haberi potest, deferant.

COMMENTARIUS.

I. **U**T decentius, honorificentiusque sacra ad infirmum Communio deferatur, recte statuit hic noster §. quod alias variae Synodi sanxerunt, ut nempe Parochus processurus ad communicandum infirmum, aliquot Campanae istibus jubeat convocari Parochianos, seu Confraternitatem Sanctissimi Sacramenti, ubi fuerit instituta, seu alios pios Christianos, qui Sacram Eucharistiam cum cereis, seu intorticiis comitentur, & umbellam, seu baldachinum, ubi haberi potest, deferant. Ita quidem hic noster §. Sed audiamus Decreta Sancti Caroli in Concilio Provinciali Mediolanensi t. edita, Capite inscripto, *Qua pertinet ad Sacramentum Sacra Eucharistia*, ubi sic inquit: *Ut Sanctissima Eucharistia ad aegrotos summa cum religione deferatur, Parochi populum sapissime hortentur, ut frequenter seipsum prosequatur. Quamobrem etiam Sodalitates Corporis Christi in Parochiis instituant. Cum vero deferenda erit, tum cum Campana sicuti praeconant. Lamina, fluctuans, & decorum Vascularum velo etiam decenter contegant, ac praeerea, ubi fieri potest, umbellam adhibeant.*

II. Optant plane Synodi permulta, in omnibus Ecclesiis Parochialibus, saltem celebrioribus erigi Confraternitatem Sanctissimi Sacramenti, cujus Sodales specialiter honori, & cultui ejusdem Sacramenti intendunt, atque Sacramentum ipsum, quoties ad infirmum deferitur per Parochum, vel eo legitime impedito, per alium, devote assuevit, juxta articulum erectionis hujusmodi Confraternitatis inferi solum. Porro antiqua, ac celebris est Archiconfraternitas Sanctissimi Sacramenti Romae in Ecclesia S. Mariae supra Minervam Fratrum Ordinis Praedicatorum constituta, Auctore ejusdem Ordinis Alumno Fr. Thoma Stella Veneto, qui Librum edidit Italice scriptum, de Capitulis, Statutis, atque Ordinationibus ejusdem Sodalitatis. Sed audire praestat doctum aequae ac pium Scriptorem Fr. Antoninum Bremond, qui fuit postea Generalis laudati Ordinis Magister, obitque non sine animi nostri sensu, die xi. Junii anni MDCCCLV. Tomo vii. Bullarii Dominicani in Tractatu, De consensu Bullarum, Tit. xv. *Quaestione v. §. 2.* ubi sic de ipsa Confraternitate loquitur: *Hanc omnium primam comprobans Paulus III. variis Privilegiis, & Indulgentiis ornavit; ipsaque est, cujus Privilegiis, Concessionibus, Indulgentiarum, Facultatibus, Gratiarum, & Indulgentiarum participes sunt omnes aliae Confraternitates Sanctissimi Sacramenti ubique Terrarum, Apostolica, vel Ordinaria auctoritate constituta, ut ex Apostolicis Constitutionibus mox laudandis videre est. Memorat laudatissimus Auctor amicus noster, dum viveret, charissimus, ipsas Constitutiones, sed recte tum ita deinde subiungit: Licet omnium prima Sanctissimi Sacramenti Archiconfraternitas, sedente Paulo III. prodierit, anno circiter MDXXXIX. uti mox distam fuit, non abs re tamen fuerit, dum ejusdem Confraternitatis Indulgentias referam, illas exhibuisse, quas Eugenius IV. jam pridem pro die Festo Sanctissimi*

Corporis Christi, & quoties deferitur infirmis, concessas firmavit, & auxit.

III. Sed omissa hac Eugenii Papae IV. Constitutione data die xxvi. Maji anni MCDXXXIII. quae legi potest Tomo III. praedicti Bullarii Dominici, pag. 21. audiendus potissimum est memoratus Paulus III. ab ipse Societate Sanctissimi Sacramenti in Ecclesia S. Mariae supra Minervam erecta, sic inter alia inquit in Constitutione l. iv. data xxx. Novembris MDXXXIX. & relata in eodem Bullario Dominicano pag. 583. *Sane pro parte dilectorum filiorum anteverforum Confratrum Confraternitatis sub invocatione Sacratissimi Corporis Christi in Ecclesia Domus B. Mariae supra Minervam de Urbe Ordinis Fratrum Praedicatorum instituta, nobis nuper exhibita petitio continebat, quod nuper nonnulli Civis Romani, & Curiales Christiani de pie considerantes, Sacratissimum Eucharistia Sacramentum praedictum in Parochialibus Ecclesiis dista Urbis, minus honorifice, & in locis abjectis, sine ulla consideratione conservari, & cum per ipsam Urbem pro Communione infirmorum deferendum erat, ab uno tantum Capellano, sine ulla decore, & reverentia solum deferri; ac singulari devotione duntaxat cupientes praemissis, & ut eidem Sacramento honor, cultus, & veneratio debite exhiberentur, quantum in eis erat, providere, unam Societatem, & Confraternitatem utriusque sexus, sub invocatione ejusdem Sacratissimi Corporis Christi, in dista Ecclesia de Minerva ordinarent, & instituerent, ac pro eius salubri directione, & incremento, inter alia, quod Confratres Confraternitatis hujusmodi pro tempore existentes, seu ab eis per singulas regiones Urbis praedictae deputati, & deputandi, diligenter, ac omni cura, & studio facerent, & procurarent, ut Sacramentum hujusmodi tam in dista Minerva, quam singulis aliis Parochialibus Ecclesiis Urbis hujusmodi, ea, quae decet, veneratione, in loco honorifico, & honesto, lampadibus necessariis, din novisque conservaretur, & custodiretur. Et si eandem Ecclesiarum redditus ad id non sufficerent, ipsi Confratres illis de necessariis ad hujusmodi opus, necnon ad emendandum unum palatium pro singulis Ecclesiis praedictis, cum quo Sacramentum ipsum, quotiescumque illud pro Communione infirmorum extra Ecclesiam deferendum esset, deferri deberet, providerent. Ac quod Rectores cujuslibet ex Ecclesiis praedictis, seu illius locum tenens, quotiescumque esset necessarium, Sacramentum hujusmodi alicui infirmo ministrari, & ad illius domum deferri, Campanam suae Ecclesiae certis diebus passari facere teneretur, ad hoc aut Confratres vicini Parochiae illius Ecclesiae se moveri ad associandum Sacramentum ipsum cognoscerent, & per se ipsos associarent, si legitimo impedimento defectu non forent, ab aliquo per annum de suis dignioribus familiaribus Sacramentum praedictum ad domum disti infirmi facibus accensis associari, & comitari facere tenerentur.*

IV. Placuit prolixum hunc locum describere, quod ex eo plura, quae & hunc nostrum §. spe-

§. spectant, addicimus. Primo quidem. Sodalitatem ipsam Sanctissimi Sacramenti institutam primum fuisse Romæ in Ecclesia S. Marie supra Minervam Oedius Fraterum Predicatorum, qui quidem a prima sua institutione omnem suam navavit operam, ut in Sanctissimo Eucharistiæ Sacramento debitus cultus exhiberetur, præsertim vero S. Thomas Aquinas, qui iussu Urbani Papæ IV. Missam, & Officium Sacratissimi Corporis Christi admirabili doctrina, & pietate composuit. Secundo, institutam fuisse Societatem prædictam ad reparandum cultum Sacramento Sanctissimæ Eucharistiæ debitum, quod in Parochialibus Ecclesiis Orbis minus honorifice, & in locis abjectis sine ulla consideratione conservari, & cum per ipsam Urbem descendendum erat, ab uno tantum Cappellano sine ulla decore & reverentia deferri solitum esset. Tercio, huic reparando abusu statuisse Societatem, ut Sacramentum huiusmodi tam in dicta Minerva, quam singulis Ecclesiis Parochialibus Orbis, ea qua decet veneratione, in loco honorifico, & honesto, lampadibus accensis, die, nocturne conservaretur. Quarto, ut unum pallium, idest baldachinum, pro singulis Ecclesiis prædixit, cum quo Sacramentum ipsum, quotiescunque illud pro Communionis infirmorum extra Ecclesiam deferendum esset, deferri deberet, provideretur. Quinto, ut Rector casualibus ex Ecclesiis prædictis, seu illius locum tenens, quotiescunque esset necessarium Sacramentum huiusmodi alicui infirmo ministrari, & ad illius domum deferri, Campanam suæ Ecclesiæ certis diebus pulsari facere teneretur. Sexto, statuisse id Societatem, ad hoc ut Confratres vicini Parochia illius Ecclesiæ se nominari ad sociandum Sacramentum ipsum cognoscerent. Septimo, ut auditu Campanæ sonitu, Confratres vicini per se ipsos afficerent, si legitimum impedimento detenti non forent; alioquin per annum de suis dignioribus familiaribus (non autem villioribus famulis, ut hodie fieri solet) Sacramentum prædictum ad domum infirmi, facibus accensis, associari, & consulari facere teneretur.

V. Prolixæ est ipsa Pauli Papæ III. Constitutio, quam etiam sequioris ævi Romani Pontifices confirmaverunt, ut in Bullario Romano videre est. Adinstat autem memoratæ Sodalitatis Romæ in Ecclesia S. Marie supra Minervam erectæ, non modo in aliis Urbis, verum & aliis Catholici Orbis Ecclesiis institutæ fuerunt alie pæmultæ Sanctissimi Sacramenti Societates, eam præsertim ob causam, ut quotiescunque Sacramentum ad infirmum deferatur, illud honorifice cum baldachino, & cereis accensis, ac fumigante thuribulo, comitetur. Id plane constat ex vaciis Episcoporum Synodis, ac pæsertim Mediolanensibus, quibus S. Carolus præfuit, qui etiam in Peroyneali vi. Concilio, ubi agit de iis, quæ ad Sanctissimæ Eucharistiæ Sacramentum pertinent, inter alia statuit, ut Parochus hortetur, & curet, ut nunquamque paterfamilias, præsertim dato campana Parochialis signo, qua facere Eucharistiæ ad ægrum deferenda significatio fit, sine mora in Ecclesiam Parochialem conveniat, vel etiam de familia digniorem mittat ad illam cereis, candelæque lampine prosequendam. Si quando autem is, qui paterfamilias est, per necessarium occupationem non potest, saltem certam aliequam bovinem, vel filium natu majorem, vel denique famulum, aliamve mittat, qui id pie-

tatis officium præstet. Atque eam ob causam domum etiam omnis paterfamilias perpetuo sanale caream, aut candelam, pluresque habeat, quæ ad id pietatis opus, officinæque assue sunt. Ita S. Carolus, & pie quidem, religioque; sed optandum esset, ut Parochi ipsi exemplum darent, qui cereorum quantitatem, quam ex defunctuorum exequiis percipiunt, in suam utilitatem vertentes, sicut & ceteros Parochia redditus, simulare vel pauperes artifices non erubescunt, ut non modo occupationem, qua familie indigentiam providere coguntur, relinquunt, sed proprium etiam cereum gesserint, quo honorifice Sacramentum, quod ad infirmum deferatur, comitentur.

VI. Præter competentem cereorum numerum, quibus deferenda est Eucharistia ad infirmum, quatuor tunc etiam accensis lateras circa Sacerdotem Sacramentum gestantem deferri oportere, statuit quidem Benedictus Papa XIII. in Concilio Romano anno Jubilæi MDCCXXV. celebrato, Tit. xv. Cap. vii. Camque deferri solet, lamina aperta gestentur, eaque non raro, vento, aut pluvia improvviso superveniente, extinguita omnia remanere videntur, ne ideoque (quod incongruum satis esset, atque Anaphorissimo Domini indecentissimum) lumina tunc debita desiderantur, carent Episcopi, & cum eis Sacramentum ceremoniarum Magistris adiguntur, ut per quos perstinet, quatuor saltem cum suis basibus lateras, quæ tamen aliis sint nobiliores, comparentur, & suis semper cum intus accensis candelis, hinc inde circa Celebrantem, qui Sacramentum gestat, deferantur. Latet enim unius magnæ in delatione Eucharistiæ ad infirmum meminit quidem S. Carolus Parte 1v. Actorum Ecclesiæ Mediolanensis in generali Instructione pro rebus ad Ecclesiæ spectantibus vulgari idiomate scripta, pag. 804. col. 2. Sed tamen in Instructione, De suppellectile Ecclesiæ Parochialis, Cap. III. ubi agit de ea suppellectile, quæ ad cultum, & administrationem Sacram Eucharistiæ usus est, lateras quatuor grandiores recenset. Quod in delatione Communionis ad infirmos, duæ adinstat magna lateræ, ut ferente vento lumen non deficiat, statuit Salernitana Synodus anni MDLXXIX. Tit. xxix. Capite x. Quomodo autem conficiendæ sint ipsæ lateræ, explicuit S. Carolus Parte II. Libeo II. Instructionum Suppellectilis Ecclesiæ, his plane verbis: Lateræ ad Sanctissimi Sacramenti ferendi usum comparentur quatuor; quæ ex ligno inantrato, pictæ, aut ex tenuissima saltem lamina ferrea consistunt; in iisque fenestellæ apte dispositæ cornu pellucido clausæ existant; feruntque præterea intrinsecus prominæ, cereis inferendis, infundendis accommodatæ. Ut autem alie præferantur, longitudo quatuor cubitorum firmiter infixæ barcant.

VII. Reliquum est, ut & aliquid dicamus de umbella, seu baldachino, quod, ubi haberi potest, ex præscripto nostris §. deferendum esset super Sacerdote Eucharistiam ad infirmum gestantem. Idem præscribit non uno in loco S. Carolus, Synodice pæmultæ, inter quas Salernitana anni MDLXXIX. Tit. xxix. Cap. x. expresse mandat, ut Parochus Sacramentum deferat sub decenti umbella, seu baldachino, quod dignioris semper gestent. Plura de ipsa umbella, ac baldachino, eorumque forma, docet S. Carolus in suis Mediolanensis Ecclesiæ Actis, quæ non est necessarium hic recensere.

§. IX.

Præmonest, ut ægri cubiculum mundetur, & in eo paretur mensa linteo mundo cooperta, in qua Sanctissimum Sacramentum decenter deponatur. Parentur luminaria, ac duo vascula, alterum cum vino, alterum cum aqua. Præterea linteam mundum, ante pectus communicandi ponatur, atque alia ad ornatum loci pro cuiusque facultate.

COMMENTARIUS.

QUæ præparanda sunt in cubiculo infirmi sacram Communionem sumturi, explicuit S. Carolus in Concilio Provinciali Mediolanensi v. ubi agit de iis, quæ ad Eucharistiæ Sacramentum pertineant. Parochus, inquit, ægroto illum allatus, æeitate hæc præmonest. Primum, ut ægrotautis cubiculum ab omni sordē, omnique inquinamento purgetur, & amota omni re profana, pio apparatus, & sacris imaginibus, ubi potest, exornetur; tum præterea mensa, mappa nitida, paræque conftrato, Cruce, allasque Effigie sacra, candelabris, & candelis, cereisque saltem binis instructis appareatur, in qua super Corporali Pyxis eum Sanctissimo ipso Sacramento collocari possit; sit etiam vas vitreum ad ablationis usum. Multa

hic habes, quæ in nostro §. desiderantur, notatæque & ea sunt, quæ mox idem S. Antistes subdit. *Quæ omnia, ut ab iis, qui ægroti curam habent, parentur, cura sit imprimis Confratrum Sanctissima Eucharistiæ. Apud eos vero, qui præ coram ægroto, inopiaque id præstare non poterunt, ipsi Sodales appareant.* Eadem repetit S. Carolus in Instructionibus, De visitatione, & cura infirmorum, ubi de Communione agit. Sed addendum puto, quod, ubi non adit ipsa Sanctissimi Sacramenti Sodalitas, & communicandus præinopia præstare illud non possit, cura debet esse Parochi, ut ea pro inopibus, sumptibus Ecclesiæ parentur, sive ex Parochiæ redditibus, quos ipse percipit. Est enim regula juris, ut qui commodum fecit, & onus fecerit.

§. X.

Ubi vero convenerint, qui Eucharistiæ comitaturi sunt, Sacerdos indutus Superpelliceo, & Stola, & si haberi potest, Pluviali albi coloris, Acolythis, seu Clericis, aut etiam Presbyteris, si locus feret, Superpelliceo pariter indutus comitatus, decenter, & de more acceptas aliquot Particulas consecratas, vel unam tantum, si longius, aut difficilior iter sit faciendum, ponat in Pyxide, seu parva custodia, quam proprio suo operculo cooperit, & velum sericum superimponit. Ipse vero Sacerdos, imposito sibi prius ab utroque humero oblongo velo decenti, utraque manu accipiat Vas, cum Sacramento, & deinde umbellam, seu baldachinum subeat, nudo capite processurus.

COMMENTARIUS.

QUæ hic noster §. strictim, latius plane explicuit S. Carolus in Concilio Mediolanensibus Provincialibus, & in Instructionibus Visitationis, & cura infirmorum, ubi de ordine ministrandæ istius Communionis tractans, hæc habet: Parochus, convocatis Parochia sua Clericis, certis Campana perensionibus, & item Confratribus Sanctissimi Sacramenti in Ecclesia Parochiali, paratis item cereis, & umbella, manus lavabit. Postea Superpelliceo, Stola, & Pluviali rubei indutus, ad Altare geminas flexis, pambolum tacitus orabit; mox ascendit, genuflectit, aperit Tarbenaculum, iterum genuflectit, extrahit Pyxidem sub velo telam, super Corporali in Altari explicato collocat, rursus genuflectit, & claudidit Tarbenaculum. Telis serico velo rubeo humeris, brachiisque, sumit Pyxidem utraque manu eodem velo cooperta, sinistra pedem tenens, dextera modum ipsius Pyxididis, & sub umbella præcedit, qua a dignioribus laicis deferetur. Porro quod ait S. Carolus de Stola, Pluviali, ac velo rubei coloris adhibendo, spectat ritum Ambrosianum, qui eo colore in ea functione utitur, nam alias juxta Romanum ritum color albus est adhibendus, ut

ex præsentis nostri §. liquet: Sacerdos, inquit, indutus Superpelliceo, & Stola, & si haberi potest, Pluviali albi coloris &c.

II. Sed hoc obiter notato, ex præscripto ejusdem nostri §. Sacerdos ipse Communionem ad infirmum delaturus, procedere dicitur, Acolythis, seu Clericis, aut etiam Presbyteris, si locus feret, Superpelliceo pariter indutus comitatus. Certe idipsum legitur in variis Synodis, præsertim vero Provincialibus Mediolanensibus S. Caroli, in quorum tertio, ubi de ritu agitur deferenda Eucharistiæ ad ægros, sic habetur: Præterea, ubi etiam potest, aliqui Clerici adhibeantur, Clericali habitu, & Superpelliceo induti, qui comitantes una eum deferente, Sacerdote scilicet Eucharistiæ, sanctas, religiosasque preces recitent. In Concilio v. expresse dicitur, ut Sacerdotes, Clericique, qui comitantur, Superpellicem adhibeant. Si Canonico Capitulum sit, Cappam, vel Almutiam, aliudque indumentum, ut illi in Choro mûris est. Clerici præsertim ut in ea functione adhibeantur, & quidem cum Superpelliceo, ut majorem venerationem Sanctissimo Sacramento concilient, & Parochum juvent, in variis Episcoporum Synodis Ita-

tu.

tutum lego. At vero, aut ipsi Clerici, Sacerdotesque illius Parochiae, in qua ad infirmum Communio deferatur, cungi possint, ut ei delatationi, administrationique Eucharistiae, interstet, non auidem de finire, licet ejus sit opiniois Barrualdus in Commentario ad hunc nostrum §. num. 105. & seqq. quod possint cogi, saltem quando alii, qui comitentur, desint, ratione scilicet ministerii, & servitii Ecclesiae, cui in sua ipsorum ordinatione adscripti sunt, juxta pervertitum, recensque Ecclesiae institutum, de quo & illi Commentariis ad Concilia Oecumenica, & aliis Operum nostrum locis late uos diximus.

III. Sed ut hujusce nostri §. explicationem prosequamur, mandat is, ut Sacerdos ad communicandum infirmum processurus, *decenter, & de more, acceptas aliquot Particulas consecratas, vel unam tantum, si longius, aut difficiliter iter sit faciendum, ponat in Pyxide, seu parva Custodia, quam proprio suo operculo cooperit.* Ut duas sacra Eucharistiae Particulas deferant Parochias ad aegrotantes, ne eis ad Ecclesiam redeuntibus, populus inane vasculum adoret, statuit quidem S. Carolus in Concilio Provinciali Mediolanensi i. ubi agit de iis, quae ad Eucharistiae Sacramentum pertinent, etque adhuc permulta Synodi, & praesertim Salernitanae anni MDLXXIX. Tit. XXIX. Cap. xi. his verbis: *Sit Vas argenteum cum duabus saltem intus Particulis, ut una ab infirmo sumpta, altera ad Ecclesiam eodem honore deferatur. Quae tamen Decreta intelligenda sunt, ubi longius, aut difficiliter iter unum sit faciendum, ubi ex nostro hoc §. addicimus, atque etiam ex S. Caroli, qui in Concilio Provinciali II. Decreto xi. Ita Decretum in Provinciali i. Concilio editum explicuit: Quod superioris Concilii Provincialis Decreto de duabus Eucharistiae Particulis ad aegrum deferendis constitutum est, id quoniam non sine difficultate ubique & semper observari potest, ideo ubi Episcopi iudicio, vel loci distantia, vel itineris, temporisve difficultas, vel alia causa impedit, quo minus, illud praestari possit, tum licet Sacerdoti cum Sanctissime Eucharistiae Particulam solum deferre, quam aeger percepturus est. Sed recte sic statim subjicit: Ita tamen, ut cum in Parochia redit, non Superpelliceis, non Stola indutus sit, neque tintinnabulum pulsator, neque ambella adhibeatur, extinctis etiam lamenibus, non palam Vasculum deferatur. Atque ita omnino faciendum est, cum unam tantum Particulam permissa nostri §. Parochus ad infirmum deferat, & eum ea ipsum communicat, ubi etiam expressè habetur in §. xxv.*

IV. Illud quoque ex nostro §. recte cautum est, ut ex Pyxide, quae in Tabernaculo aervetur, aliquot Particulas, vel unam tantum accipiat, & ponat in Pyxide, seu parva Custodia, quam proprio suo operculo cooperit; non enim debet illam Tabernaculi Pyxidem ad aegrotum communicandum accipere, sed de ipsa Pyxide Particulas accipiet, & in alia minori Pyxide, seu parva custodia ponet, quae communicandis infirmis usui sit. Utriusque Pyxididis meminit quidem S. Carolus in suo Concilio Provinciali Mediola-

uensi IV. ubi agens de iis, quae ad Eucharistiae Sacramentum pertinent, inter alia mandat, ut *duas Pyxides unaquaque Parochialis Ecclesiae, saltem habeat, alteram forma majori ad usum sacrae Communionis populo in Ecclesia ministrandae; alteram minori, qua Sanctissimum Sacramentum ad infirmos deferatur.* Ceterum Custodia parva, ejus mentionem facit hic noster §. est Capula quaedam argentea, seu Vasculum, in quo ponit Sacra Eucharistia foles, cum longius, aut difficiliter iter est obeundum, & fortasse etiam equitandum, ut dicitur infra in Commentario ad §. xii. Tegendam esse hujusmodi Pyxidem velo, diserte habet hic noster §. ex antiquiori certe Ecclesiae ritu, cui inhaerens S. Carolus in Dioecetana Mediolanensi Synodo xi. in Monitis executionis Decretorum, quae ad Sacramentalia, & Sacramenta pertinent, inter alia statuit, ut *usui parvuli conopae, quo Pyxis obtegatur, plane tollatur, ejus loco velum adhibeatur.* Quod etiam Pyxis, quae ad infirmos deferatur per loca difficilia, sacculo ornatissimo sit obtegenda, idem S. Carolus valuit in Concilio Provinciali IV. loco citato: *Pro hac Pyxide ad aegrotos deferenda saeculus sericus ab unoquoque Dioecesis Parochis habeatur ornatissimus, cum opus erit, adhibeatur.*

V. Omnisque velo oblongo, quod humerale dicitur, quodque ex praescripto nostri hujus §. Sacerdoti Sacram Pyxidem deferenti imponitur super humeros, ut ejus extremitatibus, ut superius dictum est in eodem hoc Commentario, ipsam Pyxidem contegat, explicandum profecto est illud, quod tandem hic noster §. praescribit, ut nempe Sacerdos Eucharistiam ad infirmum deferens, procedat *anodo capite.* Sane censuit Pasqualigus in Tractatu, *De Sacramentis nova Legis*, Tomo II. *Questione 833. ubi in Ecclesia reperiri determinatum, quod deferens Eucharistiam infirmis, procedat detecto capite, & id ex sola consuetudine servari.* Quod tamen falsum est, cum expressis verbis hic §. mandat, debere Parochum, seu quemvis alium Sacerdotem deferentem Eucharistiam ad infirmum, *anodo capite* procedere. Hinc teste Sarnello Episcopo Vigiliensi, Tomo IV. Epistoliarum Ecclesiasticarum, in Epistola xxvi. cum aliquando quaesitum a Sacra Ritum Congregatione fuisset, *An Parochi ministraturis Sanctissimum Sacramentum infirmis, liceat de die, vel saltem de nocte, uti parvo pileolo in delatione ejusdem, sub infirmitatis, seu quovis alio pretexto.* Et Sacra eadem Congregatio, Non licere, nec posse, respondit. Die xij. Augusti 1695. & xxi. Januarii 1696. Recte itaque scribit Nicolaus Lib. III. Canoniarum Lucubrationum, Tit. XI. *De celebratione Missarum*, Episcopum dispensare non posse, ut Sacerdos accedat ad Altare cum baculo, vel pileolo in celebratione, vel dum Viatum deferat ad infirmos, *notatur, quia talia Canon, Nullus 57. De Consecratione, Distinctio 1. etiam Episcopo prohibet.* Tum vero merito concludit: *Ergo neque fecam, neque cum aliis dispensare potest, subdita quacunque contraria consuetudine.* Vide plura apud laudatum Sarnellum, qui alia etiam hanc in rem S. R. C. Decreta refert.

§. XI.

Praecedat semper Acolytus, vel alius Minister deferens laternam (noctu autem hoc Sacramentum deferri non debet, nisi necessitas urgent) sequantur duo Clerici, vel qui

illorum vices suppleant, quorum alter aquam benedictam cum aspersorio, & bursam cum Corporali, quod supponendum erit. Vaseculo Sanctissimi Sacramenti super mensa in cubiculo infirmi, & cum linteolo purificatorio ad digitos Sacerdotis abstergendos; alter hunc Librum Ritualem deferat, & campanulam jugiter pulsset. Succedant deinde deferentes intorticia. Postremo Sacerdos Sacramentum gestans elevatum ante petus sub umbella, dicens Psalmum, *Miserere*, & alios Psalmos, & Cantica.

COMMENTARIUS.

I. **Q**Uum ex complurium Conciliorum. Decretis, ac praesertim ex Decretali Honorii Papae III. in Capite, *Sane, De celebratione Missarum*, de qua superius late diximus, manifeste, ac honorifice, cum omni reverentia, & timore, Eucharistia deferenda sit ad infirmum communicandum, non mirum videri debet, si & hic noster §. & recentiores Synodi, honorificum in ea Eucharistiae delatione apparatus praescribunt, prohibentque, nocturnum Sacramentum deferri, nisi necessitas urgeat. Atque haec est ratio, quam affert S. Carolus in Concilio Provinciali Mediolanensi v. ubi vetat Eucharistiam ad infirmum nocturno deferri: *Cum vero ad epotas, inquit, omni reverentia, omnique religioso cultu studio, atque honorifice, quoad eius fieri potest, asserendo illa sit, neque id nocturno commode fieri queat, vetitum propterea sit, ne nocturno asseratur, nisi aegris moribus periculum inflet*. Alia ratio, quia niti potius eam prohibitionem deferendae nocturnae Communionis infirmo, illa profecto est, quod manifeste gestari debet, notumque omnibus fieri, egrotum communicare, juxta ea, quae superius late explicuimus.

II. Iis itaque omissis, mandat primum hic noster §. ut procedat semper Acolytus, vel alius Ministri deferens lateralem. Alludere videtur ad antiquum ritum, praescriptum in citata Honorii Papae III. Decretali, ubi dicitur, deferendam Eucharistiam ad infirmum, semper lumine praecedente; sive, ut ajunt Odo Parisiensis Episcopus in Synodicalibus Constitutionibus, Capite v. §. v. & Richardus Sarum, ac S. Edmundus Cantuariensis Antistes in suis pariter Constitutionibus, *eum lucerna praecedente*. Statuit quidem Romanum Concilium Benedicti Papae XIII. anno MDCCCXV. celebratum, Tit. xxv. Capite VII. quatuor semper accensas laterales hinc inde circa Sacramentum Eucharistiae extra Ecclesiam gestantem deferri, ne vento, aut pluvia improvise superveniente, extinctis cereis, lumina tunc debita desiderarentur; sed praescribi adhuc debet laterna a Clerico juxta praescriptum nostri §. tum ut memoratis antiquis ritus retineatur, tum etiam, ut, si opus fuerit, cerei ipsi extincti, ex laterna, quam Clericus praestet, reaccendantur.

III. Praecedentem Clericum cum laterna accensa, ex praescripto nostri §. sequantur duo Clerici, vel qui illorum vices suppleant, quorum alter aquam benedictam cum aspersorio, & bursam cum Corporali, quod supponendum erit Vaseculo Sanctissimi Sacramenti super mensa in cubiculo infirmi, & cum linteolo purificatorio ad digitos Sacerdotis abstergendos; alter hunc Librum Ritualem deferat, & campanulam jugiter pulsset. Huc spectant, quae S. Carolus statuit in Instructionibus, *De visitatione & cura infirmorum*, ubi describens ordinem ministrandi Eucharistiae Sa-

cramentum infirmis, sic habet: *Clericus unus praebit, qui aqua benedicta vaseculum cum aspersorio deferet, & tintinnabulum item per certa intervalla pulsabit; cuius sonitu populus, ad religionis cultum Sanctissimo Sacramento tribuendum, genibus flexis procedens excitatur. Alter item Clericus, si fieri poterit, adjuvatur, qui bursam rubeam Corporali inelaso concinne feret onto petus, & item Librum hunc, de quo ipse Praeest, quae oporteat, recitabit*. Porro quod ait de bursae coloris rubei, ad ritum pertinet Ambrosianum, nam alias, ut dictum supra compluribus fuit, juxta Romanum ritum, in functionibus, quae Eucharistiam spectant, sive in ejus expositione, sive delatione, albus color est adhibendus in sacra suppellectile, quae cisdem functionibus esse usui debet.

IV. Praescribi consuevisse in sacris Processionibus vas cum aqua benedicta, jam alias diximus nos, docentque illos passim, qui sacros ritus enarrant, interque alios Jacobus Evellon, *De Processionibus Ecclesiasticis*, Cap. III. Affertur autem speciatim in delatione Eucharistiae ad infirmum, quod aqua ipsa, ut infra suo loco dicemus, Sacerdos debet ipsum infirmum aspergere. Antiquum etiam esse ritum deferendae, ac pulsandae campanulae, ob rationem supra a S. Carolo explicatam, jam nos superius ostendimus ex antiquis Ricardi Sarum, atque Edmundi Cantuariensis, Antistitem. Ad eruditionem autem lectoris unum hoc loco addam, quod in suo ad hunc §. Commentario, num. 145. tradit Barru-faldus, campanulas scilicet ad usum Viatici in Civitate Ferrariae gratis donari singulis Ecclesiis Parochialibus, quandocumque occurrat, a magno Nosocomio S. Annæ, ex institutione, & vigore Legati facti ab Alphonsio Duce Ferrariæ in ejus Testamento condito die 26. Octobris 1534. ex rogatu Jo: Francisci Sarachi Notarii, & Ducalis Cancellarii. Quam tandem ob causam deferenda sit Bursa cum Corporali, linteolum purificatorium, ac Ritualis hic Liber, jam satis idem hic noster §. declaravit, supervacaneumque est ei declarationi alia adungere. Sane solet aliquibus, ac Romae praesertim, juxta regulas, & instructiones in associatione Sanctissimi Viatici servandas, vulgari lingua scriptas, atque ibidem editas anno MDCCXVI. una cum predicta Bursa baldachinum parvum ad infirmi domum deferri, ut in eo super aliqua mensa locato Sacerdos Pyxidem ponat, supposita ei parva palla lineae, loco Corporalis, quod quidem super ipsa mensa linteo mundo cooperta tunc expandi debet, ubi baldachinum ipsum deest.

V. Ex praescripto demum nostri §. succedunt deinde deferentes intorticia, bini scilicet, ut ait S. Carolus in Concilio Provinciali v. capite aperto, & quumplurimi candelis accensis, ac primo loco viri, in quibus Scholares Sanctissimi Sa-

eramenti procedant, postremo femina; iste nempe post Sacerdotem turmatim, ut est hodie communis praxis. Immediatè autem ante Sacerdotem incedunt Clerici, Presbyterique, si adsint, Superpelliceis induti, ac nudo capite, sicut Sacerdos, ut dictum superius fuit; qui, ut ait hic idem noster §. postremo incedit *Sacramentum gestans elevatum ante pectus sub umbella, dicens Psalmum, Miserere, & alios Psalmos, & Cantica*. Atque hic est antiquus ritus, cujus meminit Odo Parisiensis Episcopus in Synodici Constitutionibus, Cap. v. §. v. ubi agens de Eucharistia delatione ad communicandum infirmum, inter alia mandat, ut qui ei interfuit, incedant *cantantes septem Psalmos Pœnitentiales cum Litanis pro infirmo, cundo, & redeundo*. Tum monet, ut, *si longa via fuerit, addant quindecim Psalmos, & alias orationes*. Additque mox hanc rationem: *Sic enim debitum persolvant infirmo, & audientes invitant, ad exhibendum Deo reverentiam, & honorem, & orationem*. His similia habet Concilium Provinciale vi. Beneventanum anni MCCCCLXXIV. Tit. vii. Cap. xii. Verùm, *Eucharistia autem, ubi expresse mandat, ut qui illam ad infirmum deferat, procedat dicendo etiam septem Psalmos pœnitentiales cum Litanis; & si iter longius esset, quindecim Psalmos, sive Canticum G. ad adam*.

VI. Veterani itaque, piorumque Episcoporum Decretis inherens S. Carolus, statuit & ipse in citato v. Provinciali Medianensi Concilio, ut omnes, præsertim *Eccllesiæ, Hymnos, & Psalmos Pœnitentiales, aliofoc latius animi pietate simul cum Parocho, sed alternatim pronun-*

cient, atque alii item religiose orent. His similia præscribit in Instructionibus de visitatione, & cura infirmorum, ubi ordinem ministrandi Eucharistia Sacramentum infirmis refert: *Septem Psalmos Pœnitentiales, ait, Paroebat in via pie recitabit; quos, si longum iter est, repetet, præsertim Psalmum Miserere, & alias etiam religiosas preces, Hymnos, & Psalmos accommodatos, quatenus spatium dabitur; idque cum Sacerdotibus, & Clericis, qui comitabuntur, alternatim*. Septem pariter Pœnitentiales Psalmos decantari mandant permulte Synodi, inter quas Salernitana anni MDLXXIX. Tit. xxix. Cap. x. Parocho Eucharistiam gestanti præcipit, ut *recitet ipse, oculis ad Sacramentum semper intentis, Psalmos Pœnitentiales intelligibili voce, Clerico, vel aliis etiam, qui responderè noriant, alternatim respondentibus*. Porro hic noster §. nulla facta Psalmorum Pœnitentialium mentione, soli Parocho, seu Sacerdoti Eucharistiam ad infirmum deferenti mandat, ut incedat, *dicens Psalmum, Miserere, & alios Psalmos, & Cantica, quæ scilicet memoriter tenet, qualia sunt, Canticum, Benedictus Dominus Deus Israel, Canticum, Magnificat anima mea Dominum, & Canticum, Nunc dimittis servum tuum Domine*. Vix enim Sacerdotem invenies, qui recitare memoriter queat Pœnitentiales Psalmos, aliave Cantica. Quod vero Psalmum *Miserere* ab omnibus pene sciatur, recte noster §. huic recitandum nominatim præscripsit; tum vero potissimum, quod ei functioni convenit, in qua pro infirmo communicando Divina debet miseratio impetrari, cordia contritio, ac peccatorum remissio.

§. XII.

Quod si longius, aut difficilior iter obeundum sit, & fortasse etiam equitandum, necesse erit vas, in quo Sacramentum deferretur, bursa decenter ornata, & ad collum appensa apte includere, & ita ad pectus alligare, atque adstringere, ut neque decidere, neque Pyxide excuti Sacramentum queat.

COMMENTARIUS.

I. **M**agna profecto cautio, & diligentia adhibenda est a Sacerdote, si ad communicandum infirmum, longius, aut *difficilior iter obeundum sit, & fortasse etiam equitandum*. In ea enim necessitate equitandi, curare debet Sacerdos, ut equus mansuetus sit, ac docilis, non vero audax, acer, indomitus, & sternax, ne se periculo ruendi in præceptis exponat, ut scite observat ad hunc nostrum §. Baruffaldus, num. 156. ubi etiam monet, Sacerdotem, qui equitare nequeat, vel aliter insidendi equo non calleat, vel timeat sui, debere in hoc casu, omni labore, & incommodo spreto, eo modo ire, quo potest, identidem se sistendo, ubi opus fuerit, ad se restaurandum. Sive autem equitet, sive pedibus eat, *necesse erit, aichie noster §. Vas, in quo Sacramentum deferretur, bursa decenter ornata, & ad collum appensa apte includere, & ita ad pectus alligare, atque adstringere, ut neque decidere, neque Pyxide excuti Sacramentum queat*. Sane bursa, de qua hic §. loquitur, non est eadem, ac illa, in qua reponitur Corporale, & ad Altare inservit, sed est plicabilis, ad instar facculi, seu marsupii, ut bene clausam, & custo-

Tom. I.

ditam teneat Pyxidem, seu Custodiam, Capsulamve Sacramenti, ad evitandum agitationem, seu excussionem Particulæ in itinere, ac illo præsertim, quo sit equitando.

II. His plane concinit Sanctus Carolus in suis toties repetitis de visitatione, & cura infirmorum Instructionibus, ubi de eorum Communionis loquens, sic ad nostram rem inquit: *Si vero ob necessitatem noſtu, & heis asperis, montosisque, via præcipiti, aut lubrica deferret, sacrum illud Vasculum in sacculum decentem, qui a collo pendeat, ita includet, ut si fortasse ipse labatur, Sacramentum in terra decidere nullo modo possit*. Ceterum licet longius, aut difficilior iter pro communicando infirmo sit obeundum, præcedere Sacerdotem etiam tunc Superpelliceo, & Stola indutum, semper Clericus debet, vel alius lateralem accensam deferens, optimèque erit, si idem Sacerdos, sive equo insidens, sive pedibus eat, umbellam sibi deferat, non modo ad conciliandam Sacramento veneratinnem, verum, etiam ut sibi a pluvia, vel ab æstivante sole caveat, uti in multis locis servatum vidi juxta priorum Episcoporum Decreta.

O o 2

§. XIII.

§. XIII.

Ingrediens vero locum, ubi jacet infirmus, dicat: *Pax huic domui*. R. *Et omnibus habitantibus in ea*. Tum depositum Sacramentum super mensa, supposito Corporali, genuflexus adorat, omnibus in genua procumbentibus; & mox accepta aqua benedicta, aspergit infirmum, & cubiculum, dicens Antiphonam: *Asperges me, Domine, hyssopo, & mundabor; lavabis me, & super nivem dealbabor; & primum versum Psalmi, Miserere mei Deus, cum Gloria Patri*. Sicut erat &c. Deinde repetitur Antiphona: *Asperges me Domine &c.* Postea V. *Adjutorium nostrum in Nomine Domini*. R. *Qui fecit Caelum, & Terram*. V. *Domine exaudi orationem meam*. R. *Et clamor meus ad te veniat*. V. *Dominus vobiscum*. R. *Et cum spiritu tuo*.

Oremus.

Exaudi nos, Domine Sancte, Pater Omnipotens, æterne Deus, & mittere digneris Sanctum Angelum tuum de Cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. R. Amen.

COMMENTARIUS.

I. Quod ait primum hic noster fuit Sacerdos ingrediens locum, ubi jacet infirmus, dicat, *Pax huic domui*; alludit quidem ad illud Christi Domini ad Apostolos dictum, *In quancumque domum intraveritis, primum dicite, Pax huic domui*; uti legitur in Evangelio Lucae, Cap. x. Morem autem esse antiquum, ut Sacerdos infirmi cubiculum ingrediens, non modo ad eum communicandum, verum etiam ad Sacro Olo inungendum, diceret primum, *Pax huic domui &c.* ac deinde alias preces in hoc §. descriptas, ostendimus infra in Commentariis ad sequentem Titulum V. qui inscriptus est, *De Sacramento Extreme Unctionis*, ubi inter alia certis testimoniis demonstrabimus, solitum fuisse olim Unctionem Extremam Sacro Viatico præmittere. Quicquid autem de eo ritu sit, conveniunt quidem in hoc Ritualibus Codices, S. Carolus in Instructionibus de visitatione, & cura infirmorum, ubi ordinem ministrandi illis Eucharistiæ Sacramentum recenset, & antiquum Sacerdotale Romanum, ut, ubi Sacerdos ingressus fuit infirmi cubiculum, dicat, *Pax huic domui*, respondentem Clerico, *Et omnibus habitantibus in ea*.

II. Ubi ea dicta sunt verba, Sacerdos, ait noster §. tum depositum Sacramentum super mensa supposito Corporali, genuflexus adorat, omnibus in genua procumbentibus. Deposuit quidem Sacerdos Sacramentum super mensa linteo mundo cooperta, Corporali super illud extenso, ubi allatum non fuerit parvum baldachinum, de quo diximus supra in Commentario ad §. xi. Si enim baldachinum ipsum adesset, tunc in eo deponet Sacramentum parva palla lineæ supposita, & genuflexus illud adorabit, utroque scilicet genu, & ut habet idem §. omnibus in genua procumbentibus, & adorantibus. Jam non est opus latius enarrare hunc ritum, ad eumque comprobandum varia Synodorum, & Ritualium Decreta, ac testimonia referre, nisi unum illud ex Provinciali v. Concilio Mediolanensi, quo S. Carolus mandat, ut familia, quæ domi habitat, ubi agrotus est, Sanctissimo Sacramento ad Ecclesiam, vel saltem extra Janua fines obviis procedat cum cereis accensis, & omni alio interiori, & exteriori pietatis cultu, depositisque plane armis. Ceterum cum non omnes, qui accensis cereos deferunt, præsertim cum multi sint, frequensque populus, qui Sacramentum comitati sunt, possint, nec

debeant una cum Sacerdote scalas ascendere, & ad ægroti cubiculum ire, sat enim erit, si tunc aliqui cereos accensos gestantes Sacerdotem ipsum comitentur, recte factum est, ut ante januam domus reliqui se stant, flexisque genibus Lauretanas Deiparæ Virginia Litanias recitent, ut pro infirmo orare dignetur, dicentes, *Ora pro eo*, ut est communis praxis, quam multis in locis servari vidimus.

III. Fausta adoratione, cæteris genibus flexa manentibus, surgit Sacerdos, & ut ait noster §. accepta aqua benedicta, aspergit infirmum, & cubiculum, dicens Antiphonam, *Asperges me &c.* Est hic plane antiquus ritus, quem præfati Libri Rituales præscribunt, quibus consentiant recentiora omnes, ac ille præsertim, qui inscribitur, *Sacerdotale Romanum*. Valere quammaxime, aquam benedictam ad effugandos demones, qui, ut plurimis exemplis comprobari possent, ægrotantium lætæ potissimum obfidet, dicemus late Tomo II. hujus Operis Tit. viii. in Commentariis ad Caput II. quod inscriptum est, *Ordo ad faciendam aquam benedictam*; itemque etiam Tomo præfati, ubi se se nobis dabit occasio. Quod autem in ejus asperione dicatur Antiphona, *Asperges me &c.* cum Versiculis, & Oratione in hoc nostro §. præscriptis, ex antiquis quoque Ritualibus constat, nonnulla exceptis, in quibus plures alii Versiculi leguntur, cum alia Oratione diversa omnino ab illa, quæ & in hoc nostro §. & in Missalibus passim habetur. Certe S. Carolus antiquum Romanum Sacerdotale, aliosque Codices Rituales sequutus, ita hunc nostrum ritum recenset in laudatis toties de visitatione & cura infirmorum Instructionibus: *Tunc reponit Sanctissimum Sacramentum in mensa apparata candelis accensis, supposito Pyxidi Corporali explicato, & genuflexus illud adorat. Postea surgens, aspergitur cum aqua benedicta accipit, ægrotum aspergit ad similitudinem Crucis, cubiculum, & reliquos, qui præstantes adsunt, dicens Antiphonam. Asperges me hyssopo, & mundabor; lavabis me, & super nivem dealbabor. V. Gloria Patri &c. R. Sicut erat &c. Tum repetit Antiphonam, Asperges me hyssopo &c. ut supra. Mox dicere pergit Preces sequentes, ita versus ad ægrotum, ut tamen etiam Sanctissimum Sacramentum reverenter aspicat. V. Salvum fac servum tuum. R. Deus meus sperantem in te. V.*

Mitt.

Mitte ei auxilium de Sancto . R. Et de Sion tuere eum . P. Nihil proficiat inimicus in eo . R. Et filius iniquitatis non apponat nocere ei . P. Esto ei Domine turris fortitudinis . R. A facie inimici , & persequentis . P. Domine exaudi orationem meam . R. Et clamor meus ad te veniat . P. Dominus vobiscum . R. Et cum spiritu tuo . *Oratio* . Deus infirmitatis humane singulare praesidium , auxilii tui super infirmum famulum tuum ostende virtutem , ut ope misericordiae tuae adjutus , Ecclesiae tuae sanctae incolomis representari mereatur . Per Dominum nostrum &c.

IV. His similia jam legere est in aliis Ritualibus , ac praesertim in ms. Pontificali insignis Ecclesiae Salisburgenſis annorum circiter DCC. in

Ordine ad visitandum , & ungendum infirmum , in quo inter multas , ac varias Orationes legitur etiam illa paulo superius ex S. Carolo descripta , quae habetur in Missali Romano , in Missa pro infirmis . Quod vero Orationem spectat in S. nostro notatam , *Exaudi nos Domine* &c. antiqua & ipsa profecto est , legiturque in ms. Floriacensi Codice annorum circiter DC. ad Titulum inscriptum , *Visitatio infirmi* , una cum aliis multis Orationibus , ac Precibus , uti videre est apud eruditissimum Edmundum Martene , Lib. 1. *De antiquis Ecclesiae ritibus* , Cap. vii. Articulo iv. Ordine xxi.

§. XIV.

His dictis , accedat ad infirmum , ut cognoscat , num sit bene dispositus ad accipiendum sacrum Viaticum , & utrum velit aliqua peccata confiteri , & illum audiat , atque absolvat ; quamvis prius deberet esse rite confessus , nisi necessitas aliter urgeat .

COMMENTARIUS.

I. **N**E temere Eucharistia Fidelibus , praesertim vero infirmis praebetur , mandant Sacra Synodi passim , pluribusque argumentis ex Sacra Scriptura , & Patribus Ecclesiae desumptis famiores Theologi docent . Rite autem antiquum fuisse , ut infirmi communicaturi primum peccata confiterentur , ab illis quoque absolutionem acciperent , docet nos inter alios Ritualis Codex Ecclesiae Turonensis , cujus egregium locum in Commentario sequenti describimus . Rectissime vero ex praesenti §. cautum est , ut aegrotus sacrum sumpturus Viaticum , prius deberet esse rite confessus , nisi necessitas aliter urgeat . Hinc seculi necessitate , ut multas difficultates evadat Parochus , servare hanc regulam deberet , ut nunquam ad aegrum cum Viatico accederet , nisi prius aegrum visisset , ejusque Confessionem excepisset . Sic enim & parochiani diligentiores essent ad Parochum tempestive vocandum , & ipse Parochus quomodo in administrando Viatico se gerere deberet , mature posset expendere . Sed & imprudenter eos se gerere , qui ad ferendum aegro Viaticum accessit , mox ad illum accedunt , & absque urgenti necessitate , simul & Sacramentum Penitentiae , & Viaticum illi administrant , vel ex eo confirmari potest , quod non raro contingat , ut Viatico jam allato , inveniat aeger minus ad illud suscipiendum dispositus , & Parochus in illius administratione anxius reddatur , quippe qui tenere omnino eam regulam debet supra in §. i. expressam his verbis : *Cavendum autem in primis est , ne ad indignos cum aliterum scandale deferatur , quales sunt publici usurarii , concubinarij , notorie criminosi , nominatim excommunicati , aut denuntiati , nisi se prius sacra confessione purgaverint , & publica offensio , prout de Jure , satisfecerint* .

II. Siquis autem hic quaerat , quid a Parocho agendum , si dicatur aeger jam alteri confessus , nihilque superesse amplius , quam ut Viaticum a Parocho deferatur ? Dicam quid sentio , ne tunc quidem debere mox illud Parochum adferre , sed si periculum id patiar , debere prius ad illum accedere , & an ad ipsum suscipiendum rite dispositus sit , inquirere , uti ex hoc nostro §.

addiscere licet . Etenim constat , Confessarios esse non paucos , qui ignorantes etiam praecipua Christianae Fidei capita , & maximos etiam peccatores post vitam totam in gravissimis peccatis , & scandalis transactam vix leviter admonent , & nulla scandalorum reparatione exhibita , absolvent , vanaque Divinae misericordiae fiducia deludent . Posse autem contingere , ut tales sint aegri , ad quos , nulla praevia Parochi visitatione , sacrum ab eodem Viaticum deferretur , jam nemo est , qui id queat inficiari . Quid quod vel ipsi Confessarii sane Moralis testati sunt mihi , se aliquando ad aegrorum Confessionem excipendam , quibus administrandum mox erat Sacram Viaticum , vocatos , enactos fuisse , eisdem , quod non essent bene dispositi , Sacramentalem Absolutionem denegare , eamque ob causam multum animo perturbatos ab ea domo , in qua aeger jacebat , discessisse ?

III. Porro autem mandat noster §. ut Sacerdos , facta aquae benedictae asperſione , & recitatis Precibus , de quibus in praecedenti §. diximus , accedat ad infirmum , ut cognoscat , num sit bene dispositus ad suscipiendum Sacrum Viaticum , & utrum velit aliqua peccata confiteri , & illum audiat , atque absolvat . Audire scilicet illum debet , licet proluxa sit ejus confessio , nisi mortis praesens periculum immineat , tunc enim audiet quae potest , & facta generali confessione ceterorum , eam absolvet , si scilicet , sit bene dispositus ; nam alias si necessarius de peccatis dolore minime eliceret cum proposito non peccandi de cetero , neganda ei esset absolutio , non tamen Communicatio , si eam sumere velit , ne revelare Confessionem videretur , ex communi Theologorum sententia . Ad penitentiam illi imponendam quod attinet , recte admonet S. Carolus in Instructionibus de visitatione , & cura infirmorum , ubi nempe de eorum Confessione agit , ne ideo animis levem Sacerdos imponat , quod iusta ab homine jacente non possit praestari , si probabile sit , quod convalescet , & tunc praestare poterit , quod non potuerat jacens . Quod si credibile sit , cum nam amplius surrecturum , rationes penitentiae iustae eligat , quae possint praestari a jacente , veluti

magnam eleemosynam pro facultatum modo. Ceterum suadere semper debet Sacerdos, ut morbi afflictiones, penitentiae loco, libenter accipiat, Dominoque pro peccatis suis offerat.

IV. Sed ne in hoc Commentario S. Carolus praeterisse videamur, habet tandem insignem ejus locum describere ex Instructionibus, *De visitatione, & cura infirmorum*, Capite, *De Communione*, Inscripto, ubi non solum quod in hoc nostro s. praescriptum est, confirmat, verum & alia subdit, quae digna sunt, ac necessaria, ut nos hoc loco recenscamus: *Si autem sumere potest, infirmus scilicet Sacram Viatum, Parochus illum suaviter alloquatur, & quæret, an aliquid reliquum sit, quod confiteri velit; tuncque libenter eum audiet, & absolvet*. Subditque mox: *Interrogabitque item, an Sanctissimum Corpus Domini sumere velit, & si pro Viatum dandum sit, id*

quoque exprimet; ad quod pie; devotèque sumendum panem verbis inflammabit. Hinc gravi reprehensione digni sunt quidam Parochi, Sacerdotesque, qui, ne infirmos contristant, Magistros praefertim, praedivitesque, ubi eos in modum Viatum communicant, nullum eisdem de Viatum mentionem faciunt, ejusque formulam Communionis submurmurando pronunciant, ne Viatum vocem audiant. Non addubito, quin tales Sacri Viatum ministri lethalis culpae rei sint, dum non verentur & infirmis ipsis, & Sacramento illudere, sicut & illi, qui etiam, ne infirmos tristitia afficiant, Viatum ad eos deferunt, quando destituti sunt sensibus, nihilque percipere valent de admirabili tanti Sacramenti virtute. Quod tamen summo opere Synodi passim, ac Rituales Codices reprehendunt, ac damnant, uti jam alias diximus.

§. XV.

Postea, facta de more Confessione generali, sive ab infirmo, sive ejus nomine ab alio, Sacerdos dicit: *Miseretur &c. Indulgentiam &c.*

§. XVI.

Deinde facta genuflexione, accipit Sacramentum de Vasculo, atque illud elevans, ostendit infirmo, dicens: *Ece Agnus Dei, ecce qui tollis peccata mundi; & more solito ter dicit: Domine non sum dignus, ut intres sub tectum meum, sed tantum dic verbo, & sanabitur anima mea.*

§. XVII.

Et infirmus simul cum Sacerdote dicat eadem verba saltem semel submissa voce. Tum Sacerdos dans infirmo Eucharistiam, dicat: *Accipe frater (vel soror) Viatum Corporis Domini nostri Jesu Christi, qui te custodias ab hoste maligno, & perducas in vitam aeternam. Amen.*

COMMENTARIUS.

I. **T**rium simul unico Commentario Paragraphorum explicationem aggredior, quo ritus in ipsis praescriptus imperitiæ Communioni infirmo in modum Viatum, facilius intelligatur. Licet autem ritus ipse idem fere sit, ac ille, qui in communi aliorum Communione adhiberi solet, quemque supra in Commentariis ad Caput II. late enarravi, operæ nihilominus pretium duxi, praesentem administrandi Sacri Viatum ritum quibusdam praeis, ac recentioribus insignium Ritualium monumentis, & testimoniis illustrare. Ergo quod ritum spectat in nostro §. xv. expressum recitandæ generalis Confessionis, sive ab infirmo, sive ejus nomine ab alio; & faciendæ a Parocho generalis absolutionis, ita plane recenset, servandamque statuit S. Carolus veterum rituum peritissimus, ac tenax, in suis, *De visitatione, & cura infirmorum*, Instructionibus, ubi scilicet Ordinem ministrandi Eucharistiae Sacramentum infirmis describit: *Clericus versus Sanctissimum Sacramentum, & Parochum genuflexus, monet egrotum, & ceteros omnes, signum Crucis sibi adhibere, & ipse signans se dicit: In nomine Patris, & Filii, & Spiritus Sancti; & manibus junctis Confessionem generalem dicit; egrotum, si potest, eum eo saltem submissa voce pronunciantem, aut saltem attente audientem; percutitque*

ter pectus ad ea verba: Mea culpa &c. Confiteor Deo omnipotenti &c. Quæ Confessione pronuntiata, Parochus dicit: Deo gratias. Tum statim pergit dicere manibus junctis: Miseretur tui &c. Post manus dextra Crucis signum versus egrotum adhibet, & dicit: Indulgentiam, Absolutionem &c. Postea dicit sequentem Orationem manibus extensis, & Clerico Librum tenente: Dominus noster Jesus Christus, qui dixit Discipulis suis: Quaecumque ligaveritis super terram, erunt ligata & in Caelo; & quaecumque solveritis super terram, erunt soluta & in Caelo, de quorum numero quamvis indignos nos esse voluit: Ipse te absolvat ab omnibus peccatis tuis, quæ quovis modo, cogitatione, locutione, & operatione, egisti; atque a peccatorum nexibus absolutum perducere dignetur ad Regna Colorum. Qui cum Deo Patre, & Spiritu Sancto vivit, & regnat in secula seculorum. &c. Amen.

II. Extat & hæc Oratio in antiquissimi Rituum libris, ac praesentem in vetustissimo Codicæ Bibliothecæ Regis Francorum, num. 4208. ab annis circiter DCCC. scripto, in eo Titulo, qui inscriptus est, *Ordo ad visitandum, & egrotum infirmum*, & relato a Martene Lib. 1. De antiquis Ecclesiæ ritibus, Cap. vii. Articulo 14. Ordine 21. ubi etiam & alia multa recensentur Oratio-

nes, quæ Absolutionem & Communionem infirmis spectant. Cæterum ex antiquo Rituali Ecclesiæ Turonensis apud Morinum, Lib. x. *De disciplina in administratione Sacramenti Pœnitentiæ*, Cap. xv. hoc plane ritu Eucharistia infirmo in modum Viatici tradebatur: *In primo*, inquit, *sic agitur*. Dicantur *Septem Psalmi*, postea *Oratio*, quam hoc monitum sequitur. Deinde accedat Presbyter ad infirmum, & suadeat ei diligenter, ut contratur, & confiteatur omnia peccata sua, & quæ non recollit. Deinde absolvat cum dicens: *Miserere tui &c.* Sequitur mox *Oratio*: *Deus, cui proprium est &c.* Itemque hæc alia: *Omnipotens misericors Deus, qui B. Petro Apostolo, caterisque Apostolis suis licentiam suam dedit ligandi, atque solvendi, ipse te absolvas ab omni vinculo peccatorum, & quantum fragilitati meæ permittitur, Ego te absolvo ab omnibus peccatis tuis, ut sis absolutus ante tribunal ejusdem Dei, & Domini nostri Jesu Christi. Qui cum &c.* Et deinde inquit: *Dominus noster Jesus Christus qui dixit Discipulis suis: Quicumque &c. de quorum numero licet indignos non esse voluit, ipse te absolvas ab omnibus peccatis tuis, quæque cogitando, loquendo, operando, negligenter egisti; atque a peccatorum vinculis absolutum perducere dignetur ad Regna Cælorum, ipse qui cum &c.* Alia tandem *Oratio* hæc est: *Absolutionem, & remissionem peccatorum tuorum, spatium veræ pœnitentiæ, emendationem morum, & vitam, & consolationem S. Spiritus, cor semper pœnitens, & contritum, intercedente Beata, & gloriosa semper Virgine &c.* Præmissis hæc *Orationibus* administrari consuevisse olim alleubi saltem infirmo Communionem in modum Viatici, ex eodem plane Turonensi Rituali constat, in quo post recitatas *Orationes* sic legitur: *Deinde da ei Corpus Domini, & dic: Accipe Viaticum.*

III. Juxta complurimorum veterum æque, ac recentiorum Ritualium præscriptum, communicari infirmo in modum Viatici, interrogari solebant de Fide, ejusque professionem palam recitare. Docet id quidem inter alia ms. Pontificale insignis Ecclesiæ Constantinopolitanæ annorum circiter DC. ubi sic legitur: *Infirmus faciat hic Confessionem suam, & commendat se in oratione omnium, & exquirat Sacerdos, si jam credat in Sanctam Trinitatem. Credis in Patrem, & Filium, & Spiritum Sanctum?* R. Credo. Credis, quod iste tres Personæ unus est Deus. R. Credo. Credis, quod io eadem carne surrecturus es? R. Credo. His expletis rogat Sacerdos, & Confessor infirmi alios Sacerdotes, & dicant hæc *Orationes*, quæ sunt de reconciliatione pœnitentiæ &c. Scio memoratam Fidei professionem in prædicto Pontificali præmitti Extremæ Unctioni, sed jam notum & illud est, quod & ego dicam suo loco inferius, Extremam ipsam Unctionem præmitti olim multis in locis consuevisse Sacro Viatico, quod etiam simul infirmo præbebatur.

IV. Sed ecce alii antiqui Codices Rituales, ex quorum præscripto, Fidei professio immediate Sacro Viatico præmittitur. Certe ex Rituali ms. Monasterii B. Mariæ de Pontelevio annorum circiter DC. cautum est illud, ut appropinquante Sacerdote, ad infirmum scilicet, cum Eucharistia, interroget credulitatem Fidei Catholicæ, dicendo ita: Ecce mysterium reconciliationis nostræ, & tuæ. Recognosce hoc? Quo respondente, Recognosco Salvatorem meum. Inter-

rogat iterum: Credis in Deum Patrem omnipotentem? Credis & in Jesum Christum Filium ejus unicum Dominum nostrum, natum & passum? Credis in Spiritum Sanctum, Sanctam Ecclesiam Catholicam, Sanctum Baptisma, & Sanctorum Communionem, remissionem peccatorum, carnis resurrectionem, & vitam æternam? R. Credo. Accipiat Crucem, & dicat: Ecce Vultum Salvatoris, qui te sui Sanguinis pretio pendens in Cruce redemit. Adora, & oscula. Recognosce te culpabilem. Osculataque Cruce, dicat Confessionem &c. Sequitur Absolutio, & deinde Communione infirmi utique morientis sub ea formula, Accipe frater Viaticum &c. Similia leguntur in aliis Ritualibus permultis, ac præsertim in Romano Sacerdotali Venetiis impresso anno MDLXVII. Parte 1. Tractatu 1v. in Ordine ad communicandum infirmum, ubi expresse edicitur, ut Sacerdos data generali Absolutione infirmo morituro, elevet Corpus Domini de Pyxide, vel Calice, & ostendat infirmo, dicens: Credis, quod hic sit Christus Salvator mundi? Quo dicente, Credo, dicat Sacerdos: Dic sicut ego dico. Domine non sum dignus, ut intres sub tectum meum, sed tantum dic verbo, & faciat anima mea. Quo dicto ter, Sacerdos dant infirmo Eucharistiam, dicat: Accipe frater Viaticum Domini nostri Jesu Christi &c.

V. Quod ipsam formulam spectat, qua morituro infirmo Eucharistia in modum Viatici folia fuit præberi, variat ea oon nihil in variis Ritualibus. In antiquo liquidem ms. Pontificali insignis Ecclesiæ Cameracensis annorum circiter DC. communicans Sacerdos infirmum sic agebat: *Corpus Domini nostri Jesu Christi custodiat animam tuam in vitam æternam, ut cum dies judicii advenierit, cum Sanctis, & Electis suis, te habeat suscitari in vitam æternam. Amen.* Adhiberi consuevisse hanc formulam, cum dabatur ægotanti morituro Communione in modum Viatici, probari potest ex ms. Floriacensi Codice ejusdem ætatis, in quo hæc extat formula: *Accipe Viaticum Corporis, & Sanguinis Domini nostri Jesu Christi, qui te custodiat ab hoste maligno, & perducet ad vitam æternam, & resuscitet in novissima die.* Legitur similis formula in ms. Rituali Monasterii Beate Mariæ de Pontelevio ab annis circiter DC. exarato: *Accipe frater Viaticum Corporis, & Sanguinis Domini nostri Jesu Christi, qui te custodiat, & defendat ab hoste maligno, & perducet ad vitam æternam, & resuscitet in novissima die. Qui venturus est judicare vivos, & mortuos.*

VI. Porro usitata formula Viatici administrandi illa plane est, quæ legitur in nostro §. xvi. 1. *Accipe, frater (vel soror) Viaticum Corporis Domini nostri Jesu Christi, qui te custodiat ab hoste maligno, & perducet in vitam æternam. Amen.* Unica est pro omnibus, dicique iccirco debet semper eum in modum, five Sacram ipsam Viaticum plebeo, five nobili, ant Principi, Regi, Episcopo, S. R. E. Cardinali, five ipsi Summo Romano Pontifici administraretur. Neque enim debet in ea formula titulus ullus dignitatis adungi, qua polleat is, qui communicat. Absurdum namque esset, ut qui Viaticum Episcopo præberet, diceret, *Accipe Illustrissime Præsul*, Cardinalique daret tunc titulum Eminentiissimi, & Summo Pontifici titulum Beatissimi, Sanctissimi &c. Forte non desunt, qui consentiant, dicen-

dum omnino esse Papæ in modum Viatici communicanti, *Accipe Beatissime Pater Viaticum. Corpus Domini nostri Jesu Christi, qui Sanctitatem tuam custodiat ab hoste maligno &c.* Verum qui ita opinantur, suam certe inficitiam produnt, atque attentionem, quam nulla prorsus ratione, nullo probato testimonio, exemploque tueri possunt. Quid enim derogatur supremæ Romani Pontificis dignitati, si sub præscripta in administratione Viatici formula communicet, tam præsertim, quod is, qui solet Viaticum ei morienti præbere, Episcopus sit, qualis est Apostolici Sacrarum Præfectus, ideoque nullam injuriam facit, si illum tunc Forstrem appellet; multis enim testimoniis probari posset Summos Romanos Pontifices appellasse Episcopos Fratres, & ab iis etiam Fratris nomine appellatos fuisse. Legendæ variz S. Cypriani, ut alios omittam, Epistolæ ad Cornelium Papam sic inscriptæ: *Cyprianus Cornelio Fratri*. Sed & constanter assero, etiam simplicem Sacerdotem Papæ Viaticum administrantem, ut debere communi, & probata formula: *Accipe Frater Viaticum &c.* Nec addubito, quin etiam peccet, si formulam ipsam ab Ecclesia jam pro omnibus præscriptam immutaret; quod quidem facile probari potest celebri Canonæ x l i. Sessionis v i i. Concilii Tridentini supra Titulo l. §. l i. descripto, atque explicato: *Siquis dixerit, inquit, receptos, & approbatos Catholica Ecclesia ritus in solemnibus Sacramentorum administratione adhiberi consuetos, aut contemni aut sine peccato a Ministris pro libito omitti, aut in novos alios per quemcumque Ecclesiarum Pastorem mutari posse, anathema sit*.

Vii. Reliquum est, ut quosdam alios ritus explicemus, qui administrationem Sacri Viatici spectant. Sane varia extant in Actis Sanctorum exempla, ex quibus docemur, voluisse olim nonnullos ex ipsis morti proximis, non quidem in proprio cubiculo, sed in Ecclesia Sacrum Viaticum fumere, ibique supremum spiritum exhalare. Ex his primus occurrit S. Benedictus, qui, ut scribit S. Gregorius Papa, Lib. l i. Dialogi, Cap. xxxv i i. *cum languer per singulos dies ingravesceret, sexta die portari se in Oratorium a Discipulis fecit, ibique exitum suum Dominici Corporis, & Sanguinis perceptione munivit, atque inter Discipulorum manus imbecillia membra sustentans, erectis manibus stetit, & ultimum spiritum inter verba Orationis efflavit*. Sanctum Parentem proxime sequitur Sanctus ejus Discipulus Maurus, qui, ut scribit Faustus in ejus Vita num. 70. *ante Altare B. Martini super ciliatam stratus sui decubans, cum exitum suum viscerum munisset perceptione Sacramentorum, adstantibus, qui relictis erant, Discipulis, feliciter migravit ad Dominum*. Item S. Gregorius Abbas Trajectensis teste S. Lindgero in ejus Vita, num. 22. *jussit se ante Oratorium Sancti Salvatoris a Discipulis portari, & ostium aperiri, ibique*

oratione facta, & Communione Sacri Corporis, & Sanguinis Domini accepta, aspiciens ad Altare, mente calefactus intentus, ad Dominum perrexit. Vide & alia id genus exempla apud Martene Lib. v. *De antiquis Monachorum ritibus*, Cap. ix. num. 33.

Viii. Constat itaque & hic alius ritus ex dictis, factam nempe olim fuisse morientium infirmorum Communionem sub utraque specie; qui quidem ritus non modo aliis permixtis exemplis, verum etiam Ritualibus confirmari facile potest, præsertim vero per vetustum Sacramentorum Codice insignis Ecclesiæ S. Gatiiani Turonensis annorum circiter CM. in Ordine ad visitandum, & ungendum infirmum: *Deinde, inquit, communicet cum Corpore, & Sanguine Domini &c.* Id quod etiam in alio ejusdem Ecclesiæ antiquo ms. Codice habetur ejusdem ætatis, & in Codice Bibliothecæ Regis Francorum num. 4208. ab annis circiter DCCC. exarato, atque, ut alios omitam, in ms. Pontificali Libro Ecclesiæ Salisburgensis annorum circiter DCC. Quod autem aliqui communicarentur infirmi cum Corpore Domini Sanguine intincto, docet ms. Pontificale Ecclesiæ Salsionensis annorum DCC. ubi hæc extat ad communicandum infirmum formula: *Corpus Domini nostri Jesu Christi Sanguine suo tinctum conservet animam tuam in vitam æternam. Amen*. Sed non mirum videri debet, cum olim passim Fideles etiam sancti communicarent vel sub utraque specie, vel Corpore Sanguine intincto, ut in variis nostrorum Operum locis ostendimus.

Ix. Neque vero ille antiquus pariter hoc loco omitendus est ritus, ex quo addidimus consuevisse Fideles ante, vel post Sacri Viatici acceptionem, veniam ipsos non modo ab illis petere, in quos deliquissent, verum etiam & iis præbere, ut ipsos læssissent. Hujus rei praxim legere est in Actis Sanctorum, & in Libris Ritualibus omnium pene Ecclesiarum, atque Religiosorum Ordinum passim. Certe S. Maximus Abbas in Gallia, & Martyr, ut testatur Auctor ejus Vitæ apud Bollandum ad diem 11. Januarii, morti proximus convocavit Fratres, & veniam ab eis petens, si forte contra aliquem peccasset, ut ei indulgerent, & osculans eos, & valesfaciens eis, obiit anno circiter DCXXV. Sed quid alia exempla memorem, aut Ritualia describam, cum vel ex ipso Cæremionali S.R.E. quod Angelus Patricius Papalium Cæremoniarius Magister continuavit, Marcellus Archiepiscopus Corycensis publici juris fecit anno MDXVI. & nos omnium præmi perpetuis Commentariis illustravimus, expressè cautum sit, ut Summus Pontifex moriturus, post emissam Fidei professionem, præsentem Sanctissimo Christi Corpore, quod scilicet in modum Viatici sumpturus est, petat veniam ab omnibus, si quem forte iniuste offenderit &c. Atque in hunc locum videri potest quod scripsimus nos in citato Opere.

§. XVIII.

Si vero Communio non datur per modum Viatici, dicat more ordinario: *Corpus Domini nostri Jesu Christi custodiat animam tuam in vitam æternam. Amen*.

COMMENTARIUS.

I. Quamquam ea, quæ ait hic noster §. explicata jam alias fuerint, illud nihilominus iterum admonendum censui-

mus, duplicem esse Eucharisticam infirmorum Communionem, alteram nempe per modum Viatici, alteram ex devotione, duplexque etiam esse

esse ioter utramque discrimen, & quoad jejuniū a communicandū iervandum, & quoad formā a Sacerdote in ejus administratione dicendam. Porro sola Communio in modum Viatici suam habet peculiarem formulam, quam io superiori Commentario exposuimus. Communio autem quæ ex devotione infirmis administratur, ea plane formula peragitur, qua Fideles, quicumque si sint, sive plebei, sive nobiles, sive Clerici, sive Lai- ci, sive mares, sive feminae, more ordinario commu- nicare solent, præscripta scilicet in hoc §. formula, quam nefas est immutare. Hoc autem iterum hoc loco admonendum duximas, quod quosdam ooverfios ignorantes Sacerdotes, adu- latoreſve, qui noo veriti fuerant, eum commu- nicareot Principes, dicere eisdem: Corpus Do-

mini nostri Jesu Christi custodiat animam vestra excellentie, Amen. Similem abusum notavit jam Barrufaldus in nonnullis Confessariis, qui, ut ait in Addendis ad Commentaria in Ritualia Romanum, ad Titulum xix. De Absolutionis for- ma, quæ leguntur in fine ejus Operis pag. 393., reverentia, & urbanitatis gratia, dum peccata audiunt alienius Magnatis, vel Principis, vel nobilis viri, & in dignitate conflanti, solent in Sacramentali Absolutione superaddere consueta & simpliciter necessaria forma, Ego te absolvo &c. titulos honorificos gradus, & dignitatis præ- nitentis, immutando proutem te in hac, vel ſi- milia verba, Absolvo Dominationem vestram, Majestatem, Eminentiā, vel Excellentiam ves- tram &c.

§. XIX.

Quod si mors imminet, & periculum sit in mora, tunc dicto, *Miseretur &c.* præ- dictis precibus omnibus, vel ex parte omissis, ei statim Viaticum præbeatur.

COMMENTARIUS.

T Ametſi difficile ſit, obſervari poſſe in praxi quod ſtatuit hic noſter §. obſer- vandum tamen eſt, ubi caſus contige- rit, ut nempe, ſi mors imminet, & periculum ſit in mora, tunc dicto, *Miseretur &c.* præ- dictis precibus omnibus, vel ex parte omissis, ei ſta- tim Viaticum præbeatur, ſub recitata ſcilicet for- mula, *Accipe frater Viaticum &c.* Porro cavend- um illud, ne in os mortui Eucharistiā immitta- tur, quod olim non ſine abuſu factum eſt; cui tamen Patres ſapientiſſime occurrerent, tum io Occidente, tum in Oriente, uti conſtat ex Con- cilio Carthaginienſi III. anni ccxcviii. Cano- ne iv. *Placuit, inquit, ut corporibus defunctorum Eucharistiā non detur; & ex Concilio Anti- ſiodoreuſi io Galliis celebrato anno dcccxi.*

CAU. XII. *Non licet mortuis, nec Eucharistiā, nec oſculum tradi.* Vigiliſe autem eum abuſum in Oriente, ſabente ſeculo viii. addiſcere licet ex Trallano Concilio anni dcccxi. Can. lxxxiii. quo abuſus ipſe proſcriptus fuit ob eam ratio- nem, quod Eucharistiā, ipſo Chriſto edicente, iis diſpenſari non poſſit, qui illam comedere non- valent, quippe quod dictum ſit, *Accipite, & manducate*, mortui vero manducare non poſſunt; *Nemo, inquit memoratus Canon, mortuorum cor- poribus Eucharistiā communicet; ſcriptum eſt enim, Accipite, & comedite; mortuorum autem corpora non poſſunt accipere, nec comedere.* Vi- delis quid diximus nos in Commentario ad ipſum Canonem noſtro Tomo II. Commentariorum io Coocilia Oecumenica.

§. XX.

Postea Sacerdos abluit digitos, nihil dicens, & infirmo detur ablutio. Deinde dicat.

V. Dominus vobiscum. R. Et cum spiritu tuo.

Oremus.

Domine Sancte, Pater Omnipotens, eterne Deus, te fideliter deprecamur, ut accipientis fratri nostro (vel sorori nostræ) Sacrosanctum Corpus Domini nostri Jesu Christi Filii tui, tam corpori, quam anima proſite ad remedium sempiternum. Qui tecum vivis, & regnat in unitate Spiritus Sancti Deus, per omnia ſecula ſeculorum. R. Amen.

COMMENTARIUS.

R itum præscriptum in hoc præſenti §. egregie explicat S. Carolus in Ordine ministrandæ Eucharistiæ infirmis, ubi sic inquit: *Postea Parochus, digitis pollicis & in- dice, quibus ministravit, super Pyxide simul junctis, ad mensam revertitur, ubi deposita Pi- xide super Corporale, eaque cunctis, tum ſola genuflexione, statim digitos, quibus Sacra- mentum tetigit, vino, & aqua abluit in vase non conſecrato ad eum nſum præcipue parato, quod ſecum portandum curabit, tam purificato- rio abſtergit. Clericus autem præbet egroti ablu-*

Tom. I.

tionem. Quod si egrotus ſumere non poteſt, eam ad Eccleſiam deferet, & in Snerarium mittet. Huc plane facit quod olim in Synodalibus ſuis Conſtitutionibus editis circa annum mcccvii. ſta- tuit Ricardus Poore Sarum Episcopos, Capite xxxix. ubi & inter alia edixit, ut Sacerdos ad communicandum egrotum accedens, habeat vnt argentum, vel ſtannum ad hoc publice deputa- tum, quod ſemper ſecum ad egrotum deferat, ut in eo egro dare valeat poſt ſumptam Eucharistiā ſuorum leturam digitorum.

II. Porro ex ms. antiquis Coſuetudinibus

P p

Mo

Monasterii Cluniacensis Cap. l. ii. apud Martene Lib. v. *De antiquis Monachorum ritibus*, Capite v. i. i. num. 19. ubi infirmus Corpus Domini in vino aqua mixto intinctum sumperat, ebibat quoque ablationem Calicis, & si poterat, ablationem digitorum Sacerdotis, & ad huc Calicis; eoque non valente, alius ebibebat. Juxta Ordinarium vero Carthusiense anno m. lxxxii. Parisiis impressum, Cap. xxxi. i. postquam infirmus recepit Corpus Christi, sumit etiam de manu Sacerdotis vinum, & postea Sacerdos digitos lavat ob reverentiam Sacramenti. Ceterum licet hic nosser §. alique Rituales Codices, eam digitorum Sacerdotis ablationem præbendam infirmo præscribant, in arbitrio nihilominus illius est, si eam sumere velit; quæ etiam num fieri cum aqua debeat, an vero cum vino, ejusdem infirmi arbitrio relinquendum censeo; licet enim nulla faciendæ cum aqua, aut vino prædictæ ablationis in hoc §. mentio occurrat, id tamen factis expressum fuit supra in §. ix. ubi inter alia, paranda in cubiculo infirmi pro ejus Communione, recensentur *duo vasa, alternæ cum vino, alterum cum aqua*. Non omittendum autem hoc loco illud, quod alias supra S. Carolus monuit, ut nimirum si egrotus ablationem illam digitorum Sacerdotis sumere nequiret, aut noller, ad Ecclesiam deferatur, in Sacramentum projicienda.

III. Quod tandem Orationem spectat in nostro §. notatam dicendam a Sacerdote post acceptam ab infirmo Eucharistiam, & sumptam ablationem, extat ipsa in variis antiquis Ritualibus, in quibus etiam aliæ complures recensentur. In ms. Pontificali Prudentii Episcopi, qui ante annos CM. Trecentem regebat Ecclesiam, hæc Oratio legitur: *Domine Sancte, Pater Omnipotens, æternæ Deus, te fideliter deprecamur, ut accipienti Fratri nostro N. Sacrosanctum Corpus, & Sanguinem Domini nostri Jesu Christi Filii tui, tam corporis, quam animæ sis salus*. Legitur & hæc eadem Oratio una cum aliis apud Martene Lib. 1. *De antiquis Ecclesiæ ritibus*, Capite vii. Articulo iv. itemque in citato Ordine ministrandæ Eucharistiæ Sacramentum infirmis apud S. Carolum in instructionibus, *De visitatione, & cura infirmorum*, ubi tamen tantisper variat. Denique antiquam quoque est Orationem in §. nostro relata, constat ex variis Sacramentorum Libris a Martene allatis, præsertim vero ex ms. Rituali Monasterii B. Marie de Pontelevis annorum circiter DC. Varias quoque benedictionum formulas super infirmum tum recitatas, docet nos inter alios ms. Codex insignis Ecclesiæ S. Gatiiani Turonensis annorum circiter CM. apud eundem Martene in recitato loco Ordine i. i.

§. XXI.

His expletis, si altera Particula Sacramenti superfuisset (superesse autem semper debet, præterquam in casu jam dicto) genuflectit, surgit, & accipiens Vas cum Sacramentum, facit cum eo signum Crucis super infirmum, nihil dicens; & reverenter illud deferens, ordine, quo venerat, revertitur ad Ecclesiam, dicendo Psalmum, *Laudate Dominum de Cælis*, & alios Psalmos, & Hymnos, prout tempus feret.

COMMENTARIUS.

I. **A** Ccepta ab infirmo Communione Eucharistica, varias consuevisse & olim Orationum, ac benedictionum formulas a Sacerdote super eam recitari, jam nos io calce superioris Commentarii notavimus, extantque eæ passim in antiquis, recentibusque Libris Sacramentorum a Martene allatis citato superius Libro 1. Cap. vii. Articulo iv. in quo varii ad ungendum infirmos Ordines referuntur, præsertim vero in Ordine i. i. ex antiquo Sacramentorum Libro Ecclesiæ Turonensis S. Gatiiani annorum circiter CM. Sed his omisiss, ex præscripto nostri §. dicta illa unica Oratione, *Domine Sancte, Pater Omnipotens &c.* in superiori §. descripta, ex præscripto item præsentis §. *Si altera Particula Sacramenti superfuisset* (superesse autem semper debet, præterquam in casu jam dicto) genuflectit, surgit, & accipiens Vas cum Sacramentum, facit cum eo signum Crucis super infirmum, nihil dicens. Sane, excepto casu longi itineris, quo Parochus unam tantum Particulam, ponit in Pyxide, quam deferat ad communicandum infirmum, regulariter duas saltem debet deferre ex præscripto §. x. supra explicati, ut nimirum cum ea, quæ superest, benedictio prius infirmo, nempe facta versus egrotum cum ea Crucis signo, uti explicat S. Carolus, ordine, quo venerat, revertatur ad Ecclesiam, dicendo Psalmum, *Laudate Dominum de Cælis, & alios Psalmos*.

mos, & Hymnos, prout tempus feret.

II. Sed audiamus S. Carolum, cujus locus in ordine ministrandæ Eucharistiæ Sacramentum infirmis quammaxime facit ad explicationem hujus nostri §. Ergo S. Antistes post descriptam Orationem, *Domine Sancte, Pater Omnipotens &c.* ita statim subdit: *Hic infirmum Parochus aliquid admonet ex illis, quæ supra exposita sunt; docque in primis, ut in tempore petat Extremam Unionem; hæc in eo statu est, ut non sit differenda, Parochus nullam moram interponet.* Tum vero pergit: *Videbit, antequam inde discedat, ut si aliquando Sacramentum palato egroti adhaerisset, tantum vini, aut aquæ det, ut illud glutiat. Quod ubi factum viderit, ad mensam genuflectit, & Psalmum capit, ut attulit, & versus egrotum cum ea Crucis signum faciet.* Et mox: *Ita ad Ecclesiam rediens, quo ordine venerat, dicat Canticum sequens, & item alias religiosas preces ad hunc usum accommodatas, præcipue cum longum est iter, cum Sacerdotibus, & Clericis alternatim, ut supra, Benedicite omnia opera Domini Domino &c. usque ad finem Cantici.* Cum vero ex nostro §. sit in arbitrio Sacerdotis dicendi Psalmum, *Laudate Dominum de Cælis, & alios Psalmos, & Hymnos, prout tempus feret,* merito aliqui in redditu ad Ecclesiam cum Sacramentum, cantare solent Hymnum, *Te Deum laudamus &c.* itemque Hymnum, *Pange lingua &c.* §. XXII.

§. XXII.

Cum pervenerit ad Ecclesiam, ponit Sacramentum super Altare, adorat, deinde dicit .
¶ Panem de Cælo præstitisti eis. R. Omne delectamentum in se habentem. V. Domi-
mus vobiscum. R. Et cum spiritu tuo. Oremus.
Deus, qui nobis sub Sacramento mirabili passionis tue memoriam reliquisti: tribue qua-
sumus, ita nos Corporis, & Sanguinis tui sacra mysteria venerari, ut redemptionis tue
fructum in nobis jugiter sentiamus. Qui vivis, & regnas cum Deo Patre &c. R. Amen.

COMMENTARIUS.

I. **C**um pervenerit ad Ecclesiam Sacerdos, ex præscripto nostri §. ponit Sacramentum super Altare, inposito scilicet Corporali, quod ibidem addit, nam alias uti illo potest, quod per Clericum fuit ad infirmum allatum; tum adorat, genussexus nempe ad extremum Altaris gradum, ut interim populus ad Ecclesiam ingreditur; deinde dicit. *¶ Panem de Cælo &c.* ut ait hic idem §. Sed mos tamen invaluit, ut Sacerdos, posito super Altare Sacramento, intonat prius, *Tantum ergo &c.* quod populus cantando prosequitur. Forte filet de hoc ritu nosse §. quia supponit ipsum. Hymnum totum cantatum fuisse in reditu Processionis ad Ecclesiam, una cum, *Pange lingua &c.* ideoque mandat dici Versiculum, *Panem de Cælo &c.* & Orationem, *Deus, qui nobis sub Sacramento mirabili &c.* Sed hæc levis est conjectura Barrufaldi, in suo ad hunc §. ubi etiam no-

tat, quod licet Rubrica hujus §. mandet, dici Versiculum, *Dominus vobiscum;* in nova tamen Instructione ab Urbe missa ad functiones Ecclesiasticas peragendas, sub Clemente XI. sublata fuit hæc dictio de mandato Sacra Rituum Congregationis. Sed dicendum omnino est ipse Versiculus juxta præscriptum nostri hujus Ritualia Romani jussu, atque auctoritate BENEDICTI Papæ XIV. editi, auctique. Porro concinit nostro §. quod in citato toties Ordine ministrandæ Eucharistie infirmis S. Carolus statuit: *Reversus vero, Sacerdos nempe e domo infirmi ad Ecclesiam, collocat debita reverentia Pyxidem cum Sacramento super Altari, supposito Corporali exten-*
to, genuflectit, postea stans manibus junctis, dicit,
¶ Panem de Cælo præstitisti eis. R. Omne delectamentum in se habentem. V. Dominus vobiscum. R. Et cum spiritu tuo. Tum manibus extensis dicit Orationem sequentem: Deus qui nobis &c.

§. XXIII.

Deinde annunciat Indulgentias a Summis Pontificibus concessas Sanctissimum Sacramentum comitantibus.

COMMENTARIUS.

I. **D**ista Oratione, stans Sacerdos versus ad populum, sed advertens, ne terga vertat SS. Sacramento adhuc super Altari exposito, ex præscripto hujus §. annunciat Indulgentias a Summis Pontificibus concessas Sanctissimum Sacramentum comitantibus; in genere scilicet loquendo, neque enim debet singulatum eas recensere; sed fat erit, si dicat, omnes, qui Sanctissimum Sacramentum comitati sunt, lucratos fuisse Indulgentias, quas Summi Pontifices concessere. Porro juxta S. Caroli Ordinem de administranda Eucharistia infirmis, post da-

tam populo cum Pyxide benedictionem, eamque repositam in Tabernaculo, & clausam, Parochus, tum indulgentiam publice denunciat iis concessam, qui Sacramentum eo modo comitantur, paucis verbis eos exhortans, ut in religioso eo instituto perseverent, & ita fideles in pace dimittit. Præter Summos Pontifices etiam Episcopi in Synodis suis Indulgentias concesserunt associantibus Sanctissimum Sacramentum ad infirmos delatum, quarum inter alias meminit Vanspen Parte II. *Juris Ecclesiastici universi*, Tit. IV. Cap. IV.

§. XXIV.

Postea cum Sacramento in Pyxide velo cooperta faciat signum Crucis super populum, nihil dicens. Postremo illud in loco suo reponat.

COMMENTARIUS.

I. **J**uxta S. Caroli præscriptum loco supracitato Parochus, Oratione peracta, Deus qui nobis &c. genuflectit, Pyxidem utraque manu tenens, signum Crucis cum eo versus populum adhibet, benedicens his verbis,
¶ Am. I.

Benedicat vos Omnipotens Deus, Pater ✠, & Filius, & Spiritus Sanctus. R. Amen. Deinde conversus ab alia parte ad Altare, reponit Pyxidem in Tabernaculo, genuflectit, postea claudit. Ita ille; sed standum est nostro §. qui quidem.

mandat, ut post prædictam Orationem Parochus annunciet Indulgentias, *postea cum Sacramento in Pyxide velo cooperta*, humerali scilicet de quo suo loco diximus, faciat *signum Crucis*, *nihil dicens*; eodem scilicet modo, quo benedixit

infirmum, de quo vide supra in §. XXI. *postremo illud in suo loco reponat*, in Tabernaculo scilicet, quod priusquam claudat, genuflectere debet, & adorare, juxta Rubricas, quæ etiam in Romano Missali notantur.

§. XXV.

Quod si ob difficultatem, aut longitudinem itineris, vel quia ea, quæ docet, veneratione Sacramentum ad Ecclesiam commode reportare non potest, sumpta fuerit una, tantum Particula consecrata, ut dictum est, tunc ea infirmo administrata, Sacerdos prædictis precibus recitatis, eum manu benedicit, & una cum aliis privato habitu, extinctis luminibus, umbella demissa, latente Pyxide, ad Ecclesiam, vel domum quicquæ suam revertatur.

COMMENTARIUS.

I. **Q**uod statuit hic tandem noster §. faciendum a Parocho, ubi una allata ad infirmum Particula, eum communicavit, docet etiam S. Carolus in Instructionibus, *De visitatione, & cura infirmorum*, eo Capite, quod, *De communiione*, inscriptum est, ubi sic inquit: *Si quando sine sacra Hostia redibit, Parochus, antequam domo egrediatur, Stola, tintinnabulum, Pyxidem palam non deferat.* Atque hæc sunt, quæ infirmorum communionem præstant, rite, recteque a Parocho, aliove Sacerdote eam administrante servanda. Cæterum, quod in Parochiis multæ visitatio contingere

possit, & quidem non raro, infirmum propria, & sollicita Viatici Communione indigere, multoque spatio distet ejus domus ab Ecclesia Parochiali, sanctissime statuit Innocentius Papa XII. peculiari sua Constitutione, seu Edicto, ut Ecclesie Regularium, si quæ in circuitu Parochiæ sunt, præsent, ac præstare teneantur commodum Parochiis extrahendi Sanctissimum Eucharistiæ infirmis præbendam pro Viatico, nec denegare, aut impedire audeant usum adeo salutaris Sacramenti sub prætextu privilegiorum, aut alterius cujuscumque exceptionis, quibus omnibus Pontifex in hoc casu derogare intendit. Atque hæc praxis hodie Romæ servatur.

DE SACRAMENTO EXTREMÆ UNCTIONIS TITULUS V.

I. **V**aria sunt hujus Sacramenti nomina, ut post alios Theologos insignes, & Catechismus Concilii Tridentini, notavit eruditus Jaeninus in Opere, *De Sacramentis*, Dissertatione VII. quam inscripsit, *De Extrema Unctione*. Primo signidem a materia, ex qua constat, vocatur a Græcis *Oleum Sanctum*, ut constat ex eorum Euchologio, ubi legitur, *Officium Olei Sancti*. A Latinis dicitur vel *Oleum* sine addito, vel *Oleum* cum hac additione *Sanctum Chrismatum Oleum*. Quod dictum scilicet S. Jacobi, *Infirmatur quis in vobis &c.* non est dubium de Fidelibus ægotantibus accipi, vel intelligi debere, qui Sancto Oleo Chrismatum perangi possunt, ut inquit Innocentius Papa I. ad Decretum Eugubini Episcopi Consultationes respondens. Secundo a materia, & forma simul junctis appellatur etiam ab ipsis Græcis *Oratio cum Oleo*, juxta illud ejusdem Jacobi, *Orent super eum, ungentes eum Oleo*. Tercio a subjecto, a quo recipitur, dicitur a Latinis *Unctio infirmorum*, & *Sacramentum excusationis*, ut docet Concilium Tridentinum Sessione XIV. *De Sacramento Extremæ Unctionis*, Cap. I. *Instituta est autem, ait, Sæva hæc Unctio infirmorum &c.* Tum vero Cap. III. *Declarat autem, esse hanc Unctionem infirmis adhibendam, illis*

præsertim, qui tam periculose decumbunt, ut in exitu vita constituti videantur; unde & Sacramentum excusationis nuncupatur. Quarto ex ordine, quem habet ad alias Unctiones, quæ istam præcedunt, dicitur *Extrema Unctio*, hæc autem Undinnes, quæ istam præcedunt, sunt Unctio Catechumenorum in pectore, & inter scapulas. Unctio baptizatorum, quæ fit in summo vertice. Unctio, quæ per Episcopum fit in fronte, quæque alio nomine *Confirmatio* dicitur, vel *Sacramentum Chrismatum*. Unctio Chrismatum, quæ Sacerdotum manus in pectore, & inter scapulas. Unctio, quæ Reges inaugurantur. Unctio denique, quæ speciali ritu consecrantur instrumenta quædam ad Sacrificium necessaria. Quinto a ratione quadam sibi intrinseca vocatur *Pœnitentiam consummativum*, uti ex eodem Tridentino Concilio addicimus, ubi ita inquit: *Visum est autem Sanctæ Synodo præcedenti doctrina de Pœnitentia, adungere ea, quæ sequuntur de Sacramento Extremæ Unctionis. Quod non modo Pœnitentia, sed & totius Christianæ vitæ, quæ perpetua pœnitentia esse debet, consummationem existimata est in Patribus.* Atque hæc ratione adducti quidam apud Græcos Ministri Unctionem Olei post auditam peccatorum confessionem inungebant satisfactionis Sacramentalis loco, quem qui-

quidem morem Innocentius Papa IV. ad Episcopum Tufculanum scribens his verbis proscriptit: *Nullis autem per Sacerdotes, vel Confectores pro*

satisfactione Penitentiae uictio aliqua solummodo inungatur, ut idem Iuuenius testatur initio citatæ VII. Differtationis.

CAPUT I.

§. I.

Extremæ Unctionis Sacramentum a Christo Domino institutum, tanquam celestis medicina, non animæ solum, sed etiam corpori salutaris, omni studio, ac diligentia periculose ægotantibus adhibendum est, & eo quidem tempore, si fieri possit, cum illa adhuc integra mens, & ratio viget, ut ad uberiores Sacramenti gratiam percipiendam, ipsi etiam suam fidem, ac piam animi voluntatem conferre possint, dum sacro liniuntur Oleo.

COMMENTARIUS.

I. Quamquam varii hæretici Extremam Unctionem ex albo Sacramentorum Novæ Legis expunxerint, Ecclesiæ tamen Catholicæ Fidem circa existentiam Sacramenti Extremæ Unctionis, ejusque institutionem a Christo Domino factam complexa est Tridentina Synodus Sessione XIV. Cap. I. *Instituta est autem, inquit, Sacra hæc Unctio infirmorum tamquam vere, & proprie Sacramentum Novi Testamenti.* Tum Canone I. anathema in eos intorquet, qui contrarium ausi fuerint asserere: *Si quis dixerit, Extremam Unctionem non esse vere, & proprie Sacramentum a Christo Domino nostro institutum, & a Beato Jacobo Apostolo promulgatum, sed ritum tantum acceptum a Patribus, aut signum tantum humanum, anathema sit.* Et iterum: *Si quis dixerit, Sacram infirmorum Unctionem non conferre gratiam &c. anathema sit.* Ex Canone itaque superius recitato Concilii Tridentini, & doctrina Canonici præmissa perspicuum est, uno a Jacobo, vel ab alio quocumque Apostolo, neque etiam ab universo Apostolorum Collegio, sed ab ipso Christo Novi Testamenti Pontifice institutum esse hoc Extremæ Unctionis Sacramentum, apud Marcum quidem insinuat, per Jacobum autem Apostolum, ac Fratrem Domini Fidelibus commendatum, & promulgatum. Idem patet ex Canone I. ejusdem Concilii Sessione VII. quo damnatur in universum, qui dicunt, non omnia Novæ Legis Sacramenta fuisse a Jesu Christo Domino nostro instituta, uti jam diximus supra, Tit. I. in Commentario ad §. III.

II. Quod ergo post Hugonem Magister Sententiarum Lib. IV. Diffinitione XXIII. dicit, ab Apostolis institutum esse hoc Sacramentum, id, ut scite explicat Estius, non de prima illa institutione accipiendum est, quia Lex aliqua, sive quodcumque Decretum, Legislatoris, seu Principis auctoritate conditur, sed de Legis, seu Decreti promulgatione. In quem sensum, Jacobi de hoc Sacramente verba, *Infirmis quis in vobis &c.* Patres Concilii Tridentini acceperunt. Jacobus enim hoc Sacramentum promulgavit, non quomodocumque, sed prius scripto tradens, & commendans illud posteritati. Quo sensu non absurde ipsum instituisse dicitur. Sic enim etiam legimus, a Romanis Pontificibus instituta quadam fuisse, velut a Lino, nequa mulier velato capite in Ecclesiam introiret; ab Alexandro, ut tantummodo panis, & vinum aqua mixtum in

Mysterio sanctissimi Sacrificii offerretur; a Victore, ut Sacrum Pascha die Dominico celebraretur; & ab aliis jam complura alia, quæ tamen partim Divinæ, partim Apostolicæ sunt institutionis; sed quia ab his Pontificibus Legè scripta sunt promulgata, aut cum neglecta essent, in usum revocata, ab iis instituta dicuntur. Certe non magis dici potest, Jacobum hoc Sacramentum proprie instituisse, eo quod ejus quasi Legem in Epistola sua scripserit, quam dicendum sit, Apostolum Petrum instituisse Baptismi Sacramentum, quando in prima sua Concione quasi præcipiens dixerit ad populum, Actorum Apostolorum Cap. II. *Baptizetur unusquisque vestrum &c.* Sed sicut hic nulla promulgatio fuit cum adhortatione, & commendatione Sacramenti, sic & ibi.

III. Probari autem illud nullatenus potest, quod quidam ex Scholasticis Theologis, & in his S. Bonaventura fecerunt, Apostolos scilicet hoc Sacramentum post Christi Ascensionem in Cælum instituisse ex speciali revelatione Spiritus Sancti. Quamvis enim hi revera Sacramenti hujus institutionem ad Christum Auctorem referant, quasi qui per Spiritum Sanctum, quem Apostolis promiserat, rationem, & usum hujus Sacramenti eos, ut multa alia, docerat; attamen haud verisimile est, Sacramenti alicujus proprie dicti institutionem ad id usque tempus dilatam fuisse, quum, Luca attestante, Actorum Apostolorum Cap. I. Christus post resurrectionem suam per dies XII. conversatus fuisset cum Apostolis suis, loquens de Regno Dei. Quo tempore sane credibile est, illa, quæ ad fundandam Ecclesiæ adhuc reliqua erant, ab eo instituta, & tradita fuisse. Quod eo probabilius dicitur de hoc Sacramento, quia Christus jam ante secundum typum, & inchoationem quamdam hoc Sacramentum instituerat, Marci Cap. VI. Quare conveniebat & perfectionem ejus ab ipso immediate Apostolos edoceri. Vide exactiorem hujus Questionis discussionem apud Theologos passim non modo ubi speciatim de hoc Sacramento, verum etiam ubi generaliter de Sacramentis tractant, præsertim vero apud Bellarminum, Estium, Natalem Alexandrum, Juvenium, & alios permultos tum veteres, tum præsertim recentiores.

IV. Extremæ Unctionis Sacramentum tanquam celestem medicinam, non animæ solum, sed etiam corpori salutarem, omni studio, ac di-

diligentia, periculose ægrotantibus esse adhibendum, merito edicit hic noster §. Eos enim esse istius Sacramenti effectus, perspicue docet, ac probat Tridentina Synodus, Sessione XIV. *De Extrema Unctione*, Cap. II. his verbis: *Res porro, & effectus hujus Sacramenti illis verbis explicantur*: Et Oratio Fidei salvabit infirmum, & alleviabit eum Dominus, & si in peccatis sit, remittentur ei. *Res enim hæc gratia est Spiritus Sancti, cuius Unctio delicta, si quæ sunt, adhuc expianda, ac peccati reliquias abstergit, & ægroti animam alleviat, & confirmat, magnam in eo divina misericordia fiduciam excitando, qua infirmus sublevatus, & morbi incommoda, ac labores levius fert, & temptationibus demonis calcaneo insidiantis facilius resistit; & sanitatem corporis interdum, ubi saluti animæ expeditur, consequitur.* Vide Concilii Tridentini Catechismum Parte II. *De Extrema Unctionis Sacramento*, num. xxviii. & seqq. ubi quinque ejusdem Sacramenti effectus recensentur, explicanturque, itemque memoratus Theologus, qui latius effectus ipsos exponunt, variisque de eisdem effectibus questionibus resolvunt.

V. At vera questionibus hæc omisiss, ut nos etiam de effectibus ipsis Sacramenti Extreme Unctionis dicamus, explicatur profecto ipsi, ut inquit Concilium Tridentinum, per hæc Beati Jacobi verba: *Oratio Fidei salvabit infirmum, & alleviabit eum Dominus, & si in peccatis sit, dimittentur ei.* Quibus ex verbis constat, duos esse principales hujus Sacramenti effectus, alterum ad corpus, alterum ad animam pertinentem. Id quod etiam addicimus ex nostro §. cuius initio dicitur: *Extrema Unctionis Sacramentum a Christo Domino institutum, tanquam celestis medicina, non anima solum, sed etiam corpori salutaris.* Et quidem, quod effectum spectat pertinentem ad corpus, Jacobi Apostoli testimonio in hærens Synodus Tridentina Sessione XIV. Cap. III. diserte docuit, tradiditque, per ipsum Sacramentum Extreme Unctionis, ægrotantem sanitatem corporis interdum, ubi saluti animæ expeditur, consequi. Atque huc facit, quod eam in rem jam longe ante Tridentinum Concilium scripsit S. Thomas in IV. Sententiarum, Distinctione XXIII. Questione I. Articulo II. in responsione ad II. *Sicut ablutio Baptismi, inquit, habet effectum corporalis abluitionis, quia etiam corporalem mundationem facit; ita etiam Extrema Unctio habet effectum corporalis medicationis, scilicet corporalem sanitationem. Sed hæc est differentia, quia corporalis ablutio ex ipsa naturali proprietate elementi facit corporalem mundationem, & ideo semper eam facit. Sed Extrema Unctio non facit corporalem sanitationem ex proprietate naturali materia, sed ex virtute Divina, qua operatur rationabiliter. Et quia ratio operans nunquam inducit secundarium effectum, nisi secundum quod expedit ad principalem; ideo ex hoc Sacramento non sequitur corporalis sanatio semper, sed quando expedit ad spirituales sanitationem; & tunc semper eam inducit, dummodo non sit impedimentum ex parte recipientis.*

VI. Ad effectus quod attinet respectu animæ, quatuor communiter recensentur. Primum locum videtur obtinere Gratia sanctificans, quod ei Sacramento cum reliquis Sacramentis commune est; quodque definitum etiam fuit a Triden-

tino Concilio citata Sessione, Can. II. *Signis dixerit, Sacram infirmorum Unctionem non conferre Gratiam, nec remittere peccata, nec alleviare infirmos, anathema sit.* Alter ejus effectus est, arma, viresque dare, quibus fortiter resistere possimus insulibus, quas demon communis generis nostri inimicus inferre solet vita præsertim periculatibus, & fiduciam illam nobis conatur eripere, quam in paterna Dei misericordia collocare debemus. Quocirca idem Tridentinum Concilium Capite II. prædictæ Sessionis sic ait: *Ægroti animam alleviat, & confirmat, magnam in eo Divina misericordia fiduciam excitando, qua infirmus sublevatus, & morbi incommoda, ac labores levius fert, & temptationibus demonis, calcaneo insidiantis facilius resistit.* Tertius effectus est delere peccata venialia, & etiam mortalia, quando ægrotus veram concipit contritionem, & facultatem non habuit ea confitendi, licet S. Jacobus ait: *Et si in peccatis sit, scilicet infirmus, remittentur ei.* Et ut ait Concilium Tridentinum ibidem: *Delicta siquæ sunt adhuc expianda, ac peccati reliquias abstergit.* Quod quidem secundum S. Thomam in Supplemento Partis III. Questione XXX. Articulo I. in Corpore, intelligi debet tam de mortali, quam de veniali peccato. Sic enim inquit: *Si invenit peccatum aliquod, vel mortale, vel veniale, quod culpam tollit ipsum, dummodo non ponatur obex ex parte recipientis.* Quartus denique, & ultimus hujus Sacramenti effectus, qui ei maxime proprius est, est animam a reliquiis peccati liberare; datur enim, ut ait S. Thomas loco mox citato, contra illos defectus, quibus homo spiritualiter infirmatur, ut non habeat perfectum vigorem ad usum vite Gratiæ, vel Gloriæ; & hic defectus nihil aliud est, quam quodam debilitas, & ineptitudo, qua in nobis reliquitur ex peccato actuali, vel originali, & contra hanc debilitatem homo roboratur per hoc Sacramentum. Atque hi sunt effectus Sacramenti Extreme Unctionis ad corpus, & ad animam pertinentes, ad quos quidem alludit noster §. ubi initio ait, *Extrema Unctionis Sacramentum a Christo Domino nostro institutum, esse tanquam celestem medicinam, non anima solum, sed etiam corpori salutarem.*

VII. Recte autem illud hic noster §. admonet, ut nempe omni studio, ac diligentia periculose ægrotantibus adhibendum sit hæc Sacramentum. Cui plane concinit S. Carolus in Concilio Provinciali Medinaniensi v. ubi de iis agit, quæ ad Sacramentum Extreme Unctionis pertinent, sic inquit: *Caveat Parochus, ne in eo ministrando negligentiam, ullamve moram culpam contrahat. Alioquin si ad illius ministrationem accersitis ire neglexerit, cum rationem Deo reddet, tum pœna ab Episcopo graviter plectatur.* Quod quidem mox S. Carolus egregie confirmat exemplo S. Malachii, his verbis: *Id porro ad omnem hujus Sacramenti in tempore administrandi diligentiam, præterquamquod præcipue cura sue, qua sanctæ sollicitudinis plena est, officio valde admodum perpetuo excietur; propositum etiam sibi exemplo Sanctissimi Episcopi Malachie accendatur, qui tam vehementer animi dolore ex eo affectus est, quod culpa sua, mulier quodam Sacramenti hujus gratia fraudata decessisset, ut totam noctem orando, gemitu, lacrymando consumserit, lacrymarumque vi, quasi maximo*

ximus imbre, pro Oleo Sanctio, quod non ministravit, mortuam perfunderet. Mone autem exaudi-
vis Dominus Sanctum suum, ita ut illa e morte
tomquam somno excitata, e lecto se se erigens, Sa-
cramentum hoc ab eo acceperit, ac deinceps a
morbo convalescat.

VIII. Mandat præterea idem hic noster g.
ministrandum hoc Sacramentum, eo quidem tem-
pore, si fieri possit, cum illi adhuc integra mens,
& ratio viget, ut ad uberiorem Sacramenti Gra-
tiam percipiendum ipsi etiam suam fidem, ac piam
animi voluntatem conferre possint, dam Sacro li-
niuntur Oleo. Hinc plane errant, qui infirmum
inungendum censent, dum morti vicinus appropin-
quat, quia scilicet ideo *Extrema Unctio* hoc
Sacramentum appellatur, quod extremum agen-
tibus spiritum conferri debeat. Verum, ut re-
cte notat Martene, lib. 1. *De antiquis Ecclesia-
ritibus*, Cap. vii. Articulo II. præterquamquod
Extrema Unctio nomen vocabulum ante annos quin-
gentos vix auditum fuerat, nihil ab Ecclesie
mente, & proposito ita alienum unquam extitit,
quæ variis in Conciliis, & Decretis hunc
abusum carpsit, atque damnavit. Nam etsi non-
nisi de salute periclitantes ex antiqua Ecclesie
traditione inungi debeant; nihilo tamen minus,
ubi aliqua viguit Ecclesiastica disciplina, illud
semper observatum est, postremis etiam nostris
temporibus, ut mori *Unctio* non conveniat, vel
morbo invalescente, semi-mortuus non sentiat, ut
loquitur Concilium Provinciale Remense anni
MDLXXXIII. Quod quidem consentit repetitis de
ea re S. Caroli Decretis, ac præsertim illi Con-
cilio ejus Provinciali i. Mediolanensis, ubi man-
dat Parocho, ut *Extrema Unctio* Sacramen-
tum ægroti, dum integritas est sensibus, adhibeat.
Cæterum inungendos esse infirmos antequam
sensu careant, expresse, graviterque inculcat
laudatus superius Tridentini Concilii Catechis-
mus, num. xvi. i. his plane verbis scitu neces-
sariis, atque a Parochis præsertim semper me-
moriam retinendis: *In quo tametsi gravissime pec-
cant, qui illud tempus ægroti unguendi observare
solent, cum, jam omnis salutis spes amissa, vita &
sensibus carere incipiat. Consuetudo enim ad ube-
riorem Sacramenti Gratiam percipiendam pluri-
mum valere, si ægrotus, cum in eo adhuc integra
mens, & ratio viget, Fidemque, & religiosam
animi voluntatem asserre potest, sacro Oleo linia-
tur. Quare Parochis animadvertendum est, ut
eo potissimum tempore celestem medicum adhi-
beant, illum quidem semper vi suo admodum sa-
lutarem, cum eorum etiam pietate, & religione
qui curandi sunt, magis profuturam intellexerint.*

IX. Porro quod antiquitus statim ut aliquis
vita periclitaretur infirmus, eo ipso inungere-
tur, nec, ut omnino jam desperaretur, ad
extremum exhalaturus spiritum expectaretur,
triplici comprobatur argumento memoratus Mar-
tene, I. Quod *Unctio* ante sacrum Viaticum,
quod nonnisi mente integra, & corpore non de-
ficiēte suscipi debet, ministraretur. II. Quod
Unctio per septem dies repetetur, id quod
erga desperatos, & pene sensu carentes obser-
vari minime potuisset. III. Quod aliqui in Ec-
clesia, ad sedentes, sive genuflexi, hoc Sacra-
mentum in Ecclesiastica Historia suscepisse refe-
runtur. Atque hæc omnia testimoniis veterum
Patrum, Conciliorum, ac Ritualium demonstra-
re haudquaquam erit difficile, tum præsertim

postquam inter alios eruditos Scriptores rerum
Theologicarum, ac Ritualium, ea antiquæ disci-
pline capita eximius Martene enarravit, diluci-
davitque, quæ nos opere pretium duximus in
hoc præfati Commentario ad tyronum erudi-
tionem recensere.

X. Primo itaque, quod ante Sacrum Via-
ticum inungeretur infirmi, probat Eusebii Pa-
pæ Decretum, seu alius antiqui Auctoris testi-
monium apud Ivonem Carnotensem, Decreto-
rum Parte xv. Cap. xxxv. jubens, ut Sacerdos
circa ægrotantem ponentem *Orationes* dicat,
& *augur enim Oleo Sancto, & Eucharistiam ei
daret.* In Sacramento S. Gregorii Pape apud
Menardum, post recitatas preces, & *Unctionem*
infirmi subdit: *Deinde commaciet enim Cor-
pere, & Sanguine Domini.* Id quod etiam habet-
ur in Codice Rotardi, & Rotaldi, & Tiliario, &
S. Remigii, & S. Germani a Pratis. Acta S. Tre-
fani Presbyteri, qui sæculo vi. in Pago Remensi
florebat, apud Bollandum ad diem vi. i. Februa-
rii, de eodem testatur, quod *Oleum sanctæ re-
conciliationis accepit, & cum cordis intima con-
tritione, & humilitate suscepit. quæ postquam
explevit, Viaticum petiit.* Concilium Aquitanen-
se anni DCCCXXVI. Cap. v. *Si autem in-
firmus depreffus fuerit, ac Confessione, atque
Oratione Sacerdotali, ac non *Unctio* sacrificii
Olei per ejus (Presbyteri) ægilitatem ca-
reat; denique, si suam argenteam perspexerit,
essumendos animam christianam Domini suo mo-
re Sacerdotali cum acceptione Sacra Commu-
nionis.* Sed quid alia hic congero testimonia,
cum videri ea possint una cum variis antiquis
Ritualibus eandem disciplinam referentibus a-
pud Launoijum in Libro, cui Titulus est, *Expli-
cata vetus Ecclesia traditio de data infirmis post
Unctionem Eucharistia; & apud laudatum Mar-
tene loco citato, num. III.*

XI. Alterum argumentum, quo demonstre-
tur, infirmos olim de salute periclitantes, ante-
quam ad extremam essent angustiam redacti, in-
unctos fuisse, repeti potest ex antiqua aliqua-
rum Ecclesiarum consuetudine, iteranda *Un-
ctionis* per septem continuos dies. Hunc plane
ritum præscribunt antiqui Libri Rituales per-
multi, præsertim vero duo insignis Ecclesie Tu-
ronensis annorum circiter CM. Uous B. Marie
Remensis ejusdem circiter ætatis, alter Regis
Francorum num. 4208. Pontificale Salisburgen-
se, Codex Viatorius annorum circiter DC. alii
que Sacramentorum Libri allati a Martene in ci-
tato Opere, lib. 1. Cap. vii. Articulo 17. Eundem
ritum videre etiam in Vita S. Remberti Ham-
burgensis Archiepiscopi, qui obiit anno Christi
DCCCLXXXVII. scripta ab Auctore æquali: *Septi-
mo, inquit, ante obitum die ministerium Sacra-
mentum ei fieri cepit, & non cum Communione
Corporis, & Sanguinis Domini usque in diem
anima exuentis de corpore hoc salutare reme-
dium omni die percipit.* Memini & ejusdem ri-
tus Mathæus Galenus in Promptuario Theolo-
gico, Catechesi clxxx. ubi sic loquitur: *Vide di-
scimus, olim non ita parce altum, ut nunc: sed
sola ieiunia, delibataque suis corpora, atque
tantum organa sensuum, sed omnes ille partes in-
ungebantur, in quibus morbus potissimum gra-
fabatur, idque interdum per continuos septem
dies.* Et Catechesi clxxx. *Quid enim est mirum,
raram contingere sanitatem, cum vix habeatur*

nunc

nunc ratio partium affellatur, quas Majores nostri totis septem diebus inungebant. Rursus Catechesi cxxxii. Ad hac, non fiebat illud perfunctorie, ac propter, sed ubi aeger non convalescebat, redibant eodem Sacerdotes per septiduum urgentes, non quidem Sacramentum toties repetentes, sed statim precibus Unctione curantes laborantia membra, praebeantque Sacrosanctam Eucharistiam. Quod ait Galenus, unctionem ipsam, non Sacramentum fuisse, alium desideraret testem. Nam verosimilius est, Galenum antiquos ritus cum hodiernis hic conciliare voluisse; & cum certis sibi constaret monumentis, Unctionem Sacram repetitam olim fuisse, nunc vero semel duntaxat in eodem morbo hoc Sacramentum administrari, existimavit, per septem quidem dies inunctos fuisse aegrotos, sed nulla verborum forma enuntiata, ac consequenter absque Sacramento. Hujusmodi argutis, ut observat laudatus Martene citato Lib. I. Cap. vii. Article II. om. v. in fine, & explanationibus miras in antiqua Ecclesiam de Sacramentorum administratione disciplina tenebras iniecerunt Doctores Scholastici, quas non sine labore Viri eruditi, & venerandae antiquitatis scrutatores studiosi hodie dissipare possunt.

XII. Ex dictis refutata manet opinio Gaufridi Vindocinensis Lib. II. Epistola xix. Ivoonis Carnotensis apud eundem in Epistola sequenti, Theobaldi Senonensis S. Columbæ Abbatis, aliorumque plurium, qui Saeculo xii. florere, Virorum illustrium, qui infirmorum Unctionem non solum in eadem aegritudine, sed in diversa non magis iterandum censebant, quam Baptismatis, Confirmationis, Ordinationis, Ecclesiarum, Vasorumque Ecclesiasticorum unctionem, quorum sententiam refutavit Petrus Venerabilis Abbas Cluniacensis, scripta ad Theobaldum egregia Epistola, quae est Libri v. septima, & Petrus Lombardus Lib. iv. Sententiarum, Distinctione xxiii. quibus subscripserunt deinceps Theologi, qui saltem in diversa aegritudine Unctionem repeti posse docuerunt. Audientibus S. Thomas, qui in citatum locum Sententiarum, Questione II. Article iv. Quaestione II. sic inquit: Hoc Sacramentum non respicit tantum infirmitatem, sed etiam infirmitatis statum, quia non debet dari nisi infirmis, qui secundum humanam estimationem videntur morti appropinquare. Quadam ergo infirmitates non sunt distinae, unde si in eis datur hoc Sacramentum, tunc cum homo ad illum statum perveniat, ut sit in periculo mortis, non recedit a statu illo, nisi infirmitate curata, & ita iterum non debet inungi. Quadam vero sunt aegritudines distinae, ut betices, & hydropestis, & hujusmodi, & in talibus non debet fieri inunctio, nisi quando videntur perducere ad periculum mortis; & si homo illum articulum evadat, eadem infirmitas durante, & iterum ad similem statum per illum infirmitatem reducatur, iterum potest inungi, quia jam est quasi alius infirmitatis status, quamvis non sit alia infirmitas simpliciter. Ita etiam docent Catechismus Tridentini Concilii, S. Carolus, alique Episcopi in suis Conciliis, & Ritualibus, ac Sacri Theologi, quorum loca supervacuum est describere.

XIII. Restat, ut tertii argumenti probationes, quae carcerum Unctionis repetuntur, proferamus ex laudato Martene citato loco,

num. vii. Et primo Unctionem aliquando in Ecclesia peractam fuisse, probatur ex celebri Sancti Casarii testimonio, qui in Sermone cclxxxix. Appendicis novae Editionis S. Augustini, redarguens eos, qui in morbis divinos consulenter, Quantum inquit, rellius, & salubris erat, ut ad Ecclesiam currerent, Corpus, & Sanguinem Christi acciperent, Oleo benedicto se, & suos fideliter perungerent, & secundum quod Jacobus Apostolus dicit, non solum sanitatem corporum, sed etiam remissionem acciperent peccatorum. Illustre ejus rei exemplum extat in Actis S. Oswaldi Vigornienfis Episcopi. Is enim, ut ipsa Acta habent, regressus in Oratorium, convocatis Pratribus, hortatur eos, impendere sibi ministerium Sacrae Unctionis. Quicquid sit de hoc ritu apud Latinos servato, ipsi etiam Graeci hodieque id plerumque faciunt, ut testatur doctissimus Goar ad Ritualis Graecorum in Notis in Officium Sancti Olei, ubi sic inter alia inquit: Graeci afflitis aegritudine, deque salute recuperanda desperantes, Officio praesenti super eos recitato, unanimi cum Latinis consensu, in domibus Graeci ungunt, in quo non modica, ut Christianos deest, se laude dignos ostendant. Imo & aegroti plerique e plebe, aliorum manibus, & ope ad Ecclesiam se deferri sudent; tunc ut Sacrorum praesentia, & animo levamen, & corpori miraculi alienius experimentum in recuperanda salute obveniat, ibique plurium nomnumquam diurnum spatio in Catechumenatis jacent, pernoctant, morantur, & sacra tandem Unctione sibi remedium exposcent.

XIV. Illud praeterea ex multis Ritualibus Libris addiscimus, infirmos non semper jacentes, sed genuflexos, aut sedentes inunctos fuisse: Post has orationes flectat genua languidus, & sedat ad dextram Sacerdotis &c. Tam perungat Sacerdos infirmum &c. Verba sunt antiqui Libri Sacramentorum Ecclesiae S. Galiani Tironensis annorum circiter CM. Cui concinunt alter Codex ejusdem Ecclesiae, & etatis, Pontificale Ecclesiae Salisburgensis annorum DCC. Codex ms. Victorinus annorum DC. & alii plures. Acta quoque S. Othonis Babergensis Episcopi apud Surium die II. Julii testantur, ipsum, non jacendo, sed sedendo, perunctum fuisse. Cum itaque ex dictis haecenus constet, aegrotos olim fuisse inunctos ante Viaticum per septem continuos dies, idque in Ecclesiis plerumque, & quidem flexis genibus, aut sedendo, nemini non perspicuum erit, haec omnia peragi haudquam potuisse in eum, qui exhaustis omnino viribus, & pene exangui esset corpore, ac proinde statim, ut certum incesset salutis periculum, infirmos inunctos fuisse. Quamobrem veteri Discipline, ac Patrum Statutis, exemplique inheret nostrum hoc Ritualis Romanum, ubi in praesenti §. edicit, ut Extremæ Unctionis Sacramentum, omni studio, ac diligenter periculo aegrotantibus adhibendum sit, & eo quidem tempore, si fieri possit, cum illis adhuc integra mens, & ratio viget, ut ad uberiorem Sacramenti gratiam percipiendam ipsi etiam suam fidem, ac piam animi voluntatem conferre possint, dum Sacra linuntur Oleo.

XV. Hinc nunc quis rite Sacra Unctione donetur, necessaria est, si fieri possit, actualis quidam in hoc Sacramentum devotio, ut inter alios docet, probatque S. Thomas Parte III. Quo-

Quæstione xxxii. Article 1v. in Corpore: *Respondens dicendum, quod hoc Sacramentum exigit actualem devotionem in suscipiente. Verum non de actuali devotione, quæ præsens sit, intelligendus est S. Doctor, quippe qui ita mentem suam explicat in citata Parte 111. Quæstione lxxx. Article 1x. in Corpore: Respondens dicendum, quod aliqui dicuntur non habere usum rationis dupliciter. Uno modo, quia habent debilem usum rationis, sicut dicitur non vident, qui male videt; & quia tales non possunt aliquam devotionem huic Sacramentum concipere, non est eis hoc Sacramentum denegandum. Alio modo dicuntur aliqui non habere usum rationis totaliter. Aut igitur nunquam habuerunt usum rationis, sed sic a natiuitate permanserunt; & sic talibus non est hoc Sacramentum exhibendum, quia in eis nullo modo præcessit huic Sacramenti devotio. Aut non semper caruerant usu rationis; & tunc, si prius, quando erant comites sui mentis, apparuit in eis devotio huic Sacramenti, debet eis in articulo mortis hoc Sacramentum exhiberi. Cohæret hæc S. Thomæ expositio cum hodierna Ecclesiæ praxi. Constat nempe, Unctionem Extremam iis hominibus exhiberi, qui usu rationis actu minime fruuntur, modo eam prius petierint, aut per pietatis opera, dum sani essent, testati sunt, se bene scivisse de Ecclesiæ Sacramentis, itaut ex æquo, & hono, præsumi possit a prudentibus Parochis, eos istud Sacramentum petitoris fuisse, si per morbum improvisum eis liceret.*

XVI. Pateri autem cogimur, illum adhuc vigere abusum, ut Parochorum æque, ac domesticorum culpa, extrema infirmi ad eum perarandum suspensum expectentur. Cui quidem abusui duo ansam, & occasionem, præbuisse videntur. Primum est falsa, quæ nonnullis vulgi animos Sæculo xiiii. persuasum invasit, nempe non amplius post susceptam infirmorum Unctionem licere uxoratis, si convalescunt, reverti ad opus conjugale. Quæ superfluitio, ut notat Mabillonius in Præfatione ad Sæculum 1. Benedictinum, §. ix. num. c. ad alia erroris capita sensim prolapsa, effecit, ut Unctioni Vaticum præmitteretur. Hinc quod Richardus Episcopus Sarum in Angliā in Constitutionibus anno Christi MCCXVII. editis, Cap. lxxviii. Moneant, inquit, Sacerdotes frequentem populum, hoc Sacramentum licite iterari posse, scilicet in qualibet gravi infirmitate, de qua metus imminet mortis. Dicant etiam, & denuncient confidenter, quod post susceptam hoc Sacramentum, licitum est reverti ad opus conjugale. Eam vero persuasione non modo non defuisse, sed accrevisse, discimus plane ex Synodo Wigornienſi anni MCCXL. sic statuente Cap. xix. Sunt quidam, ut audivimus, quæ post perceptionem huic Sacramenti, sanitati pristina restituti, nefas repant, vel uxores suas cognoscere, vel carnes comedere, vel aliqua ratione natis pedibus ambulare. Horum autem errorem nptote doctrina sana contrarium excutimus, & ex communicationibus, & monitionibus duximus corrigendos. Et post pauca: Quidam etiam abhorrent hoc percipere Sacramentum, quod hoc sibi vix in ipso mortis articulo sustinent exhiberi; propter quod forsam accidunt, quod ejus expertes plurimi ab hac luce subtrahuntur. Contra hunc igitur errorem cum aliis ex per Sacerdotes suos, & Predicatores alios crebris exhortor.

Tom. I.

tationibus precipimus præmoneri. Gliscentem errorem jam non sustulit Synodus ista Wigornienſis, uti apparet ex Synodo Exoniensi anni MCCXXXVII. Cap. vi. *Quoniam, inquit, quidem laici imperiti, de hoc Sacramentum nequiter sentientes, illud abhorrent in tantum, quod vix velint illud suscipere etiam in extremis, satne estimantes, post ipsius susceptionem, carnis ejus, nudis pedibus inessum, copulam carnalem etiam cum uxore legitimam sibi fore penitus interdicta: precipimus Parochialibus Presbyteris, ut ubi noverint tantam perfusionem pullulare, contrarium prædicent &c.* Idemque denuo in Synodo Wintonienſi anni MCCCVIII. iteratur Decretum; ut verisimile sit, ob ea vulgi deliramenta, Unctionem infirmorum in mortis articulum reservari capisse, ac sensum usum in omnes Ecclesias fuisse propagatum, ob falsam scilicet, & vulgi animis inhaerentem perfusionem, non amplius post susceptam infirmorum Unctionem, licere convalescentibus ad opus conjugale reverti, carnes comedere, pedibus nudis incedere.

XVII. Altera differenda Unctionis occasio fuit plane, ut observat Martene, avaritia, & cupiditas Ministrorum, qui plura exigebant ab ungendis, adeo ut vix aliquando pauperes hujus Sacramenti participes fieri contingeret. Hanc causam observavit Reinerius Ordinis Predicatorum Vir doctus, qui post medium Sæculum xiii. florebat. Is enim in Libro, quem adversus Waldenses scripsit, Cap. v. notat, eos Sacramentum Unctionis reprobasse, quia tantum divitibus datur; illudque esse nimium superbiam asserere, quia nulli daretur sine pretio. Et mox addit: Item quidam predicant, nulli Sacramentum hoc debere dari, nisi qui possit habere saltem duas ocellas, nuda pauperes graviter scandalizantur. Item dicunt, quod duodecim luminaria sunt necessaria in Unctione. Eandem Sacerdotum cupiditatem, ingluviemque, notavit Guillelmus Majoris Episcopus Andegavenſis in Statutis Synodalibus anni MCCXIV. Spicilegii Dacheriani Tomo xi. ubi hæc habet: *Nosque accepimus, referentibus fide dignis, quod dictum Sacramentum, sine quo, ut dicunt Sancti, periculosum est ex hac vita migrare, ex quadam negligentia omittatur; immo, ut veras loquamur, ex Sacerdotum rapacitate, & avaritia, qui in collatione hujus Sacramenti notas, & insolitas exactiones inducunt aliunde, petendo linteamina, quibus jacens inungetur egrotans. Varii Canonis, quibus vetatur aliquid exigere pro administranda Extrema Unctione, legi possunt apud doctissimum Lupum, Tomo 111. Operum Venetæ editionis, in Secunda Proemialis Dissertatione, De Simonia crimine, & variis ad ipsam spectantibus, Cap. viii. §. Quoties Sacramentum est Extrema Unctio &c.*

XVIII. Sed his omisſis, unum restat, quod in nostrum §. adnotemus, conferendum scilicet hoc Extremæ Unctionis Sacramentum periculose egrotantibus, eo quidem tempore, si fieri possit, cum illis adhuc integra mens, & ratio viget. Recte enim clausulam illam adjunxit, si fieri possit, ut nempe doceamur, recte posse hoc Sacramentum ministrari & iis, quibus nulla ex aliquo accidenti superest amplius cognitio, aut nullus rationis usus. Hinc, quod S. Carolus in Concilio Provinciali Mediolanensi 1. ubi agit de hoc Sacramento, sue ipsi clausula edixerat, ut Extremæ Unctionis Sacramentum curet Parochus, at

Qq

egro-

agrote, dum integris est sensibus, addibatur; ita deinde hoc Decretum in Provinciali 111. Concilio explicavit: Quod Concilio primo decretum est, ut, dum ager integris est sensibus, Extrema Unctionis Sacramentum ei ministraretur; si tamen vel curantiam negligentia, vel morbi vi, vel repentino aliquo casu, sensum omnem amiserit, ut nihil plane intelligat; illius Decreti sententiam

vetitum non esse declaramus, quin hoc Extrema Unctionis Sacramentum ei ministrari liceat, si modo adhuc vivat, & dum usum rationis haberet, pii animi significationem dederit, ut inde iudicari possit, cum hoc Sacramentum petitarum, si adhuc integra mente esset. Hæc S. Carolus, quem quidem & nostro huius §. & doctrinæ superius explicatæ consentiunt.

§. II.

In quo illud in primis ex generali Ecclesiæ consuetudine observandum est, ut si tempus, & infirmi conditio permittat, ante Extremam Unctionem, Pœnitentiæ, & Eucharistiæ Sacramenta infirmis præbeantur.

COMMENTARIUS.

I. **T**Ametsi ex veteri Ecclesiæ more Unctio Extremæ Sacro Viaticæ consecrasset præmitti, uti jam probatum superius fuit, certa nihilominus est illa Patrum doctrina, ut Extremæ Unctionis Sacramentum administrari infirmo non debeat, nisi post Confessionem peccatorum, & post Viaticum Corporis Christi, si tamen possit, seu, ut verbis utar nostri huius §. si tempus, & infirmi conditio permittat. Quia scilicet non raro contingere potest, ut quis suscipere valeat Extremam Unctionem, non vero Pœnitentiam, vel Eucharistiam, ut cum aliquis patitur vomitum, vel repente morbo correptus in lethargum incidit. Cæterum quod his, aliisque id genus impedimentis cessantibus, servanda sit generalis Ecclesiæ consuetudo, ut ante Extremam Unctionem, Pœnitentiæ, & Eucharistiæ Sacramenta infirmis præbeantur, consensit profecto & huic præscripta in nostro §. regulæ Catechismus Tridentini Concilii, Parte II. De Extremæ Unctionis Sacramento, num. xxiii. hac ratione: *Quoniam vero omni studio curare oportet, nequid Sacramenti gratiam impedit; ei vero nihil magis aduersatur, quam alienius peccati mortiferi conscientia, servanda est Catholica Ecclesia perpetua consuetudo, ut ante Extremam Unctionem, Pœnitentiæ, & Eucharistiæ Sacramentum ministraretur. Ac deinde agrote persuadere Parochi studeant, ut ea fide se nungendum Sacerdoti præbeat, qua olim, qui ab Apostolis sanandi erant, se ipsos offerre consueverant. Atque his concludit etiam S. Carolus in suis Instructionibus de Sacramento Extremæ Unctionis, sic inquit: Quoniam nihil Sacramenti gratiam magis impedit, quam mortiferi alienius peccati conscientia, ideo in eo mini-*

strando usum, consuetudinemque hanc tenebit; Parochus scilicet, ut, si fieri potest, infirmum non anteingat, quam peccata confessus sit, ac præterea Sacram Eucharistiam sumperit, aut saltem sit confessus, si forte non poterit infirmus ob stomachi, gutturisve impedimentum, Sacram Communionem sumere &c.

II. Quamquam vero plura a nobis allata in Commentario præcedenti testimonia satis ostendant, consuevisse olim ante Viaticum Corporis Christi administrari Extremam Unctionem ægrotis, non desunt tamen plura iidem vetera, & Ritualium, & Scriptorum loca, quibus doceatur, præmissum fuisse Viaticum ipsam Extremæ Unctioni, uti videre est apud Martene, Lib. 1. De antiquis Ecclesiæ ritibus, Cap. vii. Article 14. Quicquid autem sit de ea variatione disciplinæ, causas varias attulimus nos in citato superiori Commentario, standum est hodie nostro §. & Catechismo Romano, immo & generali Ecclesiæ consuetudini, præmittendæ scilicet Extremæ Unctioni Sacramenta Pœnitentiæ, & Eucharistiæ. Ab hac tamen regula docet inter alios Natalis Alexander, Theologia Dogmatica, & Moralit, Lib. II. Tractata, De Extremæ Unctione, Cap. v. Regula xx. exceptas censeri debere Ecclesias, in quibus mos antiquus perseverat, ut apud Cistercienses, vel, ubi Episcopi morem illum venerandum, ob rationes, quibus nitebatur, & sacrorum pene quatuordecim proxim, suis Decretis recognoverunt. Additque mox: *Hæc in re demum, quæ mere disciplina est, sequatur unusquisque Parochus quod Ritualibus, seu Manualibus Diocesis suæ Libris præscribitur, qui scilicet probati sunt longo usu, aut permisi a Romana Sede Apostolica.*

§. III.

Habeat igitur Parochus loco nitido, & decenter ornato in vase argenteo, seu stanno diligenter custoditum Sacrum Oleum infirmorum, quod singulis annis Feria quinta in Cœna Domini ab Episcopo benedictum, veteri combusto, renovandum est. Id tamen si forte infra annum aliquo modo ita deficiat, ut sufficere non posse videatur, nequo aliud benedictum haberi queat, modico Oleo non benedicto in minori quantitate superinfuso, reparari potest.

COMMENTARIUS.

I. **Q**uod primum in hoc nostro §. edicitur, ut habeat Parochus loco nitido, & decenter ornato in vase argenteo, seu

stanneo diligenter custoditum Sacrum Oleum infirmorum, quod singulis annis Feria quinta in Cœna Domini ab Episcopo benedictum, veteri combusto,

busto, renovandum est, statutum est passim in Ritualibus, ac Synodis. praesertim vero Mediolanensibus S. Caroli, & ut alias omitam, in Saletitana anni MDLXXIX. a M. Antonio Columna Marfilio Salemtano Archiepiscopo celebrata, Tit. XXXII. Cap. VII. Infirmorum Oleum, inquit, singulis annis novum ab Ecclesia nostra in die Censae Domini proenretur, vetus autem in Sacario comburatur. Affertur in vase argenteo, vel saltem stanno apte sabrefacto, cum bombee, & velo serico, illudque maneat omnino secluctum a eoteris Oleis in Ciborio Fontis Baptismalis. Confecta esse debere huiusmodi vascula ex stanno, aut ex argento, non autem ex vitro, aut aurichalco, aliave materia, quae frangi possit, vel male olere, expressum quidem in variis Conciliis fuit, ac praesertim in Provinciali v. Beneventano anni MCCCLXXIV. Tit. III. Capite I. ubi non modo praecipitur Parochis, ut vasa, in quibus sanctum Chrisma, & Oleum sanctum reponuntur, habeant, & sint de stagno, vel de alio metallo, ita quod de scilicet frangi non possint, nec liquores praedicti effundi; verum etiam ut vasa ipsa clavibus adhibitis conserventur, ne manus ulla temeraria ad illa possit extendi. Sane mandant communiter Synodi, ac Rituales Codices, confici vascula ipsa debere ex argento, vel stanno, servarique loco decenti, ac tuto, non autem in Tabernaculo, una cum sacra Pyxide, quod quidem merito vetuit S. Carolus in Concilio Provinciali IV. Capite, Quae ad Sanctissimum Eucharistia Sacramentum pertinent, ubi loquens de Tabernaculo, sic ad nostram rem ait: Vacuum etiam sit a Reliquiis, Vasculo Olei infirmorum, atque inani vase, ut omnino Sacra Eucharistia cum suo vase in eo dumtaxat conservetur, aliud praeterea nihil.

II. Explicandum nunc illud, quod in eodem nostro §. statuitur, ut nempe eo in confrenda Extrema Unctione Parochus Oleo utatur, quod singulis annis Feria quinta in Cena Domini ab Episcopo benedictum, veteri combusto, renovandum est. Quibus ex verbis iam plura addiscimus, ac primo quidem, materiam, ut ajunt, remotam Sacramenti Extremæ Unctionis esse. Oleum olivarium ab Episcopo rite benedictum, quod & Eugenius IV. in Instructione pro Armenis, & Concilium Tridentinum definivit in Sessione XIV. De Sacramento Extremæ Unctionis, Cap. I. ubi relatis verbis Jacobi Apostoli, ex ejus Canonica Epistola Cap. v. Infirmar quis in vobis, inducat Presbyteros Ecclesiae, & orent super eum, augentes eum Oleo, in Nomine Domini, & oratio Fidei solvabit infirmum, & alleviabit eum Dominus; & si in peccatis sit, dimittentur ei; immediate subjicit: Quibus verbis, ut ex Apostolica traditione per manus accepta Ecclesia didicit, docet, materiam, formam, Ministrum, & effectum hujus salutaris Sacramenti. Tum vero statim: Intellexit enim Ecclesia, materiam esse Oleum ab Episcopo benedictum. Nam Unctio optissime Spiritus Sancti gratiam, quae invisibiliter anima agrotantis inungitur, representat. Atque hic concinit ejusdem Tridentini Concilii Catechismus, citata Parte II. De Extremæ Unctionis Sacramento, num. IX. his verbis: Ejus igitur elementum, sive materia, quemadmodum Concilia, ac praesertim Tridentinum decreverit, est Oleum ab Episcopo consecratum, liquor scilicet, non ex quovis pingui, & crasso

Tom. I.

natura, sed ex olearum baccis tantummodo expressus. Esse hanc hujus Sacramenti materiam convenientem, docet mox sequenti num. X. Apertissime autem haec materia illud significat, quod vi Sacramenti, interius in anima effectus. Nam ut Oleum ad mitigandos corporis dolores magnopere proficit, ita Sacramenti virtus anima trisulitum, ac dolorem minuit. Oleum praeterea sanitatem resilit, hilaritatem affert, & luminis tanquam pabulum praebeat; tum vero ad recreandas defatigati corporis vires maxime accommodatum est; quae omnia, quid in agrotato Divina virtute per hujus Sacramenti administrationem efficiatur, declarant.

III. Communis autem, & certa est illa sententia, Conciliorum, ac Ritualium auctoritate, praxique veteri, ac nova Ecclesiae, comprobata, Olei nomine, quod ad hoc Sacramentum requiritur, intelligi Oleum, quod ex olivarium baccis educitur, juxta recitatam Catechismi Tridentini Concilii doctrinam; eductum enim aliunde improprie dicitur Oleum, & quidem non simpliciter, sed cum addito, nempe Oleum sanctum &c. Confirmatur ex eo, quod Oleum expressum ex olivis aptius sit, quam aliis liquoribus, qui in nomine nonnumquam appellantur ad exprimendos Extremæ Unctionis effectus. Vix enim ea, quae memoratus Catechismus docuit, quaeque longe ante scripsit S. Thomas in Supplemento, Questione XXIX. Articulo III. ceteris oleis conveniunt: Spiritibus sanatis, inquit, quae in fine adhibetur, debet esse perfecta, quia post eam alia non relinquatur; & levis, ut sper, quae exentibus est maxime necessaria, non frangatur, sed feratur. Oleum autem levitum est, & penetrativum usque ad intima, & etiam diffusivum; & ideo quantum ad utramque praedictorum est convenientis materia hujus Sacramenti. Similia legere est apud alios Theologos, qui materiam Sacramenti Extremæ Unctionis recensent.

IV. Discimus praeterea ex nostro §. Oleum infirmorum unctioni destinatum, illud esse, quod singulis annis Feria quinta in Cena Domini ab Episcopo benedictum est. Id plane est, quod Leges Ecclesiasticae passim praescribunt, quas nemo sine crimine temerare, aut infringere potest. Meminit quidem ejusdem benedictionis Innocentius Papa I. in sua ad Decentium Eugubinum Epistola, sic inquit: Quo, Oleo scilicet, ab Episcopo confecto, non solum Sacerdotibus, sed omnibus uti Christianis licet, in sua, aut suorum necessitate inungendo. Meminit Gregorius Magnus in Sacramentario his verbis: Tunc offertur Pontifici Oleum, & benedicit illud tam ipse, quam omnes Presbyteri, ad unguendum infirmum &c. Meminit quoque Concilium Cabilonense anni DCCCXIII. Can. XLV. sic dicens: Secundum Beati Apostoli Jacobi documentum, cui etiam documenta Patrum consonant, infirmi Oleo, quod ab Episcopis benedicitur, a Presbyteris ungi debent. Meminere passim & alii Synodi; ejusque ritus rationem, ut nempe Oleum, quo in Extrema Unctione utimur, benedictum esse debeat ab Episcopis, assignat S. Thomas in IV. Sententiarum, Distinctione XXIII. Questione I. Articulo III. Quaestioncula III. Minister Sacramenti, inquit, non propria virtute effectum Sacramenti inducit, sed per efficaciam Sacramenti, quod dispensat; quae quidem efficacia primo est a Christo, & ab ipso in alios descendit or-

Q 2

di.

dinate, scilicet in populum, mediantibus Ministris, qui Sacramenta dispensant, & in Ministris inferiores mediantibus superioribus, qui materiam sanctificant, & ideo in omnibus Sacramentis, quæ indigent materia sanctificata, prima sanctificatio materia sit per Episcopum, & usus quandoque per Sacerdotem, ut ostendatur Sacerdotatus potestas ab Episcopali derivata, secundum illud Psalmi cxxxii. Sicut unguentum in capite, quod descendit in barbam, deinde usque ad oram vestimentis.

V. Quamquam vero convenient Catholici in asserendo, Episcopalem Olei infirmorum consecrationem, necessariam esse necessitate Præcepti Ecclesiastici, quia scilicet & Summi Pontifices, ac Sacre Synodi eam præcipiunt, inter ipsos tamen non constat, an ipsa Olei consecratio per Episcopum, sit necessaria necessitate Sacramenti. Certe inter Thomistas Dominicus Soto in iv. Sententiarum, Distinctione xxi. Quæstione 1. Articulo 111. ita suam mentem aperit: *Utrum vero (Olei consecratio) sit de essentia Sacramenti, non apparet prima fronte usque ad hoc verum; attamen indubie tenendum est, quod requiritur benedictio Olei tanquam de essentia Sacramenti.* Huic sententiæ quammaxime favent Summorum Pontificum, & Conciliorum Decreta superius allata, quæ nullum alium ejusmodi benedictionis Ministrum agnoscunt, quam Episcopum, confirmarique etiam potest ea ratione, quam etiam supra ex S. Thoma attulimus, ac illa quoque alia, quam plerique Theologi docent, ut nempe significetur, omnem virtutem Sacramentorum derivari ex merito Christi, cujus personam præcipue gerit Episcopus. Porro tenet & hanc sententiam Eftius in citatam Distinctionem xxi. Libri iv. Sententiarum §. 1x. ubi etiam censet, non posse in hac re Summum Pontificem dispensare, *nempe ut per alium quemcumque fiat Olei benedictio, si quod dictum est, necessitate Sacramenti ipsa benedictio requiratur.* Tum enim intelligendum est, omnino requiri benedictionem ab eo factam, cui fuit ab initio institutio Sacramenti commissa. Nam aliquando nihil videretur obflare, quo minus etiam Diacono committi possit, si si posita Sacramenti institutione, ad solam plenitudinem potestatis Summi Pontificis respiciamus.

VI. At vero labi Eftium poto, ubi negat, posse Presbyterum ex Summi Pontificis dispensatione sancti Olei consecrationem conficere. Licet enim, teste Sambovio in Tractatu, *De Extrema Unctione*, nullum extet exemplum, quo probetur, Sacerdotes apud Latinos consecrassent infirmorum Oleum; itemque licet Episcopi in Diocesibus suis minime possint eam facultatem Presbyteris impertiri, constanter afferunt Theologi insignes, ac præsertim Juenius, *De Sacramentis*, Dissertatione vii. Quæstione 111. Cap. 1. Conclusionem 4. posse Summum Romanum Pontificem, penes quem est declarare, quod non obligent Ecclesiastici Canones, cum Ecclesiæ perutilis est eorum dispensatio, cum Presbyteris dispensare, ut vimirum valeant saltem tanquam extraordinarii Ministri, Olei infirmorum consecrationem peragere; quia scilicet hujusmodi Olei consecratio non est ex Præcepto Divino ita Episcopis reservata, ut ex plenitudine potestatis Summi Romani Pontificis non possit aliis Sacerdotibus ob gravem aliquam causam

committi. Quid quod in Orientali Ecclesia usquam prohibitum fuit, ne Presbyteri simplices Oleum infirmorum consecrarent. Immo a mille & amplius annis, eo privilegio fruuntur, ut videtur est in Eucharologia, seu Rituali Græcorum, sub hoc Titulo, *Officium Sancti Olei*. Constat nempe in ipsa hujus Sacramenti exhibitione, quam sit a Presbyteris, Oleum benedici. Atque hæc Gentis sue praxim tuetur Arcudius Lib. v. *De Extrema Unctione*, Cap. II. confirmavitque Clemens Papa VIII. in sua Instructione directæ ad Episcopos Latinos, ubi sic inquit: *Non sunt cogendi Presbyteri Græci Olea sancta, præter Christum ab Episcopis Latinis Diocesibus accipere, eam ejusmodi Olea ab eis, in ipsa Oleorum, & Sacramentorum exhibitione, ex veteri ritu conficiuntur, & benedicuntur.* Probatv denique & eam praxim, teste Sambovio Sacra Romana Congregatio de Propaganda Fide, ubi ejusdem jussu, & impensis, edita est Romæ Synopsi *veruscula Neophyti Rhodini*, in qua hæc habentur: *Materia Sacramenti Extremae Unctionis est Oleum olivæ expressum a Pontifice, vel a Sacerdote benedictum.*

VII. Ceterum esse hunc antiquum Orientalis Ecclesiæ morem, ut Presbyteri Oleum in Extrema Unctione adhibendum benedicant, testatur Theodorus Cantuariensis Archiepiscopus in ms. Capitulari apud Martene Lib. 1. *De antiquis Ecclesiæ ritibus*, Cap. vii. Articulo 111. num. vii. *Secundum Græcos, Presbyteri licet Virgulum sacro volumine consecrarent, & reconciliare penitentem, & facere Oleum exorcizatum, & infirmis Christum, si necesse est. Romanis autem non licet, nisi Episcopo soli.* Ita traditionem sue Gentis ante annos mille scribebat homo Græcus, & in disciplina Ecclesiastica veratissimus. Quod Sacerdotes apud Armenos Oleum ipsum infirmorum consecrarent, asserit Joannes XXII. ad Offinium Armenorum Regem scribens in hæc verba: *Ipsi etiam Sacerdotes Oleum, quod infirmorum dicitur, consecrant pro Sacramento Extremae Unctionis, eum tamen apud nos ad Episcopos solus spectet.* Quod tamen adeo verum est, ut si Presbyter apud Latinos infirmum periculose decubentem ungeret Oleo, vel non consecrato, vel per alium, quam per Episcopum, nullum penitus esset Sacramentum, quia scilicet apud Latinos tanta non pollent Presbyteri potestatis, quam tamen ob gravem aliquam causam possit eisdem Romanus Pontifex Maximus ex potestatis sue plenitudine concedere, uti superius diximus.

VIII. Neque vero quodecumque Oleum ab Episcopo benedictum est materia Sacramenti Extremæ Unctionis, sed plane illud, quod ut in nostro §. edicatur, *singulis annis Feria quinta in Cæna Domini ab Episcopo benedictum, veteri combusto, renovandum est.* Et sane licet de hoc ritu jam nos latius egerimus nostro Tomo 111. Commentariorum in Partem 111. Romani Pontificalis, in iis scilicet, quibus Titulum iv. illustravimus, qui est, *De Officio in Feria quinta Cæna Domini, cum benedicatur Oleum infirmorum, & Catechumenorum, & conficitur Christum*, operæ nihilominus pretium ducimus nonnihil hoc loco de eo ritu dicere, benedicens scilicet ipsi Olea, prædicta Feria quinta Cæna Domini. Et quidem si veterem disciplinam spectemus, nulla primam hujusmodi benedictionis statuta, fixaque dies fuisse videtur, sed prout res exigebat, ad Episcopi arbitrium peragebatur. Id sal-

saltem clare enunciat Concilium 1. Toletanum anni CD. de Chrismate loquens, Can. xx. *Episcopo fasce certum est omni tempore licere Chrismam conficere*. Idem dicendum & de his Oleis, Catechumenorum, & Infirmorum, quibus tamen benedicendis, sicut Chrismati consecrando, non multo post, prædicta dies assignata fuit, ac fixa, uti constat ex variis Synodis, & Ritualibus, ac præsertim ex testimonio S. Isidori, qui Libro II. *De Divinis Officiis*, Cap. xviii. *De Cæna Domini*, ejus institutionis hanc rationem docet: *Qua die proinde etiam sanctum Chrismum conficitur, quia ante biduum Pasche Maria caput, ac pedes Domini augmento perfudisse perhibetur*. Varias mysticas rationes assignatæ ea die benedictionis, non modo Chrismatis, sed & aliorum duorum Oleorum recentet inter alios Durandus, Lib. vi. *Rationalis Divinorum Officiorum*, Capite lxxiv. Quicquid autem sit de mysticis hujus rationibus, illud certum habeo, ita hodie hujusmodi benedictionem prædictæ diei esse affixam, ut alio tempore sine dispensatione Summi Romani Pontificis non possit Episcopus licite eam peragere, peccaret etenim contra Canonice Ecclesiæ institutionem.

IX. Ergo, ut ait voster §. *Oleum Infirmorum singulis annis Feria quinta in Cæna Domini ab Episcopo benedictum, veteri combusto, renovandum est*. Atque id est, quod in Breviario Romano ad diem xx. Januarii instituisse S. Fabianum Papam legitur: *Item statuit, ut quotannis Feria quinta in Cæna Domini, veteri combusto, Chrismum renovaretur*. Quod de Chrismate dicitur, ad alia duo Olea referri possit, Catechumenorum, & Infirmorum. Sed ingenue fateor, Decretum ipsum spurium esse, ac falso S. Fabiano tributum, cum, uti superius dictum est, primis sæculis nequaquam ipsa dies Feriæ quintæ Cænae Domini consecrationi Chrismatis, benedictionique Oleorum fuerit præfixa, sed prout res exigebat ad arbitrium Episcopi, ea consecratio, benedictiove peragebatur. Porro legitur ipsum Fabianum Decretum in ejus Epistola ad Orientales Episcopos data, & a Gratiano suo Decreto inserta, *De consecratione*, Distinctione 1. Can. xviii. cujus initium est, *Litteris vestris etc.* Suppositum esse hanc Epistolam, sicut & alias duas eidem Papæ adscriptas, ac quicumque etiam a Gratiano veluti Decreta Fabiani laudantur, notavit jam in ejusdem Pontificis Vita Pagius, num. ix. Sed negari tamen non potest, quin ritus ipse, quem ab Apostolica traditione etiam mansisse ait in citata Epistola Pseudofabianus, fuerit deinde, & in Conciliis, & in Ritualibus

passim receptus, atque approbatus, præsertim vero in Romano Rituali, uti ex præfati nostro §. constat. Cæterum, quod, accepto novo Oleo rite ab Episcopo prædicta die benedicto, comburendum sit vetus, præscribunt passim Rituales Codices, ac Synodi permulta, inter quas Provincialis iv. Mediolanensis S. Caroli, Constitutionum Parte II. Capite inscripto, *Qua ad Sacramentalia, vel ad Sacramenta communiter spectant, inter alia statuit, ut Parochus, ubi primum Olea sacra nova acceperit, vetera statim comburat in lampade, quæ ante Sanctificationem Sacramentum collacet, bombæ in Sacratio plane exstilo*.

X. Ex præscripto insuper nostri §. five potius ex Synodorum Decretis, ac Ritualium veterum monitis, ubi infirmorum Oleum forte infra annum aliquo modo ita deficit, ut sufficere non possit videatur, neque aliud benedictum haberi queat, modico Oleo non benedicto in minori quantitate superinfuso, reparari potest. Quod quidem probari potest celebri loco Innocentii Papæ III. in Capite, *In dubiis*, *De consecratione Ecclesiæ*, ubi sic inquit: *Nec negamus, quin Oleum non consecratum consecratio possit Oleo admisceri*. Sed notandum tamen in hunc locum videtur, quod alias observandum monet Sambivius in suo, *De Sacramento Extremae Unctionis*, Tractatu, nullam scilicet fieri ibidem illorum verborum mentionem, in minori quantitate. Quidquid autem de ea re sit, tenenda est hodie regula nostri §. qui expresse edicit, quod ubi Oleum consecratum Feria quinta in Cæna Domini aliquo modo ita deficit, ut sufficere non possit videatur, neque aliud benedictum prædicta scilicet die haberi queat, modico Oleo non benedicto in minori quantitate superinfuso reparari potest. Porro consonant & huic nostro §. Rituales Libri passim recentiores, ac Synodi, inter quas memorata superius Mediolanensis loco citato sic inquit: *Sacro Oleo deficiente, si tempus non patitur, ut aliunde haberi possit, illa ratio inestur Canone præscripta, ut cum Oleo consecrato miscetur non consecratum; id vero non consecratum guttatim in infundatur, ut semper, quod infunditur, minus sit Oleo consecrato, quod vel exiguum in vase reliquum est*. Cur autem Oleum non consecratum fiat consecratum ex admixtione cum Oleo consecrato, ratio deducitur, non quidem a virtute aliqua physica, quæ ex Olei consecrati contactu oriatur, sed a mera institutione Ecclesiæ, cui placuit Episcopi preces extendere non tantum ad Oleum præfens, sed ad illud etiam quod ipsi postea admisceretur, ut scite Theologi docent.

§. IV.

Oleum porro ipsum, vel per se solum, vel in bombacio, seu re simili servari potest; sed ad evitandum effusionis periculum multo commodius ad infirmos deferretur in bombacio.

COMMENTARIUS.

I. **Q**UOD in hnc §. statuitur, jam supra etiam præscriptum fuit Titulo II. Capite 1. §. xxxviii. quæ itaque in illius Commentario diximus, facere & ad explanationem hujus §. possunt. Traditæ autem in utroque §. regulæ & Rituales multi Codices, &

sacra Synodi suffragantur, præsertim vero Diocesana Mediolanensis xi. S. Caroli in Monitis executionis Decretorum, quæ ad Sacramentalia, & Sacramenta pertinent, ubi sic inquit: *Vascula sacri Chrismatis, & Oleorum sacrorum ita bombacio intrinsecus munita sunt, ut nequid fœci Olei*

Olei inde effluere nullo modo possit, cum circumferuntur. Porro si hæc cautio, ac diligentia adhibenda est in omnibus sacris Oleis, potissimum est adhibenda in delatione Olei Sancti ad infirmos; non enim in alio Oleorum sacrorum usu valscula hæc illuc cum sepe transferuntur, quam in Extrema Unctione. Cæterum ubi bombacium deesset, in quo ad evitandum effusionis pericu-

lum servari multo commodius sacrum Oleum potest, adhereri potest ex præscripto nostri §. alia res similis, linum nempe, seu sericum dissolutum, parva spongia, five alia res, quæ apta sit ad ehibendum Oleum, illudque reddendum, seu exprimendum ad omnem levem compressionem digiti pollicis, qui ex Rubricarum præscripto semper in sacris unctionibus est adhibendus,

§. V.

Debet autem hoc Sacramentum infirmis præberi, qui, cum ad usum rationis pervenerint, tam graviter laborant, ut mortis periculum imminere videatur; & iis, qui præ senio deficiunt, & in diem videntur morituri, etiam sine alia infirmitate.

COMMENTARIUS.

I. *S*olis corpore infirmis præbendum esse Sacramentum Extremæ Unctionis, docet nas inprimis S. Jacobus Apostolus in Epistola sua, Cap. v. ad quam quicquid de vera huius Sacramenti natura dicitur, tanquam in certam regulam transferendum est, ut scite observant Theologi, Sacrique alii Scriptores, nam de his solis loquitur ille, ubi sic inquit: *Infirmatur quis in vobis, inducat Presbyteros Ecclesie, & orant super eum, angelicus eam Oleo in Nomine Domini, & oratio Fidei salvabit infirmum, & alleviabit eum Dominus; & si in peccatis sit, remittentur ei.* Quapropter constans fuit Ecclesiam, præsertim Latine traditione, ut non nisi ægris hoc Sacramentum exhiberetur. Cui inhærens Innocentius Papa I. in celeberrima ad Decentiam Eugubinum Episcopum, Cap. viii. re-latis prædictis Jacobi Apostoli verbis, *Si quis infirmatur in vobis &c.* ita subnequit: *Quod non debemus de Fidelibus ægritantibus accipi, vel intelligi debere, qui Sancto Oleo Christum perungi possunt; quo ab Episcopo confecto, non solum Sacerdotes, sed omnes uti Christianis licet in sua, aut suorum necessitate augendis. Hæc traditioni, & Apostoli Jacobi verbis inhærens Synodus Tridentina Sessione xiv. Cap. xxi. jsm merito declaravit, definitque, esse hanc Unctionem infirmis adhibendam; illis vero præsertim, qui tam periculose decumbunt, ut in exitu vite constituti videantur, unde & Sacramentum exitum nuncupatur.*

II. *Q*uam gravis autem corporis infirmitas requiratur, ut ad mentem Apostoli Jacobi, Sacramenti hæc Unctione infirmis inungi queat, facile determinari nequit, ut scite observat Vanelsen Parte II. *Juris Ecclesiastici universi*, Tit. viii. Cap. II. num. III. probatque ex eo, quod Apostolus citato loco simpliciter, & indefinite dixit: *Infirmatur quis in vobis, inducat Presbyteros &c.* Quicquid autem sit de hodierno Græcorum usu, qui, ut docet Allatus Lib. III. *De consensu Occidentalis, & Orientalis Ecclesie*, Cap. xvi. num. 3. non tantum infirmos, sed sanos quoque homines Extrema Unctione sæpius inungunt; quique iccirco merito impugnantur a Petro Arcudio Lib. v. Cap. iv. retinenda est, atque servanda Latine Ecclesie doctrina, ac praxis, quæ in conferenda Extrema Unctione requirit quidem infirmitatem non modo gravem, sed periculosam, & talem profecto, ut ob eam, mortis periculum imminere videatur, ut verbis

utar hujus nostri §. qui plane concinit recitato Concilii Tridentini Decreto, quo edicitur, illis præsertim infirmis Unctionem Extremam administrandam, *qui tam periculose decumbunt, ut in exitu vite constituti videantur.*

III. *Q*uod vero ætatem spectat ad Extremam hanc Unctionem requisitam, expressam illam habemus in hoc nostro §. ex cujus præscripto debet hoc Sacramentum infirmis præberi, qui, cum ad usum rationis pervenerint, tam graviter laborant, ut mortis periculum imminere videatur. Similia legere est in variis Ritualibus, Synodisque recentioribus. Nam alias Odo Parisiensis Episcopus, qui claruit Sæculo Christi xii. in Synodaliibus Constitutionibus, Cap. viii. quod est, *De Sacramento Extremæ Unctionis*, num. II. longiorem ætatem requirit: *Ad Sacramentum, inquit, Extremæ Unctionis movant populum Sacerdotes, non tantum divites, & senes, sed pauperes, & juvenes omnes, a tempore discretionis, maxime a quatuordecim annis, & supra, & ad omnes communiter, ut se paratos exhibcant, cum necesse fuerit.* Idem habent Statuta Synodalia Galonis, & Simonis Legatorum Sedis Apostolicæ in Gallia missorum ab Innocentio III. non multo post ab Honorio III. Constitutiones Richardi Episcopi Sarum, Cap. lxvii. Constitutiones Synodales Episcopi Anonymi anno MCCXXXVII. editæ. Statuta Petri de Collemodio Archiepiscopi Rotomagensis anno Christi MCCXLV. scriptæ. Quibus addi & potest antiquum Rituale ms. Canonicoorum Regularium. Monasterii de Aqua-viva in Diocesi Turo-nensi, teste Martene Lib. I. Cap. viii. Articulo I. n. xii.

IV. *S*erius Extremam Unctionem, quod quidem mirum videri debet, administratam in quibusdam Ecclesiis adultis fuisse, testis est Gnillelmus Durandus Lib. I. Rationalis Divinorum Officiorum, Cap. viii. quod inscriptum est, *De Consecrationibus, & Unctionibus*, num. 25. *De quibusdam, inquit, ordinariæ legitur, quod inungendus debet esse ad minus decem & octo annorum, & quod ægratam semel duntaxat debet in anno inungi, licet pluries ægraret.* Idipsum testatur Poeta quidam Anonymus, qui in Carmine, quod ms. se legere in Codice S. Martini Turo-nensis ait laudatque Martene, ita canit:

Non nisi mense semel aliquis communicet æger.

Hic idem solo non bis unguatur in anno.

Octo decemq; tantum annos augendus habebit.

Ordine Clausurali alio potiuntur in agri.

Suc-

Succinit Fridericus Naufæ Viennensis Episcopus in suo Catechismo, Lib. 111. Cap. cv11. ubi ait: *Scito prout dignum confiteor, passim haberi Catholicum, ut inungendus annos ad minus ætatis sue habeat octidæcem. Additque, nequis pluries in anno, quam semel ungatur, & si sæpius illum egrotare contingit.*

V. At vero merito reprobata est hæc sententia, ac praxis non conferenda Extremæ Unionis Fidelibus, nisi pervenissent ad annorum quatuordecim, vel decem & octo ætatem; restoque admodum in posterioribus Synodis, ac Ritualibus, præsertim in hoc Romano Ritualium omnium Principe, quippe quod Auctorem habet Romanum Pontificem Maximum, præscriptum fuit, uti ex præsentî §. constat, debere hoc Sacramentum infirmis præberi, qui cum ad usum rationis pervenerint, tam graviter laborant, ut mortis periculum imminere videatur. Usus rationis communiter censent habere pueros circa annum ætatis sue septimum, cumque circa eam ætatem, quam variis vitis nostra præsertim hæc tempestate pueri fœdare soleant, eamque ob causam, consiteri, jure ac merito, isdem, si ita periculose decumbant, ut in exitu vitæ constituti videantur, conferri debet Sacramentum Extremæ Unionis, quod, ut docet Synodus Tridentina Sessione xiv. in Doctrina de eodem Sacramento, *Pœnitentie consummatum a Patribus existimatum est.* Quod autem pueruli, puellulæ, vel ante annum ætatis septimum, non sine caliditate in varia peccata labantur, & quidem gravissima, testari possent non modo Confessa-

rii, qui eorum Confessiones excipiunt, sed & domestici, qui eosdem clanculum peccare non semel reperiunt.

VI. Sed his omisiss, ex præscripto demum nostri §. debet hoc Sacramentum & iis præberi, qui præ senio deficiant, & in diem videtur morituri, etiam sine alia infirmitate. Atque hæc est regula, quam & Ritualis Codices, & Sacræ Synodi tradunt; inter quas Provincialis vi. Beneventana anni MCCCLXXIV. Tit. viii. Cap. 1. rationem etiam prædictæ regulæ assignat: *Senibus autem datur, qui moriuntur etiam sine alia qua infirmitate, quia defectus natura reputatur in eis pro actuali infirmitate.* Idipsum statuit non uno in loco S. Carolus, præsertim vero in Concilio Provinciali Mediolanensi iv. & in suis de Extrema Unctione instructionibus, expresse mandans, ministrandum esse hoc Sacramentum senio etiam confectis in diem morituris, etiam si ægroti non sint. Quia scilicet virum defectum, quo laborant homines senio confecti, gravis profecto infirmitas est, isque iccirco accendi debent, de quibus Apostolus Jacobus loquitur in sua Canonica Epistola, *Infirmatur quis in vobis, inducat Presbiterus Ecclesiæ &c.* Sed advērtendum tamen, non quibuscumque senibus, decrepitisque administrandam esse passim Unionem Extremam, sed iis dumtaxat, qui ita præ senio deficiant, ut in diem videantur morituri, tametsi ægroti non sint, & minime febre laborent, ut ex nostro hoc §. addiscimus, & ex variis Ritualibus, ac Synodis, quas non oportet hoc loco recensere.

§. VI.

Infirmis autem, qui, dum sana mente, & integris sensibus essent, illud petierunt, seu verisimiliter petiissent, seu dederint signa contritionis, etiam si deinde loquelam amiserint, vel amentes effecti sint, vel delirent, aut non sentiant, nihilominus præbeatur.

§. VII.

Sed si infirmus, dum phrenesi, aut amentia laborat, verisimiliter posset quidquam facere contra reverentiam Sacramenti, non inungatur, nisi periculum tollatur omnino.

COMMENTARIUS.

I. Nihil profecto statuunt duo hi nostri Paragraphi, quod prius præscriptum, latiusque explicatum non fuit in variis Synodis, ac Ritualibus. Certe Sanctus Carolus in suis de Sacramento Extremæ Unionis Instructionibus, isdem fere verbis loquitur: *Infirmis, qui sana mente dum erant, illud petierunt, aut verisimile est, quod petiissent, etiam si postea in amentiam inciderint, vel ratione, sermoneve uti desierint, ministrabitur.* Tum vero subjicit: *Si vero dum infirmus amentia, phrenesi, sive laborat, verisimile sit, indecore, aut spurce, impure, aliquid agat, irreverentia Sacramento vite fiat, non ungetur, nisi alicujus complexu ita teneatur, ut firmus, stabilisque habeatur.* Longe ante S. Carolum plura scita digna hanc in rem docuit Concilium Provinciale vi. Beneventanum anni MCCCLXXIV. Tit. viii. Cap. 1. ubi regulam tradit, quibus nempe amentibus, phreneticisve, dari, aut non dari debeat

hocce Extremæ Unionis Sacramentum: *Phreneticis, inquit, & amentibus illis precipue dari non debet, qui possent Sacramento irreverentiam per aliquam immunditiam facere, nisi haberent dilucida intervalla, in quibus Sacramentum recogroscent, quia tunc eis in aliquo statu conferrî potest, maxime ubi in sana mente constituti petiissent, quis ad hoc, quod pro fit hoc Sacramentum requiritur devotio quadam interior, quam furiosi, & similes habere non possunt. Unde nullus unguendus est, nisi qui primo compos mentis existit, verbis, aut signis id postulaverit. Et paucis interjectis: Si vero infirmus, qui petit hoc Sacramentum, amiserit notitiam, vel loquelam nihilominus, dum tamen vitam habeat, concedatur eidem.*

II. Consonant hæc quidem doctrinæ, quam de hac questione tradidit S. Thomas in Libri iv. Sententiarum Distinctionem xxiii. Questionem II. Articulo II. Questionibus 111. Ad esse.

effectum, inquit, hujus Sacramenti suscipiendum, plurimum valet devotio suscipientis, & personalis meritum conferentium, & generale totius Ecclesie. Quod patet ex hoc, quod per modum deprecationis forma hujus Sacramenti confertur; & ideo illis, qui non possunt recognoscere, & cum devotione suscipere, hoc Sacramentum dari non debet; & præcipue furiosi, & amentibus, qui possunt irreverentiam Sacramento facere, nisi haberent lucida intervalla, in quibus Sacramentum recognoscere, & sic eis conferri in statu ipso posset. Hinc dignum notatum est, quod in recitato superius S. Caroli loco legitur, posse scilicet actum furosum, phreneticumque Extrema Unctione donari, ubi assensus complexus ita tenetur, ut firmus, stabilisque bareat; nihilque indecore, aut spurce, impureve aliquid agere queat, quo Irreverentia Sacramento huic fieri possit. Puto equidem, amentibus, phreneticisque gravi morbo laborantibus, si dum sana mente essent, signa sinceræ ad Deum conversionis ostenderint, sicut reconciliatio Ecclesiastica neganda non est, ita nec Unctionem Extremam, maxime si eam ante petiverint. Neque enim præfens actualis devotio ad suscipiendum utiliter Sacramentum necessaria est, ut ex iis, quæ supra de Baptismo, & de Absolutione dicta sunt, satis potest intelligi. Quod & usus Ecclesiæ in hoc

Sacramento declarat, dum illud sæpe iis administrat, qui jam præ magnitudine morbi, mentis usu sunt destituti, ut scite inter alios notavit Eslus in Libri IV. Sententiarum Distinctionem XXI. §. XII.

III. Unum restat, quod & hic adnotemus, quod nempe docet Catechismus Tridcutini Concilii Parte II. De Extrema Unctionis Sacramento, num. XIX. ubi expresse ait, amentem a civitate nullo modo isto Sacramento donandum: Qui ab ipso orta nuncupatio mentis, & rationis compos fuit, augendus non est. Idem præscribit pleræque Synodi, docentque passim Theologi, ac probant, I. quia in hujusmodi hominibus locum habere non potest hujus Sacramenti forma: *Indulgeat tibi Deus quicquid per visum &c. deliquisti*. II. Cum isti homines nusquam actu peccaverint, nullæ sunt peccatorum reliquæ, ad quarum absterionem instituta est Extrema Unctio. III. Cum hoc Sacramentum, per modum curationis, & medicinis, augeat gratiam sanctificantem, illius augmenti non sunt capaces, nisi ii, qui morbos per actualia peccata contraxere. IV. Sanctus corporis, quæ secundarius est hujus Sacramenti effectus, & propter quam solum amentibus ipis a civitate conferri posset, non datur per hoc Sacramentum, nisi iis, in quibus primarius effectus locum habere potest.

§. VIII.

Impoenitentibus vero, & qui in manifesto peccato mortali moriuntur, & excommunicatis, & nondum baptizatis penitus denegetur.

COMMENTARIUS.

QUATUR hominum genera ex præscripto hujus §. a Sacramento Extremæ Unctionis arceantur, nempe primo impoenitentes, quod quidem vel olim cautum fuit ex celebri illa Innocentii Papæ I. Epistola ad Decretum, Cap. VI. ubi inter alia expresse statuit, ne hoc Sacramentum non penitentibus conferatur. Cum enim hoc sit omnibus Sacramentis commune, ut nimirum impoenitentibus conferri non debeant, istud quoque, sicut & alia pleraque præviæ reconciliationem, quantum a gratia quis exciderit, requirit. Cum enim conferatur per modum sanationis spiritualis, præsupponit vitam spiritalem, quæ per reconciliationis Sacramentum penitenti restituitur. Hanc rationem a Theologis allatam, ac præsertim ab Eslus in Libri IV. Sententiarum Distinctionem XXI. §. XII. confirmat Ecclesiæ perpetua consuetudo, quæ, uti superius suo loco

ostensum fuit, nonnisi reconciliatos, & præterea Viatico Corporis Domini præmunitos, si tamen illud infirmo commode ministrari potest, hujus sacræ Extremæ Unctionis participes facit. Est enim ultimo loco exhibendum tanquam migrantium Sacramentum. Atque hæc est ratio, ob quam ab ipso Sacramento Extremæ Unctionis excludendi pariter sunt, qui in manifesto peccato moriuntur, qui scilicet in actu lethalis peccati, quod patram, morte correpti sunt, aut actualiter peccando sensibus destituuntur; itemque excommunicati, qui Censura publice innodati, adhuc absoluti non sunt. Quod tandem non baptizatos spectat, merito & iis omnino denegandum est hoc Sacramentum. Cum enim Baptismus sit janua Sacramentorum, profecto habere aditum ad alia Sacramenta non valet, qui prius per Sacramentum Baptismi cæterorum capax non est effectus.

§. IX.

Non ministretur etiam prælium inturis, aut navigationem, aut peregrinationem, aut alia pericula subituris, aut reis ultimo supplicio mox afficiendis, aut pueris rationis usum non habentibus.

COMMENTARIUS.

SYNODI æque, & Rituales Codices, atque Theologi communiter mandant, ac docent, non esse administrandum hoc Sa-

cramentum iis, qui cum sano sint corpore, vel probabile, vel certum vitæ periculum adeunt, ut qui prælium inturi sunt, aut navigationem,

aut peregrinationem, aut alia pericula subituri, aut etiam ii, qui capitis condemnati, ad certum mortem supplicium ducuntur. Quamvis enim istiusmodi omnes præparatione ad imminuentem mortem egeant, non tamen pro illis, sed pro solis ægrotantibus, institutum esse hoc Sacramentum, ex citata toties Canonica S. Jacobi Apostoli Epistola constat. Ratio autem ejus reddi potest, quia talis mors non imminet ex defectu nature, sed ex eventu fortuna; ut verbis utar Concilii Provincialis vi. Beneventani Tit. viii. Cap. 1. Præter hanc rationem, duas alias affert Estius Lib. iv. Sententiarum, Distinctione xxiii. §. xiii. Tum quia, inquit, in illis infirmitas mentis non significatur infirmitate corporis, cum exhibeatur hoc Sacramentum tanquam medicina utrisque, ita ut anima curatio per curationem corporis significetur. Tum quia institutio respicit ad id, quod ordinarium est, nempe homines de morte periclitantes esse infirmos, non sanos.

II. Vetat tandem hic voster §. ministrari hoc Sacramentum pueris rationis usum non habentibus, licet nempe, illi periculose ægrotent. Ita plane statuit inter alia memoratum Concilium. Beneventanum loco citato, ubi etiam prohibitionis rationem assignat: Pueris etiam non datur, quia non habent infirmitatem spirituales contrarium cum peccato actuali, nec dispositionem habere possunt ad hoc Sacramentum, scilicet devotionem. Unde sicut Eucharistia non debet dari pueris, ita nec hoc Sacramentum. Hoc plane faciunt varie rationes allatæ a nobis supra in Commentario ad §. vi. & vii. quibus probavimus, non debere amentibus a nativitate hoc Sacramentum conferri. Sed non omittendum insigni Estii testimonium præcitato loco, ubi disertè docet, neque infantibus, aut omnino pueris ratione nondum utentibus, etsi graviter ægrotent, administrandum esse hoc Sacramentum, eo quod neque introducere, sive accipere possunt Presbyterum, id est, Sacramentum ab Ecclesia petere; neque peccatis actualibus obnoxii sunt, ne levio-

ribus quidem, quorum remissio continetur in principali effectu hujus Sacramenti; quocirca nec forma Sacramenti, quæ solam exprimit delictorum remissionem, eis poterit accommodari. Concludit tandem, & statim inquit. Itaque non prius hoc Sacramentum pueris conferre licebit, quam ratione uti ceperint, & juxta consuetudinem Ecclesiæ Viaticum accipere possint. Subditque mox: Quod si sanis, aut leviter ægrotantibus, aut pueris nondum utentibus ratione tentaverit quis hoc Sacramentum conferre, non modo peccabit graviter contra hujus Sacramenti institutionem, verum etiam nullum erit Sacramentum, scilicet ob defectum necessarij subjeçti, seu suscipientis. Porro unum est, in quo ab Estio dissentio, quod dicit, tunc licitum esse pueris Extremam Unionem præbere, cum usu rationis uti ceperint, & juxta Ecclesiæ consuetudinem accipere Sacrum Viaticum possint, cum alias, uti superius probavi, possint non modo, sed & debeat eisdem Sacramentum Extreme Unionis administrari, cum confiteri peccata ceperint, ad sacram etenim Communionem ferius admittuntur.

III. Præter hæc tenos memoratos, qui a Sacramento Extreme Unionis arcentur, ex variis Synodis, ac Ritualibus, præsertim vero a S. Carolo in Instructionibus, De Sacramento Extreme Unionis, exclusæ etiam sunt mulieres in partu laborantes. Manuale tamen Cameracense vult hoc Sacramentum administrari feminis in partu deficientibus; adjungitque: Rabidis, peste infectis, lætaliter vulneratis, ex hæmo recente periclitantibus, etiam dum adhuc robusti sunt, si postea suscipiende Unionis opportunitatem non habent. Sed quidquid statuant hujusmodi Manualia, Ritualiaque, variarum Ecclesiarum, standum censeto Romano hinc Rituali a Summis Pontificibus probato, usque ajo conferendum, negandumque, hoc Extreme Unionis Sacramentum, quibus Rituali ipsum Romanum conferendum, negandumque in hoc præfati Titulo præscribit.

§. X.

Siquis autem laborat in extremis, & periculum imminet, ne decedat, antequam finiantur unctiones, cito ungatur, incipiendo ab eo loco, Per istam sanctam unctionem &c. ut infra; deinde si adhuc supervivat, dicantur orationes prætermisæ suo loco positæ.

COMMENTARIUS.

I. **T**amet si in administrando Sacramento Extreme Unionis tot unctiones fieri debeant, quot nostrum hoc Romanum Rituale præscribit, maximeque in quinque sensuum organis, ut inferius suo loco dicemus, nullaque prætermitti ex iis possit absque gravi peccato, cum scilicet peragi omnes possunt; rectissime tamen ex hoc nostro §. cautum est, ut si quis laborat in extremis, & periculum imminet, ne decedat antequam finiantur unctiones, cito ungatur, incipiendo ab eo loco, Per istam sanctam unctionem &c. ut infra. Ratio hujus rei esse potest, quia scilicet, ut docent Theologi, unica unctione satisfit Præcepto S. Jacobi, sen potius Præcepto Christi per S. Jacobum in sua Canonica Epistola promulgato: Ungentes cum Oleo; sicut unica abintione satisfit alii Christi Tom. I.

de Baptismo Præcepto: Baptizantes eos. His accedit multorum Ritualium auctoritas, quibus permittitur iungi unica unctione non modo eos, quibus mors proxima non sinit fieri singulas unctiones, sed & peste laborantes, ut Ministri ipsi contagij periculum vident. Ita plane Pastorale Mechlinense anno MDLXXXIX. editum, & a Doctoribus Lovaniensibus approbatum: In omnibus morbis contagiosis, & peste grassante, ut periculum vitætor, sufficit iungi sensus organum magis ad unctionem expostum, aut detestum dicendo: Per istam sanctam unctionem, & piissimam suam misericordiam, indulgeat tibi Deus quidquid deliquisti per visum, auditum, gustum, odoratum, & tactum.

II. Eandem praxim, eandemque regulam approbat inter alia Manuale Cameracense, quod

R r

quidem in morbis contagiosis, & peste grassante, ac insuper etiam morte urgente permittit, ut *ungatur celeriter quinq[ue] sensuum organa in capite dicendo semel: Per istam unctionem, & suam piissimam misericordiam indulgeat tibi Dominus quidquid deliquisti per visum, auditum &c.* Quin & addit hoc Manuale, *quod sit tantum sit contagii, vel mortis periculum, ut nec consuectae partes ungi, nec illa forma pronuntiari possit, ungetur organum sensus magis ad unctionem expositum, dicendo: Per istam sanctam unctionem, & suam piissimam misericordiam indulgeat tibi Dominus quidquid deliquisti per quinq[ue] sensus tuos.* Uterius ad vitandum contagium adiicit idem Manuale: *In rabidis ungetur pars oris vicina, ne saliva, qua inficiendi vim habet, tangatur. In pestiferis ut licebit virga oblonga Oleo tintilla, quae deinde comburatur, ant servandis purgetur.* Porro ex citato Manuali Cameracensi illud plane colligitur, ab Auctoribus istius Manualis creditum non fuisse, alicujus determinatae partis unctionem ad Sacramenti validitatem requiri. At vero, quia hoc certum non est, ut recte observat Vancspen Parte II. *Juris Ecclesiastici universi*, Tit. viiii. Cap. i. num. xxviii. haud facile Sacerdotes quinq[ue] sensuum organorum unctionem ob infectionis periculum, praeteritum si propinquum non sit, omittere possunt, praecipue his in locis, ubi Ritualia licentiam omitte[n]di eam integram unctionem expresse Sacerdoti non tribuant.

III. Quamvis itaque quinq[ue] sensuum unctiones necessariae sint necessitate Praecepti, ad conferendum rite Sacramentum Extreme unctionis, certum nihilominus illud tenent plerique Theologi magno nominis a BENEDICTO XIV. laudati Lib. viiii. *De Synodo Diocesana*, Cap. iii. num. iii. unicam unctionem sufficere, si omnes perfici nequeant; siquidem praeter memorata, Pastoral Mechlinense, & Manuale Cameracense, in antiquo Codice Remigio-Remen[s]i a Sambhio in Tractatu, *De Sacramento Extreme unctionis*, laudato legitur ritus abbreviatus conferendi huius Sacramenti, ubi unius pariter unctionis fit mentio. In Rituali quoque Parisiens[i] prolato a Tournely, *De Sacramento Extreme unctionis*, Quaestione II. Articulo i. dicitur: *Si non possit super infirmum fieri, nisi unica unctio, ungetur oculus, vel aliud sensuum*

organum, & ceteris precibus praetermissis, dicatur: Per istam sacri Olei unctionem, & suam piissimam misericordiam, indulgeat tibi Deus quicquid peccasti per sensus. Atque haec est praxis, quam approbant Atrebatesis, aliarumque Ecclesiarum Manualia, apud Natalem Alexandrum, Lib. II. Theologiae Dogmaticae, & Moral[is], Cap. v. Regula vi. & cui adherere videtur non sine elogio nominandus BENEDICTUS Papa XIV. citato Lib. viiii. *De Synodo Diocesana*, Cap. iii. num. v. ubi postquam dixit, nullam de hac quaestione, quae sane gravissima est, habemus ab Apostolica Sede proditisse sententiam, ideoque non debere Episcopum in sua Synodo aliquid de illa decernere; monendos mox subdit ab ipso Episcopo Parochos, ut, cum prudenter timent, aegrotum decessurum, priusquam omnes absolvantur quinq[ue] sensuum unctiones, unicam sensum inungant, *formam universalem pronuntiando, quam ab allegatis Ritualibus audimus; quinimo in praedicto casu consultus esse, ut caput, e quo omnium sensuum nervi descendunt, sub eadem forma universali inungatur.* Ne vero Parochi hac libertate abutantur, opportune admonet idem Sapientissimus Pontifex, expedire quidem, ut Episcopus final serio eisdem admo[n]eat, a gravi culpa reatu non excusari, qui extra easum verae necessitatis, vel unam ex quinq[ue] sensuum unctionibus praetermittit.

IV. Licet denique in casu necessitatis, satis sit, si ungetur infirmus sub praescripta formula, *Per istam sanctam unctionem &c.* & omitti igitur possint Orationes, ac Preces in Rituali praescriptae, statuit nihilominus hic noster §. ut deinde si supervivens, dicantur Orationes praetermissae, suo loco posita. Atque haec est regula, quam inter alios tradidit S. Carolus in suis, *De Sacramento Extreme unctionis*, Instructionibus, Capite inscripto, *De diligentia in ministrando*, ubi sic inter alia inquit: *Si eger autem in eo statu est, ut spiritum ante exhalaturus videatur, quam Sacramenti huius ministrationem ipse Parochus absolvere possit, tunc Psalmis, & Litanis praetermissis, statim formula verborum singulari partes, quas ungi ritus postulat, inunget; sique superstes erit, tunc statim reliquas Preces, Litaniasque adhibebit.* Ut ita ritus scilicet integer aliquo modo adimpleatur, juxta aliorum etiam Ritualium praescriptum.

§. XI.

Si vero, dum inungitur, infirmus decedat, Presbyter ultra non procedat, & praedictas Orationes omittat.

COMMENTARIUS.

I. Admonendum quidem hic primum censeo, turpem in hunc §. typographi, correctorisque oscitantia, irrepressibilem errorum, quippe qui in nova hujus Romani Ritualis BENEDICTI Papae XIV. jussu editi, antiquae impressione Romae facta anno MDCCCLII. apud Generosum Salomonii particulam illam non praetermisit, ineptumque verborum scorum reddidit. Ergo recte statuit hic noster §. ut, si dum inungitur, infirmus decedat, Presbyter ultra non procedat, & praedictas Orationes omittat. Idem monet, S. Carolus loco superius citato & in

Concilio Provinciali Mediolanensi V. Si vero, dum ungitur spiritum emisit, ungere Parochus desisset. Et ratio est, quia ex ipso Sacramenti huius institutione infirmus inungi debet, non vero mortuus. Ceterum, licet non pauci ex antiqua Scholasticis, quos receperit BENEDICTUS Papa XIV. Lib. viiii. *De Synodo Diocesana*, Cap. III. num. II. existimarint, omnes quinq[ue] sensuum unctiones pertinere ad substantiam, & integritatem Sacramenti, quod ex singulis tanquam ex sui partibus essentialibus constitui, atque integrari, sunt opinati; ideoque negro ante

com-

completam quintam unctionem mortuo, Sacramentum remansisse invalidum, & propterea absque ullo effectu; probabilior est nihilominus aliorum complurium Theologorum sententia, quos idem Pontifex ibidem num. III. laudat, af-

ferentium, validum esse Extremæ unctionis Sacramentum, si vel una tantum eo casu inungatur corporis pars, unica forma prolata. Sed de hac re jam late differui in Commentario superiori, & alibi.

§. XII.

Quod si dubitet, an vivat adhuc, unctionem prosequatur, sub conditione pronuncians formam, dicens: *Si visis, per istam sanctam unctionem &c.* ut infra.

COMMENTARIUS.

Ecce & hic alius memorati typographi error, ubi enim in hoc §. legendum est, ut ego scripsi, *Si visis, per istam sanctam unctionem &c.* ille addidit particulam conjunctivam &, turbavitque verborum sensum, sic inquit: *Si visis, & per istam sanctam unctionem &c.* Sane regula in hoc §. tradita, ut nempe si Parochus dubitet, an vivat adhuc infirmus, unctionem prosequatur sub conditione pronuntiando formam hunc in modum, *Si visis, per istam sanctam unctionem &c.* confirmatur, explicaturque luculentius a S. Carolo in Concilio Provinciali Mediolanensi V. & in suis, De

Sacramento Extremæ unctionis, Instructionibus, in eo Capite, quod, *De diligentia in administrando*, inscriptum est, ubi sic inquit: *Quod si aliqui morbi vi infirmus oppressus, dubitatur, vivus ne sit, an mortuus, tunc diligenter de hoc Sacerdos videbit, consulto etiam Medico, si in tanta temporis brevitate potest. Si non potest, & in dubio, ea conditione atetur: Si es vivus, per istam sanctam unctionem, & suam piissimam misericordiam inducat tibi Dominus quidquid &c.* Atque ex hac S. Caroli regula addiscere licet, non ita facile, ut Casuiste putant, administranda esse Sacramenta sub conditione.

§. XIII.

Si autem acciderit, infirmum post peccatorum suorum Confessionem ad exitum vite peroperare, tunc cum Sacro Viatico poterit & Oleum Infirmorum ad eum deferri per ipsum Sacerdotem, qui deferret sacram Eucharistiam; si tamen alius Presbyter, vel Diaconus, qui Oleum Sanctum deferat, haberi possit, per ipsum deferatur, qui Superpelliceo indutus cum Oleo sacro occulte delato sequatur Sacerdotem Viaticum portantem; & postquam infirmus Viaticum sumpserit, inungatur a Sacerdote.

COMMENTARIUS.

Latius, luculentiusque explicat hunc nostrum §. S. Carolus in Concilio Provinciali Mediolanensi IV. ubi de Extrema unctione agit, sic inquit: *Cum natemur, Parochus scilicet, ad agrum, qui a Parochiali Ecclesia longius abest, graviter, ac non sine periculo mortis, febri, morbove laborantem, Sanctissimum Corpus Domini deferat, ne ubi ad Parochiale domicilium ipse redierit, mortem illi prius obeat, quam ad Extremam unctionis Sacramentum eidem ministrandum reverti possit, vasculum etiam sacra unctionis asseret, praesertim, si infirmi domicilium ab Ecclesia longe abest, ut si morbi vis magis ingravescat, in tempore ministret. Similia legere est in variis Synodis, potissimum vero in Provinciali Beneventana XIII. Tit. XLVII. num. 19.*

II. Deferendum esse una cum Sacro Viatico & Oleum Infirmorum, praedicto scilicet casu, per ipsum Sacerdotem, qui Viaticum deferat, ait

Tom. I.

hic quidem noster §. qui tamen mox subdit, ut si alius Presbyter, vel Diaconus, qui Oleum Sanctum deferat haberi possit, per ipsum deferatur, qui Superpelliceo indutus cum Oleo sacro occulte delato sequatur Sacerdotem Viaticum portantem; & postquam infirmus Viaticum sumpserit, inungatur a Sacerdote. Aliud est Oleum Sanctum deferre, aliud ministrare. Et quidem solum Sacerdotem esse hujus Sacramenti Ministrum, docent nos ea Apostoli Jacobi verba: *Infirmum quis in vobis, inducat Presbyterus Ecclesie.* Nec alteri a Sacerdote, etiam in articulo necessitatis, competere hoc Sacramentum ministrare, definitum plane est in Concilio Tridentino, Sessione XIV. Can. IV. *Si quis dixerit, proprium Extremæ unctionis Ministrum, non esse solum Sacerdotem, anathema sit.* Recte itaque statuit hic noster §. inungendum esse infirmum a Sacerdote, tamen Sancti Olei vasculum deferri a Diacono permiserit. Quod quidem mirum videri non debet, cum ex variorum Conciliorum Decretis, jam non modo Diaconi, sed & Subdiaconi, Clericique, de singulis Ecclesiis ad Episcopos proprios ante Paschatis diem mitterentur, ad sacra Olea accipienda. Ita plane statuit inter alia Concilium Provinciale v. Beneventanum anni MCCCLXXIV. Tit. III. Cap. III. licet postea Beneventanum itidem Concilium.

Rt 2

Pro

Provinciale xii. anni MDXCIX. Tit. xxii. Cap. unico in fine expresse edixerit, ut *Olea Sacra, & Sanctum Chrisma non nisi in Sacris constituto,*

ubi haberi potest, Superpellico induto deferenda concedantur. Similia legere est in Synodis aliis Provincialibus, & Dioecesis permultis.

§. XIV.

In eadem infirmitate hoc Sacramentum iterari non debet, nisi diuturna sit; ut si, cum infirmus convalescit, iterum in periculum mortis incidat.

COMMENTARIUS.

I. Fuisse nonnullos graves cateroqui Scriptores labente Saeculo xi. & incunte xii. ea imbutos opinione, ut illicitum reputarent, Fidelem sancto Oleo semel inunctum, unquam deinceps eodem linire, notavit jam inter alios eruditissimos Scriptores doctissimus Pontifex BENEDICTUS XIV. Lib. viii. De Synodo Dioecetana, Cap. viii. num. III. Ejus plane opinionis fuisse Gaufridus Vindocinensis Lib. II. Epistola xix. Ivo Carnotensis apud eundem Epistola sequenti, Theobaldus Senonensis S. Columbæ Abbas, alique illustres Viri, qui Saeculo xii. florere; censes, infirmorum unctionem, non solum in eadem ægritudine, sed in diversa, non magis iterandam, quam Baptismi, Confirmationis, Ordinationis, Ecclesiarum, Vidorumque Ecclesiasticorum unctionem. Quorum tamen sententiam refutarunt Petrus Venerabilis Abbas Cluniacensis, scripta ab Theobaldo, egregia Epistola, quæ est septima Libri v. & Petrus Lombardus Lib. iv. Sententiarum, quibus subscripserunt omnes deinceps Theologi, qui saltem in diversa ægritudine unctionem repeti posse docuerunt.

II. Hinc falsum est, quod narrant Ciaconius, & Ughellus, disputatum fuisse, an Summo Pontifici Pio II. graviter ægotanti administrari posset Extrema Unctio, eo quod pluribus antea annis eam recepisset Basilæ, cum peste laboraret, quæ in ea Urbe grassabatur. Verum cum hujusmodi memorandi certe facti nulla mentio occurrat, neque in Vita ejusdem Pii II. a Joanne Antonio Campano, Episcopo Aprutino, accurate descripta, neque in Commentariis Cardinalis Papiensis, qui cateroquin quamminutissime scribit, quæ in Pii II. morte contigerant, illud merito aut fabulosum, aut saltem suspectum narrationibus laudatis BENEDICTUS Papa XIV. citato loco accenset; tum vero potissimum, quod medio Saeculo xv. quo Pius II. claruit, communis erat Theologorum opinio, complurium Synodorum, ac Ritualium auctoritate comprobata, Sacramentum scilicet Extremæ Unctionis posse, ac aliquando etiam debere iterari.

III. Negari certe illud non potest, quin Auctores non pauci opinarentur, Extremam Unctionem posse iterum eidem conferri, modo tamen a die, qua inunctus fuisset, tres integri anni effluxissent. Haec falsam persuasionem sibi induxisse Monachos Hirsaugienses, refert Auctor veteris disciplinae Monachice in Praefatione, Cap. cxxviii. ubi postquam antiquum exhibitum eorumdem Monachorum usum ponendi infirmum Extremæ Unctione jam munitionem, & cui mortis momentum instaret, super sagum cilicium cinere aspersum, hæc ex Guidone Farfensi addit: *Ceterum Hirsaugienses existimabant, Unctionis*

Sacramentum ab eodem iterari non posse, nisi effluxo triennio; hinc statuerunt, eundem Fratricem, si mortem evaserit, post tres annos iterum perungi posse. Censuerunt denique alii apud Petrum Cantorem in Summa, Cap. cxxxii. & Durandum Lib. I. Rationalis Divinorum Officiorum, Cap. viii. num. 25. non licere Extremam Unctionem intra ejusdem anni spatium repetere, etiamsi contingeret, quempiam in periculo morbum iterato incidere.

IV. At vero ex adverso Ritualia, & exempla multa non desunt, quibus docemur, non modo olim reiterari consuevisse in diversa ægritudine Unctionem ipsam Extremam, verum etiam per septem continuos dies in eadem infirmitate repeti. Hunc ritum prescribunt permulti quidam Rituales Codices ante & post annum Christi millesimum exarati, quorum nonnullos recenset Martene Lib. I. De antiquis Ecclesiæ ritibus, Lib. I. Cap. vii. Articulo IV. Eundemque videre est ritum in Vita S. Remberti Hamburgensis Archiepiscopi, qui obijt anno DCCCLXXXVIII. scripta ab Auctore equali, ubi sic legitur: *Septimo ante obitum dei ministerium Sacra Unctionis ei fieri cepit, & una cum Communionis Corporis, & Sanguinis Domini, usque in diem animæ exeantis de corpore, hoc salutare remedium omni die percepit.* Multa id genus exempla occurrunt frequenter in antiquorum Sanctorum Vitæ, ad eaque alludens Matthæus Galeus in Promptuario Theologico, Catechesi clxxx. sic inquit: *Unde discimus, olim non ita parce ætum, ut nunc, sed tota infusa, delibataque fuisse corpora, neque tantum organa sensuum, sed omnes illa partes inungebantur, in quibus morbus potissimum grassabatur, idque interdum per continuos septem dies.* Et Catechesi clxxx. *Quid enim est mirum, ait, raram contingere sanitatem, cum vix habeatur nunc ratio partium affectarum, quas Majores nostri totis septem diebus inungebant.*

V. Quicquid autem sit de varia antiqua in hæc rem disciplina, certa est plane regula illa, quam tradit hic noster §. ex cujus præscripto in eadem infirmitate hoc Sacramentum iterari non debet, nisi diuturna sit, ut si, cum infirmus convalescit, iterum in periculum mortis incidat. Atque hæc est regula, quæ pluribus etiam ab hinc Saeculis prævaluit, & communi usui recepta, ac probata Theologorum non modo, sed & Ritualium, atque Synodorum auctoritate, qui hujus Sacramenti iterationem docent, ac jubent, quotiescumque Fidelis in novam incidit morbum, & in diversum adducitur vitæ discrimen. Ita plane statuit, definitque Tridentinum Concilium Sessione xiv. Cap. iiii. *Quod si infirmi post susceptam hanc unctionem convalescerint, iterum hujus Sacramenti subsidio juvari poterunt, cum in alia*

aliud simile vite discrimen ineliderit. Concilio Tridentino inhaeret ejus Catechismus, Parte II. De *Extrema Unctionis Sacramento*, num. xxii. sic inquit: *In quibus illud conservare oportet, in una, eademque agrotatione, cum ager in eodem vite periculo positus est, semel tantum unguendum esse. Quod si post susceptam hanc unctionem ager convalescit, quoties postea in id vita discrimen incidit, toties ejusdem Sacramenti subsidium ei poterit adhiberi; ex quo patet, in eorum Sacramento numero, quae iterari solent, reponendum esse.* An eodem morbo, eodemque infirmitatis statu durante, iterari Extrema Unctio possit, nec Tridentinum Concilium, nec ejus Catechismus determinarunt, quod id scirent pendere a disciplina, uti notavit Vanespen Parte II. *Juris Ecclesiastici universi*, Titulo VII. Cap. III. num. xxxiii.

VI. Ceterum durante eadem infirmitate, si post susceptam Extremam Unctionem, morbus ita remittit, ut agrotus mortis periculum evasisse videatur, sed antequam convalescat, iterum in vite discrimen relabatur, etiam juxta praesentem disciplinam poterit absque scrupulo de novo Sacra Unctione muniri, juxta regulam in hoc nostro §. traditam, quam sequute sunt variae Synodi, ac praesertim Salernitana anno Christi MDLXXIX. habita Tit. xxxii. Cap. III. *In eadem infirmitate, ait, non nisi semel Sacra Unctio adhibeatur; nisi illa longa existente, pluries vite periculum, pluriesque salutis spes insurgeret.* Hanc plane regulam longe ante Theologorum omnium Princeps S. Thomas docuit, probavit, omni in IV. Sententiarum, Distinctione xxiii. Questione II. Articulo IV. ad II. sic inquit: *Hoc Sacramentum non respicit tantum infirmitatem, sed etiam infirmitatis statum; quia non debet dari, nisi infirmis, qui secundum estimationem humanam videntur morti appropinquare. Quodam ergo infirmitates non sunt diuturnae, unde si in eis datur hoc Sacramentum, tunc cum*

homo ad illum statum perveniat, quod sit in periculo mortis, non recedit a statu illo, nisi infirmitate curata, & ita iterum non debet inungi. Sed si recidivum patiaris, erit alia infirmitas, & poterit fieri alia unctionio. Quodam vero sunt agrotationes diuturnae, ut bellica, & hydropisis, & hujusmodi, & in talibus non debet fieri unctionio, nisi quando videtur perducere ad periculum mortis; & si homo illum articulum evadat, eadem infirmitate durante, & iterum ad similem statum per illam infirmitatem redacatur, iterum potest inungi, quia jam est quasi alius infirmitatis status, quamvis non sit alia infirmitas simpliciter.

VII. Hanc itaque S. Thomae doctrinam amplexum est Ritale Romanum, ubi in hoc nostro §. ita statuit, ut in eadem infirmitate hoc Sacramentum iterari non debeat, nisi diuturna sit; ut si, cum infirmis convalesceret, iterum in periculum mortis incidat. Cui concinit Ritale Cardinalis Sanctorii pag. 324. ubi legitur: *In eadem infirmitate hoc Sacramentum iterari non debet, nisi diuturna sit, & infirmus, cum visus esset melius se habere, iterum in periculum mortis incidit.* Itemque Ritale Argentense, ac Pastoralia Viennense, Mechlinense, Lemovicense, a liaque complura congesta a Launoy, Tomo I. in Tractatu, *De Extrema Unctione*, & a Vanspenio loco citato, qui etiam in fine praedicti Capituli opportune Parochos monet, ne nimium scrupulose in hoc se gerant; sed si dubitent, an revera morbi status sit, seu num idem, vel diversum sit periculum, in quo agrotus versatur, expedire ait, ut ad Sacramenti iterationem propendat, eo quod haec iteratio conformior sit veteri Ecclesiae consuetudini, & per eam novum spirituale subsidium, & levamen infirmo obvenerit. Quod enim olim ea disciplina vigeret, ut infirmi per septem continuos dies & Extrema Unctione, & sacro Viatico donarentur, jam nos supra in hoc Commentario notavimus, ostendimusque, allatis variis antiquorum Ritualium locis.

§. XV.

Quinque vero corporis partes, praecipue ungi debent, quas veluti sensuum instrumenta homini natura tribuit, nempe, oculi, aures, nares, os, & manus; attamen pedes etiam, & renes ungendi sunt, sed renum unctio in mulieribus, honestatis gratia, semper omittitur; atque etiam in viris, quando infirmus commodè moveri non potest. Sed si in mulieribus, si in viris, alia corporis pars pro renibus ungi non debet.

COMMENTARIUS.

I. Proximam Sacramenti Extremæ Unctionis materiam recte docent Theologi passim, ipsam esse unctionem. Id etenim expresse tradit S. Apostolus Jacobus in celebri sua Canonica Epistola, Cap. v. illis verbis: *Ungentes eum Oleo.* Idemque confirmant Patres, ac Synodi praefertim Florentina sub Eugenio Papa IV in Instructione pro Armenis, & Tridentina Synodus Sessione XIV. Cap. I. quibus & ratio ipsa suffragatur. Materia enim proxima Sacramentorum, quae sunt in usu posita, est usus ipse, seu applicatio materiae remota ad subiectum idoneum. Cum igitur materia remota Extremæ Unctionis, quod Sacramentum est in usu positum, sit Oleum, nec aliter applicetur illud, nisi unctione, unctio ideo materia proxima est.

II. Porro autem cum laudatus Apostolus solam unctionem expresserit, nulla facta partium corporis ungendarum mentione, factum est, ut non parum variaret eam in rem Ecclesiae. Unctionem. adhibent Graeci, teste Arcudio Lib. v. Cap. vii. ubi citat Simeonem Thessalonicensem, *ad frontem, mentum, ambas genas, ut fieri videatur unctio in capite ad modum Crucis, deinde ad pedes, tum ad manus, idque ex utraque parte, postremo ad pedes.* Quod Ecclesiam Latinam spectat, varia haud dubie sunt de partibus inungendis consuetudo, uti ostendit Sambovius in celebri Tractatu, *De Sacramento Extremæ Unctionis.* Teste Martene Lib. I. *De antiquis Ecclesiae ritibus*, Cap. vii. Articulo III. num. viii. ex Pontificali Prudentii Tricassini Epi-

Episcopi, qui ante annos CM. Trecentem regēbat Ecclesiam, infirmi inungendi sunt, in *superceiliis oculorum*, ad *aures deintus*, ad *nares in summitate*, ad *labia exteriora*, ad *manus exteriora*, ad *pedes*, in *gutturē*, in *collo*, in *scapulis*, in *umbilico*, seu in loco, ubi *plur deus imminet*. Ex antiquo Codice Turonensi ejusdem fere ætatis, in *collo*, in *gutturē*, inter *scapulas*, & in *pectore*, & in *quingue corporis sensibus*, idest, in *superceiliis oculorum*, & in *aurium summitate*, *fove interiora*, & in *labiis exteriora*, & in *navium summitate*, *fove deintus*, & in *manibus deorsus*, in *genibus quoque*, & in *cruribus*, *suris*, *pedibus*, ac *plantis*, & *pene in omnibus membris*, seu in loco, ubi *dolor plus imminet*. Ex antiquo Codice B. Marci Remensis ætatis pene ejusdem, in *vertice capitis*, in *superceiliis oculorum*, in *auribus deintus*, in *navium summitate*, in *labiis exteriora* in *planta pedum*. Ex Pontificali Cameracensis Ecclesiæ annorum circiter DC. in *vertice*, in *fronte*, in *temporibus*, in *facie*, in *superceiliis oculorum*, in *auribus deintus*, in *navium summitate*, in *labiis exteriora*, in *gutturē*, & *collo*, inter *scapulas*, inter *pectora*, *super manus deorsus*, in *pedibus*, ubi *dolor plus imminet*. seu in loco, ubi *amplius dolor imminet*. In Statutis denique Monialium Gilbertinarum Tomo II. Monasticii Anglicani pag. 775. præscribitur, ut *nililo, quæ solet fieri circa umbilicum infirmorum*, fiat in *pectore Sororum* circa *guttur*, *nililo gula in mento*.

III. Longum esset alios Rituales Libros referre a Martene relatīs citato loco Articulo IV. ubi varios ad unguendos infirmos Ordines describit, ex quibus invaluit usus unguendi varias corporis partes. Censet autem Lannojus Libro inscripto, *Explicata Ecclesiæ traditio circa partes corporis, quæ augurant in Sacramento Extreme Unctionis*, Cap. II. Observatione II. post tempora S. Gregorii paulatim invaluisse, ut plures corporis partes inungerentur, sed non easdem in omnibus Ecclesiis, immo in aliquibus quasdam debuisse inungi, quas in aliis ungi vitium erat. Certe qui Vitam S. Augendi, vulgo Eugendi Abbatīs scripsit, tantum unius partis, scilicet posterioris, inunxit meminit: *Cum ultra sexagenariam ætatem*, inquit, *sex fere mensibus prædictus Pater inæqualitate corporea laboraret, sic tamen, quod nunquam Canonico usque ad horam defuisset Cursum, nec bis in die seculo corpore suo coactus fuit aliquid impetiri, vocato uno ad se de Fratribus, cui cum libertate penulari olim etiam perungendi infirmos opus inunxerat, secretissime quoque sibi pectusculum petiit, ut moris est, inungi*. Ergo tunc moris erat, idest, Sæculo Christi VI. quo claruit S. Eugendus, pectusculum tantum inungere. Quod & in Præfatione ad Sæculum I. Benedictinum observat Mabillonius num. 97. Sed & illud dissimulari non debet, quod nempe in pluribus Ritualibus a nobis superius allegatis dicitur, eam esse in conferendo hoc Sacramento inungendam corporis partem, ubi *dolor plus imminet*, suum habere fundamentum in iis Canonicæ Epistolæ S. Jacobi Apostoli verbis: *Et alleviabit eum Dominus*. Quod tamen jam pluribus ab hinc Sæculis in usu esse desit, ne solum videretur Unctio hæc Sacri Olei ad medicinam corporis magis, quam animæ adhiberi; ut scite observat Vaznelpen Parte II. *Varis Ecclesiastici universi*, Tit. VIII. Cap. I. n. XXI.

IV. Explicato hucusque antiquo ritu, va-

riarumque Ecclesiæ usu unguendi plures corporis partes, devenio ad ritum in hoc nostro §. expressam, ex cujus præscripto *quingue corporis partes præcipue ungi debent, quas veluti sensuum instrumenta homini natura tribuit, nempe, oculi, aures, nares, os, & manus; attamen pedes etiam, & venter augendi sunt*. Idipsum docet, explicatque Tridentini Concilii Catechismus Parte II. De Extrema Unctionis Sacramento, num. xx. ubi ita inquit: *Non sunt autem omnes corporis partes unguende, sed ea tantum, quas veluti sensuum instrumenta natura homini attribuit; oculi propter visionem, aures propter auditum, nares propter odoratum, os propter gustum, vel sermonem, manus propter tactum; qui tametsi toto corpore agnabiliter sensus est, in ea tamen parte maxime viget*. Addit mox quod & maxime notandum est: *Hæc autem unguendi vitium universalis Ecclesia retinet, atque etiam hinc Sacramenti natura optime corvenit; medicamenti enim est in illar. Ac quoniam in corporis morbis, quomodo universam corpus male affectum sit, tamen illi tantum parti curatio adhibetur, a qua tanquam a fonte, & origine morbus manat, iteireo non totum corpus, sed ea membra, in quibus potissimum sentienti vis eminet. Reneret etiam veluti volaptatis, ac libidinis sedes auguntur; tum pedes, qui nobis ingressus, & ad locum movendi principium sunt*.

V. Quingue sensuum, & pedum, renunquæ unktionis mentionem faciunt non pauci Rituales Codices, ac Synodi, præsertim vero Eugenius IV. in Decreto Unionis Armenorum, ubi etiam multiplici ejus unktionem rationem docet, sic inquit: *Hoc Sacramentum, nisi infirmo, de cujus morte timeatur, dari non debet, qui in his locis unguendus est, in oculis propter visum, in auribus propter auditum, in naribus propter odoratum, in ore propter gustum, vel locationem, in manibus propter tactum, in pedibus propter gressum, in renibus propter delectationem ibidem vigentem*. Longe autem Eugenium vixisse in Ecclesiæ Latine hanc disciplinam, ut memoratæ corporis partes inungerentur, testantur varii Rituales Libri, ac Synodi Eugenio antiquiores, præsertim vero Provincialis VI. Beneventana. anni MCCCLXXIV. Tit. VIII. Cap. IV. his verbis: *Et quia omnis nostra cognitio incipit a sensu, sique sensus sunt in nobis prima principia peccandi, ideo in hoc Sacramento instrumenta quingue sensuum tanquam prima radices peccandi inunguntur, oculi propter visum, aures propter auditum, nares propter odoratum, labia, propter gustum, manus propter tactum, qui maxime viget in palpis digitorum, pedes vero propter motivam vim, venter etiam propter vitam appetitivam*. Que explicatio desumpta est quidem ex S. Thoma in Supplemento III. Partis, Questione LXXIII. Articulo V. & io IV. Sententiarum, Distinctione XXIII. Questione II. Articulo II. Questioncula II.

VI. Ad unktionem renunquæ quod attinet, notandum profecto illud, quod ait hic noster §. quod nempe *renunquæ nililo in mulieribus benedictis gratia, semper omittitur; atque etiam in viris, quando infirmus commode moveri non potest*. Et ratio potissima est illa, quia, ut inter alios docet, monetque S. Carolus in suis, De Sacramento Extreme Unctionis, Instructionibus, ubi caeremonias, & ritus illius admiistrandum ex-

exponit, renum unctio, sicut & pedum, non ita sunt necessaria, ut alia, quae sunt quinque sensuum; ideoque subdit, in feminis renum inunctionem omittebam; & quidem honestatis gratia, uti ait hic noster §. cui quidem varii Rituales Codices, ac Synodi consentiunt, inter quas Salernitana anni MDLXXIX. Tit. xxx. 1. *De Sacramento Extremae Unctionis*, Cap. v. sic habet: *Renum autem unctio, quia ad huius Sacramenti essentiam necessaria non est, omittebam ducimus. In viris autem ita adhiberi posse, si per infirmitatem licuerit, alioquin renum loco pedum inungi poteris. Quod tamen postremum de inungendo pectore loco renum, curatum est ex nostro §. ubi expresse edicit, quod, sive in mulieribus, sive in viris, alia corporis pars pro renibus ungi non debet.*

VII. Porro consuevisse olim inter alias corporis partes inungi umbilicum, constat plane ex antiquo Cameracensi Pontificali, cujus locum supra attulimus, in feminis autem loco umbilici, inunctum pectus fuisse, ex Monialium Gilbertinarum Statutis supra etiam allatis liquet. Sed sublata est penitus tandem ea inunctio non modo umbilici, sed renum, ac pectoris in feminis honestatis gratia; & quidem, ut recte observat Raynaudus in Dissertatione, *De febris alterius fecus frequentatione per sacros, & religiosi homines*, Cap. v. 111. pag. 268. *non tam persona inuncta, quae in eo soluta est, ut extra discriminis aleam constituta videatur, etiamsi ibi quae inungeretur; quam persona inungentis, hoc est, Sacerdotis, cui ab inunctione impenditur aliquod illecebrositatis periculum.* Hinc corrigenda, ac diris omnino vovenda, feda illa, ac turpis Virollelli opinio, qui in Tractatu, *De Sacramento Extremae Unctionis Sacramento*, Patavii edito anno MDCLX. pag. 62. de ipsa lumborum inunctione loquens, non veritus est hac scribere: *Si secularis femina hac unctioe linienda sit, prope ambiculum inunge, is locus luxuria sedes in feminis.* Sed de his opinionum portentis jam alias dixi.

VIII. Sed his omissis, opportune in hac Commentario discussi possunt tres quaestiones, quarum prima est, an quinque sensuum unctio sit de substantia Sacramenti. Et quidem licet apud etiam insignes Theologos, ut supra notavimus, probabilis sit opinio, quae asseritur, quinque sensuum unctionem non esse de essentia Sacramenti, addubitari tamen nequit, quin Minister extra casum necessitatis eam unctionem, quinque sensuum omittebat, peccaret lathaliter contra institutionem Ecclesiae; tum vero potissimum quod illicitum est in administratione Sacramentorum sequi opinionem probabilium de valore Sacramenti, relicta tutiore; damnata enim est ab Innocentio Papa XI. contraria quorundam Casuistarum sententia, qui id non esse illicitum asserabant. Sed de hac re plura videri possunt apud Juvenium in Opere, *De Sacramentis*, Dis-

sertatione VII. Quæst. III. Cap. II. & apud Estium in IV. Sententiarum Distinctione XXIII. §. XV.

IX. Altera quaestio est, Cur cordis locus, idest pectus non ungatur, cum in corde potissima sit peccati radix juxta illud Christi Domini in Evangelio Matthæi, Cap. xv. *De corde exeunt cogitationes male, homicidia, adulteria &c. hæc sunt quæ coinquinant hominem.* Respondet ad hanc quaestionem Estius loco citato, atque, cor pro voluntate accipi in recitato Evangelii loco, sicut & in aliis penes innumeris. Atque ex voluntate non prodeunt cogitationes malæ, nisi mota fuerit ab imaginatione, quæ sumitur a sensu; & proinde cor, idest voluntas, licet potissima, non tamen prima in ovis est causa peccandi. Atque hæc est ratio, cur ipsa cordis, pectorisve inunctio, non fuerit necessaria reputata, sequioribus scilicet Sæculis, nam alias Rituales antiqui Codices multi inter alias corporis partes inungendas, cor, & pectus etiam recensent; ut exempla omitam, quibus docemur, solum pectus fuisse aliquando inunctum. Atque hæc facit S. Augudini, vulgo Eugendi exemplum, quod supra descripsi num. III.

X. Quæstio tertia est, Quomodo hoc Sacramentum sit unum, & non plura, cum & in pluribus membris plures, atque distinctæ unctiones adhibeantur, itaut in universum XII. unctiones numerantur a Scoto, & forma ipsa ad singulas, vel saltem ad binas unctiones repetatur, mutato tantum nomine sensus, aut sensorii. Respondet & ad hanc quaestionem memoratus Estius ibidem, dicens, omnes illas unctiones cum repetitione verborum ad singula membra, tanquam partes integrales constituere unum totum, atque integrum Sacramentum; non quod gratiam Sancti Spiritus ex hoc Sacramento tum demum percipiat ægrotus, cum ultima unctio perfecta fuerit, ut est quorundam opinio; sed perinde, atque Eucharistia Sacramentum ex pluribus consist partibus, quarum singulæ statim suum habeant effectum; ita tamen, ut in postrema unctioe facta tandem integrum, & perfectum confecerit Sacramentum, sicut perfectum est Eucharistia Sacramentum, facta consecratione Calicis. Itaque si ægrotus, inunctis oculis, statim expiret, Sacramentum accipit, sed imperfectum; & proinde quando accedunt aliæ unctiones, non multiplicatur Sacramentum, sed idem Sacramentum additis suis partibus augetur, & perfectior. Atque his addæ, quæ longe ante Estium, aliosque idem asserentes, docuit Bevenotana VI. Provincialis Synodus habita anno MDCCLXXIV. Tit. VIII. Cap. III. his verbis: *Licet multa fiant ibi unctiones, ultima tamen est ibi formalis, respectu omnium precedentium, & agit in virtute earum, & ideo in ultima inunctione gratia infunditur, quæ effectum præbet Sacramenti. Et ideo unum Sacramentum dicitur unitate perfectionis, quæ est per suam.*

§. XVI.

Manus vero, quæ reliquis infirmis inferius ungi debent, Presbyteris exterius ungantur.

COMMENTARIUS.

I. **S**i veteres Codices Rituales permultos spectemus, præscripta est quidem in iis manuum inunctio, sed nulla facta mentio-

ne, an interior, exteriorve, fieri illa deberet. Ex Pontificali Prudentii Episcopi qui ante annum CM. Trecentum regerat Ecclesiam, cautum le-

go,

go, ut unctionio ipsa fiat *ad manus externas*; si-
ve *super manus deforis*, ut ait Pontificali Eccle-
siam Cameracensis annorum circiter DC. & alia,
complura ejusdem, sequiorumque aetatis, sed nlla
prorsus facta personarum distinctione. Ne-
que vero icireo dici potest, recens esse institu-
tum, quod ait hic noster §. ut nempe *manus, qua
reliquis infirmis interius ungi debent, Presbyteris
externis ungantur*. Ejus enim ritus men-
tionem faciunt ms. Codex Floriacensis, ante an-
nos D. exaratus, alique Rituales Libri sequio-
ris ævi a Martene allati Lib. 1. *De antiquis Ec-
clesiæ ritibus*, Lib. 1. Cap. v. 11. Articulo iv. Por-
ro autem laudatus Floriacensis Codex, ubi agit
de unctione manuum, hæc addit: *Si fuerit Sa-
cerdos, solammodo deforis*. Cui concinit Rituale

Ecclesiæ Catalaunensis annorum circiter CCC.
ubi sic legitur: *Item super manus, & infra. Si
vero sit Sacerdos, ungatur tantum extra*. Men-
tionem rationemque hujus varii ritus inter alios
Scriptores fecit, docuitque Durandus Episcopus
Mimatenfis, qui claruit labente Sæculo xiiii.
Lib. 1. Rationalis Divinorum Officiorum, Capite
v. 111. nm. 25. ubi inter alia ait, Presbyteri
manus externas iungi, quod in ordinatione *ejus
interius innulle fuerant*. Atque hæc est ratio,
quam S. Carolus in Instructionibus, *De Sacra-
mento Extremae Unctionis*, Synodi, Rituales Co-
dices, Auctoresque passim assignant, ubi ajunt,
quod habet noster §. ut *manus, qua reliquis infir-
mis interius ungi debent, Presbyteris externis
ungantur*.

§. XVII.

Dum oculos, aures, & alia corporis membra, quæ paria sunt, Sacerdos ungit, caveat,
ne alterum ipsorum inungendo, Sacramenti formam prius absolvat, quam ambo hu-
jusmodi paria membra perunxerit.

COMMENTARIUS.

I. **T** Radunt & hanc regulam Rituales Co-
dices, recentiores passim, ac Synodi,
eamque communiter probant Theo-
logi, ac rerum ritualium Scriptores, præceteris
autem S. Carolus in suis, *De Sacramento Ex-
tremae Unctionis*, Instructionibus, sic inter alia
inquit: *Ungetis autem oculos, aliosque mem-
bris, quæ in homine paria sunt, hoc valde cave-
bit, Parochus, aliusve Sacerdos, qui ipsum Sa-
cramentum ministrat, ut eam utramque mem-
bram unius tantum sensus sit, utriusque itidem*

*unctionem absolvat, nisi solum verborum forma,
sicut duas Cruces faciat. Unget autem primo dex-
teram, deinde sinistram, Cruce unicuique im-
pressa Oleo Sacro*. Idipsum præscribunt permul-
te Synodi S. Caroli ævo celebrata, & quidem
Provinciales, Diocesanaeque, inter quas Salerni-
tana habita anno MDLXXIX. Tit. xxxii. Cap. vi.
sic habet: *Caveat omnino Parochus, ne dum o-
culos, aures, anres, & manus inungit, alteri tan-
tum unctionem adhibeat, ne imperfectum remaneat
Sacramentum*.

§. XVIII.

Siquis autem sit aliquo membro mutilatus, pars loco illi proxima inungatur, eadem ver-
borum forma.

COMMENTARIUS.

I. **C** Onstat hæc regula ex variis Rituali-
bus, Conciliisque, eamque probarunt
Theologi antiqui insigniores, inter
quos S. Thomas in iv. Sententiarum, Distinctione
xxiiii. Questione II. Articulo 111. Que-
stiuncula 111. hæc habet: *Mutilati inungi de-
bent, quanto propinquius esse potest ad partes il-
las, in quibus unctio fieri debuisset, quia quan-
vis non habeant membra, habent tamen potentias
animæ, quæ illis membris debentur, saltem in
radice, & interius peccare possunt per ea, quæ
ad partes illas pertinent, quamvis non externis*.
Hanc doctrinam sequutus inter alios S. Carolus
in memoratis toties de Extrema Unctione In-

structionibus, ita inquit: *Cæcis, surdis, mutis,
paralyticis, quamvis eo sensu, vel videndi, vel
loquendi, vel ambulandi, semper caruerint, præ-
bebitur; peccare enim poterunt per internas po-
tentias, quibus ea membra respondent*. Hinc non
poto adherendum Natalis Alexandri opinioni,
qui Libro II. Theologicæ Dogmaticæ, & Mora-
lis, Tractatu, *De Extrema Unctione*, Capite v.
Regula vii. ait, in cæcis, aut surdis a nativitate
non esse faciendam unctionem oculorum, aut
aurium, nec verba iis sensibus respondentia pro-
ferenda; in mutis vero a nativitate faciendam,
quidem unctionem ad labia, sed dicendum tan-
tum: *quidquid peccasti per gressum*.

§. XIX.

Hujus autem Sacramenti forma, qua Sancta Romana Ecclesia utitur, sollemnis illa pro-
catio est, quam Sacerdos ad singulas unctiones adhibet, cum ait: *Per istam sanctam
unctionem, & suam piissimam misericordiam, indulgeat tibi Dominus quidquid per vi-
sum, sive, per auditum &c. deliquisti*.

COMMENTARIUS.

I. **D** Um peragitur unctio, nonnulla Sa-
cerdos, qui eam ministrat, verba
pronunciat, quæ a Scholasticis Do-

ctoribus forma appellantur. Hæc in quibusdam
Ritualibus modo absoluto, in aliis deprecativo,
in nonnullis partim absoluto, partim depreca-
tivo

tivo enunciantur; uti jam ostendit antiquorum Rituum peritissimus, & in cisternis valde veratus Edmonodus Martene, Lib. 1. *De antiquis Ecclesie ritibus*, Cap. vii. Article 111. num. 72. Et quidem quod in multis Ecclesiis absoluta, & indicativa fuerit antiquis forma Sacramenti Extreme Unctionis, constat non modo ex variis Ritualibus ab eodem Martene allatis loco citato, Article iv. verum etiam ex ea forma, quæ dicitur Ambrosius, quæque in Ecclesia Mediolanensi Sæculo iv. ut ajunt, in usu erat, eratque hujusmodi: *Ungo te Oleo sanctificato in Nomine Patris, & Filii, & Spiritus Sancti, ut more militis nulli preparatus ad certamen aereus possis superare potestates*. Afferit præterea Beatus Albertus Magnus in iv. Sententiarum, Distinctione xxiii. Article iv. se iussisse oculis antiquissimos Germanie Rituales Libros, qui Sacramenti, de quo agitur, formam mere indicativam continerent; additque formam etiam, proximam, qua Sacramentum eo modo conferebatur, a Germanis vocari Gregorianam. Rursus teste Arcudio Lib. v. *De concordia Ecclesie Orientalis cum Occidentali*, Cap. v. in antiquo ms. Codice Haligarii, qui florebat Ludovici Pii temporibus, ita ea forma legitur: *Ungo te de Oleo sanctificato, ut more militum, & preparatus ad hostem aereus possis superare ceteros. Operare Creatura Olei in Nomine Patris, & Filii, & Spiritus Sancti, ut non lateat hic spiritus immanus, nec in membris, nec in medullis, nec in ulla compagine membrorum hujus hominis; sed operetur in eum virtus Christi Filii Altissimi, qui cum Patre, & Spiritu Sancto vivit, & regnat in sacra la secularum, Amen*.

II. His alique plurimis veterum testimonio edocui Menardus in Notis ad Librum Sacramentorum S. Gregorii Papæ, Morinus in Opere, *De sanctitate*, Vanespen Parte II. Juris Ecclesiastici universi, Tit. viii. Cap. i. Juvenius, *De Sacramentis*, Dissertatione vii. Questione iv. Conclusiones i. Natalis Alexander Lib. II. *Theologiae Dogmaticæ, & Moralitatis*, Tractatu, *De Extrema Unctione*, Capite i. Article 111. ac Martene loco citato, constanter ajunt, in multis olim Ecclesiis Latinis obtinuisse absolutam, indicativamque Extreme Unctionis formam; simulque etiam fatentur, in aliis Ecclesiis Extremam ipsam Unctionem per indicativam & deprecativam simul formam fuisse collatam. Quod quidem probat memoratos Juvenius ex Libro Sacramentorum S. Gregorii Papæ, in quo hæc legitur Extreme Unctionis forma: *Inungo te de Oleo Sancto, sicut unxit Samuel David in Regem, & Prophetam. Operare Creatura Olei in Nomine Patris Omnipotentis, ut non lateat illic spiritus immanus, neque in membris illius, neque in medullis, neque in ulla compagine membrorum; sed in te habitet virtus Christi Altissimi, & Spiritus Sanctus*. Per eundem. Porro ejusmodi formæ verba, *Inungo te* &c. sunt absoluta, seu indicativo modo prolata; posteriora vero, *In te habitet virtus Christi* &c. sunt deprecative, seu prolata in modum Orationis, uti observant Juvenius, & Alexander; quamvis alii non desint, ac præsertim Vaoespen, qui docent, descriptam Sancti Gregorii formam esse omnino absolutam, atque indicativam. Quicquid fit de varia istorum interpretatione, recte ait Martene, de ea re frustra disputare Scholasticos, cum parci refe-

Tom. I.

rat, quoties modo proferantur, verba scilicet prædictæ formæ, dummodo in Nomine Domini, quod solum requirit Apostolus, Jacobus nempe in laudatæ toties sua Canonica Epistola, proferantur. Subditque mox, Scholasticos ipsos, nec omnibus argumentationum suarum cavillationibus formas absolutas convellere posse, quas omnis approbavit antiquitas, nec respiciant inferiores Theologi.

III. Sed audiamus quæ, quid ad hoc efficacæ certe argumentum repocrofit Cardinalis Sanctorius in suo Rituali, pag. 324. ubi ad illud refellendum hæc scripsit: *Sciat autem, Sacerdos scilicet, formam hujus Sacramenti esse verba illa deprecatoria, quæ in unctionibus proferantur, veluti, secundum usum Romanæ Ecclesiæ, Per istam sanctam unctionem, & suam piissimam misericordiam, indulget tibi Dominus quicquid per visum deliquisti. Tam etiam nocet, formam non servari, & nihil agi per verba indicativa tantum, puta, Ungo oculos tuos, vel, manus tuas, & similia, sicut verbis deprecative, cuiusmodi battenas ego non reperi. Et quamvis ea occasione aliqui Theologi referant, quod multe Ecclesiæ habent per formam verba indicativa, ut, Ungo oculos tuos &c. & ideo quaesierint, an valeat, & de ea re plura extra rem dixerint; cum nunquam reperitur talis forma per verba indicativa tantum, sed per Orationem indicativam tantum sine verbis deprecative hoc Sacramentum conferri. Sed, & Libri, & Ritus Ecclesiarum, qui pro ea parte citantur, quod habent verba indicativa, paulo post habent etiam verba deprecative &c. Quare questio inanis, & frustranea est. Quoniam autem hujusmodi forma variis verbis traditur in diversis Ecclesiis, etiam præmittendo verba indicativa, & subijungendo deprecative, unaquæque Ecclesia suam potest retinere formam, modo semper adhibeantur verba deprecative &c. Ceterum apud Sanctam Romanam Ecclesiam, nam tantum in hoc Sacramento deprecandi formula traditur, & passim in Italia, & toto Orbe receptam esse, compertissimum, & exploratissimum est. Verum, ut sapientissime notat, docetque BENEDICTUS Papa XIV. Lib. viii. *De Synodo Diocesana*, Cap. II. nom. II. in fine, etiam Sanctorio concedamus aliquam deprecationem posse deprehendi in antiquissima citata formula Ambrosiana, & in aliis nonnullis; necsumus tamen, quo pacto possit deprecatio inveniri in aliis formis ex pluribus antiquis Ritualibus, in quibus solum adhibetur verbum, *Ungo*, absque alio additamento, e quo deprecatio colligi, aut fingi queat; nec facile erit ad deprecativum sensum hanc detorque, quæ extat in antiquo Pontificali Narbonensi: *In Nomine Patris, & Filii, & Spiritus Sancti regnantis in seculo seculorum, accipe sanitatem corporis, & remissionem peccatorum tuorum*.*

IV. Fateri vero jam illud eogimus, multis jam ab hoc Sæculo ubique in Ecclesia Latina invaluisse formam deprecativam huius verba conceptam, quæ in hoc oculo s. legantur. *Per istam sanctam unctionem, & suam piissimam misericordiam, indulget tibi Dominus quicquid per visum, sive, per auditum &c. deliquisti*. Hanc plane formulam reperi in Codice Monastico simul, & Ecclesiastico Gemeticensi, qui sexcentorum est annorum, & amplius, affirmat Juvenius citato loco, Conclusionem II. ubi etiam observat, Sancto Thomæ, cæterisque Scholasticis Sæculo

Ss

XIII,

xxii. ita fuisse persuasum, ut contenderint, formam absolutam non valere. Porro ad formam in §. nostro expressam alludit inter alias Synodus vii. Provincialis Beneventana habita anno MCCCLXXIV. Tit. viii. Cap. II. ubi sic inquit: *Formam hujus Sacramenti hic non posuimus, quia in Ordinario perfecte continetur, & intelligimus de illa, quam fecit Beatus Gregorius, quae fit per illa verba: Per istam unctionem &c. ejus asus generalis est, & hanc servat Romana Ecclesia, non illam Beati Ambrosii, quae fit per verba, scilicet, Unge istos oculos &c.* Certe juxta Romanum antiquum Ordinem x. quem Mabillonius in Admonitione ad ipsum, Tomo II. sui Musei Italici ad Seculum undecimum revocandum ait, in eo Capite, quod inscriptum est, *Ordo compendiosus, & consequens ad ungendum infirmum*, hanc Sacerdos pronunciabat formam: *Per istam sanctam unctionem, & suam piissimam misericordiam, pareat tibi Domini quicquid oculorum vitio deliquisti.* Sed omisso Ritualibus, deprecativam statuit formulam Eugenius Papa IV. in Instructione pro Armenis, itemque Concilium Tridentinum Sessione xiv. in Doctrina de Sacramento Extremæ Unionis, Cap. i. ubi expresse ait, hujus Sacramenti formam esse illa verba, *Per istam unctionem &c.*

V. Neque vero quemquam offendere debet, quod quædam Ecclesie utuntur verbis omnino diversis; nam ea verborum diversitate nihil de trahitur de sensu, uti post Catechismus Concilii Tridentini, Parte II. De Extrema Unionis Sacramento, num. xii. inter alios docet Eftius in iv. Sententiarum, Distinctione xxii. §. x. Consistere ait integritatem formæ, dum pro verbo, *Indulgeat*, alie Ecclesie dicunt, *ignoscat*; alie dimittat, vel pareat; quædam etiam, *sanct*; & dum pro verbo, *deliquisti*, alie Ecclesie dicunt, *peccasti*; alie utrumque conjungunt, dicentes: *quicquid peccasti, vel deliquisti.* Subdit mox quoque, fieri id verisimile esse ad majorem cautelam propter mortalia obliata, quamquam hujusmodi adjectione, & cautela non est opus; quandoquidem sine ea nihil minus consequitur infirmus. Cæterum variat nonnihil formula in nostro §. præscripta ab illa, quæ legitur in Tridentini Concilii Catechismo, citata Parte II. De Extrema Unionis Sacramento, num. x. ubi sic ait: *Forma vero Sacramenti est verbum, & sollemnis illa precatio, quam Sacerdos ad singulas unctiones addit, cum inquit: Per istam sanctam unctionem, indulgeat tibi Deus quicquid oculorum, five aurium, five tactus vitio deliquisti.*

VI. At vero omnia hac variatione, quæ parvi momenti est, quod forma ipsa deprecatoria, vera sit, & propria hujus Sacramenti forma, uti recte docet Catechismus Concilii Tridentini loco citato, num. xii. Sanctus Jacobus Apostolus significat, cum ait: *Et orat super eum, & oratio fidei valebit infirmum.* Ex quo licet cognoscere, formam precationis modo profereendam esse, tamen quibus potissimum verbis concipienda sit, Apostolus non expresserit. Convenientissimam esse autem formam ipsam in nostro §. præscriptam, *Per istam sanctam unctionem, & suam piissimam misericordiam, indulgeat tibi Domini quicquid per oisam &c. deliquisti*, vel ex eo probant insignes Theologi, ac rerum ritualium Scriptores, quod exprimitur in illa Sacramentum, cum dicitur, *Per istam sanctam*

unctionem; & id, quod operatur in Sacramento scilicet Divina misericordia, cum dicitur: *Et suam piissimam misericordiam*; & effectus, scilicet remissio peccatorum, cum dicitur: *Indulgeat tibi Domini.* Non autem necesse est, ut in forma hujus Sacramenti corporis sanitas exprimat; factus enim est, quod in forma exprimat effectus principalis; & qui semper inducitur ex Sacramento, nisi sit defectus ex parte recipientis. Talis autem non est corporis sanitas, quamvis quandoque sequatur. Ita S. Thomas in iv. Sententiarum, Distinctione xxii. Questione i. Articulo iv. Quæstioncula III. Cæterum si quis forte objiciat, frustra commemorari in prædictione formæ Divinam misericordiam, quæ in cæterorum Sacramentorum formis minime commemoratur, quorum tamen effectus sunt æque a misericordia Divina, ac est effectus unctionis infirmorum; respondeo plane cum S. Thomas, misericordiam respicere misericordiam; & quia hoc Sacramentum datur in statu miserie, scilicet infirmitatis, ideo potius hic, quam in aliis formis, sit mentio misericordie.

VII. Cur vero hoc Sacramentum præ cæteris omnibus precatoriis habeat formam, varias rationes assertit idem S. Thomas citato loco, Questione II. Articulo iv. Quæstioncula III. Prima est, quia suscipiens hoc Sacramentum, est viribus propriis destitutus, unde indiget orationibus sublevari. Secunda est, quia datur exantibus, qui jam desunt de Foro Ecclesie esse, & in solius Dei manu requiescent, unde & ei per orationem committuntur. Tertia est, quia hoc Sacramentum habet aliquem effectum, qui semper ex operatione Ministrum consequatur, omnibus, quæ sunt de essentia Sacramenti, rite peractis, sicut character in Baptismo, & Confirmatione, & transubstantiatio in Eucharistia, & remissio peccati in Penitentia, existente contritione, quæ est de essentia Sacramenti Penitentia, non autem de essentia hujus Sacramenti; & ideo in hoc Sacramento non potest esse forma indicativi modi, sicut in prædictis Sacramentis. Porro licet standum sit hodie formæ deprecatorie in nostro hoc §. expressæ, & communi Ecclesie praxi probatæ, non puto certa ratione doceri posse, non esse scilicet eam formam modo enunciativam prolatam. Licet enim & ipsum Tridentinum Concilium citato superius loco asserat, formam hujus Sacramenti esse verba illa, *Per istam unctionem &c.* non ita tamen deprecatoriam illam adstruit, ut omnino rejiciat indicativam, quam olim multis in Ecclesiis fuisse usitatam, ostendimus supra. Atque hujus sententia est inter alios Eftius in iv. Sententiarum, Distinctione xxii. §. x. cui quidem suffragatur BENEDICTUS Papa XIV. Lib. viii. De Synodo Diocesana, Cap. II. in fine, ubi sic habet: *Sed utrumque bæ res se habeat, cum nihil de ea ab Ecclesia definitum habeamus, non deest in Synodo, seu Synodali Instructione ejusmodi questionem commemorare; se & duntaxat injungendum est Parochis, ut formam adhibeant in Rituali præscriptam, quæ certe, sine gravi flagitio, non potest privata auctoritate & immutari.*

VIII. Siquis demum hic querat, utrum omnia verba, quæ in forma præscripta leguntur, sint de ejus essentia, respondet jam negative, Juenius in citato Opere, De Sacramentis, Dissertatione vii. Questione iv. Nam primo expref-

pressio quinque sensuum non requiritur absolute, cum ex dictis superius satis sit unica unctio, modo cum forma universaliter conjuncta sit. II. hæc verba, *Per istam sanctam unctionem*, non sunt de necessitate Sacramenti; valet enim Sacramentum etiamsi materia, ex qua constat, in illius forma non exprimitur, idque tunc in Ordinatione, tum in Pœnitentia videre est. Non est pariter necesse, ut exprimat intentio Ministri, sat quippe significatur in ipso actu exteriori, quem exercet, in unctione alimuram, qua delinit infirmum. III. hæc voces, *Per suam piissimam misericordiam*, non requiruntur necessario, cum verbum, *Induigeat*, satis exprimat actum misericordiae, quem Deus exercet in infirmum, qui a Ministro coniungitur. IV. conveniunt omnes, valere Sacramentum absque distincta trium Personarum Sanctissimæ Trinitatis invocatione, seu absque his verbis, *In Nomine Patris, & Filii, & Spiritus Sancti*. Nec mirum, siquidem Extreme Unctio non est Sacramentum Fidei, seu ab

eo, qui eo donatur, non exigitur, ut edat professionem Fidei, quemadmodum fit in Baptismate; ac proinde non est necesse, ut fiat expressa, aut distincta mentio Sanctissimæ Trinitatis, ad quam aliquo modo Symboli Capita reducuntur.

IX. Concludit itaque Iuennius, & ait, hæc sola verba, *Induigeat tibi Deus*, satis esse, ut Sacramentum valeat; significant nempe Sacramenti effectum, causam principalem, à qua producit, itemque personam, seu subiectum, cui remissio peccatorum impenditur. Similia his ante Iuennium docuit Sambovius in Tractatu, *De Sacramento Extreme Unctionis*, Disputatione IV. Articulo III. qui tamen in eo dissentit a Iuennio, quod Sambovius scilicet ad effectum huius Sacramenti pertinere ait integra hæc verba: *Per istam unctionem, induigeat tibi Deus*. Necessaria autem prima illa verba, *Per istam unctionem*, censet Sambovius, ut actus huius Sacramenti exprimat, quem tamen necessarium minime censuit Iuennius.

CAPUT II.

Ordo ministrandi Sacramentum Extreme Unctionis.

§. I.

Sacerdos igitur Sacramentum ministraturus, quatenus fieri poterit, parari curet apud infirmum mensam mappa candida conpositam; itemque vas, in quo sit bombacium, seu quid simile in septem globulos distinctum, ad abstergendas partes inunctas, medullam panis ad detergendos digitos, & aquam ad ablucendas Sacerdotis manus; ceream item candelam, quæ deinde accensa ipsi ungenti lumen præbeat. Denique operam dabit, ut quanta poterit munditia, ac nitore hoc Sacramentum ministraretur.

COMMENTARIUS.

I. Opportuna se nobis præbet occasio in Commentario ad hæc §. de Ministro Sacramenti Extreme Unctionis discutiendi, Sacerdos, inquit, Sacramentum ministraturus. Quod quidem consentaneum est testimonio S. Jacobi Apostoli, qui in Epistola sua Canonica Cap. v. loquens de ipso Extreme Unctionis Sacramento, ait: *Inducat Presbyterus Ecclesie*. Presbyteri nomine non eum, qui inter Fideles acriter provectior est, intelligenda, quemodo hodierni hæretici interpretantur, sed Sacerdotem juxta ritum Ecclesie ordinatum. Atque ita Apostolum intellexerunt, & interpretati sunt Origenes Homilia II. in Leviticum, Innocentius Papa I. in Epistola ad Decentium, Chrysostomus Lib. III. *De Sacerdotio*, alique Patres permulti, itemque Concilium Florentinum, seu Eugenianum Papa IV. in Decreto Armenicum dato, ac postremo Tridentinum Concilium Sessione XIV. *De Sacramento Extreme Unctionis*, Cap. III. ac deinde Canone IV. *Siquis dixerit, Presbyterus Ecclesie, quos Beatus Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed atque seniores in quavis communitate; ob idque proprium Extreme Unctionis Ministrum non esse solum Sacerdotem, anathema sit*.

II. Mirum autem illud videri debet, quod cum Jacobus Apostolus citato loco Presbyteros nominet, dubitatum aliquando fuerit, non Episcopum.

scopi hoc Sacramentum conferre possent, uti addicere licet ex celeberrima Epistola Innocentii Papæ I. ad Decentium Eugubium Episcopum, ubi eam controversiam solvit, sic plane inquit: *Ceteram supersino videmus adjectum, ut de Episcopo ambigatur, quod Presbytero licere non dubium est. Nam idcirco Presbyteros dictum est, quia Episcopi aliis occupationibus impediti, ad omnes languidos ire non possunt. Ceterum si Episcopos, aut potest, aut dignum ducit, aliquem a se visitandum, & benedicere, & ungere Christum, hæc constitutio potest, exiit ipsam Christum conficere*. Eodem modo loquitur Crogandus Metensis Episcopus in Regula Canonico-rum, Cap. LXXI. Et certe Carolus Magnus, teste Monacho Engolismensi, inuictus est ab Episcopis; S. Adalardus ab Hillemanno Bellocensis Præfule, ut scribit S. Gerardus in ejus Vita; Mathildis Imperatrix a Wilhelmo Archiepiscopo Mogantino; S. Ferdinandus Rex Castellæ, & Legionis, ab Episcopis accepta pœnitentia, & gratia ultimus Unctionis, indutus cilicio, & conspersus cinere, legitur apud Toletanum, Lib. VI. Cap. XIV. Pertinere ad ipsos præsertim Episcopos hoc ministerium ministrandi huius Sacramenti infirmo, ubi essent præsentem, docet plane ms. Pontificale insignis Ecclesie Salisburgensis annorum circiter DCC. apud Martene. Lib. I. Cap. VII. Articulo IV. Ordine XII. *Ad visitandum, & ungendum infirmum*, ubi sic legitur:

Si autem aderit Episcopus, ipse officium hoc erit. Atque huc referri potest, quod ait Durandus Lib. 1. Rationalis Divinorum Officiorum, Capite VII. num. 25. quod ab Episcopo semel inauguratus, non debet propter ejus reverentiam ulterius per Presbyterum inaugurari.

III. At vero quod non modo Episcopi, verum etiam Presbyteri, Ministri sint hujus Sacramenti, ex eo periculum est, quia numero plurali Presbyteros ad advocandos esse monet Jacobus, cum secundum sacros, & Apostolicos Canones in una Civitate unicum esse constitit Episcopum; ac rursum ex eo, quod alioqui necesse est, plurimos Fideles hoc Sacramento defraudari, ut omnes eos, ad quos Episcopus, ob loci distantiam, vel aliam quodcumque impedimentum, accedere non possit; uti scite inter alios observavit Eftius in IV. Sententiarum, Distinctione XXXI. §. XI. ubi etiam recte docet, sufficere ad hoc Sacramentum administrandum, unicuique Sacerdotem, quia, etsi multitudinis numero utatur Apostolus, intelligendum est tamen, singulis datam esse hujus ministerii potestatem, sicut liis verbis, *Quorum remiseritis &c.* potestas data est unicuique Sacerdoti peccata remittendi, ac retinendi. Et quae id definitum ab Alexandro Papa III. in Capite, *Quasi* XIV. De verborum significatione, ubi decrevit, ab unico Presbytero inaugurari posse infirmum. Quod & S. Thomas Libro IV. contra Gentes, Cap. LXXIII. confirmat his verbis: *Jacobus dicit: Inducat Presbyteros Ecclesiae; & oratio Fidei sanat infirmum. Si tamen unus solus Presbyter adsit, intelligitur hoc Sacramentum perficere in virtute totius Ecclesiae, cuius Minister exiit, & cuius personam gerit.* Sed de hac re nonnulli etiam infra dicemus in Commentario ad §. sequentem.

IV. Quamvis autem omnis Presbyter ratione Ordinis, hanc habeat potestatem, ejus tamen executio soli conceditur proprio Parocho, qui in infirmum jurisdictionem habet; vel alteri, cui proprius Pastor ejus nuneris exequendi potestatem fecerit. Ita plane docet Tridentini Concilii Catechismus, Parte II. De Extrema Unctionis Sacramento, num. XXV. sic inquit: *Neque tamen ex Sancta Ecclesie Decreto, cuius Sacerdoti, sed proprio Pastori, qui jurisdictionem habeat, hoc alteri, cui ille ejus munus fungendi potestatem fecerit, hoc Sacramentum administrare licet.* Quinimo Religiosi, qui, nulla petita a Parocho venia, Sacramentum Extremae Unctionis administrare praesumunt, praeter gravis culpe reatum, in excommunicationem incidunt Sedi Apostolicae reservatam, uti habetur in Clementina 1. De privilegiis, quam quidem cum tanta severitate post Archidiaconum accepit Navarrus in Manuali Cap. XXV. num. 102. ut asserat, eadem Censura irretiri Regulares Extremam Unctionem ministrantes aegrotos etiam constituto in mortis articulo, cumque Parochus abest. Sed jure ac merito Navarii opinionem resellunt Sotus, Sambovius, Alexander, Jueninus, alique passim insignes Theologi, quos citat, ac sequitur BENEDICTUS Papa XIV. Libro VII. De Synodo Diocesana, Cap. IV. num. VII. Etenim cum Ecclesia, urgente mortis periculo, cui libet Sacerdoti potestatem fecerit absolventi a quibuslibet Censuris, & peccatis, verisimile certe non est, quod culpam Sacerdoti interdixerit, ne in eodem statu, ac vitae discrimine constituto,

cum Parochus abest, administret Extremam Unctionem, quae est perfectio, & complementum Poenitentiae, neque ad sui validitatem requirit in Ministro potestatem jurisdictionis, sicuti Sacramentum Poenitentiae. Quare S. Carolus, etsi Parochorum jura studiose semper tutatus fuerit, nihilominus in Concilio Mediolanensi v. de iis agens, quae pertinent ad Sacramentum Extremae Unctionis, deficiente Parocho, cui libet Sacerdoti integrum esse voluit Sacro Oleo inaugurare infirmum in mortis periculo constitutum, sic inquit: *Ne alius Sacerdos, nisi Parochus hoc Sacramentum ministret. Si porro is impeditur, aut alias in mora est, mortisque periculum instat, tunc Sacerdos alius ministret, licet.*

V. Fufius hoc loco de Ministro Sacramenti Extremae Unctionis differere abstinere, quod de eo iterum dicendum erit in Commentario ad sequentem §. Nequid autem omitam, quod in praesenti §. statuitur, de preparandis in cubiculo infirmi Sacro Oleo mox inaugurandi, concinit hic quidem iis, quae S. Carolus notavit in Concilio Provinciali Mediolanensi IV. & in Instructionibus suis de ipsa Extrema Unctione ministranda: *Cum accersitur, Parochus nempe, prope agrotantis lectum mensam paratam, ubi commodè fieri potest, parari, mappae candida sterui curet, super qua, & vas sit, ubi bombix, seu stappa ad abstergendam unctionem, micaque panis ad abstergendum digitorum preparata, & vas alterum aquae ad manus lavandas, & candela cerea item parva. Quae in mensa vas Sacri Olei a parte lecto viciniore ponatur; a latere autem homine ne manu teneatur.* Optandum plane esset, ut nonnulla saltem ex iis, quae preparari in cubiculo infirmi debent, a Parocho deferantur, tum quod difficile sit ea in pauperum domibus invenire, tum ut occasio avaritiae Parochis quibusdam tollatur, qui vasa ipsa, in quibus bombardum posuimus, sinit, & manus lavit, ac manutergium, quod illas abstergit, non sine Fidelium scandalo ad se pertinere contendunt. Quorundam Sacerdotum avaritiam, turpemque mercedis exactionem in ministranda Extrema Unctione, causam fuisse, quod olim permulti morientes Sacro Oleo inaugurari nollent, & sine hoc Sacramento decederent, in superioribus Commentariis diximus, dicemusque mox iterum in Commentario sequenti.

VI. Sed tandem ut paulo fufius quae paranda sunt in cubiculo infirmi, explicemus, quod ait hic §. de septem globulis bombacis, seu stopae, ut alia Ritualia, ac Synodi ajunt, intelligitur, ubi vir esset inaugurandus in rebus, nam alias sex sufficerent, quorum quisque pro utroque pari membro intervrat, seu organo laevo & dextero enim globulo abstergendi sunt ambo oculi, eoque reposito in vase, globulus alter affumendus. Atque hinc est, quod Ritale vetus Ecclesiae Catalaunensis annorum circiter CCC. apud Martene Lib. 1. Cap. VII. Articulo IV. Ordine XXVII. parandos ait *septem bolianos stopae, canapis ad modum magnae nucis inter duas fenestellas positos.* Aqua pariter ex nostro §. parari debet cum vase, medulla panis, ac manutergium; peracta enim Sacra Unctione, debet Sacerdos manus lavare juxta ritum in variis Ritualibus praescriptum, ac praesertim a S. Carolo in Actis Ecclesiae Mediolanensis, ubi Ordinem ministrandi hoc Sacramentum recenset, sic inter alia inquit: *Postea Parochus digitum pollicem, quo*

auxit, medulla panis bene fricat, & aqua abluit in vase supradicto, tum manutergio abstergit, ablationis vero aquam cum micis refert in Sacrum. Candelam tandem, & quidem ceream, esse debet in promptu, licet die administretur hoc Sacramentum; adhibendum est enim lumen non modo ad Sacramenti dignitatem, verum etiam ut Sacerdos bene discernat partes intusculas, quas cum prædictis bombæci, seu stupæ globulis abstergat; unumquodque scilicet par membrum, cum unico globulo peculiari, ut superius dixi-

mus, & ut Rituales permulti Codices, ac Synodi præscribunt, inter quas Salernitana anni MDLXXIX. Tit. xxxii. Cap. vi. sic ait: Eadem vero stipula, seu bombæci singula loca non augantur, sed in qualibet membrorum specie mutetur. Ceterum, ut in administranda Extrema Unctione, ad dignitatem scilicet sacræ actionis, accendantur septem candelæ ad minus, quæ ardeant per totum Officium, statuit quidem prædictum Rituale Catalaunense, itemque alia, quæ non oportet hic recensere.

§. II.

Deinde convocatis Clericis, seu Ministris, vel saltem uno Clerico, qui Crucem sine hasta, aquam benedictam cum Asperforio, & Librum Ritualem deferat, ipse Parochus decenter accipit vas Sacri Olei infirmorum sacculo serico violacæ coloris inclusum, illudque caute deservit, ne effundi possit. Quod si longius iter peragendum, aut etiam equitandum sit, vel alias adsit periculum effusionis, vas Olei sacculo, aut bursa inclusum, ut dictum est, ad collum appendat, ut commodius, & securius perferat, Procedat autem sine sonitu Campanulæ.

COMMENTARIUS.

Quam S. Apostolus Jacobus Sacramenti Extremæ Unctionis a Christo Domino institutum promulgatur in Epistola sua Canonica, Cap. v. Presbyteros ad ungendum infirmum induendos esse asserat, non simplicem, unicuique Sacerdotem, antiqua apud Græcos hæc tunc consuetudo intemerata servatur, ut a pluribus, idest, a septem Presbyteris inungantur infirmi, ut ex variis testimoniis probat Martene Lib. 1. *De antiquis Ecclesiæ ritibus*, Cap. vii. Articulo III. Num. II. Plures quoque Sacerdotes fuisse olim in Ecclesiâ Latinâ adhibitos, ex pervetustis Ritualibus constat collectis a Menardo in Notis ad Sacramentarium S. Gregorii Papæ, & a Martene Lib. 1. *De antiquis Ecclesiæ ritibus*, Cap. vii. Articulo iv. ubi Ordo 1. ex ms. Pontificali Anglicano Monasterii Gemeticensis, annorum circiter mille, non modo Sacerdotum meminit, verum etiam solemnem processionem, & apparatus in administranda Extrema Unctione: *Domini invitati Sacerdotes ad infirmum fuerint, visitandi, unguendique causa, qui eorum ad illud officium digni jure censetur, induat se Superbumerali, Alba, & Stola, cum Pbonne, atque Planeta, si affuerit; sin alias, Casula non induat. Diaconus vero, qui Evangelii Textum ferat, & Oleum infirmorum; & Ceroferarii secundum ordinem suum se induant. Unus Ceroferariorum dextra ceream, lava thuribulum enim inuensa. Sic induti eum domum, in qua infirmus jacet, intrare voluerint, Sacerdos leuæ Codicem, quo usus Unctionis orationes habent, teneat; dextra se signo Dominicæ Cræcis muniat, quatenus eum signa humilitate, & timore Dei, quod inciperit, perficere valeat.*

II. Sed ut de ritu dicamus factum olim a pluribus Presbyteris Extremæ Unctionis, præter Ritualia, quæ ritum ipsum communis usu receptum fuisse probant, eundem confirmant plura Sanctorum Acta. Acta S. Chrotildis Reginae de ea quidem testantur, quod *trigesimo die vocatis, nix sua fecundum Apostolum inuente a Sacerdotibus Oleo Sancto, & Sacri Corporis, & Sanguini-*

us Christi percepto Viatico, in confessione Sanctæ Trinitatis Corpus exiit. Acta S. Hunegundis ajunt, quod *conversa ad eos, qui affidebant sibi, Presbyteros, Unctionis Oleum, & Communionem expetit.* Eodem modo loquuntur Acta S. Hildegundis, Virginis apud Bollandum xx. Aprilis. Hinc etiam Valdenses hæretici hoc reprobant Sacramentum *propter plures Sacerdotes ibi necessarios, ut notat Martene citato loco, Articulo III. num. III.* Cæterum ut idem Auctor ex variis antiquis Ritualibus docet in sequenti num. iv. ex ipsis Sacerdotibus, qui Extremæ Unctioni infirmi aderant, aliquando unus applicabat Oleum, altero verba formæ pronunciantes; aliquando singuli omnes corporis partes ungebant, & unguendo formam pronuntiabant; aliquando singuli singulas partes, hoc est, unam, alter alteram, perungebant. Atque hic audire præstat Concilium Provinciale vi. Beneventanum anni MOCCLXXIV. Tit. viii. Capite 111. ubi sic inter alia inquit: *Debent in collatione hujus Sacramenti plures esse Sacerdotes, si potest commodè fieri; & non debet unus innungere, & alius Orationem infundere, ne fiat divisio Sacramenti, sed uno innungente, & orante, alii postea statim orant; vel uno innungente, & orante, possit quilibet innungere, & orare.*

III. Neque vero ad inungendum solum, verum etiam ad alios peragendos ritus Sacerdotes ipsi adhibebantur, præstabant enim idem morienti infirmo varia alia pietatis opera, quæ longum esset hic recensere. Porro notandum, quod in Ordinario Cassinensi præferuntur, quodque observavit Menardus in Notis ad Sacramentarium S. Gregorii pag. 331. ut nimirum, antequam ungeretur infirmus, adstantes Sacerdotes eidem manus imponerent; de quo etiam ritu loquitur Martene Lib. v. *De antiquis Monachorum ritibus*, Cap. viii. num. 3. ubi ex antiquo Breviario Cassinensi orationem describit, quam in ea manu impositione præferebat super infirmum Sacerdotes pronuntiabant. Consequenter etiam Sacerdotes ipsos adstantes omnes infirmum

agros.

agrotum Extremam Unctionem sumpturum, facta prius ab eo generali Confessione, absolvere in forma communal, additum plane, ut alia omittant, ex Breviario Congregationis Vallisotetanæ impresso anno MDC.

IV. Quamquam vero multi adhiberentur Sacerdotes in administranda Extrema Unctione, recte tamen observat laudatus Martene, Lib. 1. *De antiquis Ecclesie ritibus*, Cap. vii. Articulus 111. num. v. hanc ipsam Ecclesie Latine consuetudinem, non fuisse firmam, constantem, & universalem, cum ex aliis æque antiquis monumentis ab eodem productis constet, sæpius infirmos ab unico Sacerdote inunctos. Nam Artemium febre correptum ab unico S. Nepotiano existatum, atque Olo Sancto perunctum, narrat S. Gregorius Turonensis Lib. 1. *Historia*, Capite xii. & S. Eugendum ab uno de Fratribus pariter inunctum, legitur in ejus Vita apud Bollandum die 1. Januarii. Hic vero ritus sacre unctionis ab unico recipienda Sacerdote, a paucis tunc, nec fortasse extra casum necessitatis usurpatus, ut censet BENEDICTUS Papa XIV. Lib. viii. *De Synodo Diocesana*, Cap. iv. num. v. a deo postea in Ecclesia Latina invaluit, ut Theologi Scholastici cum Suarez Tomo iv. In 111. Partem, Disputatione xlii. Sectione II. in fine, & Cardinali de Laurea li. iv. Sententiarum, Tomo 111. Disputatione xi. Articulus ix. num. 114. illicitum nunc reputent, secunda necessitate, ejusmodi Sacramentum a pluribus simul administrari, quoniam nemini integrum est in Sacramentis administrandis a norma recedere in Rituali præscripta. Si autem plures simul Sacerdotes re ipsa Sacramentum hoc conficiant, nemo ambigit, illud esse ratum, modo singuli diversos inungant infirmi sensus, & quilibet congruentem inuncto sensui formam pronunciet, quemadmodum iidem memorati Auctores scite animadvertunt.

V. At vero etiam spectata hodierna Ecclesie disciplina, ut sapientissime docet laudatus Pontifex BENEDICTUS XIV. loco citato, nendum licitum, sed valde laudabile est, ut uni Sacramentum administranti alii plures assistant Sacerdotes, ob rationem, quam adducit S. Thomas, Lib. iv. contra Gentes, Cap. lxxiii. ubi ait: *Quia hoc Sacramentum perficitur orationis effectum habet, & in eo requiritur copia gratiæ, competit huic Sacramento, quod multi Sacerdotes intersint, & quod oratio totius Ecclesie ad effectum hujus Sacramenti adjuvet.* Hinc merito S. Carolus in Concilio Provinciali Mediolanensi iv. ubi agit de Sacramento Extremæ Unctionis statuit, ut id Extremæ Unctionis Sacramentum ministraturus, quod commode potest, Presbyteros, & Clericos adhibere studeat, Superpelliceo indutus, qui ipsum & ministrantem & precantem, pietatis, orationisque studio in eo ministerio adjuvet. Atque hæc est certe ratio, cur hic noster q. convocandos etiam dicat numero plurali Clericos, seu Ministros, qui in ea Extremæ Unctionis administratione Parocho assistant. Sane si plures Sacerdotes interesse nequeant, alios arceffendos probos viros, qui commode haberi valeant, ob eandem rationem adnotavit Cardinalis Sanctioris in suo Rituali pag. 324. sic inquires: *Sacerdos, a quo commode fieri potest, ut in Ecclesiis Collegiatis, plures secum adhibeat Presbyteros, cum angit infirmum. In aliis vero*

Ecclesiis, saltem uno Clerico presente, aut aliis pluribus Scholariis, vel Confratribus Ecclesie.

VI. Si porro causam investigemus, cur Ecclesia Latina, quamvis etiamnum plures adesse cupiat, per unicum tamen Sacerdotem velit Sacramentum administrari, jam nos superius diximus, factum id esse ad coercendam quorundam Sacerdotum avaritiam, id quod etiam notavit BENEDICTUS Papa XIV. loco citato, num. vi. Cum plures, inquit, simul Sacerdotes ad infirmum inungendam advocabantur, quilibet per sua opera baud exiguum exposcebat mercedem, cui solvenda cum pauperum vires non sufficerent, si sine Extrema Unctione decederent, quomobrem hæretici Valdenses, seu Pampers de Lugduno, uti notat Reimerus Ordinis Predicatorum in Opere contra eosdem circa annum 1254. exarato, inter ceteras falsas rationes, propter quas Sacramentum Extremæ Unctionis reprobabant, hæc etiam adducebant, quia tantum divitiis datur. Curaverant sane Ecclesiarum Prasules prædictam turpem Sacerdotum avaritiam reprimere, severisque sanctionibus interdixerant pro Sacramentali Unctione quidquam exigere; quod potissimum statutum reperimus ab Odone Episcopo Parisiensi Capite viii. suarum Constitutionum, atque in Synodis, Audegavensi anni 1283. Remensi, & Trecenti habitis initio sæculi xv. Verum cum hæc repagula baud sufficientia compta sunt ad compescendam Sacerdotum petulantiam, visum est deliberandum, ut deinceps Extrema Unctio, nulla petita mercede, a solo conferretur agrotantis Parocho. Solum proprium Parochum, esse Ordinarium hujus Sacramenti Ministrum, & non nisi eo abente, vel eo mandante, posse alium quemvis Sacerdotem Sacramentum ipsum administrare, jam diximus nos in Commentario superiori.

VII. Itaque ex dictis hæcenus constat, quod quamvis plures olim adhiberentur Sacerdotes in administranda Extrema Unctione, unus tamen satis est ad eam rite, recteque administrandam, etiam si nec ei ullus adesset Clericus, ministerve; uti expresse declaravit Concilium Provinciale vi. Beneventanum loco citato: *Sacerdos, inquit, etiam solus cum Clerico suo, vel uno laico litterato, hoc Sacramentum poterit conferre, si non possunt Sacerdotes alii adhiberi. Et si nullum possit secum habere, tunc in necessitate Sacerdos solus potest ipsomet totum Officium expleve, & sibi respondere.* Quod quidem consentaneum est Decretali Epistolæ Alexandri Papæ III. qui consultus ab Episcopo Carnotensi, utrum Sacerdos unico Clerico tantum presente infirmum debeat inungere, uti legitur apud Antonium Augustinum in prima Decretalium Collectione Libro v. Tit. xxvi. Cap. ix. ita respondit: *Sacerdos, unico presente Clerico, & etiam solus infirmum ungere potest.* Legitur Fragmentum Epistolæ continens Responsum Pontificis in Capite, præfixo, xiv. De verborum significatione. Nec mirum videri debet; nam, ut recte docet S. Thomas citato Lib. iv. contra Gentes, Cap. lxxiii. si unus solus Presbyter adsit, intelligitur hoc Sacramentum perficere in virtute totius Ecclesie, ejus minister existit, & ejus persona gerit.

VIII. Sed his tandem abunde explicatis, devenio ad nostrum q. ubi edicetur, ut Parochus, si nimirum id & commode fieri potest, ministraturus Sacramentum Unctionem, utatur saltem

nno Clerico, qui Cracem sine balsa, Aquam benedictam cum Asperforio, & Librum Ritualem deferat. Idem plane mandat S. Carolus tum alibi, tum vero in Instructionibus de Sacramento Extremæ Unctionis, ubi sic inter alia inquit: *Clericus indatus Saperpellico, vas feret aqua benedicta cum Asperforio, & Librum hunc Sacramentalem.* Et mox: *Curabit etiam Crucifixi parvam laciniam offerri, si forte ea egroto desit.* Sed attendendus est noster §. qui nulla facta limitatione, absolute mandat deferri a Clerico Cracem sine balsa. Esse hunc antiquum ritum, ut Crux ad inungendum ægrotum deferretur, ex variis Ritualibus constat, in quibus non modo ea Crucis delatio præscribitur, verum etiam, ut ipsa Crux una cum Sacro Evangelii Codice ante unctionem deosculanda infirmo præbeatur, ac post unctionem coram eo relinquatur. Ita plane statuunt inter alios Rituales Codices Pontificalis Codex insignis Ecclesiæ Apamensis in Syria annorum circiter D. & vetus Codex Ritualis insignis Ecclesiæ Catalaunensis apud laudatum Martene Article IV. Ordine xx. & xxvii. Pro hac Cruce, quæ deferatur ad infirmos occasione Extremæ Unctionis, non erat in Diocesi Senogallienensi, ut Parochi præterea quendam sudarium, seu velum, & quatenus huiusmodi sudarium non placeret, exigenter Julium unum. Quæ consuetudo discussa in Sacra Congregatione Concilii die xxiv. Maji MDCCX. proposito Dubio, *An debeatur velum, seu illius pretium in administratione Olei Sancti in casu &c.* Responsum fuit, *Negative*, neque etiam a sponte dantis posse recipi per allegata ab Urfaya Tomo II. Disputationum Ecclesiasticarum Parte II. Disputatione xxviii. num. 42.

IX. Esse præterea antiquum ritum, ut aqua benedicta ad ipsum ægrotum inungendum portaretur, docet nos Pontificalis Anglicanum Monasterii Gemmeticeus, aliisque permulti antiqui Codices Ritualæ, in quorum tamen non paucis præscriptum legitur, ut *in primis faceret Sacerdos aquam benedictam extra domum, infirmi scilicet, quæ ea erat primum aspergenda.* Sic enim mandant inter alia duo antiqui Sacramentorum Libri Turonenses annorum circiter CM. apud eundem Martene. Ordine 111. & 19. Quod vero spectat Librum Ritualem, quem ex præscripto nostri huius §. deferre Clericus debet, præscriptum id quoque jam fuit in variis Synodis, ac Ritualibus antiquis, præsertim vero in præcis Constitutionibus Odonis Episcopi Parisiensis, Cap. viii. num. 19. ubi sic inquit: *Librum, qui dicitur Manualis, habeant Sacerdotes Parochiales, ubi continetur Ordo servitii Extremæ Unctionis, Catechismi, Baptismi, & huiusmodi.* Ceterum deferendum quoque esse cereum lumen in delatione Olei Sancti ad infirmum, licet nulla huius ritus in nostro §. mentio fiat, præstebunt quidem antiqui Rituales, Pontificalesque Codices, ac potissimum laudatus supra Anglicanus, quibus inhaerens S. Carolus, in suis Instructionibus, Paracho inter alia mandat, ut curet afferri *cereum laterna inclusum, idque per Clericum, si adsit.* Subditque mox quod & alias idem noster §. moec, ut scilicet *tinianabulum non adhibeatur.*

X. Porro, ut populus sciat, Sacro Oleo non deheri cum cultum adorationis, qui Eucharistia exhibetur, moec iccirco Synodi, oti

& Ritualia, ut dum Sacrum Oleum solum deferatur, Clericus Sacerdotem præcedat, sed sine campanula, sive nola, tintinnabulove, cuius sonitu populus ad adorationem Eucharistia excitari, & moveri solet. Quia & Synodus Namurensis anni MDCCXXXIX. Tit. xiv. Cap. 1. vult quidem, ut *Parochum Sacrum Oleum infirmorum ad ægrotos deferentem Matricularius detello capite comitetur.* Sed addit: *Non tamen lumen, aut nolan sonantem præferat, nisi simul deferatur Sacrilissimum Sacramentum Eucharistia.* At vero quod de vetita luminis gestatione ante Sacrum Oleum in Synodo ipsa decernitur, hodie nequaquam observari, notavit Vancspen, Parte II. *Juris Ecclesiastici universi*, Tit. viii. Capite 111. num. xviii. immoque in pserique Synodis, & Ritualibus expresse decerni, ut lumen ipsum præferatur. Licet autem ob rationem superius expressam in delatione Sacri Olei ad infirmum Capsulam deferri, ac pulsari vetetur, teste eodem Vancspen num. xix. moent Synodi, ac præsertim Provincialis II. Cameracensis, Tit. xii. Cap. 1. ut cum Sacrum Oleum ad infirmum deferendum est, *Capsula aliqua possit per Parochum, cuius sono omnes intelligant, deferendum Extrema Unctionis Sacramentum, monenturque Fideles, ut hoc signo dato, se ad Ecclesiam conferant, & Sacerdoti se juncant, pro salute agri cum eodem deprecantur; & ad hoc opus eharitatis, etiam propositis Indulgentiis, ubi expedire iudicaverit Episcopus, involentur; ceteri vero, quibus non vacat, erigant saltem animum in Cælum, & pro salute decumbentis aliquam orationem offerant Deo; extrema enim hoc necessitate, Fidelium precibus agri maxime indigent, & ipsam maximam juvantur.*

XI. Sed ut de Paracho ipso administratur hoc Sacramentum nunc disseramus, ex præscripto quidem nostri §. ipse *Parochus decenter accipit vas Sacri Olei infirmorum sacculo serico violacei coloris inclusum, illudque caute desert, ne effundi possit.* Quamquam nihil deest hic noster §. de vetitibus, quibus tunc indutus esse Parochus debebat, cum ad Sacramentum ipsum Extremæ Unctionis administrandum accedit, conveniunt tamen Rituales passim Codices recentiores, ac Synodi cum Concilio Provinciali Mediolanensi IV. Sancti Caroli, in quo edicitur, ut *accedat illud ministraturus Stola, & Saperpellico indatus.* Idem legitur in ejusdem S. Caroli Instructionibus, ex quibus etiam addicimus Stolum debere esse violacei coloris: *Indatus Saperpellico, & Stola violacea, accipit vas Olei Sancti.* Decenter vas ipsum sacculo serico violacei itidem coloris inclusum, cauteque deferendum, ne effundi possit, recte admonet hic noster §. idemque passim Rituales Codices mandant, quoa longo agmine assert Martene citato Article IV. Sed notandum, quod ait in memorato Concilio IV. S. Caroli: *Vas Sacri Olei ne finit, breviter comprehensum, sed sacculo serico apte inclusum, cordula serica a collo pendens, pie reverenter ferat.* Hunc quidem ritum statuit noster §. ut si longius iter peragendum, aut etiam equitandum sit, vel alias adsit periculum effusiois, *vas Olei sacculo, aut bursa inclusum, ut ditulum est, ad collum appendat, ac commodius, & securius perferat.* Verum ex alia multis Ritualium, Synodorumque testimoniis addicimus deferendum semper vas collo Sacerdotis appensum.

§. III.

Cum perventum fuerit ad locum, ubi jacet infirmus, Sacerdos intrans cubiculum dicit :
Pax huic domui. R. Et omnibus habitantibus in ea.

§. IV.

Deinde deposito Oleo super mensam, Superpelliceo, Stolaque violacea indutus, ægroto Crucem deosculandam porrigit; mox in modum Crucis cum aqua benedicta, & cubiculum, & circumstantes aspergit, dicens Antiphonam, *Asperges &c.* Quod si ægrotus voluerit confiteri, audiat illum, & absolvat. Deinde piis verbis illum consolatur, & de hujus Sacramenti vi, atque efficacia, si tempus ferat, breviter admoneat, & quantum opus sit, ejus animum confirmet, & in spem erigat vitæ æternæ.

COMMENTARIUS.

I. **C**onveniunt omnes in eum ritum perventus, recentioresque Libri Rituales, ut, cum perventum fuerit ad locum, ubi jacet infirmus, Sacerdos intrans cubiculum dicat: *Pax huic domui*, aspergatque cum aqua benedicta infirmum, circumstantesque. Ecce hic quod de hac re præscribit ms. Pontificale Anglicanum Monasterii Gemmeticensis annorum circiter mille: *Intrando, istam Antiphonam dicat: Pax huic domui, & omnibus habitantibus in ea. Pax ingredientibus, & egredientibus. Oratio, quam Sacerdos, cum intra januam fuerit, dicere debet: Omnipotens sempiterne Deus, quæsumus immensam pietatem tuam, ut ad introitum humilitatis nostræ, hunc famulum tuum hoc in habitaculo scilicet salutifere visitare digneris; & sicut visitasti Tobiam, & Saram, socrumque Petri, necnon & puerum Centurionis, ita & iste, pristina sanitate animæ, corporisque recepta, a te visitatus, gratiarum tibi in Ecclesia tua referat actionem. Per. Deinde vero propædient, undique versus, aquam benedictam aspergendo, atque Antiphonam, Asperges me Domine yfopo, decantando, ad lectum ægroti, non tumida mentis austeritate, verum cum cuncti mansuetudinis indulgentia accedere satagat.* Una cum asperzione aque benedictæ adhibitam fuisse incensationem, docet nos ms. Pontificale Prudentii Episcopi, qui ante annos CM. Trecentem regebat Ecclesiam: *Cum ingreditur, inquit, Sacerdos ad visitandum infirmum, primum dicat, Pax huic domui III. Et resp. Et cum spiritu tuo. Deinde Antiph. Benedic, Domine, domum istam; & aspergat aqua benedicta cum odore incensi.* Memini quoque & hujus ritus, ut alios omittam, ms. Codex insignis Ecclesiæ B. Mariæ Remensis ejusdem ætatis. Ad eumque respexit memoratum Pontificale Anglicanum, ubi in ipsa Olei Sancti ad infirmum delatione præscripti inter alia deferri incensum.

II. Illud vero ex antiquo Libro Sacramentorum insignis Ecclesiæ S. Gatiiani Turonensis annorum circiter CM. cautum est, ut in primis faciant Sacerdotes aquam benedictam extra domum; & cum ingressi fuerint domum, dicant primum, *Pax huic domui; & tunc incipiant Antiphonam, Asperges me Domine; & aspergatur aqua super infirmum, vel super domum ejus cum yfopo, Misere mei Deus* i. Sequitur benedictio domus, aliæque deinde orationes. Similia

præscribunt & alii Libri Rituales, quos longo ægmine assert Martene Lib. 1. Cap. VII. Articulo IV. Ex aliis Codicibus, & quidem antiquis, qualis est ille insignis Ecclesiæ Noviomensis annorum circiter CM. præscriptum est, ut, cum venerit Sacerdos ante ostium, faciat signum Crucis, & sic ingreditur. Mandat mox, ut dicat, *Pax huic domui, una cum Antiphona, Benedic, Domine, domum istam &c.* Psalmo, *Ecce quam bonum, & Oratione, Introcat Domine domum, hanc &c.* que habetur infra in sequenti nostro §. Sequitur deinde asperio cum aqua benedicta, itemque varæ Preces, Litaniæ, & Orationes, quas longum esset hoc loco describere, quasque videre licet apud eundem laudatum Martene loco supra citato.

III. Dicto, *Pax huic domui*, quod quidem juxta complures antiquos Rituales Codices ter pronuntiabatur, ex præscripto nostri §. IV. Sacerdos, deposito Oleo super mensam, Superpelliceo, Stolaque violacea indutus, ægroto Crucem deosculandam porrigit. Fateor quidem, quod alias observavit Burrusaldus, ex verbis nostri hujus §. clare demonstrari, Sacerdotem generatim loquendo, non teneri esse indutum Superpelliceo & Stola, cum deferat hoc Sacramentum, sed tunc primum illa induere, cum ingressus infirmi cubiculum, dixit, *Pax huic domui*, & posuit vas sacri Olei super mensa. Optimam vocat hanc nostri §. institutionem Burrusaldus, neque enim laudabile putat, quod Parochus ex improviso appareat coram infirmo sacris vestibus indutus; quia scilicet, accessus hoc modo solius, plures infirmos deterruit, & ad mortem pene duxit, ob subitam conceptum timorem morientis. Sed puto equidem, laudabilius esse, quod Sacre Synodi Ritualesque antiqui Codices, recentioresque, præscribunt, ac præsertim S. Carolus, tum in Conciliis, tum in Instructionibus de Extrema Unctione, ut Sacerdos ab Ecclesia procedat indutus Superpelliceo, & Stola, præcedente Clerico cum parva Cruce, aqua benedicta, & cereo lumine laterna incluso. Quibus inhærens Salernitana Synodus anni MDLXXIX. Tit. XXXII. Cap. VIII. de hoc Sacramento loquens, sic ait: *Cum ad infirmos deferatur, sit Parochus Superpelliceo, & Stola indutus, cum Clerico, & lumine.* Quod quidem optime institutum est, reverenter enim deferri debet, & non jam cum communi veste, sed illa, quam cujusque Diæceseos Synodi,

di, Ritualesque probati Codices præscribunt. Ceterum nec noster §. tunc primum mandat indui a Parocho Superpelliceam, & Stolum, cum possit vas sacri Olei super mensam, sed potius supponit, jam esse indutum.

IV. Quidquid autem de ea re sit, quod noster §. iv. præscribit, ut *Parochus agro Crancem pie deosculandam porrigat, statutum quoque antiquum sicut in variis Ritualibus, sed tamen ut plurimum post peractam unctionem, & sumptam Eucharistiam Communionem*; sic enim ex ms. Rituali Monasterii B. Mariz de Pontelevio annorum circiter DC. cautum est, ut Sacerdos accipiat Crucem, & dicat: *Eccc Vultum Salvatoris, qui te sui Sanguinis pretio pendens in Cruce redemit. Alora, & ofensa*; adorataque Cruce, faciebat infirmus Confessionem. At vero ex ms. Codice ad usum Ecclesiæ S. Mariz Magdalenzæ prope Cenomanos, annorum circiter CD. post varias orationes, Sacerdos jubetur, ut *deinde accipiat Crancem, in qua debet esse Imago Christi depicta, & Imago gloriosæ Virginis Mariæ, & signet ex ea infirmum signo sanctæ Crucis, dicendo*: Benedicite. B. Dominus, Benedictio Dei Patris omnipotentis, & Filii, & Spiritus Sancti descendat super hunc infirmum, & maneat semper, Amen. *Sacerdos præstet Crancem infirmo, utique deosculandam, & loquatur ei representando memoriam Passionis Christi Domini nostri, & quakter passus est pro eo, & pro salute totius mundi*. Porro invaluit apud Monachos ritus, ut, siue ante, siue post datam Fratrisque omnibus osculum, Crux etiam osculanda, & adoranda infirmis præberetur, ut patet ex Consuetudinibus Cluniacensium, Collectaneo S. Petri supra Divam, Breviario S. Germani a Pratis, & ex Vita S. Odilonis Abbatis Cluniacensis. Sic etenim. Auctor ejusdem Josafidis, Cap. xv. sanctissimum illius obitum describens, ait: *Secundum Apostolicam sententiam Oratio Fidei super eum celebratur, Mysterium visibili Corporis, & Sanguinis sumitur, Pax Fratribus præbatur, & ad ultimum illa salutaris Crux nostra redemptionis, & huius Domini nostri ad adorandum præstatur*. Hanc Crucem Petrus Venerabilis Abbas Cluniacensis, ut in ejusdem Statutis legitur, Cap. ix. volebat esse auream, vel argenteam, sed tantum ligneam.

V. Osculata Cruce, Sacerdos, ut ait hic noster §. mox in modum Crancis cum aqua benedicta, & cubiculum, & circumstantes aspergit, dicens *Autiphonam*, Asperges me &c. Legitur hæc aspergio in omnibus vel antiquissimis Ritualibus Libris, uti superius ostensum fuit. Ergo, facta aspergione, mandat & illud quidem noster §. ut Sacerdos, *si agrotus voluerit confiteri, audiat illum, & absolvat*. Quoniam nihil Sacramenti gratiam magis impedit, quam mortiferi alicujus peccati conscientia, iccirco in eo ministrando id potissimum Rituales Codices pervertit, rectorque, ac præterea sacre Synodi jusserunt, ut, si fieri potest, infirmus non ante inungatur, quam peccata confessus sit, ac præterea sacram Eucharistiam sumperit. Constat id quidem non modo ex Catechismo Tridentini Concilii, Parte II. De Extrema Unctionis Sacramento, verum etiam ex variis Ritualibus. Librique Sacramentorum a Martene productis loco citato, præsertim vero ex Ponticali Anglicano a nobis superius memorato, cujus locum, quod alios ritus scitu

dignos, ac in aliis multis Ritualibus præscriptos contineat, lubet describere: *Tunc Sacerdos, post factam scilicet aspergionem, & Orationes recitatas, flexis genibus ante agrotum inclinat, dicens ei*: Ut quid nos vocasti Frater? *Infirmus dicat*: Ut unctionem mihi tradere dignemini. *Sacerdos tunc cum compendio, cum omni lenitate Divinis instruat Dogmatibus, si spiritualis est, dicens ei*: Prius te ad puram præparas Confessionem, de cætero sanctam accipies unctionem. *Si secularis est, dicat ei*: Tunc prius dispone domui, & siquid intra tui cordis conscientiam habere censes contra quempiam, indulgentem remitte, quatenus, opulante Summi Tonantis clementia, per hanc valeas unctionem, tuorum percipere peccaminum abolitionem. *Deinde Sacerdos hanc dicat Orationem*: Oremus, Fratres dilectissimi Domini nostri Jesum Christum cum omni intenta supplicatione, ut hunc famulum visitare, & confortare in puram dignetur Confessionem. Qui vivit. *Tunc ejus accipiet Confessionem. Et si canit voluerit dimittere, sanctam ei humiliter tradat unctionem. Quod si noluerit, sacramento cum Christum omino non tangat, quia in Evangelio legitur*. Si non dimiseritis hominibus peccata eorum, nec Pater vester cælestis dimittet vobis peccata vestra.

VI. Premittendum Extremæ Unctionis Sacramentalem Confessionem, jam & alii passim Rituales Codices jubent, inter quos Liber Sacramentorum Monasterii Mofacenensis annorum circiter CML. ita loquitur: *Antequam unguatur infirmus, omnimodis Deo & Sacerdoti confiteatur peccata sua, quia nullus nisi per veram confessionem nequaquam proficit ad peccatorum emendationem*. Similia habet Codex Pontificalis Ecclesiæ Salisburgensis annorum circiter DCC. in Ordine ad unguendum infirmum, sic dicens: *Antequam unguatur infirmus, confiteatur omnimodis Deo & Sacerdoti suo pariter omnia peccata sua, & reconciliationem ab eo percipiat plenam; ut ulceribus visiorum per confessionem purius adaperitis, dignitas proficiat ei nullio spiritualis, mendo negotiorum patredinem interius latitatem*. Affertur ad hoc comprobandum permultæ Synodi possent, quibus tamen omisiss, notandum hic illud censeo, quod, si morbi vis ita impedit agrotum, ut confiteri non possit, eum Presbyter excitare debet, ut verum suorum peccatorum dolorem concipiat, eorumque remissionem ita percipere mereatur. Quod si nulla possit iudicia penitentis præbere, siue quia in phrenesim incidit, aut alio quovis modo vi morbi oppressus est, eo tamen Sacramento illum Parochus privare non debet, si probabiliter judicet, siue ex bona agroti vita, siue ex præcedenti desiderio recipiendi Sacramenta, agrotum hoc Sacramentum petiturum, si possit; quoniam, ut ait S. Augustinus in Libro, *De adulteriis conjugatis*, Capite ultimo, multo satius est nolenti dare, quam volenti negare, ubi vellet, an nolit, non apparet; attamen credibilis est, eum, si posset, velle se potius dixerum fuisse. Licet autem infirmus ipse Sacro Oleo unguendus confessus fuerit, eum adhuc Parochus excitare debet ad magnum de peccatis suis concipiendum dolorem, præsertim vero de illis, quæ malo sensum usu commisit, quibus applicari unctiones debent.

VII. Denique mandat noster §. ut Sacerdos ante unctionem, *piis verbis illum confortetur, &*

de hujus Sacramenti vi, atque efficacia, si tempus feret, breviter admoveat, & quantum opus sit, ejus animum confirmet, & in spem erigat vite æternæ. Idem sane mandant Sacra Synodi, Codicesque Rituales, quibus inhærens S. Carolus in Instructionibus suis, ubi de diligentia agit in ipso Sacramento ministrando, sic inquit: *Ad quod etiam Sacramentum percipiendum, quo magis Fideles accendant, ejus fructus, atque utilitates aliquando, prout opportunum esse viderit, accurate explicabit; idemque unicuique infirmo cum ministrat, præstare non omittet, quantum sane tunc per temporis angustiam, morbiq; vexationem potest. Optandum plane esset, ut Parochi in Catechismis, & in concionibus suis, quos habere debent ad populum, Sacramentorum virtutem, ritusq; exponerent, ac nominatim Sacramenti Extreme Unctionis, ne Fideles postea cum in periculo mortis constituti, Sacerdo Oleo unguendi sunt, horrorem ex ea unctione conciperent. Sed si ve id præstatum fuerit, si ve omisum, quo diligentius item infirmum præpa-*

ret Parochus, præter alia, quæ ei de vi, salutari bulque fructibus hujus Sacramenti, ut supra dictum est, diligenter exponet, hoc etiam persuadebit, ut ea fide se unguendum præbeat, quam olim, qui ab Sanctis Apostolis sanandi erant, se ipsos offerre consueverunt; in primis autem, animæ salus, deinde etiam corporis valetudo, cum conditione, si ad æternam gloriam profutura sit, expectanda est. Tum vero demonstrabit, illum dubitare non debere, quin sanctæ illæ preces a Deo exaudiantur, quibus ipse Parochus, Sacerdosve, Ecclesiæ, & Domini personam gerens, nititur ad hujus Sacramenti ministrationem.

VIII. Tradit hæc quidem S. Carolus in laudatis suis Instructionibus, ubi præparationem ad Extremæ Unctionis Sacramentum adhibendam exponit; mandans præterea, docendum esse & a Parocho infirmum, eam quoque corporis adhibendam præparationem, ut partes augenda prius abluatur, quantum commode fieri possit, ad Sacri Olei reverentiam, præsertim quæ sordes solent magis contrahere.

§. V.

Postea dicat: *Adjutorium nostrum in Nomine Domini. R. Qui fecit Cælum, & terram. V. Dominus vobiscum. R. Et cum spiritu tuo.*

Oremus.

Introeat, Domine Jesu Christe, domum hanc sub nostræ humilitatis ingressu æterna felicitas, divina prosperitas, serena lætitia, charitas fructuosa, sanitas sempiterna; effugiat ex hoc loco accessus demonum; adsint Angeli pacis; domumque hanc deserat omnis maligna custodia. Magnifica, Domine, super nos Nomen sanctum tuum, & benedictio nostræ conversationi; sanctifica nostræ humilitatis ingressum, qui sanctus, & qui pius es, & permanes cum Patre, & Spiritu Sancto in sæcula sæculorum. Amen.

Oremus, & deprecemur Dominum nostrum Jesum Christum, ut benedicens benedicat & hoc tabernaculum, & omnes habitantes in eo, & det eis Angelum bonum custodem, & faciat eos sibi servire ad considerandum mirabilia de Lege sua. Avertat ab eis omnes contrarias potestates, eripiat eos ab omni formidine, & ab omni perturbatione, ac sanos in hoc tabernaculo custodire dignetur. Qui cum Patre, & Spiritu Sancto vivit, & regnat Deus in sæcula sæculorum. Amen.

Oremus.

Exaudi nos, Domine Sancte, Pater Omnipotens, æterne Deus, & mittere digneris Sanctum Angelum tuum de Cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. Amen.

COMMENTARIUS.

I. **C**onsuevisse olim præmitti Extremæ Unctioni infirmorum varias preces, orationesque, constat ex multis antiquis Sacramentorum Libris, quos recenset Martenc Lib. 1. Cap. vii. Articulo iv. per totum. Oratio, *Introeat, Domine &c.* & *Exaudi nos &c.* leguntur quidem in antiquo ms. Codice insignis

Ecclesiæ Bellovacensis a Viro Clarissimo Godofrido Heman descripto, & in ms. Rituali Monasterii B. Mariz de Pontelevis annorum circiter DC. itemque in aliis sequioris ætatis, in quorum etiam nonnullis extat oratio secundo loco in §. nostro descripta, quæ incipit, *Oremus, & deprecemur &c.*

§. VI.

Quæ Orationes, si tempus non patiat, ex parte, vel in totum poterunt omitti. Tum de more facta Confessione generali, Latino, vel vulgari sermone, Sacerdos dicat, *Misereatur tui &c. Indulgentiam, absolutionem, &c.*

COMMENTARIUS.

I. **D**ilectis orationibus, quæ etiam, ut alibi nosse §. si tempus non patiat, quia scilicet urget mortis imminens

periculum, ex parte, vel in totum poterunt omitti; ex præscripto ejusdem §. tum de more facta Confessione generali Latino, tum vulgari sermone, Sa-

Sacerdos dicit, Misereatur tui &c. Etque hic antiquus ritus, ut Confessio generalis communis Extreme Unctioni praemitteretur, uti ex variis Ritualibus constat, praeteritum vero ex ms. Pontificali Ecclesiae Apamienfis in Syria, & ex aliis a Martene productis. Quo ritu ea sit peragenda, explicat in suis Instructionibus S. Carolus, ubi Ordinem ministrandi Sacramentum Extreme Unctionis recenset, his plane verbis: *Aspergunt peratila, & Crucifixi etiam imagine ante oculos aegroti colloata, Parochus ab illo quaerit, an aliquid habeat, recordeturve, quod confiteri velit; sique nihil quidquam habet, Clericus versas Sacram Imaginem, & Parochum genuflexus monet aegrotum, & ceteros omnes, si quum Crucis sibi adhibere, & ipse signum se, dicit: In Nomine Patris, & Filii, & Spiritus Sancti, Amen; & manibus junctis Confessionem generalem dicit, aegroti si potest, eum ex saltem submissa voce pronuntiante, aut saltem attente audiente, percutitque ter percutit ad ea verba, mea culpa &c.*

II. Recitata generali Confessione, *Latino, vel vulgari sermone*, ut ait hic noster §. alique Ritualibus Codices docent, Sacerdos dicit, *Misereatur tui &c. Indulgentiam, absolutionem &c.* quae quidem verba pronuciare quidem debet eo ritu, quem nos alias explicuimus, quemque recenset Sanctus Carolus loco citato: *Deinde Parochus manibus junctis dicit: Misereatur tui &c. deinde signum Crucis dextra formans versat aegrotum, dicit: Indulgentiam, absolutionem &c.* Atque haec est formula generalis absolutionis in variis Ritualibus praescripta, quam Sacerdos infirmo Sacro Oleo inungendo post recitatum ab ipso, sive a Clerico, vel ab aliquo alio adstante

generalem Confessionem, impertit. Verum ex recitato Apamienfi Pontificali, & ex Pontificali Senonenfis Ecclesiae aonorum circiter DC. quod extat in Bibliotheca Regis Francorum o. 4219. hanc Sacerdos generalem absolutionem Sacram Unctioni praemitterebat super aegrotum inungendum: *Omnipotens Deus, qui B. Petrus Apostolo suo, ceterisque Discipulis suis licentiam dedit ligandi, atque solvendi, ipse te absolvat ab omni vinculo peccatorum, & quantum fragilitati nostra permittitur, sit absolutus ante Tribunal Domini nostri Jesu Christi, habeasque vitam, & vivas in saecula saeculorum, intercedente B. Dei Genitrici Maria cum omnibus Sanctis. Benedictio Dei Patris, & Filii, & Spiritus Sancti descendat, & maneat super te semper.* Ita formula Pontificalis Apamienosis, illa vero Senonensis Pontificalis in hunc modum coeclodit: *Benedictio Dei Omnipotentis Patris, & Filii, & Spiritus Sancti, Amen.* Utrumque Pontificale videre est apud Martene Lib. 1. Cap. vii. Article 17. Ordine xv. & xx. Ceterum juxta Sacrosanctale Romanum Venetiis impressum anno MDLXVII. Parte 1. Traactu v. pag. 102. facta ab aegrotto generali Confessione, haec Sacerdos Absolutionem pronuciatur: *Domine noster Jesus Christus te absolvat, & ego absolvo te ab omni vinculo excommunicationis, majoris, sive minoris, suspensionis, vel interdicti, & ab omnibus peccatis tuis, & restituo te unitati, & Communioni sanctae Matris Ecclesiae absolutum.* In Nomine Patris, & Filii, & Spiritus Sancti. Amen. Porro verbum suspensionis dicitur quidem quum Clericus absolvit, laicus enim oculum incurrit suspensionem, ut jam alias in Commentariis superioribus notavi.

§. VII.

Antequam Parochus incipiat ungere infirmum, moneat adstantes, ut pro illo orent, & ubi commodum fuerit, pro loco, & tempore, & adstantium numero, vel qualitate, recitent septem Psalmos Poenitentiales cum Litanis, vel alias Preces, dum ipse Unctionis Sacramentum ministrat. Mox dicat: *In Nomine Patris, & Filii, & Spiritus Sancti, extinguatur in te omnis virtus diaboli per impositionem manuum nostrarum, & per invocationem omnium Sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum, Amen.*

COMMENTARIUS.

I. **C**onsentit profecto veteri Ecclesiae disciplinae in variis Ritualibus expressa, quod statuit hic noster §. quodque Iuculeotus recenset, explicatque S. Carolus in suis Instructionibus de ordine ministrandi Sacramentum Extreme Unctionis, ubi post datam a Sacerdote super infirmum inungendum generalem absolutionem, sic habet: *Postea omnes, qui adfunt, & praesentem familiam praesentem genibus flexis orare jubet; tam si genibus etiam flexis, dicit una cum aliis Presbyteris, vel Clericis, si plures interfunt, si minus, cum uno, Psalmos Poenitentiales, & Litanias, ut mox infra, si tempus datur, aliqui si non datur, ut supra, dum ab aliis Psalmi, & Litaniae dicuntur, ipse statim formula inferius descripta unget.* Affert hic plane possent variis antiqui Sacramentorum Codices, re-

Tom. I.

centioresque, in quibus, non modo variarum Precum, & Orationum sit mentio, quae vel olim Extreme Unctionis praeitari solebant, verum etiam septem Psalmorum Poenentialium, cum Litanis, uti videre est apud Martene Libro 1. Cap. vii. Article 17. Ceterum ex ms. Pontificali Prudentis Episcopi, qui ante annos CM. Trecentensem regebat Ecclesiam, cautum fuit, ut, dum inungitur aegrotus, dicatur *Antiphona*, *Sana me Domine &c. Sequuntur octo Psalmi ad imitationem oratio Beatus David, sive ad speciem orationis diei resurrectionis.* Domine ne in furore 1. Ad te levavi. Beati quorum. Domine ne in furore 2. Domine exaudi 1. De profundis. Domine exaudi 2. Kyrie eleison. Pater noster. Capitula. Ego dixi, Domine, miserere mei. Convertere Domine. Salvum fac servum tuum.

T t a

Do-

Domine conserva eum. Domine opem fer ei super lectum. Mitte ei Domine. Nihil proficiat.

II. Ex antiquo Libro Sacramentorum Ecclesie S. Gatiani Turonensis annorum circiter CM. caneant quidem *Sacerdotes*, vel *Ministri Ecclesie super infirmum septem Psalmos Penitentiales cum Antiphona*, Ne reminiscaris Domine. Sequitur Oratio. Recipere Domine famulum tuum infirmitate corporis sui laborantem, & animam refove, quam creasti, ut calligationibus emendata, continua se fentiat tua medicina salvatum. Postea vero canant *Litaniam super infirmum*, & post *Litaniam dicat Sacerdos super infirmum has Orationes*. Sequuntur tres Orationes, & deinde varie Antiphonæ cum variis Psalmis, Orationibusque. Idem legere est in alio antiquo Turonensi Codice ejusdem ætatis, & in alio itidem Turonensi, in quo post septem Psalmos Penitentiales sequitur proluxa Litania cum multis Precibus, atque Orationibus. In vetusto quoque Sacramentorum Libro Monasterii Moissacensis annorum CM. Bibliothecæ Colbertianæ, post cantatos septem Psalmos Penitentiales, sequitur Oratio, *Paree Domine, paree famulo tuo, quem redimisti, Christe, Sanguine tuo, ne in æternum irascaris ei. Qui eam Patre*. Sequitur deinde Litania similiter cum Precibus, & Orationibus.

III. Quamquam vero non desint Rituales Codices, in quibus, Litanis ipsis non Penitentiales Psalmi, sed alii præmittuntur, uti videre est in Pontificali Ecclesiæ Salisburgensis annorum circiter DCC. in quo hi recensentur Psalmi, *Domine ne in furore æ. Beatus, qui intelligit. Miserece mei Deus. Inclina aurem. Qui habitat*. Antiquissimus nihilominus, & communis cunctis ritus, præscribens, ut in administratione Extreme Unctionis septem Penitentiales Psalmi super infirmum recitarentur cum Antiphonis interjectis, uti videre in variis Ritualibus, quæ descripsit Martene, & in citatis S. Caroli Instructionibus. Porro consuevisse Psalmos ipsos a moriente legi, ut ea lectione ad contritionem, & penitentiam excitaretur, docet nos Sancti Augustini exemplum, qui, uti legitur in Brevariario Romano ad diem xxviii. Augusti, &

apud Possidium in ejusdem S. Antistitis Vita, Capite xxxi. cum discessum sibi iustare intelligeret, *Psalmos David, qui ad penitentiam pertinent, in conspectu positos profusus lacrymis legebat. Solebat autem dicere, neminem, & si nullius sceleris sibi conscius esset, permittere debere, ut sine penitentia migraret æ vita*. Hoc S. Augustini exemplo excitatus S. Carolus in suis, *De visitatione, & cura infirmorum*, Instructionibus, mandat inter alia infirmo morituro, ut, *si litteris notis, quod S. Augustinus fecisse traditur, dum aeger fuit, septem Psalmos Penitentiales pie recitet*. Sed de Psalmis istis Penitentialibus videlicet, quæ infra dicemus in Commentario ad Caput 111.

IV. Porro recitatis septem Penitentialibus Psalmis, vel, dum ipsi dicuntur, ex præscripto nostri §, dicit Sacerdos, qui Sacramentum Extreme Unctionis ministrat, Orationem, *In Nomine Patris, & Filii, & Spiritus Sancti, &c.* quæ quidem legitur in variis Ritualibus, præsertim vero in antiquo Romano x. Ordine. apud Mabillonium Tomo II. Musei Italici, pag. 113. Licet autem nec noster §. nec citatus Ordo Romanus exprimat, super quem fieri debeat hoc triplex Crucis signaculum, nihilominus Sacerdotali Brixienfæ peripice docet, fieri debere a Sacerdote super infirmum inangendum, super quem etiam idem Sacerdos manus imponet, ut vel ex descripta in nostro §. Oratione addicimus, in iis verbis, *extinguantur in te omnis virtus diaboli per impositionem manuum nostrarum*. Fuisse autem antiquum ritum, & in variis Ecclesiis usitatum, ut super ipsum infirmum Sacerdotes non modo, sed & Ministri Ecclesiæ, ac relictii Fideles manus suas imponerent, docet duo antiqui Rituales Codices Turonenses annorum circiter cm. ac alii plures a Martene producti Lib. i. Capite vii. Article 1v. Ordine 111. 1v. xi. & aliis sequentibus. Ceterum quod etiam super ipsum infirmum post factam inunctionem manus imponeretur, & quidem cum proluxa Oratione, ex Pontificali Ecclesiæ Salisburgensis annorum circiter DCC. addicere licet apud eundem Martene, Ordine xii.

§. VIII.

Deinde intincto pollice in Oleo Sancto, in modum Crucis ungit infirmum in partibus hic subscriptis, aptando proprio loco verba formæ in hunc modum.

Ad oculos: *Per istam sanctam unctionem I, & suam piissimam misericordiam, indulgeat tibi Dominus quidquid per visum deliquisti &c.*

§. IX.

Minister vero, si est in Sacris, vel ipsemet Sacerdos post quamlibet unctionem tergat loca inuncta novo globulo bombacii, vel rei similis, eaque in vase mundo reponat, & ad Ecclesiam postea deferat, comburat, cineresque projiciat in Sacramenti.

COMMENTARIUS.

I. **A**Ntequam explicemus ritus unctionis sensum Christiani ægotantis, notatu dignum illud censeo in hujus Commentarii exordio, consuevisse olim ex variorum Ritualium præscripto Fidei professionem Extre-

mæ huic unctioni præmitti, itemque alia, quæ describere hic lubet ex ms. Missali Romanicensi annorum circiter DCC. apud Martene citato superius Article 1v. Ordine xiv. ex cujus præscripto, facta aq. benedictæ asperfusionem in cu-

bi-

biculo ægroti, ac lecto ibidem Evangelio Joannis, *in principio erat Verbum* &c. interrogabatur a Sacerdote ægrotus de credulitate sua hunc in modum: *G. edis in Dominum Patrem, & Filium, & Spiritum Sanctum?* Cui ille: *Credo.* Interrogat iterum Sacerdos: *Credis, quod illa tres Personæ, quas modo diximus, Pater, & Filius, & Spiritus Sanctus, tres Personæ sint, & unus Deus?* Ille: *Credo.* Rursus Sacerdos: *Credis, quod in ipsa carne, in qua nunc es, in ipsa habeas resurgere in die judicii, & recipere, sive bonum, sive malum, quod gessisti?* Respondet æger ungendus: *Credo.* Similia legere est in Codice Victorino annorum elciter DC. in Pontificali Ecclesiæ Apamiensis in Syria, & in veteri Rituali Ecclesiæ Catalaunensis annorum circiter CCC. Præterea facta Fidei professione, ex memorati Missalis præscripto rursus Sacerdos interrogat: *Vis dimittere, quicumque in te peccaverit, Domino dicente: Si non remiseritis hominibus peccata eorum, nec Pater dimittet vobis peccata vestra. Si responderis, Volo, tunc suam Confessionem, sicut melius vult, da ei; & doceatur a Sacerdote, ut respondeat firmiter in corde suo, si ei Deus vitam concesserit, mores suos, & assuetos, in quibus deliquerat, omnino corrigere debeat; & quandiu in infirmitate jacet, plangat, gematque peccata sua, quia lacrymæ, & gemitus celerem invenire merentur iudicentiam peccatorum.* Sed longum esset omnia hic adnotare, quæ laudatum Missale, Codicisque Ritualis peragenda ab ægrotis sacro Oleo unguendo præscribunt.

II. Ergo ut de ipsa unctione loquamur, ex præscripto nostri §. VII. Sacerdos, *intincto pollice in Oleo Sancto, in modum Crucis ungat infirmum in partibus hic subscriptis, aptando proprio loco verba forma &c.* Consuevisse vel olim hujusmodi unctiones fieri in modum Crucis, docent nos passim antiquissimi Codices Sacramentorum, inter quos Anglicanus Codex Pontificalis Monasterii Gemmeticensis sic ait: *Perungat infirmum de Oleo sanctificato, Crucem faciendo.* Liber Sacramentorum Ecclesiæ S. Gatiiani Turonensis: *Tunc perungat Sacerdos infirmum, faciens signum Crucis de Oleo, sanctificato in collo, in gutture &c.* Codex alter ejusdem Ecclesiæ: *Perungat infirmum de Oleo sanctificato, Crucem faciendo &c.* Codex Bellovacensis a Godesfrido Herman descriptus: *Intincto pollice in Oleo, Crucem faciat in superciliis oculorum &c.* Sed quid opus est alios Codices recensere, cum ritus iste ungendi infirmi sensus in modum Crucis, communis esset, & a Ritualibus non modo, sed etiam a Conciliis præscriptus?

III. Veteri itaque rituali inhærens noster §. mandat, ut Sacerdos, *intincto pollice in Oleo Sancto, in modum Crucis ungat infirmum in partibus subscriptis, aptando proprio loco verba forma &c.* Quod hodie unus & idem Sacerdos præstat, unctionem scilicet, & formæ prolationem, antiquitus quidem, alicubi saltem, diversi Sacerdotes præstabant. Ut enim ex variis Ritualibus, & Conciliis constat, aliquando unus applicabat Oleum, altero verba formæ pronuntians. Id plane docent duo antiqui Codices Sacramentorum Turonensis annorum elciter CM. apud Martene citato Superiori Article 19. Ordine III. & IV. ex quorum præscripto, dum Sacerdos unus ungit infirmum, alter formam proferat. Aliquando singuli omnes corporis partes unge-

bant, & ungendo, formam proferebant; quod quidem addiscere licet ex vetustissimo Codice. Regis Francorum annorum circiter DCCC. apud eundem Martene, Ordine XI. aliquando singuli singulas partes, hoc est, unus unam, alter alteram perungebant. Atque huc spectat, quod statuit Concilium Provinciale VI. Beneventanum anni MCCCLXXIV. Tit. VII. Cap. III. *Debent, inquit, in collatione hujus Sacramenti plures esse Sacerdotes, si potest commode fieri; & non debet unus inaugurare, & alius orationem insandere, ne fiat divisio Sacramenti, sed uno inaugurante, & orante, alii postea statim orant; vel uno inaugurante, & orante, possent quilibet inaugurare, & orare.* Sed his omnis, de quibus alias supra, non uno in loco dictis, meminisse debet Sacerdos, quod supra etiam Cap. I. §. XV. statutum fuit, ut nempe dum oculos, aures, & alia corporis membra, quæ paria sunt, ungit, caveat, ne alterum ipsorum laungendo, Sacramenti formam prius absolvat, quam ambo hujusmodi paria membra peruxerit.

IV. Ad sensum unctionem quod spectat, ex præscripto nostri hujus §. prima fit ad oculos, & quidem, ut ait S. Carolus in ordine ministrandi Sacramentum Extreme Unctionis, *primò dextram, deinde sinistram; cavendumque, Sacerdoti, ne hunc ordinem pervertat, & ut inter alias monet Salernitana Synodus anno Christi MDLXXIX. habita, Tit. XXXII. Cap. VI. ne dum oculos, aures, & manus, ungit, alteri tantum unctionem adhibeat, ut imperfectum remaneat Sacramentum.* Ut autem commode inaugurantur oculi, claudi debent, & unctio fieri super utramque palpebram, a Sacerdote scilicet dicente interim, *Per istam sanctam unctionem &c.* Atque hic est ritus antiquus, ut ipsa, nempe unctio fieret in superciliis oculorum, sive, ut habet vetus Ritualis insignis Ecclesiæ Catalaunensis annorum circiter CCC. in superciliis juxta angulos oculorum, & oculis clausis. Ceterum si veterem disciplinam spectemus in variis Ritualibus expressam, ac præsertim in Pontificali Anglicano Monasterii Gemmeticensis annorum circiter mille, præter alias Preces, Antiphonas, atque Orationes, quæ generaliter Sacre unctioni præmittuntur, ad unamquamque unctionem, quæ in singulis corporis ægroti partibus fiebat, præter formulam, quæ parti cuique aptabatur, dici etiam solebat peculiaris Oratio, & Psalmus. Certe ex præscripto laudati Pontificalis, ad oculos ungendus in superciliis oculorum, dicebat Sacerdos hanc formam: *Unge oculos tuos de Oleo sanctificato, ut quidquid illiciti visu deliquisti, hujus Olei sanctificatione expiatur. Per Dominum nostrum.* Sequitur mox Oratio: *Succurre, Domine, infirmo huic, & medica eam spirituali medicamine, ut in pristina sanitate a te restitutas, gratiarum tibi referat actionem.* Post hanc vero Orationem sequitur Psalmus: *Beati, quorum.*

V. Quidquid autem de eo ritus sit, facta oculorum unctione, de qua loquitur §. VIII. mox subdit sequens §. IX. monetque, ut *Minister, si est in Sacris, vel ipsemet Sacerdos, post quamlibet unctionem tergat loca unctis novo globulo bombacis vel rei similis, eoque in vase aquæ reponat, & ad Ecclesiam postea deferat, comburat, cineresque projiciat in Sacrarium.* Similia his legere est in aliis Ritualibus passim, ac præsertim apud S. Carolum,

solum, ubi ordinem ministrandi Sacramentum Extremæ Unctionis recenset his verbis: *Ubi vero unquamque partem unxit, ipsemet, Parochus scilicet, aut Sacerdos alius si adest, aut Clericus Sacris initiatus, partem inunctam continuo tergit bombacio, quod in vase mundo ponitur ad eum usum parato, quod seorsum portandum erabit, quod deinde, peracta tota unctione, ad Ecclesiam deferatur, & ibi combaritur: cineres vero projiciantur in Sacerarium.* Ubi desit bombacium, posse adhiberi aliam rem similem, aptamque ad tergendum, expresse edicit recitatus nos-
ter §. Cui concludit Ritnale Ecclesie Leodiensis anno MDLIII. editum sic dicens: *Hic linum, aut stuppam habeat paratam ad detergendum Oleum membris inunctis.* Sed ea tamen cautione, quam Ritualia multa, atque Concilia præscribunt, potissimum vero Salernitanum loco citato, sic in-
quiens: *Eadem vero stuppa, seu bombice singula loca non ungantur, sed in qualibet membrorum specie mutetur.* Atque id est, quod longe ante præscripsit vetus Ritnale Ecclesie Catalaunensis

annorum circiter CCC. apud eundem Martene, Ordine xxv. ubi postquam dixit, ut *Sacerdos unget de Oleo sacro eum pollice infirmum, vel infirmam, alius Clericus auxiliantibus, & Cruces facientibus*, ita deinde subdit: *Et debet esse aliqua persona ad detergendum dictas Cruces cum stuppis, & in qualibet Cruce accipiat stuppas novas, candelis necens.* Ex ejusdem tandem Ritualis præscripto, lavat Sacerdos, unctione pera-
cta, manus suas cum sale, & aqua. Similiter ille; vel illa, qui, vel quæ exteri Cruces de stuppis, quæ debent custodiri, & reservari inter duas sentellas ligneas, & reponi in quodam armariolo in Ecclesia, & de eisdem facere cineres pro die cinerum, vel recondi in terra sancta. Ubi nota, quod in nostro §. edicatur, ut *Minister, si est in Sacris, vel ipsemet Sacerdos post quamlibet unctionem tergat loca inuncta novo globulo bombacii, vel rei similis, id peractum aliquando fuisse non modo a seculari viro, verum etiam femina, qui licet lavare manus debeant, cum sale scilicet, & aqua, sicut Sacerdos, qui inunxerat.*

§. X.

Ad aures: *Per istam sanctam unctionem* ✠, & suam piissimam misericordiam, indulgeat tibi Dominus quidquid per auditum deliquisti. Amen.

COMMENTARIUS.

I. **P**ost oculorum inunctionem, sequitur in multis pervetustis Sacramentorum Libris, ac præsertim in Ponticali Anglicano, aurium inunctio hac forma concepta: *Unges has aures sacrat Olei liquore, ut quidquid delectatione nocua aditus admixtum est, medicina spiritalis evacuet.* Per. Sequitur mox Antiphona: *Sanctus te Jesus Christus ab omni agri-*

dine tua, quoscumque habes dolores; dimittat Dominus omnia peccata tua. Tum Psalmus: *Domine ne in furore tuo.* Si Antiphonam, & Psalmum excipias, legitur formula ipsa ad aures inungendas, in Ponticali Prudentii Episcopi Trecentis, cum hac rubrica, ad aures deintus; & in antiquo Codice Noviomenfis Ecclesie, cum ista tamen rubrica: *ad aures, infra, & supra.*

§. XI.

Ad nares: *Per istam sanctam unctionem* ✠, & suam piissimam misericordiam, indulgeat tibi Dominus quidquid per odoratum deliquisti. Amen.

COMMENTARIUS.

I. **N**arium unctio, quæ unctionem aurium sequitur, ita concepta igitur in citato Ponticali Anglicano: *Unges has nares de Oleo sacro, ut quidquid noxa contrarium est odoratu superfluo, ista mandet medicatio.* Per Dominum nostrum. Antiphona:.

Opem ferat huic infirmo Deus super lectum doloris ejus; ipse conservet eum, & vivificet eum. Psalmus: *Beatus qui intelligit.* Fieri debuisse istam unctionem ad nares in summitate, monet inter alia laudatum Prudentii Trecentis Episcopi Pontificale.

§. XII.

Ad os, compressis labiis: *Per istam sanctam unctionem* ✠, & suam piissimam misericordiam, indulgeat tibi Dominus quidquid per gustum, & locutionem deliquisti. Amen.

COMMENTARIUS.

I. **J**uxta prædictum Pontificale Anglicanum ad labia inunctio, ista verborum formula peragebatur, *Unges labia ista consecrati Olei medicamento, ut quidquid otiosa, vel*

criminosa peccasti locutione, Divina clementia miserante, expietur hac unctione. Per. Antiphona: *Dominus locutus est Discipulis suis: In Nomine meo demonia ejicite, & super agros manus*

vestras imponite, & bene habebant. Psalmus: *Deus Deorum Dominus*. Nulla in hac forma de gustu mentio, sicut nec in Pontificali Prudentii Trecentis Episcopi, ubi præferibit hanc unctionem, sub ista rubrica, *ad labia exterius*; nec in aliis multis, licet diversa in ipsis verborum formula recensentur. In Ordine Romano x. apud Mabillonium, Tomo II. Musei Italici, num. 33. hæc ad os extat formula: *Per istam sanctam unctionem, & suam piissimam misericordiam purcat tibi Dominus quicquid lingue, vel oris vitio deliquisti*. B. Amen. Porro in ms. Rituali ad usum Ecclesiæ S. Mariæ Magdalensæ prope Cenomanos annorum circiter CD. fit mentio illorum verborum, *deliquisti per gressum*. In Rituali

quoque Ecclesiæ Leodiensis anno MDIUI. edito eorundem verborum fit mentio sub ista formula, in qua etiam quedam alia notata sunt digna; sic enim *ad labia*, inquit: *Pax tecum. Et cum spiritu tuo. In Nomine Patris, & Filii, & Spiritus Sancti. Amen. Accipe sanitatem. Amen. Per istam unctionem, & suam piissimam misericordiam, indulgeat tibi Dominus quicquid deliquisti per gressum, & illicitum sermonem. Amen.* Verba illa, *Pax tecum, &c. In Nomine Patris &c. & accipe sanitatem*, leguntur ad singulas aliorum sensuum unctiones. Faciendam autem istam unctionem *ad os, labris compressis*, præscripsit inter alios S. Carolus in citato Ordine ministrandi Sacramentum Extreme unctionis.

§. XIII.

Ad manus: *Per istam sanctam unctionem, & suam piissimam misericordiam, indulgeat tibi Dominus quicquid per tactum deliquisti. Amen.* Et adverte, quod Sacerdotibus, ut dictum est, manus non inunguntur interius, sed exterius.

COMMENTARIUS.

I. **U**Nctionis *ad manus* hæc extat formula in laudato toties Pontificali Anglicano: *Unge has manus de Oleo consecrato, ut quæquid illicito, vel nonis opere peregerant, per hanc unctionem evacuentur*. Antiphona: *Propitietur Dominus iniquitatibus tuis, & sanat omnes aggritudines tuas; & renovetur, ut aquila, juvenus tua*. Psalmus: *Benedic.* i. Ejusdem unctionis formula, excepta Antiphona, & Psalmo, *ad manus exterius*, ut in quibusdam legitur, extat in aliis multis antiquis Ritualibus, Pontificali usque, ac præsertim in illo Prudentii Trecentis Episcopi. In plaribus certe desideratur adverbium illud *exterius*, solumque legitur, *ad manus*, nulla facta distinctione, si manus Sacerdotis, aut alterius non Sacerdotis innungantur. Porro in ms. Codice Floriacensi annorum circiter DC. & in alio Domini Desmarais

annorum circiter D. apud Martene, Lib. I. Capite 11. Articulo IV. Ordine XXI. & XXXI. illarum manuum unctione hæc extat rubrica: *Ad manus, si fuerit Sacerdos, sollemnado deferat*. Eundem ritum præscribit Rituale vetus Ecclesiæ Catalaunensis annorum circiter CCC. sed mandat tamen, ut cæteris manus exterius, interiusque inungantur: *Item super manus, & infra; si vero sit Sacerdos, ungatur tantum extra*. Verum communis ritus est, cujus inter alios non uno in loco meminit S. Carolus, ut soli Sacerdoti unctio in manibus fiat exterius, cæteris vero tantum interius; quia scilicet, ut supra diximus, Sacerdotis manus in ejus ordinatione jam interius inunctæ fuerunt. Quod quidem jam longe ante notavit Durandus Lib. I. Rationalis Divinorum Officiorum, Cap. V. num. 25. ut alios Scriptores omittam, qui id ipsum tradiderunt.

§. XIV.

Ad pedes: *Per istam sanctam unctionem, & suam piissimam misericordiam, indulgeat tibi Dominus quicquid per gressum deliquisti. Amen.*

COMMENTARIUS.

I. **F**ormula unctionis *ad pedes*, hæc est in Anglicano Pontificali: *Unge hos pedes de Oleo benedicto, ut quicquid superfluo, vel vocis inessu commiserunt, isto abolet antio*. Per. B. *Ne remissis caris Domine delicta nostra, vel parentum nostrorum, neque vindictam sumas de peccatis nostris*. Psalmus: *De profundis*. Faciendam istam unctionem *super pedes*, monet Pontificale Ecclesiæ Ambianensis, itemque citatum superius vetus Ritale Ecclesiæ Catalaunensis, in quo etiam hæc extat formula: *Unge hos pedes, & ex Oleo consecrato, at quicquid superfluo, vel vocis inessu commiserunt, Sanctorum omnium intercessionibus, isto abolet antio*. Est eadem fere, ac illa superius descripta

ex Pontificali Anglicano, si verba illa excipias, *Sanctorum omnium intercessionibus*. Porro faciendam istam unctionem *ad pedes in plantis*, recte admonet S. Carolus in Ordine ministrandi Sacramentum Extreme unctionis, & longe ante ipsum, Pontificale Ecclesiæ Senonensis, annorum circiter DC. quod extat in Bibliotheca Regia Francorum, num. 4219. Sed nec defunt Ritualia, ex quorum præscripto fieri debet ista inunctio *ad pedes, infra, & supra*. Ita plane præscribit Ritualis Codex Domini Desmarais annorum circiter D. cum hujusmodi formula: *Unge hos pedes de Oleo benedicto, In Nomine Patris, & Filii, & Spiritus Sancti, ut quicquid superfluo, vel nocivo inessu commiserunt, isto aboletur pe-*

perunctione. Amen. Quidquid sit de tanta divinitate, puto fieri debere hanc inunctionem in

plantis pedum juxta S. Caroli præscriptum, quia nimirum plantis utimur ad ambulandum.

§. XV.

Ad lumbos, sive renes: *Per istam sanctam unctionem* ✠, *& suam piissimam misericordiam, indulgeat tibi Dominus quidquid per lumborum delectationem deliquisti. Amen.* Hæc autem unctio ad lumbos, ut dictum est, omittitur semper in feminis, & etiam in viris, qui ob infirmitatem vix, aut sine periculo, moveri non possunt.

COMMENTARIUS.

I. **Q**Uamquam in antiquis Ritualibus Libris longe ante annum Christi millesimum exaratis, præter hæcenus memoratos sensus, varia alia loca ægrotantis corporis sub præscripta formula Sacro Oleo inungerentur, uti videre est in permultis Ordinibus a Martene allatis Lib. 1. *De antiquis Ecclesiæ ritibus*, Cap. vii. Article IV. per totum, in quibus passim occurrunt unctiones *ad collum, ad guttur, ad cerebrum, ad petus, ad scapulas, in umbilico, in loco ubi plus dolor imminet*, alique id genus, quas longum esset hic recensere, desideratur nihilominus renum unctio, cujus alias meminit ms. Codex Ritualis Bibliothecæ Regis Francorum, num. 4274. annorum ad summum 300. ut ait laudatus Martene citato loco, Ordine xxv. in quo quidem Codice *ad renes* hæc extat formula: *Per istam unctionem, & suam piissimam misericordiam, indulgeat tibi Deus quidquid peccasti per ardorem libidinis. Per.* Atque hæc est formula, quæ ex præscripto Pontificalis Ecclesiæ Apaniensis in Syria apud eundem Martene, Ordine xx. dicebatur in unctione, quæ fiebat in umbilico: in ejusque locum puto suffectam fuisse unctionem renum, quam recentiores præsertim Rituales Codices, ac Synodi præscribunt.

II. Inungendos renes etiam propter vim appetitivam, statuit quidem inter alia Concilium Provinciale v. l. Beneventanum anni mcccclxxv. Tit. viii. Cap. iv. in fine, ubi etiam ait, quod renes ipsi loco genitalium, quibus maxime in hominibus culpa contrahitur, & perpetratur, & venialis, & mortalis, inunguntur propter seditionem membri, propter quam natura rationalis erubescit non solum tangere, sed videre; sed, quod plus est, nec nominare, & amplius erubescit cogitare; & ideo absit, quod Oleum Sanctum debeat ibi apponi. Addit mox: *Parcitur etiam verecundie infirmorum, quia nemo est ratione utens, qui non erubescat membra illa demonstrare aliis, imo ipsosmet erubescit videre.* Porro quod ipsam renum unctionem spectat, ex præscripto nostri §. aliorumque Ritualium, ac potissimum Sacramentalis Ambrosiani, omittitur semper in feminis, & etiam in viris, qui ob infirmitatem vix, aut sine periculo, moveri non possunt. Sed & de hac re vide quæ diximus supra Cap. 1. in Com-

mentario ad §. xv. num. vi. & vii. quæ quidem & ad hunc Commentarium spectant.

III. Reliquum est, ut in calce hujus Commentarii duo adnotemus, quæ S. Carolus sapientissime admonuit, explicavitque. Primum est, quod ait in Concilio Provinciali iv. Mediolanensi, ubi agit de iis, quæ ad Sacramentum Extremæ Unctionis pertinent; ibi enim docet, quid agendum a Sacerdote, qui per errorem vtius fuisset, in administrando hoc Sacramento, Oleo Catechumenorum, aut Chrismatis: *Parochus, inquit, si per errorem aliud Oleum, quam quod Infirmorum est, ad ægrotum unguendum nunquam adhibuerit, etiamsi Chrismatis, aut Catechumenorum sit, ut erratus emendet, Olei Sacri, quod proprie Infirmorum est, unctionem ei adhibet; tuncque Sacramenti formam iteret.* Alterum est, quod idem S. Antistes statuit in Instructionibus Sacramenti Extremæ Unctionis, Capite inscripto, *De diligentia in ministrando*, ut nimirum, *si aliquando acciderit, ipsam Parochum, dum ungit, præ virum imbecillitate, alioque casu despicere; alius Sacerdos, si presens aderit, aut aliunde statim evocatus, reliquas partes, quas ille non noverit, ungere rite pergat, necesse autem denno non unget.* Atque hæc est regula, quam longe ante S. Carolum tradidit laudatum Concilium Provinciale v. l. Beneventanum initio citati Capituli iv. sic inquires: *Et notandum, quod si Sacerdos incipiat ungere, & infra unctionem desiciat, inanis iam aliquibus partibus, tunc id, quod factum est, iterare non debet, sed unctiones, quæ restant, ab alio Sacerdote compleantur, pro eo quod qualibet unctio habet specialem formam, ut dictum est, & in Ordinario patet; generaliter tamen conveniunt in effectum remissionis.*

IV. Unum adhuc distis hæcenus addidimus, quod nempe statuit idem Concilium Provinciale v. l. Beneventanum, Cap. 1. in fine, *quod si æger inunctus convalescit, loca inuncta laventur, & aqua lotionis in ignem projiciatur; si vero decedit, non lavetur corpus, propter recentem unctionem.* Instauravit sine antiquum ritum, cujus totidem verbis citato Beneventanum Concilio antiquior Guillelmus Durandus meminit Lib. 1. Rationalis Divinorum Officiorum, Cap. v. l. l. num. 25. prope finem.

§. XVI.

Quibus omnibus peractis, Sacerdos dicit, *Kyrie eleison, Christe eleison, Kyrie eleison. Pater noster &c. V. Es ne nos inducas in tentationem, R. Sed libera nos a malo. V. Salvum fac servum tuum. R. Deus meus sperantem in te. V. Mitte ei Domine auxilium de Sancto. R. Et de Sion tue cum. V. Esto ei Domine turris fortitudinis.*

nis. *R. A facie inimici. V. Nihil proficiat inimicus in eo. R. Et filius iniquitatis non apponet nocere ei. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

Oremus.

Domine Deus, qui per Apostolum tuum Jacobum locutus es: Infirmatur quis in vobis? Inducat Presbyteros Ecclesie, & orent super eum, ungentes eum Oleo in Nomine Domini; & oratio Fidei salvabit infirmum, & alleviabit eum Dominus; & si in peccatis sit, remittentur ei. Cura, quasumus Redemptor noster, gratia Sancti Spiritus languores istius infirmi, ejusque sana vulnera, & dimitte peccata, atque dolores carnis mentis, & corporis ab eo expelle, plenamque interius, & exterius sanitatem misericorditer redde, ut ope misericordia tua restitutus, ad pristina repararetur officia. Qui cum Patre, & Spiritu Sancto vivis, & regnas in secula seculorum. Amen.

Oremus.

Respice, quasumus, Domine famulum tuum N. in infirmitate sui corporis satiescens, & animam reserens, quam creasti, ut castigationibus emendatus, se tua sentias medicina salvatum. Per Christum Dominum nostrum. Amen.

Oremus.

Domine Sancte, Pater Omnipotens, eterne Deus, qui benedictionis tue gratiam agris infundendo corporibus, sacrarum tuam multiplicet pietate plenat; ad invocationem tui Nomini benignus assiste, ut famulum tuum ab egritudine liberatum, & sanitate donatum, dextera tua erigas, virtute confirmes, potestate tueris, atque Ecclesia tua sancta cum omni desiderata prosperitate restituat. Per Christum Dominum nostrum. Amen.

COMMENTARIUS.

I. *E*xstant quidem hæ Preces, Orationesque in omnibus fere precibus æque ac recentioribus Sacramentorum Libris, & Ritualibus, mutatis tamen nonnullis, & diverso loco dispositis. Sane Oratio, Domine Deus, qui per Apostolum tuum Jacobum &c. legitur in per vetulo Pontificali Anglicano Monasterii Gemeticensis annorum mille, in Pontificali Prudentii Episcopi Trecentis ante annos CM. exarato, & in aliis passim fequioris ævi, sed dicebatur tamen a Sacerdote initio sacre actionis statim post factam aquæ benedictæ aspersionem in cubiculo infirmi, de qua supra suo loco diximus; & ut habet ipsam Anglicanum Pontificale, Orationem ipsam dicere debebat Sacerdos stans ante lectum ægroti, antequam ei quidquam loqueretur. Oratio quidem, *Respice quasumus Domine &c.* in nostro §. secundo loco posita, ex præscripto ejusdem Pontificalis, ana cum illis dicebatur post peractam sacram unctionem. Oratio tandem, *Domine Sancte, Pater Omnipotens &c.* extat & ipsa in antiquis Ritualibus, Librisque Sacramentorum, sed tamen, sicut dum præcedentes, ordine inverso dispositæ. Quidquid sit, antiquæ sunt ipse Orationes, enuntiationesque varios Sacramenti Extreme unctionis effectus, præsertim vero prima illa, *Domine Deus, qui per Apostolum tuum Jacobum &c.* quos quidem effectus ex testimonio ejusdem Apostoli prædictæ Orationi inserto, post S. Thomam recenset, latiusque exponit Eustius in iv. Sententiarum Distinctione xxii. §. iv. Sed de hisce effectibus nonnihil jam nos etiam supra diximus.

II. Porro unum est, quod hic admonendum superest, quodque oportune præscripsit S. Carolus in citato Ordine ministrandi Sacramentum Extreme unctionis. Peracta enim postrema unctione, non debet statim Parochus, Sacerdosve Preces, Orationesque in nostro §. præscriptas recitare, sed prius digitum pollicem, quo unxit, medulla panis bene fricare, & aqua ablucere in

Tam. I.

vase supradicto; tum manutergio abstergere, ablationis vero aquam cum mistic referre in Sacramentum. Atque hic est ritus antiquus, cujus meminit Rituale Monasterii B. Marini de Pontelevis annorum circiter DC. Inuñcto Fratre, inquit, lavet manus suas Sacerdos, & jactet in piscinam, aquam scilicet in Sacramentum, quod in multis Ritualibus Piscina appellatur. Meminit quoque vetus Rituale Ecclesie Catalaunensis annorum circiter CCC. ubi post recensitam ultimam unctionem super pedes, ita statim subjicit: Hic lavet Sacerdos, unctionem peracta, manus suas cum sale, & aqua. Tum vero mox: Similiter ille, vel illa, qui, vel qua extersit Crucis de stappis, qua debent custodiri, & reservari inter duas scutillas signatas, & repositi in quodam Armario in Ecclesia, & de eisdem sacre cineres pro die cinerum, vel secundi in terra sancta. Meminit tandem Rituale Ecclesie Leodiensis anno mox. editum, & quidem post unctionem ultimam ad pedes, sic inquit: Post hæc Sacerdos, exstilla stappa, manus abluat, adhibito sale; & aqua ablationis cum cineribus stappa jaceantur projici in iorem, & aquam fluentem.

III. Ergo, peracta ultima unctione, antequam Sacerdos Preces, Orationesque descriptas legat, abluere manus debet juxta præscriptum supra in §. i. Ablutione autem facta, dicit Sacerdos Preces, Orationesque in hoc §. xvi. recensitas. Sed nec potest, hoc loco omittendum, quod nempe in multis Ritualibus non modo variz Orationes leguntur dicende post unctionem, verum etiam formula variarum Benedictionum, quas longum esset describere. Certè ex citato veteri Rituali Ecclesie Catalaunensis, cautum est, ut recitatis quibusdam Orationibus, ac Benedictionibus post unctionem, deinde accipiat Sacerdos Crucem, in qua debet esse Imago Christi depicta, & Imago gloriose Virginitatis Mariæ, & signet ex ea infirmum signo sanctæ Crucis dicendo: Benedicite. *R. Dominus. Benedicito Dei Patris*

Vu

Ont.

Omnipotentis, & Filii, & Spiritus Sancti, descendat super hunc infirmum, & maneat semper. Amen. *Sacerdos praesentet Crucem infirmo, & loquatur ei representando memoriam Passionis Christi &c.* De quo ritu dicemus infra in nostro Commentario ad §. sequentem. Quod autem ipsam benedictionem spectat infirmo post ejus inunctionem dari solitam, notari dignus est ritus, quem in eam in rem praescribit praedictum Rituale Ecclesiae Leodiensis; vult enim, ut Sacerdos postquam manus lavit, abstergitque, assumpto rursus Vaseculo Olei Sacri, dicat sequentem benedictionem. Sequuntur variae benedictiones, le-

gendae apud Martene Lib. 1. Cap. vii. Articulo 1v. Ordine xxviii. quas quidem par credere est fieri consuevisse super infirmum cum ipso vaseculo sacri Olei. Ceterum morem fuisse, alicubi saltem, ut, Sacerdos peracta inunctione, ubi ad Ecclesiam rediit, ibidem populum cum ipso Sacri Olei vaseculo, quo infirmum inuaxerat, benediceret, atque cum aqua benedicta adaspergeret, docet nos memoratum Catalaunensis Ecclesiae Ritale apud eundem Martene Ordine xxviii. his verbis: *Deinde recedat Sacerdos in Ecclesiam, & signet populum de Oleo sancto, & aspergat eum aqua benedicta, at moris est.*

§. XVII.

Ad extremum pro personae qualitate salutaria monita breviter praebere poterit, quibus infirmus ad moriendum in Domino confirmetur, & ad fugandas daemonum tentationes roboretur.

COMMENTARIUS.

I. **U**T facienda sit ista adhortatio, egregie docet S. Carolus in suis de Sacramento Extremæ Unctionis Instructionibus, Capite inferipto, *Qua Paroebus agat post ministratorem*, ubi hæc habet: *Paroebus, ministrato Sacramento Extremæ Unctionis, si videt, spatium vita esse, antequam discedat, agrotum alloquitur, & consolabitur brevibus, ac suavis, ardentibusque verbis, quibus illum maxime hortetur ad vim agilitudinis patienter pro Christo Domino sustinendam, ad rerum humanarum cogitationes abjiciendas, ad fatana suggestiones Christiana virtute depellendas, ad spem de Divina misericordia concipiendam, & ad desiderium in primis vite æternæ. Tam præterea hæc hortabitur, ut se piorum, Religiosorumque bonum munus precibus, & orationibus commendet, pia lætione audiat, si potest, præcipue Domini Passionem, quam ipse etiam Paroebus pro opportunitate legit; elemosinas, si potest, det, propositaque sibi ob oculos Christi Passione, & Crucis, assidue pie meditetur mortem, quam omni sancta Christianaque humilitatis significatione fortiter obeat; velitque in cinere & cilicio, ut paupere mori, quemadmodum Christianum hominem decere.* S. Martinus affirmavit, & suo exemplo docuit. Quod si infirmus ita velle mori dixerit, tunc Paroebus cinerem, & cilicium benediciet.

II. Placuit hæc ex S. Carolo describere, ut inde addiscant Sacerdotes, ut se se gerere erga morientes debeant; ut nempe brevibus, ac suavis, ardentibusque verbis agrotum confortetur, & ut ait hic noster §. pro persona qualitate salutaria monita breviter præbeat. Quod non ita facile præstabit Sacerdos, nisi in piorum Librorum fuerit lætione versatus. Sed his omis-

diamus Ritale Leodiense anno MDLIII. editum, ubi post varias benedictionum formulas, quas Sacerdos dicit super infirmum, stans scilicet cum vaseculo Sacri Olei in manibus, ut in precedenti Commentario diximus, ita statim subjicit: *Post hæc Sacerdos infirmum brevi exhortatione confortatum, atque aqua benedicta aspersum commendabit Domino in pace.* At vero notatu dignum est quod eandem in rem late docet Ritale Catalaunense, cujus locum, quo ritum ungendi infirmum absoluit, hic describam. Ergo post recentiam benedictionis formulam, quam Sacerdos, Crucem manu tenens, recitabat super infirmum, eaque ipsum signabat, ita deinde inquit: *Sacerdos praesentet Crucem infirmo, & loquatur ei representando memoriam Passionis Christi Domini nostri, & qualiter passus est pro eo, & pro salute totius mundi. Item in fine debet infirmus aspergi aqua benedicta, ut ab eodem loco demones expellantur. Nequaquam de cetero morienti amiei carnales, uxores, filii, divitiae, & alia temporalia ad memoriam redeantur, nisi in quantum infirmi sanitas spiritalis postulat, & requirit. Et notandum, quod in fine inducenda sunt infirmis aliqua bona & devota persone ad eos visitandum, quæ habeant prodesse ad bonam dispositionem infirmorum, daleiter, & secrete semper eis loquentes, Passionem Christi, articulosque Fidei annuntiantes pro eorum salute. Et per Sacerdotem similiter Crux Christi juxta infirmos relinquatur in loco, ubi eam commodè aspicere possint. Subdit mox illud, quod nos in superiori Commentario notavimus: *Deinde recedat Sacerdos in Ecclesiam, & signet populum de Oleo sancto, & aspergat eam aqua benedicta, ut moris est.* Sed hic mos multis in locis jam minime observatur.*

§. XVIII.

Denique aquam benedictam, & Crucem, nisi aliam habeat, coram eo relinquat, ut illam frequenter aspiciat, & pro sua devotione osculetur, & amplectatur.

COMMENTARIUS.

I. **A**qua benedictæ usum, ut nimirum non modo in Ecclesiis, sed & in habitaculis Fidelium ad effugandos demones

asservaretur, ab Apostolis fuisse emanatum, & Alexandri Papæ I. Decreto stabilitum, probat post alios Cardinalis Baronius ad annum Christi

1711. & cxxxii. dicemusque fufius nos Tomo II. Titulo vii. in Commentario ad Caput II. quod infcriptum est, *Ordo ad faciendam aquam benedictam*. Tantum autem abest, ut quod Novatores oblatrant, delirantque, specius sit quædam incantationis, atque magie, ut potius ad eas dissolvendas, aliaque diaboli artes avertendas, ejusmodi aqua benedicta solita sit adhiberi, divino, atque in miraculorum virtute suffragio comprobata; prout multis illustribus exemplis declaratur apud antiquos Ecclesiæ Patres, & apud alios quamplurimos probatæ fidei Austores, qui de rebus Ecclesiasticis, ac gestis Sanctorum scripserunt, quibus non solum magicas incantationes, aliaque pravorum demonum motiones aquæ benedictæ asperzione constat esse dissolutas, sed & varias diversarum sanitatum operationes, aliaque multiplicia beneficia, ejusdem virtute sibi divinitus infusa, per cuncta sæcula in præsens usque peracta esse. Atque hinc merito hic noster §. mandat, ut Parochus aquam benedictam infirmo, ubi scilicet in eam in cubiculo minime habeat, relinquat, ad effugandos præsertim dæmones, qui ultimæ vitæ potissimum infirmitatis tempore, variis tentationibus infirmos aggredi solent, ut infra opportuniori loco fule nos etiam ostendamus.

II. Quam vero iis superandis multum Crux Christi valeat, recte & idem hic noster §. statuit, ut una cum Aqua benedicta Crucem quoque Parochus, nisi aliam habeat, coram infirmo relinquat, ut illam frequenter aspiciat, & pro sua devotione osculetur, & amplectatur. Idem plane statuunt Rituales Codices passim, inter quos ille Ecclesiæ Catalaunensis annorum circiter CCC. in superioribus Commentariis sæpe allegatus, expressit edicit, ut *Crux Christi juxta infirmos relinquatur in loco, ubi eam commodè aspiciere possit*. Sed audiamus S. Carolum, qui præcis Ritualibus & ipse iuhærens, in Instructionibus de Sacra-

mento Extreme Unctionis, ritum ipsam confirmat, sic dicens: *Ne vero Crucifixi Imagines, & etiam alia pro devotione desit morienti, cujus aspectu excitetur, recreeturque; quam Crucifixi Imaginem ipse etiam moriens manu pie tenere poterit*. Adhibenda itaque non simplex Crux, sed Christi Imago, & Cruce pendens insignita, morientique manu, ubi possit, tenenda, exemplo complurium Sanctorum, ac præsertim S. Joannis de Deo, qui, ut in Breviario Romano legitur de viii. in ejus lectione vi. *manu, & eorū Christi Dominum & Cruce pendentem perscringens, octavo Idus Martii anno millesimo quingentesimo quinquagesimo obiit in osculo Domini, quem etiam mortuus tenuit, nec dimisit*.

III. Celebre est & in hac re exemplum S. Richardi Episcopi Cicestrænsis, qui obiit circa annum mclv. quique moriens, ut scribit Auctor ejus Vitæ apud Surium die iii. Aprilis, *petiit vero ad se apportari Imaginem Crucifixi, eamque allatam devote complexus, locis vulnerum perinde, ac si jam morientem Dominum Jesum cerneret, pia oscula affixit, eaque suaviter labili demulcent, in hac verba prorupit: Gratias tibi ago Domine Jesu Christo pro omnibus beneficiis, quæ mihi præstitisti, pro penis, & opprobriis, quæ mea causa pertulisti, quæ tanta fuere, ut merito illud ex Threnis Propheta tui dicere poteris: Non est dolor sicut dolor meus. Tu nos, Domine, quod si tibi placeret, omnia opprobria, atque tormenta, & ipsam denique mortem propter te paratus sum tolerare; & sicut tu nos, vera me dicere, ita quæso miserearis mei, quia tibi commendando animam meam. Illam Psalms vocem, in manus tuas Domine commendando spiritum meum, crebro iterabat. Pergit Auctor, atque, conversum subinde Richardum ad Deiparam Virginem, corde simul & voce ad eam dixisse, *Maria Mater gratias, Mater misericordie* &c. ac paulo post in Domino obisse.*

§. XIX.

Admoneat etiam domesticos, & ministros infirmi, ut si morbus ingravescat, vel infirmus incipiat agonizare, statim ipsum Parochum accersant, ut morientem adjuvet, ejusque animam Deo commendet; sed si mors imminet, priusquam discedat, Sacerdos animam Deo rite commendabit.

COMMENTARIUS.

I. Statuunt & id passim Rituales Codices, Sacræque Synodi, ac præsertim Sanctus Carolus in citatis suis Instructionibus, ut Parochus moneat domesticos, ut pro infirmo orent, ac ne corporis curam deferant; bocque in primis, ut aliquot ante mortem horis mittant qui se vocet, ut in commendatione animæ præsto esse possit. Agitur de re magni momenti, ideoque quod in hoc nostro §. edicitur, jam iterum, iterumque in variis Conciliis constitutum fuit, atque, ut alia omittam, ita plane statuit Concilium Provinciale x. Beneventanum anni MDCXVII. Tit. x. Cap. unico: *Callidissimus serpens, cum nullo unquam tempore oppugnet Christiani fideles gravius, quam cum ex hac vita migrandum est, quod eam etiam eo casum non vocatur, quia tunc prægnat validissima, tunc certamen instat gravissimum; curabit maxime Parochus, ut postquam*

Extrema Unctionis Sacramentum egroti dederit, quod, dum is integris est sensibus, addebat, apud egrotum permanet, illumque consoletur, ut forti animo ad futuræ beatitudinis gloriam ex hujus mundi miseriis evolare studeat, illique vel Psalms, vel Evangelium legat, eamque osque ad finem non deferat. Porro ex præscripto nostri §. si mori imminet, priusquam discedat, Sacerdos animam Deo rite commendabit, eo nempe ritu, quem hoc Rituale Romanum præscribit, quod certe etiam in commendatione cæteris Libris de ea re editis præferendum censet, nihil etenim continet, nisi quod Ritualia antiqua, ac Sancti Ecclesiæ Patres, & Sacræ Synodi docuerunt. Cæterum cavendum Parocho, Sacerdoti, ne ad animæ commendationem procedant, si æger non sit morti proximus. Quod satis intempestive, nonnulli facere solent, qui, ut tempus commo-

dum capient, nec redeundum incommodum patiantur, statim ac Extremam Unctionem infirmo præbuerint, ad commendationem animæ transitum faciunt, uno eodemque contextu, & quasi per modum unius. Quod quidem merito refellit Barrufaldus in suo Commentario ad hunc 9. ubi sic inquit: *Qui abusus intolerabilis est, commendatio enim animæ, tunc, cum non est in proximo discessu, quasi ad nihilum valet, quia extra tempus, & inopportune.*

II. Teneri ex iustitia Parochos infirmis Parochiæ suæ assistere, potissimum in commendatione animæ, certa sententia est unanimi Theologorum consensu comprobata, peccantque iccirco læthaliter Parochi illi, qui ubi infirmis,

præsertim pauperibus Sacramenta administrant, eorum facies amplius non vident, nisi cum mortuos efferre ad Ecclesiam debent. Sed forte excusandi Parochi illi, quos in sua ipsorum commendatione animæ infirmi morientes solunt, quod ægre ferant, non paucos inveniri Parochos, qui de hominum morte gratulentur, ob ea scilicet emolumenta, quæ variis titulis inde percipere solent. Atque hæc est causa, cur vel ipsum Parochorum nomen, ceteroqui illustre, alicubi summo contemptui habitum sit, ob eorum scilicet importunas exactiones pro exequiis, & sepultura, litesque perpetuas, quas prætextu Parochialium jurium soliti sunt excitare. Sed de hoc abusu opportuniori loco inferius.

§. XX.

Quæ autem pertinent ad visitationem, curamque infirmorum, & adjuvandos morientes, ad commendationem animæ, & ad exequias, infra suis locis præscribuntur.

COMMENTARIUS.

I. Nil plane occurrit, quod in hunc §. adnotemus. Quæ pertinent, ait, ad visitationem, curamque infirmorum, & ad juvandos morientes, ad commendationem, & ad exequias, infra suis locis præscribuntur; ideoque infra etiam a nobis, suis iidem locis, juxta methodum hucusque servatam explicabuntur. Ceterum hoc loco opportune id adnotabo, quod docuit S. Carolus in Ordine administrandi Sacramentum Extremæ Unctionis, de iis scilicet, quæ Parochus agat post ejus ministrationem, ubi sic inquit: *Ad Ecclesiam demum quam modo venit, redibit, devote dicendo Psalmum,*

Qui habitat, & alias pias orationes. Porro vetus Rituale insignis Ecclesiæ Catalaunenſis annorum circiter CCC. ejus non uno in loco in superioribus Commentariis mentionem fecimus, statuit quidem, ut administrata infirmo Extrema Unctio, deinde recedat Sacerdos in Ecclesiam, & signet populum de Oleo sancto, & aspergat eum aqua benedicta, ut moris est. Sed puto fuisse huic peculiarem Ecclesiæ Catalaunenſis morem; nam alias ea est communis praxis, ut Sacerdos quidem ad Ecclesiam redeat, ibique absque ulla prorsus cerimonia vasculum sacri Olei loco suo servet.

C A P U T III.

Septem Psalmi Penitentiales cum Litaniis, pro infirmis, dum sacro liniuntur Oleo, seu pro alia necessitate, dicuntur flexis genibus.

I. Psalmi Penitentiales numero septem ex centum quinquaginta Psalmis Davidicis desumpti, ac ita dicti, quod ad paenitentiam pertinent, antiquissimi sunt in Ecclesia, atque in variis functionibus usati. Recitari ipsos jam olim consuevisse, dum infirmi sacro Oleo inungerebantur, ex variis antiquis Ritualibus a Martene Lib. I. de antiquis Ecclesiæ ritibus, Capite VII. Articulo IV. per totum productis liquido constat; ex liquis docemur, præmitti illos ut plurimum consuevisse Sacramenti Unctioni. Sed nec dubium est, quin Psalmi ipsi Penitentiales, aliquando a moriente legentur; id enim liquet ex S. Augustini exempli, qui, uti legitur apud Possidium in ejus Vita, Cap. XXXI. & in Brevario Romano die XXVIII. Augusti in Festo S. Augustini, cum discessum e vita sibi instare intelligeret, Psalmos David, qui ad penitentiam pertinent, in conspectu positos profusus lacrymis legebat. Solebat autem dicere, arminem, etsi nullas sceleris sibi conscius esset, permittere debere, ut sine penitentia migraret e vita. Sed audiamus Possidium, qui Augustini exemplum his plane verbis recenset: *Dicere autem nobis inter familiaria colloquia consueverat, post perceptum*

Baptismum, etiam laudatos Christianos, & Sacerdotes absque digna, & competenti penitentia exire de corpore non debere. Quod & ipse fecit, ultima, qua defunctus est, agitudine; non sibi iusserat Psalmos Davidicos, qui sunt paucissimi de penitentia, scribi, ipsosque quaterniones, jacens in lecto contra parietem positos diebus sua infirmitatis intuebatur, & legebat, & jugiter, ac ubertim flectat.

II. Hoc S. Augustini exemplo edoctus Sanctus Carolus in suis, De visitatione, & cura infirmorum, instructionibus, moriturum infirmum hortatur, ut, si literas norit, quod S. Augustinus fecisse traditur, dum ager fuit, septem Psalmos Penitentiales pie recitet. Quæ devotione Psalmos ipsos moriturus S. Pius Papa V. legi sibi fecerit, ausculta riturque, tradit Gabutus in ejus Vita Lib. V. Cap. XII. ubi obitum illius describit: *Hic vero peractis, septem Psalmos ad salutarem penitentiam accommodatos sibi prelegi mandavit; legenti præcipiens, ut id faceret alta voce, ad singulos versus paululum subsistens, quo melius ipse posset divinos illos sensus meditando degustare.* Similia his legere est passim in aliis Sanctorum Vitæ apud Bollandianos, & Surium.

III. Por-

III. Porro docet noster Cassiodorus, qui labente Seculo v. centenarius oblit, in suo celebri Commentario ad Psalmos, quem summo opere laudat Sixtus Senensis in sua Bibliotheca Sancta, ubi nempe Cassiodorus ipse Psalmum vii. exponit, septem esse Penitentiales Psalmos, quia totidem modis remittuntur peccata nostra, Baptismo, passione martyrii, elemosyna, dimitendo aliis, convertendo alios, abundantia charitatis, & penitentia. Ita plane loquitur Gavanti in Commentariis ad Rubricas Breviarium Romani, Sectione ix. Cap. iv. quod inscriptum est, *De Psalmis Penitentialibus*, num. 1. Sed recte admonet Gavanti annotator Meratus, non solum Cassiodorum, sed etiam ante ipsum, docuisse Originem Homilia II. in Leviticum, Psalmos Penitentiales septenario numero conclusos esse, quia septem supradictis modis a Gavanto ex Cassiodoro allatis peccata nobis dimitti possunt. Quidquid autem de ea re sit, quod Psalmi ipsi Penitentiales olim una cum Ecclesiastico Officio dicerentur, non obscure inquit Radulphus Tungrensis Propositione xxi. ubi dum ait, mandasse Innocentium Papam III. qui elaruit initio Seculi xiii. suis Cappellanis, ut solum in Quadragesima illos recitarent, quia scilicet Quadragesima tempus est opportunum ad penitentiam, sat plane significat, fuisse antea & aliis diebus usitatos, ut scite observat Guyetus in suo Heortologia, sive, *De Festis propriis horum, & Ecclesiarum*, Libro iv. Capite xx. Questione 1. Teste Gavanto citato loco, num. 3. statuie quidem Pius Papa V. ut quilibet Feria sexta Psalmi ipsi una cum Litanis flexis genibus in Choro dicerentur, excepta Pasceve, & sextis feriis, in quibus Officium novem Lectionum occurrat.

IV. Recte autem statutum est, ut flexis genibus dicantur, pertinent enim ad penitentiam, quæ, ut non uno in loco tradit Tertullianus, ex antiqua Ecclesie disciplina peragi genibus flexis consuevit. Hinc, quod vel antiquitus Penitentiales Psalmi prostrato pene corpore dicerentur, ipsos nonnulli cum Psalmis prostratibus confuderunt; quos tamen merito refellit eruditus Novarinus Lib. iii. Schedias. sacro-prophan. Capite vii. num. 32. probatque insigni testimonio Capituli Provincialis apud Norimbergensem celebrati anno MCCCXLIII. ubi hæc leguntur, Capite 1. *Diebus Feriis Psalmi Penitentiales cum Litanis dicantur in Choro post Primam. Psalmi prostrales in Quadragesima dumtaxat dicantur.* Penitentiales igitur Psalmi a prostratibus discriminantur, uti idem Novarinus observat ex quodam Onomastico, quod rem aperit his plane verbis: *Prostrales Psalmi, sive prostrales, sive etiam prostrati Psalmi.* Verba mea aurius percipe Domine, & aliqui alii, qui post Vesperas, & aliquando ante Collectas Horarum in Quadragesima dicebantur, ad quos seniores genibus flexis, stillis, seu formis suis quadammodo procumbentes iniecebantur; juvenes vero, & pueri omnes prostrati in pavimento Chori, & regione stallarum, sive sedilium suorum jacebant. Ex his constabit, quid sibi ea verba velint, quæ eodem Capite ejusdem Capitali habentur: *Prostrales etiam penitentialibus dicendis in Feriis, & Psalmis prostratibus in Quadragesima.* Et vero in his Psalmis aliquando, & septem Penitentiales, & septem ex Gradualibus contentos fuisse, & Psalmos prostratos dictos, addidit

licet ex Decretis Lanfranchi, Cap. 1. §. 3. ubi ait Psalmos prostratos, idest, septem Penitentiales, & septem primos graduum.

V. Psalmis Penitentialibus sic annexæ sunt Litanie, ut illi quidem nunquam sine his in Rubricis præcipiantur; illæ vero separatim a Psalmis præscribuntur diebus Litaniarum majorem, & minorum, idest, in Festo S. Marci, & in tri-duo Rogationum ante Festum Ascensionis Domini, ut dicemus Tomo II. Tit. ix. *De Processionibus*, Cap. iv. Quibus ergo diebus omittuntur Psalmi ipsi Penitentiales propter Festum occurrentem, ut supra adnotavimus, Litanie quoque consequenter omittuntur; focus vero in illis quatuor diebus, quibus seorsim a Psalmis præscriptæ sunt; quocumque enim Festo in ipsis occurrente, semper dici debent, non tantum in Choro, seu in Processionibus, sed etiam privatim ab iis, qui Processionibus minime interfunt, & quidem cum obligatione sub peccato mortali, uti post Suarez, & Gavantum docet laudatus Guyetus citato loco, *Questione iv.* Porro Litanie, quæ habentur post memoratos Penitentiales Psalmos, demptis aliquibus Sanctis de novo additis, eadem sunt, quæ in Ordine Romano apud Hitorpium, in Benedictione Ecclesie, & in antiquis Ritualibus leguntur. Hæc ante Sanctum Hieronymum minime fuisse in uso, sentit quidem Walfridus in Libro, *De rebus Ecclesiasticis*, Cap. xxxviii. Sed ait tamen Gavanti citato loco num. 9. id intelligendum apud Romanos, nam in Ecclesia Cesarieusi eas adhibitas esse, scribit S. Bassianus Epistola 63.

VI. Eodem teste Gavanto num. 10. in Breviariis mss. & in edito anno MDL. plures Sancti recensebantur, & petitiones diversarum rerum, quibus scilicet additur, *Te rogamus, audi nos*, multo plures erant. Pius autem Quintus selegit nobiliores Sanctos, & ad sufficientem numerum petitiones redegit, quibus non debet fieri nulla additio, inconsulta Sanctæ Sede Apostolica, nec etiam Patronorum loci, & præsertim quando dicuntur Litanie ex præscripto Breviarium Romanum in Rogationibus, & in Feriis sextis Quadragesimæ; quia scilicet laudatus Pontifex prohibuit in Bulla omnem additionem. Forte in aliis casibus addi poterant ab Episcopis, at Sacra Congregatio die xxii. Martii MDCXXXI. respondit Canonici Cathedralis Regionis, non posse inferi alios Sanctos in Litanis, præter descriptos, etiam tempore pestis, quod hi petebant facultatem addendi Sanctos Titulares, & Patronos Civitatis. Cæterum antiquum est nostri Oratorii S. Hieronymi Charitatis de Urbe institutum, ut in Litanis Sanctorum, quas tribus per hebdomadam diebus in Oratorio Vespertino dicere solemus, post S. Franciscum, invocemus S. Philippum Nerium, quod hic triginta tres annos apud nos in eodem S. Hieronymi Charitatis Domo commemoratus, ibidem Congregationem Oratorii instituerit, uti alibi late ostendimus; eamque ob causam Festum ejus die de ipso xxvi. Maji quo oblit, sub ritu duplici primæ classis, cum Missa Pontificali, panegyrica Oratione, & octava solemni, ex quo Sanctiorum Fastis fuit adscriptus, quotannis celebramus, & inter fustigalia Sanctorum, quando in Officio occurrunt, commemorationem illius facimus. Sed de his alias.

VII. Psalmus denique lxi. *Deus in adiutorium meum intende*, qui dicitur post Litanias cum

cum variis Precibus, erat quidem olim alius, itemque Orationes longe plures, quam hodie, ex Radulpho, a quo indicatur esse ultima Oratio, que item apud nos est ultima. S. Pius V. tamen nihil mutavit, sed omnia ex Breviario edito anno MDL. in suum transtulit Breviarium, quo utimur, excepto Litaniarum fine, quem prorsus accepit a mis. Breviariis. Orationes, quæ dicuntur post Preces, nempe, *Deus, cui proprium est* &c. ac reliquæ, antiquæ sunt, occurruntque

in Sacramentario Sancti Gregorii Papæ, & in priscis Ritualibus, sed sparsim tamen, uti videre est apud Martene in Libris, *De antiquis Ecclesiæ ritibus*. Nequid vero hoc loco omittamus, testè Radulpho in citata Propositione XXI. Punitentiales Psalmi, de quibus loquimur, absolute incipiebantur, sed in Breviariis tamen nonnullis mis. & in edito Breviario anno MDL. præmittitur Antiphona, *Ne reminiscaris Domine* &c. desumpta ex Libro Tobie.

C A P U T IV.

De visitatione, & cura infirmorum.

§. I.

Parochus inprimis meminisse debet, non postremas esse muneris sui partes egrotantium curam habere. Quare cum primum noverit, quempiam ex Fidelibus curæ suæ commissis egrotare, non expectabit, ut ad eum vocetur, sed ultro ad illum accedat, idque non semel tantum, sed sæpius, quatenus opus fuerit; hortaturque parochiales suos, ut ipsum admoncant, cum aliquem in Parochia sua egrotare contigerit, præcipue si morbus gravior fuerit.

C O M M E N T A R I U S.

Inter præcipuas Parochorum obligationes postremum certe locum non habet visitatio, & cura infirmorum. Omni quidem tempore, ut sapientissime loquitur S. Carolus in Instructionibus de visitatione ipsa, & cura infirmorum, Parochus gregi suo invigilare debet; sed cum primum aliquis ejus curæ commissus in morbum incidit, tum maxime omnem Parochialis caritatis diligentiam ipse in eo ponet, ut egrotantem in via salutis recte dirigat, & a nequissimi demonis insidiis, conatibusque teneatur, ac defendat pio præsidio salutarium adjumentorum. Hinc quod Concilio Agathensis olim pie cautum est, id Sanctissimus Anstiles renovans, non modo in ipsis Instructionibus, verum etiam in Concilio Provinciali v. Mediolanensi, ubi agit de iis, quæ ad Sacramentum Extreme Unctionis pertinent, Parochum monet, ut Missa celebrata, si quos in Parochiali vicinia egrotos habet, frequenter, atque adeo quotidie, cum per alias Parochiales curæ suæ occupationes potest, visitet,

eisdemque præstet, prout opus esse viderit, officia charitatis, & sollicitudinis Parochiali muneri suo conjuncta. Addit mox etiam, expectare Parochum non debere, ut ab egrotato vocetur, sed ut ille ultro ad eum vadat; Parochialesque item suos & universæ, & sigillatim, sepe numero, prout occasio feret, debere hoc admonere, ut se accersant, quum primum aliquis in febrem, morbumve inciderit. Quod etiam non vocati debeant Parochi egrotos Parochiam suam invisere, ut ad Sacramentorum susceptionem inducant, & eorum animabus, quacunque ratione possint, sollicite consulant, statuit idem S. Carolus in Concilio Provinciali 1. Constitutionum Parte II. Capite, *De iis, quæ ad Sacramentorum administrationem generatim pertinent*. Ita quoque Sanctus Carolus in citatis suis Instructionibus, quibus permulti Episcopi inhaerentes similia in Synodis suis statuere his plane conformia, quæ hic noster §. servanda in visitatione, & cura infirmorum Parochiis mandat.

§. II.

Ad hoc juvabit præsertim in amplis Parochiis, egrotorum notam, seu catalogum habere, ut cujusque statum, & conditionem cognoscat, eorumque memoriam facilius retinere, & illis opportune subvenire possit.

C O M M E N T A R I U S.

Quo diligentius Parochialis sui muneris partes explorare Parochus valeat, merito in hoc §. admonetur, præsertim in amplis Parochiis, egrotorum notam, seu catalogum habere, ut cujusque statum, & conditionem cognoscat, eorumque memoriam facilius retinere, & illis opportune subvenire possit. Huc plane faciant, quæ inter alia statuit Sanctus Carolus in memoratis suis Instru-

ctionibus de visitatione, & cura infirmorum: *De ægri statu, genereque morbi, adversare voluntudine perquiret. Ejus item mores, vitam, actiones, negotia, ut sciat salubria dare consilia, opportunaque adhibere remedia, omnique sanctæ consolatione juvare*. Similia legere est in variis Ritualibus, Synodisque Provincialibus, ac Diocesanis, quorum loca supervacaneum est in hoc Commentario describere.

§. III.

Quod si Parochus legitime impeditus, infirmorum, ut quando plures sunt, visitationi interdum vacare non potest, id præstandum curabit per alios Sacerdotes, siquos habet in Parochia sua, aut saltem per laicos homines pios, & Christiana charitate præditos.

COMMENTARIUS.

I. Diffusum statuit in suo IV. Provinciali Concilio Mediolanensi S. Carolus, Constitutionem Parte II. Capite inscripto, *Quæ pertinent ad Extremam Unctionem, & reliqua circa morienter officia*, ubi sic inquit: *Si vero adeste aliquando non potest, vel quia aliter graviter agrotantibus Sacramenta ministrare necesse habet, vel quia necessarii Parochialis curæ occupationibus illi impeditur, tunc ea pietatis officia illi a Sacerdote, siquis alius eo loco est, sollicite præstari curat.* Audiendum iterum Sanctissimus Præfatus in sua de visitatione, & cura infirmorum Instructionibus, ubi quædam alia notavit, quæ apud nostrum huic §. consentiunt: *Et vero, inquit, quoniam aliter Parochialis cura officio alligando fortasse destitui potest, propterea Parochia sua Sacerdotes, si quos habet, aut saltem laicos aliquos homines virtute, & vite spirituali usu præstanter deligit, qui ægrotum adeunt, recteque corroborant, cum ad vim morbi patienter in Domino ferendam, tum ad alia Christiana pietatis officia præstanda.*

II. Opportune autem notandum hic illud censeo, quod, ubi Parochi legitimo impedimento detenti, assistere ipsi infirmis non possunt, cogendi plane sunt, ut necessarios Ministros sibi adjungant: huc enim etiam spectare potest illud Concilii Tridentini Decretum, quod legimus in Sessione XXI. *De reformatione*, Cap. IV. *Episcopi, inquit, tamquam Sedis Apostolicæ delegati, in omnibus Ecclesiis Parochialibus, vel Baptismalibus, in quibus populus ita numeratus sit, ut unus Rector non possit sufficere Ecclesiasticis Sacramentis ministrare, & cultui Divino peragendo, ceteros Rectores, vel alios, ad quos pertinent, sibi tot Sacerdotes ad hoc munus adjungere, quot sufficiant ad Sacramenta exhibenda, & cultum Divinum celebrandum.* Porro ubi id ob reditum tenuitatem Parochi præstare non possint, non addubito, quin Sacerdotes non modo Sæculares, verum & Regulares Parochiæ, & a Parochis, & ab eorum Parochianis, cogi queant, ut & infirmis spirituali auxilio indigentibus assistant, Parochosque in Parochiali munere juvent.

III. Et quidem quod Sacerdotes Presbyteros spectat, sive prescram, sive hodiernam Ecclesiæ disciplinam spectemus, quam late explicuimus, & in Commentariis ad Concilia Oecumenica, & in illis, quibus Romanum Pontificale illustravimus, nullus jam ordinari debet, nisi uni Ecclesiæ adscribatur, eique pro sua conditione, & talento inserviat: Neque vero, ut scite observat Vanespem in Parte I. Juris Ecclesiastici universi, Tit. I. Cap. IV. num. IV. *ex mente Ecclesiæ sufficit, si forsitan aliquoties in Ecclesiâ, cui adscriptus est, tamquam Subdiaconus, aut Diaconus, minister, vel Presbyter Missam celebret, & de reliquo nullam Ecclesiæ servitium exhibeat; sed ita se exhibere debet, ut vere dici queat, quod Ecclesiæ illi serviat, ejusque servitio se impendat,*

& occupet, verbi gratia, peragendo divinis Officio, vel Parochia in catechizandis parulis, visitandis ægrotis, alligatis suntionibus assistendo, nisi ipsum major Ecclesiæ utilitas aliis functionibus impendat. Cæterum ad Presbyteros Regulares, quod attinet, sive ii Clerici sint, sive Fratres, Monachi, debent & ipsi pro sua quique virili, conditione Parochos adjuvare, tum quod ut eorum subsidium sunt, ut idem Vanespem probat citata Parte I. Tit. III. Cap. VII. ubi inter alia duorum insignium Ecclesiæ Doctorum, Sancti Thomæ Aquinatis, & S. Bonaventuræ, qui Fratres Mendicantes fuerunt, ille Prædicatorum, hic Minus Ordinis Alumnus, eam in rem loca describit. Sed ubi alia argumenta deessent, ratio ipsa iustitiam postulat, ut Regulares, qui Locorum redditibus vivunt, eorumque legatis, elemosynive in amplis Domibus degunt, eorum incolis spirituali saltem subsidio sint, ubi præsertim lethali morbo laborant. Pertineret ad Magistratus locorum recursum habere ad supremos Religiosorum Ordinum Moderatores, ad ipsumque Summum Pontificem, ut Regulares iidem cogerent, ut in Locis, in quibus degunt, literas etiam docerent, sique populis, a quibus sustentantur, aliquo modo prodesse. Atque id utile, & honorificum admodum esset, & populis ipsis, & illis Regularibus, qui otiosi in Oppidorum Monasteriis commorantes, ac minus religiose viventes, occasionem non semel supremis Ecclesiæ Pastoribus, Principibus præbuerunt, ut non sine eorumdem populorum spirituali, ac temporali detrimento, ac summo Regularium etiam dedecore, Monasteria ipsa supprefferint.

IV. Sed his obiter dictis, ubi Sacerdotes, sive Sæculares, sive Regulares desiderantur, recte admodum noster §. Parochum monet, ut si legitime impeditus, infirmorum, ut quando plures sunt, visitationi vacare interdum non possit, id præstandum curet *saltem per laicos homines pios, & Christiana charitate præditos.* Neque enim ille excusare se possunt, nisi & ipsi legitimo impedimento detenti sint. Nam inter opera corporalis misericordie, ad quæ præstanda Christiani omnes tenentur, visitatio infirmorum recensetur, cujus omisso, ubi peragi potest, peccatum profecto lethale est, æterno inferni igne pensandum, ut ex Evangelio Matthæi addicimus, Cap. XXV. ubi Christus inter alias multorum damnationis causas recenset, quod infirmos non visitant. Cæterum charitatis, misericordieque præceptum, ac officium, ut est naturæ, ac rationi maxime consentaneum, sic ad omnes etiam se porrigit, ut hinc scriptum legamus, Ecclesiastici Cap. XVII. *Visitantes mandavit Deus de proximo suo.* Ita vero mandavit, veluti Christus interpretatur, Matthæi VII. & Lucæ VI. *Omnia quæcumque vultis, ut faciant vobis homines, ita & vos facite.*

§. IV.

Ægrotos visitans, ea qua Sacerdotes Domini decet, honestate, & gravitate se habeat, ut non agris solum, sed sibi, & domesticis, verbo, & exemplo profit ad salutem.

COMMENTARIUS.

I. *P* Relucere Sacerdotes omnes, ac Parochos præsertim debere morum honestate, docent nos Sacra Literæ, Sancti Patres, ac Synodi passim. Sed opportune tamen & hic §. Parochum monet, ut *ægrotos visitans, ea qua Sacerdotes Domini decet, honestate, & gravitate se habeat, ut non agris solum, sed sibi, & domesticis, verbo, & exemplo profit ad salutem.* Hinc merito S. Carolus in citatis superius Instructionibus Parochum monet, ut ad ægrotas mulieres accedens sibi comitem adungere curet Virum, vel Ecclesiasticum, vel laicum sanctæ charitatis operibus deditum; & omnino nunquam sit in cubiculo solus, & cum necesse fuerit, ob Pœnitentiæ Sacramentum ministrandum, patienti tamen ostio id præstet.

II. Porro honestas Parochi, aliorumve Sacerdotum secularium, Regulariumve consistere in eo potissimum debet, ut *ægrotos visitantes, ab omni specie avaritiæ caveant, artibusque illis abstineant, quibus nonnulli Clerici, Monachique, infirmis senibus præsertim, ac anubus afflictes, legata, hæreditatesque captabant, occasioneque iccirco dederunt* Valentiniano Imperatori, ut Constitutionem eaderet anno CCCLXX. ad Damasum Papam datam, in qua cum monet, placuisse sibi Ecclesiasticos, & Monachos de viduarum bonis nihil vel testamentum, vel donatione posse percipere. Meminare quidem ejus Legis S. Ambrosius, ac S. Hieronymus, quorum loca attulimus, explicuimusque in nostris Notis ad Epistolam ejusdem Hieronymi ad Nepotianum, *De Vita Clericorum, & Sacerdotum*, pag. 36. & seq. Sane quam turpis, quam abjecta, quam vilis fuerit tunc temporis sacrorum hominum assidua præsentia in senes, ac anus absque liberis morientes, ut eos emungerent, & hæredes ab his instituerentur, scriptum reliquit ad nostram instructionem in citata Epistola idem Hieronymus, sic inquit: *Audio præterea in senes, & anus absque liberis quorundam turpe servitium, ipsi*

apponunt matulam, obident lectum, parulentiam stomaebi, & plegmata pulmonis munera propria suscipiunt. Pauperes ad introitum medici, trementibusque labiis, an commodius habeant, sciscitantur; & si paululum senex vegetior fuerit, periclitantur, simulataque lætitia menti intrinsecus avara torquetur; timent enim, ne perdant ministerium, & viduam senem Macabuse annis comparant.

III. Sequioribus Sæculis conatæ quidem sunt Sacra Synodi ei sacrorum hominum calliditati obviare, qui se piis Fidelibus sensum infusa bant, ut eos prolicerent ad res suas Ecclesiæ legandas, quique iccirco acriter reprehensi sunt a Concilio Babilonensi in Gallia celebrato anno DCCCXIII. Can. vi. ubi ita inquit: *Impetatur quibusdam Fratribus, eo quod avaritia causa hominibus persuadeant, ut obrenunciantes sacro, res suas Ecclesiæ conferant, quod penitus ab omnium mentibus eradicaendum est. Sed notanda ratio, quam mox subiicit: Animarum quippe salutem inquirere Sacerdos, non lucra terrena debet, quoniam Fideles ad res suas dandas non sunt cogendi, atque circumvenendi. Oblatio namque spontanea esse debet, juxta illud quod ait Scriptura (Psal. 111.) Voluntarie sacrificabo tibi; & illud (Exodi xxxv.) Omnis populus mente devota obtulerunt donaria Domino. Ecclesia vero sancta non solum Fideles spoliare non debet, quin potius inopibus opem ferre, ut debiles, pauperes, vidua, orphani, & ceteri necessitatem patientes, a Sancta Ecclesia, ut puta a pia Matre, & omnium gubernatrice subsidium accipiant. Sed nec defunt posterioribus Sæculis Synodi, quæ variis Decretis, ac variis etiam statutis pœnis, conatæ sunt quorundam sacrorum hominum avaritiam coercere, qui sub prætextu ægrotos morientes juvandi in anime commendatione, iisdem adrepunt, ut eos inducant ad res suas sibi legandas, relinquendasque, consanguineis omnino præteritis, ac derelictis.*

§. V.

Eorum vero præcipuam curam geret, qui humanis auxiliis destituti, benigni, ac providi Pastoris charitatem, & operam requirunt. Quibus si non potest ipse succurrere de suo, & eleemosynas illis, prout debet, si facultas suppetit, erogare, quantum fieri potest, sive per Charitatis, vel alterius nominis Confraternitatem, si in ea Civitate, vel loco fuerit, sive per privatas, sive per publicas collectas, & eleemosynas, illorum necessitatibus succurrendum curabit.

COMMENTARIUS.

I. *T* Amcti, & Rituales Libri complures, ac Synodi eadem statuunt, quæ in hoc sunt §. præscripta, lubet nihilominus ea semper scitari, quæ docet S. Carolus in Instructionibus de visitatione, & cura infirmorum,

ubi ita ad rem inquit: *illis maxime visitandis, & consolandis assiduam charitatem Parochi natabit, qui verum omnium indigentia, & morbi acerbitate, miserabilem in modum afflicti, entationem difficillimam experiantur, quorum pau-*

peritatem commotus zelo pietatis sublevari, ut & ipse, si per facinoratos potest, aliquid de suo erogat, & aliorum elemosinas conquirat. Teneri Parochum, ceterosque Beneficiarios, præter simplicem victum, ac vestitum, quicquid ex Beneficiis Ecclesiasticis percipiant, in pauperes præsertim infirmos erogare, certa sententia est, Sanctorum Patrum testimoniis, Conciliorumque Decretis comprobata, quorum loca non uno in loco Operum nostrorum allegata, supervacaneum est in hoc Commentario repetere. Cæterum agenda gratiæ sanctæ memoriæ Benedicte Papæ XIII. qui intolerabile pensionum onus a quibuscumque curam animarum habentibus Beneficiis abtulit peculiari sua Constitutione Romæ edita anno MDCCXXIV. octavo Idus Septembris, quæ incipit: *Quanta Pastoribus &c.* Ergo sublata hac detestanda, sic enim ipsa Constitutione loquitur Pontifex, Beneficiorum Ecclesiasticorum nundinatione, Pastores animarum commodius valeant, non tantum Ecclesiarum suarum indigentia, sed & pauperum suorum, præsertim infirmorum, necessitati ex eo, quod honeste, & congrue ipsarum Parochorum sustentationi supererit, providere.

II. Quum autem multi sint hodieque Paro-

chi, qui vel in magnis Civitatibus, vix se ex redditibus Ecclesiæ sustentare valeant, recte admodum monet hic noster, curandum Parocho, si non potest ipse succurrere de suo, & elemosinas illis, prout debet, si sanctas suppedit, erogare, quantum fieri potest, sive per Charitatis, vel aliteris nominis Confraternitates, si in ea Civitate, vel loco fuerit, sive per privatas, sive per publicas collectas, & elemosinas, illorum necessitatibus succurrendum. Sane Archiconfraternitatem Charitatis ad pia opera exercenda, pauperesque juvandos Romæ instituit Julius Cardinalis Medices, qui fuit postea Clemens Papa VII. eamque primum approbavit Leo Papa X. peculiari sua Constitutione, quæ incipit, *Illius, qui eboritas est*, data Romæ 1v. Idus Decembris, anno 1. Pontificatus, Christi vero MDXIV. ad ejusque imitationem aliæ deinde in aliis locis erectæ sunt Confraternitates, quibus inter alia pia opera curæ est infirmorum necessitati succurrere. Verum ubi hujusmodi Confraternitates desunt, curare tunc demum Parochus debet, sive per privatas, sive per publicas collectas, & elemosinas, indigentia ægrotorum subvenire. Quod quidem facile obtinebit, si populus Parochum viderit non sua querere, sed quæ Jesu Christi.

§. VI.

In primis autem spirituales ægrotantium curam suscipiat, omnemque diligentiam in eo ponat, ut in viam salutis eos dirigat, atque a diabolicis insidiis salutarium adjumentorum præsidio defendat, ac tueatur.

COMMENTARIUS.

I. **E** Adem hæc plane sunt, ac illa, quæ Sanctus Carolus initio suarum instructionum de visitatione, & cura infirmorum docet, Parochum monens, ut, eam primum aliquis ejus curæ commissus in morbum incidit, tunc maxime omnem Parochialis charitatis diligentiam ipse in eo ponat, ut ægrotantem in viam salutis recte dirigat, & a nequissimi demonis insidiis, coactibusque tueatur, ac defendat præsidio salutarium adjumentorum. Porro, quum diabolus habens iram magnam, sciens, quod modicum tempus habet, ut loquitur Joannes in Apocalypsi, omnem tunc impendat operam suam, ut morientem potissimum variis tentationibus in desperationem, ac viam perditionis inducat, opus plane est, ut Sacerdos assidens salutarium adjumentorum præsidio eum defendat, ac tueatur.

II. Omisissis variis Patrum testimoniis, atque exemplis, quæ hæc de re in Vita Sanctorum occurrunt, unum domesticum referam, quod est illud nostri Persiani Rosæ, qui una cum S. Philippo Nerio Sodalitium Sanctissimæ Trinitatis excipiendis Romæ peregrinis anno MDXLVIII. instituit, illucque, cuius erat a confessionibus, præcepto adegit, ut Sacerdotio initiatus, nostræ Sancti Hieronymi Charitatis Domi inter Patres administraretur, in eaque Sacramentum Pœnitentiæ administraret, atque alia pietatis opera perageret, in quibus deinde Magister effectus Congregationem Oratorii instituit. Ergo Persianus Rosæ, ut in Vita S. Philippi narrat Gallonius ad annum MDLVIII. *ægrobat gravissime, cumque ad ultimum periculi venisset, a diabolo nigerrimi*
Tom. I.

canis specie vexari cepit acerrime. His in angustiis Divinum magna animi demissione implorabat auxilium, illud Psalmi frequenter incantans: *Judica me Deus, & discerne causam meam.* Cumque hunc in modum cum communi hoste decertaret, venit improvise Philippus, quem ubi ille vidit, clamare continuo cepit: *Adjuva me Sancte Philippe; est hic canis colore nigerrimus, qui me lacerare nititur, succurre quæso, succurre quod potes, ne devorer.* Quibus verbis motus B. Pater, humi illico, adstantibus primum, ut pro ægro vel semel Orationem Dominicam recitent, iussit, se se prostravit; quod cum fecerit, ecce tibi ille de repente voce dicere cepit: *Canis recedit, fugit canis, en in limine ostii stat.* Tum surgens ab oratione Philippus, piacularis aquæ adpersione demonem ab eo etiam loco fugavit cum solatio morientis, qui letat effectus multum faciebat agendi gratias Deo, Beatoque Patri modum; ea vero molestia, horribilique visu non modo in presens, sed etiam in posterum liberatus, magna cum animi tranquillitate e vita migravit Kal. Aprilis; prædicto scilicet anno MDLVIII. Atque hic est ille noster Persianus Rosæ, cui æternum devinctam profiteri universa Congregatio Oratorii se debet, ipse enim Philippum spiritui genuit, ejusdem postea Congregationis Parentem.

III. Sed ne a nostra Domo discedamus, ecce & hic aliud exemplum, ad illustrandum magis magisque hunc nostrum §. Teste eodem Gallonio in ejusdem S. Philippi Vita anno MDLX. ac Baccio Lib. II. Cap. vii. num. 2. & aliis, cum

quidam Sebastianus molis Adriane tibicen, unus ex spiritalibus Philippi filius, & nostri Oratorii S. Hieronymi Charitatis Fratris, in morbum incidisset, quem mors consecuta est, vite sine jam instante, a communi humani generis hoste gravissimis capitis tentationibus impeti; diabolus enim ut hominem in desperationem induceret, nigrum se se illi, aspectuque terribili ad videndum objecit, animo ejus insultans, cujus horribili visu perterritus eger, magnis undique afflictionibus oppressus, prope desperatione torpebat, exclamabatque: *Hec me miserum, Deus me, jam deseruit me Deus, jamque perpetuis gehennae flammis addictus sum, & mihi perditio, & mihi.* Cumque duarum circiter horarum spatio hunc in modum anxius conqueffus esset, neque ullam ab ullo consolationem admitteret, nec Parochum ipsum ad eum convolantem audire, vel videre vellet, accessit a domesticis re conterritis Philippus, statim ac in jacentis cubiculum intravit, & quid verum, ait, quid verum? *ne dubites*; in spem illico ille erectus, alta voce quasi canendo dicere cepit: *Philippus Pater daemones fugat, ex abeant daemones a Philippo suavis, O magnam Philippi virtutem? Vivat S. Hieronymus, vivat P. Philippus, vivat Oratorium.* Ita plane effatus est Sebastianus, teste Francisco Burdino (1) S. Philippi alumno, qui aderat, ut ipse afferit in Processu Canonizationis Philippi, contemnique iccirco Gallinus, ac Baccius debent, ubi ajunt, dixisse Sebastianum: *Vivat Christus, vivat Philippus, cuius ope ab inferni faucibus ereptus sum, vivat Oratorii opus.* Dixit enim, *Vivat S. Hieronymus*, quod quidem nomen ac-

ficio quo spiritu ducti memorati Auctores perperam supprefferint.

IV. Quicquid sit de hujusmodi hominibus Oratorio S. Hieronymi Charitatis Oratoriorum omnium a S. Philippo Nerio institutorum principi infestis, tenendum plane, observandumque a Parocho, aliove Sacerdote, qui infirmis adfuit, illud quod ait hic noster §. ut *utemur in primis spiritualium agrotationum curam suscipiat, omnemque diligentiam in eo ponat, ut in viam salutis eos dirigat; atque a diabolice insidiis, salutarium adiumentorum praesidio defendat, ac tueatur.* Quamobrem multa reprehensione sunt digni, qui, ubi primum ad infirmos accedunt, sacctioni testamenti abrepunt, quod quidem quammaxime improbat S. Philippus, de quo ita scribit Baccius in ejus Vita Libro II. Capite xv. num. 7. *Quod autem attinet ad legata, & testamenta, non ignorat eos, qui hujusmodi se negotiis immiscant, saepenumero, vel offensa, vel suspitionis ansam secularibus praebere, hae ipse usque adeo averfabatur, ut quovisemque agrotantem inviseret, ubi primum audisset, conficiendi testamenti mentionem fieri, ab eis citissime discederet, eosdem vix amplius revisurus, nisi jam satis rebus suis consulissent.* Idem repetit num. 16. ubi inter alia tradit, Philippum ipsum non Confessarios solummodo cautos monitumque voluisse, sed Congregationis reliquos omnes, *ne videlicet in testamentis condendis se illo anquam patto implicarent; band ignarum, quam facile ex his oritur vel suspitio, vel offensio.* Sed de hujusmodi testamentis vide quae dicemus infra in Commentario ad §. xvi.

§. VII.

Accedat autem ad agrotum ita paratus, ut in promptu habeat argumenta ad persuadendum apta, ac praesentim Sanctorum exempla, quae plurimum valent, quibus cum in Domino consoletur, excitet, ac recreet. Horteturque, ut omnem spem suam in Deo ponat, peccatorum suorum poeniteat, Divinam misericordiam imploret, & infirmitatis poenas tanquam paternam Dei visitationem patienter ferat, & ad salutem suam provenisse credat, ut vitam, moreque suos melius instituat.

COMMENTARIUS.

I. **H**Uc spectant, quae S. Carolus in Sanctorum Patrum, ac sacrarum Synodorum lectione apprime versatus, de cohortationibus, & monitis ad agrotum faciendis, Parochum docet in suis Instructionibus de visitatione, & cura infirmorum, ubi sic inquit: *Præmeditatus veniet, ut habeat argumenta ad persuadendum apposta, ac praesentim exempla Sanctorum, quae recte, apteque addita valde commoveant; his autem enhortationum locis uti poterit, etiam aliis, qui adstant, paululum secedere jussit, itant non audiant, si ita opus esse quandoque viderit.* Tum vero mox subiicit: *Hor-*

tabitur, ut febrem, agritudinemve, in quam incidit, patienter agrotus in Domino ferat, gratiasque ei agat de agrotatione, qua corpus affligitur, cum inde animae utilitas salutaris existere possit, si vere pieque charitatem Dei erga se agnoscent, confirmabit se ipsum in omni patientia, unde fructum uberrimum capiet. Pergit S. Antiles, aliaque docet, quae insinuant agrotis Parochus debet, quumque nostrum §. luculenter explicant: *Demonstrare poterit, a Deo, qui sams est omnium bonorum, factum esse, ut infirmus prosperam corporis valetudinem amiserit, quoniam illius animae salutariter consilium esse vult emendatione*

(1) In Processu authentico Canonizationis S. Philippi, qui extat in Archivo Reverendissimi Patris Generalis Magistri Fratrum Praedicatorum, rem ita curat juratus testis Franciscus Burdinus: *Servivimmi oncora di un altro giovane maritato, amico di Castel Sant' Angelo, chiamato, se ben mi ricordo, Bassiano parente di Messer Alessandro Azzurro di Burgheria, Diacono di Napoli hoc. mem. Il quale dopo grave infermità condotto al punto della morte, & dopo grave tentatione del demonio, che non lo lasciava abbracciare la morte con quella prontezza, che a devoto Christiano si richiede, visitato, & confortato dal P. & da voi altri, dopo le nuove della tentatione, rassegnato il vostro riceve giacendo cominciò a laudare Iddio, & gridare ad alta voce meza canando: Viva S. Gerolamo, viva il P. Philippo, viva l'Oratorio. Et in questo giacere restò lo spirito a Dio con molta disposizione de' circostanti.*

vita antea. Itemque hæc subdit: Si vero agrum disciplina spiritalis, sanctarumque virtutum studio esse animadverterit, morbi vim a Deo illatam esse ostendat, ut in spiritalis vite cursu, quem suscepit, majori progressionem versetur, atque adeo perfectius insulas.

II. Hæc plane, & alia S. Carolus, quibus latius quidem, luculentiusque explicatur, quæ nosse hic & præscribit, quæque olim eandem in rem statuit antiquum Nemausense Concilium ante annum Christi millesimum, ut erudit Scriptores censent, in Gallia celebratum, Can. IV. quo Parochos necessarii imbuunt præceptionibus ad visitandos ægros, instruendosque salutariibus monitis, dum in tanto versantur discrimine: Cum Sacerdos, inquit, audierit, aliquem infirmum in sua plebe, quam citius ad eum pergat, & ingressus cubiculum, aquam benedictam super eum, & per omne cubiculum aspergat cum Antipha, Asperget me Domine; & Versu, Exurgat Deus; deinde dicat Orationem, Deus, qui Sacerdotibus suis tantam præ ceteris gratiam contulisti &c. Deinde canet septem Psalmos cum Precibus pro infirmis. Post hæc omnes

jubeat extra cubiculum secedere, & appropinquans lecto, quo infirmus decumbit, eum blande, leniterque alloquatur, ut omnem spem suam in Deo ponat, ut sigillum Dei patienter toleret, ut hoc ad purgationem, & castigationem suam provenire credat; ut peccata sua confiteatur, ut emendationem promittat, si Dominus vitam concesserit; penitentiam pro culpis commissis spondeat; ut substantiam suam, dum adhuc sensus, & ratio in eo vigent, disponat; ut peccata sua elemosinis redimat; ut his, qui in se peccaverunt, indulgent; ut rectam Fidem, & credulitatem teneat; ut de Dei misericordia nunquam desperet. Concludit tandem, ac mandat, ut, cum his, & hujusmodi allocutionibus fuerit mentis infirmi relevata, data benedictione, recedat Sacerdos, non post multum reversurus, detque locum, ut ægrotus de peccatis suis possit cogitare; quæ scilicet deinde confitetur, ut dicemus mox in Commentario ad sequentem. Porro ad consolandum infirmos valida, ac scitu digna argumenta inveniet Parochus, Sacerdosve in duobus S. Cypriani Operibus, quorum alterum, De bono patientia, alterum, De mortalitate, inscriptum est.

§. VIII.

Deinde quæ par est prudentia, & charitate, hominem ad sacram Confessionem inducat, & confitentem audiat, etiam si velit totius vite peccata confiteri; ac si opus fuerit, tam infirmo, quam ejus familiaribus, vel propinquis in memoriam revocet quod Lateranensis Concilii, ac plurium Summorum Pontificum Decretis cavetur sub gravibus poenis, ne medici ultra tertiam vicem ægros visitent, nisi prius ipsis certo constet, illos Confessionis Sacramento rite expiatis fuisse.

COMMENTARIUS.

I. Hoc in primis susdere infirmo Parochum debere, ut de peccatis confiteatur, idque maxime studere, ut ad generalem de tota vite antea confessionem illum inducat, monet quidem S. Carolus in suis Instructionibus de visitatione, & circa infirmorum, Capite inscripto, De Confessione. Eisdem admonitio legitur passim in variis Synodis, ac iis potissimum post Omenicam IV. Lateranensem celebratis. In ea siquidem Synodo, cujus meminit hic nosse & ab Innocentio Paps III. anno MCCXV. habita, Can. XXII. districte præceptum fuit medicis corporum, ut, cum eos ad infirmos vocari contigerit, ipsos ante omnia moneant, & inducant, quod medicos ad docendum animarum, ut postquam infirmis fuerit de spiritali salute provisum, ad corporalis medicinæ remedium salubriter procedatur. Hunc plane Canonem innovaverunt mox, novoque vigore munierunt complures alie celebratæ in Provinciis, ac Diocesis Synodi, inter quas Ravennatenfis II. sub Clemente V. Pontifice Maximo habita, Cap. XXV. De Penitentia, districte prohibuit, ne medici ad infirmos vocati, ulterius ad eandem redirent, & curare pergerent, nisi prius eis constiterit, quod infirmi prædicti medicum ad docendum animarum, & eis fuerit de animarum salute provisum.

II. Celebris eam in rem est Constitutio Sancti Papi V. quæ incipit, Super gregem, edita anno MDLXVI. ejus executionem districte inter alios imperavit S. Carolus in Concilio Pro-

Tom. I.

vinciali Mediolanensi II. Decreto XVI. his verbis: Summus Pontifex Pius V. propositis excommunicationis, aliisque penis, iussu, medicos ab ægrotantis evocatione post triduanum abstinere, nisi eo triduo spatio de peccatis suis confessionem ille sit. Id Episcopus curet quam diligentissime observari, rationemque præterea aliquam statuatur, quæ medicis ipsis facilius exploratum esse possit, ægram peccata sua vere confessum esse. Tum Canonem ipsam Lateranensem, Tum Pii V. Constitutionem, quod nostro hoc ævo passim a medicis negligenter, ac multi ægri sine Sacramento decederent, ac præsertim absque Sacramentali Confessione, confirmavit, innovavitque, novoque robore munit sanctæ memoriæ Benedictus Paps XIII. in suo Romano Concilio anni MDCCXXV. Tit. XXXII. Cap. I. ubi ita inquit: Nos Episcopi omnibus jubemus, ut Decretalem ipsam Innocentianam (Canonem scilicet XXII. Concilii IV. Lateranensis Innocenti Papi III. relatum in Capite, Cum infirmis, De penitentia, & remissionibus,) & Constitutionem S. Pii V. quæ incipit, Super gregem Dominicum, super hoc etiam emanatam, invigilent omni modo observari; imposita contra medicos excommunicationis pena sibi reservata, si tertiam post infirmi visitationem, ab infirmis extra non abstinuerint, infirmum dum aliquis ipse Penitentia non suscepit Sacramentum, quod Confessorius relicta apud ægrotantem scabellum ejus manu subscripta testari teneatur. Legenda Mandata, & Monita ejusdem Papi Benedicti XIII. ad idem negotium spectantis, quæ extant

X x 2

in

In Appendice ad ipsum Romanum Concilium, num. xxviii. queque multum confurunt ad ea peragenda, quæ hic nosse & præscribere.

III. Plura jam nos in ipsum Canonem xxii. Concilii Generalis vii. Lateranensis notavimus in nostro Tomo iii. Commentariorum ad Concilia Oecumenica, pag. 294. & seqq. Licet autem tam ipse Canon, quam memorata Constitutio- nes Pii Papæ V. ac Benedicti XIII. propriè medicos feriant, qui infirmos non adincent de peccatis rite Sacerdoti confitendis, addubitari certe nequit, quin id etiam, ubi opus fuerit, præstare Parochi teneantur, uti ex variis Conciliis constat, ac præsertim ex Narnatenfi, cujus prolixum locum in Commentario præcedenti descripsimus. Id quod perspicue liquet vel ex ipso nostro præfenti §. quo Parochus jubetur, ut, *quo par est prudentia, & ebaritate, hominem ad sacram Confessionem inducat, & confitentem audiat, etiam si velit totius vite peccata confiteri; ac si opus fuerit tam infirmo, quam ejus familiaribus, vel propinquis in memoriam revocet, quod Lateranensis Concilii, ac plurium summorum Pontificum Decretis cavetur sub gravibus penis, ac medicis ultra tertiam vicem egrotas visitent, nisi prius ipsi certo confitent, illos Confessionis Sacramento rite empiatos salsis. Porro Confessionis sacræ Legè teneri Fideles, quoties mortis periculum imminet, docet S. Thomas in iv. Sententiarum, Distinctione xvii. Questione 111. Artículo 1. Quæstioncula iv. sic inquiriens: *Reia ea, quæ sunt de necessitate salutis, tenetur homo in hac vita implere, ideo si periculum mortis imminet, etiam per se loquendo obligatur aliquis ad Confessionem faciendam tunc, vel ad Baptismum suscipiendum; & propter hoc etiam S. Jacobus simul præceptum edidit de Confessione faciendâ, & Extremâ Unctione suscipiendâ.**

IV. Quod tandem in recitato hoc nostro §. inter alia edicatur de totius vite peccatis confitendis, opportune hic quæri etiam posset, nam ipsa peccata jam pœnitentia expiata secundæ reconciliationis olim sufficerentur, vigueritque apud antiquos generalis n. ut loquatur, Confessionum usus? Et quidem viguisse eum usum, indubitata probant testimonia, & exempla a Martene collecta, ac descripta, Lib. 1. De antiquis Ecclesiæ ritibus, Cap. vii. Artículo II. n. ix. Insigne est quod refert Socrates Lib. v. Historiæ, Cap. xix. *Mulier quodam nobilis ad Pœnitentiarum Presbyterum accedens, delicta post Baptismum n. se perpetrata suppliciter confessa erat. Aliud subministrat S. Gregorius Turonensis in Vita S. Aredii apud Mabillonium, Analectorum Tomo iv. Quippe Aredius, ne aliqua summi peccati delicta jurearent, omnia acta adolescentiæ sua coram conspectu Viri Beatissimi Nicetii Episcopi confessus est. Quæ verba ab ipso Gregorio mutuatus est S. Audouen in Vita S. Eligii, Lib. 1. Capite vii. ubi eadem de Eligio narrat, quæ Gregorius de Aredio. Eodem modo de S. Tillone Sollemnaciensi Monacho loquitur Anonymus in ejus Vita apud Bollandum die vii. Januarii, qui eodem cum S. Eligio vivebat tempore. Neque vero minus insignis Confessionis generalis exemplum extat in Libello, qui inscribitur, Consilium Hincmari Archiepiscopi de pœnitentia Pippini Junioris olim Regis Aquitanie apud Simon- dum in Analæctis ad Capitula Caroli Calvi: *Exhortandus est Pippinus, ut parvam Confessionem**

de omnibus peccatis suis, quæ ab ineunte ætate perpetravit, secreta faciat; quia forte talia fecit, quæ tupe est etiam in publicum dicere.

V. His addæ duo insignia testimonia, alterum S. Anselmi, alterum vero S. Petri Damiani, quorum primus Lib. 111. Epistola lxxvi. ad Fratrem suum Hierosolymam profecturum ita scribit: *Facite Confessionem omnium peccatorum vestrorum nominatim ab infantia vestra, quantum recordari potestis. Alter vero Opusculo lvi. ad Agnetem Augustam scribens, Confessionis generalis ab illa apud ipsum sanctæ Inculcentissimum testimonium exhibet, hisce verbis: Sed ut hi, qui ad Apollolorum Limina confluant, sanctæ devotionis tuæ salubriter imitentur exemplum, sub arcana quoque S. Petri Confessione ante Sacrum Altare me sedere fecisti, ac per Inguibres gemitus, & amara suspiria, ab ipsa quinquenni infantia, tenera adnæ, & super ubi latita levitate capisti; & tanquam illic ipse B. Apollolus corporaliter præsidere, quidquid subtile vel minutum in humanitatis tuæ potuit titillare visceribus, quidquid in cogitationibus vanum, quidquid præterea subrepere potuit in sermone superfluum, fidelibus est relationibus evolatum. Ad quod mihi visum est, ut nihil aliud confitenti pœnitentiæ pondus injungerem, nisi ut illud Divinæ legationis eloquium iterarem: Age quod agis, operare quod operaris. In ipso etiam Cillercien- sis Ordinis exordio Novitii max post conversationem omnia peccata, quæ commiserant, tenebantur Abbati suo confiteri; ut testatur Cæsaricus Monachus in Dial. Diss. 111. Cap. 1. Id quod de generali Confessione intelligendum nemo non videt. Cujus etiam exempla quædam profert Capitulum xxiiii. & xxv.*

VI. Consuevisse potissimum generalem Confessionem ab ægrotantibus morientibus fieri, & quidem coram Sacerdotibus multis, demonstrari id quoque variis exemplis, ac testimoniis potest. Insigne plane ejus rei exemplum suppeditant Acta S. Theodardi, sive Audardi Narbonensis Episcopi apud Bollandum die 1. Maji, qui cum in S. Martini in Agro Caturacensi devenisset, & ibi nimis vi febrium gravatus decumberet, & jam jamque sui obitus non longe abesse mente perspicere, vocavit ad se ejusdem Cœnobii Abbatem, & qui sub ejus cura debebant, reliquos omnes Sacerdotes Monastico nentes officio, & confessionis suæ professionem, eorum, quæ patravat, delictorum, non enim est homo super terram, qui faciat bonum, & non peccet, evidentem cum lacrimis, & gemitibus, magna cum cordis contritione, necnon suspiriis exposuit. Sed, ut omitam alia exempla, quæ frequenter occurrunt in Sanctorum veterum Vitis, & quorum nonnulla recentius laudatus Martene citato loco, Artículo vi. num. x. S. Anno Colonienfis, quartæ ante decessum suum hebdomadâ Erpbensem Siebergensem Abbatem, quem pro canitie veneranda Patrem semper appellabat, aliorumque Monasteriorum Patres, & Fratres non minus duodecim juxta se assistere voluit, & cordis oculis perflustrare omnem vitam suam decessum, Confessione publica fecerunt, se peccatorem proclamabant. Ex quibus omnibus discimus, antiquum esse generalis Confessionis usum, quam optimum est, ut quisque Fidelis moriturus rite faceret, juxta illud, *Recogitabo tibi omnes annos meos in amaritudine animæ meæ.*

§. IX.

Illud præterea diligenter servari curabit, nequis pro corporali salute aliquid ægroto suadet, vel adhibeat, quod in detrimentum animæ convertatur.

COMMENTARIUS.

QUOD in hoc §. edieitur, jam istud quoque constituit Concilium Generale IV. Lateranense anni MCCCXV. Can. XXII. eujus postrema verba hæc sunt: *Cum anima sit multo pretiosior corpore, sub interminatione anathematis prohibemus, nequis medicorum pro corporali salute aliquid ægroto suadeat, quod in periculum animæ convertatur.* Itaque omnquam licet medico dare medicinam corporalem contra salutem animæ, quia præposterus ordo est corporis animæ præferre; & eo faciat, præcipitur ei sub pena excommunicationis; unde lethale peccatum est consilium fornicationem, vel ebrietatem, uti Doctores recitantur Canonis locum exponunt; idemque esse ajunt, si medicus isorimus diceret: *Non consulo tibi, tamen si accederes ad aliquam mulierem, sanaberis.* Revera eoin hoc esset consilium, idest, ostendere quid sit faciendum. Similiter etiam, si hoc ex imprudentia diceret, quia deberet verissimiliter cogitare, quod cum expoeret periculo sic faciendi; cuiusque scandali fieret, uti post alios notavit Silvester in Summa, verbo, *Medicus*, nom. 4.

II. Cæterum cum ex nostro §. imo ex Lateranensi Canone, unde ille desumptus est, atque ex Christiana ipsa doctrina in Evangelio stabilita,

*anima sit multo pretiosior corpore, esset quoque infirmus lethalis peccati reos, si prævum illud consilium medici sequeretur; laudaturque iceirco Thomas Eboracensis Episcopus, quod vitæ salutem contemplerit, proponentibus medicis, quod non convalesceret, nisi per coitum, quod ille facere tamen reouit; uti videre est apud Rogerium Hovedonum in Henrico I. ad annum MCVIII. & Guillelmum Neubricensem Libro I. Cap. 111. Commendatur etiam quamaxime ex hoc capite S. Casimirus Poloniæ Rex, qui, uti de eo legitur in Vita ipsius, & in Breviario Romano in ejusdem Festo die IV. Martii, dum gravè pressus infirmitate, mori potius, quam castitatem jacturam ex medicorum consilio subite consultanter decrevit. Non ergo mirum, si & ita quoque se gessit Boosifacius Papa IX. testante S. Antonino, ac laudante Tit. XXII. Cap. 111. apud Pagium in fine Vitæ ejusdem Pontificis: *A multis vulgatum est, quod cum secundum medicinam carnalem diceretur sibi, quod per coitum cum muliere liberaretur a calculo, ex quo decessit, minime acquiescere voluit tanto sacrilegio contra Divinam Legem, eligens potius pudice mori, quam impudice vivere, & ideo valde commendandus fuit.**

§. X.

Ubi vero periculum imminet, Parochus monebit ægrotum, ne dæmonum astutia, neque medicorum sollicitationibus, neque propinquorum, aut amicorum blanditiis se ullo modo decipi sinat, quo minus ea, quæ ad animæ salutem pertinent, opportune procuret, & qua par est devotione, & celeritate, Sancta Sacramenta, dum sana mens est, integritate sensus, religiose suscipiat, citra fallacem illam, ac perniciosam procrastinationem, quæ plurimos ad æterna supplicia perduxit, in diesque, fallente diabolo, perducit.

COMMENTARIUS.

QUOD primum ait hic noster §. desumptum plane est ex iis, quæ docet Sanctus Carolus in suis Instructionibus de visitatione, & cura infirmorum, ubi ompe cohortationes, & monita ad ægrotum faciendi a Parocho recolet, sic inquit: *Monet etiam, ut ne dæmonis astu, neque medicorum sollicitationibus, nec propinquorum, aut amicorum, demestricorumve blanditis cohortationibus se ullo modo decipi sinat, quo minus in ea, quæ sibi salutaria sunt, incumbat; ut nempe, uti aperte hic noster §. loquitur, qua par est devotione, & celeritate Sancta Sacramenta, dum sana mens est, integritate sensus, religiose suscipiat, citra fallacem illam, ac perniciosam procrastinationem, quæ plurimos ad æterna supplicia perduxit, in diesque, fallente diabolo, perducit.* Sane si Rituales Codices, si Sacra Synodos veteres æque, ac recentiores consulamus, districte ab iis jubetur Parochus, ut cum audivit, aliquem Parochiæ suæ

ægotare, ad eum accedat etiam non accersitus, eumque moneat, præsertim ubi periculum imminet, ut Sacramenta suscipiat. Verum fateri cogimur, non paucos inveniri Parochos, qui saluberrima Ritualium, & Conciliorum Statuta negligentes, vel ad ipsos etiam morietes infirmos non accedunt, nisi vocati, vel si accedunt, contristari ipsi infirmos volentes, præsertim si ii magis sint, oculum ad eosdem de periculo, in quo versantur, nullum de Sacramentis suscipiendis, verbum faciunt. Atque hinc est, quod multi sine Sacramentis ex hac vita decedunt, culpa scilicet Parochorum, quorum etiam nonnulli de solo funere solliciti, post admiostrata ægroto Sacramenta, commendationem ejus animæ aliis peragendam relinquunt. Sed præter peccatum lethale, enjus rei sunt, sunt etiam ipsi variis peccatis obnoxii, quas permolæ Synodi tum Provinciales, tum Diocesane ad coerendum Parochorum socordiam iterum, atque iterum statuerunt.

§. XI.

§. XI.

Quod si æger aliquis hortationibus, ac monitis Sacerdotum, vel amicorum, & domesticorum consiliis adduci non potest, ut velit peccata sua confiteri, tunc non omnino desperanda res est, sed quandiu ille vivit, repetendæ sunt frequentes, variae, & efficaces Sacerdotum, & aliorum piorum hominum exhortationes, proponendaque æternæ salutis damna, & sempiternæ mortis supplicia, offendendaque immensa Dei misericordia cum ad poenitentiam provocantis, ad ignoscendum paratissimi; adhibendæ sunt etiam tum privatæ, tum publicæ ad Deum preces, ad Divinam gratiam impetrandam pro salute miseri decubentis.

COMMENTARIUS.

I. Sapientissime docet hic noster §. quid nempè agendum sit, si æger aliquis hortationibus, ac monitis Sacerdotum, vel amicorum, & domesticorum consiliis adduci non potest, ut velit peccata sua confiteri, tunc non omnino desperandam rem esse ait, sed quandiu ille vixerit, repetendas esse frequentes, varias, & efficaces Sacerdotum, & aliorum piorum hominum exhortationes, proponendaque æternæ salutis damna, & sempiternæ mortis supplicia, offendendaque magnam Dei misericordiam cum ad poenitentiam provocantis, ad ignoscendum paratissimi: Ita plane docet hic noster §. ex quo addicimus, nequaquam Parochus sufficere in sola Theologia morali esse instructum, sed opus illi esse, ut in Sacræ Scripturæ studio, ac Patrum, & in lectione Vitarum Sanctorum sit bene versatus, ex quibus argumenta, ac rationes desumat, ad suadendum confiteri nolenti, ut peccata sua confiteatur. Sane, ut cum huiusmodi ægroto gerere se Parochus debeat, declaravit etiam Sanctus Carolus in suis Instruktionibus de visitatione, & cura infirmorum, ubi de Confessione agit, sic inquit: *Si vero æger se difficilem præbebit, ut, aut confiteri nolit, aut confessionem longius differre velit, ejus rei causam Parochus studiose perquirat; quæ unde accedat, ubi animadvertit, tunc illam appositis rationibus amovere, studebit; sique recte, salutariterque suadendo, illam a proposito deducere non potest; ne tamen ei confitendi tempus proroget ultra quam liceat, nisi primum cum Archiepiscopo, aut ejus Vicario communicata.*

II. Quidquid sit de ejus rei delatione ad Episcopum, ejusve Vicarium, illud plane edicit hic noster §. quod ubi nihil cum adhortationibus, monitis, rationibusque actum est, addibenda sunt tum privata, tum publicæ ad Deum preces ad Divinam gratiam impetrandam pro salute miseri decubentis. Idque non semel factum vidi pro reis præsertim ad mortem damnatis, qui se convertere ad Deum renuebant. Ergo verbis primum utendum est, ad pertinaces, obstinatos-

que convincendos, deinde orationibus, precibusque, quod quidem passim a Sanctis factitatum legitur ingenti illorum fructu, & admirabili ad Deum conversione. Celebre de hac re exemplum habemus quidem in Vita S. Catharinæ Senensis Ordinis Prædicatorum apud Surium die xxx. Aprilis: *Anno Christi MCCCCLXX. Senis erat civis quidam Andreas Naddini dives opum, sed omnis virtutis inopi, cautissimè prope flagitiis cooperatus, tesseram laudis totius deditus, in Deum, & Sanctos ejus perpetim blasphemus, & detestabilis. Is anno ætatis sue quadragesimo gravi correptus morbo tendebat ad extremum. Venerunt autem ad eum multi homines pii, & utrinque sexus Cambitia, atque ante omnes ejus Parochus, hortabanturque eum, ut sua peccata confiteretur. Sed ille miser qui nec sacras Aëles invisere, nec Sacris initiatos aliquam honorare consuevit, admonitiones omnes respuit, seipsum plane desperans. Audivit hoc Fr. Thomas Sancta Virginis Confessarius, effecitque, ut eo Dominum pro homine perenniter precaretur, & quidem ferventissime, atque instantissime. Sed Dominus illi respondit: Illius blasphemii hominis flagitia ad Cælos usque pertinent, qui, præter alia scelera, etiam tabulam, in qua erat picta Imago mea, & Matris meæ, atque aliorum Sanctorum jactavit in ignem, dignus proinde, qui æternis gehennæ flammis exuratur. Verum Sancta Virgo salutis animarum sitientissima, dolens vicem perdit domini, non cessavit a lacrymis, & precibus, donec flexus Dominus Jesus decubenti Andrea appareretur, hortareturque eum, ut sua peccata confiteretur, libera liter ei, si id faceret, veniam pollicent. Et ecce ille sano durius repente mollescit, magna voce postulat acciri Confessarium, dicit Christum Jesum se videre, qui ipsum de facienda confessione admoneat. Latantur omnes, curritur ad Sacerdotem, ille venit, Andreas cum magno cordis dolore integre confitetur peccata sua, condit testamentum, & feliciter migrat a vita. Plurima id genus exempla legere est passim in Vitis Sanctorum.*

§. XII.

Videbit denique Sacerdos, quibus potissimum tentationibus, aut pravis opinionibus æger sit subiectus, eique, prout opus fuerit, apta remedia prudenter adhibebit.

COMMENTARIUS.

I. R. Estè admodum citato superius loco admonet S. Carolus, quod, quoniam causa, quamobrem æger confiteri no-

lit, multiplex, & varia esse potest, utpote vel desperatio, quam ex peccatorum magnitudine, multitudineve concepit; vel affectus alicujus peccati,

cati, quod abjicere nollit; vel accidia quedam, qua fiat, ut is laborem se disponendi exhorrescat; vel alia gravis causa, quæ eum a confitendo deterreat, ideo bene notos habere debet Parochus locos, rationes, & argumenta suadendi, vel dissuadendi, prout causa tulerit, qua eger impeditur, aut deterretur. Atque hic nota, quæ idem S. Archiepiscopus subdit, quæque ea confirmant, quæ superius diximus de scientia in Parocho necessaria: *Quomobrem aliquod studium*

in iis Libris legendis poterit Parochus, quorum doctrinis methodus traditur ad eos, qui moriuntur, juvandos. Puto equidem, optimam esse lectionem Vitarum Sanctorum, in quibus passim argumenta occurrunt, quibus usi sunt Sancti ad suadendam infirmis Confessionem, & ad liberandos eosdem a scrupulis, a desperatione, & a diaboli tentationibus, quibus erant vexati. Varia id genus exempla inveniet potissimum lector in S. Philippi Neri Vita.

§. XIII.

Sacras Imagines Christi Domini Crucifixi, B. Mariz Virginis, & Sancti, quem ager præcipue veneratur, ob oculos ejus apponi curabit. Vasculum item adit Aquæ benedictæ, qua frequenter adspersgatur.

COMMENTARIUS.

Confirmat hunc nostrum §. S. Carolus in eicatis toties Instructionibus suis, ubi exhortationes, & monita facienda ad ægotum enarrat, nomihil etiam adjungens, quod §. ipsum magis, magisque illustrat, atque declarat: *Sacerdos, inquit, Imagines Christi Domini Crucifixi, Beata Maria Virginis, & Sancti præsertim apponi curabit, quem ager præcipue veneratur, quemque Patronum celestem sibi delegit.* Tum vero statim opportune subdit: *Si vero neminem potissimum delegerit, ut deligat, ejusque sacram Imaginem Domini, in cubiculoque præsertim habeat, Parochus studebit.* Et statim: *Vasculum Aquæ benedictæ, quando collocatum non sit, collocari jubebit prope lectum.* Quod sacras Imagines spectat, ac præsertim illam Christi Domini patientis ob oculos morientis ponendas, præter Rituales Codices, qui hunc ritum præscribunt, asserri possent innumera pene Sanctorum exempla, qui ægotantes, morientesque, varias id genus Imagines, ad pietatem excitandas, præparandas sibi curarunt. Celebre est hæc in re S. Caroli exemplum, qui, ut scribit in ejus Vita Carolus a Basilica Petri Lib. vi. Cap. vii. ultima sua ægitudine, *Altare in cubiculo collocari, sepultura Domini Imaginem apponi, ejusque similem super conopæi fulera statui jussit, ut quotiescumque oculos solleret, eam posset contemplari; aliam non dissimilem, Domini præstantis, sanguineumque sudorem cum mortis appropinquaret, effundentis, ejusdem fuleris appendi mandavit, quam detecto videret obtutu, ut priora illa signa continuari facile, quisque cognosceret; quamquam ejusmodi Imagines, quotiescumque ægotaret, ad solatium suum requirebat.*

II. Celeberrimum plane omnium est eandem in rem exemplum S. Camilli de Lellis, qui

ut scribit in illius Vita Sanctus Cicerellus, quam latine reddidit Petrus Halloix Lib. II. Cap. xvii. postremis infirmitatis suæ diebus, *petiit a Confessario, sibi pistorum quandam bæ figuræ procurari; nempe Christi in Cruce morientis cum duobus Angelis, uno ad dextram, alio ad sinistram, tenentibus manu Calicem aureum, qui Sanguinem & vulneribus Jesu exciperent; supra Crucem volebat esse Deum Patrem cum Spiritu Sancto in Columba forma, & cum aliis duobus Angelis ad fucula latera, qui Sanguinis Calicem Patri Aeterno offerrent in remissionem peccatorum ipsius Camilli.* Ad pedem Crucis dextrorsum capiebat depingi Beatissimam Virginem pro ipso deprecantem, sinistrorsum autem S. Michaelem Archangelum tanquam animarum in extremo transitu defensorem. Petebat etiam subter Crucem bæ inscribi verba: *Parec samulo tuo, quem pretioso Sanguine redemisti.* Addebat insuper, *depingendam Sanguinem bene rubrum, quo illam clare, ne distincte contemplari posset, necnon in bona copia, ut ex magna bæ abundantia Sanguinis tanto plus spei hauriret sue solatis.* Similia exempla occurrunt passim in Vitis Sanctorum, sicut & alia multa, quibus docemur, adspersi consuevisse morientes frequenter, juxta præscriptum nostri hujus §. ac Ritualium, complurium, Aquæ benedictæ. Atque hæc facit, quod de ipso S. Camillo idem Cicerellus, eicito loco, Cap. xvi. sic scribit: *Quia & Confessario eas commendationes, animæ scilicet, tum legenti, & interdum Aquæ benedictæ lectum aspergenti, cum is semel ejus faciem vix leviter attigisset, dixit ipse: Plus Aquæ, plus Aquæ benedictæ. Unde Pater ipso aspergillo Crucem illi in fronte efformavit, quo contentus, Sic, inquit, bene habet.*

§. XIV.

Proponet etiam ægotantes, prout ejus conditio feret, aliquas breves orationes, & pias mentis ad Deum excitationes; præsertim Versiculos & Psalmorum Libro, vel Orationem Dominicam, & Salutationem Angelicam, Symbolum Fidei, vel Passionis Domini nostri meditationem, & Sanctorum martyria, & exempla, ac celestis gloriæ beatitudinem. Hac tamen opportune, & discrete suggerantur, ne ægroto molestia, sed levamen afferatur.

COMMENTARIUS.

Monet idipsum quod in hoc §. edieitur, citato superius loco S. Carolus, sed paulo brevius, sic loquens: *Pro-*

ponet etiam ægotanti, prout illius conditio tulerit, aliquas breves orationes, & quas jaculatorias dicimus, præsertim & Psalmorum Libro sumptas, qua

qua facile in promptu sunt. Notanda plane verba illa, quæ etiam initio nostri §. leguntur, prout ejus conditio tulerit, neque enim proponendæ sunt rudibus, feminisque latine lingue ignavis orationes, plæque mentis ad Deum excitationes et Psalmis desumptæ, sed potius Oratio Domini-

ca, Salutatio Angelica, Symbolum Fidei, vel Passionis Domini nostri meditatio, & Sacrosanctorum martyria, & exempla, ac cunctis gloriæ beatitudo; ut ait hic noster §. qui recte mox etiam subdit hæc opportune, & diserte suggerenda, ne agroti molestia, sed levamen afforatur.

§. XV.

Consoletur infirmum, dicens, se pro eo in Missæ Sacrificio, & aliis precibus oraturum, curaturumque, ut alii itidem pro eo faciant, idque re ipsa præstabit.

COMMENTARIUS.

I Ta quoque loco citato, sed paulo fusius, luculentiusque, S. Carolus statuit his verbis: *Pollicebitur quoque, Parochus scilicet, Sacerdosve allus infirmo assistens, se pro eo in Missa Sacrificio, alioque tempore pie oraturum, curaturumque, ut parochiales itidem pro eo faciant. Id vero ipse omnino præstabit, collectam pro eo dicens, aut saltem oranti, idque frequenter pro ægri necessitate. Tum vero mox: Ideo denunciabit etiam populo singulis diebus Dominicis orationem pro ægrotis parochia sue. Porro extat in Missali Romano non modo Collecta, sed integra Missa pro infirmis; quæ quidem antiqua est, legiturque in præfata Missalibus, ac præsertim in Pontificali Ecclesiæ Salisburgensis anno- rum circiter DCC. apud Martene Lib. 1. De antiquis Ecclesiæ ritibus, Cap. VII. Articulo IV.*

Ordine XII. Extat præterea in vetustissimo Libro Sacramentorum Monasterii Moissacensis a- nuorum circiter CM. apud eundem Martene cita- to loco, Ordine IX. *Missæ pro infirmo, diversa tamen ab ea Missali Romani, & laudati Pon- tificalis Salisburgensis, ab illiusque Collecta ad- didicimus celebrari ipsam consuevisse in domo in- firmi, dum ita inquit: Omnipotens, sempiternæ Deus, qui subvenis in periculis, & necessitatibus laborantibus, Majestatem tuam suppliciter exo- ramus, ut mittere digneris Sanctiam Angelum tuum, qui sanulum tuum illi, in hac domo consi- stentem, in angustiis, & necessitatibus laboran- tem consolationibus tuis attollat, & de præsentem consequatur auxilium, & æterna remedia com- prehendat. Per. Similia his etiam in aliis Ritua- libus legi.*

§. XVI.

Si morbus gravior, vel cum periculo fuerit, ægroti suadeat, ut dum integra mente, est, rem suam omnem recte constituat, & testamentum faciat; siquid habet alienum, restituat, & ad remedium animæ suæ pro facultatibus, quod in Domino ei placuerit, disponat; sed hæc suggerendo, omnis avaritiæ nota caveatur.

COMMENTARIUS.

I Am variz Synodi mandant, ac præsertim Andomarenfis anni MDLXXXIII. Titulo XXIV. ut Pastores moneant Parochianos suos, ut tempestive testamentum condant salutare, atque ita disponant tempori, domui, rebusque suis, ut in morte dispositum esse deside- rent, ne opus sit, animam tuam anxie his occupa- ri, cum ea relinquenda sunt. Longe ante hanc Synodum Beneventana Provincialis Synodus cele- brata anno MCCCLXXIV. sub Hugone II. Gui- dardio, Titulo XIII. Cap. II. Sacerdotibus Pa- rochialibus præcepit, ut Parochianos suos moneant, & inducant, quod in confessione suorum testamentorum, præsentiam ipsorum Sacerdotum, a quibus recipiant Ecclesiastica Sacramenta, ad- vocent, & requirant, ut per ipsos inducantur ad ecclesias, & restitutiones, & ad legandam ad pias causas, & alia, prout saluti animarum viderint expedire. Similia leguntur in aliis plerisque Sy- nodis post Sæculum XII. habitis, quas ne legis- se memini in Collectionibus Conciliorum; sed illud præsertim in iisdem cautum reperitur, quod in ipsa Beneventana Synodo etiam statuitur, ut nimirum, nullus testamentum condere præsumat, quia prius proprium Parochum habeat in præsen-

tia sua, cum hoc non modicum respiciat ad salu- tem animarum.

II. Porro licet testator liberos habeat, co- gnatosque, ex communi, certaque Theologo- rum sententia, præponere illis debet restitutio- nem bonorum male partorum: Si enim res aliena, propter quam peccatum est, cum reddi possit, non redditur, non agitur penitentia, sed fingitur; si autem veraciter agitur, non remittitur peccatum, nisi restituatur ablatum, inquit San- ctus Augustinus Epistola I. alius XIV. estque una ex regulis Juris Canonici. Cum itaque salu- tis suæ curam ante omnia gerere debeat Christi- anus homo, prius restituere debet res alienas, quam filiis, & cognatis providere, quamvis acta restitutione relinquenda sint inopes, destituti, & ad mendicatem redigendi. Tam enim bona aliena transmittere non potest ad heredes, quam fu- rari non licet, ut illis benefaciat, vel illorum inopiam sublevet. Quamobrem usurarius mani- festus non potest testari, nisi prius præstita sit cautio pignoratitia, vel fidejussoria de restituendis usuris, vel ipso facto restituta sint, ut habe- tur in Capite, & aequam, De usuris, in Sexto.

III. Ubi nihil testator habeat alienum, quod

re-

restituere teneatur, monet hic noster §. ut ad remedium anima, quod in Domino ei placuerit, disponat; nullo tamen facto præiudicio liberis, cognatisque, præsertim si inopes sint; pietas enim exigit, ut illis ad vivendum, & ad statum suum sustentandum necessaria relinquant, priusquam de piis causis cogitet. Id plane confirmat S. Augustinus Sermono ccc. alius xl. *De diversis*, Cap. iv. *Quicumque vult*, inquit, *exheredato filio, heredem facere Ecclesiam, quærat alterum, non Augustinum, immo Deo propitio neminem inveniet. Quam laudabile factum Sancti, & Venerandi Episcopi Aurelii Carthaginiensis, quomodo implevit omnibus, qui sciunt, os laudibus Deo? Quidam, cum filios non haberet, neque speraret, res suas omnes, retento sibi usufructu, donavit Ecclesie. Nati sunt illi filii, & reddidit Episcopus nec opinatus, quia illi donaverat. In potestate dabat Episcopus, non redere, sed iure Fori, non iure Poli. Addubitari nequit, quia lubens admittenter Augustinus hereditatem, si quæ Ecclesie addicerentur, sed illas tamen constanter recusabat, quæ ad filios, parentes, affinesque, iure spectabant: Dumus, vel ager, seu villam nunquam emere voluit. Verum si forte Ecclesia a quoquam sponte tale aliquid vel donaretur, vel titulo legati dimitteretur, non respuebat, sed suscipi iubebat. Nam & aliquos eum hereditates recusasse videmus, non quia pauperibus inutilis esse possent, sed quoniam iustum, & æquum esse videbat, ut a mortuorum vel filii, vel parentibus, vel affinibus magis possiderentur, quibus ab eis deficientes dimittere noluerant.*

IV. Hæc Possidius in Vita Augustini, Capite xxv. Recusata est ergo, ut perspicis, ab Augustino hereditas integra, ne filii, & proximi frustrarentur omnino. Alias enim cum fundo quopiam eum donasset dives quidam civis Carthaginiensis, cui proles erat, cum admittit Augustinus velint monumentum ejus studii, quo saluti eternæ suæ consuluit cupiebat: Oblationem libenter accepit, congratulans, quod æterna sua memor esset salutis. Sed cum post aliquot annos per filium infidus donator syngrapham repeteret donationis, ejusque loco centum nummos obtulisset, hominem acerbissime objurgavit, admonuitque, ut serio eam cluere maculam studeret: *Invenit Sanctus, hominem vel finxisse donationem, vel de bono opere penituisse; tabulas reddidit, pecunias respuit, atque rescriptis eundem, sicut oportuit, & arguit, & corripuit, admonuit, ut de sua simulatione, vel iniquitate cum penitentia humiliter Deo satisfaceret, ne cum tam gravi delicto de saeculo exiret. Ea occasione obsequutus est Sanctus Pater ei Canonice Regula, quæ sub eo promulgata fuit in Concilio Carthaginiensi iv. Can. xviii. & xix. Ut Episcopus tuitorem testamentorum non suscipiat. Ut Episcopus pro rebus transitoriis non litiget provocatus. Verum si dosissimas, & a cupiditatum face alicuius Pater ab totis, & integris abhorrebat hereditatibus, quod, & invidiosissimum sint, & litium spinis obstitit, legata certe pia lubentius admittebat: Frequenter vero dicebat, & senarius, ac totius Ecclesiam legato a defunctis dimissa debere suscipere, quam hereditates forte sollicitas, & damnosas; ipsaque legata magis offerenda esse, quam exigenda.*

V. Observat hæc, & alia scita digna erudit.

Tom. I.

disissimus Thomassinus, Parte 111. *Disciplina*, Lib. 1. Cap. xviii. ubi etiam scite notat, maluisse pium Pastorem filios parentibus conciliare, quam ipsos sibi committere, admittendis eorum hereditatibus. Quamquam vero hinc maledicentis jacula in cum torquerentur, quasi res, & commoda proderet Ecclesie, ac labi sineret; noluit tamen ille, Ecclesiam discedere filiorum suorum dispendiis, ac pacis, charitatisque conciliatricem, litibus, & discordiis saginari: *Quid facilius sum eis, qui dicunt: Ecce quare nemo donat Ecclesie Hippocensi aliquid, ecce quare non eam faciunt qui moriuntur heredem, quia Episcopus Augustinus de bonitate sua (laudando enim mordet, labiis malebat, dentem figunt) donat totum, suscipit nihil. Plane suscipio, proficor me suscipere oblationes famularum. Siquis autem irascitur filio suo, & moriens exhereditat eum; si viveret, nos eum placere? non ei filium suum reconciliare deberem? Quomodo ergo cum filio suo volo, ut habeat pacem, ejus appeto hereditatem. Vide Sermonem Augustini xi. ix. De diversis, Capite 111. quem memorato loco citat Thomassinus, qui variis Capitulis auctoritate Patrum, Conciliorum, ac Legum etiam. Principum testamenta in favorem Ecclesie exarata recenset.*

VI. Sed duo tamen potissimum cavenda. Primum, quod mox alias dictum est, ne mortuorum hereditatibus propinqui fraudentur. Alterum, quod in nostro §. prescribitur, ne qui suggerunt testamentum infirmis, ullam avaritiæ notam ostendant: *Omnis avaritiæ nota cavetur.* Notum enim eruditus omnibus est, quod Clerici, Monachique blanditiis infirmis allicerent Fideles ad res suas testamento sibi donandas, occasionem Valentiniانو Augusto dederunt, ut Legem, quæ extat in Codice Theodosiano, Lib. xvi. Titulo 111. promulgaret, qua vetabantur Clerici, & quicumque continentiam profitebantur, quidquam accipere ex successione Viduarum, vel Sanctimonialium quarumcumque seminarum, etiam per fideicommissa. Vide quæ scripsimus nos de hæ Legem in Notis ad Epistolam S. Hieronymi, *De Vita Clericorum, & Sacerdotum*, pag. 36. & seqq. Meminit plane ejus Legis S. Ambrosius Epistola xxviii. ad Valentiniانو juniorem, sic dicens: *Nobis privata successione emolumenta recentibus Legibus derogantur, & nemo conqueritur. De Lege scilicet non conquerebantur, sed conquerebantur tamen, quod meruissent hanc Legem; quia scilicet quidem Sacri homines variis artibus fenes anafque infirmos absque liberis morientes decipiant, ut hereditates, & donationes venarcentur.* En laudati Hieronymi in ipsa Epistola verba: *Audio præterea in senes, & anus absque liberis querendum turpe servitium. Ipsi apponunt matulam, obident scilicet, parulentiam stomatici, & plegmata pulmonis, manu propria suscipiunt. Pavent ad introitum medici, trementibusque labiis, & in commodis habent, sciscitantur, & si paululum senex vegetior fuerit, periclitantur, simulatque leticia, mens intrinsecus avara torquetur. Timent enim, ne perdant ministerium, & vivacem senem Mathusala annis comparant. Sed de hoc, alii quæ id genus abusibus, jam alias fusius diximus, præsertim vero in Notis ad ipsam ejusdem Sancti Doctoris Epistolam, *De Vita Clericorum &c.* inscriptam.*

Y y

§. XVII.

§. XVII.

Hortetur denique, ut, si convalescerit, ante omnia ad Ecclesiam veniat, ubi Deo gratias agat de restituta valetudine, & Sacram Communionem pie suscipiat, ac deinceps meliorem vitæ disciplinam teneat.

COMMENTARIUS.

I. V Eterem hunc Ecclesiæ ritum renovavit inter alios S. Carolus in suis de visitatione, & cura infirmorum Institutionibus, Capite inscripto, *Cobortationes, & monita ad ægrotum*, ubi sic inter alia inquit: *Monabit, Parochus scilicet, ut, cum convalescerit, primo ad Ecclesiam veniat, ubi super eum Orationes dicantur; quod in multis Ecclesiis pii,*

frequentissime est instituti. Dignum plane, & iustum est, ut salutis Auctori, post recuperatam sanitatem, gratis, & quidem plurimæ reddatur, non tantum verbis, sed opere, quod præstari poterit per infirmum sanitati restitutum, si ad Ecclesiam accedens, ibidem constitatur, communiceturque, ac deinceps meliorem vitæ disciplinam teneat, ut recte admonet hic noster §.

§. XVIII.

Sequentes preces omnes, vel ex parte, prout tempus, & ægrotorum conditio feret, arbitrio Sacerdotis dici, vel omitti possunt.

§. XIX.

Sacerdos igitur cubiculum infirmi ingressus, primum dicat, *Pax huic domui. R. Et omnibus habitantibus in ea.* Mox infirmum, & lectum ejus, & cubiculum aspergat Aqua benedicta, dicens Antiphonam, *Asperges me Domine Or.* Deinde erga infirmum officium suum præstet, ut supra dictum est. Quo præstito, vel antequam discedat, dicere poterit supra infirmum aliquem Psalmum ex quatuor prioribus poenitentialibus, vel Psalmum xc. *Qui habitat in adiutorio Or.* cum Gloria Patri in fine. Postea dicat, *Kyrie eleison, Christe eleison, Kyrie eleison. Pater noster Or.* *V. Et ne nos inducat in tentationem. R. Sed libera nos a malo. V. Salvum fac servum tuum. R. Deus meus sperantem in te. V. Mitte ei, Domine, auxilium de Sancto. R. Et de Sion tuere eum. V. Nihil proficiat inimicus in eo. R. Et filius iniquitatis non apponat nocere ei. V. Eslo ei, Domine, turris fortitudinis. R. A facie inimici. V. Dominus opem ferat illi. R. Super lectum doloris ejus. V. Domine exaudi orationem meam. R. Et clamor meus ad te veniat. V. Dominus vobiscum. R. cum spiritu tuo.*

Oremus.

Deus, cui proprium est misereri semper, & parcere, suscipe deprecationem nostram, ut nos, & hunc famulum tuum, quos delictorum eatena constringit, miseratione tue pietatis elementer absolvas.

Deus infirmitatis humane singulare præsidium, auxilii tui super infirmum famulum tuum ostende virtutem, ut ope misericordie tue adjutus, Ecclesia tue sanctæ incolumis representari mereatur.

Concede hunc famulum tuum, quæsumus, Domine Deus, perpetua mentis, & corporis sanitatem gaudere, & gloriosâ Beatæ Mariæ Virginis intercessione, a præsentis liberari tristitia, & æterna perfrui lætitia. Per Christum Dominum nostrum. R. Amen.

Benedictio Dei Omnipotentis, Patri, & Filii, & Spiritus Sancti descendat super te, & maneat semper. R. Amen. Deinde aspergat eum aqua benedicta.

COMMENTARIUS.

I. Am non defuit antiqui Codices Rituales, in quibus descriptæ hæc preces, orationisque occurrunt, atque ante, & post ipsas aspersio Aquæ benedictæ super infirmum, & ad illius cubiculum, quas longum esset, ac pene supervacaneum hic recensere; tum præsertim quod de his jam supra non semel diximus. Sane, ut alia omittam, hæc facit, quod statuit antiquum primum Nannatense Concilium, Can. v. *Cam Sacerdos, inquit, audierit aliquem*

infirmum in sua plebe, quamcunque ad eum pergat, & ingressus cubiculum, Aquam benedictam super eum, & per omne cubiculum aspergat cum Antiphona, Asperges me, Domine, & Versa, Exurgat Deus. Deinde dicat Orationem. Diversa quidem est hæc oratio ab illa in §. nostro descriptis, quæ tamen una cum precibus ipsis in multis Ritualibus, ut dictum est, reperitur, sicut & benedictionis formula in fine orationum præscripta.

§. XX.

Qui sequuntur Psalmi, & Evangelia, cum precibus, pro temporis etiam opportunitate, & agrotantium pio desiderio, Sacerdotis arbitrio dici poterunt. Psalmus vi. *Domine, ne in furore tuo arguas me &c.* in fine, *Gloria Patri*. *Sicut erat &c.* V. *Dominus vobiscum*. R. *Et cum spiritu tuo*. V. *Sequentia Sancti Evangelii secundum Mattheum*. R. *Gloria tibi Domine*. Dum Sacerdos dicit, *Sequentia Sancti &c.* faciat signum Crucis de more super se in fronte, ore, & in pectore, similiter super infirmum, si fuerit masculus, & is ob infirmitatem non potest se signare. Si autem fuerit femina, dum Sacerdos se signat, illa per semetipsam in locis praedictis se signet, si potest; si vero non potest, alia mulier eam signet, & hoc idem in sequentibus Evangelii servetur. *Matthaei viii. In illo tempore: Cum introisset Jesus Capernaum &c.* usque ad illa verba: *Et sanatus est puer in illa hora*.

Oremus.

Omnipotens sempiternus Deus, salus aeterna credentium, exaudi nos pro infirmo famulo tuo N. pro quo misericordia imploramus auxilium, ut reddita sibi sanitate, gratiarum tibi in Ecclesia tua referat actiones. Per Christum Dominum nostrum. R. *Amen*.

Psalmus xv. *Conserua me Domine &c.* *Gloria Patri &c.* V. *Dominus vobiscum*. R. *Et cum spiritu tuo*. V. *Sequentia Sancti Evangelii secundum Marcum*. R. *Gloria tibi Domine*. *Marci xvi. In illo tempore: Recumbentibus undecim Discipulis &c.* usque ad illa verba: *Super aegros manus imponent, & bene habebunt*.

Oremus.

Virtutum caelestium Deus, qui ab humanis corporibus omnem languorem, & omnem infirmitatem praecepti tui potestate depellis, uideso propitius huius famulo tuo N. ut fugatis infirmitatibus, & viribus receptis, Nomen sanctum tuum, instaurata protinus sanitate, benedicas. Per Christum Dominum nostrum. R. *Amen*.

Psalmus xix. *Exaudiat te Dominus in die tribulationis &c.* *Gloria Patri &c.* V. *Dominus vobiscum*. R. *Et cum spiritu tuo*. V. *Sequentia Sancti Evangelii secundum Lucam*. R. *Gloria tibi Domine*. *Lucæ iv. In illo tempore: Surge Jesus de Synagoga introiit in domum Simonis &c.* usque ad illa verba: *At ille singulis manus imponens, curabat omnes*.

Oremus.

Domine Sancte, Pater omnipotens, eterne Deus, qui fragilitatem humane conditionis, insula virtutis tuae dignatione, confirmas, ut salutaribus remediis pietatis tuae corpora nostra, & mentes vegetentur, super hunc famulum tuum propitius intende, ut omni necessitate corporis infirmitatis exclusa, gratia in eo pristina sanitatis perfecte reparetur. Per Christum Dominum nostrum. R. *Amen*.

Psalmus lxxxv. *Inclina Domine aurem tuam, & exaudi me &c.* *Gloria Patri &c.* V. *Dominus vobiscum*. R. *Et cum spiritu tuo*. V. *Sequentia Sancti Evangelii secundum Joannem*. R. *Gloria tibi Domine*. *Joannis v. In illo tempore: Erat dies festus iudeorum, & ascendit Jesus Hierosolymam &c.* usque ad illa verba: *Ecce sanus factus es, jam noli peccare, ne deterius tibi aliquid contingat*.

Oremus.

Respice, Domine, famulum tuum in infirmitate sui corporis laborantem, & animam resove, quam creasti, ut castigationibus emendatus, continua se sentiat tua medicina saluatum. Per Christum Dominum nostrum. R. *Amen*.

Psalmus xc. *Qui habitat in adjutorio Altissimi &c.* *Gloria Patri &c.*

Oremus.

Omnipotens sempiternus Deus, infirmitatem famuli tui propitius respice, atque ad protegendum eum dexteram tuae maiestatis extende. Per Christum Dominum nostrum. R. *Amen*.

COMMENTARIUS.

I. **V**arios Psalmos, Evangelia, atque Orationes, non quidem eo ordine, quo in hoc nostro §. describuntur, sed sparsim, recitari jam olim consuevisse a Sacerdotibus super infirmos, docuit ous passim antiqui Codices Sacramentorum, longo agmine ab Edmundo Martene allati Lib. 1. *De antiquis Ecclesiæ ritibus*, Capite vii. Articulo xv. per totum.

Tom. I.

Neque vero addabito, quin alii quoque prius Rituales Libri eundem Psalmorum, Evangeliorum, atque Orationum ordinem in hoc nostro §. ootatum praescripserint, cum ipsa praesertim Evangelia, & Orationes in Romano Sacerdotali legantur, quod ex antiquis Ritualibus Albertus Castellanus Venetus Ordinis Praedicatorum in sacris ritibus apprime versatus concinnavit.

Y y 2

ac

atque perfecit. Quidquid autem de ea re sit, pertinet Evangelia ipsa ad curationem infirmi, continentque miracula, quibus Christus Dominus varios infirmos sanitati restituit. Evangelium Lucae primo loco in nostro §. positum, in quo recensetur sanatio pueri Centurionis, legitur quidem in vetustissimo Libro Sacramentorum Monasterii Moissacensis annorum circiter cxi. ubi describit Missam pro infirmo, quae in ejusdem infirmi cubiculo dicebatur, ut supra notavimus in Commentario ad §. xv.

II. Quod autem ait noster §. ut dum Sacerdos in singulis Evangelis dicit, *Sequentia Sancti Evangelii &c.* faciat signum Crucis de more super se in fronte, ore, in pectore, antiquissimus profectio ritus est, quem late explicuimus, Lib. II. *De Codice Sancti Evangelii*, atque servatis in ejus lectione, & usu vario ritibus, Capite xvi. ubi attulimus varias hujus ritus expositiones, & inter alias illam Hugonis Cardinalis sic agentis: *Legens Evangelium, signum facit in pectore, quasi dicat corde credo ad justitiam; in ore, quasi dicat: quod credo, confiteor ad salutem; & in fronte, quasi dicat: non erubescio Evangelium.* Sed nec dubitandum, quin etiam antiquus ille sit ritus, quem idem hic noster §. & Sacrodotale Romanum, Parte 1. Cap. 111. *De oratione facienda in visitatione infirmorum*, praescribunt, ut Sacerdos non solum se signet, dum dicit verba illa, *Sequentia Sancti Evangelii &c.*

verum etiam infirmum, si fuerit masculus, & si ob infirmitatem non potest se signare; si autem fuerit femina, illa per semetipsam in locis praedictis se signet, si potest; si vero non potest, alia mulier eam signet, honestatis scilicet gratia; de deceret enim quamaxime, ut Sacerdos, vel alius-vie frontem, os, & nudum pectus mulieris tangeret.

III. Ceterum consuevisse non modo olim legi Evangelium infirmis, verum etiam capiti eorum imponi, testis est S. Augustinus Tractatu vii. in Joannem, qui quidem tantam Sacro Evangelii Codici virtutem tribuit, ut non animi tantum, sed & corporis morbos ab eo depelli posse asserat, si cum fide adhibeatur: *Com caput, inquit, tibi dolet, laudamus, si Evangelium ad caput tibi apposueris.* Sed de hac re vide quae scripsimus nos in memorato Opere, *De Codice Sancti Evangelii &c.* Lib. 111. Cap. xxxi. & quae dicemus mox infra in Commentario ad §. sequentem. Vigere autem apud Graecos hunc ritum, ut sanctum Evangelium ponat super Caput infirmi Extremam Unionem fumentis Sacerdotum praecipuus, Sacerdotibus aliis manus ipsi infirmo imponentibus, docet nos Graecorum Euchologium in Officio Sancti Olei decantato a septem Sacerdotibus in Ecclesia, aut Domo, apud doctissimum Edmundum Martene, citato loco, Ordine xxx. & apud Jacobum Goar, qui illud etiam Notis egregiis illustravit.

§. XXI.

Completa Oratione ultima, Sacerdos imponat dexteram manum super caput infirmi, & dicat: *Super egros manus imponent, & bene habebunt. Jesus Marie Filius, mundi salus, & Dominus, meritis, & intercessione Sanctorum Apostolorum suorum Petri & Pauli, & omnium Sanctorum, su tibi clemens, & propitius. Amen.* Postea dicat V. *Dominus vobiscum.* R. *Et cum spiritu tuo.* V. *Initium Sancti Evangelii secundum Joannem.* R. *Gloria tibi Domine.* Joannis i. *In principio erat Verbum &c.* usque ad illa verba: *plenus gratiae, & veritatis.* R. *Deo gratias.*

COMMENTARIUS.

I. **R**itus, quem & hic noster §. ac varii antiqui, recentioresque Libri Rituales praescribunt, ut nempe Sacerdos imponat dexteram manum super caput infirmi, Christum Dominum habet Auctorem, qui in Evangelio Marci, Capite ultimo, suis Discipulis dixit, *Super egros manus imponent, & bene habebunt.* Quae quidem verba ex Ritualium praescripto, & communi Ecclesiae praxi, Sacerdos pronunciat, dum manum super infirmi caput imponit. Sane, ut alia exempla omittam, teste Gallicio in Vita B. Alexandri Sauli & Clericis Regularibus S. Pauli primum Alerienis, tum Papiensis Episcopi, Cap. xvi. pag. 134. *mos erat Episcopo egrotos visenti elatam dexteram in eos protendere, & conformata Crucis figura, beneprecari, Salvatoris quippe illo promissio fretas, Super egros manus imponent, & bene habebunt, sospites fore illos sperabat, & ex jacentibus comples melioris valetudinis figura statim coneeperet.* Hujusmodi exempla occurrunt passim in Vitis Sanctorum, sed placuit illud Saulii referre, tum quod ab eo discimus, sola manuum elatione in aegrotantes, recte pronunciat verba illa, *Super*

per egros manus imponent &c. tum etiam quod ipse unus fuerit ex Viris insignibus, qui praesentia sua, & predicatione nostrum oratorium primum S. Hieronymi Charitatis Oratorium decorarunt, eamque ob causam merito a nostris in eodem loco, qui nunc Chorus est, collocata fuit ejus Imago depicta in tela eum hac inscriptione: B. ALEXANDRO SAULIO EX PRAEPOSITO GEN. CONGR. S. PAULI BARNABITARUM ALERIEN. PRIMUM, TUM PAPIEN. ANTISTITI, QUOD HOC S. HIERONYMI CHARITATIS ORATORIO FREQUENS ADJERIT, LOCUMQ. MAXIMAE DEVOTIONIS APPELLAVIT, IBIQ. INSTANTE S. PHILIPPO NERIO PLURIES ANNO MDLXXII. ATQ. MDLXXV. SACROS SERMONES AD POPULUM HABUERIT. PP. ORATORII HUIUS REI MONUMENTUM APPOSUERE.

II. Sed hoc obiter dicto, adnotandum plane est illud, formulam ipsam verborum, *Super egros manus imponent &c.* in §. nostro praescriptam dicendam a Sacerdote aut Evangelium S. Joannis, de quo mox infra dicemus, diversam legi in Sacrodotali Romano, quod, ut dictum superius fuit,

fuit, Albertus Castellanus Venetus ordinavit, publicique juris fecit Veneto anno MDLXVII. Sic colui ille Parte 1. Tractatu v. Capite infcripto, *De oratione facienda in vifitatione infirmorum*, inquit: *Completa ultimis Oratione, Sacerdos utramque manum ponat super caput infirmi, & dicat Orationem de Beato Vincentio, videlet*: Super egros manus imponent, & bene habebunt. Iesus Marie Filius, Mundi falus, & Dominus, meritis Beati Vincenti Confefloris fal, fit tibi clemens, & propitijs. Amen. *Postea dicat Initium Sancti Evangelij fecundum Joannem*. Dominicani Ordinis alumnus S. Vincentium Ferrerium ejufdem Ordinis Orationi inferuit, quam etiam fabricantibus valere certum effe, ait in Nota marginali ad eum locum. Quod tamen mirum videri non debet, cum ipfe S. Vincentius, ut in ejus Vita legitur, ea verborum formula super infirmos recitata, permultos ex illis pristina fanitatis reftituerit. Ajo nihilominus, Sacerdotes, qui Rituali Romano utuntur, eam debere pronunciare formulam, quæ in nostro §. legitur.

III. Quod tandem præter alia Evangelia, quæ in præcedenti §. præfcripta funt, legi folitum fuerit vel olim super infirmos Initium Evange-

lij fecundum Joannem, de quo in præfenti nostro §. fit mentio, & Ritualia antiqua eos doceant, ac etiam præfci Patres, atque Scriptores, inter quos S. Cafarius Lib. v. Cap. XLIV. fic habet: *Ipſam, ſicut mihi retulit beata memoria Domina Elifabet ejufdem Canobii Abbatiffa, ſervores in leilo ſuo ponentes, & principium Evangelij Sancti Joannis ſuper eum legentes, mane regyratam, ideſt innixam ſuper cubitum, invenerunt*. Iohannis etiam ſuperimponi conſueviſſe Evangelium ipſum, ad facilitatem reciperandam, tradit Joannes Satisberienſis, Lib. II. *De nugis Curialium*, Cap. v. *Cuehbertus, inquit, ſignifer quidam gentis noſtræ in Lege Domini Evangelium Joannis ſuperimponebat infirmis, & curabantur*. Rationem ejus rei aſſert S. Thomas in Secunda Secunda, *Quæſtione LXXXVI. Articulo IV.* quum ait: *Verbum Dei non eſt minoris efficacia, quam Reliquia Sanctorum, ſed Reliquiis nitimur ad ſalutem, ergo pari modo, imo majori, ad eandem uti licet verbo Dei ſcripto, ſive Evangelio*. Hinc merito laudat S. Auguſtinus, cujus locum in fine ſuperioris Commentarii attulimus, Chriſtianorum ritum, qui ad pellendum capitis dolorem, ad caput Evangelium Joanoem apponebant.

§. XXII.

Postea benedicens infirmum, ſubjungat, dicens: *Benedictio Dei Omnipotentis, Patris & Filii, & Spiritus Sancti deſcendat ſuper te, & maneat ſemper. R. Amen*. Deinde aſpergat eum Aqua benediſta.

§. XXIII.

Si fuerint plures infirmi in eodem cubiculo, vel loco, Preces, & Orationes prædictæ dicantur ſuper eos in numero plurali. Quæ omnia etiam poterunt arbitrio Sacerdotis breviora fieri.

COMMENTARIUS.

I. **R**ecitato Initio Evangelij S. Joannis ſuper infirmum, de quo diximus in præcedenti Commentario, mandat nunc noſter §. XXII, ut Parochus, Sacerdoſve, benedicat infirmum ſub præſcripta formula, *Benedictio Dei Omnipotentis &c.* quæ quidem legitur in variis Ritualibus, ac præſertim in Sacerdotali Romano, Parte 1. Tractatu v. Cap. 111. ſed longe tamen prolixior, in hunc modum: *Dominus Jeſus Chriſtus apud te ſit, ut te defendat; intra te ſit, ut te conſervet; ante te ſit, ut te deducat; poſt te ſit, ut te conſtituat; ſuper te ſit, ut te bene & dicat. Qui cum Patre, & Spiritu Sancto in*

unitate perſecta vivit, & regnat in ſæcula ſæculorum, Amen. Benedictio Dei Omnipotentis, Patris & Filii & Spiritus Sancti deſcendat ſuper te, & maneat ſemper. R. Amen. Porro lectorum monitum velim, recitatum prolixioris benediſtionis formulam a Castellano Sacerdotalis Romani ordinatore allatam, jam non fuiſſe ab ipſo compoſitam, ſed totidem pene verbis reperiri una cum aliis multis ſuper infirmum recitandis, in præſcis Ritualibus, ac præſertim in veteri Libro Sacramentorum Eccleſiæ S. Gatiani Turonenſis annorum CM. apud Martene Lib. 1. *De antiquis Eccleſiæ ritibus*, Cap. vi 1. Art. 172.

CAPUT V.

Modus juvandi morientes.

§. I.

Ingraveſcente morbo, Parochus infirmum frequentius viſitabit, & ad ſalutem diligenter juvare non deſinet; monebitque, inſtante periculo, ſe conſeſſum vocari, ut in tempore præſto ſit morienti, ſumptoque Sanctiſſimo Viatico, & Sacra Unctione adhibita, ſi periculum imminet, ſtatim commendationis animæ officium præſtabit, de quo infra. Sed ſi tempus ſuppetat, ſequentia pietatis officia præſtare poterit, ſi ita expedire judicaverit, pro conditione perſonæ.

COMMENTARIUS.

I. **A**cum ſit hucusque de præparatione infirmi ad mortem, agitur nunc de ipſo infirmo moriente, & de officiis,

quæ ei præſtare Parochus debet, qui iccirco, ut ut ait hic noſter §. & Sacra Synodi diſcretæ præcipiunt, *ingraveſcente morbo, infirmum frequen-*

claus visitabit, & ad salutem diligenter juvare non desinet; monebitque, instante periculo, se confessum vocari, ut in tempore praesto sit morienti, sumptoque Sanctissimo Viatico, & Sacra Unctione adhibita, si periculum imminet, statim commendationis anima officium praestabit. Ita plane ait hic noster §. sed lateri cogimur, hanc praescriptam frequentiore faciendam a Parocho infirmorum morientium visitationem, vix in Civitatibus, Oppidivse praestari, in villis vero, locisque ab Ecclesia Parochiali distantibus, nunquam. Sed puto equidem, totis viribus conari debere Parochum, ut sollicite & ipsos infirmos etiam a Parochiali Ecclesia distantes visitet, etiam post administrata eidem Sacramenta, Pœnitentiae, Sacri Viatici, atque Extreme Unctionis, ut nimirum piis exhortationibus, atque Ecclesiae precibus morientes adjuvant in extremo illo vitæ certamine. Spectant autem ad hunc nostrum §. quæ inter alia mandat S. Carolus in suis Instructionibus de visitatione, & cura infirmorum, ubi narrans monita scienda a Parocho, si morbus gravior fuerit, sic inquit: *Ingravescente morbo, Parochus infirmum crebrius visitet, & juvare ad salutem conabitur quam diligentissime.* Tum vero statim subdit: *Si mortis tempus inflare viderit, agat ad prescriptum, commendationisque anima officium praestabit.* Monebit etiam, instante periculo, se confessum vocari, ut in tempore praesto sit morienti.

II. Hæc plane sunt, quæ iidem fere verbis in hoc nostro statuuntur §. quæque etiam, si fieri potest, præstanda a Parocho sunt infirmis morientibus etiam longe distantibus; accendique debet ad ea exhibenda charitatis officia exemplis Parochorum illustrius, aliorumque piorum Sacerdotum, qui longi itineris incommodum proximorum salutem præferentes, ad eos morientes juvando convolabant. Celebre, ut alia nittam, est in hac re exemplum S. Camilli de Lellis, de quo, ita scribit in ejus Vita Cicatellus Lib. II. Cap. II. *Media nocte, & pluvia maxima, vocatis Nostris ad morientes adjuvandum (sic erat ja-*

nitor S. Pauli Romæ) tam recordatus Camillus verborum Sapientis, Non te pigeat visitare infirmum; & arbitratus, hoc charitatis officium nimis invidendum esse, neque alii committendum, confectum & lecto exiit, & illuc se confert, neque cura habet, quod a S. Maria Magdalena usque ad portam S. Pauli, prælongo viæ intervallo eundem sit, sed vadit continenti licet pluvia madidas, & viâ luteolenta; permansit autem apud moribundum una cum socio suo, uti venerat, semper maiore plenus. Conspexerat dicere, cum Religiosos suos ad hæc sancta opera charitatis invaderet: Patres, & Fratres mei, memores effote, vos esse a Deo vocatos, ut advocati, & defensores sitis patrimonii, & hereditatis Christi, quæ sunt animæ istorum pauperulorum, quos pretio Sanguine suo redemit.

III. Spectat quamaxime & hoc Camilli monitum Parochos; sed audiamus, quid de eodem Camillo memoratus Cicatellus mox subdit: *Accidit illi non raro, ut enati, aut redeuntis noctis ab aliquo moribundo, lumen per viam, vel aque pluvia delapsu, vel venti impetu extingueretur, unde accessu habebat in ea obsecuritate incidere per medios profuscentes rivos, & semel sic revertenti place madido, repositus est campanule sonis ad portam ruptis, itant debuerit pro foribus pluvia expositis multum temporis expellere. Quibus in eventis dicere socio solitus erat, quod S. Franciscus olim Fratri Leoni: Frater jam vere fuerinus germani infirmorum Ministri, si ita maledicenti, & luto inquinati, ut nunc sumus, costis fuerimus hic foris pernoctare; ac certe si in vicem apertioris ostii, janitor frater profectus, ira, & stomacho plenus, quod suum illi somnum interperimus, quadruplici nos sustuario exceperit; tum ego sane dixero, mi frater, nos vere esse germanos infirmorum Ministros, si ita male tractati patientiam retinuerimus, nihil profusus commoti, & ne verbo quidem querihandi. Quæ gratia dignetur nos Dominus per suam misericordiam asficere, & hæc intelligendi facultate condonare.*

§. II.

Ac primo, si ægrotus Indulgentiam legitima auctoritate concessam consequi possit, eam illi reducat ad mentem; proponatque, quid ad eam consequendam agi debeat, præsertim ut contrito corde Sanctissimum Nomen JESU semel, vel sæpius invocet.

COMMENTARIUS.

I. **P**rohata semper in Ecclesia fuit Indulgentiæ causa articulus mortis. Hinc enim omnibus etiam idololâtris eam dari iussit Romanus per S. Fabiani Papam mortem vacantis Ecclesie ex vicinis, & advenis Episcopis adunata Synodus, cujus Decretum descripsit Lupus Tomo vi. Operum editionis Venetæ, in Dissertatione, *De peccatorum, & satisfactionum Indulgentiis*, Cap. vi. ubi etiam ait, confirmatum fuisse ipsum laudatæ Synodi Decretum a S. Cornelio, qui in Fabiani locum successus fuit anno CCLIV. Probatur huic discipline inhaerens S. Cyprianus, ea Indulgentia nullum moribundum privari adeo voluit, ut exul ita scriperit in Epistola sua xxi. ad Presbyteros, & Diaconos data: *Quoniam video, facinoratem tendenti ad vos monendum esse, & jam æstatem cepisse, quod tem-*

pus infirmitatibus affudit, & gravibus infestatur, occurrendum patre Fratribus nostris, ut qui libellos a Martyribus acceperant, & prærogativa eorum apud Deum adiuvati possint, si incommode aliquo, & infirmitatis periculo occupati fuerint, non expectata presentia nostra, apud Presbyterum quemcumque presentem, vel si Presbyter repertus non fuerit, & urgere exitus ceperit, apud Diaconum quoque exomologesin sacræ delicti sui possint, ut manu eis in pœnitentiam imposita, tendant ad Dominum cum pace, quam dari Martyres literis ad nos scilicet desideraverunt.

II. Hæcenus Sanctus Cyprianus, in cujus recitato testimonio multa adnotari possunt, ac primo quidem insignis adversus hæreticos potentia concedendi Indulgentias argumentum desumi ex praxi lapsus reconciliandi ad Martyrum

rum preces; ac libellos, quod late inter alios offendit Iuvenius, *De Saceramentis*, Dissertatione xii. *De Indulgentiis*, Quaestione i. Cap. II. Secundo, Indulgentiam concessisse vel a primis Ecclesiae Saeculis morientibus concedi. Tertio, prodesse eam non posse, nisi remissis peccatis; hinc enim penitenti ad ejus effectum necessaria est exomologesis, manus impositio in penitentiam, donatio pacis, idest Sacramentalis Confessio, satisfactio in impositio, & absolutio. Quarto, de Indulgentiae effectu privarentur moribundi, permisisse Cyprianum, ac iussisse, Indulgentiam ipsam impendi etiam a Diaconis. Quinto, quod ait Cyprianus de Diaconis, intelligi debere vel de precibus, quas Ecclesiae pro morientibus fundere solebat, vel de absoluteione ab excommunicatione minori, qua innodati erant penitentes, oportet prohiberi a participatione Sacramentorum, & exclusi a tremendo Missae Sacrificio, vel, ut probarent Diaconi per exomologesin ipsis factam penitentiam humilitatem, & contritionem. Sexto, moribundis, licet plenam haberet Indulgentiam, a Cypriano passim imponi manum penitentialem, seu Sacramentalem penitentiam; quo nemp & ipsi sic fieret satisfactioni vicini, atque ita ad Indulgentiae fructum aptarentur.

III. Veterem itaque Ecclesiae disciplinam sequuti sunt Summi Romani Pontifices, qui plenariam Indulgentiam morientibus concessere. Testes Thoma Valsinghamensi in Neustriae Hypodigmati anno MCCCXLIV. *seviante in Anglia tanta peste hominum, Dominus Clemens Papa*, ejus nemp nomina Sextus, *concessit plenam remissionem omnibus vere confessis, & contritis, morientibus in hac Epidemia per totum Regnum*. Idipsum, scribit de Gregorio XI. in Anglorum Annalibus, anno MCCCXLVIII. *Papa Gregorius*, inquit, *bonus vir, & iustus, ob amorem Domini Cardinalis, & Episcopi Praefecti, quondam Cantuariensis Archiepiscopi, dum pestilentia involuisset in hac Terra, per Bullas suas, omnibus tunc morientibus, vere contritis, & confessis, plenam remissionem de thesauris Ecclesiae indulgisse*. Recte, cgit uterque Pontifex, imitatusque est S. Cyprianum; nam & mortalitas, cujus causa ipse omnibus lapsis voluit in exitu vitae etiam per Diaconos subveniri, fuit horrenda illa pestis, cujus occasione scripsit aureum Librum, *De mortalitate*, omnibus de vita periclitantibus praelegendam. Hinc omnibus morientibus recte datur plena Indulgentia, ad quam concedendam liberaliores fuerunt Summi faeculorū etatis Pontifices, quippe qui ad quamvis mortem Indulgentiae beneficium aliquando extenderunt, praeteritum vero Bonifacius IX. ut idem Thomas Valsinghamensis testatur ad annum MCCCXC. sic inquit: *Adami Cardinalis Anglici petitione declaratum est per Papam Bonifacium Nonum, quod Bulla de Indulgentiis plenariis concessa quibuslibet in extremis, tantum valeat eas abstantibus in Confessione, qua mortem immediate praecedat, qui licet multoties propter diversa pericula confiteantur, & convalescant, usque ad extremum articulum, nullum fortiantur effectum*. Fuit recta declaratio, sequutusque est Bonifacius antiquos Canones, qui datas in extremis Indulgentias sanxerunt deinceps fore ad reincidentiam, uti ostavit Lupus loco citato, Capite v. 111. ubi etiam scite observat, Leonem Pa-

pam X. recte damnaſſe hunc inter alios Lutheri articulum: *Indulgentia mortuis, seu morituris, & infirmis nec necessaria sunt, nec utiles*. Nullis enim, quam morituris esse utiles, omnis olim cum S. Cypriano iudicavit Ecclesia.

IV. Neque vero tantum utiles, sed omnino fructuosas, efficacique morientibus esse Indulgentias, unanimi consensu docent Theologi, quod nemp immissa per Divinam providentiam mors patientes acceptatur, & ad ipsam fidelis peccator se pic disponit. Mortis tormentum est inter omnia terribilia terribilissimum, ideoque pia ipsius acceptatio omnino reddit hominem fidelem satisfactioni proximū, ac esse etiam potest plena pro peccatis gravissimis satisfactio, ut idem Lupus docet, insignibusque exemplis probat. Sed his omisſis, liberalissimis omnium in concedenda plenaria morituris Indulgentia fuit certe Gregorius Papa XIII. qui, teste Synodo Provinciali vi. Mediolanensi, Capite, *De visitatione infirmorum*, inscripto, *ut salutare aliquam aegrotis medicum offerret certis Apostolicis suis Literis*, datis xxx. Decembris mcccxx. *Episcopi hujus Provinciae auctoritate dedit Indulgentia aegris concedenda, quos vel ipsi, vel eorum nomine alii visitaverint*. Mandat mox vero eadem Synodus, ipsas Pontificias Literas, ut omnibus ootae sint, proindeque aegroti salutare medicamentum contriti, & coeſſi capiant ex visitatione Episcopali, a Parocho, prout usaverint, studioſe, accurateque esse evulgandas. Simili facultate donati sunt a variis Summis Pontificibus plerique alii non modo Episcopi, sed & Religioſi Ordines, qui auctoritate Apostolica Pontificum benedictionem cum plenariis Indulgentiis impertiri morituris solent.

V. Praeter haec Indulgentias, recentioribus Saeculis multas alias Summi Romani Pontifices globulis piacularibus, omnimodisque Sanctorum Imaginibus insignitis concedere conſueverunt, ut iisdem ad suam ipsorum spiritualem utilitatem in articulo mortis uterentur. Hinc S. Camilla de Lellis, jamjam morituras, teste Cicatello in ejus Vita Lib. II. Cap. xvi. 11. *alligata habebat utrique brachio sacra numismata Pontificis benedictione ditata, qua saepenumero, ad promerendam in mortis articulo plenam Indulgentiam, exſculabatur*. Recte autem & illud maodis hic noſter, redocendum aegroto a Parocho in mentem, praefertim ut contrito corde Sanctissimum Nomen Jesu ſemel, vel ſapias invocet. Quod quidem optime statutum est, ob eam potissimum rationem, quam docuit S. Petrus, Capite 111. Actorum Apostolorum: *Nec enim aliud, inquit, Nomen est sub Caelo datum hominibus, in quo oporteat nos salvos fieri*. Atque huc facit, quod ait S. Bernardus in Sermone xv. super Cantica circa medium: *Tristiter aliquis noſtrum? veniat in cor ejus Jesus, & inde saliet in os; & ecce ad exortum Nominis lumen, nubilum omne diſſipat, redit serenum. Labitur quis in crimen? currit inſuper ad laqueum mortis desperando? Nomen ſi invocaverit Nomen vitae, conſeſſum reſpirabit ad vitam*. Sed nec praetereunda est alia ratio, ob quam saepe a moriente Sanctissimum Nomen Jesu invocandum est, ut nemp Indulgentias, quas & Sixtus Papa V. anno MDLXXXVII. ac novissime Benedictus XIII. anno MDCCCXVIII. Nomen ipsum ple religioſeque invocantibus concessere.

VI. Ad.

VI. Admonendum vero hic illud superest, quod inter alios docet doctissimus Lupus in elata Dissertatione, Cap. vi. plenarias nempe indulgentias, de quibus loquimur, apud tremendum Divinæ Majestatis Tribunal non semper habuisse plenum effectum, ac infallibilem. Item data ad S. Cyprianum Epistola, quæ inter eisdem Epistolæ est trigesima prima, suum, quod poenitentibus lapsis caute, & sollicite jubebat in exitu se beneveniri, Synodale Decretum laudat quidem Romanus Clerus, & de data tunc absolutione ita in fine subiungit: *Deo ipso sciente, quid de talibus faciat, & qualiter iudicii sui examinet pondera, nobis tamen anxie curantibus, ut nec pravam nostram improbi homines laudent facilitatem, nec vere poenitenter accensent nostram quasi duram crudelitatem.* Agit de data in extremis pæe Sacramentalis absolutionis, & instantium satisfactionum Indulgentia; palamque proficitur, ejus fructum, & applicationem pendere a gratioso, & incerto Divinæ miserationis arbitrio. Proinde id longe potiori jure profuturum est de datis ante mortis articulum Indulgentiis. Hinc etiam de Nino, Clementiano, & Floro, qui per nimiam tormentorum crudelitatem dejecti fuerant, & toto triennio egerant feriam poenitentiam, idem Cyprianus ita scripsit in Epistola sua 111. ad Fortunatum ipsum, & alios Collegas: *Et quidem, quod ad mei animi sententiam pertinet, puto, hic Indulgentiam Domini non desuturam, quos constat stetit in acie Ore.* Sperat, illis dandam per Ecclesiæ Claves Indulgentiam, a Dei Clementia fore comprobandam.

VII. Sed ut magis magisque nostra hæc opinio comprobetur, omittis aliis Patrum testimoniis, ita plane scribit in Sermone, *De lapsis*, laudatus Cyprianus: *Potest Dominus Deus Indulgentiam dare, sententiam suam potest ille destituere. Poenitenti, operanti, roganti potest elementer ignoscere, potest in acceptum referre quidquid pro talibus peccatis Martyres, & fecerint Sacerdotes.* Affermat, Divinam clementiam id posse facere, non debere. Sic enim prolequitur idem S. Antistita: *Vel si quis plures cum suis satisfactionibus moverit, si ejus iram, si indignationis offensam iusta deprecatione placaverit, dat ille arma rursum, quibus viciat armetur, reparat, & corroborat vires, quibus Fides inflatur vegetetur. Repetet certamen suum miles, iterabit caelum, provocabit hostem, & quidem factus ad prælium fortior per dolorem.* Qui sic Deo satisfecerit, qui poenitentia se illi sui, qui pudore delicti, plas & virtutis, & Fidei, de ipso lapsus sui dolore conceperit, exauditur, & adjutus a Domino, quam contristaverat nuper, latam faciet Ecclesiam, nec jam solum Dei veniam merebitur, sed coronam. Mavult itaque Cyprianus, lapsos per plenam satisfactionem, quam per indulgentiales Martyrum Libellos reparari; & hanc reparationis viam affirmat, apud Divinum Tribunal esse multo securiorem, ut scilicet citato loco Lupus notavit. Opera autem duxi hanc doctrinam hoc loco referre, quod multi nostri ævi Christiani nimium Indulgentiis confidentes nullam prorsus de perpetratis peccatis amplecti poenitentiam volunt.

§. III.

Deinde hortetur infirmum, & excitet, ut dum mente viget, eliciat actus Fidei, Spei, & Charitatis, aliarumque virtutum, nempe.

Ut firmiter credat omnes articulos Fidei, & quidquid Sancta Romana Ecclesia Catholica & Apostolica credit, & docet.

Ut speret, Christum Dominum nostrum pro sua immensa elementia sibi fore propitium, & merito ejus sanctissimæ Passionis, & per intercessionem Beatæ Mariæ, & omnium Sanctorum, se vitam æternam consecuturum.

Ut toto corde diligit, & maxime diligere cupiat Dominum Deum ea dilectione, qua illum diligunt Beati, Sanctique omnes.

Ut ob amorem Dei doleat ex corde de omni offensa, qualitercumque contra Dominum Deum, & proximum commissa.

Ut ex corde ob amorem Dei parcat omnibus, qui sibi quoquo modo fuerint molesti, aut inimici.

Ut ab his veniam postulet, quos aliquando dictis, aut factis offendit.

Ut quem patitur dolorem, & morbi molestiam, propter Deum in poenitentiam peccatorum suorum patienter toleret.

Ut si Dominus sibi salutem corporis præstare dignabitur, proponat de cætero pro viribus suis a peccatis cavere, & ejus mandata servare.

COMMENTARIUS.

QUOD in hoc §. præscribitur, ut nempe Parochus hortetur infirmum, excitetque, dum mente sana viget, ad eliciendum actus Fidei, Spei, & Charitatis, aliarumque virtutum, jam longe latius expressum fuit, & quidem ex antiquis Ritualibus, in Romano Sacerdotali Venetis edito anno MDLXVII. Parte 1. Tractatu v. Cap. IV. quod inscriptum

est, *De petitionibus faciendis infirmo morienti valde utilis.* Et quidem Fidei professionem fieri debuisse ab infirmo ante Extremam Unctionem, per Sacerdotis interrogationem, constat ex ms. Codice Vistorio annorum eliceret DC. apud Martene Lib. 1. *De antiquis Ecclesiæ ritibus*, Cap. IV. Ordine XIX. *Exquirat Sacerdos, si jam credat in Sanctam Trinitatem: Credit in Pa-*

Patrem, & Filium, & Spiritum Sanctum? B. Credo. Credis, quod ista tres Personae unae est Deus? B. Credo. Credis, quod in eadem carne resurrexeris et? B. Credo. Juxta praescriptam ms. Codicis Floriacensis ejusdem aetatis, & apud eundem Martene, Ordine xxi. cantabatur primam ab omnibus, Credo in unum Deum, eoque absoluto, interrogabat Sacerdos infirmum, Credis hoc quod diximus, eoque respondente, Credo, porrigebatur illi Crux, & Evangelium, ut eam oscularetur. Juxta vetus Rituale Ecclesiae Catalaunenſis annorum circiter CCC. quod & recenset memoratus Martene, Ordine xxvii. Symbolo dicto, Sacerdos, si infirmus aliquem rationis sensum habebat, ita eum alloquebatur: Credis ea, quae sunt Fidei Christianae, contenta in Symbolo, puta articulos Fidei, & ea, quae sunt determinata ab Ecclesia, esse vera? Cui ille voce si poterat, vel signo respondebat: Credo. Porro ex ms. Rituali Monasterii B. Mariae de Pontelero annorum circiter DC. Ordine xxi. praemittebatur illa Fidei professio Sacro Viatico, dum ita inquit: Appropinquante Sacerdote eam Enchaſtiam, interroget credulitatem Fidei Catholicam, dicendo ita: Ecce mysterium Redemptionis nostrae & tuae. Recognosce hoc? Quo respondente: Recognosco Salvatorem meum. Interrogat iterum: Credis in Deum Patrem Omnipotentem? Credis & in Jesum Christum Filium ejus unicum Dominum nostrum, natum, & passum? Credis in Spiritum Sanctum, Sanctam Ecclesiam Catholicam, Sacramentum Baptismi, & Sanctorum Communionem, Remissionem peccatorum, carnis resurrectionem, & vitam aeternam? B. Credo.

II. Omnis alius Ritualis Libris, qui ad eum ritum comprobandum afferri possent, quod ipsum Fidei actum spectat, teneri hominem Christianum, illum elicere, eum in mortis periculo versatur, seniores, doctores, & Theologi docent, probantque ex eo, quod tunc maxime eniti debet, ut ad Deum accedat, etque conjungatur, ut Christianam justitiam consequatur, vel in ea perseveret; ut tentationes diaboli, quae tunc imminent graviores, superet: Induite vos, inquit Apostolus in Epistola ad Ephesios, Cap. vi. armaturam Dei, ut possitis stare adversus insidias diaboli. . . . sumentes in omnibus sententiam Fidei, in quo possitis omnia tela nequissimi ignea extingueri; ut mundum vincat antequam exeat de mundo: Haec est aeterni victoria, qua vincit mundum, Fides nostra; ut in sua Epistola i. ait S. Joannes, Cap. v. ut se contra terrores mortis Fide se muniat, & ipse resurrectionis, & futurorum bonorum contra damnationis aeternae horrendas imagines animum perturbantes, & ad desperationem inducentes. Fide, inquam, in Passionem Christi Redemptoris, & Sanguinem ejus pro omnibus hoc vincibus, ac pro se ipso, quamvis omnium peccatorum nequissimum effusionem, quae spem de illius misericordia, de qua inferius dicemus, parit. Hinc Ecclesia homines in mortis agone positos ad actum Fidei eliciendos excitare solet, ut ex antiquis Ritualibus, & hoc nostro §. addicimus. Certe Fide defectu plerique Christiani mundum diligunt, & mortem nimium timeant, ut olim testatur est S. Cyprianus in aureo Libro, De mortalitate, ubi sic inquit: Cum Christum videre, gaudere fit, nec possit esse gaudium nostrum, nisi cum viderimus Christum, quae cecitas animi, quaeque dementia est, amare pres-

Tim. I.

faras, & penas, & lacrymas mundi, & non festinare potius ad gaudium, quod nunquam possit auferri? Hoc autem fit, quia Fides deest, quia nemo credit, vera esse, quae promittit Deus, qui verax est, eorum sermo credentibus aeternus, & firmus est. Si tibi vir gravis, & laudabilis aliquid polliceretur, haberes atque pollicenti fidem, nec te falli, aut decipi ab eo crederes, quem stare in sermonibus, atque alibus suis ferret. Nunc Deus tecum loquitur, & tu mente iuvendula perdis fluctas? Deus de hoc mundo credenti tibi immortalitatem, atque aeternitatem pollicetur, & tu dubitas? Hoc est Deum omnino non nosse; hoc est Christum credentium Dominum, & Magistrum peccatis incredulitatis offendere; hoc est in Ecclesia constitutum Fidem in domo Fidei non habere.

III. Ex his, & aliis, quae omittimus, Scripturae, Patrum, atque Theologorum insignium testimoniis compertum est, hae Propositiones quorundam Consultarum ab Innocentio Papa XI. inter alia perversa Moralis capita fuisse merito proscriptas, primam nempe num. 16. Fides non censetur eadere sub praecipuum speciale, & secundum se. Alteram sequenti num. 17. Satis est animi Fidei fovei in vita elidere. At vero quod praecipuum eliciendi actum Fidei, non pro aliquibus vicibus solum, sed pro plurimis a Deo sanctum sit, ex eo probant Theologi sanioris Moralis, & inter alios Antoine in sua Theologia Morali, Tractatu, De virtutibus Theologicis, Quaestione iv. quod actibus Fidei Deus maxime colatur, & vita iusti per illos aletur, & conservetur juxta illud Apostoli in Epistola ad Galatas Cap. iii. Justus ex Fide vivit. Non semel igitur, sed saepius elicere quis actus ipsos tenetur, sicut cibum corpori sustentando non semel tantum, sed saepius sumere debet, ne deficiat; opusque est, vel ex praescripto nostri hujus §. ut firmiter credat omnes articulos Fidei, & quidem explicite, saltem quoad substantiam, ut docet S. Thomas in Secunda Secundae, Quaestione II. Articulo v. Quantum, inquit, ad prima credibilia, quae sunt articuli Fidei, tenetur homo explicite credere, sicut & tenetur habere Fidem. &c. Itemque opus est, ut & firmiter credat, ut ait idem noster §. quidquid Sancta Romana Ecclesia, Catholica, & Apostolica credit, & docet. Ipla enim elicit ceterarum Ecclesiarum mater, & caput, ut & Sancti Patres, & Synodi, ac Theologi unanimi docent consensu.

IV. Hortari praeterea infirmum Parochus debet, ut speret, Christum Dominum nostrum pro sua immensa elementia sibi fore propitium &c. Quamvis enim, ut ex Divinis Scripturis Sancti Patres, ac Theologi tradunt, actum spei saepius in vita elicere Christianus teneatur, potissimum vero elicere illum in mortis periculo debet; quia nimirum cum tunc praesertim diabolus peccatorum nostrorum multitudinem, ac gravitatem nobis representans, in desperationem inducere non tentet, ideo tunc praecipue in Divinam misericordiam spem nostram conficere debemus, sicut anchoram animae tutam, ac firmam, ut loquitur Apostolus in Epistola ad Hebraeos, Capite vi. Hinc ex praescripto antiqui Ritualis Catalaunenſis, sic inter alia interrogat Sacerdos infirmum: Credis, quod propter te mortuus est Dominus noster Jesus, & quod salvari non potes, nisi per meritum Passionis ejus, & non tuis meritis? Cui ille

L z

re-

respondet: *Credo*. Nitendam vero spem nostram illo in Deum amore, qui mercedem amoris nostri proposuit aeternam beatitudinem, recte docet Tridentini Concilii Catechismus, Parte 1v. in tertia petitione Dominice Orationis, num. xxvi. Quod vero ait noster §. sperare etiam recte infirmum per intercessionem B. Mariæ, & omnium Sanctorum, se vitam aeternam consequenturum, doctrinæ Patrum nititur, ac præsertim S. Bernardi, qui in Sermone, De Nativitate B. Mariæ, ita scribit: *Siquid spei, siquid salutis, siquid gratiæ in nobis est, ab ea moverimus redundare*.

V. Tercio loco hortari Parochus debet infirmum, ut toto corde diligit, & maxime diligere cupiat Dominum Deum ea dilectione, qua illum diligunt Beati, Sanctique omnes. Nihil tam frequenter præcipitur, nihil tam luculeuter exprimitur in utroque Testamento, quam obligatio diligendi Deum. Hanc obligationem producendi æspius actus amoris Dei Sancti quidem Patres, ac Theologi fufe explicant, ipsaque Apostolica Sedes fasus ostendit, dum non modo in Decreto Alexandri Papæ VII. adversus laxas Casuistarum opiniones edito die xxiv. Septembris anni MDCLXVI. hanc numero x. propositionem damnavit: *Homo nullo unquam vita sua tempore tenetur elicere actum Fidei, spei, & charitatis ex vi Præceptorum Divinorum ad eas virtutes pertinentium*; verum etiam in Decreto Innocentii XI. promulgato die 11. Martii MDCLXXIX. Propositiones sequentes proscriptas, nempe quintam: *An peccet mortaliter, qui actum dilectionis Dei semel tantum in vita eliceret, condemnare non audeamus*; itemque sextam: *Probabile est, ne singulis quidem rigoroſe quinque annis per se obligare præceptum charitatis erga Deum; ac tandem septimam: Tunc solum obligat, quando tenemur iustificari, & non habemus aliam viam, qua iustificari possimus*. Sed huiusmodi opinionum portentes Casuistarum Libri fecerunt, quos merito confutavit pius, ac doctus Daniel Concina Dominicanus in sua Theologia Christiana.

VI. Excitandus est quarto loco infirmus, ut ob amorem Dei delectat ex corde de omni offensa, qualitercumque contra Dominum Deum, & proximum commissa. Atque hic facit quod inter alia præscribit Vetus Rituale Ecclesiæ Catalaunensis, ubi Sacerdos sic infirmum interrogat: *Cognovisti, te in hoc mundo Deum tuum multipliciter offendisse, & doles, quod Deum tuum offendisti, & contra ejus præcepta fecisti? Cui ille: Deleo*. Similia legere est in aliis Ritualibus, ad eumque concipiendum dolorem de peccatis teneri unumquemque Fidelem, qui in Deum, & proximum peccavit, Theologi sanioris Moralis passim docent, inter quos illud etiam scite asserit probatque eruditus Gaspar Jueuinus in Opere, De Sacramentis, Dissertatione vi. Questione 1v. Cap. II. Article vi. §. 1. Conclusionem 1. contritionis præceptum per se urgere impium in articulo mortis, ita ut peccet lethaliter, si in ultima vite periodo non eouteratur.

VII. Quinto loco monere Sacerdos infirmum debet, ut ex corde ob amorem Dei parcat omnibus, qui sibi quoquo modo fuerint molesti; aut inimici. Atque hæc est antiquissima disciplina in variis Ritualibus expressa, ex quorum præscripto præmittenda erat sacre Unioni Extremæ remissio Injuriarum. Certe pervetustum Pontificale Anglicanum Monasterii Gemmeticensis

ais aunorum eireiter mille, sic habet: *Si cuiusvis voluerit dimittere, sanctam ei humiliter tradat Unionem; quod si noluerit, sacro cum Christo omni no tangat, quia in Evangelio legitur: Si non dimiseritis hominibus peccata eorum, nec Pater vester caelestis dimittet vobis peccata vestra*. Juxta vetus Rituale Catalaunensis Ecclesiæ Sacerdos ita infirmum interrogat: *Indulgetis his, qui tibi aliquod nocuum viderint, ob amorem Jesu Christi, a quo veniam, & misericordiam speras; ac etiam petis fideliter indulgeri, & remitti tibi ab his, quos offendisti, & per te ablata, vel injuste acquisita restitui? Cui illes Volo*. Ut non modo illatas sibi injurias infirmus remittat, atque ex corde ob amorem Dei pareat omnibus, qui sibi quoquo modo fuerint molesti, aut inimici; verum etiam, ut ab illis veniam posulet, quos aliquando ditiis, aut factis offendit, idem hic §. noster sexto loco præscribit. Atque hunc ritum servant hodieque ipsi Romani Pontifices Maximi, quippe qui morientes, uti jam diximus in Commentariis ad Cæremoniale S. Romanæ Ecclesiæ, Tom. 1. suo loco, a Cardinalibus non modo, sed & a suis familiaribus veniam petere solent, si quis forte verbis, factive læsisset.

VIII. Monere septimo loco Sacerdos debet infirmum, ut quem patitur dolorem, & morbi molestiam, propter Deum in penitentiam peccatorum suorum patienter tuleret. Extant plura in hanc rem innumera Patrum testimonia, ac Sanctorum exempla, quibus inhærens S. Carolus in Instructionibus, De visitatione, & cura infirmorum, ubi monita recenset infirmo dauda a Parocho, aliove Sacerdote, qui ægrotanti assistit, si morbus gravior fuerit, sic inter alia loquitur: *Si impatientem ægrotum videris, ei proponit Passionem Christi Domini, tormenta Sanctorum Martyrum, exempla aliorum Sanctorum, Job, Tobia, Joseph, & aliorum*. Merita præterea ostendit patientia, quæ multa sunt, & maxima; easque item ostendit afflictionum, quas Deus Pater amantissimus, & Medicus sapientissimus tanquam medicamenta Fidelibus adhibet. Sed optimum est, ut dolorem, quem patitur, morbi que molestiam, si potissimum ad eum patienter tolerandum propter Deum in penitentiam peccatorum exciteur, qui plurima perpetravit, & pro quibus expiandi nullam condiguam, dum bene valebat, penitentiam fecit. Hinc, ut alia exempla omittam, noster Bonifignorius Cacciaguerra, licet post suam conversionem pro eluendis vite male ante acta peccatis severam assiduamque penitentiam subierit, ubi variis morbis consistebatur, in eorum penitentiam, quibus Deum offenderat, eos patientissime non modo tolerabat, sed in ipsis etiam gaudebat summo pere, exultabatque, ut ex variis ejusdem Epistolis addidimus.

IX. Concludit tandem noster §. admonendumque ait infirmum, ut, si Dominus sibi salutem corporis præstare dignabitur, proponat de cætero pro viribus suis a peccatis coere, & ejus mandato servare. Idem mandat S. Carolus in suis Instructionibus, ubi sic ait: *Agat cum eo, nempe Parochus, Sacerdosve cum infirmo, ut, si Dei gratia, munereque, ab eo morbo convalescet, vitam omnino emendet, aut faciliorem vivendi disciplinam suscipiat*. Juxta præscriptum Romani Sacerdotalis, in quo longe plura hic usque recensitis notantur monita, petitionesque faciendam infirmo, ita quoque interrogat Sacerdos: *Proposuit de*

de cetero, si placuerit, Deo scilicet, te de hac agitudine sanatum, deinceps toto tempore vita tua covere a peccatis mortalibus, & vitam tuam mutare, & potius quodcumque damnum temporale, & corporalem mortem sustinere, quam de cetero Deum per peccatum mortale offendere? Cui illo respondente, Propono, Sacerdos iterum admonet infirmum, & inquit: *Roga Deum, ut te in hoc fasculo proposito conservet.* Respondetque

infirmus: *Roga.* Sane constat ex actis Sanctorum apud Surium, & Bollandianos, permultos ex iis occasione infirmitatum ad Deum se convertisse, ac meruisse, ut Sanctorum Passis adscriberentur; sed negari non potest, complures inter Christianos nostrae praesertim hujus tempestatis inveniri, qui erepti a saeculis mortis, peccatis ante mortem patratiss, alia plura, & graviora quotidie adiungunt.

§. IV.

Hortetur praeterea, ut eo modo, quo potest, saltem ex corde ita per intervalla precetur: *Miserere mei, Deus, secundum magnam misericordiam tuam.*

In te Domine speravi, non confundar in aeternum.

In manus tuas, Domine, commendo spiritum meum; redemisti me, Domine Deus veritatis.

Deus in adiutorium meum intende, Domine ad adjuvandum me festina.

Ego mihi Domine in Deum protectorem.

Deus propitius esto mihi peccatori.

Dulcissime Domine Jesu Christe per virtutem sanctissimae Passionis tuae recipe me in numerum electorum tuorum.

Domine Jesu Christe suscipe spiritum meum.

Maria Mater gratiae, Mater misericordiae, tu nos ab hoste protege, & hora mortis suscipe.

Sancte Angele Dei mihi custos assiste.

Omnes Sancti Angeli, & omnes Sancti intercedite pro me, & mihi succurrite.

Hae, & his similia poterit prudens Sacerdos vulgari, vel Latino sermone, pro personae capto, morienti suggerere.

COMMENTARIUS.

I. **O**rationes jaculatorum in hoc §. praescriptae, ut nempe eo modo, quo potest, saltem ex corde per intervalla precetur infirmus, auxiliumque a Deo petat, & Sanctorum intercessionem, patrociniumque, praesertim Deiparae, in extremo illo certamine, ex Psalmis, evangelisque, atque ex Ecclesiasticis Libris desumptae sunt, usitataeque fuerunt a Sanctis, dum in articulo mortis versabantur, ut in eorum Vita videre est, praesertim vero in Vita S. Richardi Episcopi Cisterciensis, qui oblit circa annum mccciv. Ut enim de illo Auctor ejus Vita scribit apud Surium die III. Aprilis, *illam Psalmistae vocem, In manus tuas, Domine, commendo spiritum meum, crebro iterabat; ad Beatissimam quoque Christi Matrem semperque Virginem Mariam subinde corde simul, & voce, se convertere, & jubat, Maria Mater Gratiae, mater misericordiae, tu nos ab hoste protege, & hora mortis suscipe; mandavitque suis Capellanis, ut ea verba ad ejus aures pronuntiare non cessarent. Atque ito inter suspiria pia devotionis, & verba*

saera orationis, adstantibus Religiosis, Presbyteris, & Clericis, laicis quoque fidelibus, B. Richardus animam, deinceps illo beatissima Civium supernorum viclarum societate reddidit Creatori anno aetatis suae plus minus quinquagesimo sexto, Pontificatus vero nono, tertio Nonas Aprilis, circa noctis mediam, quo tempore Sponsus ille caelestis ad nuptias venturus dicitur. Recte autem hic noster §. in fine admonet, recitatas non modo orationes, sed & his similes, posse prudentem Sacerdotem vulgari, seu Latino sermone, pro persona capta, morienti suggerere. Cum enim orationes istae potissimum interserviant ad suscitandos pios in anima affectus, debet ideo Sacerdos cum infirmis latine linguae ignavis uti orationibus vulgaribus, quae ab iis capi, atque intelligi queant, memoratis nempe in hoc nostro §. sed in vulgarem sermonem conversis, sive etiam illis, quas sancti Viri usurpabant, quales inter alias sunt multae, quibus usus est S. Philippus Neri, legunturque apud Baccium in fine Vita ejusdem S. Philippi.

CAPUT VI.

Modus pro opportunitate temporis servandus, ut infra in Rubricis notatur, ad impertiendam Benedictionem in articulo mortis constitutis ab his, qui facultatem habent a Sede Apostolica delegatam.

I. **D**est hoc quidem Caput in ceteris omnibus Romanis Ritualibus impressis, ante hoc nostrum Sanctissimi Domini nostri BENEDICTI Papae XIV. iussu editum, auctoritate Romae MDCLII. quod nos perpetuis Commentariis illustramus. At primo quidem ut

Tom. I.

de prima Benedictionis Apostolicae origine dicamus, Martinus Polonus in Chronico scribit, Sanctum Cletum Papam fuisse primum, qui in Literis, verbis illis usus est, *Salatem, & Apostolicam Benedictionem*, quod etiam legitur ad diem xxvi. Aprilis, quo idem S. colitur, in Breviario

Z z 2

rio

rio Romano iussu S. Pii Papæ V. edito. Sed præterquamquod nullæ S. Cleti Litteræ extant, scriptum id a Martino Polono abique ullius veteris Scriptoris testimonio, certam fidem habere non potest. Putat sane Pagius in ejusdem S. Cleti Papæ Vita, formulam ipsam antiquioribus non esse sæculo viii. quæ in finem vergente, Joannes V. & Sergius I. ea uti sunt, ut constat ex eorum Rescriptis a Mabillonio in Opere, *De diplomatibus*, productis. Papebrochius vero in Conatu Chronico-historico ad Catalogum Romanorum Pontificum, ante Leonem IX. vel fælt ante Gregorium VII. formulam istam stabili usu receptam non fuisse asserit. Cæterum est ejus opiniois Lupus Tomo vi. Operum editionis Venetæ in septimo S. Gregorii VII. Pontificis Romanum Concilium, Capite inscripto, *Sacerdotalis Benedictionis antiquitas, forma, fructus exponuntur*, Quæstione v. morem, quo Romanus Pontifex abscentibus mittit Apostolicam Benedictionem, esse antiquissimum, immo Apostolicum Institutum.

II. Quicquid autem sit de hac quæstione, quod Benedictionem Pontificalem spectat moribundis impertientiam, antiqua profecto est ipsa in Ecclesia, & quidem sæculo ix. usitata, ut addicimus ab Annalista Astrologo apud eundem Lupum in citato Capite, pag. 242. col. 2. ubi de Ludovico Pio Imperatore moribundo ad annum mcccxi. ita scribit: *Ludovicus, instante migrationis articulo, Drogonem Metensem Episcopum accersit, benedicti petiit, & qua solent apud in cressa anima, fieri possunt. Humani generis hostem videbat sibi adstantem, & adversum extremas ejus tentationes supplicabat Episcopali Benedictione armari. Quod moribundi Fideles passim vident tentatorem, ideoque tunc quammaxime indigent pio isto clypeo, docent nos exempla plurima, quæ passim occurrunt in Sanctorum tum veterum, tum recentiorum Vitis, firmatque in Dialogorum Libris S. Gregorius. Sed nec nostrum est institutum de Episcopali Benedictione morientibus dari solita, verum de peculiari illa plenaria Indulgentia ditata, quam eisdem morituris, vel Summi ipsi Romani Pontifices, vel illi, qui facultatem habent a Sede Apostolica delegatam elargiri solent. Porro, ni fallor, vestigium hujusmodi Benedictionis videre est in S. Clara Virgine, de qua sic legimus in Breviario Romano die xii. Augusti: *Ipsa denique Virgo, cum in extremis ægeret a candido Beatarum Virginum Cætu... visitata, ac Sacra Eucharistia sumpta, & peccatorum Indulgentia ab Innocentio IV. ditata, pridie Idus Augusti animam Deo reddidit.* An ista Indulgentia ad piscuarem Papalem Benedictionem pertineat, de qua in præsentis agimus, non ausim definire.*

III. Illud profecto certum est, sæculo xvi. multum invaluisse eum ritum, ut varia exempla nos docent, præsertim illud S. Ignatii Lojolar Societatis Jesu Institutoris, qui obiit anno MDLVI. de quo ita scribit Petrus Ribadueira ejusdem Societatis Sacerdos in illius Vita Lib. iv. Capite xvi. *Ignatius, cum nihil inesse periculi suspicaretur Medici, 3. Kalen. Augusti, hora meridie tertia, Joanni Palanco, quo in omni genere Litterarum, vel negotiorum, novem annos fuerat*

usus, ad se vocato, solus soli, iussit ex hac vita ait sua migrationis diem. Ei mandat, uti Pontificem Manuum conveniat (erat is Paulus IV.) Benedictionem ab ipso, & peccatorum Indulgentiam petat, qua confirmator in hac vita, letiorque discedat. Se, si, ut sperat, Domini misericordia, in Montem Sanctum ejus venerit, non commissurum, ut eam curam Deum pro Pontifice deprecandi intermittat, quam in carne possit, & de se ipso sollicitus, diligenter, sanique coluerit. Benedictionem suam libentissime impertitus est Pontifex, cum magna amoris, ac doloris significatione. Subdixit mox, qui ad Papam pridie fuerat destinatus, & Benedictionem obtinuerat, quod nihil metueret de proximo Ignatii obitu, re in sequentem diem dilata, temporis non occurrisset: Sed quod neque morbus gravis videbatur, neque illum acciti Medici nuntiabant vitæ periculum, ipse autem Pater de sua consuetudine nihil immutaverat, & familiariter de negotio quodam conficiendo ea ipsa nocte cum nostris egerat, quamquam Ignatii verba ipsos habebant sollicitos, ut consulti tamen aliquid facerent, posteroræ diem Patres expectare consueverant, qui, ubi illius, suavisime illum animam agentem essendunt, occurrunt, insensum porrigunt; negat, suaverendi tempus esse, & manibus junctis, oculis in Cælum defixis, Jesu corde, Jesu ore implorant, placido vultu sanctissime miratur ad Dominum pridie Kalendas Augusti 1556. hora post solis ortum prima. Omisissis aliis exemplis, consuevisse Summos Pontifices sæculo ipso xvi. eam Benedictionem Episcopis concedere, docet S. Carolus in Concilio Provinciali vi. quod nos deferimus supra, Cap. v. In Commentario ad §. II.

IV. Sed supervacaneum est, ad probandum hunc ritum, alia exempla, ac testimonia exquirere, cum satis sit, Apostolicas hoc loco Litteras BENEDICTI Papæ XIV. seu ejus Constitutionem xxxiv. referre, quæ incipit, *Pia Mater Carbolica Ecclesia*, data die v. Aprilis anno Christi MDCCXLVII. Pontificatus sui vi. legiturque Tomo II. ejus Bullarii. In ea fidei Constitutione ampliatur Episcopis facultas impertiendi Benedictionem cum Indulgentia plenaria fidelibus in mortis articulo constitutis, etiam per alios tam in Civitatibus, quam in Diocæsi ab ipsis subdelegatos. Atque ex hac Constitutione desumptus est novus Ritus peculiari præfati Capite in novo Romano Rituali Romæ impresso typis Generosi Salomonii anno MDCCCLII. præscriptus. Cæterum jam longe ante hæc BENEDICTI XIV. Apostolicas Litteras, nonnulli Regulares hanc facultatem a Romanis Pontificibus Maximis obtinuerant, ut in articulo mortis Ordinis sui alumnos a culpa, atque a pœna possent absolvere, uti, aliis omisiss, videre est in Breviario Benedictionis Congregationis Cassinensis, ad cuius finem legitur *Forma absolutionis a pœna, & a culpa in articulo mortis danda Monachis, & Monialibus Ordinibus S. Benedicti utentibus habitu nigro auctoritate Privilegiorum &c. de prompta ex Compendio, & Summario Privilegiorum Monachali Ordinis, quod asserbatur in Archiepiscopo Sacri Monasterii Cavenfis SS. Trinitatis.*

§. I.

Benedictio in articulo mortis cum soleat impertiri post Sacramentum Pœnitentiæ, Eucharistiæ, & Extreme Unctionis illis infirmis, qui vel illam petierint, dum vel fælt

mente, & integris sensibus erant, seu verisimiliter petissent, vel dederint signa contritionis, impertienda iisdem est, etiam si postea linguae, ceterorumque sensuum usu sint destituti, aut in delirium, vel amentiam inciderint; excommunicatis vero, impenitentibus, & qui in manifesto peccato mortali moriuntur, est omnino deneganda.

COMMENTARIUS.

I. **H**Uc plane spectant, quae Capite 1. huius Tituli, De Sacramento Extremae Unctionis, statutum superius fuit in §. vi. & §. viii. quorum primus sic inquit: *Infirmis autem, qui dum sana mente, & integris sensibus essent, illud petierint, seu verisimiliter petissent, seu dederint signa contritionis, etiam si deinde loquendam amiserint, vel amentes effecti sint, vel delirent, aut non sentiant, nihilominus*

praebetur. Alter vero ita habet: Impenitentibus, & qui in manifesto peccato moriuntur, & excommunicatis, & nondum baptizatis penitus denegatur. Qui ergo capaces sunt Sacramentorum Penitentiae, Eucharistiae, & Extremae Unctionis, capaces itidem confiteri debent Apostolica Benedictionis in articulo mortis excipiendae, exclusis ab ea omnino iis, quibus praedicta Sacramenta negantur.

§. II.

Habens praedictam facultatem, ingrediendo cubiculum, ubi jacet infirmus, dicat: *Pax huic domui &c.* ac deinde aegrotum, cubiculum, & circumstantes aspergat Aqua benedicta, dicendo Antiphonam, *Asperges &c.*

COMMENTARIUS.

I. **V**ix antiquum Ritale invenitur, in quo non hic praescriptus sit ritus, ut accedens nempe Sacerdos ad infirmum, ubi in ejus cubiculum intravit, dicat primum, *Pax huic domui*, ac deinde aegrotum, cubiculum, & circumstantes aspergat Aqua benedicta, cum Antiphona, *Asperges me &c.* Id quidem jam supra nos variis locis ostendimus, allatis veterum Ritualium, atque Conciliorum testimoniiis, praesertim vero Nemaenensis Concilii, cujus Canon iv. qui inferius est, *De visitandis infirmis a Presbytero*, sic habet: *Cum Sacerdos audierit, aliquem infirmari in sua plebe, quam citius ad eum pergat, & ingressus cubiculum, Aquam benedictam super eum, & per omne cubiculum aspergat cum Antiphona, Asperges me Domine, & Versu, Exurgat Deus; deinde dicat orationem &c.* Ne-

que vero mirum videri debet, quod Ritualia passim, Synodique permulte in praescribendo eo ritu conveniant, quia praescriptus primitus fuit a Christo Domino in Evangelio Lucae, Cap. x. ubi mittens Discipulos suos in omnem Civitatem, & locum, quo erat ipse venturus, ita inter alia eisdem admonuit: *In quameunque domum intraveritis, primum dicitis: Pax huic domui.* Ceterum licet hic noster §. nihil dicat de habitu, quo indutus esse debet Sacerdos, cum Benedictionem Pontificiam in articulo mortis aegrotanti est largiendus, non addubito, quin, ubi suppetat tempus, indutus esse debeat Superpelliceo, & Stola violacea, quali in administrando Sacramento Penitentiae utimur, cui quidem rite recteque Benedictio ipsa, de qua nos loquimur, adjungitur, ut ex sequenti §. addiscere licet.

§. III.

Quod si aegrotus voluerit confiteri, audiat illum, & absolvat; si Confessionem non petat, excuset illum ad eliciendum actum contritionis; de hujus Benedictionis efficacia, & virtute, si tempus ferat, breviter admoneat, tum instruat, atque hortetur, ut morbi incommoda, ac dolores in antea factae vitae expiationem libenter perferat, Deo quo se se paratum offerat ad ultro acceptandum quidquid ei placuerit, & mortem ipsam patienter obeundam in satisfactionem poenarum, quas peccando promeruit.

COMMENTARIUS.

I. **M**andat hic primum noster §. ut, si aegrotus, excepturus scilicet Papalem Benedictionem cum plenaria in Articulo mortis Indulgentia, voluerit confiteri, audiat illum, Sacerdos scilicet in Confessionibus audiendis approbatus, & jurisdictionem in eum habens ordinariam, vel delegatam, & absolvat. Confessionem Sacramentalem necessariam esse eorum respectu, qui jacent in peccato mortali, recte docet Theologi insignes; neque enim or-

dinarie absque hujusmodi Confessione peccator gratiam statum consequitur, sine quo Indulgentiarum fructus percipi non potest. Sed neque est dubium, quin etiam iustorum respectu requiratur Confessio Sacramentalis, cum a Summo Pontifice injungitur tanquam pars operis, sub cujus conditione Indulgentia conceditur. Constat vero & illud, eam Confessionem non esse iustis necessariam, cum praescribitur tanquam mera dispositio, seu medium ad statum gratiae consequendum. Quan-

Quando autem requiratur, aut tanquam pars in-
iuncti operis, aut tanquam ad justificationem dis-
positio, dubium est quidem inter Theologos, uti
advercit Ineninus, *De Sacramentis*, Dissertatione II,
Questione v. i. Capite 1. Conclusionc II,
Censet Sylvius, requiri tanquam partem operis
inuncti, quando ita tantum Indulgentia concedi-
tur, qui Confessionem præmisit; cum vero
contritus, & confessus, ut passim fit, conceditur,
docet idem Auctor, probabilis esse, quod per
modum meræ dispositionis requiratur. Cæterum
movetur & a nonnullis questio, an impiorum re-
spectu Confessio generalis necessaria sit, dubium
que nititur ca Bullarum Papalium formula, qua
dicitur, concedi Indulgentiam omnium peccato-
rum, de quibus pœnitens fuerit contritus. Ve-
rum eo etiam in casu, in eisdem Sylvii, ac alio-
rum Theologorum sententia, generalis Confessio
non requiritur; nec enim ea formula asseritur,
quod pœnitens de novo debeat esse contritus de
omnibus peccatis præteritis, & quod ea rursus
confiteri teneatur.

II. Sed omisit hæc, aliusque id genus que-
stionibus, notandum quod ait noster §. *Si Con-
fessionem*, inquit, *non petat, exeat illum ad eli-
ciendum aliam contritionis*. Exigi enim statum,
gratiam in eo, qui caput fructum ex Indulgentiis
capere, communiter docent Theologi in iv. Sen-
tentiarum, Distinctione xx. Et ratio est apertissi-
ma, quam inter alios tradit Bellarminus, Lib. 1.
De Indulgentiis, Cap. xii t. quoniam Indulgentia,
cum remittat reatum penæ temporalis reli-
ctum post remissionem culpæ, sine dubio requi-
rit, ut culpa sit jam remissa, ac per hoc transla-
tus sit homo per infusionem gratiæ, & charitatis
de statu peccati in statum Filiorum Dei. Præ-
terea nulla ratio patitur, ut pena ei remittatur,
qui adhuc hæret in culpa, vel debitum illi con-
donetur nomine Dei, qui adhuc est averfus a Deo
& hostis, ac inimicus. Denique nomen ipsum In-
dulgentiæ, ut iidem Theologi observant, sonat
paternam facilitatem in filios, quæ non debet
esse communis cum servis, maxime fugitivis,
quales sunt omnes, qui, Deo deserto, diabolus
sequitur, ac peccatis, quæ summo opere odit
Deus, inherant. Atque his adde, Diplonata ipsa
Papalia, quibus Indulgentiæ concedantur, men-
tionem passim sacre contritionis, tanquam con-
ditionis, quæ absolute necessaria sit, ut quis ea-
rum fructum consequatur. Quamohrem recte in
hoc nostro §. statutum est, ut si ægrotus *Con-
fessionem non petat, exeat illum*, Parochus, Sacra-
dosce, *ad elicendum aliam contritionis*.

III. Pergit noster §. aitque, ut Sacerdos
ipse Benedictionem Papalem cum plenaria Indul-
gentia in articulo mortis daturus ægrotis, eum-
dem de *huius Benedictionis efficacia, ac virtute, si
tempus ferat, breviter admoneat, tum instruat, at-
que hortetur, ut morbi incommoda, ac dolores in
antevita vite expiationem libenter perferat, Deo-
que se se paratum offerat ad ultro acceptandum
quidquid ei placuerit, & mortem ipsam patien-
ter obeundam in satisfactionem penarum, quas
peccando promeruit*. Atque hæc est causa iusta
ob quam absque ullo opere inuncto recte datur
Benedictio cum plenaria Indulgentia ægrotanti in
articulo mortis constituto, uti inter alios docent
laudatus Bellarminus citato Libro I. *De Indul-
gentiis* Cap. XII. num. 4. circa medium, & Eslus
in Libri IV. Sententiarum Distinctionem vicesi-
mam §. IX. ubi etiam S. Cyprianus locum describit
ex ejus Epistola xii t. ad Cicerium data, in qua
credere quidem se ait, ut, *qui Libellum a Marty-
ribus acceperunt, & auxilio eorum adjuvati apud
Dominum in deliciis suis possunt, si premi in-
firmitate aliqua, & periculo experient, exomologesi
sola, & manu eis a vobis in penitentiam inposi-
ta, tum a Martyribus sibi promissa ad Dominum
remittantur*. Eadem fere verba legere est in Epi-
stola sequenti xiv. ad Presbyteros, & Diaconos
Romæ consistentes. Vocantur autem a Cypriano
in his locis Martyres, qui in carceribus inclusi,
& jam aliquid passi fuerant ob confessionem Fidei,
& consummationem Martyrii expectabant. Ad
petitionem vero Martyrum dabatur & olim
Indulgentiæ sine aliquo opere inuncto, quia ju-
dicabat Ecclesia, satis magnam causam esse peti-
tionem Martyrum, ut videlicet homines ad Mar-
tyrium accenderentur, cum viderent, tanti fidei
Martyrum preces.

IV. Sed hæc antiquam Ecclesiæ disciplinam
spectant; ad hodiernam enim quod attinet, jam
dixi superius, probaturque ex præsentis nostri §.
causam esse omnino iustam concedendæ Pontifi-
ciæ Benedictionis cum Indulgentia plenaria mo-
rituro, quem non addubito eam consequenturum,
præsertim qui morbi incommoda, ac dolores in
antevita vite expiationem libenter pertulerit,
Deoque se se paratum obtulit ad ultro acce-
ptandum quidquid ei placuerit, & mortem ip-
sam patienter obeundam in satisfactionem pena-
rum, quas peccando promeruit; uti nostrum
hoc Rituale Romanum solide, probatque anti-
quorum Patrum, atque insignium Theologorum
doctrinæ inherens, & in præsentis §. & aliis locis
admonet.

§. IV.

Tum piis ipsum verbis consoletur, in spem erigens fore, ut ex Divinæ munificentie lar-
gitate eam penarum remissionem, & vitam sit consecuturus æternam.

COMMENTARIUS.

I. **Q**uod ex Divinæ munificentie largita-
te, sive ex gratia Dei speranda sit vi-
ta æterna, manifeste testatur Aposto-
lorum Princeps Cap. xv. Actuum Apostolorum,
ubi sic inquit: *Per gratiam Domini Jesu Christi
credimus salvari*. Et S. Paulus in Epistola ad Ro-
manos, Cap. vi. *Gratia Dei vita æterna*. Et ali-
bi passim gratitatem salutem Apostolicæ Litteræ

inculcant. Atque adeo totum beneficium Incar-
nationis Christi, ejusque Passionis certum est Di-
vinæ erga nos charitatis, & gratitiæ libertatis,
quæ ad salutem, & vitam æternam provehe-
re nos voluit, argumentum. Hinc itaque doctrinæ,
quam Theologi ex Divinæ Scripturæ Libris, ex
Conciliis, ex Patribus propagant, inherens no-
ster §. recte ait, in spem erigendum morientem,
fore,

fore, ut ex Divina munificentia largitate eam-
panarum remissionem, & vitam sit consecutus
eternam. Cæterum quod eadem simul ex meritis
expectanda sit, docent in primis omnia Scriptu-
ræ loca, quæ testantur Deum redditurum unicui-
que secundum opera sua; docent & ea, quæ Re-
gum Cælorum mercedem vocant iustitiæ, ac
bonitatis operum; itemque illa quæcunque re-
munerationem, seu retributionem æternæ vitæ
agnoscunt; hæc enim vitam æternam significant
esse præmium, & ut Apostolus vocat, & sancto-
rum laborum huius vitæ; quæ omnia sine meriti
ratione non consistunt, ut quæ respectu meriti
relationem inducant.

II. Jam vero ut intelligamus, quomodo illa
duo non repugnent, ut spes scilicet consequen-
dæ æternæ vitæ ex Gratia simul & meritis esse di-
catur, sciendum est, quod docent Theologi, om-
nem nempe meriti nostri originem esse ex Gratia
Dei per Christum. Qui enim merita nostra bona
in Adam perdidimus, eadem in Christo, & per
Christum reparata fateri debemus, dicente Apo-
stolo in Epistola ad Ephesios Cap. II. *Ipsius enim
sumus facti, creati in Christo Jesu in operibus
bonis, quæ preparavit Deus, ut in iis ambule-*

mus. Hinc enim facile est tollere apparentem re-
pugnantiam inter gratiam, & merita. Non enim
merita nostra, ex quibus, & pro quibus æternam
vitam sperare jubemur, statuuntur tanquam no-
stra, id est propriis viribus comparata, sed tan-
quam ex Dei Gratia per Christum nobis collata.
Quare, dum omne meritum nostrum Gratia Dei
adhibebimus, id, quod ex meritis expectamus,
consequenter etiam ex Dei Gratia, quæ fons est
omnis meriti, nos expectare satemur; unde vita
æterna simul & Gratia est, & merces, Gratia pec-
catori, & Adæ filio, quales omnes huic sæculo
nascimur; merces bene operanti, quales in Chri-
sto renati per ejus Gratiam effeimus. Atque huc
faciunt varia Sancti Augustini loca, quæ descrip-
sit inter alios Estius in Libri III. Sententiarum Di-
stinctionem xxvi. §. v. Porro autem quod in hoc
nostro §. nulla fiat meritum mentio, sed solius
Divinæ munificentie, a qua expectanda sit vita
æterna, hinc ideo factum puto, ut intelligamus,
quod alias pluribus locis expresse docet idem
Augustinus præsertim in Libro, *De Gratia, & li-
bero arbitrio*, Cap. viii. & ipsa bona opera nostra,
quibus æterna redditur vita, ad Dei Gratiam
pertinere.

§. V.

Postea dicat: *Ÿ. Adjutorium nostrum in Nomine Domini.* *R. Qui fecit Cælum, & ter-
ram.* Antiphona: *Ne reminiscaris, Domine, delicta famuli tui (vel ancille tue) ne-
que vindictam sumas de peccatis ejus.* Kyrie eleison, Christe eleison, Kyrie eleison. *Pa-
ter noster &c.* *Ÿ. Et ne nos inducas in tentationem.* *R. Sed libera nos a malo.* *Ÿ. Sal-
vum fac servum tuum, (vel ancillam tuam) & sic deinceps.* *R. Deus meus sperantem in
te.* *Ÿ. Domine exaudi orationem meam.* *R. Et clamor meus ad te veniat.* *Ÿ. Dominus
vobiscum.* *R. Et cum spiritu tuo. Oremus.*

*Clementissime Deus, Pater misericordiarum, & Deus totius consolationis, qui neminem
vis perire in te credentem, atque sperantem, secundum multitudinem miserationum-
tuarum, respice propitius famulum tuum N. quem tibi vera Fidei, & spei Christianæ
commendant. Visita cum in salutari tuo, & per Unigeniti tui Passionem, & Mortem,
omnium ei delictorum suorum remissionem, & veniam clementer indulge, ut ejus ani-
ma in hora exitus sui, te Judicem propitiatum inveniat, & in Sanguine ejusdem-
Filii tui, ab omni macula abluta, transire ad vitam mereatur perpetuam. Per eun-
dem Christum Dominum nostrum.*

§. VI.

Tum dicto ab uno ex Clericis adstantibus, *Confiteor &c.* Sacerdos dicat, *Misereatur &c.*
Deinde: *Dominus noster Jesus Christus Filius Dei vivi, qui B. Petro Apostolo suo de-
dit potestatem ligandi, atque solvendi, per suam piissimam misericordiam recipias Con-
fessionem tuam, & restituas tibi Stolum primam, quam in Baptismo recepisti; &
ego facultate mihi ab Apostolica Sede tributa, indulgentiam plenariam, & remissionem
omnium peccatorum tibi concedo. In Nomine Patris &c.*

*Per sacrosancta humane reparationis mysteria, remittat tibi Omnipotens Deus omnes præ-
sentis, & future vite penas, Paradisi portas aperiat, & ad gaudia sempiterna per-
ducas. Amen. Benedicat te Omnipotens Deus, Pater, & Filius, & Spiritus Sanctus.
Amen.*

COMMENTARIUS.

I. Quum nulla præscripta haberetur gene-
ralis formula impertiendæ Pontifici
Benedictionis in articulo mortis, or-
dinavit hanc quidem in duobus hisce Paragra-
phis expressam BENEDICTUS Papa XIV. ad vi-
dere est in ejus Constitutione, data die v. Apri-
lis anni MDCCXLVII. quæ incipit, *Pia Mater*

*Catholica Ecclesia, & de qua nos mentionem iu-
tlio Capituli hujus fecimus. Præmittuntur non-
nullæ preces, quæ ex antiquo Ecclesiæ ritu, uti
ex prædictis Ritualibus constat, a Sacerdote visitan-
te infirmos adhiberi solent. Sequitur Oratio, quæ
infirmis Deo commendatur, ut per Unigeniti sui
Passionem, & Mortem, omnium delictorum remif-*

missionem, & veniam ei clementer indulgeat, ut ejus anima in hora exitus sui Iudicem ipsum propitiatum inveniat, & in Sanguine ejusdem Filii sui ab omni macula abluta, transire ad vitam mereatur perpetuam. Niti potissimum Indulgentias virtute meritorum Passionis Christi, definiit jam Clemens Papa vi. in sua extravagante Constitutione, quæ incipit, *Deigentis*, ubi dicitur ait, Christum superabundantiam Passionis suæ infinitum Theaurum Ecclesiæ Militanti reliquisse. Quem quidem Theaurum, ut idem Pontifex subdit, non in Sudario repositum, non in agro absconditum, sed per Beatum Petrum Cæli Clavigerum, ejusque Successores, Christi in Terris Vicarios commisit Fidelibus dispensandum. Et infra: *Ad ejus quidem Theauri cumulam B. Dei Genitricis, & omnium Electorum a primo Jusso usque ad ultimum merita adminiculum prestare audentur.*

II. Ex quibus, & aliis ejusdem Pontificis verbis placet intelligitur, quod & notavit Estius in iv. Sententiarum, Distinctione xx. §. iv. hunc meritorum, & passionum Theaurum præcipue fundari, & consistere in infinita, & inexhausta magnitudine meritorum, & Passionum Christi. Hac enim ratione propriissime infinitus, & inconsumptibilis hic Theaurus vocatur. Deinde in communione Sanctorum, quam in Symbolo confitemur, qua fit, ut in Ecclesia Dei, & aliorum merita, & passionis aliis tanquam ejusdem Corporis membris applicari, & prodesse possint; ut sic juxta Apostolum in Epistola II. ad Corinthios, Capite vii. aliorum abundantia aliorum inopie sit supplementum. Hortatur enim eo loco Apostolus Corinthios, terrenis opibus abundantes ad conferendam liberaliter elemosynam in Sanctos quosdam, secundum sæculum quidem inopes, sed apud Deum divites; vicissim promittens saturum, ut horum spiritualis abundantia suppleat illorum inopiam, ut quibus ad propitiandum Deum propria minus sufficiunt, ad id alienorum operum communione juventur.

III. Perperam vero recitata superius Clementis Papæ vi. verba suggillant hæretici, quod in sua extravaganti dixerit, omnium Sanctorum merita præstare adminiculum Thesauro meritorum Christi; quasi videlicet Sanguis Christi, vel per se non sufficeret, vel aliquando defecturus esset, ac vim suam amissurus, nisi juvaretur admixtione sanguinis Martyrum. At vero falli, ac fallere hæreticos, certum est. Non enim dicit Pontifex, ut idem Estius observat citato loco, §. v. in fine, merita Sanctorum præstare adminiculum ad cumulum Theauri meritorum Christi, quia videlicet cumulus ille quadam accessione meritorum efficitur major extensive quoad numerum meritorum, licet non quoad virtutem, quam ex meritis Christi habet infinitam. Deinde non magis absurdum est, dicere quod Thesauro meritorum præstant adminiculum merita Sanctorum, quam quod ait S. Paulus in Epistola i. ad Corinthios, Cap. iii. *Dei adiutores sumus*. Intelligitur enim adiutorium, & adminiculum hujusmodi præstari propter cooperationem quandam, non propter infirmitatem, aut insufficienciam supplementum. Nam quod idem Pontifex nihil derogatum velit infinitæ virtuti Sanguinis, & meritorum Christi, ex eadem extravagante liquet apertissime. Dicit ibi enim, quod vel modica Sanguinis Christi gutta sufficeret pro redemptione generis humani, vo-

catque Thesauro hunc meritorum Christi infinitum, & inconsumptibilem, etiam si merita, aliorum Sanctorum nulla accedant. Sed hoc Divinæ bonitatis, ac dignationis fuit, ut etiam redemptis suis merendi, & redimendi quandam tribueret participationem.

IV. Sed longum esset, & a nostro instituto alienum, velle hoc loco confutare hæreticos, qui adversus Indulgentias impie pariter, & indocte scripsere. Videri inter alios Bellarminus potest, in suis, *De Indulgentiis*, Libris. His itaque omnis, quod Indulgentiarum dogma, atque concessio altatur præsertim illo Christi Domini Oraculo apud Mattheum Cap. xvi. sic ad Petrum loquentis: *Tibi dabo claves Regni Cælorum: Et quodcumque ligaveris super terram, erit ligatum & in Cælis; & quodcumque solveris super terram, erit solutum & in Cælis*; merito formula ipsa, concessionis Indulgentiæ ex laudata Constitutione Benedicti XIV. in nostro §. vi. expressa, his verbis composita fuit: *Domine noster Jesus Christus Filius Dei vivi, qui Beato Petro Apostolo suo dedit potestatem ligandi, atque solvendi, per suam piissimam misericordiam recipiat Confessionem tuam, & restituat tibi Stolum primam, quam in Baptismo receperis; & ego facultatem mihi ab Apostolica Sede tributa, Indulgentiam plenariam, & remissionem omnium peccatorum concedo*. Recte ait: *facultatem mihi ab Apostolica Sede tributa &c.* Solus enim Romanus Pontifex Maximus pro sua in Ecclesiam plenitudine potestatis plenariam Indulgentiam concedit, ut Theologi communiter docent.

V. Siquis autem hic quærat, an Papa, vel Episcopus sibi ipsis conferre Indulgentias possint, cum nemo possit in se ipsum jurisdictionem exercere, neque ligando, neque absolvendo, ideoque nec se ipsum excommunicare quis valeat, nec sacramentaliter se ipsum absolvere; respondet Cardinalis Cajetanus in Tractatu xv. *De Indulgentiis*, Cap. v. conceditque Prælatum, qui aliis Indulgentiam elargitur, eam sibi non acquirere, quod scilicet dum alios absolvit, seipsum non absolvat. Quia tamen, inquit, non est deterioris conditionis, quam alii, per aliam viam consequi potest Indulgentiæ beneficium; committendo nimirum suo Confessario, ut sic ipsum absolvat, sicut ipse absolvit alios. Teneat & hanc Cajetani sententiam inter alios Estius recitato loco, & Juvenius, *De Sacramentis*, Dissertatione xlii. quæ est, *De Indulgentiis*, Quæstione 111. Capite II. Quæstio II. ubi etiam recte observant, Cajetani sententiam, præter rationem non contemnendam, præxi etiam niti, nam moriturus Summus Romanus Pontifex, non ipse sibi confert plenariam Indulgentiam, sed data commissione eam ab alio accipit.

VI. His ita explicatis, notandum nunc illud potissimum est, in largienda Papali Benedictione cum Indulgentia plenaria in articulo mortis, adhibendam omnino esse formulam in laudata toties Benedicti XIV. Papæ Constitutione, ejusque jussu in novo hoc Romano Rituali præscriptam; nec enim habere locum amplius debent variz illæ formulæ, quas varii Antiquitates, qui eam facultatem ab Apostolica Sede obtinuerant imperitandæ Papalis Benedictionis in articulo mortis, concinnaverant, qualis est illa, quam, teste Barufaldo in Commentariis ad Ritnale Romanum, Tit. xxx. §. II. num. 16. Cardinalis de Verme-

Fer-

Ferrariæ Episcopus præscripserat hisce verbis: *Auctoritate Santissimi Domini Nostri Papæ ab Eminentiss. & Reverendiss. D. Cardinali N. mihi demandata, impertior tibi & Benedictionem*

Pontificiam eam omnibus Indulgentiis solitis, & consuetis. In Namine Patris, & Filii, & Spiritus Sancti. Amen. Alias id genus Benedictionis formulas supervacaneum est recebere.

§. VII.

Si vero infirmus sit adeo morti proximus, ut neque Confessionis generalis faciendæ, neque præmissarum precum recitandarum tempus suppetat, statim Sacerdos Benedictionem ei impertiatur.

COMMENTARIUS.

Certa est regula illa, quam & Summi Pontifices, & Sacræ Synodi, ac Rituales Codices tradiderunt, ut vel in Sacramentum conficiendis, administrandisque, salva manente eorum formæ substantia, reliquæ preces formæ ipsi vel antiquo Ecclesiæ instituto adjunctæ, recte in casu necessitatis omitti possint, ac debeant. Juxta hanc regulam opportune mo-

net hic noster §. ut, si infirmus sit adeo morti proximus, ut neque Confessionis generalis faciendæ, neque præmissarum precum recitandarum tempus suppetat, statim Sacerdos Benedictionem ei impertiatur; dicendo scilicet sola illa verba supra in hæc §. vi. præscripta: *Benedicat te Omnipotens Deus, Pater, & Filius, & Spiritus Sanctus. Amen.*

§. VIII.

Deinde sequentes preces, quanta poterit majori devotione, dicat, admoneatque domesticos, & circumstantes, ut simul orent pro moriente.

COMMENTARIUS.

Ante Rituale hoc novum jussu BENEDICTI PAPÆ XIV. editum, auctumque pertinuit hic quidem §. ad Caput v. quod inscriptum est, *Modus juvandi morientes*, legabaturque in fine §. iv. ubi variz preces, quas janitores appellant, recensentur, dicendæ ab infirmo eo modo, quo potest, saltem ex corde, & per intervalla. Porro cum in sequenti Capite vi. enarratur Ordo commendationis animæ, recte admonet hic noster §. Parochum, Sacerdotemve morienti assiscentem, ut sequentes preces quanta

poterit majori devotione dicat, admoneatque domesticos, & circumstantes, ut simul orent pro moriente. Monendos a Parocho domesticos, ut pro infirmo orent, mandat quidem S. Carolus in Instructionibus, *De Sacramento Extremæ Unctionis*, Capite inscripto, *Quæ Parochus agere post ministracionem.* Verum sequenti Capite, ubi alia officia erga infirmum prope morituum recenset, ita opportune subjicit: *Procul secedere jubebit conjugem, liberos, domesticos, præsertim gementes, ac lauges, rosque item, quos in vita ebrosus ille habuit.*

CAPUT VII.

Ordo commendationis animæ.

Magni momenti, unde pendet æternitas, est exitus animarum de suis corporibus, & ideo unicuique Sacerdoti, novum Parocho, datur facultas commendandi animas Deo in hora mortis, & in eandem animarum transitu, ut scite observat Gavannus in Breviario Romano Sectione ix. Cap. v. Ut autem quilibet Sacerdos ad maiorem habere

queat, quid morituro dicat, necessitate præsertim urgente, & Rituali, quod Parochorum est, deficiente, providentissime ad Romani Breviarii calcem additus est Ordo commendationis animæ, sed longe brevior Ordine, qui & in antiquis Ritualibus, & in nostro hoc Romano præscriptus est, ut cuique utrumque conferenti, ac legenti liquet.

§. I.

Parochus ad decedentis animæ commendationem accedens, Clericum saltem unum, si potest, secum habeat, qui deferat vasculum Aquæ benedictæ, Superpellicem, & Stolum violaceum, quibus ipse Sacerdos ante infirmi cubiculum indutus, locum ingrediens dicat: *Pax huic domui, & omnibus habitantibus in ea.* Deinde aspergat agrotum, lectum, & circumstantes Aqua benedicta, dicens: *Asperges me, Domine, hyssopo, & mundaber &c.*

COMMENTARIUS.

Quamvis commendationis animæ officium in hoc nostro §. Parocho assignetur, quod nempe animarum cura soorum parochianorum ad ipsum præsertim pertineat, nihilominus cuique Sacerdoti datam esse

hanc facultatem commendandi animas Deo in hora mortis, & ideo earum ex hac vita discessu, jam supra adnotavimus in ipsam præsentis Capituli vii. Rubricam. Quod autem hoc §. spectat, mandat hic quidem, ut Parochus ad decedentis

A a a ani-

anima commendationem accedens. Clericum unum, si potest, secum habeat, qui deferat vasculum. Aqua benedicta, Superpellicum, & Stola violaceam &c. Quamvis enim commendatio animæ non sit Sacramentum, decet tamen, ut eo habitu indutus sit, quo Dei Minister in Sacramentalibus, quale est ipsa animæ commendatio, utatur; uti ad hunc §. notavit Barrufaldus num. 9. ubi etiam citans Gavantum, & antiquum Scriptorem Alcinum, ait, hanc esse propriam Sacerdotis pro commendatione animæ vestem, Superpellicum, ac Stola. Sed hic ritus vix hodie servatur, assistit enim Parochus, Sacerdosve morienti, quotidiano Clericali habitu indutus, & absque ullo

proprus Clerico, qui ei in animæ commendatione inservit. Quod factum puto, ut terreatur moribundus rituum Ecclesiasticorum ignarus, si videat sibi assistentem Sacerdotem indutum Superpelliceo, ac Stola violacea. Sed hoc Parochorum sociorum adscribendum est, qui nunquam in Catechismis, quos ad suum populum habent, ullum de huiusmodi ritibus sermonem iustituunt, quorum notitia summæ esset Fidelibus utilitati. Quod eam formulam spectat a Sacerdote in ingressu ad morientis cubiculum, *Pax huic domui*, & adspersionem Aquæ benedictæ faciendam ad ægrotum, lectumque ejus, ac circumstantes, cum illis verbis, *Asperget me &c.* jam alias dixi.

§. II.

Postea Salvatoris nostri Crucifixi Imaginem ægroti osculandam præbeat, verbis efficacibus eum ad spem æternæ salutis erigens, ipsamque Imaginem coram eo ponat, ut illam aspiciens, salutis suæ spem sumat.

COMMENTARIUS.

Sæpe & de hoc ritu dictum superius fuit, quem hic præscribit noster §. ut nempe Sacerdos Salvatoris nostri Crucifixi Imaginem ægroti osculandam præbeat, verbis efficacibus eum ad spem æternæ salutis erigens, ipsamque Imaginem coram eo ponat, ut illam aspiciens, sa-

lutis suæ spem sumat. Christianæ spei veram rationem, ac principalem causam, esse Christi Crucem, Sancti Patres passim docent, & inter alios non uno in loco S. Leo Magnus, Pontifex Maximus, præsertim vero in suo Sermone v. *De Passione Domini*.

§. III.

Deinde accensa candela, genibus flexis, cum omnibus circumstantibus breves Litanias devote recitet in hunc modum.

Kyrie eleison. Christe eleison.

Kyrie eleison.

Sancta Maria, ora pro eo.

Omnes SS. Angeli, & Archangeli, ora pro eo.

Sancte Abel, ora.

Omnes choros justorum, ora.

Sancte Abraham, ora.

Sancte Joannes Baptista, ora.

Sancte Joseph, ora.

Omnes Sancti Patriarchæ, & Prophete, ora.

Sancte Petre, ora.

Sancte Paule, ora.

Sancte Andrea, ora.

Sancte Joannes, ora.

Omnes Sancti Apostoli, & Evangeliste, ora.

Omnes Sancti Discipuli Domini, ora.

Omnes Sancti Innocentes, ora.

Sancte Stephane, ora.

Sancte Laurenti, ora.

Omnes Sancti Martyres, ora.

Sancte Silvester, ora.

Sancte Gregori, ora.

Sancte Augustine, ora.

Omnes Sancti Pontifices, & Confessores, ora.

Sancte Benedicte, ora.

Sancte Francisce, ora.

Omnes Sancti Monachi, & Eremitæ, ora.

Sancta Maria Magdalena, ora.

Sancta Lucia, ora.

Omnes Sanctæ Virgines, & Viduæ, ora.

Omnes Sancti, & Sanctæ Dei, Intercedite pro eo.

Propitius esto, Parce ei Domine.

Propitius esto, Libera eum Domine.

Propitius esto, libera.

Ab ira tua, libera.

A periculo mortis, libera.

A mala morte, libera.

A penis Inferni, libera.

Ab omni malo, libera.

A potestate diaboli, libera.

Per Nativitatem tuam, Libera eum Domine.

Per Crucem, & Passionem tuam, libera.

Per Mortem, & Sepulturam tuam, libera.

Per gloriosam Resurrectionem tuam, libera.

Per admirabilem Ascensionem tuam, libera.

Per gratiam Spiritus Sancti Paraclisi, libera.

In die iudicii, libera.

Peccatores, Te rogamus audi nos.

Ut ei porcas, te rogamus.

Kyrie eleison.

Christe eleison.

Kyrie eleison.

COMMENTARIUS.

Ceream candelam in commendatione animæ accendi, & a moriente, si potest, teneri, dum Sacerdos cum cir-

cumstantibus, flexis genibus, breviores Litanias recitat in hoc §. nostro præscriptas, præscriptum in variis Ritualibus legi, ac servatum vidi mul-

tis in locis . Tradit Barrufaldus in suo ad hunc §. Commentario, num. 1. si non adfit hæc candelæ in domo infirmi morientis, omnem curam esse adhibendam a Sacerdote, ut de ea provideatur, nec magni pendendi esse inquit, si ipse Parochus cum secum deferret, quando deesse praverit . Est quidem antiquissimus Ecclesiæ ritus, quem omittere nullatenus decet, ejusque mentio fit in Testamento S. Ephrem Syri, qui obiit anno Christi CCCLXXVIII. Cap. 111. num. 11. ubi ritum ipsum jam olim usitatum, accendendi sibi morienti, præ humilitate adhiberi vetuit, uti notat Gerardus Vossius apud Bollandianos die 1. Februarii ad ejus Vitam .

II. Omnis aliis exemplis, quibus Vossius ipse, & alii eruditi Scriptores ostendunt ex variis Patribus, cereorum usum non modo in funebribus defunctorum, verum etiam in exitu morientium adhiberi antiquitus consuevisse, celebre est illud, quod legitur de S. Ferdinando Rege Castellæ, & Legionis, in ejusdem Chronico, num. 148. apud eosdem Bollandianos, die xxx. Maji . Ex eo enim addidimus, non modo cereum, verum etiam eum benedictum teneri consuevisse manibus morientis, dum Litaniæ pro eo recitarentur : Cumque jam advenisset hora, qua Rex Sanctus animam esset redditurus Creatori suo, conspexit Sacerdos se expectantium societatem; malitiamque eo visa recreatus, dedit gratias Deo, petiitque cereum benedictum, in manibus ritu Christiano tenendum . Prius tamen quam eum apprehenderet, elevatis in Cælum oculis dixit : Domine, dedisti mihi Regnum, quod non habebam, & majorem honorem, atque potentiam, quam merebar; dedisti mihi quantum fuit voluntatis tue, & pro his omnibus gratias tibi reddo, & resigno in manus tuas Regnum, quantis potui incrementis auctum, animam quoque meam tibi offero . Tum veniam ab omnibus circumstantibus petiit, ignosci postulavit, siquam alieni dedisset gerendi de se causam, & illi vicissim lacrymantes orabant, ut sibi culpas suas condonaret . Mox candelam accepit, & cum ambabus manibus in sublime efferens, Domine, inquit, Jesu Christe Redemptor mi, nudus egressus sum de ventre matris meæ, & nudus revertar in terram . Suscipe, Domine, animam meam, & per merita sanctissimæ Passionis tue, placeat eam collocare inter servos tuos . Deinde manus cum candelâ demisit, & tamquam fidelis Christianus Deum Patrem adoravit, iussitque, ut Clerus totus recitaret Litaniæ, clataque voce, To Deum laudamus, decantaret . Denique inclinato capite, & oculis clausis, animam Deo reddidit; die scilicet xxx. Maji anno Domini millesimo ducentesimo quinqueagesimo secundo, ut in citato Chronico apud Bollandianos legitur .

III. Præter superius notata, ex recitato hætenus loco addidimus quoque & hunc alium ritum, canendi scilicet morienti Hymnum, Te Deum laudamus . Quod quidem optime factum est cum iis, qui in Domino moriuntur, ob egregias rationes s. S. Cypriano in aureo Libro, De mortalitate, explicatas, ubi sic inter alia inquit: Quantum prois exire de saeculo, Christus ipse salutis, atque utilitatis noster Magister ostendit, qui cum Discipuli ejus contristarentur, quod se jam diceret recessurum, locutus est ad eos, dicens, Joannis XIV. § Si me dilexistis, gaudereis utique, quoniam vado ad Patrem; decens scilicet,

Tom. I.

Et ostendens, eum chari, quos diligimus, de saeculo exeunt, gaudendum potius, quam dolendum . Cujus rei memor Beatus Apoculus Paulus in Epistola sua, ad Philippenses scilicet, Capite 1. ponit, & dicit : Mihi vivere Christus est, & mori lucrum; lucrum maximum computans jam saeculi laqueis non teneri, jam nullis peccatis, & vitiis carnis obnoxium fieri, exemplum pressuris angustibus, & venenatis diaboli fascibus liberatum, ad lætitiæ salutis æternæ, Christo vocante, proficisci . Similia his, ac longe plura ceteri Ecclesiæ Patres docent; & quod mirum, vel ipsi Gentiles hoc in usu aliquando habuerunt, ut puerum in lucem editum cognati, affinesque plangerent, ob pericula vitæque incommoda, quibus factus erat obnoxius; exultarent vero in funere, quod defuncto jam omnibus incommodis, atque infortunis, quæ vita fert, ex hac luce, & imminetibus malis, atque omni sævitia fortunæ tandem excedere tandem esset . Quod quidem pluribus tradit noster Alexander ab Alexandro, & cum eo Tiræquellus, Lib. 11. Diærum generalium, Capite xxv.

IV. At vero his obiter dictis, quod ritum spectat accendendi cereum morienti, adhiberi a multis solet cereus benedictus in die Purificationis Deiparæ, qui etiam ad hunc finem teneri solet a Christianis permultis prope lætum appensus, ut notat Barrufaldus citato loco num. 12. & seq. ubi etiam scite observat, quod ubi cereus ipse benedictus decesset, benedicti ad morientis usum possit cereus alius pecuniari illa benedictione candelarum, quæ ex præscripto nostri hujus Ritualis Romani, Tit. vi. Cap. 111. extra diem Purificationis Beatæ Mariæ Virginis fit . Porro uti etiam solent morientes ipsi candelis a Fratribus Dominicis benedictis particulari orationis formula, quæ dicitur : Benedicito Candelarum Societatis Sanctissimi Rosarii, quæ in eorum Ritualibus, ac Breviariis legitur, & est hujusmodi : Ad interitum nostrum in Nomine Domini . R. Qui fecit Cælum, & terram . V. Dominus vobiscum . R. Et cum Spiritu tuo . Oramus, Domine Jesu Christe, lux vera, quæ illuminat omnem hominem venientem in hunc Mundum, effunde per intercessionem Virginis Mariæ Matris tuæ, & per quindecim ejus Rosarii mysteria Benedictiorem tuam super hos cerceos, & candelas, & sanctifica eas lumine tuæ gratiæ, & concede propitius, ut sicut hac laminaria igne visibili accensa nostras depellunt tenebras, ita corda nostra invisibili igne, ac Spiritus & Sancti splendore illustrata, omni vitiis caritate careant, ut pro mentis oculo cernere possimus, quæ tibi sunt placita, & nostra salutis utilis, quatenus post hæc sæculi caliginosa discrimina, ad lucem infensibilem pervenire mereamur . Qui vivis, & regnas cum Deo Patre in unitate Spiritus Sancti Deus, per omnia sæcula seculorum . Amen . Mandat mox, ut Aqua benedicta aspergatur .

V. Restat nunc, ut de Litaniis dicamus, brevibus scilicet, dicendis ex præscripto nostri pro moriente a Sacerdote cum omnibus circumstantibus, genibus flexis . Esse hunc antiquum æque, ac communem ritum, testantur Libri omnes Rituales, & innumera pene exempla, quæ afferri possent . Certe ex Harialpho in Chronico Centulensi Lib. iv. Cap. xxxv. apud Dacherium Tomo 1v. Capituli legi, de S. Gervini Abbatis obitu legitur, quod, cum Fratres, Litaniæ fieret, & in-

A 2 2

& initiata commendatione fidei, illo usque venissent, ut dicerent, Suscipiat te Christus, ille ad hoc verba spiritum efflavit. Teste Chrysostomo Henriquez in Vita S. Alberici Abbatis Cisterciensis num. 19. apud Bollandum die xxv. Januarii, ipse Abbas moriturus *Litanias perlegit; cumque ad illud pervenisset, Sancta Maria ora pro nobis, facies ejus cepit quasi Divina, adinstar solis, luce perfuso inter micantes effundere radios, & monuit in somnis leniter solutus animam efflavit.* Itaque morituri ipsi per se ipsos, vel una cum adstantibus Litanias recitabant, canebant, ut patet ex Sancto Stephano Abbate Obazinensi, teste Anonymo ejus Vitæ Auctore, Lib. 111. n. 4. apud Bollandum Lib. 1v. Miscellaneorum: *Pulsata tabula, inquit, omnes undique convenerant, & Litanias cum magno fletu agere coram eo ceperant, quas ipse quidem frequentius repeti faciebat, & cum eis moriens, prout poterat, decantabat.* His adde, quod legitur in Vita S. Guncgundis Imperatricis, num. 14. apud Bollandianos die 111. Martii: *Sonabant Psalmi, & totam domum, ubi sanctum corpusculum in medio super illo suo nobili cilicio compositum jacebat, in sublimi resonant Litania pro exante anima quatiebat.* Recitari jussisse sibi morienti S. Ferdinandum Regem Castellæ, & Legionis, a toto Clero Litaniam, jam diximus supra ex antiquo Chronico. Juxta Lanfranci Statuta, Cap. xiv. ac Ritualium variorum prescriptum, Litanias ipsa protrahi, abbreviare debet, prout morientis exitus visus facere admonere.

VI. Illud vero in recitatis in nostro §. Litanis observandum est, breves illas esse, & non parum diversas ab aliis Litanis; in illis enim invocantur etiam aliqui Sancti Veteris Testamenti, expresso eorum nomine, nempe S. Abel, & Sanctus Abraham. Ex quo magis magicque confirmatur, quod notavit Meratus in Notis ad Gavantium, Sectione 1x. Cap. v. quod est, *De Ordine commendationis animæ*, hujusmodi Sanctos perinde, ac alios Novi Testamenti, ab universali Ecclesia coli, & venerari, & ann solum nominatim aliquos illorum in Litanis commendationis animæ invocari, verum etiam plurimos ex illis in Martyrologio Romano recenseri. Nonnullas item Ecclesias sub eorum nomine dedicatas refert quidem Baronius ex probatis Auctoribus in suis ad Romanum Martyrologium Notis, nempe Jeremie a Constantino Magno super ipsammet

foveam, in quam hic Propheta detrusus fuit; Michæam ad ejus sepulchrum, Eliæ a Basilio Imperatore, Samueli a Justiniano, Machabæis Martyribus Antiochiæ, Viennæ Allobrogum, & Colonia Agrippinæ; Venetiis denique, ut alia loca omittam, Moyli, Samueli, Jeremie, Job, & aliis. Porro brevibus Litanis in §. nostro descriptis recentissime infernum fuit etiam nomen S. Josephi post illud S. Joannis Baptiste, jussu BENEDICTI Papæ XIII. in Decreto Urbis, & Orbis dato Romæ die xix. Decembris MDCCXXVI, uti videre est apud laudatum Meratum in Indice Decretorum num. 268. Invocatur autem in Litanis S. Josephi immediate post S. Joannem Baptistam, variisque rationes ejus ritus legere est apud Prosperum Lambertium, nunc BENEDICTUM Papam XIV. in suo eruditissimo Discursu, super hac re edito anno MDCCXXIII. cum Fidei Promotoris munus commendatissime obiret.

VII. Juxta varios Rituales Codices, varietas sunt Litanie cum variis Sanctis, finitique Sanctarum nominibus, varietas preces subieciuntur, uti videre est in antiquis mss. Consecutionibus Monasterii Cluniacensis apud Martene Lib. v. *De antiquis Monachorum Ritibus*, Cap. ix. n. 9. Finitis vero Sanctorum nominibus, subiunguntur, inquit, *Propitius esto, libera eum Domine. De gladio maligno, libera eum Domine. A morte perpetua, libera eum Domine. A pondere peccatorum, libera eum Domine. A teira colligine, libera. Per Cracem tuam, libera eum Domine. Per intercessionem omnium Sanctorum, libera. Peccatores, Te rogamus audi nos. Ut iracundia tua flagella ab eo amoveas, Te rogamus. Ut spiritum fiduciæ loco angustia liberet, Te rogamus. Ut cum fiducia diem judicii expectet, Te rogamus. Ut eum in numero tibi placentium censeri facias, Te rogamus. Ut eum a numero malorum discerni facias, Te rogamus. Ut eum in regeneratione vivorum æternis gaudiis fovendi jubeas, Te rogamus. Ut cum prima vitæ æternæ gaudia adipisci facias, Te rogamus. Ut eum a mortifero vassatore defendere digneris, Te rogamus. Agnus Dei, qui tollis peccata mundi, parce ei Domine. Agnus Dei, qui tollis peccata mundi, miserere ei. Agnus Dei, qui tollis peccata mundi, dona ei requiem. Kyrie eleison, Christe eleison, Kyrie eleison. Atque hæc satis sint de Litanis morienti recitari solitis, & quidem antiquo, & vario ritu, juxta varias probatas tamen Ecclesiarum consuetudines.*

§. IV.

Deinde cum in agone sui exitus anima anxietur, dicantur sequentes Orationes.

Oratio.

Proficiscere anima Christiana de hoc Mundo in Nomine Dei Patris Omnipotentis, qui te creavit; in Nomine Jesu Christi Filii Dei veri, qui pro te passus est; in Nomine Spiritus Sancti, qui in te effusus est; in Nomine Angelorum, & Archangelorum; in Nomine Thronorum, & Dominationum; in Nomine Principatum, & Potestatum; in Nomine Cherubim, & Seraphim; in Nomine Patriarcharum, & Prophetarum; in Nomine Sanctorum Apostolorum, & Evangelistarum; in Nomine Sanctorum Martyrum, & Confessorum; in Nomine Sanctorum Monachorum, & Eremitarum; in Nomine Sanctorum Virginum, & omnium Sanctorum, & Sanctarum Dei. Hodie sis in pace loci tui, & habitatio tua in sancta Sion. Per eundem Christum Dominum nostrum. R. Amen.

Oratio.

Deus misericors, Deus clemens, Deus, qui secundum multitudinem miserationum tuarum peccatum penitentium delet, & præteritorum criminum culpas venia remissionis evadunt.

cuas: respice propitius super hunc famulum tuum N. & remissionem omnium peccatorum suorum tota cordis confessione poscentem deprecatus exaudi. Renova in eo, plissime Pater, quidquid terrena fragilitate corruptum, vel quidquid diabolica fraude violatum est; & unitati Corporis Ecclesie membrum redemptionis annecte. Misere Domine gentium, misere lacrymarum ejus; & non habentem fiduciam, nisi in tua misericordia, ad tue sacramentum reconciliationis admittit. Per Christum Dominum nostrum. R. Amen.

Commendo te Omnipotenti Deo, edorissime Frater, & ei, cujus es creatura, committo; ut cum humanitatis debitum, morte interveniente, perfoveris, ad Auctorem tuum, qui te de hinc terrae formaverat, revertaris. Egređiens itaque anima tua de corpore splendidus Angelorum catus occurras; iudex Apostolorum tibi senatus advenias; Candidatorum tibi Martyrum triumphator exercitus obvies; illata rutilantium te Confessorum turba circumdet; jubilantium te Virginum chorus excipiat, & beate galetis in sinu Patriarcharum te complexus astringat; mitis, atque festivus Christi Jesu tibi aspectus appareat, qui te inter assistentes sibi iugiter interesse decernat. Ignosce omne, quod borret in tenebris, quod sordet in flammis, quod cruciat in tormentis. Cedit tibi teterimus satanas cum satellitibus suis; in adventu tuo, te comitantibus Angelis, conpremit, atque in aeterna noctis chaos immane diffugiat. Exurgat Deus, & dissipentur inimici ejus. Sicut fluit cera a facie ignis, sic pereant peccatores a facie Dei. Et iusti epulentur, & exultent in conspectu Dei. Confundantur igitur, & erubescant omnes tartareae legiones, & ministri satana iter tuum impedire non audeant. Liberes te a cruciatu Christus, qui pro te morti dignatus est. Constituas te Christus Filius Dei vivi inter Paradisi sui semper amena virentia, & inter eos suus te verus ille Pastor agnoscat. Ille ab omnibus peccatis tuis te absolvat, atque ad dexteram suam in Electorum suorum sorte constituat. Redemptorem tuum facie ad faciem videas, & presens semper assistens manifestissimam beatis oculis aspicias veritatem. Constitutus igitur inter agmina Beatorum, contemplationis Divinae dulcedine potiaris in secula seculorum. R. Amen.

Oratio.

Suscipe, Domine, servum tuum in locum sperandae sibi salvationis a misericordia tua. R. Amen. Libera, Domine, animam servi tui ex omnibus periculis inferni, & de laqueis peccatorum, & ex omnibus tribulationibus. R. Amen.

Libera, Domine, animam servi tui, sicut liberaisti Enoch, & Eliam de communi morte mundi. R. Amen.

Libera, Domine, animam servi tui, sicut liberaisti Noe de diluvio. R. Amen.

Libera, Domine, animam servi tui, sicut liberaisti Abraham de Ur Chaldeorum. R. Amen.

Libera, Domine, animam servi tui, sicut liberaisti Job de passionibus suis. R. Amen.

Libera, Domine, animam servi tui, sicut liberaisti Isaac de hostia, & de manu patris sui Abrahæ. R. Amen.

Libera, Domine, animam servi tui, sicut liberaisti Lot de Sodomis, & de flamma ignis. R. Amen.

Libera, Domine, animam servi tui, sicut liberaisti Moysen de manu Pharaonis Regis Aegyptiorum. R. Amen.

Libera, Domine, animam servi tui, sicut liberaisti Daniele de lacu Leonum. R. Amen.

Libera, Domine, animam servi tui, sicut liberaisti tres pueros de camino ignis ardentis, & de manu Regis iniqui. R. Amen.

Libera, Domine, animam servi tui, sicut liberaisti Susannam de falsi crimine. R. Amen.

Libera, Domine, animam servi tui, sicut liberaisti David de manu Regis Saul, & de manu Goliath. R. Amen.

Libera, Domine, animam servi tui, sicut liberaisti Petrum & Paulum de carceribus. R. Amen.

Et sicut Beatissimam Theclam Virginem, & Martyrem tuam de tribus atrocissimis tormentis liberaisti, sic liberare digneris animam hujus servi tui, & tecum facias in bonis congaudere celestibus. R. Amen.

Oratio.

Commendamus tibi, Domine, animam famuli tui N. precamurque te, Domine Jesu Christe Salvator Mundi, ut propter quam ad terram misericorditer descendisti, Patriarcharum tuorum filiis insinuare non renuas. Agnosce, Domine, creaturam tuam non a Dili alienis creatam, sed a te solo Deo vivo, & vero, quia non est alius præter te, & non est secundum opera tua. Letifica, Domine, animam ejus in conspectu tuo, & ne memineris iniquitatem ejus antiquarum, & ebrietatum, quas suscitavit furor, & fove fervor mali desiderii. Licet enim peccaveris, tamen Patrem, & Filium, & Spiritum Sanctum non negaveris, sed credidisti, & velum Dei in se habuit, & Deum, qui fecit omnia, fideliter adoraveris.

Oratio.

Oratio.

Delicta juveniuit, & ignorantius ejus, quæsumus, ne memineris, Domine; sed secundum magnam misericordiam tuam memor esto illius in gloria claritatis tue. Aperiantur ei Cæli, collentur ei Angeli. In Regnum tuum, Domine, servum tuum suscipe. Suscipias eum Sanctus Michael Archangelus Dei, qui Millia cælestis meruit principatum. Veniant illi obviam Sancti Angeli Dei, & perducant eum in Civitatem caelestem Jerusalem. Suscipias eum Beatus Petrus Apostolus, cui a Deo Claves Regni cælestis traditæ sunt. Adjoves eum Sanctus Paulus Apostolus, qui dignus fuit esse vas electionis. Intercedas pro eo Sanctus Joannes electus Dei Apostolus, qui revelata sunt secreta cælestia. Orens pro eo omnes Sancti Apostoli, quibus a Domino data est potestas ligandi, atque solvendi. Intercedans pro eo omnes Sancti, & Electi Dei, qui pro Christi Namine tormenta in hoc sæculo sustinuerunt; ut vinculis carnis exutis, pervenire mereantur ad gloriam Regni cælestis; præstante Domino nostro Jesu Christo, qui cum Patre, & Spiritu Sancto vivis, & regnas in sæcula sæculorum. Amen.

COMMENTARIUS.

I. **R**ecitatis Litanis, de quibus late diximus in Commentario superiori, mandata hic nosse fit, ut deinde cum in agone sui exitus anima anxietur, dicantur sequentes Orationes &c. Agon græca vox est, quæ confictus actum, locum, & aliquando ejus spectatorem significat, ut ait Mucrus in suo Hierolexico, verbo, *Agon*, probatque ex eo, quod scribit Apostolus in Epistola 1. ad Corinthios, Capite 1x. *Omnis, qui in agone contendit, ab omnibus se abstinere*. At vero in Ritualibus, *agon*, *agone*, ultimus confictus dicitur separationis animæ a corpore, quæ quidem, eam etiam ob causam, *agonem* vocari, docet Concilium Provinciale x. Beneventanum anni MDLVII. Tit. x. Capite unico, *quia tunc pugna validissima, tunc certamen instat gravissimum; quia scilicet callidissimus serpens, nullo uoquam tempore oppugnat Christifideles gravius, quam cum ex hac vita migrandum est, ut idem Concilium citato loco notavit, Patrum testimonio, exemplisque Sanctorum edoctum, qui in extremo agone horridico diaboli aspectu, ac tentationibus vexati fuere*. Celebre est, ut alia hoc loco omittam exempla, quod de S. Martino Taronenſi Episcopo, in ejus Vita Lib. II. narrat Severus Sulpitius, & ex eo Breviariū Romanum die xi. Novembris in tertia secundi Nocturni lectione: *Iustante jam morte, viso humani generis hoste, quid, inquit, adſus eruenta bestia, nihil in me fuisse reperiet*.

II. Sed explicemus nunc Orationes, quas hic nosse fit, dicendas prescribit, cum in agone sui exitus anima anxietur. Prima Oratio est: *Proficiscere anima Christiana &c.* quæ in variis Ritualibus legitur a Martene allatis, Lib. v. De antiquis Monachorum ritibus, Cap. 1x. & Lib. III. De antiquis Ecclesiæ ritibus, Cap. xv. præsertim vero in mss. Codice Romariensis annorum circiter ncc. Est quidem prima denunciatio, quæ fit animæ, ut corpus deferat, & ab eo separetur, atque ad suam eternitatem se conferat. Vere est terribilis denunciatio, ad quam morientes, vel sanctimoniam insignes contemuisse legantur, inter quos S. Hilarius, cum obſeſſum annum agens, multis medicamentis monstris, & claris miraculis in morbum incidisset, ejusque vi cum extremo pene spiritu confisteretur, ita dicebat: *Egrede, quid times? egredere anima mea, quid dubitas? septuaginta prope annis servisti Christo,*

& mortem times? Sed hujusmodi exemplis missis, continet ea Oratio, *Proficiscere &c.* compendium Litaniarum, quæ habentur supra in §. III. omniumque ordium Hierarchyorum, quorum in ipsis Litanis facta est per nomina enumeratio, a Sanctissima Trinitate initium sumens, & ad Sanctos, Sanctasque descendens. Mirum illud videri debet, quod, ubi in ipsa Oratione, *Proficiscere &c.* omnium Sanctorum Ordines recententur, nulla fiat Deipare Virginis mentio. Si vetera, quædam Ritualia spectemus, ac præsertim Sacerdotale Romanum anno MDLVII. Venetiis impressum, Parte 1. Tractatu v. Cap. vii. pag. 110. & seq. ante memoratas Litanias, quinque Orationes dicenda præferebantur in agone mortis ad Beatam Virginem Mariam; quæ tamen in hoc nostro Rituali Romano a Paulo Papa V. edito locum non habuerunt.

III. Porro, quod Oratio ipsa, *Proficiscere &c.* dicenda sit, quum in agone sui exitus anima anxietur, omnes quidem Rituales Codices mandant; sed præcipit nihilominus in suis Statutis Lanfrancus, Cap. xiv. apud Martene citato loco, Cap. x. num. 9. ut *egressa jam de corpore anima, tribus viribus cum partibus intervallis pulsantur signa*. Cæterum incipit R. Subvenite Sancti Dei; quo cum versu, & regressu expleto, subjungat Sacerdos: *Proficiscere anima Christiana; quo dicto, incipiant commendationem animæ; & illaque prima collecta: Tibi Domine commendamus: Sacerdote, & Convento prosequente cætera, portatur corpus ad lavandum &c.* Ubi perspicue vides juxta Lanfranci Statuta, Orationem ipsam, *Proficiscere*, sicut & illam, *Commendamus tibi, Domine, animam famuli tui &c.* in hoc eodem nostro §. præscriptam, dici debuisse, *egressa jam de corpore anima*. Quod quidem mirum videri non debet, cum etiam Orationes, quæ aliquando super morientes dicebantur, dici hodieque soleant in jam mortuorum Officio, qualis est inter alias illa, quæ in Missis Defunctorum ad Offertorium dicitur: *Domine Jesu Christe Rex glorie &c.* de qua vide Bellarminum, Lib. II. De Purgatorio, Cap. v. Quidquid autem de ea re sit, secunda Oratio, *Deus misericors, Deus clemens &c.* sicut & tertia, *Commendo te Omnipotenti Deo &c.* legitur quidem in variis Ritualibus a Martene productis Lib. III. De antiquis Ecclesiæ ritibus, Cap. xv. & Lib. v. De antiquis Monachorum ritibus, Cap. 1x. Sed notandum hic ta-

men

men cenſeo, tertiam ipſam Orationem, *Commen-
dote &c.* totam eſſe deſumptam ex S. Petro Da-
miani in Libri VII. Epistoſta xv. ad quendam
negrotum, cujus jam jam morituri animam Deo
commendat, ut tranſiſſio hujus vitæ curſu, ce-
leſtis victoriæ palmarum mercede accipere. Cla-
ruit autem Damianus Sæculo XI.

IV. Sequitur deinde alia Oratio in varios
articulos diſtincta cum claſſula, *Amen*, ad finem
ſingulorum; deſumpti ſunt omnes, ſi ultimum
excipias, ex Divina Scriptura, præſertim vero
Veteris Teſtamenti, & leguntur in variis Ritua-
libus. Quod in ultimo articulo habetur, in quo
oratur Dominus, ut ſicut Beatiſſimam Theclam
Virginem, & Martyrem de tribus atrociffimis
tormentis liberavit, ſic liberare dignetur ani-
mam mox morientis, explicatur a Baronio in No-
tis ad Martyrologium Romanum, die XXI. I. Se-
ptembris, ubi citatis SS. Patribus, ait, tria illa
atrociſſima tormenta, fuiſſe ignem, theatrum, &
beſtias. Sane obſervat Gavantus in Commenta-
riis ad Romani Breviarii Rubricas, Sectione IX.
Cap. v. non explicari a Baronio citato loco quod-
nam in Theatro paſſa ſit Thecla tormentum di-
ſtinctum a beſtiarum ſancibus, ſed in Annalibus
quidem ad annum XLVII. narrari, eam tauris al-
ligatam fuiſſe, ut diſcerperetur. Caterum nomi-
nari Theclam in agone mortis a S. Cypriano in
Oratione, *Pro Martyribus*, & in ea, quam in die
Paſſionis ſuæ dixit, poſt Baronium notavit etiam
Gavantus locis citatis. Sed utraque Oratio, nti
eruditi Scriptores notant, falſo S. Cypriano Car-
thagienſi Epſcopo, ac Martyri adſcribitur, eſſe-
que potius Cypriani Antiocheni.

V. Quicquid ſit, Oratio ipſa, *Suſcipe Domine*

ſervum tuum &c. antiqua eſt, pauciſque immuta-
tis, aliſque adjunctis verſibus, legitur in ſacra-
rum precum Libello Floriacenſis Monafterii an-
norum circiter cxi. apud Martene in Libro, *De
antiqua Eccleſia diſciplina in Divinis celebra-
tionis Officiis*, pag. 628. editionis Lugdunenſis an-
ni MDCCVI. cui Titulus: *Oratio pro deſunctis*,
ubi ſic habet: *Libera Domine animam ſervi tui
N. de periculis infernorum, & de periculis tene-
brarum, & de perſecutionibus multis, & de flum-
inorum gehenna ignibus. Libera, Domine, ani-
mam ſervi tui N. ſicut liberaſti Noe per dila-
viam ſaculorum. Libera, Domine, animam ſer-
vi tui N. ſicut liberaſti Abraham de Ur Caldea-
rum. Libera, Domine, animam ſervi tui N. ſicut
liberaſti Lot de Civitate Sodomorum. Libera
Domine, animam ſervi tui N. ſicut liberaſti popu-
lum Iſrael de manu Aegyptiorum. Libera, Domi-
ne animam ſervi tui N. ſicut liberaſti Moſen de
manu Pharaonis, qui antecedebat populum Iſrael
in Deſerto. Libera, Domine, animam ſervi tui N.
ſicut liberaſti David de manu Golia gigantis. Li-
bera, Domine, animam ſervi tui N. ſicut liberaſti
Eliam, & Henoch de hoc mundo. Libera, Domi-
ne, animam ſervi tui N. ſicut liberaſti Sannaam
de manu Principum. Libera, Domine, animam
ſervi tui N. ſicut liberaſti Daniel de laeu leo-
num. Libera, Domine, animam ſervi tui N. ſicut
liberaſti Joſam de ventre cati. Sic animam ſer-
vis noſtris N. ab omnibus periculis paſſionum libe-
rare digneris, & bonis æternis cum Ecclēis tuis
eam perſeſti jubeas. Per. In memoria æterna erit.
Et reliqua: Requiem æternam. Partem primæ re-
ſurreccionis obtineat, vitamque mereatur æter-
nam. Amen.*

§. V.

Si vero diutius laborat anima, poterit legi ſuper eum hoc Evangelium S. Joannis. *Joan. 17.
Sublevari oculis in Cælum, Jeſus dixit: Pater venit hora, clarifica Filium tuum &c.* uſ-
que ad verba. *Enorum feci eis Nomen tuum, & notum faciam, ut dilectio, qua di-
lexiſti me, in ipſis ſit, & ego in ipſis.*

Paſſio Domini noſtri Jeſu Chriſti ſecundum Joannem. Cap. 18.

In illo tempore: *Egreſſus eſt Jeſus cum Diſcipulis ſuis trans torrentem Cedron &c.* uſque
ad ea verba: *Ibi ergo propier Paraſceven Judæorum, quia juxta erat monumentum,
poſuerunt Jeſum.*

COMMENTARIUS.

NUmquam ſere non uſurpatum fuit, ut
ſuper morientes Sacra Evangelia, ac
illa potiſſimum, quæ Chriſti Paſſio-
nem continent, recitentur. Id plane præſcri-
bunt paſſim Rituales Codices a Martene producti
Lib. v. *De antiquis Monachorum ritibus*, Cap. IX.
teſtanturque exempla Sanctorum, ac illud præſer-
tim S. Frodoberti Abbatis Cellenſis, de quo
eius Vitæ Auſtor, nrm. 22. ſic habet: *Univerſos
deus jubet adeſſe Diſcipulos, danque ante eum
cantas Paſſionis legeretur Dominica, ſub oculis
omnium ſancta anima carnis exata velamine, ſe-
licet deſceſſu Cæleſtia penetraſſet.* Teſte S. Bona-
ventura in Vita S. Franciſci de Aſſiſio Ordinis Mi-
norum Inſtitutoris, *Deo vir chariſſimas Evange-
liorum ſibi Codicem apportari, & Evangelium ſe-
cundum Joannem, quod incipit ab eo loco, Ante
diem ſeſtum Paſche, ſibi legi popoſcit.* Quod ve-
ro S. Vincentius Ferrerius moriturus, petiit ſibi

legi Paſſionem Chriſti, quemadmodum a ſingulari
eſt Evangeliiſtis conſcripta, docet nos ejus Vitæ
Auſtor apud Sarium die v. Aprilis Quod etiam
civis meus S. Franciſcus de Paula, die ipſo, quo
obiit, Paraſceves ſcilicet anni MDVII. legi ſibi
fecerit Chriſti Paſſionem ſecundum Joannem, tra-
dendū paſſim Scriptores illos Vitæ. Atque ut alia
exempla omittam, S. Pius V. Pontifex Maximus,
teſte Gabutio in Vita illius Lib. v. Cap. XI. *ſibi
ſepius Evangelicam Dominica Paſſionis legi juſſit
hiſtoriam, & ubi Sanctiſſimum Jeſu Nomen audi-
ret, ob reverentiam, pileolo manum intendebat;
quem ſi per corporis imbecillitatem attingere non
poſſet, manu pium mentis ſenſum indicabat.* Porro
Paſſionis Dominica hiſtoria per S. Joannem
conſcripta, mandat noſter §. ſi diutius ſcilicet
laborat anima, præmitti partem Evangelii ejus-
dem S. Joannis ex Capite XVI. deſumptam, ubi
facta legitur a Chriſto Oratio ante agonem ſuum
ad

ad Patrem, in qua præter alia notatu digna, ad-
est illa excellens, & infinita misericordie expres-
sio: *Pater, quos dedisti mihi, volo, ut ubi sum*

*ego, & illi sint mecum; a qua moriens magnæ
consolationis argumentum pro sua æterna salute
potest desumere.*

§. VI.

Oratio ad Dominum Jesum Christum de singulis articulis Passionis ejus, dicenda a mor-
iente, vel ab alio pro eo. *V. Adoramus te, Christe, & benedicimus tibi. R. Quia
per sanctam Crucem tuam redemisti mundum. Deus, qui pro redemptione mundi vo-
luisti nasci, circumcidi, a Judæis reprobari, a Juda traditore osculo tradi, vinculis
alligari, sicut agnus innocens ad victimam duci, atque conspectibus Anne, Caiphe,
Pilati, & Herodis indecenter offerri, a falsis testibus accusari, flagellis, & oppro-
briis vexari, sputis confui, spinis coronari, colaphis cædi, arundine percuti, facie
velari, vestibus exui, Cruci clavis affigi, in Cruce levari, inter latrones deputari,
felle & aceto potari, & lancea vulnerari. Tu, Domine, per has sanctissimas penas
tuas, quas ego indignus recolo, & per sanctam Crucem, & mortem tuam libera me
(vel si alius dicit pro eo, libera famulum tuum N.) a penis inferni, & perducere
digneris quo perduxisti latronem tecum crucifixum. Qui cum Patre, & Spiritu Sancto
vivis, & regnas in secula seculorum. Amen.*

§. VII.

Dici præterea possunt sequentes Psalmi. Psalmus cxvii. *Confitemini Domino, quoniam
bonus.* Psalmus cxviii. *Beati immaculati in via. Retribue servo tuo.*

COMMENTARIUS.

I. **S**upponit jam noster §. vi. morientem in
eo statu mentis, & sensuum versari, ut lo-
qui possit, utpote quia variz infirmita-
tes dantur, quæ mentem, ac linguam ad ultimum
fere vitæ momentum liberam infirmis relinquunt.
Dato igitur hoc casu, moriens per se, ita a Sacer-
dote monitus, potest hanc recitare Orationem,
si illam memoriter sciat, vel legere, si oculi illius
minime caligaverint, vel jactum eum Sacerdo-

te proferre. Compendium est Dominiæ Passio-
nis, ad excitandam cordis compunctionem in mor-
iente, & fiduciam in Christum Dominum, qui
pro redemptione humani generis atrocissimam
Passionem subit. Ne vero durante agone morien-
tis, Orationes, ac Preces desint, subdit mox nos-
ter §. vii. tres Psalmos, quod immensam Dei mi-
sericordiam recenscant, animamque quammaxi-
me excitent ad desiderium bonorum celestium.

§. VIII.

Tres piæ, & utiles morientibus Orationes cum tribus, *Pater noster*, & tribus, *Ave Ma-
ria*, in agone mortis recitandæ. Primo dicitur, *Kyrie eleison, Christe eleison, Ky-
rie eleison. Pater noster, Ave Maria.* Oratio.

*Domine Jesu Christe, per tuam sanctissimam agoniam, & orationem, qua orasti pro no-
bis in Monte Olivæ, quando factus es sudor tuus, sicut gutta sanguinis decurrentis
in terram: obsecro te, ut multitudinem sudoris tui sanguinei, quem pro timoris an-
guilia copiosissime pro nobis effudisti, offerre, & ostendere digneris Deo Patri Omnipoten-
tenti contra multitudinem omnium peccatorum hujus famuli tui N. & libera eum in
hac hora mortis sue ab omnibus penis, & angustis, quas pro peccatis suis se timet
meruisse. Qui cum Patre, & Spiritu Sancto vivis, & regnas Deus in secula se-
culorum. R. Amen.*

Secundo dicitur, *Kyrie eleison, Christe eleison, Kyrie eleison, Pater noster, Ave Maria.*
Oratio.

*Domine Jesu Christe, qui per nobis mori dignatus es in Cruce, obsecro te, ut omnes ama-
ritudines passionum, & pænarum tuarum, quas pro nobis miseris peccatoribus susti-
nuisti in Cruce, maxime in illa hora, quando sanctissima Anima tua egressa est de
sanctissimo Corpore tuo, offerre, & ostendere digneris Deo Patri Omnipotenti pro ani-
ma hujus famuli tui N. & libera eum in hac hora mortis ab omnibus penis, & pas-
sionibus, quas pro peccatis suis se timet meruisse. Qui cum Patre, & Spiritu San-
cto vivis, & regnas Deus in secula seculorum. R. Amen.*

Tertio dicitur, *Kyrie eleison, Christe eleison, Kyrie eleison, Pater noster, Ave Maria.*
Oratio.

Domine Jesu Christe, qui per os Prophetæ dixisti, In charitate perpetua dilexi te, ideo
at-

attraxi te, miserans; obsecro te, ut eandem charitatem tuam, quæ te de Cellis in terram ad tolerandas omnium passionum tuorum amaritudines attraxit, offerre, & ostendere digneris Deo Patri Omnipotenti pro anima hujus famuli tui N. & libera eam ab omnibus passionibus, & penis, quas pro peccatis suis timeo se meruisse. Et salva animam ejus in hac hora exitus sui. Aperi ei januam vite, & fac eum gaudere cum Sanctis tuis in gloria eterna. Et tu piissime Domine Jesu Christe, qui redemisti nos pretiosissimo Sanguine tuo, misereere animæ hujus famuli tui, & eum introducere digneris ad semper virentia, & amana loca Paradisi, ut vivat tibi amore indivisibilis, qui a te, & ab Electis tuis nunquam separari potest. Qui cum Patre, & Spiritu Sancto vivis, & regnas in sæcula sæculorum. R. Amen.

COMMENTARIUS.

I. **Q**uissim fuerit trium harum plarum. Orationum Auctor, & quam ob causam fuerint ipsæ Romano huic Rituali insertæ, addicere licet ex Romano Sacerdotali Venetiis impresso anno MDLXVII. Parte 1. Tractatu v. Cap. vi. pag. 109. a tergo, & seqq. Erat inquit, quidam Papa, qui, dum ad extrema venisset, interrogabat Capellanum suum virum idoneum, & devotum, quem plarium diligebat, quibus suffragiis post mortem eum veller juvare. Qui respondit, quod omnibus modis, quibus posset, & quacumque juberet pro salute anime suæ facere vellet. Et Papa ait: Non peto aliud a te subsidium, nisi, dum videris me in agonia positum, Dominicam Orationem pro me tribus vicibus dicas. Qui sibi libentissime promissit hoc. Ad quem Papa: Cum primum Pater noster dixeris, die in memoria agente Domini nostri Jesu Christi, ut infra patebit. Cum secundum Pater noster dixeris, die in memoria omnium passionum Domini nostri Jesu Christi, ut infra. Cum dixeris tertium Pater noster, die in honore ineffabilis charitatis Domini nostri Jesu Christi, ut infra. His dictis, promisit Capellanus, hoc omnia se libenter facit, quomodo & fecit cum diligentia, & devotione, quibus potuit. Post mortem reversus est Papa splendidus ad eum, & coruscans, grates immensas sibi retulit, dicendo, ad omni penam se fore liberatum. Nam post primum Pater noster, Dominus noster Jesus Christus sudorem suum sanguinem pro me ostendens, omnia mea propulsavit negativam. Post secundum Pater noster, per amaritudinem omnium passionum suarum, omnia peccata mea, ut nubem, delevit. Post tertium Pater noster, per charitatem suam Cælus refoverit, & me cum paudio introduxit. Ita Sacerdotale Romanum citato loco, ubi etiam mox subdit, quod

ipsi sunt tres Pater noster, & tres Ave Maria cum tribus Orationibus, qui debent dici pro animabus morientium omnium; & multum eis prodest, si dicantur devote.

II. Eandem hæc narratio legitur etiam in Libro inscripto: *Sacra baptizandi institutio juxta Sanctæ Romanæ Ecclesiæ &c. Angustæ Turinorum 1589.* cujus meminit Barrufaldus in suo ad hunc nostrum §. Commentario. Porro variant nonnihil orationes in nostro §. descriptæ ab illis, quæ in memorato Romano Sacerdotali leguntur, ubi ad locum illum desumptum ex Capite xxxi. Jeremiæ, in ebaritate perpetua dilexi te, ideo attraxi te miserans, qui in tertia oratione legitur additum est, tui, idest, miserans tui. Ceterum quidquid sit de ipsa historia in Sacerdotali citata, cum orationes, quæ in ea recensentur, pietatem redolent, non mirum videri dehet, si orationes istæ plæ nostro Rituali fuerint insertæ. Hæc plane spectat, quod in variis Synodis statutum legi, ut nempe in moribundis agone pulsator Campana, ut populus pro illo oret. Ita plane habetur in Appendice ad Concilium Provinciale xv. quod Vincentius Maria Cardinalis Ursinus, qui fuit postea Benedictus Papa XIII. celebravit anno MDCCXCVIII. Cap. viii. num. 3. Atque hæc est praxis, quam variis in locis servatam vidi; tum potissimum, quod nostrum hoc Rituale Romanum sequenti Cap. viii. §. II. expresse mandat, ut ubi viget pia consuetudo, pulsator Campana Parochialis Ecclesiæ aliquibus istibus, ad significandum Fidelibus in Urbe, vel loco, aut extra in suburbanis existentibus instantem mortem expirantis agroti, ut pro eo Deum rogare possint. Sed de hac re vide quæ iterum infra dicemus in Commentario ad citatum §. II. Capituli viii. sequentis.

CAPUT VIII.

In Expiratione.

I. **E**xpiratio dicitur a verbo expiro, quod spiritum emittere, seu efflare, idest, mori significat. Antequam ea explicemus, quæ in expiratione agrotantis peragenda in hoc capite præferibuntur, lubet nonnulla Sanctorum exempla, qui supremum in Ecclesia spiritum ad Aras exhalare voluerunt, hoc loco referre. Ex eis, quæ collegit Martene, recomsultæ in Lib. v. *De antiquis Monachorum ritibus*, Cap. ix. num. 32. Ergo primus occurrit S. Benedictus, qui, ut scribit S. Gregorius Papa, Lib. II. Dialogorum, Cap. xxxvii. cum languor per singulos dies ingravesceret, sexta die portari se in Tom. I.

Oratorium a discipulis fecit, ibique exitum suum Domini corporis, & Sanguinis perceptione munivit, atque inter discipulorum manus imbecillia membra sustentans, erectis manibus stetit, & altissimum spiritum inter verba orationis efflavit. Sanctum Benedictum imitatus est ejus discipulus Sanctus Maurus, qui, ut scribit Faustus in ejus Vita, num. 70. ante Alvare B. Martini super ciliolum stratus sui decubans, cum exitum suum viviscentium munisset perceptione Sacramentorum, adstantibus, qui relictis erant, discipulis, selsiter migravit ad Dominum.

II. Omnis alius Sanctorum exemplis, quæ

B b b

passim leguntur apud Surium, & Bollandianos in eorum Vitis, celebre est illud, ac notata dignum quod de Venerabili Abbate Gervino Monasterii Centulensis refert Hariulphus in suo Chronico Lib. iv. Cap. xxxv. quod legere est Tomo iv. Spicilegii Dacheriani: *Oravit, ut quancumque hora exitus ei advenisset, statim intra S. Richarii Basilicam cum ferrent spiritum Deo inibi red-ditarum...* *Post finitus Matutinos, Fratres solliciti eum viderunt, invenerantque eum extremum statum trahentem. Innucebant ergo alterutrum, quod moreretur; quod ipse ad hunc sentiens, manu propria innuit eis, ut ferretur in Ecclesiam; at Fratres eum accipientes insulserunt, & strato cilicio ante Altare S. Joannis Baptista, quod vicinum erat Altare, posuerunt. Dein opposito obtutibus ejus Crucifixi Domini genu, & super petus ejus posito Reliquiarum, ut ipse disposuerat, faccello, Congregatio tota incubavit Litania supplicationes, Sanctos Dei, ut ei succurrerent, invocantes, a quibus ut dicebatur, Sancta Maria ora pro eo; ipse qui jam fuerat in morte composuit, tetendit manus, avans & ipse Sancta Maria ora pro me; at ubi ventum esset, ut decreteretur Sancte Richarii ora pro me; absque omnium spe mirabiliter se surrigens, manisque altius protendens, lacrymando clamavit: Sancte Richarii ora pro me. Post hoc quietior factus, cum Fratres, Litania finita, & initiata commendatione fidei, illo usque venissent, ut decreverat, suscipiat te Christus, ille ad hanc verba spiritum efflavit.*

III. Libuit prolixum hoc testimonium Hariulphi describere, quod multi in eo continentur ritus jam a nobis superius explicati, ac ille praesertim de cilicio, in quo morientes collocabantur, utin eo supremum spiritum exhalarent. Constat hic plane ritus ex praeceptis Ritualibus, probatusque est innumeris pene Sanctorum exemplis qui in cinere, & cilicio ex hac vita migrarunt. Consuevisse cinerem ipsam, ac cilicium prius benedicti, Ritualia quoque antiqua nos docent, praesertim vero antiquum Pontificale Ecclesiae Cameracensis annorum circiter DC. apud Martene Lib. 1. De antiquis Ecclesiae ritibus, Cap. vii. Articulo iv. Ordine xvi. Porro si veterem disciplinam spectemus, communis fere invaluit usus, ut mortui ad terram in cinere, & cilicio depolerentur. Ita S. Martians apud Severum Sulpicium in ejus Vita Lib. II. non decet, inquit, filii Christianam, nisi in cilicio, & cinere mori. Ita S. Paduinus Abbas Cenomanensis, ut scribit ejus Vita Auctori apud eundem Martene Lib. v. De antiquis Monachorum ritibus, Cap. ix. num. 31. ubi varia ejus praxis exempla adest, instante superno carnis incommodo, cum omnia pereperisset, qua in tali evocatione Christiana Religio postulat, fessos artus, & naturam praesentem cinere, & cilicio commendavit; debinc erectis in Calum oculis, anima felix, & dissipata virtutum, de exilio evasit ad Patriam. Ita S. Rodigus super humum cinctus tantum substrato jacens obit circa annum DCLXXX. Notatu dignum praeter ceteris est exemplum S. Popponis Abbatis Strabulensis, qui ut legitur in ejus Vita apud Bollandum die xxv.

Januarii, morti proximus, explessit pro se omnia, cilicium, quod sibi sterni fecit, nudis pedibus adit, terramque tam corpore, quam pectore prono deosculans, se supernum collocavit.

IV. Tria vero sunt, quae in hunc ritum, quem explicuimus, observemus. Primum est, non modo Monachos, sed ceteros quoque Christianos consuevisse aliquando in cinere, & cilicio supremum spiritum exhalare. Id plane liquet ex citato superius S. Martini Episcopi testimonio, cui concinit, quod de Gilberto S. Joannis Angericensis Monacho scribit Petrus Venerabilis, hisce verbis: *Cumque, sicut mos Christianorum est, & maxime Monachorum, in subtrato cilicio, & cinere a Fratribus compositis jaceret* &c. Et de Matthaeo Albanensi Episcopo: *Frater autem rogaverat, ne se casu aliquo, nisi in cinere, & cilicio, Christianorum more, mori permitteret.* Et de sua ipsius matre: *Jam eo appropinquante, visum est fororibus, ut eum a lecto levatum in cinere, & cilicio componerent.* Atque hunc ritum instauravit S. Carolus, cum eoque moriente servatus fuit teste Carolo a Basilica Petri in ejus Vita Lib. vi. Cap. viii. *Cilicium illi cum sacro cinere imposuimus in insitum veteri, quod ille in Libro Rituum Ecclesiae suae renovari jussit; ac merito quidam vel ad ejus asperitatem vitam significandam id erat adhibendum.*

V. Alterum est, non qualemcumque cinerem, sed factum ex sarmentorum cremis, & benedictum Feria iv. in capite junii morientibus infirmis consuevisse substrari, ut constat ex Libro Consuetudinum Sancti Benigni Divionensis apud Martene in citato Opere Lib. III. Cap. ix. n. 10, in quo haec leguntur: *Cinere vero, qui, ut praedictum est hac die Fratrum copitibus imponuntur, ex industria sunt de cremis sarmentorum, qui etiam studiose mandantur, & cribrantur, & benedicti conservantur ab infirmario, ut morientibus Fratribus cum cilicio substernerentur.* His consentiunt Floriacensis Consuetudines. At vero adhibuit etiam fuisse aliquando cinerem extra Feriam iv. in Capite jejunii benedictum, ex variis Ritualibus addiscere licet, ac praesertim ex memorato Cameracensi Pontificali in ordine ad visitandum infirmum, ubi primum statuit, ut faciant Sacerdotes aquam benedictam cum cinere vitis mixtam extra domum. Sequitur mox duae benedictiones, prima cineris, altera cilicii, ac deinde post varias preces, orationesque, mandat, ut Sacerdos faciat Crucem ex cinere cum aqua super petus ejus, & imponat cilicium de super.

VI. Tertium denique illud est, deponi consuevisse morituros in certo quodam assignato infirmarii loco, ut discimus ex Petro Venerabili, cujus verba Lib. i. Miraculorum, Cap. xix. haec sunt: *Habebat in domo, infirmorum scilicet, media locus nimis corporis capax ad hoc aptatus, ut Fratres ibidem in cinere, & cilicio compositi, extremum Deo inde spiritum reddant.* Hinc forte capiendus est locus ex Venerabili Beda in Vita S. Cedmoni Monachi Strenesham in Anglia, n. 5. apud Bollandum die xi. Februarii: *Erat autem in proximo casa, in qua infirmiores, & qui prepe morituri esse videbantur, induci solebant.*

§. I.

Cum vero tempus expirandi insitit, tunc maxime ab omnibus circumstantibus, flexis genibus, vehementer orationi inflandum est. Ipse vero moriens, si potest, dicat; vel

quoniam

li non potest, assistens, sive Sacerdos pro eo clara voce pronunciet, *IESU, IESU, IESU*. Quod, & ea, quæ sequuntur, ad illius aures, si videbitur, etiam sæpius repetat: *In manus tuas, Domine, commendo spiritum meum. Domine Iesu Christe suscipe spiritum meum. Sancta Maria ora pro me. Maria mater gratiæ, mater misericordiæ, tu me ab hoste protege, & bona mortis suscipe.*

COMMENTARIUS.

I. Summa semper fuit Fidelium pietas erga mortui proximos, ut eos in exitu vitæ suis Orationibus, Precibusque ab Ecclesia probatis adjuvarent. Hoc munus potissimum Patrocho incumbere, innumera pœce Synodi testantur, inter quos Provincialis xv. Mediolanensis a S. Carolo celebrata, Capite inscripto, *Quæ pertinet ad Extremum Unctionem, & reliqua erga morientes officia, sic habet: Cum prope moribundus est, in illius animæ commendatione, quammaxima potest, intima animi pietate, statas religiosas, sanctasque preces recitet, eoque, toto eo tempore, ut domesticæ simul omnes, qui adsunt, pro eo Deum precentur. Tum vero mox: Ubi hoc officium pie, accurateque præstiterit, si eger adhuc vivit, aut animam agit, ne eidem præsentem adesse, omniaque salutaria officia præstare, omittat. Si vero adesse aliquando non potest, vel quia aliis graviter egrotantibus Sacramenta ministrare necesse habet, vel quia necessarii Parochialis curæ occupationibus aliis impeditur, tunc ea pietatis officia illi a Sacerdote, siquis alius eo loco est, sollicite præstari curet.*

II. Hæc Decreta, ut omnino servarentur, statuit etiam idem Concilium citato loco, ut singulis mensibus in Diocesi unusquisque Vicarius Foraneus, & in Urbe Præfectus regionalis, aut alius, cui id munus Episcopus dederit, a suæ regionis Parochis de illis perquirat, qui obierint; illicque animam agentibus an ipsi præsentem adfuerint; an curæ, & pietatis officia omnia, eidem moribundis præstiterint; tum ubi opportune in mortuorum agnatos, affinesve incidit, Parochialium Sacerdotum debitum officium ab illis diligentius recognoscat. Quod si eos negligentiores esse animadvertit, ubi primum illos, ut par est, reprehenderit, tum eorum negligentiam, culpamve ad Episcopum deferat. Similia his statuit idem S. Carolus in Diocæsia Synodo xv. Mediolanensi, Decreto xv. Porro, ut alias Synodos omittam, mandat & illud quidem Provinciale Beneventanum Concilium xv. sub Fr. Vincentio Maria Cardinale Ursino, qui fuit postea Benedictus Papa XIII. in Appendice Capituli viii. num. 5. ut Episcopi errorem eliminant Patrochorum ignorantiam, siqui forte putent se ad commendationem animæ non teneri, eosque huius obligationis moneant, & contumaces puniant.

III. Parochorum negligentia occurrit tandem S. Camillus de Lellis, instituta Religione Clericorum Regularium ministrantium infirmis, cuius quanta fuerit in Mundo necessitas, ostendere conatur Sanctus Cæcilius in ejsdem S. Camilli Vita, Lib. II. Cap. i. nonnullos & multis defectus commemorans, quos Camillus ipse in No. fecerunt, & in aliis privatis adibus circa moribundos se vidisse, & observasse, referebat. Sed his omisiss, pius etiam invaluit usus, ut pro morientibus, non modo eorum domesticæ, aliique in eorum cubiculis præsentem genibus flexis pro eisdem orent, verum etiam extranei, qui ad ve-

Tomo. I.

nerandum Sanctissimum Eucharistiæ Sacramentum pro mortui proximis in aliquibus Ecclesiis expolitum, ac pellucido velo coopertum pie se conferunt.

IV. Ad morientem tandem quod attingit, monet hic nos: *ut ipse moriens, si potest, dicat, vel si non potest, assistens, sive Sacerdos, pro eo clara voce pronunciet: Iesu, Iesu, Iesu, quod, & ea quæ sequuntur ad illius aures, si videbitur, sæpius repetet.* Quanta sit virtus invocationis Sanctissimi Nominis Iesu, Apostolorum Princeps satis ois docet, Cap. i. Alium Apostolorum, ubi de eo Nominem loquens, sic inquit: *Non est in alio aliquo salus; nec enim aliud Nomen est sub Cælo datum hominibus, in quo oporteat nos salvos fieri.* Illic merito nos: *hic & doctrinæ Patrum inherens, & Sanctorum exempla sequutus, monet ut ipse moriens, si potest, dicat; vel si non potest, assistens, sive Sacerdos pro eo clara voce pronunciet, Iesu, Iesu Iesu.* Permultos Sanctos Iesum identidem appellantes ex hac vita migrasse, Sarius quidem, atque Bollandiani in eorum Vitis passim testantur. Teste Ribadeneira in Vita S. Ignatii Loiolæ Societatis Iesu Fundatoris, Lib. iv. Cap. xvi. Sanctus iste, *manibus junctis, oculis in Cælum fixis, Iesum corde, Iesum ore implorans, placido vultu sanctissime misit ad Dominum pridie Calendæ Augusti MDLVI. hora post solis ortum prima.*

V. Rursus mandat hic nos: *ut morienti assistens, ad illius aures, si videbitur, etiam sæpius repetat: In manus tuas Domine commendo spiritum meum &c.* Quæ quidem verba pronuntiavit Christus Dominus in Cruce moriens, ut testatur S. Lucas in Evangelio, Cap. xxii. ubi sic ait: *Et clamans voce magna Iesus ait: Pater, in manus tuas commendo spiritum meum.* Christi exemplum sequutos plures plurimos, sanctosque Viros, verbis illis prolatis, spiritum emisisse, ex eorum Vitis addicimus apud eorum collectores Surius Bollandianosque. Quod ut & aliquibus exemplis firmemus, de Sancto Adelelmo Abbate Brugesii in Hispania ita plane scribit Joannes Marietta in ejsdem Vita apud memoratos Bollandianos die xxx. Januarii: *Ad Oratorium, inquit, se S. Joannes Evangelistæ deportari iussit, in cuius ingressu illa Psalmistæ verba pronuntiavit, Deus in nomine tuo salvum me fac, & in virtute tua iudica me; Crucemque religiose veneratus, in manus tuas, inquit, Domine commendo spiritum meum, & animam reddidit Salvatori suo.* Ita quoque S. Stephanus Grandimoentensis, ut legitur apud eisdem Bollandianos die viii. Februarii, num. 8. *quinta die dolore invasus in Oratorium portatus, finita Missa, post Sacram Unctionem, & receptionem Corporis, & Sanguinis Domini, Fratribus stentibus, Psalmosque constantibus, clausens ætatis suæ anno, in Ordine Diaconatus vi. Feria, vi. idus Februarii dicens, In manus tuas, Domine, commendo spiritum meum, feliciter migravit ad Dominum.* Porro voluisse olim no-

Bbb z

nullos

nullos morti proximos, præsertim Monachos, Religiososque, supremum in Ecclesia spiritum exhalare, jam supra initio Capituli notavimus. Porro autem, quod in hoc nostro §. edicitur, ut moriens, si potest, vel si non potest, ad ejus aures assitens dicat, ac, si videbitur, etiam sæpius repetat, *Domine Iesu Christe suscipe spiritum meum*, optime quidem præscriptum est; suntque verba, quæ S. Stephanus Protomartyr moriens, ut ex Actibus Apostolorum constat, Cap. vi. *Et lapidabant Stephanum invocantem, & dicentem: Domine Iesu accipe spiritum meum*.

VI. Ex præscripto demum nostri §. recte moriens & hanc precem, si potest, ad Desipulam dirigit: *Maria Mater gratie, mater misericordie, tu me ab hoste protege, & hora mortis suscipe*. Una cum eo versiculo, *In manus tuas &c.* consuevisse a morientibus dici & hunc alium, *Maria Mater gratie &c.* habemus celebre exemplum S. Richardi Cicerstrensis Episcopi, qui, ut ait Auctor ejus Vitæ apud Sorium die iii. Aprilia, *illam P'salmista vocem, In manus tuas Domine commendo spiritum meum, crebro iterabat; ad Beatissimam quoque Christi Matrem semperque Virginem Mariam subinde corde final & voce se convertens, agebat: Maria Mater gratum, Mater Misericordie, tu nos ab hoste protege, &*

hora mortis suscipe; mandavitque suis Capellanis, ut ea verba ad ejus aures pronuntiare non cessarent. Atque ita inter suspiria pie devotionis, & verba sacra Orationis . . . animam reddidit Creatori. Quantæ virtutis, efficacique sit patrocinium Virginis, ejusque auxilii in necessitate, in angustiis, ac mortis præsertim articulo, imploratio, innumeris Patrum testimoniis, & exemplis probari posset. Atque hanc facit, quod S. Anselmus in suo Libro, *De laudibus Virginis*, scriptum reliquit, sic inquires: *Sicut impossibile est, quod illi, a quibus Virgo Maria oculos suam misericordia avertit, salvantur; ita necessarium est, ut hi, ad quos converterit oculos suos, pro eis advocans, suscipiantur, & glorificentur.* Atque hæc sunt, quæ ex præscripto nostri §. a moriente ipso, si potest, vel si non potest, ab eo qui ejus animam commendat, sunt dicenda. Quibus tamen non ita alligati sunt, ut non possint aliis Scripturæ locis uti, seu Ecclesiæ precibus, qualis est illa, quæ in antiquis Ritualibus legitur, *Parce Domine, parce famulo tuo, quem redemisti Christe Sanguine tuo, ut non in aeternum irascaris eis; itemque ista desumpta ex illo Hymni, Te Deum laudamus, versiculi: Te ergo quaesumus tuo famulo subveni, quem pretioso Sanguine redemisti.*

§. II.

Tunc, ubi viget pia consuetudo, pulsatur Campana Parochialis Ecclesiæ aliquibus ictibus, ad significandum Fidelibus in Urbe, vel loco, aut extra in suburbanis existentibus instantem mortem expirantis ægroti, ut pro eo Deum rogare possint.

COMMENTARIUS.

I. **P**raterea piæ consuetudinem, quæ alicubi viget, quamque retinendam statuit hic noluer. Sicut nempe pulsatur Campana Parochialis Ecclesiæ aliquibus ictibus, ad significandum fidelibus in Urbe, vel loco, aut extra in suburbanis existentibus instantem mortem expirantis ægroti, ut pro eo Deum rogare possint; id ipsum quoque statuerunt variz Synodi non modo Diocesane, sed & Provinciales, inter quas Beneve-

tana Provincialis xv. sub Fr. Vincentio Maria Cardinale Urbin, qui fuit postea Benedictus Papa XIII. celebrata anno MDCCXVIII. in Appendice Cap. viii. num. 3. euraudum Parochia ait, pulsari Campanam in moribundi agone, ut populus pro illo oret, ut multis in locis pie religiosequæ Confraternitate Agonizantium nuncupata fieri assolet non sine summa Christianidelinæ edificatione.

§. III.

Egressa anima de corpore, statim dicatur hoc R. *Subvenisse Sancti Dei, occurrere Angelis Domini, suscipientes animam ejus, offerentes eam in conspectu Altissimi. V. Suscipiat te Christus, qui vocavit te, & in sinum Abrahe Angelis deducant te. R. Suscipientes animam ejus, offerentes eam in conspectu Altissimi. V. Requiem eternam dona ei, Domine, & lux perpetua luceat ei. Offerentes eam in conspectu Altissimi. Kyrie eleison, Christe eleison, Kyrie eleison. Pater noster. V. Et ne nos inducas in tentationem. R. Sed libera nos a malo. V. Requiem eternam dona ei Domine. R. Et lux perpetua luceat ei. V. A porta inferi. R. Erue Domine animam ejus. V. Requiescat in pace. R. Amen. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

Oremus.

Tibi Domine commendamus animam famuli tui N. ut defunctus seculo tibi vivas, & quo per fragilitatem humana conversationis peccata commisit, tu venia misericordissima pietatis absterge. Per Christum Dominum nostrum. R. Amen.

COMMENTARIUS.

I. **P**rescribuntur in hoc §. preces, postquam anima fuit de corpore egressa, dicendum ab eo scilicet, qui defuncti animam com-

mendavit, una cum iis, qui in defuncti cubiculo reperiuntur. Sane oportet, ut Parochas, Sacerdotes certus sit, cum vere obiisse; sæpe enim in ago-

agone constitutus mortuus creditus fuit, qui adhuc vivebat, vixitque deinde multis annis. Teste Barrufaldo in sua ad hunc §. Nota, num. 13. *Multis modis fieri solet experientia, an vere quis adhuc vivat: sed quoniam in manu Sacerdotis tunc debet esse candela (non enim tenenda est ab infirmo in illo lassanti, quia manus languentes illam non valent valide perficere) eam qua accensa cum opus commendationis anima, & eam qua fignare, & benedicere morientem laudabile est, istam admoveat debet ante ad os morientis eam flamma accensa, & attente observare, an flamma moveatur, vel ab aspiratione ulla ex ore morientis proveniente agitur. At vero multa in dies occurrunt exempla, quibus docemur, nec ea facta experientia sequatur mortem cognosci. Quidquid sit, cognita morte, ex præscripto quidem nostri §. five potius ex antiquissimo ritu, dicit Sacerdos Responsorium: *Subvenite Sancti Dei &c.* quod legitur in multis præfatis Ritualibus, potissimum vero in Antiphonario S. Gregorii Papæ, ut notat Gavantus in Rubricis Breviarii, Sectione ix. Cap. v. num. 6. observatque Barrufaldus loco citato, num. 18. Responsorium istud bis pro quocumque defuncto recitari, primo post exprocationem in defuncti cubiculo privatam, ac deinde publice in Ecclesia post cadaveris ad eam ingressum, ut nos infra latius suo loco dicemus.*

II. Explicatis hæc, quæ peragi debent circa defunctum statim ac expiravit juxta præscriptum in presenti Capite expressum, lubet nunc ritus quosdam describere, quibus corpora olim statim post obitum curabantur, quosque alias jam late explicuimus Tomo III. Romani Pontificalis, Tit. xxvii. in Commentario ad §. 1. Simul itaque ac efflaverat aliquis animam, clausis ejus oculis, & ore obturato, corpus ipsius lavabant, pretiosa unguentis ungebant, congruis vestimentis inducebant, ac tandem Hymnum, & Psalmorum decantatione, solemni cum cereis accensis Processione ad Ecclesiam portabant. Laudat apud Eusebium Lib. vii. Historiæ Ecclesiasticæ, Cap. xvii. quorundam pietatem Dionysius Alexandrinus, qui mortuorum Christianorum corpora manibus erectis, supinisque excipere, gremio suo reponere, occludere oculos, ora obturare, felle æmuler eadavera, decenter ornavere, illis obbarefcere, amice complecti, lavare accurate, & linteis sanctis involvere, non gravati sunt. Ubi nota inter alios ritum claudendi oculos mortuo, quem in Christo Domino religiose servatum, non obscure indicat S. Epiphanius in Homilia, De sepultura Domini, Josephum ab Arimathea ita alloquens: *Namquid digitis tuis oculos Jesu, ut mortuorum de more solent, claudis?* De hoc ritu late agit eruditus Auctor Romæ subterraneæ Lib. 1. Cap. xxi. qui & genuinum hujus rationem ibidem num. 13. indicat, ad propulandum flicet horrorem illum, qui ex aperta, patentibusque mortuorum oculis, quibus omnis cum vita, ac lumine decor extinctus est, exemplo animas adducit claudendi oculos.

III. Sicut ritus claudendi oculos, ita & lavandi corpus defuncti, a Christo Domino repeti potest, cujus sacrum Corpus ab eodem Josepho ab Arimathea ablutum fuisse, nonnulli Sancti Patres docent, inter quos S. Chrysostomus Theodoretus, & Epiphanius, qui in laudata Homilia sic Josephum ipsum alloquitur: *Anne aqua Dei*

illius Corpus ablatis, qui omnes a peccatis ablatis. & expiavit, omnibusque puritatem tribuit? Exat celebre ejus ritus exemplum in Actis Apostolorum, Cap. ix. ubi Tabitha religiose femine mortu ita defebitur: *Factum est autem in diebus illis, ut infirmata moreretur, quam, cum laxisset, posuerant illam in canoculo.* Apud Scriptores tum Latinos, tum Græcos, nihil frequentius occurrit, quam caeremonia lavandi corpus defuncti, uti fule ostendimus in præcitato Commentario ad Romanum Pontificalis, num. 111. & seq. ubi etiam num. v. & seq. pluribus etiam testimoniis ritum probavimus, quo majores nostri Fideles exemplo etiam Christi Domini excitati variis unguentis, & aromatibus defusorum corpora condire, ac sepelire confueverant. Quinimo quod etiam Græci mortuorum corpora oleo, aut Chrysmate, tertio in modum crucis aspergerent, peculiaremque tunc quoque orationem recitarent, ex Græcorum Euchologio a Jacobo Goar Notis doctissimis illustrato, ibidem num. vii. ac sequenti asseruimus.

IV. Ad vestes quod attinet, quibus contegi confueverunt corpora defusorum, duplex quidem, uti notat Gretscrus in Libro 1. De fœnere Christianorum, ea olim vestitus fuit. Interdum enim solo linteo, seu sindone corpora ipsa obvolvuntur, interdum vero vivevum instar induebantur, ornabanturque. Prior modus in Christi sepultura observatus fuit, nam memoratus Josephus ab Arimathea, Nicodemus, & alii, uti legitur in Evangelio Joannis, Cap. xi. *accepterunt Corpus Jesu, & ligaverunt illud linteis cum aromatibus, sicut Judæis mos est sepelire.* Ex quo more alibi, nempe in descriptione funeris Lazari nobis patefacto, didicimus quoque, saciem Domini sudario fuisse contectam, & manus, pedesque ligatos innitit. Nam de Lazaro, qui utique ex præscripto Judaicæ consuetudinis sepultus fuerat, ita idem Evangelista Cap. x. habet: *Et statim prodixit, qui fuerat mortuus, ligatis manibus, & pedes innitit: & factis illius sudario erat ligata.* Quamvis autem, S. Marcus, Cap. xiv. de Josepho dicat: *Joseph autem mercatus sindonem, & deponens eum involvit sindone, & posuit eum in monumento: idipsumque asserunt S. Mattheus Cap. xxvii. & S. Lucas, Cap. xxiii. attamen S. Joannes in Evangelio suo, Cap. xv. non singulariter sindonem, sed plura numero linteas, & linteamina dixit: quinimo Capite xx. sudarii mentionem fecit. Cæterum siue vestimentis, sed solo linteo sepultos alios, ex Ecclesiasticæ Historiæ addicimus: teste siquidem Eusebio Lib. vii. Cap. xvi. Christiani, serviente peste, eo morbo defunctos, præter alia humanitatis officia, linteis sanctis involvere non gravati sunt. Sic cadaver Abibi Martyris linteo obvolutum est, ut refert Baronius ad annum CCCXVI. Teste S. Athanasio in Vita S. Antonii, *mos Aegyptii est, nobilium, & præcipue Beatorum Martyrum corporum linteamine obvolvère.* Tradit etiam S. Hieronymus, ubi agit de muliere septies ista, quod, ea defuncta, *Cherici, quibus id officii erat, cadaver eruentem linteis obvolvunt.* Atque hic est mos, qui hodieque Paulz, quæ est Patria mea in citeriori Calabria, communiter observatur, ut defuncti etiam vestiti linteis obvoluti sepeliuntur.*

V. Sed hoc obiter dicto, vestitionis posterioris ratio, qua mortui viventium instar induuntur, multa quidem occurrunt exempla. Splendi-

didā, ac pretiosa fuisse olim illa indumenta, tum apud Græcos, tum apud Latinos, testes habemus S. Chrysostomum, & S. Hieronymum, quorum alter in Vita S. Pauli Eremitæ hic inquit: *Parcite quæso, vobis, pareite solum divitiis, quas amatis. Cur & mortuos vestros auratis obvolvitis vestibus? Cur ambitio inter luctus, lacrymasque non cessat? An cadavera divitum, nisi in serico, pretiosius nescitis? Chrysostomus vero in Homilia lxxxv. ita quidem in eum sui ævi abusum invenitur: Tu enim audieris, nudam Dominiū resurrexisse, cessa, quæso, ab insana faneris impensa. Quid tibi hoc superfluum vult, & inutile dispendium, quod ipsi mortui afferat detrimentum, mortuis vero nullam utilitatem, sed damnum potius? sumptuosa namque sepultura nonnunquam causa est, ut fures cadaver effodiant, & undum, & inssepultum projiciant. Quod divitum eadaveribus timebat Chrysostomus, id quidem Hadriano Papæ I. contigit, uti constat ex ejus Vita descripta a clarissimo Mabillonio in Tomo I. Musci Italici, Parte II. pag. 41. Sepulcorum ornamenta meminit quoque S. Gregorius Nyssenus in Epistola ad Melitensem Episcopum, ubi de violatoribus sepulchrorum agit; extantque iccirco in-*

numerum fere Leges Civiles, & sacri Canones adversus sepulchrorum violatores.

VI. Quamquam vero plurima extent exempla, quæ docent, quælibet defunctum vestibus suo statui contentantem amicum confuvisse, præsertim vero sacros homines, si tamen istos excipias, ut plurimum Fideles laici defuncti, etiam si nobiles sint, sacris induti piz Confraternitatibus, cui adscripti sunt, ad Ecclesiam deferuntur, atque humanantur. Sed nec omittendum etiam, olim, sicut & hodie, laicos nonnullos testamento ordinasse, ut defuncti alicujus Religionis habitu induerentur. Teste Hæfeno, Disquisitionum Monasticarum Lib. v. Tractatu III. Disquisitione II. pag. 515. Clemens IV. concessit morientibus cum habitu Fratrum Minorum, & iis, qui cum eo elegerint sepeliri, remissionem tertie partis omnium suorum delictorum. Quam quidem gratiam ampliatam ait a Nicolao III. & Urbano V. ac confirmatam quoque a Leone X. quem etiam concessisse, ut morientes in dicto habitu consequantur indulgentiam plenariam, refert Emmanuel Rodericus, Questionum Regularium Tomo II. Questione lxxv. Articulo x. aliique Scriptores recentiores.

§. IV.

Interim detur Campana signum transitus defuncti pro loci consuetudine, ut audientes, pro ejus anima Deum precentur. Deinde corpus de more honeste compositum loco decenti cum lumine collocetur; ac parva Crux super pectus inter manus defuncti ponatur; aut, ubi Crux desit, manus in modum Crucis componantur; interdumque aspergatur aqua benedicta; & interim, donec efferatur, qui adfunt, sive Sacerdotes, sive alii, orabunt pro defuncto.

COMMENTARIUS.

I. **S** Ponte sua sonnisse Campanas in Sancto-
rum multorum obitu, ex eorum Vitis
adducere licet a Bollandianis descriptis.
Sed loco illo exultabant sæpe Fideles ad se-
sancto homini vita funesto, cum Christo in Cælis
regnanti commendandos. Quod autem hic man-
dat noster §. ut detur Campana signum transitus
defuncti, hanc statim subiicit: Ut audientes pro
ejus anima Deum precentur. Atque hæc est cau-
sa, ob quam pia multis in locis consuetudo eam
proximam introduxit, quam & variz Synodi, ac
Ritales Codices confirmarunt. Sed audiamus
præ cæteris S. Carolum, qui in Provinciali 111.
Mediolanensi Concilio, ubi de Parochiis agit,
ita ad rem statuit: Cum nullam pietatis officium
Parochus in eorum, qui Fidei, curaque sue com-
missi sunt, salute adjuvanda prætermittere nullo
anquam tempore debeat; tum hoc etiam, audita
parochialis exspiratione incole morte, præstet, ut
statim Psalmum, De profundis, sancte dicat, &
omni animi pietate, menteque supplici orationem
ad hoc officii genus pertinentem habeat, ut dives
in misericordia sua Deus illius animam misereatur,
cujus etiam ipse in die træ rationem est red-
diturus. Tum vero mox subdit: Ut vero a Fi-
delibus pro mortuo oratio fiat, idem signum det
Campana sono, quo significetur, Ave Maria.
Quam vero & ex nostro §. & citato Concilio
Provinciali Mediolanensi 111. & ex aliis multis,
quæ allegari possunt, detur Campana signum
transitus defuncti, ut audientes pro ejus anima

Deum precentur, jam non debet in morte pue-
rorum, seu infantium pulsari Campana ad po-
pulum admonendum, ut pro illis oret, non enim
ii opus habent nostris orationibus, quas iccirco
nullas pro iisdem funderet consuevit ecclesia.

II. Variis nominibus signum istud Cam-
panæ statim in morte Fidelium datum appellari so-
let, nempe *Transitus*, *Ave Maria morientum*,
aliisque nominibus cuique regioni propriis, ubi-
que semper ob eum finem, ut preces pro defun-
cto effundantur. Teste Barrufaldo ad hunc §.
num. 22. in taxis funerum per varias Synodos
assignatur emolumentum, seu elemosyna danda
Ecclesie, seu illius Campanario, pro hoc signo
Transitus; quæ elemosyna ab aliquibus rigore
exigitur, quanvis nullam datam sit signum cum
Campana. Sed recte mox idem Barrufaldus sub-
dit sequenti num. 23. in iis hoc exigi a talibus
Ministris, quia de opere non præstito, seu de la-
bore non insumpto, nulla merces sperari debet.
Addam & ego illud, minime licere, etiam cum
pulsatur Campana pro alicujus obitu, paucos
ejus ictus vendere, & exactionem funeris Chri-
stiano populo summopere odiosam incipere ab
expiratione, in qua pulsata fuit tantisper Cam-
pana, ad excitandos Fideles, ut pro defuncto
Deum precentur.

III. Explicato Ecclesie ritu circa signum.
Campana dandum in transitu defuncti venio ad
alia explicanda in hoc eodem §. nostro præscri-
pta: Deinde corpus, inquit, de more honeste com-
po-

postum loco decenti cum lumine collocetur. Huc plane spectant quæ nos late diximus Tomo III. Romani Pontificalis, Tit. xxvii. in Commentario ad §. I. pag. 248. & seqq. de obsequiis, quæ

Majores nostri defunctis statim post eorum obitum exhibere consueverunt, Ne itaque actum agamus, ad ea Commentarii lectorem remittimus, ubi plura scitu digna inveniatur.

D E E X E Q U I I S T I T U L U S VI.

Post mortem sequuntur Exequiæ, quæ vel apud primos Christianos peculiari æque, atque religioso ritu semper celebratæ fuerunt, uti primum contigit in funere sanctissimi Protomartyris Stephani, ut docet Cardinalis Baronius ad annum Christi XXXIV. alique eruditi Scriptores, ubi exponunt illud Capituli vi. Ac-

tuam Apostolorum; Et fecerunt planctum magnum super eum. Porro egregium de funere Christiano, ut alios mittam, Tractatum edidit doctissimus Jacobus Gretserus in clytæ Societatis Jesu Presbyter, sed forte latius uberiusque de ritibus in ipso funere Christiano servatis differimus nos in nostris ad hunc Titulum Commentariis juxta ordinem in Rituali Romano præscriptum.

C A P U T I,

§. I.

Sacras extremonias, ac ritus, quibus ex antiquissima traditione, & Summorum Pontificum institutis, Sancta Mater Ecclesia Catholica in filiorum suorum Exequiis uti solet, tanquam vera Religionis mysteria, Christianæque pietatis signa, & Fidelium mortuorum saluberrima suffragia, Parochi summo studio servare debent, atque usu retinere.

C O M M E N T A R I U S.

Quamquam Exequias, funerisque solemnia, ac servatos in iis ritus quidam hæretici apud Bohemos improbarint, teste Aëna Sylvio, qui fuit postea Pius II. Pontifex Maximus, in Libro, *De origine Bohemorum*, Cap. xxxv. ab ipso nihilominus Ecclesiæ exordio Majores nostri certis, & statis ritibus corpora Christianorum, ut animarum domicilia, & templa Spiritus Sancti sepeliri docuerunt, eorumque sepulturam congruis honoribus ornarunt. Sane advertit S. Hieronymus, non tantum sub Veteri, sed & sub Novo Testamento honorem sepulture laudari, sic inquires in Epistola ad Paulam de obitu Bleisillæ: *De Moyse vero, & Aaron, quod eis ex veteri more sit planctus exhibitus, non mirandum est, cum & in Actis Apostolorum, jam Evangelio cunctante, Stephano fecerint Hierosolyma Fratres planctum magnum; & atque planctus magnum non in planctu, sed in exanimatione, ut tu potas, sed in pompa saneris, & Exequiarum frequentia intelligendus sit.*

II. Pervetustum Ecclesiæ ritum laudant inter alios Origenes, & S. Augustinus, quorum primus Lib. viii. contra Celsum sic ait: *Rationabilem animam honorare didicimus, & hujus organa sepelire honorifice demandare, Alter vero Lib. I. De Civitate Dei, Cap. xiiii. postquam dixit, non esse contemnenda, & abjicienda corpora defunctorum, maxime iustorum, atque Fidelium, quod iis tamquam organis, & vas, ad omnia bona opera, Sanctus usus est Spiritus, ita paulo post subiicit: Unde & antiquorum iustorum funera officiosa pietate curata sunt, & Exequiæ celebratæ, & sepultura provisæ, ipsique dum viverent, de sepeliendis, vel etiam transferendis suis Corporibus, filiis mandaverunt, & Tobias sepeliendo mortuos, Deum promeruisse, teste Angelo, commendatur: Ipse quoque Dominus*

die tertio resurrexerunt, religiose mulieris bonum opus prædicat, prædicandumque commendat, quod augmentum pretiosum super membra ejus effuderit, atque hoc ad eum sepeliendum fecerit. Et laudabiliter commemorantur in Evangelio, qui Corpora ejus de Cruce acceptum, diligenter, atque honorifice tegendum, sepeliendumque curarunt. Plura de hoc pietatis officio mortuis impendendo habet S. Doctor in Libro, De cura pro mortuis; itemque Sermone xxxii. De verbis Apostoli, qui in novissima editione Patrum Benedictinorum S. Mauri est cxxxi. Sed de sacris extremonias, quas ab ipsis Apostolis per manus Successorum acceptas Ecclesia Catholica laudabiliter hæcenus in curandis defunctorum corporibus observare consuevit, vide Baronium ad annum Christi XXXIV. ubi fuit S. Stephani amplissimum recenset, & alibi, itemque Spondanum in Tractatu, De Sacris Cæmeteriis, & quæ scripsimus nos Tomo III. Commentariorum ad Partem III. Pontificalis Romani, Titulo xxvii.

III. Recte itaque cautum est ex hoc nostro §. ut sacras extremonias, ac ritus, quibus ex antiquissima traditione, & Summorum Pontificum institutis Sancta Mater Ecclesia Catholica in filiorum suorum Exequiis uti solet, tanquam vera Religionis mysteria, Christianæque pietatis signa, & Fidelium mortuorum saluberrima suffragia Parochi summo studio servare debeant, atque usu retinere, Quinam sint illi ritus, extremonique, in sequentibus Paragraphis præscripti sunt. Scio equidem, varios ritus, extremonisque in variis replebilibus in Exequiis defunctorum observari, sed tenendus est tamen a Parochis aliisque inferioribus usus suorum Ecclesiarum præsertim in ipsarum Ritualibus, Manualibusve, seu Pastoralibus præscriptis, ut notat Vanespen Parte II. Juris Ecclesiastici, Tit. xxxviii. Cap. I.

uum.

num. XLVIII. ubi etiam scite subdit, Episcopo incumbere, ut ea omnia prohibeat, atque e medio tollat, quæ vel avaritia, vel irreverentia, vel

superstitio, veræ pietatis falsa imitatrix inducere potuisset, sollicitèque attendere, ne quæ similia irrepant.

§. II.

His itaque præstandis, quæ par est modestia, ac devotione, ita se habebunt, ut ad defunctorum salutem, simulque ad vivorum pietatem, quemadmodum vere sunt, non ad quæstum, ejusmodi ritus sancti instituti esse videantur.

COMMENTARIUS.

I. **M**odestia æque, ac devotio, in quocumque Ecclesiæ ritu adhibenda, ut sæpe ex Conciliis, ac Ritualibus, & præsertim hæc nostrum Romano cantum est. Adhibendam autem & ipsam modestiam, devotionem, quæ in Exequiis defunctorum, recte admonet hic noster §. qui etiam hanc rationem subdit: *Ut ad defunctorum salutem, simulque ad vivorum pietatem, quemadmodum vere sunt, non ad quæstum ejusmodi ritus sancti instituti esse videantur.* At vero sateri cogimur, omni ævo, in omnibusque fere Exequiis sacros homines ita suam prodixisse avaritiam, ut & Sacræ Synodi, ac Summi Pontificis variis temporibus adversus turpem ipsorum sacrorum hominum cupiditatem inveciti fue-

rint, Judicesque Ecclesiastici Decreta emanarint. Videri plane de ea re possunt quæ scriptis Lapis religiosissimus, doctissimisque in Tomo IV. Operum Editionis Venetæ in secunda Proximali Differtatione, *De Simonie crimine, & variis ad ipsam spectantibus*, Capite XII. quod inscriptum est, *Exponuntur exactiones, & oblatio pro Exequiis, & sepultura*, ubi varia recenset Concilia, & Summorum Romanorum Pontificum Constitutiones adversus hujusmodi abusum, ut Parentum nostrorum castitas fiat cunctis manifesta. Sed de his dicemus etiam nos infra, ubi de refellendo hoc abusu, ob quem sacri homines male passim ubique fere locorum audiant, se se nobis opportuna dabit occasio.

§. III.

Nullum corpus sepeliatur, præsertim si mors repentina fuerit, nisi post debitum temporis intervallum, ut nullus omnino de morte relinquantur dubitandi locus.

COMMENTARIUS.

I. **Q**uum non omnes plane homines eodem mortis genere obeant, hinc recte statuit hic noster §. ut nullum corpus sepeliatur, præsertim si mors repentina fuerit, naturalis scilicet, nisi post debitum temporis intervallum, ut nullus omnino de morte relinquantur dubitandi locus. S. Carolus in Concilio Provinciali Mediolanensi VI. Capite inscripto, *Quæ ad funera pertinent*, postquam dixit, delatum ad ipsam fuisse, nonnullas ex eo offensiones oriri, quod corpora mortuorum, eorumque præsertim, qui repentina morte decesserant, in sepulchrum nimis præpropere, atque adeo celerius, quam par est, tradantur; ad opportuna hæc offensionibus occurrendam, statim Decretum subjicit, quo statuit, *ne impoſterum corpus aliquod sepeliatur, nisi duodecim saltem horis, postquam spiritum exhalavit.* Tum vero post: *Verum si quem de improvviso mors, aut morbi alienus repentina vis occupavit, is ne in sepulchrum inferatur ante viginti quartam hujusmodi repentina eventus horam, nisi secus Episcopo, eive videbitur, cui ipse id cura dederit.* Sed communis hodie praxis merito invaluit, ut etiam qui non repentine moriantur, sepeliuntur, absoluta hora vigesima quarta. Immo Concilium Provinciale Tolosanum anni MDXC. Parte II. Cap. X. Num. X. expresse mandat, *ut domi per diem integram mortuorum cadavera afferantur, nec nisi post horas viginti quatuor funus inferatur.* Atque hæc est praxis, quæ ubique invaluit, quæ tamen non solet, nec debet attendi, ubi cadaver

videtur manifeste corruptum; oportuitque ob eam causam non semel, & ante Exequias, ac etiam dum ipse celebrarentur, in sepulchrum immitti.

II. Porro non immerito queritur Cicatellus in Vita S. Camilli de Lellis Lib. II. Capite I. sed non in Nosocomiis pauperes moribundi, fed nondum mortui a mercenariis inferentibus præcipiti festinatione e lectis abrepti, atque eo modo semivivi inter corpora mortua deportati, vivi adhuc sepelirentur. Varia eam in rem affert exempla, quæ censui hoc loco referre: *Neque ego, inquit, hic rem novam, aut a me confictam narro; scit æterna Veritas, quod non mentior. Nam ipsemet Camillus in uno Xenodochio Urbis Romæ, cujus nomini, & honori parco, cum semel ingressus esset in locum mortuis deputatum, invenit inter mortuorum corpora hominem vivum, qui a ibinc cum morte conficiabatur, & tres ipsos dies supersuisset, qui delatus interim eo loci fuerat tamquam mortuus.* Quem Camillus adhuc vivum esse conjecit ex sanguine emanante ab una plaga, quam in fronte acceperat, dum in terram pro mortuo præcipitaretur. Pergit Auctor, aliudque exemplum referre, quod est hujusmodi: *In eodem Xenodochio post lectas, ut solet, animæ commendationes apud quendam moribundam natione Galum, quem apoplexia prostraverat, arbitratus Presbyter Xenodochii, illum esse extinctum, Aqua laustrali de more aspersit, & recitatis præstationibus solitis, illi oculos fusteo operuit, & abiit. Aliquot horas ita relictas est, donec duo e miuſtris accesserant cum sandapila, & funali, ut eum*

eff-

effarent. Sed dum, amoto linteo, faciem detegunt, ecce hominem vivum, videntemque deambulant, imo & loquentem. Veram idem infirmum cernens coram se sandapilam, adeo est aspectu insolenti exterritus, ut ex timore in amentiam inciderit, & in ea cum aliis quinque dies exegisset, neque unquam cibum capere, neque potum haurire voluisset, deum extitit est.

III. Sed neque omitendum aliud ejusdem rei exemplum, quod memoratus Cicatellus narratis hucusque accessit: In alio similiter Roma Xenodochio non admodum dissimile exemplum occurrit. Nam cum infirmo cuidam latibulis obvenisset infirmitas, fuit ab iisdem famulis inter mortuos numeratus, & tanquam talis ad regionis mortuorum seculo delatus, ubi cum horas quatuor circiter in terram prostratus jacuisset, tandem ad se rediit, confusitque, inter ceteros se jacere cadavera, fere salus est ex vivo mortuus, tantus illum incescit timor. Verum, resumpto sensum animo, erexit se in pedes, & nudus, uti erat,

in Xenodochium ad vivos reversus est; quos videlicet longe maximas invasa spavor; videntes nimirum stare coram se vivum, quem paulo antea delatum seirent ad cubiculum defunctorum tanquam mortuum, brevi post in Campo Sancto hauriendum. Addi & his possent recentia nostri ævi exempla, quibus permoti Episcopi complures in suis Synodis, ac in Ritualibus suis statuerunt, ut mortuorum corpora sepultura minime tradantur, nisi viginti saltem horarum effluerit spatium, si morbus causa mortis extiterit; si vero repentina morte quis exceperit, non sepeliatur, nisi elapsis horis triginta, maxime si de morte dubium aliquod superfit; quibus in casibus, nec sinant Parochi, corpora a respersionibus linteis locuti, aut in arca, aut feretro eo die, quo violentam quis mortem obierit. Ita plane statuit Ignatius ab Ecclesia Episcoporum Casalensis & Comensis in sua Casalensi Synodo habita die v. vi. & vii. Septembris anni MDCCCLVI. Capite xxviii. De sepulcris.

§. IV.

Quod antiquissimi etiam instituti, illud quantum fieri poterit, retineatur, ut Missa præsentente corpore defuncti pro eo celebretur, antequam sepultura tradatur.

COMMENTARIUS.

I. **U**T Missa, cum mortui corpus sepelitur, quando scilicet commodè fieri potest, pro eo pie celebretur, quia nimirum id & Canonem jure, & sacrarum rituum Libris cautum est, diserte edicit Sanctus Carolus in Concilio Provinciali vi. Mediolanensi, Capite, 29. ad funera pertinent. Et quidem, quod Missa præsentente cadavere, antequam ipsum sepulturae demandaretur, ex antiquo Ecclesie instituto celebrari consueverit, testatur Eusebius Lib. iv. De Vita Constantini, Cap. 71. ubi ait, Imperatorem ipsum cum Liturgia sepulchrum fuisse. Luculentissimum veteris hujus disciplinae testem habemus etiam S. Augustinum, qui Lib. ix. Confessionum, Cap. xxii. de S. Monica matris suæ funere Deum alloquens, ita inquit: *Cum ecce corpus elatum est, inus, & redimus sine lacrymis. Nam neque in eis precibus, quas tibi sudimus, cum offerretur pro ea Sacrificium precii nostri, jam juxta sepulchrum posito cadavere, priusquam depoueretur, sicut illic fieri solet, nec in eis precibus ego steti.* Ubi nota, morem jam Augustini tempore in Italia, ubi obiit S. Monica, invaluisse offerendi Sacrificium pro defunctis, præsentente cadavere. Id quod etiam probari potest exemplo S. Ambrosii Mediolanensis Episcopi, de cuius funere ita scribit Paulinus in ejus Vita: *Lucescente die Dominico, cum Corpus illius, præstiti Sacramenti Dilectis, de Ecclesia levaretur portandum ad Basilicam Ambrosianam &c.*

II. Eundem in Africa servatum ritum fuisse, docet Possidius in Vita S. Augustini Cap. xxxi. ubi mortem, & Sepulturam ejus describit: *Membris omnibus sui Corporis incolantibus, integra aspectu, atque auditu, & ut scriptum est, vobis adstantibus, & videntibus, & cum eo pariter orantibus, obdormiebat cum patribus suis, enutritus in bona senectute, & nobis coram pro ejus commendanda corporis depositione, Sacrificium Deo oblato.*

Tom. I.

tum est. Petrus Mediolanensis Archiepiscopus, cui forte temporis decursu Oldradi fuit nomen, vel cognomen appositum, in Epistola ad Carolum Magnum, quam suis Annalibus inseruit Baronius ad annum dcccxxv. testatur, a Possidio ipso oblatum fuisse pro Augustino Sacrificium; quod verisimile autumat Joannes Salinas Canonicus Regularis Lateranensis in Notis ad recitatum Possidii locum, quod & præsent tunc esset funeri, & religiose ita illi parentaverit, cum quo per annos xi. familiariter, & absque amara ulla dissensione, Deo dono dulciter vixit.

III. Longum esset Conciliorum, tum veterum, tum recentium Canones, & Ritualium loca describere, quibus præscribitur, ut Sacrificium præsentente cadavere offeratur, tametsi defunctus pauper sit. Quam ob rem satis mirari aequo, cur Romæ olim Cardinalium Exequias, atque Absolutiones non mane post Missam solemnem, sed vespere celebrarentur. Sed hunc abusum merito correxit sanctæ memorie Benedictus XIII. quippe qui toto sui Pontificatus tempore sua Pontificia presentia ac majestate mane solemni cum Missa Exequias defunctorum Cardinalium celebrare solitus fuit, eamque ob causam, dum in Ecclesia S. Augustini pro defuncto Cardinali Marco Antonio Ansidei officium ageret, in morbum incidit, paucisque post diebus in Domino obiit. Erat Benedictus veteris discipline peritissimus, servator, tenax, & custos, sciebatque Romani Rituum præscriptum, quod ritum celebrandi Missam præsentente cadavere & hodie observari desiderat, eumque antiquissimum esse asserit. Sed gratie agendæ feliciter regnanti Pontifici BENEDICTO XIV. qui ritum ipsum post obitum laudati Pontificis abolitum renovavit, Constitutionemque de ea re edidit, de qua nos jam alias diximus, in Commentariis scilicet nostris ad Cæremoniale Sanctæ Romanæ Ecclesiæ.

Ccc

§. V.

§. V.

Siquis die festo sit sepeliendus, Missa propria pro defunctis celebrari poterit, dum tamen Conventualis Missa, & Officia Divina non impediuntur, magnaque diei celebritas non obstat.

COMMENTARIUS.

POffe in diebus festis, præsentem corpore, celebrari Missam solemnem de Requiem, statuit etiam Sacra Rituum Congregatio die 23. Maji anni 1603. apud Gavantum in Manuali Episcoporum, verbo, *Missa*, num. 27. Sed procedit id quidem, ut ait hic noster §. dum tamen Conventualis Missa, & Officia Divina non impediuntur, magnaque diei celebritas non obstat. Missa Conventualis est illa, quam Rectores Ecclesiarum Cathedralium, & Collegiarum quotidie celebrare facere tenentur solemniiter cum cantu post Tertiam, juxta temporis conformitatem, & Divini Officii recitationem. Notat hæc Meratus in Commentariis, & Observationibus præliminaribus ad Rubricas Missalis Parte 1. num. 41. pag. 69. editionis Romanæ, ubi etiam ex Rotario docet, Missam ipsam Conventualem in variis Ordinibus Regularium vocant nomen fortiori; quia scilicet alii eam vocant Missam Canoniceam, alii Missam Tertie, alii majorem, alii publicam, alii communem. De obligatione celebrandi hanc Missam Conventualem, & de aliis ad eam spectantibus agit Gavantus in Rubricis Missalis Parte 111. Tit. xii. num. 5. itemque laudatus Meratus in suis novis Observationibus, & Additionibus ad ipsum Gavantum, loco citato.

II. Sed his omis, mandat S. Carolus in Concilio Provinciali vi. Capite, *Quæ ad funera pertinent*, quod, *signando die dominice, festive mortuum esset, in sepulturamque tradi contigerit, pro eo Missam Conventualem ad præscriptum Romani Ritualis celebrari licebit*. Sed nec omitendum, quod edicit in suis ad funera ducenda Instructionibus: *Missa Defunctorum corpore presente omni die celebrari potest, præterquam in Parasceve, & Paschate; quibus diebus non licet corpus sepultura tradere, nec Missam pro eo cantare*. Præter Paschatis Festum, exicipiant etiam alia Festa Duplicia primæ Classis, in quibus nec etiam præsentem cadavere celebrari potest Missa solemnis Defunctorum ex Decreto Sacre Rituum Congregationis edito die v. Julii anni mxcviii. in Colle. & relato apud citatum Auctorem in Observationibus ad Gavantum, Parte 1. Tit. v. pag. 145. editionis Romanæ, & in Indice Decretorum num. 525. quod ita habet: *In Duplicibus primæ Classis etiam presente corpore non potest cantari Missa Defunctorum, & multo minus dicenda est una Missa privata, deficientibus Clericis in Choro*.

III. Porro spectant hæc recentiorum Ecclesiæ disciplina; nam alias juxta antiquum Monachorum ritum Missa Defunctorum præsentem cadavere, non modo Dominicis, festisque diebus, sed in celebrioribus Solemnitatibus, quales sunt Natalis, Paschatis, & Pentecostes, prædicta Missa celebrari solita fuit. Teste Martene Lib. II. De antiquis Monachorum ritibus, Cap. vi. num. 42. Liber Usuum Cisterciensium de ea re sic inquit: *Missa quoque pro defunctis non solum cantari Dominicis diebus, & Solemnitatibus, quibus fieri debet in Capitulo, nisi præsentem defunctus fue-*

rit. Missa vero quotidiana, quæ solet diei pro Fratribus nostris defunctis, tantum intermittenda est die Parasceve, & sequenti Sabbato, & die Pasche, & Natalis Domini. Hebdomadarius Missa illius quotidiana cantet de Festo ad Altare, ubi Missa eadem cantari solet, & dicat Collectam: In elina, in secundo loco. Si tricenarium fuerit, subjungat: Deus cui proprium. Quod si his tribus diebus, Natalis scilicet, Paschatis, & Pentecostes præsentem defunctus supervenerit, prædictis Hebdomadarius dimittat Missam de Festo, & agat Missam pro eo &c. Præterea quod Cluniacensis Monasterii, & Sancti Benigni Divionensis Monachi in ipso Paschatis Festo, præsentem cadavere, Missam pro defunctis eanentem docent mss. Consuetudines Monachorum prædictorum apud laudatum Martene in citato Opere, l. lib. v. Cap. x. num. 16. *Quod si in ipsa nocte Resurrectionis Dominicæ, vel ipsius diei crepusculo obierit, quo scilicet oporteat, eam ipso die sepeliri, matutinalis Missa pro eo cantabitur. Nam tanta est auctoritas præsentis ipsius defuncti, etiam in tanta Solemnitate hujusmodi Missa non possit sine negligentia intermittere. Addunt Sancti Benigni memoratæ Consuetudines: Sed notandum est, quia excepta hæc, nulli omnino ipsa die licet pro ea Missam cantare; restituetur autem ei, cum opportunum tempus adfuerit.* Similia legere est in aliis antiquis Monachorum usus, quos non opus est hoc loco recensere.

IV. Quicquid autem sit de antiquis ritibus in variis Monasteriis usitatis, celebrandi scilicet Missam solemnem pro defunctis etiam in celebrioribus Festis, servandum est hodie Sacre Rituum Congregationis Decretum à nobis jam superius recitatum, & tenenda est omnino regula in §. nostro præscripta, quo cautum est, ut *siquis die festo sit sepeliendus, Missa propria pro defunctis, una scilicet tantum, præsentem corpore, celebrari possit, dum tamen Conventualis Missa, & Officia Divina, ubi nempe celebrari solent, non impediuntur, magnaque diei celebritas non obstat*, qualis est celebritas Pasche, aliorumque Festorum Duplicium primæ Classis, juxta memoratum Sacre Congregationis Rituum Decretum. Cui etiam innixus idem Meratus in Additionibus ad Gavantum Parte 1. Tit. v. num. 2. censet, non posse celebrari Missam ipsam solemnem pro defunctis præsentem cadavere in prima Dominica Adventus, Feria 1v. Cinerum, Dominicæ primæ Quadragesimæ, Dominicæ Palmarum cum tota Hebdomada majori, Dominicæ Resurrectionis, & Dominicæ Pentecostes cum duobus diebus sequentibus, die Nativitatis Domini, Epiphaniæ, Ascensionis, & Festo Corporis Christi, & in aliis Festis primæ Classis. Multa mox quoque notat Meratus in confirmationem suæ opinionis, quæ generatim admitti non possunt.

V. Cum insuper mihi in præsentem non vacet omnes quæstiones, quæ ex singulis Paragraphis Romani Ritualis oriuntur, discurrere, haud tamen omit-

omittam ea, quæ sunt majoris momenti, & necessaria scire. Ergo licet noster §. solius diei festi meminerit, in quo una dumtaxat solemnitas Missæ pro defunctis permittitur, præsentem cadavere, sciendum tamen, hanc etiam regulam servandam in Duplicibus, & etiam in iis diebus, in quibus non potest de Duplici celebrari, nimirum infra octavas Epiphaniæ, Paschatis, Pentecostes, Ferialium. Ceterum, in Hebdomada Majori, in Vigiliis Nativitatis Domini, & Pentecostes, tamen præfatus sit corpus defuncti, ut ex variis Decretis Sacræ Rituum Congregationis addiscimus, quæ recenset Meratus in Additionibus ad Gavantium loco citato, & in suo Indice Decretorum, æ præsertim num. 505. *Missæ privata de Requiem, corpore præfate, & inspecto, diei non possunt diebus, quibus fit de Officio Duplici, vel aliis à Rubrica vetitis, & quæcumque consuetudinem tanquam abusum obstandum juxta dispositionem Rubricæ v. Missalis Romani de Missa Defunctorum Num. 2. in fine, & Decreta Sacræ Congregationis, & Reverentis Generalis, v. Angusti MDCLXII. servanda esse, mandavit S. R. C. die 2. Januarii MDCCIII. in una Galliarum.* Vide apud laudatum Auctorem in citato Indice num. 16. 69. & alios notatos.

VI. Veneror Sacræ Rituum Congregationis Decreta, sed optandum esset, ut sit non in omni-

bus Festis minus solemnibus, saltem in Duplicibus non festis, & infra Octavas etiam privilegiatas possent diei Missæ etiam privatæ Defunctorum præsentem cadavere. Quid enim præjudicat Sanctis Duplicis ritus, si in una Ecclesia, ubi est præfatus cadaver, & ubi omnia laetum spirant, vel Missæ privatæ de Requiem dicerentur? Ceterum etiam juxta Romani Missalis Rubricas, *Missæ privata pro Defunctis quæcumque die diei possunt, præterquam in Festis Duplicibus, & Dominicis diebus*, recte tamen eximat Guyetus in sua Hertologia Lib. IV. Cap. XXIII. *Questione XXVI.* valere hic quoque perinde atque in aliis Missis votivis monitum illud, *Id vero passim non fiat, nisi rationabili de causa*, qualis est præter diem obitus, seu depositionis, aut tertium, septimum, trigesimum, & anniversarium, fundatio, seu stipendium a Fidelibus ad id oblatum, aut testamentum relictum. Optandum plane esset, ut ubi non sit præfatus cadaver, celebrantur Missæ cum Officio diei concordantes, neque enim ritui conforme videtur, videre quotidie in Ecclesiis passim Sacerdotes celebrantes vestibus atris indatos, & audire ubique Defunctorum Missas, quæ a multis Irreligiosis Sacerdotibus, ut se ab Altari citius expediant, nisi Duplici Festo, aut Dominica seu privilegiata alia die impediuntur, quotidie celebrantur.

§. VI.

Caveant omnino Parochi, aliique Sacerdotes, ne Sepulturæ, vel Exequiarum, seu Anniversarii mortuorum Officii causa quicquam pacificentur, aut tanquam pretium exigant. Sed iis elemosynis contenti sint, quæ aut probata consuetudine dari solent, aut Ordinarius constituit. Neque permittant, ut pallia, aut alia Altaris ornamenta ad ornatum Feretri, vel Tumbæ adhibeantur.

COMMENTARIUS.

I. Constitutum sæpe a Conciliis, & a Summis Pontificibus fuit, nequid a Clero pacifceretur, vel exigeretur prætexta Exequiarum, aut Sepulturæ. Quæ fuerit hujus Simonie origo, scite exponit Thomassinus Parte III. Discipline, Lib. I. Cap. LXVII. Num. XIV. Cum enim vigore Canonum veterantur in Ecclesiis terrena mandari, vel utcumque condi, nisi Martyrum cineres, Sanctorum pignora, inde & Episcopi, atque Abbates, necnon & si qui ex Presbyteris, & laicis singulari innocentia morum clavisissent; ceterorum Fidelium exarist amulatio, ut vel pretio saltem virtutum premiis assequerentur. Varia ad probandum veterem disciplinam, abusumque adducit idem Auctor in citata Parte III. Lib. I. Cap. LXV. de eademque re jam nos etiam in variis nostris Operibus ubi se se dedit occasio, abunde differimus.

II. Porro antiquum abusus exigendi aliquid pro Exequiis Sepulturisque explodere inter alios Sanctissimos Pontifices conatus est S. Gregorius Magnus, impatientissime ferens, Clericos minus a terrenis cupiditatibus expeditos esse, quam Sichelimitas, qui locum Sepulturæ Abrahamo gratificari voluere. En ejus verba Lib. VII. Epistola IV. ad Episcopum Massiliensem: *Secundum nostrum institutum noveritis, nos illicitam antiquam consuetudinem a nostra Ecclesia omnino vetuisse, nec cuiquam assensum præbere, ut loca humani corporis*

pretio possint adipisci. Nam si Gentiles, ut arbitramur, Viro Sichelimita Abraham pro Sarra mortua, atque in loco proprio humanda, sepulturam gratis obtulerunt, & vix magna ejus importunitate coacti sunt, ut pretium de loco sepulturæ perciperent, nos qui Episcopi dicimur, de humandis Fidelium corporibus pensâ quid facere debemus.

III. Rursus recito, centum solidos a Januario Calaritano Archiepiscopo exigi ad tamalandam filiam matronæ illustri, & querelis laceratus hujus ipsius matronæ, ad Januarium ipsum rescriptis, nova hac injuria cumulari non debuisset damno, doloreque filie morte iniunctum; ex alterius luctu, & calamitate lucrum captandum non esse, nec pretio addicendum locum putredinis; summovisse se istiusmodi corruptelam ad Ecclesiam Romanam, incurrentem Pontificatu suo; eam se Prælati indixisse legem, ut saltem Sichelimitas intarentur, quos tamen Paganos puerat ex cadavere lucri aliquid extundere; liberâ spontaneas oblationes admitti posse, ut nihil exigi, nihil petere fas esse, ne eo convitio verberentur Clerici, reliquorum mortalium tam gratam illis esse mortem, quam compendiosam. Audientibus ipse Gregorius, qui citato Lib. VII. Epistola XV. sic habet: *Questio nobis est Nereida clarissima femina, quod ab ea centum solidos pro filia sua sepultura Fraternitas vestra non erubescit exigere, atque ei super doloris gemitum, majorem dispen-*

C c c a

dii

dii student inferre molestiam . Quod si ita se ve-
 ritas habet, quia grave nimis est, & procul nimis
 est a Sacerdotis officio pretium de terra concessa
 patreidini quærere, & de alieno velle facere
 laici compendium, ab hoc se patratiore fraternitas
 vestra continet, & molestia est de cetero non exi-
 stat . Tum paulo post: Hec autem vitium & nos
 possumus Deo auctore ad Episcopatus votum ne-
 cessarium, de Ecclesia nostra omnino vetamus, &
 per pravam deus consuetudinem nequaquam
 usurpari permittimus; memores quia dum Abra-
 ham a filio Emor, hoc est, Ephron filio Seor Se-
 pulture terre pretio ad humanum corpus con-
 iugis postulare, premium accipere renuit, ne com-
 modum videretur de cadavere consequantur . Si
 ergo tante considerationis pagani viri sint, quan-
 to magis nos, qui Sacerdotes dicimur, hoc facere
 non debemus? Unde ne hoc avaritiæ vitium vel in
 alienis deus tentari presumatur, admoneo . Sed
 siquidem aliquem in Ecclesia vestra sepeliri con-
 ceditis, siquidem parentes ipsius, proximi, vel here-
 des pro luminaribus sponte quid offerre voluerint,
 accipere non vetamus . Peius vero, aut aliquod
 exigi, omnino prohibemus; ne, quod valde irreligi-
 giosum est, aut venalis fortasse, quod absit, dicatur
 Ecclesiam, aut vos de humani videamini mor-
 tibus gratulari, si ex eorum cadaveribus studeatis
 quærere quolibet modo compendium .

IV. His profecto Gregorii verbis, si quando aliquem in Ecclesia vestra sepeliri concessitis; aperte innuitur origo hujus perversitatis. Cum enim, ut superius notatum est, necdum usque invaluisse, ut in Ecclesiis sepeliretur quisquam qui ejus privilegii cupidiores fuere, ut participes fierent precum, & hostiarum a proximis ibi suis offerendarum, oblata ingenti pecunia id emerari cœperet. Gratuita fuit, ut puto, ea prima largitio, quæ mox tamen in tributum, & exactiorem deficit. Scitissime observat Thomassinus, Part. III. *Disciplina*, Lib. I. Cap. LXV. num. II. his prædictis firmani hanc conjecturam a S. Gregorio in Dialogis, ut jam ambiendi locus superest nullus. Et quidem, postquam hic dixit Libro IV. Dialogorum, Cap. L. LII. LIII. iis, qui ex mortali vita migrant nullo implicati erimine, conducibile esse in Ecclesia sepeliri, quod eorum proximi ipso tumulorum conspectu admoniti, & excitati pro illis flagrantius & frequentius orerent; mox ex adverso testatur, si qui flagitia hic sua non expiari, eos graviori obnoxios fore damnationi, qui sepulchro etiam sua Ecclesiam contaminaverint. Quid approbat ille exemplo Valeriani Patricii, qui concesserat, immo pretio addidit Brixianus Episcopus locum sepulture in Ecclesia: *Cui ejusdem Civitatis Episcopus, accepto pretio, locum in Ecclesia præbuit, in quo sepeliri debuisset.* Crebris autem postea Cæli ostentis, minique perfectum tandem est, ut feculissimum hominis calaver de Ecclesia eiceretur.

V. Quicquid sit de antiqua Ecclesiae disciplina, qua universum prohibitum fuit, quemquam in Ecclesiae humari, certum illud est, sepelire mortuos, religiosa pietas semper fuisse; Ideoque nec simoniae patetionis quidquam intervenire unquam passit fuit Sancti Patres, quamquam & spontanea non recuserant proximorum, vel amicorum oblationes, & hinc laudabiles inoleverant consuetudines, quae non facile deinceps aboliri sicerentur. Tria haec sunt, quae & in hoc Commentario illustrare aggredimur ex diffi-

jam ante a doctissimo Thomafino in eitate loco, Cap. LXVIII. Primum, a Clericis, Parochique administratas esse Sepulturas sine pactione, aut exactione quavis. II. nec repudiata tamen fuisse spontaneae pietatis dona. III. edita fuisse Decreta, & Synodica Statuta, ne laudabiles exoleverent consuetudines. Trium horum duo priora perspicue exprimit Concilium Ravennatense anno CMXCVII. Can. 111. sub Gerberto Archiepiscopo, qui fuit postea Romanus Pontifex Maximus Sylvester II. *Sigais Sacri Ordinis de Sepultura mortuorum aliquid accepit, nisi forte que sponte ab amicis, vel propinquis mortuorum Ecclesie fueris collata, tunc maledictione teneantur obnoxii.* Concilium Bituricense anno MXXXI. Can. xxi. perfringit simul, detestaturque exactiones quascunque pro Baptismo, pro Penitentia, pro Sepultura: *Nullas pretium pro Baptismo, neque pro Penitentia dando, neque pro Sepultura accipiant, nisi quod Fideles sponte dare, vel offerre voluerint.*

VI. Pitra sunt tum Synodorum, tum Episcoporum Decreta hæc Sepulcrarum mercimoniæ execrantium, & apud Gratianum Causa XIII. Quæstione II. Can. XLII. refertur Decretum Concilii Triburienfis, & Can. xv. aliud hujus nomine Concilii Nannatenfis, & Can. XII. sententia Sancti Hieronymi hifce conformis. Cæterum duo sunt, quæ observari æquum fit in citata Gratiani testimonia. Primum est, hæc five spontaneas oblationes, five extorſiones ſimoniacas, eo utplurimum ſpectaſſe, ut honoratioꝝ, & Altari propior ſepultura locus impetraretur. Ideo laudato Concilio Nannatenſi placuit, *pobidendum eſſe citari, ſecundum Majorum inſtituta, ut in Eccleſia nullatenus ſepeliatur, ſed in Atrio, aut in Porticis, aut in Exedris Eccleſie. Intra Eccleſiam vero, & prope Altare, ubi Corpus, & Sanguis Domini conſeitur, nullatenus ſepeliatur.* Alterum eſt, omnes omnino exactiones proſcribi, ad honoratioꝝ etiam hæc ſepultura, nulla adhuc mentione laudabilium conſuetudinum.

VII. Ceterum sicut Clericis severe semper prohibitum fuit, ne super Sepulchris, vel Exequiis, aliive funilibus rebus pacificetur, aut hac occasione extorſiones faciant, ita quoque laiciis denum incauteſcunt fuit, ne pias, & laudabiles ac receptas offerendi aliquid conſuetudines facili infringant. Extat de hac re Decretum Concilii v. Generalis Lateranenſis Canone lxxvi. expreſſum his verbis: *Ad Apoſtolum Andriam frequenter relatione peruenit, quod quidam Clerici pro Exequiis mortuorum, & Benedictionibus nubentium, & ſimilibus pecuniam exigunt, & extorqueant, & ſi forte eorum cupiditati non fuerit ſatiſfactum, impudenter ſuſcitio fraudulenter opponunt. E contra vero quidam laici laudabilem conſuetudinem erga Sanctam Eccleſiam pia deuotione Fidelium introductam ex ſermento heretice prauiſatis nituntur infringere ſub pretextu Canonica pietatis. His querelis occurrentes, Concilium ita mox ſtatuit: Quapropter ſuper his praetextus excoſitiones fieri prohibemus, & pias conſuetudines praecipimus obſeruare; ſtatuerunt, ut libere conferantur Eccleſiaſtica Sacramenta, & per Episcopum loci veritate cognita conſequantur, qui malitiose nituntur laudabilem conſuetudinem immutare. Ex hoc itaque Canone, quem prius ſuſe explicimus Tomo noſtro III. Conciliorum in Commentariis ad Canones Concilii Generalis*

Lateranensis IV., conclusum fuit, exactiones quidem in Exequiis mortuorum vetitas esse, sed laudabiles tamen consuetudines offerendi aliquid in iis, a laicis esse observandas, immo etiam per Episcopum ad earum observantiam urgeri posse; quod non solum praxis, sed & Synodi posteriores probaverunt.

VIII. Fateor equidem, retinendas laudabiles consuetudines, sed fateri nihilominus cogor, hanc consuetudinem pretextu, vexatos non solum vel pauperum defunctorum haeredes a Parochis, ad funeris impensas, quas inopia illorum ferre non poterat; atque hæc sunt importunæ exactiones, quæ occasionem dederit secularibus Magistratibus, Principibusque, ut de re funeraria Leges ferrent, Neapoli, Florentiæ, Mediolani, aliisque in locis. Teste Altaferri, Lib. VI. *De Jurisdictione Ecclesiastica*, Cap. XI. in Gallia transit funeraria actio omnino ad Forum Civile, ex quo Constitutione Regiæ anni MDCXXXIX. Judici Ecclesiastico adempta est cognitio de actionibus personarum laicorum nisi in mere spiritualibus. Doleat de eo abusu laudatus Auctor loco citato, eunque variis argumentis egregie exagitat; sed optandum plane, ut, qui Ecclesiis præstant, modum funerum impensas imponent; neque enim ferri aliquibus locis potest, ut magna vis cererum in defunctorum Exequiis deferatur, multoque minus, ut postquam sepulchri gentilitii locus fuit ab Ecclesia coemptus, toties Ecclesiæ tantulanti nova pendi pecunia debeat, quoties aliquem ex ea gente, ad quam illud sepulchrum pertinet, humari in ipso oporteat. Cæterum non abusu, licite id fieri, ubi iudicio Epi-

scopi laudabilis ea consuetudo censeatur, non vero nova Parochi alicuius extorsio.

IX. Quod tandem ait hic noster §. caveendum Parochis, ne permittant, ut pallia, aut alia Altaris ornamenta ad ornatum feretri, vel tambe adhibeantur, in variis etiam Synodis statutum compluries fuit, ac præsertim a S. Carolo in Synodo Provinciali Mediolanensi. Decreto XV. *Quæ pallia, aliæque inquit indumento Altarium usui, & ornatus addita sunt, ea ad Sedis Episcopi, alteriusve hominis Ecclesiastici, vel laici quavis dignitate præditi apparatus, aut ad funeris, Exequiarumve pompam, aut aliorum rerum, quæ profana sint, usum, five ornamentum, ne adhibeantur.* Idem statuit in Synodo III. Diocesana, Decreto 21. constituta etiam perua in Parochum, qui pallium ipsum Altaris ad usum funeris commodaverit: *Parochus, qui Altaris pallium in usum etiam quavis dignitate præditi ad suum ducendum, seu ad faciendas Exequias commodaverit, suis sumptibus aliud illi simile comparet, quod pro funeribus commodaverat, idque illius Ecclesiæ sit, unde alterum acceperat.* Subditque mox etiam sic S. Antistes: *Pallium vero, quod fuerit, aut Exequiis faciendis commodatum erit, ad Altaris usum ne amplius adhibeatur, nisi Archiepiscopi concesserit.* Sed hujusmodi Decreta, quæ & in aliis aliorum Episcoporum Synodis sancta sunt, jam passim negliguntur, cum sæpe videmus contra nostrum hujus §. præscriptum adhiberi in funeribus, Exequisque candelabra ipsa, quæ sunt Altarium ornamenta, etisque inserviunt. Quod quidem semper est contrarium, nec tolerari debet, ut Barrufaldus ait.

§. VII.

Cum tamen antiquissimi ritus Ecclesiastici sit cereris accensus in Exequiis, & funeribus deferre, caveant item, ne hujusmodi ritus omittatur, aut nequid avare, aut indigne in eo committatur.

COMMENTARIUS.

I. **U**SUS cererum in funeribus defunctorum antiquissimus est tum apud Gentiles, tum apud Christianos. Quin & Gentilibus moris fuisse, non tantum faces in censeribus mortuorum corporibus præferre, sed ad mortuorum sepulchra certis temporibus lucernas accendere, constat ex *Legge, Mævia, ff. De monumentis testamento*, in qua refertur, quod Mævia famulis suis libertatem testamento dederat cum hoc onere, ut monumento alternis mensibus lucernam accenderent, & solemnem mortis peragant. Ad hunc locum refertur Auctor *Romæ Subterraneæ*, Lib. I. Cap. XVII. num. II. *Ecce, inquit, laminaria accendendi mos, & mortuorum hujusmodi ritus colendi ex ipsa superstitionis gentilitia monumentis adnotatus.* Non de sunt qui autumant, a consuetudine efferendi olim noctu corpora defunctorum (de qua pluribus differit Gotsfredus ad Legem v. Codicis Theodol. *De sepulchris violatis*) originem habuisse morem faceris, seu funalia incendendi, & mortuorum corporibus præferendi. Verum negari nequit, quin & diurnis funeribus Gentiles non modo, sed & Judæi, ac primi etiam Christiani lampadas, lucernas, ceresque adhibuerint, non tantum ad

effugandas noctis tenebras, sed & ad lætitiæ insinuandam, & pium Religionis cultum amplificandum. Testatur id quidem S. Hieronymus adversus Vigilantium scribens, multisque adstruit Baronius ad annum LVIII. ubi etiam sic inquit: *Cumque hæc ipsa æque Judæi solitarent, atque Gentiles, cur non potius a Judæis ea, sicut & pleraque alia, quam a Gentilibus Ecclesiam esse matricem, dixerimus? Et si velimus accepta ab illis esse, quid absurdum, si eadem in veti Dei cultum conversa fuerint, ut alia multa?*

II. Teste S. Hieronymo in Epitaphio Paulæ Matronæ Romanæ, translata fuit illa Episcoporum manibus, & cervicem feretro subjicientibus, alii Pontifices lampadas ceresque præferbant. Teste Eusebio Lib. IV. *De vita Constantini*, Cap. LXVI. ita illius funus celebratum est: *Altilites sablatum & lecto corpus in arca aurea deposuerant, eamque purpurea oblectam veste Constantinopolim deportarunt, atque in principis Imperialis Palatii cubiculo sublime collocaverunt.* *Dehinc aurea super candelabra luminibus undique accensis, admirabile spectaculum intuentibus præbatur.* Sed ut & alia exempla omittam, Patrumque veterum testimonia de cererum usu

§. IX.

Ubi viget antiqua consuetudo sepeliendi mortuos in Cœmeteriis, retineatur, & ubi fieri potest, restitatur; at vero cui locus sepulturæ dabitur in Ecclesia, humi tantum datur. Cadavera autem prope Altare non sepeliuntur.

COMMENTARIUS.

I. **Q**UUM sacris superque de Cœmeteriis, antiquisque Sepulture locis dixerim Tomo II. Romani Pontificalis, in Communi Titulo ad Titulum vi. qui inscriptus est, *De Cœmeterii benedictione*, paucis hic me expediam, illudque primum monebo, morem fuisse antiquum, ut Christiani homines non in Ecclesiis, sed in Cœmeteriis prope Ecclesias vita functi sepelirentur. Ea plane loca humanis corporibus destinata, varia quidem olim nomina sortita sunt, quæ late exponuntur ab Auctore Romæ Subterraneæ, et antiquorum sepulchrorum, & cryptarum arenarum formas explicat exhibitque. Usitatus autem, & olim, & hodie dicuntur *Cœmeteria* a Græco verbo *κοιμη*, quod dormire significat, quia scilicet Christiani homines ob spem gloriose resurrectionis, in ipsa Cœmeteriis non tam mortui jacere, quam dormire dicuntur, uti addidimus ex Evangelio Joannis, Cap. xi. ubi Christus Lazarum, qui erat mortuus, *dormire dixit*; & ex Apostolo in Epistola ad Thessalonicenses, Cap. iv. ajente: *Nolumus, eos ignorare de dormientibus, ut non contristentur, sicut & ceteri, qui spem non habent*. Ubi S. Hieronymus notat, eos dormientes appellari, quia certum est, eos resurrekturos. Eandem rationem urgent, & alii Patres, quos citat Stephanus Durantis Lib. i. *De ritibus Catholicæ Ecclesiæ*, Cap. xxiii.

II. Neque vero in Cœmeteriis utcumque Christiani humani sunt, sed in his, & quidem ex per vetusto ritu, de quo dixi in citato Commentario ad prædictum Titulum vi. Romani Pontificalis, quæ fuerit prius ab Episcopo benedicta. Ex ipsorum autem Cœmeteriorum benedictionis formula, quæ hodieque in Pontificali extat, sat constat, Cœmeteria unice benedici ad humationem corporum humanorum. Siquidem in ipso benedictionis initio precatur Pontifex benedicens, ut purgetur, benedicatur, sanctificetur, & consecretur hoc Cœmeterium, ut humana corpora hic post vitam eursum quiescant, in magno judicii die simul cum sanctis animabus mereantur adipisci vite perennis gaudia. Et in alia oratione Deum supplicat, ut famularum, famularumque suorum corporibus in hoc Cœmeterium intrantibus quietis sedem, & ab omni inersione malorum spirituum tutelam benignus largitur tribuat. Atque hæc, & similia in ritu benedictionis Cœmeterii occurrentia evincunt plane, quod recte notavit Vanespen Parte II. Juris Ecclesiastici universi Tit. xxxviii. Cap. II. num. xxv. in fine, *Cœmeteria proprie ad usum sepulture ex intentione Ecclesiæ destinari, & benedici; non ita vero ipsa Tempia, in quorum etiam consecratione corporum in eis sepeliendorum mentio non fit, nec orationes, aut benedictiones ad sepulcrum corporum diriguntur*.

III. Pergit Auctor, atque sequenti num. xxv. quod sicut antiquitus Christiani non in ipsis Martyrum Sepulchris, sed ad Limina Sepulchrorum SS. Martyrum sepeliebantur, immo ut

ibidem sepeliri possent, privilegii loco habebant, ut nos alias late diximus, ita quoque non in Ecclesiis, in quibus SS. Martyrum requiescunt, sed in Cœmeteriis sepeliri corpora mortuorum, visum plerisque Conciliis fuit, præsertim vero Bracarensi i. anni d. xiii. Can. xviii. *Placuit, ait, ut corpora defunctorum nullo modo intra Basilicam Sanctorum sepeliuntur, sed, si necesse est, deforis circa murum Basilicæ usque adeo non abborret*. Fuisse hanc veterem Ecclesiæ disciplinam, constat ex Canone xv. apud Gratianum, *Causa xxi. Questione II. his verbis: Prohibendum est etiam secundum Majorum insinuat, ut in Ecclesiis nullo latens sepeliuntur, sed in Atrio, aut in Porticu, aut in Exedris Ecclesiæ*. Refert quidem hoc Decretum Gratianus sub nomine Synodi Varenensis, sed, uti mox Correctores Romani ad ipsum Gratiani locum, non reperitur recitatus Canon in prædicta Synodo, sed extat in Concilio Nannetensi anni dccc. e quo etiam illum referunt Regino Lib. I. Cap. cccxv. & Burchardus Lib. III. Cap. ccix. Cæterum ex ipso Canone illud deducitur, tria fuisse loca sepulture destinata, nempe Atrium, Porticum, & Exedram. Atque in his tribus locis, prope quidem, sed non intra Ecclesiæ sepeliri mortuorum corpora maodati Synodus memorata Sæculo ix. celebrata, sicut & aliæ eodem ævo habite, & inter alias Arelatenfis vi. anni dcccxi. Can. xxi.

IV. Recte vero illud quoque observat laudatus Vanespen num. xxxi. & seq. quod cum sub idem tempus cæperit non tantum Episcopis, sacrisque hominibus, sed & laicis quibuscumque honoris causa concedi Sepultura in ipsis Ecclesiis, ac illis præterea, qui per vite meritum talem vivendo locum sibi vite sanctis acquisierant, hæc exceptio latum campum aperuit laicis Sepulturam in Ecclesiis ambiendi, & Sacerdotibus plenam illis tam annuendi libertatem; tum potissimum quod ex Sepulturis intra Ecclesiæ frequenter emolumentum notabile in Sacerdotes redundaret, dum vel laici ut honoratiorem Sepulture locum acciperent, in faciendis oblationibus erant liberaliores; vel etiam ipsi Sacerdotes pro locis honorabilioribus pretium exigere non erubescerent, ut ex innumeris fere Conciliis, ac Summorum Pontificum Decretis ostendi posset, quibus sæda quorundam Sacerdotum avaritia pro Sepulturis, Exequisque exactio resellitur; & quidem merito, nam ob ipsam laicorum ambitioem & sacrarum hominum cupiditate sacrum plane est, ut præca Patrum disciplina religiose aliquando observata de non sepeliendis mortuis in Ecclesiis, quasi ad interitum descendenti, ipsique Ecclesiæ factæ sint alicubi divitum quorumcumque Cœmeteria, relictis dumtaxat in sepulcrum pauperum Cœmeteriis extra Ecclesiæ constructis.

V. At vero Ecclesiæ eodem semper spiritu ducta, licet pro temporum, & circumstantiarum conditione, nonnumquam de externa disciplina

aliquid remiserit, prout in hoc puncto multum remisit, satis tamen ostendit, & in Conciliis, & in Ritualibus permixtis, ac praesertim in nostro Romano omnium principe, ut ex presenti §. liquet, se nequaquam a praeferenda disciplina recedere; dum mandat primum, ut, *ubi viget antiqua consuetudo sepeliendi mortuos in Cimiteriis, retineatur, & ubi fieri potest, restituatur*; tum vero, *ut cui locus sepulturae dabitur in Ecclesia, humi tantum detur*; ac tandem, *ut cadavera prope Altaria non sepeliuntur*. Atque his plane consonant Synodi passim Provinciales, Dioecesanaeque, ac praesertim S. Carolus veteris Ecclesiae disciplinae instaurator, ubi in Concilio Mediolanensi Provinciali 1. Capite inscripto, *De Sepulturis*, monet Episcopos, *ut morem multis locis intermissum, mortuos in Cimiteriis sepeliendi, restituendum current, inde submotis, sicut ea usurparint*. Adiditque mox, *ut si cui locus sepulturae deinceps dabitur in Ecclesia, humi tantum detur, & sepulchram, in quo condetur opere fornicato cum reliquo Ecclesiae pavimento aequatum sit*. Quod vero demum noster §. tertio loco praescribit, ex-

placatum etiam habemus ab eodem S. Carolo, qui in Concilio Provinciali Mediolanensi IV. Parte 1. Capite, quod inscriptum est, *De sepulchris*, postquam edixit, *ne Sepultura locus quovis nomine cuiquam detur; neve Sepulchra fiant, construanturve in ulla quavis Ecclesia, siue Episcopi concessa scriptis exarato, ita statim subijcit: In Cimiterio autem, vel Capella majori nullo modo*. Et mox 1. *Nec vero in aliis Ecclesiis locis prope Altaria, nisi tam longe Sepulchra distent, ut sepulchrale os a scabello, seu bradella Altaris procul absit spatio cubitorum trium*. Quae autem propius intravit jam sunt, omnino amoveri, obstruere decernimus. Ceterum non sufficit, ut os Sepulcri praedicti, vel longiori etiam spatio, a scabello Altaris distet, sed omnino cavendum est, ne ad Altaria adco extendantur Sepulchra, ut sub ipsis defuncti sepeliantur; cum sub Altariis juxta antiquam, probataque omni aevi Ecclesiae disciplinam, non aliorum corpora, sed dumtaxat Sanctorum, ac praesertim Martyrum humari queant, ut in Commentariis nostris ad Romanum Pontificale abunde ostendimus.

§. X.

Sepulchra Sacerdotum, & Clericorum cujuscumque Ordinis, ubi fieri potest, a Sepulchris laicorum separata sint, ac decentiori loco sita; atque ita ubi commodum fuerit, ut alia pro Sacerdotibus, alia pro inferioris Ordinis Ecclesiae Ministris parata sint.

COMMENTARIUS.

I. **E**Xtat in Actis Ecclesiae Mediolanensis a S. Carolo concinnatis Lib. I. Instructionis Fabricae Ecclesiasticae Caput XXVII. inscriptum, *De Sepulchris, & Cimiteriis*, ubi S. Antistes sacris Canonibus inherens, qui Episcopos, Presbyteros, aliosque Ecclesiasticos homines intus in Ecclesia sepeliri sanxerunt, peculiarem locum unicuique gradui pro sepultura assignavit, sic dicens: *Episcopalis igitur Sepultura locus in Basilica Cathedrali pro Chori foribus ingressive esse potest; ubi si locus decent aliquando non datur, alius deligatur, qui religioso, venerabilique Episcopali nomini, ac dignitati convenientior sit; non in Choro tamen, neque in Capella majori, sed extra illius fines in alia Ecclesia parte decentiori, atque insigniori. Sit ea a ceteris etiam Canonicalibus Sepulchris loco, & insigni praeferat aliquo Episcopali distincta. Sepulchra item sint Canonica duo a dextero latere sepulturae Episcopalis, eaque, ut supra, aliquo interjecto spatio separata, in quibus, & Canonici, & Capitalari dignitate praediti sepeliuntur. Totidem praeterea in sinistro latere certo etiam intervallo distincta, in quibus ceteri Basilica Cathedralis Sacerdotes, Clerici, alique Ecclesiastici Ministri humentur*. Similia his praescribit de Ecclesiis Collegiatis, statimque subdit, *ut praeterea in singulis Ecclesiis Parochialibus etiam duo Sepulchra sint, loco, ut supra demonstrato, una propria Parochorum, Rectorumque earum, altera Clericorum Parochialium*. Atque hic nota unum tantum pro Ecclesiasticis hominibus assignari Sepulchrum, siue si Sacerdotes sint, siue alii Clerici inferiores. Unum etiam variae Synodi praescribunt, inter quas novissima Casalensis ab Ignatio ab Ecclesia Casalensi Episcopo & Comite edita

anno MDCCLVI. Cap. XXVIII. inter alia mandat, *ut in Parochialibus Ecclesiis, in quibus deest Sepulchrum peculiare Ecclesiasticis destinatum, construendum eruent Parochi una cum Clero*. Sed mirum illud videri debet, quod cum generatim Clericis sepeliendis Sepulchrum unum praescribat, rationem affert, quod solos Sacerdotes praescribat: *De decet enim quodammodo Ecclesiasticorum corpora, quae sacro delibata sunt Chrismate, tarmatim, & promiscue cum ceteris Christi-fidelibus sepeliri*. Ceterum tametsi ex hoc nostro §. separata Sacerdotum, ac ceterorum Clericorum Sepulchra statuuntur, ubi fieri potest, atque ita ubi commodum fuerit, attendi nihilominus debent peculiare & in hanc rem propiorum Episcoporum Sanctiones praescriptae in eorum Synodis, vel Ritualibus.

II. Jam vero non modo statutum in variis Ritualibus, ac Synodis fuit, ut Ecclesiasticorum Sepulchra distincta ab iis sint, in quibus laici homines sepeliuntur, verum etiam ut inter laicos ipsos mares & feminae in Sepulchris distinctis humentur, uti in multis Ecclesiis videre est, in quibus etiam puerorum sepulchrum distinctum cernitur. Quem morem sequutus memoratus Episcopus Casalensis citato loco sic inter alia statuit: *In Ecclesia pariter, aut Cimiterio sit locus peculiaris, quo pueri ante septennium a Baptismo morientes tumulto mandentur, nisi familia propriam habuerit Sepulchram*. Quae quidem exceptio non modo locum habet in ceteris laicis, maribus, feminisque, verum etiam in Ecclesiasticis, sacrisque hominibus, qui quidem non in Sepulchris distinctis, verum in suorum majorum gentilitatis condici solent, nisi alio loco sepulturam elegerint, attendi cum semper ea electio debet.

§. XI.

§. XI.

Sacerdos, aut cujusvis Ordinis Clericus defunctus vestibus suis quotidianis communibus usque ad talarem vestem inclusive, tum desuper sacro vestitu Sacerdotali, vel Clericali, quem Ordinis sui ratio deposcit, indui debet; Sacerdos quidem super talarem vestem Amictu, Alba, Cingulo, Manipulo, Stola, & Casula, seu Planeta, violacea sit indutus.

§. XII.

Diaconus vero induatur Amictu, Alba, Cingulo, Manipulo super humerum sinistrum, quæ sub axilla dextra annectatur, & Dalmatica violacea.

§. XIII.

Subdiaconus autem Amictu, Alba, Cingulo, Manipulo, & Tunicella.

§. XIV.

Alii præterea inferiorum Ordinum Clerici Superpelliceo supra vestem talarem ornari debent, singuli prædicti cum tonsura, ac biretis suis.

COMMENTARIUS.

UT Episcopi Pontificalibus, ita Presbyteri, alique Clerici defuncti congruis suis Ordinibus consuevere indui vestibus, ac sepeliri. Extat ea de re egregium Anonymi Turonensis Scriptoris testimonium in suo mss. Speculo Ecclesie apud Martene Lib. III. De antiquis Ecclesie ritibus Cap. XII. num. XI. ubi ita inquit: Clerici ordinati cum illis indumentis, in quibus fuerunt ordinati, debent & sepeliri, & Sacerdos cum illis, cum quibus assistit Altari. Et paulo post: Super pelius vero Sacerdotis debet poni Calix loco sigilli, quicquid sit de Oblata; quod si non habetur stanneus, solum Samius, id est filiculus. Samus enim est Insula, ubi primo facta sunt vasa figula. Episcopus debet habere annulum, quia Sponsus est. Ceteri Sacerdotes non, quia Sponsi non sunt, sed amici Sponsi, vel Vicarii. Item capilli debent Clerico tonderi, corona feri, barba radi. Ita Anonymus ille, quem ait laudatus Martene ad finem XII. Seculi floruisse. Guilielmus Durandus Episcopus Mimatenfis, qui vixit labente Seculo XIII. in suo Divinorum Officiorum Rationali, Lib. V. Cap. XXXV. num. 41. describens ritum suo tempore usitatum, hæc habet: Clerici, si sunt ordinati, illis instrumentis indui sunt, quæ requirunt Ordines, quos habent. Si vero non habent Ordines sacros, more laicorum sepeliuntur. Statimque addit: Verumtamen licet in aliis Ordinibus propter paupertatem hoc sapinus omittatur, in Sacerdote tamen, & Episcopo, nullo modo prætermittendum est.

II. Ad vero item quod in præscriptis Paragraphis Romanum Ritale statuit, servandum edicit, & quidem non semel S. Carolus in Concilio Provinciali Mediolanensi v. l. Cap. inscripto, Quæ ad funera pertinent, sic dicens: Clericus mortuus vestitu Clericali Ecclesiastico, quem Ordinis sui ratio deposcit, indutus effertur. Diaconali, Ecclesiasticoque veste Diaconus, Sacerdotali Sacerdos, Clericus Superpelliceo, tonsuraque ornatu, itidemque alii pro Ordinis Ecclesiastici gradu. Expressiora sunt, quæ de eadem re præscriptit

Tom. I.

in Instructionibus ad funera ducenda, ubi sic inquit: Sacerdos, aut Clericus defunctus vestibus quotidianis communibus usque ad vestem talarem inclusive, tum vestitu Clericali Ecclesiastico, quem Ordinis sui ratio deposcit, indui debet. Sacerdos quidem supra talarem vestem Alba, Cingulo, Amictu, Manipulo, Stola, & Casula, seu Planeta albi coloris induitur. Diaconus Alba, Cingulo, Amictu, Manipulo, Dalmatica, & Stola super humerum sinistrum, quæ sub axilla dextra annectitur. Subdiaconus vero Alba, Cingulo, Amictu, Manipulo, & Tunicella. Alii vero inferiorum Ordinum Clerici Superpelliceo supra vestem talarem, & insuper tonsura ornari debent. Item alii sacro vestitu pro Ordinis, dignitatique Ecclesiæ gradu. Duo sunt, quæ in allata hucusque S. Caroli Instructione, adnotes velim, primum scilicet, Ambrosiano ritu indui Amictum post Albam, cum alias ritu Romano primum Amictus, ac deinde Alba induatur. Alterum est, ritu itidem Ambrosiano Sacerdotem defunctum indui Planeta albi coloris, cum ceteroqui Romano ritu adhibenda sit tunc Planeta violacei coloris, ut ait noster §. XI.

III. Porro nostro Rituali Romano variæ concidunt Synodi, tum Diocesane, tum Provinciales, inter quæ Beneventana Provincialis Synodus XIV. anni MDCCXIII. sub Fr. Vincentio Maria Cardinali Urfino, qui postea fuit Benedictus Papa XIII. Tit. XXV. Cap. XV. ita edixit: In sepeliendis Ecclesiasticorum cadaveribus Ritale Romanum admissum servetur. Inferiorum Ordinum Clerici Superpelliceo supra vestem ornari debent. Subdiaconi Amictu, Alba, Cingulo, Manipulo, & Tunicella violacea. Diaconi Amictu, Alba, Cingulo, Manipulo, Stola super humerum sinistrum, quæ sub axilla dextra annectitur, & Dalmatica violacea. Sacerdos, Amictu, Alba, Cingulo, Manipulo, Stola, & Casula, seu Planeta violacea; singuli prædicti cum tonsura, & biretis suis. Pergit Synodus, recensitque vestes, quibus Episcopus, &

D d d

Ar

Archiepiscopus indui debent: *Episcopus vero Calicis, & Sandalii, Amictus, Alba, Cingulo, Stola, Manipulo, Cruce pectorali, Tunicella, Dalmatica, Chirothecis, Planeta coloris violacei, Annulo, & Mitra simplici, & si fuerit Archiepiscopus Pallio cum spinulis, & super pectus ejus Crux aliqua, quam manibus teneat*. Jam non modo omnes illos efferrī, exponique memoratis indutos vestibus, verum etiam cum eisdem sepeliri debere, statim subjicit Synodus ipsa sic dicens: *Qui omnes cum eisdem ornamentis sepeliri debent, alia omnia, & quæcumque indumenta suspensa eo ipso erant, ad tenorem Constitutionis Arvernenſis (anni DXXXV. Can. vii.) quæ incipit: Ne oportet; in qua ratio suspensionis adducitur, quia nempe sacro velamine nſibus suis rediti, dum honorant corpora, Altaria polluantur*. Vix hodie invenies, qui cum ipsis vestibus sepeliantur; mos enim est, ut plerumque Ecclesiæ Parochiales, Collegiatæque vestes servent soli uti Ecclesiasticorum mortuorum destinatas, ut scilicet ipsis induti esserant, exponanturque, eisdem exuendi, ubi mandandi sunt sepulture, ut prædictis Ecclesiis restituantur.

IV. Consecuisse vel olim alligari Calicem sanctum inter manus defuncti Sacerdotis, præter allatum superius Anonymi Turonensis testimonium, exemplum habemus apud Amalarium Fortunatum, qui ex Beda narrans funus S. Cuthberti, exponit, quomodo vestiri oporteat Sacerdotem defunctum, atque Lib. iv. Cap. xli. *Cuthberti cadaver prius lotum, postmodum caput Sudario circumdatum, vestimento Sacerdotali indutum, Oblatis super pectus sanctum positus, erata sando demum involatam, sepultumque fuisse*. Subdit vero Amalarius, non esse dubitandum, quin hujusmodi ritus in curando funere à Romana Ecclesia in Anglicanam, ubi Cuthbertus obierat, profectus fuerit; ac proinde colligere possumus, hunc ritum collocandi Calicis, & Patenæ super

defuncti pectus (id enim Amalarius Oblata vocat) Romæ, atque alibi jam tum usitatum. Quod confirmatur memorabili exemplo S. Bircini primi Episcopi Dorcestrensis, qui ab Honorio Papa I. Angliam missus obijt circa annum Domini dccc. Ejus deinde corpus, cum ad digniorem locum transferendum esset, aperto sepulchro, inventum est integrum cum duplici Stola, & Infula rubra e panno serico, atque cum Cruce a metallo confecta pectori ejus imposita; denique eum Calice ad nimbilem ejus positum. Præscriptum hunc ritum alligandi Calicem cum Patena inter manus defuncti Sacerdotis reperio in variis Synodis, ac præsertim in Provinciali Beneventana xii. sub Maximiliano de Palumbaria Archiepiscopo, anno MDXCIX. Tit. lxi. *Sacerdotes mortui*, inquit, *eum paramentis Sacerdotalibus effervant, Calice, & Patena super pectus positus, atque eum Alba sepeliantur*. Idem edicū, eisdemque verbis Beneventana Provincialis Synodus xlii. sub Johanne Baptista Foppa anni MDCLVI. Tit. xxiv. num. 16. Quod tamen tandem correxit laudata superius Synodus Beneventana Provincialis sub Fr. Vincentio Maria Card. Ursino anni mccciii. Tit. xxviii. Cap. xviii. in fine, ubi sic habet: *Calix ergo in Sacerdotum defunctorum manibus, & alia sacra juxta illos non opponantur, sed præscriptis ab Ecclesiæ ritus executioni demandentur*. Porro tamen nulla fuit in hoc nostro §. mentio alligandi defuncti Sacerdotis manibus Calicem, quinimmo id etiam fieri Sacra Rituum Congregationis Decreto vetitum sit, vidi nihilominus, & alibi, & Romæ mortuos non paucos Sacerdotes Calicem manibus teneutes, præsertim vero Societatis Jesu Presbyteros. Quod tamen est contra nostri hujus §. præscriptum, & merito à Sarnellio Episcopo Vigiliensi improbatum Tomo I. Epistolæ Ecclesiasticarum, Epistola xxxiii. in fine, atque ab aliis Scriptoris recentioribus.

§. XV.

Nullum porro cadaver perpetuæ sepulture traditum ex ulla cujusvis Ordinis Ecclesia asportari liceat, nisi de licentia Ordinarii.

COMMENTARIUS.

NE cuiquam ex ulla cujusvis Ordinis Ecclesia mortui cadaver perpetuæ sepulture traditum asportari liceat, nisi facultate ab Episcopo impetrata, eaque literis nominatim exarata, statuit inter alias Provincialis v. Mediolanensis Synodus S. Caroli, Constitutionum Parte II. Cap. *De Funeribus, & Exequiis*. Eam facultatem gratis à Cancellario tradendam, edixit jam etiam S. Carolus in Provinciali v. Synodo Mediolanensi, Cap. *De Cancellario, & Notariis*. Ceterum quod sine Episcopi licentia cadavera perpetuæ sepulture tradita, inde asportari nequeant, probari posset vel ex ipso Jure Civili, quo cautum fuit, ossa seu reliquias defunctorum non posse transferri sine Decreto Pontificum, seu jussu Principis, L. *Ossa, ff. de Religiosis &c.* l. iii. §. *Non perpetua, De Sepulchro violato*. Quo spectat veteris monumenti inscriptio, quæ legitur apud Josephum Scaligerum, Lib. I. *Ausoniar. l. cition.* Cap. xli. *Re-*

lignia trajella ex permissu Collegii Pontificum pianto facta. Teste Lampridio, Commodi cadaver jam sepultum erui iussit Cingius Severus Pontifex non sine Collegio Pontificum: *Cingius Severus dixit: Injiste sepulchrum est; quia Pontifex deo; hoc Collegium Pontificum dicit*. Si hæc inter Gentiles, non deterior debuit esse Sacerdotii ratio inter Christianos, qui verum Numen, verum, & proprium habent Sacerdotium, ut scite observat eruditissimus Altaferra, Lib. vi. *De jurisdictione Ecclesiastica*, Cap. xlii. Tollendus autem ille esset abusus exigendæ scilicet pecuniæ ubi transferendum esset Superiorum permissu cadaver, cujus mentionem facit tanquam vel nostro hoc ævo grassantis religiosissimi Lupus Tomo iv. Operum Editionis Ventæ in secunda Proximali Dissertatione, *De Simonia crimine, & variis ad ipsum spectantibus*, Cap. xii. ubi sic inter alia scribit: *Ac vero hodie apud nos Christianos siquis peregre moriens sepeliri velit in Patria ejus*

ejus cadaver loco moveri, aut transferri non sinitur, nisi fugalis, per quarum territoria transevit, Parochialibus Ecclesiis perfolverit sua jura. Additque mox: Ea de causa quandoque videmus cadavera arreslar; ejus consuetudinis iustitiam non video asque huc, & capio edoceri. Porro invaluisset alicubi abusus, ut pro cadaveris translatione de uno in alium locum vestigal, seu gabella solveretur, quod tamen solvi non debere declaravit Sacra Romana Immunitatis Congregatio in una Firmana die x. Junii MDCXIII, etiam si fiat cadaveris translatio de una in aliam Civitatem, sive de Villa ad Urbem, ut post Riccium in sua Synopsi, verbo, cadaver, tradit ad hunc nostrum §. Barrufaldus, num. 133.

II. Sed ut magis magisque hanc nostrum §. enucleemus, ex ipsius quidem præscripto, *anquam cadaver perpetua sepultura traditum ex nulla ejusmodi Ordinis Ecclesiæ asportari licet, nisi de licentia Ordinarii.* Ex quo docemur, licite fieri translationem, ubi sepultura traditum esset cadaver, non perpetua, sed per modum depositi, ut fieri solet de cadaveribus illustrium personarum. Rursus limitandum est quod ait noster §. ubi

expurganda essent sepulchra, & asportanda ossa vel ad publicum Cæmeterium, vel ad illud Ecclesiæ propriæ; itemque si per errorem aliquod cadaver humatum esset in sepulchro non proprio, ut in sepulchrum ei conveniens inferretur, non enim his casibus opus esset licentia Episcopi. Cæterum quod necessaria sit ipsa Episcopi facultas pro exhumatione, seu translatione cadaveris, ut secularis Judex corpus in eo delicti, ut ajunt, recognoscat, docent plerique Auctores citati a Barrufaldo ibidem, ubi etiam num. 39. Decretum Sacre Congregationis Immunitatis recenset in Maceraten. die 21. mensis Augusti anni MDCXLV. quo edicunt, eam exhumandi facultatem tradi ab Episcopo debere, etiam si Ecclesiæ esset Regularium; nec Regulares possent de Jure exhumare cadavera perpetuæ sepulture tradita in suis Ecclesiis absque Episcopi licentia, ut nempe a Curia seculari recognoscantur; quod quidem probat ex alio Decreto Sacre Congregationis negotiis Episcoporum, & Regularium præpositæ die 11. Septembris MDCXIII. & confirmari etiam potest ex §. nostri præscripto, cui Decreta illa consonant.

§. XVI.

Laici cadaver, quolibet generis, aut dignitatis titulo præditus ille fuerit, Clerici non deferant, sed laici.

COMMENTARIUS.

I. **N**ihil ad explicandum hunc præsentem §. afferri luculentius potest, quam id quod in sua Provinciali Mediolanensi vi. Synodo statuit S. Carolus, Capite inscripto, *Quæ ad sacra pertinent, ubi sic inter alia inquit: Mortuorum quovis etiam generis gradus, dignitativæ nomine illustrem laicum Ecclesiasticum hominem ne afferant, ne item inferioris Ordinis Clericum qui in superiori Ordine constituti sunt. At vero Subdiaconum Subdiaconum, Diaconum Diaconum, & sic in ordine ceteri; nisi necessitas aliquando suadet, digniores ab inferioris Ordinis dominibus offerri.* Tum paulo post: *Laicum autem, laicali ordinis hominem; quod officium etiam qui laici pia alieni Confratris adscripti sunt, præstare poterant.* Similia his Decreta legere est in aliis Synodis; dedecet enim quammaxime, ut Viri Ecclesiastici defunctos laicos quantalibet dignitate præstantes efferrent. Hinc cum anno mcccxciii. Romæ cadaver Dominici Mari nobilis Januensis supeliendum esset in Ecclesia S. Marie in Araceli portatum fuit per servitores, & domestici facti, quia Fratres Araceli voluerunt illum portare,

asserentes, se non esse faciebino, & Cardinales duntaxat portare. Ut ait in suo mss. Diario Borcardus apud Casimirem in Memariis historicis Ecclesiæ, & Cænobii Aracelitani, pag. 395. ubi etiam funus ipsam describit.

II. Jam vero non desunt antiqua exempla, quibus docemur, vel ipsas feminas, pias tamen, ac sanctimonia præstantes delatas ad Ecclesiam, humeris Pontificum, teste S. Hieronymo in Epitaphio Paulæ his verbis: *Translatæque Episcoporum manibus, & eervicem feretro subjicientibus, eam alii Pontifices lampades, cereosque præferrent, alii choros psallentium ducerent, in media Ecclesiæ spelunca Salvatoris est posita.* Afferri & alia possent id genus exempla, sed standum nostro hujus Romani Ritualis præscripto, quod complures Episcoporum Synodi confirmant, inter quas Hispaniensis Provincialis Synodus celebrata anno mxxii. Cap. xxv. ita statuit: *Item mandamus, ut Sacerdotes non gerant super humeris suis corpus defuncti, qui non sit Sacerdos, excepto tempore tanta necessitatis, ut non reperiatr commode qui illud deferat ad sepulchrum.*

§. XVII.

Corpora defunctorum in Ecclesia ponenda sunt pedibus versus Altare majus, vel si con-
duntur in Oratoriis, aut Cappellis, ponantur cum pedibus versus ad illarum Altaria, quod etiam pro situ, & loco fiat in sepulchro. Presbyteri vero habeant caput versus Altare.

COMMENTARIUS.

I. **F**attor equidem, in nullo antiquo Rituali, Concilioque, me invenisse statutum, quod in hoc §. præscribitur, ut nempe

Tom. I.

corpora defunctorum, laicorum scilicet, in Ecclesia ponenda sint pedibus versus Altare, Presbyteri vero caput versus Altare habeant; non dubi-

D d d 2

to

to tamen, quia antiquus sit huiusmodi ritus, cuius inter alios meminit Papalium caeremoniarum Magister Burchardus in suo mss. Diario apud Casimirus in *Memoria historica Ecclesiae*, & *Cenobii Araemilitani*, pag. 396. & seq. ubi describens sumus Nicolai Conradi de Comitibus electi Compiani Archiepiscopi, qui obiit Romae anno Christi MCDXCIV. die xx. Septembris, & sepultus fuit in praedicto Cenobio, sic inter alia inquit: *Ascendimus per viam planiorem, videlicet ante Capitolium, & intravimus per portam lateralem Araceli. Guardianus locavit se versus portam, & Crux versus Chorum voluit immutari, afferens, sic apud eos esse consuetum. Ego nihilominus fieri feci, quod feretrum poneretur more consueti, videlicet pedes versus portam, & caput versus Altare majus. Sed nec defuit exempla, quae nos edocent, Saeculo xvi. etiam laici defunctos positos fuisse in Ecclesia pedibus versus portam, caput vero versus Altare. Testatur id quidem Martinellus Cefenas apud laudatum Casimirus, pag. 401. ubi agitur de funere Magnifici Domini Joannis Georgii de Cefarinis, qui obiit anno MDXXXII. die 15. Martii, in eadem Araceliana Ecclesia celebrato: *In Ecclesia postquam venerunt, corpus in media Ecclesia, caput versus Altare, pedes versus portam* &c.*

II. Sed omisissis variis exemplis, quae hinc inde afferri possent, standum est hodie Rituali Romano, ubi in hoc §. mandat, ut corpora defunctorum in Ecclesia ponenda sint pedibus versus Altare majus, vel si conducuntur in Oratoriis, aut Capellis, ponantur eum pedibus versus ad illam Altaria, quod etiam pro ritu, & loco fiat in sepulchro. Ratio est, quia, sicut inter alios notat

ad hunc §. Barrufaldus, pedes hominis sunt, qui praecedunt, dum intrat Ecclesia, ita pedes semper primi esse debent versus Altare, ut nempe facies Altare aspiciat. Quae quidem regula fallit in Sacerdote, mandante eodem hoc nostro §. ut *Presbyteri habeant caput versus Altare*. Illorum sane cadavera postquam intraverint Ecclesiam, caput vertunt ad Altare ex privilegio dignitatis Sacerdotalis, per quod fit etiam, ut dum ad Altare celebrant, faciem vertant versus populum, & terga Altari, etiam si in tabernaculo ibi extante elaudatur Eucharistia; quos enim salutamus, ad eam faciem vertimus; quod quidem cum non faciant alii Ministri Altaria, ideo solis Presbyteris vita funeralis concessum est poni in Ecclesia cum facie versa ad Altare, non vero alia Clericis etiam in Subdiaconatus, vel Diaconatus Ordine constituti sint.

III. Quod sit in Ecclesia pro Exequiis, idem faciendum esse in sepulchro, admonet hic idem §. noster, ut nempe ea etiam distinctio in sepulchro servetur, scilicet *pro ritu, & loco*. Extant enim in aliquibus Ecclesiis sepulchra inverso ordine constructa, in quibus non ita facile condi possunt cadavera juxta ritum praescriptum, ut idem Barrufaldus observat. Ceterum teste Durando Libro vii. Divinorum Officiorum, Capite xxxv. num. 39. *debet quis sepeliri, ut capite ad Occidentem posito pedes dirigat ad Orientem, in quo quasi ipsa positio orat, & innuit, quod promptus est, ut de caesa festinet ad ortum* &c. Cadavera tandem ex antiquo ritu supina in sepulchro locantur, quia scilicet a Deo homini caput erectum datum fuit, ut ecclesia intueatur, contempleturque.

§. XVIII.

Ceterum nemo Christianus in communione Fidelium defunctus, extra Ecclesiam, ac Coemeterium rite benedictum sepeliri debet. Sed si necessitas cogat, ex aliquo eventu aliquando ad tempus aliter fieri, curetur, ut, quatenus fieri poterit, corpus in locum sacrum quamprimum transferatur, & interim semper Crux capiti illius apponi debet, illum in Christo quiescisse.

COMMENTARIUS.

I. **N**eminem Christianum in communione Fidelium defunctum, extra Ecclesiam, ac Coemeterium rite benedictum, sepeliri debere, antiquissima est Ecclesiae disciplina, quam passim Patres, Synodi, ac Rituales Codices probant, ut constat ex iis, quae jam nos superius attulimus. Ratio est, tum quia Sepulturae in loca sacra institutae sunt in honorem Fidelium, ut qui pie vixerant in fide Christi, & Ecclesiae, etiam in morte ab Ecclesia excipiantur; tum etiam quia grave damnum censetur defuncto inferri, privare illum commodis, & fructibus, qui percipiuntur ex Sepultura in loco sacro, & benedicto, quos ex S. Augustino in Libro, *De cura pro mortuis*, recensent passim Scriptores, & inter alios Paulus Maria Quartus, in Tractatu, *De benedictionibus*, Titulo II. Sectione xi. Praeludium 11. Cum autem corpora Fidelium defunctorum, qui in communione Ecclesiae obierunt, Lege Ecclesiastica, & sub gravi praecocepto sepeliri debeant in loco sacro, peccaret certe graviter, qui aliquem pie defunctum sepeliret in loco profano, seclusa

gravi, & urgente necessitate, ut ait hic noster §. qui tamen expresse edicit, ut si necessitas cogat, ex aliquo eventu aliquando aliter fieri, curetur, ut, quatenus fieri poterit, corpus in locum sacrum, quamprimum transferatur; & interim semper Crux capiti illius apponi debet, ad significandum, illum in Christo quiescisse. Esse hunc antiquum morem, ut in quocunque loco extra Coemeterium Christiani sepeliatur, semper Crux capiti illius apponi debeat, ad notandum, illum Christianum fuisse, & quia hoc signum diaboli vultu recusetur, & timeat accedere ad locum Crucis signaculo insignitus, notavit jam Durandus Lib. vii. Rationalis Divinorum Officiorum, Cap. xxxv. numero 4. & ante illum Joannes Beletius in explicatione Divinorum Officiorum, Cap. clix. ubi etiam varios casus recenset circa mortuos in loca, quibus non posset praesentanea dari sepultura: *Proinde si quis interficiatur in obsequio, vel aliquo tumultu, nec posset habere Coemeterium, sepeliatur ipsum, ubi possunt. Si vero aliquis moriatur in mari, & terra fuerit vicina, navigent il-*

illne, ipsamque ibi sepeliunt, Sed si procul a terra versuerint, videantque in medi mari insulam, versant eo vela, & sepeliatur in insula. Verum si terram penitus non videant, paretur ipsi domuscula quadam ex lignis, si possit haberi, & projiciatur in mare. Tum vero mox subiecit, ob rationes superius ex Durando explicatas, quandoque sepelitur Christianus, vel quocumque etiam loco, Cruce capiti ejus apponi debere. Cæterum aliquando mortuis Cruces, vel appendas fuisse, vel manibus insertas, ex Prato Sophronii refert Gretserus Tomo 1. De Cruce, Lib. II. Capitale xv. in fine; factumque id esse ait Lib. II. De

Funere Christiano, Cap. xiii. ut testarentur beneficium per Lignum Sanctæ Crucis accepta, quæ S. Chrysostomus in Homilia xvi. in Genesim pulchre ostendit, conferens inter se lignum, seu arborem Scientiæ boni, æ mali, & Lignum Crucis: Nam lignum illud, inquit, mortem introduxit, sed illud immortalitatem dedit; illud a Paradiso ejecit, illud in Cælos nos reduxit; illud propter unam transgressionem tanti supplicii reum Adam effecit, illud nos plurimis peccatorum sarcinis exoneravit, fidetiamque ad Dominum nobis concessit. Sed id genus testimonia jam plura legere est apud alios Patres.

CAPUT II.

Quibus non licet dari Ecclesiasticam Sepulturam.

§. I.

Ignorare non debet Parochus, qui ab Ecclesiastica Sepultura ipso jure sunt excludendi, ne quinquam ad illam contra Sacrorum Canonum Decreta unquam admittat.

COMMENTARIUS.

I. Quum Jure communi inspecto Parochi sint Sepulturarum, ac Funeralium Parochianorum suorum ordinarii Ministri, uti passim Canonici Juris Interpretes docent; hinc merito Rituale hoc nostrum Romanum, sicut & alia variarum Ecclesiarum Ritualia, atque Episcoporum Concilia, ubi de Sepulturis, ac Funeralibus agunt, ad solos fere Parochos tanquam Ministros ordinarios sua Decreta dirigunt, eosque monent, & instituunt, quid age-

re, & quid cavere in his debeant. Recte itaque ait hic noster §. ignorandum minime esse Parocho, qui ab Ecclesiastica Sepultura ipso jure sunt excludendi; eamque mox rationem subjicit, ne quinquam ad illam contra Sacrorum Canonum Decreta unquam admittant. Quinam vero excludendi sint ab ipsa Ecclesiastica Sepultura, ex sequentibus Paragraphis, & ex nostris ad ipsos Commentariis licet addicere, atque ex variis Autoribus, qui eam rem latius tractarunt.

§. II.

Negatur igitur Ecclesiastica Sepultura Paganis, Judæis, & omnibus infidelibus, hæreticis, & eorum fautoribus, apostatis a Christiana Fide, schismaticis, & publicis excommunicatis majori excommunicatione, Interdictis nominatim, & iis, qui sunt in loco interdicto, eo durante.

COMMENTARIUS.

I. Illud jam primo notandum est, nulli Ecclesiam inhumationem negare, nisi Ecclesiasticam, solumque vetuisse, quorundam corpora in loco religioso, & sacro, aut ritu Ecclesiastico sepeliri. Denegatur porro Ecclesiastica Sepultura, ut ait hic noster §. Paganis, Judæis, & omnibus infidelibus, hæreticis, & eorum fautoribus, apostatis a Christiana Fide, schismaticis &c. Hanc esse veterem Ecclesiæ disciplinam ad nostra usque tempora servatam, constat ex variis Conciliorum Canonibus in Corpus Canonici Juris relatis, ex Canone xxv. & seq. De consecratione, Distinctione 1. Ecclesiam, inquit, in qua Paganus sepultus est, non liceat consecrare, neque Missas in ea celebrare, sed solitare formis, & mandare oportet. Atque hic est laudatus Canon xxv. Sequens vero Canonis verba hæc sunt: Ecclesiam, in qua mortuorum eadem infidelium sepeliuntur, sanctificare non licet; sed si opta videtur ad consecrandam, inde etiam corporibus, & rasis parietibus, vel tignis

ejus loci, readificetur; sed si hæc consecrata ante fuerit, Missas in ea celebrare licet, tamen si Fideles fuerint, qui in ea sepulti sunt. Similia legere est in variis Synodis, æ Ritualibus, quorum loca passim describunt, qui res Theologicas, & Rituales tractarunt. Non omittendus tamen de ea re S. Caroli locus in suis ad funera ducenda instructionibus, in quibus expresse iuter alia mandavit, negandam Ecclesiasticam Sepulturam Paganis, Judæis, & hæreticis; si nimirum, ut tales sint publice convicti, & denunciati, aut publice professionem hæreseos, & ab Ecclesia recessum profiteantur, ut notat Vaneffen Par. II. Tit. xxxviii. Cap. vi. num. xvii.

II. Quom vero generaliter ab Ecclesiastica Sepultura lectus habiti jampridem fuerint, qui ab unitate Ecclesiæ segregati usque ad mortem manserunt, & in hæc segregatione defuncti sunt, ut ait Innocentius Papa III. in Cap. Sacris xii. De Sepulturis, hinc excommunicatis, quibus communicare non possumus in vivis, a Sepultura Ec.

Ecclesiastica sunt excludendi, quemadmodum respondit laudatus Pontifex. Quod quidem confirmatur ex Capite vi. *De privilegiis*, in prima Decretalium collectione, cujus fragmentum extat in Cap. v. Tit. eodem, ubi scribit Cantuariensi Archiepiscopo Alexander III. se intellexisse, quod *Hospitalarii nominati excommunicati contra prohibitionem Episcoporum Ecclesiastica presunt tradere Sepultura; non cogitantes, ait, quoniam grave sit eis in morte communicare, quos, dum viverent, Ecclesia a sua sine pro suis excessibus segregavit*. Deinde subdit, hujusmodi presumptionem, & temeritatem nullatenus esse tolerandam.

III. Rursus Ritale Romanum in hoc §. inter excludendos ab Ecclesiastica Sepultura numerat *publicos excommunicatos* majori excommunicatione. Eosdem passim omnia Ritualia, & complura Concilia a Sepultura Ecclesiastica excludendos esse notant. Additque Glossa in Cap. *Literas*, *De restitutione spoliatarum*, & S. Carolus in laudatis suis Instructionibus, ei potius subijci excommunicatos majori excommunicatione etiam injuste. Pastorale Mechlinense, ut observat Vancspen loco citato, num. xv. inter repellendos a Sepultura Ecclesiastica etiam reponit excommunicatum, sed addit *publice denunciatum*: *Nullus, inquit, excommunicatus, & publice denunciatus sacra Sepultura est habendus*. Et

sane, ut verbis utar ejusdem Vancspen, quem juxta extravagantem Martini V. nullus publice excommunicatus, nisi sit denunciatus, si publicus Clericorum percussor excoipias, sit in vivis vitandus, ut est communis Doctorum sententia, non apparet, quare post mortem communicari cum hisce nequeat. Ceterum quod sepefcentes excommunicatos excommunicatione majori, sint ipso facto excommunicati, habetur in Clementina 1. *De Sepulturis*, quam citat Sacerdotale Romanum Vencilis impressum anno MDLXVII. Capite xxii. in scripto, *Quibus personis denegatur Sepultura Ecclesiastica*, pag. 147. ubi etiam ait, excludendos esse ab ipsa Ecclesiastica Sepultura excommunicatos minori excommunicatione, *si notorie excommunicati sint*.

IV. Variis omnibus questionibus, quæ inordinationem excommunicatorum spectant, eadem ratione, qua excommunicati excluduntur a Sepultura Ecclesiastica, exclusi etiam sunt ex præscripto nostri Ritualis, & complurium Conciliorum, *Interdicti nominati, & ii, qui sunt in loco interdicto, eo durante*. His concinit quæ præscribit in suis memoratis Instructionibus S. Carolus, ubi ita ait: *Interdicti nominati, & contrasacramenti proposita est potius excommunicationis, & durante tempore Interdicti, illis, qui sunt de loco interdicto, atque iis, quibus est interdictus ingressus Ecclesia*.

§. III.

Seipsum occidentibus ob desperationem, vel iracundiam, non tamen si ex insania id accidat, nisi ante mortem dederint signa poenitentiae.

COMMENTARIUS.

I. Inter alios, quibus Ecclesiastica neganda est Sepultura, sunt profecto & ii, qui seipsum occidunt, & quidem ob desperationem, vel iracundiam, non tamen *ex insania id accidat*, ait hic noster §. Effic hanc pervertit Ecclesiæ disciplinam, ut qui sibi voluntarie mortem consciscunt, ab Ecclesiastica Sepultura excludantur, probari possit ex innumeris plane Synodis, ac Ritualibus. Celebre est de hac re Concilii Bracharensis anni DLXIII. Decretum, Canone xvt. *Item placuit, ut qui sibi ipsi, aut per ferrum, aut per venenum, aut per precipitium, aut suspendium, vel quolibet modo violentam inferant mortem, nulla pro illis in oblatione commemoratio fiat, neque eam Psalmis ad Sepulturam eorum cadaverem dedineant; multi enim sibi hoc per ignorantiam usurpaverunt*. Intelligendum esse hunc Canonem, aliosque similes de iis, qui, ut ait hic noster §. occidunt se ob desperationem, vel iracundiam, non tamen *ex insania*; sive, ut notat Provincialis Benvetana Synodus v. i. anni MCCCCLXXIV. sub Hugone II. Guidardo, Capite xliii. & Sacerdotale Ecclesiam Romanæ, loco citato, *ex furore, vel eazu*; & ut plerique etiam docent, servanda pudicitia causa; licet dubitatum aliquando fuerit, an puella quædam, quæ de stupro sollicitata a nobili viro, raptorum imminentium vim fugiens, de ponte in amnem prolapsa, aquis submersa est, tradenda esset Ecclesiastica Sepultura, quasi manus ipsa sibi confivisset, consultus de ea re Innocentius Papa III.

in Cap. *Ex parte xi. De Sepulturis*, respondit, non denegandam ei Sepulturam Ecclesiasticam, cum non ultro se precipitem dederit, sed coacta raptoribus persequentibus, maxime ex honesta causa, nempe ut pudori consuleret; quod quidem est potius genus martyrii, quam suspensus homicidium.

II. Porro celebrantur quædam Virgines, quas Ecclesia colit ut Martyres, quæ morte propria pudicitiam redimerunt, ut Pelagia, quæ cum matre, & sororibus precipitem se dedit in flumen, ne ab irruente milite violaretur; quæque ob præclarum facinus S. Ambrosius, Lib. iii. *De Virginibus*, miris extulit præconiis, & Sanctus Chrysostomus pro Concione laudavit duas Orationibus, quæ extant apud Surium ad diem 12. Junii. Scribit quoque S. Athanasius in sua Apologia, nonnullas Virgines Alexandrinæ, dum grassarentur in eas Ariani, se se in patres precipites egisse. Extantque alia complura hujusmodi exempla, quorum meminit S. Augustinus Lib. 1. *De Civitate Dei*, Cap. xxvi. his verbis: *Quædam, inquam, sancta semine tempore persecutionis, ut insectatores sua pudicitia devitarent, in raptum, atque necaturum se flumen projecerunt, eoque modo desinita sunt, eorumque martyria in Catholica Ecclesia veneratione celeberrima frequentantur*. De his nihil temere audeo judicare. Et hic est ultimus casus, quo virgini licet propria manu se conficere, ubi pudicitia imminet periculum; atque huc facit quod

scribit S. Hieronymus in Jonam, Cap. i. relatus in Canone x. Causa XXI. 11. *Questione v. Non est nostrum mortem arripere, sed illatam ab aliis libenter accipere. Unde & in persecutionibus non licet tibi propria perire manus absque eo, ubi castitas periclitatur sed perentis colla submittere.*

III. Notandum hic tamen velim, quod & ad annum Christi CCCIX. observat Baronius, exempla virginum hucusque allata, quæ servandæ pudicitie gratia meritis sibi iutulerunt, admiranda illa quidem esse, sed non facile imitanda. Nam alias, qui seipsos occidunt tædio, vel desperatione vitæ, seu iracundia, quod gravissimum perpetrent scelus, merito ab Ecclesiastica Sepultura excluduntur, nisi ante mortem dederint signa penitentiae; ut ait hic nosser §. & ut quidam etiam Theologi docuerunt: *Nota tamen secundum quosdam, inquit Sacerdotale Sanctæ Ecclesiæ Romanæ loco superius citato, quod, si ille, qui occidit se ex desperatione, aliquandiu post volens viveret, ita quod eum peniteret, & confiteretur, & ostenderet signa contritionis in-*

morte, tali non est deneganda Ecclesiastica Sepultura, ex quo non decedit in peccato mortali. Cæterum ejus quo opinionis, tunc cum privandum Sepultura loci sacri, ubi constat se ipsum occidisse, & quidem, ut toties dictum est, ob desperationem, vel iracundiam, ne in manus felicitis iudicis, vel hostium incidere, vel tædio vitæ, quod infame aliquod scelus perpetravit, vel ob alias similes causas; nam alias si conjecturæ adiut, quod ab alio fuerit occisus, vel quod ex infania se ipsum occiderit, privati Sepultura Ecclesiastica non debet. Hiuc si repertus occisus spectatæ probitatis fuerit, vel ob antecedentem melancholiam morbum, furori, & amantem eum fuisse obnoxium, Viri prudentes testentur, excludi non debet ab ipsa Ecclesiastica Sepultura, quia in dubio non est præsumendum delictum, præsertim tam atrox, & a natura alienum. Puteum cum non raro accidat, ut quis casu in puteum decidat, ideo in tali dubio defunctus excludi non debet a loco sacro. Atque hæc est communis Scriptorum doctiorum opinio.

§. IV.

Morientibus in duello, etiam si ante obitum dederint signa penitentiae.

COMMENTARIUS.

I. **E**Xtati in Concilio Œcumenico Lateranensi III. Canon xx. adversus torneamenta, quæ species sunt duellorum, quæque a nobis explicata fuisse nostro Tomo III. Commentariorum in Concilio Œcumenico. Eo Canone jam non modo torneamenta vetantur, verum etiam vulneratus in eis, si moritur, ab Ecclesiastica Sepultura excluditur, licet ante mortem penituerit. Torneamentis paria sunt singularia illa certamina, quæ, ut dixi, hodie duella vocantur, de quibus agit Generalis Synodus Tridentina Sessio xxv. Cap. xix. *De reformatione;* statuitque inter alia, ut qui pugnam commiserint, & qui eorum patrini vocantur, excommunicationis, ac omnium bonorum suorum proferptionis, ac perpetua infamiae pœnam incurrant, & ut homicida juxta sacros Canones puniri debeant; & si in ipso confictu decesserint, perpetuo careant Ecclesiastica Sepultura. Hanc pœnam Ritualia passim, & Synodorum Decreta renovant; sed addit tamen in hoc §. Rituale Romanum, denegandam Ecclesiasticam sepulturam morientibus in duello, etiam si ante obitum dederint signa penitentiae. Quam clausulam adiciens Romanum Ritale respixisse videtur ad postrema verba laudati Canonis xx. Concilii III. Œcumenici Lateranensis relati in Cap. i. *De torneamentis*, cujus verba ultima hæc sunt: *Quod si quis eorum ibi mortuus fuerit, quomodo et postea penitentia non negetur, Ecclesiastica tamen careat Sepultura.*

II. Concilii Lateranensis Decretum confirmant postea passim aliæ Synodi, in quibus etiam ea clausula legitur. Synodus v. Provincialis Beneventana anni MCCCLXXIV. Tit. xiv. Cap. xiii. ait negandam Ecclesiasticam Sepulturam & illis, qui in torneamentis moriantur pugnantibus, vel si ibi talis lethale acceperint. Adiditque mox: *Nam quomodo postea supervixerint aliquandiu, licet Penitentia, & Eucharistia eis negari non debent, tamen negabitur Sepultura.*

Ecclesiastica. Sanctus Carolus in suis ad funera duccenda Instructionibus, nonnulla tradit, quæ & hunc nostrum §. quammaxime illustant: *Morientibus in torneamentis* (loquitur de iis, quibus neganda est Sepultura Ecclesiastica) *sive extra torneamentum ob vulnus in eo receptum, etiam si eos peniteat, modo sint de numero eorum, qui in eo dimicabant, vel in eo se exercitibus arma suppeditabant; nam adstantes non comprehenduntur; extenditur tamen hæc pœna ad morientes in hostiliis quando hujusmodi ibi iidem exercentur cum probabili periculo mortis.* Teste Juevino in Opere, *De Sacramentis*, Dissertatione vi. *Questione vii. Cap. iv. Articulo iv. §. i.* Clerus Gallicanus, id est Episcoporum Gallie Conventus post decretam contra monachos excommunicationis sententiam, edixit quidem, ut quotquot mortem post duellum oppeterent, Ecclesiastica Sepultura privarentur, tamen editis penitentiam signis, Sacramentalem Absolutionem consequuti essent; sed tamen quantum ad eos, qui aliquot dies ab inflicto lethali vulnere viverent, & per id temporis eximio probato dolore ad percipiendam Eucharistiam rite dispositi comperirentur, annuit ipsis Ecclesiasticam Sepulturam, sed ea lege, ut ad eorum Exequias nulla pompa funebris, nullus Campanarum clangor, aut alius quispian ritus in Fidelium Funeribus usurpari solitus adhibeatur.

III. Porro pluribus Romanorum Pontificum Constitutionibus, quibus duella severe interdicta sunt, omisiss, non est silentio prætereunda hoc loco novissima de ea re BENEDICTI XIV. Constitutio, quæ incipit, *Detestabilem*, data anno MDCCXLI. per quam innovantur veteres omnes ejus Prædecessorum Constitutiones in detestabilem duellorum abusum, atque insuper damnantur quorundam assertiones, qui, dum rem per se, & ut iniquum, in abstracto discutiebant, amplam nimium viam steruebant & ipsi mono-

machis perpetranda, & illius reis ad effugiendas penas in ipsos statutas. Inter cetera vero in eadem decretum est, recensitas ibidem penas, ipso jure, atque ante omnem Judicis sententiam, a transgressoribus incurrendas, eosque Ecclesiastica Sepultura carere debere, si decedant ex vulnere in duello accepto, quamvis extra locum conflictus occubuerint, obtinuerintque a peccatis simul, & Censuris absolutionem, eo plane modo, quo in citato Lateranensi Concilio cautum fuit, ne in loco sacro tumularentur illi, qui in torneamenti decedebant, licet, antequam extremum vitæ spiritum ederent, non incerta penitentiae signa exhibentes, Absolutionem retulissent, Decedentibus quippe in torneamenti Ecclesiastica Sepultura univèrsim deoegatur; iisque tan-

tammodo ab hac Sanctione eximuntur, qui cum ad statutum torneamenti locum, haud quidem dimicaturi, sed alio consilio accesserint, subito inopinatoque casu ibidem occumbunt; uti constat ex Decretali Epistola Alexandri Papæ III. relata in Capite, *Al audientiam, De torneamenti*, quem etiam recenset BENEDICTUS Papa XIV. Lib. xii. *De Synodo Diocesana, Capite vii.* Num. x. in summa morientibus in duello, etiam si ante obitum dederint signa penitentiae, & iccirco absoluti sint apud Deum, & Sacramentis donentur, privantur nihilominus Ecclesiastica Sepultura, ut alii terreantur, & ab eo detestabili scelere abstineant, eum viderint illos a pia Matre Ecclesia rejici, & in loco, more Paganorum, profano sepeliri.

§. V.

Manifestis, & publicis peccatoribus, qui sine penitentia perierunt.

COMMENTARIUS.

I. **E**xcludendos esse ab Ecclesiastica Sepultura manifestos, & publicos peccatores, qui sine penitentia perierunt, recte edicit hic noster §. nittiturque variis Canonibus, quos recenset Sacerdotale antiquum Ecclesie Romanæ, Cap. xxii. pag. 147. & seq. suntque Canon, *Quibus peccata*, Canon, *Cum gravia*, Canon, *Non astimans*, & Canon, *Pro obauntibus*, Causa xii. Quæstione II. Ex præscripto S. Caroli in Instructionibus ad funera ducenda, denegatur Ecclesiastica Sepultura *cuiuslibet notorio peccatori morienti in peccato mortali absque ulla signo contritionis*. Atque hanc regulam servatam

non semel vidi in iis præsertim, qui in meretricum domibus, cum quibus carnale commercium habebant, subita morte perierunt. Manifestis & publicis peccatoribus addi possunt manifesti raptores, & violatores Ecclesiarum, itemque manifesti usurarii, qui, nisi peniteant, excludendi sunt & ipsi ab Ecclesiastica Sepultura. Sed de his vide quid statuerint Eugenius III. & Gregorius Papa X. ille in Capite II. *De raptoribus &c.* hic vero in Capite II. *De usuris* in vi. Consule etiam S. Carolum in laudatis toties Instructionibus ad funera ducenda, ac doctiores Canonici Juris Interpretes.

§. VI.

Iis, de quibus publice constat, quod semel in anno non susceperunt Sacramenta Confessionis, & Communionis in Pascha, & absque ullo signo contritionis obierunt.

COMMENTARIUS.

I. **M**erito cautum est ex hoc nostro §. ut Ecclesiastica Sepultura denegetur iis, de quibus publice constat, quod semel in anno non susceperunt Sacramenta Confessionis, & Communionis in Pascha, & absque ullo signo contritionis obierunt. Id etiam aperte jam pridem statutum fuerat in Concilio IV. Oecumenico Lateranensi, Canone xxi. relato in Cap. *Omnibus* utriusque sexus, xii. *De penitentibus*, & *remissionibus*, quem nos suse explicamus nostro Tomo III. Commentariorum in Concilia Oecumenica. In ipso quippe Canone in non satisficientem Præcepto Paschalis Communionis ibi præscripto decernitur, ut, *et vivens ab ingressu Ecclesie arceatur, & moriens Christiana carcat Sepultura*. Porro spectant hanc nostrum §. quæ edixit S. Carolus in citatis Instructionibus ad funera ducenda, ubi illos recenset, quibus negatur Ecclesiastica Sepultura: *his*, inquit, *de quibus certum est, & manifestum, quod semel in anno non receperunt Sacramentum penitentiae, vel sanctissima Eucharistia in Pascha sine licentia Confessionis, & absque ullo signo contritionis obierunt*. Si

vero dabitur est, vel occultum, quod non receperint ea Sacramenta, non debet eis denegari Ecclesiastica Sepultura. Ad probandum autem, quod hujusmodi homines aliquod signum contritionis dederint, sufficit unus testis, & heredes teneantur pro eo satisfacere, ut opus est. Ceterum adnotandum hic illud, qui Præceptum Paschale non implevit, si decedat, antequam per Edictum declaretur incursum in penam Interdicti, non esse eum Ecclesiastica Sepultura privandum, sed sepeliendum in loco sacro, quia scilicet non subiacet pœna, donec quis declaretur in eam incursum juxta Responsum Sacræ Congregationis Sanctæ Romanæ Ecclesie Cardinalium negotiis Episcoporum, & Regularium præpositæ datum ad Vicarium Generalem Cajetanum die xiv. Junii MDXCV. nisi intermissio sit notoria, vel addit Statutum Synodale in contrarium, ut decidit eadem Sacra Congregatio in Baren. xv. Decembris MDXCVI. teste Barrufaldo ad hunc nostrum §. num. 54. Sed de hujusmodi Quæstionibus consulendi sunt plane Theologi, & Canonici Juris Interpretes ad laudatum Canonem Lateranensem.

§. VII.

§. VII.

Infantibus mortuis absque Baptismo.

COMMENTARIUS.

INsuper excludendos ab Ecclesiastica sepultura infantes mortuos absque Baptismo, omnia passim Ritualia edicunt. Quod intelligendum est de iis, qui de ventre matris mortui sunt extracti, secus si non sunt extracti, ut docet in laudatis toties Instructionibus ad ducenda funera S. Carolus. Atque hæc est communis sententia, quam etiam lego stabilitam in variis Synodis, ac præsertim in Provinciali vi. Beneventana anni MCCCLXXIV. Tit. xiv. Cap. xvii. his verbis: *De muliere prægravante mortua, cum partu sepeliri debeat, sic dicimus, quod, si pro certo constat partum mortuum, tunc sepeliatur; si autem certum est, partum vivere, tunc mulier scindi debet, & si vivas partus, baptizetur, aliter extra Cæmeterium partus sepeliatur, & mulier intra; & idem quando est dubium. Ceterum teste Vanespem Parte II. Juris Ecclesiastici, Tit. xxxviii. Cap. vi. num. xxvii. volunt Ritualia, ut locus aliquis juxta Cæmeterium iis sepeliendis deputetur; quod & praxis observat. Hæc praxi inhaerens Rituale Parisiense ad Roma-*

*ni formam expressum auctoritate Joannis Francisci de Gondi Parisiensis Archiepiscopi edium anno MDCLIV. Tit. De Exequiis parvulorum, inter alia statuit, ut parvulorum corpora, qui sine Baptismo ex hac vita decesserunt, etiam si ex parentibus baptizati sint geniti, in loco sacro non sint humanda; sed tamen, quantum fieri potest, in loco honesto recondantur, propter humana conditionis, & forma dignitatem; neque eorum sepultura aut Sacerdos interfit, aut preces ulla adhibeantur, cum iis prodesse nullo modo possint. Inter recentiores Episcopos Ignatius ab Ecclesia Episcopos Casalensis, & Comes in sua Casalensis Synodo anni MDCLVI. Cap. xxxviii. quod est, *De sepulturis, statuit plane, ut pueri, qui decesserint e vita ante susceptum Baptismi Sacramentum, condantur, vel prope Ecclesiam, vel juxta Cæmeterium, dummodo locus non sit sacer, nullaque funeris adhibita pompa; nisi fetus e matris viscibus novdum extractus fuerit, quippe tunc una cum matre, cujus pars est, sepeliatur. Atque id etiam statuunt aliae Synodi permultae.**

§. VIII.

Ubi vero in prædictis casibus dubium occurrerit, Ordinarius consulatur.

COMMENTARIUS.

REcce admonet in hoc §. Rituale Romanum, ut, *ubi in prædictis casibus dubium occurrerit, Ordinarius consultatur; ne scilicet in deneganda Ecclesiastica sepultura temere Parochi, alique inferiores Ecclesiastici Presides procedant.* Minuit hoc Romanum Ritualis merito laudat Vanespem Parte II. Juris Ecclesiastici, Tit. xxxviii. Cap. vi. numero xxix. Cum enim raro sine magna turbatione negetur Ecclesiastica sepultura in externa communione Ecclesie defunctis, etiam ipsi Parochi haud faciles esse debent ad negandam suis Parochianis Ecclesiasticam sepulturam, inconsultis prius Superioribus suis.

II. Præter hæc tenus memoratos ab Ecclesiastica sepultura excludendos, jam alii quoque in Corpore Juris Canonici notantur, quales exempli causa sunt, qui Sacerdotem tutorem filius suis instituerint, uti videre est in Canone, *Neque, Distinctione lxxxviii. defuncto ex Epistola Sancti Cypriani lxxvi. data ad Clerum, & plebem Furnis consistentem de Victore, qui Faustinum Presbyterum tutorem filius suis nominavit; itemque Monachi, qui proprium in morte non resignant; nam ex pervertuta Ecclesie disciplina jam alias a nobis fusius explicata Clemens Papa III. in Capite, Super quodam iv. De statu Monachorum, discrete statuit, hujusmodi Monachum non debere in Cæmeterio sepeliri, & si de facto sepultus fuit, debere inde exhumari, si sine maximo scandalo fieri potest.*

III. Quid autem agendum, si corpus alicuius.

jus, cui denegatur Ecclesiastica sepultura, sepeliri contigerit per violentiam aliquarum, vel alio casu in Cæmeterio Ecclesiastico, docet nos Innocentius Papa III. in Cap. Sacris xxi. *De sepulturis, exhumandum corpus illud, & procul ab Ecclesiastica sepultura jactandum, si scilicet ab aliorum corporibus discerni possit; nam alias censet, non expedire, ut cum excommunicatorum ossibus corpora extomulentur Fidelium.* Subditque mox celebrem hanc rationem: *Cum licet non ob sit iusta sepultura nulla, vel vilis, impiis tamen celebris, vel pretiosa non profit.* Similia leguntur in variis Synodis, & Ritualibus, ac præsertim in veteri Sacerdotali Romano Ecclesie, & in Sancti Caroli Instructionibus ad funera ducenda, ubi sic inquit in hujus Capituli fine: *Siquis autem prædictorum in loco sacro fuerit sepultus, si discerni potest, exhumandus est, alius non; & Ecclesia, vel Cæmeterium est reconciliandum; & quidem, ut ait in Cap. Consulisti vii. De consecratione Ecclesie, vel Altaris, Innocentius III. aspergisse Aqua solemniter benedicta, sicut in Dedicationalibus Ecclesiarum fieri consuevit. Quæ verba exponit Beneventana Provincialis vi. Synodus anni CCCLXXIV. Tit. xiv. Cap. xiv. ubi sic habet. Et quousque Cæmeterium, vel Ecclesia reconciliatur, vel reconciliata fuerit aspergisse Aqua per Episcopum benedicta solemniter, non sepeliantur in eis corpora defunctorum.*

IV. Esse vero antiquum ritum, ut ii, quibus vetita est Ecclesiastica sepultura, si in loco sacro humati fuerint, & discerni possint, inde extrahi

E e e

de-

Tom. I.

debeant, exemplum refert Altaferri Lib. vi. De *jurisdictione Ecclesiastica*, Cap. xiii. ex Rogerio Hovedeno in Richardo i. ad annum MCXCI. ubi refert, Hugonem Lincolnensem Episcopum, cum peragrans Diocesim, in quopiam Monasterio observasset tumulum pallio serico velatum, lampadibus, & fucibus accensis illotrem, & audisset, esse tumulum Rosinunde, quæ fuerat concubina Henrici II. Regis Anglorum, deieci iussisse, & extra Ecclesiam locari: *Eodem anno Hugo Lincolnensis Episcopus faciens visitationes suas per domos Ecclesiarum religionum in sua Diocesi, venit ad Abbatiam Sanctimonialium de Godeshole, quæ est inter Oxaniam, & Wodesloe; & cum intrasset Ecclesiam, ut oraret, vidit tumbam in medio ante Altare serieis pannis velatam, &*

lampadibus, & cereis circumdatam, & quæsit, cujus esset tumba; & dictum est ei, illam esse tumbam Rosinunde, quæ quondam extiterat amica Henrici Regis Anglie filii Matildis Imperatricis, & quod ipse pro amore illius multa bona Ecclesie illi fecerat; & respondit Episcopus: Tollite eam bine, & sepelite eam extra Ecclesiam cum ceteris, ne Christiana Religio vilescat &c. Sed forte non excludit eam Episcopus ab Ecclesiastica sepultura in loco sacro, scilicet in Cæmeterio, ubi alia Fidelium corpora requiescebant, sed ab Ecclesia, ubi velati Sancta colebatur. Quicquid sit, vel ex hoc facto probat laudatus Altaferri citato loco, cognitionem de funeribus, monumentis, & mortuariis pertinere ad Episcopum, & ad Judicem Ecclesiasticum.

C A P U T III.

Exequiarum Ordo.

§. I.

Constituto tempore, quo corpus ad Ecclesiam deferendum est, convocetur Clerus, & alii, qui funeri interesse debent, & in Parochialem, vel in aliam Ecclesiam, juxta loci consuetudinem, ordine convenient, ac datis certis Campanæ signis, eo modo, & ritu, quo in eo loco fieri solet, Parochus indurus Superpelliceo, & Stola nigra, vel etiam Pluviali ejusdem coloris, Clerico præferente Crucem, & alio Aquam benedictam, ad domum defuncti una cum aliis procedit; & distribuuntur cerei, & accenduntur intorcia; mox ordinatur Processio, præcedentibus Laicorum Confratritatibus, si adint; tum sequitur Clerus Regularis, & Sæcularis per ordinem, binique procedunt, prælata Cruce, devote Psalmos, ut infra, decantantes, Parocho præcedente feretrum cum luminibus; inde sequuntur alii funus comitantes, & pro defuncto. Dum rite deprecantes sub silentio.

COMMENTARIUS.

Sepeliendi ritus solennes ab ipso Ecclesiæ exordio in usu fuisse, jam non uno in loco superius ex Sanctis Patribus ostendi. Inter alios sepulturae honores principem locum tenet Processio, quæ defunctus ad Ecclesiam deferret. Eam antiquam esse in Ecclesia, ab antiquis Patribus addicere licet, qui hujusmodi Processiones recensent. Meminit hujus ritus S. Hieronymus, de funere Paulæ, alinarumque Matronarum differens, & ut alios omittam S. Gregorius Nazianzenus in laudem Basilii, sic inquit: *Efferebatur Vir Sanctus Sanctorum manibus exaltatus; atque omnes operam dabant, partim ut fimbriam arripere, partim ut umbram, partim ut feretrum, quo Sanctus portabatur, vel solum attraherent (quod enim corpore illo sanctum, ac parvum?) partim ut propius ad eos, qui corpus ferebant, accederent, partim ut aspectu solo fruerentur tanquam eo quoque utilitatis aliquid afferente. Plena erant foris, porticus, dislega, & tristitia hominum illam deducentium, præcursum, sequentium, assistantium, seseque iocivem conculcantium, multa millia hominum omnis generis, & ætatis ante eam diem incognita &c.*

II. Multa fœnebrum Processionum exempla recenset Gretserus Lib. i. *De sacris Processionibus*, Cap. xxi. fuisse ipsas in ordinem, & certa agmina dispositas, planum nobis facit Nyssen in Vita S. Macrinæ: *Consistentem populum, inquit, in genera distribuens, mulierumque mul-*

*tudinem admiscens Virginum Choro, Virorum autem turbam adseribens Monachorum catui, unum quemdam studiis utriusque aptum, concinnumque tanquam in Psalmos concentum congressu, ex communi omnium concentu apte conjunctum ordinem constituere. Quis est iste apte connexus ordo, nisi Processio? ut verbis Gretseri utar, Lib. ii. *De Funere Christiani* Cap. i. Vi- de & ordinatam in funere Paulæ Matronæ Romanæ Processionem, quam describit in ejus Epitaphio S. Hieronymus: *Translataque, inquit, Episcoporum manibus, & cervicem feretro subicientibus, cum alii Pontifices lampades, cereosque præferrent, alii eboreis psallentium ducerent, in media Ecclesia spelunca Salvatoris est posita.**

III. At vero quamvis funus comitantium ordinata Processio esset, sæpe tamen eveniebat, ut nihilominus innumera spectatorum turba omnes vias, per quas funus ducebatur, compleret, itant ordo vix fervari posset. Constat id quidem ex testimonio S. Gregorii Nazianzeni superius relato, ubi agit de funere S. Basilii, & ex iis, quæ narrat Nyssen, de laudatæ S. Macrinæ funere tractans: *Sensum prædebat, cum & qui præibant, pedetentim incederent, & nos item gradatim sequeremur. Etiam cum frequens populus feretrum circumstaret, nec tam mirabili, & sacro spelunca posset expleri, non erat facile nobis iter facere. Cæterum quod ipsa olim Processio funebri perageretur cum cantu, & psalmodia se-*

ferentium Crucis Vexilla, & Sanctorum Reliquias, cum candelabris, & armatibus, docet nos Auctor vite S. Huberti Episcopi Leodiensis, qui obiit anno DCCXXXI. apud Sarum ad diem 111. Novembris: *Plebis multitudine cum reverendo habita obviam sanctis processere exequiis, ferentes Crucis Vexilla, Sanctorumque patrocinia, idest Reliquias, necnon candelabra lumine radiantia, sed & aromata in tymiantheriis redolentia, psallentesque que moris est talibus Officiis decantari carmina.* Una cum psallentium turmis lumina, adhibita, ac tymianmata, variasque Cruces delatas in huiusmodi sanctorum Processione, docet nos S. Gregorius Turonensis, qui claruit sexto Sæculo, in Libro, *De Vita Patrum*, Cap. XIV. ubi de S. Lupicino recluso sic habet: *Rapuit Matrona quoddam Corpus, & ferre cepit in feretro ad Vincum Transilacensum, dispersis in itinere psallentium turmis, cum Crucibus, cereis, atque odore fragrantis tymiantheriis.* Sacerdotes præsertim cereus gestantes, & Hymnos, Psalmosque canentes huiusmodi Processioni, & Officio funeris adfuisse, per vetusti Ecclesiæ Scriptores testantur, quorum loca plurima legere est apud eruditum Stephanum Duranti, Lib. 1. *De ritibus Ecclesiæ Catholicæ*, Cap. xx. 111.

IV. Ad recentiore præxim quoque attinet, jam non est una omnium locorum consuetudo. Unaqueque enim Ecclesia in Exequiis præsertim celebrandis suas habet peculiare Constitutiones, & ritus. Dicam tamen non pauca, quibus magis magisque hic nosse, & illustrare, afferamque varia Sacrarum Romanarum Congregationum Decreta, & nonnullas Synodorum Constitutiones, quæ defunctorum Exequiis spectant. Ergo ait noster *h. Constitutio tempore, quo corpus ad Ecclesiam deferendum est, convocatur Clerus, & alii qui fieri interesse debent, & in Parochiam, vel in aliam Ecclesiam, juxta loci consuetudinem, ordine conveniant.* Ut funeris ducendi certa hora constitatur, quæ omnes quicumque evocati sunt, conveniant, ut nulla interposita mora ad illud procedatur, statuit quidem S. Carolus in Concilio Provinciali Mediolanensi IV. Constitutionum Parte II. Cap. *De Funeribus, & Exequiis.* Rursus ad evitandam avaritiam, aviditatisque suspensionem statuit ibidem Sanctus Præsul, *ne Parochi, alique Clerici, neque item Exequiarum Curatores, alique quicumque in Funere operam ponant, pignora capiant, quibus sibi caveant de funerali elemosyna, aut de eorum opere in funere præstita mercede.* Idem repetit in suis ad funera ducenda Instructionibus. Est antiquus abusus, quem passim Patres, Canones, ipsæque Leges Civiles damnant etiam in laicis hominibus: uti videre est apud Lupum Tomo 111. in secundæ proximali Dissertatione, *De simonia criminis, & variis ad ipsum spectantibus*, ubi inter alia recenset Novellam Justiniani Imperatoris ad Joannem Orientalem Prætorium Præfectum, rem barbaram de ejusmodi creditoris in moribundum debitorem violentiis, ac de attentatis in ejusdem defuncti cadaver injuriis referentis. Lege S. Ambrosium in Libro, *De Tobia* Cap. x. ubi hanc prædicationem improbam, & ab omni humanitatis sensu alienam consuetudinem vocat non modo, sed & irridet, diciturque.

V. Sed sateri cogimur, notatos fuisse & Parochos ipsos de huiusmodi barbarie, quippe qui, ut narrat Auctor Neapolitanus Opusculi Italice

Tom. I.

inscripti, *Ragioni a pro del Comune della fidelissima Città di Napoli, e de' suoi Casali intorno al seppellire i morti, non semel fuisse retardarunt ob non solutam prius ipsis pecuniam pro Exequiis debitam.* Teste Barbosa, *De officio, & potestate Parochi*, Parte 111. Cap. xxvi. num. 55. Cum Sacra Congregatio innotuisset, per Episcopum Cotronien. ne cuiusdam Leonora Forestæ cadaver occasione juris sepultura humaretur, prohibitum fuisse. Sacra eadem Congregatio prædicto Episcopo per Literas injungi mandavit, ut statim atque easdem receperit, prænominatam cadaver sepultura tradi faciat, cum nulla ratio patiatur, Christianæque pietatis repugnans videatur, maxime vero ob pecuniarum interesse, cadaver insepultum remanere. Addit mox ejusdem Sacræ Congregationis Decretum in Cassanen. v. Maji MDCXVII. quo censuit, nec etiam sub quovis prætextu compositionis quartæ funeralis, sepulturam mortuorum retardari, aut impediri debere. Sed id genus Sacræ Congregationis Concilii Tridentini Interpretum Decreta afferri plurima possent, quibus avaritia non paucorum Parochorum exagitur. Quorum etiam tanta fuit aliquando insolentia, barbarisque, ut occasione dederint Principibus laicis, eorumque Magistratibus de re funeraria, quæ ad jurisdictionem Ecclesiasticam spectat, judicare, taxamque sumptibus facerem præfigere.

VI. At hæc omisiss, de quibus fæse in aliis nostris Operibus, ubi se se dedit occasio, diximus, mandat hic nosse, ut constituto tempore, quo corpus ad Ecclesiam deferendum est, convocetur Clerus, & alii, qui fieri interesse debent, & in Parochiam, vel in aliam Ecclesiam, juxta loci consuetudinem, ordine conveniant. Jam dixi non semel, attendendam præsertim in Exequiis defunctorum peragendis locorum consuetudinem. S. Carolus in Concilio Provinciali Mediolanensi IV. citato Capite, diserte mandat, ut cum mortuus essetendus erit, cuiusvis Ecclesiæ Clerus, qui vocabitur, in unum proximam mortui adibat Ecclesiam, congruo processionis ordine conveniat. Similia legere est in alijs Synodis: sed nihilominus Sacra Rituum Congregatio non semel Decreta sua edidit præscripto hujus nostri 3. conformia; nam teste Barbosa citato loco, num. 63. vocatos omnes ad funus debere convenire ad Parochiam defuncti, censuit laudata Congregatio in Bononiæ. 1x. Decembris MDCXVII. atque in Tropejen. xv. 1. Februarii MDCXXXI. vel ad aliam Ecclesiam juxta loci consuetudinem; & nullo modo permittendam expectari per vias, vel ad domum defuncti, non obstante contraria consuetudine expellendi per vias, vel ad domum defuncti, eadem Sacra Congregatio Rituum censuit in Thelesina XII. Februarii MDCXXXIII. Hinc quod Regulares ipsi vocati ad sepeliendos mortuos in eorum propria Ecclesia, debeant accedere ad illas Ecclesias, ex quibus cadavera amoveantur, & inde cum Clero Seculari discedere, non autem expectare extra januam Ecclesiæ, & aliis fæ postea associare, resolutum fuit a Sacra Congregatione negotiis Episcoporum, & Regularum præposita in Viglevanc. x. 11. 1. Novembris MDC. Regulares enim vocati ad funus convenire debent in Parochiali, aut in alia Ecclesia juxta loci consuetudinem, & nullo modo expectare per vias, aut ire ad domum defuncti, uti jam dictum est, & decidit etiam Sacra Rituum Con-

E e e 2

gre

gregatio in Limana xv. Decembris MDCXXXII, apud laudatum Barboſam, num. 64. & ſeq.

VII. Mandat præterea hic noſter ſ. ut, *datiſ certis Campana ſignis, eo modo, & ritu, quo in eo loco fieri ſolet, Parochus indutus Superpellicea, & Stola nigra, veſtibus Pluviali ejuſdem coloris, Clerico præſente Crucem, & alio Aquam benediſcã, ad domum defuncti una cum aliis procedat.* Tindanabalis, vel Campanis, populum convocari ſolium ad funerem deducitionem, proditiſ Beda Lib. iv. Cap. xxiii, apud Stephanum Duranti Lib. 1. De ritibus Eccleſiæ Catholice, Cap. xxii. num. 12. ubi etiam notat, pulſari Campanas in Exequiis, & juſtis defunctorum, ut excitentur, & præmonentur ne dum neceſſarii, ſed & cæteri cives ad præſtanda officia defunſtis, eorum opem implorantibus, ac ſi dicerent: *Miſereſcimi mei ſaltem vos amici mei.* Mcminit & ejus ritus Gulielmus Durandus in ſuo Rationali Lib. 1. Cap. iv. ubi ait, pulſari debere Campanas aliquo moriente, ut populum hoc audiens oret pro illis, *pro muliere quidem bis, pro viro vero ter.* Si autem Clericus ſit, tot vicibus, quot Ordines habuit ipſe. Addit tum etiam, pulſandas Campanas, quando defunſtus ducitur ad Eccleſiam, & quando ab Eccleſia ad tumulum, deportatur. Campanarum nomine in ſancre, ſeu funeri, vel Exequiarum cauſa, aliquid exigi, accipive, niſi ſiquid eſt, quod Fabricæ, aut Sacriſtæ, pie conſuetudinis Episcopos eſſe conſuevit, vetat in ſuo Provinciali iv. Concilio Mediolanenſi S. Carolus Parte II. *Conſtitutionum*, Cap. De Funeribus, & Exequiis. Cæterum quod pro defunſtis pauperibus non omittatur ritus pulſandi Campanam, & quidem eodem modo, quo pulſari ſolet pro eo, qui pulſationem ipſam ſolvit, cautum lego in Appendice ad Concilium Provinciale xv. Beneventanum ſub Vincentio Maria Cardinali Urſino, qui ſuit poſtea Benedictus XIII. Pontifex Maximus.

VIII. Vocandum primo loco proprium Parochum ad deducendum defuncti ſunus, Synodi paſſim, & Rituales Codices jubent. Ex eiſdem etiam cautum eſt, ac præſcriptum ex Provinciali Synodo Beneventana xiiii. anni MDCLVI. Tit. xxiv. num. 15. ut *nalli liceat Regularium juxta Lateranenſis ſtatuta Concilii* (quinti ſcilicet ſub Leone Papa X.) *pro funere Parochiam cum Cruce intrare, aut cadaver accipere, niſi Parochus præſente, & permittente.* Idem plane jam longe ante ſtatuerat Salernitanus Synodus habita anno MDLXXIX. ſub Marco Antonio Marſilio Colonna, Tit. xxxi. Capite vi. Adhibendum a Parocho in ducendo funere Superpelliceum cum Stola, vel etiam Pluviali nigri coloris, expreſſum etiam habemus in variis Synodis, ac Ritualibus. Quemadmodum vero Parochus ſecularis debet Stolam in propria Parochia, & in Regularium Parochia, dum defuncti corpus in eorum Eccleſia ſepelitur, ita & Parochus Regularis in eodem cauſa, & eodem tempore poterit Stolam deferre non ſolum in propria Parochia, ſed etiam in Parochia defuncti ex Decreto Sacre Rituum Congregationis die ultima Septembris MDCXXVIII. apud Barboſam citato loco, num. 76. quia ſcilicet, ut idem Auctor mox ſubiicit ex alio ejuſdem Congregationis Decreto in Aſculana xxix. Januarii MDCXXIX. Parochus Monachus ita poteſt cum Stola ingredi Parochiam ſecularium, ſicut ſecularis Parochus Monacho-

rum Parochiam ingredi valet. Porro quod cæterorum comitantium ſunus habitum ſpeſtat, mandat S. Carolus in ſua Diocæſana 111. Synodo, Decreto XLIX. ut *animorum Curator, cujus Parochia incolæ ad ſepulchrum eſt efferendus, neminem Clericum etiam Regularium (niſi ſi una cum Collegio ſuo ſit) Superpelliceum latus habens manicas, & veſtem ad talos uſque demiffam non gerentem, funeri intereſſe patiatur.* Laudata, Synodus Salernitana, Cap. II. ſtatuit, ut Clerici omnes tam ſeculares, quam Regulares, non alia veſte, aut habitu ſanus comitentur, quam ea, qua in Choro uti ſolent.

IX. Eſſe quoque antiquum ritum, ut in funeris deducitione Crux præſeratur, maniſeſte conſtat ex allatis ſuperius a nobis veterum monumentis. Ad praxim recentiore quod attinet, mandat in ſuo Concilio Provinciali 1. S. Carolus, Cap. De Funeribus, & Exequiis, ut *ſingularum Cathedralium, Collegiarum, & Parochialium Eccleſiarum Clerici, qui in ſunus venerint, una tantum ſua Eccleſiæ Crux præſeratur, neque alia in funere deferantur, niſi quas ſans quæcumque Clerus ſubſequitur; quod ſi alii quoque Clerici invitati fuerint, ejus Redoris, qui invitavit, Crucem præſequantur.* Jam non deſunt varia Sacre Rituum Congregationis Decreta, ex quibus habetur, in funeralibus deferendam eſſe unicam tantum Crucem illius Eccleſiæ, ad quam corpus transferatur, poſtquam ſequi debent immediate perſonæ illius Eccleſiæ, & deinde cæteri ſecundum antianitatem. Ita plane conſuiſt Sacra ipſa Rituum Congregatio in Narnien. xxx. Septembris MDCXIV. & in Andrien. xxii. Novembris MDCXXI. ad 111. Vide Barboſam loco citato, num. 78. ubi ad eam rem alia referit ejuſdem Sacre Congregationis Decreta, nempe in Baren. Terræ Medagni II. Auguſti anni MDCXXXI. & in Meſſanen. xxi. Februarii anni MDCXXXIII. Sed hæc Decreta ut plurimum ea, aſſeunt loca, pro quibus edita ſunt, nam alias in aliis locis aliter ſervari ſolet. Ceterum deferendum in funerali proceſſione ad domum defuncti vas Aquæ benediſcæ, recte ſtatuit hic noſter ſ. aſpergendus enim cum ea defunſtus eſt ex veteri ritu a Parocho, atqueam eſſeratur, ut ex ſequenti ſ. conſtat.

X. Ubi ventum eſt ad domum defuncti, diſtribuntur cerei, & accendantur intorticia, ait noſter ſ. De cereorum uſu in deducendo funere jam ſatis ſuperque tum alias, tum initio hujus Commentarii diximus. Quibus tandem debeantur cerei, & intorticia in funere adhibita, ſtandum eſt locorum conſuetudini, & Eccleſiarum ſtatutis. Labet tamen hic recensere quæ de hac re in ſuo Provinciali 1. Concilio Mediolanenſi S. Carolus ſtatuerit: *Candela omnes, cerei, & quæ circum Crucem, & cadaver ad Eccleſiam adferantur, & alia, quæ circa ſeretræ, & in Altaribus, ac reliquis in locis dum Divina Officia in funere celebrantur, barem impenſa accendantur, ita Deo oblata eſſe intelliſcantur, ut ejus Eccleſiæ Sacriſtæ, in qua mortui corpus humandum erit, continuo addita ſint.* Romæ ex peculiari ſtatuto eorum medietas proprio Parocho, altera Eccleſiæ ſepelienti acquirunt. Porro pergit in laudato Concilio S. Carolus, exceptis quæ cereos illos, candelaſque, quæ Clericis cujulvis generis elemoſynæ cauſa dari ſolent, & quæ Cathedralibus, & Parochialibus Eccleſiis

ex sacris Canonibus debentur, quibus nihil ob-
est, quo minus quartum funeralium, quæ solita
esset perfolvi, ex Decreto Tridentini Concilii
Sessione xxv, Cap. xix, consequi possint. Quid
autem si mortuorum hæredes ita se impie gesserint,
ut religiosum Exequiarum institutum ne-
glexerint, Cæci, Clerici, & funeri debita lumi-
na adhiberi nolint? Respondet ibidem S. Carolus,
ab Episcopo cogendos ea comparare, quæ
necessaria videbantur; necessaria inquit, non
superflua, & quæ scilicet pro facultatibus de-
functi haberi possint. Lmina tandem ipsa, ce-
rei, funalia, intortitiave, in funere ne reslin-
guantur, nisi sacro Officio etiam sepulture rite
absoluto, atque expleto, decrevit jam Concilium
Provinciale v. Mediolanense ejusdem Sanctissi-
mi Præfatis Caroli, Cap. Quæ ad funera perti-
nent. Quid tamen non intelligitur, si ex causa
tunc sepeliri non posset, ut explicat in suis addu-
cenda funera Instructionibus.

XL. Antequam ad alia descendam, quæ in
hoc nostro §. continentur, notanda sunt iterum
illa verba: *Distribuantur cerei, & accendantur
intorticia*. Quibus non obsecro innuitur, sola in-
torticia accendi, quæ feretrum circumdant, non
vero cereos, candelasve, qui singulis deducen-
tibus funus distribui solent, & ab eisdem extin-
cti, & integri gestari in suam ipsorum utilitatem
cessuri. At vero tametsi hic ritus variis in locis
invaluerit, diversa tamen fuit vetus Ecclesiæ di-
sciplina, omnes enim olim, qui funebri processio-
ni intererant, cereos accensos gestabant, ut con-
stat ex veterum Patrum testimonio initio hujus
Commentarii adductis; quibus addi potest, quod
scribit S. Gregorius Nyssenus de funere Macrinæ
sororis suæ: *Ex utraque parte, inquit, præcedebat
non exigui Diagonorum, Ministrorumque
numerus, qui omnes ordine progredientes, accen-
sos cereos manibus gestabant*. Ceterum quicquid
sit de ea consuetudine gestandi alicubi cereos
extinctos, veteri certe discipline adhæsit S. Carolus,
ubi in laudato totius suo Iv. Provinciali
Concilio Mediolanensi ita statuit: *Omnes tam qui
Dignitates obtinent, tum Canonici etiam Metro-
politani, & Cathedralis Ecclesiæ, tum alii præ-
terea quicumque Clerici, quibus in funere can-
dela, aut cerei, intortitiave dantur, eas, cave ac-
censa in funere manibus ipsi deferant*.

XLI. Cerei accensis, ex præscripto nostri §.
non ordinatur Processio, præcedentibus Laicorum
Confraternitatibus, si adsint. Laicorum Confrat-
ernitates solitas esse & ipsas funus præcedere,
ex variis Synodis addiscentis, ac præsertim ex
laudata Mediolanensi v. Synodo, Capite citato,
ubi inter alia cautum legitur, ne laici, etiam Con-
fratres, aut alii Societati addicti, sed Ecclesiæ
sive homines mortui, cuius funus agitur, totum
officium sepulture præstent; itant quæpreces, qui-
ve sepeliendi ritus ei ex Ecclesiæ instituto, consue-
tudineve adhibentur, eorum omnium officium non
ipsi laici, sed Sacerdotes, & Clerici eo nomine
occasi perficere explant, quoad illius corpus huius-
modi, sepulchrove est. Confraternitates ipsas
laicorum non posse accedere ad funeralia morn-
torum, nisi specialiter, & expresse vocentur,
decisum jam fuit a Sacra Rituum Congregatione
in Bononiæ. ix. Decembris MDCXVII. Et quan-
do accedunt, in actu associationis cadaverum
nullo modo posse erigere Crucem, statim eadem
Sacra Congregatio in Andriæ. xxii. Novem-

bris MDCXXXI. ad Il. ut alia ejusdem Congre-
gationis Decreta omittam, quæ afferri possent.

XIII. Laicorum Confraternitates in dedu-
ctione funeris, sequitur, ait nosser §. *Clerici Re-
gularis, & Sacularis per ordinem, binique pro-
cedunt prælata Cruce*. Hæc Cleri Sacularis, Re-
gularisque associatio pendet omnino a voluntate
defuncti, hæredumve. Quin etiam quod ipsi hæ-
redes Sacerdotum numerum convocare possint,
& quantitatem ceræ subministrare pro deducen-
do funere, contrario quolibet prætextu per Para-
chum allato non obstante, censuit Sacra Congre-
gatio Episcoporum, & Regularium negotiis præ-
posita in Cassanen. v. Maji MDCXVII. Rursus
quod destinatos Clericos ab eis, & non alios con-
vocare Parochos debeat, edixit Sacra Rituum
Congregatio in Laudan. xx. Augusti MDCL. Ce-
terum si dicti hæredes nullo destinaverint, tunc
& eo casu jus convocandi alios Sacerdotes pro
obundis funeribus Parochos competere, decedit
Rota in Alexandrina Funeralium die 1. Julii an-
no MDCXXX. coram Merlino, censuitque etiam
Sacra Rituum Congregatio in Ferrarien. vii. Se-
ptembris MDCXIII. Parochum posse ad libitum
vocare ad funus Clericos, quos voluerit, nec co-
gi posse vocare viciniores, nisi aliter disponant
hæredes defuncti, quorum voluntas est servan-
da, inter alios docet laudatus Barbosa, De of-
ficio, & potestate Parochi, Parte III. Cap. xvi.
num. 57. & tribus seqq. ubi memoratorum Sa-
cræ Congregationis Decretorum meminuit.

XIV. Quum vero in deductione funeris,
primas teneat Parochus, hinc est, quod ad eum
spectat declarare, per quam viam sit deferendus
defunctus, deciditque id etiam Sacra Congre-
gatio Episcoporum, & Regularium negotiis præ-
posita in Castellaten. iii. Januarii MDCLIV. Sed
notandum tamen, quod in Concilio iv. Provin-
ciali Mediolanensi, Parte II. Constitutionum, Ca-
pite, De Funeribus, & Exequiis, statuit S. Carolus,
ubi ita inquit: *Cadaver cum effertur, via
procedatur, quæ a domo ad Ecclesiam recta, ac
brevis sit; si vero usque adeo brevis, & compen-
diosa est, ut Ordines eorum, qui funus comitan-
tar, intra illius fines contineri non queat, tunc
via paulo longiori funus ducatur, idque jussu con-
cessuque Sacerdotis, qui funeri præest. Statuit id
ipsum sub gravibus penis Salernitana Synodus
sub Archiepiscopo Marco Antonio Marfilio Ca-
lumnæ anni MDLXXIX. Tit. xxxiii. Cap. viiii.
his verbis: *Cadaverum circumductionem, quæ
in hac Civitate fieri consuevit, atque abusus abro-
gantes, precipimus laicis, & Confratribus sub
excommunicationis lata sententia, Clericis vero
sub pœna ducatorum quinque, ut defunctorum
corpora deinceps, commodiori via recta ad Eccle-
siam ducant*. His addit Decretum Concilii Pro-
vincialis xiii. Beneventani sub Joanne Baptista
Foppa anni MDCLVI. Tit. xxiv. nom. xiv. *Præ-
cipimus laici, ait, & Confratribus sub excom-
municationis pœna, Clericis vero sub pœna suspen-
sionis, ut defunctorum corpora deinceps com-
modiori via recta in Ecclesiam ducant*.*

XV. Addebitur tamen nequit, quia vel
olim, & quidem rite, in Episcoporum sanctio-
num præsertim Exequiis, corpus defuncti non
recta ad Ecclesiam sepelientem, sed per varias
viæ sacras deduceretur, atque deponeretur
in tumulam, in quibus Preces, Missæ, & Ab-
lutiones pro ipsius animæ requie fiebant. Ita pla-
ne

ne contigisse in funere S. Wolfangi Episcopi Italiponenſis, qui obiit anno CMXCIV. testatur ejus Vitæ Auctor, sic inquit: *Com apud S. Petram fuisset suscepta, ac Vigiliarum, Missarumque celebrationibus Domino foret commendata, suffolentibus eam magna reverentia portabant eum per singula Urbis Monasteria, novissime vero ad Ecclesiam B. Martyris Eumeranni, cujus bonorum, dum vixerat, intimo assilla excolebat. Quæ Missarum solemnitas, & exequiarum officii rite peractis, magnifice, atque honorifice ibidem sepulta est.* Quod etiam S. Annonis Archiepiscopi Colonienſis, qui obiit anno MLXXV. corpus per septem continuos dies cum solemnibus pompis ad varias singulis diebus Ecclesiis delatum fuerit, fidei facit ejus Vitæ Scriptor apud Sarium die xv. Decembris. Sane quod juxta quorundam locorum morem, dum e domo defuncti corpus ad Ecclesiam deferretur, *tres passus fierent in via, & in unaquaque earum Preces, & Absolutiones super ipsum defunctum peragerentur, testatur Durandus in Rationali Divinorum Officiorum, Libro vii. Cap. xxxv. num. 37.*

XVI. Ob eandem rationem, quod in funeris deductione Parochus primas tenet, ex præscripto nostri §. ipse præcedit *feretrum*, & quidem indatus *Superpelliceo, & Stola nigra, vel etiam Pluviali ejusdem coloris, ut superius dictum fuit.* Feretrum hic lectus est, vel aliquid aliud, quo esset defunctus. Qui olim illud portarent, funusque defuncti curarent, dicti sunt a S. Ignatio *Laborantes*, a S. Epiphania *Copiate*, ab aliis vero aliis nominibus, nempe *Lecticarii, Sandipilarii, Decani, & Fossarii.* His a Constantino Magno, ac aliis ejus Successoribus Imperatoribus, destinatos fuisse certos redditus, nequid ab illis, quorum funera, & sepulchrum curarent, exigere, pluribus probant Durantus Lib. i. *De ritibus Ecclesiæ Catholicæ, Cap. xxii. Gretserus, De Funere Christiano, Vanespem Parte II. Juris Ecclesiastici, Tit. xxxviii. Cap. iv. & alii.* Sed ut videas fœdam, vetustatque quorundam sacerdotum hominum avaritiam, etiam occasione feretri, quo effertur defuncti, lucrum captantium, de Georgio Ariarum Alexandriæ Episcopo Sanctus Epiphanius scriptum reliquit *Hæresi lxxxv.* quod usque adeo fordide avarus fuerit, ut etiam munus effundendum funeri ad se rapuerit, non jam humanitatis, & charitatis, sed lucri gratia: *Et enim & lectici excoctavit corporibus eorum, qui esserentur, ad numerum certum facere, & sine his, quæ ab ipso ordinata erant non efferebantur corpora mortuorum, maxime peregrinorum, non propter hospitalitatem, sed velut dixi, quasi gratis. Siquis enim sepelisset per se ipsum corpus, periculum subibat. Sic autem a singulis, qui efferebantur, lucri aliquid ipsi accedebat.*

XVII. Licet autem Copiate, seu Lecticarii constituti antiquitus essent, qui funus efferrerent, aliquando tamen Clericorum officium fuisse videtur, ut mortuos sepelirent, teste S. Hieronymo in Epistola ad Innocentium, *De muliere septies ista*, de qua sic inquit: *Clerici, quibus id officium erat, erantque sicut eadaver obvolunt, & solum humum lapidibus contrahentes ex more tumulum parant.* Sæpe etiam honoratissimos quoque, vel defuncti cognatos, vel alios hoc munus obisse, etiam Episcopos, vel Cleri Viros primarios docet nos S. Gregorius Nyssenus de funere Ma-

ciani sororis suæ agens: *Epo, inquit, feretrum subiens, illum (Araxium Episcopum) advoceat, ut alteram partem fulsineret, posteriores vero feretri partes alii duo de Clero infignes Viri.* De S. Paula Matrone Romana scribit in ejus Epitaphio S. Hieronymus, translatam eam fuisse Episcoporum manibus, & eervicem feretro subiicientibus. Atque ut alia exempla omittam, quæ passim occurrunt apud Historicos, audiendum tandem Sidonium Appollinaris Lib. II. Epistola viii. ad Desideratum, ubi ita scribit de Philamachia, seu Philimita Matrone elatione: *Hanc tamen, siquis hand dubie inessum honor cadaveribus impendat, non Vispilionum, & Sandapiliorumve ministeria ominosa tumulare; sed cum libitinam ipsam (id est feretrum) stantes omnes extenui quoque præstarent, remorentur, excusculantur, Sacerdotum, propinquorumque manibus excepta, perpetuis sedibus dormienti similior illata eis.* Fuisse plerumque quatuor tantum, qui feretrum ferrent, ex recitato superius Nysseni testimonio de funere Macrine addicimus. S. Ambrosius in Caput vi. Luca, filium illum anicum viduæ, quem Christus excitavit, a quatuor portitoribus ad tumulum elatum ait; qui quidem, numerus absolute fufficit, ut & hodierni temporis consuetudo probat.

XVIII. Plura de hujusmodi feretris statuit inter alios S. Carolus, præsertim vero in Concilio Provinciali Mediolanensi iv. Parte II. Constitutionum, Cap. *De Funeribus, & Exequiis*, ubi cavendum monet, *ut ne simplices homines quidquam superstitionis causa apud mortuum in feretro, aut in ejus manibus ponant, aut aliud, quod superstitionis speciem præferat, aut suspicionem habeat, committant.* Hinc concilium Provinciale xlii. Beneventanum anni MDCLVI. Tit. xxiv. num. 3. districtè præcepit, ut non solum clamores, & ejulatus super defunctorum corpora in Ecclesiis nullo modo Parochi, vel alii quicumque permittant; *sed multo magis tollant vocem, & superstitionis abusus collocandi etiam uxoris superstitis in manibus defuncti mortui sub pœna arbitrio Episcopi graviter infligenda Parocho, & transferefforibus.* Sed hoc omisso abusu, quem variæ Synodi improbanat, ad funeris pompam quod attinet, iam illud minime prætereundum, equos interdum facies, seu operimentis lugebribus amictos, in pompa divitum funebri ductos fuisse, ut hodie fit in Imperatorum, Regum, ac Principum funcribus. Testatur id quidem Sanctus Chrysostomus in Homilia lxi. ad Populum Antiochenum: *Divite aliqui mortui, non servos solos, & ancillas, sed & equos necessarij facies amictentes, & agasforibus tradentes, ad sepulchrum ire jubent.* Atque hic est ritus, qui hodieque servatur in funere Ducum, Militumque insignium, quorum equos, qui comitari funus solent, sicut & alia insignia, etiam si pretiosa sint, atque ornamenta, quæ in funere adhibentur, Ecclesiæ sepelienti debent, docent Auctores non pauci relati a Baruffaldo in suo ad hunc §. Commentario; ubi etiam tradit, eulcrum quoque, five pannum auro intextum, qui subitis cadaver sterna in Ecclesiis solet, Ecclesiæ ipsi debere, probatque Decreto Sacræ Congregationis Concilii interpretis. Sed puto, attendi debere morem regionum, in multis enim Neapolitani Regni locis eulcitra ipsa, sicut & alia ornamenta in funere adhibita, ad defunctorum hæredes redeunt.

§. II.

Parochus vero, antequam cadaver efferatur, illud aspergit Aqua benedicta; mox dicit Antiphonam, *Si iniquitates*, cum Psalmo, *De profundis*, & in fine, *Requiem eternam*. Repetit Antiphonam totam, *Si iniquitates &c.*

§. III.

Deinde cadaver effertur, Parochusque de domo procedens, statim gravi voce intonat Antiphonam, *Exultabunt Domino*, & Cantores inchoant Psalmum, *Miserere mei Deus secundum magnam &c.* Clero alternatim prosequente; at si longitudo itineris postulaverit, dicuntur Psalmi Graduales, *Ad Dominum cum tribulaveris clamavi*, vel alii Psalmi ex Officio Mortuorum, & in fine cujuslibet Psalmi dicitur, *Regnem eternam dona ei Domine &c.* qui Psalmi devote, distincte, gravique voce recitari debent usque ad Ecclesiam.

COMMENTARIUS.

I. **A**qua benedicta sæpe aspergi defunctum, & quidem non modo in Ecclesia, sed & domi, ubi inde effertur, antiqui Codices Rituales nos docent. Ex Statutis priore Lanfranci, Capite xxiv. illud cantum est, ut ante elationem defuncti, *Sacerdos circa corpus Aquam benedictam spargat, & incenset*. Juxta ms. Consuetudines Cluniacensis Monasterii, & S. Benigni Divionensis apud Martene Lib. v. *De antiquis Monachorum ritibus*, Cap. x. ante lotionem defuncti, fiebat Processio ad locum, ubi erat defunctus, id est *Aqua benedicta, thuribulum, & acerra, Crux, atque candelabra, quibus alatis spargebat Dominus Abbas, aut Prior Aquam benedictam super defunctum ibidem, & super stragulam, in qua poni debebat, incensabatque deinde corpus, & ipsam*. Mandant mox etiam, Consuetudines istæ, ut, dum lavatur corpus, *qui servit de thuribulo, sine intermissione abundanter incenset corpus*. Sed id genus Monachorum Consuetudines, plures assert citato loco Martene, & Lib. iii. *Ut antiqui Ecclesie ritibus*, Capite xv. ubi varios vetustos Codices Rituales diversarum Ecclesiarum deferbit, in quibus etiam Psalmi, ac Preces notantur dici olim soliti in elatione defuncti e domo ad Ecclesiam.

II. Sane ex ms. antiquo Pontificali Prudentii Trecentis Episcopi, *Oratio antequam de domo efferatur*, hæc est: *Suscipe Domine animam servi tui N. quam de ergastulo &c.* Sequitur mox hæc alia Oratio: *Deus, cui competit medicinam præstare post mortem &c.* Tum vero mandat, ut tunc cum Responsorio, *Subvenite Sancti Dei*, & aliis Responsorii deportetur ad Ecclesiam; & cum appropinquatum fuerit, canatur Psalmus, *Miserere mei Deus*, cum Antiphona, *Requiem eternam*. Idem habet ms. Codex Rituale Monasterii S. Benedicti Floriacensis annorum circiter mille apud eundem Martene loco citato. Similia legere est in aliis Codicibus. Sacerdotale

Romanæ Ecclesiæ, Cap. xix. ubi agit de elatione corporis defuncti, hæc pauca habet: *Drin- de Sacerdos, & Clerici ordinate vadunt, & corpus portant in Ecclesiam, cantando hoc Respon- sorium: Subvenite &c. V. Suscipiat &c. & V. Requiem eternam*. Quicquid sit de hac varietate, illud certum est, ex pervetusto Ecclesiæ ritu delatos fuisse ad Ecclesiam, & ad sepulturam defunctos cum Psalmis, Hymnis, & Canticis, ut superius probavimus veterum Patrum auctoritate. Sed observandum tamen est, quod ait noster §. II. ut Parochus, cubiculum defuncti ingressus, antequam ille efferatur, eum aspergat Aqua benedicta, ibidemque dicta Antiphona, *Si iniquitates &c.* cum Psalmo, *De profundis*, & in fine, *Requiem eternam &c.* Antiphonam ipsam repetat. Tum vero, & non prius, ex præscripto §. III. cadaver effertur, Parochusque de domo defuncti procedens, statim gravi voce intonat Antiphonam, *Exultabunt Domino*, & Cantores inchoant Psalmum, *Miserere mei Deus &c.* Clero alternatim prosequente, cum versu scilicet, *Requiem eternam &c.* in fine.

III. Opportune tandem idem §. III. subdit, ut, si longitudo itineris id postulaverit, dicantur Psalmi Graduales, *Ad Dominum &c.* vel alii Psalmi ex Officio Defunctorum desumpti, devote scilicet, distincte, gravique voce recitandi usque ad Ecclesiam. Quamobrem reprehensione sunt digni Clerici illi, qui contra antiquum Ecclesiæ ritum, præscriptumque nostri Romani Rituale, dum defunctum ad Ecclesiam deferunt, muti procedunt, cum alias Confraternitates laicæ pie religioque Psalmos illos absque ulla intermissione ad Ecclesiam usque recitent. Porro de Psalmis Gradualibus nihil hoc loco adnotandum censui, quod alibi de ipsis dixerim. Videri nihilominus potest quid de iisdem Gavantus scripserit in Romani Breviarii Rubricis Sectione ix. Cap. III. *De Psalmis Gradualibus*, inscripto.

§. IV.

Ad ingressum Ecclesiæ repetitur Antiphona, *Exultabunt Domino ossa humiliata*. Deinde Ecclesiam ingressi cantant Responsorium, Cantore incipiente, & Clero alternatim respondente, *Subvenite Sancti Dei, occurrite Angeli Domini: Suscipientes animam ejus: Offerrentes eam in conspectu Altissimi*. *V. Suscipias te Christus, qui vocavit te, & in*

Or in sinum Abrahae Angeli deducant te. Suscipientes. V. Requiem aeternam dona ei Domine. R. Et lux perpetua luceat ei. Offerentes.

COMMENTARIUS.

R Esponsorium, *Subvenite Sancti &c.* antiquum est in Exequiis Defunctorum, ejusque passim memincere Codices antiqui Rituals, praeaeque Monasteriorum Consuetudines, inchoabaturque alicubi, dum defunctus deferretur ad ecclesiam. Ita plane habetur in Cluniacensis Monasterii, & S. Benigni Consuetudinibus, quas recensit Martene: *Mox incepto ab Armario, R. Subvenite Sancti Dei,*

occurrite, praecedat Processio &c. Armarius dicitur quidem Bibliothecae Custos, sed citato tamen loco, & passim in Monachorum ritibus, Cantorem, sive Praecentorem, cui etiam Librorum Ecclesiasticorum praesertim cura incumbere, significare solet, ut laudatus Auctor notat in Indice Onomastico, voces exoticas, aut minus usitatas explicante, qui exstat in fine ejus Operis, *De antiquis Monachorum ritibus.*

§. V.

Deposito feretro in medio Ecclesiae, itaut defuncti pedes, si fuerit laicus, sint versus Altare majus; si vero fuerit Sacerdos, ut dictum est, caput sit versus ipsum Altare; & cereis accensis circa corpus, statim, nisi quid impediat, ut infra monebitur, dicatur Officium Mortuorum cum tribus Nocturnis, & Laudibus, ut infra ponitur; & duo ex Clero incipiant absolute Invitatorium, *Regem, cui omnia vivunt, Venite adremus;* & repetitur a Clero, *Regem, cui omnia vivunt &c.* Psalmus, *Venite exultemus &c.* & duplicantur Antiphonae. Ad finem Officii post Antiphonam Cantici, *Benedictus &c.* Ego sum resurrectio, dicitur, *Pater noster, secreto. V. Et ne nos inducas in tentationem. R. Sed libera nos a malo. V. A porta inferi. R. Erue, Domine, animam ejus. V. Requiescat in pace. R. Amen. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

Oremus.

Absolve, quesumus, Domine, animam famuli tui ab omni vinculo delictorum, ut in resurrectionis gloria inter Sanctos, & Electos tuos resuscitatus respiciat. Per Christum Dominum nostrum. R. Amen.

COMMENTARIUS.

QUoniam hic noster §. diserte edicat, ut *deposito feretro in medio Ecclesiae... & cereis accensis circa corpus, statim, nisi quid impediat, ut infra monebitur, dicatur Officium Mortuorum &c.* arguendi profecto sunt quidam sacri homines, qui utrumque ritum omittunt, & deponendi feretri in medio Ecclesiae, & dicendi Mortuorum Officium praesente cadavere. Ad primum quod attingit, sunt nonnulli sacri homines, qui, habita personarum ratione, illos damntaxat in medio Ecclesiae deponi sinunt, quorum solemne sacris cum quantitate intortiorum, & apparatu magnifico celebratur, derelictis aliis prope Ecclesiam janua a sinistro latere, vel in una ex duabus ejusdem Ecclesiae navibus contra aliquod laterale Sacellum. Dignus profecto correctione abusus, utpote praescripto nostri §. contrarius, qui expresse mandat, feretrum, quod delatum fuit corpus defuncti ad Ecclesiam, in medio Ecclesiae, & quidem cereis accensis circa corpus, deponi debere, itaut defuncti pedes, si fuerit laicus sit versus Altare majus.

II. Sed cum hunc abusum correctione dignum jam alias consutarim, eo omisso devenio ad alium abusum etiam §. nostri praescripto contrarium. Solent enim saepe nobiles, & plerique nobilitatem asseclantes huiusmodi facientes in Ecclesia exponi cum falciculis integrorum cercorum circa corpus non accensurum, contenti duobus solis magnis intorticiis, cervice ardentibus, altero ad caput, ad pedes altero. Id ut obtineant,

opus est Superiorum facultate, sicut etiam ubi iidem defuncti non super feretro, sed super alto lecto perampla & pretiosa culcitra ornato exponuntur. Solent ex antiquo Romano Ecclesiae more Cardinales defuncti excelsio etiam lecto superponi, stantibus ad quatuor ejus angulos quatuor famulis atra veste indutis, stabella moventibus; cujus ritus meminit & inter alios eruditissimus Mabillonius in suo Itinere Italico anni mdcxxxvi. qui agens de Roma secundo, ubi ille mense Januario degebat, num. xiiii. *Per hosce dies, inquit, cum Basilicam, qua Araeoli vocatur, adissemus, exposito illi magna cum pompa Cardinalis Savelli recens mortui cadavere, quatuor famuli in quatuor funeris angulis stabella movebant ad abigendas muscas, quae per id tempus non admodum infesta erant. Sed ita praecipunt caeremoniarum Leges. Videlicet quae de hoc usu diximus nos in nostris ad Caeremoniale S. R. E. Commentariis, ubi scilicet de Exequiis Cardinalium egimus; ibi enim multa scitu digna invenies, quae hunc nostrum §. etiam illustrant.*

III. Porro in clatione funeris vix est, quem non tangant salutare de morte, & humanarum rerum imbecillitate cogitationes, non tamen semper constantes: *Cum essentur mortui, inquit S. Augustinus Sermon cxx. de diversis, cogitatur mors, & dicitur: Va misero, talis fuit, beri ambulabat, aut ante septem dies illum vidi, illud, atque illud mecum loquutus est, nihil est homo. Murmurant ista. Sed forte cum mortuus plan-*

plangitur, cum funus curatur, eam Exequia preparantur, cum offertur, cumitur, cum sepelitur, vivet iste sermo. Sepulto autem mortuo, etiam talis cogitatio sepelitur. Redeunt illa cura mortifera; obviviscitur quem deduxerit, de successione cogit decessurus, rediunt ad frandes, ad rapinas, ad rapinas, ad infinitas corporis voluptates, non dico perituras, cum exhausta fuerint, sed banciuntur perituras; & quod est perniciosius, de sepulto mortuo argumentum sepeliendi cordis assumitur, & dicitur: *Manducemus, & bibemus, erat enim moriemur.* Contingit denique plerumque id, quod idem Sanctus Augustinus Lib. 1. Homiliarum, in Homilia xxviii. scriptum reliquit: *Quotidie moriuntur homines, & qui vivunt, deducunt illas, Exequias celebrant, & vitam sibi promittant. Nemo dicit: Corrigan me, ne eras hoc sem, quod iste, quem deduxi. Fateor, novisse me plures, qui suavera frequentant, qui defunctos effertunt, sepeliunt, seminas etiam ad fenestras stantes, & funera ipsa perspicientes, nihil proflas ad huiusmodi spectacula proficere, sed ita vivere, ac si nunquam mori ipsi deberent. Sed de his satis.*

IV. Locato cadavere in medio Ecclesie, mandat mox noster §. ut, *nisi quid impediatur, dicatur Officium Mortuorum cum tribus Nocturnis, & Laudibus* &c. Officii Mortuorum, ut in Breviariis ordinatum est, & de quo nos infra, fusius suo peculiari Capite dicemus, origo vix inveniri potest. Quod ex traditione Apostolica decantari jam olim solerent Psalmi in Funeribus vita functorum, testantur passim priores Ecclesiarum Patres, non uno in loco superius citati. Notant plerique eruditi Auctores, dici hoc Officium Virgilitis Mortuorum, quia scilicet apud defunctorum corpora in Ecclesiis exposita Fideles psallendo excubarent. Certe, ut alios omittam, testatur S. Gregorius Nyssenus, de obitu sororis suae Macrinae loquens, antequam corpus eius sepulchro inferretur, per totam noctem fuisse proditam Psalmodiam: *Factum est, ait, ut Virginnem cantu lamentationibus commixto resonaret locus.* Ac deinde subdit, perfectam esse necessitatem pervigilionem canendi Psalmis. His virgilitis hodiernum Officium Defunctorum, quod & Vigiliarum nomen retinuit, respondere, docent inter alios Bonarotius, Libro 1. *De institutione Horarum Canoniarum*, Cap. xxxi. num. 10. & Vancspen Parte II. *Juris Ecclesiastici*, Titulo xxxviii. Cap. 1. num. xxxviii. Officium ipsum, quod a multis negligenter recitari in Exequiis defunctorum, iussit Benedictus XIII. ut qui funeri praestit, praesente cadavere, curaret, ut

huiusmodi Officium omnino diceretur, haereditum sumptibus, siquid ex bonis defuncti superesset, gratis vero in pauperum Exequiis.

V. Queri vero opportune hic potest, an Officium ipsum, praesente cadavere, recitandum etiam sit diebus solemnioribus, quibus vel etiam unica Defunctorum Missa, cadavere praesente, prohibetur? Respondet Guyetus in sua Heortologia, Lib. iv. Capite xxxiii. *Questio xii.* duos duntaxat esse dies, in quibus, cum liberum non sit tradere sepulturae, nempe diem Parasceves, & diem Paschae, ita neque liberum esse Officium Defunctorum publice persolvere. Sed lapsus est haud dubie Guyetus; licere enim praedictis diebus mortuum tradere sepulturae, sed sine tamen peculiari Missa, quam etiam nec dici posse aliis celebrioribus anni Festis, licet praesente cadaver sit, jam supra dictum est. Forte non improbanda ejusdem Auctoris opinio aenitas, exceptis diebus Parasceves, & Paschae, posse dici Officium istud praesente cadavere in ceteris Festis solemnioribus, adhibita tamen illa cautione, ut sub vesperum post expletum dici Officium differatur. Recitandum, praesente cadavere, Officium ipsum Defunctorum cum tribus Nocturnis, & Laudibus, expresse edicit hic noster §. Adhibendum vero tunc esse duplicem ritum, nempe duplicandas esse Antiphonas, expresse etiam cautum est ex hoc Rituali Romano, infra Capite Inscripto, *Officium Defunctorum.* Saeculo xii. in usu fuisse recitationem totius Officii Mortuorum, cum tribus Nocturnis, & novem Lectiionibus, testem habemus Romanum Ordinem x. eo tempore exaratum apud Babillonium Tomo II. Musci Italici, pag. 115. ubi agens de ordine sepeliendi Clericos Romanae Fraternitatis: *Mane, ait, facta post passas Campanas Clerici congregantur ex omnibus Ecclesiis secundum dispositionem Praetatorum in Ecclesiam, ubi Clerici defunctus, est sepeliendus, & quisque Sacerdos cum suis Clericis cantet Vigiliam ix. Lectiionem.*

VI. Tandem juxta Romani Breviarii Rubricam in Officio Defunctorum expressam, Preces in hoc nostro §. notatae dicenda flexis genibus sunt, & una etiam cum Psalmo, *De profundis*, si alia die ipsum Officium diceretur, a die omnium Fidelium Defunctorum, & depositionis defuncti, si tres Nocturni dicantur, juxta notata a Gavanto, in ipsas Breviarii Romani Rubricas, Sectione ix. Cap. II. num. 3. Porro Oratio, *Ab solve, quasumus Domine &c.* antiqua est, legiturque in Sacramentario S. Gregorii Papae, & in Missalibus, ac Ritualibus passim, apud Martene, & alios rerum ritualium Scriptores.

§. VI.

Dum in Officio dicuntur Laudes, Sacerdos cum Ministris paratur ad celebrandum Missam solemnem pro defuncto, si tempus congruens fuerit, ut in die depositionis in Missali Romano.

COMMENTARIUS.

I. Antiquissimum esse institutum, ut praesente cadavere Missa pro defuncti anima celebraretur, abunde superius probatum fuit. Debere autem Missam celebrari solemniter cum Ministris, recte statuit hic noster §. sed clausula illa addita, *si tempus congruens fue-*

rit, id est, si defuncti depositio non incidat in dies Festorum scilicet celebriorum, in quibus vel unica Missa defunctorum etiam praesente cadavere vetita est celebrari juxta varia peculiarium Conciliorum sanctiones, ac repetita Sacrae Congregationis Decreta superius a nobis allegata.

gata. Quæ servanda sint in solemnibus Defunctorum Missis, explicata habentur in Missalis Romani Rubrica, Parte II. Tit. xiii. num. 2. In Missa solemnibus, inquit, non incensatur Altare ad intra; & Subdiaconus, facta Epistola, non osculatur manum Celebrantis, nec benedicitur. Diaconus non petit benedictionem, nec osculatur Celebrantis manum; non tenentur luminaria ad Evangelium, nec portatur incensum; sed duo tantum Acolythi sine candelabris stant, unus a dextris, & alter a sinistris Subdiaconi tenentis Librum Evangelium. Non incensatur Liber, nec in fine Celebrans, nec deferitur Liber Evange-

liorum osculandus. Oblata, & Altare incensantur, ut supra. Incensatur solus Celebrans, & non incensantur alii. Subdiaconus non tenet Patenam post Celebrantem; sed tempore elevationis Sacramenti, genuflexus in cornu Epistolæ illud incensat. M. nisi enim aliquid porrigitur Celebranti in hac Missa, non osculantur eius manum, neque rem, quæ porrigitur. Plura scitu digna in hanc Rubricam videri possunt apud Gavantum, & Meratum in Notis ad eandem, & apud alios Auctores non paucos, qui de ritibus hujus Missæ scripserunt, præsertim apud Bauldrium in suo Sacramentorum Ceremoniarum Manuali.

§. VII.

Finita Missa, Sacerdos, deposita Casula, seu Planeta, & Manipulo, accipit Pluviale nigri coloris, & Subdiaconus accipit Crucem, & accedit ad feretrum, & se sistit ad caput Defuncti cum Cruce medius inter duos Acolythos, seu Cerosferarios cum candelabris, & candelis accensis, & omnes alii de Clero veniunt ordinati in gradu suo cum candelis accensis, & stant in circuitu feretri; tum sequitur Sacerdos cum Diacono, & Assistente, aliisque Ministris, & facta reverentia Altari, sistit se contra Crucem ad pedes defuncti, retro assistantibus ei a sinistris duobus Acolythis, uno cum thuribulo, & navicula incensi, altero cum vase Aquæ benedictæ, & aspersorio; & Acolytho, seu Clerico tenente Librum, absolute dicit hanc Orationem.

Non intres in iudicium cum servo tuo, Domine, quia nullus apud se iustificabitur homo, nisi per te omnium peccatorum ei tribuatur remissio. Non ergo cum, quæsumus, tua iudicialis sententia premat, quem tibi vera supplicatio Fidei Christianæ commendat; sed gratia tua illi succurrente, mereatur evadere iudicium ultionis, qui dum viveret, insignitus est signaculo Sanctæ Trinitatis. Qui vivis, & regnas in secula seculorum. R. Amen.

COMMENTARIUS.

I. Similia his, quæ in hoc §. leguntur etiam in Rubrica Missalis Romani, Parte II. Tit. xiii. num. 4. Spectant hæc Absolutionem Defuncti, quæ apud veteres Monachos, ut primum aliquis Frater obierat, statim fiebat, sive in ipso Defuncti cubiculo, sive in Capitulo, ut probat Martene, Lib. v. *De antiquis Monachorum ritibus*, Cap. x. num. 84. Fit hodie passim post Missam ex præscripto nostri §. & Rubricæ laudati Missalis Romani; et quæ hic ritus consentaneus veteri disciplinæ; orabatur enim olim post Missam circa Defuncti cadaver, teste S. Dio-

nyso, sive antiquissimo Auctore Libri, *De Ecclesiastica Hierarchia*, & Victore Uticensi, Libro II. *De persecutione Vandaliæ*. Dicebatur olim sollemnis Oratio, iidemque verbis concepta, quibus in hoc nostro §. est expressa; quam etiam, consuevisse dici a Sacerdote post Missam, docent antiquissimi Rituales Codices, ac præsertim ms. Codex Monasterii S. Benedicti Floriacensis annorum circiter M. his verbis: *Post celebrationem denique Missa stat Sacerdos juxta feretrum, & dicit hæc Orationem: Non intres in iudicium cum servo tuo &c.*

§. VIII.

Deinde Cantore incipiente, Clerus circumstantes cantat sequens Responsorium: *Libera me, Domine, de morte æterna in die illa tremenda: Quando Celi movendi sunt, & Terra: Dum veneris iudicare sæculum per ignem. V. Tremens factus sum ego, & timico, dum discussio venerit, atque ventura ira. Quando Celi movendi sunt, & Terra. V. Dies illa, dies iræ, calamitatis, & miseriæ, dies magna, & amara valde. Dum veneris &c. V. Requiem æternam dona eis, Domine, & lux perpetua luceat eis. R. Libera me, Domine, &c.*

COMMENTARIUS.

I. Terminata Oratione, *Non intres in iudicium &c.* ut supra in præcedenti §. juxta veteres Rituales Codices, ac præsertim celebrem illum Monasterii S. Benedicti Floriacensis annorum circiter M. dicebatur statim hoc Responsorium: *Subvenit Sancti Dei*

&c. quod ex præscripto hodierni Romani Ritualis jussu Pauli V. editi cani debet in ingressu defuncti ad Ecclesiam, ut dictum est supra §. 111. Sed describamus integrum locum citati Codicis Monasterii Floriacensis: *Post celebrationem denique Missa stat Sacerdos juxta feretrum, & dicit*

est

zie hanc Orationem: Non intres in iudicium &c. Sequitur *Responsum*: Subvenite Sancti Dei &c. *Chorus Angelorum* eam suscipiat, & in sinu Abraham eam collocet. *Kyrie eleison*. Ita laudatus Codex, in quo statim sequuntur variae Orationes, ac tandem illa: *Abfolve, quasumus, Domine &c.* quae habetur supra §. v.

II. Longum esset Ritualis Codices de Absolutione defuncti describere. Fiebant illae Absolutiones multis cum Precibus, Responsoriis, Orationibusque, & quidem non modo antiquitus, verum etiam Saeculo xvi. uti constat ex Sacerdotali iuxta consuetudinem Romanae Ecclesiae, aliarumque complurium edito Venetiis an. mdcxvii. Cap. xx. quod inscriptum est, *De officio sepulturae Sacerdotis, vel Clerici defuncti*, & Cap. xxxii.

eni Titulus: *Ordo sepeliendi aliquem saecularem defunctum*. Vide & Ordinem Romanum x. apud Mabillonium Tomo II. Musci Italici, pag. 115. ubi hic extat Titulus: *Ordo sepeliendi Clericum Romanae Fraternalitatis*, ubi fuita quidem *Missa*, *Clerici omnes congregantur circa feretrum in modum tota*, & varios Psalmos, Proces, Responsoria, ac Orationes dicebant, absoluebantque defunctum, tum antequam sepulturae mandaretur, tum etiam post. Quicquid sit de antiquis ritibus, ex praescripto nostri Ritualis, quod attendi omnino debet, post Orationem, *Non intres in iudicium*, de qua diximus in Commentario superiori, cantandum est *Responsorium*, *Libera me Domine &c.* quod licet antiquum & ipsam sit, in multis tamen Ritualibus desideratur.

§. IX.

Dum cantatur praedictum *Responsorium*, Sacerdos, Acolythus, & Diacono ministrante, accipit incensum de navicula, & ponit in thuribulum, & finito *Responsorio*, Cantor cum primo Choro, dicit: *Kyrie eleison*, & secundus Chorus respondet: *Christe eleison*; deinde omnes simul dicunt: *Kyrie eleison*. Mox Sacerdos dicit alta voce: *Pater noster &c.* & secreto dicitur ab omnibus, & ipse interim accipit a Diacono, vel Acolythus aspersorium Aquae benedictae, & facta profunda inclinatione Crucis, quae est ex adverso, Diacono, seu Ministro genuflectente, & simbriam Pluvialis sublevante, circumiens feretrum (si transit ante Sacramentum, genuflectit) aspergit corpus defuncti; deinde reversus ad locum suum, Diacono ministrante, accipit thuribulum, & eodem modo circuit feretrum, & corpus incensat, ut asperferat; postea reddito thuribulo ei, a quo acceperat, stans in loco suo, Acolythus, seu alio Ministro tenente Librum apertum ante se, dicit: *Ps. Et ne nos inducas in tentationem. R. Sed libera nos a malo. Ps. A porta inferi. R. Erue Domine animam ejus. Ps. Requiescat in pace. R. Amen. Ps. Domine exaudi orationem meam. R. Et clamor meus ad te veniat. Ps. Dominus vobiscum. R. Et cum spiritu suo.*

Oremus.

Deus, cui proprium est misereri semper, & parcere, te supplices, exoramus pro anima famuli tui N. quam hodie de hoc saeculo migrare iussisti; ut non tradas eam in manus inimici, neque obliviscaris in finem, sed jubeas eam a Sanctis Angelis suscipi, & ad Patriam Paradisi perduci; ut quia in te speravit, & credidit, & penam inferni sustineat, sed gaudia sempiterna possideat. Per Christum Dominum nostrum. R. Amen. Si defunctus fuerit Sacerdos, dicatur: *pro anima famuli tui Sacerdotis.*

COMMENTARIUS.

I. Quamquam ex veterum Ritualium praescripto, non quidem cum dicitur *Responsorium*, *Libera me Domine*, ut habet hic noster §. constat tamen ex iisdem, adhibitum fuisse in defunctorum Exequiis aspersorem Aquae benedictae, & incensationem cum thure. Incenso thure honorari solitos fuisse olim defunctos, probat Baronius ad annum Christi XXXIX. consuetque etiam ex prisca Ritualibus relatis a Martene Lib. 111. *De antiquis Ecclesiae ritibus*, Cap. xv. & Lib. v. *De antiquis Monachorum ritibus*, Cap. x. in quibus passim legitur, aspergi Aqua benedicta defunctos, & thure incensari. Aquam benedictam adhiberi in Exequiis docet Durandus Lib. vii. Rationalis Divinorum Officiorum, Cap. xxxv. non ad tollenda peccata venialia, sed ut omnes immundorum spirituum praesentia arceat. Fieri etiam incensationes ad eosdem demones expellendos, tradit Innocentius Papa III. Lib. II. *De Mysteriis Missae*, Cap. xv. 1. & ut ait Beletius in explicatione Di-

vinorum Officiorum, Cap. cxi. *propter corporis factorem removendum*; sive ut notat Gayantus in Rubricam iv. Missalis Romani, Par. II. Tit. xiii. ut ostendatur, quod Defunctus Deo obtulit se in odorem bonorum operum, seu quod Defunctus proit Orazio, quae est veluti incensum juxta estatum Psalmi cxi.

II. Dubitatur aliquando nonnulli, an benedicendum sit thuri, quo incensari ex prisco ritu Mortui solent? Qui benedicendum thus ipsum negant, ajunt, in antiquioribus Missalibus, & in modernis, itemque in Cereemoniali Episcoporum, & Rituali hoc Romano, quibus etiam addi poterat Romanum Pontificale, jam a nobis Commentariis perpetuis explicatum, nihil de ea benedictione praescribi. At vero sum ego & ejus opinionis benedicendum scilicet ipsam thus quod defuncti incensantur; quia praeterquamquod ritus hujusmodi praescriptus legitur in Cereemoniali S. R. E. ab Augustino Patricio concinnato, & a Marcello Coreyrensi Antistite publici juris

facto, quod etiam non ita pridem Commentariis susioribus illustravi, recte observat Gavantus citato loco, in Missali recognito expresse juberi benedicendum thus, illis verbis; *Benedicens illud more solito*. Qui plura, quæ proxim spectant incensandi, & Aqua benedicta aspergendi Defunctos scire desiderat, legere Notas, atque Additiones potest Cajetani Merati Clerici Regularis, quas ad Gavantum eoncinnavit, & quidem tanta diligentia, ut ad explicandas ipsas Sacram Ceremoniarum minutias omnem suam impenderit operam. Ad Orationem quod attinet in §. nostro descriptam; *Deus, cui proprium est*

misereri semper, & parcere &c. legitur & ipsa in variis Ritualibus una cum Precibus, quæ Orationem ipsam præcedunt. Quod ait vero hic nos-ter §. ut si Defunctus fuerit Sacerdos, in Oratione ipsa dicatur *pro anima famuli tui Sacerdotis &c.* hoc quidem statuit propter eminentem Sacerdotis dignitatem, quæ neque post mortem reticere potest, quod tamen non habet locum in aliis Clericis etiam Majoribus, sicuti neque in Canonicis, Protosynarchis Apostolicis. Dicitur vero de Episcopis, ac S. R. E. Cardinalibus, ut jam notavi in Commentariis ad duo Ceremonialia, Episcoporum scilicet, ac S. Romanæ Ecclesiæ,

§. X.

Finita Oratione, corpus deferretur ad sepulchrum, si tunc deferendum sit, & dum portatur, Clerici cantant Antiphonam: *In Paradisum deducant te Angeli; in tuo adventu suscipiant Martyres, & perducant te in Civitatem sanctam Jerusalem. Chorus Angelorum te suscipiat, & cum Lazaro quondam paupere eternam habeas reglem.* Cum autem pervenerit ad sepulchrum, si non est benedictum, Sacerdos illud benedicit, dicens hanc Orationem.

Oremus.

Deus, cujus miseratione animæ Fidelium requiescant, hunc tumulum benedicere dignare, eique Angelum tuum sanctum deputa custodem; & quorum, quarumque corpora hic sepeliuntur, animas eorum ab omnibus absolvo vinculis delictorum, ut in te semper cum Sanctis tuis sine fine latentur. Per Christum Dominum nostrum. R. Amen.

COMMENTARIUS.

I. **D**icendam hanc Antiphonam, *In Paradisum &c.* ut præfinit hic nos-ter §. jam multis ab hinc sæculis statutum fuit in variis Ritualibus, & præsertim in ass. Gemmeticensi Codice tempore Theodorici Abbatis exarato, ex quo cautum est, ut peractis iis superius explicatis, eleveretur corpus de Ecclesia, & portetur ad tumulandum, ita dicendo: *Antiph. In Paradisum*; una cum Psalmo, *As te Domine levavi, aut Psalmo, In exitu Israel de Ægypto.* Quibus recitatis, dicebantur ex præscripto ejusdem Codicis aliæ Orationes, Antiphonæ, & Psalmi.

II. Ubi sepulchrum, in quo sepeliri debet defunctus, non est benedictum, mandat nos-ter §. ut Sacerdos illud prius benedictum præscripta Oratione: *Deus, cujus miseratione animæ Fidelium &c.* quæ etiam in antiquis Ritualibus legitur. Extat benedictio sepulchri, ut alia omit- tam, in antiquo Rituali Monasterii S. Eligii Novionensis annorum MDC. cum prolixior tamen Oratione: *Sacerdos autem, inquit, veniens ad sepulchrum; si non est benedictum, benedicit illud, eum hac scilicet Oratione; Deus qui fundasti terram &c.* & deinde dicit: *Benedictio Dei Omnipotentis Patris &c. & Filii &c. & Spiritus Sancti descendat super hoc sepulchrum, Amen.* Sequitur mox alia Oratio, quæ incipit: *Ineffabilis Dei Patris Unigenite Fili &c.* Porro ex his addicimus, quod tamen Ecclesia sit consecrata, seu benedicta, non censetur benedictum sepul-

chrum, sed sua propria benedictione indiget a Rituali præscripta in hoc præsent §. in quem, videri & illud potest, quod scribit Paulus Maria Quarti Clericus Regularis in Tractatu *De Benedictionibus*, Tit. II. Sectione XI. *De Benedictione Cæmeterii, & Sepulchri Fidelium*, Dubitatio II. §. *Colligitur secundo.*

III. Nequid vero omitamus, quod initio nostri hujus §. edicatur, ut finita Oratione, *Deus cui proprium est &c.* de qua diximus in Commentario superiori, corpus deferretur ad sepulchrum, si tunc deferendum sit, notandum primo censet, non amplius super humeros deferendum fere- tur, in quo defunctus jacet, ad sepulchrum, sed manibus deducendum, quia scilicet hæc non dicitur proprie Processio, sed translatio. Secundo, varios dari posse casus, eum non statim cadaver tradi debeat sepulchræ, quia scilicet nondum elapsæ sunt horæ præscriptæ ab expiratione defuncti; vel quia fovea, seu sepulchrum nondum sit constructum, vel quia conficiendus processus sit circa defuncti qualitates. Quibus casibus, ut ad hunc §. Barrufaldus notavit, cadaver, si brevis nempe debeat esse mora, transferri potest ad Capellam, seu Oratorium privatum illius Ecclesiæ, semper vero cum cæreo accenso; si autem longa mora esse debeat, & cadaver jam sitet, collocari potest in cassa bene clausa, & in alio sepulchro humari per modum depositi, donec paratus illi sit locus perpetuæ sepulchræ.

§. XI.

Dicta Oratione, Sacerdos Aqua benedicta aspergat, deinde incenset corpus defuncti, & tumulum.

COMMENTARIUS.

I. **E**cce hic nova Aquæ benedictæ aspergio, & incensatio super defunctum, & tumulum, in quo est sepeliendus defun-

ctus. Legitur & hic ritus in variis Ritualibus; ejusque inter alios meminere Beletius in sua Divinorum Officiorum explicatione, Cap. CLXI. &

& Durandus in Rationali Lib. vii. Cap. xxxv, num. 38. afferentes tamen debere aquam ipsam benedictam, & prunas cum thure apponi, una cum defuncto in sepulchro, ob rationes superius explicate, ad abigendos scilicet demones, qui solent sepe numero in mortuorum deservire corpora, & quod non poterant in vita, id faciunt saltem post mortem. Juxta Statuta Lanfranci, Cap. xxiv. peragebatur hæc ceremonia a Monacho cum magna solemnitate, & Processione. Inter alia enim mandant, ut, cum ad sepulcrum pervenerint, stent ordinate bine, & inde, sicut in Choro stare solent. Sacerdos stet inter duos Choros non longe a sepultura; ad dexteram ejus, & ad finistram, qui portant aquam, & Crucem, & cetera, de quibus superius dictum est. *Dilecta Collecta*, Pim recordationis affectu, cecedit Sacerdos, & aspergit sepulchrum *Aqua benedicta*, & imposito thure, tribuat thuribulum uni coram, qui Albis indati illuc descenderant, & incensetur sepulchrum; debinc *dilecta Collecta*, Obsecramus misericordiam tuam, duo ex Fratribus, qui foris sunt, pallium desuper extendant; alii duo corpus de feretro accipientes, illis tribuant, qui in tumulo inferius descenderunt. Illi diligenter illud in sepulchro component, & Absolutionem scriptam, & a Fratribus lectam super pelles ejus ponant, & operiant. Similia, vel paulo diversa, legere est in antiquis aliis Ritualibus multis.

II. Memorati hætenus rite mentionem facit Ritale antiquum Monasterii S. Eligii Noviomensis, aliisque explicat Martene in multis Ritualibus notatum, & servari hodie solitum a Dominicis in suorum Exequiis, spargendi scilicet terram super corpus defuncti: *Corpori usque in fossam allato*, ait Ritale Noviomense, *Aquam benedictam spargit* (Sacerdos scilicet) *in fossam, atque incensat eandem*. Tum mox: *Quo facto sine quolibet intervallo, ponitur corpus in terram, iterumque aqua benedicta aspergitur, & incensatur: Tunc operculo ligneo operitur*. Sacerdos autem cum pala ter mittens aliquantulum de terra super illud, subjungit hæc Orationes: Oremus Fratres carissimi pro spiritu cari nostri &c. *Alia*: Deus, qui iustis supplicationibus præsto es &c. *Alia*: Oratio: Debitum humani generis &c. *Alia* Oratio: Temeritatis quidem est &c.

III. Juxta Sacrodotalè Brixiense, Distinctione ix. Cap. II. pag. 280. dum Sacerdos aspergit aqua benedicta defunctum, dicit: *Rore celesti perfundat, & perficiat animam tuam Deus*. Dum vero incensat, *Odore celesti*, inquit, *pascent animam tuam Deus*. Dum sepulture mandatur: *Suscepit te terra*, ait, *quod tuam est; sumas Deus quod suum est; corpus de terra formatum, spiritus de Celo inspiratus est*. Deinde Sacerdos pala ter projiciens terram super funus, dicit: *Memento bonum, quia pulvis es, & in pulverem reverteris*; eoque expleto ritu, ac dicto Canticò, *Magnificat*, &c. Psalmo, *Lauda anima mea Dominum* &c. ac nonnullis Precibus, & Orationibus, cum pala, seu Cruce lignea signat sepulchrum tribus in locis, in capite, in medio, & in pedibus, dicens, *Signum Salvatoris & Domini nostri Jesu Christi & super te, qui in hac imagine & redemit te, nec permittat introire, insigat Crucem ligneam in capite sepulchri, Angelum perententem in æternum*. Deinde aspergit sepulchrum. Aqua benedicta, & dicta alia Oratione super populum materna lingua, omnes aspergit sepul-

chrum, & discedunt. Qui quidem ritus, ut observat Barrufaldus in suo ad hunc nostrum §. Commentario, magis servandus est in Cœmeterio, quam in Ecclesia.

IV. Ritus ipsum spargendi terram super cadaver, non modo Ritales Codices probant, verum etiam vetera, ac recentiora exempla, ac illud præsertim nostri Bonsignorii Cacciaguerræ, qui, ut ipsemet docet in Vita pie Virginis Felicis a Barbarano, primus fuit, qui ex adstantibus illius funeri terram super ipsam jecit, dicens: *Dormi in pace, o filia, donec te Christus excitabit a mortuis, & interim ora Deum pro me*. Obiit Virgo ipsa Romæ die xx. Aprilis anni MDLIII. sepultaque fuit in Parochiali Ecclesia S. Cecilie ad Montem Jordanum cum hæc marmorea inscriptione, quam conservavit nobis Floridus Canonicus de Silvestris in Libro, quem inscripsit, *Corona duodecim Sanitarum Virginum*, etique hujusmodi: *Felice a Barbarano Ancilla Christi, quam parissimam Virginem alumnam ad omnem sanctitatem educavit Homo Dei Bonsenior Cacciaguerra Senensis Presbyter Congregationis in adiutorio Charitatis, hic depositum redierunt in pace expellat censorium diem*. Obiit xxi. Kalend. Maii MDLIII. Tractu temporis solo æquata, ipsa S. Cecilie Ecclesia, & unita fabricæ S. Marie in Vallicella, ossa Virginis translata funeri in ipsam Vallicellanam Ecclesiam, extantque hodie in Sacello Depixæ in Cælos assumptæ dicato, in quo alia a prænotata, marmoria inscriptione legitur, suppresso prioris nomine nostri eximii Viri Bonsignorii Cacciaguerræ, qui non sine sanctitatis fama obiit in nostra Domo S. Hieronymi Charitatis, ubi hodieque extat hæc ejus marmorea inscriptio subius Organum Ecclesie prope portam, quæ ad Sacrarium ducit, quam & in Commentariis ad Romanum Pontificale retuli.

D. O. M.

BONSIGNORIO
CACCIAGUERRÆ

SENENSIS MIRÆ

SANCTITATIS

SACERDOTI

OBII ANNO

D. MDLXVI.

ÆTATIS SUÆ LXXII.

HUMATUS EST HIC PRIDE

KAL. JUL.

V. Siquis tandem hic querat, quinam olim mortuos sepelirent, repetam quod superius jam adnotavi, fuisse homines, qui Decani, Lecticarii, Laborantes, Copiæ, Fossarii, Vespiliones, aliisque nominibus appellabantur. Suam tamen adhibuisse aliquando operam huic pio officio Clericos, non obscure innuit S. Hieronymus in Epistola ad Innocentium de muliere septies ista. Sed nec desunt vetera monumenta, quibus doceamur, eam sibi Episcopos provinciam assumisse. Testatur id quidem S. Gregorius Nyssenus de obitu Macrine fororis sue, ubi illius humationem a se, & ab alio Episcopo factam recuset his verbis: *Ego, & regionis Episcopus ille, ejus mentionem feci, sacrum illud corpus & feretro solentes, juxta matrem apposuimus, atque ita votum atriusque complevimus; uno enim consensu semper oraverant Deum, ut corporibus post mortem copularentur, ut quæ inter ipsas fuerat in hac vita conjunctio, ne in ipsa quidem morte disolveretur*.

§. XII.

Quod si corpus tunc ad sepulturam non deferatur, omisso Responsorio, *In Paradisum &c.* & benedictione Sepulchri, si jam est benedictum, prosequatur Officium, ut infra, quod nunquam omittitur, & intonet Antiphonam: *Ego sum.* Et dicitur Canticum, *Benedictus.* Et repetitur Antiphona: *Ego sum resurrectio, & vita; qui credit in me, etiam si mortuus fuerit, vivet, & omnis, qui vivit, & credit in me, non morietur in aeternum.* Postea Sacerdos dicit, *Kyrie eleison, Christe eleison, Kyrie eleison. Pater noster.* Interim corpus aspergit. *V. Et ne nos inducas in tentationem. R. Sed libera nos a malo. V. A porta inferi. R. Erue Domine animam ejus. V. Requiescat in pace. R. Amen. V. Domine exaudi orationem meam. R. Et clamor meus ad te veniat. V. Domine vobiscum. R. Et cum spiritu tuo.*

Oremus.

Fae, quesumus, Domine, hanc cum servo tuo defuncto misericordiam, ut factorum suorum in penis non recipiat vicem, qui tuam in votis tenuit voluntatem; ut sicut hic cum vera Fides junxit Fidelium turmis, ita illis cum tua misratio societ Angelicis Choris. Per Christum Dominum nostrum. R. Amen.

Si fuerit femina, dicatur, Oremus.

Fae, quesumus, Domine, hanc cum femula tua defuncta misericordiam, & factorum suorum in penis non recipiat vicem, quae tuam in votis tenuit voluntatem; ut sicut hic cum vera Fides junxit Fidelium turmis, ita illis cum tua misratio societ Angelicis Choris. Per Christum Dominum nostrum. R. Amen. V. Requiem eternam dona ei Domine. R. Et lux perpetua luceat ei. V. Requiescat in pace. R. Amen. V. Anima ejus, & anime omnium Fidelium defunctorum per misericordiam Dei requiescant in pace. R. Amen.

COMMENTARIUS.

I. Nter alias Preces, & Psalmos, ac Orationes, & Cantica, quæ dei confluere ex antiquo ritu, recenseri etiam illa, quæ in hoc §. nostro notantur, ex antiquis Ritualibus constat, & potissimum ex antiquo Romano Ordine x. numero 39. ubi agit de sepultura defuncti: *Hic actis in persona defuncti, dicatur Antiphona, Aperite mihi portas: Et mox aperiat sepultura. Mandat mox, ut dicatur Psalmus: Constatemini Domino; itemque in persona defuncti dicatur Antiphona: Ingreddi in locum; et quæ dicta sepelitur cum Psalmo, Sicut Cervus. Varios Psalmos, Preces, Antiphonas, Orationesque dictas olim fuisse, non modo dum actu sepeliretur defunctus, verum etiam postquam humatus fuerat, docent nos plures Libri Ritualis. Ex Pontificali antiquo Salisburgensi, ubi elaudabatur sepulchrum, cantabatur hæc Antiphona: *Hæc requies mea in seculum seculi, hic habitabo, quoniam elegi eam; itemque Psalmus: Memento Domine David, & sequiebantur multæ Orationes.* Tum mandat, ut deinde Sacerdos faciat Crucem super sepulchrum, dicendo: *Benedictio Dei Patris, & Filii, & Spiritus Sancti, descendat super hoc sepulchrum. R. Amen. Similiter & reliqui Presbyteri singuli facientes Crucem super sepulchrum, dicant: Signum Christi tibi super te, omnibus autem respondentibus, Amen.* Ultima clausula, quæ in hoc Pontificali legitur est illa, quæ habetur in fine nostri §. nempe: *Anima ejus, & omnium Fidelium defunctorum requiescant in pace. Amen.**

II. Sed age explicemus ritum servatum post sepulchrum defunctum juxta laudati Ordinis x. Romani præscriptum: *Sepulto, inquit, item in persona ejusdem dicatur Antiphona: Hæc requies mea in seculum seculi. Psalmus: Memento Domine David. Antiphona: De terra psalmasti me*

Domine, & carne induisti me, Redemptor meus suscita me in novissimo die. Psalmus: Domine, probasti me. Antiphona: Non intres in judicium. Psalmus: Domine exaudi, II. Antiphona: Omnis spiritus laudet Dominum. Psalmus: Laudate Dominum de Calis. Antiphona: Ego sum. Psalmus: Benedictus. Oratio: Oremus, Fratres carissimi, pro spiritu Fratris nostri &c. resuscitari faciat. Per Christum Dominum nostrum. R. Amen. Oratio: Deus, cui omnia vivunt &c. quam præparasti diligenter te. Per Dominum nostrum. Amen. Oratio: Temeritatis quidem est, Domine &c. in parte dextera coronandus. Per Christum Dominum. Oratio: Opus est misericordie Domine sancte &c. in sinu Abrahae transierant. Per Christum Dominum. R. Amen. Aliæ Oratio: Debitum humani corporis &c. & perenni felicitate perfrui mereatur. Per Christum. Oratio: Omnipotens sempiternus Deus, qui humano corpori &c. æternis sedibus præcipias sociari. Per Dominum nostrum. Hæc, aliæque prolixiores Orationes, Antiphonæque, ac Psalmi dicti soliti in sepultura defunctorum, extant jam in aliis Ritualibus citato Romano Ordine x. antiquioribus.

III. Sed ut magis magisque elucescat Majorum nostrorum pietas in sepultura defunctorum, absolvetur iterum cadaver in sepultura postum Aquæ benedictæ asperzione, & variis Precibus; sic enim mox subdit citatus Ordo Romanus num. 40. *Item ad absolvendum, postquam sepultus fuerit, eam Aquâ sanctâ aspergitur, antequam populus recedat, & dicas Sacerdos: Pater noster. Vers. Et ne nos. Vers. Non intres in judicium. Resp. Quia non. Vers. A porta inferi. Resp. Erue Domine. Vers. Domine exaudi. Resp. Et clamor. Vers. Domine vobiscum. Resp. Et cum. Oratio. Tibi Domine commendamus &c. misericordissimè*

mæ pietatis abſorbe. Per Dominum &c. *Pro Cæmeterio Pſalm.* *Aſſerere mei Deus. Pater noſter.* *Verſ.* Et ne nos *Verſ.* Requiem æternam. *Verſ.* A porta inferi. *Verſ.* Domine exaudi. *Reſp.* Et clamor meus. *Verſ.* Dominus vobis cum. *Reſp.* Et

cum. *Oratio.* Deus, cujus miſeratione &c. tecum ſine fine latentur. Per Dominum. *Postremo dicatur Oratio:* Abſolve Domine. *Et ſubjungatur:* Anima ejus, & omnium Fidelium deſunctorum requieſcant in pace, Amen.

§. XIII.

Si vero ob rationabilem cauſam, videlicet ob temporis anguſtiam, vel aliorum Funerum inſtantiæ neceſſitatem, prædictum Officium Mortuorum cum tribus Nocturnis, & Laudibus dici non poteſt, depoſito in Eccleſia feretro cum corpore, dicatur ſaltem primum Nocturnum cum Laudibus, maxime ubi hujusmodi viget conſuetudo, incipiendo ab Invitatorio, *Regem, cui omnia vivunt, Venite &c.* & poſtea omnia alia dicantur, quæ ſupra præſcripta ſunt, dicenda poſt Officium Mortuorum, & Miſſam.

§. XIV.

Quod ſi etiam ea fuerit temporis anguſtia, vel alia urgens neceſſitas, ut unum Nocturnum cum Laudibus dici non poſſit, aliæ prædictæ Preces, & Suffragia nunquam omittantur.

COMMENTARIUS.

I. Superius jam dictum fuit, ritu antiquo recitari conſueviſſe Officium Deſunctorum præſente cadavere, integrum ſcilicet Officium, quod tribus Nocturnis, novem Lectionibus, & Laudibus conſtat. Id quidem expreſſe præcipiunt Rituales priſci Codices, longo ægmine allati a Martene Lib. 111. *De antiquis Eccleſiæ ritibus*, Cap. xv. & Lib. v. *De antiquis Monachorum ritibus*, Cap. x. Pluribus dictum fuiſſe Officium iſtud vel in Funere conſui deſuncti, addiſcimus ex antiquis mſs. conſuetudinibus Parſenſis Monafterii. Volunt enim primo, ut cum anima de corpore fuerit ſeparata, tunc ſimul Campanæ pulſentur, & Officium Mortuorum agatur, & poſt Officium etiam Veſperas, & quinque Pſalmos dicant. Secundo, ut cum corpus lavatur, iterum Deſunctorum Officium recitetur cum aliis Pſalmis, & Orationibus; Pſalteriumque etiam inchoetur, ſi longius tempus ipſa lotio corporis exegerit. Tertio, ut delato ad Eccleſiam cadavere, Armarius, id eſt, Cantor, ſeu Præcentor, uti aliis notatum fuit, nominatione Fratres mittat, qui primum vigiliam faciant, & ſecundam, & ita, ſicut noſtis eſt longitudo, tempera-

re, aut in ſingulis Vigiliis dicant Pſalterium cum Officio Mortuorum, & Matutinus ipſorum, & Veſpera, & quinque Pſalmi poſt Officium; poſt Matutinus vero Laudes &c.

II. Quod in laudatis Conſuetudinibus editur, in aliis quoque Ritualibus expreſſum eſt; mandatque inter alios antiquus Ordo Romanus x. num. 26. ut delato in Eccleſiam deſuncto, quiſque Sacerdos cum ſuis Clericis caute Vigiliam ix. Lectionum. Quamobrem non mirum videri debet, quod in hoc noſtro Rituali Romano præceptum eſt, ut nempe in Exequiis alicujus deſuncti unum integrum Officium Mortuorum recitetur, ea etiam addita permiſſione in §. noſtro XIII. ut ſi ob rationabilem cauſam, videlicet ob temporis anguſtiam, vel aliorum funerum inſtantiæ neceſſitatem prædictum Officium Mortuorum cum tribus Nocturnis, & Laudibus dici non poteſt, depoſito in Eccleſia feretro cum corpore, dicatur ſaltem primum Nocturnum cum Laudibus; quoniam, ſi etiam ea fuerit temporis anguſtia, vel alia urgens neceſſitas, ut unum Nocturnum cum Laudibus dici non poſſit, aliæ prædictæ Preces, & Suffragia nunquam omittantur, ex præſcripto §. XIV.

§. XV.

Miſſa vero, ſi hora fuerit congruens, ritu pro deſunctis, ut in die obitus, præſente corpore, non omittatur, niſi obſtet magna diei ſolemnitas, aut aliqua neceſſitas aliter ſuadeat; & poſt Miſſam fiat, ut ſupra.

COMMENTARIUS.

I. DE Miſſa tandem ſtatuit hic §. ut ſi hora fuerit congruens, ritu pro deſunctis, ut in die obitus, præſente corpore, non omittatur, niſi obſtet magna diei ſolemnitas, aut aliqua neceſſitas aliter ſuadeat, & poſt Miſſam fiat, ut ſupra. Plura nos de antiquo ritu celebrandi Miſſam, præſente cadavere, jam ſupra abunde diſſeruiſimus, ubi etiam explicuiſimus magnam diei ſolemnitatem, qua vetatur, vel uni-

cam deſunctorum diei Miſſam etiam corpore deſuncti præſente. Præter Gavantum in Rubricis Miſſalis, alioſque, qui ipſas ex profeſſo expoſuerunt, de Miſſa ipſa ſolemni pro deſunctis, ac cæremoniis in ea ſervandis videri poſſunt, quæ notavit inter alios recentiores Scriptores Meratus in novis ad ipſum Gavantum Additionibus, & Bauldryns in Manuali ſacrarum Cæremoniarum, Parte III. Cap. XIII. n. 1. & ſeqq.

CA.

CAPUT IV.

Officium Defunctorum.

I. **Q**uandam, & a quo Defunctorum Officium compositum fuerit, ac recitari cœperit, incertum est; esse tamen valde antiquum, nemo est, qui non sateri cogatur. Suam trahere originem a coeternis Vigilis, quæ apud Defunctorum corpora in Ecclesiis exposita a Fidelibus, orando ibidem, & psallendo, fiebant, utavet inter alios Vasespen, Parte II. *Jur. Ecclesiastici*, Tit. xxx. Cap. I. num. xxxvii. & seq. Constat Officium primis Vesperis, & Officio nocturno, idque non obcurum indicium est, ex prisca illis memoratis Vigilis descendere, seu potius illis succedisse. Cum enim corpus sub vesperam ad Ecclesiam delatum tota ibidem nocte quiesceret, Preces, & Vigiliæ, quæ vespere egrum corpore agebantur, primis Vesperis hujus Officii apprimè respondent, reliqua vero, quæ nocte agebantur, Officio nocturno.

II. Inter alios antiquos Auctores, qui de Divinis Officiis tractant, Amalaris, qui claruit sæculo ix. de Officio Mortuorum disserit, quin & quibusdam visus est, ejus fuisse continuator, conditorque, quod ordine commodiori illud digesserit, Lib. IV. *De Ecclesiasticis Officiis*, Capite xlii. & Lib. *De ordine Antiphonarum*, Capite lxxv. & seq. Notat hæc Thomassinus Parte I. *Discipline*, Lib. II. Capite lxxxvi. num. ix. ubi

etiam mox subdit, esse hujusmodi Officium Amalaris antiquius. Plura de Officio ipso notantur jam Beletius in Explicatione Divinorum Officiorum, Cap. cxxi. & Durandus in suo Rationali Lib. vii. Cap. xxxv. Originem istius Officii ducunt hi Auctores a Veteri Testamento, conaturque multis probare hanc suam ipsorum opinionem. Sed hac opinione ommissa, opere pretium duco ea deferbere, quæ de ejusdem celebratione Officii scripsit Beletius loco citato: *Præterea modo videamus, inquit, de ipsius Officii celebratione. Ac primo quidem, ut sciamus, quæ sint tacenda, & secundo quæ sint dicenda, quemadmodum Officium Mortuorum imitatur triduanam Christi sepulturam, & illius omnino vestigia sequitur. Sicut ergo tribus illis diebus, ita & in hoc Officio omnia Cantica lætitiæ subicemus. Inde etiam est, quod, Domine labia mea aperies, ad Matutinas, vel Vigiliis Mortuorum, & Deus in adiutorium, non dicatur in principiis Horarum, neque, Venite exultemus, neque, Gloria Patri, ad Responsorium, aut sub finem Psalmorum. Pari modo ad Lectiones, neque benedictiones petimus, neque damus, nec, Tu autem Domine, nec, Deo gratias, nisi quando dicimus, nisi adeo, ut ne ad Missam quidem. Eadem legere est apud laudatum Durandum.*

§. I.

Officium Defunctorum dicitur in Choro in die depositionis, & aliis diebus pro temporis opportunitate, & Ecclesiarum consuetudine, ut supra dictum est. In die vero depositionis, & tertio, septimo, trigésimo, & anniversario duplicantur Antiphonæ. Et in fine Psalmorum dicitur, *Requiem æternam, dona eis Domine, & lux perpetua luceat eis*, etiam si pro uno tantum fiat Officium.

COMMENTARIUS.

I. **L**ocus præcipuus, in quo perfolvendum sunt Horæ Canonice, Chorus appellatur, ad Divina Officia recitanda constructus, in eoque iccirco inter Divina Officia alia, recitandum est & ipsum Defunctorum Officium, nempe, ut ait hic noster §. in die depositionis, & aliis diebus pro temporis opportunitate, & Ecclesiarum consuetudine. Sed antequam id explicemus, præmittendum censeo, quod inter alios notavit Guyetus in Heortologio, Libro IV. Cap. xxiii. Quæst. I. Officium ipsum Defunctorum, quod in calce Breviarii Romani, & in præfati Romani Ritualis Capite positum est, dici, vel pro omnibus Defunctis generatim, vel pro aliquibus speciatim. Pro omnibus generatim dicitur die II. Novembris, quæ die inscripta habetur in Calendario, atque etiam in Martyrologio, *Commemoratio omnium Fidelium Defunctorum*. Dicitur item extra tempus Paschale prima cujusque mensis die, non impedita Festo novem Lectionum, aliquando alia sequenti die similiter non impedita. In Adventu autem, & Quadragesima, Feria II. cujuslibet hebdomadæ, similiter non impedita, præterquam in sanctiori hebdomada quæ Pascha præcedit, Ita Rubrica huic Officio

præposita, quam firmat Guyetus S. Augustini auctoritate in Libro, *De cura gerenda pro mortuis*, ubi sic ait: *Non sunt prætermittenda supplicationes pro spiritibus mortuorum, quos faciendas pro omnibus in Christiana societate defunctis, etiam tacitis nominibus sub generali commemoratione suscepit Ecclesia, ut quibus in ipsa vita defuncti parentes, aut filii, aut qualescunque cognati, vel amici, ab una eis exhibeatur pia Mater communi.*

II. Pro Defunctis vero speciatim, de quibus loquitur hic noster §. primo dicitur in die depositionis. Dies depositionis, ut ad ipsum §. notat Barrusaldus, dicitur ille, in quo cadaver depositum est in Ecclesia, vel sepultura traditum, & quandoque vocatur dies obitus, quia parum distat a depositione, seu sepultura. Quandocumque autem cadaver deferatur ad Ecclesiam, dici quidem Defunctorum Officium potest, quia scilicet Rubrica tempus præcimum minime præfixit, servari iccirco potest consuetudo probata Ecclesiarum, ut idem Barrusaldus tradit loco citato, ubi etiam scite illud advertit, quod si ipsum Officium mane dicatur, non erunt dicende Vesperæ, quia nempe temporis minime conveniunt, ut

ut ex ipsa uominis significatione addiscere licet. Porro ex præscripto nostri huius §. recitando Officio Defunctorum designatur in primis dies ipse obitus, seu depositionis defuncti, quo nimirum vel is vivere desit, vel corpus ejus sepultum mandatur; siquidem ad illum diem potissimum pertinent quæcumque de Orationibus Deo illi. Exequiis Defunctorum Patres, Conella, traditione ipsa universalis Ecclesie docent. Quin & inde dictum est antiquis Officiis Defunctorum *Agenda*, quasi id sit præcipue agendum, celebrandumve. Atque hæc est causa, cur in ipso die depositionis, & tertio, septimo, trigésimo, & anniversario duplicentur Antiphonæ, in Officio scilicet, ut ait hic idem noster §. quia nimirum hujusmodi dies pro solemnibus habentur, in quorum etiam gratiam in fine Psalmorum loco, *Gloria Patri*, ex antiquo, & communis ritu dici assuet, *Requiem æternam* &c.

III. Præter diem obitus, depositionisve defuncti, ex antiquo pariter ritu, cui inhæsit noster §. designati sunt dies tertius, septimus, & trigésimus, atque anniversarius, ab obitu videlicet, seu depositione defuncti; quam tamen numeri rationem non sic accipiendam, recte monet Amalarus Lib. IV. Cap. XLII. ut is tantum die-

bus, non vero aliis intermediis, pro defuncto Officium, Missave celebretur, quasi iis diebus magis proficiant, quam aliis, esset enim id substitutione dammandum; sed quod tertio die *infra septimum*, & septimo *infra trigésimum*, celebrari peragatur, ut ait Amalarus loco citato, sive ut habet Lib. III. Cap. XLIV. *quod publice, & generaliter convenire solent iis maxime diebus amici omnes, ad hoc ut defunctum precibus Missarum, atque elemosinis, & cæteris bonis studiis juvent*. Quod pium esse, ac religiosum, docet S. Ambrosius in Oratione, *De obitu Theodosii Imperatoris*, & resertur in Canone, *Quia alii*, Causa XLIII. *Questione II.* Mysticas vero horum dierum præ aliis rationes afferunt creditus Alcuinus in Libro, *De Divinis Officiis* ad finem, Amalarus loco citato, Gulielmus Durandus, Lib. VII. Rationalis Divinorum Officiorum, Capite XXXV. num. 5. & seqq. Stephanus Durandus Lib. II. *De ritibus Ecclesie Catholice*, Cap. XLIII. num. 5. quos omnes legere est apud Gavantum in Rubricis Missalis, Parte I. Tit. V. num. 3. Denique, sicut de memoratis diebus, ita & de anniversario emortuali die plura extant Patrum testimonio, quæ videri possunt apud laudatum Durandum, num. 6.

§. II.

Ad Vesperas absolute incipitur ab Antiphona: *Placebo Domino*. Psalmus CXIV. *Dilexi, quoniam exaudivit Dominus &c.* Antiphona: *Placebo &c.* Antiphona: *Hei mihi*. Psalmus CXIX. *Ad Dominum cum tribulaver*, &c. Antiph. *Hei mihi &c.* Antiph. *Dominus*. Psalmus CXV. *Levavi oculos meos &c.* Antiph. *Dominus custodit te &c.* Antiph. *Si iniquitates*. Psalmus CXXIX. *De profundis &c.* Antiph. *Si iniquitates &c.* Antiph. *Opera*. Psalmus CXXXVII. *Confitebor tibi &c.* Antiph. *Opera manuum &c.* V. *Audisti &c.* R. *Beati &c.* *Ad Magnificat*, Antiph. *Omne*. Canticum B. Mariæ Virginis, Luc. I. *Magnificat anima mea &c.* Antiph. *Omne &c.* Sequentes Preces dicuntur flexis genibus, similiter & ad Laudes, *Pater noster*, secreto. V. *Et ne nos &c.* R. *Sed libera &c.* Psalm. CXLV. *Lauda anima mea &c.* V. *A porta inferi &c.* R. *Erue &c.* V. *Requiescat in pace*. R. *Amen*. V. *Domine exaudi &c.* R. *Et clamor meus &c.* V. *Dominus vobiscum*. R. *Et cum spiritu tuo &c.*

COMMENTARIUS.

I. **T**este Beetho in explicatione Divinorum Officiorum, Cap. CLXI. *Officium Mortuorum a Vesperis incipit, quas in hanc modum aspicimus, Placebo Domino. Quibus absolutis, sequitur Completorium, ac postea Vigilia, idest, Matutinum cum Laudibus, de quibus nos suo loco inferius, sed abque cæteris Horis, inquit Radulphus de Rivo Decanus Tongrensis, Propositione XX. quod fortasse non sit Officium Canonicum, seu nulla unquam die pro Canonico Officio præscribatur, sed extraordinarie tantum, ac præter Officium diei proprium, unde opus non fuit diurnas ei Horas tribuere; quippe quibus præter Psalmos omni Officio communes, pauca sunt ad Officium, quod sit qualibet die, spectantia, uti notat Guyetus in sua Theologia, Lib. IV. Cap. XXXIII. *Questione XIV.* Sed non defuerunt, qui Horas ipsas diurnas in Defunctorum Officio recitarent, in aliquibus saltem Ecclesiis, quique, prætermisso solito Versu, *Deus in adiutorium*, & Hymno, ab Antiphona, quam tamen nonnulli omittebant, Officium inci-*

piebant, solitosque decurrerant Psalmos cum Versu, *Requiem æternam*, in fine; Psalmique absolutis subiungerent Responsorium cum, *Kyrie eleison*, ut testatur Martene in Libro, *De antiqua Ecclesie disciplina in celebrandis Divinis Officiis*, Cap. XXXIV. num. XXXIII. ubi etiam ait, in Ecclesia Rotomagensi ad Horas diurnas, præmissa Antiphona, tres ad singulas Horas ex Psalmis Gradualibus cantari consuevisse cum, *Kyrie eleison*, *Pater noster*, & Oratione de Defunctis. Porro quod ipsum Officium Mortuorum alicubi saltem solum fuerit fuisse *Nona Hora*, tradit etiam laudatus Beethus loco citato.

II. Juxta præscriptum, consuetudinemque Ecclesie Romanæ, caret Officium Defunctorum non modo Horis diurnis, sed etiam secundis Vesperis, tam ad minorem huius Officii solemnitatem, ut sit in Feslo simpliciter, ait Gavantus in Rubricis Breviarii Romani, *Sectione IX.* Cap. II. num. 7. tum ob mysterium ex Beetho, & Durando Libro V. Rationalis, Cap. IX. num. 10. quod videlicet secundæ Vesperæ, cum ad postremam, cam-

que completam Sanctorum in corpore glorificationem referantur, haud competunt iis, quos nec dum ipsam animae gloriam adeptos fuisse supponimus. At vero, quicquid sit de his rationibus, addebant profecto quidam secundas de defunctis Vesperas, & Completorium, ita, laudato Martene teste, Ordinarius Carnotense S. Joannis, ususque Ecclesiae Turonensis, qui, ut refert Guyetus, secundas Vesperas, ac subinde Completorium contra communem aliorum morem tribuit Officio Commemorationis omnium Fidelium Defunctorum. Nunc est meum insignium Ecclesiarum usus improbare, praefertim vero ubi antiqui sunt, & longa consuetudine illustrium Praefulum, aliorumque doctorum Virorum probati. Porro Joannes Abrincensis ejusdem Urbis Episcopus, & deinde Archiepiscopus Rotomagensis, qui claruit Saeculo xii. nihil habet de secundis Defunctorum Vesperis, sed Psalmos tamen pro secundo Completorio designat. Ex adverso in Ordinario Lemovicensi secundae quidem de Defunctis Vesperae annotantur, sed non Completorium. Ceterum tametsi laudati Beletus, & Durandus docent, Defunctorum Officium secundis Vesperis carere, intelligendum id tamen volunt, ubi tres tantum Lectiones recitantur, idest, unum hujus Officii Nocturnum; nam alias ubi novem, dicuntur, differte ajunt, mysticque rationibus probant, Officium ipsum Defunctorum primas pariter, & secundas habere Vesperas.

III. Quanta autem fuerit olim varietas usum Ecclesiarum in Vesperis hisce celebrandis, notavit jam inter alios memoratus Guyetus, Quaestione xxiii. his verbis: *Quod Vesperas, quaeque Psalmos aliqui sub una Antiphona convolvunt, nullo addito versu. Habetur in Carnotensi Capitulum: Audivi vocem; isidem in Laudibus. In Bituricensi Responsorium prolixius, Congregati sunt, pro solemnioribus Officiis. Antiphonam ad Magnificat aliqui habent, Sancta, ergo, & salubris; alii, Audivi vocem; alii, Lux aeterna; alii, Qui Lazarum; alii, Tuam Domine depositum pietatem; alii, Absolve Domine animas &c. Praeibit aliqui inserunt versas: Credo videre. Animae eorum in bonis. Non intres in judicium. Ne tradas bestias. Domine misericordia tua in saeculum.*

IV. Ad Preces tandem quod attinet, quae una cum Psalmo ex §. nostri praescripto post Vesperas, & Laudes dicende sunt, stando praecis Rubricae verbis in Breviario Romano praescriptae, omittendae sunt quidem tantum in die omnium Fidelium Defunctorum. Extendit Gavannus citato loco num. 2. ad diem depositionis defuncti, *sive Nocturni dicantur, ex Rituali Romano Pauli V. imo & pari ratione, quandocumque sit Officium duplex. Quod tamen postremum vix admittendum ait Guyetus Quaest. xviii. ob restrictiorem Rubricam, cui aequi facile erat addere: Et in die depositionis defuncti.*

§. III.

In die depositionis defuncti Oratio.

Absolve, quaesumus, Domine, animam famuli tui N. (vel famulae tuae) ut defunctus (vel defuncta) saeculo tibi vivas; & quae per fragilitatem carnis humana conversatione commisit, tu venia misericordissimae pietatis absolve. Per Christum Dominum nostrum. R. Amen. Vel

Deus, cui proprium est misereri semper, & parcere, te supplices exoramus pro anima famuli tui N. (vel famulae tuae) quam hodie de hoc saeculo migrare jussisti, ut non tradas eam in manus inimici, neque oblitiscaris in finem; sed jubeas eam a Sanctis Angelis suscipi, & ad Patriam Paradisi perducere, ut qui in te speravit, & credidit, non penas inferni sustineat, sed gaudia aeterna possideat. Per Christum Dominum nostrum. R. Amen.

In die tertio, septimo, & trigésimo depositionis defuncti Oratio.

Quaesumus, Domine, ut animae famuli tui N. (vel famulae tuae) cujus depositionis diem tertium (vel septimum, vel trigésimum) commemoramus, Sanctorum, atque Electorum tuorum largiri digneris consortium, & rorem misericordiae tuae perennem infundas. Per Christum Dominum nostrum. R. Amen.

In Anniversario Oratio.

Deus Indulgentiarum Domine, da animae famuli tui N. vel famulae tuae, vel animabus famularum, famularumque tuarum, cujus, vel quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Christum Dominum nostrum. R. Amen.

Aliae diversae pro defunctis.

Pro Summo Pontifice Oratio.

Deus, qui inter Summos Sacerdotes Famulum tuum N. ineffabili tua dispositione connumerari voluisti; presta quaesumus, ut qui Unigeniti Filii tui vices in Terris gerebat, Sanctorum tuorum Pontificum consortio perpetuo aggregetur. Per eundem Christum Dominum nostrum. R. Amen.

Pro defuncto Episcopo Oratio.

Deus, qui inter Apostolicos Sacerdotes famulum tuum N. Pontificali fecisti dignitate vigere: presta quaesumus, ut eorum quoque perpetuo aggregetur consortio. Per Christum Dominum nostrum. R. Amen. Si fuerint plures, dicatur in numero plurali.

Pro

Pro Episcopo Cardinali defuncto, dicatur: *Familium tuum N. Episcopum Cardinalem, Pontificali fecisti dignitate &c.* Pro Presbytero Cardinali, dicatur: *Familium N. Presbyterum Cardinalem Sacerdotali fecisti &c.* Pro Diacono autem Cardinali dicatur Oratio, *Inclina Domine*, quæ habetur paulo infra hoc modo: *ut animam famuli tui N. Diaconi Cardinalis, quam &c.*

Pro defuncto Sacerdote Oratio.

Deus, qui inter Apostolicos Sacerdotes famulum tuum N. Sacerdotali fecisti dignitate nungere: presta quesumus, ut eorum quoque perpetuo aggregetur consortio. Per Christum Dominum nostrum. R. Amen. Vel Oratio.

Presta quesumus Domine, ut anima famuli tui N. Sacerdotis, quem in hoc seculo commorantem sacris muneribus decorasti, in celesti sede gloriosa semper exules. Per Christum Dominum nostrum. R. Amen.

Pro uno defuncto Oratio.

Inclina, Domine, aurem tuam ad preces nostras, quibus misericordiam tuam supplices deprecamur, ut anima famuli tui N. quam de hoc seculo migrare iussisti, in pacis, ac lucis regione constituas, & Sanctorum tuorum jubeas esse consortem. Per Christum Dominum nostrum. R. Amen.

Pro una defuncta Oratio.

Quesumus, Domine, pro tua pietate miserere anime famule tue N. & a contagii mortalitatis exuat, in æternæ salvationis partem restitue. Per Christum Dominum nostrum. R. Amen.

Pro defunctis fratribus, propinquis, & benefactoribus Oratio.

Deus, venia largitor, & humane salutis amator, quesumus clementiam tuam, ut nostræ Congregationis fratres, propinqui, & benefactores, qui ex hoc seculo transierunt, Beata Maria semper Virgine intercedente, cum omnibus Sanctis tuis, ad perpetuæ beatitudinis consortium pervenire concedas. Per Christum Dominum nostrum. R. Amen.

Pro Fidelibus defunctis generalis Oratio.

Fidelium Deus omnium Conditor, & Redemptor, animabus famulorum, famularumque tuarum veniissem cunctis tribue peccatorum, ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. R. Amen. V. Requiem æternam dona eis Domine. R. Et lux perpetua luceat eis. V. Requiescant in pace. R. Amen.

COMMENTARIUS.

Icto postæ sunt Orationes in Officio Defunctorum, quod in fine Breviarii Romani legitur, sed longe plures in hoc Rituali, atque Missali, quorum nonnullæ extant quidem in Sacramentario S. Gregorii Papæ, aliquæ vero sunt eo posteriores, uti notavit Gavantus in Notis ad prædicti Romani Breviarii Rubricas, Sectione ix. Cap. II. Sed reperiuntur tamen in variis antiquis Missalibus, Ritualibusque apud Martene, & alios rerum Liturgicarum Scriptores. Porro Orationes ejusmodi, cum sic solæ dicuntur, habent conclusionem integram, *Per Dominum nostrum &c.* In nostro hoc tamen Rituali Orationi, *Absolve quesumus &c.* apponitur tantum brevis conclusio, *Per Christum Dominum nostrum &c.* Causa ejus discriminis, ea censetur a Guyeto in sua Eortologia Libro iv. Capite xxiii. Questione xix. quod non ibi terminetur Officium, sed continenti filo pergatur ad Exequias; alias vero integram habet conclusionem. Ex hoc item Rituali colligitur, cum pro uno sit Officium, Versus Orationem præcedentes, ac sequentes debere dici in singulari numero, uti censet Gavantus citato loco, num. 3. ubi etiam notat, Versum in Officio Defunctorum frequentissimum, *Requiem æternam &c.* ejus nonnulli Auctores faciunt Apostolos, haberi in Sacramentario Gregoriano, dividique in

Titm. I.

sine Psalmorum, & Precibus, licet in Responsoriis sit unas Versus.

II. Sed, ut ad ipsas prædictas Orationes redeam, notandum & illud hic censeo, esse quidem semper nomen in Oratione exprimendum, ubicunque interjicitur in textu Orationis littera N. ut in Oratione in die obitus, itemque in die tertio, septimo, trigésimo, & anniversario, ac præterea in Oratione pro Papa, Episcopo, & Sacerdote. Ubi vero prædicta littera non interponitur, argumentum est, esse omittendum, ut puta in Oratione, *Inclina, & Quesumus Domine &c.* Cæterum Gavantus in Rubricis Missalis, Parte iv. Titulo xviii. num. 16. eam regulam limitat in defuncto nobili, multoque magis in Principe, Rege, aut Imperatore, atque horum non tantum nomen, sed & qualitatem, ipsam Regis, aut Imperatoris solere exprimi. Item si consuetudo fuerit nominandi omnes in Collecta, & Oratione, quod affine est antiquo ritui, defunctorum nomina in Diptychis recitandi; de quibus videri possunt, quæ diximus in Commentariis ad Concilia Oecumenica, Tomo I. Recte autem & illud advertit Guyetus loco citato Questione xx. in Oratione pro patre, & matre Sacerdotis, non esse ab ipso exprimenda illorum nomina, cum ambo textu ipso satis designentur.

GRE 2

Ad

Ad Martinum.

Invitatorium: *Regem, cui omnia vivunt, venite adoremus.* Chorus repetit: *Regem, cui omnia &c.* Psalmus xciv. *Venite, exultemus Domino &c.* usque in finem totius Officii.

COMMENTARIUS.

I. **M**atutini Invitatorium, in Officio solliciti Defunctorum, de quo agimus, non idem fuisse ubique, observarunt jam Edmundus Martene in Libro, *De antiqua Ecclesie disciplina &c.* Cap. xxxiv. num. xxxi. & Carolus Guyetus in Heortologia, Lib. iv. Capitulo xxiii. Quæstione xxiii. Alii dicebant, uti nos hodie, *Regem, cui omnia vivunt, venite adoremus.* Alii, *Regem vivorum, ac quiescentium Dominum venite adoremus.* Alii, *Circum sedebant me gemitus mortis, & dolores inferni circumdederunt me.* Quod quidem Invitatorium, habent pleraque Breviaria Germaniæ, ut post Schultingium testatur Guyetus. Sed omissa hac varietate, dicendum est quidem Invitatorium ipsum, *Regem, cui omnia vivunt &c.* in die Commemorationis omnium Fidelium Defunctorum, uti expresse habetur in Rubrica Breviarii Romani, & in die depositionis, seu obitus defuncti, etiam si unum tantum Nocturnum dicatur, ex præscripto hujus Romani Ritualis iis verbis superius descriptis, Cap. III. §. xiii. *Dicatur saltem primum Nocturnum cum Laudibus, maxime ubi ejusmodi viget consuetudo, incipiendo ob Invitatorio, Regem, cui omnia vivunt &c.* Docet præterea Gavantus in Rubricis Breviarii Romani, Sectione ix. Cap. II. *De Officio Defunctorum* num. 12. dicendum etiam Invitatorium in die depositionis, tertio, septimo, trigesimo, & anniversario, & regulariter, quando tres Nocturni dicuntur, etiam ex Durando, Lib. v. Cap. iiii. quia ad solemnius Officium invitandi sunt plures; per annum autem omittitur, quia in hoc Officio Ecclesia Exequias Christi in Parasceve fieri solitas imitatur, ut idem docet Durandus.

II. Sicut in Invitatorio, ita & in Antiphonis, Psalmis, Lectionibus, aliisque ad hoc Officium spectantibus, mira Ecclesiarum varietas. Id quod jam observarunt Beletius, Durandus, Schultingius, Guyetus, Martene, alique recentiores eruditi Auctores de Divinis Officiis tractantes. Psalmos tres cujusque Nocturni aliqui sub una Antiphona recitabant. Quilam in primo Nocturno hos adhibebant Psalmos: *Lauda anima mea, & Nisi quia Dominus erat in nobis.* In secundo Nocturno istos: *Utsqueque Domine obliviscaris me in furore, & Conserve me Domine.* In tertio Nocturno Psalmus septimus in erat: *Domine ne in furore.* II. Octavus, *Beatus qui intelligit.* Nonus: *Quemadmodum desiderat.* Quidam pro septimo dicebant: *Expectans expectavi;* pro octavo: *Quemadmodum desiderat;* pro nono: *Audite hæc omnes gentes.* Alii etiam pro septimo: *Exaltabo te Domine, seu, Judica Domine nocentes me.* Notat hæc Martene in Libro, *De antiqua Ecclesie disciplina in Divinis celebrandis Officiis*, Cap. xxxiv. num. xxxi.

III. Ecce nunc alia, & quidem longe major in dicendis Lectionibus varietas. Nam primo, cum in hoc Officio, quod, ut docent præfati Auctores, imitatur omnino triduanam Christi sepulta-

ram, & ideoque varii ritus omitti debeant, ac præsertim Absolutiones ante Lectiones; non desunt nihilominus Ecclesiæ, in quibus Absolutiones Lectionibus præmittuntur. Hunc esse usum S. Martini Turonensis, docet Guyetus in sua Heortologia, Lib. iv. Quæstione xxiii. Dicitur enim ibi in primo Nocturno: *Precibus, & meritis Beatae Mariæ Virginis, & omnium Sanctorum, & Sanctorum, requiem æternam dona eis Domine.* In tertio Nocturno: *Precibus, & meritis Beatissimi Martini, requiem æternam dona eis Domine.* Quantum vero ad ipsarum Lectionum varietatem, testes habemus antiquos Scriptores, Beletium in explicatione Divinorum Officiorum, Cap. clxi. & Durandum in Rationali, Libro vii. Cap. xxxv. num. 33. *In quibusdam Ecclesiis leguntur Lectiones de Job, & incipiunt: Parce mihi Domine &c. In aliis leguntur de Libro Sapientie, & incipiunt: Melius est ire ad domum luctus, quam ad domum convivii. In aliis vero de quodam Sermone Augustini, quem ille composuit de Mortuis, ait Beletius, & quem finit in hunc modum: Beati mortui, qui in Domino moriuntur. Quod a quibusdam dicitur sub finem Lectionum loco: Tu autem Domine.*

IV. His nunc adde novem alias Lectiones, quas ex antiquis Breviariis refert Scultingius. I. ex Libro Proverborum, Cap. v. *Ne des alienis.* II. ex Libro Ecclesiastici, Cap. vii. *Melius est nomen bonum.* III. ex Libro Ecclesiasticis, Capite xii. *Memento Creatoris tui.* IV. ex Isaia, Cap. xvi. *Viteat mortui Domine.* V. ex Osea, Cap. xiii. *Hæc dicit Dominus, de manu mortis.* VI. ex Daniele, Cap. xii. *Multi de his, qui dormiunt.* VII. ex I. Cor. Cap. xv. *Sicut in Adam omnes moriuntur.* VIII. ex eadem Epistola: *Ece mysterium vobis dico.* IX. ex I. Thessal. v. *Ipsi Fratres diligenter fecitis.* Harum tres priores reperisse se ait Guyetus in Rimali quodam Romano edito Parisiis anno mœcvi. cum hac ad quamlibet terminatione: *Beati mortui, qui in Domino moriuntur;* quam in usu fuisse in quibusdam Ecclesiis loco, *Tu autem Domine,* post Beletium testatur etiam Durandus. Ceterum observat laudatus Guyetus, omnes præfatas novem Lectiones haberi in antiquis Breviariis Germaniæ, Ratisponensi, Herbipolensi, Eystetensi, & aliis; appellarique Vigiliis minores illas, in quibus leguntur ejusmodi Lectiones; alias vero, in quibus leguntur Lectiones Job, majores. Quod ipse insuper Lectiones ex Epistolis Pauli juxta Ordinarium Ecclesiæ Rotomagensis pronuntiarı debeat in pulpito, tradit memoratus Martene loco supra citato.

V. Venio ad Responsoriorum varietatem, quam refert idem Guyetus, sic inquit: *Præter Responsorium commune, hæc in aliis usibus habentur: Scio Domine, quia morti me traditurus es. Requiem æternam. Absolve Domine animas eorum.* Si facta mea recitare. Redemptor meus vivit. Rogamus te Domine. Ne perdidideris me: Do-

Domine. Ne tradas me Domine bestis. Quomodo consistebor tibi. Libera Domine animas eorum. Congregati sunt &c. *Responsori* vero *noni*, Libera me Domine de morte aeterna. *Versus* *bi* *super* reperiantur: Vix iustus salvabitur. Creator omnium Deus. Contremuit Angeli. Quid ego miserimus. Vox de Caelis, o mortui. Plangent te super se. Nunc Christus te deprecatur &c. *Est* pene me, pergit Auctor, *Breviarium antiquum* Ecclesiae Eujistenfis in Germania, in quo habentur plura alia *Responsoria*; imo triplex integrum novem Lectionum Officium pro Defunctis; *primam* *commemorem*, *secundum* *in die* *animarum*, *tertium* *pro commemoratione Fratrum*, & hoc *postremum* *non tantum Responsoria*, sed etiam *Antiphonas*, *Versus*, *Lectionesque* habet ab aliis plane *diversas*. Haecenus memoratus Guyetus.

VI. De Laudum varietate in hoc Officio nihil fere dicit Martene citato saepius loco, numero xxxiv. Fatetur enim, *Lauder eodem fere modo*, qui nunc viget, cantari consuevisse, sed ex *Ordinario Carnotensi S. Joannis post Psalmos dici debuisse Capitulum: Infelix ego homo*. Verum, teste Guyeto, fuerunt nonnulli, qui Psalmos Laudum aequae, ac Vesperarum, sub una Antiphona recitarent, aliis vero ex quinque primam fere variantibus: *Dele Domine*. *Secundum magnam*. *In iniquitatibus*. *Sacrificium Deo*. *Quartam* item: *Eruiisti animam meam, ut non periret*. Placuit aliis Psalmus cxlii. *Domine exaudi orationem meam, auribus &c.* Antiphonam ad Benedictus hanc habet Breviarium Parisiensis: *Credo Domine Deus meus*. Ambianense: *Animas Fidelium*, quas &c. ab aliis reponitur: *Omne quod dat*.

CAPUT V.

De Officio faciendo in Exequiis, absente corpore defuncti, & in die tertio, septimo, trigesimo, & anniversario.

I. **R**ESTE ait Barrufaldus ad hunc locum, multipliciter posse istam corporis defuncti, seu cadaveris absentiam dari, nempe, vel quia cadaver jam humatum est, vel quia in alia Civitate, vel loco sit mortuus ille, pro quo celebratur Officium, vel quia pro omnibus Christianis delictis, qui in osculo Domini mortui sunt, celebrantur Exequiae, vel alias ab eas. Numquam vero celebrari posse ait Officium solemne, seu fieri Exequias, nisi prius cadaver delatum sit ad Ecclesiam, quia nimirum Ecclesia certa esse debet de obitu illius, cui celebranda Exequiae sunt, & quod Ecclesiastica sepultura sit

dignus; multi enim dari possunt easus, jam a nobis superius explicati in Commentariis ad Caput II. hujus Tituli, *De exequiis*, in quibus licet quis mortuus sit, Ecclesiasticam sepulturam minime mereatur. Ceterum, ubi constat, cadaver traditum jam sepulturae fuisse, rite quidem ex praescripto Capituli hujus, in die tertio, septimo, trigesimo, & anniversario solemne pro eo celebrari potest Officium juxta ritum antiquae Ecclesiae praxi comprobatum, atque in sequentibus Paragraphis recensitum, quos nos brevioribus Commentariis exponimus, quum huc spectent, quae jam late superius diximus.

§. I.

Si faciendae sint Exequiae, absente corpore, eo die, quo bene visum fuerit, in Ecclesia dicatur Officium Mortuorum cum tribus Nocturnis, & Laudibus, & Antiphonis duplicatis, vel saltem unum Nocturnum cum tribus Lectionibus, & Laudibus, & Missa. Post Missam Celebrans deponit Manipulum, & Planetam, accipit Pluviale nigri coloris, & praecedentibus, Subdiacono cum Cruce, & duobus Ceroferariis cum luminariis accensis, & duobus Acolythis, uno cum navicula incensi, & altero cum vasculo Aquae benedictae, & aspersorio, & hoc Libro Rituali, accedit cum Diacono a sinistris ad locum tumuli, & ibi a circumstante Clero cantatur *R. Libera me Domine &c.* ut supra. Interim ministratur incensum, benedicitur, & imponitur in thuribulum.

COMMENTARIUS.

I. **P**AUCA hic adnotata, quod ea, quae in hoc praescribuntur §. explicata jam aliis fuerint, & a nobis quidem superius, & Gavanto, Bauldreyo, Guyeto, ac aliis, qui praxim sacrarum Ceremoniarum exponunt. Sane rogabit hic quispiam, quoniam Missa dicenda; cum primum resisteret obitus alicujus in remotiori loco defuncti. Et respondet quidem Gavantus, Parte IV. Tit. XVIII. num. 15. *Pro eo*, inquit, *qui proxime obit, longe tamen a nobis, prima vice potest dici Missa, ut in die tertio, quibus verbis, tertiam*. Cui responsioni lubens subscribit Guyetus citato superius loco, *Questione XXVIII.* adeoque cum in tertio die praescribatur Missa, ut in die obitus, dicenda prima Missa erit. Sed nec

omittendum illud, praescribi quidem in hac Rubrica incensi benedictionem, de qua tamen nulla facta est mentio supra Cap. III. §. IX. ubi de Absolutione agitur, quae fit, praesente cadavere. Sed faciendam esse ipsam incensi benedictionem, non modo rerum ritualium Auctores, & communis praxis nos docet, verum etiam Romani Missalis Rubrica, Parte II. Tit. XIII. num. 4. inquam vide, quae scite Gavantus notavit, quaeque nos in Commentario ad ipsum §. IX. attulimus. Ceterum Ritualis hujus Rubrica ex citato Capite II. alique Ritualibus, Missalesque Codices, quae contra eam incensi benedictionem obijci possunt, jam minime illam negant, aut improbant, sed vel omittunt, aut tamquam usitatum supponunt.

§. II.

§. II.

Postea dicitur, *Kyrie eleison, Christe eleison, Kyrie eleison*. Sacerdos dicit, *Pater noster* &c. & dum secreto dicitur, accipit aspersorium, circuit tumbam aspergens, deinde incensat eodem modo, quo dictum est. Postea dicit *Ÿ. Et ne nos inducas in tentationem. R. Sed libera nos a malo. Ÿ. A porta inferi. R. Erue, Domine, animam ejus. Ÿ. Requiescat in pace. R. Amen. Ÿ. Domine exaudi orationem meam. R. Es clamor meus ad te venias. Ÿ. Dominus vobiscum. R. Et cum spiritu tuo.*

Oremus.

Absolve, quesumus, Domine, animam famuli tui, vel famulae tuae, ut defunctus, vel defuncta, seculo tibi vivat, & quae per fragilitatem carnis humana conversatione commissa, tu venia misericordissimae pietatis absterge. Per Christum Dominum nostrum. R. Amen. Vel dicatur Oratio, quae dicta est in Missa, vel alia conveniens. Ÿ. Requiem aeternam dona ei, Domine. R. Et lux perpetua luceat ei. Requiescat in pace. R. Amen.

NOTA,

Quum ea, quae in hoc §. continentur, explicata jam fuerint, & a vobis in superioribus Com-

mentariis, & ab his, qui praxim sacrorum rituum in Defunctorum Officio, illorumque Absolutiones exposuerunt, supervacaneum putamus in hoc explicando §. diutius immorari.

§. III.

Si Officium fuerit pro pluribus defunctis, Oratio, & Versus dicantur in plurali numero; si fuerit mulier, in genere feminino; si fuerit Sacerdos, vel Episcopus, in Oratione exprimitur nomen dignitatis &c.

§. IV.

Prædictus autem Officii ritus pro defunctis adultis, tam in Sacerdotibus, & Clericis, quam secularibus, & laicis, servari debet in Officio sepulturae, in die depositionis, sive in die tertio, septimo, trigesimo, & anniversario.

COMMENTARIUS.

IAm neque opus est, ut in hisce exponendis Paragraphis immoremur; perspicuum enim sunt, quae in eisdem continentur, ac etiam superius enarrata, praeterim vero quod in §. III. dicitur de exprimendo in quibusdam Orationibus nomine defuncti, non modo proprio, quod vivens praeferebat, verum etiam dignitatis, quo praeditus fuerat. Roste insuper ait noster §. IV. prædictum Officii ritum pro defunctis adultis, tam in Sacerdotibus, & Clericis, quam secularibus, & laicis servari debere in Officio sepulturae in die depositionis, sive in die tertio, septimo, trigesimo, & anniversario, quia nimirum, ut post Gavantum notavit Guyetus in sua Heortologia, Lib. IV. Cap. XXIII. Quæstione XXVII, in fine, extra praefatos dies dicenda est

Missæ, ut in quotidianis Defunctorum. In quibus tamen, ut communis Ecclesiarum praxis nos docet, non est facienda Absolutio, licet olim, certis anni diebus in quibusdam Ecclesiis perageretur: *Prima die post Octavam Epiphaniae*, inquit Missale Arelatense, *celebratur Missa Conventualis pro memoria omnium Defunctorum, & una dicitur, nisi una Oratio, scilicet, Fidelium Deus omnium conditor. Et post Missam processionaliter absolvitur totum Cimiterium, sicut in crastino omnium Sanctorum, & in qualibet Statione dicitur Oratio, Fidelium.* Sed hi peculiæres sunt quædam Ecclesiarum ritus, quos recenset Martene in Libro, *De antiqua Ecclesia disciplina in Divinis celebrandis Officiis*, & in aliis Libris, quos de sacris ritibus scripsit.

CAPUT VI.

De Exequiis parvulorum.

Parvuli hoc loco dicuntur, ut ex sequenti §. liquet, infantes, vel pueri, qui baptizati, ante annos discretionis obierunt, quales sunt ut plurimum septennæ, octennæve, licet in aliquibus nostra praesertim hac tempestate malitia ætatem suppleat. Porro Rituale Romanum antiquæ Ecclesiae disciplinae inhaerens peculiæres ritus instituit hujusmodi pueris sepeliendis. Pertinent autem omnino ii ritus, qui illis deservunt, aut ad honoranda Spiritus San-

cti Tempia, & baptismalis innocentiae reliquias, aut ad protestandam fidem resurrectionis futurae, aut vero ad agendas Deo gratias, qui infantulorum animas Baptismi Sacramento sanctificatas, sine ulla suo merito, sine periculo salutis, ad æternam vitam illico dignatus est evocare, uti loquitur Rituale Parisiense ad hujus Romani formam expressum auctoritate Joannis Francisci de Gondi Parisiensis Archiepiscopi editum anno MDCLIV. Tit. *De Exequiis parvulorum*.

§. I.

§. I.

In primis admonendi sunt Parochi, ut juxta vetustam, & laudabilem Ecclesiarum consuetudinem, parvulorum corpuscula non sepeliantur in communibus, & promiscuis Cæmeteriorum, & Ecclesiarum sepulturis; sed ut pro illis in Parochialibus, aut illarum Cæmeteriis, quatenus commode fieri potest, speciales, & separatos ab aliis loculos, & sepulturas habeant, seu fieri curent, in quibus non sepeliantur, nisi qui baptizati fuerint infantes, vel pueri, qui ante annos discretionis obierunt.

COMMENTARIUS.

RESTE edicte hic noster §. ubi de Exequiis parvulorum agit, admonendos in primis esse Parochos, ut juxta vetustam, & laudabilem Ecclesiarum consuetudinem, parvulorum, qui scilicet baptizati decedunt, corpuscula non sepeliantur in communibus, & promiscuis Cæmeteriorum, & Ecclesiarum sepulturis, sed ut pro illis in Parochialibus, aut illarum Cæmeteriis, quatenus commode fieri potest, speciales, & separatos ab aliis loculos & sepulturas habeant, seu fieri curent, in quibus non sepeliantur, nisi qui baptizati fuerint infantes, vel pueri, qui ante annos discretionis obierunt. Similia habent permulti Codices Rituales, eademque totidem verbis exscripsit Rituales Liber Bistuntinæ Diocesis anni MDCCV, Parte II. pag. 71.

II. Similia his quoque legere est in ple-riusque Synodiis antiquis pariter, ac recentioribus, inter quas Casalensis, quam Ignatius ab Ecclesia Episcopus Casalensis, & Comes habuit

anno MDCCCLVI. Capite xxviii. *De Sepulturis*, ubi sic inter alia statuit: *In Ecclesia pariter, aut Cæmeterio, sit locus peculiaris, quo pueri ante septennium a Baptismo morientes tumulo mandentur, nisi familia propriam habuerit sepulchrum; tunc enim parentum voluntate majorum in sepulchris tumulentur.* Ubi desit gentilitium sepulchrum, sepeliri debent parvuli in sepulchro ab aliis distincto, *quatenus commode fieri potest*, ut ait hic noster §. qui tamen locum non habet, ubi id absolute præcipiant Episcopi in suis Diocesi- bus; quorum Decreta omnino a subditis Parochis observanda, tum potissimum, quod solida ratione nituntur, & consentanea sunt veteri, recentiorique Ecclesie praxi, ac Sacre Rituum, Congregationis Responsis, atque ei præsertim edito in una Civitatis Castellanzæ die xii. Decembris MDCCX. ubi præscripsit parvulorum sepulchrum separatim ab aliis esse debere, ut testatur Barrufaldus in sua ad Rubricam hujus Capituli Nota, numero 3.

§. II.

In funere parvulorum ut plurimum non pulsantur Campanæ; quod si pulsentur, non sono lugubri, sed potius festivo pulsari debent.

COMMENTARIUS.

QUOD primum ait hic noster §. in Funere parvulorum, ut plurimum non pulsari campanas, alludit fortasse ad tempus, quo ipse ecclesius fuit, nam alias ubique fere locorum in nostra præsertim Italia, ac nominatim Romæ, & in Regno Neapolitano servatur hodie hic ritus, ut in parvulorum Funere pulsantur quidem campanæ non sono lugubri, ut in adultis defunctis, *sed potius festivo.* Cæremoniale Ambrosianum in Ordine ad sepeliendos infantes infra septennium, dari prius mandat Campanæ signum, *ad iussu Salutationis Ange-*

licæ ad Clerum, populumque convocandum, omni- bus iustis pro defunctis usitatis. Porro invalu- ritus, quem & servari scio multis in locis, ut in maculorum parvulorum Funere ter, in femina- ram vero bis Campana sono festivo pulsatur; Adhibetur autem sonus festivus in signum læti- tiæ, ad agendas Deo gratias, qui infantulorum animas Baptismi Sacramento sanctificatas sine ul- lo suo merito, sine periculo salutis ad æternam vitam illico dignatus est evocare, ut initio Ca- pituli hujus dixi ex Rituali Ecclesiæ Parisiensis editi anno MDCLIV.

CAPUT VII.

Ordo sepeliendi parvulos.

§. I.

Cum igitur infans, vel puer baptizatus, defunctus fuerit ante usum rationis, induitur juxta ætatem, & imponitur ei corona de floribus, seu de herbis aromaticis, & odo- riferis in signum integritatis carnis, & virginitatis; & Parochus Superpelliceo, & Stola alba indutus, & alii de Clero, si adsint, præcedente Cruce, quæ sine balsa-

de-

defertur, accedunt ad domum defuncti, cum Clerico aspersorium deferente, Sacerdos aspergit corpus, deinde dicit Antiphonam, *Sit Nomen Domini*. *Plal. cxii. Laudate pueri Dominum &c.* Antiphona: *Sit Nomen Domini benedictum, ex hoc nunc, & usque in seculum.*

COMMENTARIUS.

I. **M**ortuus puer Sacramento Baptismi insignitus, & ante usum rationis, idest annorum circiter septem, ut dictum est supra, indui solet alicubi veste albi coloris, sive habitu alicubi Religiosi Ordinis, ac Romæ ut plurimum habitu, ut ajunt, S. Philippi Neri, atro scilicet, ac undique stellis auratis, argenteisve ornato, cum bireto capiti ejus imposito, ac parva in manibus Cruce ceræ albæ, sparsis super corpus ejus, & culcitra variis floribus odoriferis, ex quibus etiam corona solet componi, quæ vel super ejusdem corpus, si ipso habitu Philippino indutum sit, imponitur, vel capiti, in *signum interpretatis carnis, & virginitatis*, ut ait noster §. Odorare enim Virginitas dicitur, unde de S. Philippo Nerio in ejus Vita, & in Breviario ad diem xxv. Maji, legitur, quod *virginitatem perpetuo illibato servavit, idque assecutus est, ut eos, qui puritatem colebant, ex odore, qui vero fecit, ex fœtore dimoveret.*

II. Porro quod a Sanctis Patribus, aliisque Scriptoribus Virginitas odoriferis floribus comparata sit, hinc alicui consuetudo invaluit, ut puellis inuuptis, quinimo etiam & ceteris adultis maribus, in quacunque ætate decesserint, corona de floribus imponatur, modo nuntum sit, hujusmodi defunctos a conjugio abstinentiis, ab ejusque vinculo solutos ad mortem usque perdurasse, quia scilicet personæ cujuscunque generis sint, præsumuntur esse virgines, ideoque dignæ, ut laureola virginali ornentur, judicio etiam Ecclesiæ, ut tradit ad hunc §. Barusaldus, num. 9. Quidquid sit, antiquus est quidem ritus spargendi flores super quoscunque defunctos, eorumque tumulos, ut inter alios testes sunt S. Ambrosius, & S. Hieronymus, quorum primus in Oratione fœnebris de obitu Valentiniani sic ait: *Non ego floribus tumulum ejus aspergam, sed spiritum ejus Christi odore perfundam.* Alter vero in Epistola ad Pammachium de obitu uxoris ita inquit: *Ceteri mariti super tumulos conjugum spargunt violas, rosas, lilia, floresque parvulos &c.* Affert & alia plura veterum testimonia hic possent, quibus docemur, non modo apud Christianos, verum etiam Ethnicos consuevisse spargi super defunctos flores, herbasque odoriferas; sed tamen invaluit mos, ut in solo puerorum, ac etiam seminarum inuuptarum, præsertim vero Monialium Funere, super eorum vestes flores ipsi spargantur.

III. Quod Parochum spectat, ac Clericos in Officio sepulture parvulorum, is est ex præscripto nostri §. *Superpelliceo, & Stola alba indutus, & alii de Clero, si adsint, præcedente Cruce, quæ sine hasta defertur, accedunt ad domum defuncti.* Mirum plane videri debet, quod Cæremoniale Ambrosianum violaceam Stola præscribit. At vero quum hujusmodi parvulorum Exequiæ ob rationem superius non semel adductam ex Rituali Parisiensi anno MDCLIV. impresso, festiva sit, ac laeta, rite Parochus in eis peragendis Stola coloris albi utitur, tum vero

potissimum, quod vestis alba lætantium, & gratulantium propria, ut pluribus docet amicus noster Vir undequaque doctissimus Petrus Moretus Canonicus insignis Basilicæ S. Mariæ trans Tyberim in aurea Disceptatione Epistolari, *De ritu variandi Choralis indumentum in solemnitate Paschali apud Clerum Basilicarum Urbis*, num. xxxiii. His accedit, quod quum ipsi parvuli virgines sint, jure, ac merito in eorum Funere, veluti die natalio, color albus adhibetur, quo quidem ex Rubricis Missalis, Parte 1. Tit. xviii. num. 2. utitur Ecclesiæ in *festis Sacularum Virginum non Martyrum*; in testimonium scilicet puritatis, & castitatis eorum, quia albo, colore gaudet castitas, ut ibidem inter alios notavit Gavantus. Sane inspectione digna est Crux, quæ sine hasta in parvulorum Funere defertur; & forte ob mysticam rationem, quam Barusaldus tradit ad hunc eundem nostrum §. num. 13. Quia scilicet cum Crux, quæ generatim in Processione defertur, significet Ecclesiam in hoc mundo peregrinantem, & militantem cum vexillo Domini, & Ducis sui, non omnino hoc verificatur in infantulis, qui per brevissimum temporis spatium militiam, seu peregrinationem in hoc mundo sustinuerunt, ideo brevis est Crux quia brevis fuit eorum in hac terra peregrinatio. Atque hanc interpretationem censui in hoc Commentario etiam referre, quod non desunt, qui hujusmodi verbis explicationibus summopere delectentur.

IV. Sed ut ea, quæ solida sunt, ac probata Ecclesiæ praxi, explicemus, mandat tandem noster §. ut Clerico aspersorium deferente, Sacerdos aspergat corpus, & deinde dicat Antiphonam, *Sit Nomen Domini*, & Psalmum cxii. *Laudate pueri Dominum &c.* De ritu aspergendi Aqua benedicta defunctos, sive ipsi adulti sint, sive parvuli, jam alias diximus; dicendum autem in ipsorum puerorum Funere Psalmum, *Laudate patri Dominum &c.* Rituales antiqui Codices passim præscribunt, inter quas ille Augustinæ, Episcopatus Dilingæ impressus anno MDLXXX. Titulo inscripto, *De sepeliendis parvulis in Christi baptizatis*, nonnulli variat, dum primum mandat, ut *Sacerdos domum, in qua parvulus fuit est positum, ingressus dicat* §. *Sinite parvulos venire ad me.* R. *Talium est enim Regnum Cælorum.* Oremus. *Deus omnipotens Redemptor mundi &c. Deinde fœnus infantis aspergatur Aqua benedicta; postea ad sepulcrum deferatur, dicendo Psalmum cxii. Laudate pueri Dominum &c. usque ad finem, cum Gloria Patri &c. & Antiphona, Sit Nomen Domini benedictum.* Ex Rituali Ambrosiano in ordine ad sepeliendos infantes infra septennium, Sacerdos in *domo defuncti dicit*. §. *Domine vobiscum.* R. *Et cum spiritu tuo.* Oratio. *Omnipotens, & misitimus Deus, qui omnibus parvulis &c. Antiphona.* Hic accipiet benedictionem. *Psalmus cxiii. Domini est terra.* Incipit *Psalmus, aspergitur cadaver.*

§. II.

Dum portatur ad Ecclesiam, dicatur Psalmus, *Beati immaculati &c.* Si tempus superest, dici potest Psalmus, *Laudate Dominum de Cælis*, cum aliis duobus sequentibus, in fine, *Gloria Patri &c.*

COMMENTARIUS.

I. Juxta Romanum Sacerdotale Venetis impressum anno MDLXVII. *De Officio sepulture parvulorum*, quando puer extrahitur de domo, & deportatur ad Ecclesiam, dicuntur Psalmi Graduales, *Ad Dominum eum tribulaver &c.* cum Gloria Patri, & Sicut erat &c. vel sic cum puer extrahitur de domo, incipitur Psalmus, *Beati immaculati in via*, & Psalmus, *Laudate pueri Dominum*; & dicuntur cum Gloria Patri, & Sicut erat. At vero ex Cereemonialis Ambrosiani præscripto, quando ad Ecclesiam dicuntur Antiphona sequentes: De terra creasti me &c. Dextera tua Domine &c. Cum Christus apparuerit &c. Domine mitte Angelum tuum &c. Si via fuerit longior, dicitur Psalmus, *Beati immaculati in via cum sequenti*, & in fine, *Gloria Patri &c.* Quod tandem mirum videri debet, Rituale Bisuntinum Diocesis, anno MDCCV. im-

pressum, quod alias in multis Romano Rituali coheret etiam in ritu Exequiarum parvulorum, nonnihil variat a præsentis nostri §. dum mandat, ut quando defuncti pueri cadaver deferretur ad Ecclesiam, dicatur Antiphona, *Juvenes*, & *Virgines*, cum Psalmis, *Laudate Dominum de Cælis*, *Cantate Domino canticum novum*, & *Laudate Dominum in Sanctis ejus*, cum Gloria Patri; Si longior vero sit via, dicatur etiam Psalmus cxviii. *Beati immaculati in via*, & in fine Antiphona integra, *Juvenes*, & *Virgines &c.* Ceterum licet nulla in hoc nostro præsentis §. sicut nec in aliis hujus Capituli mentio fiat de cervis accensis una cum puero defuncto ad Ecclesiam deferendis, adhibendi ille ubiominus sunt ex antiqua, recentique Ecclesiarum praxi, ac nonnullorum etiam Ritualium præscripto, ac præsertim Cereemonialis Ambrosiani.

§. III.

Cum autem pervenerit ad Ecclesiam, dicatur Antiphona, *Hic accipiet*, Psalmus xxxii. *Domini est terra &c.* Antiphona: *Hic accipiet benedictionem a Domino*, & *miserere cordiam a Deo saluari suo*, quia hæc est generatio querentium Dominum. Postea dicitur, *Kyrie eleison*, *Christe eleison*, *Kyrie eleison*, *Pater noster*, *secreto*, interim corpus aspergit. *V. Et ne nos inducas in tentationem. R. Sed libera nos a malo. V. Me autem propter innocentiam suscepisti. R. Et confirmasti me in conspectu tuo in æternum. V. Dominus vobiscum. R. Et cum spiritu tuo.*

Oremus.

Omnipotens, & misissime Deus, qui omnibus parvulis renatis fonte Baptismatis, dum migrans a seculo, sine ullis eorum meritis vitam illico largiris æternam, sicut animam hujus parvuli hodie credimus te fecisse: fac nos, quesumus, Domine, per intercessionem Beate Mariæ semper Virginis, & omnium Sanctorum tuorum, hic purificasti sibi mentibus famulari, & in Paradiso cum beatis parvulis perenniter sociari. Per Christum Dominum nostrum. R. Amen.

COMMENTARIUS.

I. Si asperfusionem aquæ benedictæ super corpus pueri defuncti jam ad Ecclesiam delati excipias, quæ hic noster §. ait, totidem verbis Sacerdotale Romanum præscriperat; a quibus tamen multum variat Rituale Bisuntinum Diocesis anno MDCCV. editum, ubi edicit, ut, postquam puer in Ecclesia, aspergatur a singulis, & facta oblatione, incipiat Antiphona, *Hic*, vel hæc accipiet &c. Tum vero Orationem recitari mandat, quæ omnino diversa est ab illa præscripta in nostro §. estque hujusmodi: *Omnipotens sempiterna Deus, sanctæ puritatis amator, qui animam hujus parvuli, (vel parvule) de hoc mundo ad Calorum Regna misericorditer vocare dignatus es, concede nobis, ut meritis Beate Mariæ semper Virginis, & omnium Sanctorum eam eisdem gaudiis perfrui mereamur æternis. Per Christum Dominum nostrum. R. Amen. Cæ-*

Tom. I.

terum juxta Rituale Ambrosianum, in Ecclesia collocato cadavere, dicitur sequens Antiphona dupla, *Redemptor meus vivis &c.* cum Psalmo: *Laudate pueri Dominum*; quo incepto, iterum aspergitur cadaver. Sequitur *V. Dominus vobiscum &c.* ac deinde hæc Oratio: *Presta quesumus Omnipotens Deus, ut animam hujus parvuli, (vel parvule) ab Angelis laicis susceptam in præparata habitacula deduci facias Beatorum. Per Dominum nostrum.*

II. Habent & suam alia Ritualia, quæ hic omittimus, varietatem; sed notandum hoc loco est, quod docet laudatum superius Rituale Parisiense ad Romani formam expressum, ac editum anno MDLIV. Titulo, *De Exequiis parvulorum*, ubi postquam dixit, quod infantes, seu parvuli, qui, suscepto Baptismo, ante usum rationis mortui sunt, cum in communione Ecclesia vivant, ca-

l h h

tum

rum corpora, utpote quæ Sancti Spiritus vasa fuerint, in loco sacro sunt cum honore sepelienda; ita statim subiicit: Sed quia per aetatem peccare non poterant, neque preces, neque Sacrificia, aut suffragia ulla Ecclesia iis sunt necessaria. Pergit idem Rituale, allaque docet, quæ operæ pretium duco hoc loco describere. Sic enim ait: Itaque, sicuti fert consuetudo, aut parentum, vel propinquorum devotio exigit, ut in Exequiis infantium Missa celebretur, meminisse debent Sacerdotes, & de ea re populum sapienter admonere, nequid male accipiat offerri Deo Sacrificium laudis in actionem gratiarum pro parvulis, non autem ad remissionem ullius eorum culpæ, aut pænæ iis debita. Sed nec omittenda, quæ mox ad eandem rem subdit: *hebreo consuevit erit eo causa celebrare de Trinitate, de B. Maria, de Ange-*

lis, vel de Officio diei currentis, non autem de Officio Defunctorum, ne plebi imperita, quæ sola verum specie ducitur, dum videt in infantium obitu Sacra, & preces fieri perinde, atque pro aliis defunctis, eorum etiam patet ad exolvendas Purgatorii pænas Ecclesia suffragiis indigere. Concludit tandem, & inquit: Si autem, ut rogantium voluntati satisficiant, celebraturi fuerint de Officio Mortuorum; tam intelligant intentionem propitiatorii Sacrificii, non ad animam parvuli, sed ad animam parentum, propinquorum, & aliorum defunctorum esse referendam. Porro Psalmi, qui lo sepeliendis parvulis cantantur, omnes sunt laudis, & lætitiæ, propter innocentiam, & securitatem æternæ salutis, quam consequutus est puer defunctus, qui propterea nullis suffragiis indiget, ut fuit semper perpetua Ecclesiæ traditio.

§. IV.

Dum portatur ad tumulum, & etiam, si tunc non portetur, dicitur Antiphona, *Juvenes. Psalmus, Laudate Dominum de Cælis, & in fine, Gloria Patri, & Filio, &c.* Et repetitur Antiphona, *Juvenes, & Virgines, senes cum junioribus laudent Nomen Domini. Kyrie eleison, Christe eleison, Kyrie eleison. Pater noster. V. Et ne nos inducas in temptationem. R. Sed libera nos a malo. V. Stulte parvulus venire ad me. R. Talius est enim Regnum Cælorum. V. Dominus vobiscum. R. Et cum spiritu tuo. Oremus.*

Omnipotens sempiterne Deus, sanctæ puritatis amator, qui animam hujus parvuli ad Cælorum Regnum hædie misericorditer vocare dignatus es: digneris etiam Domine, ita nobiscum misericorditer agere, ut meritis tuæ sanctissimæ passionis, & intercessionis Beatæ Mariæ semper Virginis, & omnium Sanctorum tuorum, in eodem Regno nos cum omnibus Sanctis, & Electis tuis semper sæclas congaudere. Qui visis, & regnas cum Deo Patre in unitate Spiritus Sancti Deus, per omnia secula sæculorum. R. Amen.

COMMENTARIUS.

I. *Is plane concinit Sacerdotale Romanum citato toties loco, sed variat nonnihil Rituale Ambrosianum, ubi sic inquit: Desertur cadaver ad sepulcrum, dicens Antiphonam, & Psalmum sequentem: Antiphona: Juvenes. Psalmus: Laudate Dominum in*

Sanctis ejus &c. Post repetitur Antiphona: Juvenes. V. Dominus vobiscum. Oratio: Omnipotens sempiterne Deus sanctæ puritatis amator &c. Sed nec desunt Libri Rituales antiquiores, in quibus ritus in hoc nostro §. præscriptus legitur, quos non censui in hoc Commentario referre.

§. V.

Deinde Sacerdos corpus aspergat Aqua benedicta, & thurificet, similiter & tumulum; postea sepelitur. Cum autem a sepultura revertuntur in Ecclesiam, dicatur Antiphona: *Benedicite, Canticum trium puerorum, Danielis III. Benedicite omnia opera Domini Domino &c.* Antiphona: *Benedicite Dominum omnes Electi ejus, agite diei lætitiæ, & confitemini illi.* Deinde ante Altare dicit Sacerdos. *V. Dominus vobiscum. R. Et cum spiritu tuo. Oremus.*

Deus, qui miro ordine Angelorum ministeria, hominumque dispensas: concede propitias, ut a quibus tibi ministrantibus in Cælo semper assistitur, ab his in terra vltæ nostræ munantur. Per Christum Dominum nostrum. R. Amen.

COMMENTARIUS.

I. *Excepta asperzione Aquæ benedictæ, & thurificatione in corpus pueri defuncti, ac tumulum, antequam in eo humetur, eadem habet Sacerdotale Romanum, ubi agit de officio sepulture parvulorum; in quo tamen ante Orationem, Deus, qui miro ordine Angelorum &c. in §. nostro præscriptam, dum alie*

recensentur, & prima quidem de Spiritu Sancto, nempe, Deus, qui corda fidelium &c. secunda vero de Beatâ Virgine, nempe, Concede nos famulos tuos &c. Tum vero sequitur: Deus, qui miro ordine &c. Sane juxta Rituale Bisuntinum Diocesis editum anno MDCCV. dicta hac Oratione, Sacerdos terram projicit super cadaver hu-

boni mandatum, dicens: Pax, & benedictio Dei Patris omnipotentis, & Filii, & Spiritus Sancti, & visitatio Angelica descendat super hoc corpus, & omnia corpora hic, & ubique in Christo requiescentia, & animas eorum salvet, & nostras. *R.* Amen. *Tum aspergit Aqua benedicta.*

II. Sed dignum notata est, quod de sepultura pueri defuncti præcibit tandem, aliis missis, Rituale Augustensis Episcopatus Dilingæ impressum anno MDLXXX. multos enim continet ritus, quorum fortassis notitia grata erit, tum vero potissimum, quod ipsum Rituale non ita obivium sit. Sic autem inquit: *Cum vero ad sepulcrum pervenitur, post Antiphonam supradictam, nempe, Sit Nomen Domini benedictum, Sacerdos dicat, Kyrie eleison, Christe eleison, Kyrie eleison. Pater noster. Interim funus parvuli Aqua aspergatur benedicta, & incensa thurificetur, similiter & sepulcrum, in quod corpus est reponendum. Deinde alta voce dicat. V. Et ne nos inducas in tentationem. R. Sed libera nos a malo. V. In memoria eterna erit iustus. R. Ab auditione mala non timebit. V. Dominus vobiscum &c. Oremus. Omnipotens sempiterna Deus, qui omnia parvulis renatis Baptismate &c. Hac*

Oratio finita, Sacerdos projiciat terram super funus, dicens: Sume terra, quod tuum est, spiritus sumat, quod suum est, Caro de terra, creata est, spiritus de Cælo sumptus est. Deinde tumuletur, & Psalmus cxlviii. Laudate Dominum de Cælis, laudate eum in excelsis, usque in finem oratur. Addatur Antiphona: Juvenes, & Virgines, senes cum junioribus laudent Nomen Domini: & dum Psalmus dicitur, aut cantatur, corpus parvuli sepelitur. Quo sepulto, dicat Sacerdos, Kyrie eleison, Christe eleison, Kyrie eleison. Pater noster. V. Et ne nos inducas in tentationem. R. Sed libera nos a malo. V. Me autem propter innocentiam suscepisti. R. Et confirmasti me in conspectu tuo in æternum. V. A porta inferi. R. Libera nos Domine. V. Dominus vobiscum &c. Oremus. Domine Jesu Christe puritatis, & innocentie amator &c. Deus, cuius miseratione animæ Fidelium &c. Requiescant in pace, R. Amen. Deinde admonetur populus, ut Deum laudent Oratione Dominica, & orent pro cunctis Fidelibus defunctis. Atque ita expliciter rursus memorati Augustensis Ritualis de sepeliendis parvulis in Christo baptizatis, qui etiam in aliis quibusdam Ritualibus recensetur.

DE SACRAMENTO MATRIMONII.

TITULUS VII.

I. **M**atrimonium ab eo dici, quod femina iccirco maxime aubere debet, ut mater fiat, vel quia prolem concipere, parere, educare, matris munus est, docet Catechismus Concilii Tridentini, Parte II. De Sacramento Matrimonii, num. iv. explicatque mox bina Matrimonii nomina; nam ait, Conjugium quoque a conjungendo appellari, quod legitima mulier cum viro quasi uno iugo adstringatur. Nuptias etiam, quia, ut inquit S. Ambrosius, pudoris gratia puella se obnubent; quo etiam declarari videbatur, viris obediens, subiectaque esse oportere. De his nominibus vide

Augustinum, Lib. xix. contra Faustum, Capite xxv. Ambrosium, Lib. I. De Abraham, Cap. ix. in fine, itemque S. Isidorus, Lib. De Ecclesiasticis Officiis, Cap. xix. Can. Femina, xxx. Quæstio- nē v. & Canonem, Muller, xxxiii. Quæstione v. Jam vero Matrimonium Sacramentum esse, Ecclesia Apostoli auctoritate confirmata, certum, & exploratum semper habuit. Sed de hac re, aliisque multis Matrimonii Sacramentum spectantibus late differunt Theologi, & Canonistæ, qui consuli possunt, præsertim vero Sanctissimus Dominus Noster BENEDICTUS Papa XIV. in celeberrimo Opere, De Synodo Diocesana, ubi doctè, solideque etiam de Matrimonio tractat.

CAPUT I.

§. I.

Parochus admonitus de aliquo Matrimonio in sua Parochia contrahendo, primum cognoscat ex his, ad quos spectat, qui, & quales sint, qui Matrimonium contrahere volunt, an inter eos sit aliquod Canonicum impedimentum. Utrum sponte, & libere, & secundum honestatem Sacramenti velint contrahere. Utrum sint in ætate legitima, & vir saltem quatuordecim, mulier vero duodecim annos expleverit; & uterque sciat rudimenta Fidei, cum ea deinde filios suos docere debeant.

COMMENTARIUS.

I. **Q**uomodo Parochus totius Parochiæ curæ spiritualis incumbat, ipsique soli competat Sacramenti Matrimonii administratio, adeo ut minime legitime contractum reputetur, si ejus præsentia desit; merito hic noster §. primum edicit, ut Parochus admonitus de aliquo Matrimonio contrahendo, primum cognoscat ex his, ad quos spectat, qui, & quales sint, Tom. I.

qui matrimonium contrahere volunt, an inter eos sit aliquod Canonicum impedimentum. Canonici impedimenti nomine intelligitur quicquid Matrimonium jure reddit nullum, aut illicitum. Nonnulla enim sunt impedimenta, quæ ipsum contractum Matrimoniale non modo reddunt illicitum, sed & invalidum, ac nullum, vocanturque impedimenta dirimentia, eo quod dirimant.

feu irritent Matrimonia cum similibus impedimentis contracta. Alia sunt, quæ Matrimonia quidem contrahi prohibent, sed contracta non dirimunt, vel irritant, dicunturque impedimenta impedimenta, de quibus late differunt Theologi æque, & Canonici Juris Consulti.

II. Porro cum ex præscripto nostri hujus §. Parochus admonitus de Matrimonio in sua Parochia contrahendo, inter alia debeat cognoscere, utrum qui Matrimonium contrahere volunt, sponte, & libere, & secundum beneplacitum Sacramenti velint contrahere, cavere omnino debet, ne filiifamilias præsertim adolefcentes, infancis, invitisque parentibus, contrahant Matrimonium; quamvis enim hujusmodi Matrimonia sine consensu parentum, vel illis infancis, invitisque invita, neque irrita sint, neque irritari valeant, dummodo libero contrahentium consensu celebrentur, juxta Concilii Tridentini Decretum in prædicta Sessione expressum, non solum tamen honestum est, sed pene etiam necessarium, utpote rationi quammaxime consentaneum, ut ipsi filiifamilias in re tanti momenti parentum suorum consilium sequantur, ab eoque minime discedant. Atque huc facit, quod sapientissime statuit S. Carolus in Concilio Provinciali Mediolanensi v. l. Capite, *Quæ ad Matrimonium pertinent*, ubi sic inquit: *Si vero filiifamilias sint, hoc Parochus valde cohortetur, ut parentibus, in quorum potestate sunt, eum honorem tribuant, ut illis ne infancis quidem, sedum invitis, rem tanti momenti liceant.* Sed digna potissimum notata sunt, quæ idem S. Antistes præscripsit in suis Instructionibus, *De Sacramento Matrimonii*, Cap. II. ubi

hæc habet: *Si vero filiifamilias sint, convenit etiam, ut sciscitetur, Parochus scilicet, de parentum voluntate, an contra iuturi sint Matrimonium; nam quamvis eorum consensus necessario non requiratur, si tamen contra faciant, causam perquiret; quæ cognita illos cohortari poterit non desistat, ut parentibus, in quorum potestate sunt, eum honorem tribuant, ut sciscitet illis, ne infancis quidem, sedum invitis rem tanti momenti aggrediantur, nisi forte parentes futurum Matrimonium malitiose impediant.* Scio equidem, non paucos inveniri parentes hujus perveras indolis, sed fatcri cogimur, in magnis præsertim Civitatibus, filiorum non modo, sed & filiarumfamilias passim Matrimonia contrahi absque rationali eorum consensu; & quod summopere dolendum est, conniventibus Parochis, quorum potius erat eorum, earumque amores, commerciumque cum amafis suis vetare. Certe non desuere qui acri, sed laude digno stylo contra hunc abusum se invexerint, novissime vero peculiari Libro eruditissimus Mazzochius Cathedralis Neapolitanæ Ecclesiæ Canonicus.

III. Mandat tandem & illud noster §. ut qui contrahere Matrimonium volunt, uterque sciat rudimenta Fidei, cum ea deinde filios docere debeant. Quod quidem passim admonent Synodi, ac Rituales Codices, ac præsertim S. Carolus in laudatis Instructionibus, Cap. II. in fine, ubi inter alia Parochum monet, *ne Matrimonio jungat, qui Doctrinæ Christianæ rudimenta ignorant.* Vide plura in hanc rem apud sapientissimum BENEDICTUM Papam XIV. Lib. VIII. *De Synodo Diocesana*, Cap. XIV. per totum.

§. II.

Noverit ex probatis Auctoribus, quæ sint Canonica impedimenta Matrimonii contrahendi, & quæ contractum dirimant, & affinitatis, & item cognationis spiritalis ex Baptismi, vel Confirmationis Sacramento contractæ.

COMMENTARIUS.

I. Quod in hoc §. edicitur, statutum recentius in Conciliis fuit, ut nempe addiscant Parochi ex probatis Auctoribus, quæ sint Canonica impedimenta Matrimonii &c. Recte autem ait, ex probatis Auctoribus; contemnendi enim sunt innumeri pene Auctores laxi, qui Theologiam moralem portentosis suis opinionibus, cavillationibusque corperunt, quosque merito complures pii æque ac docti recentiores Theologi nostro hoc ævo confutarunt, viam ipsi aperientibus Summis Romanis Pontificibus, qui variis editis Decretis permultas ipsorum Censurarum propositiones damnarunt; nonnullis perperam, temereque conantibus eas-

dens callidis ratiociniis ab ipsa damnatione vindicare. Præ cæteris autem, quod nostrum hunc §. spectat, legendus S. Carolus, *De Sacramento Matrimonii*, de quo late docuit, & in Conciliis suis Mediolanensibus, Provincialibus, ac Diocesanis, & in laudatis Instructionibus, itemque omnino plane Scriptorum nostri ævi doctissimus BENEDICTUS XIV. in Opere numeris omnibus absolutissimo, *De Synodo Diocesana*, ubi docte, late, folleque discussit varias Quæstiones ad Matrimonii Sacramentum pertinentes, quibus etiam egregie explicantur quæ in hoc præfenti Capite Romanum Ritale, stque Concilium Tridentinum præscripfit.

§. III.

Habet in primis ipse bene cognita præcepta illa omnia, quæ in Matrimoniis rite conficiendis servari oportere, Sacri Canones, & præcipue Sancta Synodus Tridentina iussit; dabitque operam, ut illa in Parochia sua accurate, exacteque serventur.

COMMENTARIUS.

I. Estè admodum & hic §. statuit, quod alia quoque recentiores Provinciales, Diocesanaeque Synodi statuere,

ut Parochus nempe habeat in primis ipse bene cognita præcepta illa omnia, quæ in Matrimoniis rite conficiendis servari oportere, Sacri Canones, & præ-

Et præcipue Sancta Synodus Tridentina iussit, quia scilicet non pauca Tridentina ipsa Synodus immutavit, ac alia quædam de novo statuit, quæ ut in Parochia sua accurate, exacteque serventur, debet iccirco Parochus operam suam omnem præstare. Quoniam verò ea sint, addiscere poterit Parochus ex eadem Synodo, in qua oportet eum esse bene instructum, & nequaquam ab

illa vel latum unguem, ut dici a solet, discedere. Quod si Parochus præter, vel contra præscripta ab ipsa Synodo alicui Matrimonio assistat, eum non modo graviter peccare, verum, etiam esse ab Ordinario puniendum, docet inter alios Barbosa, De potestate Parochi, Parte II. Cap. xx. num. 26. & De potestate Episcopi, Parte II. Allegatione xxxi. per totam.

§. IV.

Præsertim vero meminerit, Matrimonia inter raptorem, & raptam, dum ipsa in raptoris potestate manserit, irrita, necnon clandestina, & qualibet Matrimonia, quæ aliter, quam præsentente Parocho, vel alio Sacerdote de ipsius Parochi, vel Ordinarii licentia, & duobus, vel tribus testibus contrahuntur, ex ipsius Concilii Decretis irrita omnino, ac nulla esse.

COMMENTARIUS.

OPus plane esset peculiari volumine, si explicare varias questiones vellem, quæ excitari possent vel ex præscripto istius solius §. five potius ex Capitibus 1. & v. 1. Sessionis xx. iv. Tridentini Concilii, ex quibus hic præfatus §. desumptus est. Ergo inter alia dirimentia Matrimonium impedienda est raptus, quæ ita exponit laudatum Concilium Tridentinum, citato Cap. vi. *Decernit Sancta Synodus, inter raptorem, & raptam, quamdiu ipsa in potestate raptoris manserit, nullam posse consistere Matrimonium.* Tum vero mox subdit: *Quod si raptam a raptore separata, & in loco rato, & libero constituta illum in virum habere consenserit, eam raptor in uxorem habeat.* Nequis autem putet, immunem fore a pœna raptorem, ita deinde Concilium ait: *Nihilominus raptor ipse, ac omnes illi consilium, auxilium, & favorem præbentes,*

sint ipso iure excommunicati, ac perpetuo infames, omniumque dignitatum incapaces, & si Clerici fuerint, de proprio gradu decedant. Pergit adhuc Concilium, pœnamque hanc allam adiungit: *Teneatur præterea raptor mulierem raptam, sive eam uxorem duxerit, sive non duxerit, decenter arbitrio Iudicis dotare.* Quod tandem ait hic noster §. *qualibet Matrimonio, qua aliter, quam præsentente Parocho, vel alio Sacerdote de ipsius Parochi, vel Ordinarii licentia, & duobus, vel tribus testibus contrahantur, ex ipsius Concilii Decretis, irrita omnino, ac nulla esse, expresse id quidem definitivè Concilium ipsum, totidem pene verbis citatæ Sessionis Capite 1. Quod quidem, sicut & illud primo notatum late, solideque explicat præ cæteris omnibus Scripturibus BENEDICTUS Papa XIV. in celeberrimo Opere, De Synodo Diocesana.*

§. V.

Est autem proprius Parochus, qui adesse debet, is, in cujus Parochia Matrimonium celebratur, sive viri, sive mulieris.

COMMENTARIUS.

JAm pridem moris fuisse, ut Christianorum nuptiæ nonnisi cum benedictu ut Sacerdotali, & ipso Sacerdote Ecclesiæ nomine, eas probante contraherentur, disertis verbis expressit Tertullianus Libro II. *Ad uxorem*, Cap. ix. *Unde iussimus ad enarrandam felicitatem ejus Matrimonii, quod Ecclesia conciliat, & confirmat Oblatio, & obsequium Angelii renuntiant, Pater rato habet.* Itemque in Libro, *De pudicitia*, Cap. xv. *Ideo penes nos occultæ quoque conjugationes, idest, non prius apud Ecclesiam professæ, juxta mæchiam, & fornicationem judicari periculantur.* Sed & ante Tertullianum S. Ignatius Martyr in Epistola ad Polycarpum, decere inquit, *ut ducentes uxores, & nubentes, cum Episcopi arbitrio conjungantur, ut nuptiæ juxta Domini præceptum sint, non autem ad concupiscentiam.* Mentionem porro Episcopi facit Ignatius, quod tunc temporis, primis scilicet Christi sæculis, Sacramenta omnia soli Episcopi administrarent, quinimo soli & Sacrificia cele-

brarent, Presbyteri non nisi ejus jussu, & permisso, uti pluribus docet, probatque Thomassinus, non uno in loco sui celeberrimi Operis, quod inscribit: *Nova & vetas Ecclesiæ disciplina.*

II. Quicquid sit de hoc primevo Ecclesiæ more, illud variis Conciliis semper cautum fuit, ut coram proprio Sacerdote, idest Parocho, Matrimonium celebraretur. Extat & de ea re Constitutio in Capitularibus Regum Francorum, Libro VII. Capite cxxxix. his verbis expressa: *Prius conveniendus est Sacerdos, in cujus Parochia nuptiæ fieri debent in Ecclesia coram populo, & ibi inquirere una cum populo ipse Sacerdos debet, si ejus propinquus sit, an non, nisi ulterius uxor, vel sponsa, vel adultera; & si licita, & honesta omnia pariter invenierit, tunc per consilium, & benedictionem Sacerdotis, & consulta aliorum bonorum hominum, eam sponsare, & legitime dotare debet.* Rationem, cur occultas conjugationes Patres, ac Synodi passim vetarent, eaque publice coram Sacerdote, idest, pro-

proprio Parocho fieri veillent, hanc præmittit inter alias Trosleana Synodus initio Seculi x. celebrata, Cap. viii. *Quia sepe in nuptiis elam factis gravia peccata, tam in sponsi aliorum, quam & in propinquis, sive adulterii conjugii, & quod pejus est dicere, consanguineis, acerscunt, & accumulatur.*

III. At vero, ut recte observat Vanespens. Parte II. Juris Ecclesiastici, Titulo xii. Cap. v. Synodus Tridentina animadvertens, prohibitiones illas propter hominum inobedientiam jam non prodesse, & gravia peccata perpendens, quæ ex eisdem clandestinis conjugii ortum habent, præsertim vero eorum, qui in statu damnationis permanent, dum priore uxore, cum qua elam contraxerant, relicta, cum alia palam contrahunt, & cum ea in perpetuo adulterio vivunt; cui malo cum ab Ecclesia, quæ de occultis non judicat, succurri non possit, efficacius aliquod remedium adhibendum censuit, atque præter publicas denuntiationes, de quibus juxta nostri Ritualis ordinem dicemus nos infra in Commentario ad §. v. t. i. declaravit insuper, ac statuit in Decreto, De reformatione Matrimonii, Sessione xxi. v. Cap. i. *quod qui aliter, quam præfente Parocho, vel alio Sacerdote de ipsius Parocho, seu Ordinarii licentia, & duobus, vel tribus testibus, Matrimonium contrahere attentabunt, eos Sancta Synodus ad se contrahendum omnino inhabiles reddat, & ejusmodi contractus irritos, & nullos esse decernat, prout eos præfenti Decre-*

to irritos facit, & annullat. Quantumvis etiam non obstante Decreto Concilii Tridentini, dispo-
natur inter Theologos, an Parochus sit verus Minister Sacramenti Matrimonii, an vero ipsi contrahentes, atque verisimilior videatur sententia affirmantium, hos esse Ministros, nihilominus illud certum est, Parochi, alteriusve Sacerdotis de Parochi, seu Ordinarii licentia adeo necessariam esse assistentiam, ut nisi assistat, ex recitato Concilii Tridentini Decreto, non illicitum duntaxat, sed & invalidum sit Matrimonium.

IV. Cum vero laudata Synodus simpliciter requirat præsentiam Parochi, non Parochorum; neque exprimat, an viri, vel mulieris, receptum est, si sponsi sint diversarum Parochiarum, alterutrus contrahentium Parochi præsentiam sufficere; & ita Sacram Congregationem declarasse, eamque declarationem approbatam fuisse a Summo Pontifice, refert Fagnanus in Capite, *Quæ nobis* II. De clandestina desponsatione, num. 33. Longum esset varias hic recensere ejusdem Sacram Congregationis Declarationes, quæ ad magis magisque explicandum memoratum Tridentini Decretum circa Parochi præsentiam a Concilio definitam prodierunt. Sed quid opus est diutius in hoc Commentario immorari; videri præ cæteris potest BENEDICTUS Papa XIV. qui in laudato toties Opere, De Synodo Diocesana, late promovere, doctèque de Parocho, quoad Matrimonium disseruit, variasque questiones proxim spectantes dissolvit.

§. VI.

Caveat præterea Parochus, ne facile ad contrahendum Matrimonium admittat vagos, & peregrinos, & qui incertas habent sedes, neque item eos, qui antea conjugati fuerunt, ut sunt uxores militum, vel captivorum, vel aliorum, qui peregrinantur, nisi diligenter de iis omnibus facta inquisitione, & re ad Ordinarium delata, ab eoque habita ejusmodi Matrimonii celebrandi licentia, quæ gratis concedatur.

COMMENTARIUS.

I. **H**is concinunt, quæ statuit Concilium Tridentinum Sessione xxi. v. De reformatione Matrimonii, Cap. vi. sic inquit: *Multi sunt, qui vagantur, & incertas habent sedes, & ut improbi sunt ingenii, priore uxore relicta, aliam, & plerumque plures, illa vivente, aliovis in locis ducunt. Cui morbo cupiens Sancta Synodus occurrere, omnes, ad quos spectat, paterne monet, ne hoc genus hominum vagantium ad Matrimonium facile recipiant; Magistratus etiam sæculares hortatur, ut eos severe coercant. Parochi autem præcipit, ne illorum Matrimonii interfint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint. Ut Tridentina hæc Constitutio de Matrimonii, quæ cum vagabundis hominibus iniri quandoque solent, servetur a Parochis, vel diligentissime, mandat inter alia Provinciale II. Mediolanense S. Caroli Concilium, Decreto xxvi. ubi etiam mox subdit, ut nec ipsi Parochi seculariter, ut illos vagos homines Matrimonio jungant, Episcopus ante det, quam norit, eos & solutos esse, & a Catholica communione non alienos.*

II. Decreti Concilii Tridentini executionem uno consensu urgent & aliæ Synodi Provincia-

les variorum nationum; vultque inter alias Synodus Provincialis II. Mechlinensis, Tit. x. Capite vi. ut licentia ab Ordinario obtineatur in scriptis, neque ea licentia sine causa cognitione, & matura deliberatione detur. Synodus quoque Provincialis II. Cameracensis, Tit. xi. Capite v. vult, ut ignoti, & qui certas sedes non habent, non admittantur ad contrahendum Matrimonium, nisi prævisi attestacionibus Pastoribus, ubi novissimum fecerint residentiam, aut aliorum fide dignorum, quorum sigilla, vel signature sint Pastori, eorum quoque contrahere volent, bene nota, aut sufficienti aliorum depositione apud eundem comprobata. Summa itaque circumspeditione opus est Parocho, ut hujusmodi Matrimonii interfint. Sed tamen quia in recitato Concilii Tridentini Decreto nulla clausula irritans apposta est, si Parochus, neglectis iis, quæ a Synodis sunt præscripta, Matrimonio assiterit, validum erit Matrimonium, quamvis Parochus graviter delinqueret, & a Superiore castigandus sit, ut post Sanchez notat Zypæus in Jure nova, Tit. De Sponsalibus, num. 13. apud Vanespens, Parte II. Juris Ecclesiastici univrsi, Tit. xi. Capite v. num. xiii. ut alios Canonistas, Theologosque omitam de hujusmodi questionibus agat.

§. VII.

Antequam Matrimonium contrahatur, ter a proprio contrahentium Parocho continuis diebus fectis in Ecclesia intra Missarum solemniam ad ipsius Concilii præscriptum publice denuntiatur, inter quos Matrimonium sit contrahendum.

§. VIII.

Si vero vir & mulier Parochiæ sint diversæ, in utraque Parochia fiant denuntiationes; quibus denuntiationibus factis, si nullum legitimum opponatur impedimentum, ad celebrationem Matrimonii procedatur. Sed siquid obstat, ultra Parochum non procedat.

COMMENTARIUS.

I. **A**gitur in hisce Paragraphis de Proclamationibus, seu Bannis Matrimonialibus. Acceptum jampridem fuisse Bannum præsertim in Ecclesia Gallicana pro Proclamatione, seu Edicto, quo Matrimonium proclamatur, sive edicitur, ut siquis pro futuro Matrimonio, quod publice proclamatur, aliquid opponendum sciat, edicat, sive opponat, manifeste insinuat Innocentius Papa III. in Capite, *Cum in tua*, xxvii. De *Sponsalibus*, referens Episcopum Belluacensem, præsertim si legatur Epistola ipsa Decretalis, ut extat in veteri Collectione apud Antonium Augustinum, ubi hæc leguntur: *Sane quia contingit interdum, quod aliquibus volentibus contrahere Matrimonium, Bannis, ut tuis verbis utamur, in Ecclesiis secundum consuetudinem Ecclesiæ Gallicanæ editis &c.* Quæ postrema verba omisit S. Raymundus in sua Collectione a Gregorio IX. probata, qua hodie utimur, & quibus interim post Cujacium eliciunt Filescus in Libro, *De origine Parochiarum*, Cap. ult. & Altaferra in dicto Capite, *Cum in tua*, Proclamationum, seu Bannorum Matrimonialium iuslitutum ab Ecclesia Gallicana ad ceteras emanasse; Ecclesiamque Romanam minime dedignatam fuisse, rectos aliarum Ecclesiarum mores imitari, ut idem Altaferra observat, probatque etiam auctoritate S. Gregorii Magni, qui Libro VII. Epistola LXXIII. Indictione II. ita rescripsit Joanni Episcopo Syracusano loquens de Ecclesia Constantinopolitana: *Tamen signis boni, vel ipsa, vel altera Ecclesiæ habet, ego & mihi vobis, quos ab illicitis prohibeo, in bono imitari paratos sum. Stultus est enim, qui in eo se primum existimat, ut bona, quæ videris, desere contemnat.*

II. Sed his omisiss, illud præfetto notandum, jam tempore Concilii Lateranensis Generalis IV. sub Innocentio III. anno MCCXV. celebrato, usum Proclamationum, seu Bannorum Matrimonialium in quibusdam dumtaxat Ecclesiis fuisse notum, ac denique per omnes Ecclesias per Decretum ipsius Concilii in Canone II. relato in Capite, *Com inhibito*, III. De *clandestina desponsatione*, extensum fuisse. Sic enim inquit *Quare specialem quorundam locorum consuetudinem ad alia generaliter prorogando, statuitur, ut cum Matrimonia fuerint contrahenda, in Ecclesiis per Presbyteros publice proponantur, competentis termino præfinito, ut infra illam qui voluerit, & valuerit, legitimum impedimentum apponet.* In omnibus Latinorum Ecclesiis promulgatam fuisse hanc Lateranensis Concilii Constitutionem, constat plane ex variis Rituali-

bus, & Synodis post ipsam editis, in quibus Proclamationes ipsæ præcipiuntur; sed tamen adducit nequit, quin paulo antequam celebraretur Tridentinum Concilium, consuetudine contraria abrogata fuerit, in aliquibus saltem Provinciis, præsertim Hispaniæ, teste Dominico Soto, qui suum, *De Sacramentis*, Tractatum edidit, post tempus, quo habita fuit ejusdem Concilii Sessio XII. & antequam Sessio XXIV. celebraretur, in qua Lateranensis Statutum confirmatum est: *In multis Ecclesiis Hispaniæ, inquit Sotus, quorum princeps est Toletana, hujusmodi ritus abolevit ab usu, ubi ob eorum (Bannorum) defectum non volentur clandestina Matrimonia.*

III. Hanc porro Hispanorum praxim, seu potius abusum Tridentina Synodus, quæ in Hispaniis fuit promulgata, correxit Sessio XXI. De *reformatione Matrimonii*, Cap. I. desiderantque multiplicibus incommodis occurrere, quæ ex Matrimonii clandestinis quotidie oriebantur, laudati Concilii Lateranensis IV. vestigiis inherendo, præcipit, ut *posterum, antequam Matrimonium contrahatur, ter a proprio contrahentibus Parochis tribus continuis diebus fectis in Ecclesia inter Missarum solemniam publice denuntiatur, inter quos Matrimonium sit contrahendum.* Sunt plane ipsissima verba, quæ Ritualis hoc nostrum Romanum in §. VII. descripsit, quæque plura scitu digna nos docent; ac I. quidem, debere Proclamationes fieri, antequam Matrimonium contrahatur, id est postquam Sponsalia jam publice, & coram Parocho contracta sunt, aut si clandestine inita sint, saltem Parocho de consensu in Matrimonium saltem confect, uti notat Vanespem, Parte II. *Juris Ecclesiastici*, Tit. XII. Cap. III. num. v.

IV. Docet nos præterea hic noster §. five potius Concilium Tridentinum citato superius loco, ipsas proclamationes fieri debere a proprio contrahentium Parocho, quod quidem intelligitur, ubi ambo contrahentes in una, eademque Parochia habitent; nam alias quando illi sunt diversarum Parochiarum, in utraque, sponsi scilicet, ac sponse Parochia sunt faciendæ, ex præscripto non modo nostri §. VII. sed & variorum Ritualium, atque Conciliorum tam Provincialium, quam Diæcesanorum: *Si ambo in diversis Parochiis habitent, tum in una, & alterius item Parochia fiant, inquit S. Carolus in Concilio Provinciali II. Mediolanensi, Decreto XXV. consentiente, ut alias omittam, Salernitana Synodus sub Marco Antonio Marfilio Columna celebrata anno MDLXXIX. Tit. XXXI. De Sa-*

eramento Matrimonii, Cap. II. Denunciations, inquit, *fiant tam in viri, quam in femina Parochia*. Ceterum cum scopus harum proclamationum sit detegere impedimenta Matrimonii contrahendi, recte admonet Synodus Dioecesana Mechlinensis Tit. IX. Cap. VIII. *Si Matrimonium contrahi in Parochia, in qua moderna est eorum habitatio, brevem moram traxerint, ita ut ibidem non sint satis noti, est ibidem Matrimonioungi possunt, nihilominus in Parochia, in qua prius habitaverunt, ubi verosimilius est, fore ut impedimenta sciatur, denunciations omnes fieri volumus*. Menti autem Concilii Tridentini conforme esse, ut siquis plura habeat domicilia in diversis Parochiis, fiant denunciations in ea, in qua diutius habitat, & principalior habet larem, vel potius in ea, in qua verosimilius est, fieri impedimenta, pluribus citatis Auctoribus resolvit Barbosa, Parte II. De officio, & potestate Episcopi, Allegatione xxxi. num. 11. itemque Parte II. De officio, & potestate Parochi, Cap. xxi. num. 18. postquam scilicet precedenti numero, plurium etiam Scriptorum auctoritate resolverat, posse scilicet denunciations ipsas a Tridentino Concilio præscriptas fieri ab alio, de licentia tamen proprii contrahentium Parochi.

V. Tercio mandat idem noster §. vii. ut huiusmodi denunciations fiant *ter continuis diebus festis in Ecclesia intra Missarum solemniam*. Ita quoque statuit S. Carolus in suis, De Sacramento Matrimonii, Instructionibus: *Antequam Matrimonium celebret (Parochus) tres denunciations ad Concilii Generalis Lateranensis, & Tridentini præscriptas tribus continuis festis diebus de Ecclesia præcepto celebrandis publice in Ecclesia, etiam utriusque, si diversæ Parochia contrahentes sint, inter Missarum solemniam faciet*. Sed non omittendum quod idem Sanctissimus Antistes statuit ea de re in Concilio Provinciali Il. Mediolanensi, Decreto xxvi. Vult enim, ut *Matrimonii denunciations a Parochis tum demum fiant, cum vir, & mulier, eorumque parentes, vel ii, qui penam curam habent, id populiaverint; sive ambo in diversis Parochiis habitant, tum in unius, & alterius item Parochia fiant*. Sed hoc jam paulo superius explicatum fuit. Addit tamen mox, quod neque prætereundum est, ut *et denunciations ne alla quidem ex parte remittere eis liceat, nisi proprii Episcopi concessu, idque causis iure permissis*. Beneventana Provincialis Synodus xii. anni MDCLX. sub Maximiliano de Palumbaria, Tit. xxvii. Cap. i. vult, ut denunciations Matrimoniorum, non nisi festis diebus non solum in Parochialibus, sed etiam in aliis Ecclesiis, ubi frequens populus adeat, per eosdem Parochos, aut alios de licentia fiant. Subditque mox, declaratum fuisse a Sacra Congregatione Concilii scilicet Tridentini Interpretum, denunciations ipsas *dimitti potius iudicio Episcopi ex iuxta causa, quam serialibus diebus fieri*. Hinc minime adhareo eorum opinioni, quam alias probant Barbosa Parte II. De officio, & potestate Parochi, Cap. xxi. num. 20. & Vaneusen Parte II. *Juris Ecclesiastici*, Tit. xxi. Cap. 111. num. 12. ubi ajunt, denunciations ipsas fieri posse alio die, quam festo, si ob aliquam solemnitatem in Ecclesia celebrandam, quamvis sine festo in populo magnus ad Ecclesiam fiat populi concursus; expresse enim Concilium Tridentinum, & Rituale præcipiunt, fieri diebus festis in Eccle-

si intra Missarum solemniam. Quamohrem labuntur & ii Auctores citati ab eodem Barbosa, sequenti num. 21. qui docent fieri posse valide a Parocho denunciations extra Ecclesiam, & Missarum solemniam, si magnus populi concursus, & locus aptus sit, ut ad multorum notitiam perveniant.

VI. Quamquam vero prædictæ proclamationes ab Occumenicis Conciliis Lateranensi IV. & Tridentino, atque a nostro Rituali Matrimonio contrahendo præmittendæ sint, ex his tamen nequaquam colligi potest, proclamationes absolute requiri, ut Matrimonium secundum substantiam valeat. Concilium enim Lateranense, cujus vestigiis inhaesit Tridentinum, ac Rituale Romanum, nullam Decreto de proclamationibus addidit clausulam irritantem, quam tamen, & Concilium ipsum Tridentinum, & Rituale expresse apposuerant, ubi edixerunt, qui aliter, quam, præsentibus Parocho, & duobus, vel tribus testibus, contrahit, cum nihil agere; & inter raptorem, & raptam, quamdiu ipsa in potestate raptoris manserit, nullum posse consistere matrimonium. Vide laudatum Concilium Sessione xxiv. in Decreto, De reformatione Matrimonii, Cap. i. & vi. & Rituale in hoc Capite, §. iv. His adde, quod cum memoratum Concilium, & Rituale Episcoporum prudentiæ dispensationem Proclamationum permittat, infra §. ix. censentur potius ipsæ ad formalitatem quamdam pertinere, quam ad substantiam. Sed neque deest Congregationis Concilii Tridentini Interpretum Declaratio, qua dictum est, proclamationum omissionem valori Matrimonii quoad substantiam sumpti nihil offere, cujus meminit inter alios Ineninus, De Sacramento, Dissertatione x. Questione v. Cap. II. Conclusionem 111.

VII. Non est tamen dubium, quin qui Matrimonium contrahant sine præmissis Proclamationibus peccent læthaliter, & vinciturque ex eo, quod Proclamationum usus non sit consilium, sed præceptum, *Statuimus*, inquit Concilium Generale IV. Lateranense; Tridentinum vero utitur verbo, *Præcipit*. Præterea quod huiusmodi peccatum sit læthale, ostenditur ex gravitate materiae, de qua agitur, ex periculo scilicet in eundem Matrimonii, quod propter aliquod impedimentum, quod ipsos contrahentes lateat, irritum sit; ex penis quoque, quibus Ecclesia in huius Legis infractores animadvertit. Sunt autem huiusmodi penæ excommunicatio, & alim non modo spirituales, sed & corporis afflictivæ. Ad Parochum quod attinet, docent committere Auctores, si prætermittit denunciations, Matrimonium celebret, graviter non modo peccare, sed & severius esse ab Episcopo puniendum. Probatur id quidem inter alios Barbosa Parte II. De officio, & potestate Parochi, Cap. xxi. num. 25. additque num. 27. penam quoque triennalis suspensionis incurrere, comminatum in Cap. Cum inhibito, §. Sane, De clandestina defensione, Parochialem Sacerdotem, qui interfuit Matrimonio valido, clandestinum tamen ob denunciationum omissionem. Ceterum post ipsam Parochiam, denunciations ipsas omittit, aliquos Matrimonio conjugere, ubi tale periculum, & adeo urgens necessitas premit, ut non sit locus adnandi Ordinarium pro dispensatione obtinenda, veluti si urgeat necessitas instantis mortis pro accipienda in conjugem concubina, ad consulendum

dem famæ illius, aut filios legitimos relinquentem, tenent varii Scriptores, quos citat, & sequitur laudatus Barbofa citato loco, num. 25. in fine, & Parte II. *De officio, & potestate Episcopi*, Allegatione xxxi. num. 53. Idem docet Natalia Alexander, Lib. II. Theologiæ Dogmaticæ, & Moralæ, *De Sacramento Matrimonii*, Cap. II. Artículo II. Regula xxv. ubi etiam addit, posse etiam Parochum, omisiss Proclamationibus, Matrimonio alias valido assistere, si vir, qui virginis stuprum intulit, auctoritate publica, seu Judicialis sententia compellatur Matrimonium cum illa contrahere statim post causæ cognitionem, at illius abolere infamiam.

VIII. Reliquum est, ut illud demum explicemus, quod edicetur in fine §. viii. nempe, ut Denunciationibus factis, si nullum legitimum apponatur impedimentum, ad celebrationem Matrimonii procedatur. Parochum non statim, ac tres Denunciationes factæ erunt, debere ad celebrationem Matrimonii procedere, nisi transactum, vel duorum saltem dierum spatium, ut liceat scilicet unicuique de impedimentis cogitare, & ea perire, docet inter alios Barbofa,

De officio, & potestate Parochi, Parte II. Capite xxi. num. 23. Porro, quo die de Matrimonio contrahendo Denunciatio ultima facta est, ne eo ipso die, nisi impetrata ab Episcopo facultate, illud celebretur, in variis Conciliis cautum est, ac præsertim in Provinciali 111. S. Caroli Concilio Mediolanensi, Capite, *De iis, quæ ad Matrimonii Sacramentum pertinent*; sed duplici tamen adhibita cautione, quam ita statim subjicit: *Id autem præterquam si postrema ea Denunciatio facta sit pridie illius diei, quo initium est Quadragesimæ, vel Adventus; ac nisi item Parochus populo antecedente Denunciatione significavit, eo die, quo postrema Denunciatio fiet, Matrimonium esse contrahendum.* Ceterum optandum esset, ut ubique ea teneretur regula, quam in suis de Matrimonio Instructionibus idem Sanctissimus Præsul præscripsit, ut nempe absoluta tertia Denunciatione, Matrimonium Sponsi in alterum, aut tertium, aliumve diem differant, atque interea orationi frequentius vacent, *Missaque de Spiritu Sancto cum Oratione de Beata Virgine, aut alia, prout est in Missa proficiendo Matrimonio, pro se celebrari devote curent.*

§. IX.

Quod si aliquando probabilis fuerit suspicio, vel alia rationabilis causa subest, arbitrio Episcopi, Matrimonium malitiose impediri posse, si tot præcesserint Denunciationes; tunc de licentia Ordinarii, vel una tantum fiat Denuntiatio, vel saltem Parocho, & duobus, vel tribus testibus præsentibus, Matrimonium celebretur. Deinde ante illius consummationem Denunciationes in Ecclesia fiant, ut, si aliqua subfuerit impedimenta, facilius detegantur, nisi aliter Ordinarius ipse expedire iudicaverit.

COMMENTARIUS.

Idem plane verba, quod edicit hic §. noster de Proclamationum dispensatione arbitrio Episcopi, sanxerat jam Tridentinum Concilium Sessione xxiv. *De reformatione Matrimonii*, Cap. 1. Hoc Decreto permittit quidem Concilium dispensationem super Denunciationibus ipsi Ordinarii, idest, Episcopo Diocesano, quem hoc loco per Ordinarium intelligi, non autem alia inferiores Prælatos jurisdictionem quasi Episcopalem habentes, qui sunt Ordinarii jure special, docet, probatque Fagnanus in Capite, *Com inhibitis, De clandestina dispensatione*, num. 6. 7. 8. & 9. ubi recenset Decisionem Sacræ Congregationis Concilii tempore Gregorii XIII. editam, & ab ipso approbatam, qua declaratum fuit, Alexandrum Cardinalem Farnesium Commendatarium Abbatie Farfensis jurisdictionem quasi Episcopalem habentem carere facultate hæc Denunciationes remittendi, quam ei ex gratia specialis Gregorius, vita Cardinalis durante, concessit; subditque mox idem Fagnanus, in Libris Sacræ Congregationis manu Cardinalis Carafæ adnotatum fuisse, *Gregorium dixisse, in Decreto dicti Capituli 1.* (Concilii scilicet Tridentini loco citato) *appellatione Ordinarii non venire nisi solum Episcopum.* Hinc colligi potest, carere & ea facultate Vicarium Episcopi Generalem, nisi eam illi concedat Episcopus; atque id forte edicere voluit Concilium Narbonense anni 1609, ubi ita statuit: *Matrimoniales Denunciationes solum Episcopus, vel ejus in spiritualibus Vicarius Generalis ex causa bene nota*

remittat. Officialer vero super illis dispensare, non attentabunt, cum illud illis prohibitum sit, prout præfati Decreto prohibemus. S. Carolus autem in Concilio Provinciali v. Constitutionum Parte 111. Cap. *Quæ ad Matrimonium pertinent*, diserte statuit, Denunciationes ipsas ad Episcopum, cum præfatis in Urbe, vel Diocesi adej, solum remitti deinceps licere, ab alio præterea nemine, ac ne a Vicario quidem Generali.

II. Ergo, ut ait laudata Synodus Narbonensis, ex causa bene nota, remittere debet Denunciationes ipsas Episcopus. Synodus Tridentina, & nostrum Ritnale in hoc §. unicam dumtaxat causam dispensationis expresserunt, nimirum, si aliquando probabilis fuerit suspicio, vel alia rationabilis causa subest, arbitrio Episcopi, matrimonium malitiose impediri posse, si tanto scilicet tempore differendum sit, quousque tres Denunciationes præcesserint. Addunt mox nihilominus duplicem limitationem. Prima est, ut tunc una tantum fiat Denunciatio. Altera, ut si periculum tale sit, ut nec tantillo tempore differi queat Matrimonium, permittatur quidem illud sine prævia Denunciatione celebrari, sed ante illius consummationem Denunciationes in Ecclesia fiant. At hæc posterior causa jam non ubique adhiberi solet, præsertim in Belgio, teste Zypæo in Titolo, *De Sponsalibus*, num. 10. ubi etiam ait, se nunquam audisse, post contractum Matrimonium Denunciationes fuisse factas. Sed quicquid de hac re sit, S. Carolus in Concilio Provinciali Mediolanensi v. Constitutionum.

Parte III. Capite, *Que ad Matrimonium pertinet*, solum causam à Tridentino expressam pro legitima agnoscit: *Matrimonii Denunciations*, inquit, *quas aliquando ab Episcopo remitti Constitutione Tridentina permissum est, ut videat, ne ob aliam causam, quam ea ipsa Constitutione cavetur, remittat; cum scilicet Ordinarii iudicio verisimilis suspicio est, Matrimonium malitiose impediri posse.*

III. Præter causam, cujus mentionem faciunt Concilium Tridentinum, & Rituale nostrum, observat Jueninus, *De Sacramentis*, Differentiatione x. Questione v. Cap. II. in fine, nonnullas esse alias, in quibus expedit, ut Proclamationum dispensatio concedatur. Exempli causa, cum vir & mulier simul cohabitantes, ac pro conjugatis habiti, per legitimum Matrimonium iniquo concubinato finem imponere desiderant; cum redintegrari debet Matrimonium, quod licet in facie Ecclesiæ celebratum fuerit, irritum tamen est propter occultum aliquod impedimentum, quod latebat antea, quodque postea detectum est, & dispensari potest. Addit & alia Jueninus, quæ Galliarum mores spectant; verum illud est, quod repetere hic iterum juvabit, illucite se gerere Ordinarios, immo peccare eos lætialiter, si inanis de causis Proclamationes ipsas relaxent. Concilium enim Tridentinum, & nostrum Rituale, atque complures etiam Synodi Provinciales dispensationem Ordinariorum prudentiæ committunt; prudentia autem in eo non reperitur, qui agit, quum nulla est agendi causa. Porro S. Carolus in citato Concilio v. Mediolanensi Provinciali solum causam dispensandi Proclamationes à Concilio Tridentino expressam pro legitima agnoscens, eam certe solum, *quod inlat Sacri Adventus, Quadragesimæ tempus, neque necessarium esse ait, nec vero cum ratione consentientem; subditque statim hanc rationem scitu dignam: Cum præsertim eo sacro*

*tempore qui jam Matrimonio juncti sunt, ab illius usu abstinere potius conveniens sit, nedum Sponsus una conjungatur. Tandem Rotomagensis Synodus anni MDCCCLXXXI. Tit. De Matrimonio, advertens dispensationes super Proclamationibus frequentius peti ad cavendam maleficia, quæ in celebratione Nuptiarum nonnunquam dicuntur intervenire, eam causam ut insufficientem rejiciens, medium aptius contra maleficia suggerit: *Et ut digne hoc Sacramentum recipiant, bortatur conjuges, ut antequam contrahant, vel saltem tri-duo ante consummationem Matrimonii, sua peccata diligenter confiteantur, & ad Sanctissimum Eucharistia Sacramentum accedant. Sacerdos vero ne ullam det maleficis locum, cautius, & circumspicius in Nuptiarum se gerat. Refellit tam aliam causam dispensandi, ad declinandam scilicet populi insultantis diu noctuque Nuptias maxime secundo, aut tertio repetitis luxuriam. Alia enim media suggerit ad hos insultus aver-tendos: *Nec omittat, ait, Paræiarum Recllo-res, populi circa Nuptias petulantiam sub interminatione excommunicationis, invocato etiam, si opus fuerit, brachii secularis auxilio, comfescere.***

IV. Varias alias iustas causas, & quidem septem, præter illam à Tridentino, & Rituali expressam, & à nobis jam explicatam, quibus concedi ad Episcopum Proclamationum remissio possit, recenset, exponitque. Optandum vero esset, ut nihil omnino pecunie occasione hujusmodi concessionalis acciperent Episcopi, ejusque Ministri. Hunc enim abusum jam damnavit inter alia Concilium Parisiense celebratum anno MCDXXIX. Can. xxx. III. *Episcopis, iniquis, Archiepiscopis, & aliis, quibus de jure, vel consuetudine competit, injungimus, ne de eatego ita facilliter dispensent super Bannis in Matrimonio concedendis, etiam prætextu cujusquamque penurie, sicut bannens dispensare consueverunt. Similia his legere est in aliis Synodis.*

§. X.

Has autem Denunciations Parochus facere non aggrediatur, nisi prius de utriusque contrahentis libero consensu sibi bene constet.

COMMENTARIUS.

UT Matrimonii Denunciations à Parochis tum demum fiant, cum vir, & mulier, eorumve parentes, vel ii, qui puel-læ curam habent, id postularint, statuit S. Carolus quidem in Concilio Provinciali II. Mediolanensi, Decreto xxvi. At vero in Concilio Provinciali III. Cap. De iis, *quæ ad Matrimonii Sacramentum pertinent*, ita edicit: *Matrimonii Denunciations imponerem à Parocho ne fiant, nisi iis ipsi petentibus, aut consentientibus, de quorum Matrimonio contrahendo agitur. Quod si diversi in Parochiis illi habitant, utriusque item Parocho hoc ipsum servet. Neque Matrimonium alter Parocho denunciet, nisi ab altero Parocho certior factus sit de postulata, aut consensu illius, qui sua est subjectus. Sed describamus hoc loco, quod idem S. Præful præscripsit in Instructionibus Matrimonii, in quibus plura notata digna de re, quæ in hoc §. agitur, declarat: *Antequam denunciet, primum a mari,**

tum a femina, Parocho exquirat, an Matrimonii, quod inter eos tractatur, Denunciations fieri placeat; & an sponte, & libere ad eam rem veniant; & omnino, antequam Denunciations inchoet, habeat consensum eorum, qui contrahentes sunt; quod si in diversis Parochiis illi habitant, utriusque hoc item Parocho hoc ipsum servet. Neque Matrimonium alter Parocho denunciet, nisi ab altero Parocho certior factus sit de postulata, aut consensu illius, qui ejus est curæ subjectus. Summa profecto diligentia opus est ad indagandum, explorandumque ejusmodi consensum, ne scilicet puella præsertim metu parentum adacta, ut non semel accidit, cum illis contrahere Matrimonium cogatur, quos nollent conjuges habere. Quamobrem ubi non possunt separationem quoad Matrimonii vinculum intentare, variis artibus quoad thorum, & habitationem separationem procurant, & quod horrendum dictum est, ut aliis comisceantur, non sine scandalo.

§. XI.

Si vero infra duos menses post factas Denunciationes Matrimonium non contrahatur, denunciationes repetantur, nisi aliter Episcopo videatur.

COMMENTARIUS.

I. *D*ipsum cautum lego in variis Synodis, & in Instructionibus S. Caroli de Matrimonio, ubi sic inter alia inquit: *Matrimonii Denunciationibus satis, si forte accedit, ut illud duorum mensium spatio non contrahatur, ne illud celebret, nisi rite repetitis Denunciationibus, si tamen Archiepiscopus aliud non concesserit.* Ita in laudatis Instructionibus, verum in Synodo sua Tertia Diocesana, Decreto xxxii. expresse mandat, ut omnibus Matrimonii Denunciationibus

absolutis, si Matrimonium ipsum absque legitima causa intra mensem non contrahetur, Parochus Sponsos Matrimonio ne jungat, antequam ejusdem Matrimonii Denunciationes iterum facta sint. Ubi nota, mensis unius hic spatium concedi, cum alias in Instructionibus caveatur, ut elapsus non nisi duobus mensibus repetendæ sint hujusmodi Proclamationes. Sed in hac re, sicut & in aliis id genus attendendæ sunt propriarum Diocesum Constitutiones postremæ.

§. XII.

Denunciationes autem fiant hoc modo. Inter Missarum solemnias Parochus populum admonet in hanc sententiam vulgari sermone.

Notum sit omnibus hic presentibus, quod N. vir, & N. mulier, ex tali, vel tali familia, & Parochia, Deo adjuvante, intendunt inter se contrahere Matrimonium. Proinde admonemus omnes, & singulos, ut siquis noverit aliquod consanguinitatis, vel affinitatis, aut cognationis spiritualis, vel quodvis aliud impedimentum inter eos esse, quod Matrimonium contrahendum invicem impedit, illud quamprimum nobis denuntiare debeat, & hoc admonemus primo, si fuerit prima, vel, secundo, si fuerit secunda, vel, tertio, si fuerit tertia Denunciatio.

COMMENTARIUS.

R. *F*ât ex nostro hoc §. cautum est, ut Parochus Denunciationes factururus, eas sub præscripta forma vulgari sermone inter Missarum solemnias, pronuntiatio scilicet Evangelio, aut Concione absoluta, ut habet S. Carolus in suis Instructionibus, & plures Synodi mandant, populo exponat. Pronunciandas eas esse a Parocho lingua vernacula, uno modo Synodi, sed & Rituales multi Codices nos docent. Porro ex plurimis Conciliis tum Provincialibus, tum Diocesis illud quoque cautum est, ut non solum ipsæ Denunciationes, sed & ea, quæ a Tridentina Synodo in reformatione Matrimonii decreta sunt, eommuni lingua Episcopi divulganda eurent, & omnibus suæ Diocesis Parochis eorum exempla distribuant; ut illi singulis quibusque tribus mensibus frequentissimo populo in Ecclesiis recitent, nisi aliud Episcopo videatur.

Ita sane statuit S. Carolus in Concilio Provinciali t. Mediolanensi, Capite, *Quæ ad Sacramentum Matrimonii pertinent;* ubi etiam præcipit, ipsas Constitutiones ab ipso t. Mediolanensi Concilio editas communi lingua vulgatas, debere populo recitari tribus scilicet quibusque mensibus, ut dictum est. Idem constitutum fuit, ut alia omittam, in Concilio Provinciali x. Beneventano anno MDLXVII. celebrato, Sessione v. 11. Titulo 1. Cap. II. in quo tamen jubetur, ut singulis mensibus Decreta edita de Matrimonio, eommuni lingua a Parochis in Ecclesia intra Missam divulgentur, Decretumque etiam ejusdem Concilii Tridentini de Matrimonio elandestinis simili modo publicetur. An hujusmodi Decreta alieubi saltem servantur, vel in consuetudinem ubique abierint, affirmare non ausim; servanda sunt quæ Episcopi in suis Diocesis statuerunt.

§. XIII.

Moneat Parochus conjuges, ut ante Benedictionem Sacerdotalem in Templo suscipiendam, in eadem domo non cohabitent, neque Matrimonium consumment, nec etiam simul maneant, nisi aliquibus propinquis, vel aliis presentibus; quæ Benedictio a nullo alio, quam ab ipso Parocho, seu ab alio Sacerdote de ipsius Parochi, vel Ordinarii licentia fieri debet.

COMMENTARIUS.

D. *E*sumpta & ista sunt quidem, quæ in hoc statuuntur §. a Tridentino Concilio in laudata Sessione xxiv. De re.

Tom. I.

formatione Matrimonii, Cap. 1. ubi etiam & alia notata hic digna recensentur, quæ opere præteritum ducimus initio hujus Commentarii describere.

III 2

bere: *Præterea eadem Sancta Synodus hortatur, ut conjuges ante Benedictionem Sacerdotalem in Templo suscipiendam, in eadem domo non habitent; statuitque, Benedictionem a proprio Parocho fieri; neque a quoquam, nisi ab ipso Parocho, vel ab Ordinario licentiam ad dictam Benedictionem faciendam alii Sacerdoti concedi posse; quæcumque consuetudine etiam immemorabili, quæ potius corruptelæ dicenda est, vel privilegio, non obstante.* Pergit Concilium, gravesque pœnas iis infligit, qui, invito proprio Parocho, eam Benedictionem novis Sponsis largiri ausus esset: *Quod si quis Parochus, vel alius Sacerdos, sive Regularis, sive Secularis sit, etiam si sibi ex privilegio, vel immemorabili consuetudine licere contendat, alterius Parochie Sponsos, sine illorum Parochi licentia, Matrimonio conjungere, aut benedicere ausus fuerit, ipso jure tamdiu suspensus maneat, quamdiu ab Ordinario ejus Parochi, qui Matrimonio interesse debebat, seu a quo Benedictio suscipienda erat, absolvatur.*

II. Ad Benedictionem ipsam Nuptiarum, quod attinet, quanti illa faciendæ sit, vel ex eo intelligi potest, quod, ut ait S. Augustinus, in Paradiso initium habuit, ubi Deus Matrimonio conjungens primas nostros parentes, eis benedixit. Fuisse in usu vel primis Christi Sæculis hujusmodi Benedictionem, ex præcis Patribus, & Conciliis ad discimus, præsertim vero ex Tertulliano in Libro II. *Ad Uxorem*, Cap. ix. ubi etiam mentionem facit Sacrificii tunc celebrari consueti; & ex Concilio Carthaginensi IV. anni CCCXCVIII. Cap. xiiii. *Sponsus, & Sponsa cum benedicendi sunt a Sacerdote, a parentibus suis, vel paromyphis offeruntur; ubi cum Benedictionem acceperint, eadem nocte pro reverentia ipsius Benedictionis in virginitate permanent.* Uhi nota, morem fuisse antiquum, ut novæ conjuges pro reverentia Sacramenti Matrimonii jam celebrati se se continerent biduo, aut triduo, aut saltem ipsa Nuptiarum nocte, verum etiam ipsa nocte post susceptam Benedictionem pro reverentia ipsius Benedictionis, ut ait laudatus Canon Concilii IV. Carthaginensis; cujus verba citat Egbertus in Excerptis, Cap. LXXXIII. eademque veluti ex Concilio Valentino refert Barchardus Libro IX. Cap. v.

III. Neque vero existimandum est, eam fuisse dumtaxat antiquorum Sæculorum praxim, quam ferre æqueant nostra tempora; nam ut scite advertit Martene, Lib. I. *De antiquis Ecclesiæ ritibus*, Cap. ix. num. 1. idem præferibitur in Pontificali Ecclesiæ Lugdunensis, quod usui fuit etiam Tarantasiensi, cujus character vix trecentos superat annos. Idem in Lemoviensi, idem in Leodiensi, idem in Bordigalensi sub finem Sæculi superioris impresso, idem in Rituali Mediolanensi, & ad alia omittam, in Pastoralibus Mechlinensi, ubi admonetur Parochos, ut Matrimonii solemnizatione absoluta, novos conjuges egregie etiam coram populo hortetur, ut ad exemplum Tobie, & sacrorum Canonum consilium, propter reverentiam Sacramenti, & Benedictionis, biduo, vel triduo, orationibus vacent, & castitatem servant, ad se tanquam filii Sanctorum, conjugum Christianorum cum Dei timore conjungentes, seiant uterque vas suum possidere in sanctificatione, & honore, non autem in passione desiderii, sicut gentes, quæ ignorant Deum. His adde Constitutionem Concilii XIII. Provin-

cialis Beneventani sub Joanne Baptista Foppa Archiepiscopo celebrati anno MDCLVI. Titulo XLVI. num. 15. ubi edicatur, ut moveant Parochi repetitis, & efficacibus hortationibus Sponsos, ut ante Benedictionem non copulentur sub penis a Nobis statutis, ac proinde ante Matrimonii consummationem, & contractum, humiliter confessione criminum suorum sordes abluant, & celestis Eucharistia cibo mentes refrigerent, ne libidinibus suis assuantes deficiant; carentque, ut hoc Sacramentum, quod sanctu res est, & sancte tractandum, sibi non perniciet, aut Dei iram, sed gratiam, & salutem compariet. Porro quod etiam hujusmodi continentia a paganis fuerit servata, docet nos exemplum Childerici Regis Francorum, qui pagani adhuc ritibus addictus, Basina conjunctus, prima Nuptiarum nocte a coitu carnali abstinentiæ fertur apud Fredergarum, Cap. xii.

IV. Verum longe majorem a Christianis conjugibus perfectionem exigant antiqui Canones & Sancti Patres, qui incontinentiam etiam in Matrimonio pati nequiverunt: *Ei enim velut quidam adulter incontinentes in Matrimonio, inquit S. Ambrosius Epistola LXXI. Ut ergo religiose, & Christiane Matrimonio uterentur, certos præfixere dies, quibus a mutuo debito abstinerent, quosque recenset, explicatque inter alios Martene citato loco, num. IV. & seqq. a Thomassinus, Lib. III. De dierum festorum celebratione, Cap. IX.*

V. Primum in his locum tenebat dies Dominica, cui Græci Sabbathum adscribebant. Ita in Responsionibus Canonici Timothei Alexandrini Episcopi, qui interrogatus, num. 12. quibusnam hebdomadæ diebus hi, qui Matrimonio junguntur, a mutuo congressu abstinere debent, respondet: *Necessario, Sabbatho, & die Dominico abstinere oportet, quia spirituale Sacrificium in eis Domino offertur.* Hinc & Gregorius Taronensis, Lib. II. *De miraculis S. Martini*, Cap. XXIV. ita inquit: *Covete o viri, quibus sancta conjunctio conjungit. Satis est aliis diebus voluptati operam dare. Hanc autem diem, scilicet Dominicam, impolluti deducite, quia qui in ea conjuges simul convenerint, exinde aut contractui, aut epileptici, aut leprosi nascuntur.* Eadem est ratio de aliis diebus festis, teste Thomassinus Lib. IV. *De dierum festorum celebratione, Cap. IX.* quod inscriptum est: *De abstinentia ab re uxoria festis diebus.*

VI. Secundo abstinabant conjuges per aliquot dies, ubi suscepturi erant Eucharisticam Communionem. Testem veteris hujus disciplinæ habemus S. Augustinus in Sermone CCXLV. *De tempore*, ubi hæc habet: *Quoties ad Ecclesiam in qualibet Solemnitate venitis, & Sacramenta Christi percipere volueritis, ante dies plures castitatem servate, ut cum pura conscientia ad Altare Dei possitis accedere.* Idem tenet Sanctus Cæsarius in Homilia II. sic inquit: *Et licet credam, quod, Deo inspirante, supervenientibus Festivitatibus, castitatem per plures dies etiam cum propriis uxoriis custodiat charitas vestra; tamen licet ex superfluo, etiam quod vos facere credo, charitatis contemplationem commoneo, ut per totam Quadragesimam usque ad finem Paschæ castitatem, Deo auxiliante, servantes, in illa sacrosancta Solemnitate Paschæ, castitatis in ve vestiti, elemosynis dealbati, ad Altare Domini*

mini accedentes, Corpus, & Sanguinem ejus, non ad judicium, sed ad remedium, possitis accipere. Sed pium illud Christianorum institutum tam alias ubique radices egerat, ut S. Præful laudatius vereretur, ne populum, id fudendo, injuria laceraret. Nec ab aliis S. Patribus, quæ longum esset hic recensere, dissideat S. Eligius Noviomensis Præful, qui Sermone xv. in hunc modum loquitur: *Si quando anniversaria Festivitates, & Dominici dies occurrunt, ante aliquot dies, etiam a propriis uxoris vestris abstinere vos convenit, ut possitis mundo corde, & casto corpore ad Mensam Domini accedere, & Corpus ejus, ac Sanguinem, sine judicio damnationis, accipere.*

VII. Tertio Quadragesimæ tempore, quod penitentiaæ dedicatum est, quamdiu antiquæ disciplinae vigerent in Ecclesia, mutua conjugibus continentia præcepta est; quia, ut ait Theodulphus Aurelianensis in suo Capitulari, numero 43. *nihil pene valet jejunium, quod conjugali opere polluitur.* Hinc est, quod S. Augustinus Sermone ccvii. qui est iii. in Quadragesima, inquit: *Adulteria, & fornicationes semper execranda, & fugienda; his autem diebus & a conjugibus temperandum est.* Et Sermone ccix. *A conjugali quoque concubitu bis dies postulant continentiam.* Denique Sermone ccx. qui est vi. in Quadragesima: *Nunc tempus est, quo conjugati ab uxoris, & nupte a suis viris abstineant, ut orationibus vacent, quamquam & per totum annum certis diebus hoc facere debeant; & quanto crebrius, tanto atque melius; quia, & qui concessa immoderate appetit, eum, qui concessit, offendit.* Et paulo post addit, non esse magnum, at tota Paschali solemnitate, idest in Paschali hebdomada, possit conjugem & visitare, quod potest tota vita Virginitas. Quod signum est, continentiam conjugum quadragesimalem ad Octavam usque Paschæ protensam fuisse, ut pluribus ostendit laudatus Martene ibidem, num. vi. Quanta autem esset Legum Ecclesiasticarum severitas in puniendis Quadragesimalis continentiaæ contemptoribus, discimus ex Ekardo juniore in Libro, *De casibus S. Galli*, Cap. II. Qualis ultio Divina, ex Guillelmo Malmesburiensi, Libro II. *De Pontificibus Angliæ*, ubi agit de Elphego Wintoniensi Episcopo. Vide & Bedæ Librum, *De remediis peccatorum.*

VIII. Quarto, sicut in Quadragesima, ita & in Adventu, abstinuisse conjuges ab re uxoria, variis veterum Patrum, & Christianorum exemplis ostendi potest. Certe id docet RATHERIUS Veronensis Episcopus, ubi Litteris Pastoralibus, quæ extant Tomo II. Spicilegii Dacheriani, pag. 364. ita gregem suum admonet: *In Adventu Domini, nisi festivitas intercedat, quatuor hebdomadibus a carnibus noveritis abstinendum, & coitu. Quare Nuptiis interdictum erat tum in Adventu, tum in Quadragesima, ut probamus infra, in Commentario ad §. xvii. Porro sanctioris hujus disciplinae, abstinendi scilicet a re uxoria tempore Adventus, & Quadragesimæ, tenax fuit, cunctisque S. Ludovico Gallia Rex, qui, ut scribit Iu ejus Vita Gausfredus de Beiloloco, de consensu uxoris suæ Reginae per totum Adventum, & per totam Quadragesimam ab opere carnali mutuo continebat.* De consensu uxoris, ait, nam licet moneri soliti essent Fideles, ut memoratis superioribus diebus, temporibusque ab amplexu conjugali temperarent, tamen non est dubium, quin debi-

tum petenti reddi oportuerit. Idque fit innuit Apostolus, cum in Epistola sua 1. ad Corinthios, Cap. vii. Versu v. ait: *Nolite fraudare invicem, nisi forte ex consensu ad tempus, ut vacetis orationi.* Eum Apostolicæ sententiaæ sensum tradidit Augustinus lib. 1. *De adulterii conjugii*, Capite II. ubi sic habet: *Apostolus nec ad tempus, ut vacet orationi, nisi ex consensu, voluit conjuges carnali invicem fraudari debito.*

IX. Quinto, quia sola generandi causa est inculpabilis sexus utriusque commixtio, ut docet S. Augustinus Sermone cccii. ubi primum infantis motum in utero prægnans mulier sensisset, matrum a viro debitum exigere, aut reddere, non poterat: *Fideles se abstineant a coitu prægnantium uxorum, & menstruo tempore,* ait Herardus Turonensis Archiepiscopus in suo Capitulari, Cap. cxxv. Idque a Saracenis ipsis observatum fuisse, ducit Mattheus Parisius ad annum MDCCCXVI. Eodem Lex vigeat post partum, donec infans ablaclaretur, uti addidimus ex responsione S. Gregorii Papæ ad interrogat Augustini Anglorum Episcopi, ubi sic & inter alia scribit: *Ad ejus vero concubitum vir ejus accedere non debet, quousque, qui pignus, ablaclaretur.* Damna nam pravam quarundam mulierum consuetudinem, quæ filios suos alere contemnentes, aliis lactantes committunt: *Quod videlicet ex sola causa incontinentia videtur inventum, quia dum se continere nolant, desunt loiare quos pignus.* Concludit tandem, quod hæc, quæ filios suos ex prava consuetudine aliis ad nutriendum tradant, nisi purgationis tempus transierit, viris suis non debent admisceri. Non vult igitur Gregorius, ut puerperii tempore debitum conjugale petatur. Vide Juennium, *De Sacramentis*, Dissertatione x. Questionem viii. *De actu conjugii*, ubi varias in hanc rem Conclusiones resolvit.

X. Quæ a nobis hæcenus dicta sunt de continentia conjugatorum certis diebus, temporibusque, omnia brevi comprehendant præsi Canones Hibernenses relati in Tomo ix. Spicilegii Dacheriani, pag. 42. *In tribus, ajunt, Quadragesimis anni, & in Dominica die, & in Feriis quartis, & sextis Feriis conjugales continere se debent. Item in omnibus Solemnitatibus, & in illis diebus, quibus puer prægnans, hoc est, a die, quo filius in utero ejus motum fecerit, usque ad partus sui diem. Item a partu per triginta sex dies, si masculus; si vero filia, quadraginta sex dies.* His adde RATHERII Veronensis Episcopi Statutum in Synodica ad Presbyteros suæ Diocesis Epistola, quæ extat Tomo II. citati Spicilegii Dacheriani: *In Adventu Domini, inquit, nisi festivitas intercedat, quatuor hebdomadibus a carne noveritis abstinendum, & coitu. In Natali Domini viginti diebus, ac nobilibus, n coitu etiam licito omnino cessandum. Similiter in Octavis Paschæ, & Pentecostes, Letaniarum, & omnium Festivitatum Vigiliis, sextis etiam Feriis, præcipue autem omnibus diebus, & nobilibus Domini.* Sed de his plura dicere forte non decet, atque utnam hæc pati, & imitari nostri Seculi mores possent. Certe conatus est S. Carolus, alique zelantes Episcopi veterem de conjugatorum continentia certis temporibus disciplinam instaurare, ut in eorundem Conciliorum, Instructionibus, Litterisque Pastoralibus legere est. Sed quod mirum videri debet, dictumque horrendum, non

non defunt recentiores quidam Casuista, qui sanctiorum hæc Patrum iustitia parvi pendentes, vel ea etiam licita faciunt, quæ lathalibus fæpe peccatis obnoxia sunt.

XI. Sed his obiter dictis, redeo ad Benedictionem nuptialem, quæ, uti superius notatum fuit, antiqua est in Ecclesia, atque jam pridem apud Christianos usitata; præter citatos enim initio hujus Commentarii Patres, diserte illius meminere Siricius Papa in Epistola I. Cap. IV. Innocentius I. itidem Papa in Epistola II. Cap. VI. & ante eos Ambrosius Epistola LXX. ad Vigilium. Largitam eam fuisse in Missa, probavimus jam ex Tertulliano, confirmarique uberius potest auctoritate, ac præsertim Theodori Cantuariensis Archiepiscopi Statuto Capitulari sui, num. IV. quod extat Tomo IX. Spicillegii Dacheriani, ubi ita inquit: *In primo Conjugio debet Presbyter Missam agere, & benedicere ambo, nempe Sponsos. Fiebat Benedictio post Orationem Dominicam, sicut & omnia alia, quæ intra Missarum solennia olim benedicebantur, uti ex antiquis Sacramentariis notat Hugo Mercurius in Notis ad Sacramentarium S. Gregorii Pape, pag. 414. qui primus edidit ex Codice Remensi exarato circa annum millesimum, Adonem, seu Missam propriam nuptialem, in qua inter alia dicitur: Et dictis Orationem Dominicam, & sic eam benedictis &c. Vide Martene Lib. I. De antiquis Ecclesiæ ritibus, Cap. IX. Articulus V. in quo varii ad benedicendos Nuptias Ordines referuntur, ac primus quidem ex Gelasio. In Missali, & mss. Codicibus Remensi, & Gelloniensi annorum circiter mille, in quibus sic legitur: *Dictis orationem Dominicam, & sic cantas benedictionis orationem his verbis* Deus, qui Mundi creantis exordio multiplicata prole benedictis; propitiare supplicationibus nostris, & super hanc famulam tuam opem tuæ benedictionis implande, ut in conjugali consortio affectu consparsi, mente consimili, sanctitate mutus concipitur. Per.*

XII. Sequitur hanc Benedictionem alia longæ prolixior, quæ incipit, *Pater Mundi conditor &c.* & deinde hæc Rubrica: *Post hæc dicti: Pax vobiscum; & sic eos communicas. Deinde postquam communicaverint, dicit super eos benedictionem his verbis.* Domine Sancte, Pater Omnipotens, eterne Deus, iteratis precibus te supplices exoramus, pro quibus apud te supplicat ut est Christus: conjunctiones famulorum tuorum fovere digneris, benedictiones tuas excipere mereantur, & filiorum successibus secundentur; nuptias eorum, sicuti primi hominis, confirmare dignare; avertantur ab eis inimici omnes infidiæ, ut sanctitatem Patrum etiam in ipso conjugio imitentur, qui providentia tua, Domine, coniungi meruerunt. Per.

XIII. Rituale Romanum, ut dicemus infra sequenti Capite, quod inscriptum est, *Ritus celebrandi Matrimonii Sacramentum* §. IV. Missam dumtaxat celebrandam dicit, si Nuptiæ sint benedicendæ, atque ita ipsam Missæ celebrationem esse vice Benedictionis, uti observat Vanespem Parte II. *Fasti Ecclesiastici*, Titulo XII. Cap. VI. num. XII. Post Benedictionem enim Anuli immediate subiicit: *Hic expletis, si benedicende sint Nuptiæ, Parochus Missam pro Sponso, & Sponsa, ut in Missali Romano, celebrat, servatis omnibus, quæ ibi prescribuntur.* Sed de hac Missa

nonnihil dicemus nos infra suo loco in Commentario ad prædictum §. Cæterum veteris est ritus vestigium, quod in Pastoralis Mechlinensis præscribitur: *Dicto, Pater noster, Sacerdos antequam dicat, Libera nos, quæsumus, Domine, stans in cornu Epistolæ versas Sponsam, & Sponsam ante Altare genuflexos, dicit super eos sequentes orationes &c.* Hæc enim Orationes locum pristinæ Benedictionis suppleant, uti in citato loco notat idem Vanespem.

XIV. Restat, ut ad calcem hujus Commentarii refellamus abusum, qui aliquando invaluit, exigendi scilicet aliquid occasione nuptialis Benedictionis, quam novis Sponsis Parochus dabat. Vetitum id quidem fuit in Generali Concilio III. Lateranensi sub Alexandro III. celebrato, Cap. VII. *Ne pro nuptiis benedicendi aliquid exigatur, districte inhibemus.* Post Benedictionem tamen aliquid recipi, exigique permisit in suo Capitulari Odo Parisiensis Episcopus: *Prohibetur districte, ut nullus Sacerdos, aut Capellanus exigat aliquid ante Benedictionem nuptialem, sive pro testamento ferendo, sive pro Matrimonio celebrando, occasione ferendarum, quæ debentur pro Nuptiis. Celebrato autem Matrimonio, recipiat ferenda, & exigat, si necesse fuerit, sicuti consuetum est.* Quoniam Parochiales Presbyteros nuptiali convivio adesse vetat rigidissime antiquus Patrum Canon, ex ipso convivio ferenda mitti permisit Gallicane Ecclesiæ consuetudo, quæ & ista ferenda, ob varia incommoda, commutari induxit in oblationem pecuniarum; ut scite notat eruditus Lupus, Tomo IV. Operum Editionis Venetæ, in Secunda Proemiali Dissertatione, *De Simonia crimine, & variis ad ipsum spectantibus*, Cap. VII. §. *Postremum*, ubi etiam recte observat, hæc oblationem uti debitam exigere quidem permisisse Odonem, verum post celebratum Matrimonium, & impensam Sacerdotalem Benedictionem.

XV. Hinc quoque in Oxoniensi Synodo statuit Stephanus Archiepiscopus Cantuariensis: *Finiter inhibemus, ut pro pecunia Matrimonium contrahendum impediatur. Quoniam siquid pro dotatione fidelium consecraverit erogari, super hoc postmodum volumus per Ordinarios loci iustitiam exhiberi.* Ita super statutum esse dicit in Lateranensi IV. Synodo Innocentius III. in Canone scilicet LXXVII. quem nos, sicut & illum superius memoratum Alexandri Papæ III. in Concilio Lateranensi III. editum, abunde explicuimus in Commentariis ad Concilia Oecumenica, Tomo III. locis citatis. Simile S. Edmundi Cantuariensis Archiepiscopi Decretum laudat Guilielmus Thorne ad annum MCCXXXIV. Etiam Joannes Tusculanus Episcopus Martini Papæ V. per Germaniam Legatus obsecram quorundam nuptialem Benedictionem venditum abominationem damnat in Salisburgensi Synodo, adiungitque: *Per hoc non intendimus, quod laudabiles consuetudines infringi debeant, quando possunt Rectores Ecclesiarum recipere sicut, si habentes post Benedictionem aliquid offerre coluerint, devotionis intuitu, & pietatis.* Quæ omnia ad puerperam purificationem extendit landatus Archiepiscopus Edmundus. Et ista Lege etiam nos hodie vivimus. Proinde, ut idem laudatus Lupus sapientissime observat, circa omnia Sacramenta, atque ceremonias Ecclesiasticas distingui debet triplex Ecclesiæ tempus, ac disciplina. Prima

ma neque exegit, neque accepit. Secunda accepit, ante oblatum. Tertia etiam exegit, ac post datum Sacramentum, & Cereomonias peractas. Ceterum quod oblatam elemosynam occasione nuptialis Benedictionis debeat Parochus,

& non alius recipere, declaravit Sacra Rituum Congregatio in Acheruntina xxv. Januarii anno MDCLII. apud Barbosam, Parte II. De Officio & potestate Parochi, Cap. xxi. num. 99. & apud alios Scriptores.

§. XIV.

Caveat etiam Parochus, ne quando conjuges in primis Nuptiis Benedictionem acceperint, eos in secundis benedicat, sive mulier, sive etiam vir ad secundas Nuptias transeat. Sed ubi ea viget consuetudo, ut si mulier nemini unquam nupserit, etiamsi vir aliam uxorem habuerit, Nuptiæ benedicantur, ea servanda est. Sed viduæ Nuptias non benedicat, etiamsi ejus vir nunquam uxorem duxerit.

COMMENTARIUS.

I. **E**T si Matrimonia a liberis personis legitime inita receperit semper, probaveritque Ecclesia, tanquam vera, & indubitata Sacramenta; ipsius tamen desiderium fuit, ut nonnisi virgo virgini nuberet, secundæque Nuptias, ut certa incontinentiæ signa ægre tulit. Fatentur hæc passim Theologi, Sacrorum Canonum Interpretes, & de veteri Ecclesiæ disciplina Scriptores, probantque auctoritate veterum Patrum, quorum etiam non pauci bigamiam fornicationi, & adulterio adnumerant, quales sunt Athenagoras in Legatione pro Christianis, Theophylus Antiochenus Lib. III. ad Autotholcom, Irenæus Lib. III. adversus hæreses, Capite XIX. Clemens Alexandrinus, Minutius Felix, & alii, quorum testimonia adducit Vir doctissimus Joannes Baptista Cotelierius in Notis ad Librum II. Pastoris, Cap. IV. & Martene, Lib. I. De antiquis Ecclesiæ ritibus, Cap. IX. Article I. num. III. & seqq. in quibus fuisse docet, probatque secundas Nuptias non nisi certis legibus, & conditionibus alicubi fuisse permissas, & I. quidem, ut relicta non nisi integro ab obitu mariti anno evoluto nuberet. II. ut uxorem ducturus, viduam, absque Sacerdotis consensu, non duceret. III. ut bigami ipsi non solum Benedictione, de qua nos dicemus inferius, coronas nuptiales, sed etiam Ecclesiæ elemosynis privarentur. IV. ut publice subjicerentur poenitentiae, de qua nos alibi diximus, & ab Ecclesiasticis communionem aliquanto tempore excluderentur.

II. Sed, hæc omnes conditionibus, poenitive, quibus erant secundo nubentes obnoxii, quasque fuisse explicat laudatus Martene, statuerunt Majores nostri, ut istæ Benedictione nuptialis denegaretur. In hæc differis verbis tradit S. Cæsarius Sermonem cclxxxix. in Appendice novæ editionis S. Augustini, his verbis: *Qui uxorem cepit accipere, sicut illam virginum invenire desiderat, ita ipse usque ad Nuptias virgo sit; quia si non fuerit, Benedictionem accipere cum Spouso non merebitur*. Similia legere est in variis Conciliis, & in Constitutionibus Summorum Pontificum relatis in Titulo XXI. Decretalium, De secundis Nuptiis, ubi in Capite, *Vir autem, Urbanus Papa III. Vigilanti Episcopo rescribens, rationem affert, cur secundæ conjugum Nuptiæ minime benedicantur: Quia cum alia vice benedicti sunt, eorum Benedictio iterari non debet*. Sed aliam rationem, cur secundæ Nuptiæ non sint benedicendæ, reddit S. Thomas in IV. Sententiarum, Distinctione XLII. Questione III. Articuli

II. ad II. videlicet, quia secundum Matrimonium, quamvis in se consideratum sit perfectum Sacramentum, tamen in ordine ad primum consideratum, habet aliquid de defectu Sacramenti, quia non habet plenam significationem, cum non sit una unius, sicut est in Matrimonio Christi, & Ecclesiæ; & ratione hujus defectus Benedictio a secundis Nuptiis subtrahitur.

III. Subdit tamen S. Doctor, hoc esse intelligendum, si secundæ Nuptiæ sunt secundæ ex parte viri, & ex parte mulieris, vel ex parte mulieris tantum. Si enim virgo contrahat cum illo, qui habuit aliam uxorem, nihilominus Nuptiæ benedicantur. Salvatur enim aliquo modo significatio etiam in ordine ad primas Nuptias, ut idem S. Thomas latius explicat; cujus hæc in re doctrina mirifice favet asserto nostri hujus §. ubi dicitur, quod, *ubi ea viget consuetudo, ut si mulier nemini unquam nupserit, etiamsi vir aliam uxorem habuerit, Nuptiæ benedicantur, ea servanda est*. Consuetudine quorundam locorum Benedictionem iterari, quando aliquis secundam duxit virginem, tradit Glossa Juris Canonici in dicto Capite, *Vir autem*; & secundum Joannem Andream ibidem, multum invaluit hæc consuetudo, quam nonnulli approbant ea ratione, quia, ut apparet ex forma Benedictionis, tota Benedictio fundabatur super mulierem; & ita ex quo mulier nunquam fuit benedicta, dabitur tunc Benedictio, quia nihil in viro intelligitur iterari. Verum ait Joannes Andreas, de jure esse contrarium per memoratam Decretalem, sicut etiam passim notant ejusdem Interpretes. Aperte enim in ea edicitur, secundas Nuptias non esse benedicendas, etiamsi unus tantum ex conjugibus in primo Matrimonio fuerit benedictus, quia, ut ait Abbas in dicto Capite, cum ista Benedictio sit communis marito & uxori, ex quo alter fuit benedictus, non debet Benedictio iterari, quia, iteraretur in persona alius benedicta. Quicquid sit de varia aliorum Canonistarum opinione, statetur Fagnanus in eodem citato Capite, *Vir autem*, num. 7. opinionem S. Thomæ servari in praxi, ut attestant Covarruvias, De Spousalibus, Parte II. Cap. VI. §. II. num. 2. & alii plures hic relati a modernis Collectoribus.

IV. Porro monitum velim lectorem, ne ex pænis superius memoratis, quibus Majores nostri subjecerunt secundas Nuptias contrahentes, inde arbitretur, secundas, ultiorisve, a morte prioris conjugis Nuptias illicitas esse, atque damnatas. Fuit enim hic error Montanistarum, alio-

aliorumque hæreticorum, quos Catholica Ecclesia merito damnavit, docens, secundas Nuptias, & tertias, ac quotcumque numero posteriores, & veras esse Nuptias, & secundum se licitas, at-

que honestas, ut fusc Theologi ostendunt ex Scriptura, ex Patrum traditione, & definitione Conciliorum, quas supervacaneum est hic explicare.

§. XV.

Matrimonium in Ecclesia maxime celebrari debet; sed si in domo celebratum fuerit, præsertim Parochus, & testibus, Sponsi veniant ad Ecclesiam Benedictionem accepturi; & tunc caveat Sacerdos, ne iterum a contrahentibus consensum exigat; sed tantum Benedictionem illis conferat, celebrata Missa, ut infra dicitur.

COMMENTARIUS.

I. **M**atrimonium celebrandum esse in Ecclesia, antiquum est institutum, cuius meminisse videtur non uno in loco Tertullianus, quippe qui Lib. II. *Ad uxorem*, Cap. IX. ita scribit: *Vnde sufficim ad enarrandam felicitatem ejus Matrimonii, quod Ecclesia coelestis, & confirmat Oblatio, & obsequium Angeli renuntiant, pater ratio habet.* Præterea in Libro, *De pudicitia*, Cap. XV. sic habet: *Penes nos aconcha quoque conjugationes, id est, non prius ad Ecclesiam professa, juxta morem, & fornicationem judicari periculatur.* Denique in Libro, *De monogamia*, Cap. XI. ait, Matrimonia fieri coram Episcopo, Presbyteris, Diaconis, intervenientibus etiam in Ecclesia viduis. Constat hæc disciplina ex aliis Patribus, ac Synodis, quibus inherens S. Carolus, in Concilio Provinciali II. Mediolanensi, Decreto XXV. ita statuit: *Ne Parochus nullo alio loco, quam in Ecclesia ipsa, qua Sacramentorum proprius locus est, Sponsus Matrimonium iungat, nisi ex facultate ab Episcopo permessa.* Confirmat hoc Decretum in Concilio Provinciali III. Cap. De illis, *qua ad Matrimonii Sacramentum pertinet*; ubi etiam illud mandat, ut Matrimonium ipsum in ea tantum Ecclesia celebratur, qua Parochialis est; celebratur vero mane, non a prandio; idque omnino, nisi cum Episcopo, alio vel loco, vel tempore fieri concesserit. Idem dicit in Matrimonii Instructionibus: *Mane celebrabit, non a prandio, nec vero unquam nocte; in Ecclesia item Parochiali ante Altare majus, neque alio præterea loco, aut alia Ecclesia.* Parochialem Ecclesiam vult intelligi illam, in qua Sponsi habitant, uti constat ex ejusdem S. Præfatus Diocesana Synodo III. Decreto XXXV. *Matrimonium, inquit, ne in alia, quam in Parochiali ea celebratur Ecclesia, intra cujus fines ii habitant, qui Nuptias contrahere volunt. Quamobrem Sacerdos, cui celebrandi Matrimonii ab Archiepiscopo, aut a Parocho auctoritas tributa est, ne Sponsos ab eadem Parochia, illius rei causa exire patiatur, sed ad Parochialem Ecclesiam, in ejus finibus illi domicilium habent, ipse se conferat, eoque ibi Matrimonio sancte iungat.*

II. Ergo ex S. Caroli præscripto celebrandum est Matrimonium mane in Ecclesia propria Parochiali ante majus Altare; id quod etiam præscribunt aliorum plurim Episcoporum Sy-

nodi; sed sciendum tamen, in multis Ritualibus præscribi, ut ad valvas Ecclesie celebretur: *In primis veniat Sacerdos ante ostium Ecclesie indutus Alba, atque Stola cum benedicta Aqua &c.* Verba sunt ms. Missalis Rodonensis ab annis circiter DCCC. scripti, & in Bibliotheca S. Gatiiani Turonensi asservati, in Ordine ad Sponsum, & Sponsam benedicendam, apud Martene, Libro I. *De antiquis Ecclesie ritibus*, Cap. IX. Articulo V. Ordine II. Idem habetur in ms. Pontificali Monasterii Lyrensis annorum circiter DC. *Ante omnia veniant ad januas Ecclesie, Sponsi scilicet, sub testamento platorum, qui thoro maritali conjungendi sunt &c.* Rursus ms. Pontificali Ecclesie Antissiodorensis annorum circiter D. sic inquit: *Cum autem venerint ante valvas Ecclesie Sponsus & Sponsa, ibi stent, donec veniant Sacerdos Alba, Stola, & Manipulo ornatus Annulum benedictum argenteum.* Similia legere est in aliis Ritualibus mss. recentioris ævi a laudato Martene descripti loco citato.

III. Illud vero, præsertim post S. Carolum, passim Synodi constituere, ut in Ecclesia quidem, non autem domi Matrimonium celebraretur; illamque disciplinam quammaxime inculcat inter alias Beneventana Provincialis Synodus XIV. sub Vincentio Maria Cardinale Urino Archiepiscopo rerum ritualium peritissimo, qui fuit postea Benedictus Papa XIII. expresse enim cavit Titulo XLII. Cap. III. ne sine causa ab Episcopo probanda Matrimonium domi celebratur, ea quoque addita cautione, ut illi, quibus hujusmodi facultas conceditur, ipsa die confecti, & Sacra communione refecti sint: *Et si Matrimonium domi celebratum coram Parocho, & testibus, in facie Ecclesie contractum dicatur, decentius tamen est, ut in propria Ecclesia celebratur.* Idcirco Sancta Synodus mandat, ne domi hujusmodi celebratio permittatur, nisi causa legitima existente, examinanda, & approbata ab Episcopo, qui absque causa prædicta, & nisi illa die confecti fuerint, & sacra Communione refecti, ut id domi fiat, concedere non debet; nam quanta maxima fieri potest, reverentia Sacramentis exhibeatur, oportet. Quod hic dicitur de præmittenda Confessione, & Communione Matrimonii celebrationi, præscriptum jam nostrum hoc Rituale Romanum, ut videbimus mox in Commentario ad sequentem §.

§. XVI.

Admoncantur præterea conjuges, ut, antequam contrahant, sua peccata diligenter confiteantur, & ad Sanctissimam Eucharistiam, atque ad Matrimonii Sacramentum susci-

sciendum pie accedant; & quomodo in eo recte, & Christiane versari debeant, diligenter instruantur ex Divina Scriptura, exemplo Tobie, & Saræ, verbisque Angelii Raphaelis eos edocentis, quam sancte conjuges debeant convivere.

COMMENTARIUS.

I. **E**X variorum Conciliorum, ac Ritualium præscripto debent Parochi admonere conjuges, ut, antequam Matrimonium contrahant, sua peccata diligenter confiteantur, & sacram Communionem percipiant. Hujus disciplinæ tenax S. Carolus in Matrimonii Instructionibus Paracho inter alia mandat, ut agat omni cohortatione cum Sponsis, ut ad Matrimonii celebrationem ne accedant prius, quam peccata diligenter confessi sacram Communionem sumpserint, saltemque triduo ante Matrimonii consummationem. Idem præcipit Beneventana Provincialis Synodus xlii. anni MDXCIX. Titulo xxvi. *De Sacramento Matrimonii*, Cap. 1. sic inquit: *Hortentur, Parochi scilicet, conjuges, ut antequam contrahant, vel saltem triduo ante Matrimonii consummationem, & peccata confiteantur, & sacram Communionem percipiant. Sed vult præterea S. Carolus loco citato, ut omnia, & jejunio, & aliis piis preparationibus, ad hujusmodi Sacramentum pura mente accedant; ut item de Matrimonii celebratione, & Benedictionis ad Ecclesiam accedant omni vestimenti moderatione, dignaque sanctitate Christianæ Religioni, ita ut quanto generis claritate illustriores sunt, tanto sordidius in lace omnium splendescant virtute præcellenti, qua Christianæ nobilitatis propria, in abieciendo sæculi luxu, fugiendisque barbarici vestitus sumptibus, maxime elucet; ut rem omnem depravato usu introductam, profanave in sacula Matrimonii sui celebritate coarctat, ut alim fuit bibendi, cyathive frangendi corruptela.*

II. Quod aliam nostri §. partem spectat, ubi edicitur, ut novi conjuges, quomodo in eo, in

Matrimonio scilicet, recte, & Christiane versari debeant, diligenter instruantur ex Divina Scriptura, exemplo Tobie, & Saræ, verbisque Angelii Raphaelis eos edocentis, quam sancte conjuges debeant convivere, monet quidem Pastorale Mechlinense Parochum, ut novos conjuges egregie etiam coram populo hortetur, ut ad exemplum Tobie, & Sacrorum Canonum consilium, propter reverentiam Sacramenti, & Benedictionis, biduo, vel triduo, orationibus vacent, & castitatem servent, ut sic tamquam filii Sanctorum conjugium Christianum cum Dei timore consummantes, sciat atque vas suum possidere in sanctificatione, & bonore, non autem in passione desiderii, sicut gentes, qua ignorant Deum. Tobie exemplum urget non uno in loco S. Carolus, præsertim vero in Matrimonii Instructionibus, occurratque in variis Ritualibus a Martene allatis citato superius loco Oratio ad Sponsum, & Sponsam benedicendam, in qua fit mentio conjugii Tobie cum Sara, his verbis: *Benedic Domine de Calis hanc conventionem, & sicut missi Angelum tuum Raphaelem ad Tobiam, & Saram filium Rognelli; ita dignare Domine mittere Benedictionem tuam super hos adolescentes, ut in tua charitate consistant, & in amore tuo vivant, & sentiant, & multiplicentur in longitudinem dierum.* Per. Ita habet Missale ms. Redonense ab annis circiter necc. scriptum; in ms. autem Pontificali Monasterii Lyrensis annorum circiter necc. & in ms. Codice Victorino, annorum circiter ne. atque in aliis seculoribus ævi, paulo fufius ipsa Oratio legitur apud laudatum Martene, Lib. i. *De antiquis Ecclesiæ ritibus*, Cap. xxi. Articulo v.

§. XVII.

Postremo meminerint Parochi, a Dominica prima Adventus usque ad diem Epiphaniæ, & a Feria quarta Cinerum usque ad Octavam Paschæ inclusive, solemnitates Nuptiarum prohibitas esse; ut Nuptias traducere, sponsalia celebrare convivia. Matrimonium autem omni tempore contrahi potest. Nuptiæ vero, qua decet modestia, & honestate fiant; sancta enim res est Matrimonium, sanctæque tractandum.

COMMENTARIUS.

I. **D**Esumptus est hic §. partim ex Concilio Tridentino, Sessione xxiv. *De reformatione Matrimonii*, Cap. x. quo Nuptiarum solemnitates certis temporibus prohibentur, his plane verbis: *Ab adventu Domini nostri Jesu Christi usque in diem Epiphaniæ, & a feria quarta Cinerum usque in Octavam Paschæ inclusive, antiquas solemnium Nuptiarum prohibitiones diligenter ab omnibus observari, Sancta Synodus præcipit. Quam antiquæ sint hujusmodi prohibitiones, præsertim in Quadragesima, constat ex Landicena Synodo celebrata anno CCCXIV. Can. lxi. ex versione Dionysii Exigal, his verbis: Quod non oportet in Quadragesima, aut Nuptias, aut nuptialia celebrare. Solius Quadragesimæ meminit etiam Martinus* *Tom. I.*

Bracarenfis Episcopus in suis Capitulis, Capite xlviii. *Negat Nuptias licet in Quadragesima celebrare.* Hisce concinunt Nicolaus Papa I. & Herardus Turonensis Archiepiscopus, quorum primus in Responsis ad interrogata Bolgarorum Cap. xlviii. sic ait: *Nec uxorem ducere, nec convivia facere in Quadragesimali tempore convenire posse, nullatenus arbitramur.* Alter vero in Capitulari num. cxii. ita inquit: *Aquin-quagesima usque ad Octavam Paschæ non sunt Nuptiæ.*

II. Porro cum sua sint in Ecclesia paniteatim assignata tempora, quibuscum carnale commercium, gaudiaque varia, quæ Nuptias comitari solent, compati nequeant; sapientissime omnino ab antiquis Patribus provifum est, ut

K k k non

non modo in Quadragesima, sed & aliis id genus temporibus penitentia, & peculiari devotioni, atque orationi consecratis Matrimonia inirentur. Quenam vero illa sint, addiscimus ex Concilio Ilerdensi celebrato anno DXXIV. apud Gratianum, Can. x. Causa xxxiii. Quæstione iv. *Non oportet a Septuagesima usque in Octavam Pasche, & tribus hebdomadibus ante Festivitatem S. Joannis Baptiste, & ab Adventu Domini usque post Epiphaniam Nuptias celebrare; quod si factum fuerit, separentur.* Hunc Canonem recte interpretatus est Clemens III. alias Cælestinus, in Cap. *Capellanus* iv. De *Feris*, ubi quæstione illi proposita, quomodo tres hebdomade ante Festum S. Joannis, de quibus in citato Canone Ilerdensi fit mentio, essent computandæ; respondit Pontifex, consuetudinem singularum Ecclesiarum in hac computatione esse sequendam. Notandum hic vero est pro facilliori intellectu hujus Decretalis olim alicubi saltem ante Festum S. Joannis Baptiste fuisse speciem quandam Quadragesimæ, at variam pro diversitate Ecclesiarum, de qua tractat Filicæus in Opusculo, *De Quadragesima Christiana*, Capite 111. Quia vero varia erat in variis Ecclesiis circa tempora juniorum disciplina, varia quoque fuit disciplina circa tempus clausum, sive scriptum, quo Nuptiarum celebratio interdicebatur. Atque hinc est, quod in Concilio Nemausensi habito anno MDCCCLXXXIV. vetitum sunt fieri Nuptias ab Adventu usque ad Octavam Epiphaniæ, & a Septuagesima usque ad Octavam Pasche completas, & a tribus diebus ante Ascensionem usque ad Dominicam primam post Pentecostem.

III. Istud Nemausensis Concilii Decretum in hoc tantum differt ab Ilerdensi, quod Nuptiarum Interdictum ad Octavas usque Epiphaniæ protrahat, liberamque earum celebrationem permittat ante Festum S. Joannis, sed eas vice versa a prima Rogationum die ad completas Pentecostes Octavas prohibeat propter singularem diuinam illorum devotionem. Neumausensi Concilio concinere videtur Concilium Senonense anno MCDLXXXV. celebratum, Articulus 111. Canone v. decernens, *ut certis anni temporibus Matrimonia ab Ecclesia prohibeantur celebrari, scilicet tempore Adventus, Septuagesimæ, & Rogationum, quia tunc omnes moris, quam aliis temporibus, debent devotioni, & orationi intendere, a quibus tamen plurimum retrahit carnale commercium.* Eadem ratione Canone xv 111. Concilii Aquilgranensis anno DCCCXXXVI. celebrati cautum est, diebus Dominicis Nuptias pro reverentia tanta Solemnitatis celebrari. Quin & ante Concilium istud Gregorius Papa III. qui Pontificatum inivit anno DCCXXXI. in suis Judiciis, Cap. xxx. decreverat, *ut si quis nupserit die Dominicæ, petat a Deo indulgentiam, & annum, et tres dies peniteat.* In excerptis etiam Egberti Eboracensis Archiepiscopi, Cap. cvi. edicitur, *ut qui nupserit die Dominicæ nupserit, vii. dies peniteat.* Tum vero additur: *Qui quarta, & sexta Feria, 111. dies peniteat; qui in Quadragesima ante Pascha, annum annuum peniteat.*

IV. Longum esset per alia Christiani Orbis loca vagari, in quibus pro diversitate Ecclesiarum, diversa fuerunt statuta tempora, quibus penitentia peculiarisque devotionis causa vetitum sunt celebrari Nuptias. Quod in quibusdam etiam

Germaniæ locis, diebus triginta post assumptam in Cælos Deiparæ Virginis celebrari Matrimonium interdictum sit, testis est hujus consuetudinis Joannes Mabillonius in suo Germanico Itinere, pag. 46. ubi narrat, in Ecclesia S. Udalrici Augustani post Assumptionis Beate Mariæ Festum, vidisse appensam Sanctæ Dei Genitricis Imaginem in panno serico depictam, scilicet ante ipsi hujus rei causam, responsum fuisse, *hanc esse morem in tota triginta a Festa diei, quibus per totam Provinciam circa dispensationem Nuptias celebrare non licet.*

V. Quicquid vero sit de variis Ecclesiarum consuetudinibus, illud certum est, laudatum Concilii Tridentini Decretum, & nostri Rituum Romani præscriptum de prohibitione Nuptiarum tempore Adventus, & Quadragesimæ, rationabili, ac venerabili niti antiquitate, perperamque mentiri hæreticos, agentes, prohibitionem solemnitatis Nuptiarum certis anni temporibus, superstitionem esse tyrannicam, ab Ethnicorum superstitione profectam. Sed his omisiss, quos merito Concilium ipsum Tridentinum citata totius Sessione xxiv. *De reformatione Matrimonii* Canone xi., anathemate damnavit; explicanda nunc nobis sunt ea Tridentini Concilii verba, quibus edicitur, prædictis temporibus antiquas solemnitates nuptiarum prohibitas diligenter observari; seu, ut habet noster §. *solemnitates nuptiarum prohibitas esse;* quid nempe nomine solemnium nuptiarum citatis in locis intelligatur. Teste Fagnano in laudato superius Capite, *Capellanus*, De *Feris*, num. 6. conveniunt omnes, his temporibus, a Concilio scilicet, & Rituali memoratis, prohibitas esse Nuptiarum Benedictiones, de quibus habetur in Canone, *Aliter*, Causa xxx. Quæstione v. ibi: *Sacerdotaliter, ut mos est, cum precibus, & oblationibus, a Sacerdote beneduntur;* & in Concilio Tridentino, Cap. 111. *Benedictionem in Templo suscipiendam.*

VI. Sed & traductionem uxoris ad domum viri, & nuptialia convivia his temporibus esse interdicta, satis liquet ex Canone. *Nec uxorem*, Causa xxx 111. Quæstione v. desumpto ex Responsis Nicolai Papæ I. ad consulta Bulgarorum. *Nec uxorem ducere*, inquit, *nec convivium facere in Quadragesimali tempore convenire posse, alio modo arbitrar.* Uxorem ducere, idem est, ac uxorem traducere, ut, teste memorato Fagnano communiter exponunt. Rationem ejus prohibitionis reddit S. Thomas in 1v. Sententiarum, Distinctione xxxii. Quæstione 1. Articulo v. Quæstioncula 1v. *Quia quando nova sponsa traducuntur, animas conjugum magis ex ipsa novitate ad carum carnalium occupat, & ideo in Nuptiis consueverunt signa multa lætitiæ dissoluta ostendi; & propter hoc illis temporibus, in quibus homines precipue debent se ad spiritualia elevari, prohibitum est Nuptias celebrari.*

VII. Jam non desunt, qui arbitrantur, solum Sponsæ traductionem, quæ sit cum solemnitate, a Sacris Canonibus, & a Rituali Romano esse interdictam; sed tenendum est, quod docet idem Fagnanus, quomocumque traductionem uxoris ad domum viri prædictis temporibus fuisse prohibitam, tum quia Canon, *Nec uxorem*, simpliciter dicit, *uxorem ducere;* sive, ut habet nos- ter §. *Sponsam traducere;* atque ita interdictum non modo solemnitas, sed etiam traductio; tum quia etiam cessantibus conviviis, & aliis sole-

mnitibus militat recitata ratio S. Thomæ, quod ex ipsa scilicet novitate translationis, animus circa carnalia, & voluptuosa occupetur; tum demum quia, quom ipso Adventus, & Quadragesimæ tempore, prohibita sit copula carnalis, ut Sacri Canones præscribunt, & communiter docent Canoici Juris Interpretes apud laudatum Fagnanum in dicto Capite, *Capellanus, Le Ferri*, est etiam prohibita traditio privata, per quam ad carnalem copulam pervenitur. Id quod etiam confirmari potest ex Concilio S. Caroli Mediolanensi v. Provinciali, Capite inscripto, *Quæ ad Matrimonium pertinent*, ubi sic inter alia ait: *Nequis cujuscumque gradus, conditionive sit, statim temporibus, quibus Nuptiarum solemnitates celebrari interdicitur est, domum Sponsam traducat, aut nuptialia convivia celebret, aliave ejus generis vetita agat.* Atque his concinit Declaratio Sacræ Congregationis Tridentini Concilii Interpretum apud memoratum Fagnanum. Proposito enim dubio, an Matrimonium coram Parocho quocumque tempore contrahi possit, Sacra Congregatio censuit, posse contrahi quocumque tempore Matrimonium, sed temporibus comprehensis in Capite x. Sessione xxv. *De reformatione Matrimonii*, Nuptiarum solemnitates, translationes ad domum, & carnalem copulam prohiberi.

VIII. Ex his itaque addiscimus, nihil in nostro §. præscripti, quod non consorium sit veteri, novæque Ecclesiæ discipline, ubi scilicet edicit, *a Dominica prima Adventus, & a Feria v. Cinerum usque ad Octavam Pasche inclusive, solemnitates Nuptiarum prohibitas esse, ut Nuptias bevendere, Sponsam traducere, nuptialia celebrare convivia; & ubi mox subiicit: Matrimonium autem omni tempore contrahi potest.* Hanc fuisse Romanæ Ecclesiæ consuetudinem, at quocumque tempore Matrimonium contrahatur, consensu interveniente legitimo de præfati; solemnitates autem Nuptiarum, quas nos fœneris fuisse jam explicuimus, suspendantur, testis est Clemens Papa III. alias Celestinus in memorato Capite, *Capellanus*, in cuius expositione, uti etiam superius notatum fuit, Doctores pene omnes conveniunt, prædictis temporibus solemnitates Nuptiarum prohibitas esse. Longum esset ipsorum testimonio deferbere; referam dumtaxat Abbatis sententiam in citato Capite, *Capellanus*, num. 4. ubi, allegatis aliorum opinionibus, sic inquit. *Ego puto, quod Matrimonium sine celebri solemnitate licite possit omnitempore contrahi, quia in contrahendo nulla reperitur causa prohibitionis, cum non fiant convivia, nec exercetur commercium carnale; sed tantum intervenit consensus de præfati, in quo nullum reperitur peccatum, imo est Sacramentum.*

IX. Addiscimus præterea ex hæcœis dictis, quod tametsi Sanchez in Tractatu, *De Matrimonio*, Tomo II. Disputatione vii. num. 23. existimaverit, temporibus ab Ecclesiâ statutis nullatenus prohibendum esse Matrimonium consummare, idemque ante ipsum fœnerit Navarrus in Manuali Cap. xxxi. num. 71. & recentiores Probabilistæ omnes, illorum tamen auctoritates, ac rationes comparatæ cum Decretis Conciliorum, & Patrum sententiis, sunt valde infirmæ; & ratio S. Thomæ superius considerata, ne scilicet statim ipsi temporibus animus conjugum circa carnalia, & voluptuosa occupetur, potissimum viget in consummatione Matrimonii; nam

Tom. I.

ut legitur Ecclesiastici, Cap. 111. *Tempus amplexandi, & tempus longe fieri ab amplexibus.*

X. Illustranda sunt postrema nostri §. verba, quibus edicitur, ut *Nuptia, quæ decet modestia, & honestate fiant*; ob hæc nempe rationem. *Sunt enim res est Matrimonium, sanctique tractandum.* Idem jam statuit Synodus Tridentina, Sessione xxiv. *De reformatione Matrimonii*, Capite x. ubi ea provincia committitur Episcopis, ut nempe curent ipsi, ut Nuptiæ, quæ decet modestia, & honestate fiant. Hinc conati sunt Episcopi variis Synodis abusus tollere, qui in celebrationem Nuptiarum irrepererunt, & quidem a præfatis Sæculis usque ad nostram hanc temporis faciem, quo solent Nuptiæ fœdari potius convivii, salubus, sœnisque turpibus, quam ornari. Pateri cogimur abusum hunc antiquum a Gentilibus devolutum fuisse ad Christianos, vigereque passim apud ipsos, tametsi adversus abusum ipsum Sancti Patres, & Sacræ Synodi acriter iociter sint. Dolet sane S. Cyprianus in Libro, *De habita Virginum*, prope finem, quod quasdam Virgines non paderet *ambentibus interesse, & in illa lascivientium libertate sermonum colloquia incesta miscere, audire quod non decet, quod non licet, dicere, observari, & esse præsentem inter verba turpia, & turpenta convivia, quibus libidinum fomes accenditur, Sponsa ad patientiam stupri, ad audaciam sponsum amatur.* Pergit S. Antistes, vocatque Nuptiarum festa improba, & convivia lasciva, in quibus *diabolus blanditur, ut fallat, arriat, ut noceat, illis, ut occidat.* Tanta erat coconvivii nuptialis licentia, ut S. Gregorius Nazianzenus hortatus sit Olympiadem, quæ maritata erat, ne ad nuptiale convivium iret, ubi & perpotatur, & iocacis factis indulgetur. Omne enim convivium, ut Lib. 1. Capite II. ait Quintilianus, obscenis cantibus strepit, & in eo pudenda dictu spectantur. Et, ut alios mittam, Prudentius in Hamartigenia dixit *conviviale calentis carmen nequitie.*

XI. Antiquum abusum conata est abolere Synodus Laodicena Can. 1111. ubi statuit: *Quod non oportet, Christianos ad Nuptias venientes, se turpiter, & indecore perere, sed modeste cœnare, & prandere, ut decet Christianos.* Potissimum dehuisset Clericis hujusmodi convivia interdici, merito censuit Agathensis Synodus anni 691. Can. xxxix. ubi ita edixit: *Presbyteri, Diacones, Subdiacones, vel deinceps, quibus ducendi uxores licentia non est, etiam alienarum Nuptiarum evitent convivio, nec his cœnibus admisceantur, ubi amatoria cantantur, & turpia, aut obsceni motus corporum choris, & saltibus effervantur; ne auditis (notanda summo pere, ac menti impremda sacrorum hominum ratio, quam Concilium subijcit) & obstatu sacris Mysteriis deputati, spectaculorum, atque verborum contumelia polluantur.* Longum esset multas in damnationem hujusmodi conviviorum Synodos afferre; sed non censui tamen omittere Ravennatem sub Honorio IV. Papa per Bonifacium Archiepiscopum celebratam Synodum abusum turpem damnantem, quod Sponsi ad domos Clericorum, qui nuptialibus sœnis, & saltibus non intererant, joculariter, & histrionis mitebant, munera cœnatorum, atque ita pauperibus obstrictum Jesu Christi patrimonium in hæc sordes effundebatur: *Signis, inquit illa Synodus, contra fecerit, duplam ejus, quod dederit joculari, aut bi-*

K k k 2

strio.

frioni, restituere Ecclesie, a qua habes Beneficium, teneatur, per ipsam in usus pauperum con-

vertendum. Addi & hinc Canonii alii possent permulti, qui similem abusum districte vetant.

§. XVIII.

Quæ omnia fere ex Sacri Concilii Tridentini Decretis desumpta, & item alia, quæ ibi de Matrimonio rite contrahendo præcipiuntur, sunt diligenter servanda.

COMMENTARIUS.

UT quæ Tridentinum Concilium Sessio-
ne xxiv. De reformatione Matrimonii,
variis Capitibus statuit, diligenter ser-
vanda sint, tantum est ex omnibus fere Con-
ciliiis post ipsum celebratis, in quibus etiam & il-
lud præcipitur, ut eas celebrandi ratio, & De-
cretum a Tridentino Concilio præscriptum sæpe
a Parochis statis anni diebus in suis Ecclesiis pro-
mulgetur. Certe S. Carolus in Rubricis, seu In-
structionibus, De Sacramento Matrimonii, Ca-
pite I. inferiit, *Quæ Parochus doceat*, ita man-
dat: *Habebit ipse in primis recte cognita præcep-
ta illa omnia, quæ in Matrimonii recte confi-
ciendi servari oportere, Oecumenica Synodus
Tridentina iussit, ut illa ipsa omnia accuratissime,
inviolatèque servanda curet.* Tum statim subdit:
*Dabit etiam operam, ut illius Tridentinae San-
ctiionis iussa, præceptaque Parochiales sui teneant,
proindeque sapienter, præsertim vero certis sta-
tis Dominicis diebus illam Sanctiionem recte de-*

*nunciabit, atque adeo explicabit ad præscriptum
Dicesanæ Constitutionis.* Legenda porro a Pa-
rochis citata ipsa Constitutio, ac illud potissimum
advertendum, quod inter alia in recitata Sessio-
ne xxiv. Tridentini Concilii, Cap. I. legitur in
Decreto, De reformatione Matrimonii: *Siquæ
Provincia, inquit, alias ultra prædictas, lau-
dabilibus consuetudinibus, & caeremoniis hac in
re utuntur, eas omnino retineri, Sancta Synodus
vehementer optat, Parochi igitur, uti notat Van-
espèn, Parte II. *Juris Ecclesiastici*, Titulo XII,
Cap. vi. num. xvii. in hisce præscripta Ritualium
suorum sequi debent, ac frequenter ostendere
populo salutarem usum harum caeremoniarum,
ac præsertim efficaciam precum, & benedictio-
num, quæ nomine Ecclesie super novos con-
juges funduntur, quodque merito timeant, qui,
illis contemptis, contra Ecclesie præscriptum Ma-
trimonia incurrunt, ne maledictionem pro benedi-
ctione in se, & proles suas accersant,*

C A P U T II.

Ritus celebrandi Matrimonii Sacramentum.

§. I.

Parochus igitur Matrimonium celebraturus, Publicationibus factis tribus diebus postea, ut dictum est, si nullum obstat legitimum impedimentum, in Ecclesia Superpelliceo, & alba Stola indutus, adhibito uno saltem Clerico Superpelliceo pariter induto, qui Li-
brum, & vas Aquæ benedictæ cum aspersorio deferat, coram tribus, aut duobus testibus, virum, & mulierem, quos parentum, vel propinquorum suorum præsentia cohonestari decet, de consensu in Matrimonium interroget, utrumque singillatim in hunc modum vulgari sermone: *N. vis accipere N. hic præsentem in legitimum uxorem juxta ritum Sanctæ Matris Ecclesie?* Respondet Sponsus: *Volo.* Mox Sacerdos Spon-
sam interroget: *N. vis accipere N. hic præsentem in tuum legitimum maritum juxta ritum Sanctæ Matris Ecclesie?* Respondet: *Volo.* Nec sufficit consensus unius, sed debet esse amborum, & expressus aliquo signo sensibili, sive fiat per se, sive per Procuratorem.

COMMENTARIUS.

UTi administrandum sit a Parocho hoc
Sacramentum, ac præsertim quo ha-
bitu debeat esse indutus, edicit hic
noster §. In Ecclesia, inquit, Superpelliceo, &
alba Stola indutus &c. Debere ex antiquo ritu
celebrari Matrimonium in Ecclesia, superius jam
fuisse ostendimus, probarique id præterea potest
auctoritate Nicolai Papæ I. in Responsis ad con-
sulta Bulgarorum, Cap. III. ubi sic inter alia
inquit: *Et primum quidem in Ecclesia Domini,
cum oblationibus, quas offerre debent Deo, per
Sacerdotis manus statuantur.* Ad Sacerdotem
quod attinet, tantum est quidem ex ms. Missali
Redonensi ab annis circiter DCCC. scripto, ut

*in primis veniat Sacerdos ante ostium Ecclesie
indutus Alba, atque Stola, cum Aquâ benedi-
cta. Pontificale Ecclesie Antiphodorense annor-
um circiter D. mandat, ut cum venerint ante
valvas Ecclesie Sponsus & Sponsa, ibi stent, do-
nec venient Sacerdos Alba, Stola, & Manipula
ornatus &c. Præter Albam, & Stolam, mentio
hic fit etiam Manipuli; idemque ritus præscri-
ptus legitur in ms. Pontificali Ecclesie Lugdu-
nensis, ab annis circiter CD. scripto, quod etiam
usui fuit Ecclesie Tarentasensis. Porro S. Ca-
rolus in Instructionibus Matrimonii, ubi descri-
bit Ordinem illud celebrandi, vult, ut Parochus
Matrimonium celebraturus, Superpelliceo, Sto-
laque*

laque pro tempore indutus, in lumine Feckie, aut ante Altare Sponsos Aqua benedicta primum aspergat, uno, aut duobus Clericis adhibitis, Superpelliceo item indutus, quorum unus Librum, alter vas Aqua benedicta habebit. Ubi duo adnotos velim. I. praefcribi a S. Carolo Stolam pro tempore, idest coloris temporis congruentis, cum alias ex nostro §. abique temporis distinctione Stola alba adhibenda sit. II. nihil praefcribi in nostro §. de aspergendo primum Sponsos Aqua benedicta, quos tamen aspergendos monet S. Carolus initio sacrae functionis.

II. Rursus mandat hic noster §. celebrandum a Parocho Matrimonium coram tribus, aut duobus testibus. Consequisse vel primis Seculis celebrari Matrimonium in facie Ecclesiae, idest publice, & multis praesentibus, manifeste docet Tertullianus non uno in loco, praesertim verni in Libro, *De monogamia*, ubi ait, Matrimonium fieri coram Episcopo, Presbyteris, Diaconis, intervenientibus etiam in Ecclesia viduis. Hinc merito statuit Hormisdas Papa allatus a Gratiano, Causa xxx. Quaestione v. Can. II. ut nullus fidelis conjugumque conditionis sit, occulte Nuptias faciat, sed benedictione accepta a Sacerdote, publice nubit in Domino. Praeterea innumeros fere Canones, variaeque Regum, & Principum Sanctiones, quibus clandestina Matrimonia interduntur. Pontificale ms. Monasterii Lyrensis annorum circiter DCC. mandat, celebrandum Matrimonium sub testimonium plurimorum; idipsamque praescriptam legitur in plurimis Ritualibus. Quod tamen nunc videri non debet, quum & ipsi Gentiles clandestinas Nuptias sine testibus omnino improbarent, irritasque censerent, teste Apulo Lib. v. i. ubi haec habet: *Impares Nuptiae, & praeterea in villa sine testibus, & patre non consentiente factae, legitime non possunt videri.*

III. Quamquam vero ea esset vetus probataque Ecclesiae disciplina, imo & infidelium consuetudo, ut Nuptiae coram testibus celebrarentur, invaluit tamen variis Seculis quorundam abusus, ut Nuptias ipsas clanculum, & adeo secrete facerent, ut nulli omnino arbitri, seu testes interessent, per quos ipsae Nuptiae in Foro Ecclesiae probari possent. Quam fcebat, ut quemadmodum ex saepenumero temere, stulte, & imprudenter contractae fuerant; ita non raro, vel ambo mutuo consensu sibi fidem remittentes, vel alter contra alterius quantumcumque reclamantis voluntatem, a contractu resilliret, fidemque falleret, & ad aliud Matrimonium transiret, idque impune, quippe cum alteri legitima documenta desissent, quibus contractum inter ipsos Matrimonium probaret; atque hoc pacto contingebat, ut qui prioris Matrimonii fide violata, alia de facto conjugia iniissent, in perpetuo deinceps viverent adulterio, filioque procrearent illegitimos, & adulterinos, cum magna quidem filiorum injuria, sed longe majore discrimine salutis propriae. Haec, & alia gravissima id genus incommoda notavit jam doctissimus Etlus in Libri iv. Sententiarum Distinctionem xxviii. §. vi. ubi etiam scite observat, de hujusmodi conjugiis potissimum intelligendum esse Concilii Tridentini Decretum Sessione xxiv. *De reformatione Matrimonii*, Cap. i. ubi testatur, sanctam Dei Ecclesiam clandestina Matrimonia iustissimis ex causis prohibuisse, semperque detestata fuisse; causam autem praecipuam ibidem subijcit, nempe

gravissimum peccatum eorum, qui in flatu damnationis permanent, dum priore uxore, cum qua etiam contraxerant, relicta, cum alia palam contrahant, & cum ea in perpetuo adulterio vivant.

IV. Ergo Tridentini Concilii Patres, ut tam gravibus malis, & incommodis, quae ex clandestinis conjugiis oriebantur, occurrerent, providè statuerunt citato loco Sessionis xxiv. Matrimonia omnia clandestina penitus tollenda, & irritanda, nisi forma sequentis Decreti comprehendantur: *Qui aliter quam praesente Parocho, vel alio Sacerdote de ipsius Parocho, seu Ordinarii licentia, & duobus, vel tribus testibus, Matrimonium contrahere attentabunt, eos Sanctae Synodus ad se contrahendum inhabiles reddit, & hujusmodi contractus irritos, & nullos esse decernit, prout eos praesenti Decreto irritos facit, & annullat.* Haec verum Decretum. Nequis autem inspicit, fieri potuisse, ut Patres Concilii in hoc Decreto statuendo, limites sine potestatis egrederentur, & proinde errarent, tamquam videlicet in negotio, quod non ad Fidem, sed tantum ad gubernationem Ecclesiae pertineat, saluberrimo consilio, Canone iv. ejusdem Sessionis, anathema in eum pronunciat, qui dixerit, Ecclesiam non potuisse constituere impedimenta Matrimonii dirimentia, vel in his constitutis errasse. Hinc sapientissime laudatus Etlus notat ibidem §. vii. esse de Fide tenendum, potuisse Ecclesiam irritare Matrimonia clandestina, & omnino ea omnia, quae faciunt aliter, quam Decreti forma praescribit, initia, eademque post hoc Ecclesiae Decretum publicatum irrita esse. Et sane plerique Doctores tum ante Concilium, tum in ipso Concilio, non tam dubitaverunt de potestate Ecclesiae quoad irrationem clandestinorum conjugiorum, sicut & eorum, quae sine consensu parentum contracta essent, num expediret illa irritari. Quam tamen expedire de clandestinis visum est. Unde Petrus a Soto, Lessione xiv. *De Matrimonio*, scribit, multos prudentes, & Deum timentes a multis annis desiderasse, ut Ecclesia irrita decerneret Matrimonia clandestina: *Quod certum est, inquit, Ecclesiam posse.* Sic ille ante Decretum Concilii. Quibus similia scribit Dominicus a Soto in citata Distinctione xxviii. Libri iv. Sententiarum, alique Theologi de Matrimonio tractantes.

V. Jure itaque novo Concilii Tridentini, ut Matrimonium legitime, atque valide contrahatur, opus est, ut contrahatur, praesente Parocho, vel alio Sacerdote de Parocho, seu Ordinarii licentia, & duobus, vel tribus testibus. Quum de praesentia Parocho dictum superius fuerit, de testibus nonnilil dicam; & primo quidem, nullam ipsorum qualitatem requiri a Tridentino Concilio, aliusve Synodis, seu Ritualibus; unde admittuntur in hujusmodi testes quicumque mentis compotes, atque intelligendi capaces, quid agatur, viri, & mulieres, etiam proximi consanguinei contrahentium sine exceptione, quae hic non habet locum. Ratio coram laudatum Concilium Constitutionem non restrinxit ad testes omni exceptione majores, fuisse putatur a Doctores, ne obtentu exceptionum multoties Matrimonia irritarentur, aut saltem in dubium vocarentur. II. quod duo, vel tres testes tum ex laudato Concilio, tum est nostro §. sufficiunt, utitur iis Divinae Scripturae verbis: *In ore duorum, & vel trium testium stabit omne verbum.*

VI. Docet præterea noster §. decens esse, virum & mulierem celebratos in Ecclesia matrimonium, parentum, vel propinquorum suorum præsentia celebrari. Hanc fuisse veterem Ecclesie disciplinam, ut Sponsus & Sponsa, cum benedicendi essent a Sacerdote, in celebratione scilicet Matrimonii, a parentibus suis offerantur, addiscere licet ex Canone xiii. Concilii iv. Carthaginensis habente Seculo iv. celebrari. Parentum præsentia in celebratione Matrimonii filiorum faciunt passim mentionem Synodi, ac Rituales Codices variarum Ecclesiarum. Ex ms. Missali Redonensi annorum circiter DCCC. inter alia cautum est, ut Sacerdos, idest, Parochus, faciat parentes, sicut nos est, dare eam, atque Sponsam dotulium dividere, cunctisque audientibus legere; ipsamque sua Sponse libenter dare. Erat hic ritus, qui in Ecclesia peragebatur, ubi Sponsi in Ecclesia Matrimonio jungendi erant, sicut & ille, cujus meminit ms. Pontificale Monasterii Lyrensis annorum circiter DCC. ubi in ordine celebrandi, benedicendique Nuptias, edicitur, ut requiratur consensus utriusque a Sacerdote, & fiat recapitulatio de dote mulieris, & poeantur denarii aliqui in medium pauperibus dividendi; & tunc demum detur femina a patre vel amicis suis &c. Ceterum tametsi hæc parentum præsentia non sit necessaria, sicut nec eorum consensus, ut valide filiorumfamilias Nuptie celebrentur juxta Concilii Tridentini Decretum Sessione xxiv. De reformatione Matrimonii, Capite i. sapientissime nihilominus statuit S. Carolus in Concilio Provinciali Mediolanensi v. Capite, Quæ ad Matrimonium pertinet, ut si filiofamilias sint, qui Matrimonium celebraturi sunt, hoc Parochus taliter exhortetur, ut parentibus, in quorum potestate sunt, eam bonorem tribuant, ut illis ne infestis quidem, nedum iniuriis, rem tanti momenti incant.

VII. Addiderim hic tamen illud, monendos quoque esse parentes, ne sine iusta causa denegent consensum, neve protulerint filiorum, filiarumque suarum Matrimonium ex motivis humanis sæpius insufficientibus, ac parum christianis. Sed neque omittendum illud, ubi invititis parentibus Matrimonium contractum est, Parochi officii esse, pacem inter filium, & parentes conciliare, atque filium ad satisfactionem, & veniæ postulationem, & patrem ad benignitatem, & indulgentiam inflectere; atque S. Ambrosii modum agendi cum Sifinnio, quo invito filius uxorem duxerat, imitari. Patrem filio iure iratum agnovit quidem Ambrosius, filium ad officium revocavit, & ad veniam rogandum adduxit, patrem filio reconciliavit, ejusque, ac nurus benevolam susceptionem Sifinnio gratulatus, ut videre est in Epistola S. Doctoris l. xv. digna profecto in simili occasione a Parochis, aliisque Animarum Pastoribus lectu.

VIII. Rursus mandat noster §. ut Parochus Matrimonio Sponsos juncturos, de consensu in Matrimonium interroget, utrumque singillatim in hunc modum enligari sermone: N. vis accipere N. &c. Constituto ad celebrandas Nuptias die adveniente, Sponsus, & Sponsa, benedicendi a parentibus, vel a paranympis, ut habet Concilium Carthaginense iv. Can. xiii. susebantur Sacerdoti ad portas Ecclesie, ut ex multis Ritualibus antiquis constat, qui secundum quosdam eos interrogare debebat de Fide, quam profite-

bantur. Deinde, datis sibi mutuo dextris, exigebat ab utrisque consensum, in quo totam Sacramenti essentiam reponebant antiqui, ut scite notat Martene Lib. 1. De antiquis Ecclesie ritibus, Cap. ix. Article 111. num. vi. ubi etiam ait, inaudita apud ipsos antiquos fuisse verba, illa Parochi, in nostro §. descripta: Ego vos conjungo in Matrimonium &c. in quibus aliqui ex recentioribus Scholasticis formam hujus Sacramenti constituit; quæ tamen desiderantur in omnibus pene Ritualibus Libris a laudato Martene allatis citato loco, Article v. quibus adungi possunt Constitutiones Richardi Episcopi Sarum anno MDCCXV. edicte, in quibus hæc leguntur: Item præcipimus, quod Sacerdos doceat personas contrahentes hanc formam verborum in Gallico, vel in Anglicano: Ego N. accipio te N. in meum. Similiter & mulier dicat: Ego accipio te in meum. In his enim verbis consistit vis magna, & Matrimonium contrahitur. His concinit Concilium Provinciale vi. Beneventanum anno MDCCCLXXIV. celebratum, Titulo x. Capite xxii. ubi nulla penitus facta mentione illorum verborum, Ego vos conjungo &c. discrete edicit, contrahi Matrimonium consensu, & verbis, ut si dicant contrahentes: Accipio te in meum. Accipio te in meum. Vel, Concedo tibi corpus meum in maritum. Et ego concedo tibi corpus meum in uxorem; vel proferant verba equipollentia consensum exprimentia de presentia; quæ in iis, qui possunt necessaria sunt quantum ad Ecclesiam. Additque mox, nutum, qui verba proferre non potest, consensum exprimere posse per indicia, vel signa.

IX. Jam ut recte docet noster §. non sufficit consensus animi, sed debet esse amorum, & expressus aliquo signo sensibili, sive fiat per se, sive per Procuratorem. Valuit semper, valetque etiam nunc Matrimonium inter absentes per Procuratores initum. Ratio est, quia Matrimonium habita ratione solius jura naturalis, solam moralem contrahentium præsentium requirit, sicut & alii contractus. Quantum autem ad Jus Canonicum, habuit illud & rata Matrimonium, de quibus agitur, uti constat ex Canone, Honorantur, Causa xxxii. Questione II. Fortasse quia per Decretum Concilii Tridentini, Qui aliter quam præsentem Parochum &c. Matrimonium attentabunt, eos Sancta Synodus ad se contrahendum omnino inhabiles reddit &c. consequens cuiusque videatur, hodie inter absentes non posse fieri rata Matrimonium, eo quod Parochus præsens esse nequeat contrahentibus, nisi & contrahentes ipsi mutuo sint præsentes. Sed respondent communiter Theologi, id non videri revera consequens, quia fingi possunt aliquot modi, quibus inter absentes valide contrahatur Matrimonium, salvo Concilii Tridentini Decreto. Recentest hos modos eruditus Elius in Libri iv. Distinctionem xxix. §. v. Sed satis est id, quod superius inui, Matrimonium esse contractum humanum, ideoque, sicut in aliis contractibus, habere & in eo locum Regulam Juris, Qui per alium facit, per se ipsum facere censetur.

X. At vero, cum in Matrimonio contrahendo res summi momenti agatur, Procurator ipse jam non aliter censetur idoneus ad Matrimonium ipsum contrahendum, quam si ad hoc, Maudatum habet speciale, uti declaratur in Capite ultimo, De Procuratoribus in vi. Et quamvis alias

is,

is, qui constituitur ad negotia Procurator, alium dare possit, in hoc tamen casu, ut in citato Capite edicatur, *propter morum, quod ex facto tam ardas possit periculum immineere, non potest deputare alium, nisi hoc eidem specialiter sit commissum.* Quin & illidem tanquam in hoc contractu omnino singulare additur: *Nam si Procurator, antequam contraxerit, a Domino fuerit revocatus, contrarium postmodum Matrimonium ab eodem, licet tam ipse, quam ea, cum qua contraxit, revocationem huiusmodi penitus ignoraverit, nullius momenti existit, cum illius consensus defecerit, sine quo firmitatem habere ne-*

quit. Possem hic & alia adnotare, sed ex dictis hucusque satis apparet, qua ratione Matrimonia per Procuratores, & inter abentes, multis difficultatibus possint esse obnoxia; ut proinde consulendum sit, quod inter alios observavit Vanespea, Parte II. *Juris Ecclesiastici*, Titulo XII. Cap. IV. num. XIV. ut inter praesentes fiant, nec Parochi propria auctoritate huiusmodi Matrimonia admittere debeant; tam praeteritum quod nec inter infirmos, doctoresque Theologos omnino conveniat, nam haec Matrimonia per Procuratores inita veram Sacramenti rationem habeant.

§. II.

Mutuo igitur contrahentium consensu intellecto, Sacerdos jubet eos invicem jungere dexteram, dicens: *Ego conjungo vos in Matrimonium. In Nomine Patris & Filii, & Spiritus Sancti. Amen.* Vel aliis utatur verbis juxta receptum uniuscujusque Provinciae ritum; postea eos aspergat Aqua benedicta.

COMMENTARIUS.

I. Statuit hic noster §. ut mutuo contrahentium consensu intellecto, Sacerdos jubet eos invicem jungere dexteram, dicens: *Ego conjungo vos &c.* Quam antiquus sit ritus iste, ut Sponsi scilicet Matrimonium contrahentes, mutuas sibi dexteram darent, constat ex Sacra Scriptura, Tobie Cap. VII. ubi de Raguel scriptum legitur, quod apprehendit dexteram filiae suae dextera Tobiae tradidit, dicens: *Deus Abraham, Deus Isaac, & Deus Jacob vobiscum sit, & ipse conjungat vos, impleatque Benedictio nem suam in vobis.* Porro, ut notat Menochius Lib. I. Institutionum Oeconomicarum ex sacris Literis depromptarum, Cap. VI. cum nulla sint concepta verba, quibus mutuos Sponsorum consensus exprimi necessario debeat, sed quaecumque signa, verba, acactus huic rei satis esse possint, modo assensum significant, videtur Raguel praesens praesentes Sponsos, & assensus signa exprimentes, hujus usurpatione caeremoniae, facere Matrimonium conjunxisse.

II. Quicquid sit de ritibus Veteris Testamenti, non est dubium, quin Ecclesiae Iustin servatus & apud Christianos fuerit hic ritus, cujus meminit Tertullianus in Libro, *De Velandis Virginibus*, Cap. II. ubi sic inquit: *Ad desponsationem velantur, quia & corpore, & spiritu mense mixta sunt per osculum, & dexteram, per quae primum reseruant pudorem spiritu.* Viguisse jam olim & in Ecclesia Orientali eundem ritum, addiscimus plane ex S. Gregorio Nazianzeno, qui in Epistola LVII. ad Anythum, excusans se, quod affectus agredine ad ejus filiae Nuptias venire non potuisset, sic ait: *Animo, & voluntate adsum, simulque festum celebros, juvenilesque dexteram inter se jango, atque utraque Dei munus.* Occurrit passim hac caeremonia in Ritualibus multis, quorum loca superservacanea est describere; notatu tamen dignum existimo, quod legitur in ms. Codice Vistorino annorum circiter DC. scriptum enim ibidem est, ut in primis Nuptiis nude, in secundis velate manus jungantur. Sed non omittendum quod in peragenda hac caeremonia jungendi dexteram Sponsorum praescribant Ritualia non pauca, ac praeter-

tim vetus Manuale ad usum Dioecesis Remensis editum, & Ritale Ambrosianum editum jussu Caesaris Montii Cardinalis, atque Archiepiscopi Mediolanensis, ex cuius praescripto, *Parochus dextera sua Sponsi dexteram prebendit, & ad significationem vinculi, fideique conjugalitatis, imponit manus dextera Sponsi, summamque Stole in modum Crucis imponit ambabus Sponsorum manibus &c.* Ritale Leodense recte admodum monet, ut Parochus cum pudica modestia, apprehendens dextris utriusque, eas conjugat.

III. Junctis dextris, ex praescripto nostri §. & Concilii Tridentini Sessione XXIV. *De reformatione Matrimonii*, Cap. I. dicit Parochus: *Ego conjungo vos in Matrimonium. In Nomine Patris & Filii, & Spiritus Sancti. Amen.* Vel aliis utatur verbis juxta receptum uniuscujusque Provinciae ritum. Dixi equidem in Commentario superiori, in omnibus fere Ritualibus Libris desiderari haec Parochi verba in §. hoc nostro relata: *Ego conjungo vos in Matrimonium. In Nomine Patris & Filii, & Spiritus Sancti. Amen.* Dixi, quia scilicet Ritualia quaedam non desunt, etiam antiqua, in quibus verba ipsa legantur. Certe statuit Missale ms. insignis Ecclesiae Rotomagensis ante annos CDL. exaratum, ut Parochus, mutuo Sponsorum consensu intellecto, & quidem lingua vernacula expresso, *det eum vtro dicent, verbis Latinis: Et ego conjungo vos in Nomine Patris, & Filii, & Spiritus Sancti.* Praeterea ex vetusto Rituali insignis Ecclesiae Catalaunensis tantum est, ut *postquam dederint consensum Sponsi, Sacerdos dicat: Et ego affido vos in Nomine Patris, & Filii, & Spiritus Sancti. Amen.* Affido idem est, ac in Matrimonium conjungere, estque in usu ea vox hodie in nostra Calabera ad significandam Matrimonii celebrationem. Vetust Manuale ad usum Dioecesis Remensis editum post traditionem quidem Anuli, de qua nos infra, hanc formam praescribit: *Deinde Presbyter dicat: Desponso vos in facie Ecclesiae.* Ex Rituali Ambrosiano jussu Caesaris Montii Cardinalis & Archiepiscopi Mediolanensis edito dicit Parochus: *Et ego auctoritate Sanctae Matris Ecclesiae, qua fungor, conjungo*

vos in Matrimonium, ter signum Crucis super utrumque faciendo, *In Nomine Patris & Filii, & Spiritus Sancti. R. Amen.*

IV. Opportune examinanda esset hoc illa, duplex celebris Quæstio inter Theologos agitata, an forma Sacramenti Matrimonii sint hæc vel similia verba, *Ego vos in Matrimonium conjungo &c.* & an solus Sacerdos, coram quo hoc Sacramentum celebratur, sit ipsius Sacramenti Minister? Sed cum nobis non vacet hujusmodi quæstionibus immergi, videri de cisdem inter alios potest eruditus Jucinus in celebri Opere, *De Sacramentis*, Dissertatione XI. Quæstione II. & III. in quibus probare nititur, & verba ipsa, *Ego vos conjungo &c.* aut similia esse formam Sacramenti Matrimonii, & solum Sacerdotem esse ejusdem Sacramenti Ministrum. Sed jam longe ante Jucinum doctissimus Melchior Canus Episcopus Canariensis Lib. VII. *De locis Theologicis*, Cap. V. contendit, Matrimonium sine Ecclesiæ Ministro contractum, non esse vere, & proprium Sacramentum, eo quod proprius Minister, idest Parochus, per quem administrari debuit, illi desit. Argumenta, quæ pro hac opinione; vel ab illo asseruntur, vel insuper asserri possent, partim eo spectant, ut eam opinionem directe probent (idest, non alium esse Ministrum, quam qui sit ipsius Ecclesiæ Minister, idest Sacerdos virum

& mulierem certis, ac præscriptis verbis conjungens) partim ut contrariam, quæ est communis, sententiam improbent, & infirmant.

V. Quæstionibus hæcè omisiss, de quibus etiam consuli Estitis potest in IV. Sententiarum, Distinctione XXVI. §. X. & XI. devenio ad explicationem illius particulæ nostræ, ubi edicitur, ut postquam Parochus Sponfos sub præscriptis verbis, *Ego vos &c.* in Matrimonium conjunxit, aspergat eos *Aqua benedicta*. Aquæ benedictæ usus in celebratione Matrimonii ex antiquis Ritualibus constat, occurritque in ma. Missali Redonensi annorum circiter DCCC. Aspergi debuissè Aquæ benedictæ Sponfos a Sacerdote post prolata prædicta verba, *Ego vos &c.* addiscimus ex vetusto Rituali insignis Ecclesiæ Catalaunensis: *Sacerdos dicat: Et ego affido vos &c. Deinde aspergat eos Aqua benedicta; itemque ex Rituali Ambrosiano superius memorato, ubi Sacerdos, prolata ea verborum forma, superius etiam descripta, deinde Aqua benedicta eos aspergit, dicens: Per Aquæ benedictæ aspergionem dei vobis Omnipotens Deus suam gratiam, & benedictionem.* Sed hæc, & alia in citato Rituali Ambrosiano descripta, legi possunt in S. Caroli Instructionibus, *De Matrimonio*, in eo Capite, quod inscriptum est: *Ordo celebrandi Matrimonium*, & in aliis Ritualibus non paucis.

§. III.

Mox benedicit Anulum. Benedictio Anuli. *V. Adjutorium nostrum in Nomine Domini. R. Qui fecit Cælum, & Terram. V. Domine exaudi Orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

Oremus.

Benedic, & Domine Anulum hunc, quem nos in tuo Nomine benedicimus, & ut quæ eam gesserit, fidelitatem integram suo Sponso tenens, in pace, & voluntate sua permaneat, atque in mutua charitate semper vivat. Per Christum Dominum nostrum. *R. Amen.*

§. IV.

Deinde Sacerdos aspergat Anulum Aqua benedicta in modum Crucis, & Sponsus acceptum Anulum de manu Sacerdotis, imponit in digito anulari sinistræ manus Sponsæ, Sacerdote dicente: *In Nomine Patris & Filii, & Spiritus Sancti, Amen.* Mox subjungat: *Confirma hoc Deus, quod operatus es in nobis. R. A Templo sancto tuo, quod est in Jerusalem. Kyrie eleison, Christe eleison, Kyrie eleison. Pater noster. V. Et ne nos inducas in tentationem. R. Sed libera nos a malo. V. Salvos fac servos tuos. R. Deus meus sperantes in te. V. Mitte eis Domine auxilium de Sancto. R. Et de Sion tuere eos. V. Ego eis Domine turris fortitudinis. R. A facie inimici. V. Domine exaudi Orationem meam. R. Et clamor meus ad te veniat. V. Dominus vobiscum. R. Et cum spiritu tuo. Oremus.*

Respicere quæsumus, Domine, super hos famulos tuos; & institutis tuis, quibus propagationem humani generis ordinasti, benignus assiste, ut qui Te Austore junguntur, Te auxiliante ferventur. Per Christum Dominum nostrum. *R. Amen.*

COMMENTARIUS.

Vix Ritale antiquum, recentiusve invenies, in quo non extet Anuli Benedictio, qui in celebratione vel ex veteri Ecclesiæ ritu a Sponso digito anulari sinistræ manus Sponsæ imponi consuevit. Ritus hujusmodi impositionis egregie exponit S. Isidorus Lib. II. *De officiis Ecclesiasticis*, Cap. IX. quod

inscriptum est, *De conjugatis*, ubi inter alia sic inquit: *Illud vero, quod in primis Anulus a Sponso Sponsæ datur, sit hoc nimirum, vel propter mutua fidel signum, vel propter id magis, ut eorum pignore eorum corda jungantur. Unde & quarto digito Anulus idem inferitur, quod per eam vena quedam, ut fertur, sanguinis ad cor* *asp.*

usque perveniat. Antiquitas autem non amplius auro dabatur, ne pluralitas amorum numm carperet. Ante impositionem, consuevit eum benedici, & quidem pro varietate ecclesiarum, alicubi immediate post Matrimonii celebrationem, ex variis Ritualibus constat. Missale ms. Redonense annorum circiter DCCC, mandat, ut Sacerdos *Aquila benedictio in Nomine Trinitatis tunc in dextra manu sponso faciat &c.* Sequitur paulo post *Benedictio super Anulum*, quæ est huiusmodi: *Creator, & conservator humani generis, dator æternæ salutis, Omnipotens Deus, tu permittis Spiritum Sanctum Paraclitum super hunc Anulum. Per. Mox vero hæc alia brevior: Benedic Domine Anulum istum, ut in ejus figura pudicitiam custodiant. Per.*

II. Longo fufius, præclariorque est ritus benedicens, impenitendique huiusmodi Anulum in ms. Pontificali Monasterii Lyrensis annorum circiter DCC. ubi dux extant Orationes ad benedicendum Anulum, quarum prior hæc est: *Creator, & conservator humani generis, decor gratia spiritalis, largitor æternæ salutis, tu Domine mitte benedictionem tuam super hunc Anulum. Per. Altera Oratio: Benedic Domine hunc Anulum, quem nos in tuo Sancto Nomine bene & dicimus, ut quæ cum signaculum fidei desponsata portaveris, in tua pace consistat, & in fidei integritate devota permaneat, & in amore tuo semper vivat, crescat, & sentiat, & multiplicetur in longitudinem dierum. Per Christum Dominum. Tum statim mandat, ut hic accipiat Sponsus Anulum, & una cum Sacerdote in tribus digitis dextrae manus Sponsæ imponat, dicens ad primum digitum: In Nomine Patris. Ad secundum: Et Filii. Ad tertium: Et Spiritus Sancti. Et sic imponat in uno digito sinistrae manus eundem Anulum, & ibi relinquat, ut eum deinceps in sinistra ferat ad differentiam Gradus Episcopalis, ubi Anulus in signaculum integra, & plene castitatis in dextera manu publice est portandus. Et tunc dicit: Dominus vobiscum. Deus Abraham, Deus Isaac, Deus Jacob sit vobiscum, & ipse vos conjugat, impleatque benedictionem suam in vobis, qui vivit.*

III. Notatu nunc dignus est ritus, quem in Anuli impositione præscribit ms. Codex Viatorinus annorum circiter DC. Jubet enim, ut ponat primum Anulum in pollice Sacerdos dicens: In nomine Patris; postea in indice, & Filii; deinceps in medio, & Spiritus Sancti, Amen; & dicat Sponsus: De isto Anulo te sponso, & de ista auro te honoro, & de ista dote te doto; tunc prociat ad pedes ejus missi, & dicit Sacerdos hæc Psalmum: Manda Deus virtuti tuæ, confirma hoc Deus, quod operatus es in vobis. A Templo tuo in Jerusalem, iucerna feras arundinis, congregatio taurorum in vaccis populo-rum, ut excludat eos, qui probati sunt argento. Gloria Patri. Dominus vobiscum. Oratio. Sequuntur mox variae Orationes, & Psalmi, quos longum est recensere. Extant & in aliis Ritualibus peculiari benedictiones, & ritus in benedictione Anuli observandi, & ut alia omittam, in Ms. Pontificali Ecclesie Antiochenensis annorum circiter D. præscriptum lego post benedictionem Anuli, ut tunc aspergatur Anulus Aqua benedicta, & ibi sanctetur; ibi sanctetur autem simul Sponsus; & Sponsa. Deinde dante Presbytero Anulum Sponso, Sponsus in Sponsæ digito

Tum. I.

eum ponat, primum scilicet in pollice, ita dicens post Presbyterum: In Nomine Patris. Deinde in indice dicens: Et Filii. Ad ultimum vero ponat in medio, dicens: Et Spiritus Sancti; ibique maneat Anulus; quo facta dicit Sacerdos Orationem &c. Atque hic nota, non solum ex veteri ritu consuevisse Anulum post ejus benedictionem, Aqua benedicta aspergi, ut mandat nosse &. & per omnes Libri Ritualis, verum etiam thurificari, itemque non modo thurificari Anulum, verum etiam simul Sponsam, & Sponsam. Ceterum, ut alia omittam, cautum est ex mss. Missali insignis Ecclesie Rotomagensis annorum circiter D. ut Sponsus capiat Anulum in manu dextra, ita quod omnes digiti viri tangerent Anulum, & faciat tangere Anulum ad universos digitos mulieris.

IV. Jam non opus est alios Codices Ritualis referre, in quibus & Anuli benedictio, & impositio in digito anulari, five etiam manu mulieris, ut in quibusdam Ritualibus legitur, passim invenitur. In Ecclesia Orientali Anulos duos, viro aureum, & mulieri argenteum tribuunt Græci, teste Leone Allatio, Lib. III. De perpetua confessione Occidentalis, & Orientalis Ecclesie, Cap. xvi. num. 15. ubi ita eum ritum recenset: Sacerdos ex Altari duos annulos accipit, unum aureum, argenteum alterum; & aureum viro, argenteum mulieri, recitans verba ad hoc præscripta, exhibet. Anulos posset immutat Computet, scæ Fideiussor, eodem Sacerdote orante. Legere est & hunc ritum in Græcorum Euchologio in eo Capite, quod inscribitur: Ordo servari solitus in Sponsalibus celebrandis, videlicet in Nuptiarum subarratione; ex cujus præscripto repouuntur primum in dextra sanctæ Mensæ, id est, Altaris, parte duo ipsorum, id est Sponsorum sancti Anuli, narent, & argenteus. Ex his argenteus dextrorsum respicit, aureus sinistrorsum, juxta se invicem. Tum vero post varias preces, orationesque, acceptis Annulis, Sacerdos donat primum viro aureum, tum argenteum mulieri, & dicit viro: Subhaccatur Servus Dei N. propter ancillam Dei N. In Nomine Patris, & Filii, & Spiritus Sancti, nunc, & semper, & in sæcula sæculorum, Amen. Deinde dicit mulieri: Subhaccatur Ancilla Dei N. propter servum Dei N. In Nomine Patris &c. Cæque ter ad unumquemque hoc dixerit, Cruce super eorum capita facit Annulis, & utrumque dextris eorum digitis immittit; deinde recens unptorum Annulos commutat affluens Paranympsis. Sacerdos vera dicit Orationem. Sequitur deinde prolata Oratio, & cæremonia finitur, ut in citata Euchologio videre est, quod eruditissimus Jacobus Gnar in sacris Orientalis Ecclesie Ritibus apprime verfatissimis Notis perpetuis illustravit.

V. Porro mirum videri debet, quod ubi in variis Ritualibus vsim extant Orationes ad benedicendum Anulum, duæ ipse orationes, Benedic Domine &c. & Respic quasumus Domine &c. vix in iisdem tametsi recentioribus inveniuntur. Desiderantur quoque in Sacerdotali Romano edito anno MDLXVII. in quo tamen, sicut & in Rituali Ambrosiano, leguntur nonnullæ orationes, quas habent antiqui, ac varii mss. Codices Ritualis a doctissimo Edmundo Martene allati, Lib. I. de antiquis Ecclesie ritibus, Cap. ix. Articulo v. quorum loca nonnulla jam superius recensui.

LII

§. V.

§. V.

His expletis, si benedicendæ sint Nuptiæ, Parochus Missam pro Sponso, & Sponsa, ut in Missali Romano, celebret, servatis omnibus, quæ ibi præscribuntur.

COMMENTARIUS.

I. **A** Null benedictione absoluta, ex præscripto quidem nonnullorum Ritualium, ac præsertim Pastoralis Mechlinensis, teste Vanespæ, Parte II. Juris Ecclesiastici universi, Tit. xxi. Cap. vi. num. xi. *novi conjuges benedicti loco collocati audiant Missam, orantes Deum pro Matrimonii jam inito prospero successu.* At vero nostrum Rituale Romanum in præsentî §. Missam dumtaxat celebrandam indicat, si Nuptiæ sint benedicendæ, atque ita ipsam Missæ celebrationem esse vice benedictionis. Post benedictionem enim Anuli immediate subjicit hæc nostrî §. verba: *His expletis, si benedicendæ sint Nuptiæ, Parochus Missam pro Sponso, & Sponsa, ut in Missali Romano, celebret, servatis omnibus, quæ præscribuntur.* Neque alterius benedictionis meminit. Et sane si veterem disciplinam spectemus, benedictio Nuptiarum intra Missarum solemniam sicut post Orationem Dominicam, & omnia alia, quæ intra Missarum solemniam olim benedicebantur, ut ex antiquis Sacramentorum Libris docet Hugo Menardus in Notis ad Sacramentarium S. Gregorii Papæ, qui primus edidit ex ms. Codicæ Rhemenis exarato circa annum Millesimum Actionem, seu Missam propriam nuptialem, in qua inter alia dicitur: *Et dicit Orationem Dominicam, & sic eam, Sponsam scilicet, benedicit his verbis:* Deus, qui mundi crescentis exordium &c.

II. Integram Actionem nuptialem, sive Missam propriam nuptialem ex per vetusto Galeano Missali, & ms. Codicibus Remensi, & Gelloniensi annorum circiter mille legere est apud eruditissimum Edmundum Martene, Lib. 1. De antiquis Ecclesiæ ritibus, Cap. ix. Articulo v. in quo variè ad benedicendas Nuptias Ordines referuntur, Ordine i. in quo, & Orationes propriæ, Præfatio, ac Benedictiones lectu dignæ habentur. Porro hujus veteris ritus vestigium est, quod in citato Pastoralî Mechlinensi præscribitur, *Dicit, Pater noster, Sacerdos, antequam dicat, Libera nos, quæsumus, Domine, stans in cornu Epistolæ versus Sponsam, & Sponsam ante Altare genuflexus, dicit super eos sequentes orationes.* Hæ enim benedictiones, ut subdit Vanespæ, locum pristina benedictionis suppleant. Ad Sacerdotalem, seu potius benedictionem Ecclesiæ ministerio Sacerdotis impertiendam, nec non ipsam Missæ Sacrificium in Nuptiarum benedictione celebrari consuetum, non obscure alludit Tertullianus Libro II. Ad uxorem, Cap. ix. dicens: *Vnde suscipiam ad enarrandam felicitatem ejus Matrimonii, quod Ecclesiæ conciliat, & confirmat Oblatio &c.* Ex ms. Missali Redonensi ab annis circiter DCCC. scripto, & in Bibliotheca. S. Gatiiani Turonensis asservato, in ipsa nuptiali Missa, apud ipsum Martene Ordine II. *Sponsus, & Sponsa candelas arduentes in manibus tenentes, & offertorium: Missam audientes, offerunt, & antequam, Pax Domini, dicatur, ante Altare sub pulcro, vel alio quolibet opertorio, sicut mos*

est, Sacerdos eos benedicit, ad ultimum prædictus Sponsus pacem de Presbytero accipit, Junque Sponsa ipse fest.

III. Juxta præscriptum Pontificalis Monasterii Lyrensis annorum circiter DCC. teste Martene Ordine III. prædicta benedictione, aliisque ritibus expletis, prædictæ benedictionis super Sponsam, & Sponsam Missa erat de Sancta Trinitate, incipiebatque: *Benedicta sit Sancta Trinitas; dicebatur: Gloria in excelsis Deo, Epistola ex Apostolo, Nescitis quia corpora vestra membra sunt Christi. Evangelium; Accesserunt ad Jesum Pharisei tentantes eum, & dicentes: Si licet homini dimittere uxorem suam. Tum, Credo in unum Deum. Offertorium, Benedictus sit Deus Pater. Præfatio de Trinitate, Qui cum Unigenito. Mandat mox, ut post Sanctus, præsternant se in orationem extenso pallio super eos, quod teneant quatuor homines ad quatuor cornua, & antequam dicatur, Pax Domini, faciat Presbyter hanc orationem super illos. Dominus vobiscum. Oremus. Propitiare Domine supplicationibus nostris &c. Oremus. Deus, qui potestatem virtutis tuæ de nihilo cuncta fecisti &c. Post hæc sequuntur, Pax Domini sit semper vobiscum, & Agnus Dei. Tunc surgant ad Orationem, & accipiat Sponsus pacem a Sacerdote, & ferat ad Sponsam, osculans eam, & neminem alium, nec ipse, nec ipsa, sed Clericus post ipsam a Presbytero pacem accipiens, ferat aliis, sicut solitum est. Tandem, ut alia omittam, præscribit etiam ipsum Pontificale, ut post Missam benedicatur paucis, & vinum in calice, & gressus in Nomine Domini.*

IV. Pacis osculi in nuptiali benedictione, meminerit passim Rituales Codices antiqui pariter, ac recentiores; quibus adhuc citatum Mechlinensis Pastorale apud memoratum Vanespæ, num. xiiii. sic habet: *Missæ celebrantis osculum pacis a sacrificante acceptum deferat primum Sponso, ac deinde Sponsa, qui cum gratiarum actione, ac mutua charitatis desiderio illud accipient in signum charitatis, ac perpetua pacis Christi cum Sponsa sua Ecclesiæ; & postea ordinate cæteris in honorem Nuptiarum presentibus.* Est autem adeo antiquum ipsam nuptialem osculum, ut illius etiam meminerit Tertullianus in Libro, De velandis Virginitibus, Cap. xi. Nec dubium, quin sibi mutuo olim Sponsi osculum darent, Fideles enim in ipsa Sacra Synaxi se mutuo osculo salutasse, seu pacem dedisse, pluribus ostendit Joannes Cardinalis Bona Lib. II. Rerum Liturgicarum, Cap. xxv. & concludit: *Signum igitur mutua dilectionis, & pacis erat osculum inter Christianos, a quo procul aberat omnis suspicio impari assensus.* Deinde paucis interpositis subiungit: *Veteri tandem simplicitate in molitiam degenerante subtrahim paulatim est osculum, & ejus vice nos introducimus porrigendi tabellam cum Cruce, vel Christi Imaginem, quam superioris sæculi Scriptores oscularium vocant,*

de quo vocabulo agit Spelmanus in Glossario. Jam non promittitur datum fuisse olim osculum, sed mares mares, feminas feminas osculatas fuisse, jam nos alibi ostavimus. Exceptis autem fuisse ab ea disciplina Sponsos, ex recitato superius Lyrensi Pontificali, & ex aliis Ritualibus multis addicere licet.

V. Sed nec omittendus est ritus in prædicta Missa olim servatus, impertitus scilicet sacre Communionis Sponsis, uti constat ex citatis superius Missali Gelasiano, & mss. Codicibus Remensi, & Gelloniensi, ubi sic loquuntur: *Post hæc dicit, Pax vobiscum, & sic eos communicat.* Apud Græcos, teste Bartholdo Nihuso in Tractatu, *De Communione Orientalium sub unica specie*, unica species præstantificata Sponso, & Sponsæ distribui solita fuit, quippe poculum vitreum vino minime consecrato plenum ablutioni eorum inferviebat. Idem docet Arcadius Lib. vii. Capite xxxi. ex ms. Euchologio Cripæ Ferratæ, ex cuius præscripto calix vitreus, ex quo ablutio porrigebatur, frangi debebat. Nunc vero Græci minime communicant in Nuptiis, sed cum præparandis, atque etiam domi permixti Matrimonia contrahant, poculum vino plenum Presbyter solet exhibere Sponso, & Sponsæ, dum eos

Matrimonio conjungit, qui ritus pariter in quibusdam Latinis Ritualibus reperitur, teste Martene, Libro 1. *De antiquis Ecclesiæ ritibus*, Capite ix. Articulo 111. num. xi.

VI. Tandem Missa absoluta, postquam novis conjugibus, ac toti populo communis fuerit impensa Missæ benedictio, priusquam Sacerdos incipiat Evangelium S. Joannis, adducendi sunt novi ipsi conjuges ad Altare ex laudato toties Pastoralis Mechliniensis, ad quos conversus Sacerdos, dicit benedictionem, quæ & in antiquis Ritualibus legitur: *Deus Abraham, Deus Isaac, & Deus Jacob sit vobiscum, & ipse impleat benedictionem suam in vobis, ut videatis filios filiarum vestrarum, usque ad tertium, & quartam generationem, & posses vitam æternam habere sine fine &c.* Ex ejusdem Pastoralis præscripto, uti docet Vanselen citato loco, num. xv. Sacerdos legere debet Evangelium S. Joannis, *In principio erat Verbum*, super oivos conjuges, atque lectum Evangelium Crucis impressione signatum exhibere utrique osculandum. Placuit autem, varios ritus describere, qui licet in nostro Romano Rituali desidererentur, ab eo tamen minime improbantur, siqui tamen laudabiles sunt, ut ex sequenti §. addicimus.

§. VI.

Ceterum si quæ Provincie aliis, ultra prædictas, laudabilibus consuetudinibus, & caeremoniis in celebrando Matrimonii Sacramento utantur, eas Sancta Synodus optat retineri.

COMMENTARIUS.

I. Quum ex dictis in superioribus Commentariis constet, itemque ex iis, quæ mox infra dicemus, pleraque sacras caeremonias, & iteratas preces, atque Orationes in variis, antiquisque aliarum Ecclesiarum Ritualibus haberi, quæ in nostro Romano Rituali desiderantur, ubi brevis admodum formula celebrandi Matrimonium recensetur; opportune, meritoque, hic nosse §. Tridentini Concilii sententiam laudat in Decreto reformationis Matrimonii, Sessio xxiv. Cap. 1. expressam, ubi verbis in hoc §. relatis edicatur, quod si quæ Provincie aliis, ultra prædictas, laudabilibus consuetudinibus, & caeremoniis, in celebrando Matrimonii Sacramento utantur, eas Sancta Synodus optat retineri. Cum itaque, & Rituale Romanum, & Tridentinum Concilium laudabiles alias consuetudines, ac caeremonias in Matrimonii celebratione ab aliis Ecclesiis servatas non solum commendat, sed & retineri optent, operæ pretium duxi eas in hoc Commentario referre, atque explicare.

II. Ritus æque antiquus, atque universalis fuit ille, dum cantaretur benedictio nuptiarum, expandendi velum purpureum in signum pudoris super Sponsam, & Sponsam, ut docent Libri Rituales, inquit S. Ambrosius pluribus locis, maxime vero in Libro, *De Virginitate*, Cap. xv. *Virgine, loquitur, possem revocare nuptiarum, utinam possem flammam nuptiale pio integritatis maturo velamine.* In exhortatione ad Virgines, Cap. vi. sic habet: *Nubes itaque sunt, & graves nubes, quæ nupserint; nam a nubibus verbum nubentium tractum arbitror; denique,*

Tom. I.

operiuntur ut nubes, cum acceperint nuptia velamina. Et in Epistola xix. dicitur ait, *ipsum conjugum velamine, Sacerdotali & benedictione sanctificare oportere.* Similiter Syriacus Papa in Epistola ad Medioloanensem Ecclesiam ita de eo ritu scribit: *Non sane Nuptiarum vota non spernentes accipimus, quibus velamine intersumus; sed virgines, quas Nuptiae creant Deo devotas, majore honorificentia honoramus.*

III. Eundem hunc ritum recenset explicatque S. Isidorus Hispalensis Episcopus Lib. II. *De Officiis Ecclesiasticis*, Cap. xix. sic dicens: *Quod vero eadem femina, dum maritatur, velantur, scilicet ut noverint, se per hæc viris suis esse subjeclas, & humiles; unde & ipsum velamen, vulgo mactem vocant, id est mactem, quia signum maritalis dignitatis, ac potestatis est in eo. Caput enim mulieris vir est; licet deinde velentur, dum nubunt, ut reverentiam mulieris agnoscant, quia jam sequitur inde quod pudeat. Unde Rebecca cum ad Sponsam duceretur (Genes. xxv.) simul et eum conspexit, salutationem, vel oscula suscipuit, sed tamen statim sentiens, quid esset futura, pallio caput velavit. Obnubere enim velare dicitur; hinc etiam & nuptia dicta, quod velatus suos velent; unde & nubes dicta eo quod terram, aut aethera obtegant. Pergit Sanctus Presul, magisque ritum ipsum explicat his plane verbis: *Quod autem nubentes post benedictionem vitta invicem vinculo copulantur, videlicet, ut compagem conjugalis unitatis dissepent. Tum vero statim subijcit: At vero quod eadem vitta candido purpureoque colore permiscetur, eandem ad invicem vitta, purpura ad sanguinem**

LII 2 nis

nis posteritatem adhibetur; ut hoc signo continen-
tia lex tenenda ab utroque ad tempus admonetur,
& post hæc ad reddendum debitum non ne-
getur. Quod enim dicie Apostolus conjugatis,
Abstinete vos ad tempus, ut yacetis orationi,
hoc ille eandem vitæ infusnat; quod vero subjun-
git: Et iterum revertimini in id ipsum, hoc pur-
pureus color ille demonstrat. Hactenus lfidorus in
cujus prolixo loco multa obferuare diligens po-
terit lector.

IV. Plura de eodem hoc ritu notavit Du-
randus in suo Rationali, Lib. 1. Cap. ix. S. Carolus
mentionem de eo facit in Matrimonii Instru-
ctionibus in fine Capituli, quod inscriptum est,
De Parochi diligentia in denunciationibus, aliisque
etiam, ubi inter alia mandat, velatam deducen-
dam esse nupturam in Ecclesiam: Velatam Spon-
sam deduci monebit, Parochus scilicet, cum ob
decentiam, Apostolice præceptum, tum ob si-
gnificationem subjectionis erga virum, Rebecca
etiam exemplo, quæ, ut Sponsam conspexit, ca-
put velavit. Ex quo addiscimus, quod alias no-
tavit S. lfidorus superius allegatus, ex Veteri
Testamento manasse ritum ipsum in Ecclesiam,
In Veteri quippe Testamento sic virginæ a nu-
piti distinguebantur, quod hæc, ut nomen ip-
sam nuptæ sonat, calyptra aliqua, vel flammeo,
illæ aperto, & nullo velamine procedebant inte-
lectæ. Itaque Rebecca, quæ jam in nuptiarum cen-
situ erat adscripta, ut primum in conspectum ve-
nit Isaac mariti sui, tollens cito pall' av, aperuit
se, ut habemus in Genesi, Cap. xxiv. Quid si-
gnificet velamen istud mulieris nuptiale, indicat
S. Paulus in Epistola 1. ad Corinthios, Cap. xi,
cum ait: Vir quidem non debet velare caput
sum, quoniam imago, & gloria Dei est; mu-
lier autem gloria viri est. Non enim vir ex mu-
liere est, sed mulier ex viro. Item non est crea-
tus vir propter mulierem, sed mulier propter
virum. Ideo debet mulier potestatem habere su-
p'ra caput propter Angelos. Velamen mulieris
vocat Apostolus potestatem, Græce ἰσχυς, quod
quali jugum quoddam sit, quod mulierum cer-
vicibus inficitur, ad ostendendam potestatem in
mulieres, earumque subjectionem viris suis, qui
tot prærogativis, quot S. Paulus enumerat, im-
becilliores, & humiliores mulierum sexum
longe antecellunt.

V. Quantum vero ex Ritualibus constat,
confuevit utplurimum velum ipsum nuptiale,
dum cantaretur in Missa Nuptiarum Benedictio,
super Sponsam, & Sponsam expandi, antequam
Pax Lemini, diceretur. Sic enim ait ms. Missale
Redonense annorum circiter DCCC. *Sponsus ante-*
tem, & Sponsa, candelas ar dentes in manibus te-
mentes, & offertorium, Missam audientes offe-
rant; & antequam, Pax Domini, dicatur, ante
Altare sub pallio, vel alio quolibet oportorio,
fi cuti mos est, eos benedicat. At vero ms. Pontifi-
ciale Monasterii Lyncensis annorum circiter DCC,
mandat Sponsis, ne post Sanctus prosternant se
in Orationem, extento pallio super eos, quod te-
neant quatuor homines ad quatuor cornua, &
antequam dicatur, Pax Domini, faciat Presby-
ter hanc orationem super illos. Sequuntur mox
duæ orationes, quarum prima brevior, incipit
que, Propitiare Domine &c. Altera longe pro-
lixior, & incipit, Deus qui potestate virtutis
&c. Idem habetur in Missali ms. Ecclesiæ Roto-
magensis, annorum circiter D. in quo etiam ca-

vetur, omittendam esse hanc cæremoniam, ubi
nubentes fuerint alias conjugati, seu alter earum
fuerit conjugatus, quia eo casu non fiet. Quod
etiam in recentioris ævi Ritualibus idem ritus
fuerit præscriptus, consulenda illa sunt apud
Martene Lib. 1. De antiquis Ecclesiæ ritibus, Ca-
pite ix. Articulo v. Ordine v. 111. & seqq.

VI. Explicandus nunc alius est ritus per-
vetustus quoque, ac celebris coronandi scilicet
Sponsos, quem etiam constat a Veteri Testamen-
to fuisse desumptum. Sane in Canticis Cantorum
Cap. 111. puellæ Hierosolymitanæ ad Salomo-
nem uuptum spectandum his verbis evocantur:
Egredimini filia Sion, & videte Regem Salomo-
nem in diademate, quod coronavit genitricem suam
in die desponsationis illius, & in die lætitiæ cor-
dis ejus. Apud Isaiam Prophetam legimus hunc
plane in modum: Quasi Sponsam decoratum co-
rona. Plecti consuevit Coronas hæcæ ple-
rumque ex floribus, aut herbis odoratis, cali-
culis, verbi gratia, rosarum, myrto, phylara,
aliisque hujusmodi insertis, & invicem implexis,
notavit Menochius Lib. 1. Institutionis Oecono-
mica, Cap. vi. num. vii. Sed ut de ritibus in
Christiana Religione iustitias differamus, teste
Nicolao I. Pontifice Maximo, qui anno octavus,
ad Pontificatum erectus fuit, respondens ad
Consulata Bulgarorum, sic ritum ipsum suo tem-
pore servari solum recentet: Post hæc autem
de Ecclesiâ egressi Coronas in capitis gestant,
quæ semper in Ecclesiâ ipsa sunt solita reservari.
Longe autem Nicolaum Papam meminere hujus
ritus Palladius in Lausaca, Cap. v. 111. Evagrius
Lib. vi. Histories, Cap. 1. Gregorius Turonen-
sis Lib. 1. Cap. x. 111. itemque Aëtia S. Amatoris
Antiochenensis Episcopi, qui obijt anno CDV,
apud Bollandum die 1. Maji, ubi de Sponsa ip-
sius Amatoris ante Episcopatum ducta, sic in-
quirit: *Turrita Corona frontem comprimit,*
Quibus ex verbis apparet, Coronas illas in for-
um turris fuisse compositas. Eas propriis Sa-
cerdotum manibus impositas fuisse Sponso par-
iter & Sponsæ, colligere licet ex Actis ms. S. Ale-
xii, memoratis a laudato Martene, citato loco,
Articulo II, num. x. in quibus sic legitur: Ele-
gerunt ei puellam ex genere Imperiali, & orna-
verunt thalamum, impositaque sunt eis sup'na
Corona in Templo S. Bonifacii Martyris per ma-
nus donatissimarum Sacerdotum.

VII. Viguisse olim, adhucque vigere hodie
apud Græcos ritum coronandi Sponsos, ex eo-
rum Euchologio constat, in Officio, quod Coro-
nationis Nuptiarum dicitur, ex cuius præscri-
pto, si quidem voluerint eodem temporis spatio,
in Matrimonii scilicet celebratione, coronari,
ingrediantur in Templum Sponsi cum ecclesijs acce-
ssis, præcedente Sacerdote cum thuribulo, & ean-
dente Psalmum modo sequenti. Sequuntur variæ
preces, prolixæque orationes, & deinde Sacer-
dos, acceptis Coronis, primo coronat Sponsum,
dicens: Coronatur Servus Dei N. propter Ancil-
lam Dei N. in Nomine Patris, & Filii, & Spiritus
Sancti: Deinde coronat Sponsam, dicens:
Coronatur Ancilla Dei N. propter Servum Dei
N. in Nomine Patris, & Filii, & Spiritus Sancti,
Tam benedixit eis ter, Sequuntur mox aliæ pre-
ces, orationes, itemque Lectiones ex S. Pauli
Epistola ad Ephesios, & ex Evangelio S. Joannis,
atque variis aliis ritibus ad ipsam Coronatio-
nem Nuptiarum spectantibus, quos legere est in
Eu-

Euchologio loco citato cum Notis eruditissimi Jacobi Goar ibidem.

VIII. Missos facio alios multos Ecclesiarum particularium ritus, illudque observandum censuo, quod ex Tridentino Concilio ait hic noster §. nempe quod, *signa Provinciae aliis ultra praedictos, in Rituali scilicet Romano descriptos, laudabilibus consuetudinibus, & Ceremoniis in celebrando Matrimonii Sacramento utantur, earum Sancta Synodus optat retineri.* Ubi nota, laudabiles quidem consuetudines, & caeremonias commendari, non vero abusus, & corruptelas superstitionesque, quos aliquando in celebratione Matrimonii irrepsisse, zelantissimi Praefules, & Synodi conquesti sunt, omnemque diligentiam

impenderunt, ut eos abolerent. Porro, ut aliqua exempla proferam, S. Carolus in Concilio Provinciali I. Mediolanensi, Capite, *Quae ad Sacramentum Matrimonii pertinent, districte Parochis praecipit, ut usum illum in Ecclesia habendi, & frangendi Cynabii, & alia id generis, quae in decore sunt, cum aliqui Matrimonio jangantur, amplius ne addideri patiantur.* Rursus in Concilio Provinciali II. Decreto XXVIII. districte ait, *ne Parochus ulla cujuscunque generis musica instrumenta adferri patiat, cum Sponsi in Ecclesiam conveniunt, vel ad Matrimonium contrahendam, vel ad accipiendam benedictionem.* Alios id genus abusus in aliis Synodis passim damnatos commemorare hoc loco supervacaneum est.

§. VII.

Praestis omnibus, Parochus manu sua describat in Libro Matrimoniorum nomina Conjugum, & testium, & alia juxta formulam praescriptam; idque, licet alius Sacerdos vel a se, vel ab Ordinario delegatus celebraverit Matrimonium.

COMMENTARIUS.

I. **C**onstituit id quoque Synodus Tridentina in citata toties Sessione XXIV. De reformatione Matrimonii, Cap. 1. ut habeat Parochus Libram, in quo conjugum, & testium nomina, dieque, & locum contractus Matrimonii describat, quem apud se diligenter custodiat. Concilii Tridentini Decretum amplexus est S. Carolus in Concilio Provinciali Mediolanensi 1. Capite inscripto, *Quae ad Sacramentum Matrimonii pertinent, eidemque nonnulla addidit, quae digna sunt, ut hoc loco noteatur: Ne autem Matrimoniorum, quae contrahuntur, memoria facile pereat, signam facultatem Episcopi, aut Parochi cuicumque alii Sacerdoti, ut in con-*

trahendo Matrimonio intersit, concedendam aliquando duxerint, id scripto tantum faciant, ejusque exemplum Episcopi in aliquo Libro descriptum diligenter adservent. Parochi autem in eam Libram referant, in quo conjugum, & testium nomina ex praescripto Tridentini Concilii scribere debent. Quicquid vero eo Libro Parochi singulis annis scripserint, id in fine anni Episcopo describendum tradant. Agit & alibi S. Carolus de hoc Libro in auctis Actis Ecclesiae Mediolanensis, ejusque Decreta de ea re legere est etiam in aliis Conciliis tum Provincialibus, tum Dioecesanis, ac his potissimum, quae post Generale Tridentinum Concilium celebrata fuere.

C A P U T III.

De benedictione mulieris post partum.

I. **R**eliquum est, ut postquam de Matrimonii Sacramento differuimus, agamus nunc in hoc Capite, De benedictione mulieris post partum, quae licet ad alteram hujus Operis partem pertinere potius vi-

deatur, ad Titulum scilicet, De benedictionibus, non sine causa tamen hoc loco ea materia tractatur, veluti continuatio Tituli, De Sacramento Matrimonii, de quo haecenus egimus juxta ordinem in Rituali praescriptum.

§. I.

Siqua puerpera post partum, juxta piam, ac laudabilem consuetudinem, ad Ecclesiam venire voluerit, pro incolumitate sua Deo gratias actura, petieritque a Sacerdote benedictionem, ipse Superpelliceo, & Stola alba indutus, cum Ministro aspergillum deferente, ad fores Ecclesiae accedat, ubi illam foris ad limina genuflectentem, & candelam accensam in manu tenentem Aqua benedicta aspergat, deinde dicat. *℣. Adjutorium nostrum in Nomine Domini. R. Qui fecit Caelum, & Terram.* Antiphona: *Hae accipiet benedictionem a Domino.* Psalmus: *Domini est Terra, & plenitudo ejus.* &c. totus, cum Gloria Patri. Repetitur Antiphona: *Hae accipiet benedictionem a Domino, & misericordiam a Deo salutari suo; quia haec est generatio querentium Dominum.* Deinde porrigens ad manum mulieris extremam partem Stole, eam introducit in Ecclesiam, dicens: *Ingrede in Templum Dei, adora Filium Beatæ Mariæ Virginis, qui tibi fecunditatem tribuit prole.* Et ipsa ingressa genuflectit coram Altari, & orat, gratias Deo de beneficiis sibi collatis. Et Sacerdos dicit: *Kyrie eleison, Kyrie eleison, Kyrie eleison.* Pater noster, secreto, *℣. Et ne nos inducas in tentationem.*

Ton. I.

LII 3

new.

nem. R. Sed libera nos a malo. V. Salvam sue ancillam tuam, Domine. R. Deus meus sperantem in te. V. Mitte ei Domine auxilium de Sancto. R. Et de Sion tuere eam. V. Nihil proficiat inimicus in ea. R. Et filius iniquitatis non apponat nocere ei. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo. Oremus.

Omnipotens sempiternus Deus, qui per Beatæ Mariæ Virginis partum, Fidelium partientium dolores in gaudium vertisti: respice propitius super hanc famulam tuam ad Templum sanctum tuum pro gratiarum actione letam accedentem; & pressa, ut post hanc vitam, ejusdem Beatæ Mariæ meritis, & intercessione, ad æternæ beatitudinis gaudia cum prole sua pervenire mereatur. Per Christum Dominum nostrum. R. Amen.

§. II.

Deinde illam aspergit iterum Aqua benedicta in modum Crucis, dicens: Pax, & benedictio Dei Omnipotentis, Patris ✠, & Filii ✠, & Spiritus ✠ Sancti descendat super te, & maneat semper. Amen.

COMMENTARIUS.

I. **F**uit Veteris Testamenti Lex, Levitici Capite XII. expressa, qua mulier post partum certo dierum spatio arcebat a Templo: Mulier, inquit, si suscepto semine peperit masculum, immunda erit septem diebus juxta dies separationis menstrua; ipsa vero triginta tribus diebus manebit in sanguine purificationis suæ; si autem seminam peperit, immunda erit duobus hebdomadibus juxta ritum fluxus menstrui, & sexaginta sex diebus manebit in sanguine purificationis suæ. Quod interim mulier ingredi Sanctuarium, vel Templum non posset, donec impleverit dies purificationis, ex ipsa Levitici Lege addiscere licet. Cui quidem, etsi Deipara Virgo subiecta non esset, voluit nihilominus se ei ex humilitate subicere, ut legitur in Evangelio Lucæ Capite II. Atque hinc originem sumpsit Festum Purificationis Beatæ Mariæ Virginis, de qua in nostris Commentariis ad Cereemoniale Episcoporum, & ad illud Sanctæ Romanæ Ecclesiæ diximus, & dicemus iterum infra Tomo II. hujus Operis ad Titulum, *De Processione in die festo Purificationis Beatæ Mariæ Virginis*. Porro occasione hujus Festi invaluit Seculo VII. alicubi consuetudo, ut hoc die homines placentas, sive famulas coquerent, ac sibi mutuo mitterent, honoris scilicet prætextu secundinarum, id est, puerperii, impolluta Virginis Matris, ut ait Concilium Trullanum Canone XXXIX. districtè statuens, ut quis deinceps hoc facere aggressus fuerit, si sit quidem Clericus deponatur; si vero laicus, segregetur. Sed in hunc Canonem vide, quæ scripturas nostræ Tomo II. Conciliorum in Commentariis ad Concilia Œcumenica, in explicatione Canonum prædicti Concilii.

II. Quinquam vero mulieres Novi Testamenti puerperio, omnibusque, quæ illud consequuntur, non secus, ac Veteris Testamenti mulieres subiectæ, purificatione indigere videantur, hac Lege tamcum minime contringuntur; quia scilicet, ut rectè docet Innocentius Papa III. in Epistola ad Archiepiscopum Armachanum, relecta in Capite unico, *De purificatione post partum*, Libro III. Decretalium, Titulo XLVII. licet secundum Legem Moysaïcam certi dies determinati fuissent, quibus mulier post partum a Templo cessaret, Lex per Moysen data est, gratia,

& veritas per Jesum Christum facta est. Hinc ulterius infer, quod postquam amba Legis evanuit, & illuxit veritas Evangelii, si mulieres post prolem emissam, aïlara gratias Ecclesiæ intrare voluerint, nulla proinde peccati mole gravantur, nec Ecclesiæ est eis aditus denegandus, ne parva illis converti videantur in culpam. Similia ante Innocentium edixerat Canon II. nomine Gregorii Papæ inscriptus apud Gratianum Distinctione V. Si mulier eadem hora, qua genuerit, aïlara gratias intrat Ecclesiæ, nullo pondere peccati gravatur &c. Ceterum in citata sua. Decretali addit Innocentius, quod si mulieres ipsæ ex veneratione voluerint aliquandiu abstinere, Ecclesiæ scilicet ingressu, devotionem carum non esse improbandam.

III. Itaque laudandæ mulieres Christianæ, quæ, sive ex reverentia erga Ecclesiæ, ac Divinæ mytheria, quæ in ipsa peraguntur, sive exemplo Deiparæ Virginis, quæ ex humilitate Legi se subdidit, cui, ut dictum est, non erat obnoxia, consueverunt etiam ipsæ, licet minime eidem Legi, ex alia ratione superius explicata, subiectæ, ad tempus aliquod ab Ecclesiæ ingressu abstinere, nec in eam intrare, nisi se Sacerdoti præsentaverint, & ipse, precibus aliquibus præmissis, illas introduxerit, juxta ritum præscriptum in hoc nostro Rituali Romano, vel aliis aliarum Ecclesiarum, probatis tamen Superiorum auctoritate. Neque enim privato homini licet sacros ritus præscribere, qui publice in Ecclesia servantur. Ceterum tametsi arbitrio mulierum relinquatur, si velint aliquandiu ab ingressu Ecclesiæ abstinere, & deinde benedicti in Templo. præcepit nihilominus S. Carolus in suo Concilio Mediolanensi 1. Provinciali, Capite inscripto, *Quæ pertinent ad Baptismi administrationem*, in fine, ut moveant Parochi puerperas, ut eum primum post partum domo exierint, mox ad Ecclesiæ Deo aïlara gratias accedant, ubi benedictionem a Parochio inscipiant.

IV. Cogit nos hoc S. Caroli statutum eam Questionem discutere, an benedictio mulieris post partum fieri possit, ac recipi in quavis Ecclesia, & a quovis Sacerdote, sive Sæculari, sive Regulari? Et quidem si nostro 6. Audum sit, nullam facit hic mentionem Parochi, sed dicitur, xat Sacerdotis: Signa puerpera, inquit, post partum,

rom, juxta piam, ac laudabilem consuetudinem, ad Ecclesiam venire voluerit, pro incolunitate sua Deo gratias actura, petieritque a Sacerdote benedictionem &c. Minister itaque hujus benedictionis est quilibet Sacerdos, non absolute Parochus; cumque nulla ibidem mentio fiat Ecclesie Parochialis, cui ista benedictio alligetur, hinc satis deducitur, posse hanc benedictionem in quavis Ecclesia fieri, & a quovis Sacerdote, qui illi scilicet Ecclesie praeest, ad quam, benedictionem post partum susceptura mulier accedit. Tenent passim hanc sententiam Scriptores Regulares, inter quos Lesana, *Quaestionum Regularium* Tomo I. Capite XI. num. 41. & Tomo II. verbo, *benedicere*, num. 17. ubi ita etiam decisum fuisse a Sacra Congregatione testatur. Quia nec posse Parochos sibi postulare, aut usurpare candelas, aut alia, quae occasione benedictionis praedictae a mulieribus puerperis Ecclesie Regularium relinquantur, sed ea pertinere ad ipsos Regulares, alios citans probat Leander, *De Praeceptis Ecclesiae*, Tractatu VI. Disputatione X. Quaestione X. ubi etiam Declarationem Sacrae Congregationis super hac re in favorem Regularium factam recenset. Porro vidi saepe Romae hujusmodi benedictiones in Ecclesiis non Parochialibus celebratas, imo iterum atque iterum in nostra Ecclesia S. Hieronymi Charitatis, Parochis scientibus, & nequaquam reclamantibus.

V. Ceterum tametsi ex Rituali nostro Romano liberum sit mulieri ad quam malit Ecclesiam accedere, non addubito tamen, quin statum sit receptae Inconformitatis, ac Synodalis Status. Certe quod a Parocho debeat puerperae benedictionem accipere, statuit non uno in loco S. Carolus, & praesertim in Provinciali I. Concilio superius memorato. Ne Sponsorum, & mulierum post partum benedictiones a Regularibus perfolvantur, vetuit, & quidem sub excommunicationis poena, Synodus Provincialis X. Beneventana sub Jacobo III. Cardinale Sabello anno MDLXVII. Sessione VII. Tit. I. Capite V. *Quoniam vero intelligimus, a Regularibus nullam curam animarum habentibus solcem in alienam messem immitti, & Sponsorum Sponsarumque benedictiones fieri, itemque mulierum a partu ad Ecclesiam venientiam, quae manent propria Parochorum sunt; eis sub poena excommunicationis mandamus, ne se hujusmodi officii ad eos minime spectantes ullo pacto immisceant.* Esse proprium Parochi munus Sponsorum benedictionem, aperte constat ex nostro Rituali, ex Concilio Tridentino, & ex repetitis Sacrae Congregationis ejusdem Concilii Interpretum Decretis: sed non puto idem dici posse de mulieris benedictione post partum, ex rationibus superius a nobis jam explicatis: potissimum vero ex illa, quod ubi nostrum Ritale absolute Parochi benedictionem Sponsorum tribuit, benedictionem vero mulieris post partum, non quidem Parocho, sed Sacerdoti; ei scilicet, a quo mulier benedictionem ipsam petierit.

VI. Fateor equidem, prohibitos saepe fuisse a Sacra Congregatione Regulares tam benedictionem imperiti, quia nimium ex antiqua, ut dictum est, locorum consuetudine, & Synodali Statutis minus id esset proprium mulieris Parochi. Hinc in Synodo Provinciali II. Mechlinensi, Titulo III. Capite VII. cautum est, ut *puerperae cum a puerperio domum exeuntes, se*

ad Ecclesiam contulerint, a proprio Parocho juxta probatissimam Ecclesiae consuetudinem purificentur. Itaque nititur haec Synodus probatissima Ecclesiae consuetudine, quam merito Sacra Congregatio confirmavit, teste Vanespem Parte II. *Juris Ecclesiastici*, Titulo II. Cap. V. num. IX. Cum enim Pastores Civitatis Antuerpiae ad Sacram Congregationem querelas detulissent, quod, non obstante contraria consuetudine, necnon Constitutione Synodi Provincialis per Sacram Congregationem recepta, & per Sedem Apostolicam approbata, Regulares Mendicantes... auderent in suis Ecclesiis mulieres post partum ad purificationem admittere; Sacra ipsa Concilii Tridentini Interpretum Congregatio die XVIII. Novembris anni MDCLXII. decrevit, praedictis Regularibus Civitatis Antuerpiae id non licere. Quod hic a Sacra Congregatione declaratum fuit, etiam in Synodo II. Provinciali Cameracensi, Titulo VI. Capite XII. decretum fuerat his verbis: *Prima vice, quae mulieres a puerperio domum exeuntes, juxta antiquam Ecclesiae consuetudinem ad Ecclesiam vello se conferant, gratias actura Deo pro beneficio puerperii, & ut a proprio Pastore, seu ejus vicem gerente, & non ab alio, purificentur.*

VII. Sed age explicemus ritus hujus benedictionis. Et quidem, si vetustum Ritale insignis Ecclesiae Catalaunensis consulamus, mandat Ritale ipsum, ut mulieres purificandae accedant ad Ecclesiam, Missam auditurae, in ejusque sine prope Altare adsistent, quousque Presbyter manu panem tenens, cum benediceret hunc plane verbis: *Adjutorium nostrum in Nomine Domini &c. Sit Nomen Domini benedictum &c. Oremus. Benedic Domine hanc creaturam panis, qui benedixisti quinque panes in Deserto, ut manducant eum, purgata a vitiis, salutem consequantur mentis, & corporis. In Nomine Patris &, & Filii, & Spiritus Sancti. Amen.* Benedictum panem, & Aqua benedicta aspersum tradebat Presbyter mulieri comedendum, deinde vero pacem ad osculandum, ac tandem eam, ac circumstantes Aqua benedicta aspergebat. Idem ritus legitur etiam in veteri Rituali Lemovicensi: in quo tamen illud additum est, quod, *si sit consuetudo, Stola super caput posita, mulieris scilicet benedicta, dicit Evangelium: In principio: & post datat ei Stola ad osculandum, & dicit mulier Aqua benedicta aspersa recedit.* Meminit quidem & hujus ritus memoratum Ritale Catalaunense, praescribens Presbytero, ut *si mulier gravi infirmitate ante tempus purificandi in domo detineatur, & requirat, se esse purificandam, accedat ad eam, & dicat Evangelium S. Joannis. In principio erat Verbum &c. detique mulieri panem ad comedendum, & Stola ad osculandum, aspergatque eam Aqua benedicta, & recedat.* Ubi nota, Evangelium ipsum debuisse dici, ubi mulier egrotans purificatae domi, cum alias Ritualia Lemovicense praescribat, dicendum etiam in Ecclesia, ubi mulier benedictionem acceperat.

VIII. Neque vero in solis ipsis Ritualibus Catalaunensi, & Lemovicensi, occurrit Ordo benedictionis mulieris post partum in domo, verum etiam in aliis multis, ac praesertim in Sacrodotali Romano Venetis edito anno MDLXVII. ubi ritus ita praescriptus legitur: *Sacerdos ingrediens domum mulieris, quae peperit, dicat in ingressu: Pax huic domui, & omnibus habitantibus*

bus in ea. V. Adjutorium nostrum in Nomine Domini. R. Qui fecit Caelum & Terram. Psalm. Laudate pueri Dominum. Psalm. Beati omnes, qui timeant Dominum. Psalm. Deus miseretur nostri. Antiph. Anima mea illi vivet, & semen meum serviet ipsi. Kyrie eleison, Christe eleison, Kyrie eleison. Pater noster. Et ne nos inducat in tentationem. Sed libera nos a malo. Amen. V. Salvam fac ancillam tuam. R. Deus meus sperantem in te. V. Mitte ei Domine auxilium de Sancto. R. Et de San tuere eam. V. Eslo ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Domine nobiscum. R. Et cum spiritu tuo. Oremus. Domine Sancte, Pater omnipotens, aeternus Deus, qui benedictionis tuae gratiam agris infundendo corporis, salutarum tuam multiplici pietate custodis, ad invocationem tuam Nominis Sancti benignus assiste, ut hanc famulam tuam dextera tuae virtutis tuearis, potestate confirmes, signaculo Sanctae Crucis benedicas, atque tuae Ecclesiae, & Sanctis Altaribus eam feliciter restituas. Per Dominum nostrum. Addit mox: Et tunc aspernatur Aqua benedicta. Haec tenus Sacerdotale Romanum post medium Saeculum XVII. editum, ut vel inde intelligas, etiam posterioribus Saeculis viguisse ritum illum ceteroque minus proprium benedicendae mulieris post partum etiam domi, ubi egrotaret.

IX. Adhibitum fuisse panem benedictum, eumque mulieri comedendum traditum, addidimus, non modo ex Ritualibus Catalaunensi, & Lemovicensi, sed & ex Provinciali Concilio III. Mediolanensi, Cap. inscripto, *Qua ad Sacramentalia, & Sacramenta generatim pertinent*, ubi S. Carolus inter alia Parochum munit, ne feminis post puerperam ad Ecclesiam venientibus panis benedictus sub hostia forma praebeatur. Corrigit praeterea ibidem ritum, quem alias Ritualia antiqua, Catalaunense, & Lemovicense, permittebant, ut nimirum mulieri egrotanti posset post partum benedictio domi impertiri. Vetat id enim non uno in loco, ac primo quidem in ipso Concilio III. sic dicens: *Ad preces, quae supra puerperas fundantur, cum post prolem evissam, illo illurae gratias ad Ecclesiam se confert, Parochus puerpera domum ne ingrediatur, etiam si mulier ob adversam valetudinem, Ecclesiam adire nequeat.* Idem totidem verbis legere est in ejusdem Sanctissimi Antistitis Synodo III. Diocesana, Decreto XIV. & in instructionibus Baptismi, Capite, quod inscriptum est, *Quae servanda sunt post Baptismum*, ubi ita inquit: *Cavebit, Parochus scilicet, ne ob eam causam, benedictionis nempe post partum, ipse puerpera domum ingrediatur, etiam si illa adversa valetudine labores.*

X. Haec S. Caroli Decretis adjuvni possent variorum Conciliorum Statuta, atque insignium Ecclesiarum Ritualia, ex quibus non modo cautum est, ne mulieres egrotantes domi purificetur, verum etiam ne per substituta quidem personas. Utroque abusus domnat certe Pastorale Mechlinense, ubi ita edicit: *Si contigerit, mulierem adversa valetudine certo tempore a purificatione impediri, differatur purificatio, donec attingue restituta, in Ecclesiam ingredi possit, etiam si mortis imminet periculum, quia purificatio extra Ecclesiam facienda non est; neque substituenda alia mulier purificanda*

in locum defuncta puerpera. Ridicula profecto erat haec substitutio, meritoque a laudato Pastoralis improbat. Nam alias quod purificationem spectat mulieris egrotantis domi, licet hodie passim & ipsa a Synodis, atque a Ritualibus vetetur, probata jam olim oihilominus fuit ab antiquis Ritualibus, Catalaunensi, & Lemovicensi superius descriptis; quibus etiam adjungi potest Euchologium, sive Ritale Graecorum, in quo leguntur *Orationes in mulierem puerperam die nati ejus prae primo; quas quidem Orationes doctissimis Notis illustravit Jacobus Goar Dominoicaeus, varisque auctoritatibus, ac rationibus munit ritum ipsum Graecorum purificandi puerperam domi tamen non egrotantem. Nolim autem, quispian putet, me Graecorum hunc morem referentem, ritum illum probare, qui aliquando in quibusdam locis Ecclesiae Latinae invaluit, purificandi scilicet domi egrotantem puerperam. Constante sjo, quod alias Ritualia, ac Synodi passim praescribunt, non esse permittebant purificationem extra Ecclesiam, etiam si puerperis periculum mortis immincat; non enim de ritu tanti momenti agitur, ut non possit vel a puerperis sanis sine scropulo ullo omitti; uti perspicue constat ex initio nostri hujus §. ubi arbitrio illarum relinquitur, si velint ritum ipsum servare: *Signa puerpera*, inquit, *post partum, iuxta piam, ac laudabilem consuetudinem, ad Ecclesiam venire voluerit, pro incolumitate sua Deo gratias agens, petieritque a Sacerdote benedictionem &c.**

XI. Optandum plane esset, ut ubi puerperae ad Ecclesiam accederet purificationis gratia, Parochi eisdem varia mysteria, & documenta, exponerent, quae in ejusmodi benedictione continentur, quaeque post Durandum, alioque Auctores explicuit Paulus Maria Quartus in Tractatu, *De benedictionibus*, Titulo II. Sectione XI. Praeludio II. Ergo, ut ait hic noster §. accedit mulier ad fores Ecclesiae, ibique foris ad limina genuflexa, & candela accensa in manu tenens Aqua benedicta a Sacerdote Superpellico, & Stola alba induto aspergitur. Variat nonnihil Sacerdotale Romanum anni MDLXVII. Cap. XI. ex cujus praescripto, nulla facta mentione candelae accensae, quam tenere manu debet mulier ante fores Ecclesiae genuflexa, *Sacerdos cum Superpellico, & Stola* (nulla & hic mentio coloris est) *facta confessione ante portam Ecclesiae, aspergit mulierem Aqua benedicta.* Licet etiam de hujusmodi candela accensa oihil dicatur in citatis Ritualibus Catalaunensi, & Lemovicensi, ritus tamen antiquus est, ut puerpera scilicet benedictionem post partum solceptura, cererum accensum teneret. Id enim perspicue addidimus ex Matthaeo Westmonasteriensi ad annum MXXXVI. ubi refert, quod cum Philippus Rex Galliae de Guillelmo Normanno per jocum dicitisset, eum velut puerperam decumbere, *Cum ad Messum*, inquit, *post partum iero, centum milia candelas illi illuminabo.*

XII. Sed audiamus, ut rem ipsam luculentius enarrat Matthaeus Parisius ad praedictum annum MCLXXXVII. *Rex Anglorum Galietus*, inquit, *in Normandia moram faciens aliquantisper se continuat a bello, quod in Francorum Regem cogitabat. Rex autem Francorum Philippus abutens ipsius patientia approbriose fertur dixisse. Rex Anglorum facit Rotomagi cubile suum*

in-

Insistat parturientium seminarum, Sed cum post partum se purificantur exierit, centum missa concilium cum eo veniam oblatum in Ecclesia. Quibusdam enim in locis, ut testatur Lupus Tomo IV. Operum editionis Venerit in Dissertatione De S. Leonis Nostris Aitit, purificanda mulier cum multo sociorum comitatu procedit ad Ecclesiam, & singulis gestant, ac offerunt eandem. Porro quod hæc mulierum purificatio ad exemplum Purificationis Deiparæ Virginis instituta sit, uti inter alios notat Durandus Lib. VII. Rationalis, Cap. VII. sicut in ipso Purificationis Festo solent ex antiquo ritu Fideles, ut suo loco dicemus, cereros accensos in manibus portare, ita quoque mulier purificationem faciens, candelam accensam manu tenet. Alpergitur tunc autem. Aqua benedicta, quia scilicet huiusmodi Aqua in omnibus fere benedictionibus ex antiquo pariter ritu adhiberi solet.

XIII. Asperisa Aqua benedicta muliere ibidem genuflexa, ex præscripto nostri §. dicit Sacerdos. *§. Adjutorium nostrum &c.* Antiphonam, *Hæc accipiet &c.* Psalmum XXI. *Domini est terra &c.* repetitæ Antiphona prædicta, deinde porrigit ad manum mulieris extremam partem Stole, cum introducit in Ecclesiam, dicens. Ingredere in Templum Dei &c. Variat & in hunc ritum Sacerdotale Romanum, in quo post Aquæ benedictæ asperisionem mulieri ante portam Ecclesiæ factam, dicitur quidem a Sacerdote *§. Adjutorium &c.* Sed deinde sequuntur varii Antiphonæ, ac Psalmi, nempe. *Miserere mei Deus &c.* *Domini est terra &c.* *Deus miseretur nostri &c.* Tum varii preces, ac deinde duæ orationes, quarum prima est, *Deus qui per Moysen famulum tuum Israeliticæ plebi mandasti, ut mulier, quæ filium peperisset, ab ingressu Templi sequestraretur; quæsumus, ut hanc famulam tuam N. ab omni inquinamento peccati mundare digneris; quatenus mente, & corpore mandata, sicut Matris Sanctæ Ecclesiæ valent penetrare, & tibi per sua delictis acceptabile munus offerre.* Per Dominam. Oratio altera hæc est: *Omnipotens sempiternus Deus, Pater Domini nostri Jesu Christi, Deus Subaoth, qui tuum Unigenitum una cum Matre sua post quadraginta dierum spiritum in Templo presentasti; benedicere digneris hanc famulam tuam N. quam ad Templum tuum tibi Domino Deo nostro purificandi gratia presentamus; & concede propitius, ut sicut eam per nostrum officium in Templum istud introducimus, sic post finem vite presentie Templum celeste mereatur introire.* Per eundem Dominum nostrum Jesum Christum Filium tuum, qui venturas esse judicatur vias, & mortuos, & sæculum per ignem. B. Amen.

XIV. Absolutis duabus hæc Orationibus, tunc mulier, sit prædictum Sacerdotale, habens candelam accensam in manibus, accipit a Sacerdote caput Stole, & Ecclesiam ingreditur, dicens Sacerdote: *Famula Dei N. ingredi in Templum Dei, ubi Beata Virginitas Virginis, qui tibi tribuit sanctitatem prælit.* Ex hac formula, sicuti & ex precibus a Sacerdote recitandis, manifeste apparet quod alias non semel in hoc Commentario notavimus, hanc mulierum purificationem post partum ad exemplum Purificationis Deiparæ Virginis fuisse institutam. Atque hinc est, quod Pastorale Mechlinense etiam monet, quod, si Missa celebretur, aptissime huic laudis

Officio congruat *Missæ de Purificatione Beate Mariæ*, quæ incipit: *Suscipimus.* Consequi Missam dici in benedictione huiusmodi, docent nos antiqua Ritualia Catalaunensia & Lemovicensia, itemque Sacerdotale Romanum citato loco, ubi edicitur, ut deinde Sacerdos (post recitatum scilicet eam formulam, *Famula Dei N. ingredi &c.*) celebret Missam, si hora est conveniens, & ipsa aliquid offerat Sacerdoti. Longe ante ipsa Ritualia consequi videri Missam in ipsa Puerperarum benedictione, patet ex citato superius loco Matthæi Westmonasteriensis, & ex Innocentio Papa III. Lib. I. Epistola, quæ inter Antipolitani Episcopum, & Lerinensem Abbatem circa Grassensem S. Honorati Ecclesiæ pacta firmat, ubi inter alia statutum fuit, ut *Monachi in purificatione parientium Missam non content, nec orationes exolvant.* Quod quidem satis & illud demonstrat, solitos fuisse olim Monachos, & quidem ante Innocentium III. id est ante Sæculum Christi XII. quo ille claruit, benedictionem mulieri post partum largiri.

XV. Neque vero præterenda silentio est, clausula illa, quæ in citato Sacerdotali Romano legitur, ubi edicitur, ut in Missa, quam Sacerdos in puerperæ benedictione celebrat, ipsa aliquid offerat Sacerdoti. Nullam prorsus de hac oblatione in nostro Romano Rituali, & recte admodum, ne ansa deinde, ut saepe contigit, daretur Sacerdotibus aliquid exigendi. Verum non dubito, quin laudanda summo sit coram locorum consuetudo, in quibus mulieres diciores post susceptam benedictionem sponte aliquid darent, ut & in ipsa oblatione initerentur Christi parentes, de quibus ita legitur in Evangelio Festi Purificationis Deiparæ, Lucæ Cap. II. *Postquam impleti sunt dies purgationis Mariæ secundum Legem Moysi, toleravit Jesum in Hierusalem, ut sifterent eam Domino, sicut scriptum est in Lege Domini. Quia omne masculinum adaperiens uterum, Sanctum Dominus concubitor, & ne darent Hostiam secundum quod dictum est in Lege Domini, per turturum, aut duos pullos columbarum.* Porro non posse Parochos eam sibi usurpare oblationem, quæ occasione benedictionis prædictæ a mulieribus puerperis sit Ecclesiis Regularibus, sed eam ad ipsos Regulares pertinere, decissimè refert Leander a Sacra Cardinalium Congregatione, ut supra notavimus. Et nequid hic omitamus, quod inopes mulieres spectat, si post partum vellet & ipsæ ad Ecclesiam accedere, & benedici, deceret quammaxime, ut ipsis, qui præest Ecclesiæ, cererum, quem accensum habere illa manu debet, libenter præstaret, ut saltum non semel vidi in nostra S. Hieronymi Charitatis Ecclesiæ.

XVI. Ad orationem quod attinet in fine §. I. descriptam, quæ incipit, *Omnipotens sempiternus Deus, qui per Beata Virginis partum &c.* vix illa invenitur in antiquis Ritualibus, quinimo diversa ab illis est, quas supra descripsimus, ex Romano Sacerdotali. In Ritualibus Catalaunensi, & Lemovicensi, in quibus, mulieribus post partum purificandis panis benedictus ad manducandum tradebatur, hæc extat ad benedicendum ipsum panem oratio: *Benedic Domine hanc creaturam panis, qui benedixisti quinquæ panes in Deserto, ut manducaret eam purgata a vitio, salutem consequatur menti, & corpori.* In Novissime Patris & Filii, & Spiritus

virtut Sancti. Amen. Peracta hac Benedictione, mandant mox citata Ritualia, ut sic benedictus panis, & Aqua benedicta conspergat, tradatur mulieri comedendus; deinde, si sit consuetudo, Stola super caput posita, mulieris scilicet, dicit Evangelium, in principio; & post datam Stola ad osculandum, & dicta mulier Aqua benedicta aspersa recedit. Atque hic est finis Benedictionis mulieris post partum ex predictis Ritualibus. Ex Romano autem Sacerdotali hunc in modum caeremonia ipsa finitur: vult quippe, ut celebrata Missa, & facta Sacerdoti oblatione, ut supra dictum fuit, deat Sacerdos Evangelium Sancti Joannis, & Evangelium. Postquam impleti sunt dies purgationis Maris &c. postea deat Orationem sequentem: Absolve quesumus Domine delicta famulae tuae N. & a peccatorum suorum nexibus, quae pro sua fragilitate contraxit, tua benignitate liberetur; & orationem: Deus, qui saluti aeternae &c. vel, Concede nos famulos tuos &c. Et Benedictio Dei Omnipotentis, Patris &, Filii &, & Spiritus Sancti descendat super te, & maneat semper. Amen.

XVII. Reliquum est, ut ad calcem hujus Commentarii, in quo potissimum de ritu Ecclesiae Latinae differimus circa puerperas purificandas, & istud notemus, Benedictionem post partum ei tantum mulieri concedi, quae ex Matrimonio peperit, non autem illi, quae ex fornicatione, & potissimum ex adulterio, aut damnato alias coitu parturit. Illi plane docent communiter Doctores, ac statutum etiam in Synodi, ac Ritualibus legi. Mirum autem videri potest, quod Stephanus Cantuariensis Episcopus, teste Matthaeo Parisio Decretum hocce ediderit, ut nimirum concubinae Sacerdotum, & Sacerdotum Clericorum, si pepererint, non purificentur, nisi prius sufficientem cautionem praestiterint Archiepiscopo. Saeculo xi. ac sequenti generalis fere fuit incontinentia Clericorum, qui & in eum errorem inclinerant, ut putarent, licite posse etiam Sacris Ordinibus initiatos Jucere uxores, ac filios procreare. Quantum adlaborarint Romani Pontifices, eorumque Synodi, tum Generales, tum particulares, profligandae hujusmodi incontinentiae pesti, jam satis ostendimus Tomo 111. Conciliorum in Commentariis ad Synodum Generalem 1. Lateranensem. Non ergo mirum, si sacerdotum hominum concubinae, quae censebantur uxores, post partum purificarentur, tum praesertim quod Parochi ipsi uxores etiam ducant, juxta abusum ejus aevi, contra quem acriter dimicavit S. Gregorius Papa VII. & S. Petrus Damiani Sanctae Romanae Ecclesiae Cardinalis.

XVIII. Sed hoc abusu omisso, ut paulo superius de ritu Ecclesiae Orientalis dicamus circa puerperarum purificationem faciendam in Ecclesia quadragesimo a partu die, sciendum plane primum, quod ex Graecis Scriptoribus tradidit eruditissimus Jacobus Goar in Notis ad Orationem pro muliere puerpera post quadraginta dies, num. 4. corporum munditiam tantam requiri a Graecis in Ecclesiis, ut a partu nondum purgatas mulieres ab illarum ingressu arceant; & mensuris defluentibus inquinatae, rubore contempto, conscientia urgente, se ipsis hodie eliminant, panem pro oblatione pinfore detraherent, sed & Sacra quaevis tangere, Reliquiasque deofulari vereantur; illisque satis est, jux-

ta limina, forsique sub dio oculis transeuntiam expositas stare: Templum ingredi, vel Sanctuarium ipsas esse participet, non deest, inquit Graecus Ballamon apud laudatum Goar. Quod tamen negari non potest, quin etiam fuerit in usu apud Latinos, non quidem quasi ea Lege tenerentur, sed ob solam decentiam, mulierem etiam profuvis sordibus inquinatam a sacris liminibus, & Sacramentis recipiendis arceant. Quamvis enim Gregorius III. Summus Pontifex in Canonibus penitentialibus excerptis ex Patrum antiquorum dictis, & sententiis, de quibuscumque ad Graecorum rigorem (a Graecis enim orlandus, ab illis ad ritum Latium deflexerat) sanctum esse voluerit, in excerpto Cap. xxv. Tomo vi. Bibliothecae Patrum, ut mulieres menstruo tempore in Ecclesiam non intrent; quod si praesumpserint, tres hebdomadas peniteant; nonnulli enim Patres ita desinuerunt; post receptum tamen apud Latinos hujusmodi usum, auctoritate Patrum antiquorum fultum, idem ipse ex Gregorio I. Lib. xii. Epistola ad interrogatum x. Augusti, referentibus subiacet hanc meliorem sententiam: Non tantum ejusmodi feminam non debere vetari in Ecclesiam intrare, atque Sacris assistere, sed sanctae communionis mysterium in illis diebus percipere non debet prohiberi. Si autem ex veneratione magno percipere non praesumit, laudanda est, sed si perelipat, non judicanda. Si mulier vera eadem, quae genuerit, citra gratias intret Ecclesiam, nullo peccati pondere gravatur. Voluptas enim carnis, non dolor in culpa est. In carnis autem commixtione violata est, sed non in prolis prolatione remittit. Unde & ipsi prius omnino matri dicitur: In doloribus paries. Si ergo enim mulierem intrare Ecclesiam prohibemus, ipsam ei panem in culpa deputamus.

XIX. Haec Gregorius III. ex S. Gregorio I. in responsione ad interrogationem x. Augustini Cantuariensis in Anglia Episcopi, quod legitur in citato Libro xii. ejus Epistolarum, ubi sic etiam ad rem inter alia inquit: Mulier dum ex consuetudine menstrua patitur, prohiberi Ecclesiam intrare non debet, quia ei natura superfluitas in culpa non valet imputari; & per hoc quod invita patitur, justum non est, ut ingressu Ecclesia privetur. Novimus novique, quod mulier, quae sanguinis fluxum patiebatur, post tergem Domini veniens, vestimentis ejus sordibus tetigit, atque statim ab ea sua infirmitas recessit. Si ergo in fluxu sanguinis posita laudabiliter potuit Domini vestimentum tangere, cur quae menstruum sanguinis patitur, ei non liceat Domini Ecclesiam intrare? Adhuc & alia Gregorius, quibus magis, magisque ostendit, nulla teneri lege Christianas puerperas ab ingressu Ecclesiae abstinere quadraginta diebus, eisque elapsis post partum purificari, tamen hujusmodi purificationis disciplinam, vel etiam nostrum hoc tempore tenacissimi Graeci sint.

XX. Ritus Graecorum in ea purificatione fere omnem egregie exposuit Symeon Archiepiscopus Thessalonicensis, cujus locum censui & hoc loco describere: Quadraginta die rursus in Templum a matre puer adducitur, illamque vocat dominum esset Deo. Stans namque Sacerdos praetempli sordibus (neque enim oratione nondum facta, fas est inducere) matremque cum facta Crucis signans, precibusque illor expians,

*matris quidem Quadragesimum dierum, in qua fetus in ipsa perfectus fuit, & exilire incipit, a diem illi, a voluptuosa, & immunda natiuitate purgationem largitur, & in Templum permittit ingressum, cum illac usque neque aditus, neque mundissimi mysteriorum participatione digna fuerit; puerum autem in manus suscipiens, Symeonem puerum Dominum nihil complectentem representat, & Nunc dimittis seruum tuum, Domine, decantans, puerum a peccato solui, & Christum lucem aspiciere rogit. Et, si quidem puer baptizatus fuerit, ad sanctam usque Altare inducit, & in circuitu quasi adorantem, & donum Deo oblatum, Floremque suam suauis cultu ventratum deportat; si minus fuerit Baptismo illustratus, ad cancellos usque desert insistentem adorationis cultum demissum, matrisque restituit, & demissionem facit. Exinde Catechumens annueratur puer; expurgataque mater Templum ingrediendi, & mysticis participandi licentiam accipit. Haecenus Symeon Thessalonicensis ritum cum Orientalis Ecclesiae explanans, laudandamque summo prece potantem hanc Christianorum omnium consuetudinem, ut mulier partu accubitus exiliis prolem ipsi Deo praesentatam propriis manibus ad Ecclesiam deferret. Atque hac facit, quod statuit S. Carolus in Concilio Provinciali Mediolanensi xv. Constitutionum Parte II. Capite inscripto, *Quae pertinent ad Sacramentum Baptismi*, ubi haec habet: *Quod pil instituti, sanctaeque consuetudinis est, id ad usum ubique restitui, inductio, nos in Domino cupientes, monemus, a Parocho, ubi primum Parochia sua pueri in Ecclesiam introducantur, illis prius precatione, benedictio, ad Sacerdotalem, Ritualis Libri praescriptum. Statimque mox subiicit, quod, hoc ut diligentius praestet aliquando, prout obseruaverit Parochialis seu Ecclesiae Fideles instituti huius, & consuetudinis aduocent.**

XXI. Sed ut de ritu Graecorum loqui pergamus, extant in eorum Euchologio variae Orationes in mulierem puerperam, ac tres primum recensentur in puerperam die nati ejus patri primo. Quam quidem caeremoniam antiquiorem esse Symeonis Thessalonicensis tempore, perspicue demonstrat idem Auctor in Libro De Sacramentis, ubi proposita sibi Quaestione, *Quare in pueri natiuitate a Sacerdote fit Oratio?* hoc responsio Quaestionem resoluit: *Quandoguidem cum carnis nati, ad spiritus regenerationem hac via deduci nos rovenit; Ecclesia Christi, ut immaculata, & in Christo sanctificata, inter Deo devotos peccatricem nostram, & ex carne generationis patriae emundare aggreditur; & a matre devota facta edito, advenit Sacerdos, Deoque laudem agit, quia natus est homo in mundo; signoque Crucis puerum benedicit, & vitum permovere, & Baptismum, Christumque recipere possulat, & matri, quae ad salutem conducunt, precatur. Tam illi, aliisque cum ea mulieribus gratia, sanctificationisque donum impertit, & licentiam propria sibi opera semper exequi concedit, usquamque impedit ab illis aggrediendis, aut immandis se putare, aut anxius esse, propter invidi invidi dubio sibi in mente praesentata, eo quod peccati, & voluptatis partiali ministerio. Usitatum fuisse aliquando, & apud Latinos hunc morem, ut puerpera a Parocho domi benediceretur, constat ex Concilio*

Provinciali III. Mediolanensi, Capite inscripto, *Quae ad Sacramentalia, & Sacramentorum generationem pertinent*, ubi S. Carolus morem illum fultulit.

XXII. Extat praeterea in eodem Euchologio Oratio in mulierem puerperam post viginti, vel quindecim dies; ac tandem Oratio in mulierem puerperam post quadragesima dies, cujus integrum ritum lubet hoc loco ex praedicto Euchologio referre, multa enim continet, quae praesentem materiam quammaxime exornant. Sic ergo habet: *Quadragesimo vero die Templum praesentatur puer, ut Ecclesiae aggregetur, idest, ut ad Ecclesiam induci principium, a sumat, a matre vero jam plene mandata, lotaque adstante, etiam qui susceptoris munus in Baptismate obitatus est, offertur. Sacerdos vero benedictione praemissa, dicit: Ter Sanctus. Sanctissima Trinitas, tam, Pater noster. Quia tuum est. Deinde Dimissorialem, aut quod eo die occurrat, aut quod Sancti eundem in diem incidentis proprium est: Gloria. Et nunc. Precibus, Domine, Sanctorum omnium. Et matre cum puera rapit inclinate, Cruet super eum signum facis Sacerdos, & manus caput ejus tangens, dicit Orationem, Dominum precemur. Domine Deus Omnipotens, Pater Domini nostri Jesu Christi, qui naturam omnem rationalem, & rationis expertem verbo tuo condidisti, qui cuncta ex non entibus ad esse adduxisti: te rogamus, & te precamur, famulam tuam hanc N. quam tuo benedictio servasti, ad tuam Ecclesiam uno accedentem ab omni peccato, & ab omni forde purga, ut abique offensa Sanctorum mysteriorum particeps fieri mereatur (sedendum, hucusque tantum Orationem lepi, si non sit in vicis infans, deinde clara voce.) Quia bonus, & misericors Deus. Puer etiam ex eo nato benedici, fac illum crescere, sanctificari, intrare, prudentem reddere, bonis moribus imbue; quia tu illum in mundum eduxisti, & ot tempore praestituto spiritualis luminis compos fiat, lucem ei sensibilem demonstrasti, utque sancto tuo gregi annumeretur, per Unigenitum Filium tuum, cum quo benedictus es, cum sanctissimo, & bono, & vivifico tuo spiritu, nuoc, & semper, & in saecula saeculorum. Amen. Pax omoibus. Capita vestra Domino inclinate.*

XXIII. Sequitur mox Oratio, quae inscribitur, *In pueri matrem Oratio*, estque hujusmodi: *Domine Deus noster, qui advenisti in salutem generis humani, adveni & super ancillam hanc tuam N. & per venerandi Presbyterii preces, da ad Ecclesiam tuam sanctam Catholicam, & ingressum Templi gloriae tuae illum confingere concede; & honorandi Corporis, & Sanguinis Christi tui participem fieri dignare; fordes corporis ejus, & maculas animae ablue in quadragesima dierum numero, ut digna, quae in Templum sanctum tuum ingredietur, efficiat, sanctificam Nomen tuum nobiscum glorificet, Patris, & Filii, & Spiritus Sancti, nunc, & semper, & in saecula saeculorum. Amen. Huic Orationi accedit alia in puerum Oratio, cui Sacerdos Crucem imprimens, rursus bene precatur, sic inquit: *Dominum precemur. Domine Deus noster, qui in quadragesima dierum termino, cum puer ad Legale Templum a Maria nuptialis amplexus aperte, & sanctissima tua Mater adducit, & in iusti Symeonis ulnis depo-**

ta.

tatus est: ipse Omnipotens Domine hanc quoque puero, ut eoram te amicum factorem presentaretur, delato benedic: in omne bonum, & sibi placitum opus, ab eo signata cuncta potestate adversa, per conformationem figuræ sanctæ Crucis illum, crescere jube: tu enim es infantium custos, Domine, ut sancti Baptismatis ucepto dono, pariter Electorum Regni tui confort fiat, nobiscum custodius gratia sancta, & consubstantialis, & individua Trinitatis. Tibi nunquam conuult omnis gloria, gratiarum actio, & adoratio, cum principii experte tuo Patre, & eum Sanctissimo, & bono, & uisifico tuo Spiritu, nunc, & semper, & in secula seculorum. Amen.

XXIV. Recitata hac Oratione, dicit Sacerdos, Pax omnibus. Capita vestra Domino inclinate. Tum vero mox ita precatur: O Deus, & Pater Omnipotens, qui per grauidilogum inter Prophetas Esaiam prænuclisti nobis iuramentum Unigeniti Filii tui, & Dei nostri, qui ultimis temporibus tuo benepactio, & Spiritus Sancti ope, propter mortalium salutem, immensa elementia, ex ipsa infans suscepit fieri, & juxta consuetum sancta tua Legis morem, completis purificationis diebus, ipse uerus Legislator in Templo presentari sustinuit, & in iusti Symonis uulsi deservi permisti, easque mysterii typum, in Propheta præfato per carbonis foveam, manifestatam agnovimus, cuius normam nos quoque fideles in Gratia Legge asseruamus: Ipse nunc puerorum custos, Domine, puero huic, parentibus, & Susceptoribus ejus benedic, & tempore congruo, per Aquam, & Spiritum regenerationem, tuo saculo rationalium primum Nomen Christi tui invocantium greci illius annuclari dignare. Quia tu in excessu humilitas, & humilia respicis, & tibi gloriam referimus, Patri, & Filio, & Sancto Spiritui, nunc, & semper, & in secula seculorum. Amen.

XXV. Hac demum Oratione finita, ut ait Euchologium loco citato, Sacerdos, accepto puero ante fores Templi, cum eo Crucem efformat, dicens: Ecclesiam ingreditur Servus Dei N. in Nomine Patris, & Filii, & Spiritus Sancti, nunc, & semper &c. In Templum deinde inducit, dicens: Introibit in Domum tuam; adorabit ad Templum sanctum tuum. Et in medium usque Templi intrat, dicens: Ecclesiam sit confort Servus Dei N. &c. Post hæc ait: In medio Ec-

clesiam laudabo te. Tam insert usque ad Altaris portas, dicens: In Ecclesia recipitur servus Dei N. Et ad sanctum usque Altare inducit, si fuerit masculus; si vero femina, ad usque speciosas portas, dicens: Nunc dimitis. Quibus expleti, dimittit eum ad Altaris portas. Suscipitur triplici adoratione præmissa, & elevat eum, & discedit. Sacerdos dimissionem, ut moris est, absolvit. Porro Euchologium Barberinum num. 88. apud Jacobum Goar in variis Lectionibus ritus hucusque enarrat, Susceptor, inquit, accendit cereos, & extra Ecclesiam eum paetroat. Et paulo post: Tam Sacerdos cereos assument, & puerum ingreditur ad Altare, & inclinans puerum versus sanctam Mensam, ut adoret, dicit: Dominum Deum tuum adorabis, & illi soli seruias: Postquam vero circumdabit Altare, Sacerdos egreditur, & puerum in terra deponit, & tollit eum Susceptor cum cereis.

XXVI. Hæc plura sunt, quæ Euchologium præscribit in Oratione, quæ inscribitur in mulierem puerperam post quadraginta dies, memoratque hic digna est alia Oratio in mulierem, cum abortitur, siue pro muliere abortivum patiente, in quam videri eoam possunt eruditissimi Jacobi Goar Notæ. Sed his omisiss, optandum plane esset, ut siqua puerpera post partum juxta plam, atque laudabilem consuetudinem ad Ecclesiam ire voluerit, pro inculanitate sua Deo gratias actura, & benedictione donari desideret, prolem etiam secum ferret, exemplo Deiparæ Virginis, & Spousi ejus S. Joseph, qui, uti legitur in Evangelio Lucæ, Cap. II. Tulit eum Jesum in Jerusalem, ut offerrent eum Domino. Porro extat in Romano Sacerdotali anno MDLXVII. Venetis impresso, ac in aliis antiquis Ritualibus Caput inscriptum, De benedictione puerorum a parentibus ad Ecclesiam adductorum, ut nempe a Sacerdotibus benedicantur. Quem quidem ritum inter alios S. Carolus restaurandum statuit in Concilio Provinciali Mediolanensi IV. cujus verba nos supra num. XX. attulimus. Cæterum licet ea, quæ hucusque in his Commentariis diximus, Patrum, Canonum, Ritualium veterum, aliorumque insignium testimoniorum auctoritate asseruerimus, cuncta nihilominus, sicut & reliqua Opera nostra, quæ scripsimus, ac deinceps, Deo dante, scribemus, Romanæ Apostolicæ Sedis judicio subicimus.

FINIS TOMI I

Soli Deo honor, & gloria.

24

